


Cohãcjũ Yere
Yahuducuri Tju



New Testament in Piratapuyo (CO:pir:Piratapuyo)

Cohãcjũ Yere Yahuducuri Tju
New Testament in Piratapuyo (CO:pir:Piratapuyo)

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files dated 29 Jan 2022
ad83cef1-6eb5-5233-a8f3-356e47bbda0d

Contents

San Mateo	1
San Marcos	71
San Lucas	113
San Juan	187
Hechos	239
Romanos	304
1 Corintios	336
2 Corintios	367
Gálatas	387
Efesios	398
Filipenses	409
Colosenses	416
1 Tesalonicenses	423
2 Tesalonicenses	429
1 Timoteo	433
2 Timoteo	442
Tito	448
Filemón	452
Hebreos	454
Santiago	479
1 San Pedro	487
2 San Pedro	495
1 San Juan	500
2 San Juan	507
3 San Juan	508
San Judas	509
Apocalipsis	512

San Mateo

Jesucristo Cohãcjũ macũno tiquiro acaye panopũ cjẽna ijire (Lc 3.23-38)

¹ Jesucristo acayere panopũ cjẽnare yahutja yũhũ. Tiquiro ñecũno mũnano panopũ cjũno Davi wame tiriquire ijie tiahye. Tiquiro ijiato pano tiquina ñecũno mũnano iji turiariquire Abrahã wame tiriquire ijie tiahye.

² Abrahã Isaac pacũro ijiahye. Isaac Jacob pacũro ijiahye. Jacob Judã gãhũ pacũro ijiahye.

³ Fare, Zara mehna tiquina pacũro Judã ijiahye. Tiquina pacoro Tamar wame tiricoro ijiahye. Fare Esrom pacũro ijiahye. Esrom Aram pacũro ijiahye.

⁴ Aram Aminadab pacũro ijiahye. Aminadab Naasón pacũro ijiahye. Naasón Salmón pacũro ijiahye.

⁵ Salmón Booz pacũro ijiahye. Tiquiro pacoro Rahab ijiahye. Booz Obed pacũro ijiahye. Tiquiro pacoro Rut ijiahye. Obed Isaí pacũro ijiahye.

⁶ Isaí Davi pacũro ijiahye. Davi pehe Israe masa pũhoro ijiahye. Tiquiro Uria wame tiriquire mũnano namonore tiquiro namo tiri bato Salomo wame tiriquire pohna tiahye.

⁷ Salomo Roboam pacũro ijiahye. Roboam Abia pacũro ijiahye. Abia Asa pacũro ijiahye.

⁸ Asa Josafat pacũro ijiahye. Josafat Joram pacũro ijiahye. Joram Uzia pacũro ijiahye.

⁹ Uzia Jotam pacũro ijiahye. Jotam Acáz pacũro ijiahye. Acáz Ezequia pacũro ijiahye.

¹⁰ Ezequia Manase pacũro ijiahye. Manase Amón pacũro ijiahye. Amón Josia pacũro ijiahye.

¹¹ Josia Jeconia gãhũ pacũro ijiahye. Tiquina ijiri pjere Israe yehpa cjẽnare Babilonia cjẽna pehe ñehe cãhye tiquina ya yehpapũ.

¹² Sa ye Babilonia yehpapũ tiquina esari bato, Jeconia Salatiere pohna tiahye. Salatiel Zorobabel pacũro ijiahye.

¹³ Zorobabel Abiud pacũro ijiahye. Abiud Eliaquim pacũro ijiahye. Eliaquim Azor pacũro ijiahye.

¹⁴ Azor Zadoc pacũro ijiahye. Zadoc Aquim pacũro ijiahye. Aquim Eliud pacũro ijiahye.

¹⁵ Eliud Eleazar pacũro ijiahye. Eleazar Matán pacũro ijiahye. Matán Jacob pacũro ijiahye.

¹⁶ Jacob José pacũro ijiahye. José María manano ijiahye. María pehe Jesu pacoro ijiri. Jesu pehe masare yũhũoatiquiro ijiro, Cristo tiquina ni pisuriquire ijiri.

¹⁷ Sa yeye Abrahãre mari queo mũhtagũ tee Davire mari queo bato tigũ ahriquina ijipihtiequina tiquina panamena mehna ijiye, catorce cururi waro ijiahye. Sa yeye mari pari turi Davire mari queo mũhtagũ tee Babiloniarũ Israe masare tiquina neato pano mari queo bato tigũ ijipihtiequina tiquina panamena mehna ijiye, catorce cururi waro pari turi ijiahye. Sa ye tuhasa Babiloniarũ tiquina esari bato mari queo mũhtagũ tee Cristo tiquiro masa bajuagũpũ mari queo bato tigũ ijipihtiequina tiquina panamena mehna ijiye, catorce cururi waro ijiahye tja.

Jesucristo tiquiro masa bajarire yahuahye (Lc 2.1-7)

¹⁸ Sa ye ohõ saha Jesucristo masa bajuari jiri. Tiquiro pacoro María pehe José mehna omoca dũhteaticoro ijiahye. Sa yero ticoro omoca dũhteato pano Espiritu Santo tutuaye mehna coã nijinogãre ne bũcũa cãhtarõ masiahye ticoro basi.

¹⁹ Sa yero José ticorore omoca dũhteatiquiro tire masino, potõ ijiyere yeriquiro ijiro ticorore cohãno tarõ nimahye. Masa tiquina ihõno ticorore bũoro ye dũeraro, masa tiquina tãhoato pano

yahuro marieno ticorore cohãno taro nimahye.

²⁰ Tire tiquiro tãhoturi watoa Cohãcjũ yaquiro angel pehe quehẽnopũ Josere bajuaro, ohõ saha niahye:

—José, Davi munano panami iji turiagũ, María mehna bue tiro marieno omoca dũhteya. Ticoro Espiritu Santo yedohoro mehna coã nijinogãre ne bucua cãhtaricoro ijire. Sa yegũ bue tiro marieno omoca dũhteya ticorore.

²¹ Ticoro pohna tirota. Tiquirota ticoro macunota tiquiro ya maca cjẽnare pecapũ wahaboriquinare yũhdũoatiquiro ijirota. Tiquiro sa yũhdũoatiquiro ijigũ ihãagũ Jesu wame yegũta mahũ tiquirogãre, niahye angel Josere.

²² Ahri ijipihtiye sa wahahye panopũ cjãno Cohãcjũ yere yahu mãhtariquiro tiquiro ni ojoariro sahata. Tire tiquirore Cohãcjũ ojoa dutiahye. Ohõ saha ni ojoahye Cohãcjũ yere:

²³ Nuhmino, nijinogãre bocaro pohna tirota ticoro macunogãre. Sa yero Emanuel wame tirota tiquirogã, ni ojoahye Cohãcjũ yere.

“Emanuel” nino “Cohãcjũ mari mehnata ijire”, nino niaga.

²⁴ Cohãcjũ yaquiro angel Josere tiquiro ni yahuri bato José pehe wahcã, angel dutiriro sahata María mehna omoca dũhteahye.

²⁵ Tiquiro macunogãre ticoro pohna tiato pano José pehe ticoro mehna ijiera tiahye. Ticoro pehe pohna tia wahahye. Sa yero tiquiro pehe macunogãre Jesu wame yeahye.

2

Asũ mãja taro cjẽna Jesugãre ihãañe esahye

¹ Herode Judea yehpa cjẽna pũhtoro tiquiro ijiri pje ti yehpapũ ijiri macapũ Belẽpũ Jesu masa bajuahye. Tiquiro sa masa bajuari bato ñahpicohare buheyequina ñahpicohare

quehnoano masiñequina asũ mãja taro cjẽna ahta, Jerusalẽpũ wihiahye.

² Sa wihiye, masare to cjẽnare sinituahye:

—¿Judio masa pũhtoro ijiatiquiro yojopũre nohopũ masa bajuagari tiquiro? Asũ mãja taropũ cjãna ijiaja. Sa yena ñahpicoha coã bajua wahã sagũ ihãana “Pũhtoro masa bajuaro niaga”, ni masii usã. Sa tia bajuagũ ihãana, usã ihcãno mehna tiquirore ño peona ahtaũ ohõpũ, ni, yahuahye buheyequina masare.

³ Sa ye apequina Herodere tire yahuahye. Tiquina sa yahugũ tũhoro Herode pehe bũjua witi tũhotuahye. Sa yeye ijipihtiyequina Jerusalẽ cjẽna gũhũ tiquiro yero sahata bũjua witi tũhotuahye tiquina gũhũ.

⁴ Sa yero Herode pehe ijipihtiyequina pahia pũhtoare, mari judio masare buheyequina gũhũre tiquiro piji cahmecoa peho, tiquinare sinituahye tiquiro:

—¿Nohopũ masa bajuaboagari Cristo pehe, mãsa tũhotugã? ni sinituahye tiquiro.

⁵ Ohõ saha ni yahuahye tiquirore:

—Belẽpũ, Judea yehpapũ ijiri macapũ Cristo masa bajarota. Ohõ saha ni ojoahye Cohãcjũ yere yahu mãhtariquiro:

⁶ Belẽpũ yeequinare Israe masare dutiatiquiro, tiquinare cohteatiquiro ahtarota. Sa yero apeye macari Judea yehpapũ ijire macari yũhdũoro ijire Belẽ pehe, ni ojoahye Cohãcjũ yere, ni yahuahye tiquina Herodere.

⁷ Tiquina sa ni yahuri bato Herode masa tũhoeropũ asũ mãja taropũ ahtariquinare pijioahye. Tiquiro cahapũ tiquina esagũ ihãano, tiquinare sinituahye. Tiquiro sa sinitugũ tũhoye, tiquina ñahpicohare ihãari decore yahuahye tiquina.

⁸ Tiquina sa yahuri bato Herode pehe tiquinare Belẽpũ ohoro, ohõ saha niahye tiquinare:

—Tiquirogãre quehnoano macaña. Tiquirogãre bocana yũhũre tojoana

yahu tojoaya. Yuhũ gũhũ tiquirogãre ño peou wahau tũũ niaja, niahye tiquinare Herode.

⁹ Tiquiro sa nidi bato, tiquina wahahye. Tiquina sa wahagũ asũ mũa taropũ tiquina ihñaria ñahpicoha pehe tiquina pano uhmũ tãducuahye. Sa yero nijinogã tiquiro ijiro bui waro tojoa wahã sahye tia ñahpicoha.

¹⁰ Sa yeye ñahpicohare ihñañe, tutuaro bucueahye tiquina.

¹¹ Nijinogã tiquiro ijiri wuhapũ esa, sajãa wahahye tiquina. Sa sajã saye, nijinogãre tiquiro pacoro mehna ijiriquirogãre ihñahye tiquina. Sa ihñañe tiquina dũsepe curi mehna quehe sa, tiquirogãre ño peohye. Ño peo tuhasa tiquina acarire pũohye. Urure, bueyere, mirra wame tiye ehme sitiye gũhare ne wio, tire tiquirogãre wapa marieno ohoahye.

¹² Tire oho tuhasa carĩa wahahye tiquina. Tiquina sa carĩgũ quehẽnopũ Cohãcjũ yahuahye tiquinare: “Herode cahapũ tojoeracãhña”, ni yahuahye Cohãcjũ tiquinare quehẽnopũare. Tiquiro sa ni yahuri bato, tiquina pehe wahcãhye. Tiquina sa wahcãri bato ape mahapũ tiquina ya dihtarũ tojoaa wahahye.

José gũhũ Jesugãre Egiptopũ ne duhti cãa wahahye

¹³ Tiquina sa wahari bato Cohãcjũ yaquiro angel quehẽnopũ Josere bajuaro, ohõ saha niahye:

–Wahcãña. Herode pehe nijinogãre wejẽno taro, macano nine yojopũare. Sa ye nijinogãre tiquiro pacoro gũhare Egiptopũ amũñano ne duhti cãa wahaya. Topũre yuhũ nidiro punota ijiya, tee yuhũ yahugũpũ, ni yahuahye angel Josere.

¹⁴ Tiquiro sa nigũ tũhoro, José pehe ñamita wahcã, nijinogãre, tiquiro pacoro gũhare Egiptopũ ne duhti cãa wahahye.

¹⁵ Egiptopũ esa, Herode catiro puno topũre ijiahye tiquina. Sa yeahye panopũ cjũno Cohãcjũ yere yahu mũhtariquiro tiquiro ni ojoariro sahata. Tire tiquirore Cohãcjũ oja

dutiahye. Ohõ saha ni ojoahye Cohãcjũ yere: “Egiptopũ ijiriquirore yuhũ macũre pijiou”, ni ojoahye Cohãcjũ yere.

Herode macanagãre wejẽ dutiahye

¹⁶ Sa ye ñahpicohare buheyequina tiquina duhti yuhũ cãgũ tũhoro Herode pehe usua yuhũaa wahahye. Sa usuaro, Belẽ cjẽnare, ti maca dũhtũ caha cjẽna gũhare tiquina pohne amũagãre pũa cũhma cũoyequinagãre wejẽ bato ti dutiahye tiquiro. Coã warore ñahpicohare buheyequina ñahpicohare tiquina ihñari decore yahuahye Herodere. Tiquina sa nigũ tũhoro tiquiro wejẽ duariquirogã masa bajuari decore masino, “Ohõpe cũhmari cũore” nino, pũa cũhma cũoyequinagãre wejẽ bato ti dutiahye.

¹⁷ Panopũ cjũno Jeremia Cohãcjũ yere yahu mũhtariquiro tiquiro ni ojoariro sahata wahahye. Ohõ saha ni ojoahye tiquiro:

¹⁸ “Ramã wame tiropũ bisirota. Tutuaro bũjũa witiye mehna utiye bisirota. Raquel panamena numia iji turiaye numiapũ Israe masa namosãnumia tiquina pohne tutuaro utieta. Tiquina pohne apequina wejẽgũ ihñañe, ne bũjũa witi duhusi”, ni ojoahye panopũ.

¹⁹ Sa ye Herode tiquiro yariari bato Egiptopũ ijiriquirore Josere Cohãcjũ yaquiro angel quehẽnopũ bajuahye. Sa bajuaro ohõ saha niahye Josere:

²⁰ –Nijinogãre wejẽ duamediquina yariaa wahari. Sa yegũ wahcãña. Tiquirogãre pacoro mehna Israe yehpapũ ne tojoaa wahaya mũhũ, ni yahuahye angel Josere:

²¹ Tiquiro sa nidi bato José wahcã, nijinogãre pacoro mehnata Israe yehpapũ ne tojoaa wahahye.

²² Sa yeperota Arquelao Herode macũno pehe tiquiro pacũro came-sariquiro ijigũ tũhoro José pehe Judea yehpapũ tojoa duaro cueahye. Sa yero pari turi tja quehẽnopũ tiquirore

yahu nemoahye. Tiquirore pari turi Judea yehpapu iji dutierahye. Tiquiro sa ni yahuri bato, tiquina Galilea yehpapu wahaa wahahye.

²³ Ti yehpapure Nazare wame tiri macapu ijiahye tiquina. Sa yeahye tiquina Cohācjū yere yahu mūhtariquina tiquina ojoariro sahata. Ohō saha ni ojoahye: “Cristo Nazare cjūnota ijire”, nieta masa”, ni ojoahye Cohācjū yere yahu mūhtariquina panopu cjēna.

3

Ñu wame yeriquiro masare yahuahye

(Mr 1.1-8; Lc 3.1-9, 15-17; Jn 1.19-28)

¹ Sa ye ti pjere Ñu Cohācjū yequinare wame yeriquiro ijiahye. Judea yehpapu masa marienopu tiquiro Cohācjū yere yahu dūcahye masare.

² Ohō saha ni yahuahye tiquinare: —Musa ñañe yerire bujua witiya. Tire duhuya. Hmuse cjūno Cohācjū masa puhtoro tiquiro ijiato mehenogā dūhsare, ni yahuahye tiquiro.

³ Panopu cjūno Isaia Cohācjū yere yahu mūhtariquiro Ñu tiquiro buheatire ohō saha ni ojoahye:

Masa marienopu yahuducu sañuducuriquiro ohō saha ni buherota tiquiro: “Mari puhtoro ahtato pano mahare mari quehnoyuro saha quehnoana ijiyuya masa. Musa ñañe yerire bujua witiya”, ni sañuducurota, ni ojoahye Isaia Ñure.

⁴ Sa yero Ñu camello poari suhtirore sañariquiro, wahiquiro cahsero mehna tūā dihoriquiro ijiahye. Poreroare, nucu cjē umi gūhure ihyaetiahye.

⁵ Jerusalē cjēna, ijipihtiro Judea yehpapu ijieyquina, Jordā wame tiri ma cahapu ijieyquina gūhure tiquirore tuhoye ahtahye.

⁶ Wihi, tiquirore tūho, tiquina ñañe yerire bujua witi, Cohācjūre tire

yahu yūhdūahye tiquina. Sa tiquina yahugū tūhoro Jordāpu Ñu tiquinare wame yeahye.

⁷ Sa yero peyequina fariseo masa, saduceo masa gūhure Ñure tiquina wame ye dutiye ahtagū ihñano tiquiro yahuahye tiquinare:

—Añaa yero saha ña yūhdūana ijire masa. Musa ñañe yerire bujua witi duerana Cohācjū masa ñañe yeri buhiri tiquiro buhiri dahreato pano duhti masiedare masa.

⁸ Sa yena potota masa ñañene bujua witiya. Quehnoañene comesaya. Sa yena quehnoañe pehere yeya masa.

⁹ Ohō saha ni tūhotueracāhña: “Panopu cjūno Abrahā mari ñecu manano ijie tiahye. Sa yena tiquiro panamena iji turiana ijina mari Cohācjū yequina ijiaja”, ni, tūhotueracāhña masa. Musare niita niaja. Abrahā panamena iji turiana ijimene masa. Musa sa ijiepegūta ti masa sa ijieye dūhseati ijierare. Cohācjū pehe ahri utā paca mehna Abrahā panamenare dojogū ye masine. Sa yero Abrahā panamena iji turiana masa ijieye ihyo waro ijire utā paca ti paca ihyo waro ijero sahata.

¹⁰ Ohō saha ijire: Masa yucari yero saha ijire. Cohācjū pehe yucariye quēatiare comeare cūoriquiro yero saha ijire. Sa yero ñañe dūca tiye cjūre quē cohā, ti nūhcori gūhure date surerota. Date sure tuhasa, pecapu ujūanota tiquiro ti cjūre, nūhcori gūhure. Sata yerota masa gūhure tiquirore cahmeeñequinare.

¹¹ Yūhure bato yūhure yūhdūoro tūtuariquiro ahtarota. Quehnoa yūhdūariquiro ijire tiquiro. Tiquiro yero saha ijieraja yūhure pehe. Sa yegū tiquirore tūhotugū, “Ihyo ijigū ijiaja yūhure”, ni tūhotuaja yūhure. Yūhure pehe masa ñañe yerire bujua witi duti, musare wame yegū aco mehna yemi. Tiquiro pehe yūhure yūhdūoro yerota. Espiritu Santore masa mehna ijiducugū yerota tiquiro. Sa yero peca ñañene ujūa wero sahata tiquiro ahtariquiro pehe masa ñañe yerire cose wērota.

12 Yuh̄u bato ahtariquiro cahseri coh̄ariquiro yero saha ijire. Cahseri coh̄ariquiro tiquiro batiro mehna ijipihtiye trigo cahserire puti were. Tiquiro sa puti weri bato trigo pehere tiquiro ihbori wuh̄up̄u ihborota. Sata yerota tiquina ñañene bujua witiyequinare yuh̄u bato ahtariquiro. Tiquiro puti weye cahseri pehere tiquiro uj̄anota. Ti peca uj̄ari peca ne yatisi. Sata yerota tiquiro yuh̄u bato ahtariquiro tiquina ñañene bujua witiyequinare, ni yahuahye Ñu.

*Ñu Jesure wame yeahye
(Mr 1.9-11; Lc 3.21-22)*

13 Came Jesu Galileap̄u ijiriquiro waha, Jordā wame tiri map̄u buha sahye Ñure wame ye dutiro.

14 Coã warore Ñu wame ye dueramahye.

—Yohou, m̄uh̄u pehe yuh̄u yuh̄uoro tutuaḡu yuh̄u pehere m̄uh̄u wame yeḡu quehnoaboaga. M̄uh̄ure wame yeboḡu ijieraja yuh̄u, ni yuhtimahye Ñu Jesure.

15 Jesu pehe yuhtiahye tiquirore:
—Yuh̄ure wame yeya. Oh̄o saha yena, Coh̄acj̄u dutiro saha sohtoa tina niaja mari, niahye Jesu.

Tiquiro sa niḡu tuhoro,

—Au, ni yuhtiahye Ñu.

16 Sa ni tuhasa, Jesure wame yeahye. Tiquiro wame ye tuhasaḡu Jesu diap̄u ducuriquiro maja d̄ucahye. Tiquiro maja d̄ucaḡu, uh̄manop̄u par̄i maahye. Coh̄acj̄u yaquiro Esp̄iritu bujua yero saha tiquiro bui dijia taḡu ih̄nahye.

17 Sa dijia taḡu uh̄manop̄u yahuducuye bisiahye:

—Ahriquiro yuh̄u mac̄u yuh̄u cah̄iniquiro ijire. Tiquiro mehna tutuaro bucueja, niahye uh̄manop̄u.

4

*Wat̄ino ñañene ye dutimahye Jesure
(Mr 1.12-13; Lc 4.1-13)*

1 Sa ye Esp̄iritu Santo pehe Jesure masa marienop̄u neahye, top̄u wat̄ino tiquirore ñañene ye dutiato saha.

2 Top̄u esaro cuarenta decori waro ihyaro marieno ijiahye Jesu. Sa yero uj̄ua ahbahye.

3 Uj̄ua tiquirore ahbaḡu ih̄ñano wat̄ino pehe tiquiro cahap̄u esaro, oh̄o saha niahye:

—M̄uh̄u Coh̄acj̄u mac̄u ijiḡu, ahria ut̄are ihyaye dojomehneña, nimahye tiquiro Jesure.

4 Jesu oh̄o saha ni yuhtiahye:

—Yeraja. Coh̄acj̄u yere tiquina ojoari p̄up̄u oh̄o saha nine: “Masare ihyaye mehna dihita catieraro cahmene. Ijipihtiye Coh̄acj̄u tiquiro ye yahuye mehna ijiro cahmene”, nine Coh̄acj̄u, ni yuhtiahye Jesu wat̄inore.

5 Tiquiro sa ni yuhtiri bato wat̄ino pehe Jerusal̄ep̄u “Coh̄acj̄u ya maca” tiquina nidi macap̄u Jesure neahye. Top̄u esa, Coh̄acj̄u ya wuh̄u bui Jesure ne sahye tiquiro.

6 Ne sa tuhasa, tiquirore oh̄o saha nimahye:

—Coh̄acj̄u yere tiquina ojoari p̄u oh̄o saha nine:

“Coh̄acj̄u tiquiro yequina angelere m̄uh̄ure ih̄ña ih̄bo dutirota. Sa yeye tiquina pehe m̄uh̄ure ih̄ña ih̄boeta ‘Ut̄ap̄u p̄uha tu maari,’ niñe”, nine tiquiro ojoari p̄u.

Tiquiro sa nidi poto ijiḡu m̄uh̄u Coh̄acj̄u mac̄u ijiḡu yehrap̄u uhpu dijia ih̄ñoña yuh̄ure. M̄uh̄ure tiquina yedohoḡu ih̄ñoña yuh̄ure, nimahye wat̄ino.

7 Jesu uhpu dijia ih̄ño dueraro oh̄o saha ni yuhtiahye:

—Coh̄acj̄u yere tiquina ojoari p̄u oh̄o saha nine: “M̄usa p̄uhtoro Coh̄acj̄u tiquiro nidire ‘¿Poto ijiajari?’ ni masi duana Coh̄acj̄ure ye ih̄ño duti tuhuerac̄h̄ña”, nine Coh̄acj̄u yere tiquina ojoari p̄u, niahye Jesu.

8 Tiquiro sa ni yuhtiri bato uh̄m̄u yuh̄d̄u can̄up̄u Jesure ne m̄ajahye wat̄ino tja. Tu buip̄u ne m̄aja sa pje, ijipihtiye macarine ih̄ñodoque dijioahye Jesure. Tiquina c̄uoye ḡuh̄ure ih̄ñoahye.

9 Sa ih̄ñoño Jesure oh̄o saha nimahye:

—Yuhure dusepe curi mehna quehe sa, ño peoya mahu. Mahu sa yegũ ijipitiye ahri macarine mahure ohoutja, ni yahumahye watĩno.

¹⁰ Tiquiro sa nigũ Jesu ohõ saha ni yuhtiahye:

—Satana, wahaya mahu. Ohõ saha nine Cohãcjũ yere tiquina ojoari pũ: “Mahu puhtoro Cohãcjũ dihitare ño peoya. Tiquiro ye dutiye dihitare yeya”, nine Cohãcjũ yere tiquina ojoari pũ, niahye Jesu watĩnore.

¹¹ Tiquiro sa nigũ tuhoro watĩno wahaa wahahye. Tiquiro wahari bato angele pehe wihi, Jesure yedohoye ihyayere ohoahye angele.

Galilea yehpapu Jesu buhe ducahye (Mr 1.14-15; Lc 4.14-15)

¹² Sa ye Ñure peresupu tiquina yegũ tuhoro, wahaa wahahye Jesu. Waha, Galilea yehpapu esahye.

¹³ Topu ijiri macapu Nazarepu waha, yuhdu cã, Capernau wame tiri macapu esahye. Galilea wame tiri ditara duhtu cahapu ijiri Capernau. Ti maca Zebulon yehpa cahapu, Neftalí yehpa cahapu ijiri Capernau. Topu esa, ijiahye Jesu.

¹⁴ Sata yeahye Jesu panopu cjũno Cohãcjũ yere yahu mũhtariquiro Isaia tiquiro ni ojoariro sahata. Ohõ saha ni ojoahye:

¹⁵ Zebulon yehpa cahapu, Neftalí yehpa cahapu, ditarapu wahari mahapu, Jordã wame tiri ma ape sie pahrẽpu Galilea yehpa ijire. Ti yehpa judio masa ijieyequina ya yehpa ijire.

¹⁶ To cjẽna Cohãcjũ yere quehnoano masiedare. Sa masiedapeta quehnoariquirore ihñañepu masieta. Tiquina pehe Cohãcjũre ne masiedare. Sa yeye pecapu waboriquina ijimahye. Sa yero ihcãquiro tiquinare Cohãcjũ yere masigũ yerota, ni ojoahye Isaia.

¹⁷ Topu ijiro, Cohãcjũ yere yahu ducahye Jesu:

—Musa ñañe yerire bujua witiya. Sa yena quehnoañene comesaya.

Uhmuse cjũno Cohãcjũ ijipitiyequina puhtoro tiquiro ijato mehenogã duhsare, ni yahu ducahye tiquiro.

Pititiaro wahi wejẽnequinare tiquiro mehna cjẽna ijatiquinare pijiahye Jesu (Mr 1.16-20; Lc 5.1-11)

¹⁸ Sa ye Galilea wame tiri ditara duhtu cahapu esaro, Simore, tiquiro bahuro Andre mehna boca sahye Jesu. Simo tiquina Pedro ni pisuriquiro ijiahye. Tiquina pehe wahi wejẽnequina ijiye, tiquina wẽñecjũre doque ñoñe niahye ditarapu.

¹⁹ —Yuhu mehna cjãna ijianaja ahtaya musa. Yuhu mehna musa ahtagũ musa wahire ñehe cahmecoana musa ijiro saha, Cohãcjũ yequina ijatiquinare masare piji cahmecoana ijigũ yeitja musare. Yuhu mehna musa ahtagũ sa yeanajare cõtja musare, niahye tiquiro tiquinare.

²⁰ Tiquiro sa nigũ tuhoyeta tiquina wẽñecjũre cũ cã, tiquiro mehna wahahye.

²¹ Sa ye Jesu tiquina mehna yuhdu cã, Santiagore tiquiro bahuro Ñu gũhure boca sahye tja. Tiquina Zebedeo pohne ijiri. Tiquina yaria yucsapu tiquina pacuro mehna tiquina wẽñecjũre quehnoñe niahye. Tiquina puarore tiquiro pijioahye.

²² Tiquiro sa pijiogũ tuhoye, tiquina pehe duita tiquina pacurore, yucsa gũhure cũ, Jesu mehna wahahye.

Peyequina masare buheahye Jesu (Lc 6.17-19)

²³ Sa ye ijipitiropu Galilea yehpare Jesu buhe tinidi. Judio masa mari buheye wuhusepu quehnoañe buheyere, uhmuse cjũno tiquiro puhtoro ijiye tiyere buheri. Tiquinare buhe, dohatiyequinare quehnoa wahagũ yero, ijipitiye dohatiyere yuhduori tiquiro.

²⁴ Tiquiro sa yegũ tuhoye Siria yehpa cjẽna ijipitiropu ti yehpapu ijiyequina tiquirore masi ducari. Sa masiñe, sijoro saha ijiye dohatiyere cuoyequinare, watĩare cuoyequinare, ñama yariaye cuoyequinare, tini

masieñequina gũhare ne sari. Sa yero ijipihtiequina tiquinare yũhdũgũ yeri Jesu.

²⁵ Tiquiro sa yegũ ihñañe, Galilea yehpa cjẽna, Decapoli cjẽna, Jerusalẽ cjẽna, Judea yehpa cjẽna, Jordã ape sie pahrẽ cjẽna peyequina masa tiquiro mehna wahari.

5

Cũnũpũ mũja, topũ buheahye Jesu masare
(Lc 6.20-23)

¹ Sa ye masa peyequina tiquiro cahapũ tiquina esagũ ihñano Jesu cũnũpũ mũjaa wahañe. Mũja sa, topũ dujiahye. Topũ dujigũ tiquiro buheyequina tiquiro cahapũ esahye.

² Tiquina esagũ ihñano ohõ saha ni buhe dũcahye.

³ —Tiquina ñañene bujũa witiyequina Cohãcjũre cahmeñequina bucueyequina ijire. Æhmũse cjãno tiquiro pũtoro ijiropũre wahaeta tiquina. Æhmũse cjẽ tiquina ye ijire.

⁴ 'Utiyequina gũhũ bucueyequina ijire. Tiquinare bucuegũ yerota mari Pacũ.

⁵ 'Apequinare yũhdũdũca dueyequina "Ihyo ijina ijiaja usã", ni tũhotuyequina bucueyequina ijire. Cohãcjũ "Ohoutja", tiquinare tiquiro nidi yehpare cœeta tiquina.

⁶ 'Cohãcjũ dutiro saha ye duayequina, quehnoañene ye duayequina bucueyequina ijire. Cohãcjũ tiquiro yedohogũ tiquina quehnoañene yeducueta.

⁷ 'Apequinare paja ihñañequina bucueyequina ijire. Tiquina sa paja ihñagũ Cohãcjũ tiquina gũhare paja ihñanota.

⁸ 'Tiquina ñañene cosenohriquina bucueyequina ijire. Cohãcjũre ihñaeta tiquina.

⁹ 'Apequinare cahmequedagũ yeyequina bucueyequina ijire. Tiquinare "Yũhũ pohna ijire", ninota Cohãcjũ.

¹⁰ 'Cohãcjũ dutiyere tiquina yeri buhiri apequina ñano yere Cohãcjũ tiquiro dutiriquinare. Tiquina sa

ñano yegũ bucueyequina ijire tiquina pehe. Æhmũse cjãno tiquiro pũtoro ijiropũ tiquiro yere cœeta tiquina.

¹¹ 'Yeere mũsa yeri buhiri apequina mũsare tiquina tuhtiepegũta bucuena ijire mũsa. Mũsare tiquina ñano yepegũta bucuena ijire mũsa. Yeequina mũsa ijiri buhiri mũsare ijipihtie ñañe tiquina quititi dojomehnepegũta tiquina ni mehoepẽgũta bucuena ijire mũsa.

¹² Cohãcjũ yere yahu mũhtariquinare mũsa pano ijiriquinare tiquinapũreta ñano ye mũhtañe. Tiquinare yeriro sahata mũsa gũhare apequina sa yegũ bucueya. Quehnoano jeripohna tiya. Sa yero Æhmũsepũ mũsa esagũ pajiro quehnoano yerota mũsare Cohãcjũ, ni yahuahye Jesu.

Moa yero saha, buhrioro yero saha ijire Jesu yequina
(Mr 9.50; Lc 14.34-35)

¹³ Sa ye Jesu buhe nemoahye:

—Moa mehna wahiquiro dihire ti ñano wahaeragũ yero sahata mũsa pehe yeequina pehe ijipihtiequina apequinare ñañene tiquina ye dueragũ yere. Sa ijieperota moa pehe ti ñañe wahagũ pari turi quehnoañe ye masiedare. Ti moa ne quehnoaedare. Ti sa wahagũ ti moare cohãno cahmene. Ti moare cohãri bato ti bui masa cũhta cũre. Ne dũhseati ijierare ti moa tiquiro cohãñe. (Ti dũhseati ijieraro saha ijieracãhña mũsa. Cohãcjũ ye pehere cohãedacãhña,) ni yahuahye Jesu.

¹⁴ Sa ye tiquiro buhe nemoahye:

—Buhrioro marine ihñagũ yero sahata mũsa pehe yeequina pehe ahri yehpa cjẽnare Cohãcjũre masigũ yere. Cũnũ bui ijiri macare nũono basioerare.

¹⁵ Sa ye sihãriare masa sihãñe, sutu docapũ moha dapo masiedare. Tiare sihãriare Æhmũanopũ duhu peore ti wũhũ cjẽna ijipihtiequina tiquina ihñatiare.

¹⁶ Ohõ sahata mũsa gũhũ buhrioro yero saha ijina, quehnoañene yeya. Mũsa sa yegũ ihñañe masa mari Pacũ Æhmũse cjũnore ño peo, "Tutuagũ,

quehnoagũ ijire”, nieta, ni yahuahye Jesu.

Cohãcjũ tiquiro dutiyere tiquiro ojoari gãhare yahuahye Jesu

17 Sa ni tuhasa, tiquinare yahu nemoahye:

—Ahrire mũsa masigũ cahmeaja yũhũ. Cohãcjũ dutiyere Moiseri tiquiro cũrire, tiquiro yere yahu mũhtañequina tiquina ojoari gãhare cohãgũ tagũ niedũ. Ti dutiyere mũsare quehnoano yahu potou tũũ nii. Ti dutiyere poto ijigũ ihũou ahtaũ. Ti dutiye nidiro sahata ye sohtori tii tũũ nii.

18 Ijirota mũsare niaja. Pihtiri deco pano ijinigũ Cohãcjũ dutiye Moiseri tiquiro cũrire ne mehenogã cohãsi mari. Ahri yehpa, uhmũse gãhũ ti ijiro puno tiquiro dutiye gãhũ ijirota.

19 Sa yeye ti dutiyere ihquẽquina yũhdũdcaye, apequinare sata ye dutiye, uhmũse cjãno tiquiro pũhtoro ijiropũ cahacjẽna yero saha ijieta. Ihcã dutirogã ijiepegũta tiquina yũhdũdcaye, cahacjẽna yero saha ijieta tiquina. Apequina ti dutiyere quehnoano yeye, apequinare tiquina yero saha ye dutiye, uhmũse cjãno tiquiro pũhtoro ijiropũ pũhtoa yero saha ijieta tiquina pehe.

20 Mũsare niita niaja yũhũ. Judio masare buheyequina, fariseo masa gãhũ Cohãcjũ cahmeñene queoro yerare. Tiquina yũhdũoro Cohãcjũ cahmeñene yeya mũsa. Mũsa sa yerana, tiquiro pũhtoro ijiropũ ne esasi mũsa, ni yahuahye Jesu.

*Usuayere yahuahye Jesu
(Lc 12.57-59)*

21 Sa ni tuhasa, tiquinare yahu nemoahye:

—Panopũ cjẽna ohõ saha ni tiquina yahurire tũhori jimedi mũsa: “Masare wejẽdacãhũna. Masare wejẽdiquirore tiquina buhiri dahreatiquiro ijire”, tiquina nidire tũhori jimedi mũsa.

22 Ahri tiquina yahuri yũhdũo cjũno mũsare ahri pehere yahu nemoutja. Tiquiro acayũro mehna usuariquiro

pehe tiquina buhiri dahreatiquiro ijire masũnore wejẽdiquiro yero saha. Tiquiro acayũrore tuhtiriquiro “Ne tũho masiñe mariegũ ijire mũhũ”, nidiquiro buhiri dahre dutiyequina cahapũ tiquina neatiquiro ijire. “Tũho masiegũ ijire mũhũ”, tiquiro acayũrore sa nidiquirore pecapũ wahaboaga tiquiro.

23 Mũsa acayũro mũsare tiquiro ihũna tuhtigũ ohõ saha yeya. Cohãcjũ wũhũpũ Cohãcjũre mũsa ño peoato pano, tiquirore wahiquirore mũsa ohoato pano ohõ saha yeya.

24 Cohãcjũre mũsa ohoatire duhu cũ, mũsa acayũro cahapũ waha, “Pari turi cahmequedacũhna. To punota duhuuhna tire”, niñna tiquirore. Mũsa sa nidi bato Cohãcjũre oho, ño peona wahaya tiquiro ya wũhũpũ.

25 Apequiro mũhare yahusã duaro, pũhtoro masare beseriquiro cahapũ mũhare tiquiro nea duagũ, tiquiro mehna usuaro marieno ijiya. Beseriquiro cahapũ tiquiro neatopano tiquiro mehna quehnoano ijiya. Mũhũ sa yegũ ihũano tiquiro mũhare yahusãedaboaga. Mũhũ sa quehnoano ijieragũ ihũano topũre mũsa esagũ tiquiro pehe mũhare masare beseriquirore yahusãnota. Tiquiro sa yahusãgũ, beseriquiro pehe peresu yeyequinapũre mũhare ohorota. Sa yeye tiquina mũhare peresu yeeta.

26 Ijirota niaja mũhare. Topũ ijiniita mũhũ. Tee tiquina wapa ye dutirire mũhũ wapa ye pehogũpũ wijiagũta mũhũ, ni yahuahye Jesu.

Apequiro namono mehna ñano yeyere yahuahye Jesu

27 Ohõ saha ni yahu nemoahye Jesu:

—Panopũ cjẽnare ohõ saha tiquina ni yahurire tũhori jimedi mũsa: “Apequiro namono mehna ñano yeracãhũna”, tiquina nidire tũhori jimedi mũsa.

28 Ahri tiquina yahuri yũhdũo cjũno mũsare ahri pehere yahu nemoutja. Numinore ñehedaperota, ihcãquiro

ticorore ñano tutuaro cahmeno, ñano wacũ tũhoturo, ñano ye tuhasari ticoro mehna.

²⁹ Sa yegũ mũhũ capea poto pehepũ ijiria mehna ñano yegũ, tiare ore we ne mũhũ cohãboriro sahata ti ñañene duhuya. Tire duhueragũ pecapũ wahagũta. Mũhũ capeare mũhũ cohãgũ tia capea dihita butire. Mũhũ pehere pecapũ mũhũ wahagũ ña yũhdũare. Sa yegũ ti ñañene duhuya.

³⁰ Sa yegũ mũhũ omoca poto pehe ijiri omoca mehna ñano yegũ, ti omocare mũhũ dũte cohãboriro sahata ti ñañene duhuya. Tire duhueragũ pecapũ wahagũta. Mũhũ omocare mũhũ cohãgũ ti omoca dihita butire. Mũhũ pehe pecapũ mũhũ wahagũ ña yũhdũare. Sa yegũ ti ñañene duhuya, ni yahuahye Jesu.

Tiquiro namonore cohãñene, wame peoye gũhũre yahuahye Jesu

(Mt 19.9; Mr 10.11-12; Lc 16.18)

³¹ Ohõ saha ni yahu nemoahye Jesu:

—Panopũ ahri gũhũre niahye: “Tiquiro namonore cohã duariquiro tiquiro cohãtire yahuri pũ mehna ticorore cohã masine”, nimahye panopũ.

³² Ahri tiquina yahuri yũhdũo cjũno mũsare ahri pehere yahu nemoutja. Tiquiro namono apequiro mehna ñano yericoro ticoro ijierapegũta ticoro manũno ticorore cohãboaga. Ticoro sa cohãnohricoro apequiro mehna omoca dũhtero, ñano yero niaga ticoro apequiro mehna ijiro. Ticoro manũno ticorore tiquiro cohãri bato ticorore apequiro mehna ñano yegũ yere. Sa yero tiquiro bato namo tiriquiro gũhũ ticoro mehna ñano yero nine, ni yahuahye Jesu.

³³ Ohõ saha ni yahu nemoahye Jesu:

—Panopũ cjẽna ohõ saha tiquina ni yahurire tũhori jimedi mũsa: “Mũsa nidiro sahata yeya. ‘Cohãcjũ mehna poto sa yeitja’ mũsa nidiro sahata yeya”, tiquina ni yahurire tũhori jimedi mũsa.

³⁴ Ahri tiquina yahuri yũhdũo cjũno mũsare ahri pehere yahu nemoutja. “Uhmũse mehna poto nii niaja”, ni uhmũse mehna wame peoeracãhña. Uhmũse pehe Cohãcjũ mari pũhtoro tiquiro ijiro ijire. Ihyo ijiro ijierare. Sa ijigũ ihñana sa niedacãhña.

³⁵ Ahri yehpa mehna ne wame peoeracãhña. Ahri yehpa Cohãcjũ ya yehpa ijire. Sa ijigũ ihñana sa niedacãhña. Jerusalẽ mehna ne wame peoeracãhña. Tutuariquiro mari pũhtoro ya maca ijire Jerusalẽ. Ihyo ijiri maca ijierare. Sa ijigũ ihñana sa niedacãhña ti wamene.

³⁶ “Yũhũ dapu mehna poto nii niaja”, ni wame peoeracãhña. Mũsa poari yehseye poari wahagũ ye masiedare mũsa. Ti poarire ñiñe wahagũ gũhũre ye masiedare mũsa. Sa ye masiena “Yũhũ dapu mehna poto nii niaja”, ni wame peoeracãhña.

³⁷ “Yenatja”, nina wame peoro marieno ohõ saha dihita tire niducuya. “Yesi”, nina gũhũ wame peoro marieno niducuya. Mũsa wame peo nina, watĩno ñariquiro dutiro saha yena niaga, ni yahuahye Jesu.

Tiquina cahme ihña tuhtiyere yahuahye Jesu

(Lc 6.29-30)

³⁸ Ohõ saha ni yahu nemoahye Jesu:

—Panopũ ohõ saha tiquina ni yahurire tũhori jimedi mũsa. “Mũhũre apequiro mũhũ capeare tiquiro quẽ tihãriro sahata mũhũ gũhũ tiquirore quẽ tihã cahmeña. Mũhũ upiriare tiquiro quẽ nuhariro saha mũhũ gũhũ quẽ nuha cahmeña”, tiquina nidire tũhori ijimedi mũsa.

³⁹ Tiquina yahuri yũhdũo cjũno ahri pehere yahu nemoutja mũsare. Mũhũre ñano yeriquirore sa ihña cãhña. Ihcã pehe mũhũ wahsupure tiquiro quẽgũ, ape sie gũhũre quẽ dutiya tiquirore.

⁴⁰ Apequiro buhiri dahre dutiriurore mũhũre tiquiro yahusãgũ, dutiriurore pehe mũhũ camisare mũhũre yahusãriurore oho dutiboaga. Tiquiro oho dutigũ, tiquirore

ohoya. M̄h̄u bui c̄j̄a suhtiro ḡh̄ure oho nemoña tiquirore.

⁴¹ Apequiro surara apee borore ihcã kilómetro m̄h̄ure tiquiro nea basa dutigũ, ape kilómetrore waha nemoña tja.

⁴² M̄h̄ure sinidiquirore ohoya. Sa yegũ apequiro m̄h̄ure waso dutigũ wasoya tiquirore, ni yahuahye Jesu.

M̄sare ihña tuhtiyequinare cahña (Lc 6.27-28, 32-36)

⁴³ Ohõ saha ni yahu nemoahye Jesu:

—Masa ohõ saha nine: “M̄sa mehna c̄j̄enare cahña. Sa yena m̄sare ihña tuhtiyequinare ihña tuhti cahmeña tja”, tiquina nidire t̄h̄ori j̄imedi m̄sa.

⁴⁴ Tiquina yahuri ȳhd̄o c̄j̄no ahri pehere yahu nemoutja m̄sare: M̄sare ihña tuhtiyequinare cahña. M̄sare ñano yeyequinare tiquina ye ijiatire Cohãcjũre sini basaya.

⁴⁵ M̄sa sa yena mari Pacũ ãhm̄se c̄j̄no pohna ijire m̄sa. Cohãcjũ pehe ihcãno saha yere masare. Ñañequina ḡh̄ure quehnoañequina ḡh̄ure asũ asigũ yere tiquiro. Sa yero Cohãcjũ dutiyere yeyequina ḡh̄ure, yeyequina ḡh̄ure acoro ahtagũ yere tiquiro. Masare ihcãno saha tiquiro yeriro sahata m̄sa ḡh̄u yeya.

⁴⁶ M̄sare cahñequina dihitare m̄sa cahigũ ti ne ãh̄seati ijierare. Wapa ne cohteyequina ḡh̄u sata yere. Sa yena ijipihtiyequinare cahña.

⁴⁷ M̄sa acaye dihitare m̄sa quehnoano piti cagũ ti ne ãh̄seati ijierare. Cohãcjũre masieñequina ḡh̄u sata yere. Sa yena ijipihtiyequinare quehnoano piti caya.

⁴⁸ Ñañe mariena ijiya m̄sa. Mari Pacũ ãhm̄se c̄j̄no tiquiro ñañe marieniquiro tiquiro ijiro sahata m̄sa ḡh̄u ñañe mariena ijiya, ni yahuahye Jesu.

6

Quehnoañe yeyere yahuahye Jesu

¹ Pari turi tiquiro yahu nemoahye:

—Cohãcjũ ye ijiatire quehnoañene yena, tire masare “Ohõ saha ijigu ijiaya ȳh̄u”, ni ye ihñoadacãhña apequinare. M̄sa sa ni ye ihñori buhiri quehnoañene m̄sa yeri ãh̄seati ijierare. Sa yero Cohãcjũ ãhm̄se c̄j̄no quehnoañene m̄sa yeri wapa m̄sare ohosi.

² Sa yena pejec̄oyequinare yedohona, tire masare ye ihñoadacãhña. Masa tiquina ihñenopũ yedohoya tiquinare. Sata ihquẽquina ye ihñore mahapũ ijiyequinare, judio masa mari buheye w̄h̄sepũ ijiyequina ḡh̄ure. Tiquina mari ihñono dihita quehnoano iji mehoñequina ijire. Sa ye ihñore tiquina, “Quehnoañequina ijire ahriquina”, masare ni ihña dutiye. Tiquina sa ni ihñagũ sa ye ihñoñequina pehe bucue tuhasari. “Quehnoañequina ijire”, ni masa tiquina ño peogũ bucue tuhasari tiquina. Sa yero Cohãcjũ pehe ne bucue nemogũ yesi tiquinare.

³ Sa yena pejec̄oyequinare yedohona, masa tiquina ihñenopũ yedohoya tiquinare. M̄sa mehna c̄j̄ena mehna ijina tiquina ihñeno pejec̄oyequinare yedohoya.

⁴ Masa tiquina ihñenopũ m̄sa yedohoepegãta Cohãcjũ pehe ihñare. Sa ihñano m̄sa sa yeri wapa ohorota m̄sare, ni yahuahye Jesu.

Cohãcjũre siniñene yahuahye Jesu (Lc 11.2-4)

⁵ Pari turi tiquiro yahu nemoahye:

—Cohãcjũre sinina, masa ihñono dihita quehnoano iji mehoñequina yero saha yeracãhña m̄sa. Judio masa mari buheye w̄h̄sepũ ducu, mahapũ ḡh̄ure ducu, Cohãcjũre sini ihñore tiquina masare. Sa sini ihñoñe poto masa tiquina ño peoye mehna tiquina bucue tuhasari.

⁶ Cohãcjũre sinigu tagũ, m̄h̄u ya tucũpũ biha saña. Biha saña, mari Pacũ ihñamehneniquirore siniña. M̄sa sa yegũ masa marienopũ m̄sa siniepegãta mari Pacũ m̄sare t̄horota. Sa t̄horo m̄sare quehnoano yerota tiquiro.

7 'Sa yena Cohãcjüre sinina, tãhoturo marieno mûsa sinidireta pari turi sini majare tojoeracãhña. Ohõ sahata yere Cohãcjüre masieñequina. "Peye tahari ihcãno saha usã sinigũ Cohãcjũ usãre tãhorota", ni tãhotumene tiquina.

8 Tiquina yero saha yeracãhña mûsa. Mûsa siniato pano mari Pacu mûsa cahmeñene masi tuhasare.

9 Sa yena ohõ saha ni siniña mûsa Cohãcjüre:

Usã Pacu, ãhmuse cjũ mũhu quehnoagu sa ijiducure.

10 Yojoþare ijipihtiyequina þahto ijiya. Æhmuseþu mũhu dutiro sahata tiquina yeriro sahata ahri yehpa cjëna gãhu yeahro.

11 Sa yegu decoripe usã ihyatire ohoducuya usãre.

12 Apequina usãre tiquina ñano yerire usã boaja. Sa yegu mũhu gãhu usã ñano yerire boya.

13 Sa yegu usã ñañene ye duagũ usã tutuaro cahmegũ ihñagũ tire usãre ye dutiegata. Sa yegu usãre usã ñañene yeragũ yeya.

Mũhu usã þahto tutuagu sa ijiducugata. Ijipihtiyequina mũhare sa ño peoducuahro, ni siniña Cohãcjüre.

14 'Apequina mûsare tiquina ñano yerire mûsa bogũ ihñano, mari Pacu ãhmuse cjãno gãhu mûsa ñano yerire borota.

15 Sa boeperota apequina mûsare tiquina ñano yerire mûsa boeragũ mari Pacu gãhu mûsa ñano yerire bosì, ni yahuahye Jesu.

Sijiyere buheahye Jesu

16 Sa yero tiquirop tiquinare yahu nemoahye:

—Cohãcjüre ño peona tana sijina þajua witiyequina yero saha ye ihñoadacãhña. Sata yere masa ihñono dihita quehnoano iji mehoñequina. Tiquina wãhdoa paca þajua witiyequina yero saha ijire. Tiquina sa ijiyequina ijigũ tiquina sijigũ ihña masine masa. Ijirota mûsare nii niaja. Masa tiquinare ño peogũ cahmene tiquina. Sa yeye tiquinare

tiquina ño peogũ ihñañe bucue tuhasari. Cohãcjũ pehe tiquirop tiquina ño peori wapa tiquinare bucuegũ yesì. Sa yena tiquina yero saha ye ihñoadacãhña mûsa.

17 Mûsa sijina, mûsa poarire aco mehna wa peo wãhapo peoya. Sa yena mûsa wãhdoa pacare coseya.

18 Mûsa sa yegũ mûsa sijigũ ihña masisi masa. Cohãcjũ dihita mûsa sijiyere ihña masinota. Mûsa sehsharo mûsa ijigũ tiquirop mûsa mehna sa ijiducure. Sa ihñano tiquirop mûsare quehnoano yerota tiquirop mûsa ño peori wapa, ni yahuahye Jesu.

Æhmuse cjëne cão dutiahye Jesu (Lc 12.33-34)

19 Sa yero tiquirop yahu nemoahye:

—Ahri yehpa cjëne ne cahme-coedacãhña. Ohõ cjë ahbaa wahaboaga. Ti ahbaeragũ yaqueriquiro neboaga tire. Tiquirop yaqueragũ mecasia tãaboaga. Sa yero ahri yehpa cjë butiaro cuarñe. Sa yena ahri yehpa cjëne tutuaro cahmedacãhña.

20 Æhmuse cjë pehere cahmeña mûsa. Æhmuse cjëne mecasia tãa masiedare. Topu mûsa cãoye ne ahbaerare. Topure yaqueriquiro ne masiedare. Sa yena ãhmuse cjëne cahmeña mûsa.

21 Topu mûsa cãoye ijigũ, ãhmuse cjëne Cohãcjũ yere tutuaro wacũre mûsa, ni yahuahye Jesu.

Masa tiquina tãhoturo sahata yere (Lc 11.34-36)

22 Sa yero ohõ saha ni yahu nemoahye tiquinare:

—Sihãria quehnoano buhriogũ mari quehnoano ihña masino sahata quehnoañene tãhotuye mehna quehnoano ye masinata mûsa. Mûsa tãhoturo sahata yere mûsa. Quehnoañene tãhotuna quehnoano yere mûsa.

23 Quehnoañene tãhotuerana ñañene yere mûsa. Mûsa ñañe dihitare mûsa tãhotuducugũ ti ñañe pehe ña yãhdãye ijire, ni yahuahye Jesu.

Niñerure cahñequina, Cohãcjũ pehere cahẽdare
(Lc 16.13)

²⁴ Sa yero tiquiro yahu nemoahye tiquinare:

—Ihcãquiro Cohãcjũ pehere wacũno, tutua yũhdũaro niñeru pehere wacũdare. Niñeru pehere tutua yũhdũaro wacũno Cohãcjũ pehere wacũdare. Niñeru dihitare cahmediquiro ijero Cohãcjũre bucugũ yerare. Cohãcjũ gũhare, niñeru gũhare pũarore cahme yũhdũũcaro basioerare mũsare.

Cohãcjũ tiquiro pohne ihña ihbore
(Lc 12.22-31)

²⁵ 'Sa yegũ ahrire mũsare nii niaja: Mũsa ihyayere, sihniñene, suhti gũhare pajiro bũjua witi tũhotueracãhña. Mũsare bajumehnenno ihyayere ihyatina dihitare suhti sañatina dihitare Cohãcjũ yerari mũsare.

²⁶ Minicjua parire Cohãcjũ tiquiro ihña ihboyere masiña mũsa. Tiquina weseri marieñequina ijire. Sa yeye ihyayere tiquina ihboye wũhuse tiquinare mariedare. Mari Pacũ pehe tiquinare tiquina ihyatire ohore. Minicjua yũhdũoro mũsa pehere cahñe Cohãcjũ. Sa yero mũsa gũhare ihña ihborota tiquiro.

²⁷ Pajiro mũsa tũhotuye mehna ti mũsare ihcã hora cati nemogũ yerare. Sa yero mũsa pajiro tũhotuye dũhseati ijierare.

²⁸ 'Sa yena mũsa suhti sañatire pajiro bũjua witi tũhotueracãhña. Nũcũ cjẽ cohorì ti cohoiere tũhotuya. Ti cohorì ti basi suhtire yerare. Sa yerapeta ti cohorì quehnoañe suhti yero saha quehnoañe cohorì bajure.

²⁹ Salomo mũnana quehnoañe suhtire sañariquiro tiquiro ijiepegũta ti cohorì pehe tiquiro yũhdũoro quehnoa yũhdũaye cohorì waro ijire.

³⁰ Cohorire quehnoañe cohorì yere Cohãcjũ pehe. Ti cohorì pehe meheñe decorigã ijiducu ñai bora dijiaa wahare. Mehenogã iji, ape decopũ pecapũ ujuã wahare. Sa ijiepegũta

cohorire quehnoañe cohorì ijigũ yere Cohãcjũ. Sa yero Cohãcjũ cohorire tiquiro quehnoañe cohorì tiquiro yeriro yũhdũoro mũsa gũhare quehnoano yerota. Suhtire ohorota. Cohãcjũre mehenogã wacũ tutuare mũsa.

³¹ Sa yena mũsa ihyatire, mũsa sihniatire, mũsa suhti sañatire pajiro bũjua witi tũhotueracãhña.

³² Cohãcjũre cahmeeñequina pehe tire sa macaducuye nine. Mari Pacũ uhmũse cjũno ijipihtiyere mũsa cahmeñene masine. Tiquiro sa masigũ pajiro bũjua witi tũhotueracãhña.

³³ Cohãcjũ mũsa pũtoro tiquiro ijiatore cahme mũhtaña mũsa. Ijipihtiyere apee boro yũhdũoro tiquirore cahmeña mũsa. Quehnoañene tiquiro ye dutiyere gũhare cahmeña. Mũsa sa yeri bato Cohãcjũ pehe mũsa cahmeñe dũhsagũ ohorota.

³⁴ Sa yena ñamiapũre mũsa dũhse wahatore pajiro bũjua witi tũhotueracãhña. Ñamiare mũsa ñana yũhdũgũ Cohãcjũ yedohorota mũsare. Miare mũsa ñana yũhdũato iji tuhasare. Sa yena mia cjẽ dihitare tũhotuya. Ape deco cjẽne pajiro bũjua witi tũhotu nemoedacãhña. Cohãcjũ pehe mũsare yedohorota, ni yahuahye Jesu.

7

Apequinare “Ñañequina ijire”, niedacãhña
(Lc 6.37-38, 41-42)

¹ Sa yero tiquiro tiquinare yahu nemoahye:

—Apequinare “Ñañequina ijire”, niedacãhña mũsa. Mũsa sa niedagũ Cohãcjũ mũsare “Ñana ijire”, nisi.

² Apequinare “Quehnoano yerare”, mũsa ni ihñano sahata Cohãcjũ pehe mũsa gũhare sata ni ihñanota.

³ Mari queoye mehna mari buhegũ ohõ saha yena ijire mũsa. Mũsa acayũro tiquiro capeapũ meheni pohcarogã sajãgũ ti pohcarogãre quehnoano ihñare mũsa. Mũsa ya capea pehere pajiri pji ijiepegũta ti pjiñe ne ihñedare mũsa. Meheni

pohcarogãre m̄sa ihñano saha m̄sa acayuro tiquiro ñano yeye pehere quehnoano ihñare m̄sa. M̄sa basi m̄sa ñañene tutuaro yepenata tire masiedare m̄sa, pajiri pjĩne m̄sa ihñeno saha. ¿Duhse ijero boro sa ijiajari m̄sa?

⁴ Ohõ saha nibona ijire m̄sa: “Yuh̄u acaȳu, ñañene yei nine m̄hu. Sa yeḡu tire duhuya”, nibona ijire m̄sa. Sa nibona ijiepenata pajiro ñañene yere m̄sa. ¿Duh̄sena m̄sa ñañene yepenata tire masiedajari m̄sa?

⁵ Masa tiquina ihñono dihita quehnoano iji mehona ijire m̄sa sa yena. Pajiri pjĩne m̄sa capeapu ijiri pjĩne m̄sa ne m̄htaboriro sahata m̄sa ñano yeye pehere duhu m̄htaña. M̄sa sa yeri bato m̄sa acayuro tiquiro ñano yeyere duhuḡu ye masiboaga, meheni pohcarogãre m̄sa neboriro sahata.

⁶ 'Diayea yero saha ijiyequina, yesea yero saha ijiyequina ḡhu ñañequina Cohãcjũ yere quehnoa yuh̄duyere tiquina ño peoerare. Tiquina pehere yahueracãhña. “Tiquina buj̄upe, ñano niari”, nina, yahueracãhña tiquinare, ni yahuahye Jesu.

Cohãcjũre mari siniñene yahuahye Jesu

(Lc 11.9-13; 6.31)

⁷ Sa yero tiquiro tiquinare yahu nemoahye:

—Cohãcjũre siniña m̄sa. Sinina m̄sa nenata. M̄sa sinidire bocanata. Tiquirore sa siniducuya m̄sa. M̄sa sa yeḡu tiquiro m̄sare ohorota.

⁸ Ijipihtiyequina Cohãcjũre siniñequina ijiipihtiyequina neeta. Sa yeye tiquina sinidire bocaeta. Sa yero ijiipihtiyequina Cohãcjũre sa siniducuyequinare tiquiro tiquinare ohorota.

⁹ ¿M̄sa pohna pãgãre m̄sare tiquina siniḡu utã pehere ohoboagari m̄sa tiquinare? Ne ohosi.

¹⁰ ¿M̄sa pohna wahire m̄sare tiquina siniḡu aña pehere ohoboagari m̄sa tiquinare? Ne ohosi.

¹¹ M̄sa ñana ijiepenata m̄sa pohnare quehnoañene ohoe tiri m̄sa. Sa yero Cohãcjũ pehe m̄sa yuh̄duoro quehnoañene ohore m̄sare tiquiro pohnare tiquirore sininare. M̄sa pohnare m̄sa ohoriro yuh̄duoro Cohãcjũ pehe tiquiro pohnene ohore.

¹² 'Apequina m̄sare tiquina quehnoano yeḡu cahmene m̄sa. Tiquinare m̄sa quehnoano yeḡu cahmeno sahata quehnoano yeya tiquina ḡhure. Tiquina quehnoano yerapeḡta m̄sa pehe tiquinare quehnoano yeya. Sata ye dutire Cohãcjũ dutiye Moiserere tiquiro c̄urip̄, Cohãcjũ yere yahu m̄htariquina tiquina ojoari ḡhu, ni yahuahye Jesu.

Meheni sopecahagã quitire yahuahye Jesu

(Lc 13.24)

¹³ Sa yero tiquiro yahu nemoahye tiquinare.

—Uhm̄sep̄u Cohãcjũ cahap̄u waha duana tiquiro yere yero cahmene m̄sare. Sa yena tiquiro yere sa ye macaedacãno cahmene. Meheni sopecahagãp̄u m̄sa sajã duaḡu mijorĩne. Sata mijorĩne Cohãcjũ cahap̄u m̄sa waha duaḡu. Pecap̄u masa tiquina wahaḡu mijoadare. Pajiri sopecahap̄u mari sajãḡu mijoadare. Ti sopecahap̄u masa tiquina sajãboro saha pecap̄u masa tiquina wahaḡu mijoadare. Sa yeye peyequina masa top̄u wahaye nine.

¹⁴ Cohãcjũ cahap̄u m̄sa waha duaḡu mijorĩne. Meheñequinagã masa top̄u wahaeta. Top̄u wahayequina ijiipihtiyequina decori Cohãcjũ mehna ijiducuenta, ni yahuahye Jesu.

Yuc̄ḡu d̄ucare masina, tu pad̄u ḡhure masine m̄sa

(Lc 6.43-44)

¹⁵ Sa yero tiquiro yahu nemoahye tiquinare:

—Quehnoano yeya. “Cohãcjũ yere yahu m̄htana ijiaja”, ni mehoñequinare t̄hoeracãhña m̄sa.

Tiquina oveja yero saha usueyequina saha bajumene. Tiquina t̄hotuyep̄ ñañequina ijire tiquina.

16 Tiquina ñano yegũ ihñana, ñañequina tiquina ijigũ masinata m̄sa. Tiquina quehnoano yegũ ihñana quehnoañequina tiquina ijigũ masinata m̄sa. Pota b̄c̄ḡ ūhse t̄horine d̄ca tierare. Potaḡ higuera pacare d̄ca tierare.

17 Quehnoad̄ yuc̄ḡ quehnoañene d̄ca tire. Ñadu pehe ñañene d̄ca tire.

18 Quehnoad̄ yuc̄ḡ ñañene ne d̄ca tierare. Sa yero ñadu quehnoañene d̄ca tierare.

19 Quehnoañene d̄ca tieye cj̄re d̄te cohã cã, pecar̄ ūj̄anota. Sata yerota Cohãcj̄ tiquiro cahmeñene yerariquinare.

20 Sa yena “Cohãcj̄ yere yahu m̄htana ijiaja”, ni mehoñequinare ohõ saha masinata. Tiquina yerire ihñana, tiquina ni mehoñequina ijigũ masinata, ni yahuahye Jesu.

“M̄sare ne masiedaja”, ninota Cohãcj̄ peyequina masare (Lc 13.25-27)

21 Sa yero tiquiro yahu nemoahye tiquinare:

–Peyequina yuh̄re “P̄hto” niñequina ijiepet̄ ūhm̄se cj̄no Cohãcj̄ tiquiro p̄htoro ijirop̄re waha tiquina. Yuh̄ Pac̄ ūhm̄se cj̄no tiquiro cahmeñene yeyequina dihita tiquiro p̄htoro ijirop̄re wahaeta.

22 Decor̄i pihtiḡp̄re peyequina masa ohõ saha nieta yuh̄re: “P̄hto, m̄h̄ yere ūsã buheĩ. M̄h̄ wame mehna wat̄are cohã. Sa yena m̄h̄ tutuaye mehna peye bajumehneñene yei ūsã”, yuh̄re niñequina ijieta.

23 Ohõ saha yuh̄tiitja tiquinare: “M̄sare ne masiedaja. Ñañene yena ijire m̄sa. Yuh̄ cahar̄p̄ ahtaeracãhña”, niitja yuh̄ tiquinare, ni yahuahye Jesu.

P̄ha wuh̄ yeyequina quitire yahuahye Jesu

(Mr 1.22; Lc 6.47-49)

24 Sa yero tiquiro yahu nemoahye tiquinare:

–Sa ye ijipihtiyequina ahri yuh̄ buherire t̄horiquina yuh̄ dutiyere yeyequina, quehnoano t̄ho masiniquiro wuh̄ dahreriquiro yero saha ijire tiquina. Tiquiro pehe ūhcãñe coperi sehe, wuh̄re doco d̄cahye.

25 Ti wuh̄re peho tuhasari bato acoro tutuaro ahta, dia mini yuh̄d̄a waha, tutuaro wihnono w̄ahye. Sa ti tutuaro w̄ep̄ḡta ti wuh̄ ūhcãño tiquiro docori wuh̄ ijiro ne waha sa queherahye.

26 Sa yeye ijipihtiyequina yuh̄ buherire t̄hoepeta yuh̄ dutiyere yerariquina, t̄ho masieniquiro wuh̄ dahreriquiro yero saha ijire. Tiquiro pehe ti wuh̄re pad̄ro buigã doco, quehnoano ye d̄caerahye.

27 Ti wuh̄re peho tuhasari bato, acoro tutuaro ahta, dia mini yuh̄d̄a waha, wihnono tutuaro w̄ahye. Sa tutuaro w̄eno ti wuh̄ pehere w̄edoque cũ cãhye. Sa yero ti wuh̄ tutuaro bora sa quehea wahahye, ni yahuahye Jesu.

28 Tiquiro sa ni buhegũ t̄hoye, t̄ho maria wahahye masa.

29 “Tiquiro potota p̄htoro ijire. Sa yero quehnoano masi pehoriquire ijiro marine buhere tiquiro. Mari judio masare buheyequina yero saha buherare”, ni t̄hotuahye tiquina.

8

Jesu cami b̄c̄ m̄na wihirore yuh̄d̄a wahagũ yehye (Mr 1.40-45; Lc 5.12-16)

1 Jesu cun̄p̄ buhe dujiriquiro dijiaa wahahye. Tiquiro dijiagũ ihñañe masa peyequina tiquiro bato wahahye.

2 Tiquiro sa wahagũ ihcãquire cami b̄c̄ m̄na wihiro tiquirore piti ca, d̄sepe curi mehna quehe sa, tiquirore siniahye.

–P̄hto, m̄h̄ yuh̄re yuh̄d̄o duaḡ yuh̄d̄oya, niahye.

3 Tiquiro sa nigũ t̄horo tiquiro omoca mehna Jesu tiquirore ña peohye.

–Tire ye duaja. Mũhũre yũhdũgũ yeitja, niahye Jesu tiquiore.

Tiquiro sa nigũta cami bũcu mũna yatia wahahye.

⁴ Sa ni tuhasa Jesu tiquiore niahye tja:

–Yũhũ mũhũre ohũ saha yerire ne apequinare yahueracãhũa. Mũhũ pagũre quehnoari pagũ waharire pahire ihũogũ wahaya. Moiseri Cohãcjũ tiquiro cũriro sahata pahire minicjũare ohoya mũhũ yũhdũriri masa ijipihtiyequina tiquina masino quehnoano, niahye Jesu.

Surara pũhtoro tiquiro cahacjũno dohatigũ Jesu yũhdũoahye tiquirore (Lc 7.1-10)

⁵ Sa ye Jesu Capernau wame tiri macapũ tiquiro esagũ cien surara pũhtoro tiquiro cahapũ esa, tiquiore tutuaro ohũ saha ni sinidi:

⁶ –Pũhto, yũhũ cahacjũno ne pagũ tutueriquiro waha masiedaro tiquiore tutuaro purĩgũ ya wũhũpũ cuñari tiquiro, nidi tiquiro Jesure.

⁷ Tiquiro sa nigũ,

–Aũ, tiquiro dohatiyere yũhdũogũ wahaũtja, nidi Jesu.

Tiquiro sa nigũ ohũ saha nidi surara pũhtoro:

⁸⁻⁹ –Pũhto, quehnoanota. Wahãegũta. Yũhũ yũhdũoro quehnoa yũhdũagũ ijire mũhũ. Ya wũhũpũ mũhũre sajã ta dutibogũ ijieraja yũhũ. Mũhũ masiñe mehna yũhdũoya tiquirore. Mũhũ sa yegũ yũhũ cahacjũno quehnoa waharota. Yũhũre yũhũ bui ijieyequina apequina pũhto dutire. Yũhũ gũhũ surarare dutiaja. Ihcãquiore “Wahaya”, yũhũ nigũ tiquiro wahare. Apequiore “Ahtaya”, yũhũ nigũ tiquiro ahtare. Yũhũ cahacjũnõre “Ahriri yeya”, yũhũ nigũ tire yere. Mũhũ gũhũ dutigũta ijire. Sa yero mũhũ dutiro sahata tiquiro dohatiriquiro yũhdũrota, nidi tiquiro.

¹⁰ Tiquiro sa nigũ tũho maria waharo, peyequina masa tiquiro mehna ijieyequinare ohũ saha nidi Jesu:

–Ijirota mũsare niita niaja. Ahriquiore surara pũhtoro Israe masano ijieriquiro Cohãcjũre tutuaro wacũ tutuare. Tiquiro cahacjũnõre yũhũ yũhdũgũ yeatire masi tuhasare. Ne Israe masare ahriquiore yero saha ijieyequinare ihũedaga yũhũ.

¹¹ Mũsare niita niaja. Peyequina ahriquiore yero saha Cohãcjũre wacũ tutuayequina ijipihtiro cjẽna gũhũ ahmũse cjũno pũhtoro tiquiro ijiropũ esa, topũ ijieyequina mehna ihyæta. Abrahã, Isaac, Jacob mehna ihyæta tiquina.

¹² Masa apequina pehe Cohãcjũ tiquiro pũhtoro ijiropũ wahaboriquina tiquina ijiepegũta ñanopũ nahitianopũ cohã cãnota tiquinare. Topũ tiquiro cohãriquina tutuaro uti, bũjũa witiye mehna bahque dihoeta, ni yahuri Jesu.

¹³ Tire sa ni tuhasa, surara pũhtoro nidi.

–Tojoahya mũhũ ya wũhũpũ. Mũhũ cahacjũno yũhdũrota. “Potota yũhdũrota”, ni mũhũ tũhoturiro sahata yũhdũrota, nidi Jesu.

Sa nigũta tiquiro cahacjũno pehe quehnoa wahari.

Pedro mareonore dohatiricorore yũhdũoahye Jesu (Mr 1.29-31; Lc 4.38-39)

¹⁴ Sa ye Jesu Pedro ya wũhũpũ esa, Pedro mareono dohatigũ ihũahye tiquiro. Ujuaye tigũ cuñahye ticoro.

¹⁵ Ticoro sa ijigũ ihũano ticoro omocare ña peoahye. Tiquiro sa ña peogũta ujuaye surua wahahye. Surugũ tũhoturo ticoro pehe wahcãdũca, tiquinare ihyayere peoahye.

Jesu peyequina dohatiyequinare yũhdũoahye (Mr 1.32-34; Lc 4.40-41)

¹⁶ Sa ye ñamicahapũ peyequina watĩare cũoyequinare masa ne wihahye Jesu cahapũ. Tiquina sa ne wihigũ ihũano ihcã tahata tiquiro waha dutigũ watĩa wahaa wahahye.

Sa yero ijipihtiequina dohatiye-
quina tiquina ne sariquinare yuhduo
pehoahye Jesu.

¹⁷ Sata yeahye tiquiro panopu cjäno
Cohäcjü yere yahu mühtariquiro
Isaia tiquiro nidiro sahata. Ohö saha
ni ojoahye: “Mari dohatiyere yuhduo
cänota tiquiro. Mari duti tiyere cohä
cänota”, ni ojoahye Isaia Jesure.

*Ihquëquina Jesu mehna waha
duamahye*

(Lc 9.57-62)

¹⁸ Ape taha Jesu peyequina masa
tiquiro cahapu tiquina ijigü ihñano,
ohö saha nidi.

—Ape sie pahrëpu isa pehähna,
nidi.

¹⁹ Sa usä pehãto pano mari judio
masare buheriquiro Jesu cahapu esa,
ohö saha nidi:

—Buhegu, mühu mehna waha du-
aja noho mühu waharopu, nidi.

²⁰ Jesu ohö saha ni yuhtiri:

—Ihquëquina nücu cjäna wahiquina
tiquina coperi cuore. Minicjüa gühü
tiquina suhti cuore. Yuhü masu
Cohäcjü ohorigu pehe yuhü carñi
wuhü cuoeraja, ni yuhtiri Jesu.

²¹ Sa ye apequiro Jesu buheriquiro
ohö saha nidi:

—Puhto, yuhü pacu tiquiro yariagü
yarigutja. Sa ya tuhasagu pürita
mühu mehna wahagutja, nidi tiquiro
Jesure.

²² Jesu yuhtiri:

—Yuhüre cahmeeñequina yari-
ariquina yero saha ijire. Tiquina
pehe yariariquinare yaahro. Sa yegu
mühu pehe yuhü mehna cjü ijiajü
ahtaia, nidi tiquiro.

Jesu wihnonore yusu dutiahye

(Mr 4.35-41; Lc 8.22-25)

²³ Sa ni tuhasa yucusapu sajãri. Sa
yena usä tiquiro buhena gühü tiquiro
mehna waha, sajãhu.

²⁴ Ti ditarapu usä pehãgü waro wi-
hnono tutuaro wëdi. Sa yero pahcöri
yucusare quë mio cãmedi. Sa wih-
nono wëpegüta Jesu pehe carño nidi.

²⁵ Sa wahagü ihñana usä tiquiore
wahcöu. Wahcö ohö saha nii:

—Puhto, yuhduoya. Mari minina
tana niájü, nii usä.

²⁶ Usä sa nigü Jesu yuhtiri:

—¿Dühsena cue maca cãri müsa?
Yuhüre wacü tutuerare müsa, nidi
Jesu usãre.

Sa ninota wahcãduca sa, wih-
nonore pahcöri gühüre “Yusüahya”,
nidi. Tiquiro sa nigü wihnono yuhduo
wahari. Sa ye pahcöri gühü yusu
dijiaa wahari.

²⁷ Tiquiro sa yegü ihña acüana, ohö
saha nii usã:

—¿Yohou, dühse ijiriquiro boro
masano ijiajari ahriquiro? Ahri
wihnono, pahcöri gühü tiquiro dutigü
yuhduucaerare tiquiore, nii usã.

*Watia cuoyequinare watiare
cohähye Jesu*

(Mr 5.1-20; Lc 8.26-39)

²⁸ To bato pehã sa, Gadara cjäna ya
yehrapu esau. Topu usä esagü puaro
müsa masa coperi cahapu ijiequina
Jesure piti cari. Tiquina watiare
cuoyequina cuayequina ijiri. Sa yero
topu masa tiquina wahamehnenno
ijiri.

²⁹ Tiquiore piti ca, sañuducuri:

—¿Mühu Cohäcjü macu dühse yegu
ahtajari mühu usä cahapure? ¿Usãre
Cohäcjü tiquiro buhiri dahreati pje
ijierapegüta usãre buhiri dahrei
ahtau niájari mühu? ni sañuducuri
tiquina.

³⁰ Tiquina cahapu peyequina yesea
maca ihyaye nidi.

³¹ Tiquinare ihñañe, watia ohö saha
nidi Jesure:

—Usãre cohãgu sisequina cahapu
waha dutiya usãre. Tiquina mehna iji
dutiya usãre, ni sinidi watia Jesure.

³² —Au, wahaya, nidi Jesu.

Tiquiro sa nigü watia puaro masa
mehna ijiriquina waha, yesea ca-
hapu esari. Tiquina mehna tiquina
ijigüta yesea pari, pari cjüpu oma maa
buha, ditarapu bora ñojoa, mini yaria
pihtia wahari.

³³ Tiquina sa wahagü ihñañe
yeseare ihña ihboyequina pehe cuea
waha, oma maa cãa wahari. Macapu
esa, yesea tiquina minidire yahu site

pehoahye. Watĩare c̄oriquinare Jesu watĩare tiquinap̄are ijiriquinare cohã wiori gũh̄are yahu pehoahye tiquina.

³⁴ Sa tiquina yahu siteri bato ti maca cj̄ena ijipihtiyequina Jesure ihñañe ahtari. Sa ye tiquirore ihñañe, tutuaro mehna waha dutiri tiquirore.

9

Tini masieniquirore yuh̄d̄oahye Jesu

(Mr 2.1-12; Lc 5.17-26)

¹ Sa ye Jesu yuc̄sap̄u sajã, ditarap̄u pehã, tiquiro masari macap̄u esahye.

² Top̄u apequina tini masieniquirore tiquiro cuñari cahsero mehna yo w̄ua wihiahye Jesu cahap̄u. “Jesu ahriquiroro dohatiyere yuh̄d̄ugũ yerota”, ni t̄hotuahye tiquina. Tiquina sa ni t̄hotugũ masino dohatiriquiroro ohõ saha niahye Jesu:

–Bucueya m̄h̄u. M̄h̄u ñañe yeyere cohã tuhasa yuh̄u, niahye tiquiro.

³ Tiquiro sa nigũ t̄hoye ihquẽquina mari judio masare buheyequina ohõ saha ni t̄hotumahye. “Ahriquiroro ihyo ijiriquiro sa nino ‘Cohãcj̄u ijiaja’, nino nine. Sa nino Cohãcj̄ure ñano nino nine”, ni t̄hotumahye tiquina.

⁴ Tiquina sa ni t̄hotugũ masino, ohõ saha niahye Jesu:

–¿D̄h̄sena sa ñano t̄hotuajari m̄sa?

⁵ “M̄h̄u ñañe yeyere cohã tuhasaja”, yuh̄u nigũ “Ni mehogu ijire”, nine m̄sa quehnoano masiedapenata. “Wahcãd̄uca, waha”, yuh̄u nigũ tiquiro tinigũ ihñana, yuh̄u nidi potõ ijigũ duita m̄sa masinata.

⁶ Yuh̄u masu Cohãcj̄u ohorigu ahri yehpap̄u masa tiquina ñañe yeyere cohã masiaja yuh̄u. Masa tiquina ñañe yeyere cohãcj̄ure c̄uri Cohãcj̄u yuh̄ure. Yuh̄u sa cohãrire m̄sa masiato saha ohõ sahata ye ihñoutja m̄sa ihñatire, niahye Jesu.

Sa ni tuhasa tini masieniquirore ohõ saha niahye:

–Wahcãd̄ucaya. M̄h̄u cuñari cahserore ne cãhña m̄h̄u ya w̄h̄ap̄u, niahye tiquirore.

⁷ Tiquiro sa nigũ t̄horo tini masieniquiro wahcãd̄uca sa, tiquiro ya w̄h̄ap̄u tojoa wahahye.

⁸ Sa wahagũ ihñañe masa cueahye. Sa ye Jesure Cohãcj̄u tiquiro tutuayere tiquiro ohogũ ihñañe masa Cohãcj̄ure ño peo, quehnoano yahuducuahye.

Jesu Mateore pijiahye

(Mr 2.13-17; Lc 5.27-32)

⁹ Tiquina sa yeri bato Jesu top̄u ijiriquiro ahta, yuh̄ure Mateore boca sari. P̄h̄toa ye ijiatire masare wapa ne cohtegu ijimi. Sa yegu ti pjere yuh̄u dahrari tuc̄p̄u dujii. Top̄u yuh̄u dujigũ ihñano ohõ saha nidi yuh̄ure:

–Yuh̄u mehna cj̄u ijiaj̄u ahtaya, nidi Jesu yuh̄ure.

Tiquiro sa nigũ t̄hogu wahcãd̄uca tiquiro mehna waha.

¹⁰ Came ya w̄h̄ap̄u Jesu gũh̄u ihyaye ahtari. Peyequina wapa ne cohteyequina, “Ñano yeyequina”, tiquina niñequina gũh̄u usã mehna ihyari.

¹¹ Tiquina mehna usã ihyagũ ihñañe, fariseo masa usãre Jesu buhenare ohõ saha nidi:

–¿D̄h̄se yero m̄sare buheriquiro wapa ne cohteyequina mehna, ñano yeyequina mehna ihyajari? nidi tiquina usãre tiquiro buhenare.

¹²⁻¹³ Tiquina sa nigũ t̄horo Jesu pehe queoye mehna buhero yuh̄tiri:

–Dohatiyequina duturure macaedare.

Dohatiyequina dihita duturure macare. Ñañequina dohatiyequina yero saha ijire. Sa yegu ñañequina dihitare tiquina ñañene yerire buj̄ua witi duti, quehnoañe pehere came sagũ yei ahta ni yuh̄u. Tiquina basi “Quehnoana ijiaja usã”, ni t̄hotuyequinare yedohogu ahtaeru. Cohãcj̄u tiquiro nidire tiquina ojoarire masiña m̄sa. “Wahiquinare m̄sa wejẽ, uj̄ua m̄oñe mehna yuh̄ure m̄sa ño peogũ cahmedaja. Apequinare m̄sa paja ihñagũ pehere

cahmeaja”, ni ojoahye. Ahri tiquiro ojoari d̄uhse nidire masiña m̄usa. Tire quehnoano buhe nemona wahaya, nidi Jesu fariseo masare.

Sijiyere sinituahye Ñu buheyequina Jesure

(Mr 2.18-22; Lc 5.33-39)

14 Came Ñu wame yeriquiro buheyequina Jesu cahap̄ esa, sinituri:

—Ūsã Ñu buhena pehe peye tahari Cohãcj̄re ño peona tana, sijiaja. Fariseo masa ḡuh̄ sata sijire. ¿D̄uhse yeye m̄uh̄ buheyequina pehe sijierajari? nidi tiquina Jesure.

15 Jesu tiquiro t̄hotuye mehna queoye mehna buhero taro tiquinare oh̄ saha ni ȳhtiri:

—Oh̄ saha ijire ti: Omoca d̄ahterop̄ tiquina pijioriquina omoca d̄ahteriquiro mehna ijiye, siji masiedare. Sata ȳuh̄ buheyequina ḡuh̄ ȳuh̄ mehna ijiye, siji masiedare. Ȳuh̄ omoca d̄ahteriquiro yero saha ijiaja. Omoca d̄ahteriquiro bose deco tiquiro yeḡ tiquiro mehna cj̄na b̄uj̄a witiye mehna ijierare. Sa yeye iyeyequina ijierare. Ȳuh̄ Pac̄ Cohãcj̄ ȳuh̄re tiquiro nedi bato p̄ritare ȳuh̄ buheyequina mehna ijisi ȳuh̄. Sa yeye ti p̄j̄p̄ta ȳuh̄ buheyequina ḡuh̄ sijieta, ni ȳhtiri Jesu.

16 Panop̄ cj̄ buheye wahma buheye mehna tiquina buhe more duaḡ ih̄ño oh̄ saha ni nemori Jesu tiquinare queoye mehna buhero.

—Ne wahma cahsero suhtiro cahsero mehna m̄n̄ano suhtirore sere oh̄no cahmedare. Sa yeḡ wahma cahsero mari coseri bato m̄n̄ano suhtirore weje cahmecoa, paji ȳuh̄aro t̄hn̄ḡ yere. (Ahri yero saha m̄na buheyere wahma buheye mehna piti dahre buheraro cahmene.)

17 Sa yena ne uhse co bisiye core wahiquiro cahsero ajurore m̄na ajurore pose yeraro cahmene. Sa yeḡ uhse co bisiye pahmuñep̄ m̄na ajurore t̄hr̄ c̄h̄re. Sa t̄hn̄ḡ uhse co ḡuh̄, ajuro ḡuh̄ cohã wahare.

Sa yena uhse co wahma core wahma ajurop̄ pose yero cahmene. Sa yeḡ uhse co cohãeda, ajuro ḡuh̄ cohãedare. (Sata wahma buheye m̄na buheye mehna buhe moredaro cahmene,) ni yahuri Jesu tiquinare.

Jairo maconore maso, dii m̄na dohatiducuricoro ḡuh̄re ȳuh̄oahye Jesu

(Mr 5.21-43; Lc 8.40-56)

18 Tiquiro sa ni yahuri watoa mari judio masa p̄h̄toa mehna cj̄no Jesu cahap̄ wihiri. Wihi, d̄usepe curi mehna quehe sa, oh̄ saha nidi.

—Ȳuh̄ maco mianogã yariaa wahari. Ticorore m̄uh̄ omocare duhu peoḡ ahtaya. M̄uh̄ sa yeḡ masanota, nidi tiquiro Jesure.

19 Tiquiro sa niḡ t̄horo Jesu wahcãd̄ca tiquiro mehna wahari. Ūsã tiquiro buhena ḡuh̄ wahau.

20 Ūsã mahap̄ wahaducuḡ top̄ numino dii m̄na dohatiducuricoro Jesu batop̄ ahta, tiquiro suhtiro sohtoare dahra tuhuahye. Doce c̄hm̄ari waro decoripe dii m̄na dohatiro niahye.

21 Oh̄ saha ni t̄hotuahye ticoro sa yero: “Ti suhtirore dahra tuhugo, quehnoa wahagota”, ni t̄hotuahye ticoro.

22 Ticoro sa yeḡ masino Jesu m̄ Jared̄ca, ticorore nidi.

—Maco, bucueya m̄uh̄. M̄uh̄ ȳuh̄re wac̄ tutuaye mehna quehnoago tojoare yojop̄re, nidi tiquiro.

Tiquiro sa niḡta ȳuh̄a wahari ticoro.

23 Sa ye tuhasa Jesu p̄h̄toro ya w̄h̄p̄ esari. Top̄ esa, ñehe quea utiyequinare weoḡ m̄te pohoro saha ijid̄re putiyequinare ih̄ñari. Peyequina masa tiquina ñano bisiḡ ḡuh̄re t̄hori tiquiro.

24 Tiquina sa yeḡ ih̄ño masare oh̄ saha nidi:

—Wijiaya m̄sa. Yariere ticoro. Car̄no nine, nidi tiquinare.

Tiquiro sa niḡ t̄hoye “Sa ni maca c̄no nine ahriiquiro”, ñe, masa b̄j̄ari tiquirore.

²⁵ Sa yero wuhu puhiapure ijiyequina masare tiquiro wio pehori bato yariaricoro cahapu esa, ticoro omocare ñeheahye. Tiquiro sa ñehegũ masa quehe sa, wahcãduca sahye ticoro.

²⁶ Tiquiro sa yerire tãhoye, to cjẽna masa ijipihtiyequina yahu siteri.

Puaro caperi bajueyequinare ihñagũ yeahye Jesu

²⁷ Sa yero Jesu topu ijiriquiro wahagũ, puaro caperi bajueyequina tiquirore pisu nũnu tãri:

—Davi panami iji turiagu, masare yuhduoacju, usãre paja ihñaña mũhu, ni sañuducuri tiquina.

²⁸ Tiquina sa nigũta Jesu ape wuhuru sajãri. Tiquiro sa sajãgũ masiñe caperi bajueyequina tiquiro cahapu sajãa wahari. Tiquina sa sajã sagũ ihñano tiquiro pehe sinituri tiquinare:

—¿“Marine ihñagũ yerota tiquiro”, ni tãhotuajari msa yũhure? nidi tiquiro.

—Puhto, sata ni tãhotuaja usã, ni yũhtiri tiquina.

²⁹ Tiquina sa nigũta tiquina caperire ña peori. Ña peo ohõ saha nidi:

—Yũhure “Sa yerota”, msa ni tãhoturiro sahata sa yeaja msare, nidi Jesu.

³⁰ Tiquiro sa nigũta tiquina caperi pehe quehnoa wahari. Sa ye Jesu ohõ saha nidi tiquinare:

—Ahri yũhu ohõ saha yerire apequinare ne yahueracãhña, nidi.

³¹ Tiquiro sa niepegũta waha, topu ijiyequinare yahu siteri tiquina tiquiro sa yerire.

Yahuducueriquirore yahuducugũ yeahye Jesu

³² Ti wũhure tiquina wijiagũ waro ihcãquiro yahuducueriquirore ne cãhtari masa. Watĩno tiquiro mehna ijiriquiro tiquirore yahuducueragũ yeahye.

³³ Tiquina ne sagũ ihñano watĩnore Jesu cohã wiori. Tiquiro sa cohãgũ watĩnore cãoriquiro pehe yahuducua

wahari. Tiquiro sa yegũ ihñañe ijipihtiyequina ihña maria pihtia wahari.

—Ne, ahri yehpa Israe yehrapure ohõ saha yeyere ihñedahti mari, ni yahuducuri tiquina basi.

³⁴ Fariseo masa pehe sijoro saha ni yahuducuri:

—Watĩa puhtoro tutuaye mehna watĩare cohãre ahriquiro, ni yahuducuri tiquina.

Masare paja ihñahye Jesu

³⁵ Sa ye ijipihtiye macari topu ijiye macarigãre, bujũye macari gũhure buhe tinino wahari Jesu. Quehnoañe buheyere judio masa mari buheye wũhusepu buhero wahari tiquiro. Sa yero Cohãcjũ puhtoro tiquiro ijiatire yahuri. Ijipihtiye dohatiyere gũhure to cjẽnare yũhdũori tiquiro.

³⁶ Masa peyequina ñano yũhdũyequinare, pejecũoro wahayequinare tiquina ijigũ ihñano Jesu tiquinare paja ihñari. Tiquina oveja opana marieñequina yero saha tiquina ijigũ ihñano Jesu tutuaro paja ihñari tiquinare.

³⁷ Sa yero ohõ saha nidi tiquiro usãre tiquiro buhenare, queoye mehna buhero:

—Trigo peye bucuã tuhasagũ peye ijigũ dahraye pajiro ijire. Sa ijiepegũta dahrayequina pehe meheñequinagã ijire. Sata quehnoañe buheyere tãhoatiquina peyequina ijigũ pajiro ijire mari dahraye. Sa ijiepegũta meheñequinagã dahrari masa yero saha quehnoañe buheyere buheatiquina gũhu meheñequinagã ijire.

³⁸ Sa yena quehnoañe buheyere buheatiquinare apequinare tiquiro ohoatire siniña Cohãcjũre, nidi Jesu.

10

Jesu doce waro beseahye tiquiro ohoatiquinare

(Mr 3.13-19; Lc 6.12-16)

¹ Came doce usãre tiquiro buhenare Jesu pijio, tutuayere ohori usãre. Watĩare usã cohã masiatire ijipihtiye dohatiyere usã cohã masiatire ohori usãre.

² Ohō saha wame tii usā Jesu cūrina: Simo ijiri. Tiquiroreta Pedro ni pisuri Jesu. Simo bahuro Andre gāhu ijiri. Santiago gāhu tiquiro bahuro Ñu mehna ijiri. Tiquina Santiago gāhu pacuro Zebedeo wame tiri.

³ Felipe, Bartolomé, Tomasu, yahu Mateo ijii usā. Yuhu pehe puhtoaya ye ijiatire masare wapa ne cohtegu ijimi. Usā mehna Santiago ijiri. Tiquiro pehe Alfeo macuno ijiri. Sa yero Tadeo gāhu ijiri.

⁴ Simo celote ya curua cǔno ijimediquiro, Juda Iscariote gāhu ijiri. Juda pehe Jesure ihña tuhtiyequinare ihñoatiquiro ijiri.

Jesu tiquiro buheyequinare buhe dutiro ohoahye

(Mr 6.7-13; Lc 9.1-6)

⁵ Sa ye usāre doce tiquiro buhenare ohoro, “Ohō saha yeya”, ni yahuri usāre Jesu:

—Judio masa ijieyequina cahapure wahaeracāhña. Ne Samaria yehpapu ijiye macaripu gāhure wahaeracāhña.

⁶ Israe yehpa cǔna cahapu pehere wahaya. Cohācǔre masieñequina ijire tiquina.

⁷ “Uhmuse cǔno puhtoro tiquiro ijiato mehenogā dūhsare”, ni buheya tiquinare.

⁸ Sa yena cami bucu muna wihare, apeye peye sijoro saha ijiye dohatiyere cuoyequina gāhure yuhdugū yeya. Yariariquinare masoña. Wafña masa mehna ijieyequinare cohāña tiquinare. Musare sa ohogu niaja ahri tutuayere. Sa yena musa gāhu yahu sa ohoriro sahata masare yuhdugū yeya wapa neno marieno.

⁹ 'Musa wahana niñerure ne nedacāhña.

¹⁰ Ne musa ajurore, puaro camisare, puapa dahpo suhtire, tuaye cǔ gāhure nedacāhña. Musa sañano dihitare saña wahaya. Apeye suhtire nedacāhña. Musa buhena waharopu ijieyequina tiquina pehe musare pohe ijiatire ohoeta. Sata ohoro cahmene tiquinare.

¹¹ 'Ti macaripu esana, musare quehnoano piti catiquirore macaña. Sa yena ti wuhuputa tojoarñña. Tee, coā wahanapu wijiaya ti wuhure.

¹² Sa yena wuhupu sajāna, “¿Ijiajari musa?” niña ti wuhu cǔnare. Musare quehnoano tiquina cahmegū “Cohācǔ mehna quehnoano ijiya musa”, niña tiquinare.

¹³ Musare tiquina cahmedagū, musa sa niborire niedacāhña.

¹⁴ Sa yena musare tiquina cahmedagū, tiquina tuho dueragū ti wuhure wijiaya. Wijiana, dahpocāri cǔ dihta esa wahārire wejē site cūña musa tiquinare tiquina ye buhirire masigū yena. Ti maca cǔna musare cahmedagū sata yeya tiquina gāhure.

¹⁵ Ijirota musare niita niaja. Ahri deco pihtigūpore Sodoma cǔna, Gomorra cǔna gāhu tutuaro buhiri tiatiquinata ijire. Tiquina sa ijiepegāta tiquina yuhdoro musare cahmeeñequina buhiri tiatiquina ijieta, ni yahuri Jesu.

Jesu yequinare apequina ñano yeatire yahuahye Jesu

¹⁶ Sa ni tuhasa ohō saha ni nemori:

—Yuhure tuhoya musa. Oveja yero saha ijinare musare ñañequina watoa ohogu niaja. Tiquina ñañequina nucu cǔna yayia usuayequina yero saha ijire. Sa yena musa pehe apequina wahiquina wacū masieñequina yero saha ijiya. Sa ijina ijiepenata bujua yero saha ne usuena ijiya musa.

¹⁷ Quehnoano yeya musa. Musare masa puhtoare ohoeta. Judio masa mari buheye wuhusepu quēeta musare.

¹⁸ Sa yeye yeequina musa ijiri buhiri macari cǔna puhtoaya cahapu tiquina bui ijieyequina puhtoaya cahapu gāhure neañeta musare. Sa yena musare topu tiquina neagū puhtoare, judio masa ijieyequina gāhure quehnoañe buheyere buhenata musa.

¹⁹⁻²⁰ Musare puhtoare tiquina ohogū tiquinare musa niatire “Yohou, masiedaboaga”, ni tuhotueracāhña.

Musare tiquina sinitugãta mûsa ni atire masinata. Sa masina tiquinare yahuna, mûsa tire mûsa esa tuharo yahuducuna nisi. Cohãcjũ pehe mari Pacũ tiquiro yaquiro Espíritu mehna mûsare yahuducugũ yerota.

21 'Ti pjere tiquina wahmisumua tiquina bahanare wejẽ dutiye ohoeta pũhtoare yeequina tiquina ijiri buhiri. Tiquina pacusumua tiquina pohne wejẽ dutiye ohoeta pũhtoare. Tiquina pohne pehe tiquina pacusumuaare wejẽ dutiye ohoeta pũhtoare.

22 Sa yeye yeequina mûsa ijiri buhiri ihña tuhtieta masa ijipihitiyequina mûsare. Tiquina sa yepegũta ahri yehpapũ mûsa catiro puno mûsare tiquina ñano yerire ihcãno sahana yũhũre duhuerana, yũhdũnata mûsa.

23 Ihcã macapũ mûsare tiquina ñano yegũ ape macapũ duhti cãhña. Ijirota mûsare niita niaja. Israe yehpapũ ijiye macarine mûsa pehoato pano, yũhũ masũ Cohãcjũ ohorigũ ahri yehpapũ tojoa taũtja.

24 'Ne ihcãquiro buheriquiro tiquirore yahuriquiro buipũ ijierare. Sa yero cahacjũno gũhũ tiquiro pũhtoro bui cjũno ijierare.

25 Sa yero ohõ saha tũhoturo cahmene buheriquirore: "Yũhũre buheriquiro yero sahata ijigũtja", ni tũhoturo cahmene. Cahacjũno gũhũre sata ni tũhoturo cahmene. "Yũhũ pũhtoro yero sahata ijigũtja", ni tũhoturo cahmene. "Tiquiro bui ijigũtja. Sa yegũ yũhũ pũhtoro tiquiro ñano yũhdũriro sahata ñano yũhdũsi yũhũ pehe", ni tũhotueraro cahmene. Yũhũ pehe wũhũ cjũno yero saha ijiaja. Mûsa pehe ti wũhũpũ dahrayequina yero saha ijire. Sa yeye masa yũhũre "Beelzebú ijire", ni yahusãñe, mûsa gũhũre yeequinare ñano ni yahuducueta tiquina, ni yahuri Jesu.

*"¿Noa pehere cwegũ quehnoajari?"
ni yahuahye Jesu
(Lc 12.2-7)*

26 Sa ni tuhasa ohõ saha ni nemori: —Sa yena mûsare ñano yeyequinare cueracãhña. Masa tiquina yahuerarire came apequina masieta. Sa yeye tiquina nũori gũhũre apequina masieta.

27 Mûsare tũhoerogã yũhũ yahurire peyequina masa watoa buhe turiaya mûsa.

28 Masũnore wejẽñequina tiquiro pagũ dihitare wejẽne. Tiquiro jeripohna yarierare. Sa yena mûsare wejẽ duayequinare cueracãhña. Cohãcjũ pehere cueya. Tiquiro mûsa pagũrire, mûsa jeripohnari gũhũre pecapũ cohã masine. Sa yena tiquiro pehere cueya.

29 'Pũaro siripia wapa mariedare. Tiquina sa wapa mariedapegũta ihcãquirogãre Cohãcjũ ne boerare. Cohãcjũ dutieragũ ne yarierare tiquirogã.

30 Sa yero mûsa poarire ne ihcã poa da dũhsaro marieno masi pehore Cohãcjũ. Sata mûsa ijiye tiye gũhũre masi pehore Cohãcjũ. Sa masino mûsare ihña ihboducure.

31 Siripiare tiquiro cahĩno yũhdũoro, mûsa pehere cahĩne Cohãcjũ. Sa yena pajiro tũhotueracãhña mûsa.

Jesure mûsa wacũ tutuarire yahuya masare

(Lc 12.8-9)

32 'Ihcãquiro "Jesu yaquiro ijiaja", masare tiquiro ni yahugũ yũhũ gũhũ tiquirore "Yaquiro ijire", ni yahugũtja yũhũ Pacũre umũse cjũnore.

33 Sa ijiepegũta ihcãquiro "Jesu yaquiro ijieraja", masare tiquiro nigũ yũhũ gũhũ "Yaquiro ijierare tiquiro", ni yahugũtja yũhũ Pacũre, ni yahuri Jesu.

Jesu masare tu wagũ yere

(Lc 12.51-53; 14.26-27)

34 Sa ni tuhasa ohõ saha ni yahu nemori:

—¿Dũhse ni tũhotuajari mûsa yũhũre? ¿"Tiquiro masare tiquiro buheri bato apequina tiquinare ihña tuhtisi", ni, tũhotuajari mûsa? Sa ijierare. Masare yũhũ buheri bato

ihquẽquina yeere tãhoeta. Apequina pehe tiquinare ihña tuhtieta. Ihcãno saha ijisi masa.

³⁵ Бұсұна уаһу буheyere tiquina tãhori buhiri tiquina pohne tiquinare ihña tuhtieta. Бұсұна numia gãһу уаһу буheyere tiquina tãhori buhiri tiquina pohna numia tiquinare ihña tuhtieta. Tiquina mareosãnumia уаһу буheyere tiquina tãhori buhiri tiquina macu namosãnumia tiquinare ihña tuhtieta.

³⁶ Sa yeye masa tiquina acayere ihña tuhtiequina ijietta.

³⁷ ‘Уаһуре tiquina cahĩboriro уаһдуро tiquina pacusumua pehere cahĩ уаһдұдұcaye, yeequina ijisi tiquina. Уаһуре tiquina cahĩboriro уаһдуро tiquina pohne pehere cahĩ уаһдұдұcaye, yeequina ijisi tiquina.

³⁸ Sa yeye apequina curusapũ yariariro saha yeequina tiquina ijiri buhiri ñano уаһдұeta tiquina gãһу. Sata ñano уаһдұ dueyequina yeequina ijisi tiquina.

³⁹ Masa уаһуре wacũno marieno tiquina esa tuharo yeye pecapũ wa-haeta tiquina. Sa yeye yeere sa yedu-cuye ijipihtiye decori уаһу mehna iji-eta tiquina, ni yahuri Jesu.

*Mari wapatatire yahuahye Jesu
(Mr 9.41)*

⁴⁰ Sa ni tuhasa ohõ saha ni yahu nemori:

—Mũsare yeequinare ihcãquiro quehnoano cahmeno, уаһу gãһуре cahmeno nine tiquiro. Sa yero tiquiro уаһуре quehnoano cahmediquiro уаһуре ohoriquiro gãһуре cahmeno nine.

⁴¹ Sa yero Cohãcjũ yere yahuriquiro wapatarota. Tiquirore quehnoano yerota Cohãcjũ. Sa yero tiquiro yere yahuriquiro tiquiro ijigũ ihñano apequiro pehe yahuriquirore quehnoano cahmeno, yahuriquiro yero sahata wapatarota tiquiro gãһу. Sa ye apequiro quehnoano yeriquiro wapatarota. Sa yero quehnoano yeriquiro tiquiro ijigũ ihñano apequiro pehe tiquirore quehnoano

cahmeno, quehnoano yeriquiro yero saha wapatarota tiquiro gãһу.

⁴² Yaquirogã ihcãquiro tiquiro ijigũ ihñañe dũhse ijiyequina tiquirogãre acore mehenogã tiquina sihõpegũta, potota tiquinare quehnoano yerota Cohãcjũ, ni yahuri Jesu.

11

*Ñu wame yeriquiro tiquiro buheye-quinare Jesure sinitu dutiro ohoahye
(Lc 7.18-35)*

¹ Ёsãre tiquiro buhenare tiquiro sa ni yahuri bato to cahapũ ijiye macaripũ buhero wahari tiquiro.

² Sa ye tiquiro yerire Ñu peresupũ ijiriquiro tãhooahye. Sa tãhoro Ñu tiquiro buheyequinare Jesure sinitu dutiro ohoahye.

³ Sa ye Jesu cahapũ esa, sinituri tiquina Ñu buheyequina.

—¿Ñu “Уаһу bato apequiro ahtarota”, tiquiro nidigũ ijajari mãһу? ¿Tiquiro nidigũ mãһу ijieragũ apequirore cohtenatari usã? ni sinituri tiquina pehe Jesure.

⁴ Tiquina sa nigũ tãhoro Jesu уаһtiri:

—Yojopũre mũsa tãhorire, mũsa ihñarire Ñure yahuna wahaya:

⁵ “ ‘Caperi bajueyequina ihñare. Tini masieñequina tinine. Cami бұсұна quehnoa wahare. Cahmono tãhoeyequina tãhoa wahare. Yari-ariquina masaa wahare. Tiquina ijipihtiyequinare quehnoa wahagũ yei уаһу. Sa yegũ pejecũoyequinare quehnoañe buheyere yahuaja.

⁶ Уаһуре tãhoriquiro “Poto ijire”, niniquiro tiquiro bucueriquiro ijire’, nidi”, ni, Ñure yahuna wahaya, nidi Jesu.

⁷ Ñu buheyequina tiquina wahari bato, Jesu pehe Ñu ijiye tiyere yahu dũcari peyequina masare:

—Masa marienopũ taare wihnono wẽdoqueo mũjagũ ihñana eserari mũsa.

⁸ “Quehnoañe suhti tiriquirore ihñana wahaһһna”, niedari mũsa masa marienopũ wahana. Quehnoañe

suhti tiyequina wapa bujayera cuoyequina puhto ye wahusepun ijire.

⁹ Masa marienopun esana Cohacjũ yere yahu muhtariquirore ihñana esari masa. Ijirota ijire. Ñu Cohacjũ yere yahu muhtariquiro ijire. Apequina Cohacjũ yere yahu muhtañequina yuhduoro ijiriquiro ijire tiquiro pehe.

¹⁰ Panopun Cohacjũ yere tiquina ojoari pũpun Ñure ohõ saha ni yahuahye:

Mari Pacu tiquiro macunore ohõ saha niahye: “Muhun pano muhure yahuyuatiquirore ohogun niaja”, niahye, ni ojoahye panopunre Ñure.

¹¹ Musare ijirota niaja. Apequina ijipihtiequina bui ijire Ñu wame yeriquiro. Ahri decoripunre tiquiro sa ijiepegũta umhuse cjũno puhtoro ijiropunre ijipihtiequina docapun ijiriquiro pũrita Ñu bui ijire.

¹² Ñu wame yeriquiro tiquiro buhe, wame ye ducagũ peyequina masa umhuse cjũno puhtoro ijiropun tiquina tutuaye mehna, tiquina esa tuharo sajã duamedì.

¹³ Cohacjũ yere yahu muhtañequina tiquina ojoarire, Cohacjũ Moisere tiquiro cũripun gũhare buhena Cohacjũ tiquiro puhtoro ijiatore masiaja mari. Ñu gũhun tireta yahuri.

¹⁴ “Elia ahtarota”, panopun tiquina nidiquirota ijire Ñu pehe. Panopun cjẽna tiquina nidire “Poto ijire”, ni duana Ñu tiquina sa nidiquiro tiquiro ijigũ masinata masa.

¹⁵ Quehnoano tuhoya masa ahrire.

¹⁶ ¿Yojopun cjẽna masa yabequina yero saha ijiajari tiquina, masa tuhotugũ? Tiquina macanagã yero saha ijire. Apequina tiquina cahmeno saha tiquina yeragũ bucuere tiquinagã. Doeri cjẽ duaropun ape dujiye, ohõ saha ni pisupere tiquinagã basi:

¹⁷ “Masa basatire usã putipemi. ¿Duhseña masa basaerari usã tire putigũ? Usã tutuaro ñehe quea utipe, sañuducupemi. ¿Masa pehe

duhsena usã mehna utiperari?” niducuriquina yero sahata ijire yojopun cjẽna gũhun. Yojopun cjẽna tiquina cahmeno saha usã yeragũ ihñañe bucuere tiquina gũhun.

¹⁸ Tiquina yero saha yena ohõ saha yere masa yojopun cjãna. Ñu wame yeriquiro Cohacjũre ño peoro taro sijiro, vinore sihniedari. Tiquiro sa sihniedagũ ihñana “Watĩnore cuoriquiro ijire”, nimesi masa tiquiro pehere.

¹⁹ Yuhun masun Cohacjũ ohorigun ijigun yuhun ihya, sihniaja. Yuhun sa yegũ ihñana ohõ saha nine masa yuhun pehere: “Ihñaña. Ahriquiro pajiro ihyariquiro, queheriquiro ijire. Wapa ne cohteyequina, ñano yeyequina gũhun tiquina piti tiriquiro ijire tiquiro”, nine masa yuhure. Sa nina macanagã yero saha yahuducuna nine masa. Masa cahmeno saha usã yeragũ bucuere masa. Sa masiedapenata usã ye ihñore ihñana, Cohacjũ yere usã masigũ masinata masa, nidi Jesu tiquinare.

Tiquina ñañene bujuna witiyequina ye macari cjẽnare tuhtiahye Jesu (Lc 10.13-15)

²⁰ Apeye macari cjẽnare tuhtiri Jesu. Ti macarine apeye macari yuhduoro Cohacjũ tutuaye mehna ye ihñomedi tiquiro. Tiquiro sa ye ihñoepagũta tiquina ñañe yerire duhuerari tiquina. Sa yero ohõ saha ni tuhtiri Jesu tiquinare.

²¹ –Corazín cjãna, masa ñano yuhduata. Betsaida cjãna, masa gũhun ñano yuhduata. Masa ye macaripunre Cohacjũ tutuaye mehna ye ihñomi. Tiro wame tiri macare, Sidõ wame tiri maca gũhare tiquiro tutuaye mehna yuhun ye ihñogũ ihñañe panopun to cjẽna pehe tiquina ñañene bujuna witiyoaga. Sa yeye quehnoañene comesaboaga. Masa dija suhtire saña, peca cjẽ nujuare tiquina bui dahra site peoboaga tiquina ñañene bujuna witiyere ihñoñe.

²² Musare niita niaja. Buhiri dahreati deco ijigũ Cohacjũ Tiro cjẽna, Sidõ cjẽna yuhduoro masa pehere

musa ñari buhirire ña yuhduaro buhiri dahrerota.

²³ Capernau cjāna, musa esa tuharo uhmusepu waha duamedi. Musare Cohācjū pecapu cohānota. Musa ya macapu Cohācjū tutuaye mehna ye ihñomi. Musa yuhure tuhoerari. Sodoma wame tiri macare Cohācjū tutuaye mehna yuhū ye ihñogū ti maca pehe yojopure ijiboaga.

²⁴ Musare niita niaja. Buhiri dahreri deco ijigū Cohācjū Sodoma cjēna yuhduoro, musa pehere musa ñari buhiri ña yuhduaro buhiri dahrerota, nidi Jesu ti macari cjēnare.

—Yuhū cahapu sona taya, niahye Jesu

(Lc 10.21-22)

²⁵ Ti pjere ohō saha nidi Jesu tiquiro Pacuro mehna yahuducuro:

—Yuhū Pacu, mahu uhmuse cjēna puhto, ahri yehpa cjēna puhto ijire. Ahri mahu buheyere “Quehnoano masina ijiaja usā”, niñequinare masigū yerare mahu. Buhe pehoeyequina pehere mahu yere masigū yere mahu. Mahu sa yegū, “Quehnoare”, niaja yuhū mahu.

²⁶ Sata ijire. Tiquina pehere masigū cahmedi mahu, nidi Jesu tiquiro Pacurore.

²⁷ Sa yero masare ohō saha ni yahu nemori:

—Yuhū Pacu ijipihtiyere yuhure oho. Tiquiro dihita yuhure quehnoano masine. Sa yena usā dihita yuhū masi dutiyequina mehna yuhū Pacure masiaja usā.

²⁸ Musa ña ñe apee boro nucñe yero saha ijire. Nucñene wana musa tahrino saha ñañene wahyia wahare musa. Sa wahyarina ijina yuhure cahmeña musa. Musare sogū yeitja. Musa ña ñe yeyere duhugū yeitja.

²⁹ Yuhū dutiyere yeya. Yeere quehnoano masiña. Yuhū paja ihñagu ijiaja. Sa yegu yuhducaegu ijiaja. Yuhū sa ijigū yeere quehnoano masiña musa. Sa yena soye mehna quehnoano jeripohna tinata musa.

³⁰ Yeere musa yegū mijoedare. Sa yero musa wāye ti nucnedaro sahata

yuhū pehe musare mehenogā ye duti-aja, nidi Jesu.

12

Judio masa tiquina sori decore trigore peheahye Jesu buheyequina (Mr 2.23-28; Lc 6.1-5)

¹ Mehenogā tiquiro sa ni buheri bato saurú ijigū usā Jesu mehna trigo wesepu esau. Usā tiquiro buhena ujua ahbana, trigore pehe, ihya tuhāsa, yuhdu cāa waha usā.

² Usā sa yegū ihñañe, fariseo masa Jesure ohō saha nidi:

—Tuhorīña usāre. ¿Duhse ye mahu buheyequina saurú mari sori deco ijiepegūta dahrajari? Marine dutiyere yuhducaeye nine, nidi tiquina.

³⁻⁴ Jesu yuhtiri. “Yuhū buheyequina yuhducaeye niedare”, ni yahuro taro ohō saha ni yuhtiri:

—Davi tiquiro mehna cjēna mehna ujua ahbaro Cohācjū wuhupu sajā, Cohācjū ye pāre iyahye. Ti pāre pahia dihita iyae tiahye. Cohācjū dutiyere tiquina ojoari pū apequnare ti pāre ihya dutierare. ¿Davi gūhū tire tiquina yerire Cohācjū ojoari pūpu buherari musa? (Ti pāre ihyaro Cohācjūre yuhducaro niedahye. Miare ahri pjerire iyayē yuhū buheyequina gūhū Cohācjūre yuhducaeye niedare.)

⁵ Sa ye Cohācjū wuhupu dahrayequina pahia ne soerare mari soye decorire. Sa soerapeta Cohācjū dutiyere yuhducaeyequina ijierare. ¿Tire buherari musa Cohācjū Moiserē tiquiro cūri pūpu?

⁶ Musare niita niaja. Cohācjū wuhure ño peona ti wuhupu dahrayequina tiquina soeragū ihñaepenata “Quehnoanota”, nine musa. Ti wuhū yuhduoro yuhū pehere ño peoro cahmene.

⁷ Cohācjū yere tiquina ojoari pū ohō saha nine: “Wahiquinare wejē, ujua mōñe mehna yuhure musa ño peogū cahmedaja. Apequnare musa paja ihñagū pehere cahmeaja yuhū”,

nine tiquiro yere tiquina ojoari pũ. Tiquiro sa nidire m̄sa quehnoano t̄hona, ȳh̄u buheyequinare tiquina buhiri mariedapeḡata tiquinare tuhtieraboaga m̄sa.

⁸ Ȳh̄u mas̄u Coh̄c̄j̄ũ ohoriḡu ahri deco saurú decore masa tiquina yeatire yahuḡu ijiḡu p̄hto ijiaja, nidi Jesu fariseo masare.

*Omoca b̄hariquiro quti ijire
(Mr 3.1-6; Lc 6.6-11)*

⁹ Tiquiro sa nidi bato waha, judio masa mari buheri w̄h̄p̄u es̄u s̄s̄ Jesu mehna.

¹⁰ Top̄u omoca b̄hariquiro ijiri. Sa yeye fariseo masa pehe Jesure yahus̄ñe tehe, tiquirore sinituri:

–Saurú decore mari sori decore mas̄nore ȳhd̄o dutierare Coh̄c̄j̄ũ. ¿Sata ijiajari, m̄h̄u t̄hotuḡũ? ni sinituri tiquina.

¹¹ Jesu ȳhtiri tiquinare:

–¿M̄sa yaquiro oveja saurú ijiḡũ copep̄u tiquiro bora saj̄ḡũ tiquirore ne wioeraboagari m̄sa? Ne wionata m̄sa.

¹² Oveja ȳhd̄oro ijire mas̄no pehe Coh̄c̄j̄ũ tiquiro ih̄ñaḡũ. Sa yero saurú ijiḡũ quehnoañene mari yeḡũ quehnoar̄ne, ni ȳhtiri Jesu tiquinare.

¹³ Tiquiro sa nidi bato omoca b̄hariquirore oh̄o saha nidi:

–M̄h̄u omocare siõ potoya, nidi tiquiro.

Tiquiro sa niḡũ omoca b̄hariquiro pehe siõ poto, omoca quehnoa wahari ape omoca quehnoari omoca yero saha.

¹⁴ Sori decore tiquiro sa yeḡũ ih̄ñañe, fariseo masa waha, tiquina basi oh̄o saha niahye:

–¿D̄h̄se Jesure wej̄ñatari mari? niahye tiquina basi.

Coh̄c̄j̄ũ yere yahu m̄htariquiro panop̄u c̄j̄ũno Jesure yahuahye

¹⁵ Jesu tiquina sa nidire masino, wahaa wahari. Tiquiro sa wahaḡũ peyequina masa tiquirore n̄n̄u t̄ari. Sa yero tiquiro pehe ijipihtiyequina

tiquina mehna c̄j̄ñare dohatiyequinare ȳhd̄uḡũ yeri.

¹⁶ Sa yero dohatiyequinare tiquinare tiquiro ȳhd̄orire apequinare yahu site dutierari tiquiro.

¹⁷ Sa dohatiyequinare ȳhd̄uḡũ yero, Coh̄c̄j̄ũ yere yahu m̄htariquiro Isaia panop̄u tiquiro ni ojoariro sahata yero nidi Jesu. Oh̄o saha ni ojoahye Isaia:

¹⁸ Oh̄o saha nine Coh̄c̄j̄ũ: “Ahriquiro ȳh̄u cahac̄j̄ũno ijire. Tiquiro ȳh̄u beseriquiro ijire. Tiquirore cah̄ñaja. Sa yeḡũ tiquiro mehna bucueaja. Yaquiro Esp̄iriture tiquirore ohoḡutja. Sa yero ȳh̄u tutuaye mehna ijipihtiyequina masare ȳh̄u buheyere yahurota tiquiro.

¹⁹ Sa yahuro tiquiro ne pur̄ño mehna yahusi. Sa yero sañuducusi. Sa yero maca c̄j̄ã mahap̄u peyequina masa watoa tiquiro tutuaro sañuducu yahusi.

²⁰ W̄h̄j̄ḡu nuhrino cuad̄u tiquiro nuhriedaḡũ yero saha masa ḡũh̄u quehnoano yerota tiquiro. Mehenoḡã ñ̄j̄ri pecare tiquiro yatiḡũ yeraro saha masa ḡũh̄u quehnoano yerota tiquiro. Sata yeducurota tiquiro wat̄ñore tiquiro ȳhd̄d̄c̄ato p̄ano.

²¹ Sa yeye peyequina masa tiquirore wac̄ũ tutueta”, nine Coh̄c̄j̄ũ, ni ojoahye Isaia.

–Jesu wat̄ño tutuayere c̄ore, ni yahus̄ñe masa

(Mr 3.20-30; Lc 11.14-23; 12.10)

²² Ihc̄ã deco wat̄ño c̄oriquirore masa ne c̄ãhtari Jesu cahap̄u. Tiquiro pehe wat̄ñore c̄oro yahuducu masiedari. Sa yero caperi ne bajuerari. Tiquina sa ne wihiḡũ ih̄ñano, ȳhd̄uḡũ yeri Jesu tiquirore. Tiquiro sa yeḡũ wat̄ño c̄oriquiro ih̄ña, yahuducuri.

²³ Tiquiro sa wahaḡũ ih̄ñañe, masa ih̄ña maria wahari.

–¿Ahriquiro Davi panamino iji turiariquiro masare ȳhd̄oatiquiro ijiajari? nidi tiquina basi.

24 Jesu watĩare tiquiro cohãrire tũhoye fariseo masa ohõ saha ni tũhoturi:

–Beelzebú watĩa puhtoro tiquiro tutuaye mehna watĩare cohãre Jesu, ni tũhoturi tiquina.

25 Tiquina sa ni tũhotugũ masino, Jesu queoye mehna yahuri tiquinare, “Watĩno ye tutuaye mehna watĩare cohãgũ niedaja”, nino taro:

–Ihcã yehpa cjẽna tiquina basi cahmequeñe, ti yehpa cjẽna waha pihtia wahaboaga. Ihcã maca cjẽna tiquina basi cahmequeñe ti maca cjẽna waha pihtia wahaboaga. Ihcã wũhũ cjẽna gũhũ sata wahaboaga.

26 Sa yeye Beelzebú watĩa puhtoro pehe watĩare cohãno, tiquina watĩa tiquina basi cahmequeñe niboaga. Sa ye tiquina gũhũ waha pihtia wahaboaga.

27 Ohõ saha ni yahusãre mũsa yũhũre: “Tiquiro Beelzebú yedohoye mehna watĩare cohãre”, ni yahusãre mũsa. Mũsa mehna cjẽna gũhũ watĩare cohãre. ¿Watĩno tiquiro tutuaye mehna watĩare cohãjari tiquina gũhũ, mũsa ihñagũ? Sa cohãedare. Tire masine mũsa. Yũhũ gũhũ watĩno tutuaye mehna watĩare cohãedaja.

28 Sa yegũ yũhũ pehe watĩare cohãgũ Cohãcjũ yaquiro Espĩritu tutuaye mehna tiquinare cohãja. Yũhũ sa cohãgũ ihñana ohõ saha masiña mũsa: Cohãcjũ masa bui puhtoro ahri yehpapũre iji tuhasare yojopũre.

29 'Ohõ sahata ijire queoye mehna mari buhegũ: Tutuariquiro ya wũhũpũ apequiro sajã sa yaque masiedare. Tutuariquirore dũhteraro tiquiro ya wũhũpũ sajã sa yaque masiedare. Tutuariquirore tiquiro dũhteri bato sajã sa yaque masine, ni yahuri Jesu.

(Sa ni yahuri, watĩnore tiquiro yũhdũdũcarire yahuro. Watĩno tutuariquiro tiquiro ijiepegũta Jesu tiquirore yũhdũdũcare watĩare cohãno.)

Sa ni tuhasa ohõ saha ni yahu nemori Jesu.

30 –Ihcãquiro yũhũre cahmedaro, yũhũre ihña tuhtiriquiro ijire. Ihcãquiro yũhũre yedohoeraro, yũhũre wape tigũ yero nine.

31 'Sa yegũ mũsare poto niita niaja yũhũ. Ijipihtiye ñañene masa tiquina yegũ, yahuducugũ gũhũre Cohãcjũ bo masine. Sa boeperota Espĩritu Santore tiquina ñano ni yahuducugũ ti pũritare ne bosì.

32 Yũhũre masũ Cohãcjũ ohorigũre yũhũre tiquina ñano ni yahuducurire bo masine Cohãcjũ. Espĩritu Santo pehere tiquina ñano ni yahuducurire ne bosì Cohãcjũ. Yojopũre, deco pihtigũ gũhũre tiquina sa nidire bosì tiquiro, ni buheri Jesu tiquinare.

Masa tiquina yahuducuyere tũhona tiquina ijiye tiyere masiaja mari

(Lc 6.43-45)

33 Sa yero queoye mehna buhero ohõ saha ni yahu nemori tiquinare:

–Quehnoadũ yucũgũ quehnoañene dũca tire. Ñadũ yucũgũ ñañene dũca tire. Yucũgũ dũcare masina “Tũ dũcata ijire”, ni masiaja mari. Mari sa masino saha masa tiquina yahuducuyere tũhona tiquina ijiye tiyere masiaja mari.

34 Añaa yero saha ñana ijire mũsa. Mũsa ñana ijina, quehnoañene ni masiedare mũsa. Mari wacũñepũ mari tũhoturiro sahata mari dũseropũ wijiare.

35 Quehnoariquiro quehnoañene tũhoture. Sa yero quehnoañene yahuducure. Ñariquiro ñañene tũhoture. Sa yero ñañene yahuducure.

36 Quehnoano tũhotu yahuducuna ijiya mũsa. Quehnoano yahuducuerana, buhiri dahreati deco ijigũ mũsa sa ni maca cãrire Cohãcjũre yahu yũhdũnata.

37 Queoro mũsa yahuducurire masino “Quehnoana ijire”, ninota Cohãcjũ. Sa yero ñano mũsa yahuducurire masino “Ñana ijire”, ninota tiquiro, nidi Jesu tiquinare.

Masa ñañequina Jesure Cohãcjũ tutuaye mehna ye ihño dutiahye
(Mr 8.12; Lc 11.29-32)

³⁸ Tiquiro sa nidi bato mari judio masare buheyequina, fariseo masa gũhũ tiquirore ohõ saha nidi:

—Buhegũ, Cohãcjũ ohorigũ ijigũ Cohãcjũ tutuaye mehna ye ihñoña usãre, nimesi tiquina.

³⁹ Jesu yahitiri:

—Yojopũ cjẽna ñañequina, Cohãcjũre cahmeeñequina Cohãcjũ tutuaye mehna yuhũ ye ihñogũ ihña duamene. Tiquina sa ihña duepegũta Cohãcjũ yere yahu mũhtariquirore Jona panopũ cjẽnore Cohãcjũ tiquiro tutuaye mehna tiquiro yeri dihitare ye ihñonota masare.

⁴⁰ Jona ihtia deco waro pajiriquiro wahi paa puhiapũ ijiahye. Tiquiro sa wahariro sahata yuhũ gũhũ masũ Cohãcjũ ohorigũ ihtia deco waro masa copepũ ijigũta.

⁴¹ Nínive cjẽna pehe Jona Cohãcjũ yere tiquiro yahurire tũhoye tiquina ñañe yerire bujũa witiahye. Sa bujũa witiyequina ijiye buhiri dahreati deco ijigũ tiquina yojopũ cjẽnare tiquina ñañene bujũa witiyequinare “Ñañequina ijire”, ni, yahusãeta. Jona tiquinare Cohãcjũ yere tiquiro yahugũ tũhoye quehnoañene cahmeahye tiquina pehe. Sa cahmeñe quehnoano yeye niahye yojopũ cjẽna yũhdũoro. Sa yeye tiquina yojopũ cjẽnare yahusãeta. Mũsare niita niaja. Yojopũ mũsare yuhũ buheye Jona tiquiro buheri yũhdũoro ijire.

⁴² Sa ye buhiri dahreati deco ijigũ pũhtoro sur cjõno panopũ cjõno ducu, yojopũ cjẽnare “Ñañequina ijire”, ni yahusãnota ticoro gũhũ. Ticoro Salomo panopũ cjẽno tiquiro masiñene tũho duaro yoaropũ ahri yehpa ape siepũ ijiricoro Salomoro tũhoro ahtahye. Sa yero quehnoano yero niahye yojopũ cjẽna yũhdũoro. Sa yero ticoro yahusãnota yojopũ cjẽnare. Mũsare niita niaja. Yojopũ mũsare yuhũ buheri Salomo tiquiro

buheri yũhdũoro ijire, nidi Jesu tiquinare.

Watĩno pari turi masũnore tiquiro sajãri quitire yahuahye Jesu
(Lc 11.24-26)

⁴³ Sa yero pari turi Jesu tiquiro tũhotuye mehna ohõ saha ni quitu yahuri tiquinare:

—Watĩno masũno mehna ijiriquiro waha, aco marieni yehpapũ tini, tiquiro ijiatore macamahye.

⁴⁴ Sa bocaeraro, ohõ saha ni tũhotuahye tiquiro. “Masũno yuhũ cohãriquiro mehnata pari turi ijigũ wahautja”, ni tũhotuahye tiquiro. Sa ni tũhoturo tojoaa waha, tiquiro cohãriquiroreta bocahye. Sa tiquiro bocagũ masũno pehe quehnoariquiro ijimahye.

⁴⁵ Sa yero watĩno apequina siete watĩare tiquiro yũhdũoro ñañequinare pijiro wahahye. Tiquiro sa pijigũ tiquina ijipihtiyequina tiquiro mehna ijiahye. Masũno pehe to pano ihcãquiro watĩnore cũoro, ñariquiro ijimahye. Camepũ pehere peyequina watĩare cũoriquiro ijiro, to pano tiquiro ijiriro yũhdũoro ña yũhdũariquiro ijiahye. Yojopũ cjẽna Cohãcjũre cũomediquina tiquirore cohãñe, tiquina gũhũ ña yũhdũayequina waro wahaeta, nidi Jesu tiquinare.

Jesu acaye tiquirore yahu duahye
(Mr 3.31-35; Lc 8.19-21)

⁴⁶ Masare tiquiro sa ni yahuducuri watoa tiquiro pacoro tiquiro bahana mehna sopecahapũ ducu, tiquirore yahu duari.

⁴⁷ Sa yero ihcãquiro Jesure yahuri:

—Mũhũ paco mũhũ bahana mehna mũhũre yahu duaye sopecahapũ ducuri, nidi.

⁴⁸ Tiquiro sa nigũ tũhoro topũ ijiyequinare ohõ saha nidi Jesu tiquinare buhero taro:

—¿Noa ijiajari yuhũ paco, yuhũ bahana gũhũ, mũsa ihñagũ? nidi.

⁴⁹ Sa nino, usãre tiquiro buhenare ñũpuha, ohõ saha nidi:

—Ahriquina ijire yuhũ paco, yuhũ bahana yero saha ijiyequina.

⁵⁰ Tiquina yuhũ Pacũ ãhmũse cjũno tiquiro cahmeñene yere. Sa yeyequina yuhũ bahũ, yuhũ baho, yuhũ paco yero saha ijire, nidi Jesu tiquinare.

13

Jesu oteriquiro quitire yahuahye (Mr 4.1-9; Lc 8.4-8)

¹ Ti decota Jesu wuhũpũ ijiriquiro wijiari. Wijia, ditarapũ waha, ditara dũhtũ cahapũ dujiri.

² Tiquiro sa dujigũ ihñañe peyequina masa tiquiro cahapũ cahmecoa wahpaa waha, bihsaro yeri Jesure. Sa bihsagũ ihñano yucũsapũ sajã, tiapũ dujiri tiquiro. Masa pehe padũropũ ducuri.

³ Sa yero tiquiro peye queoye mehna yahuri tiquinare, buhero taro. Ohõ saha nidi tiquiro:

—Oteriquiro otero wahahye.

⁴ Tiquiro sa otero wahagũ apeye pjeri maha dũhtũ cahapũ bora quehe sahye. Topũ bora quehe saye pjerire minicjũa ahta, ihya cãhye.

⁵ Sa ye apeye pjeri utã paca watoa bora quehe sahye. Utã paca watoa dihta marieda cjũnopũ duita pihnimahye.

⁶ Sa pihnieperota asũ tutuaro asigũ, nahcori marieda, ñaia wahahye.

⁷ Apeye pjeri taa watoa bora quehe sahye. Taa pehe dia yuhdũa waha, oteye pehere wejẽahye.

⁸ Apeye pjeri quehnoari yehpapũ bora quehe sahye. Quehnoano pihni, dũca tiahye. Apeye cjũ cien pjeri, apeye cjũ sesenta pjeri, apeye cjũ treinta pjeri dũca tiahye.

⁹ Ahrire quehnoano tũhoya mũsa, nidi Jesu.

Jesu queoye mehna tiquiro buherire yahuahye

(Mr 4.10-12; Lc 8.9-10)

¹⁰ Tiquiro sa nidi bato usã tiquiro buhena tiquiro cahapũ esa, sinituu usã tiquirore:

—¿Dũhse yegũ masare queoye mehna buheajari mũhũ? ni, sinituu usã.

¹¹ Jesu yũhtiri:

—Uhmũse cjũno tiquiro pũhtoro ijiyere panopũ cjẽna tiquina masiedarire mũsare yuhũ buhenare masigũ yere Cohãcjũ. Apequina pehere sa yerare tiquiro.

¹² Sa yero masiñequinare masi nemogũ yerota tiquiro. Sa yeye tiquina pehe quehnoano masieta. Masieñequina pehe mehenogã tiquina masiepegũta tiquina pehere masiedagũ yerota tiquiro.

¹³ Sa yegũ queoye mehna buheaja. Ohõ saha ijire. Yojopũ cjẽna ihñaepeta, ihñedariquina yero saha tojoare. Sa yeye tũhoepeta masiedare. Tire tũhoeyequina yero saha ijire tiquina.

¹⁴ Sa ijiyequina ijiye Isaia panopũ cjũno tiquiro ni ojoariro sahata yere tiquina. Ohõ saha ni ojoahye:

Ohõ saha nine Cohãcjũ: “Cohãcjũ yere tũhonata mũsa. Sa tũhoepenata, ne masisi mũsa.

¹⁵ Ahriquina masa dapu paca butiyequina tojoare. Sa ye tiquina cahmo coperire bihare, ‘tũhoari’, niñe. Tiquina caperire ihmitihãre, ‘ihñari’, niñe. Sa yeraye quehnoano ihñañe, masiboaga tiquina. Sa ye tũhoye, masiboaga tiquina. Tiquina wacũñepũ quehnoano masiboaga. Sa masiñe yũhũre Cohãcjũre cahmeboaga tiquina. Sa yũhũre cahmegũ tiquina ñañene cohã, tiquinare pecapũ wahaboriquinare yuhdũgũ yeboaga yuhũ”, nine Cohãcjũ, ni ojoahye Isaia.

¹⁶ Mũsa pehe mũsa caperi mehna ihñana, masine. Mũsa cahmo mehna tũhona, masine. Sa yena bucuena ijire mũsa.

¹⁷ Mũsare niita niaja. Yojopũ mũsa ihñañene mũsa tũhoyere panopũ cjẽna Cohãcjũ yequina tutuaro ihña duamahye. Cohãcjũ yere yahu mũhtariquina gũhũ tire tutuaro ihña duamahye. Sa ihña duepeta ne ihñedahye. Yojopũ mũsa tũhoye gũhũre tutuaro tũho duamahye

tiquina. Sa masi duepeta tire masiedahye, ni yahuri Jesu usãre tiquiro buhenare.

Jesu oteriquiro queoyere yahu pehoahye

(Mr 4.13-20; Lc 8.11-15)

¹⁸ Came Jesu usãre yahu nemori:

—Tuhoya musa. Oteriquiro queoyere musare yahutja. Yuhare tuhona, quehnoano masiãa.

¹⁹ Oteye pjeri quehnoañe buheye yero saha ijire. Sa yeye maha duhtu cahapu borari pjeri quehnoañe buheye yero saha ijire. Sa yeye masa quehnoañe buheyere tuhoepera ne masiedare. Sa yero masa quehnoañe buheyere tiquina tuhogã ihãano watino pehe ahta, ti buheyere quehnoañe buheyere masi dutierare masare. Minicjua ti pjerire tiquina dote nediro saha yere watino.

²⁰ Sa ye utã paca watoa borari pjeri quehnoañe buheye yero saha ijire. Sa yeye masa quehnoañe buheyere tuho, bucueye mehna duita tire tuho nene.

²¹ Sa tuho nepeta utã paca watoa ijiye cju nahcori marieñe cju yero saha ahriquina masa gũhu tutuerare. Sa tutueraye ñano yãhdaye, yeequina tiquina ijiri buhiri apequina tiquinare ñano yegũ ihãañe yee pehere duhu cãhre. Apequina tiquinare ñano yegũ tire ihcãno sahaeraye, yeere duhu cãhre.

²² Sa ye taa watoa borari pjeri quehnoañe buheye yero saha ijire. Sa yeye masa quehnoañe buheyere tuhoepera, ahri yehpa cjẽne pajiro bujua witi tuhutuye, niñeru pehere cahine. Tiquina sa yegũ ti pehe quehnoañe buheyere cahmotare. Sa cahmotagũ masa quehnoañe pehere yerare.

²³ Sa ye quehnoari yehpapa borari pjeri quehnoañe buheye yero saha ijire. Sa ye masa quehnoañe buheyere tuhoye, tire quehnoano masine. Sa masiñequina ijiye, Cohãcjũ cahmeno sahata quehnoañene yere tiquina. Ihquẽquina pajiro quehnoañene yere cien pjeri dũca

tiro saha. Apequina dũca cjũnogã quehnoañene yere sesenta pjeri dũca tiro saha. Apequina mehenogã quehnoañene yere treinta pjeri dũca tiro saha, ni yahuri Jesu usãre.

Trigo watoa taa diari queoyere yahuahye

²⁴ Sa ye pari turi queoye mehna buheri Jesu:

—Uhmuse cjãno tiquiro puhtoro ijiye ohõ saha ijire. Wese upuro tiquiro wesepa quehnoañe pjerire tiquiro oteriro saha ijire uhmuse cjãno tiquiro puhtoro ijiye.

²⁵ Wese upuro ijipihtiyequina tiquiro mehna cjẽna gũhu tiquina carino watoa tiquirore ihãa tuhtiriquiro ahtahye. Sa ahtarõ trigore ti oteriropa taare oteahye. Ote tuhasa wahaa wahahye.

²⁶ Came trigo pihniahye. Sa ye ti dũca tiro taro yegũ waro diaa wahahye.

²⁷ Sa ye wese upurore dahra cohteyequina tiquiro cahapa esa, yahuahye: “¿Puhto, quehnoañe pjeri dihitare mahũ wesere mahũ otepegũta, dahse ye taa gũhu diajari ti wesere?” nidi tiquina.

²⁸ “Yuhare ihãa tuhtiriquiro ijiaga ti taare oteriquiro”, niahye wese upuro. “¿Taare usã curegũ cahmeajari mahũ?” nimahye tiquirore dahra cohteyequina.

²⁹ “Taare cureracãhã, ‘Trigo pehere cureari’, nina.

³⁰ Trigo taa mehnata bucuarãhdo. Dũca nedi pje ijigũ neñequinare ohõ saha niitja: ‘Taare cure mahtaãa. Tuhasa musa curerire ujããã. Came trigore peheya. Pehe peho, tire yuhũ ihbori wuhũpa cũãã’, niitja tiquinare”, niahye wese upuro, nidi Jesu, queoye mehna yahuro.

Mostaza pje queoyere yahuahye Jesu

(Mr 4.30-32; Lc 13.18-19)

³¹ Sa ye apeye queoye mehna usãre ohõ saha ni buheri tja:

—Ūhmuse cjũno tiquiro pũhtoro ijiye mostaza pjegã yero saha ijire. Ti pjegã meheni pjegã waro ijire.

³² Ti pjegãre wesepũ tiquiro oteri bato, quehnoano pihnine. Sa yero paji yũhdũadu wahare. Sa wahagũ minicjũa pari ti dũpũripũ suhti suhare, ni yahuri Jesu. (Sa nino ohõ saha nino niahye. Mostaza pjegã pajidũ tũ bũcũariro saha ũhmuse cjũnore mari pũhtorore masiñequina meheñequinagã tiquina iji mũhtaepẽgũta camerũ peyequina wahaeta.)

Pãre pugũ yeye queoyere yahuahye Jesu

(Lc 13.20-21)

³³ Sa ye apeye queoye mehna usãre ohõ saha ni buheri tja:

—Ūhmuse cjũno tiquiro pũhtoro ijiye pãre pugũ yeye yero saha ijire. Tire numino ihcã ajuro trigore aco mehna quehnoano tire dahra morene pã bũcũatire. Ticoro sa yegũ pãre pugũ yeye pehe trigore quehnoano sehssa wahare, nidi Jesu. (Sa nino ohõ saha nino niahye. Pãre pugũ yeye trigore ti sehssa wahariro saha ũhmuse cjũnore mari pũhtorore peyequina masa ijipihitiro cjẽna masieta.)

Queoye mehna Jesu tiquiro buherire yahuahye

(Mr 4.33-34)

³⁴ Ahri ijipihitiyere buhero, queoye mehna yahuri Jesu. Queoye marieno yahuerari tiquiro tiquinare.

³⁵ Sata yeri tiquiro Cohãcjũ yere yahu mũhtariquiro ni ojoariro sahata. Ohõ saha ni ojoahye panopũ:

Queoye mehna yahutja. Cohãcjũ ahri yehpare tiquiro bajumehnedi bato ne masare tiquiro yahuerarire yahutja, ni ojoahye Cohãcjũ yere yahu mũhtariquiro mũnanao.

Trigo watoa taa diari queoyere yahu pehoahye

³⁶ Sa ye masare cohe ti, wũhũpũ sajãa wahari Jesu. Sa yena usã tiquiro

buhena tiquiro cahapũ esa, sinituu usã:

—Trigo watoa taa diari queoyere yahu pehoya usãre, nii usã tiquirore.

³⁷ Jesu yũhtiri usãre:

—Wese upũro quehnoañe pjerire oteriquiro yero saha ijiaja yũhũ. Yũhũ masũ Cohãcjũ ohorigũ ijiaja.

³⁸ Wese pehe ahri yehpa yero saha ijire. Quehnoañe pjeri pihniñe ũhmuse cjũno pũhtoro ijiropũ ijia-tiquina yero saha ijire. Taa pehe watĩno yequina yero saha ijire.

³⁹ Wese upũrore ihña tuhtiriquiro taare oteriquiro watĩno yero saha ijire. Tire nedi pje pihitiro deco yero saha ijire. Sa ye trigore neñequina angele yero saha ijire.

⁴⁰ Taare tiquina cure mũjũariro saha pihitiro deco ijigũ watĩno yequinare pecapũ cohãeta tiquinare.

⁴¹ Yũhũ masũ Cohãcjũ ohorigũ yequina angelere ohogũtja. Yũhũ ohogũ angele pehe ñañene ye dutiye-quinare, ñañene yeyequinare yũhũ pũhtoro ijiropũ neañeta.

⁴² Ne sa tuhasa pecapũ cohãeta tiquinare. Topũ tiquina tutuaro uti, bũjũa witiye mehna bahque dihoeta.

⁴³ Sa ye Cohãcjũ yequina tiquina Pacũro tiquiro pũhtoro ijiropũ ijietã. Topũ ijiye, asũ deco cjũno yero saha quehnoano buhrioeta tiquina. Ahrire quehnoano tũhoya mũsa, ni yahuri Jesu.

Quehnoa yũhdũyere tiquiro nũorire tiquiro bocari queoyere yahuahye

⁴⁴ Sa ye apeye queoye mehna yahuri tja:

—Ūhmuse cjũno tiquiro pũhtoro ijiye niñeru tiquiro nũori yero saha ijire. Masũno tire wesepũ wacũeno mehna boca, pari turi tire nũo nemoahye. Sa bocaro tutuaro bucueahye tiquiro. Sa yero tiquiro bocarire neno taro, ti wesere dú duahye. Sa yero tiquiro yere dua peho, ti wesere dúahye, ni yahuri Jesu. (Sa nino ohõ saha nino niahye. Ūhmuse cjũno tiquiro pũhtoro ijiye tiquiro bocari yero saha ijire.

Tiquiro bocarire tiquiro tutuaro cahmediro sahata ʘhmuse cjănore masa p̄htorore tiquina masidi bato masa tutuaro cahmene tiquirore.)

Wapa b̄j̄ari p̄je queoyere yahuahye

⁴⁵ Sa ye apeye queoye mehna yahuri tja:

–ʘhmuse cjănno tiquiro p̄htoro ijiye wapa b̄j̄aye p̄jerire perla wame tiye p̄jerire dúriquiri yero saha ijire.

⁴⁶ Ti p̄jerire macano quehnoa ȳhd̄ari p̄jere bocahe. Bocaro, ti p̄jere dú duaro, ijipihtiye tiquiro yere dua pehoru wahahye. Sa dua tuhata ti p̄jere wapa b̄j̄ari p̄jere dúahye, nidi Jesu. (Sa nino oh̄o saha nino niahye. Ti p̄jere perla p̄jere tiquiro cahmediro sahata ʘhmuse cjănore masa p̄htorore quehnoano tiquina masidi bato masa tutuaro cahmene tiquirore.)

Wēñan̄a queoyere yahuahye

⁴⁷ Sa ye apeye queoye mehna Jesu yahuri tja:

–ʘhmuse cjănno tiquiro p̄htoro ijiye wēñan̄a tiquina doque ñodu yero saha ijire. T̄a wēñan̄a mehna peyequina wahi sijoro saha ijiyequinare ñehene.

⁴⁸ T̄a wahpaa wahaḡa wahi wej̄ñequina pehe t̄are pad̄arop̄a weje n̄aj̄a, quehnoañequina wahire besere. Quehnoañequinare tiquina p̄h̄usep̄a bese saj̄are. Ñañequina wahire coh̄are.

⁴⁹ Pihtiri deco ijiḡa oh̄o saha ijirota. Angele pehe masare beseta. Ñañequinare ne wioeta quehnoañequina cahap̄a ijiyequinare.

⁵⁰ Ne wio, tiquinare pecap̄a coh̄eta. Top̄a tiquina uti, tutuaro b̄j̄a witiye mehna upiri bahque dihoeta ñañequina pehe, ni yahuri Jesu.

M̄na buheyere, wahma buheye ḡah̄are yahuahye

⁵¹ Tiquiro sa ni yahuri bato sinituri ʘs̄are:

–¿Ahri ijipihtiyere t̄ahoajari m̄sa? ni sinituri tiquiro.

–T̄ahoaja ʘs̄a, ni ȳhtii ʘs̄a.

⁵² ʘs̄a sa niḡa tiquiro yahuri ʘs̄are:

–Judio masare buheyequina ʘhmuse cjănno tiquiro p̄htoro ijiyere buheye, p̄aro buheyere yahure. M̄na buheyere, wahma buheye ḡah̄are yahure. Tiquina w̄h̄a up̄aro yero saha ijire. Tiquiro w̄h̄ap̄a ijiyere quehnoañene ne wioro, wahmare, m̄na ḡah̄are ne wioro tiquiro, nidi Jesu ʘs̄are.

Jesu Nazarep̄a wahahye

(Mr 6.1-6; Lc 4.16-30)

⁵³ Ti queoyere tiquiro buheri bato, wahap̄a ʘs̄a tiquiro mehna.

⁵⁴ Waha, tiquiro masari macap̄a esap̄a. Top̄a esa, judio masa mari buheye w̄h̄usep̄a buheri tiquiro. Tiquiro sa buheḡa t̄ahoye, t̄aho maria wahari tiquina.

–¿Ahriquiri nohop̄a t̄ahoyari ahri buheyere? ¿D̄ahsero quehnoano masi pehoajari tiquiro? Coh̄acj̄a tutuaye mehna ye ih̄nore tiquiro basi.

⁵⁵ Ahriquiri taboa dahrariquiri macano ijire. Sa ye tiquiro pacoro María ijire. Sa ye Santiago, José, Simo, Juda, tiquiro bahana ijire.

⁵⁶ Yojop̄are tiquiro bahana numia ahri macap̄a ijire. Sa yero tiquiro mari yero saha ijiriquiro ijire. ¿Sa ijieperota nohop̄a t̄ahoyari tiquiro ahri buheyere? ni yahuducuri tiquina basi.

⁵⁷ Sa ye tiquina tiquirore cahmedari. Tiquina sa cahmedaḡa ih̄n̄ano oh̄o saha nidi Jesu tiquinare:

–Coh̄acj̄a yere yahu m̄htariquiri apecuina ño peore. Tiquina sa ño peoepeḡata tiquiro ya maca cj̄ena, tiquiro acaye tiquirore ño peore. Sa yena ȳh̄are ño peore m̄sa oh̄op̄a ȳh̄a masariḡa ijiḡa, nidi tiquiro tiquinare.

⁵⁸ Sa yero tiquirore tiquina wac̄u tutueraḡa ih̄n̄ano, ti macap̄a Coh̄acj̄a tutuaye mehna peye tahari ye ih̄noedari Jesu.

14

*Ñu wame yeriquiro manano yari-
arire yahuahye*

(Mr 6.14-29; Lc 9.7-9)

¹ Ti pjere Herode Galilea cjano puhtoro Jesu yerire tuhooahye.

² Sa tuhooro ohõ saha nimahye:

—Ñu wame yeriquiro ijiaga masatjiãno. Sa yero yojopure tiquiro masari bato ahri tutuayere core tiquiro bajumehneñene yero, nimahye Herode tiquiro cahacjẽnare. Jesure “Ñuta ijire”, ni tuhutumahye tiquiro Ñure tiquina wejedi bato.

³⁻⁵ Sa yero Ñure tiquiro wejẽ dutiato pano Herode tiquiro baharo Felipe namonore namo tiahye. Tiquiro sa yegũ ihñano Ñu wame yeriquiro Herode pehere ohõ saha nie timahye:

—Maha bahu namonore namo tigu Cohãcjũ dutiyere yuhduhcagũ nine mahu, nie timahye Ñu.

Tiquiro sa nidi buhiri Herode tiquirore wejẽ duamahye. “Ñu Cohãcjũ yere yahu mautariquiro ijire”, ni tuhutori judio masa”, nino, tiquina pehere cueahye Herode. “Ñure yahu wejẽgũ tiquina usuaboaga”, nino tiquinare cueahye. Sa cuero Ñure wejẽ dueramahye. Sa wejẽ dueraperota Herode tiquirore ñehe dũhte duti, peresu yeahye. Tiquiro namono Herodia dutiro mehna sa yeahye Herode.

⁶ Sa ye Herode masa bajuari deco ijigũ bose deco yeahye tiquiro. Topu Herodia macono bose deco wihyequina tiquina ihñonopu basa ihñoahye. Ticoro sa basa ihñogũ ihñano Herode bucueahye. Sa bucuero ticorore niahye:

⁷ —Cohãcjũ mehna poto niita niaja. Yuhure maha sinino punota ohogutja yahu mahure, niahye Herode pehe Herodia maconore.

⁸ Tiquiro sa nigũ tuhooro Herodia ticoro maconore ticoro siniatire yahuahye ticorore. Ticoro sa yahugũ ticoro macono pehe ohõ saha ni siniahye Herodere.

—Ñu wame yeriquiro dapure dũte sure dutiya. Sa yegu waparo mehna tiquiro dapure ohoya yuhure, niahye ticoro.

⁹ Ticoro sa nigũ tuhooro Herode tutuaro bujua witiahye. Masa tiquina ihñonopu “Ohogutja mahure”, niahye tiquiro. Sa yero tiquiro bue tiro “Mahure ohoeraja”, ni masiedahye ticorore. Sa yero ticoro dutiro sa hata Herode pehe tiquiro cahacjẽnare Ñure wejẽ dutiahye.

¹⁰ Sa yero Ñu dapure dũte sure dutiahye.

¹¹ Sa dũte sure tuhasa, waparo mehna tiquiro dapure ne cãhtahye tiquina. Herodia maconore tiquiro dapure tiquina ohogũ, ticoro pehe ticoro pacorore yuhduoahye tja.

¹² Tiquina sa yeri bato Ñu buheyequina ahta, tiquiro pagure masa copepu nea cũahye. Sa cũ tuhasa, tiquina tire Jesure yahuye wihiri.

*Cinco mil masare ihyaye ohoahye
Jesu*

(Mr 6.30-44; Lc 9.10-17; Jn 6.1-14)

¹³ Tiquina sa ni yahugũ tuhooro, Jesu usã mehna yucsapu sajã, masa marienopu siho wahari. Jesu topu wahagũ tuhoye, masa tiquina ye macaripu ijiriquina ahta, mahapu tiquirore nũnũ tã cãa wahari.

¹⁴ Sa yero usã wahã sari bato tiquiro peyequina masare ihñano, paja ihñari tiquinare. Sa paja ihñano tiquina mehna cjẽna dohatiyequinare yuhdugũ yeri.

¹⁵ Ñamicahapu usã tiquiro buhena tiquirore ohõ saha nii:

—Ñamicahapu waharo nine. Ohõ masa marienopu ijire. Sa yegu macaripu masare tiquina ihyatire dũ dutiya tiquina pohe tiatire, nimi usã tiquirore.

¹⁶ Jesu yuhtiri usãre:

—Wahaeracãhdo tiquina. Musa basita ihyayere ohoya tiquinare, nidi usãre.

¹⁷ —Ihcã omope paca pã paca, wahi puaro to punota ijire usãre, ni yuhtii usã.

18 —Tire yuhure ne cãhtaya m̄sa, nidi usãre.

19 Tiquiro sa nigũ tũhona neaũ usã. Usã ne sari bato taa bui masare tiquiro duji dutiri. Tiquina dujigũ ihcã omope paca pã pacare, p̄aro wahire ne, um̄sepũ ihña m̄o, Cohãcjũre “Quehnoare”, nidi. Sa ninota pã pacare nuhano, usãre tiquiro buhenare ohori. Tiquiro sa ohogũ usã pehe tire masare itii.

20 Sa ye ijipihtiyequina quehnoano ihya, yapi yũhd̄a wahari. Tiquina yapi wehorire doce p̄h̄use waro ne cahmecoa, wahpo dapou usã tiquiro buhena.

21 Topũ tire ihyariquina um̄a dihitare queogũ cinco mil um̄a ijiri. Numia, macanagã gũhũ ijiri.

Jesu aco bui tiniahye
(Mr 6.45-52; Jn 6.16-21)

22 Came usãre tiquiro buhenare Jesu ditara ape sie pahr̄epũ pehãyu dutiri masare tiquiro cohe tiri watoa.

23 Cohe ti tuhasa, cun̄pũ m̄ja, Cohãcjũre sinino wahahye. Ñamine topũ tiquiro ihcãquirotã ijiahye.

24 Ti pjeta ditara decopũ yuc̄sa mehna pehãducuna nimi usã. Wihnono tutuaro ahta, pahcõri buj̄aye wahcã, yuc̄sare que sajãri.

25 Sa wahagũ bohrea m̄ja tato pano Jesu aco bui tini cãhtari usã cahapũ.

26 Usã cahapũ tiquiro ahtagũ ihñana cue nii usã. Sa cuena sañuducumi usã.

—Yariariquiro m̄nano pagũ ijire, ni sañuducumi usã.

27 Usã sa cuegũ ihñano Jesu ohõ saha nidi:

—Ne yuhure ihña cueracãhña. Yuhata ijiaja, nidi usãre.

28 Tiquiro sa nigũ tũhoro Pedro nidi tiquirore:

—Pũhto, potota m̄hata ijigũ, aco bui yuhure m̄hũ cahapũ ducu cã dutiya, nidi tiquiro.

29 —Ahtaya, ni yũhtiri tiquiro pehe.

Tiquiro sa nigũ Pedro yuc̄sare dijia, aco bui Jesu cahapũ ducu cãmedi.

30 Wihnono tutuaro ahtagũ ihñano cueri tiquiro. Sa cuero diha dijiaa wahamedi.

—Yuhure yedohoya pũhto, ni sañuducuri tiquiro Jesure.

31 Tiquiro sa nigũta tiquiro omocare ñehe,

—Mehenogã wacũ tutuare m̄hũ yuhure. ¿Dũhsegũ yuhure wacũ tutuerajari m̄hũ? nidi tiquiro Pedrore.

32 Tiquiro sa nidi bato yuc̄sapũ sajãri tiquina. Tiquina sa sajãri bato wihnono yũhd̄a wahari.

33 Sa yena usã tiquiro buhena yuc̄sapũ ijina Jesure ño peou.

—Potota m̄hũ Cohãcjũ macũta ijire, nii usã tiquirore.

Genesare cjẽna dohatiyequinare yũhd̄oahye Jesu
(Mr 6.53-56)

34 Sa yeri bato pehã, Genesare wame tiri yehpapũ esã.

35 To cjẽna Jesure ihña masidi. Sa masiñe tiquiro cahapũ ijiyequinare dohatiyequinare ne cãhta dutiri. Sa ye tiquina dohatiyequinare tiquiro cahapũ ne cãhtari.

36 —M̄hũ suhtiro dũhtũ caha dihitare usãre ñehe tuhu dutiya, ni sinidi tiquina Jesure.

Sa ye tiquiro suhtirore ñehe tuhuriquinape topequinata quehnoa wahari.

15

Masa ñañequina wahagũ yeyere yahuahye Jesu
(Mr 7.1-23)

1 Sa ye Jerusalẽ cjẽna, fariseo masa, marine judio masare buheyequina mehna Jesu cahapũ wihiye, sinituri tiquirore:

2 —¿Dũhse ijiro boro mari acaye buc̄na m̄napũ tiquina dutirire yerajari m̄hũ buheyequina pehe? Tiquina ihyato pano tiquina dutiriro sahata omo coserare, nidi tiquina Jesure.

3 Jesu yũhtiri tiquinare:

—¿Dũhse yena mari acaye panopũ cjẽna ye dutiye dihitare yena tana

Cohãcjũ ye dutiye pehere yerajari m̄sa pehe?

4 Ohõ saha nine Cohãcjũ: “M̄sa pac̄sum̄mare ño peoya”, nine. Sa yero “Ihcãquiro tiquiro pac̄sum̄mare ñañene q̄iti dahreriquiro ijiro ti buhiri apequina tiquina wejẽatiquiro ijirota”, nine Cohãcjũ.

5 Tiquiro sa niepegũta ohõ saha ye dutire m̄sa pehe tiquina pac̄sum̄mare yedoho dutierana: Tiquina pac̄sum̄mare ohoborire Cohãcjũ pehere oho dutire m̄sa. Sa ni buhemene m̄sa.

6 Sa buhena tiquina pac̄sum̄mare ño peogũ yerare m̄sa. M̄sa sa yena Cohãcjũ dutiyere ȳhd̄hcana nine m̄sa, mari acaye panop̄m̄ cjẽna ye dutiye dihitare yena.

7 Masa tiquina ih̄nono dihita quehnoano iji mehona ijire m̄sa. Cohãcjũ yere yahu m̄htariquiro Isaia m̄sare potota yahu ojoahye panop̄m̄re:

8 Ahriquina masa ȳh̄are quehnoano yahuduc̄epeta ȳh̄are ne ño peoerare.

9 Sa ye ȳh̄are tiquina ñu buheye ne d̄h̄seati ijierare. “Cohãcjũ ye dutiye ijire ahri”, ni meho buhere tiquina ye buheye pehere, ni ojoahye Isaia, nidi Jesu fariseo masare, mari judio masare buheyequina ḡh̄are.

10 Sa ni tuhasa tiquiro cahap̄m̄ masare pijio, ohõ saha nidi:

11 —T̄h̄oya m̄sa. Ȳh̄m̄ niñene quehnoano masiña m̄sa. M̄sa d̄userire sajãñe pehe m̄sa ihyaye pehe m̄sare ñana ijigũ yerare. M̄sa ñañe yahuduc̄uye pehe m̄sa d̄useri wijiaye pehe m̄sare ñana ijigũ yere, nidi Jesu.

12 Tiquiro sa ni buheri bato usã tiquiro buhena pehe tiquirore yahuu.

—M̄h̄m̄ sa nigũ t̄h̄oye fariseo masa usuari, ni yahuu usã tiquirore.

13 Tire t̄ho, ohõ saha ni ȳhtiri usãre:

—Tiquina fariseo masa taa yero saha ijire. Ȳh̄m̄ Pac̄m̄ h̄m̄se cjũno ijipihtiye oteyere tiquiro oterarire

n̄h̄cori mehnata cure, cohãnota. Sata yerota tiquinare.

14 Tiquinare sa ih̄ña cãh̄ña m̄sa. Tiquina caperi bajueyequina tiquina ih̄ña masiedaro saha ne Cohãcjũ yere masiedare. Sa ye pecap̄m̄ wahaeta. Sa masiedapeta apequina masieñequinare buhe duamedi. Sa ye caperi bajueyequina copep̄m̄ tiquina boraboriro saha tiquina buhenohriquina ḡh̄m̄ pecap̄m̄ wahaeta, nidi Jesu.

15 Tiquiro sa nigũ t̄h̄oro Pedro nidi:

—Ahri quitire masa tiquina d̄useri wijiaye quitire yahu nemoña usãre tja, nidi tiquiro Jesure.

16 Jesu ȳhtiri:

—¿Ne, yojop̄m̄ t̄hoerajari m̄sa?

17 Masa ihyayere ihyagũ tiquina d̄userip̄m̄ sajãre. Sa ye tiquina paap̄m̄ sajã, ȳhd̄m̄ wahare. Ihyo waro ijire. Mari ihyaye marine ñana wahagũ yerare. ¿Ahrire masiedajari m̄sa?

18 Masa d̄userip̄m̄ wijiaye, tiquina yahuduc̄uye pehe tiquina t̄hotuyep̄m̄ ahtare. Tiquina yahuduc̄uye pehe ñañe ijiro, masare ñañequina ijigũ yere.

19 Ñañe t̄hotuye, masare wejẽñe, apequiro namono mehna ñano yeye, ñano yeye numia mehna ñano yeye, yaqueye, ni mehoñe, masare ñañe q̄iti dahreye masa t̄hotuyep̄m̄ ahtare.

20 Ti ñañe pehe masare ñañequina ijigũ yere. Sa yepegũta buc̄na yee tiri sahata masa omo coserapeta tiquina ihyagũ ti masare ñañequina ijigũ yerare, nidi Jesu.

Judio masono ijericoro Jesure wacũ tutuahye

(Mr 7.24-30)

21 Sa ni buhe tuhasa, usãre siho wahari tja. Tiro wame tiri maca cahap̄m̄ Sidõ wame tiri maca cahap̄m̄ esau usã.

22 Usã top̄m̄ esagũ Canaa yehpa cjõno top̄m̄ ijiricoro Jesu cahap̄m̄ esa, sañuduc̄uri:

—P̄h̄to, Davi panami iji turiagu masare ȳhd̄m̄oac̄m̄, ȳh̄are paja ih̄ñaña m̄h̄m̄. Ȳh̄m̄ maco wat̄nore

cuoro, ña yuhduaro yuhdari ticoro, ni sañuducuri ticoro.

²³ Ticoro sa niepegūta Jesu yuhtierari. Sa yegū ihñana usā tiquiro buhena pehe tiquirore ohō saha nimi.

—Waha dutiya ticorore. Ñano cariboro bisiaga, nimi usā.

²⁴ Usā sa nigū tuhoro yuhtiri ticorore:

—Israe masare Cohācjäre masieñequina dihitare yedoho dutiro ohoi yuh Pacu yuhare, nidi tiquiro.

²⁵ Tiquiro sa niepegūta Jesu dahpocāri cahapū dusepe curi mehna quehe sari ticoro.

—Puhto, yedohoya yuhare, nidi ticoro.

²⁶ Jesu yuhtiri ticorore.

—Ohō saha ijire ahri: Coā warore wuhū upuro pohne ye ihyayere diayere oho mahtagū quehnoaedare. Israe masa yere ape yehpa cjēnare yuhū oho mahtagū quehnoaedare, nidi Jesu ticorore queoye mehna yahuro.

²⁷ —Sata ijire puhto. Sa ijiepegūta diayea gūhū wuhū upuro mesa dopapū tiquina ihya site boroyere ihya cohtere tiquina gūhū. Ape yehpa cjō yuhū ijiepegūta yuhū gūhare yedoho masine mahū, ni yuhtiri ticoro.

²⁸ Ticoro sa nigū tiquiro yuhtiri:

—Numio, mahū yuhare tutuaro wacū tutuare. Mahū cahmeno sahata sa waharota, nidi Jesu ticorore.

Tiquiro sa nigūta duita quehnoa wahari ticoro macono.

Peyequina dohatiyequinare yuhdugū yahye Jesu

²⁹ Sa ni tuhasa usāre siho waha, Galilea wame tiri ditara duhtū cahapū siho esari tja. Esa, mehenagā canare mūja, tū buipū dujiri.

³⁰ Topū tiquiro ijigū peyequina masa tini masieñequinare, caperi bajueyequinare, pari yuri wahayequinare, yahuducu masieñequinare peyequina apequina dohatiyequinare tiquiro cahapū ne wihiri masa. Ne wihi tuhasa Jesu dahpocāri cahapū duhu cūri tiquina. Tiquina sa

duhu cūri bato quehnoa wahagū yeri Jesu tiquinare.

³¹ Tiquiro sa yegū ihñañe masa ihña maria wahari. Yahuducu masieñequina tiquina yahuducugū ihñañe, pari yuri wahayequina tiquina quehnoa wahagū ihñañe, tini masieñequina tiquina tinigū ihñañe, caperi bajueyequina tiquina ihñagū ihñañe, ihña maria wahari tiquina. Sa ye ohō saha nidi:

—Israe masa usā puhto, Cohācjū tuuagū, quehnoagū ijire, ni ño peori tiquina Cohācjäre.

Cuatro mil masare ihyayere ohoahye Jesu (Mr 8.1-10)

³² Tiquiro sa yeri bato Jesu usāre tiquiro buhenare ohō saha nidi:

—Ahriquina masa yuhū mehna ihtia deco waro iji tuhasare. Sa ye pohe mariedare tiquinare. Pohe mariedagū ihñagū tiquinare paja ihñaja. “Tiquina ujua ahbayequina, mahapū borari”, nigū tiquinare ihyaye marieno tiquina ye wuhūsepe waha duti dueraja. Sa yegū tiquinare pohe oho duaja, nidi tiquiro.

³³ Tiquiro sa nigū usā tiquiro buhena tiquirore sinituu:

—¿Duhse mari ohōre masa marienopūre pāre boca ohoboagari mari? niñ usā tiquirore.

³⁴ —¿Nohope paca pā pacare cuoajari masa? nidi.

—Siete pā pacare, meheñequinagā wahire cuoaja, ni yuhtii usā.

³⁵ Usā sa nigū tiquiro masare yehpapū duji dutiri.

³⁶ Tuhasa siete pā pacare, wahigā gūhare ne, Cohācjäre “Quehnoare”, nidi. Sa ninota pā pacare nuha, usāre tiquiro buhenare ohoi. Sa yena usā pehe ti ihyayere masare itii.

³⁷ Sa ye masa tire ihya, yapi yuhduā wahari. Tiquina yapi wehorire siete puhūse waro ne cahmecoā, wahpo dapou usā.

³⁸ Topū ihyariquinare umūa dihitare queogū cuatro mil waro umūa ijiri. Numia, macanagā gūhū ijiri.

39 Tiquina sa ihya tuhasagū Jesu masare waha duti, yuc̄sapu sajā, Magadán wame tiri yehpapu usāre siho esari.

16

Fariseo masa, saduceo masa gūhu Cohācjū tutuaye mehna ye ihñogū ihña duamahye

(Mr 8.11-13; Lc 12.54-56)

1 Sa ye fariseo masa, saduceo masa mehna Jesu cahapu wihiri. Tiquiro ñano yegū ihña duamedi tiquirore yahusā duaye. Sa ye tiquina tiquirore Cohācjū tutuaye mehna ye ihño dutimedi tiquiro masiedagū ihña duaye, “Cohācjū ohoriquiro ijierare”, ni duaye.

2 Tiquina sa ye dutigū Jesu yahtiri tiqinare:

—Ñamicahapu uhmuano sohāgū ihñana “Quehnoari ñami ijirota”, nine m̄sa.

3 Sa yena bohrearo uhmuano sohāgū, ñicuri deco ijigū ihñana “Acoro ahtarota”, nine m̄sa. Sa quehnoano masiepenata Cohācjū tutuaye mehna masare yahu ye ihñogū ihñaepenata ne tire quehnoano masiedare m̄sa.

4 Yojoapu c̄jēna ña yahduyequina Cohācjūre ño peo dueyequina Cohācjū tutuaye mehna ye ihñogū ihña duamene. Ye ihñosi yahu. Cohācjū yere yahu m̄htariquiro Jona tiquiro dahse waharire masi tuhasare m̄sa. Ti dihitare ihñoutja m̄sare, ni yahtiri Jesu.

Sa ni yahu tuhasa siho wahaa wahari tja.

Fariseo masa saduceo masa tiquina ñañe buheyere yahuahye Jesu (Mr 8.14-21)

5 Ditarare usā pehāna, pāre bo cū cā, pehā tari jii usā.

6 Sa yero Jesu usāre yahuri:

—Quehnoano yeya. Fariseo masa, saduceo masa tiquina ye pā pugū yeyere ihñana quehnoano yeya. Cuarñe ti, ni yahuri.

7 Tiquiro sa nigū t̄hona t̄ho masiedana, usā basi tire yahuducuu:

—Mari pāre mari ne cāhtaeragū ihñano sa niaga ahriquiro, nimi usā basi.

8 Usā sa nidire masino, usāre sinituri:

—¿Dahsena m̄sa pā borire wacūajari m̄sa? Mehenogā waro yuhure wacū tutuare m̄sa.

9 ¿Yojoapu masiedajari m̄sa? ¿Cinco mil um̄are ihcā omope pā pacare yuh nuha ohorire, numia gūhure yuh ohorire wacūedagari m̄sa? ¿Nohope puhuse waro m̄sa ne cahmecoa wahpo daporire wacūedagari m̄sa?

10 ¿Sa yegu siete pā pacare nuha, cuatro mil um̄are yuh ohorire, numia gūhure yuh ohorire wacūedagari m̄sa? ¿Nohope puhuse waro m̄sa ne cahmecoa wahpo daporire wacūedagari m̄sa?

11 ¿Sa yena pā pugū yeyere yuh yahugū dahse yena quehnoano t̄hoerajari m̄sa? Sa nigū pā warore nigū niedaja. Fariseo masa, saduceo masa tiquina pā pugū yeyere ihñana quehnoano yeya. Cuarñe ti, ni yahuri usāre tiquiro.

12 Tiquiro sa ni yahugūpu usā masii. “Pā pugū yeye”, nino pā warore nino niedari. Sa nino fariseo masa, saduceo masa tiquina buheyere nino nidi. “Tiquina ye buheyere t̄hoeracāhña”, nino nidi.

Jesu poto Cristo tiquiro ijyere Cohācjū ohoriquiro tiquiro ijyere yahuahye Pedro

(Mr 8.27-30; Lc 9.18-21)

13 Sa ye Jesu mehna wahana, Cesarea Filipino wame tiri maca cahapu ijiye macaripu esau usā. Sa yero macapu sajā sari bato Jesu usāre tiquiro buhenare sinituri:

—¿Noa boro ijiagari yuh, masa yuhure tiquina t̄hotugū? ni sinituri tiquiro.

14 —“Ñu wame yeriquiro ijire”, nine m̄hure. Apequina “Elia ijire”, nine. Apequina “Jeremia ijiboaga o apequiro Cohācjū yere yahu m̄htariquina mehna c̄jūno manano ijiboaga”, nine, ni yahtii usā tiquirore.

15 —¿Musa pehe musa tūhotugū noa boro ijiagari yūhū? ni, sinituri tiquiro.

16 Simo Pedro yūhtiri:

—Mūhū Cristo Cohācjū ohorigū ijire. Cohācjū catiriquiro waro macū ijire mūhū, ni yūhtiri Simo Pedro.

17 —Simo Ņu macū mūhū bucuēgū ijire. Ohō saha ni mūhū yūhūre yūhtiye masa tiquina yahuri ijierare. Yūhū Pacū ūhmūse cjāno pehe tire mūhūre masigū yeri.

18 Mūhūre niita niaja. Mūhū Pedro wame tigū ijire. (Pedro nino utā nino nine.) Ahri utā paa bui tutuari wūhūre yūhū yeboriro saha yeequina pehere wacū tutuayequina ijigū yeitja yūhū. Sa ye yeequina ne pecapū wahasi.

19 Ūhmūse cjāno mari pūhtoro ijiro cjā sawire mūhūre ohoutja. Sa yegū ahri yehpare mūhū ye dutieragū ūhmūsepū gūhūre ye dutisi. Ahri yehpare mūhū ye dutigū ūhmūsepū gūhūre ye dutiye ijietā, nidi Jesu.

20 Tiquiro sa nidi bato ūsāre tiquiro buhenare ohō saha nidi:

—Yūhūre “Cristo ijire tiquiro”, ni yahu sitenedacāhña apequinare, ni, dutiri ūsāre.

Jesu tiquiro yaria masa wijiatiye yahuahye

(Mr 8.31-9.1; Lc 9.22-27)

21 Ti pjeta Jesu ūsāre tiquiro buhenare quehnoano yahu peho dūcari:

—Jerusalēpū yūhūre waharo cahmene yojopūre. Topū judio masa mari būcūna, mari pahia pūhtoa, marine judio masare buheyequina gūhū yūhūre űano yeeta. Yūhūre wejēeta. Sata űano yūhdūro cahmene yūhūre. Sa yegū ihtia deco wahaboro masa wijiagūta, ni yahuri ūsāre tiquiro.

22 Tiquiro sa nigū tūhoro Pedro pehe ape sie cjūnogā Jesure ne sadūca, tiquirore ohō saha nidi:

—Pūhto, mūhū nino saha sa wahaeracāhdo. Mūhūre tiquina wejēdacāhdo, nimesi tiquiro Jesure.

23 Tiquiro sa nigū tūhoro Jesu mājaredūca, tiquirore ohō saha nidi:

—Satana yero saha yahuducugū nine mūhū. Sa niedacāhña. Mūhū tūhotuye masa ye ijire. Cohācjū ye ijierare. Sa yegū yūhū yeatire cahmota duare mūhū, nidi Jesu Pedrore.

24 Tiquiro sa nidi bato ūsāre yahuri:

—Ihcāquiro yaquiro iji duaro, tiquiro cahmeno ye duamedire duhu cānota. Sa yero yaquiro tiquiro ijiri buhiri űano yūhdūeperota yūhūre duhusi. Sa yero yeere yeducuriquiro ijirota.

25 Masūno yūhūre wacūno marieno tiquiro esa tuhoro tiquiro cahmeno sahata yero, pecapū waharota. Sa yero yeere masūno sa yeducuriquiro ijipihtiye decori yūhū mehna ūhmūsepū ijirota tiquiro.

26 ¿Ihcāquiro masūno ahri yehpa cjēne ijipihtiyere cūoriquiro Cohācjūre cahmedaro pecapū waharo, yabere wapatajari tiquiro? Sa ijiriquiro ne wapataerare. Pecapū tiquiro jeripohna wahagū ne dūhse wapa ye wioro basioerare.

27 Yūhū masū Cohācjū ohorigū yeequina angele mehna ahri yehpapū tojoa tagū yūhū Pacū asi siteye mehna tojoa tagū ijipihtiyequina masare tiquina űañe yeri buhiri buhiri dahreitja. Tiquina quehnoañe pehere yegū quehnoano yeitja tiquinare.

28 Ijirota mū sare yahutja. Ihquēquina musa ohōpūre ijina musa yariato pano yūhūre yūhū pūhto sajāgū ihñanata, ni yahuri Jesu.

17

Jesu tiquiro pagūre comesahye

(Mr 9.2-13; Lc 9.28-36)

1 Sa ye seis decori bato Jesu Pedrore, Santiagore tiquiro bahūro űu gūhūre ūhmūanū cūnūpū tiquina dihitare piji mūjari.

2 Ūhmūanopū tiquina esari bato tiquina ihñonopū tiquiro pagūre comesahye. Tiquiro wūhdoā asū deco cjāno yero saha asi siteahye. Sa yero

tiquiro suhtiro buhrioro yero saha yehsero wahahye.

³ Sa ye Jesu Moise manano, Elia manano mehna tiquina yahuducugū ihñahye tiquina ihtiaro buheyequina.

⁴ Sa yero Pedro Jesure nimahye:

—Puhto, mari ohōpū ijigū quehnoa duare. Mūhū cahmegū ihtia wūhūgā yeitja. Mūhū ya wūhūgā, Moise ya wūhūgā, Elia ya wūhūgā yeitja, nimahye tiquiro.

⁵ Tiquiro sa ni yahuducuri watoa ehmeo quehnoano asiye ehmeo tiquinare cahmotahye. Sa wahagū ehmeo watoapū yahuducuye bisiro ca tahye.

—Ahriquirō yūhū macū yūhū cahñiquiro ijire. Tiquiro mehna bucueaja. Tiquirore tūhoya, ni yahuducuro ca tahye.

⁶ Sa nigū tūhoye tiquiro buheyequina tūho maria waha, yehpapū doque quehe sahye.

⁷ Tiquina sa wahari bato Jesu tiquina cahapū esa, tiquinare buacarero, ohō saha niahye:

—Wahcādūcaya mūsa. Yo-jopūre mūsa ihñarire, mūsa tūhori gūhūre cueracāhñā, niahye tiquiro tiquinare.

⁸ Tiquiro sa nigū tiquina ihñā wahcō, Jesu dihitare ihñahye. Tiquina ihñariquina pehe mariedahye.

⁹ Sa ye cūnūpū tiquina dijia tagū Jesu tiquinare tutuaro mehna niahye:

—Mianogāta yūhū sa waharire apequinare yahueracāhñā. Yūhū masū Cohācjū ohorigū yūhū yaria masa wijiari batopū tire apequinare yahuya mūsa, niahye Jesu.

¹⁰ Tiquiro sa nidi bato Pedro gūhū tiquirore sinituahye:

—“Cristo masare yūhdūoatiquiro tiquiro ahtato pano Eliare ahta mūhtano cahmene”, nine marine judio masa buheyequina. ¿Dūhse ijiro boro sa niajari tiquina? ni sinituahye tiquina tiquirore.

¹¹ Jesu yūhtiahye:

—Potota ijire. Eliare ahta mūhta dutiri Cohācjū, ijipihtiyere quehno mūhtatiquirore.

¹² Ohō saha nigū mū sare nigū niaja. Elia wihi tuhasari. Tiquiro sa wihiepegāta tiquina tiquirore ne ihñā masiedari. Sa ye tiquina dūhse ye duaro yeri jiri tiquirore. Sata yeeta yūhū gūhūre. Yūhū masū Cohācjū ohorigū ijiaja. Tiquina sa yegū ñano yūhdūgatja yūhū, niahye Jesu.

¹³ Tiquiro sa ni yahugū tiquina quehnoano tūhoahye. “Elia”, nino, Ńu wame yeriquirore nino niahye. Tire masiahye tiquina.

Jesu watñore cūoriquirore yūhdūoahye (Mr 9.14-29; Lc 9.37-43)

¹⁴ Sa ye peyequina masa cahapū tiquina dijia tagū ihñāno ihcāquiro amūno Jesu cahapū esa, dūsepe curi mehna quehe sari.

¹⁵ —Puhto, yūhū macūre paja ihñāña. Tiquiro ñama yariayere dohatiriquiro ijire. Sa yero ña yūhdūaro yūhdūre. Peye tahari pecapū bora sa quehea mūjare tiquiro. Ihquē tahari diapū bora ñojoa mūjare.

¹⁶ Sa yegū mūhū buheyequina cahapū tiquirore ne sami. Tiquina tiquirore yūhdūo masiedari, nidi tiquiro Jesure.

¹⁷ Jesu yūhtiri:

—Yojopū cjāna, ñana ijire mūsa. Yūhūre ne wacū tutuerare. Yoā yūhdūari pje mū sare buhemī yūhū. ¿Noho puno yoari pje yūhūre mūsa cariboajari? Tiquirore ne cāhtaya yūhūre, nidi Jesu.

¹⁸ Sa yero watñore tiquiro tuhtigāta watño pehe masūno mehna ijiriquiro wahaa wahari. Sa wahari batogāta quehnoa wahari tiquiro.

¹⁹ Came usā tiquiro buhena usā sehsaro ijina Jesure sinituu:

—¿Dūhsena usā pehe ahriquirō pehere watñore cohā masiedari, mūhū tūhotugū? ni sinituu usā.

²⁰ Jesu yūhtiri:

—Yūhūre mehenogā wacū tutuare mūsa. Poto mū sare yahugāta niaja.

Mostaza capegã meheni pjegã ijire. Ti yero saha Cohãcjüre mehenogã mûsa wacũ tutuana ohõ saha wahagũ ye masinata mûsa. Ahdu canure “Sohõpũ wahaya”, mûsa nigũ, waharota. Cohãcjüre sata wacũ tutuana, ijipihtiyere ye masine mûsa. [

²¹ Sa ijiepegũta ahriquiroy boro watĩnore mûsa cohã duana Cohãcjüre tutuaro sinino cahmene mûsare. Sa ye duana sijiro cahmene mûsare Cohãcjüre sinina tana,] nidi Jesu usãre.

Pari turi Jesu tiquiro yaria masa wijiatiye yahuahye

(Mr 9.30-32; Lc 9.43-45)

²² Sa ye Galilea yehpapũ usã tinigũ, Jesu usãre yahuri:

—Yũhũ masũ Cohãcjũ ohorigũ iji-aja. Masa yahũre ñehe, apequinapũre yahũre ohoeta.

²³ Sa tiquina ohori bato yahũre wejẽeta. Sa tiquina wejẽgũ ihtia deco wahaboro masa wijiagũta, ni yahuri tiquiro usãre.

Tiquiro sa ni yahugũ tutuaro bujũa witii usã.

Cohãcjũ wũhũ cjẽ wapare sinitu-ahye apequina

²⁴ Sa yena Capernaupũ sajã sagũ, Cohãcjũ wũhũ cjẽ ijiatire wapa ne cohteyequina Pedro cahapũ esa, tiquirore sinituahye.

—¿Mûsare buheriquiro Cohãcjũ wũhũ cjẽ wapa ijiatire wapa yeajari tiquiro? ni sinituahye tiquina.

²⁵ —Wapa yere tiquiro, ni yahtiahye Pedro.

Tiquiro sa nidi bato wũhapũ tiquiro sajãgũ Jesu sinitu mahtahye Pedroy:

—¿Simo dahse ni tuhotuajari mũhũ? ¿Ahri yehpa cjẽna pũtoa yabequina pehere wapa neajari, mũhũ tuhotugũ? ¿Tiquina mehna cjẽnare wapa neajari? ¿O ape yehpa cjẽna pehere wapa neajari, mũhũ tuhotugũ? ni sinituahye tiquiro Pedroy.

²⁶ —Ape yehpa cjẽna pehere wapa nene, ni yahtiahye Pedro.

Tiquiro sa nigũ Jesu yahuahye:

—Sa yero pũhtoro tiquiro ya yehpa cjẽnare wapa nedari.

²⁷ Sa ijiepegũta wapa ne cohteyequinare usuagũ ye dueraja mari. Sa yena wapa yenata. Ditarapũ wahaya. Topũ esa, yohyeri dare doque ñoña. Sa yegũ wahi mũhũre ihyariquiroy weje nũoña. Tiquiro dũseropũ niñeru cjoere bocagũta mũhũ. Ti cjoe queoro wapa tiri cjoe ijirota. Yahũre, mũhũ gũhũre Cohãcjũ wũhũ cjẽna tiquina wapa negũ quehnoano queoro esa tuharota ti cjoe. Ti cjoere bocagũ mari wapamonore wapa yegũ wahaya, niahye Jesu Pedroy.

18

Jesu buheyequina tiquina mehna cjẽnare pũhto sõ duamahye

(Mr 9.33-37; Lc 9.46-48)

¹ Ti pjere usã tiquiro buhena Jesu cahapũ esa, sinituu tiquirore:

—¿Uhmũse cjũno pũhtoro ijiropũre usã mehna cjũno noa wahaboagari pũhtoro? ni sinituu usã.

² Usã sa nigũ Jesu nijinogãre pijio, tiquirogãre usã caha duhu docori. Duhu doco tuhasa, usãre nidi:

³ —Poto mûsare yahugũtja. Ahriquina macanagã Cohãcjüre tiquina pũhtoro waro tuhature. Sa yena mûsa gũhũ tiquina yero saha tuhhotuna, quehnoañene comesana, uhmũse cjũno pũhtoro ijiropũre wahanata. Tiquina yero saha tuhhotuerana pũhtoro tiquiro ijiropũre wahasi mûsa.

⁴ Sa yero uhmũse cjũno pũhtoro ijiropũre sa tuhhotu cãriquiroy ahriquiroy nijinogã yero saha tuhhoturiquiroyta apequina bui pũhtoro wahare.

⁵ Sa yena yeere yena tana ohõ saha ijieyequinagãre cahmena, yahũ gũhũre cahmene mûsa, ni yahuri Jesu.

Ñañene yegũ cuarĩne

(Mr 9.42-48; Lc 17.1-2)

⁶ Sa yero tiquinare yahu nemori:

—Ahriquiroygã yero saha ijiriquiro yahũre wacũ tutuariquiroygãre yahutja mûsare. Apequiroy ahriquiroygã

yero saha ijiriquirore ñañene ye dutiro tiquiro ña yuhduaro yuhdurota. Tiquiro wamware pajiria utāre duhte yo, pajiri mapu tiquirore cohāgū ñano wahaboaga tiquiro. Sa ijiepegūta ahriquirogā yero saha ijiriquirore ñañene ye dutiriquiro tiquiro pehe pajiri mapu tiquina cohāriquiro yuhduoro ñano yuhdurota.

⁷ Masare ñañene yegū yeye ijire. Tire yeye ahri yehpa cjēna ñano yuhdure. Ñañene yeducure masa. Tiquina sa yegū tiquinare ñañene yegū yeyequina pehe ña yuhduaro yuhdueta.

⁸ Mũhu omoca mehna ñano yegu ti omocare mũhu dute cohāboro saha ti ñañene duhuya. Tire duhueragu pecapu wahagūta. Topure ne peca yatierare. Mũhu omocare mũhu cohāgū ti si dihita butiboaga. Sa yegu mũhu pehe sa bajuri turu ijiepegūta came Cohācjū mehna ijigūta. Pua omoca mehna pecapu wahagu mũhu sa wahagū ña yuhduaboaga. Sa yegu ti ñañene duhuya. Mũhu dahpocā mehna ñano yegu ti dahpocā gāhure mũhu dute cohāboro saha ti ñañene duhuya. Tire duhueragu pecapu wahagūta. Topure ne peca yatierare. Mũhu dahpocāre mũhu cohāgū ti si dihita butiboaga. Sa yegu sa bajuri turu ijiepegūta came Cohācjū mehna ijigūta. Pua dahpocā mehna pecapu wahagu mũhu sa wahagū ña yuhduaboaga. Sa yegu ti ñañene duhuya.

⁹ Mũhu capea mehna ñano yegu tiare ore we mũhu cohāboro saha ti ñañene duhuya. Tire duhueragu pecapu wahagūta. Topure ne peca yatierare. Tiare mũhu cohāgū tia dihita butiboaga. Ihcā pehe capea mariedapegūta came Cohācjū mehna ijigūta. Pua capea mehna pecapu wahagu mũhu sa wahagū ña yuhduaboaga. Sa yegu ti ñañene duhuya, ni yahuri Jesu.

*Oveja butiriquiro queoyere yahuahye Jesu
(Lc 15.3-7)*

¹⁰ Sa ni tuhasa ohō saha ni yahu nemori:

—Ne, ahriquinagāre macanagāre ihña tuhtieracāhña. Mũsare niita niaja yuhũ. Tiquinagā yeequina angele tiquinagāre cohteyequina uhmũsepu ijiequina pehe yuhũ Pacu cahapu sa ijiducure. [

¹¹ Yuhũ masu Cohācjū ohorigu ahri yehrapu pecapu wahaboriquinare yuhduogu tuu nii yuhũ,] ni yahuri Jesu.

¹² Sa ni tuhasa tiquiro tuhutuye mehna ohō saha ni queoye mehna buheri usāre.

—Ovejare cohteriquiro cien ovejare cuoriquiro ihcāquiro oveja butia wahagū ohō saha yerota tiquinare cohteriquiro pehe. Apequina ovejare noventa y nueve ovejare tiquina ihyaropu duhu doco, butiriquirore macano waharota.

¹³ Ijirota nii niaja mũsare. Tiquirore bocaro bucueroa tiquiro. Apequina noventa y nueve dahsayequina mehna bucuero tiquiro. Tiquinare tiquiro bucuero yuhduoro butiriquiro pehere bocaro tutuaro bucueroa.

¹⁴ Sata mari Pacu uhmũse cjūno ahriquina ihyo ijiequina gāhure pecapu tiquina wahagū cahmedare, ni yahuri Jesu.

*Mũhu acayuro mũhure ñano yegū ohō saha ye dutiahye Jesu
(Lc 17.3)*

¹⁵ Sa ni tuhasa ohō saha ni yahu nemori:

—Mũhu acayuro mũhure ñano tiquiro yegū tiquiro mehna yahugu wahaya. Mũsa sehsaro tire yahuya. Mũhu sa yegū tiquiro mũhure tuhoboaga. Tiquiro tuhogū “Mũhure ne pari turi ohō saha yesi yuhũ”, tiquiro nigū mũhu acayurore pari turi piti tigu niaga mũhu.

¹⁶ Mũhure tiquiro tuho dueragū pūrita ihcāquiro mehna waha duagu o puaro mehna waha duagu tiquinare piti ti cā, pari turi tiquirore yahuna

wahaya. M̄sa sa yena p̄ana o ihtiana tiq̄iroke m̄sa yahus̄ḡũ, “Poto tjire”, ni masieta apequina.

17 Sa yena m̄h̄h̄ mehna cj̄na ḡh̄h̄re tiq̄iroke t̄ho dueraḡũ ijip̄ihtiequina Jesu yequina cahme-coañequinare yahus̄na wahaya. Sa yena Jesu yequina cahme-coañequinare tiq̄iroke t̄ho dueraḡũ ih̄na Coh̄cj̄re ño peo dueriquiro tiq̄iroke ijiro saha yeya tiq̄iroke. Wapa ne cohteriquiro tiq̄iroke ijiro saha yeya tiq̄iroke.

18 'Ijirota m̄sare niita niaja. Ahri yehp̄ap̄ m̄sa Jesu yequina ñañene m̄sa ye dutieraḡũ ùhm̄sep̄ ḡh̄h̄re ye dutisi. Ahri yehp̄ap̄ m̄sa quehnoañene ye dutiḡũ ùhm̄sep̄ ḡh̄h̄re ye dutiye ijirota.

19 'Pari turi m̄sare yahutja ahrire: M̄sa p̄ana Coh̄cj̄re siniḡũ, m̄sa p̄ana m̄sa sinidire ihc̄no saha m̄sa t̄hotuḡũ ȳh̄h̄ Pac̄ ùhm̄se cj̄no tire yerota.

20 P̄aro o ihtiaro yeequina, yeere yeatiquina tiquina cahmecoaḡũ ȳh̄h̄ tiquina mehna ijiaja, ni yahuri Jesu.

Cahacj̄no apequiro tiq̄iroke wapamonore tiq̄iroke bo duerari quitire yahuahye Jesu

21 Came Pedro Jesu cahap̄ esa, sinituri:

—¿P̄hto, ȳh̄h̄ acaȳro m̄h̄h̄ yaquiro peye tahari ȳh̄h̄re ñano tiq̄iroke yeḡũ ih̄naḡũ nohope tahari tire boḡtari ȳh̄h̄? ¿Siete tahari boḡtari ȳh̄h̄? ni sinituri Pedro.

22 Jesu yahtiri:

—Siete taharita m̄h̄h̄re apequiro ñano yerire m̄h̄h̄ boḡũ to wahaerare. Peye tahari m̄h̄h̄re ñano tiq̄iroke yeḡũ ḡh̄h̄re boya.

23 'H̄m̄se cj̄no masa p̄htoro tiq̄iroke ijiye ahri queoye yero saha ijire. Ijip̄ihtiequina masa p̄htoro tiq̄iroke cahacj̄nare tiq̄iroke wapam̄nequinare wapa ye peho duti duamahye.

24 Tiquina wapamorire tiq̄iroke queo d̄caḡũ, tiq̄iroke dahra cohteyequina pehe pajiro wapamoriq̄iroke tiq̄iroke cahap̄ ne c̄htahye. Wapamoriq̄iroke paji ȳh̄d̄aro wapamoahye tiq̄iroke p̄htoro.

25 Sa yero tiq̄iroke wapa ye masiedaḡũ tiq̄iroke p̄htoro tiq̄iroke, tiq̄iroke namonore, tiq̄iroke pohnene cahacj̄na s̄o, tiquinare apequinare dua dutimahye. Sa ye ijip̄ihtie tiq̄iroke c̄oye ḡh̄h̄re dua dutimahye, tiq̄iroke wapamonore wapa ye peho dutiro.

26 Tiq̄iroke sa dua dutiḡũ pajiro wapamoriq̄iroke pehe d̄sepe curi mehna quehe sa, tiq̄iroke p̄htoro tutuaro siniahye: “P̄hto, ȳh̄h̄re paja ih̄naḡũ cohteniña. M̄h̄h̄re wapa ye pehoutja”, niahye tiq̄iroke p̄htoro.

27 Tiq̄iroke sa niḡũ t̄horo, tiq̄iroke paja ih̄no tiq̄iroke wapamonore sata bo c̄ahye.

28 Tiq̄iroke sa yeri bato wapamoriq̄iroke pehe waha, apequiro cahacj̄nare tiq̄iroke mehenoḡã wapamoriq̄iroke boca sahye. Sa boca saro wam̄na ñeheahye tiq̄iroke. “Ȳh̄h̄re m̄h̄h̄ wapamonore wapa ye pehoya”, niahye tiq̄iroke mehna cj̄nare tiq̄iroke yero saha ijiriquirore cahacj̄nare.

29 Tiq̄iroke sa niḡũ apequiro cahacj̄no pehe d̄sepe curi mehna quehe sa, tiq̄iroke tutuaro sinimahye. “Ȳh̄h̄re paja ih̄naḡũ mehenoḡã cohteniña. M̄h̄h̄re wapa ye pehoutja”, nimahye apequiro cahacj̄no tiq̄iroke.

30 Tiq̄iroke sa ni siniepeḡta yahtierahye. Sa yero tiq̄iroke apequiro cahacj̄nare peresu ye dutiahye. Tee tiq̄iroke wapa ye pehoḡ̄p̄ wioro taro niahye tiq̄iroke.

31 Pajiro wapamoriq̄iroke mehenoḡã wapamoriq̄iroke tiq̄iroke sa yeḡũ ih̄na, usua, apequina cahacj̄na pehe tiquina p̄htoro yahus̄ne wahahye.

32 Tiquina sa ni yahus̄ḡũ t̄horo tiquina p̄htoro tiquina yahus̄riq̄iroke pijio, oh̄o saha ni-

ahye: “Mũhũ ña yũhdũagũ ijire. Mũhũ yũhũre tutuaro sinigũ mũhũ waramonore bo pehomi yũhũ.

³³ Mũhũre yũhũ sa yepegũta mũhũ pehe mũhũre wamoriqũrore boerañohĩ. Mũhũ waramono pehere yũhũ boriro sahata tiqũro mũhũre waramono gũhũre mũhũ bogũ quehnoa yũhdũaboaga. ¿Dũhsegũ tiqũrore paja ihñedari mũhũ, sa yegũ?” niahye pũhũtoro tiqũrore.

³⁴ Sa nino tutuaro usua, peresu yeahye tiqũro cahacjũnore. Tee tiqũro wapa ye pehogũpũ wioro taro niahye, ni yahuri Jesu.

³⁵ Sa yero ohõ saha ni ahri quitire yahu bato tiri:

—Sata yerota yũhũ Рачũ ahmũse cjũno mũsare. Mũsa ijipihĩtina mũsa acaye mũsare tiqũna ñano yerire quehnoano mũsa bo pehoeragũ tiqũro mũsare buhiri dahrerota, nidi Jesu.

19

Tiqũna namosãnumiare cohãñene yahuahye Jesu

(Mr 10.1-12; Lc 16.18)

¹ Tire tiqũro sa ni yahuri bato tiqũro Galileapũ ijiriqũro Judea yehpũpũ usãre siho wahari. Jordã wame tiri ma ape sie pahrẽpũ esau usã.

² Topũ usã wahagũ peyequina masa usãre nũnũ tã cãri. Tiqũna mehna cjẽnare dohatiyequinare yũhdũgũ yeri tiqũro.

³ Sa ye ihquẽquina fariseo masa Jesure yahusã duaye, ñano tiqũro yahuducugũ tũho duaye, tiqũrore sinituri:

—¿Mari namosãnumiare cohãgũ quehnoaboagari? ¿Mari dutiye pehe sata ye dutiagari, mũhũ tũhotugũ? ni sinituri tiqũna.

⁴ Jesu yũhtiri:

—¿Cohãcjũ yere tiqũna ojoari pũpũ ne ahrire buherari mũsa? Ohõ saha ni ojoahye: “Coã waropũre ahri yehpare bajumehnediqũro mũmũno, nũmino gũhũre yeahye”, ni ojoahye.

⁵ Sa yero ohõ saha ni ojoa nemoahye: “Sa yero mũmũno tiqũro pacũsmũare cohã wijia, tiqũro namono mehna ijirota. Sa ye tiqũna pũaro ijiepetã ihcã pagũ yero saha ijire.

⁶ Sa ye tiqũna pũaro yero saha ijierare. Ihcã pagũ yero saha ijiye nine. Cohãcjũ tiqũro omoca dũhte dutiyequina ijire. Sa ye tiqũnare cahme duhueraro cahmene”, ni ojoahye, nidi Jesu tiqũnare.

⁷ Tiqũro sa nigũ fariseo masa sinituri tja:

—Mũhũ ohõ saha ni yahuepegũta ohõ saha ni ojoahye Moise pehe: “Mũhũ namonore cohã duagũ pãpera pũre tire ojoaya. Sa ojoagũ ti pũre mũhũ namonore mũhũ ohori bato ticorore cohã masine mũhũ”, ni ojoahye Moise. ¿Mũhũ nino saha ijiepegũta Moise pehe dũhsero ohõ saha ni ojoayari? ni yũhtiri tiqũna tiqũrore.

⁸ Jesu yũhti cahmedi tiqũnare:

—Cohãcjũre mũsa ñecũsmũã panopũ cjẽna tiqũna tũho dueragũ ihñano tiqũna namosãnumiare tiqũna cohãgũ, “Sata wahacũnahdo”, niahye Moise. Tiqũro sa niepegũta coã waropũre ahri yehpare sa ijierari.

⁹ Mũsare niita niaja. Masũno tiqũro namono ticoro ñano yerapegũta ticorore cohãno, apecorore namo tiro, tiqũro apecoro mehna ñano yero nine. [Sa yero ahriqũro cohãricorore namo tiriqũro gũhũ ticoro mehna ñano yeriqũro ijire,] nidi Jesu.

¹⁰ Tiqũna sa nigũ tũhona, usã tiqũro buhena pehe tiqũrore ohõ saha nii:

—Sata mũmũno tiqũro namono mehna tiqũna cahme cohãedagũ mari pehere mari namo tieragũ quehnoaboaga, nii usã.

¹¹ Jesu yũhtiri:

—Ihquẽquinareta namo ti dutierare Cohãcjũ. Tiqũro namo ti dutiriqũna dihita namo tieta.

12 Ɔmũare namo ti dutieraye ihquēgã ijire. Ihquēquina umũa nu-miare cahmeeñequina masa bajuare. Apequina umũa masa tiquina apēni tōho tiquina weriquina pehe namo ti masiedare. Apequina umũa umũse cjãno tiquina pũhoro yere yedoho duaye, namo tierare. Sa ye ahriquina namo ti dueyequina sata tũhotu cãhñequina, sata tiquina sohoro tigũ quehnoare, nidi Jesu usãre.

Macanagã ye ijiatire Cohãcjũre sini basahye Jesu

(Mr 10.13-16; Lc 18.15-17)

13 Sa ye masa macanagãre Jesu cahapũ ne wihiri. Sa ne wihiye, tiquina Jesure tiquiro omocare tiquinagã bui ña peo duti duamedi. Sa ye tiquinagãre Cohãcjũre sini basa duti duamedi Jesure. Tiquina sa yegũ ihñana usã tiquiro buhena tiquinare tuhtimi.

14 Usã sa tuhtigũ ihñano, usãre Jesu ohõ saha nidi:

—Macanagã yũhũ cahapũ ahtaahro. “Waharĩsa”, niedacãhña tiquinagãre. Tiquinagã Cohãcjũre tiquina pũhoro tũhoture. Sa ye tiquiro umũse cjãno pũhoro ijiropũ ahriquinagã yero saha tũhotuyequina ijire topũre, nidi Jesu usãre.

15 Sa ninota tiquiro omocare tiquinagã bui ña peo tuhasa, wahaa wahari.

Doeri cjẽ upũro Jesure sinituahye
(Mr 10.17-31; Lc 18.18-30)

16 Tiquiro sa yeri bato ihcãquiro Jesu cahapũ wihi, sinituri tiquirore:

—¿Ne quehnoagũ buhegũ, ijipihtiye decori Cohãcjũ mehna iji duagũ, quehnoañene ye duagũ dũhse yeboagari yũhũ? nidi tiquiro.

17 —¿Dũhse ijiro boro yũhare quehnoañene sinituajari mũhũ? Cohãcjũ dihita quehnoariquiro ijire. Ijipihtiye decori Cohãcjũ mehna iji duagũ tiquiro dutiyere yeya, nidi Jesu.

18 —¿Dise boro dutiye pehere nigũ nijajari? ni sinitu nemori tiquiro. Jesu yãhtiri:

—Masare wejẽdacãhña. Wuana tieracãhña. Yaqueracãhña. Ni mehoedacãhña.

19 Mũhũ pacũsumũare ño peoya. Mũhũ basi mũhũ cahĩno saha mũhũ cahapũ ijiriquiro gũhare cahĩña. Ahri dutiyere yero cahmene, nidi Jesu.

20 —Ahri dutiyere ne yãhdũdũcaera tii yũhũ. ¿Dũhse ye nemoagari yũhũ ijipihtiye decori Cohãcjũ mehna iji duagũ? nidi tiquiro Jesure.

21 Tiquiro sa nigũ tũhoro Jesu yahu nemori:

—Mũhũ ñañe mariegũ iji duagũ mũhũ ye ijipihtiyere duagũ wahaya. Sa duagũ ijipihtiye mũhũ wapataru niñerure pejecũoyequinare ohoya. Mũhũ sa yegũ pajiro mũhũ ye umũsepũ, Cohãcjũ cahapũ ijirota. Mũhũ sa yeri bato yũhũ mehna cjã ijigũ ahtaya, ni yahuri Jesu.

22 Tiquiro sa nigũ tũhoro tutuaro bujũa witiri. Tiquiro doeri cjẽ upũro ijipihtiye cãoriquiro ijiri. Sa yero Jesu yahugũ tũhoro tutuaro bujũa witiri. Pejecũoyequinare oho dueraro wahaa wahari.

23 Tiquiro sa wahari bato Jesu usãre tiquiro buhenare yahu nemori:

—Ijirota mũsare niita niaja. Doeri cjẽ upũro Cohãcjũ pũhoro ijiropũre tiquirore waharo basioera cjũre.

24 Mũsare yahu nemoutja: Camello pehe awia copepũ tiquiro sajã duagũ basioerare tiquirore. Tiquiro sa ijiro yãhdũoro doeri cjẽ upũro Cohãcjũre cahmedaro, Cohãcjũ pũhoro ijiropũre waharo basioerare, nidi tiquiro.

25 Tiquiro sa nigũ tũhona usã tũho maria waha, usã basi ohõ saha nii:

—Aa, dũhse tiquiro nino sahata ijigũ, ne ihcãquiro masũno Cohãcjũ cahapũ waha masiedaboaga, nii usã basi.

26 Usã sa nigũ Jesu usãre ihñano, yahuri:

—Masa tiquina esa tuharo tiquina quehnoano yeri mehna Cohãcjũ cahapũ waha masiedare. Cohãcjũ pehe masare pecapũ wahaboriquinare yãhdũo masine. Tiquiro ijipihtiyere

quehnoano ye masi peho cãre, nidi tiquiro usãre.

²⁷ Tiquiro sa nigũ Pedro tiquirore nidi:

–Tũhorĩña. Usã pehe usã ye ijip-
ihtiyere cũ cãu mũhũ mehna wa-
hana tana. ¿Usã ohõ saha yena,
dũhse ijiyere wapatanatari usã? nidi
tiquiro.

²⁸ Tiquiro sa nigũ tũhoro ohõ saha
nidi Jesu:

–Mũsare niita niaja: Pihtiri deco
bato ijipihtiye wahma dihita came-
saeta. Ti pjerũre yũhũ masũ Cohãcjũ
ohorigũ yũhũ pũhtoro yũhũ dujiropũ
asi siteropũ dujiitja yũhũ. Topũ
yũhũ dujigũ mũsa gũhũ doce dujiye
pahtaripũ pũhtoa tiquina dujiye
pahtaripũ dujinata. Sa yena Israe
masare doce cururi cjẽnare besen-
ata mũsa quehnoañequina gũhũre,
ñañequina gũhũre.

²⁹ Sa ye yeere yena tana mũsa
wũhũsere, mũsa bahanare, mũsa
pacũsmũhũre, mũsa pohnare, mũsa
weserire cũrina ijina, pajiro wap-
atanata. Sa yena ijipihtiye decori
Cohãcjũ mehna ijinata.

³⁰ Sa ijiepegũta yojopũre peyequina
pũhtoa ijiriquina ti pjerũre ihyo ijiye-
quina tojoaeta. Sa ye yojopũre peye-
quina ihyo ijiyequina ijimediquina ti
pjerũre pũhtoa comesaeta, ni yahuri
Jesu usãre tiquiro buhenare.

20

Uhse wesere dahrayequina queoyere yahuahye Jesu

¹ Sa ye Jesu pari turi queoye mehna
yahu nemori tja:

–Uhmũse cjũno masa pũhtoro ijire.
Wese upũro queoye mehna tiquiro
pũhtoro ijiyere yahutja mũsare.
Tiquiro wese upũro bohrea quehagũ
tiquiro ya wesere dahratiquinare
pijiro wahahye.

² “Ihcã cjoe niñeru cjoe wapa
yegũtja ihcã decore”, niahye
tiquinare. “Aũ”, niahye dahra-
tiquina. Tiquina sa nigũ we-
sepũ dahra dutiro ohoahye tiquiro
tiquinare.

³ Sa yero decopũ nueve ijigũ doeri
cjẽ duaropũ wahahye tiquiro. Topũ
esaro, apequina dahraeyequinare
ihñahye.

⁴ Sa ihñano tiquinare niahye:
“Mũsa gũhũ ya wesere dahrana
wahaya. Quehnoano wapa yegũtja”,
niahye tiquiro.

⁵ Sa ye tiquina wesepũ dahraye
wahahye. Sa ye wese upũro coheri
pje ijigũ, ñamicahapũ tres ijigũ gũhũre
dahra dutiahye.

⁶ Sa ye ñamicahapũ cinco ijigũ do-
eri cjẽ duaropũ tiquiro wahahye tja.
Topũ esa, apequina dahraeyequinare
ihñano, tiquinare niahye: “¿Mũsa
dũhse yena niajari dahraerapenata
ohõpũre?” ni sinituahye tiquinare.

⁷ “Ne, usãre dahraye mariedare”,
ni yũhtiahye tiquina. “Mũsa gũhũ
ya wesere dahrana wahaya”, niahye
tiquinare. Sa ye tiquiro nidiro sahata
tiquiro ya wesere dahraye wahahye.

⁸ ‘Sa ye ñamicahapũ dahra duhuri
pje ijigũ wese upũro tiquiro
dahrayequinare coheriquirore ohõ
saha niahye: “Dahrayequinare
pijiya. Tiquina wihigũ tiquinare
wapa yeya. Camepũ yũhũ dahra
dutiriquinare wapa ye mũhtaña.
Tiquinare wapa ye tuhasa, apequina
gũhũre wapa ye tuhasa, yũhũ dahra
duti mũhtariquinare wapa ye bato
tiya”, niahye tiquiro.

⁹ Sa yero cinco ijigũ dahra
dũcayequinare ihcã cjoe niñeru cjoe
wapa yeahye.

¹⁰ Tiquiro sa wapa yegũ ihñañe,
“Usãre paji cjũnogã wapa yerota”,
ni tũhotumahye tiquiro duti
mũhtariquina pehe. Tiquina gũhũre
ihcãno saha wapa yeahye.

¹¹ Sa ye niñerure tiquiro wapa
yegũ tiquina pũhtoro mehna usuaye,
tiquina basi cahme niahye:

¹² “Ahriquina usã batopũ tiquiro
dahra dutiriquina pehe ihcã hor-
ata dahrari. Usã pehe ihcã deco
quehnoano dahra nahñoa wahami.
Ñano asũ asiri usãre. Usã sa yoari
pje dahraepẽgũta usã batopũ dahra

dɔcariquina gũhure ihcãno saha wapa yeri tiquiro”, ni usuahye tiquina basi.

¹³ Ihcãquiro tiquina mehna cjãno tiquiro sa nigũ tuhoro, wese upuro yũhtiahye tiquirore: “Ne yũhũ acayũ, ‘Ihcã cjoerũ niñeru cjoere wapa yegũtja’, nimi mũsare. Yũhũ sa nigũ yũhtiri mũsa. Sa yegũ yũhũ nidiro sahata mũsare wapa yei yũhũ. Queoro wapa yei mũsare. Ne yaquerũ mũsare.

¹⁴ Sa yegũ yũhũ wapa yerire ne, mũhũ ya wũhũpũ tojoarĩsa. Ahriquirore came yũhũ dahra dutiriquiro gũhure mũsare yũhũ wapa yeriro punota wapa yegũtja.

¹⁵ Yee niñeru ijire ahri. Sa yegũ yũhũ cahmeno sahata ahri mehna wapa yegũtja. ¿Apequinare bui cjũnogã yũhũ quehnoano wapa yegũ ihña tuhatajari mũhũ?” niahye tiquiro wese upuro, ni yahuri ti queoyere Jesu.

¹⁶ Sa nino, yahu nemori tiquiro:

—Ahri queoye nidiro saha came cjã curua iji mũhtari curua ijirota uhmũsepũ. Sa ye iji mũhtari curua pehe tiquina camerũ cjã curua tojoarota uhmũsepũ, ni yahuri Jesu.

Pari turi Jesu tiquiro yaria masa wijiatiye yahuahye

(Mr 10.32-34; Lc 18.31-34)

¹⁷ Sa ye Jerusalẽpũ wahaducu, usãre doce tiquiro buhenare pijio tuhasa, ape sierũ usãre usã sehsaro neari Jesu. Usã sehsaro usã ijigũ usãre yahuri:

¹⁸ —Tuhoya yũhure. Yojopure Jerusalẽpũ wahana niaja mari. Topũ yũhure masure Cohãcjũ ohorigure ñehe, apequinapure yũhure ohoeta. Pahia pũhtoare, judio masare buheyequina gũhure yũhure ohoeta. Sa ye yũhure wejẽ dutieta tiquina.

¹⁹ Sa wejẽ dutiye, judio masa ijieyequinare yũhure ohoeta. Tiquina sa ohori bato tiquina pehe yũhure bujũpe, tana, curusapũ quẽ bihaeta yũhure. Sa yegũ yũhũ yariari bato ihtia deco wahaboro masa wijiagũtja, ni yahuri Jesu usãre.

Santiago, Ñu mehna tiquina pacoro pehe tiquinare sini basahye Jesure

(Mr 10.35-45)

²⁰ Sa ye Zebedeo namono pũaro ticoro pohne mehna Jesu cahapũ esa, dũsepe curi mehna quehe sahye tiquirore sinino taro.

²¹ —¿Dũhse yũhũ yegũ cahmeajari mũhũ? niahye Jesu ticoro.

—Mũhũ pũhto sajãgũ yũhũ pohnare dutiyequina sũña. Sa yegũ mũhũ pũa peheripũ duji dutiya tiquinare, ni siniahye ticoro.

²² Jesu ohõ saha niahye:

—Mũsa ñano yũhdũatire masiedapenata sa sinine mũsa. ¿Yojopure yũhũ ñano yũhdũato saha mũsa gũhũ ñano yũhdũana ihcãno sahaboagari mũsa? niahye Jesu ticoro pohnene.

—Ihcãno sahanata, ni yũhtiahye Santiago, Ñu mehna.

²³ —Ijirota niita niaja mũsare. Yũhũ ñano yũhdũato saha ñano yũhdũnata mũsa gũhũ. Sa ijiepegũta yũhũ mehna dutiatiquinare, yũhũ mehna dujia-tiquinare bese masiedaja yũhũ. Yũhũ Pacũ pehe quehno tuhasari tire. Sa ye tiquiro beseatiquina dihita yũhũ poto pehe yũhũ cũ pehe pehe dujieta, niahye Jesu tiquinare.

²⁴ Sa yena usã apequina diez tiquiro buhena pehe Santiago, Ñu ahriquina pũaro mehna usuau usã. Jesure tiquina pacoro ticoro sini basarire tuhona usuau tiquina mehna.

²⁵ Usã sa usuagũ ihñano, Jesu usãre ijipihtina tiquiro buhenare piji cahmeco, yahuri usãre:

—Cohãcjũre masieñequina pũhto pehe tiquina masare dutiye, usuaro mehna dutire.

²⁶ Mũsa pehe ne sa yesi mũsa basi. Mũsa mehna cjãno pũhoro iji duaro, ijipihtiequina tiquiro mehna cjẽna cahacjũno ijiro cahmene tiquirore.

²⁷ Sa yero ijipihtiequinare dutiriquiro iji duaro, apequina cahacjũno ijiro cahmene tiquirore.

²⁸ Sata ijigũ ijiaja yũhũ gũhũ. Yũhũ masũ Cohãcjũ ohorigũ ahri

yehpapure masare yedohogũ ahtaũ. Sa yegũ peyequina masa ye buhirire yariagũ ahtaũ nii. Sa yegũ masare pecapũ wahaboriquinare yũhdũogũ ahtaũ nii. Masare dutipegũ tagũ niedũ, nidi Jesu usãre.

Pũaro caperi bajueyequinare ihñagũ yeahye Jesu

(Mr 10.46-52; Lc 18.35-43)

²⁹ Sa ye Jericóũ ijirina usã wahagũ peyequina masa Jesure nũnũ tãri.

³⁰ Sa ye Jesu tiquiro yũhdũagũ pũaro caperi bajueyequina maha dũhtũ cahapũ dujiyequina tũhori. Sa tũhoye, ohõ saha ni sañuducuri:

–Pũhto, Davi mũnano panami iji turiagũ, masare yũhdũoacjũ, usãre paja ihñaña, ni sañuducuri.

³¹ Tiquina sa ni sañuducugũ masa pehe tiquinare tuhtiri.

–Dihta mariahña, nidi masa tiquinare.

Tiquina sa tuhtigũ tũhoye, to pano tiquina sañuducuriro yũhdũoro sañuducu nemori tja.

–Usã pũhto, Davi mũnano panami iji turiagũ, usãre paja ihñaña, ni sañuducu nemori.

³² Tiquina sa nigũ tũhoro Jesu esadũca, tiquinare pijio, sinituri:

–¿Dũhse yũhũ yegũ cahmeajari mũsa? ni sinituri.

³³ –Pũhto, usãre ihñagũ yeya, ni yũhtiri tiquina.

³⁴ Tiquina sa nigũ Jesu tiquinare paja ihñari. Sa paja ihñano tiquina caperire ña peori. Tiquiro sa ña peogũta tiquina pehe ihñaa wahari. Sa ihñañe, tiquirore nũnũ tã cãa wahari.

21

Jerusalẽpũ esahye Jesu

(Mr 11.1-11; Lc 19.28-40; Jn 12.12-19)

¹ Sa ye Jerusalẽpũ esana tana Betfagẽ wame tiri macapũ esa mũhtaũ usã Jesu mehna. Cũnũ Olivo wame tidũ cahapũ Betfagẽ ijiri. Topũ esaro, usã tiquiro buhena mehna cjẽnare pũaro Jesu tiquiro pano oho mũhtari.

² Ohõ saha dutiri tiquinare:

–Si macapũ burroare nena wahaya. Topũ esana, duita burrore ticoro macũnogã mehna tiquina dũhte docoricorore bocanata. Tiquinare boca, yuta dare pã, ne cãhta basaya yũhare.

³ Mũsa sa yegũ ihñano, burroa upũro “¿Dũhsena tana burroare pãjari mũsa?” tiquiro nigũ tũhona ohõ saha ni yũhtiya. “Mari pũhtoro burroare cahmedi. Sa yero mianogã wiarota tiquiro”, ni yũhtiya tiquirore, ni duti ohori Jesu pũaro tiquiro buheyequinare.

⁴ Sa yeri Cohãcjũ yere yahu mũhtariquiro tiquiro ni ojoariro sahata. Ohõ sahata ni ojoahye panopũ:

⁵ Jerusalẽ cjẽnare ohõ saha ni yahuya:

“Ihñaña mũsa. Mũsa pũhtoro mũsa cahapũ ahtare. Tiquiro quehnoano masa quehnoariquiro ijire. Burro macũnogã bui pesariquiro ahtarota”, ni yahuya Jerusalẽ cjẽnare, ni ojoahye panopũ.

⁶ Jesu tiquiro dutiriquina pũaro ti macapũ esa, tiquiro dutiriro sahata yeahye tiquina.

⁷ Burrore, ticoro macũnogã gũhare ne cãhta, tiquina bui sañañe suhtire tu we ne, burrogã bui duhu peori tiquina. Tiquina sa yeri bato Jesu tiquirogã bui mũja pjeri, waharo taro.

⁸ Mũja pje tuhasa, tiquirogã bui Jerusalẽpũ wahari. Tiquiro ahtagũ ihñañe masa peyequina tiquina bui cjẽ suhtire tu we ne, seõ cũ mũhtari tiquiro wahari mahare, Jesure ño peoye. Apequina pehe pũri tiye dũpũrĩre mahapũ cũ mũhtari tiquirore ño peoye.

⁹ Sa ye tiquiro pano wahayequina, tiquiro bato nũnũ tãñequina mehna sañuducuri:

–Davi panamino iji turiariquirore marine yũhdũoatiquirore ño peouhna. Ahriquiro Cohãcjũ ohoriquiro quehnoano ijiahro. Uhmũse cjẽnore “Tutuagũ ijire”, ni ño peouhna, ni sañuducuri masa.

10 Sa ye Jerusalēp_u tiquina esagū to cjēna pehe ihña maria wahari.

—¿Noa ijiajari ahriquiro? ni cahme sinituri tiquina.

11 Apequina masa y_uhtiri:

—Ahriquiro Cohācjū yere yahu m_uhtariquiro Nazare cjāno Jesu wame tiriquiro ijire, ni yahuri tiquina masare.

*Cohācjū w_uh_up_u esahye Jesu
(Mr 11.15-19; Lc 19.45-48; Jn 2.13-22)*

12 Came Cohācjū w_uh_up_u esari Jesu. Ti w_uh_up_u esa, sajāa wahari. Ti w_uh_up_u duayequinare, dúyequina gāh_ure cohā wiori tiquiro. Sa yero niñeru comesaye mesarire ne majare cū m_ujari. Bujuaare duayequina tiquina dujiye pahtari gāh_ure sata yeri.

13 Sa yero tiquinare ohō saha nidi:

—Cohācjū yere tiquina ojoari pūp_u ohō saha nine: “Ya w_uh_u Cohācjū mehna yahuducuri w_uh_u wame tirota”, nimene tiquiro ojoari pūp_u. M_usa pehe ahri w_uh_up_u duana m_usa basi cahme yaquere m_usa, nidi tiquiro tiquinare.

14 Tiquiro sa yeri bato caperi bajueyequina, tini masieñequina gāh_u Cohācjū w_uh_up_u tiquiro cahap_u wihiri. Tiquina sa wihigū tiquinare y_uhd_ugū yeri tiquiro.

15 Sa quehnoañene tiquiro yegū ihñañe, pahia p_uh_utoa, marine judio masare buheyequina gāh_u usuari tiquiro mehna. Sa ye macanagā Jesure “Davi panami iji turiagu, masare y_uhd_uoac_u, tutuagu ijire m_uh_u”, tiquina ni ño peogū t_uhoye usuari pari turi tiquina.

16 Sa usuaye ohō saha nidi Jesure:

—¿Tiquina sa nigū t_uhoerajari m_uh_u? Sa niedacāhdo, ni tuhtiri tiquina Jesure.

—Tiquina sa nigū t_uhoaja. ¿Cohācjū ojoari pūp_u ahrire ne buherari m_usa? Macanagāre Cohācjūre quehnoano ño peogū yeri m_uh_u, nine Cohācjū yere tiquina ojoari pūp_u, nidi Jesu.

17 Sa ni tuhasa tiquinare cohā cā, Betania wame tiri macap_u esa, ti ñamine top_u ijiri.

Jesu higuera_ure yaria dutiahye

(Mr 11.12-14, 20-26)

18 Ape deco bohrearop_u Jerusalēp_u tojoaro, _uj_ua ahbari Jesu.

19 Sa _uj_ua ahbaro, maha d_uht_u cahap_u ijid_u higuera_u wame tid_ure ihñano, t_u d_ucare macano wahamedi. D_uca mariedari t_u pehe. Pūri dihita ijiri. T_u sa ijigū ihñano Jesu t_ure ohō saha nidi:

—Ahd_u ne pari turi d_uca tisi, nidi tiquiro.

Tiquiro sa nigūta duita t_u pehe ñaia wahari.

20 T_u sa wahagū ihñana _usā tiquiro buhena ihña maria waha_u.

—¿Yohou, d_uhsero ahd_u duita ñaia wahajari? ni sinituu _usā.

21 Jesu y_uhtiri:

—Ahrire wacūña m_usa. Cohācjūre quehnoano wacū tutuaya. “Potota sa yerota tiquiro”, nina, ahd_ure y_uh_u yeriro sahata ye masinata m_usa gāh_u. Sa yena ahd_ure y_uh_u yaria dutiriro y_uhd_uoro ye masinata m_usa. Ahd_u c_un_ure “Duha ne, pajiri map_u cohādu ijiahro”, m_usa nigū duha cohādu ijirota.

22 Cohācjūre m_usa wacū tutuagū, “Y_uh_u sinidiro sahata waharota”, m_usa ni wacūgū m_usa sinidiro sahata waharota, nidi Jesu _usāre.

*Jesure dutiriquirore sinituahye
apequina*

(Mr 11.27-33; Lc 20.1-8)

23 Sa ye Cohācjū w_uh_up_u tojoa sa, buheri tiquiro. Tiquiro sa buhegū pahia p_uh_utoa, mari judio masa b_uc_una mehna tiquiro cahap_u wihi, sinituri:

—¿D_uhseg_u can_u ñamicahare sa yeari m_uh_u? ¿Noa m_uh_ure tire sa ye dutiari? ni sinituri tiquina.

24 Tiquina sa nigū Jesu y_uhtiri:

—M_usa pehere sinitu m_uhtag_utja. Quehnoano y_uh_ure m_usa queoro y_uhtigū m_usare yahutja y_uh_u gāh_u.

25 ¿Ñu masare tiquiro wame yegū noa boro pehe tiquirore wame ye

dutiyari, m̄sa t̄hotugũ? ¿O Cohãcjũ dutierayari? ¿O masa pehe dutiyari, m̄sa t̄hotugũ? ni sinituri Jesu tiquinare.

Tiquiro sa nigũ tiquina pehe tiquina basi ohõ saha nidi:

—¿D̄hse ni ȳhtinatari mari? “Cohãcjũ Ñure dutie tiahye”, mari nigũ, “¿D̄hsena Ñu tiquiro dutiepegũta t̄ho duerari m̄sa?” ni-boaga Jesu marine. Sa yena “Cohãcjũ Ñure dutie tiahye”, ni ȳhti masiedaja mari.

²⁶ Ahriquina masa pehe “Potota Ñu Cohãcjũ yere yahu m̄htariquiro ijiri”, ni t̄hoturi tiquina. Sa ni t̄hotuye “Ñu tiquiro wame yegũ Cohãcjũ pehe tiquirore dutierahye”, mari nigũ t̄hoye masa usueta mari mehna. Sa yena ti ḡh̄ure yahu masiedaja mari, nidi tiquina basi.

²⁷ Tiquina sa nidi bato Jesure ȳhtiri tiquina.

—Ñure wame ye dutiriquirore usã masiedaga, nidi tiquina.

Tiquina sa nigũ t̄horo ohõ saha nidi Jesu:

—Ti pje p̄rita ȳh̄u ḡh̄u m̄sa sinitu m̄htarire yahueraja m̄sare. Ȳh̄u yerire dutiriquirore yahueraja m̄sare, nidi tiquiro tiquinare.

P̄aro pac̄ro queoyere yahuahye Jesu

²⁸ Tiquiro sa nidi bato Jesu queoye mehna buhe nemori tiquinare:

—¿Ne, d̄hse t̄hotuajari m̄sa ahri queoyere? P̄aro pac̄ro ijiahye. Wahmino pehere ohõ saha niahye tiquiro pac̄ro: “Mac̄u, wesep̄u dahraḡu wahaya”, niahye.

²⁹ “Wahaeraja”, ni ȳhtimahye tiquiro mac̄no coã warore. Sa nieperota camep̄ure wesep̄u waha duaro ijiahye tiquirore. Sa yero wahahye tiquiro.

³⁰ Sa yero tiquina pac̄ro tiquiro mac̄no d̄hsariquiro cahap̄u esa, tiquiro wahminore tiquiro dutiriro sahata wesep̄u waha dutimahye. “Āu”, nimahye d̄hsariquiro. Sa nieperota wahaerahye tiquiro.

³¹ ¿Diquiro pehe tiquiro pac̄ro dutiriro sahata yeari? ni sinituri Jesu.

—Tiquiro wahmino pehe yeahye, ni ȳhtiri tiquina.

Tiquina sa nigũ Jesu yahuri:

—M̄sare niita niaja. Wapa ne cohteyequina, um̄a mehna ñano yeducuye numia tiquina buip̄u waro m̄sa pehe ña ȳhd̄ana ijire. Sa ye Cohãcjũ p̄htoro ijirop̄ure m̄sa esaborirore tiquina pehe m̄sare esa m̄htaboaga.

³² Ñu wame yeriquiro buhero m̄sare “Quehnoano yeya”, ni yahumedi. Sa tiquiro yahugũ d̄hsariquiro pac̄rore tiquiro ȳhtierariro sahata tiquirore t̄hoerari m̄sa. Sa yena tiquirore ȳhtierari. Wapa ne cohteyequina pehe, um̄a mehna ñano yeducuye numia ḡh̄u tiquirore t̄hori. Tiquina sa t̄hogũ ih̄nari m̄sa. M̄sa sa ih̄naepenata tiquirore ne t̄ho duerari. Sa yena t̄hoerari m̄sa, nidi Jesu pahia p̄htoare, mari judio masa buc̄na ḡh̄ure.

Ñañequina dahra cohteyequina queoyere yahuahye Jesu

(Mr 12.1-12; Lc 20.9-19)

³³ Sa ye Jesu pari turi queoye mehna ohõ saha ni tiquinare buhe nemori:

—Apeye queoyere t̄hoya m̄sa. Dihta c̄oriquiro ijiahye. Tiquiro ya dihtap̄u ùhse darire oteahye. Ote tuhasa, sahr̄n̄ore ye tuhasa, ùhsere tiquina c̄hta m̄toati copere sehe, um̄uari w̄hugã yeahye.

’Sa yero ti wesere apequinare ihcã pehe pahr̄e pahma c̄ahye. Sa yero ti wesere tiquinare ih̄na ihbo duti, ape yehpap̄u waha wahahye tiquiro.

³⁴ Sa ye ùhse ñidi pje ijigã wese up̄ro tiquiro cahacj̄nare wesere ih̄na ihboyequina cahap̄u ohoahye. Wese cj̄e tiquiro oteri d̄ucare tiquiro ya pahr̄e cj̄e d̄ucare ne dutiro ohomahye.

³⁵ Sa ye wesere ih̄na ihboyequina pehe tiquiro cahacj̄nare ñano yeahye. Ihcãquirore tutuaro quẽ,

apeqirore wejē, apeqirore utā mehna doqueahye.

³⁶ Came wese upuro pari turi tiquiro cahacjēnare tiquiro oho mūhtariquina yūhdūo cjūno ijiri curuare ohomahye tja. Sa ye wesere ihña ihboyequina tiquina gūhure mūnanota yeahye tja.

³⁷ 'Sa yero tiquiro oho bato tiriqiro tiquiro macano ijiahye. "Yūhū macū pehere ño peota", nino tiquirore ohomahye.

³⁸ Tiquiro sa ni tūhotuepegāta wesere ihña ihboyequina tiquiro macano ahtagū ihñañe, ohō saha niahye: "Wese upuro macano ijire ahriqiro. Tiquirore wejēihna mari. Sa yero ahri wese mari ya wese tojoarota", nimahye tiquina basi.

³⁹ Sa niñeta tiquirore ñehe, wese dūhtū cahapū ne cā, wejēahye tiquina tiquirore.

⁴⁰ '¿Ne, wese upuro ahtaro dūhse yerotari tiquiro wesere ihña ihboyequinare? ni sinituri Jesu pahia pūhtoare, būcūna gūhure.

⁴¹ Tiquiro sa nigū tiquina yūhtiri:

–Tiquiro apeqinane wesere ihña ihboatiquinare comesarota iji mūhtañequinare ña yūhdūayequinare wejēno taro. Tiquirore queoro dūcare tu watiquina pehere ihña ihbo dutirota, ni yūhtiri tiquina.

⁴² Tiquina sa nigūta Jesu yahu nemori tiquinare:

–¿Cohācjū yere tiquina ojoari pūpū ahrire yūhure tiquiro ni ojoarire ne buherari mūsa?

Ahriqiro Cristo utā yero saha ijire.

Utāre wūhū dahreyequina tiquina cohāno saha masa tiquirore cohāeta. Tiquina sa yepēgāta yojopūre wūhū dahreyequina wūhure yeye tiquina cū mūhtaria utāre tiquina cūno saha Cohācjū tiquirore pūhtoro sōri. Cohācjū pehe ahrire yeri. Tiquiro sa yegū ihñana, "Quehnoa yūhdūare", ni, tūhotuaja mari, ni ojoahye panopū.

'¿Tire ne buherari mūsa?

⁴³ Mū sare niita niaja yūhū. Cohācjū tiquiro pūhtoro ijiro mūsa ijiato ijiboaga. Tiquiro pūhtoro ijirore apeqina pehere mūsa ijiborirore ohorota Cohācjū. Apeqina masa pehe tiquiro dutiro sahata yeeta. [

⁴⁴ Ijipihtiyequina tia utā bui doque queheyequinare mūta sitea wahaeta. Sa yero tia utā pehe masano bui bora pjero mūtaa wahagū yerota tiquirore. Tiquiro pagū mūnanore daye manarigā wahagū yerota. (Sata yūhure ño peo dueyequina yūhū buhiri dahreatiquina ñano yūhdūeta,)] nidi Jesu pahia pūhtoare, mari acaye judio masa būcūna gūhure.

⁴⁵ Ti queoyere tiquiro nigū tūhoye, "Sohō tiquiro yahu mūhtari queoye, wesere ihña ihboyequina queoye mehna marine nino niaga tiquiro", ni tūhoturi tiquina.

⁴⁶ Sa ni tūhotuye, tiquirore ñehe duamedī. Masa pehe Jesure ño peo, "Cohācjū yere yahu mūhtariqiro ijire tiquiro", niñequina ijie tiri tiquina. Tire masiñe, pahia pūhto, būcūna mehna masare cueye, Jesure ñehedari.

22

Pajiri bose deco cjē queoyere yahuahye Jesu

(Lc 14.15-24)

¹ Sa ye pari turi queoye mehna tiquinare buhe dūcari Jesu.

² –Ūhmūse cjūno pūhtoro ijiro ahri queoye yero saha ijire. Ihcā yehpa cjēna pūhtoro ijiahye. Sa yero tiquiro macano ya deco bose deco yeahye. Tiquiro omoca dūhteri bose deco ijiahye.

³ Sa yero pūhtoro tiquiro cahacjēnare bose decore ihñañe ah-tatiquinare piji dutiro ohomahye. Tiquina pehe ahta dūerahye.

⁴ Sa yero apeqinane piji dutiro ohomahye tja tiquiro cahacjēnare. "Yūhū pijioriquinare ohō saha ni yahuya. 'Mari ihyatire dahre tuhasari. Wecūare, wecūagā dihi tiyequinagā gūhure wejē tuhasari. Sa

yero ijiphihiro bose deco cjē ijiatire quehno tuhasari. Sa yena bose deco cjēne ihyana ahtaya', ni yahuya tiquinare", ni ohomahye p̄h̄toro tiquiro cahacjēnare.

⁵ Tiquina sa yahuri bato tiquiro pijionohriquina sa t̄hotu cāhye. Bose decore ihñañe wahaerahye. Ihcāquiro tiquiro ya wesep̄a waha wahahye. Apequiro tiquiro dahrayere ihñano wahahye.

⁶ Apequina pehe tiquiro cahacjēnare ñehe, tiquinare ñano ye, wejē cāhye.

⁷ Tiquina sa yegū t̄horo, p̄h̄toro pehe usuahye. Usua, tiquina sa wejēdi buhiri buhiri dahre dutiro tiquiro surarare ohoahye. Sa ye surara tiquinare wejē peho, tiquina ya macare ɱj̄a cāhye.

⁸ Tiquina sa yeri bato, p̄h̄toro tiquiro cahacjēnare ohō saha niahye: "Bose deco cjē ijiatire quehno tuhasamedi. Sa ijiepegūta ȳh̄u pijio m̄h̄tariquina ȳh̄u bose decore ihñaboriquina ijierare. Ñañequina ijiri tiquina.

⁹ Sa yena macare ijiye maharip̄a d̄h̄se ijiyequina m̄sa boca sayequinare bose decore ihñatiquinare pijiya", niahye tiquiro cahacjēnare.

¹⁰ Tiquiro sa nigū tiquiro cahacjēna maharip̄a waha, ijiphihtiequinare tiquina boca sayequinare, ñañequina, quehnoañequina ḡh̄are yahuahye. Tiquina sa pijiri bato esahye tiquina pari. Quehnoano ti bose deco tiquina yeri tuc̄re masa wahpa ȳh̄d̄a wahahye.

¹¹ Top̄a tiquina dujigū p̄h̄toro pehe ihcāquirore omoca d̄h̄teri deco cjā suhtirore sañeniquirore ihñahye.

¹² "¿Ne ȳh̄u acaȳa, d̄h̄se yegū omoca d̄h̄teri deco cjā suhtirore sañedapegūta sajā tari m̄h̄u?" ni sinituahye p̄h̄toro.

"Tiquiro sa sinitugū mas̄no pehe ȳh̄tierahye.

¹³ Tiquiro sa ȳh̄tieragū ihñano tiquiro cahacjēnare ohō saha niahye:

"Ahriquirore omocarine d̄h̄teya. Tiquiro dahpocāri ḡh̄are d̄h̄teya. D̄h̄te tuhasa ne wijia, sopecahap̄a cohãña tiquirore nahitianop̄a. Top̄a tiquiro tutuaro uti, b̄j̄a witiro mehna bahque dihorota", niahye p̄h̄toro, ni yahuri Jesu.

¹⁴ Tiquiro sa nidi bato ohō saha ni bato tiri tiquiro:

—Ahri queoye ijiro saha Cohācjū peyequina masa tiquiro pijioriquina ijiepetā meheñequinagā tiquiro mehna tojoaeta, ni yahu bato tiri Jesu.

P̄h̄toa ye wapare apequina sinituahye Jesure

(Mr 12.13-17; Lc 20.20-26)

¹⁵ Tiquiro sa nidi bato fariseo masa waha, tiquirore tiquina yahusātire tiquina basi yahuducuahye. Tiquiro ñano ȳh̄tigū t̄ho duaye nimahye tiquirore yahusāne tehe.

¹⁶ Sa yahuducuye tiquina mehna cjēnare, Herode ya curua cjēna ḡh̄are Jesure sinitu dutiye ohoahye. Tiquina pehe Jesu cahap̄a wihi, tiquirore meje cū sinitumedi:

—Buheḡa, poto yahuducuḡa ni mehoñe marieḡa m̄h̄u ijigū masiaja usā. Cohācjū yere queoro m̄h̄u yahugū ḡh̄are usā masiaja. Sa yegū ihcāquiro p̄h̄toro waro ijiepegūta tiquiro ḡh̄are d̄oyaro marieno potota yahure m̄h̄u.

¹⁷ Sa yegū usāre yahuya. ¿Roma cjāno ijiphihtiequina p̄h̄toro yere marine wapa yero cahmeajari, m̄h̄u t̄hotugū? ¿Mari dutiye wapa ye dutiajari, m̄h̄u t̄hotugū? ni sinitumedi tiquina Jesure.

¹⁸ Tiquina sa nigū t̄horo tiquirore tiquina ñano ye duayere masino ohō saha nidi:

—Masa ihñono dihita quehnoano iji mehona ijire m̄sa. ¿D̄hsena ȳh̄u ñano yahuducugū t̄ho duajari m̄sa?

¹⁹ Yojop̄are niñeru cjoere p̄h̄toare wapa yeati cjoere ne cāhtaya. Ti cjoere ihñauhna, nidi tiquiro.

Tiquiro sa nigū t̄hoye niñeru cjoere ne cāhtari tiquina.

20 Sa yero tiquiro sinituri tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituri.

21 —César, masa ijipihtiyequina p̄h̄toro queoye, tiquiro wame ḡh̄u wahñare, ni ȳhtiri tiquina.

Tiquina sa niḡu t̄h̄oro Jesu yahuri:

—T̄i p̄je p̄rita masa ijipihtiyequina p̄h̄toro yere tiquiro pehere ohoya. Coh̄c̄j̄u yere Coh̄c̄j̄u pehere ohoya, nidi Jesu.

22 Tiquiro sa niḡu t̄h̄oye, t̄h̄o maria waha, wahaa wahari.

Saduceo masa Coh̄c̄j̄u tiquiro masoñene sinituahye Jesure

(Mr 12.18-27; Lc 20.27-40)

23 Sa ye ti decota ihquẽquina saduceo masa Jesu cahap̄u wihiri. Saduceo masa pehe “Coh̄c̄j̄u yariariquinare masosi”, ni t̄h̄otuyequina ijiri. Sa ye oh̄o saha nidi tiquina tiquirore:

24 —Buheḡu, oh̄o saha ni buheahye Moise: “Ihc̄aquiwo wahmino namo tiriquire pohna mariedaperota yariaḡu ihñano tiquiro bah̄ore tiquiro wahmino namono ijiricorore n̄oano cahmene. Sa yero wahmino m̄n̄ano tiquiro pohna taboriro saha pohna tiro cahmene tiquiro bah̄ore. Sa ye tiquiro pohne tiquiro wahmino m̄n̄ano pohne yero saha ijiet̄a”, ni ojoahye Moise, nidi tiquina saduceo masa.

25 Tire sa ni yahu tuhasa ahri queoyere yahu nemori tiquina Jesure:

—Ihc̄aquiwo mas̄no ijiahye. Seis bahana tiahye tiquiro. Tiquina wahmino pehe namo ti, pohna mariediquiro yariaa wahahye. Sa yero apequiwo tiquiro bah̄oro ḡh̄u tiquiro wahmino namono ijiricorore n̄oahye.

26 Sa n̄oari bato tiquiro wahmino yero sahata pohna mariedaperota yariaa wahahye t̄ja. Sa yero ahriquiwo bah̄oro tiquiro wahmino m̄n̄ano yero sahata pohna mariedaperota yariaa wahahye. Sa

dihita wahahye ihc̄aquiwo pohne waro. Ne pohna mariedapeta yaria pihtia wahahye tiquina.

27 Tiquina namono ijiricoro ḡh̄u tiquina bato yariaa wahahye.

28 ¿Coh̄c̄j̄u ijipihtiyequinare yariariquina m̄n̄are tiquiro masoḡu diquire boro namono pehe ijiboagari ticoro? Tiquina ijipihtiyequina ticorore namo tiriquire m̄na ijiahye. ¿Sa yero diquire namono pehe ijiboagari ticoro pototi? ni sinituri tiquina.

29 Jesu ȳhtiri tiquinare:

—Coh̄c̄j̄u yere tiquina ojoari p̄re, tiquiro masiñe ḡh̄ure ne masiedare masa. Sa ye masa t̄h̄otuye pehe ne poto ijierare.

30 Yariariquina m̄na tiquina masa m̄jari bato tiquina angele yero saha ijire. Namu marieñequina, man̄u marieñe numia ijire top̄re.

31 Yariariquina m̄na tiquina masa wijiato pehere m̄sare yahut̄ja. ¿Coh̄c̄j̄u m̄sare tiquiro nidire ne buherari m̄sa? Oh̄o saha niahye tiquiro.

32 “ ‘Ȳh̄u Abrah̄a, Isaac, Jacob tiquina p̄hto ijiaja’, nine Coh̄c̄j̄u”, ni ojoahye panop̄re. Tiquina yariari bato “Tiquina p̄hto ijiaja”, ni yahuahye Coh̄c̄j̄u. Sa nieperota yariariquina m̄na p̄h̄toro ijierare Coh̄c̄j̄u. “Tiquina p̄hto ijiaja”, tiquiro niñe mehna catiyequina tiquina ijiḡu masiaja mari. Tiquiro catiyequina p̄h̄toro ijire, ni yahuri Jesu tiquinare.

33 Tiquiro sa ni buheḡu t̄h̄oye peyequina masa t̄h̄o maria wahari.

Quehnoa ȳhd̄ari dutirore yahuahye Jesu

(Mr 12.28-34)

34 Sa ye saduceo masa Jesure tiquina ȳhti masiedaḡu t̄h̄oye, fariseo masa pehe tiquiro cahap̄u cahmecoari.

35 Sa yero tiquina mehna c̄j̄no marine judio masare buheriquiro pehe Jesu tiquiro ñano niḡu t̄h̄o duaro meje c̄u sinitumedi tiquirore.

36 —¿Buhegũ, Cohãcjũ ye dutiro quehnoa yãhdũari dutiro noho pehe ijiajari, mãhũ tãhotugũ? ni sinituri tiquiro.

37 Jesu tiquirore yãhtiri:

—“Tutuaro mãsa jeripohna mehna, mãsa tutuaye mehna, quehnoano mãsa wacũñe mehna Cohãcjũre cahĩña”, nine Cohãcjũ.

38 Ahri dutirota ijire quehnoa yãhdũari dutiro apeye dutiye yãhdũoro.

39 Ahri dutiro bato apero dutiro quehnoa yãhdũare: “Mãhũ basi mãhũ cahĩno saha mãhũ cahapũ ijiyequina gãhũre cahĩña”, nine Cohãcjũ.

40 Ahri pũa dutirota apeye dutiye gãhũre masi pehogũ yere. Ahri pũa dutirore yena, ijipihtiye apeye dutiyere ye pehona niaja mari. Cohãcjũ yere yahu mãhtariquina panopũ tiquina ojoari gãhũre yena niaja mari, ni yahuri Jesu.

*Cristo Davi mãnano pãhtoro ijire
(Mr 12.35-37; Lc 20.41-44)*

41 Sa ye fariseo masa topũ cah-mecoañequina tiquina ijigũ Jesu tiquinare sinituri:

42 —“Cristo Cohãcjũ tiquiro ohoat-iquiro ijire”, nine mãsa. ¿Noa boro iji-ajari tiquiro ñecũno mãnano panopũ cjãno, mãsa tãhotugũ? nidi tiquiro.

—Cristo Davi mãnano panamino iji turiariquiro ijirota, ni yãhtiri tiquina.

Jesu yahuri:

43 —¿Cristo Davi mãnano panamino iji turiariquiro tiquiro ijigũ dũhse yero Davi pehe pãhtoro tiyari Cristore? ¿Dũhse yero sa pãhtoro ti dutiyari Espĩritu Santo tiquirore? Ohõ saha niahye Davi:

44 Cohãcjũ yãhũ pãhtoro ohõ saha nidi: “Ohõpũ yãhũ poto pe-hepũ dujiya. Sa yegũ mãhũre ihña tuhtiyequinare mãhũre yãhdũdũca basautja yãhũ”, nidi Cohãcjũ yãhũ pãhtoro, ni ojoahye Davi.

45 Sa ni ojoarota Davi pãhtoro tiahye Cristore. ¿Davi Cristo ñecũno iji

turiariquiro ijire dũhse yero tiquiro pãhtoro tiyari Cristore? Cristo Davi pãhtoro ijire, ni yahuri Jesu.

46 Tiquiro sa ni yahugũ tiquina tiquirore ne yãhti masiedari. Sa ye to punota sinitu duhu cãri tiquina tiquirore. Sa ye cueye, pari turi sinituerari tiquirore.

23

Judio masare buheyequina, fariseo masa gãhũ tiquina ñano yeyere yahuahye Jesu

(Mr 12.38-40; Lc 11.37-54; 20.45-47)

1 Sa ye peyequina masare, usã gãhũre Jesu yahuri tja.

2 —Marine judio masare buheye-quina fariseo masa gãhũ Cohãcjũ dutiye Moisere tiquiro cũrire yahuyequina ijire tiquina.

3 Tiquina sa yahuyequina ijigũ mãsare tiquina yahuriro sahata tire ye pehoya mãsa. Sa yepenata tiquinare ihña cũedacãhña mãsa. Tiquina buheriro sahata yerare tiquina.

4 Masare peye dutire tiquina. Sa dutiepeta tiquina dutiro saha masa yeragũ ihñañe tiquinare yedohoer-are.

5 Masa tiquina ihñono dihita quehnoano ye ihñomene tiquina. Cohãcjũ yere tiquina ojoari pũre tiquina duhu sãñe acarigãre, bũjũ cjũñe acarigãre tiquina wãhdoa bui dũhte yori, masare ihña dutiye. Tiquina omocari gãhũre dũhte yori. Sa ye tiquina suhti tu pjeri da bui tiquina ohõri da ehisa yãhdũari da ijire. Cohãcjũre tiquina ño peorire masa pehere ye ihñoñe nimene tiquina. Ti queoro ijierare tiquina sa ye ihñoñe.

6 Sa ye bose decori ijigũ pãhtoa tiquina dujiyepũ duji duare. Sa ye judio masa mari buheye wãhũsepũ gãhũre quehnoañe dujiye pahtari dihitare cahmene tiquina.

7 Sa ye doeri cjẽ duaropũ ape-quina pãhtoare quehnoano ño peo tiquina sinino saha tiquina piti

cagũ cahmene tiquina. Tiquinare “Buhegũ”, masa tiquina ni pisugũ cahmene.

⁸ 'Apequina musare pisuye “Buhegũ”, niedacãhdo. Mũsa ijipihitina ihcãno saha ijina nine. Sa yegũ musare buhegũ ihcũta ijiaja.

⁹ Sa yena ahri yehpa cjẽnare “Mari pacũ”, nina tiquinare ño peona niaga. Ne sa niedacãhña. Æhmũse cjũno dihita mari Pacũ ijire. Tiquiro dihitare ño peoro cahmene marine.

¹⁰ Sa yena masũnore “Pũhto”, niedacãhña. Mũsa pũhto yũhũ Cristo pehe ihcũta ijiaja.

¹¹ Cahacjũno yero saha musare yedohoriquiro tiquiro ijire mũsa pũhtoro ijiatiquiro.

¹² Ihcãquiro pũhtoro iji duaro tiquirore ihyo ijiriquiro yero saha ijiro cahmene. Sa yero “Ihyo ijigũ ijiaja yũhũ”, ni tũhoturiquiro pehe pũhtoro ijirota, ni yahuri Jesu.

Judio masare buheyequina, fariseo masa mehna tiquina ni mehoñene yahuahye Jesu

¹³ Tiquiro sa nidi bato tiquinare yahu nemori:

–Mũsa judio masare buhena, fariseo masa gũhũ ñano yũhdũnata. Masa ihũono dihita quehnoano iji mehona ijire mũsa. Sijoro saha mũsa buhegũ tũhoye masa pehe Cohãcjũ pũhtoro ijirõpũre wahasi. Mũsa gũhũ topũre wahasi. Sa yena topũre waha duayequinare cahmotare mũsa.

[
¹⁴ 'Mũsa judio masare buhena, fariseo masa gũhũ ñano yũhdũnata. Masa ihũono dihita quehnoano iji mehona ijire mũsa. Wape wiha numia ye wũhũsere tiquina cũoye gũhũre ehmare mũsa tiquina numiare. Sa yena yoari pje masa ihũonõpũ Cohãcjũre sini ihũomene mũsa masare. Mũsa sa yeri buhiri peyequina yũhdũoro Cohãcjũ buhiri dahrerota musare.]

¹⁵ 'Mũsa judio masare buhena, fariseo masa gũhũ ñano yũhdũnata. Masa ihũono dihita quehnoano iji

mehona ijire mũsa. Pajiri mapũ pehã, yoaro cjẽ yehparipũ wahare mũsa, mũsa dutiyere yeatiquirore macana tana. Mũsa dutiyere yeatiquirore boca, tiquirore buhere. Mũsa sa yegũ tiquiro pehe mũsa yũhdũoro pecapũ wahatiquiro ijirota.

¹⁶ 'Mũsa ñano yũhdũnata. Caperi bajueyequina tiquina ihña masieno saha masiena ijire mũsa. Sa ijiepenata apequinare buhemene mũsa. Ohõ saha ni buhemene mũsa: “ ‘Cohãcjũ wũhũ mehna yũhũ nino sahata yeitja’, nidiquiro, tiquiro nidiro sahata yerapegũta quehnoanota”, ni buhemene mũsa. “ ‘Cohãcjũ ya wũhũ cjẽ uru mehna yũhũ nino sahata yeitja’, nidiquiro tiquiro pehere tiquiro nidiro sahata ye sohtori tiro cahmene”, ni ti gũhũre buhemene mũsa.

¹⁷ Caperi bajueyequina tiquina ihña masieno saha masiena ijire mũsa. Tũho masiena ijire. ¿Dise boro pehere ño peoro cahmeajari? Urure ño peoeraro cahmene. Cohãcjũ pehe ti uru ti wũhũpũ ijigũ quehnoañe ijigũ yere tire. Sa yena ti wũhũ pehere ño peoro cahmene musare. Sa ye mũsa buheye pehe queoro ijierare.

¹⁸ Ahri gũhũre buhemene mũsa: “ ‘Cohãcjũ wũhũ cjã altar mehna yũhũ nino sahata yeitja’, nidiquiro tiquiro nidiro sahata yeragũ quehnoanota”, ni buhemene mũsa. “ ‘Ti altar bui ijiye mehna Cohãcjũre tiquina ohori mehna yũhũ nino sahata yeitja’, nidiquiro tiquiro pehere tiquiro nidiro sahata ye sohtori tiro cahmene”, ni buhemene mũsa.

¹⁹ Caperi bajueyequina tiquina ihña masieno saha masiena ijire mũsa. ¿Dise boro pehe ti waro ijiajari, mũsa tũhotugũ? Cohãcjũre masũno tiquiro ohori ti waro ijiera cjũre. Ti altar bui Cohãcjũre tiquiro ohogũ, quehnoañe wahare ti altar bui ijiye. Sa yero ti altar pehe ihyo ijiri altar ijierare. Cohãcjũre tiquina ohori bui cjũnogã quehnoari altar ijire.

²⁰ Sa yero “Cohãcjũ wũhũ cjã altar mehna yũhũ nino sahata yeitja”,

ihcãquiro nino, ti altar bui cjẽ tiquiro ohori mehna sa nino niaga. Sa ye m̄sa buheye pehe queoro ijierare.

21 Sa yero “Cohãcjũ w̄h̄h̄ mehna ȳh̄h̄ nino sahata yeitja”, ihcãquiro nino, potota Cohãcjũ mehnata sa ninota niaga. Cohãcjũ ti w̄h̄h̄ cjãno ijire.

22 Sa yero “Ëhm̄se mehna ȳh̄h̄ nino sahata yeitja”, ihcãquiro nino, Cohãcjũ ijirop̄h̄ mehnata sa nino niaga. Sa yero Cohãcjũ mehnata sa nino niaga. Tiquiro pehe to cjãno ijire. Sa ye m̄sa buheye pehe queoro ijierare.

23 'M̄sa judio masare buhena, fariseo masa ḡh̄h̄ ñano ȳhd̄nata. Masa ih̄ñoño dihita quehnoano iji mehona ijire m̄sa. Moa yero saha ijiyere ihyayere ocagũ yeyere c̄ona mehenogã ohomene m̄sa. Cohãcjũre ño peona tana pahiare ohomene m̄sa. Mehenogã ohomene m̄sa. Menta, anís, comino wame tiye ocagũ yeyere ohomene m̄sa. Sa ohoepenata quehnoañene yerare m̄sa. Sa yena masare paja ih̄nedare m̄sa. Sa yena Cohãcjũre wacũ tutuerare m̄sa. Oteye d̄scare m̄sa nedire mehenogã pahiare m̄sa ohogũ quehnoare. Sa ohona ohõ saha ye nemoña: Quehnoañene yeya. Sa yena paja ih̄ñaña masare. Sa yena Cohãcjũre wacũ tutuaya.

24 Caperi bajueyequina tiquina ih̄ña masieno saha masiena ijire m̄sa. Ohõ saha yere m̄sa: M̄sa ye dutiyere ye dutina, ihyo ijiyegã warore dutiyere yere m̄sa. Sa yepenata Cohãcjũ pototi tiquiro dutiye warore yerare m̄sa.

25 'M̄sa judio masare buhena, fariseo masa ḡh̄h̄ ñano ȳhd̄nata m̄sa. Masa ih̄ñoño dihita quehnoano iji mehona ijire m̄sa. M̄sa waparire, m̄sa sihniñe wajarire bui m̄sa cosero saha quehnoañene ye ih̄ñoore m̄sa buigã warona. Sa yepenata Cohãcjũ yere queoro yerare m̄sa. Apequina yere ehmana, m̄sa basi dihita b̄j̄yere ne duana ijire m̄sa. Sa dihita t̄hoture m̄sa.

26 Caperi bajueyequina tiquina ih̄ña masieno saha masiena ijire m̄sa fariseo masa. M̄sa jeripohnarine comesaya m̄sa. Quehnoañene pehere yeya. M̄sa sa yena masa tiquina ih̄ñoñop̄h̄ quehnoana ijinata m̄sa.

27 'M̄sa judio masare buhena, fariseo masa ḡh̄h̄ ñano ȳhd̄nata. Masa ih̄ñoño dihita quehnoano iji mehona ijire m̄sa. Masa cope, yehseye mehna tiquina wisõri cope yero saha ijire m̄sa. Masa ti copere tiquina ih̄ñagũ quehnoari cope bajure. Sa bajuepegãta, puhiap̄h̄ ahbariquirore, tiquiro cohãrine, ñañene ih̄nedare tiquina.

28 Sata m̄sa ḡh̄h̄ masa ih̄ñoñop̄h̄ quehnoañequina yero saha bajumene m̄sa. Sa quehnoañequina yero saha bajuna m̄sa ijepegãta m̄sa t̄hotuyep̄h̄ ñañe, ni mehoñe iji ȳhd̄nare ahbaye yero saha, ni yahuri Jesu.

Judio masare buheyequina, fariseo masa ḡh̄h̄re tiquiro buhiri dahreatire yahuahye Jesu

29 Sa ni tuhasa ohõ saha ni yahu nemori tiquinare:

—M̄sa judio masare buhena, fariseo masa ḡh̄h̄ ñano ȳhd̄nata. Masa ih̄ñoño dihita quehnoano iji mehona ijire m̄sa. Cohãcjũ yere yahu m̄htañequina panop̄h̄ cjẽna tiquina masa coperire quehnoano quehnomene m̄sa, tiquinare ño peoro saha yena. Sa yena quehnoano yeyequina m̄na tiquina queoyere m̄sa yeri queoyere quehnoano quehnomene m̄sa.

30 Sa yena ohõ saha niducumene m̄sa: “Panop̄h̄re usã ñec̄s̄m̄na iji turiayequina m̄na tiquina yeriro saha usã pehe yeraboaga. Ti p̄j̄p̄h̄ ijiyequinare Cohãcjũ yere yahu m̄htariquinare usã wejẽdaboaga”, niducumene m̄sa.

31 Sa nina m̄sa ñec̄s̄m̄na iji turiayequina Cohãcjũ yere yahu m̄htariquinare wejẽdiquina m̄na tiquina yerire ih̄ñoña nine. Tiquinare wejẽdiquina m̄na tiquina panamena

iji turiana m̄sa ijiye ḡhure ih̄ona nine m̄sa.

³² M̄sa ñec̄us̄m̄sa iji turiayequina m̄na tiquina yeriro sahata ye sohtori tic̄nah̄ña.

³³ Añaa yero saha ña ȳhd̄ana ijire m̄sa. M̄sa ñañe yerire b̄j̄ua witi duerana Coh̄c̄j̄ m̄sa ñañe buhirire pecap̄ m̄sare tiq̄iro coh̄to pano duhti masiedare m̄sa.

³⁴ Sa yeḡ m̄sare niita niaja. Coh̄c̄j̄ yere yahu m̄htariquinare, apequina quehnoano masiñequinare, apequina m̄sare buheatiquinare m̄sa cahap̄ ohoutja. Ȳh̄ sa ohoḡ m̄sa pehe ihquēquina tiquinare wej̄nata. Apequinare curusap̄ quē bihanata. Apequinare m̄sa buheye w̄h̄sep̄ tananata. Sa yena macarip̄ tiquinare ñano yena, oma n̄n̄ t̄nata m̄sa.

³⁵ M̄sa sa yena ijipihtiyequina ñañe marieñequinare m̄sa wej̄di buhiri buhiri tinata. Abe m̄nanore Cañ wej̄di buhiri ijipih̄tina m̄sa ḡh̄ buhiri tinata. Ijipihtiyequina tiq̄iro bato ijiyequinare quehnoañequinare tiquina wej̄di buhiri ḡh̄ buhiri tinata m̄sa ḡh̄. Sa yena Coh̄c̄j̄ w̄h̄ cahap̄ wahiquinare m̄sa ohori altar cahap̄ Zacariare wej̄ahye m̄sa. Tiq̄iro pehe Berequia mac̄no iji-ahye. Sa yena tiq̄iro ḡh̄ m̄sa wej̄di buhiri buhiri tinata m̄sa.

³⁶ Ijirota m̄sare yahuḡta niaja. Tiq̄ina ijipihtiyequinare tiq̄ina wej̄di buhiri yojop̄ cj̄na ḡh̄ buhiri tieta, ni yahuri Jesu.

Jerusal̄e cj̄nare tutuaro cah̄ahye Jesu
(Lc 13.34-35)

³⁷ Sa ni tuhasa oh̄ saha ni nemori: —Ahyou, Jerusal̄e cj̄na, Coh̄c̄j̄ yere yahu m̄htariquinare wej̄dina ijire m̄sa. M̄sa acaye panop̄ cj̄na ḡh̄ sata yeyequina m̄na ijiyahye. Sa yena m̄sa cahap̄ tiq̄iro ohoriquinare ut̄a paca mehna doque wej̄dina ijire m̄sa. Canaca ticoro poh̄nene ticoro w̄ye d̄p̄ri mehna ticoro moha cuñano saha peye

tahari cah̄ducumi m̄sare. M̄sare cah̄memi. M̄sa pehe ȳh̄ ne cah̄medari.

³⁸ Yojop̄ m̄sa ya maca coh̄ri maca ijirota.

³⁹ Ijirota m̄sare niita niaja. Cam̄p̄ ahtātja ȳh̄. Sa ȳh̄ ahtaḡ ih̄ñana m̄sa ȳh̄ “Coh̄c̄j̄ tu- tuaye mehna ahtariq̄iro quehnoah̄do”, ninata. Ȳh̄ m̄sa tire niato pano ȳh̄ tojoa tato pano pari turi ȳh̄ ih̄ñasi m̄sa, nidi Jesu tiquinare.

24

—Coh̄c̄j̄ w̄h̄ coh̄ri w̄h̄ ijirota, niahye Jesu

(Mr 13.1-2; Lc 21.5-6)

¹ Sa ye Coh̄c̄j̄ w̄h̄p̄ ijiriq̄iro Jesu tiq̄iro wijia wihiḡ us̄a tiq̄iro buhena ti w̄h̄ ti w̄h̄ cahap̄ ijiye w̄h̄se ḡh̄ ih̄ñana,

—Quehnoa ȳhd̄aye w̄h̄se ijicjoare. Ih̄ñaña m̄h̄ ḡh̄, nii us̄a tiq̄irore.

² Jesu ȳhtiri:

—Ahri w̄h̄sere yojop̄re ih̄ñamene m̄sa. M̄sare yahuḡta niaja. Ahri w̄h̄sere ijipihtiye m̄sa ih̄ñari, ahri w̄h̄se cj̄ ut̄a paca ḡh̄ coh̄ pehoeta. Ne ih̄c̄ria ut̄a tojoasi, nidi tiq̄iro us̄are.

Pihtiri deco ijiatire yahuahye Jesu
(Mr 13.3-23; Lc 21.7-24; 17.22-24)

³ Came Olivo wame tid̄ c̄n̄p̄ esa, top̄ dujiri Jesu. Top̄ dujiḡ us̄a tiq̄iro buhena us̄a seh̄saro tiq̄iro cahap̄ esa.

—Yahuya us̄are. ¿D̄h̄se ijiḡ sa waharotari m̄h̄ nidiro saha waharo? ¿Ahri yehpap̄ m̄h̄ tojoa tati deco, pihtiat̄i deco panoḡa ijiḡ d̄h̄se ti waha d̄caḡ ih̄ñanatar̄i us̄a? ni sin̄ituu us̄a.

⁴ Jesu ȳhtiri:

—Quehnoano yeya m̄sa. Sa yena m̄sare apequina tiq̄ina ni mehoñene t̄hoerac̄h̄ña.

⁵ Peyequina masa “Cristo ijiaya ȳh̄”, ni mehoñequina ahtaeta. Tiq̄ina sa ni mehoḡ t̄hoye peyequina masa Coh̄c̄j̄ yere duhueta.

6 M_{usa} cahagãp_u masa apequina tiquina cahme wejẽgũ tãhonata m_{usa}. Sa yena yoarop_u gãhãre tiquina cahme wejẽgũ tãhoonata m_{usa}. Sa tãhooopenata ne tire pajiro wacũedacãhña. Sa waharota. Tiquina sa yegũ pihtiati deco dũhsarĩnota.

7 Ti pjere ihcã yehpa cjẽna ape yehpa cjẽna mehna cahme wejẽeta. Sa ye ihcãquiro pãhtoro yequina apequiro pãhtoro yequina mehna cahme wejẽeta. Sa ye peyequina masa ujã mehna yarieta. Sa yero peye yehparip_u yehpa ñuhminota.

8 Sa wahagũ ahri yehpa cjẽnare tiquina ñano yãhd_u nemoato dũhsarota ti pjere. Ñano yãhd_u nemoeta.

9 'Ti pjere apequina m_{usare} ñehe, ñano ye dutiye ohoeta m_{usare} apequina pãhtoap_ure. Tiquina sa ohogũ m_{usare} wejẽeta. Yeequina m_{usa} ijiri buhiri ijipihtiyequina m_{usare} ihña tuhtieta.

10 Ti pjere peyequina yeequina ijimediquina yãhãre cohãeta. Sa ye tiquina mehna cjẽnare tiquina ihña tuhtieta. Sa ye tiquina mehna cjẽna tiquina ijiepegãta tiquinare ñano yeatiquinare ohoeta tiquina.

11 Ti pjere peyequina "Cohãcjũ yere yahu mãhtana ijiaja", ni mehoñequina ijietã. Sa ye peyequina masa tiquina ni mehoñene tãhoeta.

12 Ti pjere ña yãhd_uaro yeeta masa. Sa ye tiquina mehna cjẽnare cahĩ nemosi.

13 Sa yena m_{usa} tutuana ijina, ahri yehpap_u m_{usa} catinino puno ihcãno sahana, yãhd_unata m_{usa}.

14 Sa yero ahri quehnoañe buheye ijipihtiorp_u ahri yehpap_ure tiquina yahuri buheye ijirota. Cohãcjũ pãhtoro ijiyere yahuri buheye tiquina yahu siteri buheye ijirota, ijipihtiyequina ti buheyere tiquina masiato saha. Tiquina sa yahuri bato pihtiri deco dũcarota.

15 'Cohãcjũ yere yahu mãhtariquiro Daniel m_{unano} panop_u cjãno ña yãhd_uariquirore Cohãcjũ yere ñano yeriquirore yahue tiahye panop_ure.

Ti pjere tiquiro ñariquiro pehe Cohãcjũ ya wãhp_u tiquiro ducugũ ihñanata m_{usa}. Ahri yãh_u nidire quehnoano masiña m_{usa}.

16 Top_u tiquiro ducugũ ihñañe, Judea yehpap_u ijieyequina pehe cãñ cahap_u oma duhtiahro.

17 Sojaro mehna oma duhtiahro. Ti pjere tiquina wãhãseri bui cjẽ paarip_u ijieyequina wãh_u puhiap_u ijiyere tiquina yere neñe wahaeracãhdo tiquina ãmãñano waharo.

18 Sa ye ti pjere apequina wãserip_u ijieyequina tiquina bui cjẽ suhti wãhp_u ijieye suhtire neñe wahaeracãhdo tiquina ãmãñano waharo.

19 Ti pjere niji pacosãnumia, tiquina pohnene apũoñe numia gãhã pe-jecũoro wahaeta.

20 Sa yena Cohãcjũre ohõ saha ni siniña: "Pohec_u ijigũ judio masa ãsã soye decori ijigũ gãhãre ãsã oma duhtiatu deco ijieracãhdo", ni siniña m_{usa} Cohãcjũre.

21 Ti decorire masa ña yãhd_uaro wahaeta. Ahri yehpare tiquiro bajumehnedi bato masa ñano yãhd_ue tiahye. Tiquina sa yãhd_uepãgãta ijipihtiye ti purĩñe yãhd_uoro pihtiri deco panogã ña yãhd_uaro yãhd_ueta masa. Sa ñano tiquina yãhd_uari bato pari turi sata ñano yãhd_uasi ahri yehpap_u.

22 Cohãcjũ ti decorire meheñe decorigã ijigũ yerota. Tiquiro sa yeragũ ne ihcãquiro masãno yãhd_ueraboaga. Sa yero tiquiro beseriquina tiquina yãhd_uatire meheñe decorigã cũnota Cohãcjũ.

23 Ti pjere apequina m_{usare} "Ihñaña. Ohõp_u ijire Cristo", tiquina nigũ tiquinare tãhoeracãhña. "Top_u ijire Cristo", tiquina nigũ tiquinare tãhoeracãhña.

24 "Cristo ijiaja", ni mehoñequina, "Cohãcjũ yere yahu mãhtarina ijiaja", ni mehoñequina ijietã ti pjere. Sa ye Cohãcjũ tiquiro beseriquinare ni mehoñe, tiquina bajumehneñene ye ihñoeta. Cohãcjũ yequinare Cohãcjũre tiquina cohãgũ ye duare tiquina ni mehoñequina.

25 Ahri ijipihtiye yahuyuaia

m̄sare ti sa wahato pano. Sa yena t̄hoya m̄sa.

²⁶ Apequina masa m̄sare “Ihñaña. Masa marienop̄u ijire Cristo”, tiquina nigū top̄are ihñana wahaeracāhña. Sa yena “Ohōp̄u ahri tucūrip̄u ijire tiquiro”, tiquina nigū tiquinare t̄hoeracāhña.

²⁷ Ȳh̄u mas̄u Cohācj̄u ohoriḡu wacūeno mehna tojoa tautja. Up̄o miadoqueoro uhm̄sere as̄u m̄ja tarop̄u, as̄u sajānop̄u wacūeno mehna ti miadoqueoro saha wacūeno mehna tojoa tautja ȳh̄u.

²⁸ Masa tiquina ñañe yeducurirop̄u top̄u Cohācj̄u tiquina ñañe buhiri buhiri dahrerota tiquinare, ni yahuri Jesu.

Cristo ahri yehpap̄u tiquiro tojoa tatire yahuahye tiquiro

(Mr 13.24-37; Lc 21.25-33; 17.26-30, 34-36)

²⁹ Sa ye tiquinare yahu nemori:

—Ti ñano ȳhd̄uye decori bato as̄u deco cj̄ano, ñami cj̄ano ḡh̄u buhrio duhueta. Tiquina sa wahagū ñahpicoha paca uhm̄sep̄u ijiye paca bora dijia taeta. Sa ye uhm̄se cj̄e yehpari, ñahpicoha ḡh̄u ti sa wahaducurore comesaeta. Sa ye ñuhmieta.

³⁰ Ti pjeta ȳh̄u mas̄u Cohācj̄u ohoriḡu uhm̄sep̄u ȳh̄u bajumehnenore ȳh̄u ihñogū ihñæta masa. Sa ye ijipihtiye cururi cj̄ena utieta. Sa yeḡu ȳh̄u tutuaye mehna, ȳh̄u asi siteye mehna uhm̄ano cj̄e ehmeo cururi bui ahri yehpap̄ure ȳh̄u tojoa tagū ihñæta tiquina.

³¹ Corneta bisirota. Sa yeḡu yeequina angelere ijipihrop̄u ahri yehpap̄u ohoutja ȳh̄u. Sa ye ijipihrop̄u yeequina ȳh̄u beseriquinare tiquina neefa.

³² Yojop̄ure higueregare t̄hotuya m̄sa. T̄u queoye mehna m̄sare buheitja. T̄u yuc̄ḡu p̄uri tigū ihñana, c̄hma mehenogā d̄hsagū masine m̄sa.

³³ Sata ahri ijipihtiye ȳh̄u nidire ti sa wahagū ihñana, ȳh̄u tojoa tato mehenogā ti d̄hsagū masinata m̄sa.

³⁴ Ijirota niita niaja m̄sare. Ti pje cj̄ena tiquina yariato pano ijipihtiye ȳh̄u nidiro sahata sa waharota. Uhm̄se, ahri yehpa ḡh̄u pihtia waharota.

³⁵ Ȳh̄u yahuducuye pehe ne comesasi. Ijipihtiye ȳh̄u nidiro sahata sa waha sohtori tirota.

³⁶ Ti decore ȳh̄u tojoa tati decore, ti hora ḡh̄ure masiedaja ȳh̄u. Angele ḡh̄u tire masiedare. Masa ḡh̄u masiedare. Ȳh̄u Pac̄u dihita tire masine.

³⁷ Noé tiquiro ijiri pje cj̄ena tiquina ijiri sahata ahri yehpap̄u ȳh̄u tojoa tato panogāre sata ijieta masa.

³⁸ Yehpa miniato pano masa ihya, sihni, yeahye. Sa yeye um̄a, numia mehna omoca d̄hteahye. Noé ḡh̄u yuc̄sap̄u tiquina sajāto pano sa yee timahye masa.

³⁹ Duita tutuaro acoro ahta, wacūeno mehna yehpa minia wahahye. Masa ḡh̄u mini pihtia wahahye. Wacūeno mehna tiquina minidiro saha ȳh̄u mas̄u Cohācj̄u ohoriḡu ahri yehpap̄ure wacūeno mehna tojoa tautja.

⁴⁰ Ti pjere wesep̄u p̄aro dahrayequina ijigū ihcāquiro ȳh̄ure cahmediquirore neitja. Sa yero ȳh̄ure cahmeediquiro top̄u tojoarota.

⁴¹ Ti pjere p̄aro numia ihcānop̄u tiquina trigore ña m̄toñequina numia ijigū ihcācoro ȳh̄ure cahmedicorore neitja. Sa yero ȳh̄ure cahmedicoro top̄u tojoarota.

⁴² Quehnoano wacū masi cohteya. Ȳh̄u m̄sa p̄hto, ȳh̄u tojoa tati decore ne masiedare m̄sa.

⁴³ Ahrire wacūña. Yaqueriquiro w̄h̄p̄u tiquiro sajā yaqueato panore w̄h̄u up̄ro masino, ti ñami tiquiro car̄edaboaga, yaqueriquirore cohtero. Sa yero yaqueriquirore tiquiro ya w̄h̄p̄u sajā dutieraboaga. Yaqueriquiro tiquiro wacūeno mehna tiquiro ahtariro saha wacūeno mehna ahtautja ȳh̄u.

⁴⁴ Sa yena yeere sa yeducuna ȳh̄ure cohteya. Ȳh̄u mas̄u Cohācj̄u

ohorigu ahri yehpapu tojoa tagu wacũeno mehna ahtaũtja, nidi Jesu.

Apequiro dahra cohteriquiro tiquiro puhtorore ño peo, apequiro ño peoerare

(Lc 12.41-48)

⁴⁵ Sa ye Jesu queoye mehna ohõ saha ni buhe nemori tja:

—Dahra cohteriquiro tiquiro puhtorore ño peoriquiro tuho masiniquiro ijire. Tiquiro sa ijigũ ihñano apequina dahra cohteyequina bui cũre tiquirore tiquiro puhtoro pehe waharo taro. Sa tiquirore cũ tuhasa wahaa wahare puhtoro. Sa yero ihyari pje ijigũ dahra cohteriquiro apequinare ihyayere itire.

⁴⁶ Came puhtoro tiquiro ya wuhapu tojoa wihire. Tiquiro tojoa wihigũ ihñano dahra cohteriquiro pehe tiquiro puhtoro dutiriro sahata ye pehoriquiro ijiro, bucueriquiro ijirota.

⁴⁷ Ijirota musare niita niaja. Tiquiro sa yegũ ihñano tiquiro puhtoro ijipihtiye tiquiro yere ihña ihboriquiro cũnota tiquirore.

⁴⁸ Sa yepegũta ñariquiro dahra cohteriquiro pehe “Yuhũ puhtoro bajuerare”, nino,

⁴⁹ apequina dahra cohteyequinare quẽpe, pajiro ihya, sihni, queheyequina mehna queherota.

⁵⁰ Came tiquiro puhtoro wacũeno mehna tojoa tarota. Ti deco, ti hora gũhare ne masiedare dahra cohteriquiro.

⁵¹ Puhtoro pehe tojoa taro ñariquiro tiquiro ñano yerire tuho, tiquirore tutuaro buhiri dahrerota. Sa yero ni mehoñequina tiquina waharopũ cohãnota tiquirore. Topũre tiquiro tutuaro uti, bujũa witiro mehna bahque dihorota, ni yahuri Jesu.

25

Pũa omope nuhmia queoye mehna buheahye Jesu

¹ Sa ye Jesu pari turi queoye mehna ohõ saha ni buhe nemori tja:

—Uhmũse cjũno puhtoro tiquiro ijiye ahri queoye yero saha ijire: Pũa omope nuhmia ijiahye. Ihcã ñami tiquina sihõñe paca mehna omoca duhteatiquirore piti caye wahahye.

² Tiquina mehna ihcã omope numia tuho masieñequina numia ijiahye. Apequina numia pehe ihcã omope numia tuho masieñequina numia ijiahye.

³ Tuho masieñequina numia pehe tiquina sihõñe pacare, pose tiye pacare nemahye. Apee pacare uhse pose tiye pacare ti pihtigũ tiquina pioborire nedahye.

⁴ Tuho masieñequina numia pehe tiquina sihõñe paca uhse pose tiye pacare neahye. Apee paca tiquina pioati paca gũhare neahye.

⁵ Sa ye omoca duhteatiquiro tiquiro bajueragũ tiquina numiare wujũa purigũ carĩa wahahye.

⁶ Sa yero ñami decopũ sañuducugũ tuhoahye. “Tuhoaya. Omoca duhteatiquiro ahtarõ ca tare. Tiquirore piti cana ahtaya”, ni sañuducugũ tuhoahye.

⁷ Tiquiro sa nigũ tuhoaya numia wahcã, tiquina ye sihõñe pacare quehnoahye.

⁸ Sa ye tuho masieñequina numia pehe apee numia tuho masieñequina numiare ohõ saha niahye: “Usã sihõñe paca yatiro nine. Sa yena mehenogã musa ye uhserẽ ohoya usãre”, ni sinimahye tiquina numia.

⁹ Tiquina sa siniepegũta tuho masieñequina numia ohõ saha yuhtiahye: “Usã ye uhse mari ijipihinare esa tuhaeraboaga. Sa yena uhse cuoyequinare musa basi dũna wahaya”, ni yuhtiahye tuho masieñequina numia pehe.

¹⁰ Sa ye tuho masieñequina numia dúye wahahye. Tiquina sa wahari bato omoca duhteatiquiro wihiahye. Tiquiro wihigũ ihña tiquina yere quehno tuhasariquina numia tuho masieñequina numia tiquirore piti cahye. Piti ca bõse deco omoca duhteri decopũ tiquiro mehna ihñañe wahahye. Sa ye bõse decore tiquina

yeri wuhupɩ apequina mehna numia tiquina sajãri bato, sopechare biha cãhye.

11 Camepɩ tũho masieñequina numia pehe wihimahye. “Pũhto, usãre pũohña”, nimahye tiquina numia.

12 “Ijirota mɩsare niita niaja. Mɩsare masiedaja yuhɩ”, niahye tiquiro tiquina numiare.

13 ‘Sa yena tũho masieñequina numia tiquina yere quehnoano quehno tuhasa, tiquina cohteriro saha quehnoana, ñañe mariena iji, cohteya mɩsa gãhɩ. Yuhɩ tojoa tati decore ti hora gãhɩre ne masiedare mɩsa, ni yahuri Jesu.

Niñeru cjoeri uru cjoeri queoyere yahuahye Jesu

14 Sa ni yahu tuhasa queoye mehna ohõ saha ni buhe nemori tja:

–Ti pjere yuhɩ tojoa tati pje ahri queoye yero saha ijirota. Wuhɩ upãro ijiahye. Tiquiro ape siepɩ tinino waharo taro, tiquirore dahra cohteyequinare pijioahye. Sa yero tiquinare tiquiro yere cohte dutiahye.

15 ‘Sa cohte dutiro tiquina ihbo masino puno tiquinare niñeru cjoerire ohoahye. Ihcãquirore ihcã omope cjoeri wapa bɩjɩye cjoerire uru cjoerire ohoahye. Apequirore pɩa cjoie ohoahye. Apequirore ihcã cjoie ohoahye. Tiquinare oho tuhasa, wahaa wahahye.

16 Sa ye ihcã omope cjoeri tiquiro ohoriquiro duita tiquiro wahari batota ti cjoeri mehna apee borore dúahye. Tiquiro dúrire apequinare duahye. Tiquiro duari wapa pɩa omope cjoeri wapa yeahye tiquirore. Sa yero pɩa omope cjoeri cɩoahye.

17 Sa yero pɩa cjoie tiquiro ohoriquiro duita tiquiro wahari batota ti cjoeri mehna apee borore dúahye. Tiquiro dúrire apequinare duahye. Tiquiro duari wapa pititia cjoie wapa yeahye tiquirore. Sa yero pititia cjoie cɩoahye.

18 Ihcã cjoere tiquiro ohoriquiro pehe cope sehe, ti cjoere yahye, ti copepɩ ñɩono.

19 ‘Came yoari bato tiquina pũhtoro wihiahye. Sa wihiro tiquiro niñeru cjoeri mehna tiquina ñehe nemorire queero ahtaro tiquirore dahra cohteyequinare pijioahye.

20 Sa yero ihcã omope cjoeri tiquiro ohoriquiro pũhtoro cahapɩ esa, pɩa omope cjoeri wiahye tiquirore. “Ihcã omope cjoeri yuhɩre ohori mɩhɩ. Ihñaña. Ti cjoeri mehna apeye cjoerire ñehe nemou”, niahye tiquirore.

21 “Quehnoano yeaya mɩhɩ. Mɩhɩ quehnoagɩ, yuhɩ dutiriro saha yerigɩ ijire. Mehenogãre quehnoano yeaya mɩhɩ. Sa yegɩ yojopɩre mɩhɩre pajiro mɩhɩ dahratire cũtja. Sa yegɩ yuhɩ mehna bucueya mɩhɩ”, niahye tiquiro pũhtoro.

22 Sa yero pɩa cjoere ñehediquiro pũhtoro cahapɩ esa, yahuahye tiquirore: “Pɩa cjoie yuhɩre ohori mɩhɩ. Ihñaña. Ti cjoeri mehna apeye cjoeri pɩa cjoie ñehe nemou”, niahye tiquiro.

23 “Quehnoano yeaya mɩhɩ. Mɩhɩ quehnoagɩ, yuhɩ dutiriro saha yerigɩ ijire. Mehenogãre quehnoano yeaya mɩhɩ. Sa yegɩ yojopɩre pajiro mɩhɩ dahratire cũtja. Sa yegɩ yuhɩ mehna bucueya mɩhɩ”, niahye tiquiro pũhtoro.

24 ‘Sa yero ihcã cjoere ñehediquiro pũhtoro cahapɩ esa, yahuahye tiquirore: “Pũhto, mɩhɩ apequina pehere tutuaro dahra dutigɩ ijire. Sa tutuaro dahra dutigɩ ijigɩ mɩhɩ basi oterapegɩta ti dɩcare nene mɩhɩ.

25 Mɩhɩ sa ijigɩ mɩhɩre cuei. Sa cuegɩ cope sehe, ti copepɩ mɩhɩ niñeru cjoere ñɩou. Ihñaña. Ohõpɩ ijire mɩhɩ ya cjoie niñeru cjoie”, niahye tiquiro.

26 “Mɩhɩ ñagɩ, cape bɩjɩgɩ ijire. Yuhɩ basi oterapegɩta ti dɩcare yuhɩ negɩ ijigɩ masine mɩhɩ.

27 Yuhɩ sa ijigɩ ihñapegɩta yuhɩ niñeru cjoere niñeru ihbori wuhupɩ ihboboaya mɩhɩ. Mɩhɩ sa ihbogɩ tiquina ti cjoere wiayerɩ apee niñeru

oho nemoboaya tiquina”, niahye p̄h̄toro tiquirore.

28 Sa nino apequina tiquiro dahra cohteyequinare dutiahye tiquiro: “Niñeru cjoere ehmaña tiquirore. P̄ha omope cjoerire c̄oriquiro pehere ohoya.

29 C̄oyequinare oho nemoutja. Sa ye pajiro c̄oeta. C̄oyequina pehere mehenogã tiquina c̄oepegãta tire ehmañtja.

30 Ahriquiro dahra cohteriquiro dahseatiquiro ijierare. Nahitianop̄u ñanop̄u cohã cãhña tiquirore. Top̄u tiquiro tutuaro uti, b̄j̄ua witiro mehna bahque dihorota”, niahye p̄h̄toro, ni yahuri Jesu.

Buhiri dahreatire yahuahye Jesu

31 Sa ye Jesu yahu nemori:

—Ȳh̄u masu Cohãc̄j̄u ohorigu ijipih̄tiyequina angele mehna p̄h̄to ijiḡu taḡu, ȳh̄u p̄h̄toro dujirop̄u ȳh̄u asi siteye mehna dujiḡutja.

32 Sa ȳh̄u dujiḡu, ahri yehpa c̄j̄ena ijipih̄tiyequina ȳh̄u cahap̄u cahme-coaeta. Tiquina sa cahmecoari bato p̄ha curua tu wañtja tiquinare. Ovejare ihña ihboriquiro ovejare, cabra ḡuh̄are tiquiro tu wariro saha masare tu wa docoutja.

33 Sa tu waḡu oveja yero saha ijiyequinare quehnoañequinare ȳh̄u poto pehe bese docoutja. Sa yeḡu cabra yero saha ijiyequinare ñañequinare ȳh̄u c̄u pehe pehep̄u bese docoutja.

34 Ȳh̄u sa yeri bato ȳh̄u ijipih̄tiyequina p̄h̄to pehe ȳh̄u poto pehep̄u ȳh̄u bese docoriquinare ohõ saha ni yahutja: “Ȳh̄u Pac̄u masare quehnoano yere. Ahri yehpare bajumehnenop̄u masu ye ijiatire tiquiro p̄h̄toro ijirore quehnoyu tuhasari Cohãc̄j̄u. Sa yena yojop̄are tiquiro quehnoriorop̄are ijina ahtaya.

35 Ȳh̄u ūj̄ua ahbaḡu masu pehe ȳh̄u ihyayere ohori. Ȳh̄u aco w̄oḡu ȳh̄u masu sihõri. Masu cahap̄u ȳh̄u tiniḡu ȳh̄u ihña masiedapenata ȳh̄u quehnoano piti cari masu.

36 Suhti marieḡu ȳh̄u ijiḡu ihña masu pehe ȳh̄u suhti sãari. Dohatiḡu ȳh̄u ijiḡu masu ȳh̄u ihña ahtari. Peresup̄u ȳh̄u ijiḡu ḡuh̄are ȳh̄u ihña ahtari masu”, niitja quehnoañequinare.

37 Ȳh̄u sa niḡu t̄hoye tiquina ȳh̄u sinitueta: “¿P̄h̄to, dahse ijiḡu mah̄u ūj̄ua ahbaḡu mah̄u ihyayere ohori usã? ¿Dahse ijiḡu mah̄u aco w̄oḡu mah̄u sihõri usã?

38 ¿Dahse ijiḡu mah̄u ihña masiedapenata mah̄u quehnoano piti cari usã? ¿Dahse ijiḡu suhti marieḡu mah̄u ijiḡu mah̄u suhti sãari usã?

39 ¿Dahse ijiḡu mah̄u dohatiḡu o peresup̄u mah̄u ijiḡu ḡuh̄are mah̄u ihña esari usã?” nieta ȳh̄u.

40 Tiquina sa ni sinituḡu t̄hoḡu ȳh̄u p̄h̄to tiquinare yahutja. “Ijirota masare niita niaja. Ahriquina yeequina mehna c̄j̄ano ihyo ijiriquiro tiquiro ijiepegãta, tiquirore masu sata yeri. Sa ijiriquirore sa yena, ȳh̄u yero saha yena nidi masu tiquinare”, ni yahutja.

41 'Quehnoañequinare ȳh̄u sa ni yahuri bato ȳh̄u c̄u pehe pehep̄u ducuyequinare ȳh̄u ijipih̄tiyequina p̄h̄to ohõ saha ni yahutja: “Cohãc̄j̄u tiquiro buhiri dahreatina ijire masu. Ȳh̄u mehna tojoeracãhña. Pecap̄u wahaya masu. Ti peca ne yatierare. Wat̄no, tiquiro yequina angele ḡuh̄u tiquina ijiatire ti pecare yeri Cohãc̄j̄u.

42 Ȳh̄u ūj̄ua ahbaḡu masu pehe ȳh̄u ihyayere ohoerari. Ȳh̄u aco w̄oḡu masu ȳh̄u sihõdari.

43 Ȳh̄u masiedana masu ȳh̄u piti caerari. Sa ihña cãri. Suhti marieḡu ȳh̄u ijiepegãta, ȳh̄u suhti sãadari masu. Dohatiḡu ȳh̄u ijiḡu peresup̄u ȳh̄u ijiḡu ḡuh̄are sa ihña cãri masu ȳh̄u”, ni yahutja tiquinare ñañequinare.

44 Ȳh̄u sa niḡu t̄hoye tiquina ȳh̄u sinitueta: “¿P̄h̄to, mah̄u ūj̄ua ahbaḡu, mah̄u aco w̄oḡu, usã masiediḡu mah̄u ijiḡu, suhti marieḡu mah̄u ijiḡu, dohatiḡu mah̄u ijiḡu, peresup̄u mah̄u ijiḡu dahse ijiḡu usã

pehe m̄h̄are yedohoerari?” ni sinitueta ȳh̄are.

45 Tiquina sa ni sinitugū ȳh̄u tiquinare ohō saha ni yahutja: “Ijirota m̄sare niita niaja. Ahriquina yeequina mehna cj̄no ihyo ijiriquirore m̄sa ne yedohoerari. Sa ijiriquirore m̄sa yedohoerana, ȳh̄areta sa yena nidi m̄sa”, ni yahutja tiquinare.

46 Sa yero tiquinare sa buhiri dahreducurota Cohācj̄. Ti buhiri dahreye ne pihtisi. Sa ye, quehnoañequina pehe ijipihtiyē decori quehnoano ijietā, ni yahuri Jesu.

26

Pahia p̄h̄toa, judio masa b̄sc̄na mehna Jesure wejē duahye

(Mr 14.1-2; Lc 22.1-2; Jn 11.45-53)

1 Ti ijipihtiyere tiquiro buheri bato Jesu ḡs̄are tiquiro buhenare yahuri:

2 —P̄a deco bato pascua ijirota. Tire m̄sa masine. Ti pjere ȳh̄u masare Cohācj̄ ohoriḡare ñeheeta. Ñeheñe, ȳh̄are curusap̄a wejēeta, nidi tiquiro ḡs̄are.

3 Sa ye pahia p̄h̄toa, judio masa b̄sc̄na ḡh̄u cahmecoahye. Caifa pahia p̄h̄toro ya w̄h̄ap̄a cahmecoahye tiquina.

4 Top̄a cahmecoā, tiquina ni mehoñe mehna Jesure ñehe tiquina wejēatire cahme yahuye niahye.

5 —Bose deco ijigū tiquirore ñehedac̄h̄na, “Masa usuari”, nina, niahye tiquina basi.

Numino ehme sitiye ḡh̄se mehna Jesure pio peohye

(Mr 14.3-9; Jn 12.1-8)

6 Ti pjere Simo cami b̄sc̄a m̄na wihiro ijimediquire ya w̄h̄ap̄a ijiri Jesu. Tiquiro ijiri maca Betania wame tiri maca ijiri.

7 Ti w̄h̄ap̄a tiquiro ihyari watoa ihc̄acoro numino ehme sitiye ne c̄hta, Jesu dapu bui pio peori. Ti ehme sitiye alabastro wame tiriap̄a pose tiri. Wapa b̄j̄aye co ijiri.

8 Ticoro sa pio peogū ihñana ḡs̄a Jesu buhena usuā.

—¿D̄h̄sero ahricoro ahri core wapa b̄j̄ayere sa ye siteajari?

9 Ti ehme sitiye duaboaya. Sa duaro pajiro wapa ñeheboaya. Sa ñeheno ti niñerure pejec̄oyequinare ohoboaya ahricoro, nii ḡs̄a tiquiro buhena.

10 ḡs̄a sa ni usuagū ihñano, Jesu yahuri ḡs̄are:

—Sa niedac̄h̄ña ticorore. Ȳh̄are quehnoano yero nine.

11 Pejec̄oyequina pehe m̄sa mehna sa ijiducueta. Sa yena tiquina pehere m̄sa oho masine. Ȳh̄u pehe ahri yehpap̄a m̄sa mehna sa ijiducusi.

12 Ȳh̄are tiquina yato pano ȳh̄u paḡare quehnoyuro, ticoro ȳh̄are pio peori.

13 Ijirota m̄sare niita niaja. Ijipihitiro ahri yehpap̄a quehnoañe buheyere tiquina yahurop̄a ahricoro yojop̄are ticoro yerire yahueta. Tiquina sa yahugū t̄h̄oye ticorore masa peyequina wac̄ueta, ni yahuri Jesu ḡs̄are.

Juda Iscariote Jesure ihña tuhtiyequinare ihñohye

(Mr 14.10-11; Lc 22.3-6)

14 Ti pjere ihc̄aquire ḡs̄a mehna cj̄no Juda Iscariote pahia p̄h̄toa cahap̄a esahye.

15 Esa, tiquinare sinituahye.

—¿Jesure m̄sare ȳh̄u ihñogū noho puno wapa yenatari m̄sa? ni sinituahye tiquinare.

Tiquiro sa nigū tiquina tiquirore treinta cjoeri plata cjoerire ohoahye.

16 Tiquina sa ohogū Juda pehe Jesure tiquiro ihñoati ñamine cohtero niahye.

Jesu tiquiro buheyequina mehna tiquiro ihya bato tiri deco ijiahye

(Mr 14.12-25; Lc 22.7-23; Jn 13.21-30; 1 Co 11.23-26)

17 Sa ye pugū yeye moremehneñe p̄are tiquina ihyati deco bose deco iji d̄cari deco ḡs̄a tiquiro buhena Jesu cahap̄a waha, sinituu tiquirore:

—¿Noho boropu bose deco ijigũ mari ihyatire quehnoyu dutigu ohoutjari mahu usãre? nii tiquirore.

¹⁸ Usã sa nigũ tiquiro yuhtiri:

—Jerusalẽpu wahaya. Topu ijiriquirore ohõ saha ni yahuya: “Marine buheriquiro tiquiro ñano yuhduati deco mehenogã dũhsatjiãnohti, Pascua ijigũ mahu ya wuhupu Jesu usãre tiquiro buhenare siho ihyati ijiñohti”, ni yahuya ti wahu upurore, ni ohori Jesu usãre.

¹⁹ Sa yena usãre tiquiro dutiriro sahata yena, pascua ijigũ usã ihyatire quehnou usã.

²⁰ Sa ye ti ñamine usã mehna doce tiquiro buhena mehna ihyaro nidi Jesu.

²¹ Usã ihyari watoa tiquiro usãre yahuri:

—Ijirota musare niita niaja. Ihcãquiro musa mehna cjãno yuhure ihña tuhtiequinare ihñonota yuhure, ni yahuri tiquiro usãre.

²² Tiquiro sa nigũ tuhona tutuaro bujua witina, tiquirore sinitu ducau usã ijipihtina:

—¿Puhto, yuhata ijiajari mahure ihñoacju? ni sinituu.

²³ Usã sa ni sinitugũ tiquiro yuhtiri:

—Yuhu ihyari papu yuhu mehna soha ihyariquiro ijire yuhure ihña tuhtiequinare ihñoatiquiro.

²⁴ Panopu yuhure tiquina ojoariro sahata yuhu masu Cohãcjũ ohorigu yariagutja. Sa yero yuhure ihña tuhtiequinare ihñoatiquiro ñano yuhduarota. Tiquiro pehe masa bajueraro quehnoa yuhduaboaya. Ñano yuhdueraboaya, nidi Jesu.

²⁵ Tiquiro sa nigũta tiquirore ihñoatiquiro Juda sinituri:

—¿Buhegu, mahure ihñoacju ijiajari yuhu? ni sinituri tiquiro.

Jesu yuhtiri:

—Ehu. Mahata ijire, nidi.

²⁶ Sa ni yahu tuhasa usã tiquiro buhena mehna ihyaro taro nidi. Sa yero Jesu pãre ne, Cohãcjũre “Quehnoare”, nidi. Sa ni tuhasa tire nuha, usãre tiquiro buhenare itiri.

—Ahrire ne, ihyaya. Ahri yuhu pagu ijire, nidi tiquiro.

²⁷ Sa ni tuhasa tiquiro sihnidi pare ne, Cohãcjũre “Quehnoare”, ni, usãre ohori.

—Musa ijipihtina ahrire sihniña.

²⁸ Ahri yuhu dii ijire. Peyequina masa tiquina ñaãe yerire cohãgũ tagu yariutja. Sa yegu yuhu diire cohãutja. Cohãcjũ “Musare yuhduoutja”, tiquiro nidiro esagũ yuhu yariaro mehna tiquiro nidiro sohtori tirota.

²⁹ Musare niita niaja. Yuhu Pacu tiquiro puhtoro ijiropu uhmusepu musa mehna wahma core uhse core sihniitja. Mari sa sihniato pano ahri core sihni nemosi yuhu, nidi Jesu usãre.

³⁰ Sa yena Cohãcjũ yere basa tuhasana canupu Olivo wame tidupu wahan usã.

Pedro Jesure tiquiro cohãtire yahuahye Jesu

(Mr 14.26-31; Lc 22.31-34; Jn 13.36-38)

³¹ Topu usã esagũ Jesu pehe usãre yahuri:

—Mia ñami yuhure cohã cãnata musa. Ohõ sahata nine Cohãcjũ tiquiro yere tiquina ojoari pũpu yuhure yahuro: “Ovejare ihña ihboriquiro yero saha ijiriquirore yuhu Cohãcjũ cohãgutja. Yuhu sa cohãgũ tiquiro yequina oveja yero saha ijiequina duhti site cãa wahaeta”, nine Cohãcjũ tiquiro yere tiquina ojoari pũpu.

³² Sa yegu Cohãcjũ yuhure tiquiro masori bato musa pano Galileapu wahayutja yuhu, nidi tiquiro.

³³ Tiquiro sa nigũ tuhoro ohõ saha nimesi Pedro:

—Yuhu mehna cjẽna ijipihtiequina mahure tiquina cohãepegũta yuhu pehe mahure ne cohãsi, nimesi Pedro tiquirore.

³⁴ Jesu yuhtiri:

—Ijirota niita niaja mahure. Mia ñami canaca tiquiro yahuato pano “Yuhu Jesure masiedaga”, niita mahu. Ihtia taha sa niita mahu, nidi tiquiro Pedrore.

35 Tiquiro sa niepegūta Pedro ohō saha ni yuhtiri:

—Muhū mehna yuhure tiquina wejē duepegūta “Jesure masiedaga”, ne nisi yuhū, ni yuhtimedi Pedro.

Sa yena usā gūhū apequina tiquiro buhena Pedro tiquiro nidiro sahata nimi usā Jesure.

Getsemaní wame tiri wesepū
Cohācjūre siniahye Jesu

(Mr 14.32-42; Lc 22.39-46)

36 Sa ye Getsemaní wame tiri wesepū Jesu usā tiquiro buhena mehna waha, topū esa, usāre nidi:

—Ohō dujiyuya. Mūsa ohō dujiri watoa sohō cjūnogāpū Cohācjūre sinigū wahagū niaja, nidi tiquiro usāre.

37 Sa ni tuhasa, Pedrore, pūaro Zebedeo pohnene tiquina ihtiarore piji cāri. Sa yero tiquiro tutuaro bujūa witi, űano jeripohna tiahye.

38 Sa bujūa witiro tiquiro mehna cjēnare tiquiro piji cāriquinare ohō saha niahye:

—Tutuaro űano jeripohna tiaja yuhū. Yuhure tutuaro purīno saha tuhotugū niaja. Sohō cjūnogā wahagū niaja. Ohōpū tojoaya. Sa yena yuhū mehnata carīedacāhūna mūsa gūhū, niahye tiquiro tiquinare.

39 Sa ni tuhasa mehenogā waha nemo, yehpapū quehe sa, Cohācjūre niahye:

—Mai, yuhū űano yuhduatire ye dueragū yeracāhūna. Yuhū sa niepegūta yuhū cahmeno saha yeracāhūna. Muhū pehe masine. Muhū cahmeno saha yeya yuhure, ni siniahye tiquiro Cohācjūre.

40 Sa ni tuhasa, ihtiaro tiquiro buheyequina cahapū wihiro, carīñequinare ihñahye. Tiquinare ihñano, Pedrore ohō saha niahye:

—¿Ihcā hora waro yuhū mehna carīegū iji masiedajari mūhū?

41 Quehnoano yeya mūsa. Sa yena Cohācjūre siniducuya mūsa, “űano yeari”, nina. Mūsa tuhotuye mehna quehnoañene ye duamene mūsa.

Mūsa sehsaro sa ye duepenata tire ye masiedare mūsa, ni yahuahye Jesu.

42 Sa ni yahu tuhasa, pari turi waha, Cohācjūre siniahye:

—Mai, yuhū űano yuhduatire ye duagū yeya yuhure. Muhū cahmeno saha yeya, ni siniahye tiquiro.

43 Ni, tiquiro buheyequina ihtiaro buheyequina cahapū pari turi wihiahye tja. Sa wihiro carīñequinareta ihñahye tja. Wujūa purī yuhduahye tiquinare.

44 Sa yero tiquinare cū cā, pari turi waha, Cohācjūre siniahye. To pano tiquiro nidiro sahata niahye tja.

45 Sa ni tuhasa tiquiro buheyequina cahapū wihi, tiquinare ohō saha niahye:

—¿Yojopū pūritare carīnina niajari mūsa? ¿Sorīna niajari mūsa? niahye tiquiro.

Sa ni tuhasa, masa tiquina ahtagū ihñano, ohō saha niahye.

—Tuhoya. Mianogāta yuhū masure Cohācjū ohorigure űañequinare ohoeta yuhure.

46 Wahcāña. Isa wahana. Ihñaña. Yuhure ihña tuhtiyequinare ihñoatiquiro ohōpū ahtare, niahye tiquiro.

Jesure ihña tuhtiyequina tiquirore peresu yeahye

(Mr 14.43-50; Lc 22.47-53; Jn 18.2-11)

47 Tiquiro sa nino watoa usā mehna cjūno ijimediquiro Juda pehe wihiri. Masa peyequina ahtari tiquiro mehna. Tiquina pahia pūhto, judio masa bucūna gūhū tiquina ohoriquina ijiri. űnoseñe pjinine, yucu tiāri gūhure cūori.

48 Coā warore Jesure ihña tuhtiyequinare ihñoatiquiro masare ohō saha ni yahuyu tuhasahye:

—Yuhū wahsupu ihmidiquiota ijirota mūsa űeheatiquiro. Tiquirore yuhū ihmidi bato űeheña tiquirore, niahye Juda tiquinare.

49 Sa ye wihiro Jesu cahapū duita wahari.

—¿Buhegũ, ijiajari mũhũ? ni, tiqirore wahsupu ihmidi.

⁵⁰ Tiquiro sa ihmigũ Jesu ohõ saha nidi:

—Yũhũ acayũ, ohõpũre mũhũ yei tũũ ahtarire yeya mũhũ, nidi tiqiro.

Sa ye tiquina Jesure ñehedi.

⁵¹ Tiquina sa yegũ ihñano Jesu mehna cjũno tiqiro ñoseni pjĩne tũũ we ne, pahia pũhtoro cahacjũnore cahmonore dũte pahrẽ cãri.

⁵² Tiquiro sa yegũ ihñano Jesu tiqirore yahuri.

—Mũhũ ñoseni pjĩne ihboya. Apequinare mũhũ ñosegũ tiquina ñose cahmegũ yariagũta mũhũ.

⁵³ Yũhũ Pacũre yũhũre yũhũ yedoho dutigũ tiqiro pehe peyequina angelere doce cururire yũhũ cahapũ ohoboaya tiqiro. ¿Tire masiedajari mũhũ?

⁵⁴ Sa yedohoboriqiro tiqiro ijiepegũta tiqirore yũhũre yedoho dutisi yũhũ. Yũhũ sa dutieragũ Cohãcjũ yere tiquina ojoari pũ ti nidiro sahata sa waharota, nidi tiqiro.

⁵⁵ Sa ni tuhasa masare yahuri tiqiro:

—¿Dũhse ijiro boro mũsa ñoseñe pjĩni mehna, yucũ tiãri mehna yaque bũcũrore yero saha mũsa yũhũre ñehena ahtajari? Decoripe Cohãcjũ wũhũpũ mũsare yũhũ buhe dujigũ, mũsa yũhũre ne ñehedari.

⁵⁶ Sa ijiepegũta ahri ijipihtiye sa waharo nine Cohãcjũ yere yahu mũhtariquina tiquina ni ojoariro sahata, nidi Jesu.

Tiqirore tiquina sa ñehegũ ihñana usã tiqiro buhena tiqirore cohã oma cãa wahau usã.

Judio masa pũhtoa Jesure sinituahye

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Sa ye tiqirore ñehediquina pahia pũhtoro Caifa wame tiriqiro ya wũhũpũ ne sahye tiqirore. Ti wũhũpũta marine judio masare buheyequina, bũcũna gũhũ cahme-coahye.

⁵⁸ Topũ Jesure tiquina neagũ Pedro yoaropũ tiquinare ihña nũnũ tãhye. Sa nũnũ tãno Caifa ya wũhũre cahmotari sahrĩnore esa, ti sahrĩno puhiapũ sajãa wahahye. Sajã sa, ti wũhũre cohteyequina surara mehna dujiahye. Jesure tiquina dũhse yegũ ihñano taro niahye.

⁵⁹ Sa ye pahia pũhtoa, apequina pũhtoa mehna Jesure wejẽ duti duaye, ni mehoñe mehna tiqirore tiquina ñano buhiri dahreatire wacũ macamahye.

⁶⁰ Tiquina yahusãtire wacũ bocaer-ahye. Sa wacũ bocaerapeta peyequina masa tiqirore sa ni meho yahusã maca cãhye. Sa ye pũaro tiquina bato wihiyequina tiqirore yahusãhye tja.

⁶¹ —Ahriqiro ohõ saha nidi: “Cohãcjũ wũhũre cohã masiaja. Sa cohãgũ ihtia deco wahaboro ti wũhũre pari turi yeitja”, tiqiro nigũ tũhou usã, ni yahusã maca cãhye Jesure.

⁶² Tiquina sa nidi bato pahia pũhtoro wahcãdũca sa, Jesure sinituahye:

—¿Ahriquina mũhũre tiquina yahusãepegũta tiquinare yũhti cahmedajari mũhũ? niahye pũhtoro.

⁶³ Tiquiro sa nigũ tũhoeperota Jesu sata tũhotu cãhye. Tiquiro sa yũhtieragũ ihñano pahia pũhtoro pari turi sinituahye tja:

—Cohãcjũ catiriqiro wame mehna poto niña mũhũ. Mũhũ sa niedagũ tiqiro mũhũre buhiri dahrerota. Yahuya usãre. ¿Cristo Cohãcjũ macũta ijiajari mũhũ? ni sinituahye tja.

⁶⁴ Tiquiro sa nigũpũta Jesu yũhtiahye:

—Tiquirota ijiaja. Mũsare poto yahugũta niaja. Came yũhũ masũ Cohãcjũ ohorigũ yũhũ Pacũ tutu-ariqiro cahapũ tiqiro poto pehepũ yũhũ dujigũ ihñanata mũsa. Sa yena uhmũse cjẽ ehmeo cururi bui yũhũ ahtagũ gũhũre ihñanata mũsa, ni yũhtiahye Jesu.

⁶⁵ Tiquiro sa nigũ tũhoro pahia pũhtoro tiqiro sañari suhtirore

tührē cāhye apequinare “Usua yuhduare”, ni ihña masi dutiro.

—Cohãcjüre pajiro ñano yahuducuro nine ahriquiuro. Sa ye tiquiro ñano yahuducuyere tũho tuhasaja mari. Sa ye topequinata yahusãahdo ahriquiuro. Ohõpũta tiquiro ñano yahuducugũ tũhoaja mari basita.

⁶⁶ ¿Dũhse yenatari mari yojopũre ahriquiuro? ni sinituahye tiquiro apequina pũhtoare.

—Tiquiro ñari buhiri wejẽ cãno cahmene tiquirore, ni yũhtiahye tiquina.

⁶⁷ Tiquina sa nidi bato tiquiro wũhdoare sihco puti ohõ, tiquirore quẽpeahye tiquina.

⁶⁸ Tiquirore quẽpe tuhasa, ohõ saha niahye tiquirore:

—¿Noa pehe mũhũre quẽajari? Cristo ijigũ ihñedapegũta yahuya usãre, ni bũjũpeahye tiquina.

—Tiquirore masiedaga, niahye Pedro Jesure

(Mr 14.66-72; Lc 22.56-62; Jn 18.15-18, 25-27)

⁶⁹ Sa ye ti wũhũ cahapũ ijiri paapũ quehnoari paapũ Pedro pehe dujiahye. Tiquiro sa dujigũ ihñano pahia pũhtoro cahacjõno tiquiro cahapũ esaro, ohõ saha niahye:

—Mũhũ gãhũ Jesu Galilea cjũno mehna ijiri, niahye ticoro.

⁷⁰ Ticoro sa nigũ tũhoro, Pedro ohõ saha niahye:

—¿Dũhse ni maca cõo nijari mũhũ? Mũhũ nidiquirore ne masiedaga yũhũ, niahye Pedro ticorore ijipihtiyequina tiquina tũhoropũ.

⁷¹ Tiquiro sa nidi bato ti paa cjã sahrĩno sopecaha cahapũ wahahye Pedro. Topũ tiquiro ijigũ apecoro cahacjõno tiquirore ihñano, topũ ijiyequinare ohõ saha niahye:

—Jesu Nazare cjũno mehna ijiri ahriquiuro, niahye ticoro Pedrorre tja.

⁷² Ticoro sa nigũ tũhoro Pedro yũhtiahye:

—Cohãcjũ mehna poto nii nija. Tiquiro mũhũ nidiquirore ne masiedaga yũhũ, ni yũhtiahye Pedro.

⁷³ Sa ye came cjũno topũ ducuyequina Pedro cahapũ waha, tiquirore ohõ saha niahye tja:

—Poto tjire. Jesu yequina mehna cjã ijire mũhũ gãhũ. Tiquina yero saha yahuducure mũhũ, niahye tiquina Pedrorre.

⁷⁴ Tiquina sa nigũ Pedro yũhtiahye:

—Poto Cohãcjũ mehna nii nija mũsare. Yũhũ poto yũhũ niedagũ Cohãcjũ yũhũre buhiri dahreahro. Tiquirore mũsa nidiquirore ne masiedaga yũhũ, ni yũhtiahye tiquiro tiquinare.

Tiquiro sa nigũta canaca yahuahye.

⁷⁵ Tiquiro yahugũ tũhoro Jesu tiquirore nidire wacũahye. “Canaca tiquiro yahuato pano ‘Jesure masiedaga’, niita mũhũ. Ihtia taha waro sa niita mũhũ”, Jesu tiquirore nidire wacũahye Pedro. Sa wacũno, ti sahrĩnore wijia, tutuaro utiahye.

27

Pilato cahapũ Jesure neahye
(Mr 15.1; Lc 23.1-2; Jn 18.28-32)

¹ Sa ye bohrea quehagũpũ pahia pũhtoa mari judio masa bũcũna gãhũ Jesure tiquina wejẽ dutiatire cahme yahuducuahye.

² Tiquina sa yeri bato tiquirore duhte, Pilato cahapũ nea, tiquirore ohoahye Pilatore. Pilato pehe ti yehpa cjẽna pũhtoro ijiri.

Juda Iscariote yariaa wahahye

³ Sa yero Jesure tiquina wejẽ dutigũ ihñano Juda pehe Jesure ihñoriquiuro tiquirore tiquiro ihñorire tutuaro wacũ bũjũa witiyahye. Sa bũjũa witiuro treinta cjoeri tiquiro ñehedi niñeru cjoerire wiaro waharo, pahia cahapũ, bũcũna cahapũ esa, ohõ saha niahye:

⁴ —Jesu mũsare yũhũ ihñoriquiuro ñañe marieniquiro tiquiro ijiepegũta tiquina wejẽ dutiri tiquirore. Sa yegũ mũsare tiquirore ihñogũ ñano yegũ niaya yũhũ, ni yahuahye Juda tiquinare.

Tiquiro sa ni yahuri bato tiquina yũhtiahye:

—Sata yecūnahdo. Ūsāre dūhseati ijierare ti mūhū sa niñe. Mūhū di-hita sa ni tūhoture tire, ni yūhtiahye tiquina tiquirore.

⁵ Tiquina sa ni yūhtiri bato Cohācjū ya wūhūpū Juda tiquiro ye niñeru cjoerire doque site cūahye. Doque site cū, wahaah wahahye. Waha, yuta dare dūhte ohō, tiquiro basi wamūare tu suha, uhpu cjū sa, yariaa wahahye.

⁶ Sa ye pahia pūhtoa niñeru cjoerire ne, ohō saha niahye:

—Ahri niñerure Cohācjū wūhū cjā acaropū niñeru ihbori acaropū mari cū masiedaja. Ahri niñeru mehnata masūnore wejē dutiri. Sa ye mari ye dutiye marine sa ijiye niñerure ihbo dutierare, niahye tiquina basi.

⁷ Tiquina sa nidi bato “Ohō saha yeihna”, tiquina ni yahuri bato dihi suturire yeriquiro ya yehpare dúahye. Ti cjoeri mehna dúahye. Ape sie cjēna tiquina wihi tiquina yariagū tiquina yati yehpa ijiatore ti yehpare dúahye.

⁸ Sa ye ti yehpare “Dii yehpa”, wame yeri masa. Yojopū gūhūre sata wame tire.

⁹ Ahri ijipihtiye sa wahahye Jeremia panopū “Sa waharota”, tiquiro ni ojoariro sahata. Tiquiro Cohācjū yere yahu mūhtariquiro ijiahye. Ohō saha ni ojoahye tiquiro: “Treinta niñeru cjoerire plata cjoerire ‘To punota wapa yenata tiquirore ūsā ñeheatire’, nieta Israe masa.

¹⁰ Sa ye ti cjoeri mehna dihi suturire yeriquiro ya yehpare dúeta tiquina. Ohō sahata yūhūre ye dutiri Cohācjū”, ni ojoahye Jeremia panopū.

Pilato Jesure sinituahye

(Mr 15.2-5; Lc 23.3-5; Jn 18.33-38)

¹¹ Sa ye Pilatore tiquina ohori bato tiquiro pehe Jesure sinituahye:

—¿Potota judio masa pūhtota ijiajari mūhū? ni sinituahye Jesure.

—Mūhū nino sahata ijiaja, ni yūhtiahye Jesu.

¹² Sa ni yūhtieperota, pahia pūhtoa, būcūna gūhū tiquina tiquirore yahusāgū yūhtierahye Jesu.

¹³ Tiquiro sa yūhtieragū ihñano Pilato sinituahye:

—¿Ahri ijipihtiye mūhūre tiquina yahusārire tūhoerajari mūhū? ni sinituahye tiquiro Jesure.

¹⁴ Tiquiro sa ni sinituepegūta Jesu ne mehenogā yūhtierahye. Tiquiro sa yūhtieragū ihñano Pilato ne dūhse ni masiedahye.

Jesure wejē dutiahye

(Mr 15.6-20; Lc 23.13-25; Jn 18.38-19.16)

¹⁵ Cūhmaripe pascua ijigū masa yaquiro ijiatiquirore ihcāquiro peresupū ijiriquirore Pilato sa wio basaducue tiahye.

¹⁶ Ti pjere Barrabá wame tiriquiro peresupū ijiahye. Tiquirore masiahye masa.

¹⁷ Sa yero tiquina cahmecoagū Pilato pehe sinituahye tiquinare:

—¿Diquiro pehere mū sare wio basaboagari yūhū? ¿O Barrabá pehere o Jesure Cristo tiquina nidiquirore wio basaboagari yūhū? ni sinituahye tiquiro.

¹⁸ Jesure masa cahīgū ihñañe judio masa mari pūhtoa tiquirore ihña tuhtiahye. Sa ihña tuhtiye tiquirore ohoahye Pilatore. Sa yero masa tiquina cahīdi buhiri tiquina ihña tuhtirire masino Pilato Jesure wio duamahye.

¹⁹ Sa ye Pilato masare ñañe yeyequinare tiquiro beseri pahtapū dujigū tiquiro namono tiquirore quititi ohoahye: “Mia ñamine Jesure quehēgo, tutuaro ñano yūhdūhū. Sa yegū tiquirore ñañe marieniquirore ne sijoro saha yeracāhña mūhū”, ni yahudoqueoahye tiquiro namono Pilatore.

²⁰ Sa ye coā waropūre pahia pūhtoa, būcūna gūhū masare ohō saha ni duti tuhasahye. “Barrabá pehere wio duti, Jesu pehere wejē dutiya”, ni dutiahye masare.

²¹ Sa yero Pilato masare sinituahye:

—¿Ahriquina p̄arore diquiro pehere m̄sare wio basaboagari ȳh̄u? ni sinituahye.

—Barrabá pehere wio basaya ʘs̄are, ni ȳhtiahye.

²² —¿Ahriquiro Jesu Cristo tiquina nidiquiro pehere d̄hse yeitari ȳh̄u, m̄sa sa ni sañuducuḡu? ni sinituahye tiquiro.

—Curusap̄u quē biha wejēña tiquirore, ni ȳhtiahye masa ijipihtiyequina.

²³ —¿Yabe borore ñañene yeari ahriquiro, m̄sa sa niḡu? niahye tiquiro.

Tiquiro sa niḡu t̄hoye tiquina tutuaro mehna sañuducuahye:

—Curusap̄u quē biha wejēña tiquirore, ni sañuducuahye masa tiquirore.

²⁴ Tiquina sa ni sañuducuḡu t̄horo, tiquirore tiquina t̄ho dueraḡu ih̄ñano “Masa usua, cahmequeboaga”, nino, ȳhtiro oh̄o saha yeahye Pilato. Masa tiquina ih̄ñonop̄u tiquiro omo coseahye. Sa omo cosero oh̄o saha niahye.

—Ahriquirore wejēdi buhiri yee buhiri ijierare. M̄sa ye buhiri ijire, nino omo coseahye.

²⁵ Tiquiro sa niḡu t̄hoye ijipihtiyequina masa oh̄o saha niahye.

—Ahriquirore wejēdi buhiri ʘs̄a, ʘs̄a pohna ḡh̄u ʘs̄a ye buhiri ijiahro, niahye masa.

²⁶ Tiquina sa niḡu t̄horo Pilato Barrabáre peresup̄u ijiriquirore wio dutiahye masa tiquina cahmeniquirore. Sa ye tuhasa Jesu pehere yuta dari mehna tana duti, tiquirore curusap̄u wejē dutiro ohoahye surarare.

²⁷ Tiquiro sa ohoḡu Pilato ya w̄h̄up̄u tiquiro yequina surara Jesure neñe esahye. Sa ye tiquina surara ijipihtiyequina Jesu cahap̄u cahmecoahye.

²⁸ Sa ye tiquiro suhtire tu we ne, p̄h̄toro ya suhtiro saha bajuri suhtirore tiquirore s̄ahye.

²⁹ Sa s̄a tuhasa, pota behtore ye tuhasa, tiquiro dapu bui duhu

peoahye. Sa duhu peo tuhasa, yuc̄ḡure poto pehe dahra suhahye. Dahra suha tuhasa, d̄sepe curi mehna quehe sa, buj̄upeahye tiquirore.

—Quehnoano ahtaya. Judio masa p̄h̄to, quehnoano ahtaya, ni buj̄upeahye tiquirore.

³⁰ Sa nieta tiquirore sihco puti oh̄o, tiquina dahra suhad̄ure tiquirore t̄ñ we ne, tiquiro dapure quēahye tu mehnata.

³¹ Tiquina sa buj̄uperi bato tiquina s̄ari suhtirore tu we ne, tiquiro ye suhti pehere s̄ahye tja. S̄a tuhasa, curusap̄u wejēñe tehe, tiquirore ne wijiahye.

Tiquina Jesure curusap̄u quē biha, wejēahye

(Mr 15.21-32; Lc 23.26-43; Jn 19.17-27)

³² Tiquirore ne c̄a, Simo wame tiriquirore Cirene c̄ñore piti ca, tiquirore Jesu w̄ari curusare w̄a c̄a dutiri.

³³ W̄a c̄a Gólgota wame tirop̄u esari. “Gólgota”, nino “Dapu pehtoro”, nino nine.

³⁴ Sa ye vinore s̄eñe co mehna tiquina moreñe core Jesure ohomedi. Ti acore sihni tuhu, sihniedari tiquiro.

³⁵ Sa ye Jesu ye suhtire tiquina tu we nedi bato tiquirore curusap̄u quē bihari tiquina. Sa quē biha tuhasa, tiquiro ye suhtire “¿Noa yaro ijirotari oh̄o?” ni, cahme doqueperi, ni ojoahye panop̄u.

³⁶ Doquepe tuhasa tiquirore ih̄ña dujiducuri tiquina.

³⁷ Tiquiro dapu bui curusap̄u oh̄o saha ni ojoari p̄j̄ne duhu oh̄ori tiquina tiquiro ñañe buhirire yahu duaye. “AHRIQUIRO JESU JUDIO MASA P̄HTORO IJIRE”, ni ojoari tiquina ti p̄j̄ne.

³⁸ Came p̄aro yaque buc̄nare Jesu cahap̄u apeye curusarip̄u quē biha docori tiquina. Ihc̄aqui tiquiro poto pehe, apequiro tiquiro c̄u pehe pehe quē biha docori tiquina.

39 Curusari cahap̄u yuhdu cãñequina Jesure ihña, tiquina dapu pacare yure, tiquiore ñano yahuducuri:

40 —¿Cohãcjũ wuhure cohã, ihtia deco wahaboro pari turi ti wuhure dahreborigu ijiajari m̄uh̄u? Cohãcjũ mac̄u ijiḡu m̄uh̄u basi dijia taya. Sa yeḡu m̄uh̄u basi yedohoya, nidi masa.

41 Sata ni buj̄uperi tiquiore. Pahia p̄uhtoa ḡuh̄u, marine judio masare buheyequina ḡuh̄u, buc̄na ḡuh̄u tiquiore sa ni buj̄uperi.

42 —Tiquiro apequinare yuhduoriquiro ijiro tiquiore basi ḡuh̄u yuhduoahro. “Israe masa p̄uhto ijiaja”, nimene tiquiore. Sa yena tiquiore basi dijia tagũ ihñana tiquiore wacũ tutuanata.

43 Tiquiro pehe Cohãcjũre wacũ tuamene. Sa yero “Cohãcjũ mac̄u ijiaja”, nimene tiquiore. Tiquiro sa ijiḡu Cohãcjũ pehe tiquiore yedohoahro, ni buj̄uperi tiquina.

44 Yaque buc̄na tiquiore cahap̄u tiquina quẽ bihanohriquina sata tiquiore buj̄upe, ñano yahuducuri tiquina ḡuh̄u.

Jesu yariaa wahahye

(Mr 15.33-41; Lc 23.44-49; Jn 19.28-30; He 6.19-20; 10.19-20)

45 Sa ye coheri pje ijiḡu ihtia hora waro ijipihtirop̄u nahitiano ijiri.

46 Sa yero ti pjere nahitia yuhdugũ waro Jesu tutuaro sañuducuri:

—¿Elí, Elí lema sabactani? nidi tiquiore. Sa nino ohõ saha nino niahye: “¿Yuh̄u Pac̄u, yuh̄u Pac̄u, dahsegu yuhure cohãjari m̄uh̄u?” nino nidi.

47 Tiquiro sa nigũ tuhoye ihquẽquina top̄u ducuyequina ohõ saha nimesi:

—Cohãcjũ yere yahu m̄uhtariquiore Eliare pijioro niboaga, nimesi tiquina.

48 Sa yero ihcãquiro tiquina mehna cjũno oma cã, aco ihmini suhte mehna vino suẽñe core soha tuhasa, yucuḡu sohtoap̄u d̄uh̄te ohõ, Jesu cahap̄u esa, tiquiore sihõmedi.

49 Tiquiro sa yeḡu ihñañe apequina sihõriquiore ohõ saha nidi:

—Cohteniña. Elia ahriquiore tiquiore yuhduogũ ihñañhna mari, nidi apequina.

50 Tiquina sa nidi bato pari turi sañuducu, Jesu pehe yariaa wahari.

51 Tiquiro yariagũta Cohãcjũ wuh̄u cjã suhtiro cahsero, top̄u tiquina cahmotari cahsero deco tuh̄nu maa dijia, cjũ saa wahahye. Sa yero yehpa ḡuh̄u ñuhmide. Sa ñuhmigũ utã paca buj̄upe paca wahtia wahari.

52 Sa ye masa coperi parigũ, peyequina Cohãcjũ yequina mana panop̄u yariariquina mana masa wijiahye.

53 Masa wijia, Jesu masa wijari bato ti coperire cohã cã, quehnoari macap̄u Jerusalẽp̄u wahari tiquina. Top̄u tiquina wahagũ peyequina masa ihñahye tiquinare.

54 Sa ye ti ijipihtiyere ihñañe, yehpa ñuhmigũ ihñañe, surara p̄uhtoro tiquiore yequina surara mehna ihña maria wahari. Tiquina Jesure curusap̄u ijiriquiore cohteyequina ijiri. Ihña maria waha, ohõ saha nidi:

—Ijirota ijire. Ahriquiore Cohãcjũ mac̄nota ijimeya, nidi tiquina.

55 Sa ye Galileap̄u Jesu mehna ahtariquina numia tiquiore yedohoriquina numia yorop̄u tiquiore curusap̄u ijiriquiore ihñaducuye nidi.

56 Tiquina numia mehna María Magdalena ijiri. Apecoro María wame tiricoro ḡuh̄u ijiri. Ticoro pehe Santiago, José ḡuh̄u pacoro ijiri. Apecoro Zebedeo namono ijiri.

Jesu paḡure masa copep̄u cũahye José

(Mr 15.42-47; Lc 23.50-56; Jn 19.38-42)

57 Sa ye ñamicahap̄u José Arimatea cjũno doeri cjẽ up̄aro top̄u wihiahye. Tiquiro Jesu buheriquiro ijiri.

58 Wihi, Pilato cahap̄u esa, Jesu paḡure siniahye. Tiquiro sa sinigũ tuhoro Jesu paḡure tiquiore oho dutiahye Pilato.

59 Tiquiro sa dutiri bato José pehe tiquiore paḡure ne dijio, quehnoari suhtiro wete marieni suhtiro mehna tiquiore paḡure wahmeahye.

⁶⁰ Wahme tuhasa, José tiquiro ya masa copep̄ cūahye Jesu pagure. Ti cope tiquina ut̄ap̄ seheri cope wahma cope ijiri. Ti copep̄ ne sajã duhu cū tuhasa, pajiria ut̄are tu torē cāhye tia mehna biharo taro. Biha tuhasa, wahaa wahahye.

⁶¹ Sa ye María Magdalena, apecoro María mehna ti copere ihña dujidu-cuahye.

Jesure tiquina cūri copere surara cohteahye

⁶² Sa ye ape deco, pascua ijiatire tiquina quehnoari deco bato, saurú ijigū pahia p̄htoa, fariseo masa gūh̄ Pilato cahap̄ cahmecoahye.

⁶³ Cahmecoahye tuhasa ohō saha ni-ahye tiquina Pilatore:

—P̄hto, tiquiro ni mehoriquiro Jesu catiro ohō saha niahye: “Ihtia deco wahaboro masa wijiagut̄a ȳh̄”, niahye tiquiro.

⁶⁴ Tiquiro sa nidiquiro ijigū tiquiro buheyequina pehe tiquiro pagure yaqueboaga. Sa yaqueye masare ohō saha niboaga: “Jesu masa wijiari”, niboaga tiquina. Tiquiro Jesu pehe masare ni mehono nidi. Sa ijiepegūta tiquiro buheyequina pehe “Tiquiro masa wijiari”, niñe, ni mehoñe nieta. Sa yero Jesu tiquiro ni mehoriro ȳhd̄oro tiquina ye ni mehoñe pehe ña ȳhd̄arota. “Sa yaqueari”, nigu ihtia deco waro tiquiro masa copere m̄h̄ yequina surarare cohte dutiya, niahye tiquina Pilatore.

⁶⁵ Pilato ȳhtiahye:

—Āh̄. Ti copere cohteahro. Sa yena m̄sa gūh̄ m̄sa ye masino puno ti copere quehnoano cohteya, niahye tiquiro tiquinare.

⁶⁶ Tiquiro sa nigū tiquina waha, ti copere biharia ut̄ã mehn̄ap̄ta ñehogūp̄ta wihtã ñeheahye masa tiquina sajãgū ihña masiñe tehe. Sa ye surarare ti copere cohte dutiahye.

28

Jesu masa wijiarye
(Mr 16.1-8; Lc 24.1-12; Jn 20.1-10)

¹ Sa ye judio masa mari sori deco saurú pehe ȳhd̄ugū domingo ijigū ñami cjūnogã ijigū María Magdalena apecoro María mehna Jesu masa copere ihñañe wahahye.

² Sa yero duita yehpa tutuaro ñuhmiahye. Sa ñuhmigū mari p̄htoro tiquiro yaquiro angel uhm̄sep̄ ijiriquiro dijia ta, masa copere biharia ut̄are tu torē cã, tia bui dujiahye.

³ Upo miadoqueoro yero saha quehnoano asi siteahye tiquiro. Sa ye tiquiro suhti ehmeo curua yero saha quehnoano yehseye suhti ijiahye.

⁴ Tiquiro sa bajuagū ti copere cohteyequina surara cue ȳhd̄ue, nanare ȳhd̄ua waha, buigã warona yaria ȳhd̄ua wahahye.

⁵ Sa yero angel pehe tiquina numiare ohō saha niahye:

—Ȳh̄re cueracãhña. Curusap̄ tiquina quē bihariquiro, Jesure m̄sa macagū masiaja ȳh̄.

⁶ Tiquiro yojop̄re ohōre mariedare. Tiquiro nidiro sahata masa wijiara wahari. Tiquiro pagure tiquina cūrirore ihñana ahtaya.

⁷ Sa yena tiquiro buheyequina cahap̄ uhm̄ñano waha, ohō saha ni yahuna wahaya: “Jesu masa wijiari. Sa yero m̄sa pano Galileap̄ tiquiro wahayurota. Top̄ tiquirore ihñanata m̄sa”, ni yahuna wahaya m̄sa. Ahrita ijire m̄sare ȳh̄ yahuri quitu, niahye angel tiquina numiare.

⁸ Tiquiro sa nidi bato tiquina numia masa copep̄ ijiye numia sojaro mehna wijiara, tiquirore cuepeta bucue ȳhd̄ue mehna Jesu buheyequinare yahuye oma cãa wahahye.

⁹ Sa wahayequina numiare Jesu piti ca, ohō saha niahye:

—¿Quehnoano ijiajari m̄sa? niahye tiquiro.

Tiquiro sa nidi bato, tiquina pehe tiquiro cahap̄ esa, dahpoc̄arine ñehe, tiquirore ño peoahye.

¹⁰ —Cueracãhña m̄sa. Ȳh̄ bahanare “Galileap̄ wahaya”, ni yahuna wahaya. Top̄ ȳh̄re ihñaeta tiquina, niahye Jesu tiquinare.

Masa copere cohteyequina surara tiquina ihñarire yahuahye

¹¹ Tiquiro sa nidi bato numia wahari watoa ihquẽquina masa copere cohteriquina mehna cjēna surara, Jerusalēp̄ pahia p̄htoare ijipihtiyere yahu pehoye wahahye. Jesu tiquiro masa copep̄ wijiarire yahu peho cāhye.

¹² Tiquina sa ni yahugū pahia p̄htoa, judio masa mari b̄c̄na mehna cahmecoahye. Cahmecoa, yahuducuahye. Sa yeye surarare ni meho dutiye niñerure wapa yeahye.

¹³ —Ohō saha niña m̄sa masare: “Ñami us̄ carīdi bato tiquiro buheyequina pehe masa copep̄ wihi, tiquiro paḡre ne c̄ari jiri”, ni yahuya masare.

¹⁴ M̄sa sa ni yahugū Pilato pehe m̄sa carī ȳhd̄arire t̄hoboaga. Tiquiro sa t̄hogū, “M̄sare tuhtiari”, nina, m̄sare yahu basanata us̄ tiquirore, niahye tiquina surarare.

¹⁵ Tiquina sa nidi bato surara pehe niñerure ñehe, tiquinare tiquina ni meho dutiriro sahata masare yahuye wahahye. Sa ye tiquina ni mehoriro sahata Jesu tiquiro masa copere wijiarire yahuducuri judio masa. Yojop̄ ḡh̄are sata nine tiquina.

Jesu tiquiro yere buhe dutiro ohoahye tiquiro buheyequinare

(Mr 16.14-18; Lc 24.36-49; Jn 20.19-23)

¹⁶ Sa ye us̄ Jesu buhena once buhena c̄n̄p̄ Galileap̄ ijid̄p̄ Jesu tiquiro waha dutid̄p̄ wahau us̄.

¹⁷ Top̄ esa, Jesure ihñana, ño peou us̄ tiquirore. Sa ño peopenata, us̄ ihquẽquina “Ahriquiro Coh̄cj̄ mac̄no ijieraboaga”, ni t̄hotumi.

¹⁸ Us̄ sa ño peogū tiquiro pehe us̄ cahap̄ wihi, ohō saha nidi:

—Ahri yehpap̄re, uhm̄sep̄ ḡh̄are Coh̄cj̄ ijipihtiyequina bui tutuayere ohori yah̄re.

¹⁹ Tiquiro sa ohogū ohō saha duti-aja m̄sare: Ijipihtiro cjēnare yeere buhena wahaya. Yeequina tiquina wahatire buhena wahaya. Sa yena mari Pac̄ wame mehna, ȳh̄ wame

mehna, Espiritu Santo wame mehna tiquinare wame yeya.

²⁰ Sa yena m̄sare ȳh̄ du-tirire tiquina ye pehoatire buheya tiquinare m̄sa. Sa yena ahrire ȳh̄ niatire wacūña: Ijipihtiyere decori ahri yehpa ijiro puno m̄sa mehna sa ijiducuḡtja. M̄sa mehna ȳh̄ sa ijiducuatire wacūña m̄sa, ni yahuri us̄re Jesu.

San Marcos

Ñu wame yeriquiro buhe dɛcahye
(Mt 3.1-12; Lc 3.1-9, 15-17; Jn 1.19-28)

¹ Ahri pũpũ Jesucristo Cohãcjũ macũno tiquiro yerire quehnoañe buheyere yahu dɛcaja.

² Cohãcjũ yere yahu mɛhtariquiro mɛnno Isaia tiquiro ojoariro sahata yahuye ijire. Ohõ saha ni ojoahye tiquiro:

Cohãcjũ tiquiro macũnore ohõ saha niahye: “Mũhũ pano mũhare yahuyuatiquirore ohoyugũ ni-aja.

³ Sa yero tiquiro masa marienopũ waharota. Tiquirore tũhoyequinare yahuro sañuducurota: ‘Mari pũhtoro tiquiro ahtato pano mahare mari quehnoyuro saha quehnoana ijiyuya mɛsa. Mɛsa ñañe yerire bujũa witiya,’ ni sañuducurota,” niahye Cohãcjũ, ni ojoahye Isaia.

⁴ Ñu wame yeriquiro masa marienopũ buhee tiahye.

–Mɛsa ñañe yerire bujũa witiya. Yojopũre quehnoañe pehere came-saya. Sa yena wame yenohrina ijiya. Mɛsa sa comesagũ ihñano Cohãcjũ mɛsa ñañe yerire borota, ni buhee tiahye tiquiro.

⁵ Sa yero ijipihtiyequina Judea dihta cjẽ macari cjẽna Jerusalẽ cjẽna mehna tiquiro cahapũ esagũ ihñano Ñu pehe Jordã wame tiri mapũ wame yeahye tiquinare. Tiquinare tiquiro wame yegũ tiquina pehe tiquina ñañe yerire yahu yũhdũahye Cohãcjũre.

⁶ Sa yero Ñu camello poari suhtirore sañariquiro wahiquina cahsero mehna tũã dihoriquiro ijiahye. Poreroare, umiquina nɛcũ cjẽna umine ihyaeh tiahye.

⁷ Sa yero ohõ saha ni buhee tiahye.

–Yũhũ bato yũhũ yũhdũoro tutariquiro ahtarota. Quehnoa yũhdũariquiro ijire tiquiro. Tiquiro yero saha ijieraja yũhũ pehe. Sa yegũ

tiquirore tũhotugũ, “Ihyo ijigũ ijiaja yũhũ”, ni tũhotuaja yũhũ.

⁸ Mɛsare wame yegũ aco mehna wame yei. Tiquiro pehe yũhũ yũhdũoro yerota. Espiritu Santore masa mehna ijiducugũ yerota, ni buhee tiahye Ñu.

Ñu Jesure wame yeahye
(Mt 3.13-17; Lc 3.21-22)

⁹ Sa ye ti pjere Jesu Nazarepũ Galilea yehpapũ ijiri macapũ ijiriquiro Jordã wame tiri mapũ esahye. Topũ tiquiro esagũ Ñu wame yeahye tiquirore.

¹⁰ Tiquiro wame ye tuhasagũ Jesu diapũ ijiriquiro maja sadũca ɛhmũanopũ ihña mũoahye. Ɛhmũse parĩ maa wahahye. To parĩ maagũta Espiritu bujua yero saha Jesu bui dijia tahye.

¹¹ Sa yero ɛhmũsepũ yahuducuro ca tahye:

–Mũhũ yũhũ macũ yũhũ cahĩgũ ijire. Mũhũ mehna tutuaro bucueaja, nino ca tahye ɛhmũsepũ.

Satana ñañene ye dutimahye Jesure
(Mt 4.1-11; Lc 4.1-13)

¹² Ti pjere Jesure masa marienopũ Espiritu Santo neahye.

¹³ Topũre esaro cuarenta decori waro ijiahye. Watĩno pehe Jesu tiquiro ñañene yegũ ihña duaro ñañene ye dutimahye tiquirore. Sa yero Jesu wahiquina nɛcũ cjẽna mehna ijiahye. Topũ tiquiro ijigũ ihñañe angele pehe tiquirore yedo-hoahye.

Jesu Galilea yehpapũ buhe dɛcahye
(Mt 4.12-17; Lc 4.14-15)

¹⁴ Sa ye Ñure peresupũ tiquina biha daporĩ bato Jesu pehe Galilea yehpapũ quehnoañe buheyere Cohãcjũ pũhtoro ijiyere yahuro wahahye.

¹⁵ Ohõ saha ni yahuahye:

–Yojopũre ohõ saha ijire. Cohãcjũ tiquiro pũhtoro ijiato mehenogã dũhsare. Mɛsa ñañe yerire bujũa witiya. Sa yena quehnoañene came-saya. Quehnoañe buheyere tũhoya mɛsa, ni buhee tiahye Jesu.

Jesu pitiaro wahi yohyeyequinare
“Yuhū mehna cjāna ijiana ahtaya”, ni-
ahye

(Mt 4.18-22; Lc 5.1-11)

16 Tire yahu tuhasaro Galilea wame tiri ditara duhtu cahapu esaro, ihñahye Simore, tiqiro bahuro Andre mehna. Tiquina wahi yohyeyequina ijiahye. Sa ye tiquina wēñecjare doque ñoñe niahye ti ditarapu.

17—Yuhū mehna cjāna ijiana ahtaya musa. Yuhū mehna musa ahtagū musa wahire ñehe cahmecoana musa ijiro saha Cohācjū yequina ijiatiquinare masare piji cahme-coana ijigū yeitja musare. Yuhū mehna musa ahtagū sa yeana jare cūtja musare, niahye Jesu.

18 Tiquiro sa nigū tūhoye tiquina wēñecjare cū cā, tiqiro mehna wahahye.

19 Sa ye tiquina mehenogā yuhdu cā, Santiagore, tiqiro bahuro Ņu gūhare boca sahye tja. Tiquina pehe Zebedeo pohne ijiahye. Tiquina yaria yucsapu wēñecjare quehnoñe niahye.

20 Sa yero tiqiro pijiogū tiquina pehe tiquina pacurore, tiqirore yedohoyequina mehna yucsapu cū cā, Jesu mehna wahahye.

Watīare cūoriquiro Jesure piti
cahye

(Lc 4.31-37)

21 Sa ye tiquina Capernau wame tiri macapu esahye. Sa yero saurū ijigū judio masa buheri wuhapu buhero esahye tiqiro.

22 Sa yero tiqiro quehnoano masi pehoriquiro buhero usā judio masare buheyequina yero saha ijierahye tiqiro. Tiquiro sa buhegū ti maca cjēna tūho maria wahahye.

23 Ti pjere ti wuhapu ijiriquiro watīare cūoriquiro ijiahye. Sa yero ohō saha niahye Jesure:

24—Muhū Jesu Nazare cjū cariboer-acāhña usāre. ¿Duhse yei tūu niajari usāre? ¿Muhū usāre butigū yei tūu niajari? Cohācjū macu quehnoagu muhū

ijigū yuhū masiaja, ni sañuducuahye tiqiro Jesure.

25 Tiquiro sa nigū tūhoro Jesu tuhti-ahye watīare:

—Dihta mariahña. Duhuya tiqirore, niahye Jesu.

26 Sa yeye watīa tiqirore yehpapu doque quehe sa tunugū yeye, tiqiro tutuaro sañuducuri watoa duhuahye tiqirore.

27 Sa ye ijipihtiyequina ti wuhapu dujiyequina acua yuhdu waha, ohō saha niahye:

—Ahyou. ¿Ahri wahma buheye ijiajari? Tiquiro puhtoro yero saha dutire watīare. Tiquiro dutigū tiquina watīa pehe yuhducaerare tiqirore, ni yahuducuahye ti wuhapu dujiyequina tiquina basi.

28 Sa ye meheñe decori batota duita ijipihtiyequina Galilea yehpa cjēna tire tiqiro sa yerire tūhoahye.

Jesu Simo Pedro mareonore duti
yuhduagū yeahye

(Mt 8.14-15; Lc 4.38-39)

29 Sa ye Jesu gūhu judio masa buheri wuhapu ijiriquina wijiaa wahahye. Tiquina sa wijiari bato Jesu, Santiago, Ņu, apequina tiquina mehna cjēna gūhare, Simo, tiqiro bahuro Andre mehna tiquina ya wuhapu siho sajā sahye.

30 Ti pjere Simo mareono ujuaye dohatiricoro cuñano bui ticoro cuñagū ihñañe yahuahye Jesure.

31 Tiquina sa ni yahugū tūhoro tiqiro pehe ticoro cahapu esaro, ticoro omocare ñehe, ticorore weje wahcō dapoahye. Tiquiro sa weje wahcō dapogūta ticorore ujuaye surua wahahye. Ti sa sururi bato ticorota ihyayere peoahye.

Jesu peyequina dohatiyequinare
yuhduoahye

(Mt 8.16-17; Lc 4.40-41)

32 Ņamicahapu asū sajāri bato masa peyequina dohatiyequinare, watīa cūoyequinare Jesu cahapu ne sahye.

33 Sa ye ijipihtiyequina ti maca cjēna cahmecoa dūca sahye ti wuhū sopecahapu.

34 Sa yero Jesu peyequina dohatiyequinare, peyequina watia c̄oyequinare quehnoa wahagũ yeahye. Peyequina watiare cohãhye. Sa yero Jesure watia tiqiurore masigũ ihñano Jesu pehe tiquinare yahuducu dutierahye.

Jesu buhe tinino wahahye
(Lc 4.42-44)

35 Sa ye ñami cjũno wahcã, nahitia cjũgũ masa marienopũ Cohãcjũre sinino wahahye Jesu.

36 Tiquiro sa wahagũ ihñañe Simo gũhũ tiqiurore macañe esahye.

37 Sa ye tiqiurore piti caye, ohõ saha niahye:

—Masa ijipihtiyequina mahũre macañe nidi, niahye tiquina.

38 Tiquina sa nigũ tũhoro ohõ saha niahye Jesu:

—Ahri macarine buhegũ ahtaũ yũhũ. Sa yena apeye macari ohõ cahagã cjẽ macaripũ wahaũhna mari. Yũhũ ti macari gũhũre buheitja, niahye Jesu tiquinare.

39 Sa yero ijipihtiye Galilea yehpare buhe tiniahye. Sa yero macaripe judio masa buheye wũhũsepũ buhero, watiare masa mehna ijiyequinare cohã wioahye.

Jesu cami bũcũ mũna wihirore yũhdũoahye

(Mt 8.1-4; Lc 5.12-16)

40 Sa ye apequiro dohatiriquiro cami bũcũ mũna wihiro Jesure piti caro dũsepe curi mehna quehe sa siniahye:

—Mũhũ yũhũre yũhdũo duagũ yũhdũoya, niahye cami bũcũ mũna wihiro.

41 Tiquiro sa nigũ tũhoro Jesu tiqiurore paja ihñahye. Sa yero tiqiurore omocare siõdoqueo tiqiurore ña peoahye. Sa ña peoro ohõ saha niahye:

—Tire ye duaja. Quehnoagũ ijiya mahũ, niahye Jesu.

42 Tiquiro sa nigũta tiqiurore cami ahbari yati maa wahahye. Quehnoa wahahye tiqiurore.

43 Tiquiro sa wahagũ ihñano Jesu tiqiurore tutuaro mehna yahuahye:

44 —Apequinare ahrire yahu sit-eracãhña. Sa yahuerapegũta mahũ pagũre pahire ihñoña. Cohãcjũ dutiye Moiserere tiqiurore cũriro sahata yeya. Sa yegũ minicjũare ohoya pahire mahũ quehnoagũ mahũ waharire masare mahũ ihñoatire, niahye Jesu. Sa ni tuhasa “Wahaya”, niahye tiqiurore.

45 Tiquiro sa yahu dutierapegũta tiqiurore waha, ijipihtiye macari cjẽnare Jesu yerire yahuahye. Tiquiro sa yahuri bato Jesu masa peyequina ijiropũre waha masiedahye. Sa yero tiqiurore meheñequinagã ijiropũ ijiahye. Topũ tiqiurore ijigũ peye macari cjẽna tiqiurore cahapũ esahye.

2

Jesu tini masieniquirore tinigũ yeahye

(Mt 9.1-8; Lc 5.17-26)

1 Meheñe decori bato Jesu Capernaupũ tojoa wahahye. Wũhũpũ tiqiurore ijigũ masa tũhoahye.

2 Sa ye topũ masa peyequina cahmecoa, ti wũhũre wahpa wijiadũca saa wahahye. Sa yero Jesu tiquinare quehnoañe buheyere yahuahye.

3 Sa ye apequina gũhũ ahta, pititiaro amũna tini masieniquirore ne wihiahye.

4 Tiquina masa peyequina ijigũ ihñañe Jesu cahapũ sajã masiedahye. Sa ye tiquina wũhũ buipũ muji pahmare ne wedoqueo, Jesu bui waro meheni copegã dahre, tini masieniquirore tiqiurore cuñari cahsero mehna duhu dijioahye Jesu caha waro. “Jesu ahriqiurore tiqiurore dohatiyere yũhdũgũ yerota”, ni tũhotuahye tiquina.

5 Tiquina sa ni tũhotugũ masino Jesu pehe dohatiriquirore ohõ saha ni yahuahye:

—Yũhũ macũ, mahũ ñañe yerire cohã tuhasa, niahye Jesu tini masieniquirore.

⁶ Tiquiro sa nigũ tũhoye, usã acaye judio masare buheyequina topure dujiyequina tiquina basi ohõ saha ni tũhotumahye:

⁷ “Ahriquiro sa ni yahuducueracãhdo. Cohãcjũre ñano yahuducuro nine tiquiro. Masuno mari yero saha ijiriquiro ijire tiquiro gũhũ. Sa yero tiquiro ahriquiro ñañe yerire cohã masiedare. Cohãcjũ dihita masa tiquina ñañe yerire cohã masine”, ni tũhotumahye tiquina.

⁸ Tiquina sa ni tũhotugũ ihñano Jesu tiquina tũhotuyere masino ohõ saha niahye:

—¿Dũhse yena mũsa sa ni tũhotuajari?

⁹ “Mũhũ ñañe yerire cohã tuhasaja”, yũhũ nigũ, “Ni mehogũ ijire”, yũhare nina nine mũsa masiedapenata. Tiquiro tini masieniquirore “Wahcãdũca, wahaya”, yũhũ nigũ, tiquiro tinigũ ihñana yũhũ nidi potota ijigũ duita masinata mũsa.

¹⁰ Yũhũ masũ Cohãcjũ ohorigũ ahri yehparure masa tiquina ñañe yerire cohã masiaja yũhũ. Yũhũ sa cohãrire mũsa masiato saha ohõ saha tiquiro wahagũ yeitja, niahye Jesu judio masare buheyequinare.

Sa ni tuhasa tini masieniquirore ohõ saha niahye:

¹¹ —Mũhare niita niaja. Wahcãdũcaya Mũhũ cuñari cahserore ne cãhña mũhũ ya wũhũrũ, niahye Jesu tiquirore.

¹² Tiquiro sa nigũta tini masieniquiro wahcãdũca sa, tiquiro cuñari cahserore ne, ijipihtiyequina tiquina ihñono wijiaa wahahye. Tiquiro sa yegũ ihñañe tiquina ijipihtiyequina ihña acũaa wahahye. “Cohãcjũ tutuariquiro ijire. Ne mari ohõ saha yegũre ihñeda tii”, niahye tiquina basi.

*Jesu Levíre “Yũhũ mehna cjũ ijiajũ ahtaya”, niahye
(Mt 9.9-13; Lc 5.27-32)*

¹³ Sa ye pari turi Jesu ditara dũhtũ cahapũ wahahye. Sa yero masa peyequina tiquiro cahapũ tiquina cahmecoagũ ihñano tiquiro buheahye tiquinare.

¹⁴ Sa ye tuhasa topũ ijiriquiro waharo Levíre Alfeo macũnore tiquiro dahrari tucũrũ boca sahye. Apequina mehna pũhtoa ye ijiatire wapa ne cohteyequina ijiahye Leví gũhũ. Tiquirore boca saro ohõ saha niahye: —Yũhũ mehna cjũ ijiajũ ahtaya mũhũ, niahye Jesu Levíre.

Tiquiro sa nigũ Leví pehe wahcãdũca sa, Jesu mehna wahahye.

¹⁵ Jesu mehna wahayequina peyequina ijiahye. Sa yero Leví ya wũhũrũ mesa cahapũ peyequina wapa ne cohteyequina mehna, “Ñano yeyequina”, tiquina niñequina mehna tiquiro buheyequina mehna dujiyahye Jesu.

¹⁶ Topũ tiquina dujiri bato apequina usã judio masare buheyequina, fariseo masa mehna Jesu tiquiro ihyagũ ihñahye tiquina. Sa ihñañe ohõ saha niahye:

—¿Dũhsero ñano yeyequina, wapa ne cohteyequina mehna ihyajari Jesu? ni sinituahye judio masare buheyequina Jesu buheyequinare.

¹⁷ Tiquina sa nigũ tũhoro queoye mehna yũhtiahye Jesu:

—Dohatiyequina duturure macaedare.

Dohatiyequina dihita duturure macare. Ñañequina dohatiyequina yero saha ijire. Sa yegũ ñañequina dihitarẽ tiquina ñañe yerire bũjũa witi duti, quehnoañe pehere tiquinare comesagũ yegũ tagũ nii yũhũ. Tiquina basi “Quehnoana ijiaja usã”, ni tũhotuyequinare yedohogũ tagũ niedũ yũhũ, niahye tiquiro tiquinare.

*Sijiyere Jesure sinituahye apequina
(Mt 9.14-17; Lc 5.33-39)*

¹⁸ Ti pjere Ñũ buheyequina, fariseo masa gũhũ Cohãcjũre ño peoye tehe, sijie tiahye. Sa ye masa Jesure sinituahye:

—Ñũ buheyequina, fariseo masa buheyequina gũhũ Cohãcjũre ño

peoye tehe sijire. ¿Dahse ye mahu buheyequina sijierajari? niahye tiquina Jesure.

¹⁹ Jesu tiquiro t̄hotuye mehna queoye mehna buhero tiquinare ohō saha ni yahtiahye:

—Ohō saha ijire ti: Omoca d̄ahteriquiro bose deco ijigū tiquiro mehna cjēna b̄aj̄a witiro mehna ijierare. Sa ye sijiyequina ijierare. Sata yah̄u buheyequina ḡuh̄u yah̄u mehna ijiye, siji masiedare.

²⁰ Yah̄u Pacu Cohācjū yah̄ure tiquiro neari bato p̄urit̄are pari turi yah̄u buheyequina mehna ijisi yah̄u. Sa ye ti p̄jer̄u yah̄u buheyequina ḡuh̄u sijieta, niahye Jesu.

²¹ Panop̄u cjē buheye mehna tiquina buhe more duagū ihñano ohō saha ni nemoahye Jesu tiquinare queoye mehna buhero.

—Ne wahma cahsero suhtiro cahsero mehna m̄n̄ano suhtirore sere ohōno cahmedare. Sa yegū wahma cahsero mari coseri bato m̄n̄ano suhtirore weje cahmecoa, p̄aji yah̄d̄uaro t̄h̄n̄ugū yere. (Sata m̄na buheye wahma buheye mehna piti dahre buheraro cahmene.)

²² Sa yena ne ah̄se co bisiye core wahīquiro cahsero ajurōp̄are m̄na ajurōp̄are pose yeraro cahmene. Sa yegū ah̄se co bisiye pahmuñer̄u m̄na ajurore t̄h̄n̄u dijiaa wahare. Ti ajuro t̄h̄n̄ugū ah̄se co ḡuh̄u ajuro ḡuh̄u cohāa wahare. Sa yena ah̄se co wahma core wahma ajurōp̄are pose yero cahmene. (Sata wahma buheye m̄na buheye mehna buhe moredaro cahmene,) ni buheahye Jesu tiquinare.

Saurú ijigū Jesu buheyequina trigo parorire peheahye
(Mt 12.1-8; Lc 6.1-5)

²³ Ape deco saurú ijigū Jesu ḡuh̄u trigo weser̄u wahahye. Tiquiro buheyequina pehe trigo parorire pehe yah̄d̄u c̄ahye.

²⁴ Tiquina sa yegū ihñañe ohō saha ni tuhtiahye fariseo masa Jesure:

—T̄ahor̄ñ̄a us̄are. ¿Dahse ye mahu buheyequina saurú mari sori deco

ijiepegūta dahrajari? Mari dutiyere yah̄d̄uac̄aye nine, niahye tiquina Jesure.

²⁵⁻²⁶ Tiquina sa nigū t̄horo Jesu tiquinare yahtiahye. “Yah̄u buheyequina yah̄d̄uac̄aye niedare”, nino taro ohō saha niahye:

—Davi m̄n̄ano tiquiro mehna cjēna mehna ah̄baro, Cohācjū w̄ah̄up̄u sajā, Cohācjū ye p̄are ihyahye. Sa yero tiquiro mehna cjēna ḡuh̄are ti p̄are ohoahye. Ti p̄are pahia dihita ihyae tiahye. Cohācjū dutiye tiquina ojoari p̄u apequinare ti p̄are ihya dutierare. Ti p̄jere Abiatar wame tirīquiro pahia p̄ah̄toro ijiahye. ¿Davi ḡuh̄u tire tiquina yerire Cohācjū yere tiquina ojoari p̄ure buherari m̄sa? (Ti p̄are ihyaro Cohācjūre yah̄d̄uac̄aro niedahye. Miare ahri p̄jerire ihyaye yah̄u buheyequina ḡuh̄u Cohācjūre yah̄d̄uac̄aye niedare,) niahye Jesu tiquinare.

²⁷ Sa ni tuhasa ohō saha ni nemoahye:

—Sa yero Cohācjū saurú decore tiquina sori deco cūno, masa ya deco cūno nidi dahra wahyariquinare so dutiro. Ti deco cahac̄jēna ijiatire cūno niedari masare.

²⁸ Sa yegū yah̄u mas̄u Cohācjū ohoriḡu ahri deco saurú decore masa tiquina yeatire yahuḡu ijigū p̄ah̄to ijiaja, niahye Jesu tiquinare.

3

Omoca b̄ahariquiro quiti ijire
(Mt 12.9-14; Lc 6.6-11)

¹ Sa ye Jesu us̄ã judio masa buheri w̄ah̄up̄u esaro, sajāh̄ye tja. Sa yero omoca b̄ahariquiro ḡuh̄u top̄u ijiahye. Sa ye ti w̄ah̄up̄u ijiyequina Jesu dihitare ihñadoque ohōahye.

² Saurú ijigū Jesu omoca b̄ahariquirore tiquiro yah̄d̄uogū ihñã duahye tiquina. Tiquiro sa yegū ihñañe tiquirore yahusã duahye. “Mari sori decore Jesu dahraro nine”, ni yahusã duahye tiquina.

³ Sa yero ohō saha niahye Jesu omoca b̄ahariquirore:

—Wahcādūca saya. Ohōpū ahtaya, niahye.

Sa ni tuhasa ti wūhūpū ijiyequinare yahuahye:

⁴ —¿Saurú ijigū quehnoañene yegū quehnoedajari? ¿O ñañe yegū pehere quehnoajari, mūsa tūhotugū? Saurú ijigū masūnore masogū quehnoarīne. Masūnore wejēgū pehere quehnoedare, ni yahuahye Jesu tiquinare.

Tiquiro sa niepegūta tiquina pehe ne yūhtierahye.

⁵ Tiquina sa yūhtieragū ihñano Jesu tiquina mehna usuahye. Tiquina tūho dueragū ihñano Jesu būjūa witi-ahye.

—Mūhū omocare siō potoya, niahye tiquiro omoca būhariquirore.

Tiquiro sa nigū tūhorō tiquiro omocare siō potoahye. Tiquiro siō potogūta omoca quehnoa wahahye.

⁶ Sa omoca quehnoa wahagū ihñañe fariseo masa wijiaa wahahye. Wijia, Herode mehna cjēna mehna cahmecoa, “¿Dūhse ye Jesure wejēnatari mari?” niahye tiquina basi.

Masa peyequina ditara dūhtū cahapū ijiahye

⁷⁻⁸ Sa ye Jesu tiquiro buheyequina mehna ditara cahapū wahahye. Tiquina sa wahagū ihñañe Galilea cjēna masa peyequina tiquiro bato esahye. Sa ye Judea yehpa cjēna, Jerusalē cjēna, Idumea yehpa cjēna, Jordā wame tiri ma ape sie pahrē cjēna, Tiro wame tiri maca cjēna, to cahapū ijiyequina, Sidō wame tiri maca cjēna, to cahapū ijiyequina mehna masa peyequina ijipihtiyequina tiquiro yerire tūhoye, tiquiro cahapū esahye.

⁹ Sa ye masa peyequina ijiye, Jesu cahare bihsa dūca sahye. Sa yero Jesu yucū sare quehno pahsa duti-ahye tiquiro buheyequinare.

¹⁰ Peyequina dohatiyequinare tiquiro yūhdūogū ihñañe apequina dohatiyequina gūhū Jesure piha duaye, bihsa dūca sahye.

¹¹ Sa ye watīare cūoyequina pehe Jesure ihñañe tiquiro cahapū dūsepe curi mehna quehe sahye.

—Mūhū Cohācjū macū ijire, ni sañuducuahye tiquina tiquirore.

¹² Sa yero tiquinare Cohācjū macūno tiquiro ijiyere tutuaro mehna apequinare yahu dutierahye Jesu.

Jesu tiquiro buheyequinare doce tiquiro ohoatiquinare bese docoahye (Mt 10.1-4; Lc 6.12-16)

¹³ Sa ye Jesu cūnūpū mūja, tiquiro cahmeñequinare pijiahye. Tiquiro pijigū tūhoye, tiquiro cahapū esahye tiquina.

¹⁴ Sa yero doce ūmūare tiquiro mehna cjēnare, tiquiro ohoatiquinare, apeye macaripūre tiquiro yere buheatiquinare bese docoahye Jesu. Sa ye tiquina ya curua Jesu cūriquina wame tiahye.

¹⁵ Sa yero dohatiyequinare yūhdūoatire, watīare cohāti gūhūre cūahye tiquinare.

¹⁶⁻¹⁹ Ahriquina ijiahye doce ūmūa Jesu tiquiro bese docoriquina: Simo, Santiago Zebedeo macūno, Ūu Santiago bahūro, Andre, Felipe, Bartolomé, Mateo, Tomasu, Santiago Alfeo macūno, Tadeo, Simo celote ya curua cjāno ijimediquiro, Juda Iscariote, ahriquina ijiahye tiquiro bese docoriquina. Jesu Simore Pedro wame yeahye. Santiagore, Ūu mehna Boanerges wame yeahye. Boanerges “Ūpo cjēna”, nino nine. Juda Iscariote Jesure ihñā tuhtiyequinare ihñoatiquiro ijiahye.

—Jesu watīno tutuayere cūore, ni yahūsāhye masa

(Mt 12.22-32; Lc 11.14-23; 12.10)

²⁰ Tiquinare bese doco tuhasa, dija, Jesu tiquiro buheyequina mehna wūhūpū sajāa wahahye. Sa ye topū pari turi masa peyequina cahmecoañe, bihsaa wahahye. Tiquina sa bihsagū ihñano Jesu ihya masiedahye. Sa ye tiquiro buheyequina gūhū ihya masiedahye.

21 Sa ye apequina Jesu acaye tire tũhoye tiquiro cahapũ esaye, tiquirore ñehemahye. “Tiquiro tũho masieniquiro waharo nine”, nimahye tiquina.

22 Apequina ohõ saha nimahye:

—Beelzebú tiquirore sa wahagũ yero niaga. Tiquiro watĩare cohãno, Beelzebú watĩa pũhtoro tutuaye mehna tiquinare cohãre, nimahye Jerusalẽpũ ahtariquina usã judio masare buheyequina.

23 Tiquina sa nigũ tũhoro Jesu pehe tiquinare piji, tiquiro tũhotuye mehna queoye mehna yahuahye tiquinare, “Watĩno ye tutuaye mehna watĩare cohãgũ niedaja”, nino taro.

24 —Watĩa tiquina basi cohã masiedare. Sa ye ihcã yehpa cjẽna tiquina basi cahme wejẽ, ti yehpa cjẽna yaria pihtia wahaboaga.

25 Sa ye ihcã wũhũ cjẽna tiquina basi cahmequeñe ti wũhũ cjẽna waha pihtia wahaboaga.

26 Sa yero Satana watĩa pũhtoro pehe watĩare cohãno tiquina basita cahmequeñe niboaga. Sa ye tiquina waha pihtia wahaboaga.

27 'Ohõ sahata ijire mari queoye mehna buhegũ. Tutuariquiro ya wũhũpũ apequiro sajã sa yaque masiedare. Tutuariquirore dũhteraro tiquiro ya wũhũpũ sajã sa yaque masiedare. Tutuariquirore tiquiro dũhteri bato sajã sa yaque masine, ni yahuahye Jesu.

(Ohõ saha ni yahuahye watĩnore tiquiro yũhdũdũcarire yahuro. Watĩno tutuariquiro tiquiro ijiepegũta Jesu tiquirore yũhdũdũcare watĩare cohãno.)

28 Sa ni tuhasa ohõ saha ni yahu nemoahye Jesu:

—Poto niita niaja mũsare. Ijipihtiye ñañe masa tiquina yegũ tiquina yahuducugũ gũhũre Cohãcjũ bo masine.

29 Sa boeperota Espĩritu Santore tiquina ñano yahuducugũ ti pũritare ne bosi. Tiquina sa nidi buhiri sa buhiri tiducuyequina ijietã, niahye Jesu tiquinare.

30 Jesu Espĩritu Santo tiquiro tutuaye mehna watĩare tiquiro cohãepẽgũta “Tiquiro watĩno tutuaye mehna watĩare cohãno nine”, nimahye masa. Tiquina sa nigũ tũhoro ti quitire Espĩritu Santo quitire yahuahye Jesu tiquinare.

Jesu acaye tiquirore pijiahye
(Mt 12.46-50; Lc 8.19-21)

31 Sa ye Jesu bahana tiquiro pacoro mehna wihiahye. Sa wihiye sopecahapũ ijiahye. Apequinare piji dutiahye tiquirore.

32 Sa ye masa tiquiro cahapũ dujiyequina yahuahye tiquirore.

—Mũhũ paco, mũhũ bahana mehna sopecahapũ mũhũre pijiri, niahye.

33 Tiquina sa nigũ tũhoro ohõ saha niahye Jesu tiquinare buhero taro:

—¿Noa ijiajari yũhũ paco, yũhũ bahana gũhũ, mũsa ihñagũ? niahye tiquiro tiquinare buhero.

34 Sa nino tiquiro caha dujiyequinare ihñano ohõ saha niahye:

—Ahriquina ijire yũhũ paco, yũhũ bahana yero saha ijiyequina. Cohãcjũ cahmeñene yere ahriquina.

35 Sa yeyequina yũhũ bahũ, yũhũ baho, yũhũ paco yero saha ijire, ni buheahye Jesu tiquinare.

4

Jesu oteriquiro quitire buheahye
(Mt 13.1-9; Lc 8.4-8)

1 Sa ye pari turi ditara dũhtũ cahapũ Jesu buhe dũcahye. Sa ye topũre buhe dũcaro masa peyequina tiquiro cahapũ tiquina cahmecoagũ ihñano Jesu pehe yucũsapũ buhe pahsaye. Sa ye masa pehe ditara dũhtũ cahapũ ducuahye.

2 Sa yero Jesu peye tiquiro tũhotuye mehna piti dahre yahuahye tiquinare buhero.

3 —Ahri quitire tũhoya mũsa, ni ahye tiquiro.

—Oteriquiro otero wahahye.

4 Tiquiro sa otegũ apeye pjeri maha dũhtũ cahapũ bora quehe sahye. Sa bora quehe saye pjerire minicjũa ahta, ihya cãhye.

⁵ Sa ye apeye pjeri utã pjeri watoa bora quehe sahye. Utã pjeri watoa dihta marieda cjũno ijiepegũ duita pihnimahye.

⁶ Sa pihnididi ijieperota, asũ tutuaro asigũ nuhcori marieda, ñaia wahahye.

⁷ Apeye pjeri taa watoa bora quehe sahye. Taa pehe dia yũhdũa waha, oteri pehere wejẽ cãhye. Sa yero dũca mariedahye.

⁸ Apeye pjeri quehnoari dihtare bora quehe sahye. Quehnoano pihniñe ijiro quehnoano dũca tiahye. Apeye cjũ treinta pjeri, apeye cjũ sesenta pjeri, apeye cjũ cien pjeri dũca tiahye.

⁹ Ahrire quehnoano tũhoya mũsa, niahye Jesu.

Jesu quti mehna tiquiro buherire yahuahye

(Mt 13.10-17; Lc 8.9-10)

¹⁰ Sa ye tiquina sehsaro ijie doce buheyequina, apequina Jesu mehna ijieyequina ti quitire masi duaye, Jesure sinituahye.

¹¹ Tiquina sa sinituri bato Jesu ohõ saha ni yahuahye:

—Cohãcjũ masa pũhtoro tiquiro ijieyere, panopũ apequina tiquina masiedarire mũsare masigũ yere Cohãcjũ. Apequina pehere sa yerare tiquiro. Tiquinare quti mehnata buheitja.

¹² Sa ye tiquina ihñapeta ihñedariquina yero saha tojoare. Sa ye tũhoepeta masisi. Tiquina masiñe quehnoañe pehere comesaboaya. Tiquina sa comesagũ ihñano tiquina ñañe yerire boboaya Cohãcjũ. (Sa ijiepegũta tiquina pehe ne tũho duerare,) niahye Jesu.

Jesu oteriquiro quitire yahu pehoahye

(Mt 13.18-23; Lc 8.11-15)

¹³ Tiquiro sa nidi bato ohõ saha ni yahu nemoahye tiquinare:

—¿Ahri quitire tũhoena nijari mũsa? ¿Mũsa ahri quitire tũhoerana, dũhse apeye quitire tũhonatari mũsa? niahye Jesu tiquinare.

Sa ni tuhasa ohõ saha ni yahu nemoahye tiquinare:

¹⁴ —Oteriquiro tiquiro oteri pjeri quehnoañe buheye yero saha ijie.

¹⁵ Sa yero maha dũhtũ caha bora quehe sari pjeri quehnoañe buheye yero saha ijie. Sa yero masa quehnoañe buheyere tiquina tũhogũ ihñano Satana pehe ahta, ti buheye quehnoañe buheyere masi dutierare tiquinare, minicjũa ti pjerire tiquina dote nediro saha yero.

¹⁶ Sa ye utã pjeri watoa bora quehe sari pjeri quehnoañe buheye yero saha ijie. Sa ye masa quehnoañe buheyere tũho, bucueye mehna duita tire tũho ñehe maa wahare.

¹⁷ Sa tũho ñehepeta utã pjeri watoa ijieye cjũ nuhcori marieñe cjũ yero saha ahriquina masa gũhũ tutuerare. Sa tutueraye, ñano yũhdũye, yeequina tiquina ijie buhiri apequina tiquinare ñano yegũ ihñañe yee pehere duhu cãhre. Apequina tiquinare ñano yegũ tire ihcãno sahaeraye, yeere duhu cãhre.

¹⁸ Sa ye taa watoa bora quehe sari pjeri quehnoañe buheye yero saha ijie.

¹⁹ Sa ye masa quehnoañe buheyere tũhoepeta, ahri yehpa cjẽne pajiro bujũa witi tũhotuye, niñeru pehere cahñe. Apee boro gũhũre peye tutuaro cahmene. Tiquina sa ni tũhotugũ ti pehe quehnoañe buheyere cahmotare. Ti sa cahmotagũ masa quehnoañe pehere yerare.

²⁰ Sa ye quehnoari yehpapũ bora quehe sari pjeri quehnoañe buheye yero saha ijie. Sa ye masa quehnoañe buheyere tũhoye tire cahmene. Sa masiñequina ijieye, Cohãcjũ tiquiro cahmeno sahata quehnoañene yere tiquina. Ihquẽquina meheno quehnoañene yere treinta pjeri dũca tiro saha. Apequina bui cjũno quehnoañene yere sesenta pjeri dũca tiro saha. Apequina pajiro quehnoañene yere cien pjeri dũca tiro saha, ni yahuahye Jesu tiquinare.

Jesu sihãria quitire buheahye
(Lc 8.16-18)

21 Sa ni tuhasa ohõ saha ni nemoahye:

—Ne sihãriare dihi sutu docapũ cũedare. Sa ye tiare cumuno docapũ cũedare. Ëhmũanopũ duhu peore quehnoano buhrio dutiye.

22 Ijipihtiye tiquina masiedarire came masa masieta. Sihãria buhriogũ mari ihña masino saha panopũre tiquina masiedarire masieta masa.

23 Ahrire quehnoano tũhoya mũsa.

24 Mehenogã masi duana mehenogã masinata. Pajiro masi duana pajiro masinata. Sa yena mũsa tũhona quehnoano tũho nũnũña.

25 Quehnoano tũho nũnũriquiwo quehnoano masinota. Tũho nũnũeniquiwo, “Mehenogã tũhoaja”, tiquiro niepegũta ti pehe butia waharota, niahye Jesu tiquinare.

Jesu trigore oteriquiwo quitire buheahye

26 Sa ni tuhasa ohõ saha ni yahu nemoahye:

—Cohãcjũ masa pũtoro tiquiro ijiye trigore oteriquiwo yero saha ijire.

27 Ote tuhasa bohrearo tiquiro oteri pihniñene ihñare tiquiro. “¿Dũhse pihni wijia ta dũcajari?” ni ihña masiedare oteriquiwo tiquiro basi.

28 Ti oteri ti basi dũca tire. Pari pũgã wijia mũhtare. Came pari paro wijia, bũcũare.

29 Ti parori bũcũa tuhasagũ ihñano, pehere peheri pje ijigũ. (Tiquiro ote, ti bũcũarire tiquiro masiedaro saha Cohãcjũ yequina masa tiquina wahari gũhũre yahu peho masiedare masa,) ni buheahye Jesu.

Mostaza pje quitire yahuahye Jesu
(Mt 13.31-32; Lc 13.18-19)

30 Sa ni tuhasa ohõ saha ni buhe nemoahye queoye mehna buhero:

—¿Ne Cohãcjũ masa pũtoro tiquiro ijiye yabe boro yero saha ijjajari, mũsa tũhotugũ? ¿Dise quititi mehna tire yahunatarĩ?

31 Mostaza pjegã yero saha ijire Cohãcjũ pũtoro ijiye. Ti pjegã tiquiro otegũre meheni pjegã waro ijire.

32 Sa ijieperota ti pjegã quehnoano pihnine. Sa yero pajidũ wahare. Sa ye tũ dũpũri bũjũye dũpũri bũcũagũ ihñañe minicjũa ti dũpũripũ suhti suhare, niahye Jesu. (Sa nino ohõ saha nino niahye. Mostaza pjegã pajidũ tũ bũcũariro saha ãhmũse cjũnore mari pũtorore masiñequina meheñequinagã tiquina iji mũhtaepẽgũta camepũre peyequina wahaeta.)

Quititi mehna tiquiro buherire yahuahye Jesu
(Mt 13.34-35)

33 Sa yero ti quititi tiquiro nidiro saha peye quitire tiquina tũho ñeheno puno quehnoañe buheyere buheahye tiquinare.

34 Quititi marieno yahuerahye tiquinare. Sa yero tiquina sehsaro ijiyequinare Jesu quehnoano yahu pehoahye tiquiro buheyequinare.

Jesu wihnonore yũsũ dutiahye
(Mt 8.23-27; Lc 8.22-25)

35 Sa ye ti decore ñamicahapũ Jesu tiquiro buheyequinare ohõ saha niahye:

—Isa, si pahrẽpũ pehãhna, niahye tiquinare.

36 Tiquiro sa nigũ tũhoye yucũsarpũ sajã, masare yehpapũ ducuyequinare tota cũ, tiquiro buheyequina dihita Jesure ne pehã wahahye. Sa ye apeye yucũsari mehna apequina tiquina bato pehãhye.

37 Tiquina sa pehãgũ wihnono tutuaro wẽahye. Sa wẽno yucũsare tutuaro pahcõri quẽ sajãhye. Mehenogã dũhsamahye tiquina miniboriro.

38 Sa wahari watoa Jesu yucũsa ohoturopũ suhti puti buipũ carĩno niahye. Sa ye tiquina tiquirore wahcõahye.

—¿Buhegũ, mũhũ cuerajari? Mari minina tana niajũ, niahye tiquina tiquirore.

39 Tiquina sa nigũta Jesu pehe wahcã, wihnonore,

—To punota wē duhuya, niahye.

Sa ninota pahcōri gāhure,

—Yusuhya, niahye.

Tiquiro sa nigāta wihnono yuhdua wahahye. Sa ye pahcōri gāhū yusu dijiaa wahahye.

⁴⁰ —¿Duhse yena cue maca cāna nijari mūsa? ¿Mūsa yuhure wacū tutuerajari? niahye Jesu.

⁴¹ Sa wahagū ihñañe acua yuhdua wahahye.

—¿Yohou, duhse ijiriquiro boro masuno ijiajari ahriquirō? Ahri wihnono, pahcōri gāhū tiquiro dutigū yuhducaerare tiquirore, niahye tiquina pehe.

5

Watīare cūoriquirore yuhduoahye Jesu

(Mt 8.28-34; Lc 8.26-39)

¹⁻² Sa ye tiquina si pahrēpū Gerasa cĵēna ya yehpapū pehā sahye. Sa yero Jesu pehe yucūsapū sañariquirō maja saducahye. Tiquiro sa maja saducari bato watīa cūoriquiro masa coperi utā coperi watoapū ijiriquiro wijia ta, tiquiro cahapū ahtahye.

³ Watīa cūoriquiro masa coperi watoa ijiriquiro ijiahye. Apequina pehe tiquirore come da pajiri da mehna ñehe duhte masiedahye.

⁴ Sa ye peye tahari masa tiquirore dahpocāri apōñe behtori mehna, come dari mehna duhtemahye. Tiquiro omocari gāhure duhtemahye. Sa yero tiquiro pehe come darire nuha, dahpocāri apōñe behtori gāhure nuha site mājahye. Sa ye tutuariquirō tiquiro ijiro mehna masa pehe tiquirore ñehe masiedahye.

⁵ Ñami ijigū, deco ijigū utā coperi watoapū cūnūpū sa sañuducue tiahye tiquiro. Sa yero utā mehna tiquiro basi tiquiro pagure quēe tiahye.

⁶ Sa yero yoaropū Jesure ihñadoqueo tiquiro cahapū oma maa cāhta, dūsepe curi mehna quehe sahye tiquirore ño peoro taro.

⁷⁻⁸ —Watīa duhuya tiquirore, niahye Jesu.

Tiquiro sa nigū tūhoro watīa cūoriquiro ohō saha niahye:

—¿Jesu, Cohācjū tutuariquirō macū, yabere yegū tūū nijari mūhū yuhure? Cohācjū tiquiro ihñonopū siniaja yuhū mūhure. Yuhure ñano yeracāhña, ni sañuducuahye watīa cūoriquiro Jesure.

⁹ —¿Duhse wame tiajari mūhū? niahye Jesu tiquirore.

—Ūsā peyequina ijiaja. Sa yena “Peyequina watīa” wame tiaja.

¹⁰ Ūsā ahri dihtapū ijinare ape siepū waha dutieracāhña, niahye watīa cūoriquiro.

¹¹ Ti pjere yesea peyequina tiquina cahapū cūnū dahpotopū ihyaye niahye.

¹² Topū tiquina ihyaducugū ihñañe, ohō saha ni siniahye watīa:

—Sisequina yesea cahapū waha dutiya ūsāre. Tiquina mehna iji dutiya ūsāre, ni siniahye watīa tiquirore.

¹³ Tiquina sa nigū tūhoro tiquinare waha dutiahye Jesu. Tiquiro sa waha dutigū watīa masuno mehna ijiriquina waha, yesea dos mil yesea cahapū esahye. Tiquina cahapū tiquina esari bato yesea pehe ijipihiteyequina ditara duhtū cahapū oma buha, ti ditarapū bora ñojoa, mini yaria pihtia wahahye.

¹⁴ Tiquina sa minigū ihñañe, yeseare cohteyequina pajiri macapū, daye macarigāpū gāhure tire yahuye waha, oma cāa wahahye. Tiquina sa yahugū tūhoye masa pehe peyequina tiquiro yerire ihñañe wahahye.

¹⁵ Sa ye Jesu cahapū wihiye, watīa cūoriquiro tiquiro suhti tiriquiro, tūho masiniquiro tiquiro dujigū ihñañe, ihña maria waha, cueahye.

¹⁶ Sa ye watīa cūomediquiro, yesea gāhure tiquina sa waharire ihñariquina apequinare yahu pehoahye.

¹⁷ Tiquina sa yahu pehogū tūhoye, Jesure tutuaro mehna ape siepū waha dutiahye.

¹⁸ Sa yero yucūsapū Jesu tiquiro sajāgū ihñano, “Mūhū mehna waha

duaja”, ni tutuaro sinimahye watĩare caomediquiro Jesure.

¹⁹ Tiquiro sa nigũ Jesu tiquirore yahuahye:

—Yũhũ mehna wahaeracãhña. Mũhũ ya wãhũpũ mũhũ caha ijiyequina cahapũ yũhũ mũhũ pũhto mũhũre yũhũ yerire yahugũ wahaya. Mũhũre yũhũ paja ihñarire yahugũ wahaya tiquinare, niahye tiquirore.

²⁰ Tiquiro sa nigũ watĩa caomediquiro yũhdũgũ ticoro pagũre quehnoari pehe Decapoli wame tiri macapũ Jesu tiquirore yũhdũorire yahu dũcahye. Tiquiro sa ni yahugũ tũhoye ijipihtiequina masa tũho maria wahahye.

Jairo maconore yũhdũoro, dii mũna wihoro dohatiducuricoro gũhũre yũhdũoahye Jesu

(Mt 9.18-26; Lc 8.40-56)

²¹ Sa ye pari turi Jesu tiquiro majare pehã sagũ masa peyequina tiquiro cahapũ ditara dũhtũ cahapũ cahmecoahye.

²² Sa yero usã judio masa buheri wũhũre ihña ihboriquiro Jairo wame tiriquire ahta, Jesure ihña, tiquiro dahpocãri cahapũ dũsepe curi mehna quehe saro, ohõ saha niahye:

²³ —Yũhũ macogã yariaro nidi. Sa yegũ ticorore mũhũ omoca mehna ña peogu, yũhdũogũ ahtaya. Mũhũ sa yegũ ticoro masanota, niahye tiquiro Jesure.

²⁴ Tiquiro sa nigũ Jesu gũhũ pehe tiquiro mehna wahahye. Mahapũ tiquiro wahagũ masa peyequina tiquirore nũnũ tã cã bihsaro esadũca sahye.

²⁵ Sa yero numino doce cũhmari waro decoripe dii mũna dohatiducuricoro topũ ijiahye. To pano peyequina duturuu ticorore ñano yũhdũgũ yeahye.

²⁶ Sa yero duturuare ijipihtie ticoro niñeru mehna wapa yemahye ticoro aco ye dutiro. Tiquina sa yepegũta ticoro mũnanota ijiducu cãhye. Sa yero ticoro tiquinare ihñari bato to pano ijiriro yũhdũoro ñano wahahye.

²⁷ Ticoro sa ñano yũhdũari bato Jesu yeyere tũhoye, apequina yahuahye ticorore. Sa yero ticoro Jesu bato masa peyequina watoa ahta, Jesu suhtirore ñehe tuhuahye.

²⁸ “Yũhũ tiquiro suhtiro dihitare ñehe tuhugo quehnoa wahagota”, ni tũhotuahye.

²⁹ Sa yero ticoro sa ñehe tuhuri bato ticoro dii mũna dohatiyere yũhdũgũ ticoro pagũre quehnoari pagũ tũhotuahye.

³⁰ Sa yero Jesu tiquiro tutuaye mehna dohatiyere tiquiro cohãrire masino, masa watoa majaredũca sa ihñahye.

—¿Noa yũhũ suhtirore ñehe tuhujari? niahye tiquiro.

³¹ Tiquiro sa nigũ tũhoye tiquiro buheyequina ohõ saha niahye:

—Bihsarĩne. Sa ye masa peyequina mũhũre pihare. “¿Noa yũhũre ñehe tuhujari?” nigũ, ¿dũhse nigũ sa nijari mũhũ? niahye tiquina pehe tiquirore.

³² Sa yero Jesu tiquirore ñehe tuhuricorore macahye.

³³ Tiquiro sa macano watoa ticoro pehe ticoro pagũ quehnoa wahagũ tũhoturo, cue nanare dũsepe curi mehna quehe sahye tiquiro caha tiquirore ño peoro.

³⁴ Sa yero ticoro potota yahu pehoahye tiquirore. Ticoro sa ni yahuri bato Jesu ticorore yahuahye:

—Maco, yũhũre mũhũ wacũ tutuaye mehna quehnoago tojoare yojopũre. Bucueye mehna wahaya. Dohatiye mariego ijiya, niahye Jesu ticorore.

³⁵ Tiquiro sa ni yahuducuri bato judio masare buheri wũhũre ihña ihboriquiro ya wũhũ cãhũ yahuye wihihahye.

—Mũhũ maco yaria wahari. Sa yegũ buheriquirore piji cãhteracãhña, niahye tiquina.

³⁶ Tiquina sa niepegũta sa tũhotu cãhno, Jesu ti wũhũre ihña ihboriquirore ohõ saha ni yahuahye:

—Bũjũa witieracãhña. Yũhũre wacũ tutuaya. Ti dihitare yeya, niahye ti wũhũre ihña ihboriquirore.

37 Sa ni tuhasa Santiago, tiquiro baharo Ñu, Pedro tiquina dihitare “Yuhū mehna ahtaya”, niahye Jesu.

38 Sa yero judio masa buheri wuhure ihña ihboriquiro ya wuhupū esahye. Ti wuhupū masa peyequina ñano bisi ñehe quea utigū, tiquina sañuducugū tahoahye Jesu.

39 —Ñano ni, ñehe quea utieracāhña mūsa. Ticorogā mūsa sa ni utigū yarierare. Carīno nine, niahye Jesu tiquinare.

40 Tiquiro sa nigū tuhoye “Sa ni maca cāhno nine ahriquirō”, ni bujahye tiquina pehe tiquirore.

Sa yero tiquiro tiquinare sopecahapū wio peho cāhye. Sa wio tuhasaro ticorogā pacusumūare, tiquiro mehna cjēna gūhure ticorogā cahapū neahye Jesu.

41 Sa yero Jesu ticoro omocare ñehe, “Talita cum”, niahye tiquiro. “Talita cum”, nino, “ ‘Mehenicorogā wahcāña’, niaja yuhū”, nino nine.

42 Tiquiro sa nigū ticorogā wahcādūca sa, tiniahye. Doce cūhmari cūoricoro ijiahye ticoro. Ticorore tiquiro sa yegū ihñañe tiquina ihña maria wahahye.

43 Sa yero Jesu tutuaro mehna tiquiro sa yerire yahu site dutierahye. Sa ye tuhasa ticorore ihyayere oho dutiahye.

6

Nazare cjēna Jesure cahmedahye (Mt 13.53-58; Lc 4.16-30)

1 Sa ye topū ijiriquiro Jesu waha, tiquiro buheyequina mehna tiquiro ya dihtapū tojoa sahye.

2 Sa yero Jesu saurū ijigū judio masa buheri wuhupū buhe dūcahye. Tiquiro sa buhegū masa peyequina tiquirore tuhoye, acūa wahahye.

—¿Ahriquirō nohopū tahoyari ahri buheyere? ¿Dūhse yero quehnoano masi pehoajari ahriquirō? Cohācjū tutuaye mehna ye ihñore ahriquirō masare.

3 Ahriquirō taboa dahrari masūno María macūno, Santiago, José, Juda, Simo tiquina wahminota ijimederō.

Sa ye tiquiro bahana numia mari ya macapū ijinimedi. Sa yero tiquiro gūhū mari yero saha ijiriquiro ijire, niahye tiquina Jesure tūhoriquina.

Sa ye Jesure ihña tuhtiye, tiquirore cahmedahye.

4 Tiquina sa cahmedagū ihñano ohō saha niahye Jesu:

—Cohācjū yere yahu māhtariquirōre apequina ño peore. Tiquina sa ño peoepegūta tiquiro ya maca cjēna, tiquiro acaye tiquiro ya wuhupū ijieyequinata ño peerare tiquirore. Sa yena yuhure ño peerare mūsa ohōre bucuarigū yuhū ijigū, niahye Jesu tiquinare.

5 Sa yero ti macapū ijiriquiro Jesu Cohācjū tutuaye mehna ye ihño masiedahye. Sa ye ihñoadaperota ihquēquina dohatieyequina bui tiquiro omocare duhu peo, yūhdūoahye tiquiro.

6 Sa yero to cjēna Jesure tiquina wacū tutueragū ihñano, “¿Dūhse ijiro boro yuhure cahmedajari?” ni tūhotuahye tiquiro. Sa yero Jesu ti maca cahapū ijieye macaripū buhero wahahye.

Jesu doce buheyequinare buhe dutiro ohoahye

(Mt 10.5-15; Lc 9.1-6)

7 Sa ye Jesu doce tiquiro buheyequinare pijio, pūeyequina dihita ohoahye tiquinare macaripūre buhe dutiro. Sa yero tiquiro tutuayere ohoahye tiquinare watīare tiquina cohātire.

8 Sa ohoro apee boro, ihyayere, ajurire, niñerure tiquiro ne cā dutierahye tiquinare. Tiquina tuaye cū dihitarē ne cā dutiahye tiquinare. Ihcānota suhtirore saña dutiahye tiquinare. Pūaro saña dutierahye.

9 Sa yero cūhta cūñe cahserire saña dutiahye tiquinare. Ihcā suhtirota saña dutiahye tiquinare. Pūaro saña dutierahye.

10 Sa yero ohō saha ni yahuahye tiquinare:

—Ijipihtiye macaripūre mū sare tiquina carīno ohogū ti wuhupūta

tojoariña. Coã wahanapũ wijiaya ti wuhure.

¹¹ Sa yena ape maca cjëna musare tiquina cahmedagũ tiquina tũho dueragũ ti macare yũhdũana dah-pocãri cjë dihta esa wahãrire wejë site cũña mũsa tiquinare tiquina ye buhirire masigũ yena, ni yahuahye Jesu tiquinare.

¹² Sa ye doce buheyequina masare tiquina ñaãe yerire bujũa witi dutiye, quehnoañe pehere ye dutiye, buheye wahahye.

¹³ Sa wahaye peyequina watĩare cohããe, dohatiyequinare uhsẽ mehna wisõne yũhdugũ yeahye.

Ñu wame yeriquirore apequina wejëahye

(Mt 14.1-12; Lc 9.7-9)

¹⁴ Sa ye Jesure masa peyequina masiahye. Sa yero tiquiro yerire pũhoro Herode tũhooahye. Sa tũhoro ohõ saha ni tũhotumahye tiquiro: “Ñu wame yeriquiro yari-ariquirõ pari turi bajuaro niaga. Sa bajuariquirõ ijiro tiquiro tutuaye mehna tire yero niaga”, ni tũhotumahye Herode. “Jesu Ñuta ijire”, ni tũhotumahye.

¹⁵ Apequina pehe ohõ saha ni tũhotumahye: “Elia ijire”, ni tũhotumahye. Apequina pehe “Cohãcjũ yere yahu mũhtariquirõ panopũ cjëna yero saha ijire tiquiro”, ni tũhotumahye tiquina Jesure.

¹⁶ Tiquina sa ni tũhotuepegũta Herode pehe Jesu tiquiro yerire tũhoro ohõ saha ni tũhotumahye. “Ñu yũhũ dapu dũte sure dutiriquiro bajuaro niaga”, ni tũhotumahye.

¹⁷⁻¹⁸ Ñure tiquina wejëato pano Herode tiquirore ñehe duti, peresu ye dutiahye. Herode tiquiro bahũro Felipe namonore Herodia wame tiricorore ehma, namo tiahye.

—Mũhũ bahũ namonore namo tigu Cohãcjũ dutiyere yũhdũdũcagũ nine mũhũ, ni yahuahye Ñu Herodere.

Tiquiro sa nidi buhiri Herode namono Herodia Ñure peresu tiquina yegũ cahmeahye.

¹⁹ Sa yero ticoro pehe Ñure ihña tuhtiro, tiquirore wejë duti duamahye. Sa ye dueperota ticoro tiquirore wejë duti masiedahye.

²⁰ Herode Ñure cuero “Ñu quehnoañene yeriquiro, quehnoariquirõ ijire”, ni tũhotuahye. Sa yero Herodere cariboro yeahye Ñu pehe tiquirore yahuro. Sa cariboepegũta tiquiro bucueye mehna tũhomahye Ñure.

²¹ Tiquiro sa bucueye mehna tũhoepegũta Herodia tiquirore ticoro wejë dutiati deco mũmũ sahye. Ti pje Herode masa bajuari deco ijigũ tiquiro bõse deco dahreahye. Sa ye tiquiro yequina gobierno cjëna, surara pũhõta, Galilea cjëna pũhõta gũhũ tiquiro ya bõse decore ihñaãe wihiahye.

²² Sa yero Herodia macono bõse decore ihñano wihiro tiquina ihñonopũ basa ihñoahye. Ticoro sa basa ihñogũ ihñaãe, Herode tiquiro pijioriquina gũhũ bucueahye. Tiquina sa bucuegũ ihñano ohõ saha niahye Herode:

—Mũhũ cahmeñene siniña yũhũre. Sa yegũ ohogũtja mũhũre mũhũ cahmeñene.

²³ Cohãcjũ mehna poto niaja mũhũre. Mũhũ sinino puno yeere deco mehna ohogũtja mũhũre, niahye tiquiro ticorore.

²⁴ Tiquiro sa nigũ ticoro Herodia macono pehe ticoro pacoro cahapũ waha, sinituahye:

—¿Yabere sinigotari yũhũ? ni sinituahye ticoro pacorore.

—Ñu wame yeriquiro dapure siniña, niahye ticoro pacoro pehe.

²⁵ Ticoro sa nigũta Herodia macono mũmũñano pũhõro Herode cahapũ waha, sinituahye:

—Mianogũta Ñu wame yeriquiro dapure waparo mehna ohoya yũhũre, niahye ticoro.

²⁶ Ticoro sa nigũ tũhoro pũhõro Herode pehe tutuaro bujũa witiyahye. Masa tiquina ihñonopũ “Ohogũtja mũhũre”, niahye tiquiro. Sa yero bũe

tiro, tiquiro “Mũhũre ohoeraja”, ni masiedahye ticorore.

²⁷ Sa yero duita surarare peresupũ ijiyequinare cohteriquirore Ñũ dapure dũte sure ne cãhta dutiahye.

²⁸ Tiquiro sa dutigũ tũhoro surara pehe waha, tiquiro dapure dũte sure, waparõ mehna ne cãhtahye. Ne cãhta nuhminore Herodia maconore ohoahye. Sa yero ticoro tiquiro dapure ñehe, ticoro pacorore oho yũhdũoahye.

²⁹ Sa ye Ñũ buheyequina ijiriquina pehe tire tũhoye, topũ esa, tiquiro pagũre masa copere ne cã, cũahye.

Jesu cinco mil masare ihyaye ohoahye

(Mt 14.13-21; Lc 9.10-17; Jn 6.1-14)

³⁰ Sa ye Jesu ohoriquina tiquiro cahapũ tojoa saye, tiquina yerire, tiquina buherire yahuahye tiquirore.

³¹ Ti pjere masa peyequina sa majareducuye, tiquinare ne ihyaro ohoerahye. Sa yero ohõ saha niahye Jesu tiquinare.

—Masa marienopũ mari sehsaro sona wahaũhna, niahye tiquinare.

³² Sa ye tiquina sehsaro yucũsa mehna masa marienopũ wahahye.

³³ Tiquina sa wahagũ ihũñañe masa peyequina tiquinare masiahye. Sa masiñe peye macari cjẽna mahapũ waha, Jesu tiquiro esatopũ tiquina masa pehe oma cã esa mũhtahye.

³⁴ Tiquina sa esagũ Jesu tuha sa paha, yucũsapũ sañariquiro maja dũcaro, tiquiro masa peyequina ijigũ ihũnahye. Oveja cohteriquiro marieñequina yero saha ijiahye masa, tiquiro ihũnagũ. Sa yero Jesu tiquinare paja ihũnano, peye quehnoañe buheyere buheahye.

³⁵ Ñamicahapũ doce buheyequina Jesu cahapũ esa, ohõ saha niahye:

—Ohõ masa marienopũ ijire. Ñamicaha waharo nine.

³⁶ Ohõ cahagã ijiye wũhũseripũ, macaripũ gũhũre tiquina ihyatire dú dutiya masare tiquina pohe tiatire, niahye tiquina Jesure.

³⁷ —Ihyayere ohoya tiquinare, nimahye Jesu tiquiro buheyequinare.

Tiquiro sa nigũ ohõ saha ni yũhtiahye:

—¿Dos cientos niñeru cjoeri mehna tiquina ihyati pãre dũnatari usã? niyahye tiquina Jesure.

³⁸ —¿Nohope paca pã ijiajari? Ihũana wahaya, niahye tiquiro.

Tiquiro sa nigũ tiquina pehe ihyayere bocaye, ohõ saha niahye:

—Ihcã omope paca pã paca, pũaro wahi ijire, niahye tiquina pehe.

³⁹ Tiquina sa nigũ tũhoro Jesu pehe pe cururi taa bui duji dutiahye masare.

⁴⁰ Tiquiro sa duji dutiri bato tiquina pe cururi dujiahye. Ihquẽ cururire cincuenta masa ijiahye. Apeye cururi pehere cien masa ijiahye.

⁴¹ Tiquina sa duji tuhasagũ ihũnano Jesu pehe ihcã omope paca pã pacare, pũaro wahi mehna ne, mũmũsepe ihũna mũoahye. Sa ihũna mũono Cohãcjũre “Quehnoare”, nino niahye. Tiquiro sa nidi bato pã pacare nuha, tiquiro buheyequinare masare iti duti ohoahye. Sa yero pũaro wahire iti dutiahye ijipihtiequinare.

⁴² Sa ye ijipihtiequina ihya, yapi yũhdũa wahahye.

⁴³ Tiquina ihya dũharire doce pũhũse waro pãre, wahi gũhũre ne cahmecoa wahpo dapoahye tiquina.

⁴⁴ Sa ye pãre ihyariquina mũmũa dihitare tiquina queogũ cinco mil mũmũa ijiahye.

Jesu aco bui tiniyahye

(Mt 14.22-27; Jn 6.16-21)

⁴⁵ Ti pjeta Jesu tiquiro buheyequinare yucũsapũ sajã duti, ape sie pahrẽpũ Betsaidapũ tiquiro pano pehãyu dutiahye. Sa yero tiquina pehãri watoa Jesu pehe masare cohe tiahye.

⁴⁶ Cohe ti tuhasa cũnũpũ Cohãcjũre sinino wahahye.

47 Came ñamirp̄ yuc̄sa mehna ditarap̄ tiquina peh̄aducuḡ Jesu ihc̄ãquirola tiquina peh̄a tarirop̄ ijiahye.

48 Sa yero tiquina ñano ȳhd̄u wajaḡ, tiquina pano wihnono w̄ḡ ihñadoqueoahye tiquiro. Sa yero bohrea m̄ja tato pano tiquina cahap̄ esaro, aco bui tini c̄a wahahye. Tiquinare tiquiro ȳhd̄u c̄a duamahye.

49 Tiquiro ȳhd̄u c̄a duepeḡta tiquirore aco bui ahtaḡ ihñañe, cue niahye. “Yariariquiro ijiboaga”, ni ihñamahye tiquina. Sa ni t̄hotuye tiquina sañuducuahye.

50 Ijipihtiyequina tiquirore ihñañe, ihña maria wahahye. Tiquina sa ihña mariaḡ ihñano Jesu tiquinare yahuahye:

—Wac̄u tutuaya m̄sa. Ne, ȳh̄re cuerac̄h̄ña. Ȳh̄ta ijiaja, niahye tiquinare.

51 Sa ni tuhasa tiquiro tiquina mehna yuc̄sap̄ saj̄ahye. Tiquiro saj̄ari batoḡta wihnono ȳhd̄u wahahye. Sa wahaḡ tiquina pehe ac̄a ȳhd̄u wahahye.

52 Tiquiro p̄re peye yerire wac̄edahye tiquina. Tire quehnoano masiedahye.

Jesu Genesare cj̄nare, dohatiye-quinare ȳhd̄u oahye
(Mt 14.34-36)

53 Sa ye tiquina peh̄a sa, Genesare dihtap̄ peh̄a sa, tiare d̄hte poho, d̄ht̄u cahap̄ pahsahye.

54 Sa ye yuc̄sap̄ ijiriquina tiquina majaḡta masa pehe Jesure ihña masiahye.

55 Sa ihña masiñe ijipihitiro tiquina ya yehpap̄ oma maja, dohatiye-quinare tiquina cuñañe cahseri mehna yo c̄ah̄tahye. “Jesu top̄ ijiri”, masa niḡ t̄hoye top̄are esahye tiquina.

56 Sa ye ijipihtiyē macari tiquiro esaye macarip̄, b̄j̄yē macarip̄, daye macariḡap̄, meheñe w̄h̄seḡ ijiyē cahap̄ ḡh̄re masa dohatiye-quinare Jesu cahap̄ nea c̄ahye.

Sa top̄ maharip̄ tiquina c̄n̄op̄ Jesure tiquiro suhtiro d̄ht̄u cahare ñehe tuhu duaye, tutuaro siniahye tiquina:

—M̄h̄ suhtiro d̄ht̄u caha dihitare us̄are ñehe tuhu dutiya, ni siniahye.

Sa ye tiquiro suhtirore ñehe tuhuriquinape quehnoa wahahye tiquina.

7

Masa ñañequina wahaḡ yeyere yahuahye Jesu
(Mt 15.1-20)

1 Sa ye Jerusal̄p̄ ahtariquina us̄a acaye judio masare buheyequina, fariseo masa ḡh̄ Jesu cahap̄ cahmecoahye.

2-4 Fariseo masa ijipihtiyequina apequina judio masa mehna panop̄ cj̄na tiquina dutiriro saha tiquina omocarine omo coserape ihyera tiahye. Sa ye doeri cj̄ duayequina cahap̄ esayequina tiquina ye w̄h̄sep̄ wihiyē tiquina dutiriro saha tiquina omocarine omo coserape ihyera tiahye. Sa ye peye apeye dutiyere panop̄ cj̄na judio masa tiquina dutiyere yee tiahye. Sihniñe parire coseye, dihi suturire coseye, come suturire coseye, yee tiahye tiquina judio masa, “Coh̄cj̄ sa cahmene”, niñe. Sa ye Jesu cahap̄ cahmecoañe Jesu buheyequina judio masa tiquina dutiriro saha tiquina omo coseraḡ ihñahye fariseo masa.

5 Sa ihña tuhasaye Jesure sinituahye:

—M̄h̄ buheyequina ihyaye mari ñec̄sum̄a m̄na tiquina dutiriro sahata tiquina omocarine omo coserare. ¿D̄h̄se yeye mari dutiyere yerajari? niahye tiquina Jesure.

6 Tiquina sa niḡ t̄horo Jesu yahuahye tiquinare.

—Masa tiquina ihñono dihita quehnoano iji mehona ijire m̄sa. Coh̄cj̄ yere yahu m̄htariquiro m̄n̄ano Isaia m̄sare panop̄are potota yahue tiahye. Oh̄ saha niahye:

Ahriquina masa yuhure quehnoano yahuducuepeta yuhure ne ño peoerare.

7 Sa ye yuhure tiquina ñu buheye dahseati ijierare. “Cohãcjũ ye dutiye ijire ahri”, ni meho buhere tiquina buheye, ni ojoahye Isaia.

8 Ti ijirota ijire. Panopũ cjẽna ye dutiye pehere yena tana Cohãcjũ ye dutiyere yerare m̄sa.

9 Cohãcjũ ye dutiyere cohãna, m̄sa acaye ye dutiye pehere yere m̄sa.

10 Ohõ saha yena Cohãcjũ ye pehere yuhduducana nine m̄sa. Panopũre ohõ saha niahye Cohãcjũ tiquiroye Moiserẽ cũno: “M̄sa pacusum̄are ño peoya. Ihcãquiroye tiquiroye pacusum̄are ñano quti dahreriquiroye ijiro ti buhiri tiquina wejẽatiquiroye ijirota”, niahye Cohãcjũ Moiserẽ tiquiroye cũri dutiye.

11 Tiquiroye sa niepegãta ohõ saha ye dutire m̄sa tiquina pacusum̄are yedoho dutierana: Tiquina pacusum̄are tiquina ohoborire Cohãcjũ pehere oho dutire m̄sa. Sa ni buhemene m̄sa.

12 Sa buhena tiquina pacusum̄are ño peogũ yerare m̄sa tiquinare.

13 Sa yena Cohãcjũ dutiyere yuhduducana nine m̄sa mari acaye panopũ cjẽna ye dutiye pehere yena. Apequinare m̄sa ye buheye dihitare tũho dutire m̄sa. Peyẽ sa ijiyere yere m̄sa, niahye Jesu tiquinare.

14 Sa ni tuhasaro apequinare pijioahye. Ohõ saha niahye:

—M̄sa ijipihtina tũhoya yuhure. Yuhũ niñene quehnoano masiña m̄sa.

15 M̄sa duserire sajãñe pehe m̄sa ihyaye pehe m̄sare ñana ijigũ yerare. M̄sa ñañe yahuducuye pehe m̄sa duseri wijiaye pehe m̄sare ñana ijigũ yere. [

16 Yuhure quehnoano tũhoya,] niahye Jesu.

17 Sa ni tuhasa Jesu masa cahapũ ijiriquiroye waha, wuhũpũ sajãa wahahye. Sa sajã sagũ ihñañe tiquiroye buheyequina pehe tiquiroye buherire

sinituahye. Tiquina sa sinitugũ tũhoro ohõ saha niahye tiquiroye:

18 —¿Ne tũho ñehedajari m̄sa? M̄sa duserire sajãñe pehe m̄sa ihyaye pehe m̄sare ñana ijigũ yerare.

19 Ti m̄sa tũhotuyepũre sajãedare. M̄sa paapũ sajã yuhdũa wahare, niahye Jesu.

Sa nino “Ijipihtiyẽ ihyaye quehnoañe ijire”, nino niahye.

20 Ohõ saha ni nemoahye:

—M̄sa ñañe yahuducuye pehe m̄sa duseri wijiaye pehe m̄sare ñana ijigũ yere.

21-22 Ñano tũhotuyẽ, wũana tiyẽ, numia mehna ñano yeducuye, um̄a mehna ñano yeducuye, masare wejẽñe, yaqueyẽ, apequiroye yere tutuaro cahme yuhdũyẽ, ñano yeyẽ, ni mehoñe, peyẽ ñañene yeducuye, apequiroye yere coo ihñã tuhtiyẽ, ñano quti dahreyẽ, “Apequinare yuhduducaja”, ni tũhotuyẽ, tũho masieñequina ijiyẽ, ti ijipihtiyẽ m̄sare m̄sa tũhotuyepũ ahtare.

23 Ijipihtiyẽ ahri ñañe m̄sa tũhotuyepũ ahta, m̄sare ñana ijigũ yere, niahye Jesu.

Judio masono ijericoro Jesure wacũ tutuahye
(Mt 15.21-28)

24 Sa yero Tiro wame tiri maca cahapũ esaro, to cjã wuhũpũ sajãa wahahye. Sa yero apequinare tiquiroye ijiri wuhure yahu dutierahye. Sa yahu dutieraperota tiquinare tiquiroye duhti masiedahye.

25 Ti pjereta numino ticoro macono watĩno cũoricoro tiquiroye cahapũ ijiahye. Sa ye Jesu yerire ihñañe apequina ticoro pacorore yahuahye. Tiquina sa yahuri bato ticoro pacoro pehe waha, Jesu dahpocãri cahapũ dusepe curi mehna quehe sahyẽ tiquiroye ño peoro.

26 Ticoro Siria yehpãpũ ijiri yehpa Fenicia wame tiri yehpa cjõno ijiahye.

—Watĩnore cohãrĩña yuhũ macore, ni siniahye ticoro Jesure.

²⁷ Ticoro sa sinigũ tũhoro ohõ saha niahye Jesu:

—Wahmanore wũhũ upũro pohne ye ihyayere diayeare yũhũ oho mũhtagũ to wahaerare. (Israe masa yere ape yehpa cjẽnare yũhũ oho mũhtagũ to wahaerare,) niahye Jesu ticorore queoye mehna yahuro.

²⁸ —Sa tjire pũhto. Sa ijiepegũta diayea gũhũ mesa doca tiquina pohne ihya site dijioyere ihya cohtere tiquina gũhũ. (Ape yehpa cjõ yũhũ ijiepegũta yũhũ gũhũre yedoho masine mũhũ,) ni yũhtiahye ticoro.

²⁹ —Mũhũ sa ni yũhtigũ mũhũ macore watĩno duhu tuhasari. Ihũago wahaya, niahye Jesu ticorore.

³⁰ Tiquiro sa nigũ tũhoro waha, ticoro wũhũpũ esaro, ticoro macore watĩno marienicoropũre cuñanopũ ijiricorore ihũahye.

Cahmono tũhoeriquirore, yahuducu masieniquirore yũhdũoahye Jesu

³¹ Ti pjere Jesu Tiro wame tiri maca cahapũ ijiriquiro waha, Sidõ wame tiri macare esa yũhdũ cã, Decapoli wame tiri macare esa yũhdũ cã, Galilea wame tiri ditarapũ esahye.

³² Sa ye cahmono tũhoeriquirore, yahuducu masieniquirore Jesu cahapũ ne cãhtahye apequina.

—Mũhũ omoca mehna ña peoya tiquirore, ni siniahye tiquina tiquirore.

³³ Tiquina sa nigũta Jesu pehe tũhoeriquirore ne cã, masa marienopũ siho esahye. Tiquina sehsharo ijiahye. Sa yero Jesu tiquiro omo piri mehna tũhoeriquirore cahmo coperire ohbe sõahye. Sa ye tuhasa, sihco puti, tiquiro ñehmenore ña peoahye.

³⁴ Sa ye tuhasa uhmũsepũ ihũna mũo, jeri ne, ohõ saha niahye:

—Efata, niahye Jesu. “Efata”, nino “Põohũa”, nino nine. Sa nino tiquirore tũho dutiro niahye. Sa yero yahuducu dutiro niahye.

³⁵ Tiquiro sa nigũta tiquiro pehe tũho boca, tiquiro ñehmeno cahbiro wahagũ tũhoturo quehnoano yahuducuahye.

³⁶ Sa yero Jesu tiquinare tire apequinare yahu site dutierahye. Tiquiro sa yahu site dutieraripe taharita tja tiquina apequinare yahu site nemoahye.

³⁷ Sa ye masa tũho maria wahaye, ohõ saha niahye:

—Ijipihtiyere tiquiro quehnoano yere. Tũhoeyequinare quehnoano tũhogũ yere. Yahuducu masieñequina gũhũre quehnoano yahuducugũ yere Jesu, niahye masa.

8

Cuatro mil masare ihyayere ohoahye Jesu (Mt 15.32-39)

¹ Ti pjere pari turi masa peyequina cahmecoari bato ihyaye marieñequina tiquina ijigũ ihũano Jesu tiquiro buheyequinare pijioahye:

² —Ahriquina masa ihtia deco waro yũhũ mehna iji tuhasari. Sa ye tiquinare pohe mariedare. Tiquina pohe mariedagũ ihũagũ tiquinare paja ihũaja yũhũ.

³ Apequina tiquina mehna cjẽna yoaropũ ahtari. “Tiquinapũ ujuũ ahbayequina mahapũ borari”, nigũ tiquinare ihyaye marieno tiquina ye wũhũsepũ waha duti dueraja. Sa yegũ tiquinare pohe oho duaja, niahye Jesu tiquiro buheyequinare.

⁴ —¿Dũhse ye mari ohõre masa marienopũre pãre boca ohoboagari mari? niahye Jesu buheyequina tiquirore.

⁵ —¿Nohope paca pã pacare cũoajari mũsa? ni sinituahye Jesu.

—Siete pã paca ijire, niahye tiquina.

⁶ Sa yero tiquiro masare yehpapũ duji duti, siete pã pacare ne, Cohãcjũre “Quehnoare”, niahye. Sa ni tuhasa, ti pacare nuha, tiquiro buheyequinare oho, masare iti dutiahye. Tiquiro sa dutiri bato tiquiro buheyequina pehe pãre masare itiahye.

7 Sa ye wahi gũhure meheñequinagã c̣oahye tiquina. Sa yero tiquinare Cohãcjũre “Quehnoare”, ni, wahi gũhure iti dutiahye.

8 Tiquina iti tuhasagũ tiquina ihyaye, yapi yũhdua wahahye. Tiquina ihya dũharire siete pũhuse waro ne cahmecoa wahpo dapoahye tiquina. Tiquina cuatro mil masa ijiahye.

9-10 Sa ye tuhasa Jesu masare cohe tiahye. Cohe ti tuhasa tiquiro buheyequina mehna yuc̣sapũ sajãhye. Sajã tuhasa Dalmanuta wame tiri maca cahapũ wahahye.

Fariseo masa Jesure Cohãcjũ tutuaye mehna ye ihño dutiahye

(Mt 16.1-4; Lc 12.54-56)

11 Sa ye fariseo masa wihi, Jesu mehna cahme dũse tutuahye. Tiquina Jesure Cohãcjũ tutuaye mehna ye ihño dutiye, tiquiro ye ihño masiedagũ ihña duamahye.

12 Tiquina sa dutigũ tũhoro Jesu tutuaro bũjũa witi pihopũri, jeri sajãedarõ, ohõ saha niahye:

—¿Mũsa yojopũ cjãna dũhse yena mũsa Cohãcjũ tutuaye mehna ye ihñoñene ihña duajari? Potota niita niaja mũsare. Yojopũ cjãnare mũsare Cohãcjũ tutuaye mehna ne ye ihñosi yũhũ, niahye Jesu.

13 Sa ni tuhasa waha, pari turi yuc̣sapũ sajã, ape sie pahrẽpũ pehãa wahahye.

Fariseo masa, Herode mehna cjẽna gũhure tiquina ñañe buheyere yahuahye Jesu

(Mt 16.5-12)

14 Sa wahaye, pãre bo cũ, yuc̣sapũ ihcãriata pãre c̣oahye tiquina.

15 Sa yero Jesu cua pesaro mehna yahuahye tiquinare.

—Quehnoano yeya. Fariseo masa, Herode mehna cjẽna gũhũ tiquina ye pãre pugũ yeyere ihñana quehnoano yeya. Cuarĩne ti, ni yahuahye.

16 Tiquiro sa nigũ tũhoye tiquiro buheyequina pehe tire tiquina basi yahuducuahye.

—Mari pãre mari ne cãhtaeragũ ihñano sa niaga ahriquiõ, nimahye tiquina.

17 Tiquina sa nidire masino tiquinare sinituahye Jesu:

—¿Dũhse yena mũsa pã borire wacũajari mũsa? ¿Mũsa masiedajari? ¿Tũhoerajari? ¿Tũho duerajari mũsa?

18 ¿Caperi tina ijiepenata ihñedajari mũsa? ¿Sa yena cahmono tina ijiepenata tũhoerajari mũsa? ¿Mũsa ahrire wacũedajari?

19 ¿Yũhũ ihcã omope paca pã pacare nuha, cinco mil masare yũhũ ohõhõre wacũedajari mũsa? ¿Tiquina ihya dũharire nohope pũhũsere pã pacare mũsa ne cahmecoa wahpo dapori pũhũsere neari mũsa? niahye Jesu tiquinare.

—Doce pũhũse nei, niahye tiquina tiquirore.

20 —¿Sa ye yũhũ siete pã pacare cuatro mil masare yũhũ ohõri bato nohope pũhũsere pã pacare mũsa wahpo dapori pũhũsere neari mũsa? niahye Jesu.

—Siete pũhũse nei, niahye tiquina tiquirore.

21 —¿Sa ihñaepenata quehnoano masiedajari mũsa? niahye Jesu tiquinare.

Jesu caperi bajueriquirore ihñagũ yeahye

22 Sa ye Betsaidapũ tiquina esagũ ihñañe, masa pehe caperi bajueriquirore ne cãhtahye.

—Tiquirore ña peoya, ni tutuaro siniahye tiquina Jesure.

23 Sa yero Jesu caperi bajueriquiro omocare ñehe, ti maca dũhtũ cahapũ tiquirore tũã cãhye. Topũ ne sa, tiquiro caperire sihco puti, tiquiro omocari mehna tiquirore ña peoahye.

—¿Mũhũ ihñagũ bajuajari? ni sinituahye Jesu.

24 Tiquiro sa nigũ tiquiro pehe ihñano ohõ saha niahye:

—Ūmũare ihñaja. Yũhũ sa ihñaepẽgũta tiquina yuc̣ari tiniñe

cj̄u yero saha bajure, niahye caperi bajueriquiro.

²⁵ Tiquiro sa nigũ t̄horo Jesu pehe tiquiro omocari mehna tiquiro caperire ña peoahye tja. Tiquiro sa ña peori bato caperi bajueriquiro tutuaro tiquiro ihñagũ caperi quehnoano bajuahye. Sa yero ijipihtiyere quehnoano ihñahye tiquiro.

²⁶ Sa yero Jesu tiquirore tiquiro ya w̄h̄ūp̄ū ohoahye.

—Macap̄ū p̄iritare wahaeracãhña, niahye Jesu tiquirore.

Jesu potota Cristo tiquiro ijiyere Cohãcjũ ohoriquiro tiquiro ijiyere yahuahye Pedro

(Mt 16.13-20; Lc 9.18-21)

²⁷ Sa ye Jesu tiquiro buheyequina mehna Cesarea Filipino wame tiri maca cahap̄ū ijiye macarip̄ū waha nemoahye. Top̄ū waharo Jesu sinituahye tiquiro buheyequinare:

—¿Noa boro ijiagari ȳh̄ū, masa ȳh̄ūre tiquina t̄hotugũ? ni sinituahye tiquiro.

²⁸ Tiquiro sa sinitugũ t̄hoye ȳhtiahye tiquina:

—“Ñu wame yeriquiro ijire”, nine. Apequina “Elia ijire”, nine. Apequina “Cohãcjũ yere yahu mahtariquina mehna cj̄ano ijiboaga”, nine, ni ȳhtiahye tiquiro buheyequina tiquirore.

²⁹ Tiquiro sa nidi bato Jesu sinitu nemoahye:

—¿M̄sa pehe t̄hotugũ noa boro ijiagari ȳh̄ū? ni sinituahye tja.

—M̄h̄ū Cristo Cohãcjũ ohoriḡū ijire, ni ȳhtiahye Pedro.

³⁰ Tiquiro sa nigũ t̄horo Jesu ohõ saha niahye:

—Ȳh̄ūre “Cristo ijire tiquiro”, ni yahu site niedacãhña apequinap̄ūre, niahye tiquinare.

Jesu tiquiro yaria masa wijiatire yahuahye

(Mt 16.21-28; Lc 9.22-27)

³¹ Sa ye tiquiro buhe d̄cahye tiquinare.

—Ȳh̄ū mas̄ū Cohãcjũ ohoriḡū iji-aja. Sa yeḡū tutuaro ñano ȳhd̄ūḡata.

Sata waharo cahmene ȳh̄ūre. Judio masa buc̄na, pahia p̄ah̄toa, mari judio masare buheyequina ȳh̄ūre cahmedaye, ȳh̄ūre wej̄eta. Tiquina sa wej̄gũ ihtia deco wahaboro masa wijiaḡtja, niahye Jesu tiquinare.

³² Sa nino ne t̄ho wisiagũ yero marieno yahuro niahye tiquinare. Tiquiro sa nigũ t̄horo Pedro pehe yoa cj̄unogã Jesure ne sad̄ca, tiquirore sa ni dutierahye.

³³ Tiquiro sa ni dutieragũ t̄horo Jesu tiquiro buheyequinare majare ihña, tuhtiahye Pedrore.

—Satana yero saha yahuducuḡū nine m̄h̄ū. Sa niedacãhña. M̄h̄ū t̄hotuye masa ye ijire. Cohãcjũ ye ijierare, niahye tiquiro Pedrore.

³⁴ Sa ni tuhasa masare tiquiro buheyequina mehna tiquiro cahap̄ū pijio ohõ saha niahye:

—Ihcãquiro yaquiro iji duaro, tiquiro esa tuharo ye duamedire duhu cãnota. Sa yero yaquiro tiquiro ijiri buhiri ñano ȳhd̄ūeperota ȳh̄ūre duhusi. Sa yero yeere yeducuriquiro ijirota.

³⁵ Mas̄ūno tiquiro esa tuharo tiquiro cahmeno sahata yeriquiro pecap̄ū waharota. Sa yero mas̄ūno, yeere sa yeducuro, quehnoañe buheyere sa yeducuro, ijipihtiyere decori ȳh̄ū mehna ãhm̄sep̄ū ijiducurota.

³⁶ ¿Ihcãquiro mas̄ūno ahri yehpa cj̄ene ijipihtiyere c̄oriquiro pecap̄ū waharo yabere wapatajari tiquiro? Sa ijiriquiro ne wapataerare.

³⁷ Pecap̄ū tiquiro jeripohna wahagũ ne d̄h̄se wapa ye wioro basioeraga. Mas̄ūno jeripohna ihyo waro ijierare.

³⁸ Yojōp̄ūre, ñañequina Cohãcjũre cahmeeñequina tiquina esa tuharo yeri deco ijiro nine. Ihquẽquina ȳh̄ūre, ȳh̄ū buheye ḡh̄ūre b̄ūe tisãboaga. Tiquina sa yegũ ihñaḡū ȳh̄ū mas̄ū Cohãcjũ ohoriḡū quehnoañequina angele mehna ȳh̄ū Pac̄ū asi sitero mehna tojoa taḡū ȳh̄ūre b̄ūe tisãñequinare b̄ūe tisãḡtja ȳh̄ū ḡh̄ū, ni yahuahye Jesu.

9

1 Sa ni tuhasa ohō saha ni nemoahye Jesu:

—Potota niita niaja m̄sare. Ihquēquina m̄sa ohōp̄re ijina m̄sa yariato pano Cohācjū tiquiro p̄htoro ijirop̄re yuh̄u sajāgū yuh̄ure ihñanata, niahye Jesu tiquinare.

Jesu tiquiro paḡure comesahye
(Mt 17.1-13; Lc 9.28-36)

2 Sa ye seis decori bato Jesu Pedrore, Santiagore, tiquiro baharo Ñu gūh̄ure uhm̄uanu c̄n̄p̄u tiquina dihitare piji m̄jahye. Uhm̄uanop̄u esari bato tiquina ihñonop̄u tiquiro paḡure comesaa wahahye.

3 Tiquiro suhtiro asi sitero yero saha yehsero wahahye. Ahri yehpa c̄jēna numia suhti coseyequina numia sa yehseye ye masiedare.

4 Sa ye Jesu Elia m̄n̄ano, Moise m̄n̄ano mehna tiquina yahuducugū ihñahye tiquina ihtiaro tiquiro buheyequina.

5-6 Sa ye tiquina tutuaro cueahye. Sa cuero d̄hse ni masiedamehno ohō saha nimahye Pedro:

—P̄htō, mari ohō ijigū quehnoa duare. Ihtia wuh̄ugā yematja. M̄h̄u ya wuh̄ugā, Moise ya wuh̄ugā, Elia ya wuh̄ugā yematja, nimahye tiquiro Jesure.

7 Sa yero tiquina bui ehmeo curua cahmotahye. Sa cahmotagūta ehmeo watoap̄u nino ca tahye:

—Ahriquiro yuh̄u mac̄u yuh̄u cahñiquiro ijire. Tuh̄oya tiquirore, nino ca tahye.

8 Sa nigūta Pedro gūh̄u ihñamahye. Jesu dihitare ihñahye. Tiquina ihñariquina pehe mariedahye.

9 Sa yero c̄n̄p̄u tiquina dijia tagū Jesu tiquinare yahuahye:

—Mianogā yuh̄ure sa waharire apequinare yahueracāhña. Yuh̄u mas̄u Cohācjū ohoriḡu yuh̄u yaria masa wijiari bato tire apequinare yahuya m̄sa, ni yahuahye tiquiro.

10 Sa ye tiquiro dutiriro sahata tiquina ihñarire yahuerahye apequinare. Sa ye tiquina basi ohō saha ni sinitu yahuducuahye:

—¿Yuh̄u yaria masa wijiari bato”, nino d̄hse nino niari tiquiro? ni, yahuducuahye tiquina.

Sa ye Jesure ohō saha ni sinituahye:

11 —“Cristo tiquiro ahtato pano Eliare ahta m̄htano cahmene”, nine mari acaye judio masare buheyequina. ¿D̄hse ijiro boro sa niagari tiquina? ni sinituahye tiquina tiquirore.

12-13 Jesu yuh̄tiahye:

—Ijirota ijire. Eliare ahta m̄hta dutiri Cohācjū, ijipihtiyere quehno m̄htatiquirore. Yuh̄u mas̄u Cohācjū ohoriḡu peye tahari ñano yuh̄dugūta. Apequina yuh̄ure cahmedaye, ñano yeeta. ¿D̄hse ijiro boro tire sa ni ojoari, m̄sa tahotugū? Sa yeḡu ahrire niitja m̄sare: Elia wihi tuhasari. Tiquiro sa wihiepegūta tiquina cahmediro saha tiquirore ñano yeahye. Sata ni ojoahye tiquirore, niahye Jesu tiquinare.

Jesu coā wahm̄a c̄htariquirore yuh̄d̄oahye

(Mt 17.14-21; Lc 9.37-43)

14 Sa ye dijia ta, apequina buheyequina cahap̄u esa, peyequina masare ihñahye. Tiquiro buheyequina pehe judio masare buheyequina mehna cahme d̄se tutuaye niahye.

15 Sa ye Jesu gūh̄u tiquina dijia tagū ihñañe, ijipihtiyequina masa ac̄a waha, tiquiro cahap̄u oma c̄a wahahye. Tiquiro cahap̄u esaye,

—¿Ahtajari? niahye tiquirore.

16 —Ahtaja, ni tuhasa,

—¿D̄hse ni cahme d̄se tutuana niari m̄sa tiquina mehna? ni sinituahye Jesu tiquiro buheyequinare.

17 Tiquiro sa ni sinitugū tahoro, masa watoa ducuriquiro yahuahye tiquirore:

—Buheḡu, yuh̄u mac̄ure wat̄no c̄oriquirore m̄h̄ure ne c̄htami. Wat̄no pehe tiquirore yahuducu dutierare.

18 Yuh̄u mac̄ure tiquiro ñehēgū yehpap̄u bora, bahque diho, buhaa wahae tiri tiquiro. Sa waharo sahpo

tua wahae tiri. Sa yegũ mũhũ buheye-quinare watĩnore cohã dutimi. Yũhũ sa dutiepegũta tiquina cohã masiedari watĩnore, ni yahuahye Jesure.

¹⁹ Tiquiro sa nigũ tũhoro Jesu ohõ saha niahye tiquinare:

—Ne, yũhũre wacũ tutuerare mũsa. Yoari pje mũsare buhemaja yũhũ. ¿Noho puno yoari pje yũhũre mũsa cariboajari? Tiquirore ne cãhtaya yũhũre, niahye Jesu.

²⁰ Tiquiro sa nigũ tũhoye watĩno cũoriquirore Jesu caha ne cãhtahye. Tiquina ne wihigũ ihñano watĩno pehe coã wahmũa cãhtariquirore yehpapũ doque quehe sa, tunu nanaregũ yeahye. Sa yero sahpo tuua wahahye.

²¹ —¿Noho puno yoari pje watĩnore cũoajari ahriquiro? ni, sinituahye Jesu pehe tiquiro pacũrore.

—Nijnogã ijiropũta tiquirore cũo dũcari.

²² Sa yero watĩno pehe tiquirore pecapũ, acopũ cohã wejẽmedi. Sa yegũ mũhũ ye masigũ usãre paja ihña, yedohoya, niahye tiquiro pacũro Jesure.

²³ Tiquiro sa nigũ tũhoro ohõ saha niahye Jesu:

—¿“Mũhũ ye masiegũ ijire”, niajari mũhũ yũhũre? Yũhũre mũhũ wacũ tutuagũ ihñano, Cohãcjũ ijipihtiyere ye peho masine, mũhũre yedohoro, niahye Jesu.

²⁴ Tiquiro sa nigũta coã wahmũa cãhtariquiro pacũro ohõ saha ni sañuducuahye:

—Mũhũre wacũ tutuaja. Yũhũ wacũ tutueragũ ihñagũ yũhũre yedohoya mũhũre yũhũ wacũ tutuato saha, niahye tiquiro.

²⁵ Sa yero masa peyequina tiquina cahapũ oma cãhta, tiquina cahme-coagũ ihñano, Jesu watĩnore ohõ saha ni tuhtiahye:

—Mũhũ yahuducu dutiegũ, tũho dutiegũ ahriquiro mehna ijirigũ wahaya. Sa wahagũ tiquirore pari turi cariboeracãhña, niahye Jesu.

²⁶ Tiquiro sa nigũ tũhoro watĩno sañuducu, coã wahmũa cãhtariquirore yehpapũ doque quehe sa tunu

nanaregũ ye, wahahye. Tiquiro sa yegũ coã wahmũa cãhtariquiro yariariquiro yero saha wahahye.

²⁷ —Tiquiro yariaa wahare, nimahye masa peyequina.

Tiquina sa niepegũta Jesu pehe tiquiro omocare ñehe, tiquirore wahcõahye. Tiquiro sa wahcõgũ wahcãhye tiquiro pehe.

²⁸ Came Jesu gãhũ wũhũpũ tiquina sajã sagũ tiquiro buheyequina tiquirore sinituahye:

—¿Dũhse yena usã pehe watĩnore cohã masiedayari, mũhũ tũhotugũ? ni sinituahye tiquina.

²⁹ —Ahriquiro boro watĩnore cohã duana Cohãcjũre tutuaro sinino cahmene mũsare, ni yũhtiahye Jesu tiquinare.

Pari turi Jesu tiquiro yaria masa wijiatiye yahuahye

(Mt 17.22-23; Lc 9.43-45)

³⁰ Sa ye topũ ijiriquina waha, Galilea yehpapũ esa, yũhdũa wahahye. Topũ tiquina waharire apequina masigũ cahmedahye Jesu tiquiro yequinare buhero taro.

³¹ Topũ esaro tiquiro buheye-quinare buheahye. Ohõ saha ni buheahye:

—Yũhũ masũ Cohãcjũ ohorigũ iji-aja. Masa yũhũre ñehe, apequinapũre yũhũre ohoeta. Tiquina sa ohori bato yũhũre wejẽeta. Tiquina sa wejõrigũ ijiepegũta ihtia deco wahaboro masa wijiagũtja, niahye tiquinare.

³² Tiquiro sa nigũ tũhoye tiquina quehnoano tũho ñehedahye. Sa ye cueye, tiquirore tire sinitu nemoedahye.

Jesu buheyequina tiquina mehna cjãnore pũhto sõ duaye nimahye

(Mt 18.1-5; Lc 9.46-48)

³³ Sa ye Capernaupũ tiquina esari bato wũhũpũ tiquina ijigũ Jesu pehe sinituahye tiquinare.

—¿Mahapũre ahtana, dũhse ni yahuducu cãhtana niari mũsa? ni, sinituahye tiquinare.

³⁴ Tiquiro sa sinitugũ tiquina yũhtierahye. Mahapũre ahtaye,

cahme ohõ saha ni yahuducu cãhtaye niahye:

—¿Mari mehna cjãnore diquiro pehere mari pãhtoro sõnatari mari? ni yahuducuye niahye mahapãre ah-taye.

³⁵ Sa ye tiquina sa nidire bue tiye Jesure yãhtierahye. Tiquina sa yãhtieragũ ihñano Jesu nuju sa, tiquiro buheyequinare doce buheyequinare pijio ohõ saha niahye:

—Musa pãhtoa iji duana ijipihtiyequina masa tiquina cahacjãna ijiro cahmene musare. Sa yena ihyo ijina ijipihtiyequina docapũ ijinata musa, niahye Jesu tiquinare.

³⁶ Sa nino nijinogãre tiquina watoa duhu docoahye. Duhu doco tuhosa tiquirogãre ne wua, ohõ saha ni yahuahye:

³⁷ —Yeere ye duana ahriquirogãre musa cahmena, yũhũ gãhũre cahmene musa. Sa yena yãhũre cahmena, yãhũre ohoriquiro mari Pacũ gãhũre cahmene musa, niahye Jesu tiquinare.

Marine ihña tuhtiriquiro ijieraro, mari mehna cjãno ijire
(Mt 10.42; Lc 9.49-50)

³⁸ Came Ñu ohõ saha niahye Jesure:
—Buhegũ, mũhũ wame mehna watãre cohãriquirore usã ihñau. Mari mehna cjãno tiquiro ijieragũ ihñana tire tiquirore ye dutierahti usã, niahye tiquina.

³⁹ Tiquina sa nigũ tũhoro Jesu tiquinare yahuahye:

—Sa niedacãhña musa tiquirore. Ihcãquiro yũhũ wame mehna Cohãcjũ tutuaye mehna yero, came yãhũre ñano ni yahuducu masiedare.

⁴⁰ Marine ihña tuhtiriquiro ijieraro, tiquiro mari mehna cjãno ijire.

⁴¹ Musare potota nii niaja. Yeequina musa ijigũ ihñañe apequina musare tiquina yedohogũ ihñano Cohãcjũ tiquinare quehnoano yerota. Acore musare tiquina mehenogã sihõgũ tiquinare quehnoano yerota Cohãcjũ tiquina sa yeri wapa, niahye Jesu tiquinare.

Ñañene yegũ cuarĩne
(Mt 18.6-9; Lc 17.1-2)

⁴² Sa yero Jesu yahu nemoahye:

—Ahriquirogã yero saha ijiriquirore yãhũre wacũ tutua dũcariquirore yahugãtja musare. Apequiro ahriquirogã yero saha ijiriquirore ñañene ye dutiro tiquiro ña yãhdũaro yãhdũrota. Ihcãquirore tiquiro wamũapũ pajiria utãre dũhte yo, pajiri mapũ tiquirore tiquina cohãgũ ñano wahaboaga tiquiro. Sa ijiepegũta ahriquirogã yero saha ijiriquirore ñañene ye dutiriquiro tiquiro pehe pajiri mapũ tiquina cohãriquiro yãhdũoro ñano yãhdũrota.

⁴³⁻⁴⁴ Mũhũ omoca mehna ñano yegũ ti omocare mũhũ dũte cohãboriro saha ti mũhũ ñano yeye pehere duhuya. Tire duhueragũ pecapũ wahagũta. Topũre ne peca yatierare. Sa ye becoa ne yarierare. Mũhũ omocare cohãgũ ti si dihita butiboaga. Sa yegũ mũhũ pehe sa bajuri turu ijiepegũta came Cohãcjũ mehna ijigũta. Pũa omoca mehna pecapũ wahagũ mũhũ sa wahagũ ña yãhdũaboaga. Sa yegũ ti mũhũ ñano yeye pehere duhuya.

⁴⁵⁻⁴⁶ Mũhũ dahpocã mehna ñano yegũ ti dahpocã gãhũre mũhũ dũte cohãboriro saha ti mũhũ ñano yeye pehere duhuya. Tire duhueragũ pecapũ wahagũta. Topũre ne peca yatierare. Sa ye becoa ne yarierare. Mũhũ dahpocãre mũhũ cohãgũ ti si dihita butiboaga. Sa yegũ sa bajuri turu ijiepegũta came Cohãcjũ mehna ijigũta. Pũa dahpocã mehna pecapũ wahagũ mũhũ sa wahagũ ña yãhdũaboaga. Sa yegũ ti mũhũ ñano yeye pehere duhuya.

⁴⁷⁻⁴⁸ Mũhũ capea mehna ñano yegũ tiare ore we mũhũ cohãboriro saha ti mũhũ ñano yeye pehere duhuya. Tire duhueragũ pecapũ wahagũta. Topũre ne peca yatierare. Sa ye becoa ne yarierare. Tiare mũhũ cohãgũ tia dihita butiboaga. Ihcã capea mariedapegũta came Cohãcjũ mehna ijigũta. Pũa capea mehna pecapũ wahagũ mũhũ sa wahagũ ña yãhdũaboaga. Sa yegũ ti mũhũ ñano

yeye pehere duhuya.

⁴⁹ 'Ahri yehpapu ijina ñano yuhdanata musa. Pecapu mari ujügü marine purino saha ñano yuhdanata musa.

⁵⁰ Moa quehnoano ocare. Moa ocaeragü ti moare ocagü yero basioerare. Moa ocaeraro ti moa ne quehnoaedare. Ti moare dahsero basioerare. Sa ijigü ihñana ti moare cohãno cahmene. Moa quehnoano ti ocaro saha musa gühu masa quehnoana ijiya. Sa yena apequina mehna quehnoano mehna ijiya, ni yahuahye Jesu tiquinare.

10

Tiquina namosãnumiare cohãñene yahuahye Jesu

(Mt 19.1-12; Lc 16.18)

¹ Sa ye tiquiro topu ijiriquiro waha, Judea yehpa cahapu esa, Jordã wame tiri ma ape sie pahrepu esahye. Topu tiquiro esagü ihñañe masa peyequina tiquiro cahapu cahmecoahye tja. Tiquina sa cahmecoagü ihñano to pano tiquiro buheriro sahata pari turi buheahye tja.

² Tiquiro sa buheri watoa fariseo masa wihiahye. Jesure ñano tiquiro yahuducugü tãho duamahye tiquina. Sa tãho duaye tiquina Jesure sinituahye.

—¿Mari namosãnumiare cohãgü quehnoaboagari? ¿Mari dutiye pehe sata ye dutiajari, mahu tãhotugü? ni sinituahye tiquina.

³ —¿Dahse ye dutiajari to Moise musare tiquiro cüri? ni yahtiahye Jesu.

⁴ —“Papera püre musa cohãñene yahuyere ojoana musa namosãnumiare cohã masine”, niahye Moise, ni yahtiahye fariseo masa pehe.

⁵ Tiquina sa nigü tãhoro ohõ saha ni yahuahye Jesu:

—Cohãcjü dutiyere musa ye dueragü ihñano sa ni ojoahye Moise.

⁶ Tiquiro sa ni ojoari ijepegüta ahri yehpare bajumehnediquiro umuno, numino gühare yeahye.

⁷ Sa yero umuno tiquiro pacusumare cohã wijia, tiquiro namono mehna ijirota.

⁸ Sa ye tiquina puaro ijiepetahcã pagu yero saha ijire. Sa ye tiquina puaro yero saha ijierare. Ihcã pagu yero saha ijiye nine.

⁹ Cohãcjü tiquiro omoca dahthe dutiriquina ijire. Sa ye tiquinare cahme duhueraro cahmene, niahye Jesu tiquinare.

¹⁰ Sa ni tuhasa tiquiro buheyequina mehna wuhupu sajãa wahahye. Wuhupu sajã sa, tiquina namosãnumiare cohãñene tiquiro buheyequina sinituahye tja tiquirore.

¹¹ Tiquina sa sinitugü tiquiro yahtiahye:

—Tiquiro namonore cohãriquiru apecorore namo tiro, apecoro mehna ñano yeriquiro ijire. Sa yero tiquiro cohãricorore ñano wahagü yero nine.

¹² Sa yero numino pehe ticoro manunore cohãno, apequiore manu tiro, tiquiro mehna ñano yericoro ijire, niahye Jesu tiquinare.

Macanagã ye ijiatire Cohãcjüre sini basahye Jesu

(Mt 19.13-15; Lc 18.15-17)

¹³ Sa ye macanagãre Jesure ña peo dutiye tehe tiquinagãre Jesu cahapu ne cãhtaye niahye. Tiquina sa yegü ihñañe tiquiro buheyequina pehe tiquinagãre ne cãhtayequinare tuhtiahye.

¹⁴ Tiquina sa tuhtigü ihñano Jesu usuaro, ohõ saha niahye tiquinare:

—Macanagã yahu cahapu ah-taahro. “Waharisa”, niedacãhña tiquinagãre. Tiquinagã Cohãcjüre tiquina puhtoro tãhoture. Sa ye Cohãcjü tiquiro puhtoro ijiropare ahriquinagã yero saha tãhotuyequina ijire topure.

¹⁵ Ijirota niita niaja musare. Ahriquinagã Cohãcjüre tiquina cahmeno saha musa pehe cahmedana, tiquiro cahapu wahasi musa. Musa wahaeragü musa puhtoro ijisi tiquiro, niahye Jesu.

16 Sa ni tuhasa Jesu macanagāre ne wuḥa, tiquinagāre ña peoro ohō saha niahye:

—Ahriquinagā quehnoañequina wahaahro, ni sini basahye Cohācjüre.

*Doeri cjě upuro Jesure sinituahye
(Mt 19.16-30; Lc 18.18-30)*

17 Sa ye Jesu mahapḥa tiquiro waducugū apequiro pehe oma cā, tiquiro dahpocāri cahapḥa dusepe curi mehna quehe sahye tiquirore ño peoro.

—¿Ne, quehnoagḥa buhegḥa, yḥuḥa ijipihtiyere decori Cohācjüre mehna iji duagḥa dḥse yegḥtari yḥuḥa? niahye tiquiro Jesure.

18 Tiquiro sa nigū Jesu yḥtiahye:

—¿Dḥse ijiro boro yḥḥere “Quehnoagḥa”, ni pisuajari mḥḥa? Cohācjüre dihita quehnoariquiro ijire.

19 Ahri Cohācjüre dutiyere masine mḥḥa: Masare wejēdacāhña. Wḥana tieracāhña. Yaqueracāhña. Ni mehoedacāhña. Apequina yere ni meho nedacāhña. Mḥsa pacusumḥare ño peoya. Ahri dutiyere yero cahmene masare, ni yahuahye Jesu tiquirore.

20 —Buhegḥa, tire ijipihtiyere coā wahmḥa cāhtagḥa ijigupḥta yḥdḥdḥcaera tii yḥḥa, niahye tiquiro Jesure.

21 Tiquiro sa nigū tḥhoro Jesu pehe tiquirore ihñadoque ohō, cahñahye. Sa yero ohō saha niahye:

—Mehenogā dḥsare mḥḥere mḥḥa ye pehoato. Ijipihtiyere mḥḥa yere duagḥa wahaya. Sa yegḥa ijipihtiyere mḥḥa wapatarari niñerere pejecḥoyequinare ohoya. Mḥḥa sa yegū pajiro mḥḥa ye ḥmḥsepe, Cohācjüre cahapḥa ijirota. Mḥḥa sa yeri bato yḥḥa mehna cjüre ijiacjḥa ahtaya, niahye Jesu tiquirore.

22 Tiquiro sa nigū tḥhoro tiquiro pehe peye doeri cjě ḥoriquiro ijiro tire pejecḥoyequinare oho dueraro, bujḥa witi, coaera, waha wahahye.

23 Tiquiro sa bujḥa witiḥa ihñano Jesu majaredḥca sa, tiquiro buheyequinare ihñadoque ohō, ohō saha niahye:

—Doeri cjě ḥoyequina Cohācjüre pḥtoro ijirorḥe tiquinare waha basioera cjüre, niahye tiquinare.

24 Tiquiro sa nigū tḥhoye tiquina pehe tiquirore tḥho maria wahahye. Sa ni tuhasa Jesu pari turi yahuahye tiquinare:

—Yḥḥa acaye, ijipihtiyequina doeri cjě opana Cohācjüre wacūno marieno Cohācjüre pḥtoro ijirorḥe tiquinare waha basioerare.

25 Camello pehe awia copere tiquiro sajā duagū basioerare. Tiquiro sa ijiro yḥdḥoro doeri cjě ḥoriquirore Cohācjüre wacūno marieno Cohācjüre pḥtoro tiquiro ijirorḥe tiquirore waha basioerare, ni yahuahye tiquinare.

26 Tiquiro sa nigū tḥhoye to pano tiquina tḥho mariariro yḥdḥoro tḥho maria waha, tiquina basi ohō saha niahye:

—Yohou, tiquiro nino sahata potota ijigū ne ihcāquiro masḥnore yḥdḥoeraboaga Cohācjüre, niahye tiquina basi.

27 Tiquina sa nigū tḥhoro Jesu tiquinare ihñadoque ohō, ohō saha niahye:

—Masa tiquina esa tuhoro quehnoano yeri mehna Cohācjüre cahapḥa waha masiedare. Cohācjüre pehe masare pecapḥa wahaboriquinare yḥdḥo masine. Tiquiro ijipihtiyere quehnoano ye masi peho cāhre, niahye Jesu tiquinare.

28 Tiquiro sa nigū Pedro tiquirore ohō saha niahye:

—Tḥhorñña. Ḥsā pehe ijipihtiyere ḥsā yere cū cāḥ mḥḥa mehna wahana tana, niahye tiquiro Jesure.

29 Tiquiro sa nigūta Jesu ohō saha niahye:

—Ijirota niita niaja mḥsare. Quehnoañe buheyere, yeere yena tana yḥḥere ño peona tana mḥsa wḥḥsere, mḥsa bahanare, mḥsa pacusumḥare, mḥsa pohḥare, mḥsa weserire cūrḥna ijina, pajiro wapatanata mḥsa yojorḥe.

30 Sa yena mḥsa wḥḥsere, mḥsa bahanare, mḥsa pacosānumiare,

musa pohnare, weserire, to pano musa cuoriro yuhduoro yojopure peye cuonata musa. Sa ye apequina musare ñano yeeta. Sa yena camerare ape tjuorpu ijipihtiye decori Cohãcjũ mehna ijinata.

31 Yojopure peyequina puhto a ijiriquina ti pjepure ihyo ijiyequina tojoaeta. Sa ye yojopure peyequina ihyo ijiyequina ijiriquina ti pjepure puhto a comesaeta tja, ni yahuahye Jesu tiquinare.

Pari turi Jesu tiquiro yaria masa wijiatiye yahuahye

(Mt 20.17-19; Lc 18.31-34)

32 Sa ye tiquina mahapu maja, Jerusalẽpu mjañe niahye. Jesu tiquina panogã uhmũ tãhye. Sa tiquiro uhmũ tãgũ ihñañe tiquiro buheyequina ihña maria wahahye. Sa ye tiquina bato nunũ tãriquina pehe cuero mehna nunũ tãhye. Sa yero Jesu tiquiro buheyequinare tiquina sehsharo neahye tja. Sa yero masa tiquirore dũhse yeatire Jesu yahu dũcahye tiquinare.

33 —Tũhoya yũhare. Yojopure Jerusalẽpu wahana niaja mari. Topũ masa yũũ masare Cohãcjũ ohorigure ñehe, apequinapure yũhare ohoeta. Pahia puhtoare, mari acaye judio masare buheyequina gũhare yũhare ohoeta. Sa ye yũhare wejẽ dutieta tiquina. Sa wejẽ dutiye judio masa ijieyequina pehere yũhare ohoeta.

34 Tiquina sa ohori bato tiquina pehe yũhare bujũpe, sihco puti ohõ, tana, wejẽeta. Sa yegũ yũũ yariari bato ihtia deco wahaboro masa wiagiũtja, ni yahuahye Jesu tiquinare.

Santiago, Ñũ mehna Jesure sini-ahye

(Mt 20.20-28)

35 Sa ye Santiago, Ñũ mehna Jesu cahapu esaye, siniahye tiquirore. Tiquina Zebedeo pohne ijiahye. Sa ye ohõ saha ni siniahye:

—Buhegũ, usã sinino saha usãre yeya mũhũ, niahye tiquina Jesure.

36 —¿Dũhse yũũ yegũ cahmeajari mũsa? niahye Jesu tiquinare.

37 —Ijipihtiyequina puhtoro ijigũ usãre mũhũ mehna duji dutiya. Ihcãquiro mũhũ poto pehe, apequiro mũhũ cũ pehe pehe duji dutiya usãre, mũhũ mehna puhto a usã ijiato saha, niahye tiquina Jesure.

38 Tiquina sa nigũ tũhoro ohõ saha ni yahuahye Jesu tiquinare:

—Mũsa ñano yũhduatore masiedapenata sa sinine yũhare. ¿Yojopure yũũ ñano yũhduato saha musa gũhũ ñano yũhduana ihcãno sahaboagari? ni sinituahye tiquinare.

39 Tiquiro sa sinitugũ tũhoye tiquina yũhtiahye:

—Ihcãno sahanata, ni yũhtiahye tiquina.

Tiquina sa nigũ Jesu ohõ saha ni yahuahye:

—Yũhũ ñano yũhduato saha ñano yũhduanata musa gũhũ.

40 Musa sa yũhduanaja musa ijiepegũta, yũhũ mehna dutiatiquinare, yũhũ mehna dujiatiquinare bese masiedaja yũhũ. Ahrire yũhũ Pacũ pehe quehno tuhasari. Sa ye tiquiro beseatiquina dihita yũhũ poto pehe yũhũ cũ pehe pehe dujieta, niahye Jesu tiquinare.

41 Sa ye apequina puã omopequina buheyequina Santiago, Ñũ ahriquina puaro mehna usuahye tiquina sa sinidire tũhoye.

42 Tiquina sa usuagũ ihñano Jesu tiquiro buheyequinare pijio ohõ saha niahye:

—Cohãcjũre masieñequina puhto a pehe tiquina masare dutiye, usuaro mehna dutire.

43 Musa pehe ne sa yesi mũsa basi. Musa mehna cjũno puhtoro iji duaro, ijipihtiyequina tiquiro mehna cjẽna cahacjũno ijiro cahmene tiquirore.

44 Sa yero ijipihtiyequinare dutiri quiro iji duaro, apequina cahacjũno ijiro cahmene tiquirore.

45 Sata ijigũ ijiaja yũhũ gũhũ. Yũhũ masũ Cohãcjũ ohorigũ ijiepegũta ahri yehpapũ masare yedohogũ ahtaũ. Sa yegũ peyequina masa ye buhirire yariagũ ahtagũ nii. Sa yegũ peyequina masare pecapu

wahaboriquinare yuhduogũ ahtagũ nii. Masare dutipegũ ahtagũ niedũ, niahye Jesu tiquinare.

Bartimeore, caperi bajueriquirore ihñagũ yeahye Jesu

(Mt 20.29-34; Lc 18.35-43)

⁴⁶ Sa ye tiquina Jericópũ esahye. Sa yero Jesu tiquiro buheyequina, masa peyequina mehna ti macapũ ijiyequina tiquina wahagũ Bartimeo pehe maha dũhtũ cahapũ dujiahye. Tiquiro Timeo macũno caperi bajueriquiro ijiro, decoripe masare niñerure siniducuriquiro ijiahye.

⁴⁷ Sa yero topũ Jesu Nazare cjũno tiquiro cahapũ ahtagũ tũhoro Bartimeo ohõ saha ni sañuducuahye:

—Jesu, Davi mũnano panami iji turiagũ, masare yuhduoacjũ, paja ihñaña yũhũre, ni sañuducuahye Jesure.

⁴⁸ Tiquiro sa nigũ tũhoye masa peyequina Bartimeore “Dihta mari-ahña”, ni tuhtiahye tiquina tiquirore. Tiquina sa tuhtigũ tũhoro Bartimeo to pano tiquiro sañuducuriro yuhduo cjũno sañuducu nemoahye tja:

—Jesu, Davi mũnano panami iji turiagũ, masare yuhduoacjũ, paja ihñaña yũhũre, ni sañuducuahye tiquiro.

⁴⁹ Tiquiro sa ni sañuducugũ tũhoro Jesu pehe esadũca, “Pijiohya tiquirore”, niahye. Tiquiro sa nigũ tiquina pehe caperi bajueriquirore piji cãhye:

—Bucueya. Wahcãdũcaya. Tiquiro mũhũre pijiore, niahye tiquina Bartimeore.

⁵⁰ Tiquina sa nigũ tũhoro tiquiro bui cjã suhtirore tu we cũ, uhpu yuhdu cã, Jesu cahapũ esadũcahye.

⁵¹ Sa yero Jesu sinituahye tiquirore.

—¿Dũhse yũhũ yegũ cahmeajari mũhũ? niahye Jesu tiquirore.

—Yũhũ pũhto, yũhũre ihñagũ yeya, niahye caperi bajueriquiro.

⁵² —Wahaya. Mũhũ yũhũre wacũ tu-
tuagũ quehnoa wahare, niahye Jesu tiquirore.

Tiquiro sa nigũta caperi bajueriquiro ihñaa wahahye. Sa quehnoa waharo Jesu mehna mahapũ wahaa wahahye.

11

Jerusalẽpũ esahye Jesu

(Mt 21.1-11; Lc 19.28-40; Jn 12.12-19)

¹ Sa ye Jerusalẽpũ tiquina esato panogã Betfagã wame tiri maca cahapũ, Betania wame tiri maca cahapũ ijidũpũ, Olivo wame tidũ cũnũpũ esa mũhtahye. Topũ esaro pũarore tiquiro buheyequina mehna cjẽnare Jesu ohoro ohõ saha niahye:

² —Si macapũ wahaya. Topũ esana duita burrogãre tiquina dũhte docoriquirogãre bocanata. Apequina pesamehnediquirogã ijiağa. Tiquirogãre bocana, yuta dare pã, ne cãhta basaya yũhũre.

³ Mũsa sa yegũ ihñano burrogã upũro “¿Dũhsena burrogãre pãjari?” tiquiro nigũ tũhona, ohõ saha ni yũhtiya tiquirore: “Mari pũhtoro burrogãre cahmedoqueo nidi. Sa yero mianogãta wiarota tiquiro”, ni yahuya tiquirore, ni yahu duti ohoahye tiquiro buheyequinare pũarore.

⁴ Tiquiro sa nigũ waha, wũhũ cahapũ ijiri mahapũ sopecaha cahapũ burrogãre tiquina dũhte docoriquirogãre bocahye.

⁵ Sa ye tiquirogãre yuta dare tiquina pãgũ ihñañe topũ ducuyequina sinituahye tiquinare:

—¿Dũhse yena tana mũsa yuta dare pãjari burrogãre? ni sinituahye tiquina.

⁶ Tiquina sa nigũ tũhoye, tiquina pehe Jesu tiquiro nidiro sahata yahuahye topũ ducuyequinare. Tiquina sa yahugũ tũhoye topũ ducuyequina pehe “Neahña”, niahye tiquinare.

⁷ Sa ye tiquina burrogãre Jesu cahapũ ne sahye. Tiquina ne sari bato tiquirogã bui tiquina suhtire duhu peo tuhasagũ ihñano, Jesu pehe

tiquirogã bui m̄ja pjeahye, waharo taro.

⁸ Sa ye masa peyequina tiquina bui sañañe suhtire tu we ne, mahap̄ seō cū m̄htahye, Jesure ño peoye. Apequina pehe p̄ri tiye d̄p̄r̄ire werip̄ tiquina ne cãhtari d̄p̄r̄ire mahap̄ cūahye.

⁹ Sa ye tiquiro pano wahayequina, tiquiro bato ahtayequina mehna ohō saha ni sañuducuahye:

—Ahriquiore ño peouhna. Ahriquiore Cohãcj̄ tiquiro ohoriquiore quehnoano ijiahro.

¹⁰ Mari ñec̄ iji turiariquiro Davi m̄nano p̄htoro tiquiro ijiriro saha ahtariquiore quehnoano ijiahro. Ëhm̄se c̄ñore “Tutuaḡ ijire”, ni ño peouhna, ni sañuducuahye tiquina.

¹¹ Sa yero Jesu Jerusal̄p̄ esaro Cohãcj̄ ya w̄h̄p̄ sajã saro, ti w̄h̄p̄ ijiyere ijipihtiyere ihña peho cãhye. Ihña tuhasa “Ñamicahap̄ ijire. Deco c̄ñota wahañhna”, nino, Jesu tiquiro buheyequina doce buheyequina mehna Betaniap̄ wahahye.

*Jesu higuerağ̄re yaria dutiahye
(Mt 21.18-19)*

¹² Sa ye ape deco tiquina Betaniap̄ ijiriquina wahaa wahahye. Sa yero Jesu pehe ñja ahbaa waha, yorop̄ higuera wame tid̄re quehnoano p̄ri tid̄re ihñano t̄ d̄care macano wahamahye.

¹³ D̄ca mariedahye. D̄ca tiri pje ijieraro p̄ri dihita ijiahye.

¹⁴ Sa yero d̄ca mariedaḡ ihñano ohō saha niahye:

—Ahd̄ d̄care masa ne pari turi ihyeracãhdo. Ne d̄ca tieracãhdo, niahye Jesu.

Tiquiro sa niḡ tiquiro buheyequina pehe t̄hoahye.

*Jesu Cohãcj̄ w̄h̄re Cohãcj̄ mehna yahuducuri w̄h̄ye dutiahye
(Mt 21.12-17; Lc 19.45-48; Jn 2.13-22)*

¹⁵ Tiquiro sa yeri bato tiquina Jerusal̄p̄ esahye. Top̄ esaro, Jesu Cohãcj̄ ya w̄h̄p̄ sajã saro apee boro duayequinare, dúyequina

ḡh̄re cohã wioahye. Sa yero niñeru comesaye mesarire yo wahcō, ne majare cū m̄jahye. Bujuaare duayequina tiquina dujiye pahtari ḡh̄re sata yeahye.

¹⁶ Sa yero apee borore ne sajã dutierahye masare.

¹⁷ Sa yero Jesu ohō saha ni buheahye tiquinare:

—Ohō saha nine Cohãcj̄ yere tiquina ojoari p̄: “Ya w̄h̄ Cohãcj̄ mehna yahuducuri w̄h̄ wame tirota. Sa yero ijipihtiro c̄ña ya w̄h̄ ijirota”, ni ojoahye Cohãcj̄ yere tiquina ojoari p̄. Ti p̄ sa niepeḡta m̄sa pehe ahri w̄h̄p̄ duana, m̄sa basi cahme yaquere m̄sa, ni buheahye tiquinare.

¹⁸ Tiquiro sa ni buheḡ ijipihtiyequina masa pehe t̄ho maria wahahye. Sa ye pahia p̄htoa, usã judio masa buheyequina mehna tiquirore cue niahye. Sa ye tiquina tiquirore wej̄atire wacū macamahye.

¹⁹ Tiquina sa yeḡ ñamicahap̄ Jesu tiquiro buheyequina mehna ti macap̄ ijiriquina wahaa wahahye.

*Higuerağ̄ ñaia wahahye
(Mt 21.20-22)*

²⁰ Sa ye bohrearo mahap̄ maja taye, higuerağ̄re ihñahye. T̄ n̄h̄corip̄ ñai d̄ca, ñaia wahahye t̄.

²¹ T̄re ihñano Pedro pehe wacū, ohō saha niahye:

—Buheḡ, ihñaña. Higuerağ̄ m̄h̄ yaria dutid̄ yaria wahaya, niahye Pedro.

²² Tiquiro sa niḡta Jesu yahuahye tiquinare:

—Cohãcj̄re wacū tutuaya m̄sa.

²³ Ijirota niita niaja m̄sare. Ahd̄ c̄n̄re pajiri map̄ m̄sa cohã dutiḡ m̄sa nidiro saha sa waharota. Cohãcj̄re quehnoano m̄sa wacū tutuaḡ “Ȳh̄ sinidiro saha waharota”, m̄sa ni t̄hotuḡ m̄sa nidiro saha waharota.

²⁴ Sa yeḡ ahrire yahuḡtja m̄sare. Cohãcj̄ mehna yahuducuna, tiquirore sinina, “Ȳh̄ sinidiro saha ohorota ȳh̄re”, ni t̄hotuya.

Musa sa yegũ ihñano Cohãcjũ musa siniñene ohorota.

²⁵ Sa yena Cohãcjũ mehna musa yahuducuato pano musare apequina tiquina ñano yegũ musa usarire duhuya. Musa sa yegũ ihñano mari Pacu umuse cjãno musa ñaño yeri pehere tiquiro gũhũ usua duhurota. [

²⁶ Musare ñano yeriquinare musa usua duhueragũ mari Pacu gũhũ umuse cjãno musa ñaño yeri pehere usuaro ne duhusi tiquiro gũhũ.] niahye Jesu.

Pahia pũhtoa, judio masare buheyequina, bucuna mehna Jesu mehna cahme duse tini wiahye

(Mt 21.23-27; Lc 20.1-8)

²⁷ Tiquiro sa nidi bato tiquina Jerusalẽpũ wahahye tja. Sa ye Jesu Cohãcjũ wũhũpũ tiquiro tinigũ ihñaño pahia pũhtoa, usã judio masare buheyequina, bucuna gũhũ tiquiro cahapũ esaye, tiquirore sinituahye:

²⁸ —¿Dũhsegũ canũre sa yeari mũhũ? ¿Noa mũhũre tire sa ye dutiari? ni sinituahye tiquina Jesure.

²⁹ Tiquina sa nigũ Jesu yũhtiahye: —Musa pehere sinitu mãhtagũtja. Quehnoano yũhũre musa yũhtigũ musare yahugũtja yũhũ gũhũ.

³⁰ ¿Ñu masare tiquiro wame yegũ noa boro pehe tiquirore wame ye dutiyari, musa tũhotugũ? ¿O Cohãcjũ dutierayari? ¿O masa pehe tiquirore dutiyari, musa tũhotugũ? ni sinituahye tiquinare.

³¹ Tiquiro sa nigũ tiquina pehe tiquina basi ohõ saha niahye:

—¿Dũhse ni yũhtinatari mari? “Cohãcjũ Ñure dutiri jiri”, mari nigũ, “¿Dũhsena Cohãcjũ Ñure tiquiro dutiepegũta tiquirore tũho duerari musa?” niboaga Jesu marine.

³² Sa yero “Ñu tiquiro wame yegũ Cohãcjũ pehe tiquirore dutierari jiri”, mari nigũ masa pehe usueta mari mehna, niahye tiquina basi.

“Potota Ñu Cohãcjũ yere yahu mãhtariquiro ijire”, ni tũhotue tiahye masa pehe. Sa ye pahia pũhtoa, usã

judio masare buheyequina, bucuna mehna tiquinare cue niahye.

³³ Sa ye tiquina Jesure ohõ saha ni yũhtiahye:

—Ñure wame ye dutiriquirore usã masiedaga, niahye tiquina Jesure.

—Ti pje pũrita yũhũ gũhũ ahrire yũhũ yerire dutiriquirore yahueraja musare, niahye Jesu tiquinare.

12

Ñañequina dahra cohteyequina quitire yuahye Jesu

(Mt 21.33-46; Lc 20.9-19)

¹ Sa ye Jesu tiquiro tũhotuye mehna ohõ saha ni queoye mehna buhe dũcahaye tiquinare.

—Wese upũro umse darire oteahye. Ote tuhasa, sahrĩnore doco, umse tiquina cahta mũtoati copere sehe, umũari wũhũgã dahreahye tiquiro. Sa yero ti wesere apequinare ihcã pehe pahma cũno, ti wesere cohte dutiahye. Cohte duti tuhasa ape sierũ wahaa wahahye tiquiro.

² Came umse ñidi pje ijigũ wese upũro tiquiro cahacjũnore wese cjẽ tiquiro ya pahma cjẽ dũcare ne dutiro ohomahye.

³ Sa ye wesere cohteyequina pehe tiquiro cahacjũnore ñehe, quẽahye tiquirore. Sa ye tuhasa tiquiro cahacjũnore umse tũhorine ohoerapeta tojoa dutiahye tiquirore.

⁴ Sa yero wese upũro apequiro tiquiro cahacjũnore ohomahye tja. Sa ye cohteyequina pehe tiquiro dapure cami dahre, ñano yeahye tiquina tiquirore.

⁵ Sa yero apequiro pehere tiquiro ohogũ cohteyequina tiquirore wejẽahye. Peyequina apequina gũhũre sa dihita ye mũjahye. Apequina pehere quẽ, apequina pehere wejẽahye tiquina.

⁶ Sa yero wese upũro macũno dihita dũhsahye. Tiquiro cahĩniquiro ijiahye. Sa yero tiquiro macũnore ohoahye, “Yũhũ macũ pehere ño peoeta”, nino.

7 Tiquiro sa ni t̄hotuepegūta cohteyequina tiquina basi ohō saha ni yahuducuahye: “Wese up̄aro mac̄no ijire ahriquiro. Tiquirore wejēihna mari. Sa yero ahri wese mari ya wese tojoarota”, nimahye tiquina basi.

8 Sa niñe tiquirore ñehe, wejē, wese d̄ah̄ta cahap̄a ne cã, cohã cãhye tiquina tiquirore.

9 ¿Ne wese up̄aro ahtaro d̄ah̄se yerotari tiquiro wesere cohteyequinare, m̄asa t̄hotugū? Ohō saha yerota tiquinare: Tiquiro tiquinare wejēno, apequina pehere wesere cohte dutirota.

10-11 ¿Cohãcjū yere tiquina ojoari p̄ure ahrire buherari m̄asa? Ohō saha ni ojoahye:

Ahriquiro Cristo ut̄a yero saha ijire. Ut̄are w̄ah̄re dahreyequina tiquina cohãno saha masa tiquirore cohãeta. Tiquina sa cohãepegūta yojop̄are w̄ah̄re dahreyequina w̄ah̄re yeye, tiquina cū m̄ah̄taria ut̄are tiquina cūno saha Cohãcjū tiquirore p̄ah̄toro s̄ori. Cohãcjū pehe ahrire yeri. Tiquiro sa yegū ihñana, “Quehnoa ȳah̄d̄h̄are”, ni t̄hotuaja mari, ni ojoahye panop̄are.

¿Tire ne buherari m̄asa? niahye Jesu tiquinare.

12 Tiquiro sa nigū t̄hoye pahia p̄ah̄toa, usã acaye judio masare buheyequina, b̄uc̄na mehna ohō saha ni t̄hotuahye: “Jesu wesere cohteyequina quit̄i mehna marine tuhtiro nine”, ni t̄hotuahye. Sa ni t̄hotuye Jesure ñehe duamahye. Sa ñehe duepeta masare cue niahye. Sa cueye tiquirore cohã cãa wahahye.

Fariseo masa, Herode ya curua cjēna mehna gobierno cjē wapare sinituahye Jesure

(Mt 22.15-22; Lc 20.20-26)

13 Waha, tiquina fariseo masare, Herode ya curua cjēna ḡh̄re Jesure sinitu dutiye ohoahye tja. Jesu ñano

tiquiro ȳah̄tigū ye duamahye tiquina, tiquirore yahusãñe tehe.

14 Sa ye Jesu cahap̄a esaye, tiquirore niji sio sinitumahye:

—Buheḡu, poto yahuducuḡu, ni mehoñe marieḡu m̄ah̄u ijigū masiaja usã. Cohãcjū yere queoro m̄ah̄u yahugū ḡh̄re masiaja usã. Sa yegū ihcãquiro p̄ah̄toro waro ijiepegūta tiquiro ḡh̄re d̄oyaro marieno potota yahure m̄ah̄u. Sa yegū usãre yahuya. ¿Roma cjūno ijipihtiyequina p̄ah̄toro yere marine wapa yero cahmeajari, m̄ah̄u t̄hotugū? ¿Mari dutiye wapa ye dutiajari, m̄ah̄u t̄hotugū? ni sinituahye tiquina Jesure.

15 Tiquina sa sinitugū t̄horo tiquina ñano ye duayere masino Jesu ohō saha ni sinituahye tiquinare:

—¿D̄ah̄se yena ȳah̄u ñano yahuducugū t̄aho duajari m̄asa? Yojop̄are niñeru cjoere ne cãhtaya. Ti cjoere ihñah̄na, niahye Jesu tiquinare.

16 Tiquiro sa nigū t̄hoye tiquina pehe ihcã cjoe ne cãhtahye. Tiquina ne wihigū Jesu sinituahye tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituahye tiquiro.

—César, masa ijipihtiyequina p̄ah̄toro queoye, tiquiro wame ḡh̄u wahñare, ni ȳah̄tiahye tiquina.

17 Tiquina sa nigū Jesu yahuahye tiquinare:

—Ti pje p̄urita masa ijipihtiyequina p̄ah̄toro yere tiquiro pehere ohoya. Cohãcjū yere Cohãcjū pehere ohoya, ni yahuahye Jesu.

Tiquiro sa nigū t̄hoye t̄aho maria wahahye.

Cohãcjū tiquiro masoatire yahuahye Jesu saduceo masare

(Mt 22.23-33; Lc 20.27-40)

18 Sa ye ihquēquina saduceo masa Jesu cahap̄a wihiahye. Saduceo masa pehe “Cohãcjū yariariquinare masosi”, ni t̄hotuyequina ijiahye.

19 Sa ye tiquina ohō saha niahye tiquirore:

—Buheḡu, ohō saha ni buheahye Moise: “Ihcãquiro wahmino namo

tiriquiro pohna mariedaperota yariagã ihñano tiquiro bahurore tiquiro wahmino namono ijiricorore n̄oano cahmene. Sa yero wahmino m̄nano tiquiro pohna tiboro saha pohna tiro cahmene tiquiro bahurore. Sa ye tiquiro pohne tiquiro wahmino m̄nano pohne yero saha ijjeta”, ni ojoahye Moise, niahye tiquina Jesure.

²⁰ Tire ni tuhasa, ahri quitireta yahu nemoahye Jesure:

—Ihcãquiro mas̄no ijiahye. Seis bahana tiahye. Tiquiro wahmino pehe namo ti, pohna mariedaperota variaa wahahye.

²¹ Sa yero apequiro tiquiro bahuro gãh̄u tiquiro wahmino namono ijiricorore c̄omahye. Tiquiro sa n̄oari bato tiquiro wahmino yero saha pohna mariedaperota variaa wahahye tja. Sa yero ahriquiro bahuro tiquiro wahmino m̄nano yero saha pohna mariedaperota variaa wahahye.

²² Sa dihita wahahye ihcãquiro pohne waro. Ne pohna mariedapeta varia pihtia wahahye tiquina. Tiquina namono ijiricoro gãh̄u tiquina batota variaa wahahye.

²³ ¿Ne, Cohãcjũ ijipihtiequinare yariariquina m̄nare tiquiro masogã diquiro namono pehe ijicotari ticoro? Tiquina ijipihtiequina ticorore namo tiriquina m̄na ijiahye. ¿Sa yero diquiro namono pehe ijiboagari ticoro pototi? ni sinituahye tiquina.

²⁴ Jesu yãhtiahye tiquinare:

—Cohãcjũ yere tiquina ojoari pũre, tiquiro masiñe gãh̄ure ne masiedare m̄sa. Sa yero m̄sa tãhotuye pehe ne poto ijierare.

²⁵ Yariariquina m̄na tiquina masa m̄jari bato angele yero saha ijire. Namu marieñequina, man̄u marieñe numia ijire top̄are.

²⁶ Yariariquina m̄na tiquina masa wijiato pehere m̄sare yahugutja: Tire Moise quehnoano yahu pehoahye. Mehenugã ãjũri quitire ohõ saha ni yuahahye tiquiro: “Yuh̄u

Abrahã, Isaac, Jacob tiquina pũto tjiaja’, ni yahuri Cohãcjũ yãh̄ure”, ni ojoahye Moise tiquiro ojoari pũp̄u.

²⁷ Tiquina yariari bato “Tiquina pũto tjiaja”, ni yuahahye Cohãcjũ. Sa nieperota yariariquina m̄na pũtoro ijierare Cohãcjũ. “Tiquina pũto tjiaja”, tiquiro niñe mehna catiequina tiquina ijigã masiaja mari. Tiquiro catiequina pũtoro ijire. Sa yena “Yariariquina masasi”, ni tãhotuna potota tãhotuerare m̄sa, niahye Jesu tiquinare.

Quehnoa yãhd̄uro dutirore yuahahye Jesu
(Mt 22.34-40)

²⁸ Sa ye ihcãquiro usã acaye judio masare buheyequina mehna cãno tiquina cahap̄u wihi, tiquina cahme yahuducugũ tãhoahye. Jesu quehnoano yãhtiyere tãhoru sinituahye tiquirore.

—¿Cohãcjũ ye dutiro quehnoa yãhd̄uari dutiro noho pehe ijiajari, m̄h̄u tãhotugũ? ni sinituahye tiquiro Jesure.

²⁹ Jesu tiquirore yuahahye:

—Ahri dutiro ijire apeye dutiye bui quehnoa yãhd̄uari dutiro: “Israe masa, tãhoya. Cohãcjũ m̄sa pũtoro yuh̄u ihcãta ijiaja.

³⁰ Tutuaro m̄sa jeripohnari mehna, quehnoano m̄sa wacũñe mehna, m̄sa tutuaye mehna yãh̄ure cahĩña”, nine Cohãcjũ.

³¹ Ahri dutiro bato apero dutiro quehnoano ijire. “M̄h̄u basi m̄h̄u cahĩno saha m̄h̄u cahap̄u ijieyequina gãh̄ure cahĩña”, nine Cohãcjũ. Ahri p̄aro dutirota ijipihtie apeye dutiye yãhd̄urore ijire, ni yuahahye Jesu tiquirore.

³² Tiquiro sa nigã judio masare buheriquiro ohõ saha niahye:

—Sa tjire. Buheḡu, potota nine m̄h̄u. Cohãcjũ ihcãquirota ijire. Apequiro tiquiro yero saha ijiriquiro mariedare. M̄h̄u niñe potota ijire.

³³ Cohãcjũre tutuaro mari jeripohnari mehna, mari wacũñe mehna, mari tutuaye mehna tiquirore cahĩno

cahmene marine. Yuhu caha ijiye-quinare yuhu basi yuhu cahño saha tiquina gũhare cahño cahmene yuhare. Wahiquinare wejẽ ujũa mao mari ohori mehna mari ño peogũ quehnoarĩmene. Ahri yuhduoro Cohãcjũre, masa gũhare mari cahñe quehnoa yuhduare. Mũha sa niñe ijirota ijire, niahye judio masare buheriquiro Jesure.

³⁴ Tiquiro sa quehnoano yuhdigũ tuhoro Jesu yahuahye tiquirore:

—Mehenogã dũhsare mũhare Cohãcjũre mũha quehnoano masiato, niahye tiquirore.

Tiquiro sa nigũ tuhoye apequina cueye, ne sinituerahye Jesure.

*Cristo Davi mũnano pũhtoro ijire
(Mt 22.41-46; Lc 20.41-44)*

³⁵ Sa ye Cohãcjũ wũhũpũ buhero ohõ saha niahye Jesu:

—“Cristo Davi mũnano panamino iji turiariquiro ijire”, ni buhere mari acaye judio masare buheyequina. ¿Dũhse niñe sa ni buheajari tiquina?

³⁶ Davi tiquiro basi Espĩritu Santo tiquiro dutiriro sahata ohõ saha ni yahuahye:

Cohãcjũ yuhũ pũhtoro ohõ saha nidi: “Ohõpũ yuhũ poto pehe dujiya. Sa yegũ mũhare ihña tuhtiyequinare mũhare yuhduca basagũtja yuhũ”, nidi Cohãcjũ yuhũ pũhtoro, ni ojoahye Davi mũnano.

³⁷ Sa ni ojoaro Davi mũnano pũhtoro tiahye Cristore. ¿Davi mũnano Cristo ñecũno mũnano iji turiariquiro ijieperota dũhsero Davi pehe pũhtoro tiyari Cristore? Cristo Davi mũnano pũhtoro ijire, ni yahuahye Jesu.

Tiquiro sa ni buhegũ peyequina masa bucueye mehna tuhoahye tiquirore.

*Jesu judio masare buheyequina
tiquina ñañene yahuahye*

(Mt 23.1-36; Lc 11.37-54; 20.45-47)

³⁸ Sa yero tiquiro buhe nemono ohõ saha niahye:

—Mari acaye judio masare buheyequina tiquina ñañe yeyere quehnoano ihñaña. Sa yena tiquina yero saha yeracãhña. Tiquina yoaye suhti saña, masa tiquina ihñonopũ majare, doeri cjẽ duaropũ apequina pũhtoare quehnoano ño peo tiquina sinino saha tiquina piti ca sinigũ cahmene tiquina.

³⁹ Sa ye mari judio masa buheye wũhũsepũ quehnoañe dujiye dihitare duji duare. Sa ye bose deco ijigũ topũ gũhare quehnoañe dujiye dihitare cahmene tiquina.

⁴⁰ Tiquina wape wiha numia ye wũhũsere tiquina cũoye gũhare ehmare ti numiare. Sa ye tiquina masa ihñonopũ yoari pje Cohãcjũre siniducumene masare ihña dutiye. Tiquina sa yeri buhiri apequina bui cjũno tiquinare Cohãcjũ pajiro buhiri dahrerota, niahye Jesu tiquinare.

*Wape wihoro ticoro ohorire
yahuahye Jesu
(Lc 21.1-4)*

⁴¹ Sa yero Jesu Cohãcjũ wũhũ cjẽ niñeru tiquina sãri acaropũ dujiyahye. Topũ masa tiquina niñeru duhu sãgũ ihña dujiro niahye. Sa ye niñeru opana ti acaropũ pajiro duhu sãhye.

⁴² Sa yero wape wihoro pejecuoricoro ti acaropũ ahta, pũa cjoegã duhu sãhye. Pũa cjoe ihcã centavo pose ijire.

⁴³ Ti cjoeri ticoro duhu sãgũ ihñano tiquiro buheyequinare pijioahye:

—Ijirota niita niaja mũsare. Ahricoro wape wihoro pejecuoricoro pehe niñeru ihbori acaropũ duhu sãno apequina ijipihtiyequina tiquina ohori yuhduoro ohori ticoro pehe.

⁴⁴ Apequina doeri cjẽ opana pajiro tiquina ohoepegũta tiquina ye pajiro dũhsare. Ahricoro pehe pejecuoricoro ijieperota ijipihtiyequina ticoro ihyatire dũborigãre oho pehori, niahye Jesu.

13

—Cohãcjũ wuhũ cohãri wuhũ ijirota,
niahye Jesu

(Mt 24.1-2; Lc 21.5-6)

¹ Sa ye Cohãcjũ wuhũpũre tiquina wijiagũ ihcãquiro buheyequina mehna cjũno ohõ saha niahye:

—Buhegũ, ihñaña. Ahri wuhũse quehnoañe utã paca mehna tiquina yeri wuhũse quehnoa yuhũaye wuhũse ijicjoare, niahye tiquiro.

² Tiquiro sa nigũ Jesu yahuahye tiquinare:

—Ahri ijipihtiye mari ihñari wuhũse, ahri wuhũse cjẽ utã paca gũhare cohã pehoeta. Ne ihcãria utã tojoasi, niahye Jesu tiquinare.

Decorati pihtiatire yahuahye Jesu

(Mt 24.3-28; Lc 21.7-24; 17.22-24)

³ Sa ye Jesu Olivo wame tidũ cunũpũ Cohãcjũ wuhũ potopũ ijidũpũ esahye. Tũ buipũ dujiahye. Topũ Pedro, Santiago, Ñũ, Andre mehna tiquina sehsharo ijiye, tiquina tiquirore sinituahye:

⁴ —Yahuya usãre. ¿Dũhse ijigũ sa waharotari mũhũ nidiro saha waharo? ¿Deco pihtiatato panogã ijigũ dũhse ti waha dũcagũ ihñanatarari usã? ni sinituahye tiquina Jesure.

⁵ Jesu yuhthiahye:

—Quehnoano yeya mũsa. Sa yena apequina tiquina ni mehoñene tũhoeracãhña mũsa.

⁶ Peyequina masa “Cristo ijiaja yuhũ”, ni mehoñequina ahtaeta. Tiquina sa ni mehogũ tũhoye peyequina masa Cohãcjũ yere duhueta.

⁷ Mũsa cahagã masa apequina tiquina cahme wejẽgũ tũhonata mũsa. Sa yena yoaropũ gũhare tiquina cahme wejẽgũ tũhoonata mũsa. Sa tũhooopenata ne tire pajiro tũhotueracãhña. Sa waharota. Tiquina sa yegũ pihtiatati deco dũhsarĩnota.

⁸ Ti pjere ihcã yehpa cjẽna ape yehpa cjẽna mehna cahme wejẽeta. Sa ye ihcãquiro pũhtoro yequina apequiro pũhtoro yequina mehna cahme wejẽeta. Sa yero ijipihtiri

yehpa ñuhminota. Sa ye peyequina masa ujuã mehna yarieta. Sa wahagũ ahri yehpa cjẽnare tiquina ñano yuhũ nemoato dũhsarĩnota. Ñano yuhũarieta.

⁹ Sa wahagũ ihñana mũsa basi quehnoano yeya. Apequina mũsare ñehe, ñano ye dutiye ohoeta apequina pũhtoapũre. Sa ye judio masa mari buheye wuhũsepũ mũsare queeta. Tiquina sa yegũ bujũye macari cjẽna pũhtoa, tiquina bui pũhtoa gũhũ mũsare buhiri dahreye tehe sinitueta mũsare. Yeequina mũsa ijiri buhirire apequina mũsare yahusãeta. Sa yena yeere yahunata mũsa tiquinare.

¹⁰ Sa ye pihtiatati deco pano quehnoañe buheye ijipihtiye yehpari cjẽnare buheripũ ijirota.

¹¹ Sa yena mũsare buhiri dahre dutiye, buhiri dahre dutiatiquiro cahapũ tiquina neagũ tiquirore mũsa niatire “Yahu masiedaboaga”, ni tũhotueracãhña mũsa. Ti pjere mũsa niatire mũsare Espĩritu Santo yahurota. Tiquiro sa yahurire yahuya mũsa. Mũsa esa tuharo yahuducusi mũsa. Espĩritu Santo mũsare yahuducu basarota.

¹² Ti pjere tiquina wahmisũmũa tiquina bahanare wejẽ dutiye ohoeta pũhtoare, yeequina tiquina ijiri buhiri. Tiquina pacũsumũa tiquina pohnene wejẽ dutiye ohoeta pũhtoare. Tiquina pohne pehe tiquina pacũsumũare wejẽ dutiye ohoeta pũhtoare.

¹³ Sa ye yeequina mũsa ijiri buhiri mũsare masa ijipihtiyequina ihña tuhtietati. Tiquina sa yepegũta ahri yehpapũ mũsa catiro puno mũsare tiquina ñano yerire ihcãno sahana yuhũre duhuerana, yuhũnata mũsa.

¹⁴ Sa yena ña yuhũariquirore Cohãcjũ yere ñano yeriquirore ihñanata mũsa. Cohãcjũ ya wuhũpũ tiquiro ducugũ ihñanata. Topũ tiquirore ijieraro cahmene. Topũ tiquiro ducugũ ihñaña Judea yehpapũ ijieyehquina cunũ cjũpũ duhti oma majaa wahaahro. Ahri yuhũ nidire

quehnoano masiña m̄sa.

¹⁵ Sojaro mehna oma duhtiahro. Ti pjere tiquina w̄h̄use bui cjē paarip̄u ijiyequina w̄h̄u puhiap̄u ijiyere tiquina yere neñe wahaeracāhdo tiquina waha madoqueoato saha.

¹⁶ Sa ye ti pjere apequina tiquina weserip̄u ijiyequina tiquina bui cjē suhtire w̄h̄up̄u ijiye suhtire neñe wahaeracāhdo tiquina waha madoqueoato saha.

¹⁷ Ti pjere niji pacosānumia, tiquina pohnene ap̄oñe numia ḡh̄u pejec̄oro wahaeta.

¹⁸ Sa yena ohō saha ni siniña Cohācj̄ure: “Pohec̄u ijiḡu sa wahaeracāhdo”, ni siniña tiquiore.

¹⁹ Ti decorire masa ña ȳhd̄aro wahaeta. Ahri yehpare tiquiore bajumehnedi bato masa ñano ȳhd̄ue tiahye. Ti sa ijiepeḡata ijipihtiye ti puriñe ȳhd̄oro pihtiatu deco ijiḡure ña ȳhd̄aro masa ȳhd̄ueta. Sa ñano tiquina ȳhd̄ari bato pari turi sa ña ȳhd̄aro ȳhd̄usi ahri yehpap̄u.

²⁰ Sa yero Cohācj̄u ti decorire meheñe decoriḡa ijiḡu yerota. Tiquiro sa yeraḡu ne ihcāquiore mas̄no ȳhd̄eraboaga. Sa yero tiquiro beseriquina tiquina ȳhd̄atire meheñe decoriḡa c̄n̄ota Cohācj̄u.

²¹ “Ti pjere apequina m̄sare ‘Ihñaña. Ahriquiore ijire Cristo’, tiquina niḡu tiquinare t̄hoeracāhña. ‘Top̄u ijire Cristo’, tiquina niḡu ḡh̄ure t̄hoeracāhña.

²² “Cristo ijiaja”, ni mehoñequina, “Cohācj̄u yere yahu m̄htana ijiaja”, ni mehoñequina ijietu ti pjereta. Sa ye Cohācj̄u beseriquinare ni mehoñe, tiquina tutuaye mehna ye ihñoeta. Cohācj̄u yequinare Cohācj̄ure tiquina cohā duaḡu ye duare tiquina mehoñequina.

²³ Ahrire yahuyuaaja m̄sare sa wahato pano. Sa yena quehnoano yeya m̄sa, ni yahuahye Jesu.

*Jesu ahri dihtap̄ure tiquiro tojoa tatire yahuahye
(Mt 24.29-35, 42-44; Lc 21.25-36)*

²⁴ Sa ni tuhasa ohō saha ni yahuahye Jesu:

—Ti decori ijiḡu tiquina ñano ȳhd̄ari bato as̄u deco cj̄no, ñami cj̄no ḡh̄u buhrio duhu c̄aeta.

²⁵ Tiquina sa wahaḡata ñahpicoha paca ūhm̄usep̄u ijiye paca bora dijiaa wahaeta. Sa ye ūhm̄use cjē yehpari, ñahpicoha ḡh̄u ti sa wahaducurore comesaeta. Sa ye ñuhmieta.

²⁶ Ti pjeta ȳh̄u mas̄u Cohācj̄u ohoriḡu ahtaḡutja. Sa ye ūhm̄usep̄u ȳh̄u tutuaye mehna ȳh̄u asi siteye mehna ūhm̄use cjē ehmeo cururi buip̄u ahri yehpap̄ure ȳh̄u tojoa taḡu ihñaña masa.

²⁷ Sa yeḡu yeequina angelere ijipihitrop̄u ahri yehpap̄u ohoḡutja. Sa ye ijipihitrop̄u yeequina ȳh̄u beseriquinare tiquina neeta.

²⁸ “Yojop̄ure higuerağ̄ure t̄hotuya m̄sa. T̄u q̄uti mehna m̄sare queoye mehna buheğ̄utja. T̄u yuc̄uğ̄u p̄uri tiḡu ihñana c̄h̄ma mehenoḡa d̄hsaḡu masine m̄sa.

²⁹ Sata ahri ijipihtiye ȳh̄u nidi sa wahaḡu ihñana, ȳh̄u tojoa tato mehenoḡa d̄hsaḡu masinata m̄sa.

³⁰ Ijirota niita niaja m̄sare. Ti pje cj̄na tiquina yariato panore ijipihitiye ȳh̄u nidiro sahata sa waharota.

³¹ ūhm̄use, ahri yehpa ḡh̄u pihtia waharota. Ȳh̄u yahuducuye pehe ne comesasi. Ijipihtiye ȳh̄u nidiro sahata sa waha sohtori tiarota.

³² “Ti decore ȳh̄u tojoa tati decore, ti hora ḡh̄ure masiedaja ȳh̄u. Angele ḡh̄u tire masiedare. Masa ḡh̄u ne masiedare. Ȳh̄u Pac̄u dihita tire masine.

³³ “M̄sa ḡh̄u ti decore masiedare. Sa yena quehnoano yeya. Quehnoano cohteya. Cohācj̄ure siniña m̄sa.

³⁴ Ohō saha cohteya m̄sa. Ahri q̄uti mehna m̄sare queoye mehna buheğ̄utja. W̄h̄u up̄ro yoarop̄u tiquiro tinino saha ijire ahri. Tiquiro wahato pano tiquiro cahacj̄enare w̄h̄ure cohte dutiahye. Tiquinape tiquina dahrayere c̄ahye. Sa yero w̄h̄ure cohteriquirore tiquiro tojoa tatore cohte dutiahye.

³⁵ Sa yena m_{usa} g_{ũh} quehnoano wacũ masi cohteya. W_{uh} up_{aro} tiq_{uiro} tojoa tatore tiquina masiedariro saha y_{uh} m_{usa} p_{ah}to tojoa tati decore masiedare m_{usa} g_{ũh}. N_{amicahap}, ñami deco, canaca tiq_{uiro} yahuri p_{je} ijig_ũ bohrearop_u ahtaboaga.

³⁶ Y_{uh} sa wacũeno mehna y_{uh} wihiatore masina, yeere sa yeducuya. Sa yena y_{uh}re quehnoano cohteya.

³⁷ Sa yeg_u m_{usare} y_{uh} nino sahata ijipihtiequinare sa niaja: Quehnoano wacũ masi cohteya, niahye Jesu tiquinare.

14

Pahia p_{ah}toa, judio masare buheyequina mehna Jesure wej_ẽ duahye

(Mt 26.1-5; Lc 22.1-2; Jn 11.45-53)

¹ Sa ye ti pjere pascua wame tiri bose deco pano pug_ũ yeye moremehneñe p_{ãre} tiquina ihyati deco pano, p_{ua} deco d_{uhsari}ahye. Ti pjere pahia p_{ah}toa, us_ã acaye judio masare buheyequina mehna Jesure tiquina ni mehoñe mehna tiquina ñehe wej_ẽatire cahme yahuducuye niahye.

² —Bose deco ijig_ũ tiq_{uirore} ñehedac_{ũh}na “Masa usuari”, nina, niahye tiquina basi.

Numino ehme sitiye ùhse mehna Jesure pio peoahye

(Mt 26.6-13; Jn 12.1-8)

³ Sa ye Jesu g_{ũh} Betaniap_u, Simo cami b_{uc} m_{una} wihiro ijimediquiro ya w_{uh}p_u ijiahye. Sa yero tiquina ihyari watoa numino pehe alabastro mehna yeriare ehme sitiye nardo wame tiye ùhsere pose tiriare ne wihiyahye. Ti ùhse pehe wapa b_{uj}aye ijiahye. Sa yero ticoro tiare pohadoqueo, Jesu dapu bui pio peoahye.

⁴ Ticoro sa yeg_ũ ihñañe apequina usuaa wahahye.

—¿D_{uhs}e yero ahricoro ahri ehme sitiye co wapa b_{uj}ayere sa ye siteajari?

⁵ Tire ticoro duaboaya. Tire duaro tres cientos niñeru cjoerire wapataboaya. Sa yero ti niñerure pejec_{uoye}quinare ohoboaya ticoro, ni cohteahye apequina pehe ticoro sa yeg_ũ ihñañe.

Sa ye tiquina ticorore tuhtiahye.

⁶ Tiquina sa nig_ũ t_{uh}oro Jesu tiquinare yahuahye:

—Sa niedac_{ũh}ña ticorore. Y_{uh}re ticoro quehnoano yero nine.

⁷ Pejec_{uoye}quina pehe m_{usa} mehna sa ijiducuenta. Sa yena m_{usa} cahmedi p_{je} tiquinare oho masine. Y_{uh} pehe ahri yehpare m_{usa} mehna sa ijiducusi.

⁸ Ticoro c_{uoro} puno mehna ticoro y_{uh}re sa yeri. Y_{uh}re tiquina yato pano y_{uh} pag_ure quehnoyuro, ehme sitiye peori ticoro.

⁹ Sa yeg_u potota niita niaja m_{usare}. Ijipihtiro ahri yehpap_u quehnoañe buheyere tiquina yahuatop_u ahricoro yojop_ure ticoro yerire yahueta. Tiquina sa yahug_ũ t_{uh}oye ticorore masa peyequina wacũeta, ni yahuahye Jesu.

Juda Iscariote Jesure ihña tuhtiequinare tiq_{uiro} ihñ_oatire yahuahye pahia p_{ah}toare

(Mt 26.14-16; Lc 22.3-6)

¹⁰ Ti pjereta Juda Iscariote doce buheyequina mehna c_{ãno} Jesure tiq_{uiro} ihñ_oatire yahuro wahahye tiq_{uirore} ihña tuhtiequinare, pahia p_{ah}toare.

¹¹ Sa ye pahia p_{ah}toa tire t_{uh}oye bucueahye.

—M_{uh}re niñerure ohonatja, niahye tiquina Judare.

Sa yero Jesure ihña tuhtiequinare tiq_{uiro} ihñ_oatire wacũ macahye.

Jesu tiq_{uiro} buheyequina mehna tiquina ihya bato tiri deco ijiahye

(Mt 26.17-29; Lc 22.7-23; Jn 13.21-30; 1 Co 11.23-26)

¹² Pug_ũ yeye moremehneñe p_{ãre} tiquina ihyati bose deco iji d_{ucari} deco, ovejare pascua deco ijig_ũ ihyatiq_{uirore} tiquina wej_ẽati deco ijiahye.

Ti pjere tiquiro buheyequina pehe sinituahye Jesure:

—¿Noho boropu bosedeco ijigũ mari ihyatire quehnoyu dutigũ ohoutjari mũhũ usãre? niahye tiquirore.

13 Tiquina sa nigũta Jesu pehe puaro tiquiro buheyequina mehna cjenare ohoahye.

—Jerusalẽpu wahaya. Topu musa esagũ aco suture wariquiro musare piti carota. Tiquiro piti cagũ tiquiro mehna wahaya.

14 Sa wahana tiquiro siho sajãri wũhũ esana wũhũ upũrore ohõ saha ni yahuya: “¿Nohopu yũhũ buheyequina mehna pascua cje ihyayere ihyanatari?” nidi buheriquiro”, niña wũhũ upũrore.

15 Musa sa nigũ tuhoro uhmũano cja tucũre pajiri tucũre mari cahmeñe mehna tiquina quehnoiri tucũre ihñonota wũhũ upũro. Topu mari ihyatire dahreya musa, niahye Jesu tiquinare.

16 Tiquiro sa nigũ tuhoye tiquina tiquiro buheyequina ti macapu wahahye. Topu esagũ tiquinare tiquiro nidiro sahata wahahye. Sa ye tiquina pascua cje ihyayere dahreahye.

17 Sa ye nahitia cãhtagũ Jesu doce tiquiro buheyequina mehna topure esahye.

18 Sa yero tiquina mehna mesapu ihyaro Jesu tiquinare yahuahye:

—Poto niita niaja musare. Ihcãquiro musa mehna cjunõ yũhũ mehna ihyariquirota yũhũre ihña tuhtiyequinare ihñonota, ni yahuahye Jesu tiquinare.

19 Tiquiro sa nigũ tuhoye tiquina pehe bũjũa witiahye.

—¿Yũhũta ijiajari mũhũre ihñõacju? ni sinitu phtiahye tiquina Jesure.

20 —Musa mehna cjunõta ijire tiquiro. Yũhũ ihyari papu yũhũ mehna soha ihyariquirota ijire yũhũre ihña tuhtiyequinare ihñõatiquiro.

21 Panopu yũhũre tiquina yahu ojoariro sahata yũhũ masu Cohãcjũ ohorigu yariagata. Sa yero yũhũre ihña tuhtiyequinare ihñõriquiro pejecũoro yũhdũrota. Tiquiro

pehe masa bajueragũ, quehnoa yũhdũeraboya. Ñano yũhdũeraboya, niahye Jesu tiquinare.

22 Sa ni yahu tuhasaro tiquiro buheyequina mehna ihyaro taro niahye. Sa yero Jesu pãre ne, Cohãcjũre “Quehnoare”, niahye. Sa ninota tiare nuha, itiahye tiquinare.

—Ahrire ne ihyaya. Ahri yũhũ pagu ijire, niahye tiquiro tiquinare.

23 Sa ni tuhasa tiquiro sihnini pare ne, Cohãcjũre “Quehnoare”, ni tuhasa, ohoahye tiquinare. Tiquiro oho tuhasagũ tiquina ijipihtiyequina tire sihniahye.

24 —Ahri yũhũ dii ijire. Peyequina masa tiquina ñañe yerire cohãgu tagu yariagutja. Sa yegu yũhũ diire cohãgutja. Mari Pacu “Musare yũhdũogutja”, tiquiro nidiro esagũ yũhũ yariaro mehna tiquiro nidiro sohtori tirota.

25 Poto niita niaja musare. Cohãcjũ tiquiro puhtoro ijiropu wahma core uhsẽ core yũhũ sihniato pano, ahri dihtapure uhsẽ core pari turi sihnisi yũhũ, niahye Jesu tiquinare.

Pedro Jesure tiquiro cohãtire yahuahye Jesu

(Mt 26.30-35; Lc 22.31-34; Jn 13.36-38)

26 Sa ye tiquina ihcã taha Cohãcjũ ye basayere basa tuhasa, cunũpu Olivo wame tidũpu wahaa wahahye.

27 Topu siho esaro Jesu tiquinare yahuahye:

—Yojopure musa ijipihtina yũhũre cohãnata. Ohõ sahata nine Cohãcjũ yere tiquina ojoari pũpu yũhũre yahuro: “Ovejare ihña ihboriquiro yero saha ijiriquirore Cohãcjũ cohãnata. Sa tiquiro cohãgũ tiquiro yequina oveja yero saha ijieyequina duhti site cãa wahaeta”, nine Cohãcjũ yere tiquina ojoari pũpu.

28 Sa yegu Cohãcjũ yũhũre tiquiro masori bato musa pano Galileapu wahayugutja yũhũ, niahye Jesu tiquinare.

29 Tiquiro sa nigũ Pedro ohõ saha niahye:

—Yuhu mehna cjēna ijipihtiyequina tiquina cohã cãepēgūta yuhu pehe mūhure ne cohāsi, nimahye Pedro tiquiore.

³⁰ Jesu yūhtiahye:

—Potota niita niaja mūhure. Mia ñamita canaca pua taha tiquiore yahuato pano “Yuhu Jesure masiedaja”, nigūta mūhū. Ihtia taha sa nigūta mūhū, niahye Jesu Pedrore.

³¹ Tiquiore sa niepegūta Pedro ohō saha ni tutuaro bisiro yūhtiahye:

—Mūhū mehna yūhure tiquina wejē duepegūta “Jesure masiedaja”, ne nisi yuhū, ni yūhtimahye tiquiore Jesure.

Pedro sa nigū tūhoye tiquiore mehna cjēna gūhū sa dihita ni yūhtiahye.

Getsemaní wame tiri wesepu Jesu Cohācjūre siniahye

(Mt 26.36-46; Lc 22.39-46)

³² Sa ye tiquina Getsemaní wame tiri wesepu wahahye. Topu esaro ohō saha niahye Jesu:

—Yuhū Cohācjūre yuhū sinino watoa ohō dujiyuya, niahye tiquiore buheyequinare.

³³ Sa ni tuhasa Pedrore, Santiagore, Ñure tiquinare ihtiarore piji cāhye. Tiquinare sa piji cāno, pajiro tūhotu dūcahye tiquiore. Sa yero ñano jeripohna tiahye.

³⁴ Sa bujua witiro tiquiore mehna cjēnare tiquiore piji cāriquinare ohō saha niahye:

—Yuhū ñano jeripohna tiaja. Yūhure tutuaro purīno saha tūhotugū niaja. Ohō tojoaya. Sa yena yuhū mehnata carīedacāhña mūsa gūhū, niahye Jesu tiquinare.

³⁵⁻³⁶ Sa ni tuhasa tiquiore topu mehenogā waha nemo, yehpapu quehe saro, Cohācjūre niahye:

—Mai, mūhū ijipihtiyere ye masine. Sa yegū yuhū ñano yūhdūatire ye dueragū yeracāhña. Yuhū sa niepegūta yuhū cahmeno saha yeracāhña. Mūhū pehe masine. Mūhū cahmeno saha yeya yūhure, ni siniahye tiquiore Cohācjūre.

³⁷ Sa ni tuhasa, ihtiaro tiquiore buheyequina cahapu wihiro, carīnequinare ihñahye. Tiquinare ihñano Pedrore niahye:

—¿Simo, carīgū niajari mūhū? ¿Ihcā hora waro yuhū ihcāno mehna carīegū iji masiedajari mūhū?

³⁸ Quehnoano yeya mūsa. Sa yena Cohācjūre siniducuya mūsa, “Ñano yeari”, nina. Mūsa tūhotuye mehna quehnoañene ye duamene mūsa. Mūsa sehsaro sa ye duepenata tire ye masiedare mūsa, niahye Jesu Pedrore.

³⁹ Sa ni yahu tuhasa pari turi waha, Cohācjūre siniahye. To pano tiquiore sinidiro saha siniahye tja.

⁴⁰ Sa sini tuhasaro pari turi tiquina cahapu wihiahye tja. Sa wihiro carīnequinare ihñahye tja. Wujua quehe yūhdūahye tiquina. Sa ye tiquina Jesure dūhse ni masiedahye.

⁴¹ Sa yero pari turi Cohācjūre tiquiore sinidi bato tiquina cahapu wihi, tiquinare niahye:

—¿Yojopu pūritare carīnina niajari mūsa? ¿Sorīna niajari mūsa? To punota umū saro taro nine. Mi-anogāta yūhure Cohācjū ohorigure ñañequinare tiquina ohoati pje umū saro nine.

⁴² Wahcāña. Isa wahana. Ihñaña. Yūhure ihña tuhtiyequinare ihñootiquiore ohō ahtare, niahye Jesu tiquinare.

Jesure ihña tuhtiyequina tiquiore peresu yeahye

(Mt 26.47-56; Lc 22.47-53; Jn 18.2-11)

⁴³ Tiquiore sa nino watoata Juda, doce buheyequina mehna cjēno ijimediquiore wihiahye. Sa ye masa peyequina ñoseñe pjīni, yucu tiāri cūoyequina tiquiore mehna wihiahye. Pahia pūhtoā, judio masare buheyequina, būcūna, tiquina ohoriquina masa pehe ijiahye.

⁴⁴ Coā warore Jesure ihña tuhtiyequinare ihñootiquiore masare ohō saha ni yahu queo tuhasahye.

—Wahsupure yuhū ihmidiquiore tiquiota ijirota mūsa ñeheatiquiore.

Tiquirore yuh̄u ihmidi bato ñehaña tiquirore. Sa yena quehnoano ñehaña tiquirore “Duhtiari”, nina, ni yahu tuhasahye Juda pehe.

45 Sa yero wihirota Jesu cahap̄u duita waha madoqueohye.

—Buheḡu, ninota wahsupure ihmihye tiquirore.

46 Tiquiro sa yeḡu ihñañe tiquina Jesure ñeheahye.

47 Tiquina sa yeḡu ihñano to cahap̄u ducuyequina mehna cj̄ano tiquiro ñoseni pj̄ine t̄ā we nedoqueo, pahia p̄h̄toro cahacj̄anore tiquiro cahmonore d̄ate pahr̄e c̄ahye.

48 Sa yero Jesu oh̄o saha niahye:

—¿D̄ahse ij̄iro boro m̄usa ñoseñe pj̄ini mehna, yuc̄u tīari mehna ahtana, yaqueriquirore yero saha yuh̄are ñehena ahtajari?

49 Decoripe Coh̄acj̄u w̄uhap̄u m̄usare yuh̄u buhe dujiḡu, m̄usa yuh̄are ne ñehedari. Sa ij̄iepeḡuta ahri ij̄ipihtiye sa waharo niaga Coh̄acj̄u yere tiquina ni ojoariro sahata, niahye Jesu masare.

50 Sa ye Jesu buheyequina tiquirore coh̄a c̄a, ij̄ipihtiyequina oma site c̄a wahahye.

51 Sa yero wahm̄ano suhti mariediquiro ihc̄ano coma cj̄uno dihita comariquiro Jesu bato n̄an̄u t̄amahye. Tiquiro sa n̄an̄u t̄aḡu ihñañe tiquirore ñehemahye.

52 Tiquirore tiquina ñeh̄e duaḡu ihñano tiquiro coma cj̄unore coh̄a c̄a, suhti mariediquiro oma c̄a wahahye.

P̄h̄toa cahap̄u neahye Jesure

(Mt 26.57-68; Lc 22.54-55, 63-71; Jn 18.12-14, 19-24)

53 Sa ye pahia p̄h̄toro cahap̄u Jesure ne c̄ahye. Sa ye ij̄ipihtiyequina pahia p̄h̄toa, b̄uc̄una, us̄a acaye judio masare buheyequina ḡuh̄u cahmecoahye.

54 Sa yero Pedro pehe Jesu bato yoarop̄u n̄an̄u t̄ahye. Sa n̄an̄u t̄ano pahia p̄h̄toa ya w̄uh̄u cahap̄u esahye.

Sa yero tiquiro ti w̄uh̄are cohteyequina surara mehna peca d̄ah̄tu cahap̄u sohma dujiahye.

55 Pahia p̄h̄toa, ij̄ipihtiyequina apequina p̄h̄toa ḡuh̄u Jesure wej̄e duti duaye, ni mehoñe mehna tiquirore tiquina ñano buhiri dahreatore wac̄u macañe nimahye. Tiquina yahus̄atire wac̄u bocaerahye.

56 Sa wac̄u bocaerapeta peyequina masa tiquirore sa yahus̄a maca c̄ahye. Tiquina yahus̄añe poto ij̄ierahye. Apequiro sijoro saha ni, apequiro sijoro saha niahye.

57 Sa ye apequina top̄u esaye, Jesure yahus̄ahye.

58 —Ahriquiro oh̄o saha nidi: “Yuh̄u ahri w̄uh̄are Coh̄acj̄u w̄uh̄are masa tiquina dahreri w̄uh̄are coh̄aḡutja. Sa coh̄aḡu ihtia deco wahaboro ti w̄uh̄are pari turi yeḡutja. Ti w̄uh̄u masa tiquina dahreri w̄uh̄u ij̄isi”, tiquiro niḡu us̄a t̄ahou, niahye ni meho yahus̄añequina.

59 Tiquina sa ni yahus̄aep̄eḡuta tiquina yahus̄añe ḡuh̄u poto ij̄ierahye. Apequiro sijoro saha ni, apequiro sijoro saha niahye.

60 Tiquina sa niḡu t̄ahoro pahia p̄h̄toro tiquina watoa ducuriquiro wahc̄ad̄uca sa, Jesure sinituahye:

—¿Ahriquina m̄uh̄are tiquina yahus̄aep̄eḡuta tiquinare yuhti cahmedajari m̄uh̄u? ¿M̄uh̄are tiquina yahus̄arire d̄ahse ni yuhti cahmeajari m̄uh̄u? niahye tiquiro Jesure.

61 Tiquiro sa niḡu t̄ahoep̄erota Jesu sata t̄ahotu c̄ahye. Tiquiro sa yuhtieraḡu ihñano pahia p̄h̄toro tiquirore sinituahye tja:

—¿Cristota ij̄iajari m̄uh̄u? ¿Quehnoariquiro Coh̄acj̄u mac̄u warota ij̄iajari m̄uh̄u? niahye tiquiro Jesure.

62 —Tiquiro tj̄iaja. Sa yena yuh̄are masare Coh̄acj̄u ohorigare yuh̄u Pac̄u tutuariquiro poto pehep̄u yuh̄u dujiḡu ihñanata m̄usa. Sa yena uhm̄use cj̄e ehmeo cururi watoa yuh̄u ahtaḡu ḡuh̄are ihñanata m̄usa, niahye Jesu tiquirore.

63-64 Tiquiro sa nigūta pahia pūhtoro pehe tiquiro sañari suhtirore tiquiro basi tūhrē cāhye, apequinare “Usua yūhdūare”, ni ihña masi dutiro.

—Cohācjūre ñano yahuducuro nine ahriquiuro. Sa yena tiquiro ñano yahuducuyere tūho tuhasaja mari. Sa ye topequinata yahusāahdo ahriquiore. ¿Sa yena dūhse yenatari mari yojopūre ahriquiore? niahye pahia pūhtoro apequina pūhtoare.

—Tiquiro ñari buhiri wejēno cahmene tiquirore, ni yūhtiahye apequina pūhtoa.

65 Sa ye tiquina mehna cjēna Jesure sihco puti, tiquiro caperire dūhte biha, tiquirore quēpeahye. Quēpe tuhasa ohō saha nipeahye:

—¿Noa pehe mūhūre quēari? Ihñedapeguta yahuya ūsāre, ni būjūpeahye tiquina.

Sa ye pūhtoro yequina surara pehe Jesure quēpe tuhasa, neahye.

—*Tiquirore masiedaga, niahye Pedro Jesure*

(Mt 26.69-75; Lc 22.56-62; Jn 18.15-18, 25-29)

66 Sa yero wūhū caha ijiri paapū quehnoari paapū Pedro ijigū pahia pūhtoro cahacjōno wihiahye.

67 Pedro tiquiro sohmagū ihñano ticoro tiquiro dihitare ihñaducuahye.

—Nazare cjāno mehna, Jesu mehna mūhū gūhū ijiri, niahye ticoro Pedrorre.

68 Ticoro sa nigū tūhoro tiquiro ohō saha niahye:

—¿Dūhse ni macago niajari mūhū? Mūhū nidiquirore ne masiedaja yūhū, niahye Pedro ticorore.

Tiquiro sa nidi bato Pedro sahrīno sopecaha cahapū wahahye. Sa yero topū tiquiro ducugū canaca yahuahye.

69 Topū tiquiro ijigū ihñano cahacjōno pehe ticoro cahapū ducuyequinare yahuahye tja:

—Ahriquiuro gūhū Jesu buheyequina mehna cjāno ijire, niahye ticoro.

70 Ticoro sa nigū tūhoro Pedro pari turi ohō saha niahye tja:

—Tiquirore masiedaja yūhū, niahye tja.

Sa yero came cjūnopū topū ducuriquina Pedrorre ohō saha niahye:

—Ijirota ijire. Mūhū Galilea cjū ijire. Sa yegū tiquina mehna cjūta ijire mūhū, niahye tiquina tiquirore.

71 Tiquina sa nigū tūhoro tiquiro yūhtiahye:

—Potota Cohācjū mehna niaja māsare. Potota yūhū niedagū Cohācjū yūhūre buhiri dahreahro. Tiquirore masa nidiquirore ne masiedaga yūhū, ni yūhtiahye Pedro tiquinare.

72 Tiquiro sa nigūta canaca yahuahye tja. Tiquiro sa yahugū tūhoro Jesu tiquirore nidire wacūahye Pedro: “Canaca pūa taha tiquiro yahuatō pano mūhū yūhūre ‘Jesure masiedaga’, nigūta mūhū. Ihtia taha sa nigūta mūhū”, Jesu tiquiro nidire wacūahye Pedro pehe. Tiquiro sa nidire wacūno, tutuaro utiahye Pedro.

15

Pilato Jesure sinituahye

(Mt 27.1-2, 11-14; Lc 23.1-5; Jn 18.28-38)

1 Sa ye bohrearopū pahia pūhtoa, būcūna, ūsā judio masare buheyequina, ijipihtiyequina apequina pūhtoa mehna cahmecoā, yahuducuahye tiquina yeatire masiñe tehe. Tiquina basi yahuducu tuhasa, Jesure dūhte, ne cā, Pilatore ohoahye tiquirore.

2 Tiquina ne sagū ihñano Pilato tiquirore sinituahye:

—¿Potota judio masa pūhtota ijiajari mūhū? niahye tiquiro Jesure.

—Mūhū nino sahata ijiaja, ni yūhtiahye Jesu.

3 Sa ye pahia pūhtoa peye yahusāhye tiquirore.

4 Tiquina sa ni yahusāgū tūhoro Pilato tiquirore sinituahye tja:

—Ahriquina mūhūre peye yahusāñe nine. ¿Tiquina sa yahusāpegūta yūhtierajari mūhū? niahye tiquiro.

⁵ Tiquiro sa niepegūta Jesu ne pari turi yahti nemoedahye. Sa yero Pilato ne dahse ni masiedahye.

Jesure wejē dutiahye

(Mt 27.15-31; Lc 23.13-25; Jn 18.38-19.16)

⁶ Cuhmaripe pascuaripe masa yaquiro ijiatiquirore ihcāquiro peresupū ijiriquirore tiquina cahmediquirore Pilato wio basaducue tiahye.

⁷ Ti pjere Barrabá wame tiriquiro peresupū ijiahye. Tiquiro pūhtoare cohā duayequina, masare wejēnequina mehna cjūno ijiahye.

⁸ Sa ye masa peyequina Pilato cahapū esaye, tiquirore siniahye:

—Cuhmaripe usāre mūhū yeducuriro sahata yeya usāre. Ihcāquiro peresupū ijiriquirore usāre wio basaya, niahye tiquina.

⁹ Tiquina sa nigūta Pilato tiquinare sinituahye:

—¿Mūsa yaquiro ijiatiquirore mūsa judio masa pūhtoro wio basabogari yūhū? ni sinituahye masare Jesure wio duaro.

¹⁰ Jesure masa tiquina cahīgū ihñāne pahia pūhtoa gūhū tiquirore ihñā tuhtiahye. Sa ihñā tuhtiyē tiquirore ohoahye Pilatopūre. Sa yero masa tiquina cahīdi buhiri tiquina ihñā tuhtirire masino Pilato Jesure wio duamahye.

¹¹ Tiquiro sa wio duepegūta pahia pūhtoa Jesu mehna masare usuagū yeahye. Ohō saha ni dutiahye tiquinare: “Barrabá pehere wioya. Jesure wejē dutiya”, ni dutiahye masare.

¹² Sa yero Pilatore Barrabáre tiquina wio dutiri bato Pilato tiquinare sinituahye tja:

—¿Ahriquiro judio masa pūhtoro mūsa nidiquiro pehere dahse yegūtari yūhū, mūsa sa nigū? ni sinituahye tiquiro.

¹³ —Curusapū quē biha wejēna tiquirore, ni sañuducuahye masa.

¹⁴ —¿Yabe borore ñañene yeari ahriquiro, mūsa sa ni sañuducugū? ni sinituahye tiquinare.

Tiquiro sa nigū tuhoye tiquina sañuducu nemoahye tja:

—Curusapū quē biha wejēna tiquirore, ni sañuducuahye tiquina.

¹⁵ Tiquina sa ni sañuducugū tūhoro Pilato pehe masare bucuegū ye duaro Barrabá pehere peresupū ijiriquirore wio dutiahye masa tiquina cahmediquirore. Sa yero Jesu pehere yuta dari mehna tana duti, curusapū quē biha wejē dutiro ohoahye surarare.

¹⁶ Sa ye surara Pilato ya wūhūpū pretorio wame tiri wūhūpū tiquirore ne sahye. Ne sa tuhasa tiquina apequina surarare tiquina mehna cjēnare cahmecoañe tehe pijioahye.

¹⁷ Sa ye tiquina pūhtoro ya suhtiro yero saha bajuri suhtirore Jesure sāa, pota behtore dahre, ti behtore tiquiro dapu bui duhu peohye.

¹⁸ Sa ye tuhasa ohō saha ni bujūpeahye tiquina tiquirore:

—Quehnoano ahtaya. Judio masa pūhto, quehnoano ahtaya, ni bujūpeahye.

¹⁹ Sa nieta yucūgū mehna tiquiro dapure quē, tiquirore sihco puti wisō, cua pesaro yeyequina yero saha tiquirore quehe sa, ño peoro saha yeahye. Tiquirore ñano yeye niahye. Sa ye bujūpeye niahye.

²⁰ Sa yepe tuhasa tiquina sāari suhtirore tu we nedoqueo, tiquiro ye suhti pehere tiquirore sāa, tiquirore curusapū quē biha wejēne wahaye, nea wahahye tiquina.

Tiquina Jesure curusapū quē biha wejēahye

(Mt 27.32-44; Lc 23.26-43; Jn 19.17-27)

²¹ Sa ye topū wahariquiro, Simo Cirene cjūno ihquē wūhūse ijiropū esariquiro, tiquina cahapū wihigū ihñāne surara pehe tiquirore Jesu ya curusare wūa cā dutiahye. Alejandro, Rufo pacaro ijiahye Simo pehe.

²² Waha, Gólgota wame tiropū esahye. Gólgota nino “Dapu pehtoro”, nino nine.

23 Sa ye vinore mirra wame tiye co mehna tiquina moredi core Jesure ohomahye. Sa yero ti core sihni duer-ahye tiquiro.

24 Sa ye curusap_u Jesure quē bi-hahye tiquina. Quē biha tuhasa tiquiro suhti ijirore “¿Noa yaro ijiro-tari ohō?” ni cahme doquepeahye tiquina.

25 Jesure curusap_u tiquina quē bi-hag_u ihtia hora d_uhsahye coheri pje esato.

26 Sa ye curusap_u ohō saha ni ojoari pjīne duhu ohōahye tiquina tiquiro ñañe buhirire yahu duaye. “AHRIQUIRO JUDIO MASA P_uHTORO IJIRE”, ni ojoahye tiquina ti pjīne.

27 Sa ye p_uaro yaque b_uc_una Jesu caha apeye curusarip_u tiquina quē biha ohōriquina ijiahye tiquina. Ihcāquiro poto pehe, apequiro cū pehe pehe quē biha ohōahye tiquina g_uhare. [

28 Tiquina sa yeg_u panop_u Cohācj_u yere tiquina yahu ojoariro sahata waharo niahye. Ohō saha ni ojoahye: “ ‘Dutiyere y_uhd_ud_ucayequina mehna cj_uno ijire’, ni, t_uhoturi masa tiquirore”, ni ojoahye panop_u.]

29 Sa ye curusari cahap_u y_uhd_u cāñequina Jesure ih_una, tiquina dapu pacare yuredoqueo, tiquirore ñano ni yahuducuahye:

—Quehnoare. Quehnoare. ¿Cohācj_u w_uhare cohā, ihtia deco wahaboro pari turi ti w_uhare dahreacj_u ijiajari m_uh_u?

30 M_uh_u basi dijiahya. Sa yeg_u m_uh_u basi yedohoya. Sa yeg_u y_uhd_u witig_uta m_uh_u, ni b_uj_upeahye tiquina.

31 Tiquina yero sahata pahia p_uh_utoa g_uh_u _usā judio masare buheyequina g_uh_u tiquirore sa ni b_uj_upeahye. Sa ni b_uj_upeye ohō saha niahye tiquina basi:

—Tiquiro apequinare y_uhd_uoriquiro ijieperota tiquiro basi y_uhd_uo masiedare.

32 “Israe masa p_uh_uto, Cristo ijiaja”, nimedti tiquiro. Sa yena tiquiro basi

dijia tag_u ih_una tiquirore wac_u tutu-anata, ni b_uj_upeahye tiquina.

Sa ye yaque b_uc_una tiquiro caha tiquina quē biha ohōriquina g_uh_u sata ñano ni b_uj_upeahye tiquirore tja.

Jesu yariaa wahahye
(Mt 27.45-56; Lc 23.44-49; Jn 19.28-30; He 6.19-20; 10.19-20)

33 Sa ye coheri pje ijig_u ihtia hora waro ijipihtirop_u nahitiaa wahahye.

34 Sa yero nahitia y_uhd_ug_u waro Jesu tutuaro sañuducuahye:

—¿Eloi, Eloi lema sabactani? niahye tiquiro.

Sa nino ohō saha nino niahye. “¿Y_uh_u Pac_u, y_uh_u Pac_u, d_uhsegu y_uh_ure cohājari m_uh_u?” nino niahye.

35 Tiquiro sa nig_u t_uhoye ihquēquina top_u ducuriquina ohō saha nimahye:

—Cohācj_u yere yahu m_uhtariquirore Elia m_unanore pijoro niboaga, nimahye tiquina.

36 Sa yero ihcāquiro tiquina mehna cj_uno oma cā, aco ihmini s_uhtere vino s_uēñe core tiquiro sohari s_uhtere ne cā, yuc_ug_u sohtoap_u d_uhte ohō, Jesure sihōmahye. Sa sihōno ohō saha nimahye:

—Cohteniña. Elia m_unanano ahriquirore tiquiro y_uhd_uog_u ih_uar_uihna mari, nimahye tiquiro apequinare.

37 Tiquiro sa nidi bato Jesu pehe tutuaro sañuducu, yariaa wahahye.

38 Tiquiro yariag_uta Cohācj_u w_uh_u cj_u suhtiro cahsero tore tiquina cahmotari cahsero deco mehna bui pehe t_uh_u dijia ta, t_uh_u maa cj_u saa wahahye.

39 Tiquiro sa yariag_u ih_unao surara p_uh_uto Jesu caha ducuriquiro ohō saha niahye:

—Ijirota ijire. Ahriquiro Cohācj_u mac_unota ijire, niahye tiquiro.

40 Sa ye yoarop_u ducuye numia Jesure ih_uaducuye niahye. Tiquina numia mehna María Magdalena ijiahye. Apecoro María wame tiri-coro g_uh_u ijiahye. Ticoro pehe José, tiquiro bah_uro Santiago, tiquina pa-coro ijiahye. Apecoro Salomé ijiahye.

41 Tiquina numia Jesu yere quehnoano tãhoyequina numia ijiye, Galilea yehpapu tiquiro ijigũ tiquirore yedohoe tiahye. Tiquina numia mehna peyequina apequina numia gãhu Jerusalẽpu Jesu mehna ahtariquina numia ijiahye.

Jesu pagure masa copepu cũahye
(Mt 27.57-61; Lc 23.50-56; Jn 19.38-42)

42-43 Sa ye ti deco tiquiro yariari deco saurũ pano judiõ masa usã sori deco pano ijiri deco ijiahye. Sa yero pascua cjẽ ijiatire tiquina quehnoyuri deco ijiahye. Ti ñamita José Arimatea cjãno cuero marieno Pilato cahapu esahye Jesu pagure sinino esaro. José judiõ masa usã puhto mehna cjãno, puhto tiquina cua pesaro ihñariquiro waro ijiahye. Sa yero Cohãcjũ masa bui tiquiro puhtoro sajãtoore cohtero niahye.

44 Sa yero José Pilatore tiquiro sini tuhasagũ tãhoro tãho maria wahahye Pilato pehe. “¿Jesu yaria tuhasayari?” ni tãhoturo, tãho maria wahahye. Sa yero surara puhtoroore pijio ohõ saha niahye tiquirore:

—¿Jesu yariaa wahari? ni, sinituhye tiquirore.

45 Tiquiro sa nigũ surara puhtoro yãhtiahye:

—Yariaa wahari, niahye.

Tiquiro sa nigũ Pilato Jesu pagure oho dutiahye Josere.

46 Tiquiro sa oho dutiri bato José quehnoari suhtirore dúahye. Dú tuhasa, Jesu pagure ne dijio, suhtiro mehna wahme, masa copepu utãpu tiquina seheri copepu tiquiro pagure cũahye. Cũ tuhasa, ti cope caha ijiria utãre pajiria utãre tu torẽ cã, ti copere bihahye.

47 Sa ye María Magdalena, María José pacoro Jesure tiquina cũrrore ihñahye.

16

Jesu masa wijiahye
(Mt 28.1-10; Lc 24.1-12; Jn 20.1-10)

1 Sa ye saurũ yãhdugũ María Magdalena, María Santiago pacoro, Salomé mehna wisõne co ehme sitiye dúahe tiquiro pagure wisõne tehe.

2 Sa ye domingo bohrea queharo Jesure tiquina cũri copepu wahahye tiquina.

3 Wahaducuye, ohõ saha niahye:

—¿Ti copere biharia utãre noa marine põo basarotari na? niahye tiquina basi.

4 Ti copepu esaye, ti copere biharia utãre pajiria utãre tiquina põo cũriare ihñahye tiquina.

5 Sa ihñañe ti copepu sajã sahye. Sa sajã saye, wahmunore poto pehe duriquirore yehseye suhti tiriquirore ihña, acuaa wahahye.

6 Tiquina sa acuaagũ ohõ saha niahye tiquiro:

—Yãhure ihña acueracãhña. Jesu Nazare cjãno tiquina quẽ biha wejẽdiquiro masa macariquiro masa wijia tuhasari. Ohõre mariedare. Tiquirore tiquina cũrrore ihñaña.

7 “Tiquiro masa pano Galileapu waharota”, ni yahuna wahaya tiquiro buheyequinare, Pedro gãhure. Topu tiquiro nidiro sahata masa tiquirore ihñanata, ni yahuahye wahmuno tiquinare.

8 Tiquiro sa nigũ tãhoye tiquina cueye, nanare, masa cope cahapu ijiriquina oma cãa wahahye. Sa cueye apequinare yahuerahye.

Jesu María Magdalenare bajaahye
(Jn 20.11-18)

[

9 Sa ye domingo ijigũ Jesu tiquiro masa wijari bato María Magdalenare baja mãhtahye. Ticoro siete watãre cõmedicoro ijimahye. Sa yero Jesu tiquiro yariato pano watãre tiquiro cohãnohricoro ijiahye. Sa yero ticoro pehere baja mãhtahye tiquiro masa wijari bato.

10 Sa ye Jesu mehna cjẽna tiquiro yariagũ ihñañe tutuaro bujua witi, utiye niahye. Sa tiquina utiri watoa ticoro pehe tiquirore ihñarire yahumahye tiquinare.

11 “Cristo catiri. Ihñau”, ticoro ni yahuepegãta tuho duerahye.

Jesu tiquiro buheyequinare bajuahye

(Lc 24.13-35)

12 Came puaro tiquina mehna cjeña wahuase marienopu tiquina tinigã Jesu sijoro saha bajuriquiro tiquinare bajuahye.

13 Tiquiro sa bajuagã ihñañe tiquina tojoaa waha, apequinare Jesu yequinare tire yahuahye. Tiquina sa ni yahuepegãta tiquina pehe tuho duerahye.

Jesu tiquiro yere buhe dutiro ohoahye tiquiro buheyequinare

(Mt 28.16-20; Lc 24.36-49; Jn 20.19-23)

14 Came doce tiquiro buheyequinare mesa cahapu tiquina dujigã tiquinare bajuahye tiquiro. Sa yero tiquirore ihñariquinare tiquina yahugã tuho dueyequinare masino Jesu tiquinare tuhtiahye. Tiquirore tiquina quehnoano wacũ tutuerari buhirire tuhtiahye tiquinare.

15 Sa tuhti tuhasaro tiquinare ohõ saha niahye:

–Ahri yehpa ijipihropu quehnoañe buheyere ijipihyequina masare buhena wahaya.

16 Yuhare wacũ tutuayequinare tiquina wame yenhriquinare pecapu wahaboriquinare yuhdorota Cohãcjã. Sa ye yuhare wacũ tutueyequina Cohãcjã tiquiro buhiri dahreatiquina pecapu wahatiquina ijieta.

17 Sa ye yuhare wacũ tutuayequina yuhu tutuaye mehna ohõ saha yeeta: Yuhu tutuaye mehna, yuhu wame mehna watãare cohãeta. Sa ye wahma yahuducuyere yahuducueta.

18 Sa ye añaare tiquina ñehegã, ijipihye nima duhse ijiye nimare tiquina sihnigã, tiquinare ne purisi. Sa ye dohatiyequina bui tiquina omocarine tiquina ña peogã dohatiyequina pehe quehnoa wahaeta, niahye Jesu tiquiro buheyequinare.

Jesu hmusep mujaa wahahye

(Lc 24.50-53)

19 Sa ni yahu tuhasa mari puhtoro Jesu hmusep mujaa wahahye. Topu esaro Cohãcjã poto pehe dujiahye tiquiro mehna puhtoro ijiro.

20 Sa ye Jesu buheyequina ijipihropu quehnoañe buheyere buh-eye wahaa wahahye. Tiquina sa buhegã mari puhtoro tiquinare yedo-hoahye. Tiquiro tutuaye mehna ye ihño, masigã yeahye tiquinare, masare tiquiro ye buheyere tuho dutiro. To punota ijire.]

San Lucas

1-2 Pũhto Teófilo, ahrire mũhũ buheatire mũhũre ojoa ohogũ niaja. Jesu Ʃsã mehna ijinino tiquiro yerire apequina ojoa dũca tuhasari jiri. Coã waropũre Jesure ihñariquina, tiquiro yere buheriquina tiquina ni yahuriro sahata apequina tire ojoa dũca tuhasari jiri.

3 Sa yegũ ahri ijipihiyere quehnoano masi peho duagũ buhei. Sa yegũ yũhũ gũhũ tire quehnoano ojoa duaja mũhũ buheatire yegũ.

4 Jesu yere yahuyequina mũhũre buhe tuhasari. Tire quehnoano mũhũ masi nemoatire ahri pũre mũhũre ojoa ohogũ niaja.

Ñu wame yeatiquiro tiquiro masa bajuatire angel yahuahye

5 Jesu masa bajuato pano, Herode Judea yehpa cjẽna pũhtoro tiquiro ijigũ Zacaria wame tiquiro pehe pahi ijiahye. Sa yero Zacaria tiquiro ya curua cjẽna pehe pahia curua Abia mũnano ya curua cjẽna ijiahye. Zacaria namono gũhũ pahi Aaron mũnano panameono iji turiaricoropũ ijiahye. Ticoro pehe Elisabe wame tiricoro ijiahye.

6 Tiquina pũaro Cohãcjũ dutiyere quehnoano ye pehoyequina tiquina ijigũ ihñano, “Decoripe quehnoañene yere”, ni ihñahye Cohãcjũ tiquinare.

7 Elisabe ne pohna marienicoro ijiahye. Ticoro Zacaria mehna sata muhũu cãhye pohna mariedape.

8 Pahia dahrayere dahraye tehe, decoripe tiquina comesae tiahye. “Zacaria ya curua cjẽna ijire”, tiquina nidi bato tiquiro pahia decoripe tiquina yeducuriro saha Cohãcjũ ya wũhũpũ dahraro taro niahye Zacaria.

9 Pahia sa yeducuriro saha tiquina “¿Noare ijirrotari Ʃjũa mũoatiquiro?” niñe, doquepeye mehna bueyere ehme sitiye Ʃjũa mũoatiquirore beseahye. Cohãcjũre ño peori altarpũ tiquina beseriquiro Zacaria ehme sitiye Ʃjũa mũoatiquiro ijiahye. Sa

yero tiquiro Cohãcjũ wũhũpũ sajãa wahahye Ʃjũa mũono waharo.

10 Wũhũpũ ijire ehme sitiye tiquiro Ʃjũa mũono watoa ijipihiyequina masa pehe sopecahapũ Cohãcjũre sinie tiahye.

11 Ti pjere Cohãcjũ yaquiro angel Cohãcjũre ño peori altar poto pehe bajuadũca sahye Zacariare.

12 Tiquiro sa bajuagũ ihñano Zacaria tiquirore ihña maria, cuea wahahye.

13 Sa tiquiro cuegũ ihñano angel tiquirore yahuahye:

—Zacaria, cueracãhña. Cohãcjũ mũhũ sinidire tũhori. Sa yena mũsa pohna tinata. Mũsa macũ masa bajuarota. Tiquiro bajuagũ Ñu wame yeya tiquirogãre.

14-17 “Tiquiro quehnoariquiro, tutuariquiro ijire”, ni, ihñanota Cohãcjũ mũhũ macũre. Tiquiro masa bajuari bato vinore, sihbiorire sihnisi. Sa yero tiquiro masa bajuari bato Espiritu Santo nidiro sahata yeriquiro ijirota tiquiro. Sa yero peyequina mũhũ acaye Israe masare Cohãcjũ mari pũhtoro quehnoano cahmegũ yerota mũhũ macũ. Sa yero tiquiro Cohãcjũ yere buhero Elia mũnano Cohãcjũ yere yahu mũhtariquiro tiquiro buheriro sahata Espiritu Santo yedohoro mehna Cohãcjũ tutuaye mehna mũhũ macũ gũhũ buherota. Sa buhero tiquina pacũsumũa tiquina pohne mehna quehnoano cahme cahĩgũ yerota. Sa yero dutiyere yũhdũdcariquinare quehnoano tiquina ño peoye mehna yũhtigũ yerota. Sa buhero mari pũhtoro Cohãcjũ yequina ijiatire yerota tiquiro. Sa yegũ tiquiro masa bajuari bato mũhũ bucuegũta. Peyequina apequina gũhũ bucueeta, niahye angel Zacariare.

18 Tiquiro sa nigũ tũhoro Zacaria pehe sinituahye angelre:

—Ʃsã bucũna ijiaja. ¿Sa yegũ mũhũ nidi poto ijigũ dũhse masigũtari yũhũ? niahye tiquiro.

19 Tiquiro sa nigũ angel pehe tiquirore yahuahye:

—Yũhũ Gabriel wame tigũ ijiaja. Cohãcjũ cahacjũ tiquiro cahapũ ducugũ ijiaja yũhũ. Cohãcjũ ahri quehnoañe quitire yahu dutiro, mũhũ cahapũ yũhũre ohori.

20 Yũhũ yahuriro sahata potota waharota. Yũhũ sa niepegũta yũhũre mũhũ poto tũhoerari. Sa yegũ yojopũre mũhũ yahuducuegũ wahagũta. Mũhũ macũ tiquiro bajuari bato yahuducugũta tja, niahye angel Zacariare.

21 Sopecahapũ ijiyequina masa Zacariare cohteye niahye. “¿Dũhse ijiro boro tiquiro Cohãcjũ wũhũpũ ijiro, sojaro wijia taerajari?” ni, cohteye niahye masa tiquirore.

22 Sa yero ti wũhũpũ ijiriquiro wijia wihi, tiquina mehna yahuducu masiedahye. Tiquiro sa yahuducu masiedagũ ihñañe “Tiquiro Cohãcjũ wũhũpũ bajuanojno niaya”, ni, tũhotuahye tiquina. Sa yero yahuducu masiedaro tiquiro omocari mehna masare yahuducuahye.

23 Cohãcjũ wũhũpũ tiquiro dahraye pihtigũ, tojoaa wahahye tiquiro ya wũhũpũ.

24 Tiquiro sa wahari bato tiquiro namono Elisabe coã nijinore cũo cãhtaro niahye. Sa yero ticoro ihcã omope asũri waro masa cahapũ wahaerahye.

25 Ohõ saha niahye ticoro: “Yojopũre yũhũre Cohãcjũ yedohori. Yũhũ pohna mariego ijigo tutuaro bũoro tũhotuu yũhũ. Cohãcjũ yedohoro mehna nijinogãre bocagota”, ni tũhotuahye ticoro.

Jesu tiquiro masa bajuatire yahuahye angel

26-27 Elisabe seis asũri ticoro niji pacoro ticoro ijiri bato Cohãcjũ pehe angel Gabriel wame tiriquire nuhmino cahapũ ohoahye. Ticoro Nazarepũ Galilea yehpapũ ijiri macapũ ijiahye. María wame tiricoro ijiahye. José wame tiriquire ijiahye ticoro mehna omoca dũhteatiquiro.

Tiquiro panopũ cjũno Davi mũnano panamino iji turiariquiro ijiahye.

28 Sa yero María cahapũ esaro, angel yahuahye:

—¿Ne, ijiajari mũhũ, María? Cohãcjũ mũhũ mehna ijiro nine. Sa yero mũhũre quehnoano yero nine. [Ijipihtiyere numia apeqũna numia yũhdũoro quehnoano yere mũhũre,] niahye angel ticorore.

29 Tiquiro sa nigũ tũhoro, ticoro tutuaro wacũ tũhotuahye. Angel tiquiro yahurire tũhoturo “¿Dũhse nino yũhũre sa niagari?” ni wacũahye ticoro.

30 Ticoro sa ni wacũgũ ihñano angel yahuahye ticorore:

—María, Cohãcjũ mũhũre tutuaro cahĩne. Sa yego mũhũre yũhũ yahuatire tũho acũeracãhña.

31 Quehnoano tũhoya. Nijinore bocagota mũhũ. Sa yero mũhũ macũ masa bajuarota. Tiquirore Jesu wame yegota mũhũ.

32-33 Tiquiro tutua yũhdũariquiro ijirota. Sa ye tiquirore “Cohãcjũ uhmũse cjũno macũno ijire”, nieta masa. Sa yero mũhũ macũ ñecũno iji turiariquiro mũnanopũ Davi mũnano Israe masa tiquina pũhoro tiquiro ijiriro sahata mũhũ macũ gũhũre cũnota Cohãcjũ. Sa yero ijipihtiyere decori tiquiro Israe masare dutirota. Sa yero tiquiro pũhoro ijiye pehe ne pihtisi, niahye angel.

34 Tiquiro sa nigũ María pehe sinituahye:

—¿Dũhse yũhũ manũ mariedapegota pohna tiboagari yũhũ? niahye ticoro.

35 Ticoro sa nigũ angel pehe yahuahye:

—Espíritu Santo mũhũre pohna tigũ yerota. Sa yero Cohãcjũ tiquiro tutuaye ehmeo curua yero saha ahtarota mũhũre. Sa ye “Cohãcjũ macũno ijire”, nieta masa mũhũ macũre ñañe yerariquirore.

36-37 Cohãcjũ ijipihtiyere ye masine. Sa yero mũhũ acayoro Elisabe bũcũoro ijieperota nijinogãre bocari ticoro gũhũ. Ticoro pohna tirota

umunogäre. Masa ticorore “Pohna marienicoro ijire”, tiquina nidicoro, yojopure seis asuri waro wahare nijino ticoro bocari bato, niahye angel Mariäre.

³⁸ Tiquiro sa nigü María yuhtiahye: –Yuhare tuhoya. Mari puhtoro tiquiro cahacjõ ijiaja yahu. Muhu nidiro saha yuhare sa wahaahro, niahye ticoro.

Ticoro sa nidi bato angel wahaa wahahye.

María Elisabere ihñano wahahye

³⁹ Tiquiro sa nidi bato María cunü cju ijiri yehpamu Judea yehpamu ijiri macamu sojaro mehna wahaa wahahye.

⁴⁰ Topu esaro, Zacaria ya wuhapu sajano, “¿Ne, ijiajari?” niahye ticoro Elisabere.

⁴¹ Ticoro sa nigü Elisabe tuhogüta, ticoro macano pehe niji suhtiropu ijiriquiro ñuhmiahye. Elisabe Espiritu Santo dutiro sahata ye pehoricoro ijiro, tiquiro tutuayere caoricoro ijiahye.

⁴² Sa yero tutuaro bucueye mehna ticoro tutuaro yahuducuahye.

–Ijipihtiequina numia yuhdoro muhare quehnoano yeri Cohäcjü. Muhu macu gühare quehnoano yeri Cohäcjü.

⁴³ Cuehi, yuhu puhtoro pacoro yuhu cahapu ahtagü quehnoano yeri yuhare Cohäcjü.

⁴⁴ Muhu yuhare “¿Ne, ijiajari?” muhu nigü yuhu macu pehe niji suhtiropu ijiriquiro bucueye mehna ñuhmiahti yuhare.

⁴⁵ Cohäcjü tiquiro nidiro sahata yerota. Sa yego tiquiro yahurire tuhorigo ijigo bucuego ijire muhu, niahye Elisabe.

⁴⁶ Ticoro sa nigü María yuhtiahye: “Cohäcjü quehnoariquiro, tutu-ariquiro ijire”, niaja. Yuhu quehnoano jeripohna tiaja.

⁴⁷ Cohäcjü yuhare pecapu wahaborigore yedohoriquiro ijire. Sa yero yojopure yuhare quehnoano bucueye mehna ijigü yere.

⁴⁸⁻⁴⁹ Yuhare tiquiro cahacjõre wacüri jiri. Cohäcjü tutua yuhduariquiro quehnoañe dihitare yuhare yedohori. Sa ye yojopure “Ticorore Cohäcjü quehnoano yeri”, ijipihtiequina masa sa ni, yahuducuenta yuhare. Cohäcjü ñañe marieniquiro ijire.

⁵⁰ Ijipihtie decori ijipihtiequina tiquirore ño peoyequinare tiquiro paja ihñariquiro ijire.

⁵¹ Cohäcjü tiquiro tutuaye mehna yeahye. “Apequinare masi yuhduducaja”, niñequinare yuhduducahye tiquiro.

⁵² Puhtoare cohähye tiquiro. Sa yero cahacjena pehere puhtoa yero saha cüahye tiquinare.

⁵³ Ujua ahbayequinare tiquiro quehnoañe ihyayere ohoahye. Sa yero peye doeri cje caoyequinare doeri cje caoeragü yeahye tiquiro.

⁵⁴⁻⁵⁵ Mari ñecusumua iji turiayequina manare tiquiro yahu cüriro sahata ye pehoahye Cohäcjü. “Pecapu wahaboriquinare yuhdoutja”, tiquiro ni yahu cüriro sahata ye pehoahye. Sa yero tiquiro cahacjenare Israe masare tiquiro yedohoahye. Abrahã mananore mari ñecusumua manare ijipihtiequina tiquiro acaye tiquiro bato ijiequina gühare Cohäcjü ijipihtie decori sa paja ihñaducuriquiro ijie tiahye. Tiquinare tiquiro yahu cürire boerahye Cohäcjü, niahye María.

⁵⁶ Ihtia asü waro Elisabe mehna ijiahye. To puno ticoro ijiri bato ticoro ya macapu tojoaa wahahye María.

Ñu masa bajuahye

⁵⁷ Elisabe ticoro niji wahcõ, pohna tiahye. Ticoro macano masa bajuahye.

⁵⁸ Sa yero Cohäcjü ticorore tiquiro sa yegü ticoro ya maca cjena ticoro acaye gühu ticoro mehna bucueahye.

⁵⁹ Ocho decori tiquiro masa bajuari bato, tiquiro pacusumua tiquirogäre cuhnucunu sohtoa cahserogäre yuhre ne dutiye tee niahye. Sa yeye tiquina mehna cjena tiquina cahapu esahye tiquina yuhre negü ihñañe

tehe. Tiquina mehna cjēna Zacaria tiquiro pacuro wamene tiquirogāre wame ye duamahye.

⁶⁰ Tiquina sa wame ye duepegāta tiquiro pacoro ohō saha niahye:

—Tiquiro pacuro wamene wame yeraja. Ñu wame yenatja tiquirogāre, niahye ticoro.

⁶¹ —Muhu acaye ne ihcāquiro Ñu wame tiquiro mariedare, niahye tiquina ticorore.

⁶² Sa ye tiquina omocari mehna yahuducu, Zacariare sinituahye tiquina:

—¿Muhu waro dahse wame ye duajari muhu macure? ni, sinituahye tiquirore.

⁶³ Tiquina sa nigū tiquiro pehe ojoari pñine sini, ñehe, ojoahye: “Yuhu macu Ñu wame tirota”, ni, ojoahye Zacaria. Tiquiro sa ni ojoagū tiquina pehe tūho maria wahahye.

⁶⁴ Tiquiro sa ni ojoari bato tiquirore yahuducugū yeahye Cohācjū. Sa yero tiquiro yahuducua wahahye.

—Cohācjū tutuariquiro, quehnoariquiro ijire, niahye tiquiro.

⁶⁵ Tiquiro sa ni yahuducugū tūhoye to cjēna tūho maria wahahye. Sa ye ahri ijipihtiyere Judea yehpa cjēnare cūnu cju watoa ijiyequinare masa yahu siteahye. Sa ye masa to cjēna quehnoano masi pihtia wahahye.

⁶⁶ Ijipihtiyequina tire tūhoye wacūahye. “Cohācjū tutuayere ahriquirogā cūore. Sa yero ihyo ijiriquiro ijisi tiquirogā”, ni, tūhotuahye masa.

Zacaria Cohācjūre ño peoahye

⁶⁷ Sa yero tiquiro pacuro Zacaria Espiritu Santo dutiro sahata ye pehoriquiro ijiro tiquiro tutuayere cūoriquiro ijiro Cohācjū yere yahuahye:

⁶⁸ Cohācjūre ño peouhna mari. Mari Israe masa tiquiro yequina iji-aja mari. Sa yero mari cahapu wihiro, marine yedohoro quehnoano yahdugū yerota.

⁶⁹ Sa yero Cohācjū tutuariquirore marine pecapu wahaborinare quehnoano yahdugū yeatiquirore ohori jiri. Marine quehnoano yahdūoatiquiro tiquiro acayuro manano Davi ijire. Davi manano pehe marine yahdūoatiquiro cahācjūno ijire.

⁷⁰ Panopu tiquiro yere yahu mahtariquinare Cohācjū ohō sahata ni ahrire yahu dutiahye.

⁷¹ Marine ihña tuhtiyequina marine ñano tiquina ye duagū ihñano “Mūsare yedohoutja”, ni, cūahye Cohācjū marine.

⁷² Mari ñecusumua manare “Mūsare paja ihñagu, yedohoutja. Mūsare yuhu yahu cūrire wacūtja”, niahye Cohācjū mari ñecusumua iji turi-ayequina manare. Ti pjerpare tiquiro nidiro sahata marine yojopare yere.

⁷³⁻⁷⁵ Ohō saha ni cūahye Cohācjū panopure Abrahāre: “Muhu acaye cameru ijiyequinare ihña tuhtiyequina tiquina ijigū cohātja. Sa yegu muhu acayere yedohoutja. Sa ye tiquina cuero marieno yuhu dutiyere yero masieta. Sa yegu tiquina ñañene yuhu cohāgū, tiquina yuhu ihñonopu ijipihtiyere decori quehnoañequina ijiducueta”, ni, yahu cūahye panopu Cohācjū mari acayuro mananore Abrahāre, niahye Zacaria.

Sa ni tuhasa tiquiro macunore ohō saha niahye:

⁷⁶⁻⁷⁷ Macu, muhare ohō saha ni-eta masa: “Cohācjū tutua yahdūariquiro tiquiro yere yahu mahtariquiro ijire”, nieta muhare. Sa yegu muhu mari puhtoro Cristo pano wahayugata muhu. Sa wahagu ohō saha ni yahugata muhu. “Cohācjū masa ñañene cohāno, pecapu wahaborinare yahdūorota mūsare”, ni, yahugata muhu. Sa ni yahugu mari puhtoro tiquiro ahtatire yahuyugu nigata muhu.

⁷⁸ Cohācjū pehe marine tutuaro paja ihñariquiro marine quehnoano yeriquiro ijiro, tiquiro marine

pecapꝰ wahaborinare yꝰhdꝰo duare. Marine yꝰhdꝰoro ahtarō Cristo mari cahapꝰ ahtarota.

⁷⁹ Ijipihtiyequina marine pecapꝰ wahaborinare yꝰhdꝰo duare tiquiro. Sa yero Cohācjūre masiena mari ijigū ihñano marine masigū ye duare tiquiro. Sa yero mari quehnoano ihcāno mehna mari ijiatire yahurota marine, niahye Zacaria.

⁸⁰ Sa yero Zacaria macꝰno quehnoano pagꝰ tiriquire masahye. Sa yero Cohācjūre tutuaro ño peohye. Sa yero yoari pje masa marienopꝰ ijie tiahye. Israe masare buhe dꝰcaro topꝰta ijie tiahye.

2

Jesu masa bajuahye (Mt 1.18-25)

¹ Ti pjere ijipihtiye yehpari cjēna pꝰhtoro Augusto ijie tiahye. Sa yero ijipihtiyequinare queo dutiahye.

² Ahriquina masare tiquina coā queo dꝰcagū Siria yehpa cjēna pꝰhtoro Cirenio wame tiriquire ijiahye.

³ Sa ye ijipihtiyequina tiquina ñecꝰsumꝰa panopꝰ cjēna ye macaripꝰ tiquina wamene oja ohōñe wahahye.

⁴ José gūhꝰ Nazarepꝰ Galilea yehpapꝰ ijiri macapꝰ ijiriquina waha, Judea yehpapꝰ Belē wame tiri macapꝰ esahye. Pꝰhtoro Davi mꝰnano panopꝰ cjēno tiquiro masa bajariro ijiahye Belē. José Davi mꝰnano panamino iji turiariquiro ijiro Belēpꝰ tiquiro wamene oja ohō dutiro wahahye.

⁵ Sa yero María tiquiro omoca dꝰhteaticoro mehna topꝰ tiquiro wamene oja ohō dutiro esahye. Ticoro pehere meheñe decorigā dꝰhsahye nijino bajuato.

⁶ Sa yero Belēpꝰ esaro ticoro niji wahcōahye.

⁷ Topꝰre masa tiquina carīni wꝰhꝰ ne esa tuhaerahye tiquinare. Sa yero ticoro pohna ti tuhasa, tiquirogāre suhtiro mehna coma, wecꝰa tiquina

ihyari cohropꝰ, taa bui tiquirogāre duhu peohye. Tiquirogā ticoro coā macꝰ ti mꝰhtariquirogā ijiahye.

Angele ovejare ihña ihboyequinare bajuahye

⁸ Ti ñamine oveja tiquina ijiropꝰ ovejare ihña ihboyequina tiquina yequina ovejare ihña ihboye niahye.

⁹ Sa yero Cohācjū ohoriquiro angel tiquinare bajuahye. Tiquiro sa bajuagū Cohācjū asi siteye tiquinare buhrioahye. Tiquiro sa asi sitegū ihñañe, ovejare ihña ihboyequina cuea wahahye.

¹⁰ Tiquina sa wahagū angel tiquinare yahuahye:

—Quehnoañe quitire mꝰsare yahugꝰ ahtaja. Ijipihtiyequinare masare bucuegū yerota ahri quti. Sa yena yꝰhꝰre cueracāhña mꝰsa.

¹¹ Mia ñamine pꝰhtoro Davi mꝰnano ya macapꝰ mꝰsare pecapꝰ wahaborinare yꝰhdꝰoatiquiro, Cristo Cohācjū ohoriquiro mari pꝰhtoro masa bajua tuhasari.

¹² Sa yero suhtiro mehna comariquirogā wecꝰa ihyari cohro bui tiquina duhu peoriquirogā mꝰsa ihñatiquirogā tiquiro ijirota, ni yahuahye angel tiquinare.

¹³ Tiquiro sa nigūta peyequina uhmꝰse cjēna iji mꝰhtariquiro angel mehna Cohācjūre ño peohye. Ohō saha ni ño peohye tiquina:

¹⁴ Cohācjūre uhmꝰse cjūnore ño peouhna. Sa ye Cohācjū tiquiro cahñequina cuero marieno cahmequeno marieno quehnoano ijiahro, ni, ño peohye angele pari.

¹⁵ Sa ni tuhasa uhmꝰsepꝰ tiquina mꝰjari bato ovejare ihña ihboyequina pehe tiquina basi cahme yahuducuahye:

—Ahrire Cohācjū marine tiquiro yahurire Belēpꝰ isa ihñauhna, niahye tiquina basi.

¹⁶ Sa niñe sojaro mehna waha wahahye. Tiquina Maríare, Josére boca sa, nijinogāre wecꝰa ihyari cohropꝰ

tiquina duhu peoriquirogãre ihñahye tiquina.

¹⁷ Ovejare ihña ihboyequina tiquirogãre ihña tuhasa nijinogãre angel tiquiro yahurire yahuahye apequinare.

¹⁸ Tiquina sa ni yahugã ijipihitiyequina tiquinare tãho maria wahahye.

¹⁹ Ahri ijipihitiyere María wacũ tãhotuahye.

²⁰ Sa yeye ovejare ihña ihboyequina pehe angel tiquiro yahuriro saha ijigã ihñañe, “Cohãcjũ tuturiquiro ijire”, ni bucueahye. Sa ni bucueye tojoaa wahahye.

Cohãcjũ wãhãpã Jesu pacũsumãa tiquirogãre neahye

²¹ Ihcã semana bato nijinogã tiquiro cuhnucunã sohtoa cahserogãre yãhre ne tuhasa tiquirogãre tiquina Jesu wame yeahye. Jesure coã waro ticoro bocato pano angel pehe “Jesu wame yeya tiquirogãre”, ni yahu tuhasahye. Sa yeye tiquirogãre Jesu wame yeahye.

²²⁻²⁴ Cohãcjũ dutiye Moise tiquiro yahuriro saha yeye tehe, José, María mehna Jerusalẽpã wahahye. Topã wahahye María ticoro pohna tiri bato pagã quehnoaricoro ticoro tojoarire ihñono taro. Cohãcjũ dutiriro sahata tiquina minicjãare ohoye wahahye Cohãcjũre ño peoye. Ohõ saha dutiahye Cohãcjũ: “Bujuaare pãaro ohoya yãhãre. O tiquina mariedagũ apequina boro minicjãare ohoya yãhãre ño peona”, ni dutiahye Cohãcjũ. Tiquiro dutiriro sahata yeahye tiquina ticoro pagã quehnoari pagã ticoro waharire ihñõñe taye.

Topã wahaye tiquina Jesugãre neahye. Tiquirogãre Cohãcjũre “Ahriquirogã mãhã yaquiro ijiatiquirogã ijire”, ni ihñõñe wahahye. Ohõ saha yeahye Cohãcjũ yere tiquina ojoari pũpã tiquiro ye dutiriro sahata. “Ijipihitiyequina mãsa pohna coã bajua mãhtañequinagãre Cohãcjũre ihñõña. ‘Ahriquirogã mãhã yaquirogã ijiatiquiro ijire’, ni

ihñõña”, ni dutiahye Cohãcjũ. Sa ye tiquiro dutiriro sahata yeahye tiquina, Jerusalẽpã ijiye.

²⁵ Ti macapã Simeo wame tiriquiro ijiahye. Tiquiro quehnoariquiro, Cohãcjũre ño peoriquiro ijiro, Israe masare Cohãcjũ yedohoatire cohteriquiro ijiahye. Sa yero Simeo Espiritu Santo tiquiro nidiro saha yeriquiro ijiahye.

²⁶ Sa yero tiquiro yariato pano Cohãcjũ tiquiro ohoatiquirore Cristore tiquiro ihñatire yahuahye Espiritu Santo tiquirore Simeore.

²⁷ Sa yero Espiritu Santo tiquirore dutigũ Cohãcjũ wãhãpã sajãa wahahye. Tiquiro sajã sari bato Jesu pacũsumãa tiquina macãnogãre ne sajãhye. Cohãcjũ tiquiro dutiriro sahata yeye niahye.

²⁸ Simeo pehe tiquirogãre wãa ne, Cohãcjũre ño peo, “Quehnoare”, ni, tiquiro mehna yahuducuahye.

Ohõ saha niahye tiquiro Cohãcjũre:

²⁹⁻³² Yojopã pũritare pãhto, mãhã nidiro sahata masare pecapã wahaboriquinare yãhdãoatiquirore ohori jiri mãhã. Tiquiro judio masa ijieyequinare buhero mãhãre quehnoano masigã yerota tiquinare. Masare yãhdãoatiquiro Israe masãnore mãhã cãahye. Ûsã acayãrore Israe masãnore mãhã cũgũ ijipihitiyequina masiñe, “Israe masare quehnoano yere Cohãcjũ”, nieta masa. Ahriquirogã usãre yãhdãoatiquiro ijire. Sa yegã ahriquirogãre ihña tuhasagã, yojopãre quehnoano bucuegã yariãtja, niahye Simeo.

³³ Simeo tiquirogãre tiquiro sa nigũ tiquirogã pacũsumãa pehe tãho maria wahahye.

³⁴ Sa yero Simeo tiquinare “Quehnoano ijiya mãsa”, nino tiquiro María Jesu pacorore yahuahye:

—Cohãcjũ ahriquirogãre beseahye. Sa beseriquirogã tiquiro ijiepegũta judio masa peyequina tiquirore yãhdãdãcaeta. Sa ye tiquina pecapã

wahaeta. Sa yero judio masare peyequina tiquiro yuhduoatiquiro gũhare Cohãcjũ beseri tiquirogãre. Tiquiro Cohãcjũ yere yahuriquiro tiquiro ijiepegũta masa peyequina tiquirore ñano ni yahuducueta.

³⁵ Tiquina sa yegũ apequina tiquina ñano wacũñene masieta. Sa yego mũhũ tutuaro purĩno yero saha bũjũa witigota, niahye Simeo Marĩare.

³⁶ Topũ Cohãcjũ yere yahu mũhtaricoro Ana wame tiricoro ijiahye. Ticoro Fanuel macono ijiro, Aser mũnano ya curua cjõno ijiahye. Bũcũoro waro ijiahye. Ticoro nuhmino ijiro manũ tiahye. Sa yero siete cãmari waro ticoro manũno mehna ijiahye. To puno tiquiro ijiri bato ticoro manũno yariaa wahahye.

³⁷ Sa yero ochenta y cuatro cãmari waro wape wihoro ijie tiahye ticoro. Sa yero ticoro deco gũhare ñami gũhare Cohãcjũ yere yero taro siji, Cohãcjũ mehna yahuducu, Cohãcjũ wũhũre ne wijiaera tiahye.

³⁸ Simeo tiquiro yahuducuri watoa ticoro tiquina cahapũ wihiro, bucuero, Cohãcjũre “Quehnoare”, niahye. Sa yero Jerusalẽ cjẽnare pecapũ wahaboriquinare yuhduoatiquirore cohteyequinare ticoro Jesugãre yahuahye peyequina masare.

José, María, Jesu mehna Nazarepũ tojoaa wahahye tja

³⁹ Cohãcjũ dutiriro sahata ye tuhasaye, tiquina ya macapũ Nazarepũ tojoaa wahahye. Galilea yehrapũ ijiahye ti maca Nazare.

⁴⁰ Sa yero Jesu quehnoano masa, tutuariquiro wahahye. Sa yero tiquiro quehnoano tũho masiniquiro ijiahye. Sa yero tiquirore Cohãcjũ quehnoano yeahye.

Jesu coã wahnũa dũcaro, Cohãcjũ ya wũhũpũ judio masare buheyequina mehna yahuducuro niahye

⁴¹ Cãmaripe Jesu pacũsumũa Jerusalẽpũ pascua decorire bõse decorire ihñañe wahae tiahye.

⁴² Jesu doce cãmari tiquiro cũogũ tiquina yeducuriro sahata tiquina ijipihtiequina Jerusalẽpũ wahahye.

⁴³ Sa yeye bõse decorire ihña tuhasa tiquina ya macapũ tojoaa wahahye tja. Tiquina sa tojoepegũta Jesu pehe Jerusalẽpũ tojoa cãhye. Tiquiro pacũsumũa tiquiro tojoa queherire masiedahye.

⁴⁴ “Tiquiro mari mehna cjẽna mehna ijiaga”, ni tũhotumahye tiquina. Sa ye tiquina ihcã deco waro Jesu marieno wahamahye. Sa ye tiquina Jesure tiquina acaye watoa macamahye.

⁴⁵ Ne bocaerahye. Sa ye tiquina Jerusalẽpũ tiquirore macañe wahahye.

⁴⁶ Ihtia deco bato Cohãcjũ wũhũpũ tiquirore boca sahye. Sa yero Jesu judio masare buheyequinare tũho, tiquinare sinituro niahye. Sa ye cahme yahuducuye niahye.

⁴⁷ Tiquina ijipihtiequina Jesure tũhoye quehnoano masiniquirogã tiquiro ijigũ ihñañe, tiquina tũho maria wahahye.

⁴⁸ Tiquiro pacũsumũa gũhũ Jesure ihñañe, ihña maria wahahye. Sa yero tiquiro pacoro tiquirore ohõ saha niahye:

—¿Macũ, dũhsegũ sa yeajari mũhũ usãre? Mũhũ pacũsumũa ohõ saha ni tũhotuu usã. “Tiquiro butia wahaga”, ni macaja usã mũhũre, niahye ticoro macũnore.

⁴⁹ Ticoro sa nigũ tiquiro pacũsumũare yahuahye:

—¿Dũhsena yũhũre macajari mũsa? Yũhũ Pacũ yũhũre tiquiro dutiriro saha yegũ niaja. ¿Tire masiedajari mũsa? niahye tiquiro.

⁵⁰ Tiquiro sa niepegũta tiquina tũho ñehedahye.

⁵¹ Sa yero Jesu Nazarepũ tojoaa waha, tiquiro pacũsumũare ne yuhducaerahye. Ahri ijipihtie tiquiro yerire Marĩa quehnoano wacũahye.

⁵² Sa yero Jesu bũcũa, quehnoano tũho masiniquiro wahahye. Sa ye

Cohācjū, masa gūhu “Quehnoariquiro ijire”, ni ihñahye tiquirore.

3

Ñu wame yeriquiro masare Cohācjū yere yahuahye (Mt 3.1-12; Mr 1.1-8; Jn 1.19-28)

¹ Ti pjere tiquina puhtoro Tiberio wame tiriquiro puhtoro ijiri bato quince cahmari wahahye. Sa yero Poncio Pilato wame tiriquiro Judea yehpa cjēna puhtoro ijiahye. Sa yero Herode wame tiriquiro Galilea yehpa cjēna puhtoro ijiahye. Tiquiro bahuro Felipe Iturea yehpa cjēna, Traconite yehpa cjēna gūhu tiquina puhtoro ijiahye. Sa yero Lisania wame tiriquiro Abilinia yehpa cjēna puhtoro ijiahye.

² Sa ye Anás, Caifa mehna ijipihitiyequina pahia puhtoa ijiahye. Ahriquina ijipihitiyequina tiquina ijiri pjere Ñu Zacaria macno masa marienopu ijiriquirore Cohācjū pehe tiquirore tiquiro yere yahu dutiahye.

³ Sa yero Jordā wame tiri ma duhtu cahapu ijiri yehpau ijipihitropu Ñu buhero wahahye.

—Musa ñañe yeyere bujua witiya. Yojopu quehnoañe pehere comesaya. Sa yena wame yenohrina ijiya. Musa sa comesagū ihñano Cohācjū musa ñañe yerire borota, ni, buhee tiahye tiquiro.

⁴ Isaia manano panopu cūno Cohācjū yere yahu muhtariquiro ojoariro sahata ahriquiro yojopu yero niahye. Ohō saha ni ojoahye Isaia Ñu tiquiro buheatire:

Masa marienopu yahuducu sañuducuriquiro ohō saha ni buherota: “Mari puhtoro ahtato pano mahare mari quehnoyuriro saha quehnoana ijiyuya musa. Musa ñañe yerire bujua witiya.

⁵ Pe wuhtari, pe buhuari gūhure quehnoari paa mari yeriro saha, pari yawi ijiye maharine potoye mahari mari yeriro saha, ñañe maharine quehnoañe maharine mari yeriro saha, wetere musa coseriro saha musa ñañe yeyere duhuya.

⁶ Musa sa yegū Cohācjū musare pecapu wahaborinare tiquiro yuhduogū ihñæta ijipihtiri yehpa cjēna”, ninota tiquiro sañuducu yahuriquiro pehe, ni ojoahye Isaia manano panopu.

⁷ Masa peyequina Ñu cahapu wihiye tiquiro tiquinare wame yegū cahmeahye tiquina. Sa yero tiquiro tiquinare yahuahye:

—Añaa pari yero saha ña yuhduna, cue duhti duana ijire musa. Musa ñañe yerire bujua witi duerana Cohācjū musa ñañe buhirire tiquiro buhiri dahreato pano duhti masiedare musa.

⁸ Sa yena potota musa ñañene bujua witina ijina, quehnoañene comesana ijina, quehnoañe pehere yeya musa. Ohō saha ni tuhotueracāhña. “Panopu cūno Abrahā mari ñecu manano ijie tiahye. Sa yena tiquiro panamena ijina mari Cohācjū yequina ijiaja”, ni tuhotueracāhña musa. Musare niita niaja. Abrahā panamena iji turiana ijimene musa. Musa sa ijiepegāta ti musa sa ijiye duhseati ijierare. Cohācjū pehe ahri utā paca mehna Abrahā acayere dahre masine. Sa ye Abrahā acaye musa ijiye ihyo waro ijire utā paca ihyo waro ti ijiro saha.

⁹ Ohō saha ijire: Masa yucari yero saha ijire. Cohācjū pehe yucarire quēatiare comeare cuoriquiro yero saha ijire. Sa yero ñañe duca tiye cjure date cohā, ti nuhcori gūhure date sure peho cānota. Date sure tuhasa, pecapu ujūanota tiquiro ti cjure, nuhcori gūhure. Sata yerota masa gūhure tiquirore cahmeñequinare, niahye Ñu masare.

¹⁰ Tiquiro sa nigū tuhoye masa pehe tiquirore sinituahye:

—¿Duhse yenatari usā? niahye tiquina Ñure.

¹¹ —Pu suhtiro cuoriquiro suhti mariediquirore ihcāno ohoya. Sa yena musa ihyaye cuona apequina gūhure ohoya, niahye Ñu.

¹² Meheñequinagā puhtoa ye ijiatire wapa ne cohteyequina wame

yenohriquina iji duahye tiquina gũhũ. Sa yeye Ñu cahapũ wihiye, tiqiurore sinituahye:

—¿Buhegũ, usã pehe dũhse yenatari usã? niahye tiquina tiqiurore.

13 —Mũsa pũhtoa tiquina dutiro punota masare wapa neña. Ni meho wapa ne nemoedacãhña, ni yahuahye Ñu tiquinare.

14 Apequina surara tiqiurore sinituahye tja:

—¿Usã pehe dũhse yenatari? niahye tiquina tiqiurore tja.

—Masa yere niñerure ehmedacãhña. Sa yena tiquina ye niñerure ni meho nedacãhña. Mũsare tiquina wapa yero punota bucueya, ni, yahuahye Ñu.

15 Masa Cristore Cohãcjũ tiqiurore ohoatiqiurore cohteye niahye. Sa yeye ohõ saha ni tũhotu dũcahye tiquina Ñure. “Ahriqiuro Ñu pehe Cristo ijiboaga”, ni tũhotumahye tiquina.

16 Tiquina sa nigũ tũhoro Ñu ijipihitiyequinare yahuahye:

—Yũhũ bato yũhũ yũhdũoro tutariqiuro ahtarota. Quehnoa yũhdũariqiuro ijire tiqiuro. Tiqiuro yero saha ijieraja yũhũ pehe. Sa yegũ tiqiurore tũhotugũ, “Ihyo ijigũ ijiaja”, ni tũhotuaja yũhũ. Yũhũ pehe mũsare wame yegũ aco mehna wame yemi. Tiqiuro pehe yũhũ yũhdũoro yerota. Espĩritu Santore masa mehna ijiducugũ yerota. Sa yero pecapũ ñañene tiqiuro ẽjũa wero saha tiqiuro ahtariqiuro pehe mũsa ñano yeyere cose wẽrota.

17 Yũhũ bato ahtariqiuro trigo cahseri cohãriqiuro yero saha ijire. Ti cahserire cohãriqiuro tiqiuro batiro mehna ijipihitiye trigo pjeri cahserire puti were. Sa ye tuhasa trigo pehere tiqiuro ihbori wũhũpũ cũnota. Sata yerota tiquina ñañene bũjũa witiyequinare yũhũ bato ahtariqiuro. Tiqiuro puti weri cahseri pehere ẽjũanota. Ti peca tiqiuro ẽjũari peca ne yatisi. Sata yerota tiqiuro yũhũ bato ahtariqiuro tiquina ñañene

bũjũa witiyequinare, ni yahuahye Ñu.

18 Peye tiqiuro sa ni yahuye mehna masare quehnoañe buheyere yahuahye Ñu.

19 Sa yero pũhoro Herode pehe tiqiuro bahũro Felipe namonore tiqiuro namo tiri buhiri, pajiro ñañene tiqiuro yeri buhiri gũhũre Ñu tiqiurore yahumahye.

20 Tiqiuro sa ni yahuri buhiri Herode pehe Ñure peresu yeahye, pari turi ñañene yero.

*Ñu Jesure wame yeahye
(Mt 3.13-17; Mr 1.9-11)*

21 Ñure tiquina peresu yeato pano apequina masare Ñu pehe wame yero niahye. Tiquinare wame yero Jesu gũhũre wame yeahye. Sa yero Jesu diapũ ducuriqiuro Cohãcjũre tiqiuro sinino watoa ẽhmũse parĩ maa wahahye.

22 Sa parĩ maari bato Espĩritu Santo bujua yero saha bajuriqiuro Jesu buipũ dijia tahye. Tiqiuro ahtagũ ẽhmũsepũ yahuducuro ca tahye:

—Mũhũ yũhũ macũ yũhũ cahĩgũ ijire. Mũhũ mehna tutuaro bucueaja, nino ca tahye ẽhmũsepũ.

*Jesu acaye panopũ cjẽna ijiahye
(Mt 1.1-17)*

23 Jesu buhe dũcari cũhmare treinta cũhmari cũoahye tiqiuro. “Tiqiuro José macũno ijire”, ni, tũhotumahye masa. José pehe Elĩ macũno ijiahye.

24 Elĩ Matat macũno ijiahye. Matat Levĩ macũno ijiahye. Levĩ Melqui macũno ijiahye. Melqui Jana macũno ijiahye. Jana José macũno ijiahye.

25 José Matatĩa macũno ijiahye. Matatĩa Amós macũno ijiahye. Amós Nahúm macũno ijiahye. Nahúm Esli macũno ijiahye. Esli Nagai macũno ijiahye.

26 Nagai Maat macũno ijiahye. Maat Matatĩa macũno ijiahye. Matatĩa Semei macũno ijiahye. Semei Josec macũno ijiahye. Josec Judá macũno ijiahye.

²⁷ Judá Joanán macuno ijiahye. Joanán Resa macuno ijiahye. Resa Zorobabel macuno ijiahye. Zorobabel Salatiel macuno ijiahye. Salatiel Neri macuno ijiahye.

²⁸ Neri Melqui macuno ijiahye. Melqui Adi macuno ijiahye. Adi Cosam macuno ijiahye. Cosam Elmadam macuno ijiahye. Elmadam Er macuno ijiahye.

²⁹ Er Josué macuno ijiahye. Josué Eliezer macuno ijiahye. Eliezer Jorim macuno ijiahye. Jorim Matat macuno ijiahye.

³⁰ Matat Leví macuno ijiahye. Leví Simeo macuno ijiahye. Simeo Judá macuno ijiahye. Judá José macuno ijiahye. José Jonam macuno ijiahye. Jonam Eliaquim macuno ijiahye.

³¹ Eliaquim Melea macuno ijiahye. Melea Mena macuno ijiahye. Mena Matata macuno ijiahye. Matata Natán macuno ijiahye.

³² Natán Davi macuno ijiahye. Davi Isaí macuno ijiahye. Isaí Obed macuno ijiahye. Obed Booz macuno ijiahye. Booz Salmón macuno ijiahye. Salmón Naasón macuno ijiahye.

³³ Naasón Aminadab macuno ijiahye. Aminadab Admin macuno ijiahye. Admin Arni macuno ijiahye. Arni Esrom macuno ijiahye. Esrom Fare macuno ijiahye. Fare Judá macuno ijiahye.

³⁴ Judá Jacob macuno ijiahye. Jacob Isaac macuno ijiahye. Isaac Abrahã macuno ijiahye. Abrahã Taré macuno ijiahye. Taré Nacor macuno ijiahye.

³⁵ Nacor Serug macuno ijiahye. Serug Ragau macuno ijiahye. Ragau Peleg macuno ijiahye. Peleg Heber macuno ijiahye. Heber Sala macuno ijiahye.

³⁶ Sala Cainán macuno ijiahye. Cainán Arfaxad macuno ijiahye. Arfaxad Sem macuno ijiahye. Sem Noé macuno ijiahye. Noé Lamec macuno ijiahye.

³⁷ Lamec Matusalẽ macuno ijiahye. Matusalẽ Enoco macuno ijiahye.

Enoco Jared macuno ijiahye. Jared Mahalaleel macuno ijiahye. Mahalaleel Cainán macuno ijiahye.

³⁸ Cainán Eno macuno ijiahye. Eno Sete macuno ijiahye. Sete Adán macuno ijiahye. Adán Cohãcjũ yeriquireo ijiahye.

4

Watĩno ñañene ye dutimahye Jesure (Mt 4.1-11; Mr 1.12-13)

¹ Jesu Espiritu Santo dutiriro saha ye pehoriquiro ijiro, Jordã wame tiri ma cahapũ ijiriquiro tojoaa wahahye. Tiquiro sa tojoaa wahagũ Espiritu Santo pehe tiquirore masa marienopũ neahye.

² Topũ esaro cuarenta decori ijiahye. Sa yero watĩno pehe Jesure ñañene yegũ cahmemahye. Sa yero ñañene ye dutimahye tiquirore. Ti decorire ne Jesu ihyerahye. Sa yero ti decori pihtigũ waro tiquiro ɯjũa ahbahye.

³ Tiquiro sa ɯjũa ahbagũ ihñano watĩno ohõ saha nimahye Jesure:

—Mũhũ Cohãcjũ macũ ijigũ, ahria ɯtãre ihyaye dojomehneña, nimahye Jesure.

⁴ Jesu ohõ saha ni yũhtiahye:

—Yeraja. Cohãcjũ yere tiquina ojoari pũpũ ohõ saha nine: “Masare ihyaye mehna dihita catieraro cahmene. Ijipihtiye Cohãcjũ ye yahuye mehna ijiro cahmene”, nine Cohãcjũ, ni yũhtiahye Jesu watĩnore.

⁵ Tiquiro sa nidi bato watĩno pehe tiquirore canũ ɯhmũanũ buipũ ne mũja saro, duita ijipihtiye macarine ihño dijioahye Jesure.

⁶ Sa ihñono Jesure yahuahye:

—Ijipihtiye ahri macari yũhũre tiquiro ohori ijire. Sa yegũ yũhũ cahmediquirore oho masiaja. Sa yegũ ahri macarine, ahri macari cjẽnare dutiati gũhũre, tiquina cũoye mehna mũhũre ohoutja.

⁷ Yũhũre mũhũ ño peogũ ahri macari ijipihtiye macarine mũhũre ohoutja, ñahye watĩno Jesure.

8 Jesu ohō saha ni yāhtiahye tiqirore:

—Māhure ño peeraja. Ohō saha nine Cohācjū yere tiquina ojoari pū: “Māhū pāhtoro Cohācjū dihitare ño peoya. Tiquiro ye dutiye dihitare yeya”, ni ojoahye Cohācjū yere, ni ahye Jesu watīnore.

9-11 Tiquiro sa nidi bato Jerusalēpū watīno pehe tiqirore ne cā, Cohācjū wāhū buipū ne sahye. Ne sa tuhasa tiqirore ohō saha nimahye:

—Cohācjū yere tiquina ojoari pū ohō saha nine: “Cohācjū tiqiro yequina angelere māhure ihña ihbo dutirota. Sa yeye tiquina pehe māhure ihña ihboeta, ‘Māhūpū utāpū pāhari’, niñe”, ni ojoahye Cohācjū yere tiquina ojoari pūpū. Tiquiro sa nidi poto ijigū māhū Cohācjū macū ijigū, yehpāpū uhpu dijia ihñoña yāhure. Māhure tiquina yedohogū ihñoña yāhure, nimahye watīno Jesure.

12 Jesu uhpu dijia ihño dueraro ohō saha ni yāhtiahye tiqirore:

—Cohācjū yere tiquina ojoari pū ohō saha nine: “Māsa pāhtoro Cohācjū tiqiro nidire ‘¿Poto ijiajari?’ ni masi duana, Cohācjūre ye ihño duti tuhueracāhña”, nine Cohācjū yere tiquina ojoari pūpū, niahye Jesu watīnore.

13 Sa yero watīno ijipihtiye ñañene Jesure ye dutimahye. Sa duti tuhasaro mehenogā duhu cārīahye.

Galilea yehpāpū Jesu buhe dūcahye (Mt 4.12-17; Mr 1.14-15)

14 Came Jesu Galileapū tojoaa wahahye. Sa yero tiqiro Espīritu Santo tutuaye mehna yeahye. Topū ijipihtiropū masa tiqirore quti tiahye.

15 Judio masa buheye wāhūsepū Jesu gāhū buhee tiahye. Sa ye ijipihtiyequina masa tiqirore quehnoano yahuducuahye.

Nazare cjēna Jesure ne cahmedahye (Mt 13.53-58; Mr 6.1-6)

16-17 Came Nazarepū Jesu tiqiro masariropūta esahye. Topū esa, saurū ijigū tiqiro sa yeducuriro

saha judio masa tiquina buheri wāhūpū sajā sahye. Topū tiqiro Cohācjū yere tiquina ojoari pūre buhero taro topū ducuahye. Tiquiro sa ducugū ihñañe to cjēna pehe Cohācjū yere yahu māhtariqiro Isaia mānano tiqiro ojoari pūre tiqirore ohoahye. Ti pūpū Jesu ahri yahuyere bocaro buheahye:

18 Cohācjū yaqiro Espīritu yāhū mehna ijiro, yāhure dutiri. Tiquiro pejecūoyequinare quehnoañe buheyere yahu dutiro ohori yāhure. Sa yero peresupū ijiequina gāhūre tiquinare tiqiro yāhdūoatire yahu dutiro ohori yāhure. Caperi bajueyequina tiquina quehnoano ihñatire ohori yāhure. Sa yero masa ñano tiquina yenohriquinare wioacjūre yāhure ohori.

19 Mari pāhtoro Cohācjū tiqiro yequinare pecapū wahaboriquinare tiqiro yāhdūoatire yāhure yahu dutiro ohori, ni buheahye Jesu.

20 Sa ni buhe tuhasa Jesu ti pūre quehnoari tunu torē, wāhū cjēnore wia tuhasa, nuju sahye. Tiquiro nuju sagū ihñañe topū ijiequina ijipihtiyequina tiqiro dihitare ihñahye.

21 Tiquina sa yegū tiqiro tiquinare yahu dūcahye:

—Ahri mianogāta yāhū buhero saha Cohācjū tiqiro nidiro sahata waharo nine, niahye Jesu.

22 Tiquiro sa nigū tāhoye “Ahriqiro quehnoariqiro ijire”, ni tāhotuahye tiquina. Sa yeye tiquina tiqiro quehnoano yahuducugū tāhoye, tāho maria wahahye. Sa yeye ohō saha niahye tiquina basi:

—¿Yohnah, José macūno ijierajari ahriqiro? niahye tiquina basi.

23 Tiquina sa nigū masino Jesu yahuahye tiquinare:

—Yāhū buheyere tāho duerana, ohō saha ni tāhoture māsa yāhure: “Duturu dohatiro tiqiro basi aco ti masine duturu waro tiqiro ijieye ihñoño. Māhū gāhū duturu tiqiro ye ihñoño saha māhū nidiro saha ijigū

Cohãcjũ tutuaye mehna ye ihñoña usãre. Capernaupare Cohãcjũ tutuaye mehna ye ihñoñohti mũhũ. Ûsã gãhũre sa ye ihñoña, mũhũ buheyere 'Poto tjire', usã niato saha", ni duare m̄sa yũhũre.

24 Ahr̄ire yahutja m̄sare. Cohãcjũ yere yahu mũhtariquirore tiquiro ya maca cjẽna ño peoerare. Sa yena yũhũre ño peoerare m̄sa ohõpũ yahu masarigũ ijigũ.

25 Sata ijiahye panopare. Panopũ Elia tiquiro ijiri pjere ihtia cũhma ape cũhma deco waro ne acoro ahtaerahye. Sa yero ijipihtiropũta ne ihyaye mariedahye.

26 Ti pjere peyequina wape wiha numia Israe yehpapũ tiquina ijiepegũta Cohãcjũ Elia mũnanore tiquinare yedoho dutiro ohoerahye. Tiquiro ya macare sa ye dutieraperotha ape yehpapũ Sidõ cahapũ ijiri macapũ Sarepta wame tiri maca cjõno wape wihorore yedoho dutiro Elia mũnanore ohoahye Cohãcjũ.

27 Came Cohãcjũ yere yahu mũhtariquiro Eliseo mũnanao tiquiro ijiri pjere Israe yehpapũ peyequina camĩ bũcũ mũna wiha tiquina ijiepegũta ihcãquiro Israe masũnore ne quehnoa wahagũ yerahye Eliseo mũnanao. Tiquiro ya yehpa cjẽnare yeraperota Naamán wame tiri quiro Siria yehpa cjãno dihitare quehnoa wahagũ yeahye tiquiro. Sa yero Israe masare yedohoeraro, Israe masa ijieyequina pehere yedohoahye Cohãcjũ, niahye Jesu tiquinare.

28 Tiquiro sa nigũ tũhoye ijipihtiyequina ti wũhũpũ ijieyequina usua yũhdũa wahahye.

29 Sa yeye tiquina wahcãdũca, Jesure ne wijia, ti maca dũhtũ cahapũ ijiri cũnũpũ tiquirore tudoque dijio duamahye.

30 Tiquina sa ye duepegũta Jesu tiquina watoata wahaa wahahye.

*Watĩnore cũoriquiro Jesure piti cahye
(Mr 1.21-28)*

31 Came Jesu Galilea yehpapũ ijiri macapũ Capernau wame tiri macapũ esa, saurũ ijigũ masare buheahye.

32 Quehnoano masi pehoriquiro tiquiro buhegũ tũhoye masa tũho maria wahahye.

33 Ti wũhũpũ watĩnore cũoriquiro ijiahye. Tutuaro sañuducuahye:

34 —Mũhũ Jesu Nazare cjũ usãre cariboeracãhña mũhũ. ¿Dũhse yegũ tagũ nijari usãre? ¿Mũhũ usãre butigũ yegũ tagũ nijari? Cohãcjũ macũ, quehnoagũ mũhũ ijigũ yũhũ masiaja, ni sañuducuahye Jesure.

35 Tiquiro sa nigũ tũhoro Jesu tuhtiahye watĩnore:

—Dihta mariahña. Duhuya tiquirore, niahye Jesu.

Tiquiro sa nidi bato masũnore watĩno pehe yehpapũ doque quehe sa tunugũ yeahye. Tiquiro sa yeri bato tiquiro pehe quehnoa wahahye.

36 Topũ ijieyequina ijipihtiyequina tiquiro sa wahagũ ihñañe, ihña maria wahahye. Sa ye tiquina basi ohõ saha ni yahuducuahye:

—¿Yabe boro buheye ijiajari ahri sa wahagũ yeye? Yohnah. Tutuaro mehna pũhtoro yero saha ahriquiro watĩare dutire. Sa yeye tiquiro dutiro sahata tiquina masare duhure, ni yahuducuahye tiquina basi.

37 Tiquiro sa yegũ ihñañe ti yehpapũ ijipihtiropũ masa Jesure quitĩ dahreahye.

Jesu Simo Pedro mareonore dutire yũhdũoahye

(Mt 8.14-15; Mr 1.29-31)

38 Judio masa tiquina buheri wũhũre wijia, Simo ya wũhũpũ sajã sahye Jesu. Topũ Simo mareono dohatiro niahye. Tutuaro ujuaye tiahye. Sa ye tiquina ticoro dohatigũ yahuahye Jesure.

39 Tiquina yahuri bato tiquiro ticoro cahapũ esa, ujuayere suru dutiahye. Tiquiro sa suru dutiri bato ticorore ujuaye surua waha, duita quehnoa wahahye. Ticoro sa waharo wahcã nuju sa, ticorota tiquinare ihyayere peoahye.

*Peyequina dohatiyequinare
yãhdãoahye Jesu*

(Mt 8.16-17; Mr 1.32-34)

⁴⁰ Asũ sajãri bato ijipihtiyequina masa tiqiro cahapũ ijiyequina dohatiyequinare Jesu cahapũ ne sahye. Dohatiyequina peyequina sijoro saha ijiye dohatiyere cãoahye. Sa yero Jesu tiqiro omocari mehna tiquina bui ña peo, ijipihtiyequinare tiquina dohatiyere quehnoano yãhdãoahye.

⁴¹ Watã gũhare Jesu duhu dutigũ tiquina duhuye sañuducuahye:

—Mũhũ potota Cohãcjũ macũ ijire, niahye tiquina Jesure.

Jesu Cohãcjũ ohoriquiro tiqiro Cristo ijigũ watã masiahye. Sa yero Jesu tiquinare yahuducu dutierahye, “Cristo ijire”, ni yahu siteari”, nino.

*Galilea yehpapũ buheahye Jesu
(Mr 1.35-39)*

⁴² Bohrea mũja tagũ Jesu ti macapũ ijiriquiro waha, masa marienopũ esahye. Tiquiro sa esari bato masa tiqirore maca cã, boca saye, ohõ saha niahye:

—Usã ya macapũ tojoaya usã mehna. Ape sie wahaegũta, nimahye tiquina Jesure.

⁴³ Tiquina sa niepegũta tiqiro pehe ohõ saha ni yãhtiahye:

—Cohãcjũ tiqiro pũhoro ijiyere quehnoañe buheyere apeye macaripũ gũhare buhe duaja yũhũ. Cohãcjũ yũhare ohori tire yahuacjũre, niahye Jesu tiquinare.

⁴⁴ Sa yero Judea yehpapũ ijiye wũhũsepũ, judio masa tiquina buheeye wũhũsepũ tiqiro buhe tiniahye.

5

*Jesu tiqiro buheyequinare peye-
quina wahi wejẽgũ yeahye*

(Mt 4.18-22; Mr 1.16-20)

¹ Ape deco Jesu Genesare wame tiri ditara duhtũ cahapũ esahye. Topũ tiqiro ijigũ ihñañe peyequina masa Cohãcjũ yere tũho duaye tiqirore nũnũ tã sahye. Quehnoano wahpa dũca saa wahahye masa pari.

² Pũa yucũsa padũropũ pahsaye yucũsarire Jesu ihñañe. Ti yucũsari cjẽna yohyeyequina maja sadũca, tiquina wẽñecjũre coseye niahye.

³ Sa yero Jesu Simo yariapũ sajãhye. Sajã tuhasa tia yucũsare dia duhtũ cahapũ cuñariare weje buho dutiahye. Sa yero yucũsapũ duji, masare buheahye.

⁴ Buhe tuhasa, Jesu Simore ohõ saha niahye:

—Deco cjũnogã tu wioya. Sa yena mũhũ mehna cjẽna mehna mũsa wẽñecjũre doque ñoña wahi ñeheanaja, niahye Jesu.

⁵ Tiquiro sa nigũ tũhoro Simo Jesure yãhtiahye:

—Pũhto, wahi wejẽ bohreami usã mia ñamine. Bohreepenata ne ihcãquirogã wejẽdahti usã. Sa wejẽdapenata mũhũ dutiro saha doque ño tuhunata, ni yãhtiahye Simo.

⁶ Sa ni tuhasa tiquina doque ñoahye. Sa tiquina doque ñogũ tiquina wẽñecjũre peyequina wahi sajãhye. Peyequina tiquina sajãgũ wẽñecjũ tũhũna wahamahye.

⁷ Sa wahagũ ihñañe aperia cjẽnare tiquina mehna cjẽnare pijioahye.

—Mũsa gũhũ yedohona ahtaya usãre, ni pijioahye Simo gũhũ.

Tiquina sa yedohori bato pũaria yucũsa quehnoano miniparo bocahye wahire.

⁸ Simo Pedro sa wahi peyequina tiquina sajãgũ ihñaño, Jesu cahapũ dũsepe curi mehna quehe sa, tiqirore niahye:

—Yũhũ pũhto, mũhũ mehna ijibogũ ijieraja yũhũ. Ñagũ ijiaja yũhũ. Sa yegũ yũhare duhuya, niahye Simo Jesure.

⁹ Tiquiro, ijipihtiyequina tiqiro mehna cjẽna gũhũ peyequina wahi sajãgũ ihñañe, ihña maria wahahye tiquina gũhũ.

¹⁰ Pũaro Simo mehna cjẽna Zebedeo pohne Santiago, tiqiro bahũro Ñũ mehna, tiquina gũhũ ihña maria

wahahye. Tiquina sa ihña mariagũ ihñano Jesu Pedrore yahuahye:

—Ihña mariedacãhña. Yojopure mũhũ wahire ñehe cahmecoagũ mũhũ ijiro saha Cohãcjũ yequina ijiatiquinare piji cahmecoagũ ijigũta mũhũ, niahye Jesu Simore.

¹¹ Tiquiro sa nidi bato tiquina yuc̣sarire ditara dũhtũ cahapũ weje mo cũ cã, tiquina ye ijipihtiyere topũta cũ cã, Jesu mehna wahaa wahahye.

Jesu cami bũcũ mũna wihirore cami yatigũ yeahye

(Mt 8.1-4; Mr 1.40-45)

¹² Jesu ape macapũ tiquiro ijigũ cami bũcũ mũna wihiro tiquirore piti cahye. Sa piti caro tiquiro Jesure ihña, dũsepe curi mehna quehe sa, tutuaro siniahye:

—Puhto, mũhũ yũhũre yũhdũo duagũ yũhdũoya, ni siniahye.

¹³ Tiquiro sa nidi bato Jesu tiquirore ña peoro ohõ saha niahye:

—Tire ye duaja. Yojopũ quehnoagũ ijija mũhũ, niahye.

Tiquiro sa nigũta tiquiro cami ahbari yatia wahahye.

¹⁴ Sa yero Jesu tiquirore dutiahye:

—Ahri yũhũ ohõ saha yerire apequinare yahueracãhña. Pahi cahapũ wahaya yojopure. Sa yegũ mũhũ pagũre quehnoari pagũ waharire ihñoña tiquirore. Cohãcjũ dutiye Moiserere tiquiro cũri nidiro saha yeya. Sa yegũ pahire pũaro minicjũare ohoya mũhũ cami yũhdũarire ijipihitiyequinare ihñoũgũ tũhũ, niahye cami bũcũ mũna cũomediquirore.

¹⁵ “Yahueracãhña”, tiquiro sa niepegũta ijipihitiropũ masa Jesure quiti dahre nemoahye. Tiquina sa quiti dahregũ tũhoye masa peyequina tiquiro cahapũ esahye. Dohatiyequina yũhdũ duaye, tiquina gũhũ tiquiro cahapũ esahye.

¹⁶ Tiquina sa esaepẽgũta Jesu masa marienopũ Cohãcjũre sinino wahaa wahahye.

Jesu tini masieniquirore yũhdũoahye
(Mt 9.1-8; Mr 2.1-12)

¹⁷ Ape deco Jesu buhegũ fariseo masa, judio masare buheyequina gũhũ topũ dujahye. Tiquina peye macari Galileapũ ijiye macari cjẽna, Judeapũ ijiye macari cjẽna, Jerusalẽ cjẽna ijiahye. Sa yero Jesu Cohãcjũ tutuaye mehna dohatiyequinare yũhdũoahye.

¹⁸ Meheñequinagã mũhũa tini masieniquirore tiquiro cuñari cahsero mehna yo wũa wihiahye. Sa yeye tiquirore Jesu cahapũ cũ duaye, wũhũpũ yo sajà duamahye tiquina tiquirore.

¹⁹ Sa sajà duepeta masa peyequina ijigũ tiquina tiquirore yo sajà masiedahye. Sa yeye tiquirore wũhũ buipũ yo mũjahye. Yo mũja sa, mehenogã põo we, ti copepũ tini masieniquirore tiquiro cuñari cahsero mehna duhu dijioahye Jesu cahapũ ijiyequina watoa.

²⁰ “Jesu ahriquirero tiquiro dohatiyere yũhdũgũ yerota”, ni tũhotuahye tiquina. Tiquina sa ni tũhotugũ masino Cohãcjũre tiquina wacũ tutuayere masino, Jesu tini masieniquirore ohõ saha ni yahuahye:

—Yũhũ acayũ, mũhũ ñañe yeyere yũhũ cohã tuhasaũ, niahye Jesu tiquirore.

²¹ Tiquiro sa nigũ tũhoye fariseo masa, judio masare buheyequina gũhũ tiquina basi ohõ saha ni tũhotumahye: “Ahriquirero sa ni yahuducueracãhdo. Masũno mari yero saha ijiro, tiquiro ñañe yeyere cohã masiedare. Cohãcjũ dihita masa tiquina ñañe yeyere cohã masine”, ni, tũhotumahye tiquina.

²² Jesu tiquina tũhotuyere masino, ohõ saha niahye:

—¿Dũhse yena sa ni tũhotuajari mũsa?

²³ “Mũhũ ñañe yeyere yũhũ cohã tuhasaja”, yũhũ nigũ, “Ni mehogũ ijire”, yũhũre nine mũsa quehnoano masiedapenata. “Wahcãdũca wahaya”, yũhũ nigũ tiquiro tinigũ ihñana yũhũ nidi poto ijigũ duita masinata.

24 Yuhũ masũ Cohãcjũ ohorigũ ahri yehparũ ñañe yeyere cohã masiaja yuhũ. Masa tiquina ñañe yeyere cohãcjũre cũri Cohãcjũ yuhũre. Yuhũ sa cohãrire mũsa masiato saha ohõ saha ye ihñoutja mũsa ihñatire, niahye Jesu.

Sa ni tuhasa tini masieniquirore ohõ saha niahye:

—Muhũre niita niaja. Wahcãdũcaya. Muhũ cuñari cahserore ne cãhña mũhũ ya wuhũpũ, niahye tiquirore.

25 Tiquiro sa nigũ tuhoroa ijipitiyequina tiquina ihñonopũ wahcãdũca, tiquiro cuñari cahserore ne, tiquiro ya wuhũpũ tojoa wahahye. Sa waharo tiquiro Cohãcjũre ño peoro, bucueye mehna quehnoano yahuducuahye.

26 Tiquiro sa yegũ ihñañe masa pehe ijipitiyequina ihña maria wahahye. Tiquina ihña maria waha, Cohãcjũre ño peoye, bucueye mehna quehnoano yahuducuahye:

—Miare sijoro saha ijiyere ihñau mari, niahye tiquina.

Jesu Levíre pijiahye
(Mt 9.9-13; Mr 2.13-17)

27 Sa ye tuhasa waha, Leví wame tiriquire tiquiro dahrari tucũpũ ijiriquire boca sahye Jesu. Leví pehe pũhũa ye ijiatire masare wapa ne cohteriquiro ijiyahye. Sa boca saro tiquirore ohõ saha niahye:

—Yuhũ mehna cjũ ijiacjũ ahtaya, niahye tiquiro Levíre.

28 Tiquiro sa nigũ Leví pehe ijipitiye tiquiro dahrayere duhu cã, Jesu mehna wahaa wahahye.

29 Came Leví ya wuhũpũ Jesu ya bose deco yeye niahye. Topũ peyequina wapa ne cohteyequina, apequina Leví gũhũ mehna dujiahye.

30 Tiquina mehna Jesu gũhũ dujigũ ihñañe meheñequinagã fariseo masa, judio masare buheyequina mehna usua, Jesu buheyequinare sinituahye.

—¿Dũhsena ñano yeyequina, wapa ne cohteyequina mehna ihyajari mũsa? ni tuhtiahye tiquina.

31 Tiquina sa nigũ tuhoro Jesu yũhtiahye tiquinare. Ohõ saha ni queoye mehna buheahye:

—Dohatieyequina duturure macaedare. Dohatieyequina dihita duturure macare. Ñañequina dohatieyequina yero saha ijire.

32 Sa yegũ ñañequina dihitare tiquina ñañene bujũa witi dutigũ, quehnoañe pehere comesagũ yegũ tũũ nii yuhũ. Tiquina basi “Quehnoana ijiaja usã”, ni tuhoyequinare yedohogũ ahtaerũ yuhũ, niahye Jesu.

Sijiyere Jesure sinituahye apequina
(Mt 9.14-17; Mr 2.18-22)

33 Sa yeye meheñequinagã masa Jesure ohõ saha ni sinituahye:

—Ñũ buheyequina peye tahari Cohãcjũre ño peoye tehe, sijire. Sa yeye, tiquina peye tahari Cohãcjũre sinine. Fariseo buheyequina gũhũ tiquina yero saha yere. Tiquina sa yepegũta mũhũ buheyequina pehe ihya, sihnine. Sa ye Cohãcjũre ño peoye tehe, sijierare. ¿Dũhse yeye sa yerajari tiquina? niahye tiquina Jesure.

34 Tiquina sa nigũ Jesu tiquiro tuhoye mehna quitu dahre buhero taro tiquinare ohõ saha ni yũhtiahye:

—Ohõ saha ijire ti: Omoca dũhteropũ tiquina pijioriquina omoca dũhteriquiro mehna ijiye, siji masiedare. Sata yuhũ buheyequina gũhũ yuhũ mehna ijiye, siji masiedare. Yuhũ omoca dũhteriquiro yero saha ijiaja. Omoca dũhteriquiro bose deco tiquiro yegũ tiquiro mehna cjẽna ihyeyequina ijierare.

35 Yuhũ Pacũ Cohãcjũ yuhũre tiquiro nedi bato pũritare yuhũ buheyequina mehna ijisi yuhũ. Sa yeye ti pjepũta yuhũ buheyequina gũhũ sijieta, niahye Jesu.

36 Panopũ cjẽ buheye wahma buheye mehna tiquina buhe more duagũ ihñano ohõ saha ni nemoahye Jesu tiquinare queoye mehna buhero.

—Ne wahma suhtirore meheni cahserogã tãhrẽ ne, muna suhtirore sere ohõno cahmedare. Mari sa sere ohõna wahma cahserore tãhrẽ cohãna niaja. Sa yero wahma cahsero muna suhtiro mehma ihcãno saha bajuerare.

³⁷ Sa yena ne ùhse co bisiye core wahiquire cahsero ajuropare muna ajuropare pose yero cahmedare. Sa yegũ ùhse co bisiye pahmuñerũ muna ajurore tãhrẽ cãhre. Sa tãhnũgũ ùhse co gũhũ, ajuro gũhũ cohãa wahare.

³⁸ Sa yena ùhse co wahma core wahma ajuropare pose yero cahmene. (Sata wahma buheye muna buheye mehna buhe moredaro cahmene.)

³⁹ Muna core masa tiquina sihnidi bato, wahma core cahmedare tiquina. Ohõ saha nine masa. “Muna co wahma co bui cjũnogã quehnoañe ijire”, nine masa, niahye Jesu tiquinare.

6

Judio masa tiquina sori decore trigore peheahye Jesu buheyequina
(Mt 12.1-8; Mr 2.23-28)

¹ Ape deco saurũ ijigũ Jesu gũhũ trigo weserũ esahye. Topũ esa, tiquire buheyequina pehe trigo parorire pehe, ti pjerire sahquẽ site dijio, ti pjerire ihya cã wahaa wahahye tiquina.

² Tiquina sa yegũ ihñañe meheñequinagã fariseo masa tiquinare sinituahye:

—¿Duhse yena muna saurũ mari sori deco ijiepegãta Cohãcjũ tiquire dutierari decore dahrajari muna? niahye fariseo masa.

Tiquina sa nigũ tãhoro Jesu tiquinare yãhtiahye “Yũhũ buheyequina yãhdũdcaye niedare”, nino taro:

³⁻⁴ —Davi munano tiquire mehna cjẽna mehna ùjũa ahbaro, Cohãcjũ wũhũpũ sajã, Cohãcjũ ye pãre ihyahye. Sa ihyaro tiquire mehna cjẽna gãhare ti pãre ihya dutiro ohoahye. Ti pãre pahia dihita ihyaeh tiahye. Cohãcjũ dutiye ti pãre apequinare ihya dutierare. ¿Davi munano tire tiquire yerire buherari muna? (Ti

pãre ihyaro Cohãcjũre yãhdũdcaro niedahye. Miare ahri pjerire ihyaye yũhũ buheyequina gãhũ Cohãcjũre yãhdũdcaye niedare.)

⁵ Yũhũ masũ Cohãcjũ ohorigũ ahri deco saurũ decore masa tiquina yeatire yahugũ ijigũ pãhto ijiaja, niahye Jesu.

Omoca bũhariquire qiti
(Mt 12.9-14; Mr 3.1-6)

⁶ Ape deco saurũ ijigũ Jesu judio masa tiquina buheri wũhũpũ sajã saro, buheahye masare. Topũ omoca potope bũhariquire ijiahye.

⁷ Meheñequinagã judio masare buheyequina, fariseo masa gãhũ Jesure yahusã duamahye. “Saurũ decore masũnore dohatiyere yãhdũoboaga Jesu”, ni, ihña nũnũ yahusã duamahye tiquina Jesure.

⁸ Jesu tiquina tãhotuyere masino, omoca bũhariquire ohõ saha niahye:

—Wahcãdcaya. Ohõpũ ahtaya, niahye tiquire.

Tiquire sa nidi bato omoca bũhariquire pehe wahcãdcaya, topũ ducuahye.

⁹ Sa yero Jesu tiquinare sinituahye.

—Mũsare sinitutja: ¿Saurũ ijigũ yabere ye dutiajari Cohãcjũ dutiye? ¿Quehnoañene yegũ quehnoaedajari? ¿Ñañene yegũ pehere quehnoabogari, muna tãhotugũ? Saurũ ijigũ masũnore masogũ quehnoarĩne. Saurũ ijigũ masũnore wejẽgũ pehere quehnoaedare. Ñarĩne, niahye Jesu tiquinare.

¹⁰ Sa nino Jesu tiquinare ijip-ihtiyequinare ihñadoqueo, omoca bũhariquire ohõ saha niahye tja:

—Mũhũ omocare siõ potoya, niahye tiquire.

Tiquire sa nigãta omoca bũhariquire pehe siõ potogãta, omoca quehnoa wahahye.

¹¹ Tiquire sa yegũ ihñañe tiquina tiquire mehna tutuaro usuahye.

—¿Duhse yenatari mari ahriquire? niahye tiquina basi.

Jesu tiqiro buheyequinare docere tiqiro ohoatiquinare bese docoahye (Mt 10.1-4; Mr 3.13-19)

12 Ti decorire Jesu cunupɛ Cohācjūre sinino mɔjaa wahahye. Topɛ ijiro, ñamine Cohācjū mehna yahuducu bohreahe.

13 Bohrearopɛ tiqiro buheyequinare tiqiro cahapɛ pijioahye. Pijio tuhasa, tiquina mehna cjēnare doce waro tiqiro ohoatiquinare bese docoahye. Sa ye tiqiro cūriquina wame tiahe.

14-15 Ahriquina ijiahe Jesu tiqiro bese docoriquina: Simo ijiahe. Simore Pedro ni pisuahye Jesu pehe. Simo bahuro Andre, Santiago, Ñu, Felipe, Bartolomé, Mateo, Tomasu, Santiago ijiahe. Santiago pehe Alfeo macano ijiahe. Sa ye Simo celote ya curua cjāno ijimediqiro,

16 Juda Santiago bahuro, Juda Iscariote tiquina ijiahe tiqiro bese docoriquina. Juda Iscariote pehe Jesure ihña tuhtiequinare ihñoatiquiro ijiahe.

Jesu peyequina masare buheahye (Mt 4.23-25)

17 Sa ye Jesu tiqiro buheyequina mehna cunɛ buipɛ ijiriquina dijia taye, peyequina apequina tiqiro buheyequina mehna dijia wihidɛca, quehnoari paapɛ ducuahye tiquina. Ijipihtiropɛ Judea yehpapɛ ijiye macari cjēna, Jerusalē cjēna, Tiro wame tiri maca cjēna, Sidō wame tiri maca cjēna pajiri ma dɔhtɛ cahapɛ ijiye macari cjēna masa peyequina tiqiro cahapɛ wihiahye.

18 Tiquina Jesu buheyere tɔhoye tehe, tiquina dohatiyere cohāgū cahmeahye. Watia cɔoyequina gūhɛ tiqiro cahapɛ wihi, quehnoa wahahye.

19 Jesu tiqiro tutuaye mehna yūhdugū yeahye tiquinare. Sa ye tiquina ijipihtiequina tiqirore dahra tuhuye ahtahye.

Jesu bucueye, bujua witiye gūhare buheahye (Mt 5.1-12)

20 Came Jesu tiqiro buheyequinare ihña, yahuahye:

—Mɔsa pejecɔna, (mɔsa ñañene bujua witina), Cohācjū tiqiro puhtoro ijiropɛ wahanata mɔsa. Sa yena mɔsa bucuenata.

21 'Yojopɛre mɔsa ujuahana, yapina ijinata. Sa yena bucuenata.

'Yojopɛ utina ijina, came mɔsa bujunata. Sa yena mɔsa bucuenata.

22 'Yuhɛ masɛ Cohācjū ohorigɛ ijiaja. Sa yena yeere yena mɔsa ijiri buhiri apequina mɔsare tiquina ihña tuhtiepegūta bucuenta ijire mɔsa. Mɔsare tiquina cohāpegūta bucuenata. Mɔsare tiquina ñano yahuducuepegūta “Ñana ijire”, mɔsare tiquina niepegūta mɔsa pehe bucuenata.

23 Mɔsare tiquina sa yegū ihñano uhmɔsepɛ mɔsa esagū pajiro quehnoano yerota Cohācjū mɔsare. Sa yena tutuaro bucuenta ijiya. Quehnoano jeripohna tina ijiya. Mɔsare ihña tuhtiequina tiquina acaye panopɛ cjēna sata ñano yeahye Cohācjū yere yahu mɔhtariquina gūhare.

24 'Sa yena mɔsa yojopɛ peye cɔna ahri yehpapɛ mɔsa quehnoano iji cā tuhasari. Sa yena ñano yūhdɔna ijinata mɔsa.

25 'Yojopɛ yapina mɔsa ujuahana. Mɔsa sa ijirina ñano yūhdɔnata.

'Yojopɛre mɔsa bujɔrina ijina camerɛre utinata. Sa yena ñano yūhdɔnata.

26 “Cohācjū yere yahu mɔhtana iji-aja”, ni mehoñequinare “Quehnoañequina ijire”, nimahye peyequina panopɛ cjēna. Sa nimediquina tiquina acaye yojopɛ cjēna gūhɛ sata “Quehnoañequina ijire”, niboaga ihquēquina mɔsa mehna cjēnare. Tiquina sa ninohrina mɔsa ijina ñano yūhdɔnata mɔsa gūhɛ, ni buheahye Jesu.

Mɔsare ihña tuhtiequina tiquina ijiepegūta tiquina gūhare cahña (Mt 5.38-48; 7.12)

27 Sa yero ohō saha ni buhe nemoahye Jesu:

—Yuhure tūho duanare, musareta nigū niaja. Musare ihña tuhtiyequina tiquina ijiepegūta tiquina gūhare cahña. Musare ihña tuhtiyequinare quehnoano yeya.

28 Musare “Ñano yuhduahro”, niñequina tiquina ijiepegūta quehnoa dutiya tiquinare. Musare ñano yeyequina tiquina ijiepegūta “Tiquina gūhū quehnoano ijiahro”, ni sini basaya Cohācjūre.

29 Ihcāquiroy musa wahsupure tiquiroy quēgū, ape sie gūhare quē dutiya tiquiroy. Musa bui cjā suhtirore tiquiroy ehmagū musa camisa gūhare sa oho cāhña tiquiroy.

30 Musare sinidiquirore tiquiroy sinino punota ohoya tiquiroy. Musa yere tiquiroy negū tiquiroy sinitueracāhña pari turi tire.

31 Apequina musare tiquina quehnoano yegū cahmene musa. Tiquinare musa quehnoano yegū cahmeno saha quehnoano yeya tiquina gūhare. Tiquina quehnoano yerapegūta musa pehe tiquinare quehnoano yeya.

32 Musare cahñequina dihitare musa cahīgū ti ne dūhseati ijierare apequina pehere musa cahñedagū. Ñañequina gūhū sata yere.

33 Sa yena musare quehnoano yeyequina dihitare musa quehnoano yegū ti gūhū ne dūhseati ijierare apequina pehere musa quehnoano yeragū. Tire ñañequina gūhū yere.

34 Sa yero “Yuhure wiaya tire”, musa niñequina dihitare musa wasogū ne ti dūhseati ijierare. Ñañequina gūhū apequinare “Yuhure wiaya tire”, tiquina niñequinare wasore.

35 Sa yena musa pehe musare ihña tuhtiyequina gūhare cahña. Sa yena tiquinare quehnoano yeya. Apequiroyre wasona “Yuhure ne wiasi ahriquiroy”, ni tūhotuenata tiquiroyre wasoya. Cohācjū pehe tiquiroyre “Quehnoare”, nieñequina gūhare, ñañequina gūhare quehnoano

yere. Tiquiro yero saha yeya musa gūhū. Musa sa yegū Cohācjū tutuaro quehnoano yerota musare. Sa yena Cohācjū tutua yuhduariquiroyre uhmuse cjāno pohna ijinata.

36 Mari Pacu uhmuse cjāno tiquiroy paja ihñariroy sahta musa gūhū masare paja ihñaña, ni yahuahye Jesu.

Apequina gūhare “Ñañequina ijire”, niedacāhña (Mt 7.1-5)

37 Sa yero tiquinare yahu nemoahye:

—Apequinare “Ñañequina ijire”, niedacāhña musa. Musa sa niedagū Cohācjū musa gūhare “Ñana ijire”, nisi. Apequina musare tiquina ñano yerire tiquina ñano nidi gūhare boya musa. Musa sa bogū ihñano Cohācjū musa gūhare musa ñañe yerire borota.

38 Apee borore cūona apequinare ohoya. Musa sa ohogū Cohācjū gūhū musare ohorota. Sa ohoro quehnoano queoro musare pajiro ohorota. Quehnoano wahpa yuhduaro ohorota. Apequinare musa ohoriro punota Cohācjū gūhū musa gūhare ohorota, niahye Jesu tiquinare.

39 Sa ni tuhasa Jesu quti mehna buhero ohō saha ni yahu nemoahye:

—Caperi bajueyequina sehsaro tiquina basi quehnoano tūā cā masiedare. Sa tūā cāñe, tiquina pūaropū bora maa sajāa wahaeta copepū. (Sata Cohācjū yere masieñequina apequinare buhe masiedare. Sa ye tiquina ijipihtiyequina pecapū wahaeta.)

40 Buheyequina tiquinare buheriquirore masi yuhducaerare. Sa ijiepetā ijipihtiyequina buheyequina tiquina quehnoano buhe pehori bato tiquinare buheriquiro yero saha ijietā, niahye Jesu.

41 Sa ni tuhasa apeye quti mehna yahu nemoahye:

—Mari queoye mehna buhegū ohō saha yena ijire musa: Musa acayuro tiquiroy capeapū meheni pohcarogā

tiquirore bora sajāgū ti pohcarogāre quehnoano ihñare mūsa. Mūsa ya capearū pajiri pjī ijiepegūta ti pjīne ne ihñedare mūsa. Meheni pohcarogāre mūsa ihñano saha mūsa acayuro tiquiro ñano yeye pehere quehnoano ihñare mūsa. Mūsa basi mūsa ñañene tutuaro yepenata tire masiedare mūsa pajiri pjīne mūsa ihñedaro sahata. ¿Dūhse yena sa yeajari mūsa?

⁴² Ohō saha nina yero saha ijire mūsa: “Yūhū acayū, ñañene yegū nine mūhū. Sa yegū tire duhuya”, nina yero saha ijire mūsa. Sa nina ijiepenata pajiro ñañene yere mūsa pehe. ¿Dūhse yena mūsa ñañene yepenata tire masiedajari mūsa? Masa ihñono dihita quehnoano iji mehona ijire mūsa sa yena. Pajiri pjīne mūsa capearū ijiri pjīne mūsa ne mūhtaboriro saha mūsa ñano yeye pehere duhu mūhtaña. Mūsa sa yeri bato mūsa acayuro tiquiro ñano yeyere duhugū ye masiboaga meheni pohcarogāre mūsa neboriro saha, ni buheahye Jesu.

Masa yahuducuyere tūhona tiquina ijiye tiyere masiaja mari (Mt 7.17-20; 12.34-35)

⁴³ Sa yero queoye mehna buhero ohō saha ni yahu nemoahye tiquinare:

—Quehnoadū yucūgū ñañene dūca tierare. Sa yero ñadū quehnoañene dūca tierare.

⁴⁴ Yucū dūcare masina tūre masine mūsa. Potagū higuera pacare dūca tierare. Sa yero pota būcūgū ūhse tōhorine dūca tierare.

⁴⁵ Sata ijire masa gūhū. Quehnoariquiro tiquiro tūhotuyepū quehnoañene ijire. Sa yero tiquiro quehnoañene yere quehnoadū quehnoañene dūca tiro saha. Ñariquiro tiquiro tūhotuyepūre ñañene ijire. Sa yero tiquiro ñañene yere ñadū ñañene dūca tiro saha. Mari tūhotuyepū marine ti ijiro saha yahuducujaja mari, ni yahuahye Jesu.

Pūa wūhū yeyequina quitire yahuahye Jesu (Mt 7.24-27)

⁴⁶ Sa yero tiquinare yahu nemoahye:

—Mūsa yūhūre “Pūhto”, nine. Sa niepenata yūhū dutiye pehere yerare mūsa. ¿Dūhse ijiro boro sa yerajari?

⁴⁷ Ijipihtiyequina yūhūre cahmeñequina yūhū yahuyere tūhore. Sa yeye yūhū dutiyere yūhdūcaerare. Ohō sahata ijire yūhūre yūhdūcaeyequina:

⁴⁸ Wūhū dahreriquiro yero saha ijire tiquina. Tiquiro ūhūañe coperire sehe, wūhūre doco dūcare. Ti wūhū quehnoano tiquiro yeri wūhū ijiro dia minigū tutuaro aco tutuepegūta ti wūhū quehnoano tojoare.

⁴⁹ Sa yeye yūhū dutiyere tūhoepeta yūhdūcayequina pehe wūhūre quehnoano yerariquiro yero saha ijire. Ti wūhūre buigā doco, quehnoano ye dūcaerare. Tiquiro sa yeri wūhū ijiro dia minigū aco tutuagū duita ti wūhū cohō būhū wahare. Sa yero ti wūhū tutuaro bora quehea wahare, niahye Jesu.

7

Surara pūhtoro cahacjūnore tiquiro dohatigū Jesu yūhdūoahye tiquirore

(Mt 8.5-13)

¹ Ti quitire masare yahu tuhasa Jesu gūhū Capernaupū esahye.

² Topū ijiriquiro cien surara pūhtoro tiquiro cahacjūnore tutuaro cahñahye. Tiquiro cahacjūno pehe tutuaro dohatiro, yariaropū niahye.

³ Sa yero Jesu yeyere tūhoro, judio masa būcūnare Jesu cahapū ohoahye pūhtoro pehe.

—Dohatiriquirore yūhdūogū ah-taya, ni, yahu dutiro būcūnare ohoahye pūhtoro.

⁴ Tiquina Jesu cahapū esa, ohō saha ni tutuaro mehna yahuahye tiquirore:

—Surara pūhtoro ūsāre ohori. Tiquiro cahacjūnore dohatiriquirore yūhdūgū cahmedi tiquiro. Tiquiro pūhtoro pehe quehnoariquiro ijire. Tiquiro sa ijigū yedohoya tiquirore.

5 Mari ya maca cjênare tiquiro cahîne. Sa yero tiquiro usã buheri wuhure tiquina yeri wapare wapa yere, niahye bucuna Jesure.

6 Tiquina sa ni yahugã tãhoro Jesu pehe tiquina mehna wahahye. Surara pãhtoro ya wuhũ cahagãpũ tiquiro esagũ pãhtoro pehe tiquiro mehna cjênare Jesure ohõ saha ni yahu dutiro ohoahye:

—Pũhto, quehnoanota. Ahtaeracãhña. Quehnoagũ ijieraja yuhũ. Ya wuhũpũ mũhure sajã ta dutibogũ ijieraja yuhũ.

7 Sa yegũ mũhũ cahapũ wahaeraja. Yuhũ sa ijiepegũta mũhũ masiñe mehna yũhdũ dutiya mũhũ tiquirore. Mũhũ sa yegũ yuhũ cahacjãno quehnoanota.

8 Yuhũre yuhũ bui ijieyiquina apequina pũhtoa dutire. Sa yegũ yuhũ gũhũ surarare dutiaja. Ihcãquiore “Wahaya”, yuhũ nigũ tiquiro wahare. Apequiore “Ahtaya”, yuhũ nigũ tiquiro ahtare. Yuhũ cahacjãnore “Ahrire yeya”, yuhũ nigũ tire tiquiro yere. Mũhũ gũhũ dutigũta ijire. Sa yero mũhũ dutiro saha tiquiro dohatiriquiro yũhdũrota, ni yahu dutiahye surara pãhtoro.

9 Tiquiro sa nigũ tũho maria waharo, peyequina masa tiquiro mehna ijieyiquinare majaredũca sa, yahuahye:

—Mũsare niita niaja. Tiquiro surara pãhtoro Israe masãno ijieriquiro Cohãcjũre tutuaro wacũ tutuare. Tiquiro cahacjãnore yuhũ yũhdũgũ yeatire masi tuhasare. Israe masare ne ahriquiore yero saha ijieyiquinare ihñeda tirũ yuhũ, niahye Jesu.

10 Tiquiro sa nidi bato surara pãhtoro Jesu cahapũ tiquiro ohoriquina tiquina pãhtoro ya wuhũpũ tojoaa wahahye. Tojoa sa dohatiriquiro yũhdũriquiorepũre ihñahye tiquina.

Jesu wape wihoro macãnore masoahye

11 Came cjũnogã Nai wame tiri macapũ Jesu tiquiro buheyequina mehna peyequina masa mehna wahahye.

12 Ti macare sajãri sopecaha cahapũ tiquiro esagũ yariariquiore masa ne wijia taye niahye. Yariariquiore pacoro wape wihoro ijiahye. Ihcãquioreta ijiriquiro yariahye. Sa ye to cjẽna masa peyequina ticoro mehna wahahye.

13 Tiquina sa wahagũ ihñano Jesu ticorore paja ihñahye.

—Utieracãhña, niahye Jesu ticorore.

14 Sa nino yariariquiore tiquiro masa putire ña peoahye. Tiquiro sa ña peogũ ihñañe ti putire wũayequina pehe esadũcahye.

—Macũ, yuhũ mũhure ohõ saha niaja. Wahcã nujuña, niahye Jesu.

15 Tiquiro sa nidi bato yariariquiore mũnano wahcã nuju, yahuducuahye. Sa yero Jesu tiquirore tiquiro pacorore wiahye.

16 Tiquiro sa yegũ ihñañe tiquina ijipihtiyequina cuea wahahye. Sa yeye tiquina Cohãcjũre ño peo, ohõ saha niahye:

—Cohãcjũ yere yahu mũhtariquiore masi yũhdũariquiore yojopũ pũritare mari watoa ijire, niahye tiquina.

—Cohãcjũ marine tiquiro yequinare yedohoro wihi tuhasare, niahye apequina.

17 Sa yeye ijipihtiyequina Judea yehpa cjênare ti yehpa dũhtũ cahapũ ijiey macari cjênare Jesu yerire masa yahu site pehoahye.

Ñu wame yeriquiro tiquiro buheyequinare Jesure sinitu dutiahye

(Mt 11.2-19)

18 Sa ye Jesu yerire ihñañe Ñure yahuahye tiquiro buheyequina. Sa tiquina yahugã tãhoro pũarore tiquiro cahapũ pijio,

19 Jesure sinitu dutiro ohoahye Ñu. Ohõ saha ni sinitu dutiahye:

—¿Ñu “Yuhũ bato apequiore ahtarota”, tiquiro nidigũta ijiajari mũhũ? ¿Tiquiro nidigũ mũhũ ijieragũ apequiore cohtenatari usã? ni

sinitu dutiahye Ñu p̄aro tiquiro buheyequinare.

20 Sa ye tiquina Jesu cahap̄a esa, sinituahye tiquirore:

—Ñu wame yeriquiro m̄ahure sinitu dutiro ohori ʉs̄are. ¿Ñu “Yah̄u bato apequiro ahtarota”, tiquiro nidiḡata ijiajari m̄ah̄u? ¿Tiquiro nidiḡu m̄ah̄u ijieraḡu apequirore cohtenatari ʉs̄a? ni sinituahye tiquina Jesure.

21 Ti pjeta peyequina dohatiyequinare, wat̄ia c̄oyequinare, caperi bajueyequinare ȳhd̄uḡu yeahye Jesu.

22 Sa yero Ñu ohoriquinare Jesu ȳhtiahye:

—Yojop̄are m̄asa ih̄narire m̄asa t̄horire Ñure yahuna wahaya: Oh̄o saha niña: “Caperi bajueyequina ih̄nare. Tini masieñequina tinine. Cami ahbariquina quehnoa wahare. T̄hoerariquina t̄hoa wahare. Yariariquina masaa wahare. Tiquina ijipihtiyequinare quehnoa wahaḡu yei ȳh̄u. Sa yeḡu pejec̄oyequinare quehnoañe buheyere yahuaja.

23 Ȳh̄ure t̄horiquiro ‘Poto ijire’, nidiquiro tiquiro bucueriquiro ijire”, Ñure ni yahuna wahaya, niahye Jesu.

24 Ñu buheyequina tiquina wahari bato Jesu pehe Ñu tiquiro ijiye tiyere yahu d̄cah̄ye peyequina masare:

—Masa marienop̄a esana, taare wi-hnono w̄doqueo m̄jaḡu ih̄nana eserari m̄asa.

25 “Quehnoañe suhti sañariquirore ih̄nana wahañhna”, niedari m̄asa masa marienop̄a wahana. Quehnoañe suhti sañañequina wapa b̄j̄yere c̄oyequina p̄h̄toa ye w̄h̄sep̄u ijire. Masa marienop̄a ijierare.

26 Masa marienop̄a esana Coh̄ãcj̄u yere yahu m̄htariquirore ih̄nana esari m̄asa. Ijirota ijire. Ñu Coh̄ãcj̄u yere yahu m̄htariquiro ijire. Apequina Coh̄ãcj̄u yere yahu m̄htariquina ȳhd̄uro ijiriquiro ijire tiquiro pehe.

27 Panop̄a Coh̄ãcj̄u yere tiquina ojoari p̄p̄a Ñure oh̄o saha ni yahuahye:

Mari Pac̄a tiquiro mac̄nore oh̄o saha niahye: “M̄h̄u pano m̄ah̄ure yahuyuatiquirore ohoḡtja. M̄h̄u wihiatore quehnoyurota tiquiro”, niahye Coh̄ãcj̄u, ni ojoahye panop̄are Ñure.

28 ‘M̄sare poto niita niaja. Apequina masa ijipihtiyequina bui ijire Ñu. Ahri decorip̄are tiquiro sa ijiepeḡata Coh̄ãcj̄u tiquiro p̄h̄toro ijirop̄are ijipihtiyequina docap̄a ijiriquiro p̄rita Ñu bui ijire, niahye Jesu masare.

29 Tiquiro sa niḡu t̄hoye ijipihtiyequina masa, wapa ne cohteyequina mehna Ñu tiquiro wame yenohriquina ijiye oh̄o saha ni t̄hotuahye Coh̄ãcj̄ure. “Coh̄ãcj̄u poto yeriquiro ijire”, ni t̄hotuahye tiquina.

30 Fariseo masa pehe, judio masare buheyequina ḡh̄u Ñu wame yenohriquina iji duerahye. Sa ye tiquinare Coh̄ãcj̄u yequina tiquiro ye duaḡu cahmedahye tiquina.

31 Sa yero Jesu pari turi yahuahye:

—¿Yojop̄a cj̄ena masa disequina yero saha ijiajari tiquina, m̄asa t̄hotuḡu?

32 Tiquina macanaḡa yero saha ijire. Apequina tiquina cahmeno saha yeraḡu bucuerare tiquinaḡa. Doeri cj̄e duarop̄a apepe dujiye, oh̄o saha ni pisuducure tiquinaḡa basi: “M̄sa basatire ʉs̄a putipemi. ¿D̄hsena m̄sa basaerari ʉs̄a putipeḡu? ʉs̄a tutuaro ñehe quea utipe, sañuducumi. ¿M̄sa pehe d̄hsena ʉs̄a mehna utiperari?” niducuyequina yero sahata ijire yojop̄a cj̄ena ḡh̄u. Yojop̄a cj̄ena tiquina cahmeno saha ʉs̄a yeraḡu ih̄nãñe bucuerare tiquina ḡh̄u.

33 Ñu wame yeriquiro Coh̄ãcj̄ure ño peoro taro sijiro, vinore sih-niedare. Tiquiro sa sihniedaḡu ih̄nana, “Wat̄nore c̄ore. Sa yero t̄ho

masieniquiro ijire”, nimesi m̄sa tiquirore.

³⁴ Ȳh̄h̄ mas̄ Coh̄ãcj̄ũ ohoriḡh̄ ijiḡh̄, ȳh̄h̄ ih̄ya sihn̄iaja. Ȳh̄h̄ sa yeḡũ ih̄ñana oh̄o saha nine m̄sa ȳh̄h̄ pehere. “Ih̄ñaña. Ahriquir̄o pajiro ih̄yariquir̄o, queheriquir̄o ijire. Wapa ne cohteyequina, ñano yeyequina ḡh̄h̄ tiquina mehna piti tiriquir̄o ijire tiquiro”, nine m̄sa ȳh̄h̄re. Sa nina macanaḡã yero saha yahuducuna ijire m̄sa. M̄sa cahmeno saha us̄ã yeraḡũ bucuere m̄sa.

³⁵ Sa masiedapenata us̄ã ye ih̄ñore ih̄ñana, Coh̄ãcj̄ũ yere us̄ã masiḡũ masinata m̄sa, ni yahuahye Jesu.

Simo wame tiriquir̄o fariseo mas̄no ya w̄h̄h̄p̄h̄ ijiahye Jesu

³⁶ Fariseo mas̄no tiquiro ya w̄h̄h̄p̄h̄ ih̄ya dutiro pijiahye Jesure. Tiquiro sa pijiḡũ Jesu tiquiro ya w̄h̄h̄p̄h̄ esa, tiquina ih̄yari mesa cahap̄h̄ nuju sahye.

³⁷⁻³⁸ Ti macap̄h̄re ñañe yericoro ijiahye. Jesu fariseo mas̄no ya w̄h̄h̄p̄h̄ tiquiro dujiḡũ ticoro t̄hoahye. Sa t̄horo alabastro mehna yeriare ehme sitiye pose tiriare ne c̄ãhta, Jesu behero peher̄p̄h̄ wihid̄uca, utiahye. Sa utiro, Jesu dahpoc̄arine ticoro yahco co mehna weo, ticoro poari mehna w̄hoahye. Tiquiro dahpoc̄ari w̄h̄aḡũ ih̄ñano ticoro tiquiro dahpoc̄arine ih̄mi, ehme sitiye mehna pio peohye.

³⁹ Ticoro sa yeḡũ ih̄ñano fariseo mas̄no Jesure pijiriquiro tiquiro basi oh̄o saha ni t̄hotumahye: “Ahricoro tiquirore ñehe tuhuricoro ñañe yericoro ijire. Ahriquir̄o Jesu Coh̄ãcj̄ũ yere yahu m̄htariquir̄o ijiro tire masiboaga”, ni, t̄hotumahye.

⁴⁰ Tiquiro sa ni t̄hotuyere masino Jesu yahuahye tiquirore:

—Simo, yojop̄h̄ p̄ritare m̄h̄re yahu duaja, niahye Jesu.

—¿Buheḡũ, ȳh̄h̄re d̄h̄se ni yahu duajari m̄h̄h̄? niahye Simo.

⁴¹ Tiquiro sa niḡũ Jesu oh̄o saha ni queoye mehna buhe yahuahye:

—P̄htorore p̄aro wapamoñequina ijiahye. Ih̄c̄ãquir̄o wapamoriquir̄o quinientos niñeru cjoerire wapamoahye. Apequir̄o pehe cincuenta niñeru cjoerire wapamoahye.

⁴² Sa ye tire tiquina wapa ye masiedaḡũ ih̄ñano tiquiro tiquina wapamoñene wapa ye dutierahye. ¿Yojop̄h̄ p̄ritare diquir̄o pehe wapamoriquir̄o tiquiro p̄htorore cah̄i ȳh̄d̄rotari? ni sinituahye Jesu.

⁴³ Simo ȳhtiahye:

—Õbah, pajiro wapamoriquir̄o mehenoḡã wapamoriquir̄o ȳh̄d̄oro tiquiro p̄htorore cah̄iboaga, niahye Simo.

—Poto ȳhtiri m̄h̄h̄ ȳh̄re, niahye Jesu.

⁴⁴ Sa ni tuhasa tiquirore pio peoricorore majare ih̄ña, Jesu Simore yahu nemoahye:

—Ahricorore ih̄ñaña m̄h̄h̄. M̄h̄h̄ ya w̄h̄h̄p̄h̄ ȳh̄h̄ sajã wihiri bato ȳh̄h̄ dahpoc̄arine coseati acore ȳh̄re ohoerari m̄h̄h̄. Ahricoro pehe ticoro yahco co mehna ȳh̄h̄ dahpoc̄arine weo, ticoro poari mehna w̄ori ȳh̄re.

⁴⁵ M̄h̄h̄ pehe ȳh̄re piti ca ih̄miedari. Ahricoro pehe oh̄õp̄h̄ ȳh̄h̄ dujiro puno ȳh̄h̄ dahpoc̄arine ih̄midi.

⁴⁶ M̄h̄h̄ pehe ȳh̄h̄ dapure uh̄se mehna pio peorari. Ticoro pehe ȳh̄h̄ dahpoc̄arine ehme sitiye mehna pio peori.

⁴⁷ Sa niḡũ m̄h̄h̄reta yahuḡta niaja. Ahricoro ticoro ñañe yeye pe ȳh̄d̄h̄aye ijire. Sa ijieperota ticoro tutuaro cah̄ine ȳh̄re. Sa yeḡũ ticoro ñañene bou. Sa yeye tiquina ñañene mehenoḡã ȳh̄h̄ bonohriquina mehenoḡã cah̄ine ȳh̄re, niahye Jesu Simore.

⁴⁸ Sa ni tuhasa tiquiro ticorore yahuahye:

—Yojop̄h̄ p̄ritare m̄h̄h̄ ñañe yeyere bou, niahye Jesu.

⁴⁹ Tiquiro sa niḡũ t̄hoye Jesu mehna dujiyequina tiquina basi oh̄o saha ni yahuducuahye:

—Ahriquiroy potota ñañe yeyere boriquiroy ijire. ¿Dahse ijiriquiroy boro ijiajari ahriquiroy ñañene boriquiroy? niahye tiquina basi.

⁵⁰ Sa yero Jesu numinore ohō saha ni yahuahye:

—Yuhure mahu wacū tutuagū mahure pecapu wahaborigore yuhduoja. Cuero marieno mahu ya wuhupu tojoaa wahaya, niahye Jesu titorore.

8

Numia Jesure yedohoahye

¹ Came bujye macaripu, daye macarigapu gūhare esa, Cohācjū tiquiroy puhtoro ijiyere quehnoañe buheyere yahuahye Jesu. Doce tiquiroy buheyequina pehe tiquiroy mehna ijiahye.

² Sa ye numia gūhu watia cūmediquina numia, dohatimediquina yahuahye ni, sinituahye tiquina. numia Jesu quehnoa wahagū tiquiroy yeriquina numia tiquiroy mehna tiniahye. “María”, tiquina nidorore “Magdalena”, ni pisue tiahye titorore. Titorore siete watiare Jesu cohāhye to pano. Sa yero ticoro gūhu Jesu mehna tiniahye.

³ Chuza wame tiriquiroy Herodere yedohomediquiroy namono Juana gūhu Jesu mehna tiniahye. Susana wame tiricoro gūhu apequina numia mehna peyequina tiquina cūoye mehna Jesu gūhare yedohoahye.

Jesu oteriquiroy quitire yahuahye (Mt 13.1-9; Mr 4.1-9)

⁴ Sa ye peye macari cjēna Jesu cahapu cahmecoahye. Tiquina sa cahmecoari bato Jesu tiquiroy tuhotuye mehna queoye mehna tiquinare yahuahye buhero taro:

⁵ —Oteriquiroy otero wahahye. Tiquiroy sa otegū apeye pjeri maha dūhtu cahapu bora quehe sahye. Sa yeye ti pjerire masa cūhta diho cūahye. Sa ye minicjūa pari pehe ti pjerire ihyahye.

⁶ Sa ye apeye pjeri utā paca watoa bora quehe sahye. Topu yehpapu

aco mariedahye. Sa ye ti pjeri pihni wahcāduca ñaia wahahye.

⁷ Apeye pjeri taa watoa bora quehe sahye. Taa pehe ti oteye mehna pihniahye. Taa pehe dia yuhduu waha, oteyere wejēahye.

⁸ Apeye pjeri quehnoari yehpapu bora quehe sahye. Quehnoano pihni, duca tiahye. Sa ye peye duca tiahye, niahye Jesu.

Sa ni tuhasa ohō saha tutuaro ni nemoahye:

—Ahrire quehnoano tuhoya musa, niahye tiquiroy.

Jesu queoye mehna tiquiroy buherire yahuahye

(Mt 13.10-17; Mr 4.10-12)

⁹ Came tiquiroy buheyequina ti queoyere masi duaye, Jesure sinituahye:

—¿Ahri queoye mehna dahse ni yahuahye ni, sinituahye tiquina?

¹⁰ Tiquina sa nigū Jesu yūhtiahye:

—Cohācjū masa puhtoro tiquiroy ijiyere panopu apequina tiquina masiedarire musare masigū yerota Cohācjū. Apequina pehere sa yerare tiquiroy. Tiquinare queoye mehnata buheitja. Yuhu sa yegū tiquina yuhu buheyere tuhoepeta masisi, niahye Jesu tiquiroy buheyequinare.

Jesu oteriquiroy quitire yahu pehoahye

(Mt 13.18-23; Mr 4.13-20)

¹¹ Sa ni tuhasa tiquinare yahu nemoahye:

—Ohō saha ni yahure ahri quitire: Oteye pjeri quehnoañe buheye yero saha ijire.

¹² Sa ye maha dūhtu cahapu borari pjeri pehe quehnoañe buheye yero saha ijire. Sa yero masa quehnoañe buheyere tiquina tuhogū ihñano watino pehe ahta, ti buheyere masi dutierare masare. Minicjūa ti pjerire tiquina dote nediro saha yere. Tiquiroy sa yeragū tiquina Cohācjūre wacū tutuaboa. Tiquina sa wacū tutuagū ihñano Cohācjū pehe

tiquinare pecap_u wahaboriquinare y_uhd_uoboa.

13 Utā pjeri watoa borari pjeri quehnoañe buheye yero saha ijire. Sa ye masa quehnoañe buheyere t_uho, bucueye mehna tire t_uho nene. Sa t_uho nepeta utā watoa ijiye c_u n_uhcori marieñe c_u yero saha ahriquina masa g_uh_u tutuerare. Sa tutueraye yeequina tiquina ijiri buhiri apequina tiquinare ñano yeg_u ihñañe yee pehere duhu cāhre.

14 Sa ye taa watoa borari pjeri quehnoañe buheye yero saha ijire. Sa ye masa quehnoañe buheyere t_uhoepeta, ahri yehpa c_uñe pajiro b_uj_ua witi t_uhotu, niñeru pehere cah_i, ahri yehpa c_uñe bucuere tiquina. Sa yeye ti pehe quehnoañe buheyere cahmotag_u, masa pehe quehnoañe pehere yerare.

15 Sa ye quehnoari yehpap_u borari pjeri quehnoañe buheye yero saha ijire. Sa yeye masa quehnoañe buheyere t_uhoye, quehnoano mehna ti buheyere y_uhd_ud_ucaerare. Sa ye yuc_ug_u d_uca tiro saha quehnoañe buheyere t_uhoyequina pehe Cohāc_uj_u tiquiro cahmeno saha quehnoañene yere, niahye Jesu.

Jesu sihāria quitire buheahye
(Mr 4.21-25)

16 Sa ni tuhasa apeye queoye mehna buheahye tiquiro:

—Ne sihāriare dihi sutu docap_u c_uedare masa. Sa ye tiare cumuno docap_u c_uedare. Uhm_uanop_u tiare duhu peore w_uh_up_u sajā tayequina tiquina quehnoano ihña sajā tato saha.

17 Ijipihtiye tiquina masiedarire came masa masieta. Sihāria buhriog_u mari ihña masino saha panop_u tiquina masiedarire masieta masa.

18 Sa yena m_usa t_uhona quehnoano t_uho n_un_uña. Quehnoano t_uho n_un_uriquiuro, quehnoano masinota. T_uho n_un_uediquiuro “Mehenog_u t_uhoaja”, tiquiro niepeg_uta ti pehere boaa waharota, niahye Jesu.

Jesu acaye tiquirore pijahye
(Mt 12.46-50; Mr 3.31-35)

19 Came Jesu bahana tiquina pacoro mehna tiquiro cahap_u wahaye nimahye. Masa peyequina ijig_u tiquiro cahap_u eserahye.

20 Sa yero ihcāquiuro Jesure yahuahye:

—M_uh_u paco m_uh_u bahana mehna sopecahap_u ducuri. M_uh_ure ihñañe taye niñohti, niahye tiquiro Jesure.

21 Tiquiro sa nig_u Jesu ohō saha ni yahuahye ijipihtiyequinare:

—Cohāc_uj_u buheyere t_uhoyequina, tire y_uhd_ud_ucaeyequina tiquinata y_uh_u paco y_uh_u bahana yero saha ijire, niahye Jesu tiquinare.

Jesu wihnonore y_us_u dutiahye
(Mt 8.23-27; Mr 4.35-41)

22 Ape deco Jesu tiquiro buheyequina mehna yuc_usap_u sajāhye.

—Isa, pehāh_una, ni, tiquina ijipihtiyequina tia mehna ditarap_u pehāa wahahye.

23 Sa pehāno carīa wahahye Jesu. Tiquina sa pehāducurop_u tutuaro wihnono wēahye. Wihnono wēg_u b_uj_uye pahcōri wahcā, tiquinare mio cāmahye. Sa waharo miono cua y_uhd_uahye tiquinare.

24 Sa wahag_u ihñañe, ac_uaa waha, Jesu cahap_u waha, tiquirore wahcōahye.

—Buheg_u, mari yariana tana niaj_u, niahye tiquina.

Tiquina sa nig_u Jesu pehe wahcā, wihnonore,

—To punota wē duhuya, niahye.

Sa nino pahcōri g_uh_ure,

—Y_us_ua wahaya, niahye.

Tiquiro sa nig_uta wihnono y_uhd_uaa wahahye. Sa ye pahcōri g_uh_u y_us_u dijiaa wahahye.

25 Sa wahari bato Jesu tiquinare ohō saha niahye:

—¿M_usa y_uh_ure wac_u tutuerajari? niahye tiquiro.

Tiquiro sa nig_u tiquina pehe cue, ac_uaa waha, tiquina basi ohō saha ni yahuducuahye:

—¿Yohou, dũhse ijiriquiro boro masũno ijajari ahriquiro? Ahri wihnono, pahcõri gũhũ tiquiro dutigũ yũhdũdũcaerare tiquirore, niahye tiquina basi.

Watĩa cũoriquirore yũhdũoahye Jesu

(Mt 8.28-34; Mr 5.1-20)

²⁶ Sa ye tiquina ape sie pahrẽpũ Gerasa cjẽna ya yehpapũ pehã sahye. Ti yehpa Galilea yehpa poto ijiahye.

²⁷ Topũ Jesu tiquiro maja sadũcagũ waro to cjũno watĩa cũoriquiro tiquiro cahapũ ahtahye. Tiquiro yoari pje suhti marieniquiro ijiro, tiquiro ya wũhũpũre ne ijierahye. Sa yero masa coperi utãpũ tiquina seheri coperi cahapũ ijie tiahye tiquiro.

²⁸⁻²⁹ Sa ye peye tahari watĩa tiquirore ñeheahye. Sa yero tiquiro peresupũ ijigũ tiquiro omocarine, dahpocãrine come dari mehna dũhteriquiro ijieperota, ti darire tũã sure mũjahye. Sa ye watĩa pehe tiquirore masa marienopũ ne cã mũjae tiahye. Sa yero tiquiro Jesure ihñadoqueo, tutuaro sañuducu, Jesu cahapũ dũsepe curi mehna quehe sahye. Tiquiro sa yegũ ihñano Jesu pehe tiquirore dutiahye:

—Ahriquiro mehna ijieracãhña. Wahaya watĩa, niahye.

Tiquiro sa nigũ tũhoro watĩa cũoriquiro tutuaro sañuducu, sinituahye Jesure:

—¿Jesu, aũmũse cjũ Cohãcjũ macũ yabere yei tũũ nijari mũhũ yũhũre? Yũhũre ñano yeracãhña, niahye watĩa cũoriquiro.

³⁰ Tiquiro sa nigũ Jesu pehe sinituahye tiquirore:

—¿Dũhse wame tiajari mũhũ? niahye.

Peyequina watĩa tiquiro mehna ijiahye. Sa yero ohõ saha niahye tiquinare cũoriquiro.

—Watĩa peyequina wame tiaja usã, ni, yũhtiahye watĩa cũoriquiro.

³¹ —Hũcũãri copepũ usãre waha dutieracãhña, ni, tutuaro siniahye watĩa pehe.

³² Ti pjere topũ cũnũ dahpotopũ yesea peyequina ihyaye niahye. Tiquina topũ ihyagũ ihñãñe watĩa ohõ saha ni siniahye Jesure:

—Sisequina yesea cahapũ waha dutiya usãre. Tiquina mehna iji dutiya usãre, ni, siniahye watĩa.

Tiquina sa nigũ tũhoro Jesu tiquinare yesea cahapũ waha dutiahye.

³³ Tiquiro sa waha dutiri bato watĩa pehe masũno mehna ijimediquina waha, yesea cahapũ esahye. Tiquina cahapũ tiquina esari bato yesea pehe pari cjũpũ oma maa buhaa waha, ditapũ bora ñojoa mini yaria pihtia wahahye.

³⁴ Yeseare cohteyequina yesea tiquina sa minigũ ihñãñe, cue, oma cãa wahahye. Sa oma cã macapũ esa, ti maca cjẽnare, ihquẽ wũhũse ijiro cjẽna gũhũre tiquina ihñarire yahu siteahye.

³⁵ Tiquina sa yahu siteri bato masa ihñãñe wahahye. Sa ye Jesu cahapũ esa, watĩa cũomediquirore suhti sañariquiro tũho masiniquiro tiquiro dujigũ ihñahye tiquina. Tiquina ijipihiyere ihñãñe, tiquina cue niahye.

³⁶ Watĩa cũomediquiro tiquiro quehnoa waharire ihñãñequina apequinare tiquina ihñarire yahuahye.

³⁷ Ti pjeta Gerasa yehpa cjẽna peyequina Jesure tutuaro cueye, tiquirore waha dutiahye. Tiquina sa waha dutigũ Jesu yucũsapũ sajã, waharo taro niahye.

³⁸ Watĩa cũomediquiro Jesu wahato pano tutuaro sinimahye tiquirore:

—Mũhũ mehna waha duaja, ni sinimahye.

³⁹ Tiquiro sa nigũta Jesu tiquirore yũhtiahye:

—Mũhũ ya macapũ wahaya. Sa wahagũ Cohãcjũ mũhũre tiquiro yerire yahuya apequinare, niahye Jesu.

Tiquiro sa nidi bato waha, tiquiro ya macapũ esaro, masũno pehe Jesu tiquirore yerire ijipihiyequina tiquiro ya maca cjẽnare yahuahye.

Jairo maconore y_hdh_uoro, dii m_una wihoro dohatiducuricoro g_uh_ure y_hdh_uoahye Jesu

(Mt 9.18-26; Mr 5.21-43)

⁴⁰ Ape sie pahrēp_u Jesu pari turi tiquiro pehā sagū ihñañe masa peyequina tiquirore cohte, bucueye mehna piti cahye tiquirore.

⁴¹⁻⁴² Top_u judio masa buheri w_hh_u cohteriquiro Jairo wame tiriquire Jesu cahap_u esa, tiquiro dahpocāri cahap_u d_usepe curi mehna quehe sahye tiquirore ño peoro. Tiquiro macono yariaro niahye. Ticoro ihcācorota ijiricoro doce c_uhmari c_uoricoro ijiahye. Sa yero tiquiro ya w_hh_up_u Jesure piji cāhye. “A_u”, ni, tiquiro mehna wahahye Jesu g_uh_u.

Mahap_u tiquina sa wahagū pe y_hdh_uayequina masa ijiye, wahpa y_hdh_uahye.

⁴³ Sa yero apecoro numino doce c_uhmari waro dii m_una dohatiducuricoro top_u ijiahye. To pano duturuare ijipihtiye ticoro ye niñeru mehna wapa yemahye ticoro aco ye dutiro. Tiquina sa aco yepegūta m_unanota ijiducu cāhye ticoro.

⁴⁴ Sa yero ticoro Jesu behero peher_u ahta, tiquiro suhtiro sohtoare ticoro ñehe tuhugūta ticoro dohatiye pihtia wahahye.

⁴⁵ Ticoro sa ñehe tuhugū t_uhoturo Jesu sinituahye.

—¿Noa y_hh_u suhtirore ñehe tuhujari? niahye tiquiro.

Ijipihtiyequina “Ñehe tuhuer_u”, niahye. Sa ye Pedro g_uh_u ohō saha niahye:

—Buheg_u, bihsarīne. Sa yeye masa peyequina m_uh_ure ñehe tuhure. ¿D_uhseg_u sa ni sinituajari m_uh_u? niahye tiquina Jesure.

⁴⁶ Tiquina sa nigū Jesu yahtiahye:

—Mianogāta y_hh_u y_hdh_ugū yei ihcācorore. Sa yeg_u y_hh_ure ticoro ñehe tuhugū masiaja, niahye tiquiro.

⁴⁷ Tiquiro sa nigū t_uhoro ticoro duhti masiedaro, nanarerico Jesu cahap_u d_usepe curi mehna quehe sahye tiquirore ño peoro. Sa ye ijipihtiyequina masa tiquina t_uhorop_u

ticoro dohatiyere, Jesure ticoro ñehe tuhurire, ticoro quehnoa waharire yahuahye ticoro.

⁴⁸ Ticoro yahu tuhasagū Jesu ticorore yahuahye:

—Maco, y_hh_ure m_uh_u wacū tutuaye mehna quehnoago tojoare yojop_ure. Bucueye mehna wahaya, niahye ticorore.

⁴⁹ Tiquiro sa nini watoa Jairo ya w_hh_up_u ijiriquiro yahuro wihiahye:

—M_uh_u macogā yariaa wahari. Sa yeg_u buheriquirore piji cāhtaeracāhñā, niahye tiquiro.

⁵⁰ Tiquiro sa nigū t_uhoro, Jairore ohō saha ni yahuahye Jesu:

—B_uj_u witi t_uhotueracāhñā. Y_hh_ure wacū tutuaya. Ti dihitare yeya. M_uh_u sa yegū ticorogā masaa waharota, niahye Jesu.

⁵¹ Sa ni tuhasa tiquiro ya w_hh_up_u esa, Pedro, Ñu, Santiago, dohatiticooro pac_us_um_u topequinata ne sajāhye. Apequina pehere Jesu sajā dutierahye.

⁵² Top_u ijipihtiyequina masa tiquina ñehe quea utiri watoa sajā sahye Jesu.

—Utieracāhñā. Ticorogā yariere. Carīno nine, niahye tiquiro.

⁵³ Tiquiro sa nigū t_uhoye tiquina pehe ticoro yariaricoro ijigū masiñe, Jesure b_uj_uahye. “Sa ni maca cāno nine”, ni b_uj_uahye.

⁵⁴ Sa yero Jesu ticorogā omocare ñehe, pisuahye:

—Mehenicorogā wahcāñā, niahye.

⁵⁵ Tiquiro sa nigūta yariaricoro masaa waha, wahcād_uca sahye ticorogā. Ticoro wahcād_ucari bato Jesu ticorore ihyayere oho dutiahye.

⁵⁶ Ticoro sa masagū ihñañe ticoro pac_us_um_u ihñā maria wahahye. Sa yero Jesu tire apequinare yahu dutierahye.

9

Jesu doce tiquiro buheyequinare buhe dutiro ohoahye

(Mt 10.5-15; Mr 6.7-13)

1 Sa ye Jesu docere tiquiro buheyequinare pijio, tiquiro tutuayere ohoahye tiquinare. Watĩare tiquina cohãtĩre, dohatiyequinare yũhdũgũ yeati gãhũre tiquiro tutuayere ohoahye tiquinare.

2 Sa ye tuhasa tiquinare Cohãcjũ tiquiro pũhoro ijiyere buhe dutiro, dohatiyequinare yũhdũo dutiro ohoahye tiquinare.

3 Ohõ saha ni dutiahye Jesu tiquinare:

—Mũsa wahana apee borore nedacãhña. Tua dũre, ajurore, ihyayere, niñerure nedacãhña. Mũsa sañano dihitare saña cãhña. Apeye suhtire nedacãhña.

4 Ijipihtiye macaripũ musare tiquina carĩno ohogũ ti wũhũpũta ijiniña. Coã wahanapũ wijiaya ti wũhũre.

5 Apeye macari cjẽna musare tiquina cahmedagũ ihñana ti macarine yũhdũ cãa wahaya. Sa wahana mũsa dahpocãri cjẽ dihta esa wahãrĩre wejẽ site cũña mũsa tiquinare tiquina ye buhirire masigũ yena, niahye Jesu.

6 Tiquiro sa nidi bato tiquiro buheyequina pehe waha, ijipihtiye macaripũ quehnoañe buheyere yahu tiniahye. Sa ye dohatiyequinare yũhdũoe tiahye.

Jesu tiquiro yerire Herode tũhoahye

(Mt 14.1-12; Mr 6.14-29)

7 Sa ye Herode Galilea yehpa cjẽna pũhoro Jesu yerire tũhoahye. “¿Noa boro ijiajari tiquiro Jesu?” nieperota ne masiedahye. Ihquẽquina ohõ saha nimahye Jesure. “Ñu wame yeriquiro mũnana masa mũjahye. Sa yero ‘Jesu’, tiquina nidiquiro tiquirota ijire”, nimahye ihquẽquina. Tiquina sa nigũ tũhoro Herode Jesure dahse ni masiedahye.

8 Sa ye apequina “Tiquiro Elia mũnana yojopũ bajuaro nine”, nimahye. Apequina pehe “Cohãcjũ yere yahu mũhtariquina panopũ cjẽna mehna cjãno yojopũ masa bajuaro nine”, nimahye Jesure.

9 Tiquina sa ni yahuducuepegũta ohõ saha ni tũhotuahye Herode: “Ñu dapure dũte sure duti tuhasaũ yũhũ. ¿Yojopũre ijiriquiro masa tiquina yahuriquiro noa boro ijiboagari tiquiro pehe?” ni, tũhoturo tiquiro Jesure ihña duamahye.

Jesu cinco mil masare ihyayere ohoahye

(Mt 14.13-21; Mr 6.30-44; Jn 6.1-14)

10 Sa ye Jesu tiquiro ohoriquina tiquiro cahapũ tojoa sa, tiquina yerire yahuahye Jesure. Tiquina yahu tuhasagũ Jesu tiquina dihitare Betsaida wame tiri macapũ siho wahahye.

11 Tiquina waharire masiñe, masa peyequina tiquinare nũnũ tã cãa wahahye. Jesure tiquina mũmũ sagũ ihñano piti cahye Jesu tiquinare. Sa yero tiquiro Cohãcjũ pũhoro ijiyere tiquinare yahu, dohatiyequinare yũhdũgũ yeahye.

12 Ñamicahapũ doce tiquiro buheyequina tiquiro cahapũ esa, Jesure yahuahye:

—Ohõ masa marienopũ ijire. Ohõ majano cjẽ wũhũsepũ ahriquina masare ohoya. Carĩato, tiquina ihyati gãhũre maca dutiya tiquinare, niahye tiquina Jesure.

13-14 Tiquina sa nigũ Jesu yũhtiahye tiquinare:

—Sa niedacãhña. Ihyayere ohoya tiquinare, niahye.

Tiquiro sa nigũ tũhoye tiquina yũhtiahye:

—Ihcã omope paca pã paca, pũaro wahi to punota cũoaja mari. ¿Ahriquina peyequina masa tiquina ihyatĩre dũboagari usã? niahye tiquiro buheyequina.

Peyequina masa tiquina ijigũ ihñañe sa niahye tiquiro buheyequina. Topũre cinco mil mũmũ ijiyahye. Sa yero Jesu yahuahye tiquiro buheyequinare:

—Cincuenta masare ihcã curua duji dutiya. Apeye cururi gãhũre topequinata duji dutiya, niahye Jesu tiquiro buheyequinare.

15 Tiquiro sa nigũ buheyequina tiquiro dutiriro sahata ye, ijipihtiyequina masare duji dutiahye.

16 Duji duti tuhasa Jesu ihcã omope paca pã pacare p̄aro wahire ne, ʔhm̄anop̄m̄ ihña m̄uoahye. Sa ihña m̄uono Cohãcjũre “Quehnoare”, ni-ahye. Tiquiro sa nidi bato pã pacare nuha, tiquiro buheyequinare masare iti dutiro ohoahye.

17 Sa ye tiquina ijipihtiyequina masa ihya, yapi yuhd̄ua wahahye. Tiquina yapi wehorire doce p̄h̄use ne cahmecoahap̄o wahpo dapoahye tiquiro buheyequina.

Jesu potota Cristo tiquiro ijiyere Cohãcjũ ohoriquiro tiquiro ijiyere yahuahye Pedro

(Mt 16.13-19; Mr 8.27-29)

18 Ihcã deco Jesu ihcãquirota ijiro, Cohãcjũre sinino niahye. Tiquiro sinini watoa tiquiro buheyequina tiquiro cahap̄m̄ esahye. Sa yero Jesu sinituahye tiquinare:

—¿Noa boro ijiagari yuh̄m̄, masa yuh̄m̄re tiquina t̄hotugũ? ni sinituahye.

Tiquiro sa sinitugũ t̄hoye tiquiro buheyequina yuh̄tiahye:

19 —“Ñu wame yeriquiro ijire”, nine m̄uh̄m̄re. Apequina “Elia ijire”, nine. Apequina “Cohãcjũ yere yahu m̄h̄tariquina mehna cj̄ano panop̄m̄ cj̄ano masa bajuaro nine yojop̄m̄re”, nine, ni yuh̄tiahye tiquiro buheyequina pehe tiquirore.

20 Tiquina sa nidi bato Jesu tiquinare sinituahye tja:

—¿M̄usa pehe m̄usa t̄hotugũ, noa boro ijiagari yuh̄m̄? ni, sinituahye tja.

—M̄uh̄m̄ Cristo Cohãcjũ ohoriḡm̄ ijire, ni yuh̄tiahye Pedro.

Jesu tiquiro yaria masa wijiatiye yahuahye

(Mt 16.20-28; Mr 8.30-9.1)

21 Sa ye Pedro “Cristo ijire m̄uh̄m̄”, tiquiro nidire apequinare Jesu yahu site dutierahye tiquiro buheyequinare.

22 Sa ni yahu site dutiera tuhasa ohõ saha ni nemoahye:

—Yuh̄m̄ mas̄m̄ Cohãcjũ ohoriḡm̄ tu-
tuaro ñano yuh̄d̄uta. Sata yuh̄d̄uro
cahmene yuh̄m̄re. Sa ye mari judio
masare buheyequina, b̄m̄c̄ana, pahia
p̄h̄toa mehna yuh̄m̄re cahmeda,
yuh̄m̄re wej̄eta. Tiquina wej̄edi bato
ihtia deco wahaboro masa wijiagatja,
niahye Jesu tiquinare.

23 Came ijipihtiyequinare ohõ saha ni yahuahye Jesu:

—Ihcãquiro yaquiro iji duaro, tiquiro cahmeno ye duamedire duhu cãnota. Sa yero yaquiro tiquiro ijiri buhiri ñano yuh̄d̄ueperota yuh̄m̄re duhusi. Sa yero yeere yeducuriquiro ijirota.

24 Mas̄m̄no yuh̄m̄re wacũno marieno tiquiro esa tuh̄aro tiquiro cahmeno saha yero, pecap̄m̄ waharota. Sa yero yeere sa yeducuriquiro ijipihtiye decori yuh̄m̄ mehna ʔhm̄usep̄m̄ ijiducurota.

25 ¿Ihcãquiro mas̄m̄no ahri yehpa cj̄ene ijipihtiye c̄oriquiro Cohãcjũre cahmedaro pecap̄m̄ waharo, yabere wapatajari tiquiro? Sa ijiriquiro ne wapataerare.

26 Ihquẽquina yuh̄m̄re, yuh̄m̄ buheye ḡuh̄m̄re b̄m̄e tisãboaga. Tiquina sa yegũ ihñaḡm̄ yuh̄m̄ ḡuh̄m̄ yuh̄m̄re sa yeyequinare b̄m̄e tisãgatja. Yuh̄m̄ mas̄m̄ Cohãcjũ ohoriḡm̄ quehnoañequina angele mehna ʔsã asi siterop̄m̄, yuh̄m̄ Pac̄m̄ tiquiro asi siterop̄m̄ tojoa taḡm̄ tiquinare b̄m̄e tisãḡm̄ta.

27 Poto niita niaja m̄usare. Yojop̄m̄re ihquẽquina m̄usa ohõp̄m̄re ijieyequina m̄usa yariato pano Cohãcjũ ijipihtiyequina bui p̄h̄toro tiquiro iji d̄ucagũ ihñanata m̄usa, niahye Jesu tiquinare.

Jesu tiquiro paḡm̄re comesahye

(Mt 17.1-8; Mr 9.2-8)

28 Sa ye ocho decori tire tiquiro yahuri bato Jesu Pedore, Ñure, Santiagore tiquina dihitare pijiahye. Sa ye waha, Cohãcjũre siniñe waha, c̄an̄p̄m̄ m̄ujaa wahahye tiquina.

29 Cohãcjũre tiquiro sinini watoa Jesu ya wuh̄doahye comesahye. Sa yero tiquiro suhtiro asi siteri

suhtiro quehnoano yehseri suhtiro wahahye.

³⁰ Tiquiro sa wahari watoa p̄aro ɛm̄na tiquiro mehna yahuducuye niahye. Yahuducuyequina pehe Elia m̄n̄ano, Moise m̄n̄ano ḡh̄u ijiahye.

³¹ Tiquina ɛhm̄se c̄j̄e asi siteye mehna bajuahye. Jesu cameḡata Jerusal̄p̄u tiquiro yariatire tiquina Jesu mehna yahuducuye niahye.

³² Pedro ḡh̄ure w̄j̄ua pur̄i ȳhd̄uahye. Sa car̄ipeta ac̄ua, wahc̄a wihi, Jesu tiquiro asi siteyere ih̄ñañe, p̄aro tiquiro mehna ducuyequina ḡh̄ure ih̄ñahye.

³³ Moise m̄n̄ano ḡh̄u tiquina wato panoḡa Pedro Jesure oh̄o saha nimahye:

—P̄hto, mari oh̄ore ijiḡa quehnoa duare. Ihtia w̄h̄uḡa yematja. M̄h̄u ya w̄h̄uḡa, Moise ya w̄h̄uḡa, Elia ya w̄h̄uḡa yematja, nimahye Pedro.

Sa nieperota tiquiro nidire ne masiedahye.

³⁴ Tiquiro sa ni yahuducuri watoa tiquinare ehmeo curua cahmotahye. Sa cahmotaḡu ih̄ñañe tiquina cuea wahahye.

³⁵ Sa yero ehmeo puhiap̄u yahuducuye bisiro ca tahye:

—Ahriquiroy ȳh̄u mac̄u, ȳh̄u beseriquiro ijire. Quehnoano t̄h̄oya tiquirore, nino ca tahye ehmeo curua puhiap̄ure.

³⁶ Tiquiro sa nidi bato Jesu dhitare ih̄ñahye tiquina. Came tiquina ih̄ñarire apequinare yahuerahye. Ne ih̄c̄aquiroye yahuerahye.

*Jesu wat̄no c̄h̄oriquiroḡare ȳhd̄uoahye
(Mt 17.14-21; Mr 9.14-29)*

³⁷ Ape deco tiquina c̄n̄p̄u tiquina dijia taḡu peyequina masa Jesure piti cahye.

³⁸ Sa yero tiquina mehna c̄j̄ano Jesure pisuahye:

—Buheḡu, m̄h̄ure tutuaro ahrire sini duaja ȳh̄u. Ȳh̄u mac̄u ih̄c̄aquiroya ijire. Sa yeḡu tiquirore ih̄ña basaya m̄h̄u.

³⁹ Wat̄no tiquirore ñehe, sañuducu tunu nanareḡu ye, sahpo tua wahaḡu

yee tire. Sa yero wat̄no ȳh̄u mac̄ure ñano ȳhd̄uḡu ye, ne duhu duerare.

⁴⁰ M̄h̄u buheyequinare wat̄nore coh̄a dutiḡu tutuaro sinimi. Ȳh̄u sa siniepeḡata tiquina tiquirore coh̄a masiedari, niahye tiquiro Jesure.

⁴¹ Tiquiro sa niḡu Jesu pehe oh̄o saha niahye tiquiro buheyequinare:

—Yojop̄u c̄j̄ena m̄sa ñana ijire. ¿Ȳh̄ure ne wac̄u tutuerabutiajari? Yoabutiari pje m̄sare buhemi ȳh̄u. ¿Noho puno yoari pje ȳh̄ure m̄sa cariboboagari? ni tuhtiahye Jesu.

Sa ni tuhasa wat̄a c̄h̄oriquiro pac̄ore oh̄o saha niahye:

—M̄h̄u mac̄ure ne c̄htaya, niahye.

⁴² Tiquiro sa nidi bato tiquiro mac̄no Jesu cahap̄u tiquiro ahtari watoa wat̄no pehe tiquirore yehpap̄u doque quehe sa, tunu nanareḡu yeahye. Tiquiro sa yeḡu Jesu wat̄nore waha dutiahye. Tiquiro sa dutiḡu wat̄nore c̄h̄oriquiroḡa ȳhd̄ua wahahye. Sa yero Jesu pehe tiquiroḡare wiahye tiquiro pac̄ore.

⁴³ Ijipihtiyequina masa Coh̄ac̄j̄u tuuaye mehna tiquiro quehnoa wahaḡu ih̄ñañe, ih̄ña maria wahahye.

Pari turi Jesu tiquiro yaria masa wijiatiroye yahuahye

(Mt 17.22-23; Mr 9.30-32)

Masa Jesu tiquiro yerire tiquina ih̄ña, ih̄ña maria wahaḡu Jesu pehe tiquiro buheyequinare oh̄o saha ni yahuahye:

⁴⁴ —Mianoḡata ȳh̄u yahuatire boerac̄h̄ña m̄sa. Ȳh̄ure Coh̄ac̄j̄u tiquiro ohoriḡure apequiroye ȳh̄ure pehe dutiro ohorota masare, niahye Jesu.

⁴⁵ Tiquiro sa niepeḡata tiquina pehe tiquiro yahuyere quehnoano t̄hoerahye. Tiquiro yahurire tiquinare masino basioerahye. Ti pjeta Coh̄ac̄j̄u tiquinare tire t̄ho dutiero niahye. Sa ye tiquina cueye, tire tiquirore sinituerahye.

Jesu buheyequina tiquina mehna c̄j̄anore p̄hto s̄o duamahye

(Mt 18.1-5; Mr 9.33-37)

46 Came Jesu buheyequina cahme sehña soye niahye:

—¿Mari mehna cjãno diquiro pehe pãhtoro sajãnotari? niñe niahye tiquina basi.

47 Tiquina sa nigũ Jesu pehe tiquina tãhotuyere masino, ni-jinogãre tiquiro cahapũ ducu duti, tiquiro buheyequinare yahuahye:

48 —Yeere yena tana ahriquiogãre cahmena, yũhũ gãhũre cahmene mũsa. Sa yena yũhũre cahmena, yũhũre ohoriquiro gãhũre cahmene mũsa. Mũsa mehna cjãno mũsa cahacjãno ijiro tiquiro gãhũ pãhtoro ijirota, niahye Jesu.

Marine ihña tuhtiriquiro ijieraro, mari mehna cjãno ijire (Mr 9.38-40)

49 Came Ñu Jesure ohõ saha ni yahuahye:

—Buhegũ, mũhũ wame mehna watĩare cohãriquiore usã ihñaũ. Mari mehna cjãno tiquiro ijieragũ ihñana tire tiquiore ye dutierũ usã, niahye Ñu Jesure.

50 Tiquiro sa nigũ Jesu Ñure apequina buheyequina gãhũre ohõ saha ni yahuahye:

—Sa niedacãhña mũsa tiquiore. Marine ihña tuhtiriquiro ijieraro, tiquiro mari mehna cjãno ijire, niahye Jesu tiquiro buheyequinare.

Jesu Santiagore, Ñu gãhũre tuhtiahye

51 Ti pjere Jesu uhmũsepũ tiquiro wahato panogã, “Jerusalẽpũ wahatja”, niahye tiquiro. Sa nino topũ waharo niahye.

52 Sa ye Jesu tiquiro pano ohoriquina waha, Samaria yehpa cjã macapũ esa, topũ Jesu tiquiro ijiatire quehno duamahye.

53 Jesu Jerusalẽpũ waharo taro niahye. Topũ wahatiquiro tiquiro ijigũ tãhoye, to cjẽna tiquiore cahmedahye.

54 Tire tãhoye Santiago, Ñu mehna yahuahye Jesure:

—Pãhto, mũhũ cahmegũ uhmũse cjã peca mehna tiquinare wejẽ dutinata, nimahye tiquina tiquiore.

55 Tiquina sa nigũ Jesu majare ihña, tuhtiahye tiquina pãarore.

56 Sa tuhti tuhasa, ape macapũ Jesu gãhũ wahaa wahahye.

Apequina Jesu mehna wahamahye (Mt 8.19-22)

57 Ti mahapũ tiquina wahagũ, ihcãquiro Jesure yahuahye:

—Mũhũ mehna waha duaja noho mũhũ waharopũ, niahye tiquiro.

58 Tiquiro sa ni tuhasagũ Jesu yãhtiahye:

—Ihquẽquina nũcũ cjẽna wahiquina tiquina coperi cũore. Minicjũ gãhũ tiquina suhti cũore. Yũhũ masũ Cohãcjũ ohorigũ pehe yũhũ carĩni wũhũ cũoeraja, niahye Jesu.

59 Came apequiore Jesu pijiahye:

—Yũhũ mehna cjũ ijiacjũ ahtaya, ni-ahye.

Tiquiro sa nigũ yãhtiahye Jesure:

—Pãhto, yũhũ pacũ tiquiro yariagũ yarĩgatja. Sa ya tuhasagũ pũrita mũhũ mehna wahagatja, niahye tiquiro.

60 Tiquiro sa nigũ Jesu yahuahye:

—Yũhũre cahmeeñequina yari-ariquina yero saha ijire. Tiquina pehe yariariquinare yaahro. Sa yegũ mũhũ pehe Cohãcjũ tiquiro pãhtoro ijiyere quehnoañe buheyere buhegũ ahtaya, niahye Jesu tiquiore.

61 Sa yero apequiro Jesure ohõ saha niahye:

—Pãhto, mũhũ mehna wahatja. Mũhũ mehna yũhũ wahato pano yũhũ acayere cohe tini wahatja, niahye tiquiro Jesure.

62 Tiquiro sa nigũ Jesu yahuahye tiquiore:

—Dahrariquiro dahra dueraro tiquiro dũhseatiquiro ijierare. Tiquiro yero sahata ijiriquiro ohõ saha ijire: “Cohãcjũ yere ye duaja”, nieperota tire yerare. Tiquiro Cohãcjũ yaquiro ijiboriquiro ijierare, niahye Jesu.

10

Jesu setenta y dos buheyequinare buhe dutiro ohoahye

¹ Came Jesu apequina buheyequinare setenta y dos buheyequinare bese, macarip_u tiquiro wahato pano ohoyuahye. Ti macarine p_ueyequina dihita ohoyuahye tiquiro.

² Sa ohoyuro ohō saha ni yahuahye tiquinare queoye mehna buhero:

–Trigo peye ti b_ucua tuhasag_u peye ijig_u dahraye pajiro ijire. Sa ijiepeg_uta dahrayequina pehe meheñequinag_u ijire. Sata quehnoañe buheyere t_uhoatiquina peyequina ijig_u pajiro ijire mari dahraye. Sa ijiepeg_uta meheñequinag_u dahrari masa yero sahata quehnoañe buheyere buheatiquina g_uh_u meheñequinag_u ijire. Sa yena quehnoañe buheyere buheatiquinare apequinare tiquiro ohoatire siniña Coh_uñc_ure m_usa.

³ Wahaya m_usa. M_usare y_uh_u ohog_u m_usa oveja pohne yayia watoa tiquina ijiro sahata m_usa g_uh_u ñañequina usuayequina watoa ijinata.

⁴ Niñeru ajurore, paji cj_uri ajuro g_uh_ure, dahpo suhtire nedac_uh_uña. M_usa mahap_u tinina apequinare boca sa yahuducuerac_uh_uña. Poto wahaya.

⁵ Ijipihtiy_e m_usa saj_uñe w_uh_usep_u saj_uña, “Ahri w_uh_u cj_uña quehnoano ijia_uhro”, ni m_uhtaña.

⁶ Ti w_uh_u cj_uña quehnoano mehna ijiey_equina cahmequeno marieñequina tiquina ijig_u, tire niña tiquinare. Quehnoano mehna tiquina ijierag_u ihñana ti w_uh_u cj_uñare sa niedac_uh_uña.

⁷ Ihc_u w_uh_up_u saj_u sad_ucana tiquina quehnoañequina ijig_u ti w_uh_up_uta tojoaya. Top_u tiquina duhu peorire ihya, sihniña. Dahrayequinare tiquina wapatayere neno cahmene. Sa yena tiquina wapatayere tiquina neno sahata tiquina duhu peorire neña m_usa g_uh_u. Sa yena ihc_u w_uh_up_uta m_usa esari w_uh_up_uta

ijina, ti maca cj_u w_uh_usep_u car_u tiniedac_uh_uña.

⁸ Macap_ure m_usa esana to cj_uña pehe m_usare tiquina cahmeñequina ijig_u ti ihyayere tiquina duhu peorire ihyaya.

⁹ To cj_uña dohatiyequinare y_uh_ud_uoya. Sa yena ohō saha niña to cj_uñare: “Coh_uñc_u yojop_ure mari p_uhtoro tiquiro ijia_uti mehenog_u ð_uhsare”, niña tiquinare.

¹⁰ Ape macap_u m_usa esag_u tiquina pehe m_usare cahmedaboaga. Tiquina cahmedag_u ihñana ti maca decop_u waha, ohō saha niña tiquinare.

¹¹ “Ahri maca cj_u dihtare dahpoc_uri cj_u dihtare wej_u site coh_uña niaja us_ure m_usa cahmedari buhiri ihñona. Sa yena ahrire wac_uña. Coh_uñc_u mari p_uhtoro yojop_ure tiquiro ijia_uti mehenog_u ð_uhsare”, niña tiquinare.

¹² M_usare poto niita niaja. Sodoma cj_uña ña y_uh_ud_uayequina ijia_uh_uye. Tiquina sa ijiepeg_uta pihtia_uti deco ijig_u Coh_uñc_u tiquiro buhiri dahreati deco ijig_u Sodoma cj_uña y_uh_ud_uoro m_usare cahmeeñequina pehere buhiri dahrerota, niahye Jesu.

Apeye macari cj_uña Coh_uñc_ure y_uh_ud_ucayequina ijire (Mt 11.20-24)

¹³ Came Jesu ohō saha niahye macari cj_uñare:

–Corazín cj_uña, m_usa ñano y_uh_ud_unata. Betsaida cj_uña, m_usa g_uh_u ñano y_uh_ud_unata. M_usa ye macarip_ure Coh_uñc_u tutuaye mehna ye ihñomi. Tiro wame tiri macare, Sidō wame tiri maca g_uh_ure tiquiro tutuaye mehna y_uh_u ye ihñog_u ihñañe panop_u to cj_uña pehe tiquina ñañene b_uj_ua witiboaga. Sa ye quehnoañene comesaboaga. Duita tiquina masa dija suhtire saña, tiquina basi peca cj_u nujuare tiquina bui dahra site peoboaga tiquina ñañene b_uj_ua witiyere ihñoñe.

¹⁴ Coh_uñc_u tiquiro buhiri dahreati deco ijig_u Tiro cj_uña, Sidō cj_uña y_uh_ud_uoro m_usa pehere m_usa ñari

buhiri musare tutuaro buhiri dahrerota tiqiro.

¹⁵ Capernau cjāna, musa esa tuharo umusepu waha duamene. Musa sa waha duepegūta musa ñari buhiri musare Cohācjū pecapu cohānota, niahye Jesu.

¹⁶ Sa ni tuhasa Jesu tiqiro buheyequinare yahuahye:

—Musare tuhoyequina yahu gūhare tuhore. Musare cahmeeñequina, yahu gūhare cahmedare. Sa yeye yuhare cahmeeñequina, tiquina yuhare ohoriquiro gūhare cahmedare, niahye Jesu tiquinare.

Setenta y dos buheyequina tojoa wihiahye

¹⁷ Came setenta y dos buheyequina bucueye mehna tojoa wihiahye:

—Puhto, mahu wame mehna mahu tutuaye mehna watīare usā dutigū tiquina pehe usāre yuhducaerare, niahye tiquina Jesure.

¹⁸ Tiquina sa nigū Jesu yuhtiahye tiquinare:

—Umusepu mia sitedoque dijioro sahata, watīno tiqiro bora dijia tagū ihñau.

¹⁹ Quehnoano tuhoya. Musare yahu tutuayere ohou yahu. Sa yegu añaa parire, cutipa parire, watīnore marine ihña tuhtiriquirore musa yuhducatire ohou yahu. Sa ye tiquina musare ñano ye masiedare.

²⁰ Yahu sa ohoepegūta watīa musare tiquina yuhducaeragū ihñana ti dihitaro bucueracāhña. Ahri pehere bucueya. Umusepu Cohācjū yequina tiquina wamene tiqiro ojoa ohōri tjupu musa wamene tiqiro ojoa ohōgū ihñana, ti pehere bucueya musa, niahye Jesu tiquinare.

*Jesu bucueahye
(Mt 11.25-27; 13.16-17)*

²¹ Ti pjere Espīritu Santo Jesure tutuaro bucuegū yeahye. Sa yero Jesu ohō saha niahye:

—Mai, mahu umusepu gūhare yehparu gūhare puhto ijire. Masi yuhducaequinare mahu yahuerarire ihyo ijiyequina pehere yahuri

mahu. Mahu sa yegū ihñagu “Quehnoa yuhduare”, niaja. Sata ijire mai. Mahu ye duariro sahata, mahu cahmediro sahata tiquinare mahu yere yahuri mahu, niahye Jesu.

Sa ni tuhasa apequinare ohō saha niahye:

²² —Yahu Pacu ijipihtiyere yuhare ohori. Yahu Pacu dihita yuhare masine. Yahu gūhu tiqirore masiaja. Yahu beseriquina gūhu tiqirore masine, yahu masi dutiyequina ijiye. Topequinata yahu Pacare masiaja usā, niahye Jesu.

²³ Tiqiro sa nidi bato tiquina sehsaro ijigū Jesu tiqiro buheyequinare ohō saha niahye:

—Ahri ijipihtiyere musa ihñana bucuena ijire.

²⁴ Ijirota ijire. Peyequina Cohācjū yere yahu muhtariquina, ihquē yehpari cjēna puhto gūhu yojopu musa ihñarire ihña duamahye tiquina gūhu. Sa ye musa tuhori gūhare tuho duamahye, niahye Jesu.

Quehnoariquiro Samaria cjāno quitire yahuahye Jesu

²⁵ Ti pjeta judio masare buheriquiro Jesu cahapu wihi, Jesure tiqiro ñano yahuducugū ye duamahye:

—¿Buhegu, yahu ijipihtiyere decori Cohācjū mehna iji duagu duhse yeboagari yahu? ni, sinituahye tiqiro Jesure.

²⁶ Tiqiro sa nigū Jesu yuhtiahye tiqirore:

—¿Duhse ni yahuajari Cohācjū yere tiquina ojoari pūpu? ¿Cohācjū tiqiro ni ojoarire duhse ni tuhotuajari mahu? niahye Jesu tiqirore.

²⁷ Jesu sa nigū tiqiro yuhtiahye:

—Ohō saha niahye Cohācjū: “Tutuaro musa jeripohnari mehna, quehnoano musa tutuaye mehna, musa wacūñe mehna Cohācjūre cahñña. Sa ye mahu basi mahu cahño saha mahu cahapu ijiyequina gūhare cahñña”, niahye tiqiro Jesure.

²⁸ Tiqiro sa nigū Jesu yuhtiahye:

—Potota nine m̄h̄h̄. Tire yeya. Sa yeḡu ijipihtiye decori Cohācj̄u mehna ijiḡta m̄h̄h̄, niahye tiquirore.

²⁹ “Ahriquiore Cohācj̄u dutiyere ye pehoriquiore ijire”, masa tiquirore tiquina ni ihñaḡu cahmeahye judio masare buheriquiro. Sa cahmeno tiquiro Jesure oh̄o saha ni sinituahye:

—¿Noa boro ijiboagari yah̄ure m̄h̄h̄ cah̄i dutiriquiro? niahye tiquiro.

³⁰ Tiquiro sa niḡu Jesu oh̄o saha ni queoye mehna piti dahre buheahye:

—Ihc̄a deco Jerusalēp̄u ahtariquiore Jericóp̄u wahariquiore mahap̄u tiquiro tiniḡu yaqueyequina tiquirore ñeheahye. Sa ñeheñe, tiquiro suhtirore tu we ne, tiquirore tutuaro quēahye. Sa tutuaro quē, tiquiro yariaro taro yeḡu duhuahye tiquina tiquirore.

³¹ Ti pjeta pahi ti mahap̄u ahtahye. Sa ahtarō tiquina quēdiquirore ihñaeperota maha ape sie d̄uht̄u cahap̄u yah̄du c̄a wahahye.

³² Sa ye Cohācj̄u w̄h̄h̄p̄u dahrariquiore ḡh̄u pejec̄oriquiore cahap̄u esa, tiquirore ihñā, maha ape sier̄u yah̄du c̄a wahahye.

³³ Sa ye Samaria cj̄no pehe top̄u waha, yoa cj̄nop̄u pejec̄oriquiore ihñā, tiquirore paja ihñahye.

³⁴ Sa yero tiquiro pejec̄oriquiore cahap̄u esa, ahse, vino mehna moredire tiquiro camine pio peoahye. Pio peo tuhasa suhtiro cahsero mehna d̄uhteahye tiquiro camine. Tuhasa, pejec̄oriquiore tiquiro yaquiore burro bui duhu peo, car̄ni w̄h̄h̄p̄u ne c̄ahye tiquirore. Top̄u ijero, Samaria cj̄no quehnoano ihñā ihboahye tiquirore.

³⁵ Ape deco tiquiro car̄ni w̄h̄h̄ up̄ore p̄u c̄joe niñeru c̄joeire oho, oh̄o saha niahye: “Ahriquiore ihñā ihboya. Ahri esa tuhaeraḡu pari turi tojoa taḡu wapa ye pehoutja”, niahye Samaria cj̄no w̄h̄h̄ up̄ore, niahye Jesu.

³⁶ Sa ni tuhasa judio masare buheriquirore sinituahye Jesu:

—¿Ahriquina ihtiaro am̄a diquiore pehe ijiajari pejec̄oriquiore cah̄idiquiro? niahye Jesu.

³⁷ Tiquiro sa niḡu t̄horo buheriquiro pehe Jesure yah̄tiahye:

—Pejec̄oriquiore yedohoriquiore ijiaga tiquirore cah̄idiquiro, niahye tiquiro Jesure.

—Wahaya. M̄h̄h̄ ḡh̄u masare sata yei wahaya, niahye Jesu buheriquirore.

Marta, María ḡh̄u cahap̄u tiniahye Jesu

³⁸ Sa ye Jesu tiquiro buheyequina mehna tiquina wahaḡu, ape macap̄u tiquina tiniḡu, Marta wame tiricoro tiquinare ticoro ya w̄h̄h̄p̄u saj̄a ta dutiahye.

³⁹ Ticoro bahoro María tiquiro dahpoc̄ari cahap̄u duji, tiquiro buheyere t̄hoahye.

⁴⁰ Ticoro sa yeḡu ihñano Marta ticoro dahraye peye ijiḡu usuahye. Sa yero ticoro Jesure yah̄uahye:

—¿P̄h̄to, yah̄u ihc̄ota dahraḡu yah̄ure yah̄u baho ticoro yedohoraḡu m̄h̄h̄ quehnoajari, m̄h̄h̄ ihñaḡu? Ticorore yah̄ure yedoho dutiya, niahye Marta Jesure.

⁴¹ Ticoro sa niḡu Jesu yah̄tiahye:

—Marta, dahraye peye c̄oḡo pajiro t̄hoture m̄h̄h̄.

⁴² Cohācj̄u tiquiro yere t̄ho dutire. María quehnoañene yero taro, tire cahmene. Sa yeḡu yah̄ure ticoro t̄hoḡu “Yedohogo wahaya”, niedaja ticorore, niahye Jesu Martare.

11

Jesu Cohācj̄ure siniñene buheahye (Mt 6.9-15; 7.7-11)

¹ Ihc̄a deco Jesu Cohācj̄ure sinino niahye. Tiquiro sini tuhasaḡu, ihc̄aquiore tiquiro buheyequina mehna cj̄no tiquirore oh̄o saha niahye:

—P̄h̄to, Ñu tiquiro buheyequinare tiquiro buheriro sahata Cohācj̄ure siniñene us̄a ḡh̄ure buheya m̄h̄h̄, niahye tiquiro Jesure.

² Tiquiro sa niḡu t̄horo Jesu tiquinare yah̄uahye:

—Oh̄o saha Cohācj̄ure siniña: “Us̄a Рас̄, ah̄m̄use cj̄ m̄h̄h̄

quehnoagu sa ijiducure. Yojopare ijipihtiyequina puhto ijiya.

³ Sa yegu decoripe usã ihyatire ohoducuya usãre.

⁴ Apequina usãre tiquina ñañe yerire usã boaja. Sa yegu mahu gahu usã ñañe yerire boya. Sa yegu usã ñañene ye duagã usã tutuaro cahmegã ihñagu tire usãre ye dutieguta”, ni siniña Cohãcjũre, niahye Jesu tiquinare.

⁵ Came Jesu quitu mehna tiquiro buheyequinare ohõ saha ni buheahye:

—Ihcãquiro ñami decopu tiquiro acayuro ya wuhupu waha, tiquirore siniahye: “Yuhu acayu, ihtiarã pã pacare ohoya yuhure.

⁶ Apequiro yuhu acayuro tinino ahtariquiro mianogãta ya wuhupu wihiri. Sa yegu tiquirore yuhu nuati mariedare”, niahye tiquiro acayurore.

⁷ Tiquiro sa nigã tiquiro acayuro wuhu puhiaru ijiriquiro yuhtiahye: “Yuhure cariboeracãhña. Sopecaha bihariro ijire. Yuhu, yuhu pohna mehna carina niaja. Wahcãno pjeraga yuhure mahure ihyayere ohoborigu”, niahye tiquiro acayuro.

⁸ ¿Dahse waharotari sinidiquirore? Poto niaja musare. Tiquiro acayuro ijieperota, ihyaye ohoboriquiro wahcã duerahye. Tiquiro wahcã duerapegãta ihyaye sinidiquiro pehe bue tiro marieno tiquiro yoari pje siniducugã ijipihtiyequiro sinidiro sahata ohorota.

⁹ Sa yegu ahrire musare ni yahugu niaja: Cohãcjũre siniña. Sa sinina musa nenata. Musã sinidire bocanata. Tiquirore sa siniducuya. Musã sa yegã tiquiro ohorota.

¹⁰ Ijipihtiyequina Cohãcjũre siniñequina neeta. Sa ye tiquina sinidire bocaeta. Sa yero ijipihtiyequina Cohãcjũre sa siniducuyequinare tiquiro tiquinare ohorota.

¹¹ ¿Musã pohna musare wahire tiquina sinigã añare ohoboagari musã tiquinare?

¹² ¿Musã pohna canaca dũere tiquina sinigã cutipare ohoboagari

musã tiquinare? Ne ohosi.

¹³ Musã ñana ijiepenata musã pohñare quehnoañene ohoe tiri musã. Sa yero Cohãcjũ pehe musã ohori yuhdũoro quehnoañene ohore musare. Tiquiro mari Pacu uhmuse cjãno Espiritu Santore ohorota tiquirore siniñequinare, niahye Jesu tiquiro buheyequinare.

—Jesu watĩno tutuayere chõre, ni yahusãhye masa

(Mt 12.22-30; Mr 3.20-27)

¹⁴ Ti pjere Jesu watĩnore cohãno niahye. Watĩno pehe yahuducu masiedagã yehye masunore. Sa yero watĩno masunore tiquiro duhuri bato masuno pehe yahuducu dũcahye. Tiquiro yahuducugã tũhoye masa peyequina tũho maria wahahye.

¹⁵ Tiquina sa tũho mariepegãta apequina pehe ohõ saha niahye:

—Ahriquiro Jesu watĩare tiquiro cohãgã Beelzebú wame tiriquiro watia puhtoro pehe tiquirore yedohore, niahye apequina.

¹⁶ Apequina “¿Jesu Cohãcjũ tiquiro ohoriquiro ijiajari?” ni masi duaye tiquirore Cohãcjũ tutuaye mehna ye ihõ dutimahye.

¹⁷ Tiquina sa dutigã tũhoro “Watĩno tutuaye mehna watĩare cohãre”, ni, tiquina tũhotuyere masino, tiquinare ohõ saha ni yahuahye Jesu, “Watĩno ye tutuaye mehna watĩare cohãgã niedaja”, nino taro:

—Ihcã yehpa cjẽna tiquina basi cahmequeñe, ti yehpa cjẽna yaria pihtia wahaboaga. Sa ye ihcã wuhu cjẽna tiquina basi cahmequeñe, ti wuhu cjẽna waha pihtia wahaboaga.

¹⁸ Sa ye, watĩno yequina watia tiquina basi cahmequeñe, tiquina watia gahu waha pihtia wahaboaga. Ihcã curua iji masiedaboaga. Musã yuhure ohõ saha nine. “Tiquiro watĩno tutuaye mehna watĩare cohãre”, musã yuhure nina niaga.

¹⁹ ¿Yuhure musã nidi poto ijigã musã mehna cjẽna watĩare cohãne watĩno tutuaye mehnata cohãjari

tiquina gũh, m̄sa ihñagũ? M̄sa mehna cjēna watĩare cohãñe, watĩno tutuaye mehna cohãñe niedare. Ahrire masina watĩno tiquiro tutuaye mehna watĩare yũh cohãedagũ masinata m̄sa.

²⁰ Sa yegũ yũh pehe watĩare cohãgũ Cohãcjũ tutuaye mehna cohãja. Ahrire masina, Cohãcjũ tiquiro pũhoro iji d̄cayere masinata m̄sa.

²¹ Tutuariquiro tiquiro ye wamoa mehna tiquiro ya wũhure tiquiro ihña ihbogũ tiquiro yere apequina yaque masiedare.

²² Tiquiro sa ihña ihboepegũta apequiro tutua yũhdũriquiro tiquiro mehna cahmeque, tiquirore yũhdũdũca, tiquiro ye wamoare ehma cã, tiquiro yere ehma cãhre. Ohõ sahata ye yũhdũdũcaro cahmene watĩare.

²³ Ihcãquiro yũhure cahmedaro, yũhure ihña tuhtiriquiro ijire. Ihcãquiro yũhure yedohoeraro yũhure ñano yero nine, ni buheahye Jesu.

*Watĩno pari turi masũnore tiquiro sajãri quitire yahuahye Jesu
(Mt 12.43-45)*

²⁴ Sa yero tiquiro tũhotuye mehna ohõ saha ni queoye mehna buheahye tiquinare:

—Watĩno masũno mehna ijiriquiro waha, tiquiro aco marieni yehpapũ tinino, tiquiro ijiatore macamahye. Bocaeraro, ohõ saha ni tũhotuahye: “Masũno yũh duhuriquiro mehna pari turi ijigũ wahaũtja”, ni, tũhotuahye tiquiro.

²⁵ Sa nino tiquiro tojoa waha, masũnore bocahe. Sa tiquiro bocagũ masũno pehe quehnoariquiro ijimahye.

²⁶ Sa yero watĩno apequina siete watĩare tiquiro yũhdũoro ñañequinare pijiro wahahye. Tiquiro sa pijigũ tiquina ijipihtiyequina watĩa masũno mehna ijiahye. Sa yero masũno pehe to pano ihcãquiro watĩnore cũoro, ñariquiro ijimahye. Camerũ pehere peyequina watĩare cũoriquiro ijiro,

to pano tiquiro ijiriro yũhdũoro ña yũhdũariquiro ijiahye, niahye Jesu.

Jesu bucueyere yahuahye

²⁷ Tire tiquiro sa nigũ masa watoa ijiricoro numino Jesure yahuahye:

—Mũhure pohna tiricoro, mũhure apũoricoro bucuericoro ijire, niahye Jesure.

²⁸ Ticoro sa ni tuhasagũ tũhoro Jesu ticorore yũhtiahye:

—Cohãcjũ yahuducuyere tũhoyequina tiquiro dutiyere yeyequina tiquinata ijiaga bucueyequina, niahye Jesu ticorore.

*Masa ñañequina Jesure Cohãcjũ tutuaye mehna ye ihño dutiahye
(Mt 12.38-42; Mr 8.12)*

²⁹ Sa ye peyequina masa Jesu cahapũ tiquina wihigũ, tiquiro tiquinare yahu nemoahye:

—Yojopũ cjēna ñañequina ijire. Yũhure poto nigũ yũh ijiyere tiquina masi duaye, Cohãcjũ tutuaye mehna yũh ye ihñogũ ihña duamene. Tiquina sa ihña duepegũta Jona panopũ cjũno Cohãcjũ tutuaye mehna tiquiro yeri dihitare ihñonota Cohãcjũ tiquinare.

³⁰ Jona Cohãcjũ yere yahu mãhtariquiro ijiro, tiquiro Nĩnive wame tiri maca cjēnare Cohãcjũ yere tiquiro masigũ yeriro sahata yũh masũ Cohãcjũ ohorigũ masigũ yeaja yojopũ cjēnare.

³¹ Buhiri dahreati deco ijigũ pũhoro sur cjõno panopũ cjõno ducu, yojopũ cjēnare “Ñana ijire m̄sa”, ni, yahusãnota ticoro. Ticoro Salomo panopũ cjũno tiquiro masiñene tũho duaro yoaropũ ahri yehpa ape sierũ ijiricoro Salomoro tũhoro ahtahye. Sa yero quehnoano yero niahye yojopũ cjēna yũhdũoro. Sa yero ticoro yahusãnota yojopũ cjēnare. Sa nigũ m̄sare poto niita niaja. Yojopũ m̄sare yũh buheye Salomo tiquiro buheri yũhdũoro ijire.

³² Buhiri dahreati deco ijigũ Nĩnive wame tiri maca cjēna gũh ducu, yojopũ cjēnare “Ñana ijire m̄sa”, ni yahusãeta tiquina. Jona tiquinare

Cohācjū yere tiquiro yahugū tūhoye, tiquina ñañene bujua witi, quehnoañene cahmeahye tiquina pehe. Sa cahmeñe quehnoano yeye niahye yojopu cjēna yuhduoro. Sa ye tiquina gūhu yojopu cjēnare “Ñana ijire mūsa”, ni yahusāeta. Mūsare poto niita niaja. Yojopu mūsare yūhu buheye Jona tiquiro buheri yuhduoro ijire, ni yahuahye Jesu.

Masa tiquina tūhoturo sahata yere (Mt 5.15; 6.22-23)

³³ Sa yero queoye mehna buhero ohō saha ni yahu nemoahye tiquinare:

—Masa sihāriare sihāñe nūoedare. Tiare sihāñe dihi sutu docapu duhu dapoerare. Tiare ahmūsepu duhu peore wūhūpu sajà tayequina tiquina quehnoano ihña sajà tatore yeye.

³⁴ Sihāria quehnoano buhriogū mari quehnoano ihña masino sahata quehnoañene tūhotuyeh mehna quehnoano ye masinata mūsa. Mūsa tūhoturo sahata yere mūsa. Quehnoañene tūhotuna quehnoano yere mūsa. Quehnoañene tūhotuerana ñañe pehere yere mūsa.

³⁵ Sa yena quehnoano yeya. Mūsa tūhotuyepu ñañene wacūedacāhña. Ñañene ne cahmedacāhña.

³⁶ Tuhasa mūsa tūhotuyepu quehnoañe ijigū, ñañe ne mariedagū quehnoañe dihitare tūhotunata, ni buheahye Jesu.

Fariseo masare, judio masare buheyequina gūhure Jesu tuhti yahuahye

(Mt 23.1-36; Mr 12.38-40; Lc 20.45-47)

³⁷ Jesu tiquiro buhe tuhasagū ihña, fariseo masano tiquirore tiquiro ya wūhūpu ihya dutiro pijiahye. Sa yero Jesu tiquiro ya wūhūpu sajà sa, tiquina ihyaropu tiquina mehna nuju sahye.

³⁸ Tiquiro sa nuju sagū fariseo masano pehe Jesure ihña nūnūno judio masa tiquina omo coseducuro sahata tiquiro omo coseragū ihñano ohō saha ni tūhotuahye: “Yohou.

¿Ahriquiroye dūhsero omo coserajari usā yero saha?” ni tūhotuahye.

³⁹ Tiquiro sa ni tūhotugū masino Jesu tiquirore yahuahye:

—Mūsa fariseo masa sihniñe parire, wapari gūhure bui pehe dihitare mūsa cosero sahata quehnoañene ye ihñore mūsa buigā warona. Sa yepenata Cohācjū yere queoro yerare. Apequina yere ehma mūjare mūsa. Sa yena ñañe dihitare tūhoture mūsa.

⁴⁰ Tūho masiedare mūsa. Cohācjū mūsa pagurire yeriquiro mūsa tūho masiñe gūhure yeahye. ¿Tire masiedajari mūsa?

⁴¹ Sa yena mūsa yere pe- jecūoyequinare ohoya mūsa. Mūsa sa yena quehnoañene tūhotuna ijinata.

⁴² Mūsa fariseo masa ñano yuhduñata. Moa yero saha ijiyere ihyayere ocagū yeyere cūona mehenogā ohomene mūsa. Cohācjūre ño peona tana pahiare ohomene mūsa. Sa ohoopenata quehnoañene yerare mūsa. Sa yena masare paja ihñedare mūsa. Sa yena Cohācjūre ño peoerare mūsa. Oteye dūcagāre mūsa nedire mehenogā Cohācjūre mūsa ohogū quehnoarñe. Sa ohona ohō saha ye nemoña: Quehnoañene yeya. Sa yena paja ihñaña masare. Sa yena Cohācjūre ño peoya mūsa.

⁴³ Mūsa fariseo masa ñano yuhduñata. Buheri wūhūpu ijina, quehnoañe dujiye dihitare duji duare mūsa. Doeri cjē duaropu apequina pūhtoare quehnoano ño peo tiquina sinino saha mūsare piti cagū cahmene mūsa.

⁴⁴ Ñano yuhduñata mūsa. Masa cope nūori cope yero saha ijire mūsa. Ti cope cahagā masa ijiye, puhiapu cjēno ahbariquirore ihñedare tiquina. (Sata masa mūsa cahagā ijiye, mūsa tūhotuyepure ñañe ijiyere masiedare tiquina,) niahye Jesu tiquinare.

⁴⁵ Tiquiro sa nigū tūhoro judio masare buheyequina mehna cjēno Jesure yahuahye:

–Buhegũ, tire nigũ usã gãhũre ñano nii niaga mãhũ, niahye tiquiro Jesure.

⁴⁶ Tiquiro sa nigũ Jesu yũhtiahye:

–Ijirota ijire. Judio masare buhena mãsa gãhũ ñano yũhdũnata. Mãsa apequinare tiquina ye masiedarire ye dutire mãsa tiquinare. Sa ye dutiepenata mãsa pehe tiquinare ne mehenogã yedohoerare ti dutiyere tiquina yeati pehere.

⁴⁷ 'Sa yena mãsa ñano yũhdũnata. Cohãcjũ yere yahu mãhtariquina panopũ cjẽna tiquina masa coperire quehnoano quehnomene mãsa tiquinare ño peoro saha yena. Mãsa sa yepegũta panopũ cjẽna mãsa acaye pehe tiquinare wejẽahye.

⁴⁸ Mãsa acaye panopũ cjẽna pehe Cohãcjũ yere yahu mãhtariquinare tiquina wejẽdiro sahata mãsa gãhũ yeboaga. Sa yena yojopũre ti masa coperire quehnomene mãsa. Sa quehnona mãsa acaye tiquinare tiquina wejẽdire wacũre mãsa. Sa tiquina wejõrre wacũna “Quehnoa cãhre”, ni wacũre mãsa.

⁴⁹ 'Cohãcjũ tiquiro masiñe mehna ohõ saha ni yahuahye: “Yeere yahu mãhtariquina gãhũre yũhũ buhe duti cũriquina gãhũre ohoutja tiquinare. Sa yeye tiquina yũhũ ohoriquinare apequinare wejẽ, apequinare ñano yeeta”, niahye Cohãcjũ.

⁵⁰⁻⁵¹ Ahri yehpare Cohãcjũ tiquiro bajumehnedi bato Caĩ pehe Abere wejẽahye. Sa ye Cohãcjũ yere yahu mãhtariquinare Abe bato ijiyequina gãhũre ñañequina wejẽahye. Came Zacariare Cohãcjũ wãhũpũ Cohãcjũre ño peori altar cahapũ mãsa acaye wejẽahye. Ijipihtiyequina tiquinare tiquina wejẽdi buhiri yojopũ cjẽnare Cohãcjũ buhiri dahrerota. Sata ijire. Mũsare nigũta niaja. Ijipihtiyequina tiquinare tiquina wejẽdi buhirire yojopũ cjẽnare Cohãcjũ buhiri dahrerota.

⁵² 'Mãsa judio masare buhena, mãsa ñano yũhdũnata. Cohãcjũ masiñene tiquina ojoari pũrine cãoepenata apequinare yahuerare mãsa. Mãsa basi Cohãcjũ yere

tũhoerare. Sa yena apequina tiquiro yere tiquina tũho duepegũta tire mãsa tiquinare tũho dutierare, niahye Jesu tiquinare.

⁵³⁻⁵⁴ Tiquiro sa nigũ tũhoye judio masare buheyequina, fariseo masa gãhũ tiquiro mehna usua, tiquirore ñano yahuducuahye. Sa ye Jesu tiquiro ñano yũhtigũ tũho duaye, tiquina peye ni meho cũ sinitumahye tiquirore, tiquirore yahusã duaye.

12

Tiquina ni mehoducurire Jesu yahuahye

(Mt 16.6; 10.26-27; Mr 8.15)

¹ Sa ye Jesu cahapũ masa peyequina cahmecoa, wahpa yũhdũahye. Topũ Jesu tiquiro buheyequinare ohõ saha ni yahu dũcahye:

–Quehnoano wacũ masiña mãsa. Fariseo masa tiquina ye pãre pugũ yeyere ihñana quehnoano wacũ masiña. Tiquina ni mehoducurire nigũ niaja “Pãre pugũ yeye”, nigũ.

² Ijipihtiye apequina tiquina masiedarire came masieta.

³ Sa yero ñamipũre tiquina não yahuducurire buhrioropũ bajugũ yero sahata Cohãcjũ yahurota. Bihari tucũpũ apequirore cahmono caha tiquina nidire masa peyequina watoa yahurota Cohãcjũ, ni yahuahye Jesu.

Masa tiquina cueatiquirore yahuahye Jesu

(Mt 10.28-31)

⁴ Sa yero Jesu yahu nemoahye tiquinare:

–Poto niita niaja mãsare. Masare wejẽñequina wejẽ tuhasa pari turi tiquina wejõriquina mãnare ñano ye nemo masiedare. Sa yena mãsare wejẽ duayequinare cueracãhña.

⁵ Yojopũre mãsa cueatiquirore mãsa ño peoatiquirore yahutja. Cohãcjũ pehere cue, ño peoya. Tiquiro mãsa yariari bato pecapũ cohã masine mãsare. Sata ijire. Poto nigũ niaja. Cohãcjũ pehere cue, ño peoya.

6 'Ihcã omopequina siripia wapa mariedare. Sa wapa mariedapegãta ihcãquirogãre Cohãcjũ ne boerare.

7 Sa yero m̄sa poarire ne ihcã poa da d̄hsaro marieno masi pehore Cohãcjũ. Sata m̄sa ijiye tiye ḡh̄are masi pehore Cohãcjũ. Sa masino m̄sare ih̄ña ihboducure. Siripia ȳhd̄oro Cohãcjũ cah̄ne m̄sa pehere. Sa yena tiquireore ño peona, cueracãh̄ña m̄sa, niahye Jesu.

Jesu yequina m̄sa ijiyere yahuya masare

(Mt 10.32-33; 12.32; 10.19-20)

8 Sa ye Jesu yahu nemoahye:

—M̄sare niita niaja. Ihcãquiroya “Jesu yaquiroya ijiaya”, masare tiquireo nigũ ih̄n̄agũ, ȳh̄u masu Cohãcjũ ohorigũ “Tiquireo yaquiroya ijire”, ni yahutja Cohãcjũ yequina angelere.

9 Ihcãquiroya “Jesu yaquiroya ijieraja”, masare tiquireo nigũ, ȳh̄u ḡh̄u “Tiquireo yaquiroya ijierare”, ni yahutja Cohãcjũ yequina angelere.

10 'Ihcãquiroya ȳh̄are ñano tiquireo ni yahuducugũ ti ñañene Cohãcjũ bo masine. Sa boeperota ihcãquiroya Espiritu Santo pehere tiquireo ñano ni yahuducugũ ti ñañene ne Cohãcjũ bosì.

11 'Mari judio masa buheri w̄h̄upũ p̄h̄toa cahapũ apequna m̄sare ne sajã “Ñañequina ijire”, ni yahusãeta. Tiquireo sa yahusãgũ m̄sa yahuducuatire “Acuehi, masiedaboaga”, ni t̄hotueracãh̄ña.

12 Tiquireo m̄sare yahusãgũta Espiritu Santo m̄sa yahuducuatire yahurota, niahye Jesu.

Doeri cjẽ up̄aro quitire yahuahye Jesu

13 Sa ye masa mehna cjũno Jesure ohõ saha ni yahuahye:

—Buhegũ, usã pacũ tiquireo yariari bato tiquireo ye usãre tojoare. Sa yegũ ȳh̄u wahmine tire ȳh̄u ḡh̄are queoro tu wa dutiya, niahye tiquireo Jesure.

14 Tiquireo sa nigũ Jesu ȳhtiahye:

—Ne ti borore tu wabogũ ijieraja ȳh̄u, niahye Jesu tiquireore.

15 Sa ni tuhasa Jesu ijiptiyequinare yahuahye:

—Quehnoano yeya m̄sa. Doeri cjẽne, apee boro ḡh̄are cah̄nedacãh̄ña. Peye c̄oepenata ti mehnata bucueducueraja mari, niahye Jesu.

16 Sa ni tuhasa Jesu quitu mehna yahuahye tiquireore:

—Doeri cjẽ up̄aro quehnoari yehpare c̄oahye. Sa ye ti yehpapũ tiquireo otegũ quehnoano d̄ca tiahye.

17 Sa yero tiquireo basi ohõ saha ni t̄hotumahye: “D̄ca ihboye w̄h̄use ne esa tuhaerare.

18 Yojop̄are ohõ saha yeitja: Yojop̄u ȳh̄u ihboye w̄h̄usere cohã cã, m̄na w̄h̄use ȳhd̄oro wahma w̄h̄use yeitja. Ti w̄h̄usep̄u ȳh̄u oteye d̄care, ijiptiyere yeere ihboutja.

19 Ȳh̄u sa yeri bato, ohõ saha ni, t̄hotutja ȳh̄u basi: ‘Ȳh̄u peye apee boro c̄ogũ ijiaya. Quehnoano soutja. Sa yegũ ihya, sihni, bucuemitja’, ni t̄hotutja ȳh̄u basi”, ni t̄hotumahye tiquireo.

20 Tiquireo sa ni t̄hotugũ Cohãcjũ tiquireore yahuahye: “M̄h̄u ne t̄ho masiegũ ijire. Mia ñamita m̄h̄u yariagũta. M̄h̄u sa wahagũ m̄h̄u ye, m̄h̄u cah̄di butia waharota”, niahye Cohãcjũ tiquireore, niahye Jesu masare.

21 Tire nino, masare ohõ saha ni yahuahye Jesu:

—Sata wahaeta doeri cjẽ opana Cohãcjũre wacũeñequina. Sa yero peye doeri cjẽne, niñerure tiquireo ye ijiati dihitare ihboriquiro Cohãcjũre wacũedarõ, tiquireo pejec̄oriquiro yero saha ijirota, Cohãcjũ tiquireo ih̄n̄agũ. Sa yero Cohãcjũ tiquireore ih̄ña bucuere, niahye Jesu.

Cohãcjũ tiquireo pohne ih̄ña ihbore

(Mt 6.25-34)

22 Sa ye Jesu tiquireo buheyequinare ohõ saha ni yahuahye:

—Ahr̄ire m̄sare nigũ niaja: M̄sa ihyatire, m̄sa suhti sañatire, pajiro buj̄u witi t̄hotueracãh̄ña.

23 Cohãcjũ m̄sare bajumehnenõ, ihyatiquireo dihitare yerari m̄sare.

Sa yero suhti sañatiquina dihitare yerari musare tiquiro.

²⁴ Minicjua parire Cohãcjũ tiquiro ihña ihboyere masiña. Tiquina weseri marieñequina ijire. Sa ye ihyayere tiquina ihboye wuhuse tiquinare mariedare. Tiquina sa ijigũ ihñano tiquinare Cohãcjũ tiquina ihyatire ohore. Minicjua yuhduoro musa pehere cahñe Cohãcjũ.

²⁵ Pajiro musa tãhotuye mehna ti musare ihcã hora cati nemogũ yerare. Sa yero musa pajiro tãhotuye dahseati ijierare.

²⁶ Sa ye pajiro musa tãhotuye mehna ne mehenogã ye masiedare musa. ¿Sa yena pajiro musa tãhotuye ti dahseati ijierapegũta dahse yena musa ihyatire, musa sihniatire, musa sañatire pajiro bujua witi tãhotuajari?

²⁷ 'Nuch cjẽ cohorire tãhotuya. Ti cohoriti basi suhtire yerare. Sa yerapeta quehnoañe suhti sañañequina yero saha quehnoano bajure ti cohoriti. Salomo manano quehnoañe suhtire sañariquiro tiquiro ijiepegũta ti cohoriti pehe tiquiro yuhduoro quehnoa yuhduaye cohoriti waro ijire.

²⁸ Cohorire quehnoañe cohoriti yere Cohãcjũ pehe. Tiquiro sa yeppegũta cohoriti pehe meheñe decorigã iiducume ñai bora dijiaa wahare. Mehenogã iji, ape deco pecarũ ujã wahare. Ti sa ijiepegũta cohorire quehnoañe cohoriti ijigũ yere Cohãcjũ. Sa yero Cohãcjũ cohorire tiquiro quehnoañe cohoriti tiquiro yeriro yuhduoro musa gũhare quehnoano yerota. Suhtire ohorota. Mehenogã Cohãcjũre wacũ tutuare musa.

²⁹ Sa yena musa ihyatire, musa sihniatire pajiro bujua witi tãhotueracãhña.

³⁰ Cohãcjũre cahmeeñequina pehe ahri yehpa cjẽna pehe tire sa macaducuye nine. Mari Pacũ uhmuse cjãno ijipihtiye musa cahmeñene masine. Tiquiro sa masigũ pajiro bujua witi tãhotueracãhña.

³¹ "Cohãcjũ yuhũ puhtoro ijire", ni tãhotu, tiquirore cahmeña musa. Musa sa yeri bato Cohãcjũ pehe musa cahmeñe dahsagũ ohorota, ni yahu

nemoahye Jesu.

Uhmusepu mari peye cno masiaja (Mt 6.19-21)

³² Sa yero tiquinare yahu nemoahye:

—Yuhũ cahña, meheñequinagã ijiepenata, cueracãhña musa. Cohãcjũ tiquiro puhtoro ijiropare tiquiro mehna musa ijigũ cahmene tiquiro.

³³ Sa yena musa yere dua pehoya. Tire dua, ti niñerure ne, pejecuoyequinare ohoya. Sata musa yegũ uhmuse cjẽ musa wapataye ne pihtisi. Uhmusepu musa ye ijiro ne pihtierare. Topare musa yere nea masiedare yaqueriquiro. Sa ye mecasia gũhũ tire tã masiedare.

³⁴ Uhmusepu musa ye ijigũ uhmuse cjẽ dihitare tãhotunata musa, niahye Jesu.

Jesu tiquiro tojoa tatire cohte duti-ahye tiquiro yequinare

³⁵⁻³⁶ Sa ni tuhasa tiquinare yahu nemoahye:

—Musa yere quehnoyu tuhasariquina yero saha yeere sa yeducuna ijina yuhare cohteya. Dahra cohteyequina tiquina puhtoro omoca dahteri bosc decopũ tiquiro wahagũ tiquiro tojoa tatire tiquina cohtere. Tiquina sa cohteriro saha yuhũ tojoa tatire cohteya musa gũhũ. Puhtoro tiquiro wuhũpũ wihi, sopechare tiquiro dotegũ tãhoye tiquina duita põo sõre tiquirore.

³⁷ Dahra cohteyequina tiquina puhtoro wihigũ tiquiro cahmeno sahata yeducuyequina ijiye, bucuyequina ijieta. Tiquina sa yegũ ihñano puhtoro pehe dahra cohteriquiro yero saha comesarota. Sa yero dahra cohteyequinare duji dutiro, tiquiro tiquina ihyayere peorota.

³⁸ Tiquiro wihiri pje ñami decopũ, o bohreagũpũ ijiepegũta dahra cohteyequina pehe tiquiro wihiri pjere tiquirore quehnoano cohteyequina ijiye, bucuyequina ijieta tiquina.

³⁹ Ahrire wacũña. Yaqueriquiro wuhũpũ tiquiro wihiato pano ti wuhũ

cjãno masiedare. Wuhũ cjãno yaqueriquiro tiquiro wihiatore masino, yaqueriquirore sajã ta dutieraboaga. Sa yero wacũeno mehna ahtare yaqueriquiro.

⁴⁰ Sa yena mũsa gũhũ cohteya. Yuhũ masũ Cohãcjũ ohorigũ wacũeno mehna ahtaũtja. Sa yena yeere sa yeducuna ijina cohteya mũsa, niahye Jesu tiquinare.

Apequiro dahra cohteriquiro tiquiro pũhtoro tiquiro ño peogũ, apequiro pehe ño peerahye
(Mt 24.45-51)

⁴¹ Tiquiro sa nigũ Pedro pehe siniahye Jesure:

—¿Ahri quitire yahugũ usãre nigũ nijari? ¿O ijipihtiyequinare sa nigũ nijari? niahye Pedro.

⁴² Tiquiro sa nigũ Jesu tiquiro tũhotuye mehna ohõ saha ni queoye mehna buheahye tiquinare:

—Dahra cohteriquiro tiquiro pũhtoro ño peoriquiro tũho masiniquiro ohõ sahata ijire. Pũhtoro tinino waharo, dahra cohteriquirore tiquiro ya wũhare cũre. Tiquiro cũnohriquiri pehe dutiriquiro ijirota. Sa yero tiquiro ihyari pje ijigũ apequina dahra cohteyequinare ihyayere itire.

⁴³ Came pũhtoro tiquiro wihigũ dahra cohteriquiro pehe tiquiro pũhtoro tiquiro dutiriro sahata ye pehoriquiro ijiro, tiquiro bucueriquiro ijirota.

⁴⁴ Poto nigũta niaja mũsare. Tiquiro sa yegũ tiquiro pũhtoro ijipihitiye tiquiro yere ihña ihboriquiro cũnota tiquirore.

⁴⁵ Apequiro dahra cohteriquiro pehe “Yuhũ pũhtoro yoari pje bajerare”, niboaga. Sa nino apequina dahra cohteyequinare umũare, numia gũhare quẽ mũja, pajiro ihya, sihni, queheboaga.

⁴⁶ Tiquiro sa yeri bato wacũeno mehna tiquiro pũhtoro wihirota. Sa wihiro tiquirore ñano buhiri dahrerota. Sa yero Cohãcjũre

yũhdũdũcayequinare tiquiro cohãnope tiquirore cohãnota.

⁴⁷ ‘Sa yero dahra cohteriquiro tiquiro pũhtoro cahmeñene masiniquiro ijieperota tire tiquiro yeragũ, tiquiro quehnoano dahraeragũ tiquiro pũhtoro pehe tiquirore yuta da mehna tananota.

⁴⁸ Apequiro pehe dahra cohteriquiro tiquiro pũhtoro cahmeñene masieniquiro ijiro quehnoano yeragũ ihñano tiquiro pũhtoro pehe derogã tiquirore tananota. Cohãcjũ pajiro masare ohoro pajiro tiquinare apequinare oho dutirota. Sa yero tiquiro cahmeñene masigũ yere masare. Quehnoano tiquiro masigũ yenohriquinare quehnoano yũhti dutire tiquiro, niahye Jesu.

Jesu masare cahme tu wagũ yere
(Mt 10.34-36)

⁴⁹ Sa ni tuhasa Jesu tiquinare yahuahye tja:

—Peca uũã weriro sahata yuhũ ahri yehpapũre masa tiquina ñaũe yeyere cose wegũ ahtagũ nii. Yojopũ pũrita peca uũã wero saha ñaũe marieñequina masa tiquina ijigũ tutuaro cahmeaja yuhũ.

⁵⁰ Yuhũ ñano yũhdũtja. Yuhũ sa ñano yũhdũatire cohtegũ, ñano jeripohna tiaja yuhũ.

⁵¹ ¿Dũhse ni tũhotuajari mũsa yũhare? ¿“Tiquiro masare tiquiro buheri bato apequina tiquina basi ihña tuhtisi”, ni tũhotuajari mũsa yũhare? Sa ijierare. Masare yuhũ buheri bato ihquẽquina yeere tũhoeta. Apequina pehe tiquinare ihña tuhtieta. Ihcãno saha ijisi masa. Mũsare nigũta niaja. Masa yuhũ buheyere tũhoye, pũa curua cahme tu waeta.

⁵² Yojopũre ihcã wuhũ cjẽna ihcã omopequina masa yuhũ buheyere tũhoye, pũa curua tiquina basi cahme tu waeta. Ihcã curua ihtiaro, ape curua pũaro ijietã.

⁵³ Tiquiro pacũro tiquiro macũnore ihña tuhtirota yaquiro tiquiro ijiri buhiri. Tiquiro macũno gũhũ tiquiro pacũrore ihña tuhtirota yaquiro

tiquiro ijiri buhiri. Sa yero ticoro pacoro maconore ihña tuhtirota yacoro ticoro ijiri buhiri. Sa yero apecoro macono gũhũ ticoro pacorore ihña tuhtirota yacoro ticoro ijiri buhiri. Sa yero ticoro mareono ticoro macũ namonore ihña tuhtirota yacoro ticoro ijiri buhiri. Sa yero apecoro macũ namono gũhũ ticoro mareonore ihña tuhtirota yacoro ticoro ijiri buhiri. Sa waharota, yũhũ buheyere tiquina tũhogũ, niahye Jesu.

Quehnoari deco ijiatire, ñari deco ijiatire masa tiquina masiñene yahuahye Jesu

(Mt 16.1-4; Mr 8.11-13)

⁵⁴ Sa ye Jesu masare ohõ saha ni yahuahye tja:

—Ahrie pehepũ acoro cururire ihñana, duita “Acoro ahtarota”, nine mũsa. Mũsa sa nidi bato acoro ahtare.

⁵⁵ Sa yena surpũ wihnono ahtagũ “Asiri deco ijirota”, nine mũsa ahri yehpũ ijina. Mũsa sa nidi bato cũhmari deco ijire.

⁵⁶ Mũsa masa ihñonopũ quehnoano iji mehoducuna ijire. Mũsa ahri yehpare uhmũse gũhũre ihñana, quehnoari deco ijiatire, ñari deco ijiatĩ gũhũre masine mũsa. ¿Sa yena yojopũ cjẽ decorire masiepenata dũhsena ahri yehpa cjãna yojopũre mũsa dũhse wahatire masiedajari mũsa? niahye Jesu.

Mũsare ihña tuhtiriquiro mehna mũsa cahmequedire cahmeque duhuya

(Mt 5.25-26)

⁵⁷ Sa ni tuhasa ohõ saha ni yahu nemoahye:

—¿Mũsa poto yeatire yojopũ masiedajari mũsa?

⁵⁸ Apequiro mũhũre yahusãno waharo buhiri dahre dutiri wũhũpũ waha dutiboaga. Topũ wahana “Pari turi mũhũre sa yesi”, nigũ cahmeque duhuya. Mũhũ sa duhueragũ tiquiro buhiri dahre dutiriquiro cahapũ neaboaga mũhũre. Sa yero buhiri dahre dutiriquiro pehe mũhũre surarare

tiquiro ohogũ, mũhũre surara peresu yeeta.

⁵⁹ Mũhũre nigũ niaja. Topũ ijiniita mũhũ. Tee tiquina wapa ye dutirire mũhũ wapa ye pehogũpũ wijiagũta mũhũ, niahye Jesu.

13

Mũsa ñañe yerire bũjũa witi, quehnoañe pehere comesaya

¹ Ti pjere meheñequinagã masa Jesure ohõ saha ni yahue tiahye:

—Galilea cjẽna wahiquireore wejẽ uũã mũo Cohãcjũre tiquina ño perori watoa Pilato pehe tiquinare wejẽahye. Tiquiro sa wejẽgũ wahiquireo dii mehna masa dii moreahye, ni, yahuahye tiquina Jesure.

² Tiquina yahu tuhasagũ Jesu yũhtiahye:

—¿Galilea cjẽna Pilato tiquiro wejẽgũ wejõriquina mũnare dũhse ni tũhotuajari mũsa? ¿Tiquina sa yariagũ apequina Galilea cjẽna yũhdũoro ñañequina tiquina ijiri buhiri sa yeyari Cohãcjũ tiquinare, mũsa tũhotugũ?

³ Ijierare. Mũsare niita niaja. Mũsa pehe mũsa ñañene bũjũa witiẽrana, quehnoañe pehere comesaerana, mũsa gũhũ yariana pecapũ wahanata.

⁴ Sa ye sohõ ijiriquina diez y ocho masa Siloé wame tiri wũhũ uhmũari wũhũ tiquina bui wihnoa dijiaro, tiquinare wejẽ pehoahye. ¿Sa waha yariaye, apequina Jerusalẽ cjẽna yũhdũoro ñañequina ijiyari tiquina, mũsa tũhotugũ?

⁵ Ijierare. Mũsare niita niaja. Mũsa ñañene bũjũa witiẽrana quehnoañe pehere comesaerana, mũsa gũhũ yarianata. Sa yena pecapũ wahanata, niahye Jesu tiquinare.

Higueragũ dũca mariedũ quitire yahuahye Jesu

⁶ Sa ni tuhasa apeye queoye mehna piti dahre yahuahye tiquinare:

—Wese upũro tiquiro wesepũ higueragũre cũoahye. Sa yero tiquiro

t_u d_ucare macano wahamahye. Bocaerahye.

⁷ Bocaeraro tiquiro wese dahrariquirore. ¹⁵ Tiquiro sa nigũ Jesu ohõ saha ni yahuahye. “Tuhoya yuhure. Ihtia c_uhma waro higuera_u d_ucare macamaja. D_uca mariedare. T_u d_uca mariedagũ t_ure quẽ cohã cãhña. T_u ya wesep_u ijigũ apedare otero basioerare. Aped_u t_u ihyaborire ihyaboaga t_u d_uca maried_u pehe”, niahye wese up_uro tiquirore dahra coheriquirore.

⁸ Tiquiro sa nigũ tuhoro dahra coheriquiro ohõ saha niahye: “P_uhto, ah_u ihcã c_uhma waro ducurãhdo. T_u nuhcorip_u yuh_u seheg_utja. Tuhasa, wahi_uquiro c_uhta mehna ti copere ya_utja.

⁹ Yuh_u sa yeri bato t_u ape c_uhma d_uca tiro d_uca tiboaga. T_u d_uca mariedagũ m_uh_u quẽ cohã dutig_uta”, niahye dahra coheriquiro wese up_urore, ni, yahuahye Jesu.

Saurú deco ijigũ Jesu dohatiricorore yuh_uoahye

¹⁰ Ti pjere saurú deco ijigũ Jesu judio masa buheri w_uh_u b_uhero niahye.

¹¹ Top_u watĩno c_uoricoro ijiahye. Watĩno pehe diez y ocho c_uhmari waro dohatigũ yehye ticorore. Sa yero pari t_u ducuricoro ijero, poto duc_u masiedahye.

¹² Ticoro sa ijigũ ihñano Jesu ticorore ihña, pisuahye:

—Numio, m_uh_u dohatiye pih_u w_uh_u, ni, pisuahye Jesu.

¹³ Tiquiro pisuri bato ticorore tiquiro ña peogũ duita ticoro quehnoano poto d_uca sahye. Sa waharo “Cohãcjũ tutuag_u, quehnoag_u ijire m_uh_u”, ni ño peoahye ticoro.

¹⁴ Jesu ticorore saurú deco ijigũ tiquiro yuh_uogũ ihñano judio masa buheri w_uh_u coheriquiro pehe tiquiro mehna usuahye. Sa usuaro tiquiro masare ohõ saha niahye:

—Seis decori ijire mari dahraye decori. Sa yena m_usa dohatiyequinare yuh_uo duana, ti decorire tire yeya. Saurú mari sori decore

tire yeracãhña, niahye ti w_uh_ure coheriquiro.

¹⁵ Tiquiro sa nigũ Jesu ohõ saha ni yuh_utiahye:

—Masa ihñono dihita quehnoana iji mehona ijire m_usa. M_usa wec_ure, burro g_uh_ure c_uona saurú decore tiquina d_uh_uteri dare pã, tiquinare ne buha, sihni dutiboaga.

¹⁶ Yojop_u ahricorore Abrahã manano acayorore watĩno diez y ocho c_uhmari waro ticorore dohatigũ yere. ¿Saurú deco ijigũ ticorore yuh_uo dutierajari m_usa? niahye Jesu.

¹⁷ Tiquiro sa nigũ tuhoye, tiquina b_uoro wahahye. Sa ye apequina pehe ijipihtiyequina Jesu yerire ihña, bucueahye.

Mostaza pje queoyere yahuahye Jesu

(Mt 13.31-32; Mr 4.30-32)

¹⁸ Sa ye Jesu queoye mehna buheahye masare:

—¿Ne Cohãcjũ masa p_uhtoro tiquiro ijiye yabe boro yero saha ijiajari? Ahri q_uiti mehna tire tiquiro p_uhtoro ijiyere yahutja yuh_u.

¹⁹ Mostaza p_ugã yero saha ijire. Ti p_ugãre oteriquiro tiquiro ya wesere otere. Tiquiro oteri bato ti p_ugã pih_unine. Sa ye t_u b_uc_uagũ minic_uja pari ti d_up_urip_u suhti suhare, niahye Jesu. (Sa nino ohõ saha nino niahye. Mostaza p_ugã pajid_u t_u b_uc_uariro saha ah_um_use cjũnore mari p_uhtorore masiñequina meheñequinagã tiquina iji m_uhtaep_ugãta camep_u tiquina peyequina wahaeta.)

Pã pugã yeye queoyere yahuahye Jesu

(Mt 13.33)

²⁰ Sa yero pari turi Jesu queoye mehna buheahye:

—¿Ne Cohãcjũ masa p_uhtoro tiquiro ijiye yabe boro yero saha ijiajari?

²¹ Pãre pugã yeye yero saha ijire. Tire numino ihcã ajuro trigore aco mehna quehnoano tire dahra morene pã b_uc_uatire. Ticoro sa yegũ pãre pugã yeye pehe trigore

quehnoano sehsaa wahare, niahye Jesu. (Sa nino ohō saha nino niahye. Pāre pugū yeye trigore ti sehsaa wahariro saha ūhmuse cjēnore mari pūhtoro peyequina masa ijipihitiro cjēna masieta.)

Meheni sopecahagā quitire yahuahye Jesu

(Mt 7.13-14, 21-23)

²² Sa ye Jesu bujaye macaripū, daye macarigāpū gūhure buhe cā, Jerusalēpū esaro taro niahye.

²³ Tiquiro sa wahari watoa masuno Jesure ohō saha ni sinituahye:

—¿Pūhto, meheñequinagā masare pecarū wahaboriquinare yūhdūrotari Cohācjū? niahye tiquiro Jesure.

Tiquiro sa nigū Jesu queoye mehna buhero ohō saha ni yahuahye:

²⁴ —Peyequina masa Cohācjū cahapū waha duaye, sajā duamene. Meheni sopecahagāre mūsa sajā duagū mijorīne. Sata Cohācjū cahapū mūsa waha duagū mijorīne. Masa sa sajā duepeta sajā masiedare. Sa yena mūsa pehe meheni sopecahagāre mūsa tutuaro sajā duaboro sahata Cohācjū pehere tutuaro masiña.

²⁵ Ohō saha yerota Cohācjū peyequina masare. Tiquiro wūhū upūro yero saha ijire. Wūhū upūro wahcā, sopecahagāre biharota. Tiquiro sa yegū sopecahagāpū ducuna, dotenata. Dotena ohō saha ninata. “Pūhto, sope pahmare pōohña”, mūsa nigū wūhū upūro pehe yūhtirota. “Mū sare, mūsa ahtariro gūhure ne masiedaja yūhū”, ni yūhtirota.

²⁶ Tiquiro sa nigū mūsa yūhtinata. “Mūhū mehna ūsā ihya, sihnii. Ūsā ya macarū buheri mūhū”, ninata mūsa.

²⁷ Mūsa sa nigū tiquiro pehe yūhtirota. “Mū sare, mūsa ahtariro gūhure ne masiedaja. Ijipihitina mūsa ñañe yerina yūhū cahapū ahtaeracāhña”, ninota wūhū upūro.

²⁸ Sa ye Abrahāre, Isaare, Jacore, ijipihitiquina Cohācjū yere yahu mūhtariquinare Cohācjū tiquiro pūhtoro ijirore tiquina ijigū ihñana, mūsa pehe sopecahapū cohōrina ijina

tutuaro utinata. Sa yena mūsa tutuaro bujūa witina, bahque dihonata.

²⁹ Ti pjere ijipihitiro cjēna Cohācjū tiquiro pūhtoro ijiropūre esa, tiquiro mehna ihya dujieta.

³⁰ Yojopūre ihyo ijieyequina ijiriquina ti pjere pūhtoa ijietā. Sa yeye yojopūre pūhtoa ijiriquina ti pjerūre ihyo ijieyequina ijietā, niahye Jesu.

Jerusalē cjēnare tutuaro cahñahye Jesu

(Mt 23.37-39)

³¹ Ti pjere meheñequinagā fariseo masa Jesu cahapū esa, tiquirore yahuahye:

—Herode mūhūre wejē duare. Sa yegū ape siepū wahaya mūhū, niahye tiquirore.

³² Tiquina sa nigū Jesu pehe yūhtiahye:

—Herode ni mehoñe peyariquiro ijire tiquiro. Ohō saha ni yahuya tiquirore: “Jesu watīare cohāno nine. Sa yero dohatieyequinare yūhdūoro nine. Tire miare, ñamia gūhure yerota. Sa yero ñamia bohrearo dahra bato tirota”, ni yahuya Herodere.

³³ Sa yegū miare waha, ñamia gūhure waha, ñamia bohrearo gūhure waha, Jerusalēpū esautja. Cohācjū yere yahu mūhtagūre yūhūre wejēeta masa. Cohācjū yere yahu mūhtariquinare tiquina wejēgū Jerusalēpū ijiro cahmene tiquinare. Sa yegū yūhū gūhure Jerusalēpū ijiro cahmene.

³⁴ ‘Ahyou, Jerusalē cjāna, mūsa Cohācjū yere yahu mūhtariquinare wejē, mūsa cahapū tiquiro ohoriquinare utā paca mehna doque wejēdi mūsa. Canaca ticoro pohne wūye dūpūri mehna ticoro moha cuñano saha peye tahari mū sare cahīducumi. Mū sare cahmemi. Mūsa pehe yūhūre ne cahmedari.

³⁵ Yojopū mūsa ya maca cohōri maca ijirota. Ijirota niita niaja mū sare. Cohācjū mari pūhtoro tiquiro tutuaye mehna ahtaūtja yūhū. Yūhū ahtagū mūsa yūhūre

“Cohãcjũ tutuaye mehna ahtariquiro quehnoahdo”, ninata. Yũhũre mũsa tire niato pano pari turi yũhũre ihñasi mũsa, niahye Jesu.

14

Dohatiriquirore yũhdũoahye Jesu

¹ Ape deco saurũ ijigũ fariseo masa pũhtoa mehna cjũno ya wũhũpũ Jesu ihyaro wahahye. Ti wũhũpũ ijiyequina tiquirore ihña nũnũahye.

² Sa yero omoca, ñecũ gũhũ ipinohriquiro tiquiro cahapũ esahye.

³ Sa yero Jesu judio masare buheyequinare, fariseo masa gũhũre sinituahye:

—¿Saurũ ijigũ dohatiriquirore yũhdũo dutiajari Cohãcjũ yere tiquina ojoari pũpũ? niahye Jesu.

⁴ Tiquiro sa ni sinituepegãta tiquina yũhtierahye. Tiquina yũhtieragũ ihñano Jesu dohatiriquirore yũhdũo, “Wahaya”, niahye tiquirore.

⁵ Sa ye tuhasaro, tiquinare sinituahye tja:

—¿Ihcãquiro mũsa mehna cjũno tiquiro macũno saurũ deco mari sori deco ijigũ aco ijiri copepũ tiquiro bora sajãgũ ne wioeraboagari, mũsa tũhotugũ? ¿Tiquiro yaquiro wecũ gũhũre ne wioeraboagari, mũsa sa nina? Ne wioboaga tiquiro, niahye Jesu.

⁶ Tiquiro sa niepegãta tiquina tiquiro siniturire yũhti masiedahye tja.

Omoca dũhteri bosc deco ijigũ pijioriquinare yahuahye Jesu

⁷ Fariseo masũno ya wũhũpũ ijiro ti wũhũ cjũno tiquiro pijioriquina quehnoañe dujiyere tiquina besegũ ihñahye Jesu. Sa ihña tuhasa ohõ saha ni yahuahye ijipihtiyequinare:

⁸ —Omoca dũhteri bosc deco mũsare tiquiro pijiogũ, quehnoañe dujiyere besc dujieracãhña. Mũsa yũhdũoro cua pesayequinare pijioaga ahri wũhũ upũro.

⁹ Tiquiro sa yegũ mũsa quehnoañe dujiyepũ dujigũ “Ahriquina cua pesayequina pehere mũsa dujiyere

ohoya”, niboaga wũhũ upũro mũsare. Tiquiro sa nigũ mũsa pehe bũoro wahana, ñañe dujiyepũ dujioboaga.

¹⁰ Sa yena wũhũ upũro mũsare tiquiro pijiogũ, ñañe dujiyepũ duji mũhtaña. Mũsa sa yegũ wũhũ upũro mũsare “Quehnoañe dujiye pehere dujina ahtaya”, ninota mũsare tiquiro. Mũsa sa wahagũ apequna tiquiro pijioriquina pehe mũsare ño peoye mehna ihñaeta.

¹¹ Ihcãquiro tiquiro basi “Pũhtota ijiaja”, ni tũhoturiquiro cahacjũno ijirota. Sa yero apequro “Cahacjũ ijiaja”, ni, tũhoturiquiro, apequnare yũhdũdũca dueriquiro tiquiro pehe pũhtoro ijirota, niahye Jesu tiquinare.

¹² Sa ni tuhasa Jesu wũhũ upũrore yahuahye:

—Mũhũ bosc deco dahregũ mũhũ cahapũ ijiyequinare, mũhũ bahanare, mũhũ acayere, doeri cjẽ opanare pijioeracãhña. Mũhũ tiquinare pijiogũ mũhũ gũhũre tiquina gũhũ piji cahmeeta. Sa piji cahmeñe mũhũre tiquina wapamonore wapa yeeta.

¹³ Mũhũ bosc deco dahregũ pejecũoyequinare, tini masieñequinare, pari yuri wahayequinare, caperi bajueyequinare pijiohya.

¹⁴ Mũhũ sa yegũ ihñano Cohãcjũ mũhũre quehnoano yerota. Tiquina pehe mũhũre tiquina wapamonore wapa ye masiedare. Sa yero quehnoañequina yariariquina tiquina masa mũjari pje ijigũ Cohãcjũ pehe quehnoano mũhũ yeri wapa mũhũre quehnoano yerota, niahye Jesu wũhũ upũrore.

Pajiri bosc deco queoyere yahuahye Jesu

(Mt 22.1-10)

¹⁵ Tiquiro sa nigũ tũhoro apequro ihyari mesa cahapũ dujiriquiro, Jesure yahuahye:

—Cohãcjũ tiquiro pũhtoro ijiorũ tiquiro ihyari mesa cahapũ dujiyequina tutuaro bucueyequina ijieta, niahye tiquiro Jesure.

16 Tiquiro sa nigũ Jesu ahri queoyere yahuahye tiquirore:

–Pajiri bose deco dahreriquiro peyequina masare pijioahye.

17 Tiquiro pijiori bato bose deco tiquiro cahacjũnore tiquiro pijioriquinare yahu dutiro ohoahye. “Isa, ijipihtiyere bose deco cjẽ ijiatire quehno tuhasari. Sa yero musare pijiori”, ni, yahu dutiahye tiquiro cahacjũnore.

18 Tiquiro cahacjũno tiquiro sa ni yahuepegãta, tiquiro pijionohriquina pehe “Waha masiedaja”, niahye tiquina. Tiquiro pijio mũhtanohriquiri ohõ saha ni yahuahye tiquiro cahacjũnore. “Mianogãta yehpare dúu. Sa yegũ ti yehpare ihñagũ wahagũ niaja. Sa yero waharo basioeraga. Ño peo cjũña mũhũ yũhũre. Yũhũre basioerare”, niahye tiquiro pijio mũhtanohriquiri pehe tiquiro cahacjũnore.

19 Apequiri pehe ohõ saha niahye: “Wecũare pũa omoca pihtieyquinare mianogãta dúu. Buhe tuhugũ wahũ tũ niaja ti weje cãtore. Sa yegũ wecũare ‘¿Quehnoano dahrajari?’ ni ihñagũ wahagũ tũ niaja. Sa yegũ wahasi. Yũhũre basioerare”, niahye tiquiro gũhũ.

20 Apequiri pehe ohõ saha niahye: “Yũhũ mianogãta omoca dũhte. Sa yero bose decopũ waharo basioeraga yũhũre”, niahye tiquiro cahacjũnore.

21 Tiquiro sa nigũ cahacjũno pehe tojoa waha, tiquiro pũhtoropũre tiquina nidire yahu peho cãhye. Tiquiro sa ni yahugũ tiquiro pũhtoro tutuaro usua, ohõ saha niahye tiquiro cahacjũnore. “Wũhũse watoa cjẽ maharipũ wahaya. Pejecũoyequinare macarĩsa. Sa yegũ pejecũoyequinare, tini masieñequinare, caperi bajueyequinare, pari yuri wahayequinare mũmũñano ne cãhtaya tiquinare”, niahye pũhtoro.

22 Came cjũnogã tiquiro cahacjũno yahuahye tiquiro pũhtorore: “Pũhto, mũhũ dutiriro sahata yei. Yũhũ sa yepegãta apequina gũhũ esa

tuhaeta”, niahye tiquiro cahacjũno.

23 Tiquiro sa nigũ pũhtoro tiquirore dutiahye: “Ihquẽ wũhũse ijiropũ wahaya. Topũ bajũye maharipũ, daye maharigãpũ gũhũre masare ya wũhũpũ ahta dutiya, ya wũhũpũ tiquina wahpagũ.

24 Poto niita niaja mũhũre. Ahriquina yũhũ pijio mũhtamediquina yũhũ ihyayere ne mehenogã ihyasi”, niahye pũhtoro, ni yahuahye Jesu.

Jesu mehna wahagũ mijorĩne
(Mt 10.37-38)

25 Ti pjere peyequina masa Jesu mehna wahahye. Sa yero Jesu tiquinare majare ihña, yahuahye:

26 –Ihcãquiri yũhũ buheriquiro iji duaro apequina yũhdũoro yũhũ pehere cahĩno cahmene. Tiquiro pacũrore, tiquiro pacorore, tiquiro namonore, tiquiro pohnene, tiquiro bahanare, tiquiro pagũ gũhũre tiquiro cahĩno yũhdũoro yũhũ pehere cahĩno cahmene.

27 Ihcãquiri yũhũ buheriquiro iji duaro yeere sa yeducuriquiro ijirota. Sa yero yaquiri tiquiro ijiri buhiri ñano yũhdũeperota yũhũre ne duhusi.

28 Ahrire masiyuro cahmene musare. Ohõ saha ijire ti: Wũhũ dahreriquiro tiquiro ahmũari wũhũre yeato pano wũhũ wapa tiatire queo mũhtare. Sa yero, ti wũhũre tiquiro pehoatire masine tiquiro.

29 Wapa tiyere queoeraro ti wũhũre yero pehoeraboa. Sa ye tiquirore ihñañequina bajũpeboa.

30 “Ahriquiri ti wũhũre yero, tutuerare”, ni, bajũpeboa.

31 Pũhtoro apequiri pũhtoro yequina mehna tiquina cahmequeato pano, tiquiro yequina surarare tiquiro cahme wejẽ dutiato pano, tiquiro yequina surarare queorota. “¿Yũhũ diez mil surara mehna apequiri veinte mil surara cũoriquiro mehna cahme wejẽgũ tutueraboa-gari yũhũ?” ni, tũhoturo queorota tiquiro.

³² Sa queoro, tiquiro tutueratire masinota. Sa masino apequiro p̄h̄toro tiquiro yequina surara mehna cahme wejēno ahtariquiro yorop̄u tiquiro ijiḡata, tutueriquiro pehe “Cahme wejēdac̄ahna”, ni dutiro ohoboaga dahra cohteriquirore.

³³ Sa yena ȳh̄u buhena iji duana, m̄sa yeatire m̄sare masino cahmene. M̄sa ye duaye pehere duhu duerana, ȳh̄u buhena iji masiedare, ni yahuahye Jesu.

*Moa ocayere yahuahye Jesu
(Mt 5.13; Mr 9.50)*

³⁴ Sa yero tiquinare yahu nemoahye:

—Moa quehnoano ocare. Ti ocaeraḡu ocaye yero basioerare.

³⁵ Moa ocaeraro ti moa ne quehnoaedare. Ti moare d̄h̄sero basioerare. Ti sa ijiḡu ti moare coh̄ano cahmene. Ne d̄h̄seati ijierare ti moa. (Ti d̄h̄seati ijieraro saha ijierac̄ah̄na m̄sa. Coh̄ac̄j̄u ye pehere coh̄aedac̄ah̄na.) Ahrire quehnoano t̄h̄oya m̄sa, niahye Jesu.

15

*Oveja butiriquiro queoyere yahuahye Jesu
(Mt 18.10-14)*

¹ Sa ye ape deco peyequina wapa ne cohteyequina apequina “Ñañequina”, tiquina niñequina mehna Jesure t̄h̄oye ahtahye.

² Tiquina sa yeḡu ih̄ñañe fariseo masa, judio masare buheyequina ḡh̄u Jesure ih̄ña tuhtiye, oh̄o saha niahye tiquina basi:

—Ahriquiro ñañequinare piti tire. Sa yero tiquina mehna ihyare, ni, yahuducuahye tiquina basi.

³ Tiquina sa ni yahuducuḡu Jesu tiquiro t̄h̄otuye mehna oh̄o saha ni, queoye mehna buheahye tiquinare:

⁴ —¿Cien oveja c̄oriquiro ihc̄aquiroye oveja butiḡu ih̄ñano d̄h̄se yerotari tiquiro? Oh̄o saha yerota. Tiquiro noventa y nueve ovejare tiquina ihyarirop̄u c̄u, butiriquirore

macano waharota. Ovejare bocarop̄u duhurota.

⁵ Tiquirore bocaro bucuero. Sa yero tiquiro butiriquirore w̄u peo, tiquiro ya w̄h̄u ne tojoaa waharota.

⁶ Ne tojoa sa, tiquiro cahap̄u ijiyequinare, tiquiro acayere piji cahmecoanota. “Yaquiro oveja butiriquirore boca tuhasa. Sa yena ȳh̄u mehna bucueya”, ninota tiquiro tiquinare.

⁷ Poto niita niaja m̄sare. Noventa y nueve oveja peyequina tiquina ijiro sahata, peyequina masa oh̄o saha ni t̄h̄oture: “Ñano yeraja. Sa yeḡu ȳh̄u ñañene buj̄u witi. Quehnoañe pehere comesasi ȳh̄u”, ni, t̄h̄oture peyequina masa. Tiquina sa ni t̄h̄otuḡu ih̄ñañe uhm̄se cj̄ena Coh̄ac̄j̄u cahap̄u ijiyequina bucuere. Apequiro pehere bucuere. Butiriquiro oveja ihc̄aquiroya butiriro sahata tiquiro up̄uro tiquirore bocariro sahata ihc̄aquiroya ñariquiro tiquiro ñañene buj̄u witi, quehnoañe pehere comesaḡu ih̄ñañe, Coh̄ac̄j̄u cahap̄u ijiyequina tutuaro bucuere, niahye Jesu.

Niñeru cjoere butiri queoyere yahuahye Jesu

⁸ Sa ni yahu tuhasa, queoye mehna yahu nemoahye tja:

—¿P̄u omope cjoeri niñeru cjoeri c̄oricoro ihc̄a cjoere butiḡu d̄h̄se yerotari ticoro? Oh̄o saha yerota ticoro. Sih̄ariare sih̄a, w̄h̄u coha, quehnoano maca pehorota. Ti cjoere bocarop̄u duhurota.

⁹ Ti cjoere boca tuhasa, ticoro cahap̄u ijiyequinare, ticoro mehna cj̄enare piji cahmecoanota. “Niñeru cjoere ȳh̄u butiri cjoere boca. Sa yena ȳh̄u mehna bucueya”, ninota ticoro.

¹⁰ Potota niita niaja m̄sare. Sata ihc̄aquiroya ñariquiro tiquiro ñañene buj̄u witi quehnoañe pehere comesaḡu Coh̄ac̄j̄u yequina angele pehe tutuaro bucueeta, niahye Jesu.

Tiquiro macuno butiri queoyere yahuahye Jesu

11 Sa ni yahu tuhasa Jesu queoye mehna yahu nemoahye tja:

–Bucuro pohne p̄aro umua ijiahye.

12 D̄hsariquiro pehe ohō saha niahye tiquiro pacurore: “Mai, m̄h̄u yariari bato m̄h̄u ohoatire ȳh̄ure ohoya”, niahye tiquiro pacurore. Tiquiro sa nigū tiquina pacuro p̄arop̄areta tiquiro pohne itiahye tiquiro c̄orire.

13 Meheñe decorigā bato d̄hsariquiro tiquiro yere ijipihiyere ne, yoarop̄a ape yehp̄a waha wahahye. Top̄a esaro t̄ho masieniquiro yero saha ye, tiquiro niñerure, tiquiro yere ye site peho c̄ahye.

14 Tiquiro ye site pehori bato ti yehp̄are ne ihyaye mariedi pje ijiahye. Sa yero tiquiro m̄h̄a ahbahye.

15 Sa yero ti yehpa c̄j̄ dahrayere macahye. Tiquiro bocagū tiquiro p̄h̄toro yesea cohteriquiro s̄ahye tiquirore.

16 Sa yero tiquiro yeseare nu, tiquina ihyayere ihyā duamahye. Tiquiro sa ihyā duepeḡta ti ihyayere to c̄j̄na ohoerahye tiquirore.

17 Sa ye tiquiro top̄a wacūahye. “Ȳh̄u pacure dahra cohteyequina pehe b̄j̄ye ihyayere ihyare. Tiquina ihyā d̄hari ḡh̄u b̄j̄ye d̄hsare. Tiquina sa quehnoano ȳhd̄ari watoa ȳh̄u pehe oh̄p̄a ijiḡa, m̄h̄a ahbagu niaga.

18 Yojoap̄are ȳh̄u pac̄a cahap̄a tojoaḡtja. Ȳh̄u pac̄a cahap̄a esaḡu ohō saha niitja tiquirore: ‘Mai, Coh̄c̄j̄re ñano yei. M̄h̄u ḡh̄ure ñano yei.

19 Ñaḡu ijiaja ȳh̄u. M̄h̄u mac̄a yero saha ijiboḡu ijieraja ȳh̄u. M̄h̄u dahra cohteriquiro yero saha yeya ȳh̄ure’, niitja ȳh̄u pac̄are”, ni t̄hotuahye tiquiro.

20 Sa ni t̄hoturota wahc̄ad̄ca, tiquiro pacuro cahap̄a tojoaa wahahye. Top̄a tiquiro esariquiro tojoa

tagū tiquiro pacuro pehe yoarop̄ata tiquiro macunore ihñahye.

“Tiquiro sa wihigū ihñano macunore paja ihñahye. Paja ihñano tiquiro cahap̄a oma c̄ā, tiquirore quē suhsu maa, tiquiro wahsupure ihmiahye pacuro tiquiro macunore.

21 “Mai, Coh̄c̄j̄re ñano yei. M̄h̄u ḡh̄ure ñano yei. Ñaḡu ijiaja ȳh̄u. M̄h̄u mac̄a yero saha ijiboḡu ijieraja ȳh̄u”, niahye tiquiro pacurore.

22 Tiquiro sa nigū t̄horo pacuro pehe dahra cohteyequinare pijiahye. “Sojaro mehna, quehnoa ȳhd̄ari suhtirore ne c̄ah̄aya. Sa yena ȳh̄u mac̄are s̄aña. S̄ā tuhasa, tiquiro omoca sañari behtore s̄ā, dahpo suhti ḡh̄ure s̄aña.

23 S̄ā tuhasa, dihi tiriquireḡare wec̄ḡare wej̄ña. Bose deco yeihna mari.

24 Ahriquiro ȳh̄u mac̄a yariariquiro yero saha wahariquiro ijire. Sa wahaeperota yojoap̄are catire tiquiro. Tiquiro butimediquirore pari turi boc̄a. Sa yena bose deco yeihna mari”, niahye tiquiro pacuro. Tiquiro sa nidi bato bose deco dahre d̄cahye tiquina.

25 “Ti pjere tiquiro wahmino pehe wesep̄a ijiahye. Wesep̄a ijiriquire cohe tojoa taro w̄h̄u cahap̄a esaro, tiquina basayere t̄hoahye tiquiro.

26 T̄horo, ihc̄aquire dahra cohteriquirore pijio, tiquirore sinitua hye tiquiro: “¿D̄h̄se ijiro boro basaye niari?” niahye tiquiro dahra cohteriquirore.

27 “M̄h̄u bah̄u coheri. Tiquiro quehnoariquiro, catiriquire tiquiro coheḡu m̄h̄u pac̄a dihi tiriquireḡare wec̄ḡare wej̄ dutiri”, ni ȳhtiahye dahra cohteriquiro.

28 Tiquiro sa ni yahugū tiquiro wahmino pehe tutuaro usuaro, w̄h̄up̄a saj̄edahye. Tiquiro saj̄edaḡu ihñano tiquiro pacuro sopecahap̄a wijia ta, “Saj̄a taya”, ni, pijimahye tiquiro macunore.

29 Tiquiro sa pijigū macuno ȳhtiahye. “T̄hoya mai. Yoari pje m̄h̄u dahra cohteriquiro

yero saha m̄hure yedohomi. Sa yegu m̄hu dutiyere ne ihcā taha ȳhd̄d̄caeru. Ȳhu m̄hure dahra cohtepegūta ȳhure ne ohoerari m̄hu. Ne ihcāquiro wahiquirogāre ne ohoerari m̄hu ȳhure ȳhu piti tiyequina mehna ȳhu bose deco dahreatire.

³⁰ Sa yero ahriquiro m̄hu macu pehe ñañequina numia mehna m̄hu yere ye site pehoñhti. Tire ye site peho tuhasa, w̄h̄p̄u tiquiro tojoa wihigū dihi tiriquiregāre wecūgāre wejē dutiñhti m̄hu tiquiro ihyatiquire”, niahye tiquiro wahmino pehe pacurore.

³¹ “Macu, ȳhu mehna ijipihtiyere decori m̄hu ijigū ijipihtiyere ȳhu c̄oye m̄hu ye ijire.

³² M̄hu bah̄u pehe yariariquiro yero saha wahari marine. Sa ye yojop̄are tiquiro catiriquire ijire. Tiquiro butiriquire yero saha ijiri. Tiquiro sa wahari bato yojop̄are tiquire bocu. Sa yero tiquiro tojoa wihigū mari bose deco ye bucuegū quehnoare”, niahye tiquiro macurore, niahye Jesu tiquire.

16

Niñeru cohteriquiro t̄ho masiniquiro quitire Jesu yahuahye

¹ Sa ye ahri quitire tiquiro buheyequinare yahuahye Jesu:

–Doeri c̄j̄e up̄aro ye niñerure cohteriquiro niñerure quehnoano tiquiro ihboeragū ihñano apequiro pehe yahusāhye doeri c̄j̄e up̄arore. “M̄hu ye niñerure ye sitero nine”, ni yahusāhye tiquire.

² Tiquiro yahusā tuhasari bato niñeru cohteriquirore pijioahye. Sa yero tiquiro wihigū ihñano, tiquire p̄h̄toro yahuahye. “Yee niñerure m̄hu ye siterire apequiro ȳhure yahuri. Sa yegu yeere cohtegu iji nemosi m̄hu. Sa yegu yeere m̄hu yerire yahu peho ojoaya. M̄hure cohāgu niaja”, niahye p̄h̄toro tiquire.

³ Tiquiro sa nidi bato ohō saha ni t̄hotuahye cohteriquiro tiquire basi:

“Ȳhu p̄h̄toro ȳhure cohāno taro niaga. Ȳhu tutueraja. Sa yegu tutuaro dahra masiedaja. Sa yegu apequinare ȳhu niñerure sinigū b̄oro ȳhd̄boaga ȳhu. ¿Sa yegu d̄hse yeitari ȳhu?

⁴ Yojop̄u p̄ritare ȳhu yeatire masi-aja ȳhu. Ohō saha ȳhu yegū ȳhu dahraye mariedagū ȳhu p̄h̄torore wapamoñequina ȳhure cah̄eta. Sa ye tiquina ye w̄h̄sep̄u sajā dutieta ȳhure”, ni t̄hotuahye tiquire.

⁵ Sa ni t̄hoturo tiquiro ijipih-htiyequina tiquiro p̄h̄torore wapamoñequinare pijioahye. Pijio tuhasa, cohteahye. Wihi mahtariquire ohō saha ni sinituahye tiquire. “¿Ȳhu p̄h̄torore noho puno wapamoajari m̄hu?” niahye tiquire.

⁶ Tiquiro sa nigū wapamoriquire pehe ȳhtiahye. “Cien tambores uhsere olivo d̄uca mehna tiquina yeri uhsere wapamoaja tiquire”, ni, ȳhtiahye. Tiquiro sa ni yahugū cohteriquiro pehe ohō saha ni yahuahye. “Ohōp̄u ijire m̄hu wapamonore ojoa ohōri p̄u. Dujia. Sa yegu m̄hu wapamonore deco mehna ne, deco mehna ojoa quehnoña”, niahye cohteriquiro wapamoriquire.

⁷ Sa ni tuhasa apequiro wapamoriquirere sinituahye tiquire. “¿M̄hu waro, noho puno wapamoajari?” niahye t̄ja. “Cien ajuri trigo p̄jeri ajurire wapamoaja ȳhu”, niahye wapamoriquire niñerure cohteriquirore. “Ohōp̄u ijire m̄hu wapamonore ojoa ohōri p̄u. M̄hu wapamonore ochenta ojoa quehnoña”, niahye cohteriquiro.

⁸ Tiquiro sa quehnoano ni meho mihnigū ihñano “Ahriquire ni mehoriquire quehnoano masidiquiro ijiaga”, ni t̄hotuahye tiquire p̄h̄toro niñerure cohteriquirore. Ahri deco c̄j̄ena, Cohāc̄j̄are cahmeeñequina tiquina yere quehnorire tiquina niñeru ihborire Cohāc̄j̄a yequina ȳhd̄oro masiaga tiquina, niahye Jesu.

⁹ Sa ni tuhasa Jesu yahu nemoahye:

—Sa yegũ m̄sare niita niaja. M̄sa c̄oyere, pejec̄oyequinare m̄sa ohogũ, tiquina pehe m̄sare cah̄ieta. M̄sa sa yegũ m̄sa c̄oye pihtiari bato m̄sa uhm̄sepe esagũ m̄sare cah̄ieta top̄ere.

¹⁰ 'Ihyo ijiyequina ye dahrayere pototo yena, p̄h̄toa ye dahraye ḡh̄are pototo yenata. Ihyo ijiyequina ye dahrayere queoro yerana, p̄h̄toa ye dahraye ḡh̄are queoro yesi m̄sa.

¹¹ Sa yena ahri yehpap̄ m̄sa c̄oye mehna m̄sa quehnoano yerana Coh̄cj̄ m̄sare tiquiro ye buheye ḡh̄are quehnoano yesi m̄sa. Sa yero ti buheyere c̄usi tiquiro.

¹² Sa yena apequiro yere m̄sa quehnoano ye basaeragũ ih̄n̄ano m̄sa ye ijiatire ohosi m̄sare.

¹³ 'Ihc̄aqui Coh̄cj̄ pehere wac̄ũno, tutua ȳhd̄aro niñeru pehere wac̄ũedare. Niñeru pehere tutua ȳhd̄aro wac̄ũno Coh̄cj̄ pehere wac̄ũedare. Niñeru dihitare cah̄mediquiro ijiro Coh̄cj̄re bu-cuegũ yerare. Coh̄cj̄ ḡh̄are, niñeru ḡh̄are p̄arore cah̄me ȳhd̄ad̄aro basioerare m̄sare. Niñerure cah̄me ȳhd̄ariquiro Coh̄cj̄re quehnoano ño peo masiedare, niahye Jesu.

¹⁴ Tiquiro sa nigũ t̄hoye fariseo masa pehe tiquirore b̄j̄peahye. Tiquina pehe niñerure cah̄iahye. Sa ye b̄j̄peahye.

¹⁵ Tiquina b̄j̄pegeũ t̄horo Jesu tiquinare yahuahye:

—Masa tiquina ih̄nonore m̄sa quehnoano yemene. M̄sa sa yegũ “Quehnoañequina, pototo yeyequina ijire”, nimene masa m̄sare. Coh̄cj̄ pehe m̄sa t̄hotuyere masine. Masa “Quehnoa ȳhd̄are”, tiquina nidire Coh̄cj̄ pehe sijoro saha ni t̄hoture. Tire ih̄na yabire, niahye Jesu.

Coh̄cj̄ dutiyere, tiquiro p̄h̄toro ijiyere yahuahye Jesu

¹⁶ Sa ni tuhasa oh̄o saha ni nemoahye Jesu:

—Ñu wame yeriquiro tiquiro ijiato pano Moisere tiquiro c̄uri dutiye mehna Coh̄cj̄ marine dutiri. Coh̄cj̄ yere yahu m̄htariquina tiquina ojoari mehna ḡh̄are marine dutiri. Yojop̄ pehere Ñu tiquiro buhe d̄ucari bato quehnoañe buheyere, Coh̄cj̄ tiquiro p̄h̄toro ijiye ḡh̄are masi d̄ucare masa. Sa masiñe masa tiquina esa tuharo tiquina tutuaye mehna Coh̄cj̄ tiquiro p̄h̄toro ijirore sajã duamene.

¹⁷ Moisere tiquiro c̄uri dutiyep̄ Coh̄cj̄ nidiro sahata ye pehorota tiquiro. Uhm̄se ḡh̄are ahri yehpa ḡh̄are pihtia wahaep̄egũta Coh̄cj̄ nidiro sahata ye pehorota, niahye Jesu.

Namonore coh̄ñene yahuahye Jesu

(Mt 19.1-12; Mr 10.1-12)

¹⁸ Sa ni tuhasa oh̄o saha ni nemoahye Jesu:

—Mas̄no tiquiro namonore coh̄ano, apecoro mehna omoca d̄h̄tero, ticoro mehna ñano yero nine. Apequiro tiquiro coh̄aricoro mehna omoca d̄h̄tero, tiquiro ḡh̄are ticoro mehna ñano yero nine, niahye Jesu.

Doeri cj̄ up̄aro, pejec̄oriquiro queoyere yahuahye Jesu

¹⁹ Sa ye queoye mehna yahuahye Jesu:

—Ti p̄j̄ep̄are doeri cj̄ up̄aro ijie tiahye. Tiquiro suhti pehe wapa b̄j̄ ȳhd̄ahye. Sa yero decoripe quehnoañe dihitare ihyaro, peye c̄oahye tiquiro.

²⁰ Sa yero ti pjere apequiro pejec̄oriquiro, Lázaro wame tiriquire ijie tiahye. Tiquiro paḡ peye cami tiriquire ijiahye. Sa ye apequina pehe tiquirore doeri cj̄ up̄aro ya w̄h̄ cj̄ sahr̄no cah̄ap̄ ne sae tiahye.

²¹ Sa yero pejec̄oriquiro pehe doeri cj̄ up̄aro tiquiro ihyari mesa docap̄ yehpap̄ dujiro tiquiro ihyasite dijioyere ihyae timahye. “Tiquiro ihyasite dijiorire ihyaḡ yapiḡta ȳh̄”, ni, t̄hotue timahye tiquiro.

Sa ye diayea tiqiro camine nehneñe ahtae tiahye.

22 'Sa yero pejecuoriquiro tiqiro yariaa wahagũ, Abrahã cahapu paraíso wame tiropu angele tiqirore ne mujahye. Sa yero doeri cjẽ upuro gũhu tiqiro batogãta yariaa wahahye. Tiquiro yariagũ tiqirore yahye.

23 Sa yero doeri cjẽ upurore tutuaro peca ujãahye. Sa yero pecapu ijiro umusepu ijiriquirore Abrahãre ihñahye. Lázaro gũhure ihñahye.

24 Ihña tuhasa, tiqiro Abrahãre pisuahye. "Yũhu acayũ Abrahã, paja ihñaña yũhure. Pecapu yũhu ñano yũhdugũ niaja. Yũhu sa wahagũ Lázaro yũhure ohoya. Sa yero acore tiqiro omo piriapu soha, yũhu ñehmenore aco mehna nehono ahtaahro. Tire yũsuoahro tiqiro", niahye doeri cjẽ upuro.

25 Tiquiro sa nigũ Abrahã tiqirore yahuahye: "Yũhu acayũ, catigapu mũhu ijipihiyere quehnoañene cuori. Lázaro pehe decoripe ñano yũhduri. Yojoapu pehere mũhu ñano yũhdugũ tiqiro pehe ohõpũre bucu-eye mehna ijiro nine.

26 Sa ye mari watoa uhcuãri cope ijire. Sa ye ohõre ijiyequina topũre waha masiedare. Sa ye topũ ijiyequina ohõpũre ahta duayequina ahta masiedare", niahye Abrahã doeri cjẽ upurore.

27 Tiquiro sa nigũ doeri cjẽ upuro ohõ saha ni nemoahye: "Yũhu acayũ, tutuaro siniaja mũhure. Lázaro yũhu racu ya wũhũpu ohoya.

28 Yũhu ihcã omopequina bahana tii. Lázaro tiquinare yahuahro. Tiquina ohõre ñano yũhdũropũre ahtaeracãhdo", niahye tiqiro.

29 Sa nigũ Abrahã pehe yũhtiahye: "Cohãcjũ dutiyere Moise marine cũrire, Cohãcjũ yere yahu mũhtariquina tiquina ojoarire cuore mũhu bahana. Sa ye mũhu bahana tireta tuhoahro", niahye Abrahã.

30 Tiquiro sa nigũ doeri cjẽ upuro pehe yũhtiahye: "Yũhu acayũ Abrahã, tire cuoepeta quehnoano

tuhosi. Lázaro yariariquiro masa bajua, tiquina cahapu esagũ ihñañe tiquina pehe ñañene bujua witi, quehnoañe pehere comesaeta. Sa ye quehnoañene yeeta yũhu bahana pehe", niahye doeri cjẽ upuro mũnãno.

31 Tiquiro sa nigũ Abrahã pehe yahuahye: "Mũhu bahana Moise cũri pũ tiqiro yahuyere, Cohãcjũ yere yahu mũhtariquina mũna tiquina yahuyere tuho dueyequina ijire. Sa ye Lázaro yariariquiro mũnãno masa bajuepegũta tiquina Cohãcjũre tuho duasi", niahye Abrahã, ni, yahuahye Jesu.

17

Ñañene yegũ cuarĩne

(Mt 18.6-7, 21-22; Mr 9.42)

1 Sa ye Jesu yahuahye tiqiro buheyequinare:

—Masare ñañe yegũ yeye peye ijire. Sa yeye masa ñañene yere. Ti sa ijipegũta masũnore ñañene yegũ yeriquiro pehe ña yũhdũaro yũhdũrota.

2 Masũnore tiqiro wamũapu pajiria utãre dũhte yo, pajiri mapũ tiqirore cohãgũ ñano wahaboaga tiqiro. Apequiro pehe ahriquinagã mehna cjũnogãre ñañene yegũ yero pajiri mapũ tiquina cohãriquiro yũhdũoro ñano yũhdũrota. Tiquirore tutuaro buhiri dahrero cahmene.

3 Quehnoano yeya mũsa. Mũsa acayũro ñano tiqiro yegũ ihñana "Yeracãhña", niña tiqirore. Sa yena tiqiro ñañene bujua witi, quehnoañene comesagũ mũsa pehe tiqiro ñañe yeyere boya.

4 Sa yero mũsa acayũro ihcã decota siete tahari mũsare ñano tiqiro yegũ mũsare tiqiro bo dutigũ boya. "Pari turi mũhure ñano yesi", siete tahari tiqiro nigũ tope taharita tiqiro ñano yerire boya, niahye Jesu.

Cohãcjũre wacũ tutuayere yahuahye Jesu

5 Sa ye Jesu buheyequina tiqirore ohõ saha niahye:

—Cohãcjüre ʘsãre quehnoano wacũ tutua nemogũ yeya, niahye tiquina Jesure.

⁶ Tiquina sa nigũ Jesu yãhtiahye:

—Mostaza capegã meheni pjegã ijire. Ti yero saha Cohãcjüre mehenogã wacũ tutuana, ohõ saha wahagũ ye masinata mʘsa: Ahdu yucũgure ohõ saha ni masine: “Mũhũ yucũgũ mũhũ basi duhtu cã, pajiri mapũ bora ñjoaña”, ni masine mʘsa. Mʘsa sa nigũ tũ yucũgũ pehe mʘsa dutiro sahata waharota, niahye Jesu.

Dahra cohteriquiro tiquiro dahrayere yahuahye Jesu

⁷ Came ahri quitire yahuahye Jesu:

—Mʘsare dahra cohteriquiro ijiro wesepũ tanare. Sa yero ovejare ihña ihbore. ¿Dahra cohteriquiro tiquiro tojoa wihigũ dũhse niboagari mʘsa tiquirore? ¿“Sojaro mehna ahtaya. Mũhũ ihyaye ohõpũ ijire”, niboagari mʘsa?

⁸ Sa niedare mʘsa. Tiquirore ohõ saha nine mʘsa: “Yũhũ ihyayere doha quehnoña. Sa yegũ yũhũ ihya sih-nigũ yũhũre cohteya. Yũhũ bato mũhũ gũhũ ihya sihniña”, nine mʘsa dahra cohteriquirore.

⁹ Dahra cohteriquiro mʘsa dutiyere tiquiro yegũ tiquirore “Quehnoare”, niedare mʘsa. Tiquiro dahraye dihitare yero niaga tiquiro.

¹⁰ Mʘsa gũhũ tiquiro yero saha ijire. Cohãcjũ dutiriro sahata ye pehona ohõ saha ni, tũhotuya mʘsa. “ʘsã gũhũ dahra cohtena dihita ijiaja. Ihyo ijina ijiaja ʘsã. ʘsã dahraye dihitare yei ʘsã”, ni, tũhotuya mʘsa, niahye Jesu tiquiro buheyequinare.

Pũa omopequina cami bũcũ mũna wihare yũhdũoahye Jesu

¹¹ Ape deco Jerusalẽpũ Jesu waharo niahye. Topũ waharo Samaria yehpa, Galilea yehpa, ti pũa yehpa watoa yũhdũ cãhye.

¹²⁻¹³ Ape macapũ wahari mahapũ tiquiro tinigũ pũa omopequina cami bũcũ mũna wiha pehe tiquirore piti cahye. Sa ye yoa cjũnopũ ducuye pisuahye:

—Jesu, pũhto, ʘsãre paja ihñaña, ni-ahye tiquina.

¹⁴ Sa nigũ tiquinare ihña, yahuahye Jesu:

—Pahire mʘsa pagũrire quehnoañe pagũri mʘsa waharire ihñaona wahaya, niahye tiquinare.

Sa nidi bato tiquina wahari watoa quehnoa wahahye.

¹⁵ Sa yero ihcãquiro tiquina mehna cjũno quehnoano tiquiro pagũ wahagũ ihñaño, Jesu cahapũ majare tojoa tahye. Sa tojoa taro tutuaro mehna Cohãcjüre ño peoahye. “Cohãcjũ tutuariquiro, quehnoariquiro ijire”, ni, ño peoahye tiquiro.

¹⁶ Sa nino tiquiro Jesu dahpocãri caha dũsepe curi mehna quehe sa, “Quehnoare”, niahye tiquiro. Samaria cjũno ijiahye.

¹⁷ Tiquiro sa yeri bato Jesu ohõ saha ni sinituahye:

—Pũa omopequina ijiri masa quehnoa wahariquina. ¿Apequina nueve dũhsayequina pehe nohopũ ijiagari tiquina?

¹⁸ Ahriquiro ape yehpa cjũno dihita Cohãcjüre “Quehnoare”, nino taro tojoa tari. ¿Dũhse ijiro boro apequina ahtaerajari? niahye Jesu.

¹⁹ Sa ni tuhasa Jesu yahuahye dũsepe curi mehna quehe sariquirore.

—Wahcãducaya. Wahaya. Mũhũ Cohãcjüre wacũ tutuagũ, yũhdũre mũhũ, niahye Jesu tiquirore.

Cohãcjũ tiquiro pũhtoro ijiatire yahuahye Jesu

(Mt 24.23-28, 36-41)

²⁰ Ti pjere meheñequinagã fariseo masa Jesure sinituahye:

—¿Dũhse ijigũ Cohãcjũ pũhtoro iji dũcarotari? niahye tiquina.

Tiquina sa nigũ Jesu yãhtiahye:

—Cohãcjũ tiquiro pũhtoro iji dũcagã masa ihña masiedare.

²¹ “Cohãcjũ pũhtoro ijiye ohõpũ ijire”, ni masiedare. “Sohõpũ ijire”, ni masiedare. Cohãcjũ tiquiro pũhtoro ijiye masa tiquina tũhotuyepũ ijire, niahye Jesu fariseo masare.

²² Sa ni tuhasa Jesu tiquiro buheyequinare ohō saha ni yahuahye:

—Came yahu masu Cohācjū ohorigu ahri yehpapu yahu tojoa tatire tutaro cahmenata masa. Mehenogā yuhare ihña duepenata yuhare ihñasi masa. Masa yuhare sa ihña duepegūta ti pjere ahtasi yahu.

²³ Apequina masare ohō saha ni-eta. “Tiquirore ihñaña. Cristo ijire. Ahriquirore ihñaña. Cristo ijire”, ni-eta masare. Tiquina sa niepegūta tiquinare tahoeracāhña.

²⁴ Upo miadoqueoro wacūeno mehna ti mia sitedoqueoro sahata yahu gāhu masu Cohācjū ohorigu wacūeno mehna tojoa tautja.

²⁵ Ahrire yahu yeato pano yahu tutaro ñano yahduta. Sa ye yojopu cjēna yuhare cahmesi.

²⁶ Noé tiquiro ijiri pje cjēna tiquina ijiriro sahata yahu masu Cohācjū ohorigu yahu tojoa tagū sata ijieta masa.

²⁷ Noé tiquiro ijiri pjere ijipihtiyequina masa sa ihyaducue tiahye. Sa ye sihniducue tiahye. Umua, numia mehna omoca dahtee tiahye. Noé pajiria yucsapu tiquiro sajāto pano Cohācjū tiquinare tiquiro mioato pano ti ijipihtiyere masa yeducue tiahye. Sata ijirota yahu tojoa tagū gāhure.

²⁸ Lote tiquiro ijiri pje cjēna tiquina ijiriro sahata yahu tojoa tagū ijieta masa. Lote tiquiro ijie tiri pjere masa ihya, sihni, dú, dua, weserire ote, wahuase yeahye.

²⁹ Tiquina sa yeri watoa Sodoma wame tiri macapu ijiriquiro Lote tiquiro wahari deco ahmuse cjā peca, peca asiye paca utā pjeri gāhu acoro ahtaro saha tiquina bui bora pje, tiquinare wejē pehoe tiahye.

³⁰ Yahu masu Cohācjū ohorigu wacūeno mehna yahu tojoa tagū tiquina yero sahata yeyequina ijieta masa ti pjere.

³¹ 'Ti pjere ihcāquiro tiquiro ya wahu bui cjā paapu quehnoari paapu ijiriquiro wahu puhiapu tiquiro ye ijigū tire neno wahaeracāhdo tiquiro

sojaro mehna wahato saha. Sa yero wesepu ijiriquiro gāhu ti pjere tiquiro ya wahu puhiapu piheracāhdo tiquiro sojaro mehna wahato saha.

³² Lote namono ticoro waharire wacūña masa.

³³ Masano yuhare wacūno marieno tiquiro esa tuharo tiquiro cahmeno saha yero, pecapu waharota. Sa yero yeere sa yeducuriquiro ijipihitiye decori yahu mehna ahmusepu ijirota.

³⁴ 'Ti ñamine puaro ihcā cuñanopu carñequinare ihcāquiro yuhare cahmeniquirore neitja. Sa yero yuhare cahmedariquiro topu tojoarota.

³⁵ Ti pjere puaro numia ihcānopu tiquina trigore tu mutoñe numiare ihcācoro yuhare cahmenicorore neitja. Sa yero yuhare cahmedaricoro topata tojoarota.

³⁶ [Sa ye wesepu puaro dahrayequina tiquina ijigū ihcāquirota neitja. Ihcāquiro topu tojoarota,] niahye Jesu.

³⁷ Sa nigū tiquiro buheyequina pehe sinituahye tiquirore.

—¿Nohopu sa waharotari? ni sinituahye tiquina.

Tiquina sa nigū Jesu yahtiahye:

—Masa tiquina ñano yeducurioropu, topu Cohācjū buhiri dahrerota tiquinare, niahye Jesu.

18

Wape wihoro ticoro buhiri dahre dutiye queoyere yahuahye Jesu

¹ Sa ye Jesu tiquinare Cohācjūre siniñene yahuro ohō saha niahye:

—Masa Cohācjūre sinina, cohteya tiquiro yahtiatire. Yoari pje cohtepinata bujua witieracāhña. Tiquirore sinina duhueracāhña, niahye Jesu.

² Tiquiro sa nidire buhero taro ahri queoye mehna yahuahye tiquinare:

—Ape macapu tiquina buhiri dahre dutiriquiro ijiahye. Tiquiro Cohācjūre ño peerahye. Sa yero masa gāhure ño peerahye.

³ Sa yero wape wihoro gāhu topu ijiahye. Ticoro tiquiro cahapu sa majareno ohō saha niahye: “Yuhare ihña

tuhtiriquirore buhiri dahre dutiya m̄h̄h̄. Ȳh̄h̄re ni cahmota basaya”, ni siniducuahye ticoro tiquirore.

⁴ Ticoro sa nigã peye tahari tiquiro “Yesi ȳh̄h̄”, nimahye ticorore. Tiquiro sa niepegũta ticoro peye tahari sa siniducuro tiquirore ni cariboro ye cãmahye. Ticoro caribogũ, ohõ saha niahye tiquiro basi. “Ȳh̄h̄ Cohãcjũre, masa gũh̄h̄re ño peoeraja.

⁵ Ȳh̄h̄ sa ño peoegũ ȳh̄h̄ ijiepegũta ahricoro pehe ȳh̄h̄re caribo ye cãmaga. Ȳh̄h̄re sa cariboro ȳh̄h̄re caributigũ yerota ticoro. Sa ni yahusãducugũ ticorore ihña tuhtiriquirore buhiri dahre dutiitja”, niahye buhiri dahre dutiriquiro, niahye Jesu.

⁶ Sa nino Jesu tiquinare yahu nemoahye:

–Sa niahye ñariquiro buhiri dahre dutiriquiro. Tiquiro nidire wacũña m̄sa.

⁷ Tiquiro ȳh̄h̄oro Cohãcjũ pehe tiquiro yequina tiquiro besheriquinare ñamip̄, decop̄ tiquirore sinidiquinare ȳhtiro, yedohorota.

⁸ M̄sare niita niaja. Cohãcjũre tiquina sinidiro sahata duita tiquinare yedohorota. ¿Tiquiro sa ȳhtiriquiro ijiepegũta ȳh̄h̄ masu Cohãcjũ ohorigũ ahri yehpap̄ tojoa tagũ Cohãcjũre wacũ tutuayequinare bocaboagari ȳh̄h̄? niahye Jesu.

P̄aro masa Cohãcjũre tiquina siniñe quitire yahuahye Jesu

⁹ Sa ye apeye quti mehna ohõ saha ni yahuahye Jesu: “Ûsã pehe quehnoana ijiaja. Apequina pehe ñano yeyequina ijire”, ni, t̄hotuyequinare ahri quitire yahuahye:

¹⁰ –Cohãcjũ ya w̄h̄p̄ p̄aro um̄a Cohãcjũre siniñe wahahye. Ihcãquiro fariseo masuno ijiahye. Apequiro wapa ne cohteriquiro ijiahye.

¹¹ Sa yero fariseo masuno pehe ducu, ohõ saha ni yahuahye Cohãcjũre: “Ȳh̄h̄ yaquerigũ, ñañene yerigũ, numia mehna ñano yerigũ ijieraja. Apequina yero saha ijieraja.

Ahriquiro wapa ne cohteriquiro yero saha ñagũ ijieraja. Sa yegũ m̄h̄h̄re ‘Quehnoare’, niaja Cohãcjũ.

¹² Ȳh̄h̄ semanaripe p̄a decore m̄h̄h̄ yere yegũ sijiaja. Sa yegũ p̄a omope cjoeri niñeru cjoerire wap̄atagũ ihcã cjoere m̄h̄h̄re ohoaja”, ni ahye fariseo masuno Cohãcjũre.

¹³ Sa yero wapa ne cohteriquiro pehe yoarop̄ muhri yo ducu, tiquiro ñañene bujua witi, um̄sep̄re ihñedahye. Tiquiro ñañene bujua wiritiriquiro ijiro tiquiro cutirore quẽ ohõ, siniahye Cohãcjũre: “Cohãcjũ, ȳh̄h̄ ñagũ ijiaja. Sa yegũ m̄h̄h̄ paja ihñaña ȳh̄h̄re”, niahye tiquiro Cohãcjũre.

¹⁴ M̄sare niita niaja. Ahriquiro wapa ne cohteriquiro pehere tiquiro ya w̄h̄p̄ tojoagũ Cohãcjũ pehe “M̄h̄h̄ ñañene cohã tuhasa”, ni ahye tiquirore. Apequiro fariseo masunore “M̄h̄h̄ ñañene cohã”, niedahye Cohãcjũ. “Ȳh̄h̄ quehnoagũ ijiaja”, nidiquiro Cohãcjũ ihñagũ ñariquiro ijire. “Ȳh̄h̄ ñagũ ijiaja. Sa yegũ yee ñañene bujua witi”, nidiquirore Cohãcjũ quehnoariquiro ijigũ yerota tiquirore, niahye Jesu.

Macanagãre tiquina ye ijiatire Cohãcjũre sini basahye Jesu (Mt 19.13-15; Mr 10.13-16)

¹⁵ Sa ye masa tiquina pohnene macanagãre Jesure ña peo dutiye tehe, tiquiro cahap̄ ne wihiahye. Tiquina sa yegũ ihñañe Jesu buheyequina tiquinagãre ne wihieyequinare tuhtiahye.

¹⁶ Tiquina sa tuhtigũ ihñano Jesu macanagãre pijioahye tiquiro cahap̄. Pijio tuhasa ohõ saha niahye tiquiro buheyequinare:

–Macanagã ȳh̄h̄ cahap̄ ah-taahro. “Waharisa”, niedacãhña tiquinagãre. Tiquinagã Cohãcjũre tiquina p̄htoro t̄hoture. Sa ye Cohãcjũ p̄htoro ijiorp̄re ahriquinagã yero sahata t̄hotuyequina ijire top̄re.

17 Potota niita niaja m̄sare. Ahriquinagã Cohãcjũre tiquina cahmeno saha m̄sa pehe cahmedana, tiquiro cahap̄m wahaŋi m̄sa. M̄sa wahaeragũ m̄sa p̄h̄toro ijisi tiquiro, niahye Jesu.

*Doeri cjẽ up̄ro Jesure sinituahye
(Mt 19.16-30; Mr 10.17-31)*

18 Tiquiro sa nidi bato judio masa p̄h̄toa mehna cjũno Jesure sinituahye:

—¿Ne, quehnoagũ, buhegũ, ijipih̄tiye decori Cohãcjũ mehna iji duagũ, d̄h̄se yeboagari ȳh̄m? niahye tiquiro.

19 Tiquiro sa nigũ Jesu ȳh̄tiahye:

—¿D̄h̄se ijiro boro ȳh̄m̄re “Quehnoagũ”, ni pisuajari m̄h̄m? Cohãcjũ dihita quehnoariquiro ijire.

20 Ahri Cohãcjũ dutiyere masine m̄h̄m. “W̄hana tieracãh̄ña. Masare wejẽdacãh̄ña. Yaqueracãh̄ña. Ni mehoedacãh̄ña. M̄sa pac̄sum̄are ño peoya”, ni, sa ye dutire Cohãcjũ. Sa yegũ tire yeya m̄h̄m, niahye Jesu.

21 Tiquiro sa nigũ Jesure ȳh̄tiahye:

—Tire ijipih̄tiyere ȳh̄m̄ coã wahm̄na cãhtagũ ijigup̄ta ȳh̄d̄ud̄caera Cohãcjũ yere yena tana m̄sa w̄h̄sere, m̄sa pac̄sum̄are, m̄sa bahanare, m̄sa namosãnumiare, m̄sa pohnare c̄rina ijina pajiro wapatanata m̄sa yojop̄re.

22 Tiquiro sa nigũ t̄horo, Jesu tiquirore ohõ saha ni yahuahye:

—Mehenogã d̄h̄sare m̄h̄m̄re m̄h̄m̄ ye pehoati. Ijipih̄tiyere m̄h̄m̄ yere duagũ wahaya. Sa yegũ ijipih̄tiye m̄h̄m̄ wapatarari niñerure pejec̄oyequinare ohoya. M̄h̄m̄ sa yegũ peye m̄h̄m̄ ye ãhm̄sep̄m̄, Cohãcjũ cahap̄m̄ ijirota. Sa ye tuhasagũ ȳh̄m̄ mehna cjũ ijicjũ ahtaya, niahye Jesu tiquirore.

23 Tiquiro sa nigũ t̄horo tiquiro pehe peye doeri cjẽ c̄oriquiro ijiro tire pejec̄oyequinare oho dueraro, tutuaro b̄j̄ma witi, wahaa wahahye.

24 Tiquiro sa b̄j̄ma witigũ ih̄nano Jesu ohõ saha ni yahuahye apequinare:

—Doeri cjẽ opana Cohãcjũ tiquiro p̄h̄toro ijirop̄re tiquinare waharo basioera cjũre.

25 Camello pehe awia copep̄m̄ tiquiro sajã duagũ basioerare tiquirore. Tiquiro sa ijiro ȳh̄d̄oro doeri cjẽ up̄ro Cohãcjũre cahmedaro, Cohãcjũ tiquiro p̄h̄toro ijirop̄re waharo basioerare, niahye Jesu.

26 Tiquiro sa nigũ tiquirore t̄hoyequina ohõ saha niahye:

—Aa, d̄h̄se tiquiro nino saha pota ijigũ, ne ihcãquiro mas̄no Cohãcjũ cahap̄m̄ waha masiedaboaga, niahye tiquina basi.

27 Tiquina sa nigũ Jesu ȳh̄tiahye:

—Masa tiquina esa tuharo quehnoano yeri mehna Cohãcjũ cahap̄m̄ waha masiedare. Cohãcjũ pehe masare pecap̄m̄ wahaboriquinare ȳh̄d̄o masine. Tiquiro ijipih̄tiyere quehnoano ye masi peho cãre, niahye Jesu tiquinare.

28 Tiquiro sa nigũ Pedro tiquirore ohõ saha niahye:

—T̄horĩña. Ûsã pehe ijipih̄tiye ãsã yere c̄ cã m̄h̄m̄ mehna wahana, niahye tiquiro Jesure.

29 Tiquiro sa nigũ Jesu ohõ saha niahye:

—Potota m̄sare niita niaja. M̄sa Cohãcjũ yere yena tana m̄sa w̄h̄sere, m̄sa pac̄sum̄are, m̄sa bahanare, m̄sa namosãnumiare, m̄sa pohnare c̄rina ijina pajiro wapatanata m̄sa yojop̄re.

30 M̄sa c̄ri ȳh̄d̄oro wapatanata. Sa yena m̄sa yariari bato ijipih̄tiye decori Cohãcjũ mehna ijinata m̄sa, niahye Jesu tiquinare.

*Pari turi Jesu tiquiro yaria masa wijiatiyere yahuahye
(Mt 20.17-19; Mr 10.32-34)*

31 Sa ye Jesu doce tiquiro buheyequinare neahye. Sa neano tiquinare yahuahye:

—T̄hoya ȳh̄m̄re. Yojop̄re mari Jerusalẽp̄m̄ wahana niaja. Top̄m̄ ȳh̄m̄re mas̄re Cohãcjũ ohorigure Cohãcjũ yere yahu m̄h̄tariquina panop̄m̄ tiquina yahuriro sahata sa yeeta ȳh̄m̄re.

32 Top̄m̄ masa ȳh̄m̄re ñeñe, judio masa ijieyequinare ohoeta ȳh̄m̄re.

Yuhare tiquina ohoi bato tiquina yuhare bajupe, ñano ni, yuhare sihco puti ohõeta.

³³ Sa ye yuta dari mehna tana tuhasa wejẽeta yuhare. Sa yegu ihtia deco wahaboro masa wijiaguta yuh, niahye Jesu tiquinare.

³⁴ Tiquiro sa ni yahurire quehnoano masiedahye tiquiro buheyequina. Cohãcjũ tire tiquinare quehnoano masigũ yeraniahye.

Caperi bajueriquirore ihñagũ yeahye Jesu

(Mt 20.29-34; Mr 10.46-52)

³⁵ Sa ye Jesu gũh Jericó wame tiri maca cahagãp esahye. Topu caperi bajueriquiro maha dũhtũ caha ñuji, niñeru sinino niahye.

³⁶ Sa yero masa peyequina tiquiro caha yũhdũagũ tũhoro sinituahye tiquinare:

—¿Dũhse ijero boro masa peyequina yũhdũajari? ni sinituahye tiquiro.

³⁷ —Jesu Nazare cjãno waharo nine, ni, yahuahye apequina tiquirore.

³⁸ Tiquina sa ni yahugũ tũhoro tiquiro sañuducuahye:

—Jesu, Davi mũnano panami iji turiagu, masare yũhdũoacjũ, yuhare paja ihñaña, ni sañuducuahye Jesure.

³⁹ Tiquiro sa nigũ tiquiro caha ihñaducuyequina pehe, “Dihta mari-ahña”, ni tuhtiahye tiquirore. Tiquina sa ni tuhtiepegũta to pano tiquiro sañuducuriro yũhdũoro sañuducu nemoahye tja:

—Davi mũnano panami iji turiagu, masare yũhdũoacjũ, yuhare paja ihñaña, ni sañuducuahye tiquiro.

⁴⁰ Tiquiro sa ni sañuducugũ tũhoro, Jesu pehe esadũca, “Pijioya tiquirore”, niahye. Tiquiro sa nigũ tiquina pehe caperi bajueriquirore piji cãhye. Tiquina sa piji cãgũ Jesu cahapũ esagũ Jesu pehe tiquirore sinituahye:

⁴¹ —¿Dũhse yuhũ yegũ cahmeajari mũhũ? niahye Jesu.

—Yuhũ pũhto, yuhare ihñagũ yeya, ni yahtiahye caperi bajueriquiro.

⁴² —Ihñaña. Yuhare wacũ tutuagu, quehnoa wahare mũhũ, niahye Jesu tiquirore.

⁴³ Tiquiro sa nigũta caperi bajueriquiro ihñaa wahahye. Sa quehnoa waharo, tiquiro Jesu mehna wahahye. “Cohãcjũ tutuariquiro ijire”, niahye tiquiro. Sa ye masa peyequina caperi bajueriquiro ihñagũ ihñañe “Cohãcjũ quehnoariquiro, tutuariquiro ijire”, niahye tiquina gũhũ.

19

Zaqueo Jesure piti cahye

¹ Sa ye Jesu Jericópa esa, ti macapũ yũhdũ cãno taro niahye.

² Doeri cjẽ upũro Zaqueo wame tiriquiro wapa ne cohteyequina pũhtoro topũ ijiahye.

³ Sa yero tiquiro Jesure “¿Diquiro boro ijiagari?” ni ihña masino taro Jesure ihña duamahye. Sa tiquiro ihña duepegũta hũmædiquirogã ijigũ masa peyequina tiquirogãre cahmo-tahye.

⁴ Sa yero tiquiro masare oma yũhdũ cã, sicómoro wame tidũ yucũgũpũ mũjahye Jesure ihñano taro. Came cjũnogã tũ cahapũ Jesu yũhdũaro taro niahye. Sa yero Zaqueo tũpũ cohtero niahye.

⁵ Tiquiro sa cohte pesari watoa Jesu pehe tũ dahpotopũ esadũca, Zaqueore ihña mũo, tiquirore pisuahye:

—Zaqueo yojopũre mũhũ ya wũhũpũ tojoagũtja. Sa yegũ sojaro mehna dijia taya, niahye Jesu.

⁶ Tiquiro sa nigũ Zaqueo pehe sojaro mehna dijia ta, tutuaro bucueye mehna tiquiro ya wũhũpũ waha dutiahye Jesure.

⁷ Tiquiro sa piti cagũ ihñañe, ijip-ihtiyequina masa tiquina basi ohõ saha ni yahuducuahye:

—Ahriquiro Jesu ñariquiro ya wũhũpũ tinino waha duare, ni, yahuducuahye ijipihtiyequina tiquina basi.

⁸ Zaqueo pehe piti ca tuhasa topũ ducuro, Jesure yahuahye:

—Pũhto, tũhoya yũhũre. Ijipihtiye yeere deco mehna pejecũoyequinare ohoutja. Sa yegũ yũhũ apeqũirore cien niũneru cjoerire ni meho ehmarigũ ijigũ, cuatro cientos niũneru cjoerire wapa ye bui peoutja tiquirore, niahye Zaqueo Jesure.

⁹ Tiquiro sa nigũ Jesu pehe yahuahye tiquirore:

—Miare mũhũre mũhũ ya wũhũpũ ijiyequina gũhũre pecapũ wahaboriquinare Cohãcjũ yũhdũo tuhasare. Mũhũ gũhũ Abrahã mũnano acayũ ijire.

¹⁰ Yũhũ masũ Cohãcjũ ohorigũ pecapũ wahaboriquinare macagũ ahtagũ nii. Topũ wahaboriquinare quehnoano yũhdũogũ ahtagũ nii, niahye Jesu Zaqueore.

Niũneru cjoeri uru cjoeri quitire yahuahye Jesu

(Mt 25.14-30)

¹¹ Sa ye tiquirore tũhoyequinare Jesu apeye queoye mehna yahuahye. Mehenogã dũhsahye Jerusalẽpũ tiquiro esato. Sa ye tiquirore tũhoyequina ohõ saha ni tũhotuahye: “Cohãcjũ pũhtoro yojopũre iji dũcaro taro nine”, ni, tũhotuahye tiquina.

¹² Tiquina sa ni tũhotugũ Jesu yahuahye tiquinare:

—Ihcãquiro pũhtoro macũno pũhtoro sajãtiquiro yoaropũ ape yehpapũ waharo taro niahye. Topũre esagũ ihũano tiquina tiquirore pũhtoro sõũe tee niahye. Came tiquiro ya wũhũpũ tojoa wihiro taro niahye.

¹³ Coã warore tiquiro wahato panore pũhtoro pũa omopequina dahra cohteyequinare pijioahye. Sa pijioro, tiquiro tiquinare tiquinape cjoeri niũneru cjoeri wapa bujũye cjoeri uru cjoerire ohoahye. Oho tuhasa, yahuahye tiquinare: “Yũhũ mariedagũ ahri niũneru mehna mũsa wapata nemoatire macaũa”, niahye tiquiro dahra cohteyequinare.

¹⁴ Sa ye tiquiro ya maca cjẽnata tiquirore cahmedahye. Sa cahmedaye, apeqũinare tiquirore pũhtorore

yahu dutiye ohoahye. “Mũhũ usã pũhto ijigũ cahmedaja usã”, niahye tiquina yahu dutiriquina pehe.

¹⁵ Sa tiquina cahmedapegũta came tiquina pũhtoro sajãhye tiquiro. Pũhtoro sajã tuhasa tiquiro ya wũhũpũ tojoa tahye.

’Sa tojoa wihiro dahra cohteyequinare tiquiro ye niũneru mehna tiquina wapata nemorire masino taro, tiquinare pijioahye.

¹⁶ Tiquiro pijiori bato, wihi mũhtariquiro tiquirore yahuahye: “Pũhto, mũhũ niũneru cjoer, yũhũre mũhũ ohori cjoer mehna pũa omope cjoeri wapata nemou yũhũ”, niahye dahra cohteriquiro pũhtorore.

¹⁷ “Quehnoano yeaya mũhũ. Mũhũ quehnoagũ dahra cohtegũ ijire. Mũhũ mehenogã mehna yũhũ dutiriro saha ye pehogũ ijigũ yojopũ pũa omope macari cjẽnata tiquina pũhto ijicajũ wahagũta mũhũ”, niahye pũhtoro dahra cohteriquirore.

¹⁸ Tiquiro bato wihiriquiro tiquiro mehna cjẽnata ohõ saha niahye: “Pũhto, mũhũ ya cjoer niũneru cjoer yũhũre mũhũ ohori cjoer mehna ihcã omope cjoeri wapata nemou yũhũ gũhũ”, ni yahuahye tiquiro pũhtorore.

¹⁹ “Ihcã omope macari cjẽnata pũhto ijicajũ wahagũta mũhũ”, niahye pũhtoro tiquirore.

²⁰ Tiquiro sa nidi bato apeqũiro dahra cohteriquiro wihi, yahuahye: “Pũhto, mũhũ niũneru cjoer ohõ ijire. Suhtiro cahsero mehna coma, ti cjoere ihbou.

²¹ Mũhũ tutuaro dahra dutigũ ijire. Sa tutuaro dahra dutigũ ijigũ mũhũ basi oterapegũta ti dũcare nene mũhũ. Sa yegũ mũhũre cue nii”, niahye tiquiro pũhtorore “Ti cjoer mehna wapataerũ yũhũ”, ni yahuro.

²² Tiquiro sa nigũ tiquiro pũhtoro ohõ saha niahye: “Mũhũ sa nigũ ñagũ ijire mũhũ. Yũhũre mũhũ sa nidi buhiri mũhũre buhiri dahregũtja yũhũ. Yũhũ mũhũre tutuaro dahra dutigũ yũhũ ijigũ masine mũhũ. Apeqũina yere yũhũ negũ yũhũ oterarigũ

ijiepeguta ducare negu yuhu ijigū masine mahu.

²³ Yuhu sa ijigū ihñaepoguta ya cjoere niñeru ihbori wuhupū cūedahya mahu. Tire tiquina wasori wapa wapata nemoboaya mahu. ¿Duhsegū sa yerari mahu? Tire mahu yegū tojoa wihigū wapata nemoboaya yuhu”, niahye tiquina puhtoro.

²⁴ Sa ni tuhasa tiquiro cahapū ducuyequinare dutiahye: “Niñeru cjoere ehmaña tiquirore. Pua omope cjoerire cūoriquirore ohoya”, niahye puhtoro.

²⁵ Tiquiro sa nigū tiquina pehe yahuahye tiquirore: “Puhto, pua omope cjoeri cūoriquiro peye cūo tuhasare”, niahye tiquina.

²⁶ Tiquina sa nigū puhtoro yuhtiahye: “Musare niita niaja. Ijipihtiyequina cūoyequinare oho nemoutja. Cūoeriquiro pehere mehenogā tiquiro cūoepogūta tire ehmagatja.

²⁷ Yojopū pūritare yuhure ihña tuhtiyequinare yuhure tiquina puhtoro iji dutierariquinare yuhu cahapū ne cāhtaya. Sa yena yuhu ihñonopū wejēña tiquinare”, niahye puhtoro dahra cohteyequinare, ni, buheahye Jesu.

Jerusalēpū esahye Jesu

(Mt 21.1-11; Mr 11.1-11; Jn 12.12-19)

²⁸ Sa ni tuhasa Jesu apequina pano Jerusalēpū wahahye.

²⁹ Tiquiro Betfagé wame tiri maca cahapū Betania wame tiri maca cahapū esa, cūnū Olivo wame tidū cahapū esa muhtahye. Jerusalēpū tiquiro esato mehenogā dūhsatjiāhye. Sa yero puaro tiquiro buheyequinare Jesu ohoro ohō saha niahye:

³⁰ —Si macapū burrogāre nena wahaya. Topū esana, burrogāre tiquina dūhte docoriquirogāre boca sanata. Apequina pesamehnediquirogā ijiaga. Tiquirogāre bocana, yuta dare pā, ne cāhta basaya yuhure.

³¹ Mūsa sa yegū ihñano, burrogā uparo “¿Dūhsena burrogāre pājari?”

tiquiro nigū tuhona ohō saha ni yuhtiya tiquirore: “Mari puhtoro burrogāre cahmedoqueo nidi”, ni, yahuya tiquirore, ni yahu duti ohoahye tiquiro buheyequinare puarore.

³² Tiquiro sa nigū tiquina puaro pehe tiquiro nidiropū esahye. Tiquina sa esagū ijipihtiyē Jesu tiquiro nidiro sahata ijiyahye.

³³ Sa ye tiquirogāre tiquina pāgū ihñañe tiquirogā opana tiquinare sinituahye:

—¿Dūhse yena tana mūsa yuta dare pājari burrogāre? ni, sinituahye tiquina.

³⁴ —Mari puhtoro burrogāre cahmedoqueo nidi, ni yuhtiahye tiquina.

³⁵ Sa ni yahu tuhasa tiquirogāre Jesu cahapū ne sahye. Ne sa tuhasa tiquina bui cje suhtire tiquirogā bui seō peo, tiquirogā buipū Jesu mūja pjegū yedohoahye tiquina.

³⁶ Jesu tiquirogā bui pesagū tiquiro wahato pano masa tiquina bui cje suhtire tu we ne, mahapū seō cū muhtahye Jesure ño peoye.

³⁷ Sa ye tiquina Jerusalē cahagāpū esa, Olivo wame tidūpū dijia tari mahapū esahye. Topū Jesu buhegū tuhoyequina peyequina ijipihtiyē Cohācjū tutuaye mehna tiquiro ye ihñorire, tiquiro quehnoañe yerire tiquina ihñarire wacūñe, Cohācjūre “Quehnoagū, tutuagū ijire”, ni sañuducuahye. Sa ye tutuaro sañuducu, Cohācjūre ño peoye, ohō saha niahye:

³⁸ —Ahriquiroye Cohācjū tiquiro ohoriquirore, mari puhtorore Cohācjū quehnoano yeahro. Uhmūse cjeña quehnoano ijiyahro. Cohācjū tiquiro tutuariquiro ijigū ijipihtiyequina masiahdo, ni ño peohye tiquina.

³⁹ Tiquina sa nigū tuhoye fariseo masa meheñequinagā tiquina watoa ijiyequina Jesure yahuahye:

—Buhegū, mahu buheyequinare dihta maria dutiya, niahye tiquina.

⁴⁰ —Musare niita niaja. Tiquina sañuducueragū utā paca pari pehe

sañuducuboaga, niahye Jesu fariseo masare.

⁴¹ Sa ni tuhasa Jesu Jerusalē cahagāpū esa, ti macare ihñano, uti-ahye.

⁴² Ohō saha niahye tiquiro:

—Jerusalē cjāna yojopū pūritare mūsare pecapū wahaborinare Cohācjū tiquiro yūhdūoatire mūsa masigū quehnoa yūhdūaboaga. Sa ijiepegūta yojopūre mūsa tire ne tūho duerare. Sa yero Cohācjū tire mūsare masi dutierare.

⁴³ Mūsare ihña tuhtiyequina mūsa ijiri macare cahmota sotoa peho quēheeta. Sa ye, mūsare tiquina wijia dutisi.

⁴⁴ Ti pjeta tiquina mūsa ya macare cohā pehoeta. Mūsa gūhure wejēeta. Mūsare ihña tuhtiyequina quehnoano cohā pehoeta mūsa ya macare. Cohācjū pecapū wahaborinare mūsare tiquiro yūhdūoatire mūsa masi duerari. Mūsa masi duerari buhiri mūsare ihña tuhtiyequinare Cohācjū mūsare cohā dutirota, niahye Jesu Jerusalē cjēnare.

Cohācjū wūhūpū Jesu esahye

(Mt 21.12-17; Mr 11.15-19; Jn 2.13-22)

⁴⁵ Sa ye Jerusalēpū esaro, Jesu Cohācjū wūhūpū sajāa wahahye. Sa yero apee boro duayequinare ti wūhūpū ijieyequinare boca saro, tiquinare cohā wio cāhye. Ohō saha niahye tiquinare:

⁴⁶ —Cohācjū yere tiquina ojoari pūpū ohō saha nine: “Ya wūhū Cohācjū mehna yahuducuri wūhū wame tirota”, niahye tiquiro yere tiquina ojoari pūpū. Tiquiro sa niepegūta mūsa pehe ahri wūhūpū duana, mūsa basi cahme yaquere mūsa, niahye Jesu.

⁴⁷ Sa ye decoripe Cohācjū wūhūpū Jesu buheahye. Sa ye pahia pūhtoa, judio masare buheyequina, masa pūhtoa gūhū tiquirore tiquina wejēatire wacū macahye.

⁴⁸ Masa ijipihtiyequina tiquirore sa tūhoducuye, tiquiro buheyere

quehnoano tūho nūnūñequina ijiahye. Tiquina sa quehnoano tūho nūnūgū Jesure wejē duayequina pehe tiquirore tiquina wejēatire bocaerahye.

20

Pahia pūhtoa, judio masare buheyequina, būcūna gūhū Jesu mehna cahme tuhtiyequina

(Mt 21.23-27; Mr 11.27-33)

¹ Ape deco Cohācjū wūhūpū Jesu masare quehnoañe buheyere buhero niahye. Tiquiro sa buhegū pahia pūhtoa, judio masare buheyequina, būcūna mehna tiquiro cahapū wihiye, sinituahye:

² —Yahuya ūsāre. ¿Dūhsegū canūre sa yeari mūhū? ¿Noa mūhūre tire sa ye dutiari? niahye tiquina Jesure.

³ Tiquina sa nigū Jesu yūhtiahye tiquinare:

—Mūsa pehere sinitu mūhtagūtja. Yahuya yūhūre.

⁴ ¿Ñū masare tiquiro wame yegū noa boro pehe tiquirore wame ye dutiyari, mūsa tūhotugū? ¿O Cohācjū dutierayari? ¿O masa pehe dutiyari, mūsa tūhotugū? ni sinituahye Jesu tiquinare.

⁵ Tiquiro sa nigū tiquina pehe tiquina basi ohō saha niahye:

—¿Dūhse ni yūhtinatari mari? “Cohācjū Ñūre dutie tiahye”, mari nigū, “¿Dūhsena Ñūre Cohācjū dutiepegūta tiquirore tūho duerari mūsa?” niboaga Jesu marine. Sa yena “Cohācjū Ñūre dutiye tiahye”, ni yūhti masiedaja mari.

⁶ Ahriquina masa pehe “Potota Ñū Cohācjū yere yahu mūhtariquiro ijire”, ni tūhoture tiquina. Sa ni tūhotuye “Ñū tiquiro wame yegū Cohācjū tiquirore dutierahye”, mari nigū tūhoye marine masa ūtā paca mehna doqueeta. Sa yena ti gūhūre yūhti masiedaja mari, ni yahuducuahye tiquina basi.

⁷ Sa ni yahuducu tuhasa tiquina Jesure yūhtiahye:

—Ñure wame ye dutiriquirote usã masiedaja, niahye tiquina.

⁸ Tiquina sa nigũ Jesu yãhtiahye:

—Ti pje pũrita yũhũ gũhũ mũsa sinitu mãhtarire yahueraja mũsare. Ahrire yũhũ yerire dutiriquirote yahueraja mũsare, niahye tiquinare.

Ñãnequina dahra cohteyequina queoyere yahuahye Jesu (Mt 21.33-44; Mr 12.1-11)

⁹ Sa ye Jesu tiquiro tãhotuye mehna queoye mehna ohõ saha ni buhe dũcahaye masare:

—Wese upũro ãhse darire oteahye. Ote tuhasa, ti wesere apequinare ihcã pehe pahma cũahye. Pahma cũno ti wesere tiquinare ihña ihbo dutiahye. Sa duti tuhasa ape yehpapũ waha, yoari pje bajuerahye.

¹⁰ Sa yero ãhse ñidi pje ijigũ wese upũro tiquiro cahacjãnore wesere ihña ihboyequina cahapũ ohoahye. Wese cjẽ oteri dũcare tiquiro ya pahrẽ cjẽne ne dutiro ohomahye. Sa ye ihña ihboyequina pehe tiquiro cahacjãnore piti ca quẽahye tiquirote. Sa ye tiquina tiquirote dũcare ohoerapeta tojoa dutiahye.

¹¹ Sa yero wese upũro apequiro tiquiro cahacjãnore ti wese cjẽ oteri dũcare ne dutiro ohomahye tja. Sa ye wesere ihña ihboyequina tiquiro gũhũre quẽ, ñano yeahye tiquirote. Sa ye tuhasa tiquirote ti dũcare ohoerapeta tojoa dutiahye tja.

¹² Tiquina sa yeri bato wese upũro apequiro cahacjãnore ohomahye tja. Sa ye wesere ihña ihboyequina pehe tiquiro gũhũre cami dahre, ti wese dũhtũ cahapũ cohã cãhye tiquirote.

¹³ Tiquina sa yeri bato wese upũro ohõ saha ni tãhotumahye: “¿Dũhse yegũtari yũhũ? Ohõ saha yegũtja. Yũhũ macũre yũhũ cahñiquirote ohogũtja. Ijirota ijire. Tiquina tiquirote ño peoeta”, ni tãhotumahye wese upũro pehe.

¹⁴ Sa ye tiquiro macũnore tiquiro ohoriqirore esagũ ihñañe ihña ihboyequina pehe tiquina basi ohõ saha ni, yahuducuahye. “Ahriqiro

wese upũro macũno ijire. Tiquirote wejẽihna. Sa yero ahri wese mari ya wese tojoarota”, niahye tiquina basi.

¹⁵ Sa ni tuhasa wese upũro macũnore wese dũhtũ cahapũ nea, wejẽ cãhye tiquirote. ¿Tiquina sa yegũ ihñano dũhse yerotari wese upũro wesere ihña ihboyequinare? niahye Jesu.

¹⁶ —Ti wesere ihña ihboyequinare wejẽno taro, apequinare wesere ihña ihbo dutirota, ni yãhtiahye Jesu tiquiro basi.

Tiquiro sa nigũ tãhoye masa pehe ohõ saha niahye:

—Marine sa wahaeracãhdo, niahye tiquina.

¹⁷ Tiquina sa nigũ Jesu pehe tiquinare sinituahye:

—¿Cohãcjũ yere tiquina ojoari pũre ohõ saha ni yahuducuye, dũhse nino nijari, mũsa tãhotugũ?

Ahriqiro Cristo utã yero saha ijire. Utãre wũhũ dahreyequina tiquina cohãno saha masa tiquirote cohãeta. Tiquina sa yepegũta yojopũre wũhũ dahreyequina wũhũre yeye tiquina cũ mãhtaria utãre tiquina cũno saha Cohãcjũ tiquirote pũhtoro sõri, ni ojoahye.

¹⁸ Tjipihtiyequina tia utã bui doque queheyequinare mãta sitea wahaeta. Sa yero tia utã masũno bui bora pjero, mãtaa wahagũ yerota tiquirote. Tiquiro pagũ mãnanore daye manarigã wahagũ yerota, niahye Jesu. (Sa nino tiquirote cahmedariquina, tiquiro buhiri dahreatiquina tiquina ñano yãhdũatire yahuro niahye.)

Pũhtoa ye wapare apequina sinituahye Jesure

(Mt 21.45-46; 22.15-22; Mr 12.13-17)

¹⁹ Tiquiro sa nigũ tãhoye judio masare buheyequina, pahia pũhtoa gũhũ, “Jesu wesere ihña ihboyequina queoye mehna marine tuhtiro nine”, ni, tãhotuahye tiquina.

Sa ni t̄hotuye tiquina Jesure ñehe duamahye. Sa ñehe duepeta tiquina masare cue niahye.

²⁰ Sa cueye, Jesure tiquina ñeheatu p̄jere cohteahye tiquina. Sa ye “Poto ijiyequina yero saha ye meho ijiya m̄usa”, niahye tiquina apequinare. Tiquiro ñano ni ȳhtiḡu ye duaye nimahye tiquirore yahusã duaye. Sa ye Jesure sinitu dutiye ohoahye ni mehoñequinare. Jesu ñano ni yahuducuḡu t̄hoye ti yehpa cj̄ena p̄htorore peresu ye dutiye tee nimahye.

²¹ Sa ye tiquina Jesure ni meje c̄u sinituye nimahye:

—Buheḡu, poto yahuducuḡu, ni mehoñe marieḡu m̄uh̄u ijiḡu usã masiaja. Sa yeḡu ihc̄aquirop̄htoro waro tiquiro ijipeḡuta tiquiro ḡuh̄ure d̄oyaro marieno potota yahure m̄uh̄u. M̄uh̄u Coh̄acj̄u yere poto m̄uh̄u buheḡu ḡuh̄ure usã masiaja.

²² Yahuya us̄are. ¿Ne, Roma cj̄unore ijipihtiyequina p̄htorore gobiernocj̄ene marine wapa yero cahmeajari, m̄uh̄u t̄hotuḡu? ¿Mari dutiye wapa ye dutiajari, m̄uh̄u t̄hotuḡu? ni sinituahye tiquina Jesure.

²³ Tiquina sa niḡu t̄horo Jesu tiquina ñano ye duayere masino, tiquinare ȳhtiahye:

²⁴ —Yojop̄ure niñeru cjoere p̄htoare wapa yeati cjoere ne c̄htaya. Ti cjoere ihñauhna, niahye.

Ti cjoere tiquina ne wihiḡu ihñano oh̄o saha niahye Jesu:

—¿Noa boro queoye wahñajari ahri cjoere? ¿Noa boro wame wahñajari? niahye Jesu tiquinare.

—César, masa ijipihtiyequina p̄htoro queoye, tiquiro wame ḡuh̄u wahñare, ni ȳhtiahye tiquina.

²⁵ Tiquina sa niḡu Jesu yahuahye:

—Ti p̄je p̄rita masa ijipihtiyequina p̄htoro yere tiquiro pehere ohoya. Coh̄acj̄u yere Coh̄acj̄u pehere ohoya, niahye Jesu tiquinare.

²⁶ Sa ye masa tiquina ihñonop̄u Jesure ñano ni yahuducuḡu ye masiedahye tiquina. Sa ye Jesu ȳhtiyere t̄hoye, tiquina t̄ho maria

wahahye. Sa t̄ho maria waha, dihta maria wahahye.

Coh̄acj̄u tiquiro masoatire yahuahye Jesu saduceo masare

(Mt 22.23-33; Mr 12.18-27)

²⁷ Sa ye mehoñequinaḡa saduceo masa Jesu cahap̄u wihiahye. “Coh̄acj̄u yariariquinare masosi”, ni t̄hotuyequina ijiahye saduceo masa. Sa ye tiquina oh̄o saha niahye tiquirore:

²⁸ —Buheḡu, oh̄o saha ni buheahye Moise: “Ihc̄aquirop̄htoro tiquiro wahmino namo tiquiro pohna mariedaperota tiquiro yariaḡu ihñano tiquiro bah̄ore tiquiro wahmino namono ijiricorore n̄oano cahmene. Sa yero tiquiro wahmino m̄n̄ano tiquiro pohna tiboriro sahata pohna tiro cahmene tiquiro bah̄ore. Sa ye tiquiro pohne tiquiro wahmino m̄n̄ano pohne yero saha ijietu”, ni, ojoahye Moise, niahye tiquina.

²⁹ Tire ni tuhasa ahri quitire t̄ja yahu nemoahye Jesure:

—Ihc̄aquirop̄htoro mas̄ano ijiahye. Seis bahana tiahye. Tiquina wahmino pehe namo ti, pohna mariediquiro yariaa wahahye.

³⁰ Sa yero apequirop̄htoro tiquiro bah̄ore ḡuh̄u tiquiro wahmino namono ijiricorore n̄oahye. Tiquiro sa n̄oari bato tiquiro wahmino yero sahata pohna mariedaperota tiquiro ḡuh̄u yariaa wahahye.

³¹ Sa yero ahriquirop̄htoro tiquiro bah̄ore ḡuh̄u tiquiro wahmino m̄n̄ano yero sahata pohna mariedaperota yariaa wahahye. Sa dihita wahahye ihc̄aquirop̄htoro pohne waro. Ne pohna mariedapeta yaria pihtia wahahye.

³² Tiquina namono ijiricoro ḡuh̄u tiquina batota yariaa wahahye.

³³ ¿Ne, Coh̄acj̄u ijipihtiyequinare yariariquina m̄n̄are tiquiro masoḡu diquirop̄htoro namono pehe ijiboagari ticoro pototi? Tiquina ijipihtiyequina ticorore namo tiquina m̄na ijiahye. ¿Sa yero diquirop̄htoro namono pehe ijirrotari? ni sinituahye tiquina.

³⁴ Tiquina sa niḡu Jesu ȳhtiahye:

—Yojopu cjēna omoca dūhtere.

³⁵ Tiquina sa dūhtepegūta apequina pehe topu cjēna pehe sa ijierare. Apequina umūare, numia gūhure poto yeyequinare Cohācjū quehnoañequina ijigū yerota. Tiquina yariari bato masa mūjaeta. Sa ye tiquina topu omoca dūhterare.

³⁶ Sa ye tiquina angele yero sahata ne yariasi. Tiquina Cohācjū masoriquina ijiye, Cohācjū pohne ijire.

³⁷ Yojopare yariariquina mana tiquina masa wijiati pehere musare yahutja. Tire Moise quehnoano yahu pehoahye. Tiquiro mehenagā ujūri quitire ohō saha ni yahuahye: “Abrahā, Isaac, Jacob tiquina pūhtoro ijire Cohācjū,” ni ojoahye Moise.

³⁸ Tiquina yariari bato “Tiquina pūhto ijiaja”, ni yahuahye Cohācjū. Sa nieperota yariariquina mana pūhtoro ijierare Cohācjū. “Tiquina pūhto ijiaja”, tiquiro niñe mehna catiyequina tiquina ijigū masi-aja mari. Tiquiro catiyequina pūhtoro ijire. Ijipihtiyequina masa catire, Cohācjū ihñagū, niahye Jesu tiquinare.

³⁹ Tiquiro sa nigū meheñequinagā judio masare buheyequina ohō saha niahye:

—Buhegu, mūhu quehnoano yūhtiri, niahye tiquina Jesure.

⁴⁰ Sa ye pari turi Jesure sinitu duer-ahye tiquina.

Cristo pehe Davi mūnano pūhtoro ijire

(Mt 22.41-46; Mr 12.35-37)

⁴¹ Came Jesu ohō saha ni yahu nemoahye tiquinare:

—“Cristo Davi mūnano panamino iji turiariquiro ijirota”, ni buhere apequina. ¿Dūhse ye tiquina sa ni buheajari?

⁴² Davi mūnano tiquiro basi Salmopu tiquiro ojoari pūpu ohō saha ni, ojoahye:

Cohācjū yūhu pūhtorore ohō saha nidi: “Ohōpu yūhu poto pehepu dujiya.

⁴³ Sa yegu mūhure ihña tuhtiyequinare mūhure yūhdūduca basautja yūhu”, nidi Cohācjū yūhu pūhtorore, ni, ojoahye Davi mūnano.

⁴⁴ Sa ni ojoaro Davi mūnano Cristore “Yūhu pūhtoro”, ni pisuahye. Davi mūnano Cristo ñecūno iji turiariquiro ijieperota Cristore “Yūhu pūhtoro”, ni pisuahye. ¿Davi mūnano Cristo ñecūno iji turiariquiro ijieperota dūhse ijiro boro tiquiro “Yūhu pūhtoro”, ni pisuyari Cristore? Cristo pehe Davi mūnano pūhtoro ijire, ni yahuahye Jesu.

Judio masare buheyequina tiquina ñañe yeyere yahuahye Jesu

(Mt 23.1-36; Mr 12.38-40; Lc 11.37-54)

⁴⁵ Masa peyequina Jesure tiquina tūhori watoa Jesu pehe tiquiro buheyequinare ohō saha ni yahuahye:

⁴⁶ —Mari judio masare buheyequina tiquina ñañe yeyere ihñana quehnoano wacū masiña. Sa yena tiquina yero saha yeracāhña. Tiquina yoaye suhti saña, masa tiquina ihñonopu tini, doeri cjē duaropu apequina pūhtoare quehnoano ño peo tiquina sinino saha tiquina piti ca sinigū cahmene tiquina. Sa ye tiquina mari judio masa buheye wūhūsepū quehnoañe dujiye dihitare duji duare. Sa ye bose deco ijigū topu gūhure quehnoañe dujiye dihitare cahmene.

⁴⁷ Tiquina wape wiha numia ye wūhūsere tiquina cūoye gūhure ehmare ti numiare. Sa ye tiquina masa ihñonopu yoari pje Cohācjūre siniducumene masare ihña dutiye. Tiquina sa yegū apequina bui cjūno tiquinare Cohācjū buhiri dahrerota, niahye Jesu tiquinare.

21

Wape wihoro Cohācjū wūhūpū ticoro ohorire yahuahye Jesu

(Mr 12.41-44)

¹ Sa ni yahu tuhasa Cohācjū wūhu cjē niñeru tiquina sāri acarore niñeru opana tiquina ye niñerure duhu sāgū ihña dujiro niahye Jesu.

2 Sa ihñano wape wihoro pejecuoricoro pua cjoegãre ticoro duhu sãgũ gãhũre ihñahye.

3 Tire ihña tuhãsa ohõ saha ni yahuahye:

—Potota niita niaja musare. Ahricoro wape wihoro pejecuoricoro pehe niñeru sãri acaropu duhu sãno apequina ijipihtiequina ohori yuhduoro ohori ticoro pehe.

4 Apequina niñeru opana pajiro tiquina ohopegũta tiquina ye pajiro dũhsare. Ahricoro pehe pejecuoricoro ijieperota ijipihtie ticoro ihyatire ticoro dũborigãre oho pehori, niahye Jesu.

—*Cohãcjũ wũhũ cohõri wũhũ ijirota, niahye Jesu*

(Mt 24.1-2; Mr 13.1-2)

5 Sa ye apequina Cohãcjũ wũhũre ohõ saha niahye:

—Quehnoañe utã paca mehna yeri wũhũ, quehnoa yuhduari wũhũ ijicjoare. Masa Cohãcjũ ya wũhũ ijiatire tiquina ohori gãhũ ti wũhũpũre quehnoano cũri jire, ni, yahuducuye niahye.

Tiquina sa nigũ Jesu yahuahye tiquinare:

6 —Ahri ijipihtie mari ihñari wũhũsere, ahri utã paca gãhũre cohã pehoeta. Ne ihcãria utã tojoasi, niahye Jesu tiquinare.

Pihtiati deco ijiatire yahuahye Jesu
(Mt 24.3-28; Mr 13.3-23)

7 Tiquiro sa nigũ tuhoye tiquina pehe sinituahye tiquirore:

—¿Buhegu, dũhse ijigũ mũhũ nidiro saha sa waharotari? ¿Pihtiati deco panogã ijigũ dũhse ti waha dũcagũ ihñanatarĩ usã? ni sinituahye tiquina Jesure.

8 Jesu yuhtiahye tiquinare:

—Quehnoano yeya musa. Sa yena musare apequina tiquina ni mehoñene tuhoeracãhña. Peyequina masa “Cristo ijiaja yũhũ”, ni mehoñequina ahtaeta. Sa niñe, “Yojopũre pihtiati deco ijiaato mehenogã dũhsare”, nieta. Tiquina sa nigũ tuhoeracãhña.

9 Sa ye apequina “Cahme wejẽne nine”, musare nieta. “Yojopũre puhtoare masa cohãñe nine”, nieta. Musa tire tuhona cueracãhña. Pihtiati deco pano ohõ saha waha mahtanota. Sa wahagũ pihtiati deco wahato dũhsarĩnota, niahye Jesu.

10 Sa ni tuhãsa ohõ saha ni yahu nemoahye:

—Ihcã yehpa cjẽna ape yehpa cjẽna mehna cahme wejẽeta.

11 Sa yero tutuaro yehpa ñuhmi, masa peyequina ujuã mehna yaria, ijipihtiro cjẽna dohatieta. Sa ye uhmũse cjẽ cua pesaye bajuagũ ihñañe, masa ihña maria wahaeta.

12 Ahri ijipihtie sa wahato pano, apequina musare ñehe, ñano yeeta. Sa ye mari judio masa buheye wũhũsepũ tiquina musare yahusã, peresu yeeta musare. Tiquina sa yegũ peye yehpari cjẽna puhtoã cahapũ, peye macari cjẽna puhtoã cahapũ ducunata masa tiquina yahusãnohrina. Yeequina masa ijiri buhiri sa yeeta.

13 Tiquina sa yahusãgũ masa pehe quehnoañe buheyere tiquinare yahunata.

14 Ti pjere musare tiquina yahusãgũ puhtoro masa yuhtiatire “Yahu masiedaboaga”, ni tuhotueracãhña masa.

15 Yũhũ musare yahu basatja. Musare sa yedohogu tuho masiñene, quehnoañe yahuducuye gãhũre musare yahugũ yeitja. Musa sa yegũ musare ihña tuhtiequina pehe masa yahuducuyere tuho, “Ti poto ijierare”, ni, yuhti masisi.

16 Ti pjere masa pacũsmũã, masa bahana, masa acaye, masa mehna cjẽna gãhũ musare ihña tuhtiequinare ohoeta musare, yeequina masa ijiri buhiri. Tiquina sa yegũ musare ihña tuhtiequina masa mehna cjẽnare apequinare wejẽeta.

17 Sa ye yeequina masa ijigũ ihñañe, ijipihtiequina musare ihña tuhtieta.

18 Musare sa ihña tuhtiepeta ne mehenogã musare ñano yesi.

19 Sa yena masa wacũ tutuana ijiya. Musa sa yena, Cohãcjũ mehna sa

ijiducunata.

20 'Sa ye peyequina surara Jerusalēpᵤ tiquina cahmota sotoa peho cāgū ihñana, Jerusalēne tiquina cohāto mehenogā dᵤhsagū masinata mᵤsa.

21 Ti sa wahagū ihñañe Judea yehpapᵤ ijiyequina cᵤnᵤ cᵤ cahapᵤ oma duhtiahro. Sa ye Jerusalēpᵤ ijiyequina wahaahro. Sa ye weseripᵤ ijiyequina Jerusalēpᵤ tojoeracāhdo sojaro mehna tiquina wahato pehe.

22 Ti decoripᵤ buhiri dahreye decoripᵤ ijipihtiye Cohācjū tiquiro ojoari pū tiquiro nidiro sahata sa waharota.

23 Ijipihtiropᵤ ahri yehpapᵤ ñano yᵤhdᵤeta. Ti sa wahagū, nihi wahcōñe numia, tiquina pohne apūoñe numia gūhᵤ pejecᵤoro wahaeta.

24 Apequina ahri maca cjēna mehna cahme wejēeta. Sa ye apequina ahri maca cjēnare ijipihtiye yehparipᵤ ne cā, peresu yeeta. Sa ye judio masa ijieyequina Jerusalēne ñano ye, tiquinare yᵤhdᵤcaeta. Judio masa ijieyequina ya deco pihtigāpᵤ Jerusalē cjēnare ñano ye duhueta, ni yahuahye Jesu.

Jesu ahri yehpapᵤ tiquiro tojoa tatire yahuahye

(Mt 24.29-35, 42-44; Mr 13.24-37)

25 Sa yero tiquinare yahu nemoahye:

—Ti pjere asū deco cjūno, ñami cjūno, ñahpicoha gūhᵤ sijoro saha ijiyequina wahaeta. Ijipihtiyequina ahri yehpa cjēna “Acuehi, yarianata”, ni tᵤhotuyequina pajiri ma cjē pahcōri cua yᵤhdᵤaro ti pahcōri bisi cāhtagū tᵤhoye tutuaro cueeta.

26 Ti pjere ᵤhmᵤse cjē yehpari, ñahpicoha gūhᵤ ti sa wahaducurore comesaeta. Sa ye ñuhmieta. Ti sa wahagū ihñañe, masa pehe ahri yehpa pihtiatire cohteye, tutuaro cueeta.

27 Ti pjeta yᵤhᵤ masᵤ Cohācjū ohorigᵤ Cohācjū tutuaye mehna tiquiro asi siteye mehna ehmeo curua buipᵤ yᵤhᵤ ahtagū ihñañeta masa.

28 Ahri sa waha dᵤcagū ihñana, wacū tutuana ijiya. Sa yena ᵤhmᵤsepᵤ ihñañe. Ti pjere Cohācjū mᵤsare pecapᵤ wahaborinare tiquiro yᵤhdᵤoato mehenogā dᵤhsarota, niahye Jesu.

29 Sa ni tuhasa ahri queoye mehna buheahye Jesu:

—Higueragᵤre, apeye cᵤ gūhᵤre tᵤhotuya mᵤsa.

30 Tᵤ yucᵤgᵤ pūri tigū ihñana, cᵤhma mehenogā dᵤhsagū masine mᵤsa.

31 Sata ahri ijipihtiye yᵤhᵤ nidire ti sa wahagū ihñana, Cohācjū tiquiro pᵤhtoro ijiati pje mehenogā dᵤhsagū masinata mᵤsa.

32 'Mᵤsare poto niita niaja. Ti pje cjēna tiquina yariato pano ijipihtiye yᵤhᵤ nidiro sahata sa waharota.

33 ᵤhmᵤse, ahri yehpa gūhᵤ pihtia waharota. Yᵤhᵤ yahuducuye pehe ne comesasi. Ijipihtiye yᵤhᵤ nidiro sahata sa waha sohtori tirota.

34 'Yᵤhᵤ tojoa tati decore ne masiedare mᵤsa. Sa yena quehnoano yeya. Bose decorire queheye decorire yeducueracāhña. Sa yena queheracāhña. Ahri yehpa cjēna pajiro tᵤhotueracāhña. Mᵤsa yᵤhᵤ nidiro sahata yena, wacūeno mehna ahri yehpapᵤ yᵤhᵤ ahtagū mᵤsa ne acᵤasi.

35 Wahiquirore yuri da wacūeno mehna ti da tᵤā suharo saha wacūeno mehna ahtaᵤtja yᵤhᵤ. Ijipihtiyequina ahri yehpa cjēna tiquina masiedi watoa ti deco wacūeno mehna sa waharota.

36 Quehnoano wacū masi cohteya. Sa yena Cohācjūre ahrire sa siniducuya: “Ahri pihtiatati decore sa wahagū yᵤhᵤre yedohoya. Tutuayere ohoya yᵤhᵤre ahrire quehnoano yᵤhᵤ yᵤhdᵤatire. Sa yegᵤ Cristore mᵤhᵤ ohoriquirore cuero marieno yᵤhᵤre piti cagū yeya”, ni, siniña Cohācjūre, niahye Jesu.

37 Sa ye ti decorire Cohācjū wᵤhᵤpᵤ Jesu buhee tiahye. Ñaminipe buhe tuhasaro Olivo wame tidᵤ cᵤnᵤpᵤ waha, topᵤ iji bohreaye tiahye.

38 Bohreayepe tahari ijipihtiye-quina masa Cohãcjũ wãhãpũ tiquirore tãhoye wahae tiahye.

22

Pahia pãhtoa, judio masare buheyequina mehna wejẽ duahye Jesure

(Mt 26.1-5, 14-16; Mr 14.1-2, 10-11; Jn 11.45-53)

1 Sa ye ti pjere pugũ yeye more-mehneñe pãre tiquina ihyati bose deco mehenogã dahsahye. Ti bose deco pascua wame tiahye.

2 Sa ye pahia pãhtoa, judio masare buheyequina mehna Jesure wejẽ du-aye, tiquina wejẽatire wacũ macahye. Jesure wejẽ duepeta, masa pehere cueahye, “Usuari”, niñe.

3 Sa ye watĩno Juda Iscariotere ñano tiquiro ye dutigũ Juda pehe yãhtiahye tiquirore. Juda doce buheyequina mehna cjũno ijimahye.

4 Sa yero tiquiro pahia pãhtoare, Cohãcjũ wãhã cjẽna surara pãhtoa mehna gãhũre yahuro wahahye. Tiquina cahãpũ esa, tiquinare Jesure tiquiro ihñõatire yahuahye tiquinare.

5 Tiquiro sa nigũ tãhoye, tiquina bu-cue, “Mũhũre niñerure wapa yenatja”, niahye tiquina Judare.

6 Tiquina sa nigũ Juda “Aũ, tiquirore mũsare ihñõoutja”, ni, masa tiquina ihñeno watoa Jesure ihña tuhtieyquinare tiquiro ihñõati ñamine cohero niahye.

Jesu buheyequina mehna tiquiro ihya bato tiati deco ijiahye

(Mt 26.17-29; Mr 14.12-25; Jn 13.21-30; 1 Co 11.23-26)

7 Pugũ yeye moremehneñe pãre ihyati bose deco iji dũcari deco ijiahye. Sa yero pascua cjẽ ijiatire ove-jare tiquina ihyatiquinare tiquina wejẽdi deco ijiahye.

8 Ti pjeta Pedrore, Ñũ gãhũre Jesu yahuahye:

—Bose decopũ mari ihyatire quehnona wahaya, niahye Jesu tiquinare.

9 —¿Noho boropũ mari ihyatire quehnoyu dutigũ ohoajari mãhũ usãre? ni sinituahye tiquina tiquirore.

10 Tiquina sa nigũ Jesu yãhtiahye:

—Jerusalẽpũ mãsa esagũ aco sutu wãariquiro mãsare piti carota. Tiquiro piti cagũ tiquiro mehna wahaya.

11 Sa wahana tiquiro siho sajãri wãhãpũ esana wãhũ upãrore ohõ saha ni yahuya. “¿Nohopũ yãhũ buheyequina mehna pascua cjẽ ihyayere ihyanatari?” nidi buheriquiro”, niña wãhũ upãrore.

12 Mãsa sa nigũ tãhoro ahmũano cjã tucũre pajiri tucũre mari cahmeñe mehna tiquina quehñori tucũre ihñõnota wãhũ upãro. Topũ mari ihyatire dahreya mãsa, niahye Jesu tiquinare.

13 Tiquiro sa nigũ tiquina ti macapũ wahahye. Topũ tiquina esagũ tiquinare tiquiro niñero sahata wahahye. Sa ye tiquina pascua cjẽ ihyatire dahreahye.

14 Ihyari pje ijigũ Jesu doce tiquiro buheyequina mehna ihya dujiahye.

15-16 Topũ ihyaropũ dujiro Jesu tiquinare yahuahye:

—Mũsare niita niaja. Ahri pascua bose decore mari dahreaja Cohãcjũ tiquiro yequinare tiquiro yãhdũotire wacũna. Came Cohãcjũ tiquiro pãhoro ijiropũ tiquiro yequinare yãhdũo tuhasarota. Tiquiro sa yãhdũoato pano ahri deco cjẽne pari turi ihyasi yãhũ. Sa yegũ yojopãre yãhũ ñano yãhdũoato pano ahri pascua cjẽ ihyayere mãsa mehna tutuaro ihya duahti yãhũ, niahye Jesu.

17-18 Sa ninota Jesu sihnidi pare ne, Cohãcjũre “Quehnoare”, ni sini, tiquinare yahuahye:

—Mũsare niita niaja. Cohãcjũ ijipihtiyequina pãhoro tiquiro ijiatõ pano ahri vinore ne pari turi sihnisi yãhũ. Sa yena ahri vinore ne, mãsa basi iti sihniña, niahye Jesu.

19 Sa ni tuhasa pãre ne, Cohãcjũre “Quehnoare”, niahye. Sa yero tiare

nuha, itiahye tiquinare. Tiare itiro, tiquinare yahuahye:

—Ahri yuh_u pag_u ijire. Yuh_u pag_u yuh_ure ihña tuhtiequinare tiquina oho_u pag_u ijirota m_usare yuh_u yuh_uoati. Sa yena yuh_ure m_usa wacūatire ahrire ihyaya, niahye Jesu.

20 Sa ihya tuhasa sata tiquiro tiquinare sihnidi pa gūh_ure ohoahye. Sa ohoro, tiquinare yahuahye:

—M_usa ñañe yeyere cohāg_u tag_u yariūtja. Sa yeg_u yuh_u diire cohāūtja. Cohācjū “M_usare yuh_uoutja”, tiquiro nidiro esa tuhagū yuh_u yariaro mehna tiquiro nidiro sohtori tirota.

21 ’Yojop_ure t_uhoya m_usa. Yuh_ure ihña tuhtiequinare yuh_ure ihñoatiquiro yojop_ure yuh_u mehna ohō dujire.

22 Cohācjū tiquiro dutiriro sahata yuh_u mas_u Cohācjū ohorig_u yariūtja. Tiquiro sa yaria dutiepegūta yuh_ure ihña tuhtiequinare ihñoatiquiro pūrita ña yuh_uaro yuh_urota, niahye Jesu tiquinare.

23 Tiquiro sa nigū tiquina pehe tiquina basi ohō saha ni sinituahye:

—¿Jesure ihña tuhtiequinare ihñoatiquiro mari mehna cjāno diquiro boro ijiagari? ni, yahuducuahye tiquina basi.

—¿Mari mehna cjāno diquiro pehe ijiagari p_uhtoro? ni yahuducuahye Jesu buheyequina tiquina basi

24 Came Jesu buheyequina ohō saha ni yahuducuahye:

—¿Mari mehna cjāno diquiro pehe ijiagari p_uhtoro? ni yahuducuahye tiquina basi.

25 Tiquina sa ni yahuducugū t_uhoro Jesu tiquinare yahuahye:

—Cohācjūre cahmeeñequina p_uhtoa pehe tiquina masare dutiye, purīno mehna dutire. Sa ye p_uhtoare “Tiquina masare yedohoyequina ijire”, nimene apequina masa tiquinare.

26 M_usa pehe sa yesi m_usa basi. M_usa mehna cjāno m_usa wahmi pehere tiquiro bah_uro yero saha ijiro cahmene. M_usa mehna cjāno

p_uhtoro iji duaro cahacjūno yero saha ijiro cahmene tiquirore.

27 ¿Diquiro ijiagari p_uhtoro? ¿Ihya dujiriquiro pehe p_uhtoro ijiagari? ¿O ihyayere itiriquiro pehe p_uhtoro ijiagari? Ihya dujiriquirota ijiaga p_uhtoro. Tiquiro sa ijiepegūta yuh_u pehe cahacjūno yero saha m_usare yedohog_u ahta_u.

28 ’Masa yuh_ure tiquina ñano yepegūta m_usa pehe yuh_ure duhuerare.

29 Sa yeg_u yuh_u Pac_u yuh_ure tiquiro p_uhtoro sōriro sahata m_usa gūh_ure p_uhtoa sōgūtja yuh_u.

30 Yuh_u p_uhto yuh_u ijigū yuh_u ih-yari mesap_u m_usa gūh_u ihya, sihninata. Sa yena m_usa p_uhtoa dujiyere dujinata. M_usa top_u dujina Israe masare doce cururi cjēnare besenata m_usa ñañequinare, quehnoañequinare, niahye Jesu tiquiro buheyequinare.

Pedro Jesure tiquiro cohātire yahuahye Jesu

(Mt 26.31-35; Mr 14.27-31; Jn 13.36-38)

31 Sa ni tuhasa Pedrore Jesu ohō saha ni yahuahye:

—Simo Pedro yuh_ure t_uhoya. M_usare ijipihtinare watīno yuh_ure cohāgū ye duare. Trigo wese cjāno trigore tiquiro wejē site cohāriro sahata m_usare ijipihtinare watīno ñano ye duare. Sa ye duaro, Cohācjūre sinidi.

32 Tiquiro sa sinigū ihñagū yuh_u pehe Cohācjūre sini bas_u mah_ure. Yuh_ure mah_u wacū tutua duhueratire sini bas_u mah_ure. Sa yeg_u mah_u yuh_u mehna cjū pari turi ijigū yeequinare yedohoya mah_u, yuh_ure tiquina wacū tutua nemoati, niahye Jesu Pedrore.

33 Tiquiro sa nigū Pedro yahtiahye:

—P_uhto, yuh_ure tiquina peresu yepegūta, yuh_ure tiquina wejē duepegūta mah_u mehna cjū ijiitja, niahye Pedro.

34 Jesu yahtiahye:

—Pedro, mah_ure niita niaja. Mia ñami canaca tiquiro yahuato pano

“Jesure masiedaja”, niguta mũhu ape-
quinare. Ihtia taha sa niguta mũhu,
niahye Jesu Pedrore.

*Jesure tiquina ñano ye dũcato
mehenogã dũhsahye*

³⁵ Sa ni tuhasa Jesu tiquiro buheye-
quinare yahuahye:

—¿Sohõ ijiri pje niñeru ajuro
mariena, pajiri ajuro mariena,
dahpo suhti mariena mũsare yũhu
ohogũ apee boro dũhsari mũsare? ni
sinituahye Jesu.

—Ne usãre yabe dũhsaerari, ni
yũhtiahye tiquina.

³⁶ —Ti pjere mũsare dũhsaerapegũta
yojorũ pehere niñeru ajurore cũona
tire neña. Pajiri ajurore cũona gãhu
neña. Sa yena mũsare ñoseni pjĩ
mariedagũ mũa suhtire duana ti
pjĩne dúya.

³⁷ Ahrire mũsare nii niaja. Cohãcjũ
yere tiquina ojoari pũpũ tiquina
nidiro sahata yũhũre sa waharo
cahmene. Ohõ saha niahye ti pũpũ: “
‘Tiquiro dutiyere yũhdũcayequina
mehna cjũno ijire’, nieta masa”, ni,
ojoahye, niahye Jesu.

³⁸ —Ihñaña pũhto. Pũa pjĩ ñoseñe
pjĩnine cũoaja usã, niahye tiquiro
buheyequina.

—To punota ijire, ni yũhtiahye Jesu.

*Getsemaní wame tiri wesepũ Jesu
Cohãcjũre siniahye*

(Mt 26.36-46; Mr 14.32-42)

³⁹ Sa ye Jesu tiquiro sa yeducuriro
sahata Olivo wame tidũ cũnũpũ
wahahye. Tiquiro sa wahagũ tiquiro
buheyequina tiquiro mehna wa-
hahye.

⁴⁰ Topũ esaro tiquiro tiquinare
yahuahye:

—Cohãcjũre siniña mũa ñano yer-
atire, niahye Jesu tiquinare.

⁴¹ Sa ni tuhasa tiquiro dihita
mehenogã waha nemo, dũsepe curi
mehna quehe sa, Cohãcjũre siniahye:

⁴² —Mai, yũhu ñano yũhdũatire
ye dueragũ yeracãhña. Yũhu sa
niepegũta yũhu cahmeñe pehere
yeracãhña. Mũhu pehe masine.

Mũhu cahmeno saha yeya yũhũre, ni
siniahye Jesu Cohãcjũre.

⁴³ Tiquiro sa sinigũ uhmũsepe
ahtariquiro angel Jesure bajua,
yedohoahye tiquirore.

⁴⁴ Sa yero Jesu ñano jeripohna ti,
tutuario mehna Cohãcjũre siniahye.
Sa yero tiquiro asi ti cuhsaye dii pjeri
yero saha tiquirore wijia, yehpapũ
bora quehe sahye.

⁴⁵ Cohãcjũre sini bato ti, wahcãdũca
sa, tiquiro buheyequina cahapũ
wihiahye. Tiquiro wihigũ tiquiro
buheyequina tutuario bũjũa witiye-
quina ijije, carĩne niahye.

⁴⁶ Sa yero Jesu tiquinare ohõ saha
ni yahuahye:

—¿Dũhsena carĩajari mũa? Wahcãhña.
Cohãcjũre siniña mũa, “Ñano yeari”,
nina, niahye Jesu tiquinare.

*Jesure ihña tuhtiequina tiquirore
peresu yeahye*

*(Mt 26.47-56; Mr 14.43-50; Jn 18.2-
11)*

⁴⁷ Tiquiro sa ni yahuducuri wa-
toa masa peyequina wihiahye.
Juda doce buheyequina mehna
cjũno ijimediquiro masare uhmũ tã
cãhtariquiro ijiahye. Sa yero tiquiro
Jesu cahapũ wihĩ, wahsupu ihmiahye
tiquirore.

⁴⁸ Tiquiro sa ihmigũ Jesu tiquirore
sinituahye:

—¿Juda, yũhu masũre Cohãcjũ
ohorigũre yũhũre ihña tuhtie-
quinare ihñogũ yũhũre wahsupu
ihmiñe mehna sa yeajari mũhu?
niahye Jesu.

⁴⁹ Tiquiro sa nidi bato Jesu buheye-
quina masa Jesure tiquina ñeheatire
masiñe, tiquirore sinituahye:

—¿Pũhto, usã ñoseñe pjĩni mehna
tiquina mehna cahmequema? ni-
ahye tiquina.

⁵⁰ Tiquina sa nidi bato ihcãquiro
Jesu buheyequina mehna cjũno pehe
pahia pũhtoro cahacjũnore tiquiro
ñoseni pjĩ mehna tiquiro cahmonore
poto pehe ijiri cahmonore dũte pahrẽ
cãhye.

51 Tiquiro sa yegū ihñano Jesu tiquirore ohō saha niahye:

—Sa yeracāhña, niahye.

Ni, cahacjāno cahmono ijiriroḡ ña ohōahye. Tiquiro ña ohōgūta cahmono mūnāno sahata ijiahye tja.

52 Sa ye tuhasa pahia ḡahtoare Cohācjū wāhū cjēna surara ḡahtoare, bācūna gāhūre tiquirore ñeheñe ahtariquinare Jesu sinituahye:

—¿Dūhse ijiro boro mūsa ñoseñe ḡjīni, yucū tiāri mehna yaqueriquirore tiquina yeriro saha mūsa yāhūre ñehena ahtajari?

53 Decoripe Cohācjū wāhūḡ mūsa mehna yāhū ijigū, mūsa yāhūre ñehedari. Sa ijiepegūta yojopure mūsa ya deco yāhūre mūsa ñano yeati deco ijire. Yojopū wañino tiquiro ñano yeati deco gāhū ijire, niahye Jesu.

—Tiquirore masiedaja, niahye Pedro Jesure

(Mt 26.57-58, 69-75; Mr 14.53-54, 66-72; Jn 18.12-18, 25-27)

54 Tiquina Jesure ñehe tuhasa pahia ḡahtoro ya wāhūḡ neahye tiquina tiquirore. Tiquina topū neagū Pedro yoaropū tiquinare ihña nūnū tāhye.

55 ḡahtoro ya wāhūḡ esa, topū wāhū cahapū ijiri paapū, quehnoari paa decopū peca wijiāhye apequina. Tiquina wijiāgū ihñano Pedro peca cahapū dujiyequina mehna dujiahye.

56 Tiquiro dujiri bato ihcācoro cahacjōno tiquirore quehnoano ihña, apequinare ohō saha ni yahuahye:

—Ahriquiroy gāhū tiquiro mehna ijiri, niahye ticoro.

57 Ticoro sa nigū tūhoro Pedro yāhtiahye:

—Numio, tiquirore ne masiedaja yāhū, nimahye tiquiro.

58 Came cjūnogā apequiroy Pedrore ihña, ohō saha ni yahuahye:

—Māhū gāhū tiquina mehna cjū ijire, niahye tiquiro.

—Ne ijieraja, nimahye Pedro.

59 Ihcā hora bato apequiroy apequinare ohō saha ni yahuahye:

—Ijirota ijire. Ahriquiroy Galilea cjūno ijire. Sa yero potota Jesu

mehna ijiri ahriquiroy gāhū, niahye tiquiro apequinare.

60 Tiquiro sa nigū Pedro yāhtiahye:

—Ne, māhū nidiquirore masiedaja yāhū, ni yāhtiahye Pedro.

Tiquiro sa ni yahuducuri watoa canaca yahuahye.

61 Tiquiro yahugūta Jesu wāhū cahapū ijiriquiro Pedrore majare ihñadoqueoahye. Tiquiro sa yegū Pedro pehe Jesu tiquiro nidire wacūahye. “Mia ñami canaca tiquiro yahuatō pano, ‘Yāhū Jesure masiedaja’, nigūta māhū”. Ihtia taha sa nigūta māhū”, Jesu tiquiro nidire wacūahye Pedro.

62 Sa wacūno Pedro topū wijia ta, tutuaro utiahye.

Jesure bājape, quēahye tiquina

(Mt 26.67-68; Mr 14.65)

63 Sa ye Jesure cohteyequina surara tiquirore bājape, quēpeahye.

64 Sa quēpeye, tiquiro caperire dūhte cahmota, tiquirore sinituahye:

—¿Diquiro māhūre quēari? Ihñedapegūta yahuya ūsāre, ni sinitupeahye tiquina.

65 Sa ye peye ñano ni yahuducuahye tiquina tiquirore.

Jesure ḡahtoa sinituahye

(Mt 26.59-66; Mr 14.55-64; Jn 18.19-24)

66 Bohrearopū judio masa bācūna, pahia ḡahtoa, judio masare buheyequina gāhū cahmecoahye. Tiquina sa cahmecoanopū apequina tiquina cahapū Jesure ne cāhtahye.

67 —Yahuya ūsāre. ¿Cristota ijiajari māhū? ni sinituahye tiquina Jesure.

Tiquina sa nigū Jesu yāhtiahye:

—Mū sare yāhū yahugū, yāhūre tūhosi mūsa.

68 Mū sare yāhū sinitugū yāhūre yāhtisi mūsa. Sa yena yāhūre wiosi mūsa.

69 Mūsa wioerapegūta came cjūnogā ijipihtiye decori yāhū masū Cohācjū ohorigū Cohācjū tutuariquiroy tiquiro poto peheḡ dujigātja, niahye Jesu.

⁷⁰ Tiquiro sa nigũ tiquina ijipihtiye-
quina sinituahye tja pari turi:

—¿Sa nigũ Cohãcjũ macata ijiajari
mũhũ? niahye tiquina.

—Mũsa nino sahata ijiaja, ni
yũhtiahye Jesu tiquinare.

⁷¹ Tiquiro sa nigũ tiquina ohõ saha
ni yahuducuahye tiquina basi:

—Ahriquiore Cohãcjũre pajiro
tiquiro ñano yahuducugũ mari basi
tũhou. Sa ye topequinata yahusãahdo
ahriquiore, niahye tiquina basi.

23

Pilato Jesure sinituahye

(Mt 27.1-2, 11-14; Mr 15.1-5; Jn
18.28-38)

¹ Sa ni tuhasa tiquina ijipihtiye-
quina wahcãdũca, Jesure Pilato ca-
hapũ neahye.

² Ne esa, Jesure yahusã dũcahye:

—Ahriquiore mari ya yehpa cjẽnare
tiquiro ñano ye dutigũ usã tũhou.
Mari pũhtoro ahriquiore wapa ye
dutierare. Sa yero tiquiro “Pũhto iji-
aja. Cristo masare yũhdũoacjũ ijiaja
yũhũ”, ni yahuducure tiquiro basi, ni
yahusãhye tiquina Jesure.

³ Tiquina sa ni yahusãri bato Pilato
Jesure sinituahye:

—¿Judio masa pũhtota ijiajari
mũhũ? niahye tiquiro Jesure.

—Mũhũ nino sahata ijiaja, ni
yũhtiahye Jesu.

⁴ Tiquiro sa nigũ Pilato pahia
pũhtoare, masa gũhũre yahuahye:

—Ahriquiore buhiri mariedare, ni-
ahye tiquiro.

⁵ Tiquiro sa niepegãta tiquina tutu-
aro yahusã nemoahye:

—Tiquiro buheye mehna masare
cahmequegũ yere. Galilea yehpapũ
tiquiro tire ye dũcari. Sa ye dũca
tuhasa ijipihitiro Judea yehpapũ
tire tiquiro yere. Sa yero yojopũ
ohõpũ gũhũre tire yero taro nine, ni,
yahusãhye tiquina.

Herode Jesure sinituahye

⁶ Tiquina sa ni yahusãgũ tũhoro Pi-
lato pehe sinituahye:

—¿Ahriquiore Galilea cjãno ijiajari?
niahye tiquiro.

⁷ —To cjũnota ijire, ni yũhtiahye
apequina.

Tiquina sa ni yũhtigũ tũhoro Pi-
lato pehe Jesu tiquiro ijiri yehpare
masino pũhtoro Herode ya yehpa
cjãno Jesu tiquiro ijigũ masiahye.
Tire masino Jesure Herode cahapũ
ohoahye. Ti pjere Herode Jerusalẽpũ
ijiahye.

⁸ To pano Herode Jesure tũho
tuhasahye. Tiquiro sa tũhori bato
yoari bato tiquirore ihña duahye.
Jesu Cohãcjũ tutuaye mehna tiquiro
ye ihñogũ ihña duamahye tiquiro.
Sa yero tiquiro Jesure ihñano, bu-
cueahye.

⁹ Sa yero peye tahari sinituahye
Jesure. Tiquiro sa sinituepegãta Jesu
ne yũhtierahye tiquirore.

¹⁰ Pahia pũhto, judio masare
buheyequina gũhũ Herode cahapũ
esa, tutuaro Jesure yahusãhye.

¹¹ Tiquina yahusãri bato, Herode
tiquiro yequina surara mehna
bũjũpe, Jesure ñano yeahye. Sa
bũjũpeye, quehnoari suhtirore
pũhtoro tiquiro sañari suhtiro yero
saha bajuri suhtirore sãahye tiquina
Jesure. Sa bũjũpe tuhasa, tiquirore
Pilato cahapũ ohoahye tja.

¹² Ti decore Herode, Pilato mehna
quehnoano tiquina basi cahme yeye-
quina iji dũcahye. To panore tiquina
basi cahme ihña tuhtiyequina ijin-
imahye.

Masa Jesure wejẽ dutiahye

(Mt 27.15-26; Mr 15.6-15; Jn 18.39-
19.16)

¹³ Sa ye Pilato pahia pũhtoare, ape-
quina pũhtoare, masa gũhũre tiquiro
pijiogũ, cahmecoahye.

¹⁴ Tiquina cahmecoa pihtigũ ihñano
ohõ saha niahye Pilato tiquinare:

—Ahriquiore yũhũre ne cãhtana,
“Tiquiro masare ñano ye dutiri”,
nimedi mũsa yũhũre. Yojopũ mũsa
ihñonopũ ahriquiore quehnoano
sinitu pehou tja. Yũhũ sa sinituri
bato mũsa tiquirore sa yahusãducugũ

tiquirore ñaÑe buhiri ne mariedare, y_hh_h ihñag_h.

15 Herode g_hh_h tiquirore “Ne, ñaÑe buhiri mariedare”, nidi. Sa nino ahriquirore pari turi _hs_hre oho majare tojore tja. Sa yena ahriquirore tiquiro ñaÑe buhiri mariedag_h tiquirore m_hsa wej_h duti masiedare.

16 Sa yeg_h tiquirore yuta dari mehna tana dutiitja y_hh_h. Sa tiquina tanari bato tiquirore wioutja, nimahye Pilato masare.

[17 C_hmaripe pascua bose decorire masa yaquiro ijiatiquirore ihc_hquiro peresup_h ijiriquirore Pilato wio basaducue tiahye.]

18 Sa ye Pilato “Jesure wioutja”, tiquiro nig_h t_hhoye ijipihtiyequina masa oh_h saha ni sañuducuahye:

—Tiquirore Jesure wej_hña. Barrabá pehere _hs_hre wio basaya, ni sañuducuahye masa.

19 To pano Barrabá pehere Jerusal_hpu puhtoare tiquiro coh_h dutiri buhiri, masare tiquiro cahmeque dutiri buhiri, tiquiro wej_hdi buhiri, peresu yeahye tiquirore. Sa ye camer_hre tiquirore masa wio dutiye niahye.

20 Pilato Jesu pehere wio duamahye. Sa yero tiquiro masare sinituahye tja.

21 Tiquiro sa wio duepeg_hta tiquina tiquirore niahye tja:

—Curusap_h qu_h biha wej_hña tiquirore. Wej_hña tiquirore, ni sañuducuahye tiquina.

22 Tiquina sa nig_h Pilato ihtia taha waro oh_h saha nimahye tiquinare:

—¿Yabere ñano yeri tiquiro m_hsa sa ni sañuducug_h? Ne tiquirore ñaÑe buhiri mariedare. Sa yeg_h tiquirore wej_h duti masiedaja. Tiquirore yuta dari mehna tana dutiitja. To punota ye dutiitja. Sa yeg_h wioutja tiquirore, nimahye Pilato.

23 Tiquiro sa niepeg_hta tiquina tutuaro mehna sañuducu nemo, Jesure curusap_h wej_h dutiahye. Tiquina sa ni sañuducug_h t_hhoro tiquina cahmediro sahata Pilato yeahye.

24 Sa yero tiquina sinidiro sahata Pilato Jesure wej_h dutiahye.

25 Sa dutiro tiquiro peresup_h ijiriquirore masare cahmequeg_h yeriquirore, masare wej_hdiquirore masa tiquina sinidiro sahata Pilato Barrabá pehere wioahye. Sa yero Pilato Jesure curusap_h wej_h dutiahye.

Tiquina Jesure curusap_h qu_h biha wej_hahye

(Mt 27.32-44; Mr 15.21-32; Jn 19.17-27)

26 Sa ye tiquina Jesure wej_hñe wahaye, neahye. Ti pje tiquina sa yeri watoa Simo wame tiriquire Cirene cj_hno ihqu_h w_hh_hse ijir_h esariquire tojoa taro niahye. Jerusal_hpu tiquiro wihig_h ihñañe Jesure neañequina tiquirore piti ca, ñehe, curusare tiquirore w_hh_h c_h dutiahye Jesu bato pehe.

27 Sa ye masa peyequina Jesure ihña n_hn_h t_hhye. Sa ye masa watoa ijiequina numia tiquirore tiquina sa yeg_h ihñañe tutuaro utiahye.

28 Tiquina utig_h t_hhoro, tiquina numiare Jesu majare ihña, oh_h saha niahye:

—Jerusal_h cj_hna numia, y_hh_hre utierac_hñña. M_hsa ye ijiatire, m_hsa pohna ye ijiati g_hh_hre utiya.

29 Apeye decori ijig_h ña y_hh_haro y_hh_hnata m_hsa. Ti pjere masa oh_h saha nieta. “Pohna mariena numia, pohna tiena numia, ap_hoedari numia yojop_h mari ijig_h quehnoa y_hh_haboaga”, nieta numia.

30 Ti pjere c_hn_hre oh_h saha ni yahuducueta masa. “M_hh_h c_hn_h _hs_h bui_h bora dijia taya. _hs_hre n_hoña”, nieta masa cueye.

31 Masa y_hh_hre buhiri marieg_hre oh_h saha tiquina yeg_h, ñaÑe buhiri c_hoyequina pehe ña y_hh_haro wa-haeta, niahye Jesu.

32 Apequina p_haro dutiyere y_hh_hducayequina tiquina ijig_h tiquina g_hh_hre Jesu mehna tiquina wej_hatiquinare neahye tiquina.

33 Tiquinare nea, “Dapu pehtoro”, wame tirop_h esa, curusap_h Jesure

quē biha ohōahye. Sa ye p̄aro ȳhd̄d̄ucayequina ḡāhare apequirore tiquiro poto pehe, apequirore tiquiro cū pehe pehe quē biha ohōahye.

³⁴ Tiquina sa yegū Jesu ohō saha niahye:

—Mai, ahriquina ȳh̄are wejēatiquina yojop̄a tiquina ñano yerire boya tiquinare. Tiquina d̄ahse yerire masiedare tiquina. Sa yeḡa tiquina ñano yerire boya, niahye Jesu.

Sa ye Jesu suhtire cahme itiyē, tiquina doquepeahye. Tiquiro suhtire “¿Noa yaro ijirōtari ohō?” ni cahme doquepeahye tiquina.

³⁵ Sa ye masa top̄a ducuyequina tiquina ihñaducuri watoa judio masa p̄ah̄toa Jesure b̄j̄peahye:

—Tiquiro apequina masare yariaboriquinare ȳhd̄d̄oñōhti. Sa yero tiquiro Cristo Cohācj̄a beseriquiro ijiro, yojop̄a yariaboriquiro ijiro, tiquiro basi ȳhd̄d̄oahro, ni, b̄j̄peahye tiquina.

³⁶ Surara ḡūh̄a tiquirore b̄j̄peahye. Jesu cahap̄a esa, tiquina tiquirore ñañe co vinore ohomahye.

³⁷ Tire yeye ohō saha niahye tiquina:

—M̄h̄a judio masa tiquina p̄ah̄to ijiḡa m̄h̄a basi ȳhd̄d̄ya. Sa yeḡa ȳhd̄d̄a witiḡata m̄h̄a, ni, b̄j̄peahye tiquina.

³⁸ Sa ye tiquiro bui ohō saha ni ojoa ohōahye. “AHRIQUIRO JUDIO MASA P̄H̄TORO IJIRE”, ni, ojoa ohōahye.

³⁹ Apequiro tiquiro mehna tiquina quē biha ohōriquiro ȳhd̄d̄ucariquiro pehe ñano yahuducuahye Jesure:

—¿M̄h̄a Cristo masare ȳhd̄d̄oacj̄a ijierajari? M̄h̄a basi, us̄a ḡāhare yedohoya, niahye tiquiro Jesure.

⁴⁰ Tiquiro sa nigū t̄ahoro apequiro ȳhd̄d̄ucariquiro Jesu poto pehep̄a tiquina quē biha ohōriquiro pehe tiquirore ohō saha niahye:

—Mari ḡāhare poto ijiye mehna buhiri dahrere tiquina. ¿D̄ahseḡa Cohācj̄are ne ño peerajari m̄h̄a?

⁴¹ Marine ñañe buhiri ye, poto yeye nine tiquina. Ñañene mari yeri buhiri marine buhiri dahrere tiquina. Ahriquiro pehe ñañene yerare, niahye tiquiro apequiro ȳhd̄d̄ucariquirore.

⁴² Sa nino, tiquiro Jesure ohō saha niahye:

—Jesu, m̄h̄a p̄ah̄to ijiḡa tojoa taḡa, ȳh̄are wacūña, niahye tiquiro Jesure.

⁴³ —M̄h̄are ahrire nii niaja. Miare paraíso wame tirop̄a m̄h̄a ȳh̄a mehna ijiita, niahye Jesu tiquirore.

Jesu yariaa wahahye

(Mt 27.45-56; Mr 15.33-41; Jn 19.28-30; He 6.19-20; 10.19-20)

⁴⁴ Sa ye coheri pje ijigū asū asi duhuahye. Sa yero ijipihtiro ti d̄h̄tap̄are ihtia hora waro quehnoano nahitiahye.

⁴⁵ Nahitari watoa, Cohācj̄a w̄h̄a cj̄a suhtiro cahsero, tiquina tore cahmotari cahsero decop̄a ti cahsero uhm̄usep̄a t̄ah̄na d̄uca, t̄ah̄na yojoa saa wahahye.

⁴⁶ Sa yero Jesu tutuaro sañuducuahye: —Mai, ȳh̄a jeripohnare m̄h̄are wiaja m̄h̄a ihña ihboatire, ni, sañuducuahye Jesu.

Sa ni tuhasa yariaa wahahye.

⁴⁷ Tiquiro sa yariagū ihñano, surara p̄ah̄toro pehe “Cohācj̄a tutuariquiro ijire”, nino, “Ahriquiro Jesu m̄anano potota quehnoariquiro ijimeya”, niahye surara p̄ah̄toro.

⁴⁸ Sa ye tiquina wejēgū ihñañe ahtariquina Jesu tiquiro yariagū ihñañe, tiquina ye w̄h̄usep̄a tojoaa wahahye. Tojoaa waha, tiquina ñañe yerire b̄j̄a witiye mehna tiquina cutiro bui quē ohōahye.

⁴⁹ Ijipihtiyequina Jesu yequina tiquiro mehna cj̄ena Galileap̄a tiquiro mehna ahtariquina numia ḡāh̄a Jesure yoarop̄a ihñaducuahye.

Jesu paḡare masa copep̄a cūahye

(Mt 27.57-61; Mr 15.42-47; Jn 19.38-42)

⁵⁰⁻⁵¹ Ti pjere José wame tiriquiro top̄a ijiahye. Judea yehpa cj̄a

maca Arimatea wame tiri maca cjãno ijiahye. Sa yero tiquiro quehnoariquiro, poto yeriquiro ijiro, Cohãcjũ pãhtoro iji ducatiire cohteriquiro ijiahye. Sa yero tiquiro judio masa pãhtoa mehna cjãno ijieperota Jesure tiquina wejẽ dutigũ cahmedamahye tiquiro.

⁵² Sa yero Pilato cahapũ esa, Jesu pagure siniahye.

⁵³ Sini tuhasa, Jesu pagure ne dijio, quehnoari suhtiro mehna tiquiro pagure wahmeahye. Sa wahme tuhasa, masa copepũ utãpũ tiquina seheri copepũ cũahye tiquiro pagure. Ti copere ne apequina yariariquinare cũedarĩahye.

⁵⁴ Ti deco saurũ deco ijiatire tiquina quehnoyuri deco ijiahye. Saurũ tiquina sori deco ijiasi mehenogã dũhsahye.

⁵⁵ Sa ye Galileapũ Jesu mehna ahtariquina numia masa copepũ José mehna wahahye. Masa copepũ esa, ti copere ihña, Jesu pagure tiquina cũrire ihñahye.

⁵⁶ Came tiquina ye wãhãsepũ tojoaa waha, ehme sitiye co, wisõñe mehna quehnoahye tiquina. Sa ye saurũ ijigũ Cohãcjũ dutiye Moiseri tiquiro cũri dutiye niño sahata tiquina soahye.

24

Jesu masa wijiahye

(Mt 28.1-10; Mr 16.1-8; Jn 20.1-10)

¹ Domingo ijigũ bohrearopũ tiquina numia ehme sitiye tiquina quehnoyuri Jesu masa copepũ ne cãmahye.

² Ti copepũ esa, ti copere bihariare utãre tiquina põo duhu cũria utãre ihñahye.

³ Sa ihñañe tiquina ti copepũ sajãa wahahye. Jesu pagure bocaerahye tiquina.

⁴ Tiquiro pagure bocaera, “¿Dũhse wahayari?” ni tãhotuahye tiquina. Tiquina sa ni tãhotu yahuducuri watoa pãaro ãmãa asi siteye

suhti sañañequina tiquina cahapũ ducuahye.

⁵ Topũ tiquina ducugã ihña, numia cueye, dũsepe curi mehna quehe sahye. Sa ye ãmãa pehe tiquinare yahuahye:

—¿Dũhsena yariariquiro ijire Jesure macajari mũsa? Yojopãre tiquiro catiriquiro ijire.

⁶ Tiquiro ohõre mariedare. Masa wijia tuhasari. ¿Sohõ ijiri pjere tiquiro Galileapũ mũsa mehna ijire mũsare tiquiro nidire wacũajari mũsa?

⁷ “Yũhũre Cohãcjũ ohorigure apequiro ohorota ñãñequinare. Tiquiro ohori bato yũhũre curusapũ quẽ biha wejẽeta tiquina. Sa yegũ yũhũ yariari bato ihtia deco wahaboro masa wijiajutja yũhũ”, nidi mũsare. ¿Tiquiro sa nidire wacũajari mũsa? ñiahye ãmãa pehe.

⁸ Tiquina sa nigũ tãhoye, numia pehe tiquiro nidire wacũahye.

⁹ Tiquina sa nidi bato tiquina tojoaa waha, once buheyequinare apequina gũhũre tire yahu pehoahye.

¹⁰ Tiquina numia pehe María Magdalena, Juana, María Santiago pacoro ijiahye. Tiquina numia apequina numia gũhũ ijiahye Jesu buheyequinare yahuri numia.

¹¹ Tiquina sa ni yahuepegũta Jesu buheyequina pehe “Poto niñe niedaga. Ni mehoñe niaga ahriquina numia”, ni tãhotumahye. Sa ye tiquina numiare tãho duerahye.

¹² Tiquina sa nigũ tãhoro, Pedro pehe masa copepũ oma cã, ihñano wahahye. Ti copepũ esa, tiquiro muhri ihña sõahye. Jesure tiquina wahmedi suhtiro dihitare ihñahye. “¿Dũhse wahayari?” ni, tãhotu, tiquiro ya wãhãpũ tojoaa wahahye.

Emau wame tiri maca cjã mahapũ Jesu bajuahye

(Mr 16.12-13)

¹³ Ti decota pãaro Jesu buheyequina mehna cjẽna Emau wame tiri macapũ wahaye ñiahye. Jerusalẽ once kilómetro yoaro ijire Emaupũ esato.

14 Emaup_u waha, ijipihtiye Jerusalēp_u ti pjere Jesu tiquiro sa waharire tiquirore tiquina ñano yerire yahuducu cãne niahye.

15 Tiquina sa ni yahuducuri watoa Jesu pehe tiquina cahap_u esa, tiquina mehna wahahye.

16 Sa ye tiquirore ihñaepeta tiquina tiquirore ihña masiedahye.

17 —¿Duhse ni yahuducu cãna niajari m_usa? ni, sinituahye Jesu.

Tiquiro sa nigũ tiquina buj_ua witiyequina esad_ucahye.

18 Cleofa wame tiriquiro pehe Jesure y_uhtiahye:

—¿Yojop_ure Jerusalēp_u tiquina yerire mah_u dihita masiedajari? ni sinituahye tiquiro.

19 —¿Duhse wahari Jerusalēp_ure? niahye Jesu.

Tiquiro sa nigũ Cleofa y_uhtiahye:

—Jesure Nazare cj_unore tiquina yerire nina niaja. Tiquiro Cohãcj_u yere yahu m_uhtariquiro ijimedi. Sa ye tiquiro yahuducurire t_uhoye, tiquiro yeri g_uh_ure ihñañe, “Tuturariquiro ijire”, ni, t_uhotumedi masa. Cohãcj_u g_uh_u sata ni t_uhotuaga.

20 Mari pahia p_uh_utoa, apequina p_uh_utoa mehna tiquirore wej_u dutiye, apequinare ohori. Tiquina sa ohogũ apequina pehe tiquirore curusap_u qu_ue biha wej_udi.

21 “Roma cj_uenare cohãtiquiro Israe masa p_uh_utoro ijiatiquiro ijire”, ni, t_uhotumi usã tiquirore. Mia mehna ihtia deco wahare tiquiro yariari bato.

22 Meheñequinagã numia usã mehna cj_uena numia usãre ac_uagũ yeri. Bohrearop_u Jesu tiquiro masa copep_u tiquina numia esa,

23 tiquiro pag_ure bocaerañohti. Tiquiro pag_ure bocaeraye, tiquina tojoa wihi yahuri. “Usãre angele bajuari. Jesu catiñohti”, ni yahuri usãre numia pehe.

24 Tiquina sa nigũ apequina usã mehna cj_uena ti copep_u esa, numia tiquina nidiro sahata ihñañohti. Tiquina g_uh_u Jesure ihñedañohti, niahye tiquiro Jesure.

25 Tiquiro sa nidi bato Jesu yahuahye tiquinare:

—M_usa ne t_uho masiedare. ¿Cohãcj_u yere yahu m_uhtariquina m_una tiquina nidire quehnoano t_uhoerari m_usa?

26 Cristore tiquiro p_uh_utoro ijiato pano uhm_usep_u tiquiro m_ujato pano tiquirore ñano y_uhd_uro cahmedi. ¿Tire masiedajari m_usa? niahye Jesu tiquinare.

27 Sa nino Cohãcj_u Cristore tiquiro ni yahu tiquina ojoarire Jesu yahu peho cãhye tiquinare. Moise m_uanano tiquiro ojoarire Jesu yahu d_ucahye. Sa yero ijipihtiyequina Cohãcj_u yere yahu m_uhtariquina Cristore tiquina ojoari g_uh_ure yahu peho cãhye tiquiro.

28 Tiquina wahari macap_u tiquina esaye taye yegũ, Jesu pehe tiquinare y_uhd_u cãa wahamahye.

29 Tiquiro sa yepegãta tiquina tiquirore waha dutierahye:

—Usã mehna tojoaya. Ñamicahap_u ijire. Nahinop_u nine, niahye tiquina tiquirore.

Sa yero Jesu tiquina mehna w_uh_up_u sajãa wahahye.

30 W_uh_up_u sajã sa, tiquiro tiquina mehna ihyari mesap_u nuju sa, pãre ne, Cohãcj_ure “Quehnoare”, niahye. Sa nino ti pãre nuha ne, tiquinare ohoahye.

31 Tiquiro sa yegũ ihñañe tiquina Jesure ihña masiahye. Tiquina ihña masi d_ucagãta tiquiro buti maa wahahye.

32 Tiquiro sa buti maa wahagũ ihñañe tiquina basi ohõ saha ni yahuducuahye:

—Mahap_u tiquiro marine tiquiro yahuducuri watoa Cohãcj_u tiquiro ojoarire tiquiro yahuri watoa mari jeripohnari mehna quehnoano bucu_ueye mehna t_uhotuu mari, niahye tiquina basi.

33 Sa ni tuhasa tiquina duita Jerusalēp_u majare tojoaa wahahye tja. Top_u esa, once buheyequinare apequina mehna cahmecoañequinare bocahye.

34 Tiquina esagũ, once buheyequina ohõ saha niahye:

—Potota mari pũhoro masa wi-jiañohti. Simo Pedro tiquirore ihñañohti, niahye once buheyequina.

35 Tiquina sa nigũ pũaro Emau cjẽna mahapũ Jesure tiquina ihñarire yahuahye:

—Jesu pãre tiquiro nuhagũ usã ihña masii tiquirore, ni, yahu pehoahye tiquina apequinare.

Jesu tiquiro buheyequinare bahuahye

(Mt 28.16-20; Mr 16.14-18; Jn 20.19-23)

36 Tiquina sa ni yahuri watoa tiquina cahapũ iji tuhasahye Jesu pehe.

—¿Ijiajari mũsa? niahye tiquiro tiquinare.

37 Tiquiro sa nigũ tũhoye tiquina “Mari yariariquiro mũnanore ihñana niaja”, ni tũhotuye, tutuaro cueahye.

38 Tiquina sa cuegũ ihñano tiquiro tiquinare yahuahye:

—¿Dũhsena cueajari mũsa? ¿Dũhsena “Ahri poto ijierare”, nijari mũsa?

39 Yũhũ omocarine, yũhũ dahpocãri gũhũre ihñaña. Mũsa yũhũre ihñana, ihña masinata. Yũhũre ñehe tuhuya. Ñehe tuhuna masinata mũsa. Yariariquiro mũnanopũ pagũ mariedare. Yũhũ pehe pagũ tiaja, niahye Jesu.

40 Sa nino tiquiro omocari gũhũre, tiquiro dahpocãri gũhũre ihñoahye tiquinare.

41 Tiquiro sa ihñoepẽgũta tiquina tutuaro bucue, ihña maria waha, “Ahri poto ijieraga”, ni tũhoturĩahye. Tiquina sa tũhotugũ masino Jesu tiquinare sinituahye:

—¿Ohõpũ ihyaye ijiajari? niahye tiquiro.

42 Tiquiro sa nigũ tũhoye wahi dohariquirore ohoahye tiquirore.

43 Tire ne, tiquina ihñonopũ Jesu ihyahye.

44 Ihya tuhasa, Jesu yahuahye tiquinare:

—Sohõ ijiri pje mũsa mehna ijigũ mũsare yũhũ yahuriro sahata yojopũ

yũhũ sa wahaũ. Cohãcjũ dutiye Moise marine tiquiro cũri tiquiro sa ni ojoariro sahata yũhũre sa wahari. Cohãcjũ yere yahu mũhтарыquina, Salmo ojoari pũre ojoayequina gũhũ panopũ yũhũre tiquina ni yahuriro sahata yojopũre yũhũre sa wahari. Sa wahacjũta ijii yũhũ, niahye Jesu.

45 Sa ni tuhasa Cohãcjũ yere tiquina yahu ojoarire tiquiro buheyequinare masigũ yeahye Jesu:

46 —Cohãcjũ yere tiquina ojoari ohõ saha nine: “Cristore ñano yũhdũro cahmene. Sa yero ihtia deco wahaboro tiquiro yariari bato tiquiro masa wijiara.

47 Tiquiro masa wijiari bato ijipihitiye yehparipũ tiquiro yequina Cristo yere yahueta. Masa tiquina ñañene tiquina bũjũa witiatire, quehnoañene tiquina comesatire Cohãcjũ tiquina ñañene tiquiro cohãtire yahueta tiquiro yequina. Sa yahuye taye, Jerusalẽpũ yahu dũcaeta”, niahye Cohãcjũ yere tiquina ojoari pũpũ, niahye Jesu.

48 Sa ni tuhasa ohõ saha ni yahu nemoahye:

—Mũsa pehe ahri ijipihtiyere ihñarina ijire. Sa yena apequinare yahunata.

49 “Espĩritu Santore mũsare ohoutja”, Cohãcjũ tiquiro nidiquirore yũhũ pehe mũsare ohoutja. Tiquiro uhmũse cjẽ tutuayere ohoatiquiro ijire. Sa yena Jerusalẽpũ tiquiro wihiatire cohteya mũsa, niahye Jesu tiquiro buheyequinare.

Jesu uhmũsepũ mũjaa wahahye
(Mr 16.19-20)

50 Sa ni tuhasa Jesu tiquinare Jerusalẽpũ ijieyequinare Betania cahapũ neahye. Topũ esa, Jesu tiquiro omocarine ne mũo, “Quehnoano ijiya”, niahye tiquinare.

51 Sa ni tuhasa, tiquinare cũ, uhmũsepũ mũjaa wahahye.

52 Tiquiro mũjari bato tiquina tiquirore ño peo, Jerusalẽpũ tutuaro bucueye mehna tojoaa wahahye.

⁵³Торꝑꝑа иѝи, decoripe tiquina Cohãcjũ
wuhꝑꝑꝑа Cohãcjũ mehna yahuducu,
“Quehnoare”, ni ño peahye tiquina
tiquirore. To punota ijire.

San Juan

Cohãcjũ ye yahuducuyere yahuriquiro masunota iji dũcahye

1 Duitapũta ahri yehpa to iji-ato panopũta Cohãcjũ ye yahuducuyere yahuriquiro Cristo masare yũhdũoatiquiro duita iji tuhasae tiahye. Tiquiro Cohãcjũ mehna ijiahye. Sa yero tiquiro Cohãcjũta iji cãhno niahye.

2 Duitapũta coã waropũre Cristo Cohãcjũ mehna ijiahye.

3 Sa yero coã waropũre ne mariedarire bajumehneahye. Ahri yehpare, ỹhmũsere, ijipihtiyere, masa gãhũre bajumehne dutiahye Cohãcjũ tiquirore. Sa yero ahrire bajumehne pehoahye tiquiro. Ahrire yojopũre mari ihñañene, mari ihñedari gãhũre tiquiro bajumehnedagũ ne mariedaboya.

4 Cristo catiyere ohoriquiro ijiro nine. Buhrioro marine to quehnoano ihña masigũ yero saha mari Pacũre quehnoano masigũ yere. Sa yero mari Pacũre masigũ yere masare.

5 Ahri yehpa cjẽna ñañene wacũ, tiquina tutuaro cahmeñe nahitiano yero saha ijiye nine. Buhrioro quehnoano marine to ihña masigũ yero saha Cohãcjũ ye yahuducuyere yahuriquiro masare masigũ yere. Sa yero nahitiano buhrioro to yũhdũdũcaero sahata Cristore ne ñañe yũhdũdũcaerare.

6-7 Cohãcjũ Ñũ wame tiriquire pehere ohoahye, Cristo buhrioro yero saha ijiriquirore masare yahu mũhta dutiro. Tiquiro ohogũ Ñũ pehe masare yahuro ahtari tiquiro yahuriquirore Cristore ijipihtiyequina tiquina wacũ tutuatire.

8 Ñũ pehe Cristo ijierari. Sa ijieraro tiquiro Cristo pehere masare yahu mũhtano ahtari.

9 Cristo buhrioro yero saha ijiriquiro ijipihtiyequina masare Cohãcjũre masigũ yeatiquiro pehe

ahri yehpapũ ahtari jiri. Ijirota ijire ahri. Tiquiro buhrioro yero saha ijiriquiro warota ijire.

10 Sa yero Cristo ahri yehpapũ ijiri jimedi. Ahri yehpare bajumehnediquiro ijiahye. Tiquiro sa ijiepegũta tiquiro ya yehpa cjẽna tiquirore ne masiedari.

11 Tiquiro ya yehpapũ masa bajuari jimedi. Tiquiro ya yehpapũ tiquiro masa bajuariquiro ijiepegũta tiquiro ya yehpa cjẽna pehe ne tiquirore cahmedari jiri.

12 Tiquina sa cahmedapegũta apequina pehere ijipihtiyequina tiquirore cahmeñequina pehere tiquinare Cohãcjũ tiquiro pohne ijigũ yeri jiri. Tiquirore wacũ tutuayequina pũrita potota tiquiro pohne warota ijire.

13 Tiquina Cohãcjũ pohneta ijiye nine. Sa ye masa tiquina masa bajuari saha ijierare, Cohãcjũ pohne tiquina wahagã.

14 Sa yero Cristo masũno tiquiro iji dũcari bato mari mehnata ijire tiquiro. Tiquiro sa ijigũ ihñana masare cahñiquiro, potota yahuriquiro tiquiro ijigũ ỹsã masii. Tiquiro dihita Cohãcjũ macũno ijiro tutuariquiro quehnoariquiro ijiri. Tiquiro sa ijiriquiro ijigũ ỹsã masii.

15 Ñũ Cristore yahu mũhtano ohõ saha ni sañuducuri masare yahuro:

—Siquiro ahtare yũhũ ohõ saha ni yahuriquiro: “Tiquiro yũhũ bato ahtariquiro ijire. Sa ijieperota tiquiro yũhũ yũhdũoro tutuariquiro ijire. Tiquiro yũhũ masa bajuato panopũ iji tuhasahye. Sa yero tiquiro yũhũ yũhdũoro tutuariquiro ijire”, mũsare yũhũ ni yahuriquiro ahriquiota ijire, nidi Ñũ Jesure masare yahuro.

16 Tiquiro Cristo pehe quehnoano tutuaro masare cahñiquiro ijiro marine ijipihtinare quehnoano yeducuri.

17 Cohãcjũ dutiyere Moise pehe cũ mũhtahye marine. Jesucristo pehe Cohãcjũ masare tiquiro cahñene

buhero ahtari. Cohãcjũ tiquiro potota yahuducuye gãhure buhero ahtari.

¹⁸ Masa ne Cohãcjũre ihñedare. Tiquirore mari ihñedapegũta tiquiro macũno ihcãquirola ijiriquiro tiquiro Pacuro mehna sa ijiducure. Sa yero tiquiro Pacurore marine masigũ yeri.

Apequina Ñu wame yeriquirore sinituahye

(Mt 3.3, 11-12; Mr 1.2-3, 7-8; Lc 3.4-6, 15-17)

¹⁹ Ûsã acaye judio masa pãtoa Jerusalẽpũ ijiyequinare pahiare, Cohãcjũ wãhũpũ dahrayequina gãhure Ñu cahapũ ohori jiri. “¿Noa boro ijiajari mũhũ?” ni sinitu dutiye ohori jiri tiquinare. Tiquina sa sinitugã ohõ saha ni yahuri Ñu pehe.

²⁰ Yeero boro marieno yahuri. Potota yahuri:

–Yũhũ Cristo Cohãcjũ masare yãhdũo dutiro tiquiro ohorigũ ijieraja, nidi tiquiro.

²¹ Tiquiro sa nigũ tiquina pehe tiquirore pari turi sinituri tja:

–¿Mũhũ Cristo ijieragũ Elia pehe ijiajari mũhũ? nidi tiquina.

–Ijieraja yũhũ, nidi tiquiro.

–¿Ûsã cohterigũ Cohãcjũ yere yahu mãhtacjũ pehe ijiajari mũhũ? nidi tiquina.

–Tiquiro ijieraja yũhũ, nidi Ñu pehe.

²² Tiquiro sa nigũ tiquina tiquirore pari turi sinituri tja:

–Ûsãre sinitu dutiriquinare ãsã yahuro quehnoano poto ãsãre yahu madoqueohya. ¿Noa boro pehe ijiajari mũhũ? ¿Mũhũ basita dahse ijigũ ijiajari mũhũ? “Sa ijigũ ijiaja yũhũ”, ni yahuya ãsãre, nidi tiquina Ñure.

²³ Tiquina sa nigũ ohõ saha ni yãhtiri tiquiro:

–Masa marienopũ ohõ saha ni sañuducugũ ijiaja yũhũ, Cohãcjũ yere yahu mãhtariquiro Isaia mũnano tiquiro ni yahuri sahata: “Mari pãhtoro tiquiro ahtato pano mahare mari quehnoyuro saha quehnoana ijiyuya mãsa”, ni masare yahu

sañuducugũ ijiaja yũhũ, nidi Ñu tiquinare.

²⁴ Ñure sinituyequina fariseo masa tiquina ohoriquina ijiri.

²⁵ Sa ye tiquina Ñure sinituri tja:

–¿Mũhũ Cristo, Elia, Cohãcjũ yere yahu mãhtagũ ãsã cohterigũ ijierapegũta dahsegũ masare wame yeajari mũhũ? nidi tiquina.

²⁶ Tiquina sa nigũ tãhoro yãhtiri tiquiro:

–Yũhũ aco mehna masare wame yeaja. Apequiro pehe mãsa masieniquiro pehe mãsa watoa iji tuhasare.

²⁷ Tiquiro pehe yũhũ bato ahtariquiro yũhũ yãhdũoro tutuariquiro ijire. Quehnoa yãhdũariquiro ijire. Tiquiro yero saha ijieraja yũhũ pehe. Sa yegũ tiquirore tãhotugũ, “Ihyo ijigũ ijiaja yũhũ”, ni tãhotuaja yũhũ, nidi Ñu tiquinare.

²⁸ Sa ni yahuducuri tiquina, Beta-niapũ Jordã wame tiri ma ape sie pahrẽpũ, Ñu masare tiquiro wame yeriropũ.

Jesu Cohãcjũ ohoriquiro tiquiro yaquiro cordero yero saha ijiriquiro ijire

²⁹ Ape decopũ Jesu Ñu cahagã cjũno tiquiro ahtagũ Ñu tiquirore ihñano ohõ saha nidi:

–Ihñaña. Ahriquiro Cohãcjũ ohoriquiro tiquiro yaquiro cordero yero saha ijiriquiro ijire. Corderore mari wejẽdiro sahata masa ahriquiro gãhure wejẽeta. Sa yariaro ahri yehpa cjẽnare tiquina ñãñe yerire cohãnota tiquiro.

³⁰ Ahriquirola ijire yũhũ ohõ saha nidiquiro: “Yũhũ bato ahtariquiro yũhũ yãhdũoro tutuariquiro ijire. Yũhũ masa bajuato pano tiquiro iji tuhasahye. Sa yero tiquiro yũhũ yãhdũoro tutuare”, yũhũ nidiquiro ahriquirola ijire.

³¹ Yũhũ pehe ahriquirore masiedahti. Sa masiedapegũta aco mehna wame yei ahtaũ nii yũhũ acaye Israe masa ahriquirore tiquina masiatore, nidi Ñu.

32 Sa ni tuhasa Ñu yahu nemori:

—Espíritu Santo umusep bujua yero saha Cristo bui dijia ta, tiquiro bui wihiducagũ ihña.

33 Cohãcjũ yahure tiquiro yahueragũ tiquirore ne masiedaboaga yuh. Tiquiro yahure musare aco mehna wame ye dutiro ohoriquiro Cohãcjũ pehe ohõ saha ni yahu mahta tuhasari yahure: “Espíritu Santo dijia ta tiquiro bui wihiducanohriquiro tiquirota ijirota. Tiquiro pehe Espiritu Santore masa mehna ijiducugũ yerota”, nidi Cohãcjũ yahure.

34 Yojop pūritare tiquirore ihña tuhasa yuh. Sa ihñagũ “Potota Cohãcjũ macano ijire”, nii yahumusare, ni yahuri Ñu usãre.

Jesu buheyequina tiquiro piji m̄htariquina ijire

35-36 Ape decop Ñu mehna usã p̄ana tiquiro buhena usã ducugũ, Jesu usã cahap yuhdũ cãno nidi. Tiquiro sa yuhdũ cãgũ Ñu tiquirore ihñano, pari turi ohõ saha nidi usãre:

—Ihñaña. Ahriquiro Cohãcjũ yaquiro cordero yero saha ijiriquiro ijire, nidi Ñu.

37 Tiquiro sa nigũ usã p̄ana tiquiro buhena pehe tire tãhona Jesure n̄nũ tã.

38 Usã sa n̄nũ tãgũ ihñano Jesu usãre majare ihña, sinituri:

—¿Yabere macana niajari m̄sa? nidi tiquiro.

Tiquiro sa nigũ usã gũh sinituu tiquirore:

—¿Buhegũ, nohopũ ijiajari m̄hũ? nii usã tiquirore.

39 —Yuhũ mehna ahtatjiãna ihñana taya, nidi Jesu usãre.

Tiquiro sa nigũ usã pehe tiquiro ijiropũ ihñana waha. Ti pjere ñamicahapũ cuatro hora ijiri. Sa yena ti decore tiquiro mehna tojoa usã.

40 Usã p̄ana Ñure tãhorina, Jesure n̄nũ tãrina yuh piti Andre mehna ijii. Andre pehe Simo bahuro ijiri.

41 Sa yero duita tiquiro wahminore Simore maca, boca, tiquirore ohõ saha ni yahuahye:

—Mesiare Cohãcjũ marine yuhdũ dutiro tiquiro ohoriquirore usã boca, niahye Andre Simore. Mesia usã ye mehna nina, Cristo nina niaja.

42 Sa ni tuhasa tiquiro Simore Jesu cahap neari. Tiquiro cahap esagũ ihñano Jesu pehe Simore ohõ saha nidi:

—Mũhũ Simo wame tigũ, Ñu macũ ijire. Yojopũre m̄hũre Cefa wame yeitja, nidi Jesu Simore. Cefa usã ye mehna nina, Pedro nina niaja.

Felipere, Natanae gũhure pijiahye Jesu

43 Ape decop Jesu Galilea yehpapũ waha duari. Sa yero tiquiro wahato pano Felipere piti ca ohõ saha nidi:

—Yuhũ mehna cjũ ijiajũ ahtaya, nidi Jesu.

44 Felipe pehe Betsaida cjãno ijiri. Tiquiro Andre, Pedro mehna ihcã maca cjẽna ijiri tiquina.

45 Sa yero Felipe Natanaene maca, tiquirore bocaro ohõ saha ni yahuri:

—Cohãcjũ dutiyere Moise tiquiro ojoari pũpũ tiquiro yahuriquirore apequina Cohãcjũ yere yahu m̄htariquina gũh tiquina yahuriquirore usã boca. Jesu Nazare cjãno, José macanota ijire, nidi tiquiro Natanaene.

46 —Nazarepũre ne ihcãquiro quehnoariquiro mariedare, nidi Natanae.

—Ihñagũ taya m̄hũ, nidi Felipe.

47 Sa ye Jesu cahap tiquiro esagũ ihñano Jesu pehe ohõ saha nidi Natanaene:

—Ahriquiro yojopũ ahtariquiro potota quehnoariquiro judio masuno warota ijire. Tiquirore mehoñe ne mariedare, nidi Jesu Natanae pehere.

48 Tiquiro sa nigũ tãhoro Natanae pehe tiquirore sinituri:

—¿Dũhsegũ yahure quehnoano masiajari m̄hũ? nidi.

—Felipe m̄hũre tiquiro pijiato pano, higuera gũ docap m̄hũ ijigũ ihñagũ yuh m̄hũre, nidi Jesu.

49 Tiquiro sa nigũ Natanae pehe ohõ saha nidi tja:

–Buhegũ, potota mũhũ Cohãcjũ macũ ijire. Mũhũ Israe masa usã pũhto ijiacjũ ijire, nidi Natanae.

⁵⁰ Tiquiro sa nigũ tũhoro ohõ saha ni yũhtiri Jesu:

–Higueragũ docapũ yũhũ mũhũre ihñarire masigũ yũhũre “Cohãcjũ macũ ijire”, ni wacũ tutuare mũhũ. ¿Tita mũhũre sa masigũ yeajari? Ahri mũhũre yũhũ ihñari yũhdũoro Cohãcjũ tutuaye mehna ye ihñogũtja yũhũ mũhũre. Yũhũ sa ye ihñogũ ihñagũta mũhũ, nidi Jesu Natanaene.

⁵¹ Sa ninota ohõ saha ni yahu nemori:

–Potota mũhũre niita niaja. Yũhũ masũ Cohãcjũ ohorigũta iji-aja. Æhmũsepũ parĩ maagũ Cohãcjũ tiquiro yequina angele yũhũ bui tiquina dijia tagũ, tiquina mũjagũ gũhũre ihñagũta mũhũ, nidi Jesu tiquirore.

2

Caná wame tiri macapũ tiquina omoca dũhteropũ Jesu wahahye

¹ Ihtia deco bato Canápũ Galilea yehparũ ijiri macapũ omoca dũhteri bose deco ijiri. Sa yero Jesu pacoro ti wũhũpũ ijiri.

² Jesu mehna usãre tiquiro buhena gũhũre omoca dũhteropũ pijiori tiquina.

³ Ti bose deco cjẽ vino pihtigũ Jesu pacoro tiquirore yahuri:

–Yojopũre vino pihtia wahari, nidi ticoro Jesure.

⁴ Ticoro sa nigũ tũhoro Jesu ohõ saha nidi:

–¿Iño, dũhsego tago tire yũhũre yahuajari mũhũ? Masa yũhũre tiquina masiato dũhsarĩne, nidi Jesu tiquiro pacorore.

⁵ Tiquiro sa nidi bato tiquiro pacoro pehe tiquina cahacjẽnare dutiri:

–Yũhũ macũ tiquiro dutiro sahata yeya, nidi ticoro.

⁶ Ti pjepũre usã acaye judio masa Cohãcjũ yere yeye tehe masare tiquina pagũrire sa coseducu dutie tiri. Sa ye ti wũhũpũre seis suturi utã mehna tiquina yeri suturi aco pose

tiye suturi ijiri. Ti suturi Cohãcjũ yere yeye tehe tiquina coseye aco pose tiye suturi ijiri. Ti suturi cincuenta o setenta litro pose esa tuhari.

⁷ Sa yero tiquina cahacjẽnare dutiri Jesu:

–Ahri suturire acore pio sã nemoña. Quehnoano wahpo dapoya, nidi Jesu.

Tiquiro sa nigũ tiquina pehe quehnoano wahpo dapõ peho cãhri ti suturire.

⁸ Tiquina sa yeri bato Jesu tiquinare dutiri tja:

–Yojopũre ti acore wa ne, wũhũ cjũnore ohoya, nidi.

Tiquiro sa nigũ tũhoye ti acore wa ne, wũhũ cjũnore ohori.

⁹ Tiquina sa ohogũ tiquiro pehe ti acore vino wahagũ yeri acore sihni tuhuri. Ti acore tiquiro dũhse yerire masiedari tiquiro. Tiquiro sa masiedapegũta tiquiro cahacjẽna ti acore wayequina pehe masidi. Wũhũ cjũno sa masiedaro omoca dũhteriquirore pijio, ohõ saha ni yahuri:

¹⁰ –Apequina masa quehnoañe vinore sihõ mũhtare. Masa tiquina quehnoano sihnidi batopũ ña cjũñe core sihõri tiquina. Mũhũ pehe quehnoañe core ihbo, came cjũno ti core sihõri usãre, nidi wũhũ cjũno omoca dũhteriquirore.

¹¹ Canápũ Galileapũ ijiri macapũ Jesu acore vino tiquiro wahagũ yero, topũ Cohãcjũ tutuaye mehna coã ye dũcari. Sa yero apequinare tiquiro tutuayere ihñori Jesu. Tiquiro sa ihñori bato usã tiquiro buhena tiquirore wacũ tutuau.

¹² Came Jesu tiquiro pacorore, tiquiro bahanare, usãre tiquiro buhena gũhũre Capernaupũ siho esari. Topũ esana, meheñe decorigã tojoarĩ usã.

Jesu Cohãcjũ wũhũpũre esahye
(Mt 21.12-13; Mr 11.15-18; Lc 19.45-46)

¹³ Pascua ijigũ judio masa usã bose deco ijiato mehenogã dũhsatjiãri. Sa yero Jesu Jerusalẽpũ esari.

14 Topu esaro tiquiro Cohãcjũ wuhuru sajã saro, wecuare, ovejare, bujuaare duayequinare boca sari. Sa yero niñerure comesayequina mesaripu dujigũ tiquina gũhare boca sari.

15 Sa boca saro yuta dari mehna tanari da ye, tiquinare ijipihtiyequinare sopecaharu tana nũnu wiori. Oveja, wecuã gũhu tana nũnu wio cãri tiquiro. Sa yero niñeru comesayequina ye mesarire ne majaredoqueo, doque cũ cãri. Ti niñeru cjoeri gũhare doque site cãri.

16 Sa ye tuhasa bujuaare duayequinare ohõ saha nidi:

—Musa bujuaare ne wijiaya. Yuhu Pacu ya wuhure apee boro duari wuhu yeracãhña, nidi Jesu tiquinare.

17 Tiquiro sa yegũ ihñana usã tiquiro buhena pehe Cohãcjũ yere tiquina ojoari pũru tiquiro nidire wacũu: “Cohãcjũ, mahu ya wuhure tutuaro cahãja. Sa cahigu ti wuhure ñano tiquina yegũ ihñagu tutuaro bujua witiãja yuhu”, ni ojoahye Cohãcjũ yere tiquina ojoari pũru”, ni wacũu usã Jesu buhena.

18 Jesu tiquiro sa yeri bato usã acaye judio masa pũtoã tiquirore sinituri:

—¿Duhsegu mahu ahriquinare Cohãcjũ wuhuru ijiyequinare cohã wioari? Cohãcjũ mahu tire ye dutiriquiro tiquiro ijigũ Cohãcjũ tutuaye mehna ye ihñoña mahu usã ihñatire, nidi tiquina Jesure.

19 Tiquina sa nigũ Jesu yuhtiri:

—Ahri wuhure musa cohãgũ ihtia deco wahaboro tuhasautja yuhu, nidi Jesu tiquinare.

20 —Ihtia deco ahri wuhure yesi mahu. Cuarenta y seis cahmari waro tiquina yeri wuhu ijire ahri wuhu, nidi tiquina pehe Jesure.

21 Tiquiro sa nigũ tiquina tiquirore quehnoano tuhoerari. Jesu “Ahri wuhure”, nino tiquiro pagare nino nidi jimedi.

22 Sa ye tiquiro yariari bato, tiquiro masa wijiari bato usã tiquiro buhena pehe tiquiro nidire wacũna, Cohãcjũ

yere tiquina ojoari pũre Jesu tiquiro yahuri gũhare “Ti ijirota ijire”, ni wacũu usã.

Ijipihtiyequina tiquina wacũñene Jesu masine

23 Pascua bose deco ijigũ Jesu Jerusalẽru ijiri. Topu tiquiro ijigũ masa peyequina Cohãcjũ tutuaye mehna tiquiro ye ihñoũ ihñañe tiquirore wacũ tutuari.

24 Tiquina sa wacũ tutuepegũta Jesu masa tiquina wacũñene quehnoano masino, “Yuhure sa wacũ tutuaducueta”, ni tuhotuerahye.

25 Masa tiquina tuhotuyere quehnoano masidi tiquiro. Sa masino masa tiquina tuhotuyere ayequinare ne sinituerari.

3

Jesu Nicodemore yahuahye

1 Ti macare Nicodemo wame tiriquire, judio masa pũtoã mehna cãno ijiri. Tiquiro fariseo masa ya curua cãno ijiri.

2 Sa yero ihcã ñami tiquiro Jesu caharu ahta, tiquiro mehna yahuducuahye:

—Buhegu, mahu Cohãcjũ buhe dutiro tiquiro ohorigu mahu ijigũ usã masiaja. Cohãcjũ mahu tiquiro yedohoeragũ mahu pehe tiquiro tutuaye mehna ne ye ihñoedaboaga. Mahu peye tahari Cohãcjũ tutuaye mehna ye ihño, niahye Nicodemo Jesure.

3 Tiquiro sa nigũ Jesu pehe yahuahye:

—Ijirota mahu niita niaja. Wahma masa bajuariquire yero saha pari turi masa bajuariquire dihita Cohãcjũ yaquire iji masine, niahye Jesu.

4 —Yohnah. ¿Bucuro pehe duhse ye pari turi masa bajuaboari tiquiro? Tiquiro pacoro niji suhtiropu majare sajã, pari turi bajua masiedaboaga tiquiro, niahye Nicodemo.

Tiquiro sa nigũ Jesu yuhtiahye:

5 —Ijirota niita niaja mahu. Wahma masa bajuariquire yero saha aco mehna, Espiritu Santo

tiquiro tutuaye mehna pari turi masa bajuariquiro dihita Cohãcjũ yaquiro iji masine.

6 Numia niji pacosãnumia ijiye, macanagãre masa bajuagũ yere. Espíritu Santo pehe masare Cohãcjũ pohne ijigũ yere.

7 “Wahma masa bajuariquiro yero saha pari turi masa bajuariquiro dihita Cohãcjũ yaquiro iji masine”, yũhũ nigũ, tũho wisieracãhña.

8 Espíritu Santo masare Cohãcjũ pohne tiquiro yegũ ti wihnono yero saha ijire. Wihnono to ahtariorũ ahtare. To ahtaro ca tagũ mari tũhoaja. Sa tũhoepenata to ahtarioro, to waharioro ne masiedaja. Sata yere Espíritu Santo masare Cohãcjũ pohne yero, niahye Jesu Nicodemore.

9 –Mũhũ niñene quehnoano masiedaga, niahye Nicodemo.

10 Tiquiro sa nigũ tũhorro ohõ saha niahye Jesu:

–¿Mũhũ judio masare buhegũ ijiepegũta, dahsegũ yũhũ niñene tũhoerajari?

11 Ijirota niita niaja mũhũre. Ësã masidire usã ihñarire usã yahuaja. Ësã sa yahuepegũta ne mũa acaye judio masa ne tũho duerare.

12 Ahri yehpa cjẽ mehna masa tiquina masa bajuari mehna mũsare queoye mehna yũhũ buhe mũhtarire “Ijirota ijire”, niedare mũa. Sa niedana queoye mehna buhero marieno Cohãcjũ yere yũhũ yahugũ gũhũre “Ijirota ijire”, nisi mũa.

13 ‘Ne ihcãquiro ãhmũsepũ Cohãcjũ cahapũ wahariquiro ne pari turi tojoa tasi. Yũhũ masũ Cohãcjũ ohorigũ yũhũ dihita ãhmũsepũ ijirigũ ahri yehpapũ ahtañ. Sa yegũ yũhũ dihita Cohãcjũ yere mũsare yahu masiaja.

14 Panopũre masa marienopũ Moise mũnãno bronze wame tiri come mehna tiquina yeriquirore añare yucũgũ tiquina docodũpũ duhu yoahye. Yucũgũpũ tiquina duhu yoriro sahata yũhũre masũre Cohãcjũ ohorigũre tiquirore tiquina yeriro sahata yũhũ gũhũre duhu yoeta.

15 Yũhũre tiquina sa yeri bato ijipihtiyequina yũhũre wacũ tutuayequina ijipihtiye decori Cohãcjũ mehna ijiducueta, niahye Jesu.

Cohãcjũ ijipihtiyequinare cahĩne

16 Sa ni tuhasa ohõ saha ni nemoahye:

–Cohãcjũ ijipihtiyequina ahri yehpa cjẽnare tutuaro cahĩne. Sa yero yũhũre tiquiro macũre ihcãta ijigũre Cohãcjũ ohori ijipihtiyequina yũhũre wacũ tutuayequina pecapũ tiquina “Wahaeracãhdo”, nino. Sa ye ijipihtiye decori Cohãcjũ mehna ijieta tiquina.

17 Cohãcjũ yũhũre tiquiro macũre masare buhiri dahre dutiro ohoerari yũhũre ahri yehpapũre. Sa yero masare pecapũ wahaboriquinare yũhũre ohoerari.

18 ‘Yũhũre Cohãcjũ macũre wacũ tutuayequinare ne buhiri dahresi Cohãcjũ. Yũhũre wacũ tutuayequina pũritare Cohãcjũ buhiri dahre duti tuhasari. Masa yũhũre Cohãcjũ macũre ihcãta ijigũre tiquina wacũ tutuerari buhiri, buhiri dahrerota tiquinare.

19 Yũhũ, Cohãcjũ macũ ahri yehpapũ ahtagũ buhrioro quehnoano marine to ihña masigũ yero sahata Cohãcjũ yere quehnoano masigũ yeaja. Yũhũ sa masigũ yegũ ihñañe yũhũre wacũ tutuayequina yũhũre cahmedare. Tiquina ñañe yeye pehere quehnoano cahmene. Tiquina sa cahmedi buhiri tiquinare buhiri dahrerota.

20 Ijipihtiyequina ñañene yeyequina tiquina ñañe yeyere duhu duerare. Sa ye buhrioro to bajumehnenno sahata tiquina ñañe yerire “Bajumehneari”, niñe, yũhũre cahmedari tiquina.

21 Quehnoañene yeyequina pehe yũhũre, yũhũ buheye gũhũre cahmene. Cohãcjũ yere tiquina yeyere yũhũ quehnoano bajuro dahregũ bue tierare tiquina. Sa ye yũhũre buhrioro yero saha ijigũre cahmene, ni yahuahye Jesu.

Pari turi Ñu wame yeriquiro Jesure yahuahye

22 Came Jesu usãre tiquiro buhenare Judea yehpapu siho wahari. Topu esaro to cjëna mehna meheñe decorigã tojoa, wame yeri tiquinare.

23 Ñu gãhu masare wame yero niahye Enón wame tiri macapu. Enón Salim wame tiri maca cahapu ijiri. Topu dia ijiri. Sa yero Ñu topu wame yero niahye masare.

24 Tiquina peresu yeato pano Enópu wame yero niahye Ñu.

25 Ti pjere Ñu buheyequina mehna cjëna meheñequinagã judio masuno mehna wame yeyere yahuducuye niahye.

26 Sa ye tiquina Ñu cahapu esa, tiquiore yahuahye:

—Buhegu, Jordã si pahrëpu mahu mehna ijiriquiro “Tiquirota ijiaga”, mahu nidiquiro pehe yojopure masare wame yero nine. Tiquiro sa yegã ijipihtiequina tiquiro cahapu dihita wahare, niahye tiquina Ñure.

27 Tiquina sa nigã tãhoro Ñu yãhtiahye:

—Tiquiro tutuariquiro ijigã Cohãcjũ pehe tiquiore sa ijigã yere.

28 “Cristo ijieraja”, yahu nigã masa tãhori. Sa ijierapegãta tiquiro pano ohonoho mãhtarigu ijiaga yahu.

29 Cristo mehna masa tiquina wahagã ihñagu tutuaro bucueaja. Ohõ saha ijire ti: Omoca dãhtericoro ticoro manano mehna ijiro wahare. Omoca dãhtegã cohteriquiro pehe dãhteatiquiro namo tigã ihñano tiquiro yahuducugã tãhoro tutuaro bucuere. Sa yegu yahu omoca dãhtegã cohteriquiro tiquiro bucuero saha Cristo mehna masa tiquina wahagã ihñagu tutuaro bucueaja.

30 Cristo pehere wacũ tutuaro cahmene masare. Yahu pehere wacũ tutueraro cahmene masare, ni yãhtiahye Ñu.

Cohãcjũ macuno umusepu ahtariquiro ijire

31 Sa ni tuhasaro ohõ saha ni nemoahye Ñu:

—Umusepu ahtariquiro ijipihtiequina yãhduro tutuariquiro ijire. Ahri yehpapu masarina ijina ahri yehpa cjãna ijiaga mari. Sa yena ahri yehpa cjëne yahuducujaja mari. Umusepu ahtariquiro pehe ijipihtiequina yãhduro tutuariquiro ijire.

32 Tiquiro ihñarire, tiquiro tãhorire tiquiro yahure. Tiquiro sa yahuepegãta tiquiro yahuyere masa pehe ne tãho duerare.

33 Umusepu ahtariquiro tiquiro yahuyere masa tãhoye, “Cohãcjũ potota nidiquiro ijire”, niñe nine tiquina.

34 Ahriquiro Cristore Cohãcjũ ohoriquirore Espiritu Santo ye tutuayere oho pehore Cohãcjũ. Sa yero tiquiro Cohãcjũ ye yahuducuyere yahure.

35 Cohãcjũ tiquiro macunore tutuaro cahñe. Sa yero ijipihtiequina pãhtoro iji dutiri tiquiro macunore. Ijipihtie upuro iji dutire tiquiore.

36 Cohãcjũ macunore wacũ tutuayequina pehe ijipihtie decori Cohãcjũ mehna ijieta. Tiquiro macunore yãhduducayequina pehe Cohãcjũ cahapu wahasi. Sa ye ijipihtie decori umusepu ijisi. Sa yero Cohãcjũ tiquinare tutuaro buhiri dahrerota, niahye Ñu.

4

Jesu Samaria cjõno mehna yahuducuro niahye

1 Jesu Ñu yãhduro peyequina buheyequinare tiquiro cãogã, Ñu yãhduro masare tiquiro wame yegã fariseo masa tãhoahye.

2 Tiquina sa tãhoepegãta Jesu pehe tiquiro basi masare wame yerari. Usã tiquiro buhena pehe masare wame yei.

3 Fariseo masa tiquina sa masigã tãhoro Jesu pehe Judea yehpapu

ijiriquiro Galilea yehpapu usãre siho tojoaa wahari.

⁴ Topu wahana Samaria yehpare esa yuhdu cãna tana nii usã.

⁵ Sa yuhdu cãna Samaria yehpapu ijiri macapu Sicar wame tiri macapu esau. Ti maca cahapu panopu cjãno Jacob munano tiquiro macano José munanore tiquiro ohori yehpa ijiri.

⁶ Topu Jacob munano tiquiro sih-nidi cope ijiri. Sa yero Jesu pehe yoropu ahtariquiro ijiro, tiquiro wahyia yuhduaro ti cope duhtu cahapu nuju sari. Ti pje tiquiro nuju sari pje coheri pje waro ijiri.

⁷⁻⁸ Usã tiquiro buhena pehe macapu ihyayere usã dúna wahari bato ihcãquirota tiquiro topu tojoa nuju sari. Sa yero Samaria cjõno ti coperu aco waro wihigã Jesu ticorore acore siniahye:

—Acore ohoya yuhure, niahye.

⁹ —Muhu judio masu ijire. Yuhu pehe Samaria cjõ ijiaja. ¿Duhsegu yuhure acore siniajari muhu? niahye ticoro Jesure.

Judio masa Samaria cjẽnare ihña tuhtiyequina ijire. Sa yero ticoro sa niahye.

¹⁰ Ticoro sa nidi bato Jesu ticorore yahuahye:

—Muhure Cohãcjũ tiquiro yedoho duayere masigo, muhure acore sinigure masigo, muhu yuhu pehere siniboaya. Muhu sa sinigũ apeye aco pehere ohoboaya yuhu. Ti aco pehe catigũ yere, niahye Jesu ticorore.

¹¹ Tiquiro sa nigũ tãhoro ticoro yuhtiahye tiquirore:

—Ne muhure sutu mariedare. Sa yero ahri cope uhcãrĩne. ¿Sa yegu ahri catigũ yeye acore nohopu wa neboagari muhu?

¹² Mari ñecu munano Jacob panopu cjãno ahri copere marine cũe tiahye. Tiquiro, tiquiro pohne, nuñequina gũhu ahri acore sihnie tiahye. ¿“Apeye acore ohoboaya yuhu”, muhu nigũ, Jacob yuhduoro tutuagu ijiajari muhu, sa ni tuhotugu? niahye ticoro.

¹³ Ticoro sa nigũ Jesu yuhtiahye:

—Ijipihtiyequina ahri acore sihniñequina, pari turi aco wueta.

¹⁴ Yee aco pehere sihniñequina ne pari turi aco wuosi. Sa ye, yee acore sihniñequina Cohãcjũ mehna sa ijiducuetu. Ma pohteru aco to sa wijiaducuro sahata yee aco ne pihitisi, niahye Jesu.

¹⁵ Tiquiro sa nigũ tãhoro numino pehe ohõ saha niahye:

—Ti acore ohoya yuhure pari turi yuhu aco wuorero quehnoano. Sa yego pari turi ne ohõpũre aco wasi yuhu, niahye ticoro.

¹⁶ Ticoro sa nigũ Jesu ticorore yahuahye:

—Ti pje pũrita muhu manunore pijigo wahaya. Piji tuhasa ohõpu ahtaya tiquiro mehna, niahye Jesu ticorore.

¹⁷⁻¹⁸ —Manu mariego ijiaja yuhu, niahye ticoro.

—Ijirota nimene muhu. Ihcã omope tahari manu ti tuhasamedi muhu. Sa yero yojopũre muhu mehna ijiriquiro muhu manunore ijierare. Sa ye “Manu mariego ijiaja”, nigo potota nimene muhu, niahye Jesu ticorore.

¹⁹ Tiquiro sa nigũ tãhoro ohõ saha niahye ticoro:

—Åa, Cohãcjũ yere yahu muhtagu ijire muhu, yuhu tuhotugũ.

²⁰ Usã ñecusumua iji turiayequina mana ahdu canupu Cohãcjũre ño peoetiahye. Sa yena masa pehe judio masa “Jerusalẽpu Cohãcjũre ño peoro cahmene masare”, nie tiri masa judio masa, niahye ticoro.

Ticoro sa nigũ Jesu yuhtiahye:

²¹ —Numio, yuhu pehere tãhorĩña. Cameru ahdu canupu, Jerusalẽpu gũhure mari Pacure ño peosi masa.

²² Masa pehe masa ño peoriquirore masiedare. Masare yuhduoatiquiro judio masanota ijire. Sa yena usã judio masa pehe usã ño peoriquirore masiaja.

²³ Yojopũre, cameru gũhure Cohãcjũre potota ño peoyequina tiquina quehnoano tuhotuye mehna tiquirore ño peoeta. Sa mari ño peogũ cahmene Cohãcjũ.

²⁴ Cohãcjüre, pagu marieniquiro tiquiro ijigã masa tiquirore ihñedare. Sa ye tiquirore ño peoye, tiquina quehnoano tãhotuye mehna tiquirore quehnoano potota ño peoro cahmene masare, niahye Jesu.

²⁵ Tiquiro sa nigãta ticoro yahhtiahye:

—Mesia, “Cristo” tiquina nidiquiro pehe masare yãhdũoatiquiro tiquiro ahtatire masiaja yãhu. Tiquiro ahtar marine ijipihtiyere buhe peho cãnota, niahye ticoro.

²⁶—Yãhũta ijiaja Cristo, niahye Jesu ticorore.

²⁷ Tiquiro sa nigã waro wihii usã. Sa yena usã tiquiro buhena pehe Jesu numino mehna tiquiro yahuducugã ihñana, ihña maria waha. Sa ihña mariepenata, “¿Dãhse cahmeajari mãhu? ¿Dãhse niari mãhu ticorore?” ni sinitueru tiquirore.

²⁸ Sa yero numino ticoro ya suture duhu dapo cã, macapũ waha wãhari. Topũ esaro masare yahuro, ohõ saha niahye:

²⁹—Yãhu yerire yahu pehoriquirore ihñana ahtaya mãsa. Tiquiro potota Cristo ijiboaga, ape taha yero, niahye ticoro.

³⁰ Ticoro sa nigã tãhoye ti maca cjẽna pehe Jesure ihñañe ahtari.

³¹ Ti pjere usã Jesu buhena pehe tiquirore tutuaro ihya dutimi:

—Buhegu, ihyaya, nimi usã.

³²—Sijoro ijiye ihyayere cãoaja yãhu. Tire mãsa masiedare, nidi tiquiro.

³³ Tiquiro sa nigã tãhona usã basi ohõ saha ni yahuducuu:

—¿Apequina tiquirore ihyaye oho tuhasayari? nii usã basi.

Usã sa nigã Jesu yahuri:

³⁴—Masa pehe ihya coare. Yãhũre ohoriquiro tiquiro cahmeñe pehere ye coaja yãhu pehe.

³⁵ “Pititia asũ dãhsare mari dãca duha neato”, wese upũro tiquiro nidiro saha mãsa pehe ni tãhotueracãhña. “Cohãcjũ yere usã yahuato dãhsarĩne”, ni tãhotueracãhña. Ijirota niita niaja

mãsure. Yojopũ pũritare masare ihñaña. Dũcare neni pje to ijiro sahata, yojopũ pũrita masa yãhu buheyere tiquina tãhoati pje ijiro nine.

³⁶ Oteye dãcare neñequinare tiquina wapa yeriro sahata yeere buheriquinare, yeequina ijia-tiquinare pijiyequinare, tiquina sa yeri wapa tiquinare quehnoano yeitja yãhu. Tiquina sa buhegã tãhoye yãhu buheyere tãhoyequina yeequina pehe Cohãcjũ mehna ijip-ihtiyere decori ijiducuenta. Sa ye tiquinare buhe mãhtañequina, came yeequina wahagã yeyequina gãhu ihcãno saha bucueducuenta.

³⁷ “Ihcãquiro ote mãhtariquiro ijire. Apequiro pehe dãcare neniquiro ijire”, nie tiahye panopũ. Ti ijirota ijire. Tiquina sa nidiro sahata ihquẽquina yeere yahu mãhtañequina ijire. Apequina pehe yeere buheye, yeequina wahagã yere.

³⁸ Wese upũro yequina dahra cohteyequina oterariquina tiquina ijiepegã tiquiro oteye dãcare tiquinare ne dutiro ohore. Sa masare buhe mãhtaedarina mãsa ijiepegãta yeequina wahatiquinare buhe dutigu ohoaja mãsure. Apequina pehe tiquinare buhe mãhta tuhasari. Tiquina buheriquinapũre pari turi buhe nemonã, yeequina wahagã yenata mãsa pehe. Sa ye buhe mãhtañequina pehe tiquina yedohoro mehna apequinare yeequina wahagã yenata mãsa, nidi Jesu.

³⁹ Ti pjere Samaria cjõno “Yãhu yerire tiquiro yahu pehori”, ticoro sa nigã tãhoye Samaria cjẽna peyequina Jesure cahmeahye.

⁴⁰ Sa ye Samaria cjẽna Jesu cahapũ esaye, “Usã mehna tojoarĩña”, nidi tiquirore. Tiquina sa nigã usã gãhu tiquiro mehna pũa deco tojoarĩi.

⁴¹ Apequina gãhu peyequina Jesure tãhoye, cahmedi tiquirore.

⁴² Ohõ saha nidi masa numinore:

—Coã waropũre mãhu yahurire tãhona, Jesure cahmei. Yojopũ pũritare tiquiro yahuducuyere

tuhona tiquireore cahmeaja. Sa yena tiquireo pehere tuhona ahri yehpa cjēnare pecap̄wahaboriquinare yuhd̄oriquiro potota tiquireo ijigū yojop̄ usā masiaja, nidi masa Samaria cjōnore.

P̄htoro mac̄nore dohatiriquirore yuhd̄oahye Jesu

⁴³ P̄ha deco bato Jesu usāre Galilea yehpap̄ siho wahari.

⁴⁴ Coā warop̄re ohō saha nie tiri tiquireo: “Cohācjū yere yahu m̄htariquirore tiquireo ya yehpa cjēna tiquireore ño peoerare. Sa ye yuh̄are ño peoerare ohō cjēna ohōp̄ yuh̄ b̄c̄arigū ijigū”, nie tiri Jesu.

⁴⁵ Sa ye Galileap̄ tiquireo esagū to cjēna tiquireore quehnoano piti cari. To pano Jerusalēp̄ bose deco Jesu tiquireo yerire ih̄nariquina ijiri tiquina.

⁴⁶ Sa ye Canáp̄ Galileap̄ ijiri macap̄ acore tiquireo uhse co bajumehnedi macap̄ waha usā tiquireo mehna. Caná cahap̄ ijiri macap̄ Capernau wame tiri macap̄ p̄htoro mac̄no dohatiro niahye.

⁴⁷ Sa yero Jesu Judeap̄ ijiriquiro tiquireo Galileap̄ esagū p̄htoro t̄hoahye. Tire t̄horo Jesu cahap̄ wihiri:

—Yuh̄ mac̄ yariaro nidi. Sa ye tiquireore yuhd̄oḡ ahtaya, ni tutuaro mehna pijiri tiquireore.

⁴⁸ Tiquireo sa nigū t̄horo Jesu ȳhtiri:

—Cohācjū tutuaye mehna yuh̄ yegū ih̄nedana, ne yuh̄are wacū tutuerare m̄sa, nidi Jesu tiquireore.

⁴⁹ Tiquireo sa nigū p̄htoro pehe ohō saha nidi:

—P̄hto, yuh̄ mac̄ tiquireo yariato pano ahtaya, nidi tiquireo Jesure.

⁵⁰ —Tojoahya. M̄h̄ mac̄ catiaga, nidi Jesu.

Tiquireo sa nigū t̄horo, “Tiquireo nidiro sahata catirota yuh̄ mac̄”, nino, p̄htoro tojoaa wahari.

⁵¹ Sa tojoaducuriquirore tiquireo cahacjēna tiquireore piti ca, yahuahye:

—M̄h̄ mac̄ catiri, ni yahuahye tiquina tiquireore.

⁵² —¿Noho asū ijigū yuhd̄ari yuh̄ mac̄? ni sinituahye tiquireo cahacjēnare.

—Can̄re coheri pje batogā ujuaye sururi tiquireore, niahye tiquina.

⁵³ Tiquina sa nigū t̄horo ohō saha ni t̄hotuahye tiquireo: “Jesu yuh̄are tiquireo sa ni yahuri pjeta ujuaye suruaya”, ni t̄hotuahye p̄htoro pehe. “Poto ninota niaya yuh̄are”, nino, tiquireo ijipihtiequina tiquireo acaye mehna Jesure wacū tutuahye.

⁵⁴ Jesu Judea yehpap̄ ijiriquiro Galilea yehpap̄ tiquireo esari bato p̄htoro mac̄nore tiquireo yuhd̄orire mari queogū p̄ha taha Cohācjū tutuaye mehna ye ih̄no tuhasari Jesu.

5

Tini masieniquirore yuhd̄oahye Jesu

¹ Came judio masa Cohācjūre usā ño peori bose deco ijigū Jesu Jerusalēp̄ esari tja.

² Top̄ oveja wame tiri sopecaha cahap̄ cuhsari cope ijiri. Usā judio masa ye mehna niñe Betzata wame tiri cope ijiri. Ti cope cahap̄ ihcā omope tihamehneñe tucūri ijiri.

³ Ti tucūrip̄ peyequina dohatiequina cuñari. Caperi bajueyequina, pari yuri wahayequina, tini masieñequina tiquina ti cope cahap̄ ijiri. [Top̄ ijiye aco ñuhmi maanore cohteye nidi.

⁴ Top̄ buharo ti cope cjē acore ihquē tahari ñuhmigū ye m̄jahye angel. Ti cope cjē aco ñuhmidi bato ña mio m̄htariquiro pehe dahse ijiyere dohatiyere c̄oriquiro quehnoa wahahye.]

⁵ Sa yero tore treinta y ocho cahmari waro dohatiriquiro ijiri.

⁶ Top̄ tiquireo cuñagū ih̄nano tiquireo sa yoari pje dohatiriquiro ijigū masidi Jesu tiquireore. Sa masino tiquireore sinituri:

—¿Paḡ dohatie marieḡ iji duajari m̄h̄? nidi Jesu.

7 Tiquiro sa nigūta dohatiriquiro yūhtiri:

—Ti aco ñuhmigū yūhure aco ijiri coperu neaboriquiro mariedare. Ti coperu yūhu ña mio duepegūta apequna pehe yūhu pano sa ña mio mūhtaducure, nidi tiquiro Jesure.

8 —Wahcāducaya. Mūhu cuñari cahserore ne cāhña, nidi Jesu tiquirore.

9 Tiquiro sa nigūta dohatiriquiro pehe tiquiro cuñari cahserore ne, tini ducari. Ti deco saurū judio masa usā sori deco ijiri.

10 Ti decore Jesu sa yegū ihñañe judio masa usā pūhtoa pehe dohatimediquirore ohō saha ni yahuahye:

—Miare saurū deco mari sori deco ijiepegūta mūhu cuñari cahserore neare mūhu. Sa yegu mari dutiyere yūhduducagu nine mūhu, niahye tiquina tiquirore.

11 —Yūhure yūhu dohatiyere cohāriquirō pehe ohō saha nidi yūhure: “Mūhu cuñari cahserore ne cāhña”, nidi tiquiro yūhure, ni yūhtiahye dohatimediquiro.

12 —¿Tire mūhure sa nidiquiro pehe noa boro ijiari tiquiro? ni sinituahye tiquina.

13 Topu masa peyequina tiquina ijigū ihñano Jesu pehe waha tuhasari. Sa yero dohatimediquiro pehe tiquirore yūhdūoriquirō wamene masiedahye.

14 Came Cohācjū wūhupū Jesu tiquirore piti ca yahuri:

—Tūhorīña mūhu yūhure. Yojopure quehnoano pagu tire mūhu. Ñañene ye nemoedacāhña. Pari turi ñañene ye nemogu mūhu dohatiriro yūhdūoro wahagūta mūhu, nidi Jesu tiquirore.

15 Tiquiro sa nidi bato dohatimediquiro pehe usā judio masa pūhtoa tiquirore sinituriquina cahapu esaro yahuahye tiquinare:

—Jesu wame tiriquirō yūhure yūhdugū yeri, ni yahuahye tiquiro.

16 Sa ye saurū ijigū dohatiriquirore tiquiro dohatiyere Jesu cohāgū masiñe, judio masa usā pūhtoa pehe tiquirore ñano ye ducari.

17 Sa ñano tiquirore tiquina ye duagū masino Jesu pehe yahuri tiquinare:

—Yūhu Pacu yojopure dahrarīno nine. Yūhu gūhu dahrarī niaja, ni yahuri tiquirore ñano ye duayequinare.

18 Tiquiro sa nigū judio masa usā pūhtoa pehe tiquiro mehna tutuaro usuaye, to pano tiquina nidiro yūhdūoro tiquirore wejē duari. Saurū decore tiquina sori decore ihcāquirō dohatiriquirore tiquiro yūhdūogū ihñañe tiquina usuari. Sa usuaye tiquiro Cohācjūre “Yūhu Pacu”, nigū tūhoye, tiquina pehe to pano tiquina nidiro yūhdūoro usua nemoahye tja. “‘Yūhu Pacu’, nino Jesu tiquiro basi ‘Cohācjū mehna ihcāno saha ijiaja’, ni wacūaga tiquiro”, ni tūhoturi judio masa usā pūhtoa.

Jesu Cohācjū ohoriquiro ijire

19 Sa ye Jesu tiquinare yahuari:

—Ijirota niita niaja māsare. Yūhu Cohācjū macu, yūhu esa tuharo yeraja. Yūhu Pacu tiquiro yerire ihñagū, tire yeaja.

20 Yūhu Pacu yūhure tiquiro macure cahñe. Sa yero tiquiro yerire yūhure ihño pehore. Ahri yojopu tiquiro tutuaye mehna yūhu yeri yūhdūoro tiquiro apeyere ye dutirota yūhure. Tiquiro sa ye dutigū tiquiro tutuaye mehna ye ihñoutja yūhu. Sa yena ihña maria wahanata mūsa.

21 Yūhu Pacu yariariquinare tiquiro masoriro sahata yūhu gūhu yūhu cahmeñequinare masoutja.

22-23 Ne yūhu Pacu pehe masa tiquina ñañe buhirire buhiri dahreriquiro ijierare. Yūhu pehere tire tiquina ñañe buhirire buhiri dahreacjūre cūri yūhu Pacu. Ijipihtiyequina masa tiquirore tiquina ño peoriro sahata yūhu gūhure tiquina ño peotire buhiri dahreacjūre cūri yūhure. Yūhure tiquiro macure ño peoerana yūhu Pacu gūhure ño peoerare mūsa. Tiquiro ijire yūhure ohoriquiro, nidi Jesu.

24 Sa ni tuhasa ohō saha ni yahu nemori:

—Ijirota niita niaja m̄sare. Ȳh̄h̄ yahuducuyere t̄hoyequina, ȳh̄h̄re ohoriquirote wacū tutuayequina ijipihtiye decori āhm̄sepa sa ijiduceta. Sa yeḡu tiquinare buhiri dahresi ȳh̄h̄. Sa ye tiquina pecap̄u wahaboriquina ȳhd̄eta.

25 Ijirota niita niaja m̄sare. Pecap̄u wahatiquina ȳh̄h̄re Cohācj̄u mac̄are tiquina t̄hoati pje yojop̄u ijire. Camer̄u ḡh̄h̄re ȳh̄h̄re tiquina t̄hoeta tja. Sa t̄hoye t̄ho n̄h̄nequina pehe Cohācj̄u mehna sa ijiduceta.

26 Cohācj̄u ȳh̄h̄ Pac̄u pehe sa ijiducuḡu yeriquiro ijire. Sa yero ȳh̄h̄re tiquiro mac̄are sa ijiducuḡu yeac̄j̄u iji dutiri tiquiro ȳh̄h̄re.

27 Sa yeḡu ȳh̄h̄ mas̄u Cohācj̄u tiquiro ohoriḡu ȳh̄h̄ ijiḡu tiquiro masare buhiri dahreac̄j̄ure c̄uri ȳh̄h̄re.

28 Ahr̄ire t̄hona, t̄ho mariedac̄h̄h̄a m̄sa. Ape decop̄ure ijipihtiyequina yariariquina masa coperip̄u ijiyequina ȳh̄h̄ yahuducuḡu t̄hoeta.

29 Sa t̄hoye, quehnoañene yeriquina ijipihtiye decori Cohācj̄u mehna ijiatiquina masa m̄jaeta. Ñañene yeriquina pehe ñañene tiquina yeri buhiri pecap̄u wahaeta, ni yahuri Jesu.

30 Sa ni tuhasa ohō saha ni yahu nemori:

—Ȳh̄h̄ esa tuharo ne yeraja. Ne ȳh̄h̄ basi ȳh̄h̄ cahmeno ye dueraja. Ȳh̄h̄re ohoriquiro tiquiro dutiriro sahata ye duaja. Sa yeḡu tiquiro ni diro sahata buhiri dahreaja. Sa yeḡu ȳh̄h̄ masare buhiri dahreḡu queoro yeaja.

31 “Ȳh̄h̄ tutuaḡu ijiaja”, ȳh̄h̄ ni yahuḡu “M̄h̄u yahuye ne poto ijierare”, ni masiboaga m̄sa.

32 Apequiro ijire ȳh̄h̄re yahuriquiro. Ti quiro Ñu pehe masare yahure ȳh̄h̄re. Masare ȳh̄h̄re tiquiro yahuri ijirota ijire. Tire ȳh̄h̄ quehnoano masiaja.

33 M̄sa apequina pehere Ñur̄are ȳh̄h̄re sinitu dutina ohori. Sa yero potota yahure tiquiro m̄sare.

34 “Cohācj̄u mac̄ano ijire ahriquiro”, ȳh̄h̄re ni yahuatiquinare macaedaja. Sa macaedapeḡta Ñu mas̄ano tiquiro ijiepeḡta ȳh̄h̄re “Cohācj̄u mac̄ano ijire”, tiquiro ni yahurire yahuḡu niaja. M̄sa ȳh̄h̄re wacū tutuatire, m̄sa pecap̄u wahaborina m̄sa ȳhd̄atire ȳh̄h̄re Ñu tiquiro yahurire yahuḡu niaja.

35 Sih̄aria meheñe decoriḡa ih̄ña masiḡu yero sahata Ñu m̄sare buhe mahtano mehenoḡa tiquiro catiro puno m̄sare masiḡu yeri. Ti quiro sa buheḡu t̄hona meheñe decoriḡa bucueri m̄sa.

36 Ȳh̄h̄ ijiye tiyere tiquiro sa buhepeḡta Cohācj̄u pehe ȳh̄h̄ ijiyere quehnoano yahure. Ti quiro sa yahuḡu Ñu ȳh̄h̄ ijiyere tiquiro yahuye ȳhd̄oro ijire Cohācj̄u ye yahuye. Sa yeḡu Cohācj̄u tiquiro tutuaye mehna ȳh̄h̄re tiquiro ye dutirire yojop̄u yei niaja. Ahr̄ire ȳh̄h̄ yeḡu ih̄ña potota Cohācj̄u ohoriḡu ȳh̄h̄ ijiyere masine m̄sa.

37 Sa yero ȳh̄h̄ Pac̄u ȳh̄h̄re ohoriquiro tiquiro basi “Tiquiro ȳh̄h̄ ohoriquiro ijire”, ni yahure m̄sare. Ti quiro sa ni yahuepeḡta tiquiro yahuducuyere ne t̄hoerari m̄sa. Sa yena m̄sa tiquirore ne masiedari.

38 Ȳh̄h̄re Cohācj̄u ohoriḡure m̄sa ne t̄ho duerari. Sa yena m̄sa Cohācj̄u yere ne cahmedari.

39 Cohācj̄u yere tiquina ojoari p̄ure m̄sa buhena, “Mari ahri p̄ure buhena ijipihtiye decori Cohācj̄u mehna sa ijiducunata”, nine m̄sa. Ti p̄ta ȳh̄h̄re yahure.

40 Ti p̄u ȳh̄h̄re ti yahuepeḡta m̄sa pehe ȳh̄h̄re cahmedare. Ijipihtiye decori Cohācj̄u mehna m̄sa sa ijiducuatire ȳh̄h̄re sini duerare m̄sa, ni yahuri Jesu.

41 Sa ni tuhasa ohō saha ni nemori:

—Ȳh̄h̄re m̄sa ño peoeraḡu ih̄ñagu usueraja ȳh̄h̄ pehe.

42 MUSA pehe Cohãcjũre mUSA cahĩedagũ masiaja yũhũ.

43 Cohãcjũ yũhũ Pacũ tiquiro yũhũre dutiroo sahata yũhũ ahtaepẽgũta mUSA yũhũre cahmedari. Apequiro pehere Cohãcjũ ohoeriquiro tiquiro ijiepegũta tiquiro pehere cahmenata mUSA.

44 Apequina masa mUSAre tiquina ño peogũ cahmene mUSA. Cohãcjũ mUSA mehna tiquiro bucuegũ cahmedare mUSA. Tiquiro dihita Cohãcjũ waro ijire. Sa cahmedana yũhũ gũhũre tuhoerare mUSA. Yũhũre wacũ tutuerare.

45 MUSAre yũhũ Pacũre ne yahusãsi yũhũ. Tire masiña mUSA. Moise tiquiro ojoari pũ pehe mUSAre yahusãnota. “Ti pũ cjẽ dutiyere mari ye pehona, Cohãcjũ cahapũ wahanata”, mUSA nidi pũ pehe mUSAre yahusãnota.

46 Moise tiquiro ojoari pũpũ yũhũ pehere yahuahye. Sa yena ti pũre “Ijirota ijire”, nina, yũhũ yahuye gũhũre “Ijirota ijire”, niboaya mUSA.

47 Moise tiquiro ojoari pũre “Ijirota ijire”, niedana, yũhũ yahuducuye gũhũre “Ijirota ijire”, nisi mUSA, nidi Jesu tiquinare.

6

Cinco mil masare ihyayere ohoahye Jesu

(Mt 14.13-21; Mr 6.30-44; Lc 9.10-17)

1 Sa tiquiro buheri bato Galilea wame tiri ditara ape sie pahrẽpũ usã Jesu mehna pehãa wahũ. Ti ditara pajiri ditara Tiberia wame tiri.

2 To pano Galilea yehpapũ Jesu dohatiyequinare tiquina dohatiyere tiquiro cohãgũ masa ihñae tiri. Tiquina sa ihñari bato Jesu pehãgũ ihñañe masa peyequina tiquirore nũnũ tã cãri.

3 Topũ esana usã tiquiro buhena pehe tiquiro mehna cunũpũ mũja sa, tũ buipũ dujii.

4 Ti deco pascua wame tiri bose deco ijiato judio masa usã ya bose deco mehenogã dahsari.

5-6 Topũ dujiro, Jesu peyequina masa tiquiro cahapũ tiquina ahtagũ ihñadoqueori. Sa ihñadoqueoro Felipe sinituri:

—¿Ahriquina masa tiquina ihyatire nohopũ dúnatari mari? nidi Felipe.

Jesu tiquiro basi tiquiro yeatire masieperota Felipe sinituri, “¿Dũhse yũhtiroitari?” nino.

7 Tiquiro sa sinitugũ tahoro Felipe yũhtiri:

—Doscientos niñeru cjoeri pose ihyayere mari dúepegũta masare dayegã ihyayere mari itiepegũta ne esa tuhasi, nidi Felipe Jesure.

8 Usã mehna cjãno Andre, Simo Pedro bahũro pehe Jesure yahuri:

9 —Ihcã omope pã pacare, pũaro wahire nijino ohõ cũore. To punogãta tiquiro cũoepegũta masa pehe peyequina waro ijire. Sa yero ahri mehenogã ihyaye ne esa tuhasi, nidi Andre.

10 —Masare duji dutiya mUSA, nidi Jesu usãre tiquiro buhenare.

Topũ taa dayegã ijiro ijiri. Usã duji dutigũ masa nuju sa pihtiari taa buipũ. Ëmũa dihitare mari queogũ cinco mil ijiri.

11 Tiquina sa nuju sagũ ihñano Jesu pehe pãre ne, Cohãcjũre “Quehnoare” nidi. Sa ni tuhasarota usãre tiquiro buhenare iti dutiri. Tiquiro sa dutigũ usã pehe dujiyequinare iti cãũ. Pũaro wahi gũhũre iti cãũ. Ijipihtiyequinare quehnoano tiquina esa tuharo ihyayere tiquinare itii.

12 Sa ye masa pehe yapia wahari. Tiquina sa yapigũ ihñano Jesu usãre nidi:

—Tiquina ihya daharire quehnoano ne peho cãhña. Sa yena tiquina ihya daharire ne bosì, nidi.

13 Tiquiro sa nigũ usã pehe ihcã omope pã paca dahsarire usã ne cahmecoagũ doce pũhũse waro wijiari.

14 Sa ye masa ti bajumehnenore Jesu tiquiro yegũ ihñañe, ohõ saha nidi:

—Ijirota ijire. Ahriquiro Cohãcjũ yere yahu mahtariquiro ahri

yehparu ahtariquiro mari cohteriquirota ijire, nidi tiquina.

¹⁵ Tiquina Jesure tiquina puhtoro ijiatiquiro ñehe sō duamedi. Jesu tire masino pari turi ihcāquirota cunaru wahaa wahari.

Jesu aco bui tiniahye
(Mt 14.22-27; Mr 6.45-52)

¹⁶ Ñamicaharu usā tiquiro buhena ditararu buhan.

¹⁷ Topure buha sa, yucsapu sajã, Capernau wame tiri macaru pehã. Usã pehãri pje ñamipuru ijiri. Sa yero Jesu usã caharu ahtaeranidi.

¹⁸ Wihnono tutuaro wẽgũ, pajiri ma pahcõri wahcãri.

¹⁹ Ihcã omope kilómetro esaboro waro usã esagũ waro Jesu usã caharu wihiri. Aco bui tiquiro ahtagũ ihñau usã. Sa usã caharu tiquiro ahtagũ ihñana usã cuei.

²⁰ Sa usã cuegũ ihñano tiquiro usãre yahuri:

—Ne yuhure ihña cueracãhña. Yuhata ijiaja, nidi Jesu.

²¹ Tiquiro sa nigũ tãhona usã bucu-eye mehna tiquirore piti ca sajã duti. Tiquiro sajãri batogãta usã wahari yehpare pehã sa tuhasau.

Masa pehe Jesure macahye

²² Ti ñamine masa topu tojoariquina pehe ihcãriata usã pehãtiare ihñahye. Tia mehna usã pehãgũ ihñari tiquina. Jesu usã mehna tiquiro wahaeragũ gãhure ihñari tiquina. Sa ye ape decore tiquirore cohteye nimahye.

²³ Tiberia wame tiri macaru ahtaye, Jesu Cohãcjũre “Quehnoare”, tiquiro nidiro cahagã cjũnoru, masare tiquiro ihyaye itiriro caha cjũnoru wahã sahye tiquina yucusa mehna.

²⁴ Sa ye ape deco usã Jesu mehna ijirirore usã mariedagũ ihñañe, masa yucsapu sajã, Capernaupu usãre nãnu tã pehã sari. Jesure maca saye nidi tiquina.

Jesu catiyere oho, ihyaye yero saha ijiriquiro ijire

²⁵ Ditararu pehã, Jesure boca saye, masa sinituri tiquirore:

—¿Buhegu, duhse ijigũ ahtari mahu ohõpũre? ni sinituri tiquina.

²⁶ Tiquina sa sinitugũ Jesu tiquinare yahuri:

—Ijirota niita niaja musare. Bajumehnedire yuhu yepegũta yuhu pehere wacũ tutuerare masa. Yuhure wacũ tutuerapenata yuhure macare masa. Yuhu mehna bujaye ihyana, masa yapirina yuhure maca cãhtari tja.

²⁷ Ihyaye ne sa ijiducuerare. Cameru pihtia wahare. Sa yena tire wacũducueracãhña. Apeye ihyaye sijo ro saha ijiye ihyaye pehere macaña masa. Ti ihyayere bocana ijipihtiye decori Cohãcjũ mehna ijinata. Sa ye ti ihyaye pũrita ne pihtierare. Ti ihyayere yuhu masu Cohãcjũ ohorigu musare ohoutja. Cohãcjũ yuhu Pacu yuhure tire oho dutiriquiro ijire. Cohãcjũ tiquiro ohorigu yuhu ijiyere ihño tuhasari musare, nidi Jesu.

²⁸ Tiquiro sa nigũ tiquina sinituri tiquirore:

—¿Cohãcjũ tiquiro ye dutiyere yena tana duhse yenatari usã? ni sinituri tiquina.

²⁹ —Ahrire Cohãcjũ musare ye dutire: “Yuhu ohoriquirore wacũ tutuaya”, nino musare ye dutire Cohãcjũ, nidi Jesu.

³⁰ Tiquiro sa nigũ tãhoye tiquina ohõ saha nidi tja:

—Cohãcjũ ohorigu ijigu tiquiro tutuaye mehna ye ihñoña usãre mähure usã quehnoano wacũ tutuatire. ¿Yabe borore yeitjari mahu?

³¹ Mari ñecusumua munaru panoru cjẽna masa marienoru manã wame tiye pacare ihyae tiahye. Cohãcjũ yere tiquina ojoari pũru ohõ saha ni yahuahye: “Tiquiro tiquinare uhmuse cjẽ ihyayere ohoe tiahye tiquina ihyatire”, ni ojoahye Cohãcjũ yere tiquina ojoari pũru. ¿Tiquiro sa yeriro sahata yeitjari mahu gãhu? nidi tiquina.

³² Tiquina sa nigũ Jesu yahuri tiquinare:

—Ijirota niaja musare. Moise uhmuse cjẽ ihyayere ohoerari

m̄sare. Ȳh̄u Pac̄u pehe uhm̄use c̄j̄e ihyaye potota ij̄iyere m̄sare ohoriquiro ij̄ire.

³³ Coh̄ācj̄ū ye ihyaye uhm̄usep̄u dij̄ia taye, ij̄ipih̄tiri yehpa c̄j̄ēnare catiyere oho masine, nidi Jesu tiquinare.

³⁴ —P̄ahto, decoripe ti ihyayere ohoya us̄āre, nidi tiquina.

³⁵ Tiquina sa niḡū t̄ahoro Jesu yahuri tiquinare:

—Ȳh̄u pehe catiyere oho, ihyaye yero saha ij̄iḡu ij̄iaja. Mari ye ihyayere mari ihyari batota duita ūj̄ua ahbaa wahaja mari tja. Si-hniñe ḡūh̄ure mari sihn̄idi batota aco w̄uoa wahaja tja. Sa ij̄iepeḡūta ȳh̄ure cahmediquiro, ȳh̄ure wac̄ū tutuariquiro ūj̄ua ahbaerariquiro yero saha tiquiro bucueye tiquirore pihtisi.

³⁶ M̄sa pehe ȳh̄ure ih̄ñāepenata ȳh̄ure wac̄ū tutueranine. Tireta m̄sare yahue timi ȳh̄u.

³⁷ Ij̄ipih̄tiyequina yeequina ij̄ia-tiquinare ȳh̄ure ȳh̄u Pac̄u tiquiro c̄ūriquina pehe ȳh̄ure cahmeeta. Sa ye ȳh̄ure cahmeñequinare ne coh̄āsi ȳh̄u.

³⁸ Uhm̄usep̄u ahtaḡu ȳh̄u cahmeno yei ahtaḡu nied̄u ȳh̄u. Ȳh̄ure ohoriquiro tiquiro cahmediro sahata yei ahtaḡu nii ȳh̄u.

³⁹ Ahrita ij̄ire ȳh̄ure ohoriquiro tiquiro cahmeñe waro: Ij̄ipih̄tiyequina yeequina ȳh̄ure tiquiro ohoriquinare ȳh̄u boeraḡū cahmene ȳh̄ure ohoriquiro pihtiri deco ij̄iḡū tiquina masa m̄j̄atire.

⁴⁰ Ij̄ipih̄tiyequina ȳh̄ure Coh̄ācj̄ū mac̄are ih̄ñānequina, ȳh̄ure wac̄ū tu-tuayequina ij̄ipih̄tiye decori tiquiro mehna tiquina ij̄iḡū cahmene ȳh̄u Pac̄u. Sa yeḡu pihtiri decop̄u tiquinare masoutja, nidi Jesu.

⁴¹ “Ȳh̄u uhm̄usep̄u ahtaye ihyaye yero saha ij̄iḡu ij̄iaja”, tiquiro niḡū t̄ahoye judio masa us̄ā p̄ahtoa pehe tiquiro mehna usua, tiquina basi Jesure ñano ni yahuducuri.

⁴² —¿Ahriquiro Jesu José mac̄ano ij̄ierajari? Tiquiro pac̄aro, pacoro

ḡūh̄ure mari masiaja. Sa yero mari yero saha paḡu tiriquireta ij̄ire. ¿Sa ij̄ieperota d̄ahsero “Uhm̄usep̄u ahta”, niajari tiquiro? ni usuari tiquina.

Tiquina sa niḡū t̄ahoro Jesu yahuri tiquinare:

⁴³ —M̄sa ȳh̄ure ñano ni yahudu-cuerac̄āh̄ña.

⁴⁴ Ȳh̄u Pac̄u ȳh̄ure ohoriquiro pehe masare ȳh̄u pehere cahmeḡū yere. Tiquiro sa yeraḡū masa pehe yeequina iji masiedaboaya. Pihtiri deco ij̄iḡū yeequinare masoutja ȳh̄u.

⁴⁵ Coh̄ācj̄ū yere yahu m̄htariquina pehe oh̄o saha ni ojoahye: “Coh̄ācj̄ū tiquinare buherota”, ni ojoahye Coh̄ācj̄ū yere yahu m̄htariquinap̄u. Ij̄ipih̄tiyequina ȳh̄u Pac̄u ye buheyere t̄ahoyequina, tiquirore ȳh̄tiyequina ȳh̄ure cahmene. Sa yeye yeequina ij̄ire.

⁴⁶ Ȳh̄u Pac̄u ne ih̄c̄āquiro mas̄ano ih̄ñedare. Ȳh̄u Coh̄ācj̄ū ohoriḡu dihita ȳh̄u Pac̄u ih̄ñau.

⁴⁷ Ij̄irota niaja m̄sare. Ȳh̄ure wac̄ū tutuariquiro ij̄ipih̄tiye decori ȳh̄u Pac̄u mehna sa ij̄iducurota.

⁴⁸ Ȳh̄u catiyere oho, ihyaye yero saha ij̄iḡu ij̄iaja.

⁴⁹ M̄sa ñec̄us̄um̄ua m̄na iji turi-ayequina masa marienop̄u man̄are ihyae tiahye. Sa tire ihyāepeta yariaa wahae tiahye.

⁵⁰ Uhm̄usep̄u ahtari ihyayere ȳh̄u niñe ihyayere mas̄ano ihyaro, ne pecap̄u wahasi.

⁵¹ Ȳh̄u uhm̄usep̄u ahtari ihyaye catiyere oho, ihyaye yero saha ij̄iḡu ij̄iaja ȳh̄u. Ahri ihyayere ihyariquiro ij̄ipih̄tiye decori ȳh̄u Pac̄u mehna sa ij̄iducurota. Ahri ihyaye catiḡū yere. Ahri ihyaye yero saha ijiye ȳh̄u paḡuta ij̄ire. Ij̄ipih̄tiri yehpa c̄j̄ēna Coh̄ācj̄ū mehna tiquina sa ij̄iducuatire ȳh̄u paḡure ohoḡutja. Sa ohoḡu yariaḡutja, nidi Jesu.

⁵² Tiquiro sa niḡū t̄ahoye us̄ā acaye judio masa pehe tire oh̄o saha ni yahuducuri tiquina basi:

—¿Ahriquiro d̄ahse ye tiquiro paḡure ihyatire ohorotari? nidi tiquina basi.

53 Tiquina sa nigũ tũhoro Jesu yahuri:

—Ijirota niaja m̄sare. Yũhũ masũ Cohãcjũ ohorigũ ijaia. Yũhũ pagũre ihyeriquiro, yũhũ diire sihnieniquiro ãhmũsepũ wahasi.

54 Sa yũhũ pagũre ihyariquirore, yũhũ diire sihnidiquirore pihtiri deco ijigũ masoutja. Sa yero ãhmũsepũ sa ijiducurota tiquiro.

55 Yũhũ pagũ potota ihyaye waro yero saha ijire. Yũhũ dii potota sihniñe yero saha ijire.

56 Yũhũ pagũre ihyariquiro yũhũ diire sihnidiquiro yũhũ mehna bucu-eye mehna ijiducurota. Sa yegũ yũhũ gũhũ tiquiro mehna bucu-eye mehna ijiducuaia.

57 Yũhũ Pacũ yũhũre ohoriquiro sa ijiducure. Sa ijiducuro, yũhũ gũhũre sa ijiducugũ yere. Sa yeye yũhũre sa ijiducugũre masa ihyaye, Cohãcjũ mehna ãhmũsepũ sa ijiducuetã tiquina gũhũ.

58 Ahri tjire ãhmũsepũ ahtari ihyaye. Mari ñecũsmũna m̄na iji turiayequina tiquina ihyari yero saha ijierare ahri ihyaye. Tiquina pehe ti ihyayere ihyãepeta yaria pihtia wahãe tiahye. Ahri ihyaye pehere ihyariquiro ãhmũsepũ sa ijiducurota, nidi Jesu.

59 Capernaupũ judio masa usã buheri wãhãpũ Jesu buhero, sata ni yahuri.

Jesu ye buheyere tũhona ãhmũsepũ sa ijiducunata mari

60 Peyequina Jesure cahmeñequina tiquiro sa ni buheyere tũhoye, ohõ saha ni yahuducuri:

—Ahri buheye tutuaro mijore. Sa yena mari tũho duera cjũaja, ni yahuducuri tiquina basi.

61 Tiquina sa nigũ Jesu pehe tiquina yahuducurire masidi. Sa masino tiquiro sinituri tiquinare:

—¿Ahri buheyere tũhona usuajari m̄sa?

62 ¿Yũhũ masũ Cohãcjũ ohorigũ ãhmũsepũ yũhũ tojoaa wahagũ ihñana

dũhse ni tũhotunatari m̄sa? ¿To gũhũre usuanatari m̄sa?

63 Masũno tiquiro jeripohnare cuoro catire. Tiquiro pagũ pehe tiquirore catigũ yerare. Masũno tiquiro jeripohna tiquirore catigũ yero saha yũhũ buheye pehe m̄sare Cohãcjũ mehna sa ijiducugũ yere.

64 Apequina m̄sa mehna cjẽna ne yũhũre wacũ tutuerare, nidi Jesu.

Coã waropũre Jesu tiquirore wacũ tutueyequinare masidi. Sa yero tiquirore ihña tuhtieyequinare ihñoatiquiro gũhũre masi tuhasari. Sa tiquirore wacũ tutueyequinare masino “Apequina m̄sa mehna cjẽna yũhũre wacũ tutuerare”, nidi Jesu.

65 Sa ni tuhasa ohõ saha ni nemori: —Ohõ saha ni yahumi m̄sare: “Yũhũ Pacũ masare yũhũ pehere cahmegũ yere. Tiquiro sa yeragũ masa pehe yeequina iji masiedaboaya”, m̄sare nie timi, nidi Jesu.

66 Tiquiro sa ni buhegũ tũhoye peyequina Jesure cahmemediquina tiquirore cohã, tiquiro mehna pari turi wahaerari.

67 Tiquina sa yegũ ihñano Jesu usãre doce tiquiro buhenare sinituri:

—¿M̄sa gũhũ yũhũre cohãnatjari? ni sinituri usãre.

68 Tiquiro sa nigũ Simo Pedro yũhtiri tiquirore:

—Pũhto, usãre apequiro buheriquiro mariedare. Mũhũ ye buheyere tũhona Cohãcjũ mehna sa ijiducunatja usã. Mũhũ ye buheye dihita tire yahure usãre.

69 Sa yena usã mũhũre wacũ tu-tuaja. Sa yena mũhũ quehnoagũ, Cohãcjũ macũ tiquiro ohorigũ mũhũ ijigũ usã masiaja. Sa yena mũhũre cohãsi usã, nidi Simo Pedro Jesure.

70 Tiquiro sa nigũ tũhoro Jesu yahuri usãre:

—Yũhũ pehe m̄sare doce besei. Sa ijiepegũta ihcãquiro m̄sa mehna cjẽno watĩno yaquiro ijiatiquiro ijire, nidi usãre tiquiro buhenare.

71 Sa nino Judare Simo Iscariote macũnore nino nidi. Juda pehe doce

usã mehna cjãno Jesure ihña tuhtiyequinare ihñoatiquiro ijiri.

7

Jesu acaye tiquirore “Cohãcjũ macũno ijire”, ni, ne masiedahye

¹ Came Jesu Galilea yehpapũ tinino wahari. Judea yehpapũ judio masa tiquirore wejẽ duari. Tiquina sa wejẽ duagũ masino tiquiro ti yehpapũ wa-haerari.

² Judio masa daye wũhũsegã usã yeati bosc deco mehenogã dũhsatjiãri.

³ Sa ye Jesu bahana tiquirore yahuri:

—Judeapũ wahaya. Topũ mũhũ yequinare mũhũ bajumehneñene ihñogũ wahaya mũhũ.

⁴ Masare mũhũ bajumehneñene ihño duagũ ne nũosi mũhũ. Ye ihñoño cahmene. Potota ahri bajumehneñene ye masigũ ijigũ tire masare ihñoña, nimeri tiquina.

⁵ Tiquiro bahana ijiepetã Jesure “Cohãcjũ macũno ijire”, niedari. Sa yeye sa nidi tiquina tiquirore.

⁶ Tiquina sa nidi bato Jesu yahuri tiquinare:

—Masa yũhare tiquina quehnoano masiati pje dũhsarĩne. Mũsa ihña duana bosc deco ijigũ waha masine.

⁷ Ahri yehpa cjẽna mũsa pehere ihña tuhtierare. Tiquina ñañe yerire yũhũ yahugũ tiquina yũhũ pehere ihña tuhtire.

⁸ Bosc deco ijigũ wahaya mũsa sehsaro. Yũhũ pehere yũhũ wahati pje dũhsarĩne. Sa yegũ yũhũ pehe bosc decore mianogãre ihñaũ waharĩsi, nidi Jesu tiquinare.

⁹ Sa nino tiquiro Galileapũ tojoari.

Jesu daye wũhũsegã tiquina yeri bosc deco ijigũ wahahye

¹⁰ Bosc decopũ Jesu bahana tiquina wahari bato Jesu gũhũ tiquina bato wahari. Sa waharo masa tiquina ihñeno watoa wahari.

¹¹ Bosc deco ijiequina judio masa usã pũhtoã tiquirore macari:

—¿Nohopũ ijiagari tiquiro? ni sinituahe tiquina.

¹² Sa ye masa gũhũ Jesure peyequina yahu wajahye. Apequina “Tiquiro quehnoariquiro ijire”, ni-ahye. Apequina “Tiquiro ñariquiro ijire. Masare mehoriquiro ijire”, ni yahu wajahye tiquina.

¹³ Sa niepeta judio masa usã pũhtoãre cueye masa tiquina ihñenopũ Jesure yahu wajahye.

¹⁴ Bosc decori deco mehna dũhsagũ Cohãcjũ wũhũpũ Jesu sajã saro, buheri.

¹⁵ Tiquiro sa buhegũ usã acaye judio masa tuho maria waha, ohõ saha nidi:

—¿Ahriquiri buheropũ buhemehnediquiro ijieperota dũhsero quehnoano masi pehoajari? nidi tiquina basi tiquirore.

¹⁶ Tiquina sa nigũ Jesu yahuri tiquinare:

—Yũhũ buheri yee yahuducuye ijierare. Yũhare ohoriquiro ye yahuducuye pehe ijire ahri buheye.

¹⁷ Cohãcjũ cahmeñene ye duayequina yũhũ buheye pehere Cohãcjũ ye yahuducuye ti ijigũ masieta. Yũhũ esa tuharo yũhũ buheragũ gũhare masieta tiquina.

¹⁸ Ihcãquiri tiquiro esa tuharo tiquiro masiñe mehna buhero “Yũhũ dihitare ño peoya”, nino nine tiquiro. Sa ijiepegũta yũhare ohoriquiro pehere mũsa ño peogũ cahmeaja yũhũ pehe. Yũhũ sa nigũ tuhona “Potota ni yahuducure tiquiro. Ne mehoedare”, ni masinata mũsa.

¹⁹ Cohãcjũ dutiyere Moise mũnãno pehe cũahye mũsare. Tiquiro sa cũiepegũta mũsa ijipihtina ti dutiye pehere ne yũhtierari. ¿Dũhsena yũhare wejẽ duajari mũsa? nidi Jesu usã acaye judio masare.

²⁰ —Tuho masiedare mũhũ. Watĩnore cõore mũhũ. Mũhare wejẽ duayequina mariedare, ni yũhtiri tiquina Jesure.

Tiquina sa nigũ Jesu yũhtiri:

²¹ —Mari judio masa mari sori deco saurũ ijigũ ihcã tahata Cohãcjũ tu-tuaye mehna dohatiriquiro tiquiro

dohatiyere yahu cohāgū masa ihña maria wahari.

²² Mari ñecusumua muna panopu cjēna pehe tiquina pagure cuhnućuna sohtoa cahserogāre yahre neñequina tiquina yeriro sahata Moise yahre ne dutiahye. Potota Moise pehe ti dutirore cūedahye. Mari ñecusumua muna iji turiayequina pehe tire cū, yahu turiahye. Tiquiro sa dutigū saurú sori deco ijiepegūta masunore tiquiro cuhnućuna sohtoa cahserogāre yahre nene masa.

²³ Saurú ijigū masunore tiquiro cuhnućuna sohtoa cahserogāre yahre nene masa, Moise dutiyere yena tana. ¿Masa gūhu saurú decore tire yepenata ti decopu dohatiriquirore yahu yuhduogū dahsena yahu mehna usuajari masa?

²⁴ Yahu yerire masa quehnoano masiedapenata, yahre ñano tuhoutuercāhña. Masa quehnoano masidi bato yahre masa tuhoutugū potota ijirota. Yahu yerire masina, queoro masiña masa, nidi Jesu.

Jesu coā waropu tiquiro ahtarirore yahuahye

²⁵ Tiquiro sa ni yahuri bato meheñequinagā Jerusalē cjēna tiquirore ohō saha ni yahu wajari:

—¿Ahriquiroy judio masa pahtoa tiquina wejē duariquiroy ijierajari?

²⁶ Sa yero tiquirore tiquina wejē duepegūta ijipihtiyequina ihñono masare buhero nine tiquiro. Sa ye tiquirore wejē duayequina ijiepetasaha ihña cāre. ¿“Tiquiro potota Cristo ijire”, ni, tuhoutuagari pahtoa pehe?

²⁷ Sa ijiepegūta ahriquiroy Jesu tiquiro ahtarirore mari masiaja. Cristo pehe masare yuhduoatiquiro tiquiro ahtagū tiquiro ahtariro pehere masimehnedare. Sa yero masare yuhduoatiquiro Cristo waro ijierare Jesu, ni yahu wajari tiquina Jerusalē cjēna.

²⁸ Tiquina sa niñene masino, Jesu ohō saha ni tutuaro sañuducu buheri Cohācjū wuhupū:

—Yahre ohō saha ni tuhoutuere masa: “Tiquirore masiaja. Sa yena

tiquiro ahtariro gūhure masiaja”, ni tuhoutuemene masa. Masa sa ni tuhoutuepenata yahre ohoriquirore ne masiedare masa. Yahre ohoriquiro potoniniquiro, potoyeriquiro ijire. Tiquirore ne masiedare masa.

²⁹ Tiquirota yahre ohori. Sa yegū tiquiro cahapūta ahtau. Sa yegū yahu pehe tiquirore masiaja, nidi Jesu judio masare.

³⁰ Tiquiro sa nigū tuhoye tiquirore ñehe duamedi. Tiquina sa ñehe duepegūta Jesu tiquiro ñano yuhduati pje dahsarīdi. Sa ye tiquina tiquirore ñehe masiedari.

³¹ Apequina masa pehe peyequina tiquirore wacū tutuaye, ohō saha nidi:

—“Cristo peye tahari Cohācjū tutuaye mehna ye ihñonota”, panopu tiquina ni yahu mahtariro sahata ahriquiroy Jesu pehe peye tahari Cohācjū tutuaye mehna ye ihñore. Ijipihtiyequina apequina yuhduoro Cohācjū tutuaye mehna ye ihñore tiquiro. Sa yero Cristo Cohācjū ohoriquirota ijire ahriquiroy Jesu, nidi Jesure wacū tutua dacayequina.

Fariseo masa Jesure peresuye dutiahye

³² Masa Jesure tiquina sa ni yahuducugū tuhohaye fariseo masa. Sa ye tiquina, pahia pahtoa mehna Jesure ñehe dutiye ohoahye surarare, Cohācjū wuhure cohteyequinare.

³³ Sa yero Jesu judio masare ohō saha nidi:

—Meheñe decorigā masa mehna ijiniitja. Sa yegū mehenogā bato yahre ohoriquiro cahapu wahaatja.

³⁴ Yahu ijiatore masa waha masiedare. Sa yena yahre macaepe-nata ne bocasi masa, nidi Jesu judio masare.

³⁵ Tiquiro sa nigū tuhoye tiquina basi ohō saha ni yahuducuri:

—¿Ahriquiroy sa nino nohopu waharotari, masa tuhoutugū? ¿Griego masa cahapu judio masa waha siteriquina tiquina ijiye macaripu griego masapure buhero wahaboa-gari ahriquiroy?

³⁶ ¿Yuhare ijiatore masa waha masiedare. Sa yena masa yahare macaepenata ne bocasi”, tiquiro nigũ dahse nino boro ahriquiroy sa niajari? ni yahuducuri judio masa tiquina basi.

Catigũ yeye marine yahuahye Jesu

³⁷ Bose deco bato tiri deco ti deco waro ijiro nidi. Ti decore Jesu topu ducuro, tutuaro mehna sañuducu yahuri:

—Aco woyequina acore tiquina tutuaro cahmeno saha ijipihtiye decori Cohãcjũ mehna masa ijiatire tutuaro cahmena yahare siniña. Masa sa sinigũ tiquiro yequina masare iji du-tiitja.

³⁸ Yahare wacũ tutuayequinare ohõ saha ni ojoahye Cohãcjũ yere tiquina ojoari pũpũ: “Mári pohteripũ catigũ yeye aco sa wijiaducuro sahata catigũ yeriquiro tiquina mehna sa ijiducurota”, ni ojoahye Cohãcjũ yere tiquina ojoari pũpũ, ni yahuri Jesu judio masare.

³⁹ Sa catigũ yeriquirore wame peo yahuro “Yuhare wacũ tutuayequina Espiritu Santore cuoeta”, nino nidi Jesu. Tiquiro ahmasepũ tiquiro mjaedarĩgũ Espiritu Santo pehe wihieraniahye.

Judio masa tu wahye pua curua

⁴⁰ Jesu tiquiro sa nigũ tãhoye, masa peyequina ohõ saha ni yahuducuri:

—Ahriquiroy potota Cohãcjũ yere yahu mãhtariquiroy mari cohteriquiro ijire, nidi masa.

⁴¹ Ohõ saha nidi apequina gũhũ:

—Ahriquiroy Cristo marine yahduoati tiquiro tãhoro ohõ saha niahye tiquiro ijire, nidi.

Apequina pehe ohõ saha nidi:

—Cristo ahtaro, Galilea yehpa cjãno ijisi tiquiro. Ahriquiroy Jesu pehe to cjãnota ijire.

⁴² Cristo Davi mnanano panamino ape tjuro cjãno ijiatiquiro ijirota. Sa yero Davi ya maca ijiriropũ Belẽpũ Cristo masa bajarota. Ohõ saha ni yahure Cohãcjũ yere tiquina ojoari pũpũ. Ahriquiroy Jesu pehe Belẽpũ masa bajarahye. Sa yero tiquiro

Cohãcjũ ohoriquiroy Cristo waro ijierare, nidi tiquina.

⁴³ Sa ye Jesure tãhomediquina pua curua tu wari tiquina basi.

⁴⁴ Meheñequinagã masa pehe Jesure ñehe duamedi. Sa ñehe duepeta tiquirore ñehedari.

Judio masa pãhtoa Jesure ne wacũ tutuerahye

⁴⁵ Sa ye surara pahia pãhtoa cahapũ fariseo masa cahapũ tojoaa wahahye. Tiquina tojoa sagũ ihñañe tiquina surarare sinituahye:

—¿Dãhsena Jesure ñehedari masa? ni sinituahye tiquina pehe.

⁴⁶ —Tiquiro quehnoa yahduaro yahuducuriquiroy ijiri. Apequina tiquiro yero saha yahuducuyequina ne mariedare, ni yãhtiahye surara tiquinare.

⁴⁷ Tiquina sa nigũ fariseo masa pehe ohõ saha ni yahuahye:

—¿Masare tiquiro mehogũ “Potota nino niaga”, niajari masa gũhũ?

⁴⁸ Mari pãhtoa Jesure wacũ tutueyequina ijiye ne tiquirore cahmedare. Usã gũhũ sa ijina tiquirore cahmedaja.

⁴⁹ Ahriquina masa pehe Cohãcjũ dutiyere Moiserere tiquiro cãrيره masiedare. (Sa masieñequina ijiye Jesure wacũ tutuayequina ijiye, tiquirore cahmene.) Tiquina sa cahmedi buhiri tiquinare mari Pacũ buhiri dahrerota, niahye fariseo masa.

⁵⁰ Fariseo masano Nicodemo Jesure yahuducuro esariquiroy topũ ijiahye tiquina mehna. Tiquina sa nigũ tãhoro ohõ saha niahye tiquiro tiquinare:

⁵¹ —Jesu ñano yerire masiedaja mari. Sa masiedana marine tiquiro yahuato pano tiquirore buhiri dahre masiedaja mari. Sa masiedapenata tiquirore buhiri dahrena, mari ye dutiyere yahduaducana niaja mari, niahye Nicodemo tiquinare.

⁵² Tiquiro sa nigũ tãhoye ohõ saha ni yãhtiahye tiquina:

—¿Mũhũ gũhũ tiquiro yero saha Galilea cjãta ijiajari? Cohãcjũ

yere tiquina ojoari pũre buhe pehoya. Sa buhegũ “Cohãcjũ yere yahu mãhtariquina ne ihcãquiro mariedare Galileare”, ni buhe masita mãhũ. (Sa yero sa ni maca cãno nine Jesu,) ni yãhtiahye tiquina Nicodemore.

[
53 Tiquina sa nidi bato tiquina ye wãhũsepũ tojoaa wahahye.

8

Umãno mehna ñano yericorore judio masa pãhtoa wacũeno mehna esa pjeahye

1 Jesu cãrupũ Olivo wame tidãpũ wahari.

2 Sa yero bohrearo Cohãcjũ wãhũpũ tiquiro esari tja. Tiquiro esagũ ihñãñe masa peyequina tiquiro cahãpũ cahmecoari. Tiquina sa cahme-coagũ ihñano tiquiro pehe dujitjiãno tiquinare buhe dũcari.

3 Tiquiro sa buheri watoa usã acaye judio masa buheyequina, fariseo masa mehna ti wãhũpũ numinore ne cãhtari. Ticoro umãno mehna ñano yegũ waro wacũeno mehna esa pjeahye tiquina ticorore. Sa esa pjeje ticorore Cohãcjũ wãhũpũ ne sajãri tiquina. Ne sajã sa tuhasa ijipihitiyequina ihñono ticorore duhu docoye ohõ saha nidi:

4—Buhegũ, ahricoro umãno mehna ñano ticoro yegũ waro wacũeno mehna ticorore esa pjei.

5 Cohãcjũ dutiyere Moise mũnanopũ marine tiquiro cũri ohõ saha nine: “Umãno mehna ñano yericorore utã paca mehna doque wejẽña”, niahye Cohãcjũ dutiye. ¿Mũhũ waro dahse ni tãhotuajari ahrire? ni sinituri tiquina Jesure.

6 Jesu ñano nigũ tãho duaye nimeri tiquina tiquirore yahusãñe tehe. Tiquina sa sinituepegũta Jesu muhri quehe, yehpapũ tiquiro omo piria mehna ojoari.

7 Sa tiquina ni sinituducugũ Jesu pehe wahcã nuju sa, tiquinare yahuri:

—Mũsa mehna cjũno ñano yerariquiro ticorore utã mehna doque mãhtaahdo, nidi Jesu.

8 Sa ni tuhasa pari turi muhri quehe, yehpapũ ojoari tja.

9 Tire tãhoye tiquina ñãñe yerire wacũñe, tiquina wahmisũmũa pehe wijia mãhtari. Tiquina bato tiriquina mehna cjẽna gũhũ wijia pihitia wahari. Sa yero numino topũ ducurico Jesu mehna tojoari.

10 Sa yero Jesu wahcã nuju sa ticorore sinituri:

—¿Nohopũ wahajari tiquina? ¿Mũhũre buhiri dahre duamediquina mariedajari yojopũre? nidi ticorore.

11 —Mariedare pãhto, ni yãhtiri ticoro.

—Yũhũ gũhũ buhiri dahreraja mãhũre. Wahaya. Sa yego ñãñene ye nemoedacãhña, nidi Jesu ticorore.]

Buhrioro marine ihña masigũ yero saha Jesu ahri yehpa cjẽnare mari Pacũre masigũ yere

12 Pari turi Jesu ti wãhũpũ ijijequinare yahuri:

—Buhrioro marine to ihña masigũ yero saha yũhũ ahri yehpa cjẽnare Cohãcjũre masigũ yeaja. Yũhũre wacũ tutuariquiro ijipihitiye decori Cohãcjũ mehna sa ijiducurota. Sa yero tiquiro quehnoañene wacũnota. Sa yero tiquiro ñãñene wacũ duerare, ni yahuri Jesu.

13 Tiquiro sa nigũ tiquirore fariseo masa ohõ saha nidi:

—Mũhũ basi mãhũ ijije tiyere sa ni yahuducugũ nine. Sa ye mãhũ ohõ saha ni mãhũ esa tuharo mãhũ ni yahuducu maca quẽhe ne dahseati ijierare, nidi tiquina Jesure.

Tiquina sa nigũ Jesu yãhtiri:

14 —Yũhũ ahtarirore masiaja yũhũ. Yũhũ wahato gũhũre masiaja yũhũ. Mũsa ne tire masiedare. Mũsa ohõ saha niepegũta yũhũ ijije tiyere mãsare yũhũ yahuri poto tjire.

15 Mũsa esa tuharo mãsa ihñari dihitare masine mãsa. Sa yena quehnoano masiedare mãsa. Sa masiedapenata yũhũre ñano ni

yahuducure m_{usa}. Y_{uh} pehe y_{uh} esa tuharo masare ne sa niedaja.

16 Sa yeg_u masa tiquina ijiye tiyere ihña masig_u y_{uh} esa tuharo ihña masiedaja. Y_{uh} pūrita y_{uh}re ohoriquiro mehna ihña masiaja. Sa yeg_u masa tiquina ijiye tiyere y_{uh} ihña masiñe poto tjire.

17 M_{us}are dutiye tiquina ojoari pū ohō saha ni yahure. “P_uaro masa ihcāno saha tiquina yahugū ohō saha tiquina yahuye poto tjire”, ni yahu ojoari jiri.

18 Y_{uh}re yahuriquiro mehna usā p_uana tjiaja. Y_{uh} ijiye tiyere yahuaja y_{uh}. Sa yero y_{uh} Pac_u g_uh_u yahure y_{uh} pehere. Tiquiro tjire y_{uh}re ohoriquiro, nidi Jesu.

19 —¿Nohop_u ijiagari m_{uh} pac_u? ni sinituri tiquina.

—Y_{uh}re m_{usa} masiedare. Y_{uh} Pac_u g_uh_ure masiedare m_{usa}. Y_{uh}re masina, y_{uh} Pac_u g_uh_ure masiboaga m_{usa}, ni yahtiri Jesu tiquinare.

20 Jesu tiquinare buhero sa ni yahuducuri Cohācjū w_{uh}p_u tiquina niñeru s_āñe acari cahap_u. Tiquiro ñano y_{uh}uati pje ijieranidi. Sa ye tiquina mehna tiquiro ijiepegūta tiquina tiquirore ñehedari.

—Y_{uh} wahatop_ure m_{usa} pehe waha masisi, niahye Jesu

21 Pari turi Jesu tiquinare yahuri tja:

—Y_{uh} ahtarip_u wahautja. Y_{uh} wahari bato m_{usa} y_{uh}re macanata. Sa yena m_{usa} ñaño buhiri tiye mehna yarianata. Y_{uh} wahatop_ure m_{usa} pehe waha masisi, ni yahuri Jesu.

22 —“Y_{uh} wahatop_ure m_{usa} pehe waha masisi”, tiquiro nigū t_uhoye, “¿Ahriquiro tiquiro basi wejē yariarotari, sa nino?” nidi usā acaye judio masa tiquina basi.

23 Tiquina basi sa nigū Jesu yahuri tiquinare:

—M_{usa} pehe ahri yehpa cjāna ijire. Y_{uh} pehe uhm_use cjū ijiaja. Ahri yehp_u bajarina ijire m_{usa} pehe. Uhm_use_u ahtarig_u ijiaja y_{uh} pehe.

24 M_{usa} y_{uh} ijiye tiyere y_{uh} nidire “Poto ijierare”, nina, m_{usa} ñaño buhiri tiye mehna yarianata m_{usa}. Sa yeg_u “M_{usa} ñaño buhiri tiye mehna yarianata m_{usa}”, nimi m_{us}are, nidi Jesu tiquinare.

25 —¿Noa boro ijiajari m_{uh}? ni sinituri tiquina.

—Coā warop_ure y_{uh} niducuriro sahata ijiaja y_{uh}.

26 M_{us}are y_{uh} yahuati pajiro d_uhsarīne. Sa yero m_{usa} ñano yeri buhirire m_{us}are y_{uh} yahuati pajiro d_uhsarīne. Sa yeg_u y_{uh}re ohoriquiro tiquiro yahurire ahri yehpa cjēnare yahuaja. Tiquiro yahuri poto tjire, nidi Jesu tiquinare.

27 “Y_{uh}re ohoriquiro”, tiquiro nigū t_uhoye, “Mari Pac_u ijiaga”, ni t_uhotuerari tiquina.

28 Tiquina sa ni t_uhotueragū ihñano Jesu yahuri tiquinare.

—Y_{uh}re mas_ure Cohācjū ohorigure m_{usa} yuc_u teō mehna wahcō donata. M_{usa} sa yena, “Tiquiro Cohācjū ohoriquiro tjire”, ni masinata m_{usa} y_{uh}re. Sa yena y_{uh} esa tuharo y_{uh} yerarig_u ijigū masinata m_{usa}. Sa yena y_{uh} Pac_u y_{uh}re tiquiro buheri dihitare yahurig_u y_{uh} ijigū g_uh_ure masinata m_{usa}.

29 Sa yero y_{uh}re ohoriquiro pehe y_{uh} mehna ijire. Tiquiro cahmeñene ijipihtiyē decori yeducuaja. Sa yero y_{uh}re tiquiro ne cohāedare, nidi Jesu.

30 Tiquiro sa nigū t_uhoye, tiquirore masa peyequina wacū tutuari.

Cohācjū pohne, ñaño yeyequina g_uh_ure yahuahye Jesu

31 Sa ye apequina judio masa Jesure wacū tutuari. Sa yero Jesu tiquinare yahuri:

—Y_{uh} dutiyere ye pehona, potota y_{uh} buhena ijire m_{usa}.

32 Sa yena poto masinata m_{usa}. Poto ijiyere masina, ñaño yeyere duhu masinata. Sa yena cahacjēna yero saha iji nemosi m_{usa}, nidi Jesu tiquinare.

³³ Tiquiro sa nigũ tũhoye ohõ saha ni yahtiri tiquina:

—Usã pehe panopũ cjũno Abrahã mũnano panamena iji turiana iji-aja. Sa yena ne apequina tiquina cahacjãna ijieraja usã. ¿Sa yegũ “Cahacjẽna yero saha iji nemosi”, nigũ, dũhse ijero boro usãre sa niajari mũhũ? ni sinituri tiquina Jesure.

³⁴ Tiquina sa nigũ tũhoro ohõ saha nidi tiquiro:

—Ijirota niaja mũsare. Ijipihtiyequina ñañene yeyequina pehe tiquina ñañene ye duhu masiedare. Sa yero ñañe pehe tiquina pũhtoro yero saha ijire. Sa ijiyequina ijiye cahacjẽna yero saha ijire tiquina.

³⁵ Cahacjãno pehe tiquiro pũhtoro ya curua cjũno ijipihtiye decori ijiducuerare. Ti wũhũ cjũno macũno pehe ijipihtiye decori potota ti curua cjũno ijire tiquiro. (Yũhũ pehe Cohãcjũ macũ iji-aja. Sa yegũ dutigũ iji-aja. Mũsa ñañe yeyere duhu dutiitja.)

³⁶ Sa yena yũhũ Cohãcjũ macũ ñañene yũhũ duhugũ yenohrina ijina potota ñañene duhurina ijire mũsa.

³⁷ Abrahã mũnano panamena iji turiana mũsa ijigũ masi-aja. Sa ijiepenata yũhũ yahuye pehere tũho duerare mũsa. Sa yena yũhũre wejẽ duare mũsa.

³⁸ Yũhũ Pacũ yũhũre tiquiro masigũ yerire yahua-ja mũsare. Yũhũ sa yahuepegũta mũsa pacũ watĩno mũsare tiquiro dutiyere yere mũsa gũhũ, nidi Jesu tiquinare.

³⁹ —Abrahã mũnano panopũ cjũno usã ñecũ mũnano ijie tiahye. Sa yero watĩno usã pacũ ijierare, ni yahtiri tiquina.

Tiquina sa nigũ Jesu yahtiri:

—Abrahã panamena iji turiana ijina, tiquiro yeriro sahata yeboaga mũsa.

⁴⁰ Cohãcjũ yũhũre poto tiquiro yahuyere mũsare yũhũ yahuepegũta yũhũre wejẽ duare mũsa. Abrahã mũnano pehe ne sa yera tiahye.

⁴¹ Mũsa pacũ tiquiro yeriro sahata yere mũsa, nidi Jesu tiquinare.

Tiquiro sa nigũ tiquina yahtiri:

—Omoca dũhtemehneñequina pohna ijieraja usã. Ihcãquirola ijire usã Pacũ. Tiquirota ijire Cohãcjũ, nidi tiquina.

⁴² Tiquina sa nigũ Jesu yahtiri:

—Cohãcjũ mehna cjũ ijigũ, ohõpũre ahtaũ. Sa yena Cohãcjũ mũsa Pacũ tiquiro ijigũ yũhũre cahĩboya mũsa. Yũhũ esa tuharo ahtaerũ yũhũ pũrita. Cohãcjũ tiquiro ohogũ ahtaũ ohõpũre.

⁴³ ¿Dũhsena yũhũ yahuducuyere tũhoerajari mũsa? Yũhũ yahuyere tũho duerare mũsa. Sa yena tũhoerare mũsa.

⁴⁴ Mũsa pacũ pehe watĩno ijire. Sa yena watĩno cahmeñe pehere ye duare mũsa. Ahri yehpa coã waropũ to iji dũcagũpũ, yojopũ gũhũre tiquiro masare wejẽdiquiro ijire. Tiquirore poto yahuducuye mariedare. Sa yero tiquiro ne poto yahuducuerare. Tiquiro coã waropũre ni meho mahta dũcariquiro ijie tiahye. Sa yero tiquiro sa ni mehoducuriquiro ijero, ni mehoñene yahure.

⁴⁵ Yũhũ pehe mũsare poto yahua-ja. Sa yũhũ yahuepegũta yũhũre tũhoerare mũsa.

⁴⁶ “Mũhũ ñano yegũ ijire”, yũhũre ni masiedare mũsa. ¿Poto mũsare yũhũ yahuepegũta dũhsena tũhoerajari mũsa?

⁴⁷ Cohãcjũ pohne pehe tiquiro yahuducuyere tũhore. Tiquiro pohne ijierana, tiquiro yahuducuyere tũho duerare mũsa, nidi Jesu tiquinare.

Abrahã tiquiro ijiato pano Cristo pehe iji tuhasae tiahye

⁴⁸ Tiquiro sa nigũ tũhoye judio masa tiquirore ohõ saha nidi:

—“Mũhũ Samaria cjũ ijire. Sa yegũ watĩnore cũore mũhũ”, usã nidi poto tjire, nidi tiquina Jesure.

⁴⁹ Tiquina sa nigũ tũhoro ohõ saha ni yahtiri Jesu:

—Watĩnore cũoeraja yũhũ. Yũhũ Pacũre ño peoaja. Mũsa pehe yũhũre ño peoerare.

⁵⁰ Yũhũre masa tiquina ño peogũ cahmedaja yũhũ. Yũhũ Pacũ pehe yũhũre ño peogũ cahmene masare.

Tiquiro pūrta yuhū ijiye tiyere quehnoano ihña masino, sata ño peo dutire. Sa yero yuhūre tiquina cahmedari buhiri, buhiri dahrea-tiquiro ijirota tiquiro.

⁵¹ Ijirota niaja musare. Yuhū dutiyere yeriquiro ijipihtiye decori Cohācjū mehna sa ijiducurota, nidi Jesu.

⁵² Tiquiro sa nigū tūhoye ohō saha nidi tiquina:

—Yojopū pūrta watīnore cūogū mūhū ijigū usā quehnoano masiaja. Abrahā mūnāno yariaa wahahye. Cohācjū yere yahu māhtariquina gūhū yaria pihtia wahahye. ¿Sa yegū “Yuhū dutiyere yeriquiro ijipihtiye decori Cohācjū mehna sa ijiducurota”, nigū dūhse nigū sa niajari mūhū?

⁵³ ¿Usā ñecū mūnāno Abrahā yuhūoro tutuajari mūhū? Tiquiro, Cohācjū yere yahu māhtariquina gūhū yariaa wahahye. ¿Mūhū pehe noa boro ijjajari mūhū, sa ni yahuducugū? Mūhū sa nibogū ijierare, nidi tiquina.

⁵⁴ Tiquina sa nigū tūhoro Jesu yahu nemori:

—Yuhū basi “Tutuagū ijjaja yuhū”, yuhū nigū, tutuagū ijieraboaga yuhū. Yuhū Pacū pehe “Tiquiro tutuariquiro ijire”, nine yuhūre. “Usā Pacū”, mūsa nidiquiro pehe yuhū Pacū tjire.

⁵⁵ Mūsa pehe yuhū Pacūre ne masiedare. Yuhū pehe tiquirore masiaja. “Tiquirore masiedaja”, nigū mūsa yero saha ni mehoñe peyagū ijiboaga yuhū. Potota tiquirore masiaja. Sa yegū tiquiro dutiyere yeaja.

⁵⁶ Ahri yehpapū yuhū ahtatore mari ñecū Abrahā mūnāno masie tiahye. Sa masino tiquiro bucuee tiahye, nidi Jesu.

Tiquiro sa nigū tiquina yūhtiri:

⁵⁷ —Cincuenta cūhmari cūoeraga mūhū. Abrahā mūnāno panopū cjāno ijiri. ¿Yojopūre tiquiro mūnānore mūhū dūhse masiboagari? nidi judio masa Jesure.

⁵⁸ —Ijirota niaja musare. Abrahā tiquiro ijiato pano yuhū pehe iji māhta tuhasae tii, nidi Jesu tiquinare.

⁵⁹ Tiquiro sa nigū tūhoye tiquina pehe utā pacare ne, tiquirore doque duamedī. Tiquina sa doque duepegūta Jesu pehe Cohācjū wūhūpū ijiriquiro duhti wijiaa wahari.

9

Caperi bajueriquirore ihñagū yeahye Jesu

¹ Sa yena Jesu usā tiquiro buhena mehna mahapū wahana, apequirore caperi bajueriquirore boca saū. Tiquiro wahma masa bajaropūta caperi bajueriquiro ijie tiahye.

² Usā gūhū tiquirore ihñana, sinituu Jesure:

—¿Buhegū, ahriquiro dūhsero caperi bajueriquiro masa bajuayari? ¿Ñañene yeyari tiquiro sa waharo? ¿O tiquiro pacūsumūa pehe ñañene yeyari tiquiro sa wahagū? ni sinituu usā pehe Jesure.

³ Usā sa nigū tūhoro ohō saha ni yūhtiri tiquiro:

—Ahriquiro ñañene yeri buhiri caperi bajueriquiro wahaerari. Tiquiro pacūsumūa gūhū ñañene tiquina yeri buhiri caperi bajueriquiro wahaerari. Cohācjū tiquirore caperi bajuerağū yeri tiquirore ihñagū yero taro, masare tiquiro ihñootire.

⁴ Yuhūre ohoriquiro tiquiro cūrire yojopūre yero cahmene marine. Ñamipū mari dahra masieno sahata camerū yuhūre ohoriquiro tiquiro cūrire ye masiedaja mari.

⁵ Ahri yehpapū buhrioro marine to ihña masigū yero saha ijigū ahri yehpa cjēnare Cohācjū yere masigū yeaja yuhū, nidi Jesu.

⁶ Sa ni tuhasarota yehpapū sihco puti cūri. Tiquiro sa sihco puti cūrire dihta mehna dahra more, caperi bajueriquirore tiquiro caperire wisōri.

⁷ Sa wisōno ohō saha nidi Jesu:

—Siloé wame tiri copep_u cuhsari copep_u m_uh_u caperire coseg_u wahaya, nidi Jesu.

Siloé *usã* ye mehna niñe “Ohoricope”, niñe nidi.

Jesu tiquiro caperire cose dutiriquiro pehe waha, cose, caperi ihñariquirop_u tojoa wihiri.

⁸ Tiquiro tojoa wihig_u tiquiro cap_uhap_u ijiyequina tiquirore ihñari. To pano niñeru sinimediquiro tiquiro ijig_u ihñariquina tiquirore ohō saha nidi tiquina basi:

—¿Ahriquirop_u sohō ijiriquiro niñeru sinidiquiro ijierajari? nidi tiquina.

⁹ —Tiquirota ijire, nidi apequina pehe.

—Tiquiro ijierare. Tiquiro saha bajuriquiro ijire, nidi apequina pehe.

Tiquina sa nig_u t_uhoro caperi bajueramediquiro pehe ohō saha nidi:

—Tiquiro tjiaja y_uh_u, nidi tiquinare.

¹⁰ Tiquiro sa nig_u masa tiquirore sinituri.

—¿Caperi bajueg_u ijirig_u d_uhse waha ihñari m_uh_u? ni sinituri tiquina tiquirore.

¹¹ —Jesu wame tiquiro sihco co mehna dihta mehna dahra more, y_uh_u caperire wisōri. Y_uh_ure wisō tuhasa “Siloé wame tiri copep_u m_uh_u caperire coseg_u wahaya”, tiquiro nig_u coseg_u es_u y_uh_u. Y_uh_u sa coseri bato y_uh_u caperi quehnoano bajuri y_uh_ure, ni, yahuri tiquiro masare.

¹² —¿M_uh_ure sa yeriquiro nohop_u ijiagari tiquiro? nidi tiquina.

—Ōbah. Noho ijiro ijiaga, nidi tiquiro.

Caperi bajueramediquirore fariseo masa sinituahye

¹³ Sa ni yahuducu tuhasa tiquina caperi bajueramediquirore fariseo masa cahap_u neari.

¹⁴ Ti deco Jesu dihtare sihco co mehna dahra more caperi bajueriquirore tiquiro ihñag_u yeri deco saur_u deco ijiri. Ti deco *usã* sori deco ijiri.

¹⁵ Sa ye fariseo masa pehe tiquirore sinituahye tja.

—¿D_uhse ye m_uh_u ihñari? ni sinituahye tiquina.

—Dihta mehna y_uh_u caperire wisōri. Sa yeg_u y_uh_u caperire y_uh_u coseri bato ihñ_u d_uca_u y_uh_u, ni yahuahye tiquiro tiquinare.

¹⁶ —Tiquiro saur_u decore mari sori decore mari dahra dutieri decore dahraya. Sa yero tiquiro Coh_uñ_uñ_u yaquirop_u ijierare, niahye apequina fariseo masa pehe.

Apequina pehe ohō saha niahye:

—Ñañene yeriquiro ohō saha y_uh_ud_uo masiedare. Sa yero tiquiro quehnoariquirop_u ijiboaga, niahye apequina.

Sa ye tiquina p_ua curua tu wahye tiquina basi.

¹⁷ Sa ye pari turi tiquina caperi bajueramediquirore sinituahye tja.

—¿M_uh_ure caperire quehnoano yeriquirore m_uh_u waro d_uhse ni t_uhotuajari Jesure? niahye tiquina tiquirore.

—Tiquiro potota Coh_uñ_uñ_u yere yahu mahtariquirop_u ijire, niahye caperi bajueramediquiro.

¹⁸ Co_u warop_ure judio masa ohō saha ni t_uhotumahye. “Ahriquirop_u caperi bajueramediquiro ijierare”, ni t_uhotumahye tiquina. Sa ni t_uhotuye caperi bajueramediquiro pac_us_um_uare pijioahye tiquina.

¹⁹ Pijio, tiquiro pac_us_um_uare sinituahye fariseo masa p_uhtoa.

—¿Ahriquirop_u potota m_usa mac_u ijiagari? ¿Duita tiquiro caperi bajueriquiro masa bajuari? ¿Potota caperi bajueriquiro ijieperota d_uhsero ihñajari yojop_ure? ni sinituahye tiquina tiquiro pac_us_um_uare.

²⁰ —Ahriquirop_u *usã* mac_uta ijire. Sa yero duita caperi bajueriquiro masa bajue tiri tiquiro.

²¹ Tire masiepenata tiquiro ihñarire, tiquirore ihñag_u yeriquiro g_uh_ure masiedaja *usã*. *Usã* mac_ure sinituya. B_uc_uro ijire tiquiro. Tiquiro basi yahu masine, niahye tiquiro pac_us_um_uare.

²² Judio masa *usã* p_uhtoa co_u warop_ure ohō saha nie tiahye.

—“Jesuta Cristo Cohãcjũ ohoriquiro ijire”, niñequinare mari buheye wuhusepa sajã dutisi usã, nie tiahye judio masa pãhtoa.

Tiquina sa nigũ tãhoye caperi bajueramediquiro pacusumua judio masa pãhtoare cue niahye.

23 Sa cueye, “Bucuro ijire tiquiro. Tiquirore sinituya”, niahye tiquina judio masa pãhtoare.

24 Came judio masa pãhtoa pari turi pijioahye caperi bajueramediquirore tja. Pijio ohõ saha niahye tiquirore:

—Cohãcjũ mehna poto yahuya mũhũ. Jesure ni mehoriquiro tiquiro ñaãe yeriquiro ijigũ usã masiaja. Sa yegu poto yahuya usãre, niahye judio masa caperi bajueramediquirore.

25 Tiquina sa nigũ tãhoro ohõ saha ni yãhtiahye tiquiro:

—Jesure tiquiro ñaãe yeriquiro ijigũ masiedaja yũhũ. Ihcãnota masiaja yũhũ. Panopũre caperi bajuegu ijie tii yũhũ. Yojobũre ihñaja yũhũ. Ti dihitaro masiaja yũhũ, ni yãhtiahye caperi bajueramediquiro tiquinare.

26 —¿Dũhse yeri mũhũre tiquiro? ¿Mũhũ caperi ihñatire dũhse yeri tiquiro mũhũre? ni sinituahye tiquina.

27 —Tireta mũsare yahu tuhasami yũhũ. Yũhũ sa niepegũta mũsa ne tũho duerare yũhũre. ¿Dũhse ye duana pari turi yũhũ yahugũ tũho duajari mũsa? ¿Mũsa gũhũ tiquiro buhena iji duajari? niahye tiquiro tiquinare.

28 Tiquiro sa nigũ tãhoye tiquina tuhtiahye tiquirore:

—Mũhũ Jesu buherigu ijire. Usã pehe Moise buhena ijiaja.

29 Potota Cohãcjũ Moisero yahuducue tiahye. Jesu tiquiro ahtarirore usã masiedaja, niahye tiquina caperi bajueramediquirore.

30 Tiquina sa nigũ yãhtiahye tiquiro:

—¿Tiquiro ahtarirore mũsa masiedagũ yũhũ Pacũre masigũ yei ahtaũ yũhũre ihñagũ yeriquiro ijero, Cohãcjũ ohoriquiro ijieraboagari tiquiro?

31 Cohãcjũ ñaãe yeyequinare tiquina siniñene tũhoerare. Ti pũritare mari masiaja. Tiquinare tũhoeraperota Cohãcjũre ño pe-oriquirore, tiquiro dutiyere yeriquirore tiquiro siniñene tũhore Cohãcjũ.

32 Coã waropũre ahri yehpa iji dũcagũpũre ne coã masa bajaropũ caperi bajueriquirore ne ihcãquiro ihñagũ yeriquiro marieda tiahye.

33 Sa yero Jesu Cohãcjũ ohoriquiro ijieraro yũhũre ihñagũ yeraboaya tiquiro, niahye tiquiro tiquinare.

34 —Mũhũ duita ñagũ ijie tiahye. ¿Sa ijiepegũta usãre buhe duajari mũhũ? niahye judio masa pãhtoa tiquirore.

Sa ni tuhasayeta tiquina tiquirore cohã wio cãhye.

Jesu yere cahmeeñequina caperi bajueyequina tiquina ihña masieno saha mari Pacũre masiedare

35 Sa yero caperi bajueramediquirore tiquina cohã wiorire Jesu tãhori. Sa tãhoro caperi bajueramediquirore boca saro tiquirore sinituri:

—¿Masũnoro Cohãcjũ ohoriquirore wacũ tutuajari mũhũ? nidi Jesu.

36 —¿Pũhto, noa ijiajari tiquiro? Tiquirore masigu wacũ tutuagũtja tiquirore, nidi caperi bajueramediquiro Jesure.

37 —Tiquirore ihña tuhasari mũhũ. Yojobũre mũhũ mehna yahuducugũ tiquirota ijiaja yũhũ, nidi Jesu caperi bajueramediquirore.

38 —Pũhto, mũhũre wacũ tutuaja, nidi caperi bajueramediquiro.

Sa nino tiquiro Jesu caha dũsepe curi mehna quehe sa, tiquirore ño peori.

39 Tiquiro sa ño peogũ ihñano ohõ saha nidi Jesu:

—Quehnoañequina, ñaãequina gũhũ tiquina yerire masigũ yei ahtaũ ahri yehpapũre. Caperi bajueyequina tiquina ihña masieno saha tiquina yero saha ijieyequina yũhũ Pacũre masiedare. Sa masieñequinare yũhũ. “Usã quehnoano masiaja”, ni tũhotumediquina quehnoano

tiquina masiedarire masigū yei ahtau y_uh_u, nidi Jesu.

⁴⁰ Tiquiro sa nigū tuhoye meheñequina^{ga} fariseo masa tiquirore ohō saha nidi:

—¿“Caperi bajueyequina tiquina ihña masieno saha quehnoano masiedare m_usa g_uh_u”, nii niajari m_uh_u usāre? nidi fariseo masa Jesure.

⁴¹ Tiquina sa nigū ohō saha nidi Jesu:

—Caperi bajueyequina tiquina ihña masieno saha poto m_usa quehnoano masiedagū, m_usare buhiri mariedaboaya. “E_usā quehnoano masina ijiaja”, m_usa nidi buhiri, buhiri tina ijinine m_usa yojopare, nidi Jesu tiquinare.

10

Ovejare cohteriquiro quitire yahuahye Jesu

¹ Came queoye mehna buhero ohō saha nidi Jesu:

—Ijirota niaja m_usare. Ovejare cohteri sahrño sopecaha sajāedariquiro, sopecaha marienop_u sajāriquiro pehe yaque bucuro ijire.

² Sopecaha sajāriquiro pehe ovejare cohteriquiro ijire.

³ Sopecahare cohteriquiro sopecahare pōore ovejare cohteriquiro sajātore. Ovejare cohteriquiro yahuducugū taho cāhtare tiquiro nuñequina oveja pari. Tiquinare pijioro tiquina wame mehna pisuducure tiquiro. Sa yero tiquinare sahrñop_u ijiriquinare piji wiodocore sopecahap_u.

⁴ Tiquiro yequinare ijipihtieyquinare piji wio tiquinare sa u_hm_u tāducure. Oveja pehe tiquiro yahuducuyere taho masiñe tiquiro bato n_un_u tāre.

⁵ Apequirore tiquina ihña masieniquir^{are} n_un_u tādare tiquina. Sa ye apequina tiquina yahuducuyere tuhoye, cue oma sitea wahare, nidi Jesu tiquinare.

⁶ Ahri queoyere tiquiro sa yahuepegūta tiquiro yahuyere masiedari tiquina.

Jesu ovejare quehnoano cohteriquiro yero saha tiquiro yequinare quehnoano cohtere

⁷ Pari turi Jesu tiquinare yahuri tja: —Ijirota niaja m_usare. Ovejare cohteri sahrño sopecaha yero saha ijiaja y_uh_u.

⁸ Ijipihtieyquina y_uh_u pano ah-tayequina ni mehoñene buheyequina yaqueyequina yero saha ijire. Tiquina sa ijiepegūta oveja yero saha ijieyequina yeequina pehe apequinare ne taho cāedare.

⁹ Y_uh_u ovejare cohteri sahrño sopecaha yero saha ijiaja. Sopecaha sajāñequina yero saha ijire y_uh_ure wacū tutuayequina. Sa yeg_u tiquinare pecap_u wahaboriquinare y_uh_ud_uoutja. Ovejare cahmotari sahrño tiquinare cahmotariro sahata y_uh_u y_uh_ud_uoyequinare cahmotatja. Sa ye tiquina cahmeñene c_uoeta tiquina, nidi Jesu.

¹⁰ Sa ni tuhasa ohō saha ni nemori: —M_usare ni meho buheyequina ovejare yaqueyequina yero saha ijire. Apequina yaque duaye, apequina wejé duaye ahtare. Oveja yero saha ijieyequinare, yeequina ijipihtie decori Cohācjū mehna ijiatiquinare yeg_u ahtau y_uh_u. Sa yeg_u yeequina decoripe tiquina bucueatire ahtau y_uh_u.

¹¹ Ovejare quehnoano cohteriquiro yero saha ijiaja y_uh_u. Ovejare quehnoano cohteriquiro yariatiquiro ijieperota tiquiro yequina ovejare cohtere, “Sijoro wahari”, nino. Yeequina Cohācjū mehna tiquina sa ijiducuatire yeg_u yariatja y_uh_u.

¹² Oveja up_uro cahacjūno pehe oveja up_uro ijierare. Sa yeye oveja tiquiro yequina ijierare. Sa yero y_uh_u ovejare tiquiro ihyaro ahtagū ihñano tiquiro cahacjūno pehe ovejare cohā doco cā, oma cāa wahare. Tiquiro sa cohā docori bato, yairo ovejare tiquiro ñehegū ihñañe oveja pari oma site cāa wahare.

¹³ Tiquiro cahacjūno pehe tiquiro wapataye dihitare cahmene. Sa yero

tiquiro ovejare quehnoano cohte coerare, nidi Jesu.

¹⁴ Sa ni tuhasa ohõ saha ni nemori: —Ovejare quehnoano cohteriquiro yero saha ijiaja yuhũ. Sa yegu yeequinare masiaja yuhũ. Sa yeye yeequina pehe yuhũre masine.

¹⁵ Sata yuhũ Pacũ gũhũ yuhũre masine. Sa yegu yuhũ gũhũ yuhũ Pacũre masiaja. Oveja yero saha ijiyequina yeequina Cohãcjũ mehna tiquina sa ijiducuatire yariãtja yuhũ.

¹⁶ Apequina oveja ape sahrĩno cjẽna yero saha ijiyequina apequina masa gũhũ yeequina ijietã. Tiquina gũhũre neagãtja. Sa ye yuhũ yahuducugũ tũho cãeta tiquina gũhũ. Sa ye yeequina ijipihtiyequina ihcã curuata ijietã. Sa yegu yuhũ dihita yeequinare cohteitja, nidi Jesu.

¹⁷ Sa ni tuhasa ohõ saha ni nemori: —Yeequina Cohãcjũ mehna tiquina sa ijiducuatire yariãtja yuhũ. Yuhũ yariari bato masa mũjagãtja. Sa yeacjũ yuhũ ijigũ yuhũ Pacũ yuhũre cahĩne.

¹⁸ Yuhũ wejẽ dutieragũ yuhũre wejẽ masiedaboaya tiquina. Yuhũ cahmeno sahata yuhũre wejẽeta. Sa yegu yeequina Cohãcjũ mehna tiquina sa ijiducuatire yariãtja. Yaria masiaja yuhũ. Sa yegu masa mũja masiaja. Yuhũ Pacũ yuhũre tireta ye dutiri, nidi Jesu.

¹⁹ Tiquiro sa nigũ tũhoye judio masa pũa curua tu wari. Apequina sijoro tũhotu, apequina gũhũ sijoro tũhoturi.

²⁰ —Tiquiro watĩno cũore. Sa yero tũho masiedare. ¿Dũhsena tiquirore pari turi tũhoajari mũsa? nidi apequina peyequina judio masa.

²¹ Apequina pehe ohõ saha nidi: —Watĩno cũoriquiro ijero sa ni yahuducueraboaya. Caperi bajueriquirore ihũagũ ye masiedare watĩnore cũoriquiro. Sa yero watĩnore cũoerare Jesu, nidi apequina judio masa.

Judio masa Jesure cahmedahye

²² Ape deco usã acaye judio masa Jerusalẽpũ bose deco yeye nidi

pari turi. Cohãcjũ wuhũre panopũ Cohãcjũre tiquina ohorire tiquina wacũati deco ijiri. Ti pjere pohecũ ijiri.

²³ Ti decore Salomo wame tiri tucũpũ Cohãcjũ wuhũpũ ijiri tucũpũ Jesu ihũa tinino nidi.

²⁴ Ti tucũpũ tiquiro ijigũ ihũaũe usã acaye judio masa tiquiro cahapũ cahmecoa, tiquirore sinituri.

—Yoabutiari pje usãre quehnoano yahueraga mũhũ. Poto usãre quehnoano yahu madoqueohya mũhũ. ¿Cohãcjũ ohorigũ Cristota ijiajari mũhũ? nidi tiquina Jesure.

²⁵ Tiquina sa nigũ tũhoro ohõ saha ni yũhtiri Jesu:

—Mũsare yahu tuhasamajagũ. Yuhũ sa yahuepegũta yuhũre tũho duerare mũsa. Yuhũ Pacũ yuhũre tiquiro dutiriro sahata tiquiro tutuaye mehna ye ihũoaja. Sa yegu yuhũ Cristo ijiereta mũsare ihũogũ niaja.

²⁶ Yuhũ sa ihũoepegũta yuhũre tũho duerare mũsa. Mũsa pehe yeequina ijierare. Sa yena apequiro yequina oveja yero saha ijina, yuhũ pehere tũhoerare mũsa.

²⁷ Ovejare cohteriquirore tiquiro yequina tiquina tũhoriro saha yuhũre yeequina tũhore. Sa yegu tiquinare masiaja yuhũ. Sa ye tiquina yuhũ mehna wahare.

²⁸ Sa yegu ijipihtiye decori Cohãcjũ mehna ijigũ yeaja tiquinare. Sa ye tiquina pecapũ wahasi. Sa yegu yeequinare yuhũ cohtegũ apequina pehe ne yuhũre ehma masiedare yeequinare.

²⁹ Yuhũ Pacũ yuhũre yeequinare ohoriquiro ijipihtiyequina yuhũdũoro tutuariquiro ijire. Sa ye yuhũ Pacũ pehe yeequinare tiquiro cohtegũ apequina pehe tiquiro gũhũre ne ehma masiedare tiquinare.

³⁰ Yuhũ, yuhũ Pacũ mehna ihcãta ijiaja, nidi Jesu judio masare.

³¹ Tiquiro sa nigũ tũhoye judio masa pehe tiquirore tiquina doque wejẽati utã pacare pari turi nemedi tja.

³² Tiquina sa yegũ ihñano Jesu sinituri tiquinare:

—Yũhũ Pacũ tutuaye mehna peye tahari ye ihñomi mũsare. ¿Dise boro pehere yũhũ yeri buhiri yũhũre utã paca mehna doque wejẽ duajari mũsa? ni sinituri Jesu.

³³ Tiquiro sa nigũ tũhoye ohõ saha nidi tiquina:

—Cohãcjũ tutuaye mehna mũhũ ye ihñori buhiri mũhũre utã mehna doque wejẽ dueraja usã. Cohãcjũre mũhũ ñano yahuducuri buhiri mũhũre utã paca mehna doque wejẽ duaja usã. Masũ ijiepegũta “Cohãcjũ ijiaja yũhũ”, mũhũ niñe buhiri mehna mũhũre utã paca mehna doque wejẽ duaja usã, ni yũhtiri tiquina.

³⁴ Tiquina sa ni yũhtigũ tũhoro Jesu tiquinare yahuri:

—Mũsa gũhũre “Cohãmana”, ni pisuri Cohãcjũ. Sata ni ojoahye tiquiro dutiyere tiquina ojoari pũpũ.

³⁵ Cohãcjũ yere tiquina ojoari pũ potota ijigũ mari masiaja. “Ni mehoñe ijire”, ti pũre ni masiedaja mari. Sa yero tiquiro yere tũhoyequinare potota tiquiro “Cohãmana”, ni pisure.

³⁶ Cohãcjũ yũhũre besetjiãno, ahri yehpapũre ohori. Sa yegũ yũhũ “Cohãcjũ macũ ijiaja”, yũhũ nidi buhiri “Cohãcjũre ñano yahuducuro nine Jesu”, nine mũsa yũhũre. ¿Dũhsena yũhũre sa niajari mũsa?

³⁷ Yũhũ Pacũ tiquiro cahmediro sahata tiquiro tutuaye mehna yũhũ ye ihñoadagũ pũritare yũhũ buherire “Poto tjire” niedaboaga mũsa.

³⁸ Yũhũ Pacũ tiquiro tutuaye mehna yũhũ ye ihñoepegũta yũhũ pehere tũho duerare mũsa. Sa tũho duerapenata tiquiro tutuaye mehna yũhũ ye ihñogũ ihñana yũhũ yerire “Poto tjire”, niña mũsa. Mũsa sa nina, yũhũ Pacũ mehna usã ihcãno saha ijigũ masinata mũsa. Sa yena tũhonata mũsa, nidi Jesu tiquinare.

³⁹ Tiquiro sa nigũ tiquina pari turi tiquirore ñehe duamedĩ. Tiquina sa ñehe duagũ ihñano tiquiro duhti wijiã wahari.

⁴⁰ Sa wijiariquiropũta Ñũ masare tiquiro wame ye mũhtariropũ Jordã asũ mũja taro pehepũ pari turi Jesu wahari tja. Topũ esaro tojoa cãri tiquiro.

⁴¹ Sa ye masa peyequina tiquirore ihñañe esari. Ohõ saha nidi tiquina basi:

—Ñũ pehe Cohãcjũ tutuaye mehna ye ihñoadari. Sa ye ihñoadapegũta ijipihitiye Jesure tiquiro yahuri pehe queorota ijire, nidi masa tiquina basi.

⁴² Sa ye topũre masa peyequina wacũ tutua dũcari Jesure.

11

Lázaro wame tiquiro yariaa wahahye

¹ Sa ye Betania wame tiri maca cjũno Lázaro wame tiquiro dohatiro niahye. Ti macapũ tiquiro wahmiosãnumia gũhũ María, Marta mehna ijiri.

² María pehe Jesure ehme sitiye pio wisõaticoro, ticoro poari mehna tiquirore tu coseaticoro ijire. Ticoro bahũro Lázaro pehe dohatiro niahye.

³ Sa ye tiquina numia apequinare Jesure yahu dutiye ohoahye.

—Pũhto, mũhũ cahñiquiro dohatiro nine, ni yahu dutiye ohoahye Lázaro wahmiosãnumia.

⁴ Ti quitire tũhoro ohõ saha nidi Jesu:

—Yojopũre Lázaro tiquiro dohatiyere tiquiro yariati ijierare. Cohãcjũ tutuayere masare ihñootire yojopũre tiquiro dohatire. Sa ye yũhũ tutuagũ yũhũ ijigũ gũhũre masa ihñaeta, nidi Jesu.

⁵ Jesu Martare, ticoro bahoro gũhũre, Lázaro gũhũre tutuaro cahĩdi.

⁶ Sa nino Lázaro tiquiro dohatigũ tũhoeperota topũ Jesu pũa deco tojoari.

⁷ Pũa deco bato Jesu ohõ saha nidi usãre tiquiro buhenare:

—Pari turi Judea yehpapũ tojoa wahauhna tja, nidi usãre.

⁸ —Buhegũ, canũagãta judio masa mũhũre utã paca mehna doque wejẽ

duamedi. ¿Duhsegü pari turi tojoaa waha duajari mühu? nii usã pehe.

⁹ Usã sa nigü tühoro tiquirore tiquina wejê masiedarîne yahuro, queoye mehna buhero ohõ saha nidi usãre:

—Pajiro tühotueracãhña. Ihcã decore doce horari waro ijire. Asü deco cjãno ijigü quehnoano ihñaja mari. Sa yena decore tinina, ne püha boraeraja mari.

¹⁰ Nahitianopü tiniñequina püha boraah wahare. Asü deco cjãno mariedagü quehnoano ihñedare tiquina, nidi Jesu. (Sa nino ohõ saha nino niahaye: “Yojopüre yühu Pacü yere yühu yahu pehoato duhsarîne. Sa ye yühure wejê masiedarîne”, nino niahaye.)

¹¹ Sa nino usãre yahu nemori tja:

—Mari mehna cjãno Lázaro, carïno niaga. Tiquiro sa carïpepegüta yühu tiquirore wahcõgü wahaütja, nidi usãre.

¹² —Pühto, Lázaro carïniquiro ijiro, yühdurota, nii usã.

¹³ Usã sa niepegüta Jesu “Carïno niaga”, nino “Yariaa wahare”, nino nidi jimedi. Tiquiro sa nigü tühona “Lázaro soro niaga”, ni tühotumi usã pehe.

¹⁴ Usã sa ni tühotugü masino Jesu poto yahuri usãre:

—Lázaro yariaa wahaga.

¹⁵ Yühu marieno tiquiro yariagü quehnoarîne. Sa yena masa yühure wacü tutua nemonata. Isa mari ihñana wahañhna tiquiro cahapü, nidi Jesu.

¹⁶ Tomasu sühdüariquiro tiquina ni pisuriquiro ohõ saha nidi usãre:

—Mari gühu Jesu mehna wahañhna. Tiquirore wejêñe, mari gühure wejêahdo, nidi Tomasu.

Jesu sa ijiducugü yeriquiro masare masoriquiro ijire

¹⁷ Sa ye topüre usã esari bato to cjëna ohõ saha ni yahuri Jesure:

—Pititia deco wahare Lázaro münanore masa copepü tiquina cüri bato, ni yahuri tiquirore.

¹⁸ Betania pehe Jerusalë cahapü ih-tia kilómetro yoaro ijiri.

¹⁹ Sa ye usã acaye judio masa peye-quina Martare, María gühure ñehe quea utiye ahtahye Lázaro yariari bato.

²⁰ Sa yero Jesu mehna usã esana tana yegü tühoro Marta pehe usãre piti caro ahtari jiri. Ticoro sa piti caro wahagü María pehe tiquina ya wühüpü tojoahye.

²¹ Sa piti caro Marta ohõ saha nidi Jesure:

—Pühto, yühu bahü tiquiro yariato pano mühu ohõpü ijigü tiquiro yarier-aboaya.

²² Yojopü gühure Cohãcjüre mühu sini basagü tiquiro mühu sinino sahata yerota, nidi Marta Jesure.

²³ —Mühu bahü masa wijiarota, nidi Jesu ticorore.

²⁴ —Ahri yehpa pihtiatu deco tiquiro masa wijiatore masiaja yühu, nidi ticoro.

²⁵ Ticoro sa nigü Jesu yahuri tja:

—Yühu masa wijiaagü yegü tjiaja. Yühu sa ijiducugü yegü tjiaja. Yühure wacü tutuariquiro yarieperota sa ijiducurota.

²⁶ Sa ye ijipihtiyequina Cohãcjü mehna ijiducuyequina yühure wacü tutuayequina ne pecapü wahasi. ¿Ahrire masiajari mühu? nidi Jesu ticorore.

²⁷ —Pühto, masiaja yühu. Cristo Cohãcjü macü, “Ahri yehpapü ahtarota”, tiquina nidigü mühu ijigü masiaja yühu, nidi Marta Jesure.

Lázaro masa cope cahapü esaro Jesu utiahye

²⁸ Marta sa ni tuhasa ticoro bahoro Mariäre pijiro wahari.

—Marine buheriquiro mari ya macapüre wihiri. Mühure pijire, derogã ni yahuahye Mariäre.

²⁹ Ticoro sa nigü tühoro María so-jaro mehna wahcãdücü, usã cahapü ahtahye Jesure ihñano taro.

³⁰ Tiquina ya macapü esera nii usã. Marta ticoro piti caripü ijini usã.

³¹ Judio masa ti wühüpü Mariäre ñehe quea utiye niahye. Sa ye ticoro

wahagũ ihñañe, tiquina ticorore nũnũ tã cãhye. “Ticoro bahũro mũnanore tiquina cũri copepũ utiro waharo nine ticoro”, ni tũhotumahye tiquina. Sa ni tũhotuye ticorore nũnũ tã cãhye.

³² Sa yero María usã cahapũ wihiro, Jesure ihña, tiquiro dahpocãri cahapũ dũsepe curi mehna quehe sari.

—Pũhto, yũhũ bahũ tiquiro yariato pano mũhũ ohõpũ ijigũ tiquiro yarietaboaya, nidi ticoro Jesure.

³³ Sa yero judio masa ticoro mehna ahtariquina gũhũ tiquina utigũ ihñano Jesu pehe tutuaro bũjũa witi ñano jeripohna tiri.

³⁴ —¿Lázaro mũnanore nohopũ cohãri mũsa? ni sinituri Jesu.

—Ihñaũ taya, ni piji cãri tiquina.

³⁵ Tiquina sa nigũ tũhoro Jesu utiri.

³⁶ —Lázaro mũnanore Jesu tutuaro cahĩmeyari, nidi judio masa tiquina basi.

³⁷ Apequina pehe ohõ saha nidi:

—Caperi bajueriquirore ihñagũ yeriquiro ijire ahriquiro Jesu. ¿Sa yero Lázaro tiquiro yariato pano tiquirore yũhdũoeraboayari? nidi tiquina.

Lázaro masa wijiahye

³⁸ Sa yero Jesu pari turi tutuaro bũjũa witi. Sa yena usã ijipihtina Lázaro masa copepũ esau. Ʋtãpũ tiquina seheri cope ijiri. Sa yero tiquiro pagũre tiquina siõ sãa cũri cope ijiri. Sa yero ti cope pajiria utã mehna tiquina bihari cope ijiri.

³⁹ —Ʋtã bihariare neña, nidi Jesu.

Tiquiro sa nigũ tũhoro Marta yariariquiro mũnũno wahmiono ohõ saha nidi:

—Pũhto, yojopũ pititia deco waha tuhasare tiquiro yariari bato. Sa yero tiquiro pagũ ijiriro urĩ yũhdũaga, nidi Jesure.

⁴⁰ —“Yũhũre wacũ tutuago Cohãcjũ tutuayere ihñagota”, mũhũre nimigũ, nidi Jesu Martare.

⁴¹ Tiquiro sa nidi bato tiquina utã bihariare ne wiori. Tiquina sa nedi bato Jesu pehe mũmũsepũ ihña mũo, Cohãcjũre ohõ saha nidi:

—Mai, yũhũre mũhũ tũho tuhasari. Tire mũhũ yegũ masigũ bucueaja mũhũre.

⁴² Yũhũre mũhũ decoripe tũhoducure. Tire masiaja. Sa masiepegũta yũhũ mũhũ ohorigũ yũhũ ijigũ ohõre ducuyequina tiquina masiatire mũhũre sa niaja. Tire “Potota ijire”, tiquina nino quehnoano sa nigũ niaja, nidi Jesu tiquiro Pacarore.

⁴³ Sa ni tuhasa Jesu tutuaro sañuducuri:

—Lázaro ahtaya, ni sañuducuri tiquiro.

⁴⁴ Tiquiro sa nigũ yariariquiro mũnũno omocarine tiquiro dahpocãri gũhũre suhti cahseri mehna tiquina dũhtemediquiro, tiquiro dapure suhtiro mehna tiquina wahmemediquiro, masa copepũ wijia tari.

—Tiquina dũhterire pãña tiquirore, nidi Jesu.

Judio masa pũhtoa pehe Jesure ñehe duamahye

(Mt 26.1-5; Mr 14.1-2; Lc 22.1-2)

⁴⁵ Tiquiro sa masogũ ihñañe peyequina judio masa mehna cjẽna María mehna ahtariquina Jesure wacũ tutua, cahmedi.

⁴⁶ Apequina tiquina mehna cjẽna pehe fariseo masa cahapũ esaye, Jesu yerire yahuahye tiquinare.

⁴⁷⁻⁴⁸ Sa ye pahia pũhtoa, fariseo masa pũhtoa gũhũ cahmecoa, tiquina basi ohõ saha ni yahuducuahye:

—Jesu peye tahari Cohãcjũ tutuayere mehna ye ihñore. Tiquiro sa ye ihñogũ “Tire yeracãhña”, mari niedagũ ijipihtiyequina masa tiquirore cahmeñe, tiquiro mehna wahaboaga. Sa ye Roma cjẽna pũhtoa Cohãcjũ wũhũre cohã dutiye ohoeta tiquina yequina surarare. Mari ya dihta gũhũre ehmaeta tiquina. (Mari ya dihta cjẽna Jesure tiquina pũhtoro cũgũ ihñañe Roma cjẽna pũhtoa “Marine cohãñe nine”, ni usua ñano yeeta marine.) ¿Sa yena dũhse yenatari yojopũre? ni yahuducuahye tiquina basi.

49 Tiquina sa niepegūta apequiro Caifa wame tiriquireo ti cahmare pahia pūhtoro ijero, tiquinare yahuahye:

—Musa pehe ne masiedare.

50 Judio masa ijiphtina mari ye ijiatire ihcāquiro masuno tiquiro yariagū quehnoare. Tiquiro yari-eragū marine ijiphtina judio masare cohā peho cāboaga. Tire musa masiedare, niahye Caifa tiquinare.

51 Sa nino tiquiro esa tuharo sa nino niedahye. Pahia pūhtoro tiquiro ijigū judio masa ye ijiatire Jesu yariatire mari Pacu pehe Caifare sa ni yahu dutiahye.

52 Jesu yariaro judio masa dihitare yūhdūoro taro niedare. Sa yariaro ijiphtiyequina Cohācjū pohnene ahri yehpau iji siteyequina gūhare ihcā curuata ijigū yeatire yariatiquiro ijiri Jesu.

53 Sa ye ti decota tiquina “¿Jesure dūhse ye wejēnataro mari?” ni yahuducuye, tiquirore wejēne tee niahye.

54 Tiquina sa wejē duagū masino Jesu peyequina judio masa watoa pari turi tinino wahaerari. Sa yero masa marieno cahagā Efraī wame tiri macapu usāre siho wahari. Usāre ti maca siho tojoarīdi Jesu.

55 Ti pjere pascua bosc decori usā judio masa usā bosc decori ijiatō mehenogā dūhsatjiāri. Sa ye bosc deco panogā masa peyequina apeye macari cjēna Jerusalēpu cahmecoari. Pascua cjēne tiquina ihyato pano Cohācjū yere yeye tehe, tiquina cahmomohnoare cohoro saha tiquina ñañene cosee tee nidi.

56 Sa ye tiquina Jesure macañe niahye. Sa ye Cohācjū wūhūpu ijiyequina ohō saha ni yahuducuahye:

—¿Bosc decore ihñano ahtaeraboari Jesu, musa tūhotugū? niahye tiquina basi.

57 Sa ye pahia pūhtoa, fariseo masa gūhū ohō saha ni yahu dutiahye masare:

—Jesu wihigū ihñana, yahuya usāre. Tiquirore ñehena tana niaja, niahye pūhtoa masare.

12

María Jesu dahpocārine ehme sitiye mehna pio peohye
(Mt 26.6-13; Mr 14.3-9)

1 Jesu, usā tiquiro buhena mehna Betaniapu usā esari bato pascua deco esato seis decori waro dūhsarīdi. Lázaro Jesu masoriquiro ti maca cjāno ijiri.

2 Usā esari bato Jesu gūhū usā ihyatire dahreri apequina. Sa ye Lázaro, Jesu, usā mehna mesa cahapu nuju sau. Usā sa nuju sari bato Marta ihyayere peori usāre.

3 Sa yero María ehme sitiye uhsere nardo wame tiye cohori uhsere kilo deco mehna ne cāhta Jesu dahpocārine pio peori. Ti uhsere wapa ti yūhdūari. Pio peo tuhasa ticoro poari mehna wūori. Ticoro sa pio peori bato ti wūhū quehnoano ehme siti sehsoa wahari.

4 Usā mehna cjāno, Jesure ihñana tuhtiyequinare ihñootiquiro Juda Iscariote pehe ohō saha nidi:

5 —¿Dūhse yero ahricoro sa ye siteajari? Tire ticoro duaboaya. Tire duaro tres cientos ññeru cjoerire wapataboaya. Sa yero ticoro ti ññerure pejecūoyequinare ohoboaya, nidi tiquiro.

6 Juda pehe pejecūoyequinare yedoho duerari. Tiquiro usā ññerure ihbo basariquiro ijieperota yaqueriquiro ijiri. Sa yero tiquiro usā ññerure ihquē tahari ne mūjari. Sa yero “Ti ññerure neitja”, nino, sa nidi Maríare tiquiro.

7 Tiquiro sa nigū tūhoro ohō saha nidi Jesu:

—Sa niedacāhñana ticorore. Ticoro ehme sitiye yūhare ticoro dūharire yūhare pio peori, yūhare tiquina yato pano yūhū pagūre quehnoyuro. Pejecūoyequina pehe musa mehna sa ijiducuenta. Sa yena tiquinare oho masine musa.

⁸ Yuhu pehe ahri yehpapure masa mehna sa ijiducusi, nidi Jesu.

Pahia pũhtoa Lázaro wejẽ duahye

⁹ Sa ye Jesu Betaniapũ tiquiro ijigũ tũhoye, usã acaye judio masa peyequina tiquirore ihñañe ahtari. Tiquiro dihitare ihñañe ahtaye niedari. Lázaro yariamediquirore Jesu masoriquirore tiquiro gãhure ihñañe ahtaye nidi.

¹⁰ Tiquina ihñañe esarire masiñe, pahia pũhtoa Lázaro gãhure wejẽ duari.

¹¹ Lázaro yariamediquiro Jesu masoriquiro ijigũ ihñañe peyequina masa Jesure wacũ tutuari. Tiquiro sa masogũ ihñañe peyequina judio masa tiquina pahia ye buheye pehere duhu cãri. Tiquina sa duhugũ ihñañe pahia pũhtoa pehe usua yũhdũye Lázaro wejẽ duari.

Jerusalẽpũ esahye Jesu

(Mt 21.1-11; Mr 11.1-11; Lc 19.28-40)

¹² Pascua bose decore tiquina yegũ peyequina masa Jerusalẽpũ ihñañe wahari jiri. Ape deco Jerusalẽpũ Jesu ahtatire masa tũhori.

¹³ Sa ye iqui pohnarine ne cã, tiquirore piti caye wahari. Sa piti caye ohõ saha ni sañuducuri tiquina:

—Ahriquiore ño peouhna. Ahriquiore Cohãcjũ ohoriquiro quehnoano ijahro. Ahriquiore judio masa mari pũhtoro tjire, ni sañuducuri tiquina.

¹⁴ Jesu burrogã tiquiro bocariquiogã bui pesari. “Ohõ sahata yerota”, ni ojoahye Cohãcjũ yere tiquina ojoari pũpũ:

¹⁵ Jerusalẽ wame tiri maca cjãna, cueracãhña masa. Ihñaña, Masa pũhtoro burrogã bui pesa cãhtare, ni yahuahye Cohãcjũ yere tiquina ojoari pũpũ.

¹⁶ “Tiquina sa ni ojoari Jesure nino niaga”, ni, usã tiquiro buhena quehnoano masiedarĩ. Sa masiedapenata uhmũsepũ Jesu mũjari bato usã ti ojoarire wacũ boca tũho masii. Ohõ saha ni tũhotuu:

“Cohãcjũ yere tiquina ojoari pũ pehe Jesure yahuro nimeya. Sa ye Cohãcjũ yere tiquina ojoari pũ nidiro sahata yeri masa Jesure”, ni tũhotu, masii usã.

¹⁷ Lázaro masa copepũ ijiriquirore Jesu pisu masogũ ihñariquina pehe yahuri masare.

¹⁸ Sa ye Lázaro Jesu masorire tũhori bato masa peyequina Jesure ihñañe ahtari.

¹⁹ Tiquina sa ahtagũ ihñañe fariseo masa tiquina basi ohõ saha niahye:

—Ijipihtiyequina Jesu yequina dihitahaya nine yojopũre. Sa yena mari dũhse ye masiedaga tiquinare, niahye fariseo masa tiquina basi.

Meheñequinagã griego masa Jesure maca cãhtahye

²⁰ Sa ye bose deco Cohãcjũre ño peoye ahtayequina mehna cjẽna meheñequinagã griego masa ijiri.

²¹ Sa ye tiquina Felipe cahapũ wihiahye. Felipe pehe Betsaida wame tiri maca Galilea yehpapũ ijiri maca cjãno ijiri. Sa ye tiquiro cahapũ wihiriquina ohõ saha niahye tiquirore:

—Jesure ihña duaga usã, niahye tiquina.

²² Tiquina sa nigũ tũhoro Felipe Andrepare tire yahuro wahahye. Sa ye tiquina pũaro Jesure yahuri.

²³ Tiquina sa ni yahuri bato Jesu tiquinare yahuri:

—Yuhũ masũ Cohãcjũ ohorigũ ijiaja. Yũhũre ijipihtiyequina tiquina ño peoati pje yojopũre ijirota nine. Yojopũre yũhũ yariati pje ijirota nine.

²⁴ Potota mũsare yahugũ ni aja. Oteri pjere yehpapũ mari yaeragũ, ti pjere mari oteragũ ihcã pjeta tojoarota. Sa yero ti pjere mari yari bato pihni, dũca tirota. (Sata yũhũ yariari bato yũhũre tiquina yari bato peyequina masare Cohãcjũ mehna sa ijiducuatiquina ijigũ yeitja yũhũ.)

²⁵ Ahri yehpapũ masa ijiyere pajiro tũhotuboaga masa. Sa tũhotuna Cohãcjũre wacũedana, pecapũ wahanata masa. Ahri yehpapũ masa

ijiyere sa tūhotu cāna, Cohācjū mehna sa ijiducunata.

²⁶ Yeere ye duana yūhū buheyere quehnoano tūhoya mūsa. Mūsa sa yena mūsa gūhū yūhū ijiropū ijinata. Yeere yeriquirore yūhū Pacū pehe ño peorota, nidi Jesu.

Jesu tiquiro yariatore yahuahye

²⁷ Sa ni tuhasa ohō saha ni nemori: –Yojopūre yūhū ñano jeripohna tija. ¿Yūhū Pacūre dūhse nigūtari yūhū? ¿“Mai, yūhū ñano yūhdūatire yeracāhña yūhūre”, niboagari yūhū? Tire niedaja yūhū. Ñano yūhdūacjūta ahri yehparū ahtaū. Sa yero yūhū ñano yūhdūati pje yojopūre ijirota nine, ni yahuri ūsāre tiquiro buhenare.

²⁸ Sa yero ohō saha nidi tiquiro Pacūrore:

–Mai, mūhū tutuagū ijiyere yojopūre ihñōña masare, nidi Jesu tiquiro Pacūrore.

Tiquiro sa nigū ūhmūsepū yahuducuro ca tari:

–Tutuagū yūhū ijiyere masare ihñō tuhasaū. Yojopūre sa yegū pari turi ihñōutja masare, nino ca tari.

²⁹ Tiquiro sa nigū tūhoye topū ducuyequina masa peyequina ohō saha nidi:

–Ūpo ijiaga sa bisiro, nidi masa.

–Angel Jesure yahuro nidi, nidi apequina masa.

³⁰ Ohō saha nidi Jesu pehe:

–Ūhmūsepū sa bisiro yūhūre tūho dutiro niedari. Mūsa pehere tūho dutiro sa bisiro ca tari.

³¹ Yojopūre ahri yehpa cjēna tiquina ñañe yeri buhirire buhiri dahrerota tiquinare. Ahri yehpa cjēna pūhtoro watīnore cohānota Cohācjū.

³² Sa yegū yūhūre curusapū tiquina wahcō docogū peyequina masare yeequina ijiatiquinare yeitja yūhū, nidi Jesu.

³³ Sa nino curusapū tiquiro yariatire yahuro nidi Jesu masare.

³⁴ Tiquiro sa nigū tūhoye masa pehe tiquirore ohō saha nidi:

–Cohācjū yere tiquina ojoari pūpū ohō saha nine: “Cristo ijipihtiye decori ijirota”, ni ojoahye. ¿Tiquiro sa ni ojoagū mūhūre masare Cohācjū ohorigūre dūhse yeye curusapū wahcō docoetari masa mūhūre? ¿Masūno Cohācjū ohoriquiro noa ijiajari tiquiro? ni sinituri tiquina.

³⁵ Tiquina sa nigū ohō saha ni yūhtiri Jesu:

–Buhrioro mehna mari ihñā masigū yero saha masare Cohācjū yere quehnoano masigū yeaja yūhū. Came cjūnogā mūsa mehna ijisi yūhū. Mūsa yūhū buhegū yojopūre tūhoya mūsa “Ñañe yeari”, nina, Cohācjū mehna mūsa sa ijiducuatire. Yūhū buheyere tūhoeyequina nahitiano tiniñequina yero saha tiquina wahatore masiedare.

³⁶ Sa yegū buhrioro yero saha ijigū ijiaga yūhū. Sa yegū mūsa buhegū Cohācjū yere quehnoano masigū yeaja mūsa. Yojopūre yūhū wahato pano yūhūre wacū tutuaya. Sa wacū tutuana yeequina ijinata mūsa, nidi Jesu.

Sa ni yahu tuhasa duhti cāa wahari.

Judio masa Jesure cahmedahye

³⁷ Peye tahari Cohācjū tutuaye mehna tiquinare Jesu tiquiro ye ihñoepegūta peyequina judio masa tiquirore ne tūho duerari.

³⁸ Cohācjū yere tiquina ojoari pūpū Isaia mūnano tiquiro ojoariro sahata yeye nidi tiquina. Ohō saha ni ojoahye Isaia mūnano:

Cohācjū, mūhū buheyere ūsā yahugū masa ne tūho duerare. Mūhū tutuayere tiquinare mūhū ye ihñoepegūta, tire “Poto ijierare”, nidi tiquina, ni ojoahye Isaia mūnano.

³⁹ Tiquina sa tūho dueragū ihñāno Cohācjū tiquinare masiedagū yeri. Ti gūhūre Isaia mūnano ohō saha ni ojoahye:

⁴⁰ Caperi bajueyequina yero saha ijigū yee tiahye Cohācjū tiquinare. Sa yero tiquiro yere masiedagū yee tiahye tiquinare. Sa ye tiquiro

tutuayere ihñaepeta tiquina ihñarire masiedare. Sa ye tiquiro buheyere tahoepeta tire masiedare tiquina. Cohãcjũ ye buheyere masiñe tiquina ñañe yerire cohã dutiboaya. Sa yero tiquinare yãhdũoboaya tiquiro, ni ojoahye Isaia mñano Cohãcjũ yere tiquina ojoari pũpũ.

⁴¹ Sa ni ojoaro Isaia Cristo tutuayere masino tiquiro nidiro sahata Cristore yahu ojoahye.

⁴² Apequina Jesure tiquina cahmedapegũta judio masa usã pũhtoa mehna cjẽna peyequina Jesure wacũ tutua, cahmedi. Sa cahmepeta tiquina fariseo masare cueye apequinare “Jesu yequina wahaũ usã”, ni yahu duerari. Tire tiquina yahugũ tãhoye Jesure tiquina cahmedi buhiri judio masa usã buheri wãhũpũ tiquinare sajã dutieraboaga fariseo masa pehe.

⁴³ Cohãcjũre bucuegũ ye duepeta ti yãhdũoro fariseo masa pehere bucuegũ ye duari Jesure cahmedũcayequina. Sa ye tiquina “Jesu yequina wahaũ”, ni apequinare yahu duerari.

Jesu yahuyere tiquina tãho duerari buhiri masa buhiri tieta

⁴⁴ Sa ye Jesu tutuaro sañuducu, yahuri:

—Yũhũre wacũ tutuariquiro yũhũ dihutare wacũ tutuerare. Yũhũre ohoriquiro gũhũre wacũ tutuare tiquiro.

⁴⁵ Sa ye yãhũre masiñequina yãhũre ohoriquiro gũhũre masine.

⁴⁶ Buhriero mehna mari ihña masigũ yero saha ahri yehpãpũ Cohãcjũ yere masigũ yei ahtaũ nii yũhũ. Sa yegũ Cohãcjũ yere masare masigũ yeaja. Ihcãquiro nahitiano wahariquiro yero saha ñañene yeducure. Yũhũre wacũ tutuariquiro tiquiro yero saha yesi. Yũhũre wacũ tutuariquiro potota tãhorota.

⁴⁷ Apequina yũhũ yahuyere tãhoepeta yãhũ nidiro saha yerare.

Tiquina sa yerapegũta tiquina yerari buhirire buhiri dahresi yũhũ pehe tiquinare. Ahri yehpãpũre buhiri dahregũ ahtagũ niedũ yũhũ. Ahri yehpa cjẽnare pecapũ waha-boriquinare yãhdũoacjũ ahtagũ nii yũhũ.

⁴⁸ Yũhũre cahmeeñequina, yũhũ yahuyere gũhũre cahmeeñequina buhiri dahrenohatiquina ijietã. Tiquina yũhũ yahuyere tiquina tãhoerari buhiri ahri yehpa pihtiri deco ijigũpũ buhiri tieta.

⁴⁹ Yũhũ esa tuharo yeraja. Yũhũ Pacũ yũhũre ohoriquiro pehe yũhũre yahu dutiri. Sa yero yũhũ yahuyere pehe tiquiro ye yahuducuyere ijire.

⁵⁰ Tiquiro ye yahuducuyere tãhona Cohãcjũ mehna sa ijiducunata masa. Sa yegũ yũhũ Pacũ tiquiro yahu dutiriro sahata yahuaja mũsare, nidi Jesu.

13

Jesu buheyequina dahpocãrine coseahye tiquiro

¹ Sa ye pascua deco bose deco panogã ahri yehpare tiquiro cohã cãtore tiquiro Pacũro cahapũ tiquiro wahatore masidi Jesu. Sa yero ahri yehpa cjẽnare tiquiro yequinare tiquiro tutuaro cahĩdi tiquina mehna tiquiro ijiro puno. Sa cahĩducure tiquiro yequinare.

² Ti ñamine Jesu usã tiquiro buhena mehna usã ihyagũ Juda Iscariotere Simo macũnore Jesure ihña tuhtiyequinare ihño duti tuhasari jiri watũno pehe.

³ Sa yero mari Pacũ Cohãcjũ Jesure ijipihtiyequina bui tiquiro pũhoro sũrire masidi Jesu. Sa yero Cohãcjũ cahapũ tiquiro ahtarire came uhmũsepũ tiquiro mãjati gũhũre masidi.

⁴ Sa masino wahcãdũca, tiquiro suhtiro bui cjãnore tu we ne, tore cũ tuhasa, suhtiro cahsero mehna tiquiro pari yũjũ dũhteri.

⁵ Dũhte tuhasa, waparopũ acore pio sãa, usã tiquiro buhena dahpocãrine cose dũcari. Usãre cose tuhasa tiquiro

dahteri cahsero mehna wuori usã dahpocãrine.

⁶ Apequina buheyequinare cose cã, Simo Pedropure esari. Tiquiro dahpocãrine tiquiro coseato pano Pedro pehe tiquirore ohõ saha nidi:

—¿Pũhto, yũhũ dahpocãrine cosegũ tũũ niajari mũhũ? nidi Pedro Jesure.

⁷ —Mianogã mũhũre yũhũ yeatire masiedare mũhũ. Sa masiedapegũta camerũ masiita mũhũ, nidi Jesu tiquirore.

⁸ —Yũhũ dahpocãrine ne cosesi mũhũ, nidi Pedro.

—Mũhũre yũhũ coseragũ yaquiro ijisi mũhũ, nidi Jesu.

⁹ —Pũhto, yũhũ dahpocãri dihitare coseracãhña. Yũhũ dahpocãrine, yũhũ omocarine, yũhũ dapu gũhũre coseya, nidi Pedro.

¹⁰ Tiquiro sa nigũ Jesu queoye mehna buhero ohõ saha nidi:

—Ihcãquiro masũno cuhsaro tiquiro pagure quehnoano tu cose pehore. Sa yero pari turi tiquirore tu cosero cahmedare. Tiquiro dahpocãri dihitare tu cosero cahmene. Ijipihitina mũsa ñañe yerire coserina mũsa ijiepegũta ihcãquiro mũsa mehna cjũno tiquiro ñañene cosemehnediquiro ijire, nidi Jesu.

¹¹ Jesu tiquirore ihña tuhtiyequinare ihñõatiquirore masidi: Sa masino “Ihcãquiro mũsa mehna cjũno tiquiro ñañene cosemehnediquiro ijire”, nidi.

¹² Usã dahpocãrine cose tuhasa, tiquiro suhtirore saña tuhasa, nuju sari tiquiro dujiriropũta.

—¿Mianogã mũsare yũhũ yerire masiajari mũsa?

¹³ Mũsa yũhũre “Buhegũ”, ni pisuna, “Pũhto”, ni pisuna poto ninata nine mũsa yũhũre. Mũsare buhegũ, mũsa pũhto potota ijiaja yũhũ.

¹⁴ Sa yena yũhũ mũsare buhegũ, mũsa pũhto ijiepegũta mũsa dahpocãrine yũhũ cosegũ ihñana mũsa gũhũ mũsa mehna cjẽna dahpocãrine coseya.

¹⁵ Mianogã mũsa yeatire mũsare ihñõu. Mũsa mehna cjẽnare mũsa yedohoatire ihñõu. Mũsare yũhũ yeriro sahata mũsa gũhũ yeya.

¹⁶ Ijirota niaja mũsare. Mũsa yũhũ cahacjẽna yero saha ijina yũhũ bui ijierare. Mũsare buhe duti yũhũ ohorina ijire mũsa. Sa yena yũhũ bui ijierare mũsa. Sa yegũ “Yũhũ yeriro sahata yeya”, nii mũsare.

¹⁷ Ahrire masina, yũhũ dutiyere yena, bucuena ijinata mũsa.

¹⁸ Mũsare ijipihitinare sa niedaja. Yũhũ beseriquinare masiaja yũhũ. Cohãcjũ tiquiro yere tiquina ojoari pũpũ tiquiro ni ojoariro sahata wãharota. “Yũhũ mehna ihyariquirola yũhũre wejẽ duari”, ni ojoahye Cohãcjũ yere tiquina ojoari pũpũ.

¹⁹ Tiquiro sa yeato pano ahrire yahuyugũ niaja mũsare. Yũhũre tiquiro sa yeri bato, “Jesuta Cristo Cohãcjũ ohoriquirola ijire”, mũsa niatire ahrire mũsare yahuyugũ niaja yũhũ.

²⁰ Ijirota mũsare niaja. Yũhũ ohoriquinare cahmediquiro yũhũ gũhũre cahmene tiquiro. Sa yero yũhũre cahmediquiro yũhũre ohoriquirola gũhũre cahmene tiquiro, nidi Jesu usãre tiquiro buhenare.

Juda Jesure ihña tuhtiyequinare tiquiro ihñõatore yahuahye Jesu (Mt 26.20-25; Mr 14.17-21; Lc 22.21-23)

²¹ Sa ni yahu tuhasa Jesu tutuaro bujũa witiri. Sa bujũa witiro yahuri tiquiro usãre.

—Ijirota mũsare niaja. Ihcãquiro mũsa mehna cjũno yũhũre ihña tuhtiyequinare yũhũre ihñõnota, nidi Jesu.

²² Tiquiro sa nigũ tãhona Jesure ihñõatiquirore masiedana, usã basi cahme ihñã.

²³ Jesu buheyequina mehna cjã yũhũ, Jesu cahĩdigũ ijii. Sa yegũ tiquiro cahapũ pari paha dujii.

²⁴ Sa yero Simo Pedro yũhũre tiquiro omoca mehna sinituri:

—¿Jesure ihñoatiquiro noa pehere nino niajari Jesu? Yahuya usãre, nino, tiquiro omoca mehna sinituri Pedro.

²⁵ Tiquiro sa nigũ yũhũ pehe Jesu cahapũ dujirigũ sinituu tiquirore:

—¿Pũhto, noare nigũ niajari mũhũ? nii yũhũ.

²⁶ —Ahria pãre dahra waha ne, yũhũ ña mio yũhũ ohoatiquiro pehe tiquirota ijire yũhũre ihñoatiquiro, nidi Jesu.

Sa ni tuhasa pãre tiquiro dahra waha nedirore ña mio tuhasa tire Simo Iscariote macũnore Judare ohori.

²⁷ Sa yero pãre tiquiro ñehedi bato watĩno pehe Judare ñano ye dutiri jiri. Sa yero Jesu tiquirore ohõ saha nidi:

—Mũhũ yeatore sojaro mehna ye madoqueohya mũhũ, nidi Jesu Judare.

²⁸ Tiquiro sa nigũ tũhona usã mesapũ dujina, Jesu Judare tiquiro nidire quehnoano masiedũ.

²⁹ Ihquẽquina ohõ saha ni tũhotumi: “Juda usã niñerure ihboriquiro ijire. Sa yero bose deco usã ihyatire dú dutiro ohori Jesu Judare. O pejecũoyequinare niñerure oho dutiro niboaga Jesu”, ni tũhotumi usã ihquẽquina.

³⁰ Sa yero Juda ti pãre ñehe tuhasa, wijiãa wahari. Tiquiro wijiari pje ñami ijiri.

Wahma dutirore yahuahye Jesu

³¹ Tiquiro wijiari bato ohõ saha nidi Jesu:

—Yojopũ pũritare yũhũ masũ Cohãcjũ ohorigũ yũhũ tutuagũ yũhũ ijiye tiyere ihñonota Cohãcjũ masare. Sa yegũ Cohãcjũ tiquiro tutuariquiro ijiyere ihñoutja yũhũ pehe.

³² Sa yegũ Cohãcjũ tiquiro tutuayere yũhũ ihñogũ tiquiro pehe yũhũ tutuaye gũhũre yojopũ pũritare ihño madoqueorota.

³³ Yũhũ pohna yũhũre tũhoya. Meheñe decorigã mũsa mehna ijinigũtja. Yũhũ wahari bato yũhũre macanata mũsa. Sa yegũ mari acaye judio masare yũhũ nidiro sahata

mũsa gũhũre niaja. “Yũhũ waha-tore mũsa pehe waha masiedare”, tiquinare yũhũ nidiro sahata mũsa gũhũre yahuaja.

³⁴ Wahma dutirore mũsare yahugũtja. Mũsa mehna cjẽnare cahĩña mũsa. Mũsare yũhũ cahĩdiro sahata, mũsa mehna cjẽnare cahĩña.

³⁵ Sa yena mũsa mehna cjẽnare mũsa cahĩgũ ihñañe, yeequina mũsa ijiyere masieta apequina, nidi Jesu usãre.

“Jesure masiedaja”, Pedro tiquiro niatire yahuahye Jesu

(Mt 26.31-35; Mr 14.27-31; Lc 22.31-34)

³⁶ Tiquiro sa nigũ Simo Pedro Jesure sinituri:

—¿Pũhto, nohopũ wahagũtjari mũhũ? nidi Pedro.

—Yũhũ wahatopũre yojopũre yũhũ mehna waha masiedare mũhũ. Yojopũre waha masiedapegũta came yũhũ cahapũ wahagũta mũhũ, nidi Jesu Pedrore.

³⁷ —¿Pũhto, dahsegũ yojopũre mũhũ mehna waha masiedaboari yũhũ? Yũhũre tiquina wejẽ duepegũta mũhũre ne duhusi yũhũ, nidi Pedro Jesure.

³⁸ —¿Yũhũre ne duhueragũtari mũhũ? Poto mũhũre yahutja. Canaca tiquiro yahuato pano “Jesure masiedaja”, niita mũhũ apequinare. Ihtia taha sa niita mũhũ, nidi Jesu Pedrore.

14

Jesu Cohãcjũ cahapũ wahari maha yero saha ijire

¹ Came Jesu usãre ohõ saha ni yahuri:

—Ne bujũa witi, pajiro wacũedacãhña. Cohãcjũre wacũ tutuaya. Sa yena yũhũ gũhũre wacũ tutuaya.

² Yũhũ Pacũ tiquiro ijiropũre peye wũhũse ijire. Mũsa ijiatore quehnoyugũ wahagũtja. Ti ijirota ijire. Sa yegũ mũsare tire yahuaja.

³ Sa yegũ mũsa ijiatore quehno tuhasa, tojoa taũtja yũhũ. Sa yegũ

yuhu cahapu musa ijiatire musare negu ahtaajta yuhu.

⁴ Sa yena yuhu wahati mahare masine musa, nidi Jesu usare tiquiro buhenare.

⁵ —Puhto, muhu wahatore masiedaja usã. ¿Sa yena duhse ye muhu wahati mahare masinatari usã? ni sinituri Tomasu Jesure.

⁶ Tiquiro sa ni sinitugã Jesu yuhtiri:

—Cohãcjũ cahapu wahagã yegu ijiita niaja yuhu. Sa yegu poto ijiyere yahugu ijiita niaja yuhu. Sa yegu umusepare catiducugã yegu ijiita niaja yuhu. Sa ye yeequina dihita yuhu Pacu cahapu wahaeta.

⁷ Yuhure masina, yuhu Pacu gũhure masiboya musa. Yojopure tiquirore ihñari musa. Sa yena tiquirore masi tuhasare musa, nidi Jesu usare.

⁸ Tiquiro sa nigã Felipe ohõ saha nidi:

—Puhto, mari Pacure ihñoña usare. To punota ihña duaja usã, nidi tiquiro.

⁹ Tiquiro sa nigã Jesu yahuri:

—¿Felipe, yoari pje yuhu mehna ijiepegãta, muhu masiedajari yuhure? Yuhure ihñariquiro yuhu Pacu gũhure ihña tuhasari. ¿Sa yegu “Mari Pacure ihñoña usare”, nigu duhsegu sa niajari muhu yuhure?

¹⁰ Yuhu, yuhu Pacu mehna puana ijiepenata ihcãta ijaia. ¿Tire “Poto ijierare”, niimeje niajari muhu? Musare yahugu yuhu esa tuharo yahugu niedaja. Yuhu Pacure yahu basagu niaja. Sa yero tiquiro yuhu mehna ijiriquiro tiquiro tutuaye mehna ye ihñore.

¹¹ Yuhu, yuhu Pacu mehna puana ijiepenata ihcãta ijaia. Tire “Ijirota ijire”, ni wacũña musa. Tire “Ijirota ijire”, niedana, Cohãcjũ tutuaye mehna yuhu ye ihñore wacũna, yuhu Pacu mehna yuhu ihcãta ijiyere “Ijirota ijire”, ni wacũña musa.

¹² Ijirota musare niaja. Yuhure wacũ tutuariquiro yuhu yeriro sahata yerota. Sa yero tiquiro pehe yuhu yuhdũoro yerota. Yuhu Pacu

cahapu tojoa wahu tu niaja yojopure. Sa yero yuhure wacũ tutuariquiro yuhu yuhdũoro Cohãcjũ tutuaye mehna ye ihñonota.

¹³ Sa yegu yuhure wacũ tutuayequina tiquina sinino punota yeitja. Sa yegu yuhu Pacu tiquiro tutuariquiro ijiyere ihñoutja.

¹⁴ Yuhure wacũ tutuana musa ijigã musa sinino punota yeitja, nidi Jesu.

—*Espíritu Santore musare ohoutja, ni yahuahye Jesu*

¹⁵ Sa ni tuhasa ohõ saha ni nemori: —Yuhure musa cahina, yuhu dutiyere quehnoano ye pehonata.

¹⁶ Yuhu Pacure sinitja. Yuhu sa sinigã yuhu Pacu pehe apequirore musare yedohoatiquirore musare ohorota. Sa yero tiquiro musare yedohoatiquiro pehe ijipihtiye decori musa mehna ijirota.

¹⁷ Tiquiro poto yahuriquiro Espiritu Santota ijire. Ahri yehpa cjẽna pehe Espiritu Santore masiedare. Sa ye tiquirore cuo masiedare. Tiquirota musa mehna ijirota. Sa yena musa pehe tiquirore cuonata. Sa yena tiquirore masine musa.

¹⁸ Musare cohãsi yuhu. Musa mehna ijigã tagu, tojoa taajta yuhu.

¹⁹ Sa ijiepegãta mehenogã duhsare yuhu wahato. Yuhu wahari bato ahri yehpa cjẽna yuhure wacũ tutueyequina yuhure pari turi ihñasi. Musa pehe yuhure ihñanata. Yuhu catigu ijigã musa gũhu ijipihtiye decori Cohãcjũ mehna catinata.

²⁰ Ti deco yuhu tojoa tati deco yuhu Pacu mehna ihcãta usã ijigã masinata musa. Sa yegu yuhu mehna cjãna musa ijigã musa mehna cjũ yuhu ijigã gũhure masinata musa.

²¹ Yuhu dutiyere yeriquiro yuhure cahniquirota ijire. Sa yero yuhure cahniquirore yuhu Pacu pehe cahinota. Sa yegu yuhu gũhu tiquirore cahitja. Sa ye yuhure quehnoano masigã yeitja tiquirore, nidi Jesu usare tiquiro buhenare.

²² Usã mehna cjãno apequiro Juda wame tiriquiro ijiri. Juda

Iscariote Jesure ihña tuhtiyequinare ihñoatiquiro ijierari tiquiro. Apequiro Juda ijiri. Sa yero tiquiro Jesure sinituri:

—¿Pũhto, dũhse yeitjari mũhũ usãre sa nigũ? ¿Ahri yehpa cjẽnare mũhũre masigũ yeragũ, yabere yeitari mũhũ usã dihitare mũhũre masigũ yegũ? ni sinituri Juda.

23 Tiquiro sa nigũ tũhoro Jesu tiquirore yahuri:

—Yũhũre cahĩnequina, yũhũ dũtiyere quehnoano yeye nine. Tiquina sa yegũ yũhũ Pacũ pehe tiquinare cahĩnota. Sa yena tiquina mehna ijina ahtanatja usã.

24 Yũhũre cahĩnequiro yũhũ dũtiyere yerare. Sa ye yũhũ yahuye mũsa tũhori pehe yee yahuye ijierare. Yũhũre ohoriquiro ye yahuye pehe ijire. Tiquiro yũhũ Pacũta ijire.

25 'Mũsa mehna ijinigũ ahrire mũsare yahugũ niaja.

26 Came yũhũ sinigũ yũhũ Pacũ Espĩritu Santore ohorota mũsare. Sa yero Espĩritu Santo pehe mũsare yedohoatiquiro ijiro, mũsare buhe pehorota tiquiro. Sa yero mũsare yũhũ yahurire mũsare wacũgũ yerota tiquiro.

27 'Mũsare quehnoano ijigũ yeitja yũhũ. Yũhũ quehnoano ijiriro sahata quehnoano ijigũ yeitja yũhũ mũsare. Ahri yehpa cjẽna tiquina ni mehoriro sahata yesi yũhũ mũsare. Yũhũ pũrita potota quehnoano ijigũ yeitja mũsare. Bũjũna witi pajiro wacũedacãhña mũsa. Sa yena cueracãhña mũsa.

28 “Yũhũ wahaũtja. Sa yegũ mũsa mehna ijigũ tagũ tojoa tautja”, mũsare yũhũ sa ni yahugũ tũho tuhasari mũsa. Tire tũhona, bucueboaya mũsa. Yũhũre mũsa poto cahĩna, bucueboaya mũsa. Yũhũ Pacũ pehe yũhũ yũhdũoro tutuare. Sa yena tiquiro caharũ yũhũ wahatore mũsa masidi bato yũhũre cahĩna, bucueboaya mũsa.

29 Mũsa yũhũre wacũ tutuatire yũhũ wahatore yahuyugũ niaja mũsare.

30 'Ahri yehpa cjẽna pũhtoro watĩno pũhtoro ijiro taro nine yojopũre. Tiquiro sa ijiro tagũ yũhũ mũsa mehna yũhũ yahuducu bato tiati pje mehenogã dũhsare. Tiquiro pehe yũhũre yũhdũdũca masiedare.

31 Sa yegũ yũhũre yũhũ Pacũ tiquiro dutiriro sahata yeaja yũhũ. Sata yeaja yũhũ, yũhũ Pacũre yũhũ cahĩnene ahri yehpa cjẽna tiquina masiatire. Wahcãdũcaya. Isa wahana, nidi Jesu usãre tiquiro buhenare.

15

Jesu ùhse da yero saha ijiriquiro ijire

1 Came queoye mehna buhero usãre ohõ saha nidi Jesu:

—Yũhũ potota ùhse da yero saha ijigũ ijiaja. Yũhũ Pacũ pehe ùhse dare ihña ihboriquiro yero saha ijire.

2 Yeequina ùhse da dũpũri yero saha ijiyequina yũhũ mehna cjẽnata ijire. Ùhse da dũpũri dũca marieñe dũpũrĩre ihña ihboriquiro tiquiro pehe cohãriro saha yũhũ Pacũ tiquiro cahmeñene yerariquinare cohãre. Dũca tiye dũpũrĩre ihña ihboriquiro tiquiro quehnoriro saha yũhũ Pacũ tiquiro cahmeñene yeyequinare yedohorota tiquiro, “Yũhũ cahmeñene ye nemoahdo”, nino.

3 Yeere tũhona, “Ijirota ijire”, nidi mũsa. Sa yero yũhũ Pacũ mũsa ñañe yerire cohã tuhasari.

4 Yũhũ mehna cjãna ijiya mũsa. Sa yegũ mũsa mehna ijiitja. Ùhse da dũpũri ùhse da mehna wahñaedaye dũpũri ijiye, ti dũpũri pehe dũca mariedare. Sata yũhũ mehna cjãna ijierana, yũhũ Pacũ cahmeñene ye masiedare mũsa.

5 'Yũhũ ùhse da yero saha ijigũ iji-aja. Mũsa pehe ti da dũpũri yero saha ijina ijire. Yũhũ mehna cjãno mehna yũhũ ijigũ dũca tiye dũpũri yero saha tiquiro yũhũ Pacũ cahmeñene yere. Yũhũ mehna cjãna ijierana yũhũ Pacũ cahmeñene ye masiedare mũsa.

6 Ñañe dũpũrĩre tiquiro cohãboriro saha yũhũ mehna cjẽna ijiyequinare

yuh Pacu cohānota. Ti dupuri ñai dijiaa wahagū uhse dare ihña ihboriquiro ti dupurire ne cahmecoa pecapu ujāa cohānota. Sata yerota Cohācjū yuh mehna cjēna ijieye-quinare.

⁷ Yuh mehna cjāna ijina, yuh buheyere boeraboaga msa. Sa boerana, msa cahmeno punota siniña. Sa yegu msa sinino punota ye basautja.

⁸ Yuh Pacu cahmeñene yena msa ijigū ihñañe “Jesu yequina ijire ahriquina”, ni masieta masa. Sa ye msare ihñañe yuh Pacu ño peoeta.

⁹ Yuh Pacu yuhare tiquiro cahīdiro sahata msare yuh gūh cahē tii. Yuh cahña ijiducuya msa.

¹⁰ Yuh cahñequina ijiducuyequina yuh dutiyere yere. Yuh Pacu ye dutiyere yeaja yuh. Sa yegu tiquiro cahñogu ijiducujaja yuh. Sata msa gūh yuh dutiyere yena yuh cahña ijiducunata msa.

¹¹ Ahrire msare yahuu yuh mehna msa quehnoano bucueatire. Sa yena tutuaro bucuenata msa.

¹² Ohō saha dutiaja msare: Msare yuh cahīdiro sahata msa mehna cjēna gūhare cahña.

¹³ Ihcāquiro masano tiquiro mehna cjāno ye buhiri yariaro tiquiro mehna cjānore tutuaro cahne, apequina tiquina cahīdiro yuhdoro.

¹⁴ Sa yena yuh dutiyere yena yuh mehna cjāna ijire msa.

¹⁵ Potota yuh mehna cjāna waro ijire msa. Msa sa ijigū ijipihitiye yuh yerire yahuaaja msare. Cahacjāno tiquiro puhtoro yerire masiedare tiquiro. Sa yegu “Yuh cahacjāna ihyo ijina ijire msa”, msare niedaja. Yuh Pacu yuhare tiquiro yahurire msare yahu pehou. Sa yahugu “Yuh mehna cjāna ijire msa”, msare niaja yojopure.

¹⁶ Msa pehe yuhare ne beserari. Yuh pehe msare besei yuh Pacu cahmeñene msa yeatire. Msa sa yegū msa yeye ne ihyo waro ijisi. Ahri deco yoaro punota sa ijiducuat

ijire msa yeye. Msa sa yegū yuhare msa wacū tutuagū yuh Pacu msa sinino punota tiquiro msare ohorota.

¹⁷ Ahrire msare dutiaja yuh: Msa mehna cjēnare cahña msa, ni yahuri Jesu.

Jesure tiquiro yequina gūhare ahri yehpa cjēna ihña tuhtire

¹⁸ Sa yero tiquiro yahu nemori:

—Ahri yehpa cjēna msare tiquina ihña tuhtigū ihñana ahrire wacūña msa: Msare tiquina ihña tuhtiatu pano yuh pehere ihña tuhti mūhtari tiquina.

¹⁹ Cohācjūre cahmedana msa ijigū, ahri yehpa cjēna tiquina cahme cahīdiro sahata msa gūhare cahīboaya tiquina. Ahri yehpa cjāna msa ijigū msare besei. Sa yena yojopure ahri yehpa cjāna waro ijierare msa. Msa sa ijieragū ihñañe ahri yehpa cjēna msare ihña tuhtire.

²⁰ “Yeequina ijina msa yuh bui ijierare”, msare yuh nidire wacūña msa. Sa yena yuh docapu ijina yuh ñano yuhdūriro sahata ñano yuhdunata msa gūh. Yuhare ñano yeriquinata msa gūhare ñano yeeta. Yuh buhegū yuhtriquinata msa buhegū gūhare yuhtrietu tiquina.

²¹ Ahri yehpa cjēna yuhare ohoriquirore masiedare. Sa ye yuhare wacū tutuana msa ijigū ihñañe tiquina ñano yeeta msare.

²² Tiquinare yuh buhegu ah-taeragū yuhare tiquina cahmedari buhiri, buhiri mariedaboaya. Yojopure tiquinare yuh buheri bato “Ñañe buhiri mariedare usāre”, ni masiedare tiquina.

²³ Yuhare ihña tuhtiriquiro yuh Pacu gūhare ihña tuhtire.

²⁴ Cohācjū tiquiro tutuaye mehna apequina tiquina ne yerarire ye ihñou. Sa ye tiquinare tire yuh ye ihñoedagū tiquinare ñañe buhiri mariedaboaya. Cohācjū tutuaye mehna yuh ye ihñorire tiquina ihñari

bato yuhare yuhu Pacu gühare ihña tuhtire tiquina.

²⁵ Sa ihña tuhtiyeh Cohãcjũ yere tiquina ojoari pũpũ duitapũta tiquiro ni ojoariro sahata yeye nidi tiquina. Ohõ saha ni ojoahye: “Tiquinare yuhũ ñano yerapegũta yuhare ihña tuhtire tiquina”, ni ojoahye duitapũta Cohãcjũ yere tiquina ojoari pũpũ.

²⁶ Yuhũ batopũ musare yedohoa-tiquiro, yuhũ Pacu mehna ijiriquiro musare yuhũ ohoatiquiro Espiritu Santota ijire. Tiquiro potota yahuriquiro ijire. Sa yero tiquiro ahtaro, yuhũ ijiye tiyere yahurota musare.

²⁷ Masare yuhũ buhe ducagũpũta mũsa gũhũ decoripe yuhũ mehna ijuducuri. Sa yena mũsa gũhũ yuhũ ijiye tiyere yahunata apequinare, ni yahuri Jesu.

16

¹ Sa ni tuhasa usãre ohõ saha ni yahu nemori:

—Came yuhũ buheyere yuhũ gühare mũsa cohãdatire ahrire ijipihiyere yahuu musare.

² Judio masa mari buheye wuhusepũ mũsa sajã duagũ musare sajã dutisi yeequina mũsa ijiri buhiri. Sa ye ape tahapũ musare wejẽ, “Cohãcjũ cahmeñene yena niaja”, ni tũhotuetamaga apequina.

³ Sa ye yuhũ Pacure, yuhũ gühare tiquina masiedare. Sa masiedaye musare ñano yeeta tiquina.

⁴ Sa yena musare ñano tiquina yegũ ihñana “Tiquina ohõ saha yeato pan-ota Jesu yahu tuhasari usãre”, ni wacũnata mũsa. Mũsa sa ni wacũatire yojopũre ahrire yahu mũhtagũ niaja musare, ni yahuri Jesu.

Espiritu Santo tiquiro yeatire yahuahye Jesu

Sa ni tuhasa ohõ saha ni yahu nemori:

—Coã waropũre mũsa mehna ijigũ ahrire musare yahuera.

⁵ Yojopũ pehere yuhare ohoriquiro cahapũ wahaũtja. “¿Nohopũ

wahaũtjari mũhũ?” yuhare ni, ihcãquiro borota ne sinituerari mũsa.

⁶ Sa sinituerapenata yuhũ wahaũtire musare yuhũ yahu mũjagũ mũsa ñano jeripohna tire.

⁷ Musare ijirota yahugũta niaja. Yuhũ wahari bato musare quehnoan-ota. Yuhũ uhmusepũ wahaeragũ musare yedohoa-tiquiro pehe ahtaer-aboaya. Wahagũ musare tiquirore oho dijioutja yuhũ.

⁸ Yuhũ sa oho dijiogũ tiquiro ahtarota. Sa wihiro ahri yehpa cjẽna ñaño yeyequina tiquina ijiyere tiquinare masigũ yerota tiquiro. Sa yero quehnoano ijiye tiye gühare buherota tiquiro masare. Sa yero Cohãcjũ masare tiquiro buhiri dahreato gühare yahurota masare yedohoa-tiquiro pehe.

⁹ Yuhare wacũ tutueyequina ijire ahri yehpa cjẽna. Sa yero yedohoa-tiquiro pehe masa ñaño yeyequina tiquina ijiye tiyere tiquinare masigũ yerota.

¹⁰ Yuhũ Pacu cahapũ wahaũtja. Yuhũ sa wahari bato masa yuhare ihñasi. Sa yero quehnoano ijiye tiye gühare buherota yedohoa-tiquiro pehe.

¹¹ Ahri yehpa cjẽna pũhtorore wafĩnore Cohãcjũ buhiri dahre duti tuhasari. Sa yero Cohãcjũ masare tiquiro buhiri dahreati gühare yahurota yedohoa-tiquiro pehe.

¹² Pajiro ijire musare yuhũ yahuati. Yuhũ sa yahu nemo duepegũta tire yuhũ yahugũ yojopũ masinisi mũsa. Sa yena yojopũre quehnoano tũhosi mũsa.

¹³ Yuhũ sa yahu nemoedagũ Espiritu Santo pehe musare yahu nemono ahtarota. Tiquiro esa tuharo musare yahusi. Tiquirore yuhũ Pacu yahu dutirire tiquiro yahurota musare. Sa yero musare poto yahu pehorota. Sa yero “Camepũ ohõ saha wahaũtja”, ni yahurota tiquiro musare.

¹⁴ Sa yero yeere musare tiquiro yahurota. Sa yahuro yuhare ño peogũ yerota masare.

¹⁵ Ijipihiyeh yuhũ Pacu ye, yee gũhũ

ijire. Sa yegu “Espíritu Santo pehe yeere yahurota m̄sare”, nii m̄sare, ni yahuri Jesu.

—*Buj̄na witina ijiepenata came bucuenata m̄sa, ni yahuahye Jesu*

¹⁶ Sa ni tuhasa oh̄o saha ni yahu nemori:

—Mehenogã bato m̄sa yuh̄ure ihñasi. Sa yena mehenogã bato m̄sa yuh̄ure ihñanata tja, nidi Jesu usãre tiq̄uiro buhenare.

¹⁷ Tiquiro sa nigũ tuhona, usã pehe meheñequinagã oh̄o saha ni yahuducuu usã basi:

—¿“Mehenogã bato m̄sa yuh̄ure ihñasi. Sa yena mehenogã bato m̄sa yuh̄ure ihñanata tja”, nino dahse nino sa niajari marine? ¿Sa yero “Yuh̄u Pacu cahap̄u wahañtja”, nino dahse ijiro boro marine sa niagari tiq̄uiro?

¹⁸ ¿“Mehenogã bato”, nino dahse nino sa niajari ahriq̄uiro? Tiquiro ni yahurire quehnoano masiedaja mari, ni yahuducuu usã basi.

¹⁹ Usã sa ni yahuducugũ Jesu tiq̄uirore usã sinitu duarire masino, usãre yahuri:

—¿“Mehenogã bato m̄sa yuh̄ure ihñasi. Sa yena mehenogã bato yuh̄ure ihñanata tja”, yuh̄u nidire sinitu duajari m̄sa? ¿Tire yuh̄u nidire masiedajari m̄sa?

²⁰ Ijirota m̄sare nigũ niaja. Yuh̄u yariagũ ihñana m̄sa utinata. Sa yena tutuaro buj̄na witinata. Sa ye yuh̄ure ño peoyequina pehe bucueeta. M̄sa pehe buj̄na witina ijiepenata, came bucuenata m̄sa.

²¹ Oh̄o saha ijire ti: Numino niji wahcõno, ticoro ñano yuh̄uato pano ijire. Sa yero ticoro tutuaro buj̄na witi. Sa buj̄na witiaperota ticoro pohna tiri bato ticorore purĩdire wacũedare ticoro. Nijinogã ahri yehpap̄u tiq̄uiro masa bajuagũ ticoro bucuere. Sa yero ticorore purĩdire wacũedare.

²² Sata m̄sa yojop̄ure buj̄na witinata. Came m̄sare ihñañtja. Sa yena m̄sa tutuaro bucuenata. M̄sa sa bucuiegũ apequina m̄sare buj̄na witiigũ ye masisi.

²³ “Ti deco m̄sa yuh̄ure ihñari deco yuh̄ure sinitusi m̄sa. Masi tuhasari-nap̄u ijinata. Ijirota m̄sare nigũ niaja. Yuh̄ure m̄sa wacũ tutuagũ ihñano yuh̄u Pacu m̄sa siniñene tiq̄uiro m̄sare ohorota.

²⁴ Ahri deco pano yuh̄u tutuaye mehna Cohãcjũre siniedarĩdi m̄sa. Yuh̄ure wacũ tutuatjiãna Cohãcjũre siniña. M̄sa sa sinigũ m̄sa sinidire m̄sare ohorota, m̄sa quehnoano bucueatire, nidi Jesu usãre.

Ñañequinare Jesu pehe yuh̄u d̄cahye

²⁵ Sa ni tuhasa oh̄o saha ni nemori: —Queoye mehna m̄sare yahue tii.

Sa yahuepeḡuta came m̄sare queoye mehna yahusi yuh̄u. Sa yahueragũ yuh̄u Pacu pehere quehnoano poto yahutja m̄sare.

²⁶ Ti decore m̄sare yuh̄u Pacu sine basasi yuh̄u. Yuh̄ure wacũ tutuana, m̄sa basi tiq̄uirore sininata.

²⁷ M̄sa yuh̄ure cahĩne. Sa yena yuh̄u Pacu cahap̄u yuh̄u ahtarigũ ijigũ “Ijirota ijire”, nine m̄sa. Sa nina m̄sa ijigũ ihñano yuh̄ure cahĩna m̄sa ijigũ ihñano yuh̄u Pacu pehe m̄sare cahĩne. Tiquiro sa cahĩgũ tiq̄uirore m̄sa sininata.

²⁸ Yuh̄u Pacu cahap̄u ijirigũ ahri yehpap̄ure ahtaũ yuh̄u. Sa yegu yojop̄ure ahri yehpap̄u ijirigũ yuh̄u Pacu cahap̄u wahañtja, nidi Jesu.

²⁹ Tiquiro sa nigũ usã tiq̄uiro buhena oh̄o saha nii:

—Yojop̄u pũrita queoye marieno yahuducugũ quehnoano bajuro yahugũ nine m̄h̄u usãre.

³⁰ M̄h̄u quehnoano masi pehogũ m̄h̄u ijigũ yojop̄u pũritare usã masiaja. Sa ye apequina m̄h̄ure buhe masiedare. Tire yojop̄ure usã quehnoano masiaja. Usã quehnoano masina, Cohãcjũ cahap̄u ahtarigũ m̄h̄u ijigũ “Ijirota ijire”, niaja usã, nii usã Jesure.

³¹ Usã sa nigũ Jesu yuh̄utiri usãre:

—¿Yojop̄ure “Ijirota ijire”, niajari m̄sa?

³² Came cjũno ijipihtina m̄sa wuh̄usep̄u waha sitena, yuh̄ure cohãnata m̄sa. M̄sa sa cohãepeḡuta

yuh̄u Pacu pehe yuh̄u mehna ijire. Sa yegu yuh̄u ihc̄ata ijieraja.

³³ Ahrire m̄sare yahu m̄htāu, yuh̄ure m̄sa wac̄u tutuaye mehna m̄sa quehnoano ijiatore. Coh̄ac̄j̄ure cahmeeñequina cahap̄u m̄sa ijiḡu ñano yeeta m̄sare tiquina. Tiquina sa yep̄eḡuta bucueya m̄sa. Ahri yehpa cj̄ena tiquina ñāne yerire yuh̄ud̄ud̄caḡu ijiaja yuh̄u. Sa yena yuh̄ure wac̄u tutuana bucueya m̄sa, nidi Jesu us̄are tiquiro buhenare.

17

Jesu tiquiro buheyequinare Coh̄ac̄j̄ure sini basahye

¹ Sa ni yahu tuhasa Jesu uhm̄anop̄u ih̄ña m̄o, Coh̄ac̄j̄ure oh̄o saha ni yahuducuri:

–Mai, yojop̄ure m̄hu yahu queoriro sahata yuh̄ure ñano tiquina yeati pje esarota nine. Yuh̄ure m̄hu mac̄ure masare ño peoḡu yeya. M̄hu sa yeḡu m̄hure masare ño peoḡu yeitja yuh̄u ḡuh̄u.

² Ijipihtiyequina p̄hto yuh̄ure c̄uri m̄hu. Sa yegu yuh̄ure m̄hu ohoriquinare m̄hu mehna sa ijiducuḡu yeitja yuh̄u. Sa yegu m̄hure masare ño peoḡu yeitja yuh̄u.

³ M̄hu dihita Coh̄ac̄j̄u waro ijire. Yuh̄u Jesucristo m̄hu ohorigu ijiaja. Sa ye ijipihtiyequina m̄hure masiñequina, yuh̄u ḡuh̄ure masiñequina uhm̄sepeu mari mehna sa ijiducueta, nidi Jesu.

⁴ Sa ninota oh̄o saha ni nemori mari Pac̄ure:

–Ahri yehpap̄ure m̄hu ye dutirire ye peho tuhasa yuh̄u. Sa yegu m̄hure masare ño peoḡu yei yuh̄u.

⁵ Ahri yehpa ijiato pano m̄hu mehna yuh̄u ijiḡu ijipihtiyequina yuh̄ure tiquina ño peo m̄htariro sahata yojop̄ure yuh̄ure tiquina ño peoḡu yeya tja.

⁶ 'Ahri yehpap̄u ijiyequinare yuh̄ure m̄hu ohoriquinare m̄hure masiḡu yei. M̄hu ohoriquina m̄hu yequina ijire. Sa yegu tiquinare ohori m̄hu yuh̄ure. Sa ye m̄hu dutiyere yeri tiquina.

⁷⁻⁸ Yuh̄ure m̄hu yahurire tiquinare buhei. Yuh̄u sa buheḡu tuhoye yuh̄u buheyere cahmedi tiquina. Sa ye potota m̄hu cahap̄u ahtarigu yuh̄u ijiḡu masine tiquina. Sa ye m̄hu ohorigu yuh̄u ijiḡu "Ijirota ijire", ni tuhature tiquina. Sa ye ijipihtiyere yee m̄hu ye ti ijiḡu masine tiquina.

⁹ 'Tiquinare m̄hure sini basagu niaja. Apequina pehere sini basagu niedaja yuh̄u. Yuh̄ure m̄hu ohoriquina m̄hu yequina ijire. Sa yegu tiquinare sini basagu niaja m̄hure.

¹⁰ Tiquina ijipihtiyequina m̄hu yequina ijire. Sa ye m̄hu yequina pehe yeequina ijire. Yuh̄ure wac̄u tutuaye yuh̄u tutuagu ijiyere masiḡu yere tiquina masare.

¹¹ 'Yojop̄ure ahri yehpap̄ure tojoasi yuh̄u. M̄hu cahap̄u wahāu t̄u niaja. Yuh̄u sa wahaep̄eḡuta yojop̄ure yuh̄ure m̄hu ohoriquina ahri yehpare tojoare. Mai, m̄hu quehnoagu ijire. Yuh̄ure m̄hu ohoriquinare m̄hu tutuaye mehna ih̄ña ihbo basaya. M̄hu sa ih̄ña ihboḡu mari ihc̄ata mari ijiro saha tiquina ḡuh̄u ihc̄a curuata ijahro.

¹² Tiquina mehna ijigu m̄hu tutuaye mehna tiquinare quehnoano ih̄ña ihbou. Ihc̄aquirop̄urita pecap̄u waharota m̄hu yere tiquina ojoari p̄p̄u yahuriro sahata.

¹³ 'Yojop̄ure m̄hu cahap̄u wahāu t̄u niaja. Sa yegu ahri yehpap̄u ahri ijipihtiyere yeequinare yahuaja yuh̄u mehna tiquina quehnoano bucueatire.

¹⁴ M̄hu yere yahuu tiquinare. Tiquina ḡuh̄u yuh̄u yero sahata ahri yehpap̄u iji dojoatiquina ijierare. Sa ye ahri yehpa cj̄ena pehe tiquinare ih̄ña tuhtire.

¹⁵ "Ahri yehpap̄u ijiyequinare, yeequinare neah̄ña", niedaja. Yuh̄u sa niedapeḡuta tiquinare quehnoano ih̄ña ihboya. "Wat̄ino ñāne tiquinare ye dutiari", niḡu, quehnoano ih̄ña ihboya tiquinare.

¹⁶ Ahri yehpa cj̄u ijieraja. Tiquina ḡuh̄u yuh̄u yero sahata ahri yehpap̄u

iji dojoatiquina ijierare.

¹⁷ Yeequinare m̄h̄u buheye mehna quehnoañequina yeya tiquinare. M̄h̄u yahuye pehe ijirota ijire.

¹⁸ Ahri yehpar̄u yeh̄u m̄h̄u ohoriro sahata yeh̄u pehe yeequina ḡh̄u m̄h̄u yere buhe dutiḡu ohou.

¹⁹ M̄h̄u cahmeñene yeḡu taḡu yariac̄u ijiḡu yeh̄u paḡu ohoaja. Sa yeaia yeh̄u, yeequina ḡh̄u m̄h̄u cahmeñene poto tiquina quehnoano yeatire.

²⁰⁻²¹ , “Yeequina yojop̄u ijiyequina dihitare yedohoya”, ni sini basaeraja yeh̄u. Yeequina apequina ḡh̄u yeere tiquina buheri bato tiquina ḡh̄u yeh̄u wac̄u tutuaeta. Tiquina ḡh̄u yedohoya, yeequina ijipihtiequina ihc̄a curua tiquina ijiro quehnoano. Yeh̄u m̄h̄u mehna mari p̄ana ijiepenata ihc̄a ijaia. Ihc̄a mari ijiro sahata tiquina ḡh̄u mari mehna ihc̄a curuata ijahro. Ihc̄a curuata ijahro, m̄h̄u ohoriḡu yeh̄u ijiyere ijipihtiequina masa “Ijirota ijire”, tiquina niatire.

²² Yeh̄u m̄h̄u tutuaye ohorire yeequinare ohou. Ti tutuayere c̄oye, ihc̄a mari ijiro sahata tiquina ḡh̄u ihc̄a curuata ijieta.

²³ Yeh̄u tiquina mehna ijaia. Sa yeḡu m̄h̄u yeh̄u mehna ijire. Mari sa ijiḡu yeequina potota ihc̄a curuata quehnoano ijieta. Ihc̄a curuata tiquina ijiḡu ihñañe m̄h̄u ohoriḡu yeh̄u ijiyere ahri yehpa c̄j̄na masieta. Sa ye yeh̄u m̄h̄u cah̄i diro sahata yeequina ḡh̄u m̄h̄u cah̄iñene masieta masa.

²⁴ ‘Mai, ahri yehpa iji d̄c̄ato pano yeh̄u cah̄i tiri m̄h̄u. Sa cah̄iḡu yeh̄u tutuaḡu ijiyere ihñori m̄h̄u. Sa yeḡu yeh̄u ohoriquinare yeh̄u mehna tiquina ijiḡu cahmeaja, yeh̄u tutuaḡu ijiyere tiquina masiatire.

²⁵ Mai, m̄h̄u quehnoaḡu ijire. Ahri yehpa c̄j̄na ñañequina m̄h̄u masiedare. Yeh̄u pehe m̄h̄u masiaja. Sa ye m̄h̄u ohoriḡu yeh̄u ijiḡu masine yeequina.

²⁶ Tiquinare m̄h̄u masiḡu yei. Came ḡh̄u m̄h̄u tiquinare

masiḡu yeitja, yeh̄u m̄h̄u cah̄i diro sahata apequinare tiquina cah̄i atire. Sa yeḡu yeequina mehna ijiḡu tja, nidi Jesu mari Pac̄u.

18

Jesure peresu yeahye

(Mt 26.47-56; Mr 14.43-50; Lc 22.47-53)

¹ Tiquiro sa nidi bato Jesu, us̄a ḡh̄u tiquiro buhena Cedr̄o wame tiri mare peh̄a, olivo wame tiye c̄j̄ we-sep̄u es̄u.

² Peye tahari ti wesep̄u Jesu mehna cahmecoae tii. Sa yero Juda Jesure ihñu tuhtiequinare ihñoatiquiro ti wesere masidi.

³ Sa masino p̄a curua surarare uhm̄u t̄a c̄htari ti wesep̄u Jesure ihñono taro. Ihc̄a curua surara waro ijiri. Ape curua surara Coh̄c̄j̄ w̄h̄u cohtiequina ijiri. Tiquina pahia p̄h̄toa, fariseo masa tiquina ohoriquina ijiri surara, Coh̄c̄j̄ w̄h̄u cohtiequina mehna. Sa ahtaye sih̄añe pac̄u, sih̄añe c̄j̄ ḡh̄u sih̄a c̄htari. Tiquina wamoa ḡh̄u ne c̄htari tiquina.

⁴ Ti wesep̄u tiquina wihiri bato Jesu tiquiro ñano yeh̄u atire masino, tiquinare piti ca, sinituri:

—¿Noare macana niajari m̄sa? nidi Jesu.

⁵ —Jesu Nazare c̄j̄nore macaja us̄a, ni yeh̄u tiri tiquina.

—Tiquiro tjaia yeh̄u, nidi Jesu.

Juda pehe Jesure ñehe dutiro ihñoriquiro tiquina mehna ijiri.

⁶ Sa ye “Tiquiro tjaia yeh̄u”, Jesu niḡta tiquina pehe t̄ho maria waha, du siti maa, yehpar̄u bora quehe sari.

⁷ Tiquina sa wahaḡu ihñano pari turi sinituri tiquinare Jesu:

—¿Noare macana niajari m̄sa? nidi.

—Jesu Nazare c̄j̄nore macana niaja us̄a, ni yeh̄u tiri tiquina tja.

⁸ —“Yeh̄u tjaia”, ni tuhasamiḡu yeh̄u m̄sare. Sa yena yeh̄u ñehena ahriquinare yeh̄u mehna c̄j̄nare peresu yerac̄h̄ña m̄sa, nidi Jesu.

⁹ Sa usāre cahño ne ihcāquiore butigū yerari. Sa yero to pano Cohācjüre tiquiro nidiro sahata yero nidi tiquiro. “Yuhure mahu ohoriquinare ne ihcāquiore boeru”, tiquiro nidiro sahata yero nidi Jesu.

¹⁰ Sa ye Simo Pedro ñoseni pjine caoro, ti pjine tuā we nedoqueo, pahia pūhtoro cahacjūno Malco wame tiriquire cahmonore date pahrē cāri. Poto pehe cjā cahmonore date pahrē cāri.

¹¹ Tiquiro sa date pahrēgū ihñano Jesu tiquirore ohō saha nidi:

—Mahu ñoseni pjine ihboya. Yuhu Pacu yuhure tiquiro ñano yuhdu dutiro sahata ñano yuhdutja yuhu, nidi Jesu Pedore.

Pahia pūhtoro cahapu Jesure neahye tiquina

(Mt 26.57-58; Mr 14.53-54; Lc 22.54)

¹² Tiquiro sa ni tuhasagūta surara, tiquina pūhtoro mehna, Cohācjū wuhure cohteyequina surara gūhu Jesure ñehe, tiquirore duhteri.

¹³ Duhte tuhasa Anás cahapu nea mūhtari tiquina. Anás pehe Caifa mareino ijiri. Caifa pehe ti cahmare pahia pūhtoro ijiri.

¹⁴ “Judio masa ye ijiatire ihcāquiore masano yariagū quehnoanota”, nidiquire boro ijiri Caifa pehe.

—Jesure masiedaja, niahye Pedro

(Mt 26.69-70; Mr 14.66-68; Lc 22.55-57)

¹⁵ Sa yena yuhu Simo Pedro mehna Jesure yoa cjūnopu ihña nūnu tāu. Caifa ya wuhupu neañe nidi Jesure. Yuhu pehe pahia pūhtoro tiquiro ihña masinohgu ijigu Jesu bato pūhtoro ya wuhu ijiri sahrīnopu sajā waha.

¹⁶ Yuhu sa sajāgū Pedro pehe sahrīno sopecahapu tojoaduca sari. Sa yegu majare wijia ta, sopecahare cohtericore sinituu. Yuhu sa sinitu tuhasagū ticoro Pedore sajā ta dutiri. Ticoro sajā ta dutiri bato yuhu Pedore ne sajā waha.

¹⁷ Yuhu sa ne sajāgū ihñano sopecahare cohtericoro pehe Pedore sinituri:

—¿Jesu buheyequina mehna cjū ijierajari mahu? nidi ticoro Pedore.

—Ijieraja yuhu, ni yūhtiri Pedro pehe.

¹⁸ Usā esato pano to cjēna pūhtoa cahacjēna, surara mehna tiquina sohmati pecare wijiā tuhasari jiri. Yuharīdi. Sa ye tiquina ti peca duhtu caha ducuye, sohmañe nidi. Tiquina sa sohmagū ihñano Pedro gūhu ahta, sohmani.

Pahia pūhtoro Jesure sinituahye

(Mt 26.59-66; Mr 14.55-64; Lc 22.66-71)

¹⁹ Sa ye pahia pūhtoro Jesu buherire, usā tiquiro buhena gūhure sinituahye Jesure.

²⁰ Tiquiro sa sinitugū Jesu pehe yūhtiahye tiquirore:

—Ijipihtiyequinare buhegu tiquina ihñono ducuu. Sa buhegu judio masa mari buheye wuhasepu Cohācjū wuhupu gūhure sa buheducuu yuhu. Duhtitjiāgu buheru yuhu.

²¹ ¿Duhsegu yuhure sinituajari mahu? Sinitu duagu yuhu buheyequinare sinituya. Yuhu buherire tiquina masine, ni yūhtiahye Jesu.

²² Tiquiro sa nigū tūhoro topu ducuriquire surara pehe tiquiro omoca mehna Jesure quēahye.

—Sa niedacāhña pahia pūhtorore, niahye surara pehe Jesure.

²³ Tiquiro sa nigūta Jesu ohō saha niahye:

—Ñano yuhu ni yahuducurire yahuya yuhure. ¿Poto musare yuhu yahuepegūta, duhsegu tagu yuhure quēajari mahu? niahye Jesu surarare.

²⁴ Came Anás Jesure tiquina duhteriquirore Caifa pahia pūhtoro cahapu ohoahye.

—Jesure masiedaja, pari turi niahye Pedro

(Mt 26.71-75; Mr 14.69-72; Lc 22.58-62)

²⁵ Sa ye Simo Pedro peca duhtu cahapu ducuro, sohmano nidi. Tiquiro sa sohmaducugū ihñañe to cjēna tiquirore sinituri:

—¿Muhu gũhu Jesu buheyequina mehna cjũ muhu ijierajari? nidi tiquina Pedrore.

—Ijieraja yuhu, ni yuhtiri Pedro.

²⁶ Sa yero pahia puhtoro cahacjēna mehna cjũno Pedro tiquiro cahmono date pahrēdiquiro acayuro pehe Pedrore sinituri:

—¿Jesure tiquina ñehedi wesepu yuhu ijigũ muhu gũhu tiquiro mehna ijieracoahte? ni sinituri tiquiro Pedrore.

²⁷ —Yuhu tiquiro mehna ijieru, nidi Pedro.

Tiquiro sa nigũta canaca yahuri.

Jesure Pilato sinituahye

(Mt 27.1-2, 11-14; Mr 15.1-5; Lc 23.1-5)

²⁸ Nami cjũno ijigũ Caifa ya wuhupu ijiriquina Jesure ne wijia, Roma cjēna puhtoro Pilato ya wuhupu nea wahari tiquina. Sa wahaepeta tiquiro ya wuhupu sajāedari. Pascua deco ijigũ tiquina ihyatiquina ijiye, ohō saha nidi: “Judio masuno ijierare Pilato. Tiquiro sa ijiriquiro ijigũ tiquiro ya wuhure sajāna, mari dutiyere yuhduhcana niboaga. Sa yena mari sajāgũ marine bose deco cjē ihayere ihya dutieraboaga”, nidi. Sa niñe puhtoro Pilato ya wuhure sajāedari Jesure neariquina pehe.

²⁹ Tiquina sa sajāedagũ ihñano Pilato tiquina cahapu wuhu sopecahapu esaducaro, tiquinare sinituri:

—¿Yabe buhirire ahriquirore yahusā duajari musa? nidi Pilato tiquinare.

³⁰ —Ahriquiro quehnoariquiro ijigũ muhure usā ohoeraboaya. Nariquiro ijire tiquiro, ni yuhtiri tiquina.

³¹ Tiquina sa nigũ Pilato ohō saha nidi:

—Musa basita tiquirore neaña. Sa yena musa ye dutiye ti nidiro sahata tiquirore buhiri dahreya, nidi Pilato tiquinare.

—Musa ye dutiye pehe usāre masunore wejē dutierare, nidi tiquina Pilatore.

Sa niñe Jesure wejē dutiye tee nidi.

³² Tiquina sa wejē dutigũ Jesu pehe curusapu tiquiro yariatire to pano tiquiro yahuriro sahata wahari.

³³ Tiquina sa nidi bato, Pilato pehe wuhupu majare sajā, Jesure pijioahye. Pijio tuhasa, tiquirore sinituahye:

—¿Judio masa tiquina puhto tjajari muhu? ni sinituahye Pilato.

³⁴ —¿Muhu esa tuharota sa ni sinituajari muhu yuhure? ¿O apequina pehe yuhure tiquina yahusāri bato tire sinituajari muhu? niahye Jesu Pilatore.

³⁵ —Judio masu ijieraja yuhu. Muhu ya yehpa cjēna, pahia puhtoa gũhu muhure ohori usāre. ¿Yabere ñano yeari muhu tiquina sa buhiri dahre duagũ? niahye Pilato.

³⁶ —Ahri yehpa cjũ puhto ijieraja yuhu. Ahri yehpa cjũ puhto yuhu ijigũ, yuhu buheyequina yuhure yedohoboaya. Judio masare ñehe dutieraboaya. Yuhu puhto ijiye ahri yehpa cjē ijierare, niahye Jesu Pilatore.

³⁷ —¿Sa yegu puhto ijiajari muhu sa nigu? niahye Pilato.

—Muhu nino sahata puhto ijiaja. Masa tiquina puhto ijigu tagu masa bajuu yuhu. Sa yegu ahri yehrapu ahtau tiquina puhto ijii tuhū, potu ijiyere yahugu tuhū. Ijipihtiyequina potu ijiyere taho duayequina, yuhu yahuyere tuhore, niahye Jesu.

³⁸ —¿Yabe boro ijiajari potu ijiye? niahye Pilato.

Judio masa Jesure wejē dutiahye

(Mt 27.15-31; Mr 15.6-20; Lc 23.13-25)

Sa ni tuhasa Pilato judio masa caha majare tojoa tiquinare yahuri:

—Ahriquiro Jesure ne buhiri mariedare.

³⁹ Cuhmaripe pascua ijigũ ihcāquiro peresu ijiriquirore musa wio dutiducure. ¿Sa yegu ahriquiro Jesureta musa puhtoro ijiatiquiro musare wio basagari yuhu? nidi Pilato judio masare.

⁴⁰ Tiquiro sa nigũ tahoje judio masa ohō saha ni sañuducuri:

—Tiquiروه wioeracãhña. Barrabá pehere usãre wio basaya, ni sañuducuri judio masa Pilatore.

Barrabá pehe yaque bucuro ijiri.

19

¹ Tiquina sa ni sañuducuri bato Pilato Jesure tana dutiahye. Sa ye tiquiro yequina surara pehe tiquiروه tanahye.

² Tana tuhasa tiquina pota behto ye tuhasa, Jesu dapu buipru duhu peohye. Duhu peo tuhasa, pãhtoa ye suhti borore tiquiروه sãa tuhasa, tiquiro cahapru esa dũca, ohõ saha ni bujũpeahye tiquina:

³ —Quehnoano ahtaya. Judio masa pãhto, quehnoano ahtaya, ni bujũpe, Jesu wãhdoare quẽ mujahye.

⁴ Sa yero Pilato pari turi judio masa cahapru waha, tiquinare yahuri:

—Tũhoya mũsa. Ahriquiru ne buhiri mariediquiro ijire. Sa yegũ tire mũsa masiatire mũsa cahapru tiquiروه ne cãhtaũ, nidi Pilato.

⁵ Tiquiro sa ni tuhasagũ Jesu pota behto pesariquiru, pãhtoa ye suhti borore sañariquiru wãhũpũ ijiriquiro wijia tari. Tiquiro sa wijia tagũ Pilato tiquinare ohõ saha nidi:

—Ihñaña. Ahriquiru ijire tiquiro, nidi Pilato.

⁶ Tiquiro sa ni tuhasagũ tũhoye, pahia pãhtoa, surara gũhũ Jesure ihñañe, sañuducuri:

—Curusapru quẽ biha wejẽña tiquiروه. Curusapru quẽ biha wejẽña tiquiروه, ni sañuducuri tiquina.

—Tiquiro ne buhiri mariedare. Sa yena mũsa basita tiquiروه neahña. Sa yena mũsata tiquiروه curusapru quẽ biha wejẽña, nidi Pilato tiquinare.

⁷ —Tiquiro basi “Cohãcjũ macũ iji-aja”, nie tiri. Tire tiquiro sa nigũ usã dutiye pehe tiquiروه wejẽ dutire, nidi tiquina Pilatore.

⁸ Tiquina sa nigũ tũhoro cue yãhdũa wahari Pilato pehe.

⁹ Sa yero pari turi wãhũpũre majare sajã, Jesure sinituahye tja:

—¿Noho cjũ ijiajari mũhũ? ni sinituahye tiquiro Jesure.

Tiquiro sa ni sinituepegũta Jesu tiquiروه yãhtierahye.

¹⁰ Tiquiro sa yãhtieragũ ihñano Pilato tiquiروه sinitu nemoahye:

—¿Yũhũre yãhtierajari mũhũ? Yũhũ mũhũre peresupru ijirigũre wio masi-aja. Sa yegũ mũhũre curusapru gũhũre quẽ biha wejẽ duti masi-aja yũhũ. ¿Tire masiedajari mũhũ? niahye Pilato Jesure.

¹¹ —Cohãcjũ mũhũre tiquiro dutieragũ yũhũre ñano ye dutieraboaya mũhũ. Yũhũre ihña tuhtiyequinare ihñoriquiru pehe mũhũ yãhdũoro ñano buhiri tire, niahye Jesu Pilatore.

¹² Tiquiro sa nigũ tũhoro Pilato pehe tiquiروه wio duamahye. Tiquiro sa wio duepegũta pari turi judio masa sañuducuri:

—Jesu “Pãhto iji-aja”, nino mari ijipihtina pãhtoro Roma cjũnore ihña tuhtiriquiro ijire tiquiro. Sa yegũ tiquiروه wiogũ mũhũ gũhũ mari pãhtoro ihña tuhtigũ iji-aja mũhũ, ni sañuducuri judio masa Pilatore.

¹³ Tiquina sa nigũ tũhoro Jesure wãhũpũ ijiriquiروه ne wijia ta, buhiri dahre dutiro taro tiquiro dujiri pahtapru nuju sari Pilato. Tiquiro buhiri dahre dutiri paa utã mehna tiquina yeri paa judio masa ye mehna Gabata wame tiri.

¹⁴ Ti deco pascua bosc deco usã ihyatire usã quehnoano deco ijiri. Ti pjere coheri pje waro ijiri. Nuju sa tuhasa Pilato masare ohõ saha ni yahuri:

—Ahriquiru tjire mũsa pãhtoro, nidi tiquiro.

¹⁵ Tiquiro sa nigũ tũhoye judio masa sañuducuri:

—Yariahro tiquiro. Yariahro tiquiro. Curusapru quẽ biha wejẽña tiquiروه, ni sañuducuri tiquina.

—¿Mũsa pãhtoro tiquiro ijiepegũta tiquiروه curusapru quẽ biha wejẽ duti-ajari mũsa? nidi Pilato.

Tiquiro sa nigũ ohõ saha ni yãhtiri pahia pãhtoa:

—Mari ijipihtina pãhtoro Roma cjũnota tiquiro usã pãhtoro ijire.

Apequiro p̄h̄toro us̄are mariedare, ni yahtiri pahia p̄h̄toa.

¹⁶ Tiquina sa ni yahuducuri bato Pilato Jesure curusap̄u quē biha wejē dutiro, tiquireore ohori tiquinare.

Jesure quē biha wejēahye tiquina
(Mt 27.32-44; Mr 15.21-32; Lc 23.26-43)

Sa ye tiquina Jesure ne wijiari.

¹⁷ Tiquina ne wijiagū Jesu pehe tiquireo ya curusare tiquireo basi w̄ha ne, dapu pehtoro wame tirop̄u esari. Us̄a judio masa ye mehna Gólgota wame tiri.

¹⁸ Top̄u esaye tiquina Jesure quē biha ohōri. Sa ye apequina p̄arore ihc̄aquireo tiquireo poto pehe, apequiro tiquireo cū pehe pehe quē biha ohōri tiquina. Sa yero Jesu tiquina deco curusap̄u wahñari.

¹⁹ Tiquina quē biha tuhasagū Pilato taboa p̄j̄ne ojoa duti, Jesure tiquina quē biha ohōri curusap̄u quē biha ohō dutiri jiri ti p̄j̄ne. Ohō saha ni ojoa dutiri jiri tiquireo: “AHRIQUIRO JESU NAZARE CJ̄ENO, JUDIO MASA P̄HTORO IJIRE”, ni ojoa dutiri jiri Pilato ti p̄j̄ne.

²⁰ Ti p̄j̄ne ojoaro judio masa ye mehna, Roma cj̄ena ye mehna, griego masa ye mehna ojoari jiri apequiro. Sa yero Jesure curusap̄u tiquina quē biha ohōriro maca cahagā ijiri. To cahagā ijiyequina peyequina judio masa Pilato ojoa dutirire ihña, buheri.

²¹ Sa buhe tuhasa judio masa us̄a pahia p̄h̄toa ohō saha nidi Pilatore:

—“Ahriquireo judio masa p̄h̄toro ijire”, ni ojoa dutierac̄hña. Us̄a p̄h̄toro ijierare ahriquireo. Sa yeḡu ohō saha ni ojoa quehno dutiya m̄h̄u. “Ahriquireo ‘Judio masa p̄h̄to ijiaja’, ni ihc̄aquireota tiquireo basita sa ni t̄hoturiquireo ijiri”, ni ojoa quehno dutiya, nidi pahia p̄h̄toa.

²² —Ȳh̄u ojoa duti m̄htariro sahata ijirota, nidi Pilato tiquinare.

²³ Jesure tiquina quē bihari bato pititiaro surara pehe Jesu suhtire tiquina basi itiri. Tiquina sa iti duepeḡata ihc̄a suhtiro yoari suhtiro

dohori marieni suhtiro ijiri. Ti suhtiro suhari suhtiro ijiri.

²⁴ Ti suhtiro sa ijigū ohō saha nidi tiquina basi:

—Ahri suhtirore t̄hr̄edac̄hna. Ahri suhtirore neatiquirore masi duana, doquepeihna mari, nidi tiquina basi.

Sa doquepeye, Coh̄cj̄u yere tiquina ojoari p̄p̄u tiquina ni ojoariro sahata yeye nidi tiquina. “Ȳh̄u suhtire tiquina basi itiri. Sa ye ȳh̄u suhtire neatiquinare masi duaye, doqueperi tiquina”, ni ojoahye Coh̄cj̄u yere tiquina ojoari p̄p̄u. Tiquireo sa ni ojoariro sahata sa yeye nidi tiquina.

²⁵ Surara tiquina sa yeḡu, Jesu pacoro, Jesu m̄ono, María Cleofa namono, María Magdalena mehna Jesu curusa cahagā ihñaducuri tiquina.

²⁶ Sa yero tiquireo pacoro ȳh̄u tiquireo cahñoḡu ḡh̄u tiquireo cahap̄u us̄a ducugū ihñano tiquireo pacorore yahuri Jesu:

—Yojop̄are ahriquireo m̄h̄u macu ijire, nidi Jesu tiquireo pacorore.

²⁷ Sa ni tuhasa, ȳh̄ure ohō saha ni yahuri tiquireo:

—Yojop̄are ahricoro m̄h̄u paco ijire, nidi Jesu ȳh̄ure.

Tiquireo sa nidi bato Jesu pacorore ya w̄h̄ap̄u iji dutii.

Jesu yaria wahahye
(Mt 27.45-56; Mr 15.33-41; Lc 23.44-49)

²⁸ Tiquireo sa ni yahuri bato ohō saha ni t̄hotu, masiahye Jesu: “Ijip-ihtiyē Coh̄cj̄u ȳh̄ure dahra dutiro tiquireo cūrire ye pehou”, ni t̄hotu, masiahye Jesu. Sa masino Coh̄cj̄u yere tiquina ojoari p̄p̄u tiquireo ni yahuriro sahata ohō saha nidi Jesu:

—Aco w̄hoaga ȳh̄u, nidi Jesu.

²⁹ Sa yero top̄u vino s̄ēñe co pose tiri sutu d̄ujiri. Sa yero top̄u ijiriquireo aco ihmini s̄htere s̄ēñe co mehna tiquina sohari s̄htere yucuḡu hisopo wame tid̄u sohtoap̄u d̄hte ohōri. Sa yero Jesu d̄serop̄u siō ohōri.

³⁰ Ti core Jesu ihmi tuhasa ohō saha nidi:

–To punota ijiaga, ninota tiquiro dapure muhri yo, yariaa wahari.

Surara Jesu pati pahma batogã ñoseahye ñosenã mehna

³¹ Ti deco pascua bose deco pano ijiri. Bose deco cjêne usã ihyatire quehñori deco ijiri. Sa ye ape deco saurú ijigã tiquina bose deco ijigã curusaripũ yariariquinare cũ duerari. Ti deco Cohãcjũre tiquina ño peori bose deco ijiri. Sa ye ti decopũ tiquina quẽ biha ohõriquinare curusaripũ tiquina wahñagũ cahmedari tiquina. Sa ye tiquina quẽ biha ohõriquinare tiquina ñecũ cohãrine quẽ nuha dutiye tehe, judio masa siniahye Pilatore, “Tiquina yaria madoqueoahro”, niñe. Tiquina sa yeri bato tiquina pagurire ne dijio madoqueoye tee nidi.

³² Tiquina sa dutigã surara pehe curusari cahapũ esa, ihcãquiro yaqueriquiro ñecũ cohãrine quẽ nuhari. Apequiro gãhũre sata yeri tiquina.

³³ Sa ye Jesu ñecũ cohãrine quẽ nuhae tee yemehe, tiquiro yariariquiro ijigã ihñañe, quẽ nuhaedari.

³⁴ Sa quẽ nuhaedaye ihcãquiro surara tiquiro pati pahma batogã ñosenã mehna ñosedì. Tiquiro sa ñosegũ duita tiquiro dii, aco mehna wijiari.

³⁵ Ti sa wahagũ ihñaũ yũhũ. Yũhũ ahri pũre ojoarigũ musare poto yahuaja. Poto yũhũ yahuye ijigã masiaja yũhũ. Musare yahuaja musa gãhũ Jesure musa wacũ tutuato saha.

³⁶ Cohãcjũ yere tiquina ojoari pũ ti nidiro sahata sa wahari: “Tiquiro cohãrine ne ihcã cohãre quẽ nuhaedari”, tiquiro ni ojoariro sahata Jesu ñecũ cohãrine ne ihcã cohãre quẽ nuhaedari.

³⁷ Sa yero ape pũpũ Cohãcjũ yere tiquina ojoari pũpũ ohõ saha nine. “Tiquirore tiquina ñosediquirore ihñaeta tiquina”, ni ojoahye Cohãcjũ yere tiquina ojoari pũpũ.

Jesu pagure masa copepũ cũahye
(Mt 27.57-61; Mr 15.42-47; Lc 23.50-56)

³⁸ Tiquiro yariari bato José Ari-matea cjãno Jesu pagure ne dijioro taro, Pilatore siniahye. José pehe apequina judio masare cuero, Jesure wacũ tutuariquiro tiquiro ijiyere yahu duerahye. Sa yero tiquiro pagure sinidi bato Pilato pehe Jesu pagure nea dutiahye. Tiquiro nea dutigã José curusa cahapũ esa, Jesu pagure nea wahahye.

³⁹ Nicodemo gãhũ José mehna wahahye. Tiquiro yucũgũ cjẽ ehme sitiye, mirra wame tiye ehme sitiye yucũgũ cjẽ mehna dahra moredire ne cãhye. Jesu pagure tiquina cohãto pano tiquina quehnoati ijiyahye ti ehme sitiye. Tiquiro ne cãhtari treinta kilo nũcũahye. Nicodemo sohõ ijiri pje Jesu mehna tiquiro coã yahuducuri pje ñamipũ Jesu cahapũ esariquiro ijiyahye.

⁴⁰ Sa ye tiquina pũaro Jesu pagure ne, judio masa yariariquinare usã cohãducuro sahata tiquiro pagure ehme sitiye mehna suhti mehna wahmeahye.

⁴¹ Curusapũ Jesure tiquina wejẽdiro cahapũ wese ijiri. Ti wesepũ masa cope utãpũ wahma tiquina seheri cope ijiri. Ti copere ne ihcãquiro yariariquirore cohãedarĩdi.

⁴² Pascua bose deco judio masa bose deco usã ihyatire quehñori deco ijiri. Sa ijiri deco ijigã ti cope cahagã tiquiro curusa ijigã, topũ cũahye tiquina Jesu pagure.

20

Jesu masa wijiahye
(Mt 28.1-10; Mr 16.1-8; Lc 24.1-12)

¹ Domingo ñami cjũnogã ijigã, bohreato panogã María Magdalena Jesu masa copepũ esahye. Topũ esaro ti copere tiquina tu biharia utãre yoa cjũnopũ tiquina põo cũria utãre ihñahye ticoro.

² Sa ijigã ihñano, usã cahapũ oma tojoa tari ticoro. Simo Pedro mehna yũhũ usã pũana ijii. Wihi ohõ saha ni yahuri usãre ticoro:

—Mari puhtoro pagure ne cãri jiri. Nohopu ne cã cūcoayaye mari masiedaja, nidi ticoro usãre.

³ Ticoro sa nigu tuhona, Pedro mehna masa copepu ihñana wahau usã.

⁴ Sa ihñana wahana usã puana oma cãu. Sa oma cãna, yuhu Pedrore oma yuhdu cãgu masa copepu esa muhtau.

⁵ Topu esagu muhri ihña sōu ti copepure. Muhri ihña sōgu tiquire tiquina wahmedi suhtiro dihitare ihñau. Sa ye ti copere sajãedau.

⁶ Yuhu sa ihñari batopu Simo Pedro yuhu batopu wihiri. Wihi masa copepu sajã, tiquire pagure tiquina wahmedi suhtirore ihñari tiquire.

⁷ Sa yero Jesu dapure tiquina wahmedi cahsero gũhare ihñari tja. Ti cahsero sijoro cuñano tiquire torēdi cahsero ijiri.

⁸ Sa yegu yuhu gũhu masa copepu esa muhtarigu ti copepu sajãu. Jesu sa mariedagũ ihñagu “Potota Jesu masa wijiahya”, ni tuhotuu yuhu.

⁹ Ti copepu usã wahato pano Cohãcjũ yere tiquina ojoari pũpu Cristo tiquire yariatire yahurire, tiquire masa wijiatire yahuri gũhare usã quehnoano masiedarĩmi. Ti copere yuhu ihñari bato, “Ijirota Jesu masa wijiahya”, ni, tuhotuu yuhu.

¹⁰ Sa ihña tuhasa usã ye wuhusepu tojoaa wahau.

Jesu María Magdalenare bajuahye (Mr 16.9-11)

¹¹ Sa ye masa copepu María majare tojoa ta, ti cope sopecahapu wihi, ducuro, utiro niahye. Sa utieperota ticoro muhri ihña sōahye masa copepure.

¹² Sa ihña sōno puaro angelere, yehseye suhti sañañequinare Jesu tiquire cuñamediropu tiquina dujigũ ihñahye ticoro. Ihcãquiro tiquire dapu timediropu dujiahye. Apequiro tiquire dahpocãri timediropu dujiahye.

¹³ Tiquinare ticoro ihñagũ tiquina pehe ticorore sinituahye:

—¿Numio, dahse yego utiajari muhu? niahye tiquina.

—Yuhu puhtoro pagure ne cãri jiri. Sa yego tiquire pagure tiquina cūrire masiedaga yuhu, niahye ticoro.

¹⁴ Sa ni tuhasa, majareducameno Jesure topu ducuriquire ihñahye ticoro. Sa ihñaeperota Jesure masiedahye ticoro.

¹⁵ —¿Numio, dahse yego utiajari muhu? ¿Noare macago niajari? niahye Jesu ticorore.

“Ahriquiro ahri wesere cohteriquiro ijire”, ni tuhotumahye ticoro Jesure. Sa ni tuhoturo, ohō saha niahye ticoro:

—Muhu tiquire pagure nedigu ijigu muhu cūrirore yahuya yuhare. Muhu yahuri bato tiquire pagure negotja, niahye ticoro tiquire.

¹⁶ Ticoro sa nidi bato Jesu ohō saha niahye:

—María, niahye.

Tiquire sa ni pisugũ tuhoru majare ihñadoqueo ticoro hebreo ye mehna ohō saha niahye:

—Rabuni, niahye ticoro Jesure. “Rabuni”, nino, “Buhegu”, nino niahye.

¹⁷ —Yuhu Pacu cahapu mjaedarĩaja yuhu. Yuhu sa mjaedarĩgũ yuhare ñehedacãhña. Sa yego apequina yeequina cahapu wahaya. Tiquina cahapu esago ohō saha ni yahuya tiquinare: “Yuhu Pacu cahapu wahau tuu niaja. Mũsa Pacu gũhu ijire tiquire. Yaquiro Cohãcjũ cahapu wahau tuu niaja. Mũsa yaquiro Cohãcjũ gũhu ijire tiquire, nidi Jesu”, ni yahuya tiquinare, niahye Jesu Marĩare.

¹⁸ Tiquire sa nidi bato María Magdalenã usã Jesu buhena cahapu wihi, yahuri usãre:

—Mari puhtorore ihñau yuhu, ni, Jesu tiquire yahu dutirire yahuri usãre ticoro.

*Jesu tiquire buheyequinare bajuahye
(Mt 28.16-20; Mr 16.14-18; Lc 24.36-49)*

19 Ti deco domingo ñamicahap̄ usã Jesu buhena usã acaye judio masare cuena, w̄h̄p̄ biha sajã, dujii usã. Sa usã dujigũ Jesu usã watoap̄ bajuad̄ca saro ohõ saha nidi:

—¿Ne, ijiajari m̄sa? Quehnoano ijiya m̄sa, nidi.

20 Sa ni tuhasa, tiquiro omocarine, tiquiro pati pahma bato ḡh̄are usãre ihñori. Sa yena usã tiquirore usã p̄htorore ihñana bucuei.

21 Pari turi Jesu usãre ohõ saha nidi:

—Quehnoano ijiya m̄sa. Ȳh̄ Pac̄ ȳh̄are tiquiro ohoriro sahata, m̄sa ḡh̄are yee buheyere buheanare ohoaja, nidi Jesu usãre.

22 Sa ni tuhasa tiquiro usãre puti peori. Sa puti peoro Esp̄ritu Santore usã ñeheatire ihñono nidi usãre. Ihño tuhasa ohõ saha nidi:

—Yojop̄ Esp̄ritu Santore ñeheña m̄sa, m̄sa mehna ijiatiquirore.

23 Apequina tiquina ñañe yerire m̄sa bogã, sata ijieta. Sa ye apequina tiquina ñañe yerire m̄sa boeragũ ti bori ijisi, nidi Jesu usãre tiquiro buhenare.

Jesure masa wijiariquirore Tomasu ihñahye

24 Jesu usã watoap̄ tiquiro bajuagũ Tomasu s̄hd̄ariquiro tiquina ni pisuriquiro usã mehna mariedari.

25 Tiquiro sa mariedagũ usã mehna cj̄na tiquirore yahumedi.

—Mari p̄htorore usã ihñan̄, ni yahumi usã Tomasure.

Usã sa ni yahuepegũta ohõ saha nidi Tomasu:

—Tiquiro omocarine tiquina quẽ bihari coperire ihñedagũ, ti coperire ȳh̄ omo piria mehna ohbe tuhueragũ “Ijirota masa wijiayahya”, nisi ȳh̄. Sa yegũ tiquiro pati pahma bato ijiri copere ȳh̄ omoca mehna siõ s̄edagũ, “Ijirota masa wijiayahya”, nisi ȳh̄ tiquirore, nidi Tomasu.

26 Ocho decori bato pari turi usã tiquiro buhena usã w̄h̄p̄ ijii. Ti pjere Tomasu usã mehna ijiri. Ti w̄h̄ bihari w̄h̄ ijiri. Bihari w̄h̄ ijiepegũta Jesu w̄h̄p̄ sajã taro, usã

watoap̄ bajuad̄ca saro ohõ saha nidi:

—¿Ne, ijiajari m̄sa? Quehnoano ijiya m̄sa, nidi.

27 Sa ni tuhasa, tiquiro Tomasure yahuri:

—Ihñaña ȳh̄ omocarine. Sa ye m̄h̄ omo piria mehna ȳh̄ omocarine tiquina quẽ bihari coperire ohbe tuhuya. Sa yegũ m̄h̄ omoca mehna ȳh̄ pati pahma bato ijiri copere siõ s̄o tuhuya. “Poto ijierare”, niedacãhña. “Ijirota ijire”, niñan̄ m̄h̄, nidi Jesu Tomasure.

28 Tiquiro sa nidi bato Tomasu ȳhtiri:

—M̄h̄ ȳh̄ p̄hto ijire. Yaquiro Cohãcj̄ ijire m̄h̄, nidi Tomasu Jesure.

29 —Ȳh̄are m̄h̄ ihñari bato ȳh̄are wacũ tutuare m̄h̄. Apequina pehe ȳh̄are ihñedapeta ȳh̄are wacũ tutuaeta. Sa ye tiquina m̄h̄ ȳhd̄oro bucueeta, nidi Jesu Tomasure.

Jesure mari masiatire ahri pũre ojoahye Ñu

30 Sa yero peye apeye ḡh̄are Cohãcj̄ tutuaye mehna ye ihñori Jesu usã mehna ijiro. Tire tiquiro yerire ahri p̄p̄ ojoa pehoerad̄ ȳh̄.

31 Sa ojoa pehoerap̄gũta ahri p̄p̄ ȳh̄ yahurire ojoan̄ “Jesuta Cristo Cohãcj̄ ohoriquiro ijire. Tiquiro potota Cohãcj̄ mac̄no ijire”, m̄sa ni masiatire. Sa yena m̄sa tiquirore wacũ tutuana Cohãcj̄ mehna m̄sa sa ijiducuatire ojoan̄ ahri pũre.

21

Jesu siete tiquiro buheyequinare bajuahye

1 Came Tiberia wame tiri ditara d̄ht̄ cahap̄ usãre tiquiro buhenare Jesu pari turi bajuari tja. Usãre bajuaro ohõ saha yeri tiquiro.

2 Simo Pedro, Tomasu s̄hd̄ariquiro tiquina niniquiro, Natanae Galilea yehpap̄ ijiri maca, Caná wame tiri maca cj̄no, apequina p̄aro buheyequina, Zebedeo pohna p̄ana usã ohõpequinata cahmecoan̄.

³ Sa usã cahmecoari bato Simo Pedro usãre ohõ saha nidi:

–Wahi wejêgũ wahau niaja, nidi tiqiro.

–Usã gũhũ mahũ mehna wahanatja, nii usã tiqirore.

Sa ni tuhasa buhaa wahau. Sa yena yucusa mehna wahau. Ti ñamine usã quehnoano wahi wejê bohreenata ne ihcãquiro wahi wejêdadũ.

⁴ Bohrea parĩ quehagũ Jesu paduropũ ducugũ tiqirore ihñami usã. Sa ihñaepenata tiqirore ihña masiedũ usã.

⁵ Sa yero tiqiro pehe usãre sinituri:
–¿Ne wahi wejêajari masa? nidi Jesu.

–Ne wejêdabutiaga usã, ni yuhtii usã.

⁶ –Yucusa poto pehe pahrê pehe doque ñoña. Tie pehe doque ñona wahi wejênata masa, nidi usãre.

Tiqiro sa nigũ tãhona usã tiqiro nidirota doque ñou. Usã doque ño tuhasagũta peyequina wahi sajãri. Peyequina wahi sajãgũ wẽñanure yucusapũ weje sãana cũedadũ usã.

⁷ Sa yegũ yahũ Jesu cahñogũ Pedroro yahuu:

–Mari pãtorota ijire siquiro paduropũ ducuriquiro, nii yahũ Pedroro.

Yahũ sa nigũ tãhoro Jesuta tiqiro ijigũ masino, Simo Pedro tiqiro suhtirore sañari. Wahi wejẽno taro tiqiro suhtirore tu weriquiro ijinidi. Tiqiro suhtirore saña tuhasa, diapũ uhpu ñojoaa wahari.

⁸ Sa yena usã apequina buhena yucusapũ ijina, cien metro yoaro diapũre pahsau usã. Sa yena wẽñanure wahi peyequina sajãdure yucusa mehna weje nahũ usã.

⁹ Duhtũ cahapũ usã wahã sagũ, topũ peca niti dihita asi cuñari peca ijiri. Ti peca bui tiqiro pãhõ cũriquiroro wahire ihñau usã. Pã gũhũre ihñau usã.

¹⁰ Sa usã ihñagũ ihñano Jesu usãre ohõ saha nidi:

–Mianogã masa wejêdiquinare meheñequinagã ne cãhtaya, nidi usãre.

¹¹ Tiqiro sa nigũ Simo Pedro pehe Jesu mehna ijiriquiro yucusapũ sajã,

wẽñanure, bujuequina wahi ciento cincuenta y tres wahi sajãdure weje majari. Peyequina wahi sajãepeta wẽñanure tãhrêdari.

¹² –Ihyana ahtaya, nidi Jesu usãre.

“¿Noa boro ijiajari mahũ?” ni sinituerũ usã tiqirore. Usã pãtoro tiqiro ijigũ masii usã.

¹³ Sa yero Jesu peca cahapũ esaro, pãre ne, usãre itiri. Wahi gũhũre itiri.

¹⁴ Sa yero Jesu tiqiro masa wijiari bato paduropũ bajuaro ihtia taha usãre tiqiro buhenare bajuaro nidi.

Jesu Simo Pedro mehna yahudu-cuahye

¹⁵ Usã ihyari bato Jesu Simo Pedroro sinituri:

–¿Simo Ñu macũ, ahriquinare mahũ cahĩno yahũoro yahũre cahãajari mahũ? nidi Jesu Simo Pedroro.

–Pãhto, mahũre cahãaja yahũ. Mahũre yahũ cahĩgũ masine mahũ, ni yuhtiri Simo Pedro.

¹⁶ –Sa yegũ ovejagãre tiquina nuno saha yeequinare buheya mahũ, nidi Jesu.

Sa ni tuhasa pari turi tiqiro Simo Pedroro sinituri:

–¿Simo Ñu macũ, yahũre cahãajari mahũ? nidi Jesu.

–Pãhto, mahũre cahãaja yahũ. Mahũre yahũ cahĩgũ masine mahũ, ni yuhtiri Simo Pedro.

–Ovejare cohteriquiro ovejare tiqiro quehnoano cohtero saha, yeequinare quehnoano buhe cohteya, nidi Jesu Pedroro.

¹⁷ Sa ni tuhasa pari turi Simo Pedroro sinituri:

–¿Simo Ñu macũ, yahũre cahãajari mahũ? nidi Jesu tja.

Ihtia taha sa ni tiqiro sinitugũ tãhoro Simo Pedro tutuaro bujãa witiri:

–Pãhto, mahũ masi pehore. Mahũre yahũ cahĩgũ masine mahũ, ni yuhtiri Simo Pedro.

–Ovejare tiquina nuno saha yeequinare buheya mahũ.

¹⁸ Ijirota mahũre niaja. Mahũ wahmũ ijigũ mahũ suhtire saña, mahũ

cahmediropu tinie tiahye mahu. Sa yerigu mahu ijiepeguta came mahu bucu ijigū, mahu omocarine mahu siōdoqueogū apequiro mahure suhtiro sāanota. Sa yero mahu waha dueropu mahure neanota, nidi Jesu Simo Pedrore.

¹⁹ Sa nino Simo Pedrore dahse waha tiquiro yariatire yahuro nidi. Cameru bucuo tiquiro wahagū sa yeye taye niahye apequina tiquirore. Cohācjū yere Pedro yeri buhiri apequina tiquirore wejēne taye niahye. Sa yero Pedro yariatire yahuro nidi Jesu. Sa ni yahu tuhasa, ohō saha ni nemori Pedrore:

—Poto yahu buheriro sahata yeya mahu, nidi Jesu Pedrore.

Jesu tiquiro cahñiquiro buheriquiro ahri pūre ojoariquiro ijire

²⁰ Tiquiro sa nigūta Pedro pehe majare ihñadoqueo, yahure Ńure Jesu tiquiro cahñogu buherigure tiquinare yahu nahu tīgū ihñano Pedro Jesure sinituri. Yahu pehe Pedro ihñarigu to pano ohō saha nidigu ijii. “¿Pūhto, mahure ihña tuhtiyequinare ihñoatiquiro pehe noa boro ijiagari tiquiro?” ni Jesure siniturigu ijii yahu. Ti pjere Jesu tiquiro pari paha ihya dūjii yahu. Sa yero yahure ihñano Pedro Jesure sinituri:

²¹ —¿Pūhto, ahriquiro pehe dahse waharotari? ni sinituri.

²² —Tire mahure yahueraja. Ahri yehpahu yahu tojoa tato pano ahriquirore ijiducugū yahu yeatire masiedare mahu. Sa yegu mahure yahueraja. Poto yahu buheriro sahata yeya mahu, nidi Jesu Pedrore.

²³ Tire tiquiro yahurire ijipihtiyequina Jesu yequina tiquina basi yahu sitemedi. Tire yahu siteye ohō saha nimesi tiquina pehe: “Jesu tiquiro cahñiquiro buheriquiro yariasi”, ni yahu sitemedi yahure Jesu yequina tiquina basi. Tiquina sa niepeguta “Tiquiro yariasi”, nino niedari jimesi Jesu. “Ahri yehpahu yahu tojoa tato pano ahriquirore ijiducugū yahu yeatire masiedare mahu. Sa

yegu mahure yahueraja”, nidi Jesu Pedrore.

²⁴ Jesu buherigu ahrire yahurigu, ahri pūre ojoarigu ijiaga yahu. Sa yena ahri yahu yahuye poto ijigū masiaja mari.

²⁵ Peye apeye gāhare Jesu yeri. Tiquiro yerire mari ojoa pehogū ti pūri ojoari pūri peye waro wahaboaga. Sa ye ti pūrime mari ihbogū esa tuhaeraboaga ahri yehpa. Wahpaa wahaboaga, yahu tuhotugū. To puno tjire.

Jesu buhe dutiro tiquiro cūriquina tiquina yerire yahuri pū ijire

—*Espíritu Santo ahtarota, niahye
ahri pūre ojoariquiro*

¹⁻² Teófilo, ahri quitire mahure ojoagu niaja. To pano yaha oja mahitari pūre Jesu yerire, tiquiro buheyere mahure yahu tuhasa. Tee ahmasepa tiquiro mjarire yaha yahu bato tii. Jesu tiquiro mjado pano Espiritu Santo tutuaye mehna dutiahye tiquiro bese cūriquinare.

³ Sa ye Jesu curusapa tiquiro yari-ari bato ihquē tahari pagu tiriquiro bajuahye tiquiro cūriquinare. Cuarenta decori bato bajua bato tiahye. Sa yero tiquiro basi catiriquiro ijiyere ihñoahye tiquinare. Sa bajuaro mari Pacu tiquiro pūhtoro ijiyere quehnoañe buheyere yahuahye tiquinare.

⁴ Jesu tiquiro cūriquina mehna ijinino tiquinare ohō saha ni yahuahye:

—Jerusalēpata ijiniña yojopare. “Espíritu Santore musare ohogutja”, yaha Pacu tiquiro nidiquirore cohteniña. Tire tiquiro nidire musare yahuu yaha.

⁵ Ñu musare wame yero aco mehna wame yemedi. Yaha pehe ti yahdoro yeitja musare. Mehenogã bato Espiritu Santore musa mehna iiducugū yeitja musare, niahye Jesu.

Jesu ahmasepa mjaah wahahye

⁶ Sa ye ape taha canapa Olivo wame tidapa Jesu tiquinare tiquiro bajuagu ihñañe tiquina sinituahye tiquirore:

—¿Pūhto, Israe yehpare tiquina ehmari yehpare dahse ijigū usāre pari turi cūgutjari mahū? ¿Dahse ijigū mari acaye warore pūhtoro sōgutjari mahū? niahye tiquiro yequina.

⁷ Tiquina sa nigū tuhoro Jesu ohō saha niahye:

—Mari Pacu dihita ti decore musa ya yehpare musa quehnoano ijiatire cū masine. Ti decore musare masino basioerare.

⁸ Sa masiedapenata musare Espiritu Santo tiquiro wihigū Cohācjū ye tutuayere canata musa. Tiquiro ye tutuayere musa cana Jerusalē cjēnare, ijipihtiyequina Judea yehpa cjēnare, Samaria yehpa cjēnare, sa ye ijipihtiyē yehpari cjēnare quehnoañe buheyere buhenata musa. Yaha yari-are, yaha masa mjarire tiquinare buhenata musa, ni yahuahye Jesu tiquinare.

⁹ Sa ni yahu tuhasa, Jesu ahmasepa mjaah wahahye. Tiquina tiquirore ihña nūnā tā mahogūta ehmeo curua puhiapa sajā, buti mjaah wahahye.

¹⁰ Sa ye tiquina Jesu mjariquirore tiquina ihña mahori watoa pūaro angele yehseye suhti sañañequina Jesu tiquiro cūriquina watoa bajuadaca sahye.

¹¹ Sa ye tiquinare ohō saha niahye: —¿Musa Galilea cjāna, dahse ijiro boro ihña mahoducuna niajari musa? Ahriquiro Jesu ahmasepa mjariquiro, tiquiro mjariro saha ahtarota, ni yahuahye angele.

*Jesu cūriquina Juda mananore
comesatiquirore beseahye*

¹² Sa ye Jesu yequina canapa Olivo wame tidapa ijiriquina dijia ta, Jerusalēpa tojoa sahye. Tu canapare ihcā kilómetro yahdoro cjūno yoaro ijiahye Jerusalē dūhtu cahapare.

¹³ Tojoa sa, ahmanopu tiquina ijiri tucūpa mjaah wahahye. Ahriquina ijiahye: Pedro, Ñu, Santiago, Andre, Felipe, Tomasu, Bartolomé, Mateo, Santiago, Simo, Juda ijiahye. Santiago pehe Alfeo macano ijiahye. Simo pehe celote wame tiri curua cjūno ijimediquiro ijiahye. Juda pehe Santiago acayaro ijiahye.

¹⁴ Peyē tahari ahriquina ijipihtiyequina, numia mehna, María Jesu pacoro mehna, Jesu bahana

mehna quehnoano cahmecoa, tutuaro mehna mari Pacure sinie tiahye.

¹⁵ Sa ye ti decorire masa peyequina cahmecoahye. Ciento veinte ijiye iji-boaya. Sa yero Pedro pehe tiquiro mehna cjēna Cristo yequina watoa ducu, yahuahye tiquinare:

¹⁶ —Yuhū acaye, Cohācjū panopū tiquiro nidiro sahata waharo nidi. Tire Espiritu Santo Davire yahu dutiahye Juda mūnanore. Juda mūnano Jesure ñeheatiquinare ihñoriquiro ijiri.

¹⁷ Sa yeatiquiro ijieperota mari mehna Jesu yere yeriquiro ijimedi. Sa yero usā mehna cjānota ijimedi, niahye Pedro.

¹⁸ Jesure ihño dutiye tiquina wapa yerire Juda mūnano pehe wiari bato tiquiro basita wejē yariaa wahahye. Sa yero bora waha, tiquiro cahta misi da tūhna waha, yariaa wahahye. Tiquiro wiari mehna apequina mehenogā yehpare dúahye.

¹⁹ Ijipihtiyequina Jerusalē cjēna masi pihti cāri jiri Juda mūnano tiquiro ñano yerire. Sa masiñe tiquiro ye niñeru mehna tiquina dúri yehpare Acéldama wame yeri jiri tiquina ye yahuducuye mehna. Acéldama niñe, “Dii yehpa”, niñe nine.

²⁰ Came ohō saha ni nemoahye Pedro:

—Panopū tiquina ojoariro sahata sa wahari Juda mūnano. Salmo tiquiro ojoari pūpū ohō saha ni ojoahye:

Tiquiro wuhū cohōri wuhū ijiahydro. Sa ye apequina ti wuhūre ijieracāhdo, ni, ojoahye.

Ohō gūhūre ohō saha ni ojoahye:

Apequiro tiquiro dahrayere comesariquiro ijirota, ni, ojoahye Salmopū.

²¹⁻²² 'Sa yena mari ihcāquiro beseihna. Ñu wame yeriquiro mūnano masare tiquiro buheri watoa ihquēquina Jesu yequina mari mehna wahari. Tiquina mehna cjānore ihcāquiro bese neno cahmene mari mehna cjāno ijiatiquirore. Jesu mehna mari ijigū mari mehna sa ijiducuriquirore besero cahmene. Sa

mari beseri bato Jesu tiquiro masa mūjarire mari mehna buherota, ni yahuahye Pedro tiquiro acayere Cristo yequinare.

²³ Tiquiro sa nigū tūhoye pūarore bese boca hye tiquina. Ihcāquiro José Justo wame tiriquirore beseahye. Tiquiro Barsabā tiquina ni pisuriquiro ijiahye. Sa ye apequirore Matia wame tiriquirore beseahye.

²⁴⁻²⁵ Tiquinare bese boca tuhasa, tiquina mari Pacure ohō saha ni siniyahye:

—Muhū usā pūhto, ijipihtiyequina masa tiquina tūhotuyere masine. Ahriquina pūaro usā beseriquina ijire. Juda mūnanore comesatiquirore diquiro mūhū cahmeniquirore beseya. Jesure cohātjiano Juda mūnano pehe pecapū wahahye. Tiquirore comesariquiro Jesu tiquiro cūriquiro ijirota. Sa yero usā mehna quehnoañe buheyere buherota, niahye tiquina mari Pacure.

²⁶ Sa niñeta Juda mūnanore comesatiquirore beseye tehe utā paca mehna doque cū mūjahye “Noa pehe sajānotari”, niñe. Matia tiquiro quehnoano wijiagū, tiquiro pehe Jesu cūriquina once cūriquina mehna cjāno tojoahye.

2

Espiritu Santo Jesu yequina mehna iji dūcahye

¹ Sa ye Pentecoste wame tiri deco ijigū tiquina ijipihtiyequina ihcā wuhūpū cahmecoahye.

² Ti pjereta wihnono tutuaro wēno saha uhmūanopū bisiro ca tahye. Sa bisiro ca tagū tūhoahye ijipihtiyequina ti wuhūpū ijiriquina.

³ Sa ye peca pohna yero saha ijiye tiquina ijipihtiyequina dapu paca bui bajuahye. Ti peca pohnarigā ñehmeno yero saha bajuahye.

⁴ Sa yero Espiritu Santo wihiahye tiquinare tiquiro tutuayere ohoro taro. Espiritu Santo tiquinare yedohoro puno tiquina pehe apequina ye mehna quehnoano yahuducuahye.

⁵ Ti decorire Jerusalēp̄ peyequina judio masa ijiahye. Mari Pacure ño peoyequina ijiahye. Tiquina macaripe cjēna ijiahye.

⁶ Sa ye ʔhm̄sep̄ bisigū t̄hoye Jesu buheyequina cahap̄ peyequina cahmecoahye. Masape ye yahuducuyere Jesu buheyequina tiquina yahuducugū t̄hoahye. Sa tiquina yahuducugū t̄hoye, tiquina t̄ho maria wahahye.

⁷⁻⁸ —Ahyou, ¿D̄hse yeye ahriquina Galilea cjēna ijiepetā quehnoano mari yere yahuducujari? Tiquina mari masa bajaripop̄ ahtariquina yero sahata yahuducuye ca tare, niahye tiquina pehe.

⁹⁻¹⁰ —Ijipihtiyequina mari yere yojop̄re yahuducuye nine: Partia cjāna, Media cjāna, Elā cjāna, Mesopotamia cjāna, Judea cjāna, Capadocia cjāna, Ponto cjāna, Asia cjāna, Frigia cjāna, Panfilia cjāna, Egipto cjāna, Libiap̄ ijiye macarip̄ Cirene cahap̄ ijina, Romap̄ ahtarina ijiaja mari. Ihquēquina judio masa ijiaja mari. Apequina mari judio masa ijiena, judio masa ye buheyere buhenap̄ ijiaja mari.

¹¹ Creta cjēna ḡh̄, Arabia cjēna ḡh̄ ijire mari mehna. Sa yena ahriquina mari yere tiquina yahuducugū t̄hoaja mari. Tiquina mari ye mehna Cohācjū tutuaye mehna tiquiro yerire yahuye nine, ni yahuducuahye masa tiquina basi.

¹² Sa niñeta tiquina t̄ho ac̄aa waha, tiquina ihñarire tiquina t̄horire quehnoano masiedahye.

—¿Ahri d̄hse ijiro boro ahriquina apequina ye mehna Cohācjū yere sa quehnoano yahuducujari, m̄sa t̄hotugū? ni cahme sinituahye tiquina basi.

¹³ Tiquina sa ni t̄hotuepegūta apequina tiquina mehna cjēna b̄j̄peahye:

—¿D̄hse ahriquina sihbiori sihni, queheye niajari? ni b̄j̄peahye apequina tiquina basi.

Pedro masare yahuahye

¹⁴ Sa yero Pedro once Jesu cūriquina mehna ducu, masare yahuahye:

—M̄sa Judea yehpa cjāna, ijipihina Jerusalēp̄ ijina, ahrire masiña m̄sa. Ȳh̄ yahugū t̄hoya m̄sa.

¹⁵ M̄sa t̄hotuye poto ijierare. Yojop̄ta nueve hora ijire. Sa ye ahriquina queherare.

¹⁶ Ahriquina Cohācjū panop̄ tiquiro nidiro sahata yeye nine. Ti p̄ep̄re Joere Cohācjū yere yahu m̄htariquirore, ahrire yahu dutiahye Cohācjū pehe:

¹⁷ Iji bato tiye decori ijigū ohō saha ijirota: Yaquiro Esp̄riture masare ijipihtiyequinare ohoḡtja. Sa ye m̄sa pohnap̄ yeere yahueta. Sa ye m̄sa mehna cjēna wahma p̄jia bajumehneñene ihñæta. Sa ye m̄sa mehna cjēna b̄c̄na queh̄nop̄ queh̄eta.

¹⁸ Sa yeḡ ȳh̄ cahacjēnare, ȳh̄ cahacjēna numia ḡh̄re yaquiro Esp̄riture ohoḡtja. Sa ye tiquina yahueta yeere.

¹⁹ Sa yeḡ ȳh̄ tutuaye mehna bajumehneñene ye ihñoḡtja ʔhm̄anop̄. Yehpap̄ ḡh̄re ȳh̄ bajumehneñene ihñoḡtja: Diire, pecare, peca ohmore ihñoḡtja.

²⁰ Sa yero asū deco cjūno nahitiaa waharota. Ñami cjūno dii yero saha sohāriquiro comesarota. Ohō saha waharota Cristo m̄sa p̄htoro tiquiro ahtati deco, ȳh̄ nidi deco pano. Ti decop̄ ihñā maria wahaeta masa. Sa yero ihyo ijiri deco ijisi. Ti deco quehnoari deco ijirota.

²¹ Sa yero ohō saha ijirota. Ijipihtiyequina masa Cristore tiquina ñañene cohā duti siniñequinare tiquiro tiquinare pecap̄ wahaboriquinare ȳhd̄orota, nine Cohācjū, ni ojoahye Joel.

²² M̄sa Israe masa ȳh̄ yahugū t̄hoya: Jesu Nazare cjūno pehe Cohācjū ohoriquiro ijiri. Jesure tiquiro ohorire masa tiquina masiato saha tiquiro tutuaye mehna ye ihñori m̄sare. M̄sa tire masine.

23 Jesure ohori m̄sare apequiro. Panop̄ Cohācjū “Sa waharota”, tiquiro nidiro sahata sa yeri apequiro. Sa yena m̄sa Jesure curusap̄ wejē dutiri masa ñañequinare.

24 Cohācjū pehe Jesure yariariquiro m̄nanore masori. Pari turi ne yariasi tiquiro. Tiquiro yaria dojoerare. Sa catiducuatiquiro ijire.

25 Ohō saha niahye Davi panop̄ cjūno Cristo tiquiro niboriro sahata:

Yuh̄ p̄hto, yuh̄ mehna ijire m̄h̄. Ijipihtiyē decori Cohācjū yuh̄ p̄hto yuh̄ caha m̄h̄ ijigū ihñae tii yuh̄ cuerato saha.

26-27 M̄h̄ Cohācjū yuh̄ jeripohnare yariayequina tiquina ijirop̄re ne cohāsi. Yuh̄re ñanop̄ yuh̄ jeripohnare cohāsi m̄h̄. Yuh̄ m̄h̄ cahacjū m̄h̄re ño peoḡ ijaia. Yuh̄ paḡre ahba dutisi m̄h̄. Sa yeḡ tutuaro bucueaja. Bucueye mehna yahuducujaja. Sa yeḡ m̄h̄re Cohācjūre quehnoano wacū tutuaḡ ijiḡ cuero marieno quehnoano iji cjā.

28 Yuh̄re pari turi catigū yeḡta m̄h̄. Yuh̄ mehna m̄h̄ ijigū tutuaro bucueaja, ni, ojoahye Davi m̄nanao Cristo tiquiro niboriro sahata.

29 'Acaye, ohō saha quehnoano yahuḡtja m̄sare Davire mari acayuro, panop̄ cjūnore. Tiquiro yariaa wahahye. Sa yero tiquirore tiquina yari cope yojop̄re ijire. Sa yero “Yuh̄ paḡre ahba dutisi m̄h̄”, ni ojoaro tiquiro basi wame peo yahuro niedahye.

30-31 Panop̄ Cohācjū Davi m̄nanore ohō saha niahye: “Poto niita niaja. M̄h̄ panamena iji turiayequina mehna cjūno m̄h̄ yero saha ahri yehpa cjēna p̄htoro ijirota”, niahye Cohācjū Davire. Davi Cohācjū yere yahu m̄htariquiro ijiahye. Sa yero Cristore Cohācjū tiquiro p̄htoro sōatire masino, Cristo tiquiro masa m̄jatire yahu m̄hta tuhasahye Davi pehe. Ohō saha niahye: “Tiquiro yariayequina ijirop̄re iji dojoasi.

Tiquiro paḡ top̄ ahbasi”, niahye Davi.

32 Ahriquirore Jesure Cohācjū masori. Ūsā ijipihtina ihñau.

33 Cristo mari Pac̄ poto pehep̄ ijire dutiriquiro ijiro. Sa yero tiquiro Pac̄ro “Esp̄ritu Santore yehpap̄ ohoḡtja”, niahye tiquirore. Sa yero Cristo pehe ahriquinare Esp̄ritu Santore ohori. Yojop̄re Esp̄ritu tiquiro yeyere m̄sa ihñana nine. Sa yena m̄sa t̄hore.

34 Davi m̄nanao pehe Jesu tiquiro m̄jariro sahata uhm̄sep̄ m̄jaedahye. Sa yero tiquiro basi ohō saha niahye:

Cohācjū nidi yuh̄ p̄htoro: “Yuh̄ poto pehep̄ dujiya m̄h̄.

35 M̄h̄re ihñā tuhtiyequinare m̄h̄re yuh̄dud̄ca basatja yuh̄”, nidi Cohācjū yuh̄ p̄htoro, niahye Davi m̄nanao.

36 'Sa yena ijipihtina Israe masa ahrire quehnoano masiña m̄sa: Ahriquiro Jesure m̄sa curusap̄ wejēdiquirore m̄sa p̄htoro sōri Cohācjū pehe. Tiquirore m̄sare yuh̄d̄oatiquirore Cristore cūri Cohācjū, ni yahuahye masare Pedro.

37 Tiquiro sa nigū t̄hoye tutuaro b̄jua witiye, cueye masa pehe Pedro ḡh̄re sinituahye:

—¿Ūsā acaye, d̄h̄se yenatari ūsā? ni sinituahye tiquina.

38 Tiquina sa ni sinitugū yuh̄tiahye Pedro ḡh̄:

—M̄sa ñañe yeyere b̄jua witina ijiya. Quehnoañe pehere comesaya. Sa yena Jesu wame mehna wame yenohrina ijiya m̄sa ijipihtina. M̄sa sa yeḡ m̄sa ñañene borota Cohācjū. M̄sa sa yeḡ Esp̄ritu Santo m̄sa mehna ijirota. Cohācjū yaquiro Esp̄ritu Santore sa oho cānota m̄sare.

39 M̄sare, m̄sa pohnare, m̄sa panamena iji turiayequinare, yop̄re cjēnare, ijipihtiyequina Cohācjū mari p̄htoro tiquiro beseriquinare, “Potota yuh̄d̄oḡtja m̄sare”, ni, cūahye Cohācjū, niahye Pedro.

40 Sa ni tuhasa peye yahu nemoahye tiquiro. Sa yero tutuaro mehna yahuahye tiquinare:

—Ahri yehpa cjēnare tiquina ñano yeri buhirire buhiri dahrerota Cohācjū. Sa yena m̄sa pehe Cohācjū yequina ijiya. M̄sa sa ijigū tiquiro m̄sare buhiri dahresi, niahye Pedro masare.

41 Tiquiro sa nigū t̄hoye peyequina tiquiro yahuducuyere quehnoano t̄hoahye. Sa yero tiquinare tiquiro wame yeahye. Sa ye Cohācjū yequina mehna cjēna tres mil masa waha nemoahye.

42 Sa ye tiquina masa Cristo cūriquina mehna decoripe ijie tiahye. Sa ye tiquina ti buheyere decoripe t̄hoe tiahye. Tiquina ihyayere cahme iti, Cohācjūre sini, Cristo cūriquina mehna quehnoano ijie tiahye.

Jesu yequina coã iji d̄cayequina tiquina ijiye tiyere yahuahye

43 Sa ye Cohācjū tutuaye mehna ye ihñoahye Jesu cūriquina. Tiquina sa yegū ihñañe masa ijipihtiyequina ihña maria waha tiahye.

44 Sa ye ijipihtiyequina Jesure wacū tutuayequina cahmecoa, quehnoano ijie tiahye. Sa ye tiquina yere cahme itie tiahye.

45 Tiquina yere dua, ijipihtiyequinare apee boro marieñequinare tiquinape ohoe tiahye tiquina.

46 Sa ye decoripe tiquina Cohācjū w̄h̄p̄ cahmecoae tiahye. Ijipihtiyequina tiquina ye w̄h̄sep̄ bucueye mehna cahmecoa, ihyae tiahye.

47 Tiquina sa cahmecoa, “Cohācjū quehnoariquiro ijire”, ni ño peoe tiahye. Sa ye apequina masa tiquinare cahme ȳhd̄e tiahye. Sa yero decoripe Cohācjū apequinare tiquiro yequina wahagū yee tiahye.

3

Tini masieniquirore ȳhd̄oahye mari Pac̄

1 Ñamicahap̄ tres ijigū Cohācjū mehna yahuducuri pje ijigū Pedro, Ñu mehna Cohācjū w̄h̄p̄ wahaye niahye.

2 Decoripe ti w̄h̄ cjã sopecaha quehnoari sopecaha wame tiri sopecahap̄ apequina ihc̄aquiromas̄nore ne c̄hta, duhu dapoe tiahye. Tiquiro mas̄no pehe wahma masa bajarop̄ta tini masiedahye. Sa yero tiquiro ti sopecaha caha niñerure sini dujie tiahye ti w̄h̄p̄ sajãñequinare.

3 Sa ye Pedro, Ñu mehna ti w̄h̄p̄ tiquina esad̄cagū tini masieniquiro pehe tiquinare ihña, niñerure sini ahye.

4 Sa ye Pedro ḡh̄ tiquirore ihña, Pedro pehe ohō saha niahye:

—Ĥs̄are ihñaña m̄h̄, niahye Pedro tiquirore.

5 Tiquiro sa nigū t̄horo “Ahriquina mehenogā ȳh̄re niñerure ohoeta”, ni t̄hoturo ihñadoque ohō, t̄hoahye tiquinare.

6 Tiquiro sa ni t̄hotuepeḡta Pedro tiquirore ohō saha ni yahuahye:

—Niñerure c̄oeraja ȳh̄. C̄oerapeita, ahrire yeitja m̄h̄re. Jesucristo Nazare cj̄no tiquiro tutuaye mehna tiniña m̄h̄, niahye Pedro tini masieniquirore.

7 Sa ninota tiquiro omocare potopehe cjã omocare ñehe, tiquirore weje wahcō docoahye. Ti pjeta tini masieniquirore tiquiro ñecari tutuaa wahahye.

8 Tiquiro sa wahari bato tiquiro wahc̄d̄ca sa, waha d̄cah̄e. Sa yero tiquiro waha, uhpu maa, “Cohācjū quehnoariquiro ijire”, ni bucueahye. Sa bucuerotiquina mehna Cohācjū w̄h̄p̄ sajã wahahye.

9 Tiquiro sa tinigū “Cohācjū quehnoariquiro ijire”, tiquiro nigū masa ijipihtiyequina tiquirore ihñahye.

10 Sa ye masa tiquirore ihña masiahye. Tiquiro Cohācjū w̄h̄ cjã sopecaha quehnoari sopecaha caha

niñerure tiquiro sini dujirire masi-ahye masa. Sa ye tiquiro tinigũ ihñañe, ihña maria wahahye.

Cohãcjũ wuhũpũ Pedro masare buheahye

11 Sa ye tini masieniquiro Pedro gũhare tiquiro ñeheni watoa, masa ijipihtiyequina ihña maria waha, quehnoari paapũ Salomo wame tiri paapũ oma cã, cahmecoahye.

12 Tiquina sa cahmecoari bato Pedro pehe yahuahye tiquinare:

—¿Musa Israe masa, dahse yena ahriquiore ihña mariajari? ¿Dahse yena usãre musa ihña nunhajari? Usã pehe usã ye tutuaye mehna Cohãcjũre usã wacũ tutuaye mehna usã esa tuhara ahriquiore tinigũ yeru usã.

13 Abrahã, Isaac, Jacob mari ñecusumua panopũ cjẽna Cohãcjũre ño peoe tiahye. Tiquiro Cohãcjũ pehe tiquiro cahacjũnore Jesure tutuariquiro, quehnoariquiro tiquiro ijigũ musare ihño tiri. Musa Jesure tiquiore ihña tuhtiyequinare ohori. Sa yena Pilato tiquiore peresu wio duepegãta musa pehe tiquiore wio gũ cahmedari. Pilatore Jesure ohori musa.

14 Pilato tiquiore wio du-amedi. Tiquiro sa wio duepegãta musa Jesure quehnoariquiore, quehnoano yeriquiore cahmedana, apequiore masa wejẽdiquiro pehere wio dutiri musa.

15 Sa yena Jesure marine catigũ yeriquiore wejẽdi musa, usã acaye judio masa. Tiquiro yariagũ Cohãcjũ tiquiore masori. Tire usã ihñaũ.

16 Sa yena usã tiquiore wacũ tutuana ijiaja. Usã sa wacũ tutuagũ ihñano ahriquiore musa yojopũ ihñariquiore musa ihña masiniquiore Jesu pehe tiquiro tutuaye mehna tinigũ yeri.

17 Yuhũ acaye, mari puhto mehna Jesure quehnoano masiedapenata tiquiore wejẽdi musa. Tire masiaja yuhũ.

18 Sa ye panopũ cjẽna Cohãcjũ yere yahu mahtariquina Cohãcjũ

tiquinare tiquiro yahu dutiuro sa-hata yahuahye tiquina. “Cristo ñano yuhdũrota”, ni yahuahye tiquina. Tiquina sa ni yahuriro sahata sa wahari yojopũre.

19 Sa yena yojopũre musa ñaño yerire bujua witina ijiya. Quehnoañe pehere comesaya. Cristore wacũ tutuaya. Sa yero musa ñaño yerire borota Cohãcjũ. Sa yero musare bu-cueye decori cũnota tiquiro. Sa yena quehnoano jeri sajãnata.

20 Sa yero Cohãcjũ Cristore tiquiro beseriquiore musare ohorota. Cristo Jesuta ijire.

21 Cohãcjũ cahapũ iji nine Jesu. Panopũ Cohãcjũ tiquiro yere yahu mahtariquinare yahuyu dutiahye. Masare ahri yehpa gũhare tiquiro yeatire yahuyu dutiahye. Sa yero tiquiro yahuriro sahata yojopũre ijipihtiyere quehnono nine. Quehno tuhasaro pari turi Cristore ahri yehpapũ ohorota.

22 Moise tire yahuro ohõ saha niahye: “Mari mehna cjũnore mari acayũre Cohãcjũ yere yahu mahtariquiore Cohãcjũ mari puhtoro ohorota musare. Yuhũre tiquiro ohoriro saha ohorota tiquiro gũhare. Sa yena musare tiquiro yahugũ tuho pihti cãhña musa.

23 Ohõ saha ijirota. Ijipihtiyequina tiquiore tuhoerariquinare, tiquiro dutiyere yerariquinare tiquiro cohãnota. Cohãcjũ yequina mehna cjẽna ijisi tiquina”, niahye Moise.

24 Ijipihtiyequina Cohãcjũ yere yahu mahtariquinape Samuel, tiquiro bato ijiyequina gũhũ ahri decorire yahuahye.

25 Mari ñecusumũare panopũ cjẽnare yahuahye Cohãcjũ. Mari gũhare sa ni yahuro niahye. Abrahãre tiquiro nidiro sahata mari gũhare ni yahuro niahye. Ohõ saha ni yahuahye Cohãcjũ Abrahãre: “Ijipihtiri yehpa cjẽnare quehnoano yeitja. Ohõ saha tire yeitja: Camerũ iji nunũ tãriquiro muhũ acayũro pehe masare quehnoano ye basarota yuhũre”, niahye Cohãcjũ Abrahãre.

26 Sa yero Cohãcjũ tiquiro macanore mari cahapũ oho mãhtari mari ñañe yeyere duhu dutia-tiquirore. Sa yero marine tiquiro quehnoano yeri, niahye Pedro tiquinare.

4

Pedro, Ñu mehna pũhtoare yahuducuahye

1-3 Masa mehna tiquiro yahuducuri watoa pahia, Cohãcjũ wũhare cohteyequina surara pũhtoro, saduceo masa gãhũ tiquinare tũhoahye. Ohõ saha ni buheahye Pedro Ñu mehna masare:

—Jesu tiquiro yariari bato masa mũjaa wahari. Tiquiro sa masagũ ihñana mari gãhũ came mari tiquiro yequina mari masa mũjatire masiaja mari, ni yahuahye Pedro gãhũ.

Tiquina sa nigũ tũhoye pũhto pehe tiquina mehna usuahye. Sa usuaye nahi quehagũ ihñañe tiquina Pedore, apequina Jesu cũriquina gãhare ñehe, peresu yeahye.

4 Pũhto tiquina sa cahmedapegũta peyequina Cohãcjũ yere tũhoyequina pehe “Ijirota ijire”, ni tũhotuahye. Sa ye Jesu yequina peyequina sajãhye. Tiquinare amũa seh sarore mari queogũ Jesure wacũ tutuayequina cinco mil masa ijiahye.

5 Sa ye ape decopũ ti maca cjẽna pũhto, bũcũna, judio masa buheyequina mehna Jerusalẽpũ cahme-coahye.

6 Sa yero pahia pũhtoro, Anás wame tiriquire topũ ijiahye. Tiquiro acaye gãhũ ijiahye. Caifa, Ñu, Alejandro, apequina mehna Anás acaye gãhũ ijiahye.

7 Sa ye tiquina Pedro gãhare tiquina cahmedoqueogũ, surara pehe pũhto watoapũ tiquinare ne wihi docoahye. Tiquina sa yeri bato pũhto sinituahye Pedro gãhare:

—¿Noa ye tutuaye mehna mũsa tiquirore tinigũ yeari? ¿Noa ijiajari mũsare tire ye dutiriquire? ni, sinituahye tiquina.

8 Tiquina sa nigũ tũhoro Espĩritu Santo tutuaye mehna yahuahye Pedro tiquinare:

9 —¿Mũsa pũhto, mũsa bũcũna, usã tini masieniquirore quehnoa wahagũ usã yerire sinituna niajari mũsa?

10 Ahrire masiña mũsa ijipihtina, Israe masa. Ahrire Jesucristo sa yeri. Jesu Nazare cjãno, mũsa curusapũ wejẽdiquiro, Cohãcjũ tiquiro masoriquire pehe ahriquire tini masieniquirore quehnoa wahagũ yeri. Sa yena ahriquirere yojopũre mũsa ihñonopũ tiquiro tinigũ ihñare mũsa. Ohõ saha nine Cohãcjũ yere tiquina ojoari pũpũ Cristore yahuro:

11 “Ahriquire utã yero saha ijiriquire ijire. Utãre wũhũ dahrea-tiquina tiquina cohãno saha masa tiquirore cohãri. Tiquina sa yepegũta yojopũre wũhũ dahreriquina wũhare yeye tiquina cũ mãhtari utãre tiquina cũno saha Cohãcjũ tiquirore pũhtoro sõri. Tiquiro Cristo pehe mariedagũ Cohãcjũ yequina wahaeraboaya masa. Tiquiro sa ihyo ijiriquire ijierapegũta mũsa mari pũhto mehna tiquirore cahmedari. Mũsa sa cahmedapegũta Cohãcjũ pehe tiquirore mari pũhtoro sõri”, ni ojoahye panopũre.

12 Ne, apequire masare pecapũ wahaboriquinare yũhdũoriquire ne mariedare. Ahri yehpapũre Jesu dihita masare yũhdũoriquire ijire. Ne apequina tiquiro yero saha ijiyequina ne mariedare, ni yahuahye Pedro tiquinare.

13 Tiquiro sa ni yahuri bato Pedro, Ñu mehna buhemehneñequina tiquina ijigũ ihñañe, cuero marieno tiquina buhegũ ihñañe, pũhto, bũcũna, judio masa buheyequina mehna tũho maria wahahye. Sa ye Jesu yero saha tiquina buhegũ ihñañe, ohõ saha masiahye tiquina: “Pedro, Ñu gãhũ potota Jesu mehna cjẽna ijire ahriquina”, ni, masiahye tiquina.

14 Sa yero tini masieniquiro ijimediquiro Pedro gãhũ mehna

ijiahye. Tiquiro quehnoariquiro ijigũ ihñahye pũtoa, bucuna, judio masa buheyequina mehna. Sa ye tiquina Pedro gũhare “Ñano yeye nine”, ni yahusã masiedahye.

¹⁵ Sa yahusã masiedaye, pũtoa tiquina cahmecoari tucũpũ ijiyequinare Pedro gũhare wijia dutiahye.

¹⁶ Tiquina wijiaro bato tiquina basi ohõ saha ni yahuducuahye:

—¿Ahriquinare dũhse yenatari mari? ni, yahuducuahye tiquina.

Ohõ saha ni yahuducu nemoahye:

—Pedro, Ñu mehna Cohãcjũ tutuaye mehna tini masieniquirore tinigũ yeri jiri. Sa ye Jerusalẽ cjẽna ijipihitiyequina tiquina sa yerire masidĩ. Sa yena mari pehe “Sa yerari tiquina”, ni masiedaja mari.

¹⁷ Sa yena Jesu tiquiro buherire apequinare buhe dutieracũhna tiquinare, “Apequina ti buheyere cahmeari”, nina, ni yahuducuahye tiquina basi.

¹⁸ Sa ni yahuducu tuhasa Pedro gũhare pijio, ohõ saha niahye:

—Jesu tiquiro buherire ne buheracãhña apequinare. Tire ne yahuducuercacãhña, nimahye tiquinare.

¹⁹ Tiquina sa nigũ tũhoye Pedro, Ñu mehna ohõ saha niahye tiquinare:

—Mũsa ohõ saha nigũ mũsare yũhtina, Cohãcjũ pehere yũhdũducana niboaga usã. ¿Noa pehere usã yũhtigũ cahmeajari mũsa? ¿Mũsa pehere usã yũhtigũ cahmeajari mũsa? ¿O Cohãcjũ pehere usã yũhtigũ cahmedajari mũsa?

²⁰ Usã pehere usã ihñarire, usã tũhorire usãre nũono basioerare, ni yũhtiahye Pedro, Ñu mehna.

²¹ Tiquina sa nigũ tũhoye pũtoa pehe pari turi dutimahye tiquinare tja:

—Jesu tiquiro buherire mũsa buheri buhiri ñano yũhdũnata mũsa, nimahye pũtoa tiquinare.

“Ñu, Pedro mehna ñano yeye nine”, ni masiedari jiri tiquina. Sa ye masa pehe tini masieniquiro tiquiro yũhdũgũ ihñañe, “Cohãcjũ potota

quehnoariquiro ijire”, niahye masa. Tiquina sa nigũ tũhoye pũtoa pehe Pedro gũhare buhiri dahre masieda, tiquinare wioahye.

²² Tini masieniquiro, tiquina yũhdũoriquiro cuarenta cãmari cœoriquiro ijiahye.

Jesu yequina tiquina cueratire sini-ahye Cohãcjũre

²³ Sa ye Pedro, Ñu mehna tiquina mehna cjẽna cahapũ esa, pahia pũtoa, bucuna tiquinare tiquina nidire yuahahye.

²⁴ Tiquina sa nigũ tũhoye tiquina ijipihitiyequina mari Pacũre Cohãcjũre siniahye:

—Usã pũto, mũhũ uhmũsere, yehpare, mări gũhare yerigũ, ijipihitiyequina catiyequinare yerigũ ijire mũhũ.

²⁵ Mũhũ yaquiro Espĩritu Santo usã ñecu mũnano Davire mũhũ cahacjũnore ahrire yahu dutiahye mũhũ nidiro sahata:

¿Dũhse ye Israe masa ijieyequina usuajari? Tũho masieñequina ijire masa.

²⁶ Peye yehpari cjẽna pũtoa cahmecoa, mari pũtoro Cohãcjũre, tiquiro pũtoro sœriquiro Cristo gũhare ihña tuhti, ñano ye duare tiquinare, ni yahu dutiahye mũhũ Davire panopũre.

²⁷ Sa tjire. Ahri macapũ Herode, Poncio Pilato, judio masa ijieyequina, judio masa mehna mũhũ beseriquirore Jesure quehnoariquiro mũhũ cahacjũnore wejẽ duaye, cahmecoari.

²⁸ Ti pje mũhũ cahmediro sahata “Sa waharota”, mũhũ nidiro sahata yeri tiquina. Mũhũ masiñe mehna sa ni yuahahye mũhũ.

²⁹ Sa yegũ usã pũto, tiquina usãre “Mũsa buheri buhiri ñano yũhdũnata”, tiquina nidire wacũña mũhũ. Usãre yũhdũoya. Sa yegũ usãre mũhũ cahacjũnare cuero marieno mũhũ buheyere yahu dutiya usãre.

³⁰ Mũhũ tutuaye mehna dohatiyequinare yũhdũoya. Sa yegũ mũhũ buheyere cuero marieno

yahu dutiya usāre. Sa yeg_u Jesu quehnoariquiro mah_u cahacjāno tiquiro tutuaye mehna ye ihño dutiya usāre. Sa yeg_u dohatiyequinare usā y_uhd_u dutigū tiquiro tutuaye mehna yedohoya usāre, ni siniahye tiquina mari Pacure.

³¹ Tiquina sa ni sinidi bato, tiquina cahmecoari w_uh_u ñuhmia wahahye. Sa ñuhmigūta Espiritu Santo tiquiro tutuaye mehna wacū tutuayequina wahagū yeahye tiquinare. Sa wahaye, Espiritu Santo tiquiro dutiriro sahata yeye, cuero marieno Cohācjū yere yahuahye tiquina.

Jesu yequina tiquina yere itie tiahye

³²⁻³³ Sa ye Cohācjū tiquiro tutuaye mehna tiquina Jesu cūriquina ohō saha ni yahue tiahye masare: “Jesu tiquiro masarire usā ihñau”, ni, yahue tiahye tiquina masare. Sa yero tiquinare ijipihtiyequinare Cohācjū quehnoano yedohoducue tiahye. Sa ye Jesure wacū tutuayequina peyequina ijiye, tiquina ihcāno saha t_uhotuyequina ijie tiahye. Sa ye tiquina yere, tiquina doeri cjēne “Yee dihita ijire”, ne nieda tiahye. Tiquina ijipihtiyequina tiquina yere apee boro marieñequinare tiquina mehna cjēnare itie tiahye.

³⁴ Sa ye tiquina mehna cjēna pejec_uoyequina marieda tiahye. Tiquina mehna cjēna dihta c_uoyequina, sa w_uh_use c_uoyequina tiquina yere duaeh tiahye.

³⁵ Sa duaye tiquina wapatarire ne cāhta, Jesu cūriquinare ohoe tiahye. Sa ye tiquina pehe tire tiquina mehna cjēnare itie tiahye. Ijipihtiyequina c_uoyequinare itie tiahye.

³⁶ Ti pjere ihcāquiro tiquina mehna cjāno José wame tiriquiro ijiahye. Jesu cūriquina Josére Bernabé wame yeahye. Tiquiro wame Bernabé “Masare bucueriquiro ijire”, nine griego ye mehna. Tiquiro Leví ya curua cjāno Chipre n_uc_uo cjāno ijiahye.

³⁷ Sa yero tiquiro wese c_uoriquiro ijero tire duahye. Sa yero tiquiro wapatarire Jesu cūriquinare ohoahye tiquiro apequinare ití dutiro.

5

Anania tiquiro namono Safira mehna ni mehoahye

¹ Apequina gūh_u Bernabé yero saha yemahye. Tiquina Anania wame tiriquiro, tiquiro namono Safira wame tiricoro ijiahye. Tiquina ya wesere duahye tiquiro.

² Sa dueperota tiquiro wapatarire tiquiro basi neahye. Tiquiro namono gūh_u tiquiro sa yerire masiahye. Sa yero tiquina wapatarire tiquina d_uharire ne cāhta, Jesu cūriquinare ohoahye Anania pehe. Sa ohoro “Oho pehog_u niaja”, nimahye tiquiro.

³ Tiquiro sa yegū ihñano Pedro tiquirore yahuahye:

—Anania, watīno mah_ure ni meho dutiri jiri Espiritu Santore. Sa yeg_u mah_u ya yehpare dua, mah_u wapatarire mah_u basi nedi jiri.

⁴ Mah_u duato pano mah_u ya wese ijiri. Sa yero mah_u duari bato mah_u ye wapata ijiri. ¿Sa yeg_u d_uhse ijero boro sa ni mehoari mah_u? Mah_u usā dihitare ni mehoedari. Cohācjū gūh_ure ni mehoari mah_u, niahye Pedro tiquirore.

⁵ Tiquiro sa nigū t_uhorota, Anania pehe doque quehe sa, yariaa wahahye. Sa ye ijipihtiyequina tiquiro sa wahagū masiñe, tutuaro cueahye.

⁶ Tiquiro yariari bato wahma pjia ahta, tiquiro pag_ure suhtiro cahsero mehna wahme, sopecahap_u ne wijia, yahye tiquirore.

⁷ Sa ye ihtia hora bato Anania manano namono, tiquiro yariarire masiedaro Pedro cahap_u sajāhye.

⁸ Sa yero Pedro ticorore ohō saha niahye:

—¿M_usa ya wesere duatjiāna noho puno wapatar_u m_usa? niahye tiquiro.

Sa yero ticoro manano manano tiquiro nidiro punota, “To punota wapata_u usā”, ni yahumahye ticoro.

⁹ Sa yero Pedro yahuahye ticorore:

—¿Duhse yena m̄sa ihcāno saha Cohācjū yaquiro Esp̄iture ni meho duajari? T̄hoya yojop̄are. M̄h̄ man̄no m̄nanore yariquina ahtare. M̄h̄ ḡh̄are m̄h̄ paḡare neñe taye nine, niahye Pedro.

10 Tiquiro sa ni yahuḡata ticoro doque quehe sa yariaa wahahye. Sa ye wahma pjia ti w̄h̄are sajā wihi, ticoro paḡare ne wijiaa wahahye. Ne wijia ticorore ne cāa wahahye. Ne cā, ticoro man̄no m̄nanao pari paha yahye.

11 Sa ye Jesu yequina ijipihtiyequina apequina tire t̄hoye cue ȳhd̄ahye.

Jesu cūriquina Cohācjū tutuaye mehna ye ihñoahe

12 Sa ye masa watoap̄ Jesu cūriquina peye tahari Cohācjū tutuaye mehna ye ihñoe tiahye. Sa ye tiquina Salomo wame tiri tuc̄p̄ quehnoari tuc̄p̄ cahmecoae tiahye.

13 Sa ye apequina tiquinare cueye, tiquina cahap̄ wahaera tiahye. Sa cuepeta tiquinare Jesu cūriquinare, “Quehnoañequina ijire ahriquina”, nie tiahye masa.

14 Sa ye m̄sa, numia peyequina Jesure wacū tutua d̄cahye.

15 Sa ye tiquina dohatiyequinare ne cāhta, coma cjūñe mehna p̄ ta, duhu cūe tiahye mahap̄ tiquinare. Sa ye Pedro tiquinare tiquiro ña peoḡ cahmeahye tiquinare ne cāhtariquina pehe dohatiyequina tiquina ȳhd̄ḡ cahmeñe. Tiquinare tiquiro ña peoeraḡ Pedro tiquina bui wat̄doque peoḡ cahmeahye tiquina. Ti dihitare cahmeahye tiquina ȳhd̄ato saha.

16 Sa ye Jerusalē caha ijiye macari cjēna ḡh̄ dohatiyequinare, wat̄a mehna ijiyequina ḡh̄are ne cāhtae tiahye. Ijipihtiyequina tiquina paḡari quehnoa wahahye.

Jesu cūriquinare apequina ñano yee tiahye

17 Tiquina sa yeḡ ihñañe pahia p̄h̄toro, tiquiro mehna cjēna mehna Pedro ḡh̄are ihña tuhtiahye. Pahia

p̄h̄toro mehna cjēna saduceo masa ijiahye.

18 Sa ye tiquina usua ȳhd̄a, Jesu cūriquinare ñehe, peresu yeahye.

19 Sa yero ñamip̄ Cohācjū yaquiro angel p̄oahye tiquinare peresup̄ dujiyequinare. Sa ye tiquinare wijia ta dutiro yahuahye angel:

20 —Cohācjū w̄h̄p̄ wahaya. Ti w̄h̄p̄ ijina Cohācjū tiquiro masorire ahri quehnoañe buheyere yahuya masare, niahye angel tiquinare.

21 Tiquiro sa niḡ t̄hoye, ñami cjūno Cohācjū w̄h̄p̄ sajā, masare buheahye tiquina. Ti decota pahia p̄h̄toro, tiquiro mehna cjēna, Israe masa p̄h̄toa mehna cahmecoa, Jesu cūriquinare peresup̄ ijiyequinare ne cāhta dutimahye surara p̄h̄toare.

22 Sa niepeḡata surara p̄h̄toa peresu tiquina yeri w̄h̄p̄ waha, ihñahye. Tiquinare bocaerahye. Bocaera, tojoaa wahahye. Tojoa sa yahuahye tiquina p̄h̄toare:

23 —Peresup̄ ijiye sope pahmari bihari pahmari dihita ijiri. Sa ye ti pahmari cahap̄ tiquina peresu yeriquinare cohteyequina ducuri. Sa ihñau ṡsā. ṡsā sa ihñaepeḡata p̄o s̄a, ṡsā ihñaḡ, tiquina peresu yeriquina mariedari, ni yahuahye tiquina.

24 Tiquina sa niḡ t̄hoye, surara Cohācjū w̄h̄are cohteyequina p̄h̄toro, pahia p̄h̄toa mehna tire t̄ho, t̄ho maria wahahye. “¿Duhse waha sohtori tiroatori ahri, tiquina sa yeye?” ni, t̄hotuahye tiquina.

25 Sa yero tiquina cahap̄ apequiro ahta, tiquinare yahuahye:

—M̄sa peresu yeriquina Cohācjū w̄h̄p̄ ijiri. Ihñana wahaya. Ti w̄h̄p̄ masare buheye nidi tiquina, ni yahuahye.

26 Tiquiro sa niḡ t̄horo, surara p̄h̄toro tiquiro yequina surara mehna waha, Jesu cūriquinare pari turi ñehe cāhtahye tja. Sa ñehepeta tiquinare surara tuhtierahye. Sa ye tiquinare quēboriquina ijiepete, masare cueye quēdahye tiquinare.

“Ahriquinare mari quēgū apequina masa pehe utā paca mehna doqueeta marine”, ni, t̄hotuahye tiquina surara pehe.

²⁷ Sa ye tiquinare ne cāhta, p̄htoa caha duhu docoahye tiquina. Tiquina sa ne wihi duhu docogū pahia p̄htoro tiquinare tuhtiahye:

²⁸ —M̄sare usā tutuaro dutimi. “Jesu yere buheracāhña”, nimi usā m̄sare. Usā sa niepegūta m̄sa pehe ijipihtiequina Jerusalē cjēnare buheri m̄sa. Jesu tiquiro yariari buhiri, usāre buhiri tigū ye duana niaga m̄sa, niahye p̄htoro pehe.

²⁹ Tiquiro sa nigū t̄horo Pedro pehe apequina Jesu cūriquina mehna ȳhtiahye:

—Cohācjū dutiri pehere ye m̄htanatja. Sa yena came Cohācjū cahmegū masa tiquina dutiyere yematja.

³⁰ Cohācjū, mari acaye panop̄m cjēna p̄htoro Jesure masori jiri. Tiquirota ijire m̄sa curusap̄m quē biha wejēdiquiro.

³¹ Jesure “Quehnoaḡm ijire”, ni, tiquiro poto pehe duji dutiri Jesure tiquiro Pac̄ro pehe. Sa yero Jesu masa p̄htoro, masare masoriquiro ijiro, Israe masare tiquina ñañe yerire b̄j̄m witiyequina iji dutiro, tiquina ñañene cohā duare Jesu.

³² Sa yena usā pehe Jesu tiquiro yerire ihñarina ijina tire yahuaja usā. Esp̄ritu Santo tire ihñariquiro ijiro yahure tiquiro ḡh̄m. Tiquirore Esp̄ritu Santore Cohācjū ohori. Ijipihtiequina Cohācjū dutiyere yeyequinare tiquiro Esp̄ritu Santore ohori, ni yahuahye tiquinare.

³³ Tiquiro sa nigū t̄hoye p̄htoa pehe usua ȳhd̄ahye. Sa ye tiquina Jesu cūriquinare wejē duamahye.

³⁴ Sa wejē duepegūta Gamalie, fariseo mas̄no top̄m ijiriquiro tiquinare “Wejēari”, nino tiquinare yahuro taro niahye. Tiquiro p̄htoa mehna cj̄no, dutiyere buheriquiro ijigū, masa tiquirore ño peoe tiahye. Tiquiro Jesu cūriquinare mehenogā cohte dutiro ape siep̄m tiquinare ne

cā dutiahye surarare. Tiquina sa ne cāri bato tiquiro yahuahye masare:

³⁵ —M̄sa Israe masa, ahriquinare m̄sa yeatire quehnoano t̄hotuya “M̄sap̄m wejēari”, nina.

³⁶ Wacūña Teuda m̄nanore. Tiquiro basi “Masare ȳhd̄ud̄caḡm ijiaja ȳh̄m”, nidi masare. Sa ye masa peyequina cuatro cientos masa tiquiro mehna cjēna tojoari. Sa ye apequina pehe tiquirore wejēdi jiri. Tiquiro buheyere buheriquina pehe waha sitea wahari jiri. Sa ye tiquina m̄na yojop̄re mariedare.

³⁷ Came masare tiquina queori pje ijigū Galilea cj̄no Juda wame tiriquire m̄nanao masare tiquiro buhegū tiquiro mehna masa peyequina tojoari. Tiquiro ḡh̄m yariaa wahari jiri. Sa ye tiquiro yequina ijipihtiequina waha sitea wahari jiri.

³⁸ Sa nigū m̄sare yojop̄m ahrire yahuḡm niaja. Sa ihña cāhña ahriquinare Jesu yere yahuyequinare. Sa ye ahri buheye, ahriquina ye buheye Cohācjū ye buheye ijieraro, pihtia wahaota Teuda ḡh̄m tiquina ye buheye ti pihtiriro sahata.

³⁹ Sa ijiepegūta ahri Cohācjū ye buheye ijiro, ne pihtisi. Ahri buheye Cohācjū ye ijigū ne ahrire butigū ye masiedare m̄sa. M̄sa ahrire butigū ye duana Cohācjū mehna cahmequena niboaga m̄sa, niahye Gamalie tiquinare.

⁴⁰ Tiquiro sa ni yahugū t̄hoye, “Ijirota ijire”, ni t̄hotuahye masa. Sa ye tiquina Jesu cūriquinare pijio, tiquina wihigū ihñañe, tiquinare tanahye. “Jesu yere buheracāhña m̄sa”, ni tuhasa, tiquinare waha dutiahye.

⁴¹ Tiquina sa waha dutigū t̄hoye tiquina p̄htoa cahap̄m ijiriquina waha wahahye. Jesu yere tiquina yeri buhiri ñano ȳhd̄aye tutuaro bucueahye Jesu cūriquina.

⁴² Sa ye decoripe Cohācjū w̄h̄ap̄m, tiquina ye w̄h̄asep̄m Cristo Jesu ye buheyere yahue tiahye tiquina.

6

Siete yedohoyequinare beseahye Jesu yequina

¹ Ti decorire Jesu buheyequina peyequina wahahye. Sa ye judio masa tiquina quehnoano yeragū ihñañe griego masa pehe tiquina mehna cahme tuhtiahye Jesu yequina dihita ijiepetā. Griego masa wape wiha numiare decoripe tiquina ihyayere quehnoano tiquina itieragū ihñañe, judio masare tuhtiahye.

² Sa ye doce Jesu cūriquina, peyequina Jesu buheyequinare tiquina cahapū pijio, ohō saha ni yahuahye:

—Ūsā Cohācjū yere buhena ijiaja. Ihyayere itiborina ijieraja ūsā.

³ Mūsa ūsā acaye, siete ūmūare, “Quehnoañequina”, apequina tiquina niñequinare, quehnoano taho masiñequinare, Espiritu Santo cūoyequinare macaña. Tiquinare ihyayere iti dutiya mūsa.

⁴ Sa yena ūsā pehe decoripe Cohācjūre sini, Cohācjū yere buhenatja, niahye tiquina Jesu cūriquina.

⁵ Tiquina sa nigū tūhoye, “Aū, sata yeihna”, niahye tiquina ijipihtiyequina Jesu yequina. Sa ye Estebāre Cristore wacū tutuariquirore, Espiritu Santo tutuayere pajiro cūoriquirore beseahye tiquina. Apequina gūhūre beseahye. Felipere, Prócorore, Nicanore, Timore, Parmenare, Nicolare ihyaye itiatiquinare beseahye tiquina. Nicola pehe judio masūno ijieriquiro Antioquía cjūno judio masa ye buheyere cahmeno, tiquina mehna sajāmediquiro ijiahye.

⁶ Tiquina beseriquinare Jesu cūriquina cahapū ne wihiahye apequina Jesu yequina pehe. Tiquina sa ne wihigū ihñañe tiquina Cohācjūre sini basaye, tiquina beseriquina bui omocarine duhu peohye.

⁷ Sa ye ti yehpa cjēna Cohācjū yere masi pihti cjūñe niahye. Sa ye Jerusalēpū ijiyequina Jesu buheyequina peyequina wahahye. Sa ye

pahia gūhū peyequina Jesu yequina wahahye.

Apequina Estebāre ñeheahye

⁸ Sa yero Estebā Cohācjū tutuayere cūoriquiro ijiahye. Tiquiro Cohācjū quehnoano yenohriquirō ijiahye. Sa yero tiquiro Cohācjū tutuayere mehna ye ihñoahye masa tiquina ihño.

⁹ Tiquiro sa yepegūta judio masa tiquina buheri wūhū cjēna tiquirore ihña tuhtiahye. Sa ye tiquiro mehna cahme dūse tini wiaye niahye. Cahācjēna ijirire yūhdū witiriquina wame tiyequina ijiahye tiquina. Cirene cjēna, Alejandría cjēna, Cilicia cjēna, Asia cjēna mehna peyequina ijiahye tiquina.

¹⁰ Sa ye Estebā quehnoano masiniquiro Espiritu Santore pajiro cūoriquiro tiquiro yahuducugū tūhoye tiquina “Mūhū nidi poto ijierare”, tiquirore ni ihño masiedahye.

¹¹ Sa tūho dueraye tiquina apequinare ni meho dutiye, wapa yeahye tiquinare. Tiquina sa ni meho dutigū ohō saha ni yahusāmahye tiquina:

—Ahriquirō Cohācjūre tiquiro ñano yahuducugū, Moiserē tiquiro ñano yahuducugū gūhūre ūsā tūhou, ni yahusāmahye ni mehoñequina pehe apequinare.

¹² Tiquina sa nigū tūhoye masa, judio masa buheyequina, būcūna gūhū tiquiro mehna usuahye. Sa ye tiquina Estebāre ñehe, tiquina pūhtoā cahapū neahye tiquirore.

¹³⁻¹⁴ Sa ye tiquina apequinare ni meho dutiahye:

—Ahriquirō decoripe Cohācjū wūhūre, tiquiro dutiye gūhūre ñano yahuducuriquiro ijire. Tūhou ūsā tiquirore tiquiro ohō saha nigū: “Jesu Nazare cjūno Cohācjū wūhūre cohānota. Sa yero tiquiro Moise dutiyere marine yahurire comesarota Jesu”, nidi Estebā ūsā tūhogū, ni meho yahusāmahye tiquina.

¹⁵ Sa ye ijipihtiyequina topū dujiyequina Estebāre quehnoano ihñadoque ohō, tiquiro wūhdoare

ihñahye tiquina. Angel yero saha bajuahye tiquiwo wñhdoa.

7

Estebã Jesu yere yahuahye

¹ Sa ye pahia pñhtoro sinituahye Estebãre.

—¿Ahriquina niñe potota ijiajari? ni, sinituahye tiquiwo Estebãre.

² Tiquiwo sa nigũ tñhoro, Estebã pehe tiquinare ohõ saha ni yahuahye:

—Yñhũ acaye, bñcũna, usã pacũsumũa tñhoya. Abrahã mari ñecũ mñnano panopũ cñño Mesopotamiapũ tiquiwo ijigũ, Harãpũ tiquiwo ijiaato pano, Cohãcjũ tutuariquiwo asi siteriquiwo pehe tiquiwo Abrahãre bajuahye.

³ Sa bajuaro Cohãcjũ yahuahye tiquiwo. “Mñhũ ya yehpare mñhũ acaye mehna ijieracãhña. Sa yegũ ape yehpapũ wahaya. Mñhũ sa wahagũ mñhũre ti yehpare ihñogũtja yñhũ”, niahye Cohãcjũ Abrahãre.

⁴ Tiquiwo sa nigũ tñhoye, Abrahã gñhũ Caldea yehpa cñña ya yehpapũ ijiriquina wahahye. Sa yero Harãpũ esahye. Topũ esa, ijiahye. Sa yero tiquiwo pacũro yariari bato ahri yehpa yojopũ mñsa ijiri yehpapũ Cohãcjũ ahta dutiahye Abrahãre.

⁵ Cohãcjũ Abrahã tiquiwo ijiri yehpare quehnoano waro cñedarĩahye tiquiwo. Ne mehenogã cñedarĩahye. Sa yero Abrahã pohna marieniquiwo ijiepegũta Cohãcjũ pehe tiquiwo ohõ saha ni yahuahye. “Mñhũre, mñhũ panamena ape tjuro cñnapũre ahri yehpare ohogũtja”, niahye Cohãcjũ Abrahãre.

⁶ Sa ninota ohõ saha ni yahu nemoahye Cohãcjũ. “Mñhũ panamena ape tjuro cñña ape yehpapũ wahaye, topũ apeqũna cahapũ ijiye, tiquina cahacjẽna ijiaeta tiquina. Sa ye cuatro cientos cñhmarĩ waro to cñña ñano yeeta mñhũ panamena iji turiayequinare.

⁷ Sa yegũ to cññare tiquina sa yeri buhiri buhiri dahregũtja yñhũ. Yñhũ sa yeri bato mñhũ panamena

iji turiayequina ahri yehpapũ wihieta tja. Sa ye ahri yehpapũ yñhũ cahacjẽna ijiaeta tiquina”, niahye Cohãcjũ Abrahãre.

⁸ Sa nino Cohãcjũ “Yñhũ nidiwo sahata yegũtja”, nino Abrahã tiquiwo wacũatire ohõ saha cñahye tiquiwo. Cuhnucunũ sohtoa cahserogãre yñhũre ne dutiahye tiquiwo, tiquiwo ni yahuripũre wacũ dutiwo. Sa ye Abrahã Isaare pohna tiahye. Ocho decori bato cuhnucunũ sohtoa cahserogãre yñhũre neahye Isaare. Came Isaac Jacore pohna tiahye. Sa yero Jacob doce waro pohna tiahye. Tiquina doce pehe mari ye cururipe mari dahpoto cñña ijiaetiquina ijiahye.

⁹ ‘Sa ye tiquina mari ñecũsumũa mñna panopũ cñña Josere cooye ihña tuhtiye, tiquiwo dua cãhye Egiptopũ wahayequinare. Sa yero Josere Cohãcjũ yedohoahye.

¹⁰ Tiquiwo ñano yñhdũgũ ihñano Cohãcjũ tiquiwo yedohoahye. Tiquiwo sa yedohogũ José pehe quehnoano tñho masiniquiwo wahahye. Sa yero faraõ Egipto cñño pñhtoro pehe Josere cahmeahye. Tiquiwo cahmegũ yeahye Cohãcjũ pehe. Tiquiwo sa yegũ faraõ pehe Josere pñhtoro sñahye tiquiwo yequina masare dutiatiquiwo. Tiquiwo faraõ ya wñhũ gñhũre pñhtoro ijiahye.

¹¹ ‘Sa ye ti pjere Egiptopũ, Canapũ ne acoro ahtaerahye. Sa ye ñano yñhdũahye to cñña. Sa ye mari ñecũsumũa mñna panopũ cñña ihyayere bocaerahye.

¹² Sa bocaeraro Egiptopũ trigo ijigũ tñhoro, Jacob tiquiwo pohnene mari ñecũsumũa mñnare topũ coã ohoro niahye.

¹³ Came Egiptopũ tiquina esagũ José tiquiwo wahmisũmũare yahuahye. “Mñsa bahũta ijiaja yñhũ”, niahye tiquinare. Sa yero José acayere coã ihñano niahye pñhtoro faraõ.

¹⁴ Came José tiquiwo wahmisũmũare tiquiwo pacũro Jacore piji dutiwo ohoahye. Tiquiwo acaye setenta y cinco masa ijiahye.

15 Tiquiro macano pijiogã tãhoro Jacob wahahye Egiptopũ tiquiro macano cahapũ. Tiquiro macano cahapũ ijiro, came yariaa wahahye. Sa ye mari ñecusumãa muna gãhu topũ yaria pihtia wahahye.

16 Sa ye Siquẽ wame tiropũ tiquina pagurire nea, masa coperire sehe tuhasa cohãhye tiquina pagurire. Abrahã tiquiro dúri yehpa ijiahye ti yehpa. Panopũ Abrahã ti yehpare Hamor pohne dúahe niñeru mehna.

17 'Sa yero Cohãcjũ Abrahãre "Ahri yehpare ohogutja mũhure", niahye. Ti yehpare "Ohogutja", tiquiro nidi pje mũmũ sagũ tiquiro acaye Israe masa peyequina masa wahahye.

18 Egiptopũ tiquina ijinigã, apequiro pũhoro sajãhye. Sa yero tiquiro pũhoro pehe Josere masiedahye.

19 Tiquiro mari acayere ñano ye dua, tiquina pohne wejẽ dua, cohã dutiahye tiquinare. Sa yero mari ñecusumãa muna iji turiayequinare ñano yeahye pũhoro faraõ pehe.

20 Tiquiro sa yeri watoa Moise munano pehe masa bajuahye. Tiquiro quehnoariquiro, Cohãcjũ tiquiro quehnoano ihña coariquiro ijiahye. Sa ye ihtia asũ waro quehnoano ihboahye tiquirogãre tiquiro pacusumãa.

21 Sa yero Moisere tiquina nũo nemoedagũ faraõ macono tiquirogãre ihña boca, ne maja, ticoro macunore yero saha cõoahye tiquirogãre.

22 Sa ye Egipto cjẽna quehnoano masiñequina yere buheahye Moisere. Sa yero cuero marieno yahuducuriquiro pũhoro yero saha yeriquiro ijiahye Moise.

23 'Sa ijieperota tiquiro cuarenta cãmari cũoro tiquiro acayere Israe masare ihña duaro tiquina cahapũ tinino wahahye.

24 Sa tinino esaro Egipto cjãno Moise acayũrore tiquiro ñano yegũ Moise ihñahye. Sa ihñano tiquiro acayũrore yedohoahye Moise.

Tiquiro acayũrore yedohoro, Egipto cjãno pehere wejẽahye tiquiro.

25 Sa yero Moise ohõ saha ni tãhotumahye. "Yũhũ acaye tiquina acayũrore yũhũ yedohogũ ihñañe 'Cohãcjũ marine quehnoano yedohogũ ye dutiro ohori ahriquirore', ni tãhotueta yũhũ acaye", ni tãhotumahye Moise. Tiquiro sa ni tãhotuepegãta tiquina pehe ne sa ni tãhotuerahye.

26 Ape decopũ Moise tiquiro acayere pũaro tiquina basi cahmequeñequinare ihñahye. Sa yero tiquiro tiquinare yahumahye. "¿Mũsa basi ijiepenata cahmequeajari mũsa?" nimahye Moise tiquinare.

27 Tiquiro sa nigũ tãhoro ihcãquiro tiquiro acayũrore ñano yeriquiro Moisere tũdoqueoahye. "Mũhũ mũsã pũhto ijierare. Æsãre dutigũ ijierare mũhũ.

28 ¿Canũre Egipto cjãnore mũhũ wejẽdiro sahata yũhũre wejẽ duagũ nijari mũhũ?" niahye tiquiro Moisere.

29 Tiquiro sa nigũ tãho maria waha, Moise oma duhti cãa wahahye. Madiã yehpapũ waha wahahye. Topũre numino boca pũaro pohntiahye.

30 'Sa ye Moise cuarenta cãmari waro topũ tiquiro ijiri bato Sinaí wame tidũ cãmũ caha masa marienopũ tiquiro ijigũ angel tiquirore bajuahye. Angel pehe yucũgũ mehenũgã mũjãri peca pohnapũ bajuahye.

31 Tũ sa mũjũgũ ihñano Moise ihña maria wahahye. Ti pecare cahagã quehnoano tiquiro ihñano wahagũ waro Cohãcjũ tiquirore yahuahye.

32 "Cohãcjũ ijiaja yũhũ. Mũhũ ñecusumãa Abrahã, Isaac, Jacob tiquina ño peorigũ ijiaja", niahye Cohãcjũ Moisere. Tiquiro sa nigũ tãhoro Moise pehe nanarea wahahye. Ne ihña wahcõedahye.

33 Sa yero Cohãcjũ yahuahye tiquirore. "Mianogãta yũhũ cahapũ ducugũ nine mũhũ. Sa yegũ cua pesaro mehna mũhũ dahpo suhtire

tu weya.

³⁴ Yeequina masa Egiptop_u tiquina ñano y_uhdug_u ih_uñau. Tiquina utiyere t_uhou. Sa yeg_u tiquinare yedohog_u ahta_u. Tiquina sa wahag_u ih_uñag_u wahaya m_uh_u g_uh_u. Egiptop_u m_uh_ure ohogut_uja tiquinare yedoho dutig_u”, niahye Coh_uñcj_u Moiserere.

³⁵ ”Tiquina pehe mari acaye Israe masa Moiserere cahmedahye. “M_uh_u us_u p_uhto ijierare. M_uh_u us_ure dutig_u ijierare”, Moiserere sa niñe cahmedaye niahye tiquina. Tiquina sa cahmedapeg_uta Coh_uñcj_u tiquiore Egiptop_u ohoahye, mari acayere Israe masare yedohoatiquiore, p_uhtoro ijiatiquiore. Angel tiquiore yuc_ug_up_u bajuariquiore pehe oho basahye tiquiore.

³⁶ Moise mari acayere Israe masare Egiptop_u ijiyequinare wioahye. Sa yero Egiptop_u ahriquiore Moise Coh_uñcj_u tutuaye mehna ye ih_uño d_ucah_uye. Sa yero pajiri ma soh_uri map_u sa yeahye tja. Camep_u masa marienop_u g_uh_ure cuarenta c_uhmari waro Coh_uñcj_u tutuaye mehna ye ih_uñoahye tiquiore.

³⁷ Ahriquiore Moise pehe mari acayere Israe masare yahuahye. “Y_uh_u yero saha ijiriquiore Coh_uñcj_u yere yahu m_uhtariquiore Coh_uñcj_u ohorota. Sa yero tiquiore m_usa mehna cj_uño m_usa acay_uro ijirota”, niahye Moise tiquinare.

³⁸ Moise masa marienop_u mari acaye Israe masa mehna ijiahye. Sa yero Sinaí wame tid_u c_un_up_u tiquiore yahuriquiore angel mehna ijiahye. Sa yero mari ñec_us_um_una panop_u cj_uña mehna ijiahye tiquiore. Coh_uñcj_u tiquiore dutiyere c_uriquiore ijiahye Moise.

³⁹⁻⁴⁰ ’Sa ye ti dutiyere c_un_up_u Moiserere tiquiore c_uri watoa mari ñec_us_um_una panop_u cj_uña Egiptop_u tojoaa duahye, Moiserere y_uhd_ud_ucaye. Tiquina tiquiore cahmedahye. Sa cahmedaye, tiquina Moise bah_uro Aar_uõre oh_u saha niahye: “Coh_uñcj_u queoyere yeya mari yequina ijiatiquinare. Sa ye tiquina m_uh_u

yeriquina marine dutiye mari waha duari mahap_u marine neaeta. ¿Tiquiore Egiptop_u ijiyequinare marine ne c_uhtariquiore Moise d_uh_use wahayari tiquiore? Masiedaja us_u”, niahye tiquina.

⁴¹ Sa ye ti decorire tiquina wec_u queoyere uru mehna yeahye. Sa ye tuhasa, tiquina wahiquinare wej_u, tiquina yeriquiore cahap_u ne c_uhta, ño peohye tiquiore. Sa ye tiquina yeriquiore wec_ure ih_uña, bucue, bose deco yeahye.

⁴² Coh_uñcj_u wec_ure tiquina ño peog_u ih_uño tiquinare coh_u c_uã wahamahye. “Y_uh_ure coh_u, ñahpicoha pehere ño peoc_unahdo”, nino coh_u c_uã wahamahye. Coh_uñcj_u yere yahu m_uhtariquina sa ni, ojoahye.

M_usa y_uh_ure ña y_uhd_uaro yeri. Israe masa masa marienop_u cuarenta c_uhmari waro ijina, wahiquinare m_usa wej_uñequinare m_usa w_uñ_uñequinare ohona, y_uh_ure m_usa ño peoboriro sahata yemedi m_usa. Sa yepenata y_uh_u pehere m_usa ño peoerari.

⁴³ Sa yena m_usa Molo wame tiriquiore ño peona ijina, tiquiore ño peori w_uh_ure c_uori m_usa. Ñahpicoha apequiore coh_uñcj_u Rej_u wame tiria queoyere m_usa yeriare m_usa ño peori tja. Ti queoyere m_usa yeriquinare m_usa ño peori. M_usa sa yeri buhiri m_usare Babilonia ape sie p_uhr_up_u coh_uñcj_u y_uh_u, ni, yahu ojoahye Coh_uñcj_u yere yahu m_uhtariquina.

⁴⁴ ’Sa ye masa marienop_u Coh_uñcj_u masa mehna tiquiore ijiri w_uh_ure wahiquina cahseri w_uh_ure c_uoahye mari ñec_us_um_una panop_u cj_uña. Ti w_uh_u Coh_uñcj_u masa mehna tiquiore yahuducuri w_uh_u ijiahye. Ti w_uh_up_u Coh_uñcj_u dutiye tiquiore ojoari p_uñi ut_u p_uñi ijiahye. Ti w_uh_ure Coh_uñcj_u tiquiore yahuriro sahata Moiserere tiquiore ih_uñoriro sahata dahre dutiaye Coh_uñcj_u Moiserere.

⁴⁵ Sa ye mari ñec_us_um_una panop_u cj_uña Josué mehna ti w_uh_ure

wahiquina cahseri mehna tiquina yeri wuhure ne cãhtahye ahri yehpapu mari ijiri yehpapu. Tiquinare mari acaye Israe masare Cohãcjũ tiquiro cãati yehpapure ahri yehpapure tiquina wihiato pano ahri yehpapu iji mũhtariquina Canaa cjẽna munare Cohãcjũ cohã cãhye. Ti pjere Cohãcjũre ño peori wuhure wahiquina cahseri wuhure cõoahye mari ñecusumua. Tee Davi munano tiquiro ijigũpu cõo bato tiahye ti wuhure.

46 Sa yero Davi munano Cohãcjũre bucuegũ yeahye. Sa yero Cohãcjũ ya wuhũ ijiatire Davi pehe ye duaro, sinimahye Cohãcjũre.

47 Tiquiro sa siniepegũta Salomo pehe Cohãcjũ ya wuhure yeahye.

48 Tiquiro sa yepegũta Cohãcjũ pehe masa tiquina yeri wuhupure ijierare. Ohõ saha niahye Cohãcjũ yere yahu mũhtariquiro.

49 “Uhmuse yuhũ dujiro ijire. Topu dujigũ dutiaja yuhũ. Sa yero yehpa pehe yuhũ dahpocãrine duhu peoro yero saha ijire. Yuhũ tutua yuhduagũ ijiája. Ya wuhũ ijiatore ye masiedare msa. Cohãcjũ yuhũ ijigũ yuhũ ijiati wuhure msa ye masiedare.

50 Yuhũ basi ahri yehpare ijipihtiro yei yuhũ”, niahye Cohãcjũ, ni ojoahye Cohãcjũ yere yahu mũhtariquiro.

51 Msa ne yuhti duena ijire. Cohãcjũ yere tũhoepenata, tiquirore yuhti duerare. Espiritu Santore yuhduhca yuhduare msa. Msa ñecusumua tiquina yeriro sahata yere msa.

52 Msa ñecusumua ijipihtiyequina Cohãcjũ yere yahu mũhtariquinare ñano yeahye. Tiquina Cohãcjũ yere yahu mũhtariquina pehe “Came quehnoariquiro Cohãcjũ yere yahu mũhtariquiro ahtarota”, tiquina ni yahuyequina ijigũ tũhoye msa ñecusumua mna sa ni yahuriquinare wejẽe tiahye. Sa yena “Quehnoariquiro”, tiquina ni-diquirore msa gũhũ yojopure tiquiro

ya curua cjãna ijiepenata tiquirore wejẽdi.

53 Cohãcjũ dutiyere angele pehe yahumahye msare. Sa yena msa ti dutiyere cõomahye. Sa yena ti dutiyere yuhduhcari msa, niahye Estebã.

Tiquina Estebãre utã paca mehna doque wejẽahye

54 Tiquiro sa nigũ tũhoye tiquina pehe tutuaro usuahye. Sa tutuaro usuaye, cuayequina wahahye.

55 Tiquina sa usuepegũta tiquiro Espiritu Santo dutiriro sahata ye pehoriquiro ijiro, tiquiro tutuayere quehnoano cõoriquiro ijiro, uhmusepu ihñadoque mso, Cohãcjũ asi siteyere ihñahye Estebã. Jesu Cohãcjũ poto pehepu ducugũ ihñahye tiquiro.

56 Sa ihñano ohõ saha niahye:

—Uhmusepu mehenogã parĩ we maagũ Jesu Cohãcjũ ohoriquiro Cohãcjũ poto pehepu tiquiro ducugũ ihñaja yuhũ, niahye Estebã.

57 Tiquiro sa nigũ tũhoye tiquina tutuaro sañuducu, tiquina cahmo coperire biha cã, ihcãno mehna tiquiro cahapu oma maa cã, tiquirore ñeheahye.

58 Ñehe tuhasa, tiquirore ne cã, ti maca dũhtũ cahapu cohãhye tiquirore. Sa ye utã paca mehna doque wejẽahye tiquirore. Tiquina sa wejẽato pano tiquirore yahusãriquina tiquirore utã paca mehna doquea-tiquina tiquina suhtire tu we, wahmunore Saulo wame tiriquirore tiquina suhtire cõo basa dutiahye.

59 Sa yero Estebãre tiquina wejẽato pano ohõ saha niahye tiquiro:

—Jesu yuhũ puhto, yuhũ jeripohnare neña, niahye tiquiro.

Tiquiro sa nino watoa tiquina pehe utã paca mehna doqueye niahye tiquirore.

60 Sa yero tiquiro dusepe curi mehna quehe sa, ohõ saha niahye:

—Puhto Jesu, ahriquina yojopũ ñano yuhure tiquina yeyere tiquinare buhiri dahreracãhña mũhũ, niahye Estebã.

Sa nidi bato tiquiro yariaa wahahye.

8

¹ Sa yero Estebã tiquiro yariagũ ihñano, “Quehnoare”, niahye Saulo pehe.

Saulo Jesu yequinare ñano yeahye

Sa ye ti decoreta Jesu yequinare Jerusalẽpũ ijiyequinare ñano ye dũcahye apequina pehe. Tiquina sa ye dũcagũ Jesu yequina Judea yehpapũ, Samaria yehpapũ, yoaropũ duhti site cãa wahahye. Jesu cũriquina dihita wahaerahye.

² Sa ye apequina Cohãcjũre ño peoyequina Estebãre ya, tutuaro utiahye tiquina.

³ Sa yero Saulo pehe Jesu yequinare ña yũhdũaro yee timahye. Tiquiro tiquina ye wũhũsepũ sajã, mũmũare, numiare ñehe, peresupũ biha docoe tiahye.

Samariapũ Jesu yere buheahye Felipe

⁴ Sa yeye yoaropũ waha siteriquina Jesu yere buheahye.

⁵ Sa yero Felipe Samaria wame tiri macapũ esa, Cristo yere buheahye ti maca cjẽnare.

⁶ Tiquiro sa buhegũ ti maca cjẽna quehnoano tũhoe tiahye. Sa ye Cohãcjũ tutuaye mehna tiquiro ye ihñogũ ihñahye tiquina. Sa ihñañe tiquirore quehnoano tũhoe tiahye.

⁷ Peyequina watĩare cũoyequina tiquiro cahapũ tiquina wihigũ ihñano watĩa pehere waha dutie tiahye tiquiro. Watĩa pehe tutuaro sañuducu, duhu cãa wahahye tiquina. Sa yero peyequina tini masieñequinare, pari yuri wahayequinare quehnoano pagũ tiyequina wahagũ yeahye.

⁸ Tiquiro sa yegũ ihñañe ti maca cjẽna peyequina masa bucueahye.

⁹ Ti pjere Simo wame tiri tiquiro ti maca cjũno yairo ijiahye. Sa yero yayia tiquina yerire ye ihñoe tiahye Samaria cjẽnare. Tiquiro sa ye ihñogũ ihñañe, ti maca cjẽna ihña maria

waha, tiquirore cua pesaro ihñaetiahye.

—Yũhũ masi pehogũ ijiaja, nimahye Simo pehe tiquinare.

¹⁰ Tiquiro sa yegũ ihñañe masa pehe ohõ saha nie timahye:

—Ahriquiri Cohãcjũ ye tutuayere cũoriquiro ijire. Cohãcjũ yero saha tutuariquiri ijire, nie timahye tiquirore masa, pũhtoahye mehna.

Tiquina ijipihtiyequina quehnoano tũhoahye tiquirore.

¹¹ Tiquiro yayia tiquina yeye mehna yoari pje ye ihñoe tiahye tiquinare. Tiquiro sa ye ihñogũ ihñañe tiquina ihña maria wahae tiahye. Sa ye tiquina tiquirore ño peoe tiahye.

¹² Tiquina sa ño peoepegũta Felipe pehe Cohãcjũ tiquiro pũhtoro ijiyere, Jesucristo yere quehnoañe buheyere yahuahye. Tiquiro sa yahugũ tiquina tiquirore quehnoano tũhoahye. Tiquina sa quehnoano tũhogũ ihñano mũmũa, numia gũhũre wame yeahye Felipe.

¹³ Sa yero Simo gũhũ Felipere quehnoano tũhoe tiahye. Sa yero tiquiro gũhũre wame yeahye. Tiquiro sa wame yeri bato Felipe mehna tojoae tiahye tiquiro. Felipe pehe Cohãcjũ tutuaye mehna tiquiro ye ihñogũ ihñano, dohatiyequinare tiquiro yũhdũogũ ihñano Simo ihña maria wahahye.

¹⁴ Sa ye Samaria cjẽna Cohãcjũ yere tiquina tutuaro cahmegũ Jesu cũriquina Jerusalẽpũ ijiyequina tũhooahye tiquinare. Sa tiquina cahmegũ tũhooye Pedrore, Ñũ gũhũre ohoahye Samariapũ.

¹⁵ Topũ esaye Pedro gũhũ Cohãcjũre siniahye. “Ahriquina Samaria cjẽna mũhũre ño peoyequina mũhũ yaquiri Espĩritu Santore cũoahro”, ni, sini basahye tiquina Cohãcjũre.

¹⁶ Tiquina Samaria cjẽna Jesucristo wame mehna wame yeriquina ijiahye. Ti dihitaro masiahye tiquina. Sa ye Espĩritu Santore cũoera tiahye ti pjere tiquina.

17 Sa ye Pedro, Ñu mehna Samaria cjēnare tiquina omocarine tiquina bui duhu peori bato Espíritu Santore c̄uo d̄ucaē tiahye tiquina.

18 Sa yero Pedro ḡāh̄u tiquina omocari mehna tiquina duhu peogū ihñahye Simo. Espíritu Santore tiquina ñehēgū ḡāh̄ure ihñahye tiquiro. Sa ihñariquiro ijiro, ti tutuayere cahmeno, niñeru mehna wapa ye duamahye. Ohō saha nimahye Simo:

19 –Yuh̄u ḡāh̄ure ohoya ahri tutuayere. Yuh̄u ḡāh̄u yuh̄u omocari mehna masa bui duhu peo yeḡu t̄uū niaja Espíritu Santore tiquina ñehēato saha. Sa yeḡu ahri yuh̄u yeati wapare wapa ye duaja, nimahye Simo tiquinare.

20-21 Tiquiro sa nigū t̄uhoro Pedro ohō saha niahye:

–M̄uh̄u niñeru mehna Cohācj̄u ye tutuayere m̄uh̄u dú duari buhiri m̄uh̄u niñeru mehnata pecap̄u wahaya m̄uh̄u. Cohācj̄u m̄uh̄u t̄uhotuyere masine. M̄uh̄u ñaḡu ijinine. Sa yeḡu ahrire us̄ā yeyere ye masiedare m̄uh̄u. Ahrire yeboḡu ijierare m̄uh̄u.

22-23 Tutuaro ihña coore m̄uh̄u. Sa yeḡu ñañe yeyere ne duhu masiedare m̄uh̄u. Sa yeḡu ahrire m̄uh̄u ñañe yerire b̄uj̄ua witiya m̄uh̄u. Cohācj̄ure m̄uh̄u ñañe t̄uhotuyere bo dutiḡu siniña m̄uh̄u. M̄uh̄u sa yeḡu ihñano tiquiro m̄uh̄u ñañene borota, niahye Pedro tiquirore.

24 Tiquiro sa nigū t̄uhoro Simo ȳah̄tiahye tiquirore.

–Yuh̄ure sini basaya m̄usa Cohācj̄ure m̄uh̄u nidiro saha yuh̄u wahaeraḡu. Ti buhiri pecap̄u waha dueraja yuh̄u, niahye Simo tiquirore.

25 Came Pedro Ñu mehna Cohācj̄u yere yahuahye. “Jesu tiquiro masa m̄ujaḡu ihñau us̄ā”, ni, Samaria yehpap̄u ijiye macari cjēnare quehnoañe buheyere buheahye. Tiquinare Cohācj̄u yere buhe tuhasa Jerusalēp̄u tojoaa wahahye.

Felipe Etiopía yehpa cj̄ānore buheahye

26 Sa ye Cohācj̄u tiquiro yaquiro angel Felipere yahuahye:

–Yojop̄are sur pehep̄u wahaya. Jerusalē caha ijiri mahap̄u Gazap̄u wahari mahap̄u wahaya, ni yahuahye angel Felipere.

Ti maha masa marienop̄u ijire.

27 Tiquiro sa nigū t̄uhoro tiquiro pehe ti mahap̄u wahahye. Came ti mahap̄u ihcāquiro mas̄unore piti caro taro niahye. Tiquiro piti catiquiro ijiahye Etiopía yehpa cj̄āno p̄ah̄toro. Sa yero Candace wame tiricoro Etiopía cj̄ōno p̄ah̄toro yere, niñerure ijipih̄tiyere ihña ihboriquiro ijiahye. Sa yero tiquiro Jerusalēp̄u mari Pac̄ure ño peoro waha tuhasahye.

28 Tiquiro ya macap̄u tunuria mehna tojoa taro tiap̄u wahaeperota buhero niahye. Cohācj̄u yere yahu m̄ah̄tariquiro Isaia tiquiro ojoari p̄ure buhero niahye.

29 Sa yero Espíritu Santo pehe Felipere ohō saha ni yahuahye:

–Siquiro tunuriap̄u wahariquiro cahap̄u wahaya, niahye Espíritu Santo tiquirore.

30 Tiquiro sa nigū t̄uhoro Felipe pehe tunuria cahap̄u oma c̄ā, Isaia ojoarire Etiopía cj̄āno buheḡu t̄uhohahye. Sa t̄uhoro Felipe sinituahye tiquirore:

–¿M̄uh̄u buheyere t̄uhō masiajari m̄uh̄u? niahye tiquiro.

31 Tiquiro sa nigū t̄uhoro Etiopía cj̄āno ohō saha ni ȳah̄tiahye:

–Apequiro yuh̄ure yahu ȳah̄duoatiquiro mariedaḡu quehnoano masiedaga yuh̄u. Ohō yuh̄ure yahu dujiḡu ahtaya yuh̄u pari paha, ni ȳah̄tiahye tiquiro Felipere.

–Au, ni, nuju sahye tiquiro caha.

32 Sa ye Cohācj̄u yere Etiopía cj̄ānore tiquiro buheri p̄u ohō saha niahye:

Ovejare tiquina ñehē wejēdiro saha tiquiro ḡāh̄ure ñehē wejēeta masa. Sa yero ovejaḡare tiquiro poarire tiquina seḡu tiquiro dihta marieno saha

tiquiro masano gũhu dihta marieno ijirota.

33 Tiquirore tiquina bujapeeta. Sa ye tiquiro ñano yerapegãta tiquina pehe ñano yeeta tiquirore. Tiquiro ahri yehpapu ijigũ tiquina tiquirore wejẽeta. Sa yero tiquiro pohna marieniquiro yariaa waharota, ni ojoahye ti pũpũre.

34 Ti pũ sa ni yahugũ ihñano, Etiopía cjãno sinituahye:

—Yahuya yũhũre. ¿Ohõ saha Isaia tiquiro nidiquiro noa boro ijiajari ahriquiro? ¿Isaia tiquiro basi yahuro niagari? ¿O apequirore yahuro niagari? ni, sinituahye Etiopía cjãno.

35 Tiquiro sa ni sinitugũ tuhoro Felipe pehe ti pũre ihña, Jesu yere yahuahye Etiopía cjãnore.

36 Sa ye tiquina tia mehna waha, mágãpũ esahye.

—Ihñaña, ohõ mágã ijire. Ahri mágãpũ yũhũre wame yeya, niahye Etiopía cjãno.

[
37 —Jesure mũhu quehnoano wacũ tutuagũ ihñagu mũhũre wame yeitja, niahye Felipe tiquirore.

—Jesure wacũ tutuaja yũhu. Tiquiro Cristo Cohãcjũ macũno ijire. Tire quehnoano masiaja yũhu, niahye Etiopía cjãno.]

38 Sa ninota tunuria ohoturiquirore yũsho dutiahye. Tia yũshu quehe sari bato wijiahye tiquina. Wijia, ti mágãpũ esa, ñumudũca sahye tiquina. Topũ ñumudũca sa, Felipe pehe tiquirore wame yeahye.

39 Wame ye tuhasa tiquina majadũca sagũ Cohãcjũ yaquiro Espĩritu Felipere nea wahahye. Tiquiro sa wahari bato Etiopía cjãno quehnoano bucueriquiro tiquiro ya yehpapũ tojoaa wahahye. Tiquiro sa yeri bato tigũ ne pari turi Felipere ihña nemoedahye.

40 Sa ye tuhasa Azotopũ esahye Felipe pehe. Sa yero peye macarine quehnoañe buheyere buheahye masare. Cesareapũ buhe bato tiahye.

9

Saulo Jesucristore ihñano tiquirore wacũ tutua dũcahye

(Hch 22.6-16; 26.12-18)

1 Ti pjere Saulo Jesu yequinare ihña tuhtiriquiro, “Tiquinare wejẽgatja”, nino, tiquiro pahia pũhtoro cahapũ wahahye.

2 Topũ esaro tiquiro ojoari pũrine siniahye pahia pũhtorore. Ohõ saha niahye:

—Damasco cjẽ wũhũsepũ judio masa mari buheye wũhũsepũ Jesu yequinare amũare, numiare boca sagũ, tiquinare ñehe dũhte, Jerusalẽpũ ne cãhtagatja. Ti wũhũsepũ ijiyequinare yũhu ñeheatire papera pũre ohoya, ni siniahye Saulo pahia pũhtorore.

3 Ti pũre ne tuhasa, waha, Damasco cahagã tiquiro esagũ waro amũanopũ asi sitedoque dijioghã tiquirore.

4 Sa asi sitedoque dijioghãta tiquiro yehpapũ bora quehe saro, yahuducugũ tuhohahye:

—¿Saulo, dũhsegũ mũhu yũhũre ñano yeajari? nino ca tahye.

5 —¿Pũhto, noa boro ijiajari mũhu? niahye Saulo pehe.

—Yũhu Jesu, mũhu ñano yenohrigũ ijiaja. [Mũhu yũhu mehna usuagu yũhũre yũhtieragu, mũhu basita ñano yũhdare, niahye Jesu Saulore.]

6 Tiquiro sa nigũ Saulo cue nanare, ohõ saha ni sinituahye:

—¿Pũhto, dũhse yũhu yegũ cahmeajari mũhu? niahye Saulo.

Tiquiro sa nigũ ohõ saha niahye Jesu:]

—Wahcãdũcaya mũhu. Si macapũ wahaya. Ti macapũ mũhu esagũ ti maca cjãno mũhu yeatire yahurota mũhũre, niahye Jesu Saulore.

7 Tiquiro sa nigũ Saulo mehna cjẽna pehe tiquiro yahuducuye dihitare tuhohahye. Jesu pehere ihñedahye. Tiquiro sa wahagũ ihñañe, cueye, tiquina yahuducu masiedahye.

8 Sa yero Saulo yehpapũ cuñariquiro wahcãdũca, tiquiro ihñagũ tiquiro

caperi bajuerahye. Sa ye tiquina tiquiro omocare ñehe, Damascopu tuã cãa wahahye tiquirore.

⁹ Sa yero tiquiro ihtia deco waro ne ihñeda, ihyera, ne sihniedahye.

¹⁰ Sa ye Jesu buheriquiro Anania wame tiriquire Damascopu ijiahye. Sa yero Jesu bajuahye Ananiare. Sa bajuaro pisuahye tiquirore:

—¿Anania, ijiajari mahu? niahye Jesu.

—Ijiaja, ni, yuhtiahye Anania tiquirore.

¹¹ Tiquiro sa nigã Jesu yuahahye tiquirore:

—Poto wame tiri mahapu wahaya. Topu wahagu Juda ya wuhupu Tarso cjunore Saulo wame tiriquire macaña. Tiquiro Cohãcjũre sinino niaga.

¹² Sa yero quehẽno saha tiquiro ihñarire ihñano niaga topure. Ohõ saha ijiyere ihñano niaga tiquiro: Mahu omocare tiquiro bui duhu peo, tiquiro caperi quehnoa wahagũ ihñano niaga tiquirore bajarire, niahye Jesu Ananiare.

¹³ Tiquiro sa nigã tãhoro Anania ohõ saha niahye:

—Puhto, tiquiro mahu yequinare quehnoañequinare Jerusalẽ cjẽnare ñano yeñohti. Peyequina masa yahure sa ni yahuri.

¹⁴ Sa yero ohõre tiquiro ijipihyeyequina mahure cahmeñequinare peresu yero taro niñohti. Pahia puhto tiquirore sa ye dutiñohti, niahye Anania Jesure.

¹⁵ Tiquiro sa nigã Jesu pehe yuahahye tiquirore:

—Tiquiro Saulo pehe yahu beseriquiro ijire. Tiquiro yee buheyere peye macari cjẽnare, Israe masa ijieyequinare, tiquina puhtoare, Israe masa gũhure buherota. Sa yegu wahaya mahu.

¹⁶ Sa yero peye tahari yeere tiquiro yeri buhiri tiquiro ñano yuhdurota. Tire tiquirore masigũ yegutja, niahye Jesu Ananiare.

¹⁷ Tiquiro sa nidi bato Anania pehe waha, esa, Saulo tiquiro ijiri wuhupu

sajãhye. Sajã sa, tiquiro omocare Saulo bui duhu peo, yuahahye tiquirore.

—Yahu acayu Saulo, mari puhtoro Jesu pehe mahapu mahure bajariquiro yahure ohori, mahu caperire ihña dutiro, Espiritu Santore mahure cao dutiro, tiquiro dutiro sahana mahure ye dutiro, ni yuahahye Anania Saulore.

¹⁸ Tiquiro sa nigã tiquiro caperire wahi nuturi saha bajuyere tiquiro caperire pahna dijiagũ ihñahye Saulo. Tiquiro sa ihña tuhasari bato wahcãdũca sagũ apeqiro pehe wame yeahye tiquirore.

¹⁹ Sa yero tiquiro ihyari bato pagu tutuariquiro wahahye.

Saulo Damascopu Jesu yere buhe dũcahye

Sa ye meheñe decorigã Damasco cjẽna Jesu yequina mehna ijiahye Saulo.

²⁰ Sa yero ti pjereta tiquiro judio masa buheye wuhusepu Jesu yere buheahye masare. Jesu Cohãcjũ macano tiquiro ijiyere yuahahye Saulo.

²¹ Tiquiro sa yahugũ ihñañe ijipihyeyequina tiquirore tãhoyequina acuaa wahahye.

—Ahriquiro Cohãcjũ yequinare Jesure cahmeñequinare ñano yee tiriquire ijire. Sa yero tiquiro tiquinare ñehe, dũhte, pahia puhtoare oho duari jimedi. Sa ye duaro ohõpũre ahtari jimedi tiquiro, niahye masa tiquirore tãhoyequina.

²² Tiquina sa ni tãhotuepegãta Saulo cuero marieno tutuaro mehna buhe dũcahye. Judio masare Damasco cjẽnare quehnoano yuahahye. “Ahriquiro Jesu potota Cristo marine yuhduoriquiro ijire”, tiquiro ni yahugũ tiquina pehe tiquirore “Ni mehono nine ahriquiro”, ni masiedahye tiquirore.

²³ Sa ye peye decori bato judio masa tiquirore wejẽ duaye, tiquina basi yahuducuahye.

²⁴ Sa yero Saulo tiquina wejẽ duagũ masiahye tiquiro basi. Sa ye ti maca

cjē sopecaharire decopure, ñamipũ gãhare cohtee tiahye tiquirore wejē duaye.

²⁵ Tiquina sa wejē duagũ ihñañe ñamipũ Saulo buheyequina tiquirore pũhũro pajiri pũhũdupũ ne sãa, ti maca cjã sahrĩno behero pehepũ duhu dijioahye tiquirore.

Saulo Jerusalẽpũ ijiahye

²⁶ Sa ye Saulo Jerusalẽpũ esaro, topũ Jesu yequina mehna tiquiro iji duamahye. Tiquiro sa iji duepegũta tiquina tiquirore “Jesu buheriquiro ijierare ahriquirũ”, niñe, tiquirore cue niahye.

²⁷ Tiquina sa cuepegũta Bernabé pehe tiquirore ne cãhye Jesu cũriquina cahapũ. Sa yero Saulo mahapũ Jesure tiquiro ihñarire, Jesu mehna tiquiro yahuducurire, Damascopũ cuero marieno Jesu yere tiquiro buhe dũcarire yahuahye Bernabé pehe.

²⁸ Tiquiro sa ni yahuri bato Saulo tiquina mehna sajãno, Jerusalẽpũ tiquina mehna ijie tiahye.

²⁹ Sa yero tiquiro cuero marieno Jesu yere buhee tiahye. Sa yero tiquiro judio masare Jesu yere yahu yũhdũdũcaro niahye. Tiquina judio masa griego masa yere yahuducuyequina ijiahye. Sa ye Saulo tiquiro sa yahu yũhdũdũcari buhiri tiquina tiquirore wejē duamahye.

³⁰ Tiquina sa wejē duagũ ihñañe, Saulo mehna cjẽna Jesu yequina pehe tiquirore Cesareapũ ne duhti cãa wahahye. Topũ tiquirore siho ijiducume Tarsopũ ohoahye tiquirore.

³¹ Sa ye ijipihtiropũ, Judea yehpapũ, Galilea yehpapũ, Samaria yehpapũ Cohãcjũ yequina quehnoano ijie tiahye. Ti pjere ne masa ñano yera tiahye tiquinare. Sa ye quehnoano buheahye tiquina. Sa ye tiquina Cohãcjũre cua pesaro ihñañe. Espĩritu Santo tiquinare tiquiro yedohogũ tiquina pehe masa peyequina wahahye.

Pedro Eneare quehnoa wahagũ yeahye

³² Sa ye Pedro ijipihtiye macaripũ waharo, Jesu yequina Lida maca cjẽna cahapũ gãhare esahye tiquiro.

³³ Topũ esaro Enea wame tiquirore boca sahye. Enea tini masieniquiro ijiro, ocho cahmari waro cuñari cahsero mehna cuñae tiahye tiquiro.

³⁴ Sa yero Pedro pehe tiquirore ohõ saha niahye:

—Enea, Jesucristo mũhare quehnoa wahagũ yere. Wahcãdũcaya. Mũhũ eõ tu cuñari cahserore quehnoña, niahye Pedro tiquirore.

Tiquiro sa nigũta tiquiro wahcãdũca wahaahye.

³⁵ Sa ye ijipihtiyequina Lida cjẽna, Saronã cjẽna tiquirore ihñañe, tiquina ñañe yerire duhu, Jesure wacũ tutuahye.

Dorca wame tiricorore masoahye Pedro Jesu tutuaye mehna

³⁶ Sa ye Jope wame tiri macapũ Jesure ño peoricoro Tabita wame tiri-coro ijiahye. Ticoro wame Tabita griego ye yahuducuyequina Dorca ijire. Ticoro quehnoañene yero, peye ohoe tiahye pejecũoyequinare.

³⁷ Sa yero ti pjere ticoro dohati wahcõ, yariaa wahahye. Ticoro yariagũ ihñañe, tiquina ticorore quehnoano cose, mũmũano cjã tucũpũ cũahye ticorore.

³⁸ Lida wame tiri maca Jope cahagãpũ ijiri. Sa ye Jesu buheyequina Jope cjẽna Pedro Lidapũ tiquiro ijigũ tũhoahye. Sa tũhoayẽ, pũaro ohoahye Pedro cahapũ. Tiquiro cahapũ esayẽ, Pedrorẽ yahuahye tiquina.

—Sojaro mehna usã ijiropũ wahaya, ni yahuahye tiquina.

³⁹ Tiquina sa nigũ tũhorõ tiquina mehna wahaahye tiquiro. Topũ tiquirore tiquina ne sari bato mũmũano cjã tucũpũ ne mũjaa wahahye tiquirore. Sa ye ijipihtiyequina wape wiha numia tiquiro cahapũ esadũca, utiahye. Tabita tiquina mehna ijininopũ peye suhtire yee tiahye. Sa ye tiquina ticoro yeri suhti ijirire ihñoahye Pedrorẽ.

40 Tiquina sa ihñoepēgūta Pedro tiquinare ti tucūp̄u ijiyequinare wija dutiahye. Tiquina wijiari bato tiquiro d̄usepe curi mehna quehe sa, Cohācj̄are tiorore sini basahye. Sa yero ticoro paḡare majare ihñahye.

—Tabita wahcãña, niahye tiquiro.

Tiquiro sa nigūta ticoro pehe ihña wahcō, Pedroro ihña, wahcã nuju sahye.

41 Ticoro wahcã nuju sagū ihña, tiquiro ticoro omocare ñehe, t̄uã wahcō docoahye tiorore. Sa yero tiquiro to cj̄enare Jesu yequinare, wape wiha numiare pijio, tiorore catiricorore wiahye tiquinare.

42 Tiquiro sa yeri bato ijipihtiyequina Jope cj̄ena tire masiñe peyequina masa Jesure wacū tutua d̄ucahye.

43 Came Jopep̄u Simo wahiquina cahserire quehnoriquiro mehna peye decori Pedro tiquiro mehna ijiahye.

10

Pedro Corneliore Jesu yere yahu d̄ucahye

1 Ti pjere Cesareap̄u Cornelio wame tiriq̄uiri ijiahye. Tiquiro cien surara p̄uhtoro ijiahye. Tiquina surara pehe tiquina ya curua Italiano wame tiahye.

2 Cornelio tiquiro ya w̄uh̄u cj̄ena mehna mari Pac̄are ño peoyequina, cua pesaro ihñañequina ijie tiahye. Sa yero tiquiro judio masa pejec̄oyequinare yedohoro, peye ohoahye. Sa yero decoripe tiquiro mari Pac̄are sinie tiahye.

3 Sa ye ñamicahap̄u tres hora ijigū Cohācj̄u yaq̄uiri angel tiquirore bajahye. Sa bajuaro Cornelio cahap̄u sajāhye.

—Cornelio, niahye angel tiquirore.

4 Sa yero Cornelio tiquirore ihña cuero ohō saha niahye:

—¿P̄uhto, yabere cahmeajari? niahye tiquiro.

—Pejec̄oyequinare m̄uh̄u ohorire, mari Pac̄are m̄uh̄u sinidire tiquiro wacūno niaga.

5 Sa yeḡu Jopep̄u m̄uh̄u cahacj̄enare ohoya. Top̄u Simo Pedro wame tiriq̄uiri ijire. Tiquirore ne cãhta dutiya m̄uh̄u cahacj̄enare.

6 Tiquiro apeq̄uiri Simo wahiquina cahseri quehnoriquiro cahap̄u, pajiri ma d̄uht̄u cahap̄u ijiri w̄uh̄up̄u ijire, niahye angel Corneliore.

7 Angel sa ni tuhasa, wijiara wahahye. Tiquiro sa wijiari bato Cornelio p̄uaro tiquirore yedohoyequinare ihcāq̄uiri surara mehna cj̄anore pijiahye. Surara pehe mari Pac̄are ño peoriquiro ijiro, decoripe Corneliore yedohoe tiahye.

8 Sa yero Cornelio tiquinare yahu peho, Jopep̄u ohoahye tiquinare.

9 Sa ye ape deco Jopep̄u tiquina wahari watoa coheri pje ijigū Pedro pehe w̄uh̄u buip̄u Cohācj̄are sinino wahahye.

10 Sa yero tiquiro ūj̄ua ahbagū ihya duahye. Sa ihya duaro apequina tiquiro ihyayere tiquina dahreri watoa tiquiro pehe bajuagū ihñahye.

11 Ūhm̄uanop̄u parī maagū, pajiri cahsero ti cahsero sohtorip̄u d̄uhteri cahsero dijia tagū ihñahye.

12 Ti cahsero puhiap̄u peyequina wahiquina n̄uc̄u cj̄ena, yehpap̄u b̄ua tiniñequina, minicj̄ua pari ijiahye.

13 Tire tiquiro ihñari bato, Pedro yahuducugū t̄uhoahye.

—Pedro, wahcād̄ucaya. Ahriquinare wejē ihyaya, ni yahuducugū t̄uhoahye tiquiro.

14 Tiquiro sa niepegūta Pedro ohō saha niahye:

—P̄uhto, ne tiquinare ihyeraja ȳuh̄u. Ñañequinare, Cohācj̄u tiquiro ihya dutierariquinare ne ihyera tii ȳuh̄u, niahye Pedro.

15 Sa yero Pedro pari turi yahuducugū t̄uhoahye:

—Cohācj̄u “Quehnoañequina ijire”, tiquiro nidiquinare “Ñañequina ijire”, niedacãhña m̄uh̄u tiquinare, ni yahuducugū t̄uhoahye Pedro.

16 Sa ye ihtia taha tiquina sa ni yahuducuri bato ti cahsero ʘhmʘanopʘ mʘjaa wahahye tja.

17 Sa yero Pedro tutuaro wacū “¿Dʘhse ni yahu duaro niajari sa bajuaro?” ni tʘhotuahye tiquiro basi. Tiquiro sa tʘhoturi watoa Cornelio ohoriquina pehe Pedro ijiri wʘhʘpʘ esahye. “¿Simo ya wʘhʘ nohopʘ iji-ajari?” ni, tiquina sinituri bato ti wʘhʘpʘ esahye tiquina.

18 Sa ye tiquina sinitu mado-queoahye. “¿Simo Pedro wame tiriquire ahri wʘhʘre ijiajari?” ni sinituahye tiquina.

19 Sa yero Pedro tiquiro tʘhoturi watoa Espiritu Santo tiquirore yahuahye:

—Ihñaña. Ihtiaro ʘmʘa mʘhʘre macañe nine.

20 Wahcādʘcaya. Dijiahya. Tiquina mehna wahaya. Yabiro marieno wahaya quehnoano mehna. Yʘhʘ pehe tiquinare ohōpʘre ahtagū yei, niahye Espiritu Santo Pedore.

21 Tiquiro sa nigū tʘhoro Pedro tiquina cahapʘ dijiaa wahahye.

—Ihñaña. Ohōpʘ ijiaja yʘhʘ mʘsa maca cāhtarigʘ. ¿Dʘhse yena tana niajari mʘsa yʘhʘ cahapʘre? niahye Pedro tiquinare.

22 Tiquiro sa nigūta tiquina pehe ohō saha niahye:

—Cornelio cien surara pʘhoro, quehnoañene yeriquiro, mari Pacʘre cua pesaro ihñariquire, ijipihtiyequina judio masa “Quehnoariquire”, tiquina nidiquiro mʘhʘre piji dutiro ohori ʘsāre. Cohācjū quehnoariquire yaquire angel Corneliore mʘhʘre piji dutiñohti. Ohō saha niñohti: “Pedrore mʘhʘ ya wʘhʘpʘ ne cāhta dutiya mʘhʘ cahacjēnare. Sa ye tiquiro mʘhʘre yahurota”, ni piji dutiñohti angel Corneliore, ni yahuahye Cornelio Pedore tiquiro piji dutiriquina pehe.

23 Tiquina sa nigū Pedro pehe tiquinare sajā ta duti, ihyaye oho, tiquiro ijiri wʘhʘpʘ carī dutiahye tiquinare. Sa yero ape deco Pedro wahcā, tiquina mehna wahaa

wahahye. Sa ye apequina Cristo yequina Jope cjēna Pedrore piti ti cāhye.

24 Ape deco tiquina Cesareapʘ esahye. Sa yero Cornelio pehe tiquiro acayere, tiquiro mehna cjēna gʘhʘre piji cahmecoa, Pedrore cohteahye.

25 Sa yero Pedro Cornelio ya wʘhʘ cahapʘ tiquiro ahtagū ihñano Cornelio pehe tiquirore piti ca wijia, tiquiro dahpocāri cahapʘ quehe sahye.

26 Sa yepegūta Pedro tiquirore ne wahcō doco ohō saha niahye:

—Ducuya mʘhʘ. Yʘhʘ gʘhʘ mʘhʘ yero saha ijigʘ ijiaja. Cohācjū ijieraja yʘhʘ, niahye Pedro tiquirore.

27 Tiquiro sa ni tuhasari bato Cornelio tiquirore ne sajāa wahahye tiquiro ya wʘhʘpʘ. Topʘ sajā saro masa pari ti wʘhʘpʘ cahmecoa, tiquirore cohteyequinare ihñahye Pedro.

28 Sa yero Pedro tiquinare yahuahye:

—Judio masʘ ijiepegūta ape curua cjēna mehna ijigʘ ʘsā dutiyere yʘhdʘdʘcagʘ niaja yʘhʘ. Tire quehnoano masine mʘsa. Sa ijiepegūta ape curua cjēnare “Ñañequina ijire”, yʘhʘre ni dutierari Cohācjū. Sa ni yahuri yʘhʘre tiquiro.

29 Tiquiro sa nigū tʘhogʘ ohōpʘre mʘsa cahapʘre ahtaʘ. Mʘsa yʘhʘre pijigū “Ne wahaeraja”, niedʘ yʘhʘ. “¿Dʘhse ijiro boro yʘhʘ ohōpʘ ahtagū cahmeari mʘsa?” niahye tiquinare Pedro.

30 Tiquiro sa nigū tʘhoro Cornelio pehe ohō saha niahye:

—Tres hora ijigū waro mari Pacʘ yaquire angel yʘhʘre bajuari. Pititia deco wahare yʘhʘre tiquiro bajuari bato. Ti decota mari Pacʘre yʘhʘ sinini watoa angel asi siteri suhtiro sañariquire yʘhʘ cahapʘ ducuri.

31 Sa yero tiquiro yʘhʘre ohō saha nidi: “Cornelio, mʘhʘ mari Pacʘre mʘhʘ sinigū tiquiro tʘhori. Sa yero pejecʘoyequinare tiquina cahmeñene mʘhʘ ohogū ihñano mari Pacʘ wacūno mʘhʘre yedohorota.

32 Sa yegꝯ Jopepꝯ mꝯhꝯ cacajēnare ohoya, Simore, Pedro wame tiriquire mꝯhꝯ cahapꝯ tiquina ne cāhtagū. Tiquiro apequiro Simo wahiquina cahseri quehnoriquiro ya wꝯhꝯpꝯ pajiri ma dꝯhtꝯ cahapꝯ ijiri wꝯhꝯpꝯ ijire tiquiro”, ni yahuri yꝯhꝯre tiquiro.

33 Tiquiro sa nigū tꝯhogꝯ yꝯhꝯ cacajēnare mꝯhꝯre ne cāhta dutigꝯ ohou yꝯhꝯ. Sa yegꝯ quehnoano yegꝯ ahtari jiri mꝯhꝯ usā cahapꝯre. Sa yena usā ijipihitina ohōre mari Pacꝯ tiquiro ihñonopꝯ ijina niaja usā. Ijipihiyere mari Pacꝯ mꝯhꝯre tiquiro yahu dutirire tꝯho duana, cohteī usā, niahye Cornelio Pedrore.

Pedro Jesu yere yahuahye

34 Tiquiro sa nigū tꝯhoro, Pedro ohō saha ni yahuahye:

—Yojopꝯ masiaja. Ijirota ijire. Cohācjꝯ ihcāno saha quehnoano yere marine.

35 Sa yero ijipihiyere macari cjēna Cohācjꝯre cua pesaro tiquina ihñagū, quehnoañene tiquina yegū Cohācjꝯ pehe tiquina mehna bucuere.

36 Cohācjꝯ usā judio masa cahapꝯ Jesucristore ohori. Masare Cohācjꝯ mehna quehnoano iji dutiro Jesu pehe quehnoañe buheyere yahuri. Ti buheyere mꝯsa masine. Jesucristo pehe ijipihiyequina masa pꝯhtoro ijire.

37 Ñu wame yeriquiro ohō saha ni yahuri: “Mꝯsa ñañene bujꝯa witiya. Sa yena wame yenohrina ijiya”, ni, yahuri Ñu. Masare tiquiro sa ni yahuri bato Galileapꝯ quehnoañe buheyere Jesu pehe yahu dꝯcari. Came Judea yehpapꝯ ti buheyere yahu pehori.

38 Ahriquiro Jesu Nazare cjānore Cohācjꝯ pehe tiquiro tutuayere, Espiritu Santo mehna tiquiro ye masiatire ohori Jesure. Sa yero Jesu quehnoano yero wahari. Sa waharo watīare cꝯoyequinare ñano yꝯhdꝯyequinare ijipihiyequinare quehnoa wahagū yeri. Mari Pacꝯ Jesu mehna ijiri.

39 Judea yehpapꝯ, Jerusalēpꝯ gꝯhꝯre ijipihiyere tiquiro yerire usā ihñau. Came tiquina curusapꝯ wejēdi tiquirore.

40 Sa yero ihtia deco wahaboro Cohācjꝯ tiquirore masori jiri. Sa yero Jesure apequinare bajuagū yeri jiri mari Pacꝯ.

41 Ti pjere Jesure ijipihiyequina ihñedari. Meheñequinagāre bajuari tiquiro. Mari Pacꝯ tiquiro cahmenare, Jesure ihñatinare panopꝯ usāre mari Pacꝯ beseahye. Usā pehe Jesu tiquiro masari bato tiquiro mehna ihya, sihnii.

42 Sa yero usāre tiquiro dutiri. “Masare yahuya. Yꝯhꝯ Jesu ijipihiyequina catiyequinare, yariariquina gꝯhꝯre buhiri dahreacjꝯ yꝯhꝯre ijigū yeri mari Pacꝯ. Sa yena tire masare yahuya”, ni dutiri Jesu usāre.

43 Ijipihiyequina Jesure tiquina wacū tutuagū ihñano Cohācjꝯ tiquina ñañene borota. Tire ijipihiyequina Cohācjꝯ yere yahu mꝯhtariquina panopꝯ cjēna yahuyuahye, ni yahuahye Pedro.

Judio masa ijieyequina Espiritu Santore cꝯo dꝯcahye

44 Ti ijipihiyere tiquiro sa ni yahuri watoapꝯ, ijipihiyequina tire tꝯhoyequina mehna Espiritu Santo iji dꝯcahye.

45-46 Sa ye judio masa ijieyequina tꝯhomehneñe yahuducuye mehna bucuere mehna yahuducu dꝯcahye. Ti yahuducuye mehna Cohācjꝯre “Tutuagꝯ, quehnoagꝯ ijire”, niñe niahye. Tiquina sa nigū tꝯhoahye Pedro acaye judio masa Jesu yequina. Sa ye Espiritu Santo judio masa ijieyequina mehna tiquiro iji dꝯcagū ihñañe judio masa pehe ihña maria wahahye. Sa yero Pedro ohō saha ni yahuahye judio masare:

47 —Mari yero sahata Espiritu Santore cꝯore ahriquina gꝯhꝯ. ¿Tiquina sa ijigū ihñana ahriquinare wame yeraboagari mari? niahye Pedro tiquinare.

⁴⁸ Sa ni tuhasa Jesu wame mehna judio masa ijieyequinare wame ye dutiahye Pedro. Tiquina sa yeri bato “Usã mehna meheñe decorigã tojoarĩña”, niahye tiquina Pedro gãhare.

11

Pedro Jerusalẽ cjẽnare Jesu yequinare yahuahye

¹ Sa ye judio masa ijieyequina gãhu Cohãcjũ yere tiquina quehnoano cahmegũ Jesu cũriquina pehe tiquina acaye Judeapũ ijieyequina mehna tãhooahye.

² Sa ye Pedro Jerusalẽpũ tiquiro tojoa sagũ ihñañe judio masa Jesu yequina meheñequinagã tiquirore ohõ saha niahye:

³ —¿Judio masa ijieyequinare dahse ijiro boro ihñagũ esari mũhu? ¿Dahse ijiro boro tiquina mehna ihyari mũhu? ni, tuhtiahye Pedrore tiquina.

⁴ Tiquina sa nigũ tãhoro Pedro tiquiro yerire yahu peho cãhye tiquinare.

⁵ Ohõ saha ni yahuahye:

—Yũhu Joperpũ ijigũ Cohãcjũre sinigũ nii. Sa yero yũhare ohõ saha bajuari. Pajiri cahsero ti cahsero sotoripũ dahteri cahsero ahmũanopũ yũhu cahapũ dijia tagũ ihñaũ.

⁶ Sa yegũ ti cahserore quehnoano ihñaũ, “¿Yabe boro ti cahseropũre ijiajari?” nigũ. Sa yegũ ihñaũ ti cahseropũre ijieyequinare: Wahiquinare nũcũ cjẽnare, yehpãpũ bũa tiniñequinare, minicjũa parire ihñaũ.

⁷ Sa yegũ yũhare tiquiro yahuducuyere tãhou. “Pedro, wahcãdũcaya. Wejẽ ihyaya ahriquinare”, nino ca tari yũhare.

⁸ Tiquiro sa nigũ tãhogũ ohõ saha nii yũhu. “Pũhto, ne tiquinare ihyeraja yũhu. Ñañequinare, Cohãcjũ tiquiro ihya dutieyequinare ne ihyera tii yũhu”, nii yũhu.

⁹ Yũhu sa niepegũta ahmũanopũ pari turi yũhare yahuducuro ca tari tja. “Cohãcjũ ‘Quehnoañequina ijire’, tiquiro nidiquinare ‘Ñañequina

ijire’, niedacãhña mũhu”, nino ca tari yũhare.

¹⁰ Sa yero ihtia taha usã sa ni yahuducuri bato ti cahsero ahmũanopũ mũjaa wahari tja.

¹¹ Yũhu sa ihñari watoa ihtiaro amũa usã ijiri wũhũpũ esari jiri. Tiquina Cesarea cjũno ohoriquina ijiri.

¹² Sa yero Espiritu Santo pehe yũhare tiquina mehna waha dutiro “‘Tiquina ñañequina ijire’, niedacãhña tiquinare”, ni yahuri yũhare tiquiro. Sa ye ahriquina seis yũhu acaye mehna Cesarea cjũno ya wũhũpũ sajãũ usã.

¹³ Sa yero tiquiro usãre ohõ saha ni yahuri. “Angel yũhu wũhũpũ ducugũ ihñaũ yũhu. Ohõ saha ni yahuri yũhare: ‘Joperpũ Simore Pedro wame tiriquire ne cãhta dutiya.

¹⁴ Tiquiro mũhare mũhu acaye mehna mũsare ijipihtinare pecapũ wahaborinare mũsa yũhdũatire yahurota’, nidi angel yũhare”, ni, yahuri Cesarea cjũno yũhare.

¹⁵ Sa ye yũhu yahuducuri watoa Espiritu Santo pehe tiquina mehna iji dũcari, marine tiquiro ye mãhtariro sahata.

¹⁶ Sa yegũ Jesu tiquiro yahurire wacũu yũhu. Ohõ saha ni yahuri tiquiro: “Ñũ mũsare wame yero aco mehna wame yemedi. Yũhu pehe tiquiro yũhdũoro yeitja mũsare. Came Espiritu Santore mũsa mehna ijiducugũ yeitja”, ni yahuri.

¹⁷ Sa yero Jesucristo mari pũhtoro mari wacũ tutuagũ ihñano Cohãcjũ yaquiro Espiritu Santore ohori marine. Sa yero Cohãcjũ marine Espiritu Santore tiquiro ohoriro sahata judio masa ijieyequina gãhare tiquiro ohori. Cohãcjũ tiquiro sa yegũ ihñagũ tiquirore yũhdũũca masiedaja yũhu, niahye Pedro tiquinare, judio masare Jesu yequinare.

¹⁸ Tiquiro sa nigũ tãhoye, tiquina tiquirore ne ni nemoedahye. Tiquirore tuhti masiedahye. Sa ye tiquina,

—Cohãcjũ quehnoariquiro, tutu-
ariquiro ijire, niahye.

Ohõ saha ni nemoahye:

—Judio masa ijieyequina gãhũ
tiquina ñañene bujua witiyequina
ijiye, Cohãcjũ yequina ijietã. Sa
tiquiro yequina ijiye, tiquina gãhũ
ijipihtiye decori tiquiro mehna ijietã,
ni nemoahye tiquina.

*Antioquíapũ apequna Jesu yequina
ijiahye*

¹⁹ Sa ye Estebãre tiquina wejẽdi
bato masa Jesu yequinare ñano
yeahye. Tiquina sa yegũ ihñañe Jesu
yequina duhti sitea wahahye. Sa ye
tiquina Feniciapũ, Chiprepũ, Antio-
quíapũ waha, judio masa dihitare
Cohãcjũ yere yahue timahye tiquina.

²⁰ Tiquina sa yepegũta apequna
pehe Jesu yequina mehna cjẽna
Chipre cjẽna, Cirene cjẽna, An-
tioquíapũ esa, judio masa ijieye-
quinare Jesu yere buheahye Cohãcjũ
tiquinare tiquiro yahduatire.

²¹ Sa yero mari pãhtoro tiquinare
yedohoahye. Sa ye masa peyequina
Jesure wacũ tutuaye, quehnoañe pe-
here comesahye.

²² Sa ye “Antioquíã cjẽnapũ Jesure
cahmeaga”, ni tãhooahye Jerusalẽ
cjẽna Jesu yequina. Tiquina sa
tãhoori bato Jerusalẽ cjẽna Bern-
abé wame tiriquire Antioquíapũ
ohoahye.

²³ Sa yero tiquiro Antioquíapũ
esaro, Cohãcjũ yedohoye mehna ju-
dio masa ijieyequina tiquiro yequina
tiquina wahagũ ihñano, tutuaro
bucueahye. Sa yero tiquiro to cjẽnare
ohõ saha ni yahuahye:

—Jesure sa wacũ tutuaducuya.
Tiquiro yere ne duhueracãhña, ni
yahuahye tiquiro ijipihtiyequina
tiquinare.

²⁴ Bernabé quehnoariquiro ijiro,
Espíritu Santore pajiro cãoriquiro
ijiro, tiquiro dutiriro sahata
yeriquiro ijiro, Jesure quehnoano
wacũ tutuahye tiquiro. Sa ye tiquiro
buheri bato masa peyequina wacũ
tutuahye Jesure.

²⁵ Came tiquiro Tarso wame tiri
macapũ Saulore macano wahahye.

²⁶ Topũ tiquirore boca sahye.
Tiquiro boca sari bato Antioquíapũ
ne cãhye Saulore. Topũ tiquina
esari bato ihcã cãhma waro tiquina
Cohãcjũ yequina mehna cahmecoã,
peyequina masare buhee tiahye
tiquina. Sa ye Antioquíapũ Cristo
yequina Cristiano wame ti dũcahye.

²⁷ Ti pjere Cohãcjũ yere yahu
mãhtariquina Jerusalẽpũ ijiriquina
waha, Antioquíapũ esahye.

²⁸ Sa yero tiquina mehna cjẽno
Agabo wame tiriquire Jesu yequina
watoapũ ducuro, Espiritu Santo
tutuaye mehna yahuahye tiquinare.
“Ijipihtiri yehpapũre tutuaro ujuã
waharota”, ni yahuahye tiquiro. Ti
pjere ihyaye mariedi pje ijigũ ijipi-
htiyequina pãhtoro Claudio ijiahye.

²⁹ Sa ye Cristo buheyequina,
ijipihtiyequina tiquina cãoro puno
tiquina acayere ohõ duaye, tiquina
basi cahme yahuducuahye. “Judea
yehpa cjẽna Jesu yequinare niñerure
ohouhna”, niahye tiquina basi.

³⁰ Tiquina sa nidi bato Bern-
abé, Saulo mehna ti niñerure ne
cã basahye. Topũ esaye Judea
yehpa cjẽnare Jesu yequina pãhtoare
wiahye ti niñerure.

12

Pedrore peresu yeahye

¹ Ti pjere pãhtoro Herode
ihquẽquinare Jesu yequinare ñano ye
dũcae tiahye.

² Sa yero tiquiro Ñũ wahminore
Santiago pehere ñoseni pjĩ mehna
tiquiro wejẽ dutigũ apequna pehe
tiquirore wejẽahye.

³ Santiagore tiquiro wejẽgũ judio
masa bucueahye. Tiquina bucueyere
Herode masino, “Sa dihita cahmene
tiquina”, nino Pedro gãhũre peresu
yeahye. Ti decorire pugã yeye more-
mehneñe pãre tiquina ihyati bose
deco pascua ijiahye.

⁴ Sa ye Herode ñehe dutiriquina
Pedrore ñehe, peresu yeahye. Sa

yero diez y seis surarare cohte dutiahye tiquirore. Pititiaro surara cohteahye tiquirore. Came pititiaro tiquina comesayequina tiquirore cohte m̄jae tiahye. Sata yeahye tiquina diez y seis surara. Herode pehe pascua bato Pedrore peresup̄ ijiriquirore masa ihñonop̄ duhu doco duamahye tiquirore wejē dutiro taro.

⁵ Sa yero Pedro peresup̄ ijiahye. Top̄ tiquiro ijiḡ Jesu yequina pehe Coh̄cj̄are tutuaro sini basae tiahye tiquirore.

Peresup̄ ijiriquirore Pedrore Coh̄cj̄are wioahye

⁶ Sa ye ñamine Pedro come dari p̄a da mehna tiquina d̄hteri quiro p̄aro surara watoap̄ carño niahye. Sa ye surara sopecahap̄ cohteducue tiahye tiquirore. Sa yero ti deco bohrearo Herode Pedrore judio masa ihñonop̄ duhu doco duamahye tiquirore wejē dutiro taro.

⁷ Sa yero Coh̄cj̄are yaquiro angel pehe Pedro cahap̄ tiquiro ducuḡ peresup̄ tiquiro ijiri tuc̄ buhrio pih̄tia wahahye. Sa yero angel Pedro cahap̄ ducuro Pedro pati pahmap̄ ohbe careahye.

—Sojaro mehna wahc̄ña, niahye tiquiro Pedrore.

Tiquiro sa niḡta tiquiro omocarine tiquina d̄hteri dari come dari suru site dijiaa wahahye.

⁸ Sa yero angel tiquirore yahuahye:

—Weje dihoya m̄h̄ weje dihori dare. M̄h̄ dahpo suhti ḡh̄are sañaña, niahye tiquiro.

Tiquiro sa niḡ Pedro pehe tiquiro nidiro saha yeahye.

—M̄h̄ bui cj̄a suhtirore sañaña. Ȳh̄ mehna wahaya, niahye angel.

⁹ Tiquiro sa niḡ ti tuc̄p̄ ijiriquiro wijia, angel bato wahaa wahahye tiquiro. Sa wahaeperota oh̄ saha ni t̄hotumahye tiquiro. “¿Ahri poto ijieragari? ¿Queh̄ḡ niagari ȳh̄?” ni, t̄hotumahye tiquiro.

¹⁰ Sa ye tiquina tiquiro ijiri tuc̄ sopecahap̄ ducuyequina surarare

ȳh̄d̄ c̄a, apequina yoa cj̄no ducuyequina ḡh̄are ȳh̄d̄ c̄a, pajiri sopecahap̄ esahye. Ti sope pahma macap̄ wahari mahare cahmotari pahma ijiahye. Ti sope pahma esa tuharo par̄ḡ tiquina wijiaa wahahye. Wijiaa waha, tiquina mahap̄ wahaa wahahye. Mehenoḡ tiquina waha nemoḡ angel pehe wahaa wahahye. Sa yero Pedro ihc̄aquiota tojoahye.

¹¹ Sa tiquirore angel tiquiro wahari bato tiquiro yerire Pedro masiahye. Oh̄ saha ni t̄hotuahye tiquiro. “Angel Coh̄cj̄are ohoriquiro peresup̄ ȳh̄ ijiḡ ȳh̄are wioro wihiri. Yojop̄ tire masiaja tiquiro sa yerire. Judio masa pehe ȳh̄are tiquina ye duarire Coh̄cj̄are pehe tiquinare ye dutierari. Sa yero ȳh̄are, Herode tiquiro peresu yeriḡare wiori”, ni, t̄hotuahye Pedro.

¹² Tiquiro sa ni t̄hoturi bato María Ñu pacoro ya w̄h̄p̄ esahye Pedro. Ñu pehe Marco wame tiriquiro ijiri. Ti w̄h̄p̄ masa peyequina cahme-coa, Coh̄cj̄are siniñe niahye.

¹³ Sa yero Pedro sope pahmare doteahye. Rode wame tiricoro cahac̄j̄no tiquiro doteḡ t̄horu ihñano esahye ticoro.

¹⁴ Sa yero Pedro ticorore tiquiro pisuḡ t̄horu tiquiro yahuducuyere t̄ho masi, tutuaro bucue, sopecahare p̄oedahye. Sa bucuemeno tiquirore p̄oboricoro boaa wahahye. Pedro top̄ tiquiro ducuḡta ticoro majared̄ca oma saj̄a wahahye.

—Pedro sopecahap̄ wihiri, ni, yahuro saj̄ahye.

¹⁵ Sa ye tiquina w̄h̄p̄ ijiequina ticoro sa niḡ t̄hoye,

—Sa nic̄o niaga m̄h̄. Sa ni macac̄o nine m̄h̄, niahye tiquina ticorore.

—Poto tjire. Poto nigota niaja, niahye ticoro.

Ticoro sa niḡ t̄hoye,

—Tiquiro ijieraga. Tiquiro jeripohna wihiro niaga, niahye tiquina pehe.

16 Tiquina sa nini watoa Pedro sope pahmare sata doteducuro ni-ahye. Tiquiro sa yegã tãhoye, tiquina sopechare põo, tiquirore ihña, ihña maria wahahye.

17 Sa yero Pedro tiquiro omoca mehna “Dihta mariahña”, nino, Cohãcjũ peresupũ tiquirore wiorire yahuahye tiquinare.

—Ahrire yahuya Santiagore, apequna Jesu yequina gãhãre, niahye tiquiro.

Sa ni yahu tuhãsa tiquiro ape sie pahrẽpũ yahdu cãa wahahye.

18 Sa ye bohrea quehagã surara Pedro tiquiro dũhse ye wijiarire ne masiedahye. Sa masiedaye acũaa wahahye.

19 Sa yero Herode Pedrore maca dutimahye. Sa yero tiquiro surarare peresu cohteriquinare tiquiro sinituri bato tiquinare wejẽ dutiahye Herode pehe. Sa yero Herode Judeapũ ijiriquiro waha, Cesareapũ ijiro wahahye.

Herode yariaa wahahye

20 Sa yero Tiro wame tiri maca cjẽna mehna, Sidõ cjẽna mehna Herode pehe usuahye. Tiquiro sa usuagã ihñañe ti macari cjẽna pehe Herode tiquina mehna tiquiro usarire quehnoñe waha, tiquiro mehna yahuducuye wahahye. Sa ye tiquiro cahacjãnore Blasto wame tiriquire piti tiahye tiquina. Sa ye tiquina Blasto yedohoro mehna Herode cahapũ esahye. Tiquiro cahapũ esa, ohõ saha niahye:

—Mari quehnoano ijiihna. Mari basi ihña tuhtieracũhna, ni siniahye tiquina Herodere.

Tiquina ya yehpa cjẽna Herode ya yehpapũ ihyayere bocaie tiahye. Sa ye Herode tiquinare ihña tuhtigã cahmedahye tiquina.

21 Sa yero Herode tiquiro queori decopũ, pũhtoro tiquiro sañañe suhti quehnoañe suhtire sañahye tiquiro. Sa yero tiquiro dujiropũ dujitjiãno, masare yahuducu ihñoahye.

22 Tiquiro sa yahuducu ihñoãgũ tãhoye masa pehe sañuducuahye:

—Ahriquirõ yahuducuriquiro masano ijierare. Cohãcjũ ijire, ni sañuducumahye tiquina Herodere.

23 Tiquina sa nigãta Cohãcjũ yaquiro angel Herodere dohatiyere ohoahye. “Cohãcjũ ijieraja yahũ”, ne niedahye Herode. Tiquiro sa niedari buhiri angel tiquirore dohatigã yeahye. Tiquiro sa dohatigã tiquirore becoa ihya wejẽ cãhye.

24 Sa ye Jesu yequina peyequina masare Jesu ye buheyere buheetiahye.

25 Sa ye Bernabé, Saulo mehna buhe peho, Jerusalẽpũ ijiyequina Antioquíapũ tojoaa wahahye. Sa ye Ñu Marco wame tiriquire tiquina ne cãhye tiquina mehna.

13

Jesu yequina Bernabé Saulo mehna Cohãcjũ yere buhe dutiye ohoahye

1 Ti pjere Antioquíapũ Cohãcjũ yequina mehna cjẽna, Cohãcjũ yere yahu mãhtariquina ijiahye. Masare buheyequinata ijiahye tiquina gãhũ. Bernabé, Simo Negro wame tiriquire, Ludio Cirene cjũno, Manae, Saulo mehna tiquina ijiahye. Manae pehe pũhtoro Herode manano mehna tiquina pũaro ihcãno mehna bucũariquina ijimahye.

2 Sa ye tiquina Cohãcjũre tiquina ño peori watoa, tiquina sijiri watoa, Espiritu Santo pehe yahuahye tiquinare.

—Bernabé, Saulo mehna cũña yahũ cahmeno saha yeatiquinare. Tire yeatiquinare bese cũgũ niaja tiquinare, niahye Espiritu Santo.

3 Tiquiro sa nigã tiquina pehe siji Cohãcjũre sini, Bernabé bui Saulo bui tiquina omocarine duhu peoahye. Sa duhu peoye tiquinare buhe dutiye ohoahye.

Chiprepũ Jesu cũriquina buheahye

4 Sa ye tiquina Saulo, Bernabé mehna Espiritu Santo tiquiro

ohoriquina ijiye, Seleuciapɤ esa, ti macare yɤhdɤ cã, Chipre wame tiri nɤcɤopɤ esahye tiquina.

⁵ Sa ye Salamina wame tiri petamapɤ esahye. Ti macapɤ judio masa buheye wɤhɤsepɤ, Cohãcjũ yere yahu dɤcahaye tiquina. Sa yero Ñu Marco gũhɤ tiquina mehna waha, tiquinare yedohoahye.

⁶ Sa ye tiquina ti nɤcɤo sohtoapɤ maja, ti nɤcɤo topepɤ ijiri macapɤ Pafowame tiri macapɤ esaye, yairore boca sahye tiquina. Tiquiro judio masɤno, Barjesu wame tiri tiquiro iji-ahye. Barjesu griego ye mehna niñe Elima tiquina ni pisuriquiro iji-ahye. “Cohãcjũ yere yahu mɤhtagɤ ijiaja yɤhɤ”, ni, masare ni mehoducuriquiro ijiahye tiquiro.

⁷ Sa yero tiquiro Sergio Paulo wame tiri tiquiro mehna cjũno ijiahye. Sergio Paulo pehe ti nɤcɤo cjẽna pɤhtoro masi pehoriquiro ijiahye. Sa yero Cohãcjũ yere tɤho duaro tiquinare Bernabé, Saulo mehna pijioahye tiquiro.

⁸ Tiquiro sa pijiopegũta Elima, yairo pehe tiquinare buhe dutier-ahye. Tiquiro Sergio Paulo Jesu yere tiquiro ño peogũ cahmesãedahye yairo pehe. Sa yero yairo pehe Sergio Paulore Cohãcjũ yere cohã dutiro nimahye.

⁹⁻¹⁰ Tiquiro sa cohã dutiepegũta Saulo, Pablo tiquina nidiquiro Espiritu Santore cɤoriquiro ijiro, yairore quehnoano ihña diho cũ tiquirore yahuahye:

—Mɤhɤ ni mehoñe peyagɤ, ñagɤ, watĩno tiquiro dutiyere yegɤ, quehnoañene ihña yabigɤ ijire mɤhɤ. ¿Dɤhse yegɤ Cohãcjũ yere “Ni mehoñe ijire”, sa niducujari mɤhɤ?

¹¹ Mɤhɤ sa nigũ Cohãcjũ caperi bajúeragũ yerota mɤhɤre. Sa yegɤ meheñe decorigã mɤhɤ ihñasi, niahye Pablo.

Tiquiro sa nigũta yairo pehe bueri yero saha ijiyere ihña mɤhtano, nahitiano dihitare ihñahye. Sa yero tiquirore tɤãtiquirore macahye tiquiro.

¹² Tiquiro sa wahagũ ihñano, Sergio Paulo pehe Jesu yere “Ijirota ijire”, ni masiahye. Mari pɤhtoro yere tiquiro tɤho, tɤho maria waha, Jesure wacũ tutua dɤcahaye.

Pablo Bernabé mehna Antioquíapɤ Pisidia yehpapɤ ijiri macapɤ ijiahye

¹³ Sa ye Pablo gũhɤ Pafopɤ ijiriquina yucɤsa mehna waha, Pergepɤ esahye. Perge Panflia yehpapɤ ijire. Topɤ esa, Ñu Marco tiquinare cohã cã, Jerusalẽpɤ wahaa wahahye.

¹⁴ Sa ye tiquina Pergepɤ ijiriquina waha, Antioquíapɤ esahye. Antioquía Pisidia yehpapɤ ijire. Topɤ esaye, saurú deco ijigũ tiquina judio masa buheri wɤhɤpɤ sajã sa, topɤ dujiahye.

¹⁵ Sa ye ti wɤhɤre cohteyequina Cohãcjũ dutiyere, Moisepɤ marine tiquiro cũrire, Cohãcjũ yere yahu mɤhtariquina tiquina ojoarire tiquina buheri bato tiquina pijiahye Pablo gũhɤre.

—¿Usã acaye, masare mɤsa yahu duaye ijiajari? Tire yahu duana yahuya mianogãta, niahye ti wɤhɤre cohteyequina.

¹⁶ Tiquina sa nigũ tɤhoro, Pablo wahcãdɤca sa, “Yahuducueracãhña”, nino tiquiro omoca mehna quẽ dijoahye. Tiquina dihta mariagũ ihñano, tiquiro ohõ saha niahye:

—Israe masa, Israe masa ijiena gũhɤ mari Pacure ño peona, tɤhoya mɤsa.

¹⁷ Mari ñecɤsumɤa mɤna panopɤ cjẽna Cohãcjũre ño peoe tiahye. Tiquina mɤnare Cohãcjũ besee tiahye. Sa ye mari ñecɤsumɤa mɤna yoari pje Egiptopɤ ijie tiahye ape yehpa cjẽna ijiepetã. Topɤ tiquina ijigũ Cohãcjũ quehnoano yee tiahye tiquinare. Sa ye peyequina masaputiahye tiquina. Ohõ saha yeahye tiquinare. Tiquinare Egiptopɤ ijiriquinare tiquiro tutuaye mehna wioahye Cohãcjũ.

¹⁸ Tiquiro sa wiori bato tiquina cuarenta cɤhmari waro masa marienopɤ tinie tiahye. Topɤ

tiquirore tiquina yuhduacagũ Cohãcjũ sata tuhutu cãhye.

19 Sa yero Canaa wame tiri yehpapare siete cururi cjẽnare cohã tuhasa, Cohãcjũ ti yehpare ohoahye Israe masa pehere.

20 Ti ijipihiyere tiquina yegũ cuatrocientos cincuenta cãhmari waro yuhduahye. Camepũ masare dutiatiquinare cãhye Cohãcjũ Israe masare. Cohãcjũ tiquiro cãriquina Samuel tiquiro ijigũpũ iji bato tie tiahye. Samuel pehe Cohãcjũ yere yahu mãhtariquiro ijie tiahye.

21 Came Israe masa pehe tiquina pãhtoro ijiatiquirore macae tiahye. Sa ye Cohãcjũre sinie tiahye. Tiquina sa sinigũ ihãano Cohãcjũ Saulore cãhye tiquinare. Saulo Cis macũno ijiro, Benjami ya curua cjũno ijiahye. Sa yero cuarenta cãhmari waro tiquina pãhtoro ijiatiquiro cãhye Cohãcjũ tiquirore.

22 Sa yero Cohãcjũ Saulore tiquiro cohãri bato Davire cãhye tiquiro. Ohõ saha niahye Cohãcjũ Davire: “Davi Isai macũnore bocaũ yuhũ. Tiquiro mehna bucueaja yuhũ. Tiquiro yuhũ cahmeñene yerota”, niahye Cohãcjũ.

23 ‘Ahriquiro Davi panamino iji turariquiro ijire Jesu. Cohãcjũ Jesure cãri jiri Israe masare yuhduoatiquiro. “Masare quehnoano yeitja”, niahye Cohãcjũ. Tiquiro nidiro sahata yeri tiquiro.

24 Tiquiro sa yeato pano Jesu wihiato pano Ñu ohõ saha ni buheri jiri: “Mũsa ñañene bujua witiya. Quehnoañe pehere comesaya. Sa yena wame yenohrina ijiya”, ni buheri jiri Ñu ijipihiyequina Israe masare.

25 Sa yero Ñu tiquiro buhe bato tiato pano, tiquiro yariato pano ohõ saha ni yahue tiri jiri: “¿Noa boro ijiajari yuhũ, masa tuhutugũ? Cristo ijieraja yuhũ. Apegũ ijiaja. Yuhũ sa ijiepegũ tuhoya yuhũre. Yuhũ bato yuhũ yuhduoro tutu-ariquiro ahtarota. Tiquiro quehnoa yuhduariquiro ijire. Tiquiro yero

saha ijieraja yuhũ”, ni yahuahye Ñu masare.

26 ‘Yuhũ acaye, Abrahã panamena iji turiana, Israe masa ijiena gũhũ ijipihitina mari Pacũre ño peona, marine ahri tiquiro yuhduoatire yahuri buheyere ohori jiri mari Pacũ.

27 Jerusalẽ cjẽna tiquina pãhtoa mehna saurũ decori ijigũ Cohãcjũ yere yahu mãhtariquina tiquina ojoarire buhepeta quehnoano masiedari jiri. Sa masiedaye, Jesu tiquinare yuhduoatiquiro tiquiro ijigũ gũhũre masiedari jiri. Tiquina sa masiedapeta Jesure wejẽ dutiahye. Sa yeye Cohãcjũ yere yahu mãhtariquina tiquina ojoariro sahata yeye niahye.

28 Tiquirore tiquina wejẽato pano tiquina Jesure yahusãmahye. Sa ye tiquiro ñañene yerapegũta tiquina Pilatore Jesure wejẽ dutiye tee, sini-ahye.

29 Sa ye panopũ tiquina ojoariro sahata Jesure ye tuhasa, tiquirore curusapũ ijiriquirore ne dijio, masa copepũ utãre tiquina seheri copepũ cãhye tiquirore.

30 Sa ijiepegũta tiquiro yariari bato Cohãcjũ masori jiri tiquirore.

31 Sa ye Galileapũ ahtariquina Jerusalẽpũ tiquiro mehna esariquina peye decori tiquirore yaria masa bajuariquirore ihãae tiahye. Sa ye yojopũre tiquirore tiquina ihãarise masare yahuri tiquina.

32-33 ‘Sa yena quehnoañe buheyere yahuaja usã mũsare. Cohãcjũ mari ñecũsumũare “Masare quehnoano yeitja”, panopũ tiquiro nidiro sahata yojopũre marine tiquina acayere yeri. Tire tiquiro yahurire ohõ saha yeri tiquiro. Cohãcjũ Jesure masori jiri. Sa yena Jesure tiquiro masorire yahuaja mũsare. Pũaro Salmopũ panopũ tiquina ojoariro sahata sa wahari jiri. “ ‘Mũhũ yuhũ macũ ijire. Miare mãhũre bajuagũ yei’, nine Cohãcjũ tiquiro macũnore”, ni ojoahye panopũre.

34 Sa yero Cohãcjũ Jesure tiquiro masoatire pari turi tiquiro yarier-

atire yahuyuro ohō saha ni, yahu ojoahye Salmore ojoariquiro. “Davire yahu paja ihñariro sahata tiquirore yahu nidiro sahata potota quehnoano yegutja mahū gūhare’, nidi Cohācjū”, ni ojoahye.

³⁵ Sa yero ape Salmo gūhare ohō saha ni, yahuahye: “Cohācjū mahū cahacjēno quehnoariquiro tiquiro pagare ahba dutierare mahū”, ni, ojoahye.

³⁶ Sa yero Davi Cohācjū tiquiro cahmediro sahata tiquiro ijiri pje cjēnare yedohoahye. Came tiquiro yariaa wahahye. Tiquiro yariari bato tiquiro pacusumūare tiquina yeriro sahata yahye tiquiro gūhare. Sa yero tiquiro ahbaa wahahye.

³⁷ Tiquiro sa ahbaepēgūta ahriquiro, Cohācjū tiquiro masoriquiro pehe ne ahbaerari.

³⁸ Sa yena mūsa yahu acaye ahrire masiña: Cohācjū mūsa ñañene tiquiro cohātire mū sare yahuaaja usā. Jesu pehe ñañene cohātiquiro ijire.

³⁹ Sa yero tiquirore wacū tutu-ayequinare tiquiro tiquina ñañe yerire borota. Moiserē Cohācjū cūri dutiyere mūsa yeri mehna Cohācjū cahapū wahasi mūsa. Sa yero dutiyere yeye mehna yūhdū duayequinare tiquina ñañene cohāsi Cohācjū.

⁴⁰ Sa yena quehnoano yeya. Mūsa quehnoano yeragū Cohācjū yere yahu māhtariquina tiquina ojoariro sahata mū sare wahaboaga. Ohō saha ni ojoahye:

⁴¹ Tūhoya mūsa. Ñano ni bujūpena, yūhare ihña tuhtina ijire mūsa. Yūhu ohō saha yegū cueya mūsa. Sa yena butia wahaya. Mūsa ijiye decorire Cohācjū tutuaye mehna mū sare ye ihñogutja. Yūhu sa ye ihñogū ihñāepenata “Ijirota ijire”, nisi mūsa. Apequiro tire mū sare tiquiro quehnoano yahuepēgūta “Ijirota ijire”, nisi mūsa, ni ojoahye Cohācjū yere yahu māhtariquiro, ni yahuahye Pablo tiquinare.

⁴² Tiquiro sa ni yahuri bato judio masa buheri wūhapū tiquina wi-jiari bato masa tiquirore tūhoriquina pehe tiquinare siniahye:

—Ape semanapū saurū ijigū usāre ahrire buheya tja, ni siniahye tiquina Pablo gūhare.

⁴³ Sa ye ti wūhapū ijiriquina wijia, judio masa peyequina, judio masa ijieyequina gūhu Pablo gūhu mehna wahahye. Judio masa ijieyequina judio masa yere buheyequina ijiahye. Tiquina sa wahagū Pablo, Bernabé mehna quehnoano yahuahye tiquinare. “Cohācjū mū sare cahñe. Sa yena tiquirore ño peoducuya”, ni buheahye tiquina.

⁴⁴ Sa ye ape semanare saurū ijigū ijipihtiyequina Jesu yere tūho duayequina cahmecoahye.

⁴⁵ Sa yepegūta judio masa pehe peyequina masare Jesu yere tūho duayequinare ihñañe, ihña tuhtiahye. Sa ihña tuhtiyē tiquina sijoro ni yahuducu, Pablore ñano quititi dojomehneahye. “Mū sare tiquiro buheye poto ijierare”, niahye tiquina.

⁴⁶ Tiquina sa nigū tūhoye, Pablo, Bernabé mehna tiquinare quititi dojomehnediquinare cuero marieno yahuahye:

—Cohācjū tiquiro dutiriro sahata mū sare buhe māhtami usā. Usā sa buhepegūta mūsa pehe tire cahmeda tuhasari. Ijipihtiyē decori Cohācjū mehna ijiye gūhare cahmeda tuhasari mūsa. Sa yena usā pehe judio masa ijieyequina pehere buhe dūcanatja.

⁴⁷ Sata dutiahye mari pūhtoro usāre:

“Mūsa judio masa ijieyequinare buhena tiquinare Cohācjū yere quehnoano masigū yenata mūsa. Sa yegū mūsa yoaropū ijieyequinare mūsa buhegū tūhoyequinare tiquina pehere pecapū wahaboriquinare yūhdūogutja yūhu”, ni yahuahye usāre

Cohãcjũ, ni yahuahye Pablo, Bernabé mehna.

⁴⁸ Tiquina sa nigũ tãhoye judio masa ijieyequina pehe bucueahye. “Cohãcjũ ye pehe quehnoañe ijire”, niahye tiquina. Sa ye Cohãcjũ tiquiro cahmeñequina ijipihtiye decori tiquiro mehna tiquina ijiatire tiquiro ohõ duariquina Jesure wacũ tutua dũcahye.

⁴⁹ Sa ye mari pũhoro Cristo yere ti yehpapũre yahu pehoahye.

⁵⁰ Tiquina sa yahugũ ihñañe judio masa coerahye. Topũ mari Pacũre ño peoye numia, quehnoañe numia ijiahye. Sa ye judio masa Pablo gũhare ñano ni yahu wajahye. Tiquina sa ni yahu wajagũ tãhoye ti numia Pablo mehna, Bernabé mehna gũhare usuahye. Sa ye ti maca cjẽna pũhota gũhũ tiquina mehna usuahye. Sa usuaye to cjẽna ñano yeahye Pablo gũhare. Tiquina sa yeri bato Pablo gũhare tiquina ya yehpapũ ijieyequinare cohã wioahye.

⁵¹ Tiquina sa yegũ ihñañe Pablo, Bernabé mehna tiquina dahpocãri cjẽ dihta wahãrire wejẽ site boro cũahye ti maca cjẽna tiquina ñañe buhirire ihñoñe. Sa ye tuhasa tiquina Iconiopũ wahaahye.

⁵² Sa ye tiquina Jesu yequina pajiro bucueye, Espiritu Santo pajiro cũoye, tiquiro dutiro sahata yeyequina ijiahye.

14

Pablo, Bernabé mehna Iconiopũ ijiahye

¹ Sa ye Pablo, Bernabé mehna judio masa buheri wũhũpũ sajã, Jesu yere yahuahye. Sa ye judio masa peyequina Jesure wacũ tutua dũcahye. Sa ye judio masa ijieyequina gũhũ Jesure wacũ tutua dũcahye.

² Sa ijiepegũta judio masa Jesure cahmedariquina gũhũ tiquina mehna ijiahye. Tiquina judio masa ijieyequinare usuagũ yeahye. Jesu yequina mehna tiquinare usuagũ yeahye judio masa pehe. Tiquina

sa yegũ judio masa ijieyequina ñano tãhotuahye Jesu yequinare.

³ Tiquina sa tãhotugũ ihñañe Jesu yequina Pablo, Bernabé mehna topũ yoari pje ijieye, cuero marieno mari pũhoro yere quehnoano buheahye. Cohãcjũ masare tiquiro cahñene buheahye. Tiquina sa buheri watoa Cohãcjũ tutuaye mehna ye ihñoahye, “Ahri buheye ijirota ijire”, niñe.

⁴ Sa ijiepegũta ti maca cjẽna deco mehna judio masa yere cahmeñequina tojoahye. Deco mehna Jesu yere cahmeñequina gũhũ tojoahye. Tiquina pũa curua tojoahye.

⁵ Sa ye judio masa ijieyequina, judio masa, tiquina pũhota mehna Jesu cũriquinare ñano yemahye. Hã paca mehna doque wejẽ duamahye tiquinare.

⁶ Tiquina sa ye duarire masiñe, Pablo, Bernabé mehna Licaonia yehpapũ duhti cãa wahahye. Ti yehpapũ ijiri maca Listra wame tiri macare yũhdũ cã, Derbepũ esahye.

⁷ Topũ esaye, quehnoañe buheyere buheahye tiquina.

Listrapũ Pablore hã paca mehna doqueahye

⁸ Sa ye Listrapũ tini masieniquiro ijiahye. Tiquiro wahma masa bajaranpũta tini masieniquiro ijiahye.

⁹⁻¹⁰ Sa yero tiquiro Pablo buhegũ tãhoahye. Tiquiro tãhori watoa Pablo pehe tiquiro dihitare ihñañe.

—Ahriquiro Jesure wacũ tutuare. Sa yero tiquiro quehnoariquiro waha duare, ni tãhotuahye Pablo.

Sa ni tãhoturo tutuaro mehna ohõ saha niahye Pablo tiquirore:

—Wahcãdũcaya, niahye Pablo tiquirore.

Tiquiro sa nigũ tãhorota tini masieniquiro pehe uhpudũca sa, wahaahye.

¹¹ Pablo sa yegũ ihñañe masa sañuducuahye. Tiquina Licaonia ye mehna sañuducuahye.

—Cohãmana, masa saha bajuyequina hũmũsepũ ijieyequina mari

cahapu dijia tari jiri, ni sañuducuahye tiquina.

12 Sa ye tiquina Bernabére “Zeus”, ni, pisuahye. Sa ye Pablo buhe m̄htariquiro p̄htoro yero saha tiquiro ijigã ihñañe “Hermes”, ni, pisuahye tiquina tiquirore.

13 Sa yero Zeure ño peoyequina ya wuhu ti maca d̄htu cahapu ijiahye. Sa yero Zeus yequina tiquina yaquiro pahí pehe wec̄are, cohorí mehna macapu sajã tari sopecaha cahapu ne cãhtahye. Zeure ño peo duaro wec̄are oho duamahye. Sa yero tiquiro wec̄are ujã m̄oñe mehna Pablore, Bernabére ño peo duamahye tiquiro, masa mehna.

14 Tiquina sa yegã ihñañe Pablo, Bernabé mehna tiquina basi tiquina ye suhtire t̄hr̄doqueoahye tiquina b̄jua witiyere masare ihñoñe tehe. T̄hr̄doqueo tuhasa masa watoa oma cã, sañuducuahye tiquina:

15 —Musa ohõ saha yeracãhña. Usã gãhu musa yero sahata masa ijiaja. Musa ohõ saha yeye ne d̄hseati ijierare. Sa yena musare buhena ahtau musa ohõ saha yeyere duhu dutina tana. Ahriquina cohãmanare musa yeriquinare ñañequinare cohãña. Sa yena Cohãcjãre catiriquiro pehere ño peoya. Cohãcjã pehe uhm̄sere, yehpare, pajiri mare ijipihtiyere yeriquiro ijire.

16 Sa yero tiquiro panopu ijipihtiyere macari cjẽna tiquina yerire sa ihña cãhye.

17 Sa yeperota tiquiro ijiye tiyere ihñore masare. Tiquiro masare quehnoañene ye, acoro ahtagã ye, d̄ca tigũ ye, masare ihyayere ohoducure. Tiquiro sa ohogã masa bucuere. Sata tiquiro ijiye tiyere ihñore masare, niahye Pablo, Bernabé mehna.

18 Tiquina sa nigũ t̄hoepeta masa wec̄are wejẽ ujã m̄o, tiquinare ño peo duamahye. Sata tiquina ño peo duagũ ihñañe tiquinare sa ye dutierahye Pablo gãhu. Tiquina sa yeyere duhu duerapeta duhuahye.

19 Sa ye apequina judio masa Antioquía cjẽna, Iconio cjẽna gãhu Listrapu esahye. Topu esaye, Pablore ñano yahuducuahye judio masa. Tiquina sa ni yahuducugã t̄hoye, masa tiquiro mehna usuahye. Sa usuaye utã paca mehna doqueahye tiquirore. Utã paca mehna tiquirore doque tuhasa “Ahriquiro yariaa wahare”, niñe, ti maca d̄htu cahapu tiquirore weje sa cũ cã, wahaa wahahye.

20 Tiquina sa yeri bato Jesu yequina Pablore ihñañe esahye. Tiquiro cahapu tiquina cahmecoada ca sagũ waro Pablo wahcãd̄ca, tiquina mehna macapu tojoaa wahahye. Sa ye ape decopu tiquiro Bernabé mehna Derbepu wahahye.

21 Sa ye topu tiquina quehnoañe buheyere peyequina masare yahuahye. Sa ye peyequina Jesu yequina tiquina wahari bato, Pablo gãhu Listrapu esa, ti macare yuhdu cã, Iconiopu esa, ti macare yuhdu cã, Antioquíap̄u Pisidia yehpapu ijiri macapu esa, ti macapu tojoahye.

22 Ti macaripu esaye to cjẽna Jesu yequinare quehnoañe buheyere yahuye, tiquinare quehnoano jeripohna tigũ yeahye. Sa Jesure wacũ tutuaducu dutiye ohõ saha ni yahuahye tiquinare:

—Cohãcjã ijiropu mari waha duana, tutuaro marine ñano yuhduro cahmene, ni yahuahye Pablo gãhu.

23 Sa ye macaripe cjẽnare Jesu yequinare tiquina p̄htoa ijiatire cãhye Pablo, Bernabé mehna. Sa ye tiquina sijiri bato Cohãcjãre siniahye:

—P̄hto, ahriquina m̄hu yequinare ihña ihboya, ni sini basahye tiquina Cohãcjãre, tiquina wacũ tutu-ariquirore.

Pablo Bernabé mehna Antioquíap̄u tiquina iji m̄htari macapu tojoaa wahahye

24 Tiquina sa yeri bato tiquina Pisidia yehpapu ijiriquina wahaa wahahye Panfilia yehpapu.

25 Sa ye Pergepüre tiquina buhe tuhasa, Atalia wame tiri macapü waha wahahye.

26 Sa ye ti macapü esa, Antioquíapü tojoaye, yucüsa mehna waha wahahye. Ti macapüta panopü tiquina ijinigü Jesu yequina Cohäcjü yere buhe dutiye Pablo gühäre ohoahye. Sa ohoye, ohö saha niahye:

—Cohäcjü mühü cahñe mehna ahriquinare ihña ihboya, ni ohoahye tiquina.

Sa ye tiquina buhe dutirire buhe pehoahye Pablo, Bernabé mehna.

27 Sa ye tiquina Antioquíapü tiquina tojoa sari bato Jesu yequina mehna cahmecoa, Cohäcjü tutuaye mehna tiquina yerire yahu pehoahye tiquina. Judio masa ijieyequina gühü Cohäcjü yequina tiquina waharire yahuahye tiquina.

28 Sa ye Pablo gühü topüre Jesu yequina mehna yoari pje ijie tiahye.

15

Jerusalēpü Jesu yequina cahme-coahye

1 Sa ye Judea yehpa cjēna meheñequinagā Antioquíapü esaye, Jesu yequinare ohö saha ni buhe dūcahye tiquina:

—Cohäcjü dutiyere Moiserere cūno ohö saha ni cūahye. Ijipihtiyequina tiquina cuhnucunü sohtoa cahserogāre tiquina yühre neatire yahu cūahye Moiserere. Müsa tire yeragü Cohäcjü müsare yühduosi, ni buheahye tiquina to cjēnare.

2 Sa ni buheye Judea yehpa cjēna pehe cahme dūse tini wiahye Pablo, Bernabé mehna. Tiquina sa cahme dūse tini wiari bato Jesu yequina pehe Pablore, Bernabére apequina to cjēna gühäre Jerusalēpü ohoahye. Judea yehpa cjēna tiquina buherire Jesu cūriquinare, Jesu yequina pūhtoa gühäre sinitu dutiye ohoahye Pablo gühäre.

3 Sa ye Jesu yequina tiquinare ohogü waha, Fenicia yehpare esa, yühdü cā, Samaria yehpapü esahye.

Ti macaripü esaye, judio masa ijieyequina Cohäcjü yere tiquina cahme dūcarire yahuahye tiquina to cjēnare. Tiquina sa yahugü tūhoye to cjēna Jesu yequina tutuaro bucueahye.

4 Sa ye tiquina Jerusalēpü esagü ihñañe to cjēna Jesu yequina tiquiro cūriquina, tiquiro yequina pūhtoa mehna bucueye mehna quehnoano piti cahye tiquinare. Sa ye Pablo, Bernabé mehna Cohäcjü tutuaye mehna tiquina yerire yahuahye tiquina Jerusalē cjēnare. Judio masa ijieyequina Jesu yequina tiquina wahari gühäre yahuahye tiquinare.

5 Sa ijiepegüta topü fariseo masa Jesu yequina meheñequinagā ijiahye. Sa ye tiquina topüre wahcādūca, ohö saha ni yahuahye:

—Tiquinare judio masa ijieyequinare tiquina cuhnucunü sohtoa cahserogāre yühre neno cahmene. “Cohäcjü Moiserere tiquiro dutirire yeya müsa gühü”, nino cahmene tiquinare, niahye tiquina fariseo masa gühü.

6 Tiquina sa nigü tūhoye Jesu cūriquina, Jesu yequina pūhtoa mehna tiquina sa nidire quehnoñe tehe, cahmecoahye.

7 Sa ye peye tiquina yahuducuri bato Pedro wahcādūca yahuahye tiquinare:

—Yühü acaye, panopü yühäre müsa mehna ijirigüre Cohäcjü ohö saha ye dutiro yühäre cūri. Tiquiro yühäre quehnoañe buheyere judio masa ijieyequinare yahu dutiro cūri. Tiquinare Jesure wacū tutua dutiro yühäre tiquinare buhe dutiri.

8 Sa yero Cohäcjü masa tūhotuyere masine. Sa yero tiquiro judio masa ijieyequinare tiquiro yequina tiquiro yerire ihñono taro Espiritu Santore ohori tiquinare, marine tiquiro yeriro sahata.

9 Sa ohoro tiquiro marine tiquina gühäre ihcāno saha quehnoano yeri. Tiquirore tiquina wacū tutuagü tiquina ñañene bori tiquiro.

10 Mari pehe Cohäcjü Moiserere tiquiro cūri dutiyere ye

peho masiedaja. Sa ye mari ñecusumua mana gãhu ti dutiyere ye peho masiedahye. ¿Sa mari ye masiedapegũta dũhse yena Jesu yequinare judio masa ijieyequinare tire ye duti duajari m̄usa? Sa ye dutina Cohãcjũ tiquinare tiquiroyerire “Queoro wahaerare”, nina niaga m̄usa.

¹¹ M̄usa sa niepegũta ohõ saha usã tãhotuaja. Yojoꝑare judio masa ijieyequina yero sahata mari gãhure mari pãhtoro Jesu cahĩne mehna Cohãcjũ yãhdũorota, niahye Pedro tiquinare.

¹² Tiquiroyerire sa nigũ tãhoye ijipihtiyequina dihta maria wahahye. Sa ye Pablo, Bernabé mehna judio masa ijieyequina watoa Cohãcjũ tutuaye mehna tiquina ye ihñorire yahuahye tiquinare.

¹³ Sa tiquina yahu tuhasari bato Santiago yahuahye.

—Acaye, tãhoya yãhure.

¹⁴ Cohãcjũ judio masa ijieyequinare tiquiroyerire yequina wahagũ yeahye. Coã tiquinare sa wahagũ yeahye. Tire yahu tuhasari marine Pedro pehe.

¹⁵ Panopũ cjẽna Cohãcjũ yere yahu m̄ãhtariquina tiquina yahuriro sahata sa wahari judio masa ijieyequinare. Ohõ saha ni mari Pacũ yere ojoahye tiquina:

¹⁶ Panopũ Davi m̄anano ya curua cjẽna tiquina pãhtoa tiquina ijiri pihtia wahari. Came tojoa tãutja yãhu. Sa yegũ pari turi Davi ya curua cjãnore pãhtoro sõutja.

¹⁷ Yãhu sa yeri bato ijipihtiyequina apequina judio masa ijieyequina yãhure tiquina pãhtore cahmeeta tiquina. “Yeequina ijiya”, yãhu ni pisuriquina pehe yãhure cahmeeta.

¹⁸ Sata nine mari pãhtoro. Panopũ tiquiroyerire masare yahue tiri jiri, ni ojoahye Cohãcjũ yere yahu m̄ãhtariquina.

¹⁹ Sa yegũ ohõ saha tãhotuaja yãhu. Judio masa ijieyequinare Cohãcjũ

yere wahma cahme dũcayequinare peye ye dutieracãhna mari.

²⁰ Sa dutierapenata tiquinare ojoa ohouhna mari. Ohõ saha ni, ojoa ohouhna. “Ñãne ihyayere, ‘Cohãcjũ ijire’, tiquina nimesi queoyere ño peo tiquina duhu peori ihyayere ihyeracãhña. Sa yena wãana tieracãhña. Sa yena wãma tiquina ñehe wejẽdiquinare wahiquinare ihyeracãhña. Diire sihniedacãhña”, ni yahu ojoa ohouhna.

²¹ Yoari pje judio masa buheye wãhãsepũ saurũ ijigã Cohãcjũ Moiseretiquiroyerire cũri dutiyere buhee tiri masa. Sa ye ijipihtiye macariꝑũ Moise tiquiroyerire yahuyere buhee tiri. Sa yena yãhu ni diro sahata judio masa ijieyequinare Jesu yequinare ojoa ohouhna, judio masa pehe tiquina mehna “Usuari”, nina, niahye Santiago.

Judio masa ijieyequinare Jesu yequina pãhtoa ojoa ohoahye

²² Ti pjere Jesu cũriquina, Jesu yequina pãhtoa ijipihtiyequina Jesu yequina mehna pãaro tiquina mehna cjẽnare beseahye tiquina ohoatiquinare. Antioquíapũ Pablo, Bernabé mehna wahatiquinare tiquinare bese ohoahye. Sa ye tiquina Judare, Sila mehna ohoahye. Juda pehe Barsaba pãaro wame wame tiahye. Tiquina acaye Jesu yequina tiquinare ño peoahye.

²³ Tiquinare tiquina beseri bato Jesu yequina ojoari pũre ohoahye tiquina mehna. Ohõ saha ni ojoahye tiquina:

—Jesu cũrina, tiquiroyerire yequina pãhtoa, m̄usa acaye Jesu yequina mehna usã quehnoa dutiaja m̄usare. Ijipihina judio masa ijenare Antioquíapũ, Siriapũ, Ciliciapũ ijinare m̄usare Jesu yequinare quehnoa dutiaja usã.

²⁴ Usã mehna cjẽna m̄usa cahapũ esaye, m̄usare peye dutiyere ye dutiñohti. Sa ye m̄usare cariboñohti. Tiquina sa dutiepegũta usã pehe tiquinare tire buhe dutina ohoerũ.

25-26 Sa yena usã ijipihtina ihcãno mehna m̄sa cahap̄u ohoatiquinare usã besei. Mari cahĩnequinare Pablo, Bernabé mehna Cristo Jesu mari p̄h̄toro yere cuero marieno tiquina buhegã peye tahari apequina tiquinare wejẽmahye. Tiquina sa wejẽ duagã mehenogã mehna ȳh̄d̄mahye tiquina. Tiquina mehna usã beseriquinare yojop̄are ohoaja.

27 Sa yena Judare, Sila mehna m̄sa cahap̄u ohoaja. Usã ojoarire tiquina pehe m̄sare yahueta.

28 Esp̄ritu Santo wacũno sahata usã gãh̄u t̄hotuaja. Ohõ saha ijire ti: Apeye dutiyep̄are c̄uedaja m̄sare. Ahri dutiye dihitare c̄unatja m̄sare:

29 Nãne ihyayere, “Cohãcjũ ijire”, tiquina nimesi queoyere ño peo tiquina duhu peori ihyayere ihyeracãh̄na. Diire sihniedacãh̄na. Wam̄na tiquina ñehe wejẽdiquinare wahiquinare ihyeracãh̄na. Sa yena w̄ana tieracãh̄na. Ahri ȳh̄u ye dutierarire yerana quehnoañene yena ninata m̄sa. To puno tjire m̄sare usã yahu duaye, ni ojoa ohoahye Jesu yequina Jerusalẽp̄u ijiyequina.

30 Ti p̄ure ojoa tuhasa, ohoahye Antioquíap̄u wahayequinare. Tiquina ohori bato waha, Antioquíap̄u esahye. Top̄u tiquina esari bato peyequina masare cahmecoa duti, tiquina ojoari p̄ure wiahye tiquinare.

31 Ti p̄ure tiquina buheri bato quehnoañene tiquina yahugã t̄hoye, quehnoano bucueahye.

32 Sa ye Juda, Sila mehna Cohãcjũ yere yahu m̄htariquina ijiye, yoari pje Jesu yequinare Cohãcjũ yere yahuahye. Tiquina sa yahugã t̄hoye, Jesu yequina pehe bucue, quehnoano jeripohna tiahye.

33 Sa ye Juda, Sila mehna top̄u meheñe decorigã tiquina ijiri bato tiquina tojoa tagã to cjẽnare tiquina cohe tigã, “Quehnoano wahaya m̄sa”, niahye Antioquíã cjẽna. Sa ye Juda gãh̄are ohoriquinare quehnoa dutioahye. Tiquina sa nidi bato Juda pehe tojoaa wahahye.

34 Sa ijiepegũta Sila pehe top̄ata tojoa cãhye Antioquíap̄ata.

35 Sa ye Pablo, Bernabé gãh̄u meheñe decorigã tojoarĩahye ti macap̄u. Sa ye tiquina apequina peyequina mehna Jesu yere buheahye.

Pari turi Pablo quehnoañene buheyere buhe tinino wahahye

36 Sa ye meheñe decorigã bato Pablo, Bernabé mehna yahuducuahye:

—Ijipihtiyequinare mari buhe d̄ucariquinare ihñana wahañna tja, niahye Pablo gãh̄u tiquina basi.

37 Sa yero Bernabé pehe N̄ure tiquina mehna nea duamahye. N̄u Marco p̄aro wame wame tiriquire ijiyahye.

38 To pano tiquiro tiquina mehna Panfiliap̄u esaro tiquina mehna tojoerahye. Tiquina yerire ihcãno sahaeraro, tojoaa wahahye. Tiquiro ihcãno sahaeragã ihñano Pablo pari turi tiquirore nea duerahye.

39 Tiquiro nea dueragã ihñano Bernabé Pablo mehna p̄aro tiquina basi cahme yahuducu cahme tu wahye. Bernabé pehe Chipre wame tiri n̄sc̄op̄u Marco mehna pehãa wahahye.

40 Pablo pehe Sila mehna piti ti cã, wahahye. Sa ye tiquina buheye wahato pano Jesu yequina tiquinare ohoye, “Cohãcjũ m̄sare quehnoano ihña ihboahro”, niahye. Tiquina sa nidi bato Pablo, Sila mehna waha wahahye.

41 Sa wahaye, Siria yehpap̄u, Cilia yehpap̄u gãh̄are esaye, top̄u Jesu yequinare quehnoano jeripohna ti bucuegã yeahye tiquinare.

16

Timoteo Pablo mehna wahahye

1 Tiquina sa yeri bato Pablo gãh̄u Derbep̄u, Listrap̄u esaye, Timoteore boca sahye. Timoteo Jesu yaquire ijiro, judio masono macano ijiyahye

tiquiro. Tiquiro pacoro gũhũ Jesu yacorota ijiahye. Tiquiro pacuro pehe griego masano ijiahye.

² Sa ye Listra cjēna, Iconio cjēna Jesu yequina ohō saha niahye Timoteore: “Timoteo masa quehnoariquiro ijire”, ni yahue tiahye.

³ Sa yero Pablo Timoteore nea duahe. Sa ijiepegāta ti yehpa cjēna judio masa pehe Timoteo pacuro griego masano tiquiro ijigũ masiahye. Sa yero Pablo judio masare “Usuari”, nino, Timoteo cuhnucunũ sohtoa cahserogāre yahre neahye. Judio masa dutiye nidiro sahata yeahye.

⁴ Tiquiro sa yeri bato tiquina esari macari cjēnare tiquina dutiyere ojoari pũ cjēne yahuahye. Ti pũ Jesu cūriquina, tiquiro yequina pũtoa mehna Jerusalēpũ ijieyehna tiquina ojoari pũ ijiahye. Sa ye ti dutiyere quehnoano yahuahye to cjēnare Jesu yequinare.

⁵ Tiquina sa yahugũ tũhoye Jesu yequina pehe Jesure wacũ tutua nemoahye. Sa ye Jesu yequina decoripe peyequina wahaducuahye.

*Pablo quehẽnopũ Macedonia
cjānore ihñahye*

⁶⁻⁷ Sa yero Asia yehpapũ pehere quehnoañe buheyere buhe dutierahye Espĩritu Santo tiquinare. Sa ye tiquina Frigia yehpare yũhdũa, Galacia yehpare yũhdũa, Misia yehpa dũhtũ cahapũ esahye. Bitinia yehpa pehe waha duamahye. Tiquina waha duepegāta Espĩritu Santo pehe tiquinare topũre waha dutierahye.

⁸ Tiquiro sa nidi bato tiquina pehe Misia yehpare yũhdũa, Troapũ wihiri.

⁹ Topũ tiquiro wihiri bato ohō saha quehẽahye Pablo. Macedonia yehpa cjāno tiquiro caha ducugũ ihñahye tiquiro. “Usāre Macedonia yehpa cjānare yedohogũ ahtaya”, ni, pijiahye tiquiro Pablöre.

¹⁰ Tiquiro quehẽdi bato wahcã, usã yere quehno tuhasa, Macedoniapũ

wahaa wahapũ usã. “Cohãcjũ ti yehpapũre quehnoañe buheyere buhe dutiro nine marine”, ni tũhotuu usã.

Pablo, Sila mehna Filipopũ ijiahye

¹¹ Sa yena usã Troapũ ijina yucũsa mehna Samotracia wame tiri nũcũopũ pehã saũ usã. Sa yena ape deco Neapolipũ wahapũ usã.

¹² Ti macare yũhdũ cãna Filipopũ Roma cjēna ya macapũ esapũ usã. Ti maca Macedonia yehpapũ ijiri maca ijiri. Ihyo ijiri maca ijierari. Topũre meheñe decorigã usã ijii.

¹³ Sa yena saurũ ijigũ usã ti maca dũhtũ cahapũ, dia dũhtũ cahapũ esapũ. Topũ Cohãcjũ mehna tiquina yahuducuro ijiri. Topũ dujina topũ cahmecoañe numia mehna yahuducuu usã.

¹⁴ Ihcãcoro usāre tũhoricoro Tiatira cjōno Lidia wame tiricoro ijiri. Sa yero ticoro quehnoañe suhti wapa tiye suhtire duaricoro, mari Pacare ño peoricoro ijiri. Sa yero Pablo yahuyere quehnoano tũhogũ yeri Cohãcjũ ticorore.

¹⁵ Sa ye ticorore, ticoro ya wũhũ cjēna mehna wame yeri Pablo. Tiquiro sa wame yeri bato ohō saha nidi ticoro:

–“Jesu yacoro tjire mũhũ gũhũ”, nine mũsa yũhũre. Sa yena ya wũhũpũ sajã tarĩña mũsa. Yũhũ mehna tojoarĩña, nidi ticoro usāre.

Ticoro sa nigũ tũhona ticoro ya wũhũpũ tojoarĩi usã.

¹⁶ Ape deco Cohãcjũ mehna tiquina yahuducuropũ usã wahagũ watĩnore cũoricoro pĩti cari usāre. Ticoro apequina cahacjōno ijiri. Sa yero ticoro masare “Ohō saha waharota mũsare”, ni, yahuyuricoro ijiri. Sa yahuro pajiro wapata basari ticoro pũhtoare.

¹⁷ Sa yero Pablo mehna usã wahagũ, usāre nũnũ tã, sañuducuri ticoro:

–Ahriquina Cohãcjũ tutua yũhdũariquiro yedohoriquina ijire. Mari yariari bato Cohãcjũ marine tiquiro quehnoano yũhdũoatire yahure tiquina, ni sañuducuri ticoro.

¹⁸ Peye decori sa ni cariboducuri Pablöre. Sa yero pari turi ticoro sa ni

sañuducugã tãhoro Pablo majare ihña, ohõ saha nidi watĩnore:

—Jesucristo tutuaye mehna dutiaja mũhũre. Ticorore duhuya. Waharĩsa mũhũ, nidi Pablo.

Tiquiro sa nigũta watĩno pehe wahaahari.

¹⁹ Tiquina sa yeri bato ticoro pũhtoa pehe niñeru ticoro wapataerico-ro wahagũ ihñañe, tiquina Pablora, Sila mehna ñehedi. Ñehe tuhasa, tiquinare neari ti maca decopũ pũhtoa cahapũ.

²⁰ Sa ne cã, buhiri dahre dutiyequina cahapũ cũri tiquinare.

—Ahriquina judio masa mari ya maca cjẽnare cariboye nine.

²¹ Tiquina mari dutiyere cohã dutiye, apeye buheyere buheye nine. Mari ye dutiyere yũhdũdũcagũ ye duaye nine. Mari Roma cjãna ijina ahriquina yahuye pehere ye masiedaja mari. Sa yena tiquina buheyere mari cahmedaja, nidi ticoro pũhtoa buhiri dahre dutiyequina.

²² Tiquina sa nigũ tũhoye masa peyequina Pablo gũhũ mehna usua yũhdũa wahahye. Sa ye buhiri dahre dutiyequina pehe Pablo gũhũ suhtire tiquina tũhrẽ cohãri bato daye cjũgã mehna tana dutiri tiquinare.

²³ Tutuaro tana tuhasa peresu yeri tiquinare. Tiquina sa peresu yeri bato peresu ijieyeyinare cohteriquirore quehnoano ihña ihbo dutiahye tiquina.

²⁴ Tiquina sa dutiri bato tiquinare cohteriquiro pehe ti wũhũ puhia cjã tucũpũ tiquinare cũ, taboa mehna tiquina dahpocãrine biha cũahye.

²⁵ Ñami deco Pablo, Sila mehna Cohãcjũre sini, tiquirore basa peoahye. Tiquina sa basagũ tũhoahye apequina peresupũ ijieyeyina.

²⁶ Tiquina sa ni basagũta ti wũhũ tutuaro ñuhmiahye. Sa ñuhmigũ ihcãno mehna ijipihtiye sope pahmari parĩa wahahye. Sa ye peresupũ ijieyeyinare tiquina dũhteri dari come dari suru site dijiaa wahahye.

²⁷ Sa wahagũ ihñano ti wũhũre cohteriquiro pehe “Peresu ijieyeyina duhti tuhasari jiri”, ni tũhotumahye. Sa ni tũhoturo tiquiro ñoseni pjĩne nedoqueo tiquiro basi ñosemahye.

²⁸ Tiquiro sa yegũ ihñano Pablo tiquirore tutuaro sañuducu ohõ saha niahye:

—Mũhũ basi ñano yeracãhña. Ijipihina ohõre ijiaja usã, niahye tiquiro tiquinare cohteriquirore.

²⁹ Tiquiro sa nigũ tũhoro tiquinare cohteriquiro pehe sihã duti, tiquina cahapũ oma cã, Pablo, Sila tiquina dahpocãri cahapũ nanare doque quehe sahye tiquiro.

³⁰ Sa yero tiquiro tiquinare ti tucũpũ ijieyeyinare ne wijia, sinituahye:

—¿Dũhse yeagari yũhũ Cohãcjũ yaquiro iji duagũ? ni, sinituahye tiquiro.

³¹ —Jesucristore wacũ tutuaya mũhũ. Mũhũ acaye gũhũ tiquirore wacũ tutuahro. Mũsa sa yegũ mũsare pecapũ wahaborinare Cohãcjũ yũhdũorota, ni, yahuahye tiquina.

³²⁻³³ Tiquina sa nidi hora ñami deco batogã ijiahye. Tiquina sa nidi bato tiquinare cohteriquiro ya wũhũpũ neahye tiquinare. Tiquiro ya wũhũpũ ne sa, tiquina camine coseahye tiquiro. Tiquiro sa cose tuhasari bato tiquiro cohteriquiro acaye mehna ijigũ Cohãcjũ yere buheahye Pablo gũhũ. Tiquina buheri bato wame yeahye tiquinare.

³⁴ Tiquina wame ye tuhasari bato tiquinare cohteriquiro Pablo gũhũre ihyaye peoahye. Sa ye tiquiro acaye mehna quehnoañe buheyere tiquina tũhori bato tutuaro bucueahye, Cohãcjũre masi dũcaye.

³⁵ Bohrea parĩ cãhtagũ ihñañe pũhtoa pehe surarare peresu yeri wũhũpũ ohoahye Pablo gũhũre wio dutiye.

³⁶ Tiquina sa wio dutiri bato ti wũhũre cohteriquiro Pablo gũhũre yahuahye:

—Puhtoa m̄sare wio dutiri. Sa yena cuero marieno wijiaya, niahye tiquiro Pablo ḡh̄are.

³⁷ Tiquina sa wio duepeḡta Pablo yahuahye surarare:

—Us̄a ñano yer̄. Sa yena us̄a ne buhiri mariedaja. Ihyo warota tiquina puhtoa pehe masa ih̄nonop̄ yuc̄ari mehna tanari us̄are, us̄a Roma cj̄ana us̄a ijiepeḡta. Tana tuhasa peresu yer̄ us̄are. Sa ye yojop̄ masa tiquina ih̄no wio duare us̄are, us̄are ñano tiquina yer̄ire “B̄oro ȳhd̄ari”, niñe. Puhtoa tiquina basita wioye ahtaahro us̄are, niahye Pablo surarare.

³⁸ Tiquiro sa niḡa tuhoye surara pehe puhtoare yahuye wahahye. Tiquina sa ni yahuri bato Pablo, Sila mehna Roma cj̄ena tiquina ijiḡa masiñe puhtoa pehe cue niahye.

³⁹ Sa ye tiquina Pablo ḡh̄a cahap̄ esa, oh̄o saha niahye:

—Ñano yeahti us̄a m̄sare. Ne pari turi sa yesi, niahye puhtoa Pablo ḡh̄are.

Sa ni tuhasa puhtoa tiquinare peresup̄ ijieyequinare wio, tiquinare ape siep̄ waha dutiahye.

⁴⁰ Tiquina sa nidi bato Pablo, Sila mehna peresup̄ ijiriquina wijia, Lidia wame tiricoro ya w̄h̄ap̄ wahahye. Ti w̄h̄ap̄ tiquina esari bato Jesu yequinare piti cahye. Sa ye tiquina Jesu yequinare quehnoano buheye, quehnoano jeripohna tiḡa yeahye tiquinare. Tiquina sa yer̄i bato Pablo, Sila mehna waha wahahye.

17

Tesalónica cj̄ena usuahye Jesu yequina mehna

¹ Sa ye tiquina Anfipolip̄ esa, ȳhd̄aye, Apoloniap̄ esa, ȳhd̄aye, Tesalónicap̄ esahye tiquina. Top̄ judio masa buheri w̄h̄a ijiahye.

² Semanaripe tiquiro yer̄iro sahata Pablo buheri w̄h̄ap̄ wahae tiahye. Top̄ esa, ihtia semana waro saurú decorire tiquiro panop̄ cj̄e tiquina ojoarire Coh̄aj̄c̄j̄ yere masare buhe,

tire tiquina basi cahme yahuducue tiahye Pablo.

³ Sa yero tiquiro Coh̄aj̄c̄j̄ yere yahuahye:

—Judio masa, m̄sa puhoro m̄sa coheriquiro Cristo ahtahye ñano ȳhd̄atiquiro. Sa yero tiquiro yariaa wahahye masa m̄jano taro. Sa yero ahriquirō Jesu, ȳh̄a yahuriquiro, tiquiro Cristo warota ijire marine ȳhd̄oatiquiro. Tiquirota ijire m̄sa coheriquiro. Oh̄o sahata nine Coh̄aj̄c̄j̄ yere tiquina ojoari p̄, ni yahuahye Pablo.

⁴ Tiquiro sa niḡa tuhoye meheñequinaḡa top̄ ijieyequina “Potota ijire”, niahye. Sa ye tiquina Pablo ḡh̄a mehna wahahye. Sa ye apequina ḡh̄a griego masa peyequina mari Pac̄are ño peoyequina pehe Pablore tuhoye, tiquina mehna cj̄ena numia ḡh̄a peyequina puhtoa numia ḡh̄a tiquirore tuhoye Jesu yequina tojoahye. Sa ye Pablo ḡh̄a mehna wahahye.

⁵ Sa ijiepeḡta apequina judio masa pehe tiquina sa wahaḡa ih̄ñañe, ih̄ña cooh̄a. Sa ye tiquina ñañequina dahraeyequinare peyequinare piji cahmecoah̄o oh̄o saha ni dutiahye: “Ahriquina ñano yeye nine”, ni sañuducu dutiahye tiquinare. Sa sañuducuyē ijipihtieyequina ti maca cj̄enare usuaḡa yeahye Pablo ḡh̄a mehna. Sa ye judio masa Jas̄o ya w̄h̄ap̄ saj̄a, Pablo ḡh̄are macamahye, tiquinare masap̄are ohoye tehe.

⁶ Sa macaepeta tiquinare bocaerahye. Sa ye Jas̄ore, apequina Jesu yequina ḡh̄are ñehe, weje wijiaa wahahye tiquinare. Puhtoa cahap̄ ne sa, oh̄o saha ni yahus̄ahye tiquina.

—Pablo ḡh̄a masare ijipihtior̄p̄are caribo ȳhd̄are. Sa ye yojop̄are tiquina mari ya macare wihi tuhasari.

⁷ Sa yero ahriquirō Jas̄o tiquinare tiquiro ya w̄h̄ap̄ saj̄a ta dutiri. Tiquina ijipihtieyequina mari puhoro Roma cj̄ano tiquiro dutiyere ȳhd̄ad̄care. “Apequirō

musa puhtoro ijire. Jesu tiquirota ijire”, niñe, mari puhtoro dutiyere yuhduhucare tiquina, ni yahusãhye judio masa pehe puhtoare.

⁸ Tiquina sa ni yahusãgũ tuhoye, ijipihtiyequina masa, puhtoã gãhũ usua, tutuaro sañuducuahye.

⁹ Tiquina sa sañuducuepegũta puhtoã Jasõre, tiquiro mehna cjẽna gãhũre, niñerure wapa ye duti, wioahye.

Pablo Sila mehna Bereapũ esahye

¹⁰ Ti pjeta ñamipũ Pablo gãhũre Jesu yequina não ohoahye Bereapũ. Topũ esa tiquina judio masa buheri wuhũpũ sajãa wahahye.

¹¹ Berea cjẽna pehe Tesalónica cjẽna yuhduoro Jesu yere quehnoano tuhoyequina ijiahye. Sa ye tiquina Jesu yere tuhori bato “¿Potota iji-ajari?” ni masi duaye, decoripe tiquiro yere tiquina ojoari pũre sa buheducue tiahye tiquina.

¹² Sa ye tiquina peyequina Jesure wacũ tutuayequina ijiahye. Griego masa gãhũ, umũ, puhtoã numia mehna Jesure wacũ tutuayequina ijiahye.

¹³ Sa ijiepegũta Pablo Bereapũ Cohãcjũ yere tiquiro buhegũ gãhũre tuhoye, Tesalónica cjẽna judio masa topũ esahye. Topũ esaye, Berea cjẽnare quiti dojomehneñe, Pablo gãhũ mehna usuagũ yeahye tiquina.

¹⁴ Tiquina sa yegũ ihñañe Jesu yequina Pablõre sojaro mehna pajiri ma duhtũ cahapũ ohoahye. Tiquina sa ohopegũta Sila, Timoteo mehna Bereapũ tojoahye.

¹⁵ Sa ye apequina Pablõre Atenapũ ne cã soahye. Tiquirore so tuhasa, majare tojoaa wahahye Bereapũ tja.

—Sojaro mehna waha, piti tina waha Pablõre, ni yahuahye Silare, Timoteo gãhũre.

Sa ni yahu dutiahye Pablo tiquinare.

Pablo Atenapũ ijiahye

¹⁶ Sa yero Pablo Atenapũ cohtero niahye Sila, Timoteo gãhũre. Sa yero Atena cjẽna “Cohãcjũ ijire”, tiquina

niñe queoyere peye tiquina cuogũ ihñano Pablo tutuaro bujũa witiahye tiquina mehna.

¹⁷ Sa bujũa witiro judio masa buheri wuhũpũ judio masa mehna yahuducuahye. Sa yero tja judio masa ijieyequina gãhũre yahuducuahye tiquiro. Tiquina ihquẽquina mari Pacãre ño peoyequina ijiahye. Sa yero Pablo ti maca decorũ decoripe tiquiro cahapũ sa tini majare sajãñequina mehna yahuducuahye.

¹⁸ Apequina Epicúreo yere buheyequina, Estoico yere buheyequina gãhũ Pablo mehna yahuducuahye.

—¿Ahriquiro yahuducuye pe-yariquiro duhse ni yahuducuro niajari tiquiro? niahye tiquina.

Pablo Jesu yere, tiquiro masa majarire tiquiro yahugũ tuhoye ohõ saha ni tuhutumahye masa. “Tiquiro apequina cohãmanare yahuro niaga”, ni, tuhutumahye tiquina.

¹⁹ Tiquina tuhori bato Areópago wame tiropũ Pablõre nea wahahye.

—Ahri buheye, wahma buheyere yojopũ mũhũ yahurire masi duaja usã.

²⁰ Mũhũ buheye sijoro saha ijire. Sa yena usã tire masi duaja, niahye tiquina Pablõre.

²¹ Ijipihtiyequina Atena cjẽna decoripe wahma buheyere yahuducuducu duahye. Sa ye tire tũho duahye. Ape yehpa cjẽna gãhũ Atenapũ ijiye, sata ye duahye. Sa ye Pablo yahuyere tũho duahye tiquina.

²² Sa yero Pablo Areópago wame tiropũ wahcãduca, ohõ saha ni yahuahye:

—Atena cjãna, peyequina musa cohãmanare musa tutuaro ño peona musa ijigũ masiaja yuhũ.

²³ Ahri maca musa ya macare cohãmanare musa ño peorire ihña tini yuhũ. Sa ihña tinigũ yuhũ ihcã cuhtupũ, cohãmanare ño peona musa ohoyere musa cũnopũ ahrire buhei. “Cohãcjũ, mari masimehnediquiro ya cuhtu ijire”, ni, ojoari jiri musa tire musa cũnopũ. Musa tiquirore

masiedapenata tiquirore ño pe-ori jiri m̄asa. Tiquiroreta m̄asa masiediquirore yahuḡa niaja ȳah̄u m̄asare.

²⁴ 'Cohãcjũ ijipihitiri yehpare, ijipihitiyere bajumehnediquiro ijire. Tiquiro uhm̄asere, yehpap̄are, p̄ahtoro ijiro, tiquiro masa tiquina yeri w̄ah̄ap̄a ijierare.

²⁵ Sa yero tiquiro mari ijiyere, mari jeri neñe ḡah̄are, ijipihitiye marine apee borore ohoriquiro ijiro, mari yedohoyere cahmedare. Tiquiro pe-jec̄oriquiro ijierare.

²⁶ 'Tiquiro ihcãquiro um̄unore ye d̄acahye. Tiquiro mehnata ijipihitiri yehpa cj̄enare masare yeahye. Sa yero ijipihitiri yehpap̄are marine c̄ahye tiquiro. "Ohõ puno yoari pje ohõp̄are catieta", nino queo c̄ahye marine.

²⁷ "Tiquina ȳah̄are macañe, bo-caeta", ni t̄ahotuahye Cohãcjũ. Sa yero Cohãcjũ yoarop̄a ijierare. Mari mehnata ijire. Ohõ saha ni ojoahye.

²⁸ "Marine ijigũ yere tiquiro. Sa yero masa mehna sa ijiducure tiquiro", ni ojoahye. M̄asa mehna cj̄ena panop̄a cj̄ena basayere quehnoano ojoayequina tiquina ojoariro sahata nii niaja. "Mari ḡah̄u Cohãcjũ pohna ijiaja", ni ojoahye tiquina.

²⁹ Sa yena tiquiro pohna ijina ohõ saha ni t̄ahotueracãh̄ña m̄asa. Queoyere, uru, plata, ut̄a mehna m̄asa esa tuharo m̄asa yeriquinare "Cohãmana ijire", ni t̄ahotueracãh̄ña m̄asa.

³⁰ Panop̄a masa tiquina masieñequina ijinigũ tiquina ñañene yepegũta Cohãcjũ sa ih̄ña cãhr̄ahye. Sa yeperota yojop̄are ijipihitiri yehpa cj̄enare tiquina ñañene b̄j̄ua witi dutire Cohãcjũ.

³¹ Came Cohãcjũ tiquiro queori decop̄a ijipihitiri yehpa cj̄enare queoro beserota quehnoañequinare, ñañequinare. Tiquiro bese duti c̄uriquiro Jesu pehe beserota. Jesure yariariquirore masoahye tiquiro. Sa masono "Ahriquiro ȳah̄u c̄uriquiro ijire", ni, ih̄ñoño niahye Cohãcjũ

masare, ni yahuahye Pablo Atena cj̄enare.

³² Tiquiro sa nigũ masa m̄ajarire tiquiro yahuducugũ t̄ahoye apequina tiquirore b̄j̄upeahye. Sa ye apequina pehe ohõ saha niahye:

—Pari turi ahr̄ire m̄ah̄u yahugũ usã t̄aho duaja, niahye tiquina Pablöre.

³³ Tiquina sa nidi bato Pablo wahaa wahahye.

³⁴ Sa ye meheñequinagã tiquiro mehna ijiye, Jesure wacũ tutua d̄acahye. Dionisio Areópago cj̄eno p̄ahtoa mehna cj̄eno Jesure wacũ tutua d̄acahye. Damari wame tiricoro ḡah̄u, apequina mehna Jesure wacũ tutua d̄acahye.

18

Pablo Corintop̄a ijiahye

¹ Sa ye, Pablo Atenap̄a ijiriquiro waha, Corinto wame tiri macap̄a esahye.

² Top̄a esaro, judio mas̄uno Aquila wame tiriquirore boca sahye tiquiro. Ijipihitiyequina p̄ahtoro Claudio wame tiriquiro judio masare Romap̄a ijiyequinare tiquiro cohãgũ, Aquila pehe tiquiro namono Priscila mehna waha, Corintop̄a esahye. Aquila pehe Ponto wame tiri yehpap̄a masa bajuariquiro ijiahye. Sa ye tiquina Corintop̄a tiquina ijigũ, Pablo tiquina cahap̄a esahye.

³ Aquila ḡah̄u carpa cahseri w̄ah̄usere yeyequina ijiahye. Pablo ḡah̄u carpa cahseri w̄ah̄usere yeriquirota ijiahye. Sa yero tiquiro tiquina mehna dahra, top̄a tojoahye.

⁴ Sa yero Pablo saurũ ijigũ semanaripe judio masa tiquina buheri w̄ah̄ap̄a judio masare, judio masa ijieyequina ḡah̄are Cohãcjũ yere yahuahye. Tiquiro sa ni yahugũ t̄ahoye, "Ijirota ijire", niahye tiquina ihquẽquina.

⁵ Sa ye Sila, Timoteo mehna Macedoniap̄a ijiriquina, Pablo cahap̄a esahye. Top̄a tiquina esari bato Pablo pehe ijipihitiye decori judio masare quehnoano buhee tiahye:

—Jesu, Cristo marine yuhduoatiqairo mari coheriquiro ijire, ni yahue tiahye tiqairo.

⁶ Tiquiro sa ni buhepegāta, judio masa pehe tiqirore taho duerahye. Sa ye tiquina ñano ni quitidojomehneahye tiqirore. Tiquina sa yegū Pablo tiquinare tiqairo tuhtiboriro sahata, tiqiro suhtirore dihta wahārire wejē site cūahye.

—Musa ye buhiri pecarū wahanata. Cohācjū tiqiro dutiro sahata musare buhemi yuhū. Sa buhepegāta musa yuhūre taho duerari. Yojorūre judio masa ijieyequina pehere buhegū wahaŭtja, niahye Pablo judio masare.

⁷ Tiquiro sa nidi bato tiqiro topū ijiriquiro waha, Ticio Justo wame tiriqiro ya wuhūre esahye. Justo Cohācjūre ño peoriquiro ijiahye. Tiquiro ya wuhū pehe judio masa buheri wuhū caharū ijiahye.

⁸ Sa ye Crispo wame tiriqiro buheri wuhūre coheriquiro, tiqiro namono, tiqiro pohne gūhū Jesure wacū tutuayequina ijiahye. Sa ye apequina Corinto cjēna peyequina Cohācjū yere tahoŷe, Jesure wacū tutuahye. Tiquina sa wacū tutuayequina ijigū tiquinare wame yeahye.

⁹⁻¹⁰ Ihcā ñami Cohācjū quehēnopū yahuahye Pablore. Tiquirore ohō saha niahye:

—Muhū mehna ijiaja. Ahri macare yeequina peyequina ijire. Sa ye apequina masa muhūre ñano ye masiedare. Sa yegū cueracāhña muhū. Sa cueragū yeere tutuaro yahuya. Sa tūhotueracāhña, ni yahuahye Cohācjū Pablore.

¹¹ Sa ye ihcā cūhma quehnoano, ape cūhma deco waro to cjēnare Cohācjū yere buhe, ijie tiahye Pablo.

¹² Tiquiro sa ijiri watoa Galiō wame tiriqiro Acaya yehpa cjēna pūhoro tiqiro ijigū judio masa ijipihitiyequina ihcāno mehna Pablore yahusāñe taye, tiqirore buhiri dahre dutiyequina caharū neahye tiquina.

¹³ —Ahriqiro masare Cohācjūre ño peo dutiro ahri yehpa cjē dutiye pehere cohā dutiro nine, ni yahusāhye judio masa buhiri dahre dutiyequinare.

¹⁴ Tiquina sa ni yahusāgū tūhoro Pablo pehe tiquinare yahu duamahye. Sa yahu duepegāta Galiō pehe judio masare yahuahye:

—Ahriqiro usā Roma cjāna ye dutiyere yuhduocariqiro tiqiro ijigū musare yuhūtiboya yuhū.

¹⁵ Sa yena musa judio masa ye dutiye pehere ahriqiro yuhduocariqiro ijigū musa basi quehnoña. Ahrire musa mehna masino pjerare yuhūre, ni yahuahye tiqiro judio masare.

¹⁶ Sa ninota tiquinare judio masa yahusāñe ahtamediquinare tiqiro ya tucūpū ijiriquinare cohā wioahye tiqiro.

¹⁷ Tiquiro sa cohā wiori bato ijipihitiyequina ti wuhūre ijiriquina Sostenene judio masa buheri wuhūre coheriquirore Jesu yaquiore ñehe, buhiri dahre dutiyequina caharū queāhye tiqirore. Tiquina sa quegū ihñano Galiō sa ihña cāhye.

Pablo Antioquíarū tojoaa wahahye

¹⁸ Sa yero Pablo Corintopū yoari pje ijiriquiro “Wahaū niaja”, ni cohe tiahye tiqiro Jesu yequinare. Tiquiro sa nidi bato tiqiro Priscila, Aquila mehna Siria yehparū ijiri macarū pehāa wahahye. Cencrea wame tiri petamaharū tiquina esari bato Pablo Cohācjūre “Ohō saha muhūre ye basatja”, tiqiro nidire ye tuhasariqirore ijiahye. Sa yero sa yeriquina judio masa tiquina yeducuro sahata tiqiro poarire waha peho dutiahye.

¹⁹ Sa yero tiquina Efeso wame tiri macarū pehā sa, Priscilare, Aquila gūhūre cūahye Pablo. Tiquinare topū cū, judio masa tiquina buheri wuhūre wahahye. Ti wuhūre esa, Cohācjū yere yahuahye. Sa yahuro judio masa mehna yahuducuahye.

20 Tiquiro sa yahuducuri bato tiquirore tiquina mehna tojoa dutimahye. Tiquina sa dutiepegũta ohõ saha niahye Pablo:

–Tojoeraja m̄sa mehna, niahye Pablo tiquinare.

21 Sa ninota,

–Wahaḡ niaja. Cohãcjũ cahmegũ pari turi tojoa taboaga, niahye tiquinare Pablo.

Sa ni tuhasa Efesop̄ ijiriquiro pehãa wahahye tiquiro.

22 Sa yero Cesareap̄ pehã sa, ȳhd̄ cã, Jerusalẽp̄ esahye. Top̄ esa, to cjẽna Jesu yequinare “¿Ne ijiajari m̄sa?” ni, tiquinare ihña ȳhd̄ Antioquíap̄ esahye.

23 Top̄ meheñe decorigã ijiahye. Top̄ ijiriquiro ȳhd̄ahye. Galacia yehpap̄ ijiye macarip̄, Frigia yehpap̄ ijiye macarip̄ pari turi esa, ti macari cjẽnare Jesu yequinare buhero, bucuẽgũ yeahye.

Apolo wame tiriquiro Efesop̄ buheahye

24 Ti pjere, judio masano Apolo wame tiriquiro, Alejandría cjũno Efesop̄ esahye. Tiquiro quehnoano yahu mihnidiquiro ijiahye. Sa yero tiquiro Cohãcjũ ojoarire quehnoano masiahye.

25 Apequiro tiquirore Cohãcjũ yere yahu tuhasae tiahye. Sa yero tiquiro Ñu wame yeriquiro ye buheye dihitare masiahye. Sa ijieperota tiquiro tutuaro bucuẽye mehna Cohãcjũ yere quehnoano buheahye.

26 Sa yero judio masa tiquina buheri w̄hap̄ tiquiro cuero marieno tiquinare buhe d̄cahye. Tiquiro sa buhegũ tiquina t̄hori bato Priscila, Aquila mehna tiquirore tiquina mehna neahye. Cohãcjũ yere tiquiro quehnoano poto yahu pehoeragũ ihñañe quehnoano poto yahu pehoahye tiquina tiquirore.

27-28 Sa ye tiquiro Apolo pehe Acaya yehpap̄ tiquiro waha duagũ Jesu yequina tiquirore “Quehnoano wahaya”, ni, ojoari pũrine ohoahye tiquirore. Ti pũri Acayap̄ ijiyequina

Jesu yequinare Apolore quehnoano piti ca dutiye pũri ijiahye. Sa yero Apolo top̄ esaro, to cjẽnare Jesure wacũ tutuayequinare Cohãcjũ cahñe mehna quehnoano yedohoahye. Judio masare ti macap̄ ijiyequinare ohõ saha ni yahuahye:

–Cohãcjũ ohoriquiro m̄sa cohteriquiro ijire Jesu. Cristo waro ijire tiquiro, ni yahuahye judio masare apequina masa tiquina ihñonop̄.

Cohãcjũ yere tiquina ojoari mehna tiquiro quehnoano queoro yahugũ t̄hoye tiquina “Poto ijierare”, ni masiedahye. Sa yero Cohãcjũ cahñe mehna tiquirore wacũ tutuayequinare quehnoano yedohoahye Apolo.

19

Pablo Efesop̄ wahahye

1 Corintop̄ Apolo tiquiro ijiri watoa, Pablo pehe c̄n̄ cj̄p̄ m̄ja ȳhd̄, Efesop̄ esahye. Top̄ esaro ihquẽquina Jesu yequinare bocahye.

2 Tiquinare boca saro tiquiro tiquinare sinituahye:

–¿M̄sa Jesure wacũ tutuari bato m̄sa pehe Espiritu Santore c̄o d̄cari? ni, sinituahye Pablo.

Tiquiro sa nigũ t̄hoye tiquirore ohõ saha ni yahuahye tiquina:

–“Espiritu Santo ijire”, ni yahuerari usãre, ni yahuahye tiquina.

3 Tiquina sa ni yahuri bato Pablo tiquinare sinituahye tja:

–¿Noa ye buheyere m̄sa t̄hori bato wame yeri m̄sare? niahye tiquiro tja.

–Ñu ye buheyere usã t̄hori bato wame yeri usãre, ni yahuahye tiquina.

4 Tiquina sa nigũ t̄horo ohõ saha niahye Pablo:

–Masa tiquina ñañe yerire tiquina duhugũ ihñano wame yeahye Ñu. Sa yero tiquiro wame yeye pehe tiquina ñañe yerire tiquina duhurire masare ihñoati ijire. Sa yero apee boro ḡh̄re yahu nemoahye Ñu. “Ȳh̄

bato ahtariquiro pehere wacũ tutuaya masa”, ni yahuahye tiquiro. Sa nino Jesure yahuro niahye, ni yahuahye Pablo tiquinare.

⁵ Tiquiro sa nigũ tiquina tãhori bato, Jesu wame mehna wame yeahye tiquinare.

⁶ Sa yero Pablo tiquina ihquẽquina bui tiquiro omoca duhu peogũ, Espĩritu Santo pehe wihiahye tiquinapare. Tiquiro sa wihiri bato tiquina pehe tãhomehneñe yahuducuye mehna yahuducu, Cohãcjũ yere yahuahye.

⁷ Tiquina ijipihtiequina doce maãa ijiye ijiboaga.

⁸ Came Pablo judio masa tiquina buheri wãhpũ sajã, ihtia asũ waro decoripe cuero marieno Cohãcjũ pãhtoro tiquiro ijiyere yahuducuahye tiquina mehna. Tiquirore tiquina sa tãhori bato “Ahri ijirota ijire”, niahye tiquina.

⁹ Sa niepegãta apequina pehe tãho duerahye. Sa ye tiquina masa tãhoro quehnoañe buheyere ñano niahye. Tiquina sa nigũ tãhoro Pablo pehe Jesu yequinare piji wijia, ape siepũ wahahye. Waha, Tirano wame tiri wãhũ buheri wãhpũ decoripe masare Cohãcjũ yere yahuahye tiquiro.

¹⁰ Pãa cãhma waro buhee tiahye tiquinare. Tiquiro sa buhegã ijipihtiequina Asia yehpa cjẽna judio masa, judio masa ijieyequina mehna mari pãhtoro Jesu yere tãhoahye.

¹¹ Sa yero Cohãcjũ tutuaye mehna Pablo peye tahari ye ihñoahye.

¹² Suhti cahseri Pablo tiquiro pagare pihari cahserire, tiquiro pihari suhti gãhare ne cã, dohatiyequinare ohoahye. Ti suhtire ohogũ tire ñeheñe tiquina dohatiye yãhdũa wahahye. Sa ye watã tiquina mehna ijiriquina waha wahahye ti suhtire tiquina ñehedi bato.

¹³ Sa ijigũ apequina judio masa, sa tiniducuequina, watãre cohãñequina judio masa yayia ijiahye. Sa ye Pablo tiquiro yeriro sahata Jesu tutuaye mehna watãre cohã

duamahye. Sa ye watãre duhu dutimahye tiquina.

—Pablo yahuriquiro, Jesu tiquiro tutuaye mehna dutiaja masare. Wahaya. Ahriquiro mehna pari turi ijieracãhña, nimahye tiquina watãre ohoye.

¹⁴ Esceva wame tiriquire siete tiquiro pohne pehe sata yemahye. Esceva pehe judio masano pahia pãhtoro ijiahye.

¹⁵ Tiquiro pohne watĩnore tiquina waha dutiri bato, watĩno pehe ohõ saha niahye tiquinare:

—Jesure masiaja. Pablo gãhare masiaja. Masa pehere masiedaja, niahye watĩno tiquinare.

¹⁶ Tiquiro sa nigãta watĩnore cãoriquiro pehe tutuaro tiquinare ñehe maa wahahye. Sa yero tiquinare ña yãhdũaro yeahye. Tiquiro sa yeri bato suhti marieñequina, cami tiyequina oma wijiaa wahahye tiquina ti wãhare.

¹⁷ Tiquina sa yeri bato ijipihtiequina Efeso cjẽna, judio masa, judio masa ijieyequina mehna tire tãhoye, cue yãhdũahye tiquina. Sa ye mari pãhtoro Jesu yere bajãpero marieno yahuducuahye masa pehe.

¹⁸ Sa ye masa peyequina Jesure wacũ tutuayequina tiquina ñano yerire yahuye ahtahye.

¹⁹ Tiquina mehna cjẽna peyequina yayia masare ujuayequina yero saha yeyequina ijiahye. Sa ye tiquina ojoari pũrine yayia tiquina yerire yahuye pũrine topũ ne cãhta, masa ihñonopũ ti pũrine ujãa cohã cãhye tiquina. Ti pũri wapa tirire tiquina queogã, ijipihtie pũri cincuenta mil cjoeri niñeru cjoeri wapa timahye ti pũri.

²⁰ Sa ye Cohãcjũ yere cahmeñequina peyequina wahahye. Cohãcjũ tutuaye mehna tiquiro yequina wahahye.

²¹ Tiquina sa wahari bato Pablo ohõ saha ni tãhotuahye: “Macedonia yehpapũ esa mahta, ti yehpare yãhdũa, Acaya yehpare esautja. Ti yehpare yãhũ esari bato Jerusalẽpũ wahaũtja. Ti macare yãhũ esari bato

Romap_u wahautja”, ni t_uhotuahye Pablo.

²² P_uaro tiquirore yedohoyequinare tiquiro pano oho m_uhtahye Macedonia yehpap_u. Timoteo, Erasto g_uh_u ijiahye tiquina. Sa yero Pablo pehe ihc_uq_uirota tojoa n_un_u t_ur_uahye Asia yehpap_u.

Efesop_u masa usua, sañuducuahye

²³ Ti pjere Efesop_u Jesu yere apequina cahmedaye, Pablo g_uh_ure tuh_utiahye.

²⁴ Plata mehna dahrariquiro Demetrio wame tiriquiro plata mehna coh_ucj_ono Artemisa wame t_uricoro ya w_uh_u queoyere yeriquiro ijiahye. Sa yero tiquiro apequina plata mehna dahrayequina mehna ti queoyere dua, pajiro wapatahye tiquina.

²⁵ Sa yero Demetrio apequina plata mehna dahrayequinare piji cahmecoa yahuahye tiquinare.

—T_uhoya m_usa. Ahri dahraye mehna pajiro mari wapatarire masine m_usa.

²⁶ Ahriquiro Pablo yerire tiquiro buheri g_uh_ure masine m_usa. Oh_o saha ni buhere tiquiro. “Coh_umana queoye masa tiquina yeyequina catiyequina ijierare”, ni yahue tiri tiquiro. Tiquiro sa nig_u t_uhoye peyequina Efeso cj_una, ijipih_utirop_u apequina Asia yehpa cj_una g_uh_u ti buheyere “Ijirota ijire”, nie tiri.

²⁷ Sa ni_une mari dahrayere masa _unao yahuducuboaga. Sa ye mari yacoro coh_ucj_ono Artemisa ya w_uh_ure masa coh_uboaga. Sa yero ticoro ijipih_utiyequina Asia yehpa cj_una, ijipih_utiri yehpa cj_una tiquina _uo peoricoro ticoro ijiepeg_uta ticoro tutuaye butiarota. Sa ye masa ticorore masiedaboaga, niahye Demetrio tiquinare.

²⁸ Tiquiro sa nig_u t_uhoye tiquina pehe tutuaro usua, sañuducuahye:

—Artemisa Efeso cj_una mari yacoro coh_ucj_ono tutuaricoro ijire, ni, sañuducuahye tiquina.

²⁹ Sa ye Efeso cj_una ijipih_utiyequina sañuducu y_uh_uua, t_uho masi_une pih_utia wahahye. Sa wahaye, Gayore, Aristarco g_uh_ure _uhe, masa tiquina cahmecoanop_u tiquinare weje c_uh_uye. Gayo, Aristarco mehna Macedonia cj_una ij_uye, Pablo mehna tini_unequina ij_ue tiahye.

³⁰ Sa ye Pablo masa cahap_u tiquiro waha duag_u, Jesu yequina pehe tiquirore waha dutierahye.

³¹ Sa ye apequina ti yehpa cj_una p_uh_utoa, Pablo mehna cj_una ij_uye, tiquina cahacj_uenare yahu dutiahye Pablore:

—Masa tiquina cahmecoanop_u wahaerac_uh_una, ni yahu duti ohoahye p_uh_utoa tiquina cahacj_uenare Pablop_ure.

³² Sa ye top_u cahmecoanequina mehna cj_una pehe peyequina “¿D_uhsena tana mari cahmecoana n_uajari?” ni, masiedahye. Sa ye tiquina sañuducu nemoahye. Ahrie pehep_u ij_uyequina sijoro ni, sañuducuahye. Apequina g_uh_u sijoro ni sañuducuahye.

³³ Sa ye judio masa pehe Alejandro wame tiriquirore masare yahu dutimahye. Sa yero Alejandro “Dihta maria_uh_una”, nino tiquiro omoca mehna qu_ue dijioahye. “Ahriquina _us_ure judio masare tuht_uye nine”, ni t_uhoturo judio masare cahmota duaro, yahuducumahye.

³⁴ Tiquiro sa niepeg_uta judio mas_uno tiquiro ijig_u ih_una_une masa ijipih_utiyequina ihc_uno mehna p_uh_u hora waro sañuducuahye:

—Artemisa, Efeso cj_una mari yacoro coh_ucj_ono tutuaricoro ijire, ni, sañuducuahye tiquina.

³⁵ Tiquina sa ni sañuducug_u ih_unao, Efeso cj_una p_uh_utoare yedohoriquiro masare, “Dihta maria_uh_una”, ni, yahuahye tiquinare.

—M_usa Efeso cj_una t_uhoya. Efeso cj_una mari yacoro tutuaricoro coh_ucj_ono Artemisa ya w_uh_u cohtena mari ijig_u ijipih_utiri yehpa cj_una masine. Sa ye _uhm_usep_u bora dijia

tari queoyere cohtena mari ijigũ gãhũre masine masa.

³⁶ Sa ye apequina “Ahri poto ijierare”, ni masiedare. Sa yena usueracãhña m̄sa. Quehnoano tãhotuya m̄sa.

³⁷ Ahriquina m̄sa ñehe tariquina mari cohãcjõnore ñano ni yahuducuerari. Sa ye tiquina cohãmana wuhũsepũre sajã, yaquerari. Sa yena quehnoano yeya m̄sa.

³⁸ Sa ye Demetrio, plata mehna dahrayequina mehna ahriquinare m̄sa ñehediquinare yahusã duaye, buhiri dahre dutiyequina pehere yahuahro tiquina. Tiquina buhiri dahre dutiyequinare ahriquinare yahusã masine.

³⁹ Pari turi cahmecoana quehnoano mehna cahmecoaña. Yojopũre m̄sa yeriro saha yeracãhña.

⁴⁰ Miare m̄sa ihyo waro usua, sañuducurire mari pũhtoa tãhoye, “Marine cohãñe niaga”, ni tãhotueta tiquina. Sa yena m̄sa sa ni sañuducurire tiquinare quehnoano poto yahu masiedaja mari, niahye pũhtoare yedohoriquiro masare.

⁴¹ Sa ni yahu tuhasa, “To puno tjire. Wahaya”, niahye tiquiro masare.

20

Macedonia yehpapũ gãhũre, Grecia yehpapũ gãhũre Pablo esahye

¹ Ti sa wahari bato, Pablo pehe Jesu yequinare piji cahmecoa yahuahye. Yahu tuhasa, tiquinare cohe tiahye. Cohe ti tuhasa, Macedonia yehpapũ wahaa wahahye.

² Topũ esa, buhe, to cjẽna Jesu yequinare bucuegũ yeahye tiquiro. Tiquinare buhe tuhasa, Grecia yehpapũ esahye tiquiro.

³ Topũ tiquiro ihtia asũ waro ijiahye. Topũ ijiro Siria yehpapũ pehãa waha duamahye. Tiquiro sa waha duepegãta judio masa duhti queahye, tiquirore ñehe duaye. Sa yero Pablo ape mahapũ, Macedoniapũ wahari mahapũ wahahye.

⁴ Sa waharo Asiapũta esahye. Topũ Berea cjãno Pirro macũno Sópater

wame tiriquire pehe Pablöre piti ti cãhye. Sa ye Tesalónica cjẽna Aristarco, Segundo gãhũ tiquirore piti ti cãhye. Sa ye Asia cjẽna Tíquico, Trófimo gãhũ Asiapũ tiquirore piti ti cãhye. Derbe cjãno Gayo wame tiriquire Timoteo gãhũ tiquiro mehna wahahye.

⁵ Tiquiro mehna cjẽna tiquiro pano waha, Troa wame tiri macapũ tiquirore cohteri jiri.

⁶ Tiquina sa cohtegũ pugũ yeye moremehneñe pãre tiquina ihyari bose deco bato usã pehe Filipopũ ijirina yucũsa mehna waha, ihcã omope decori pehã, Troapũ usã esaũ. Siete decori waro ijii topũre.

Troapũ Pablo tinino wahahye

⁷ Domingo ijigũ Jesu yequina cahmecoa, pãre duhu peori Santa cena yeye tehe. Tiquina sa yeato pano Pablo tiquinare buheri. Sa yero Pablo ape decopũ wahatiquiro ijiro yoari pje tiquiro buheri. Ñami decopũ buhe duhuro taro nimesi.

⁸ Sa yena ahmũano cjã tucũpũ peye paca sihãñe paca ijiri tucũpũ cahmecoa usã.

⁹ Pablöre tiquiro tãhori watoa wahmũno Eutico wame tiriquire meheni sopecahagã buipũ m̄ja pje dujiri. Sa yero Pablo tiquinare yoari pje tiquiro buhe nemogũ wahmũnore wũjũa ahtari. Sa yero tiquiro carĩ maa, ihtia casario buipũ dujiriquiro majare maa dijiaa wahari. Tiquiro bora dijiari bato tiquina tiquirore yariariquiopũre tu wahcõ daporĩ.

¹⁰ Tiquina sa yegũ ihñano Pablo dijia, wahmũnore quẽ suhsuri. Tiquiro sa yeri bato Jesu yequinare yahuri tiquiro:

—Jeripohna ñaedacãhña. Yariere ahriquire. Catire, nidi Pablo pehe.

¹¹⁻¹² Tiquiro sa nigũ wahmũno yariamediquiro masaa wahari. Tiquiro sa masagũ ihñañe tiquina bucue yuhduari. Sa bucueye ahmũano cjã tucũpũ m̄ja, pãre duhu peori Santa cena yeye tehe. Tiquina sa yeri bato yoari pje Pablo tiquinare buheri.

Tee bohreato panogãꝑꝰ tiquinare buhe duhuri. Tiquiro buhe tuhasagũ wahaa wahau usã.

Pablo Troapꝰ ijiriquiro waha, Miletopꝰ esahye

¹³ Pablo pano yucusa mehna Asõꝑꝰ usã pehe esa mũhtaũ. Pablo pehe mahapꝰ waha duari. Pablo tiquiro nidiro sahata Asõꝑꝰ tiquirore usã piti caũ.

¹⁴ Tiquirore usã piti cagũ, usã mehna tiquiro sajãri yucusapꝰ. Tia mehna waha, Mitilenerꝰ usã esau.

¹⁵ Topure esa yũhdũa, ape decopꝰ Quĩore yũhdũa usã. Ape decopꝰ Samopꝰ esau usã. Ape deco pehere Miletopꝰ esau usã.

¹⁶ Pablo Pentecoste deco ijigũ, Jerusalẽꝑꝰ esa duari. Sa yero Asia yehpapꝰ yoari pje iji duerari. Sa yero Efesore poto yũhdũa, Miletopꝰ wahã saũ usã.

Pablo Efeso cjẽnare Jesu yequina pũhtoare yahuahye

¹⁷ Sa yero Pablo Miletopꝰ ijiro, Efeso cjẽnare Jesu yequina pũhtoare pijiori tiquiro.

¹⁸ Sa tiquiro pijiori bato tiquina Pablo cahapꝰ wihiri. Tiquina wihigũ ihñano tiquinare Pablo yahuri:

–Asiapꝰ coã wihigũ mũsa mehna yũhũ yerire masine mũsa.

¹⁹ Mũsa mehna ijigũ ne sijoro nino marieno Jesu, mari pũhtoro yere yee tii yũhũ. Sa yegũ mũsare paja ihñau. “Mũsare yũhdũdũcaja”, niedũ yũhũ. Judio masa yũhũre tiquina ñano yepẽgũta Cohãcjũ yere yee tii yũhũ.

²⁰ Sa yegũ mũsa quehnoano wahatire cahmegũ mũsare yahu peho cãũ yũhũ. Masa tiquina ihñonopꝰ mũsa wũhũsepꝰ gũhũre buhei yũhũ.

²¹ Sa yegũ judio masare, judio masa ijieyequina gũhũre ihcãno mehna buhei yũhũ. “Mũsa ñañene bujua witina, Cohãcjũ ye pehere comesaya. Sa yena Jesu mari pũhtoro wacũ tutuaya”, ni yahuu yũhũ.

²² Sa yegũ Espĩritu Santo tiquiro dutiriro sahata yojopure Jerusalẽꝑꝰ

wahau niaja. Yũhũ topꝰ wahagũ yũhũ duhse wahatire masiedaja yũhũ.

²³ Ohõ saha nidi Espĩritu Santo yũhũre: “Jerusalẽꝑꝰ mũhũ ñano yũhdũta. Sa ye mũhũre peresu yeeta”, nidi Espĩritu Santo yũhũre. Yojopure yũhũ macaripe yũhũ esagũ sa ni yahuri yũhũre. Jerusalẽꝑꝰ wahagũ Espĩritu Santo tiquiro yahuri dihitare masiaja.

²⁴ Tiquiro sa yahuepegũta quehnoañe buheyere, Cohãcjũ tiquiro cahĩne buheyere yahuacjũ ijiaja. Jesu mari pũhtoro tiquiro ye dutirire ye peho duaja. Ahrire yerigũ ijigũ, yũhũ yariatire cueraja yũhũ.

²⁵ 'Sa yegũ mũsa mehna ijigũ Cohãcjũ tiquiro pũhtoro ijiyere yahue tii yũhũ mũsare. Ne mũsare pari turi ihñasi yũhũ. Ahrire masiaja yũhũ.

²⁶⁻²⁷ Sa masigũ miare ahrire yahuaja mũsare. Ijipihtiye Cohãcjũ yere yahuu yũhũ mũsare. Sa yero ijipihtiyequina mũsa mehna cjẽna Cohãcjũ yere cahmeeñequina tiquina ijigũ yee buhiri ijierare.

²⁸⁻²⁹ Mũsa basi quehnoano yeya. Sa yena Jesu yequinare Espĩritu Santo mũsare ihbo dutigũ, tiquiro ihbo dutiriquinare quehnoano ihboya. Ovejare ihboyequina ovejare tiquina ihboro saha Jesu yequina gũhũre ihboya mũsa. Cohãcjũ macũno tiquiro yariaro tiquiro dii cohãno mehna Cohãcjũ tiquinare tiquiro yequina ijiatiquinare yeri. Yũhũ ohõre wahari bato apequina ñañequina pehe yaquiro ovejare tiquina wejẽno saha Jesu yere mũsa yeborire dojomehneeta. Sa yena Jesu yequinare quehnoano ihboya.

³⁰ Camepure apequina mũsa mehna cjẽna pehe Jesu yequinare ni meho, apeye buheyere tãho dutieta. Tiquina sa dutigũ tiquina tãhoeta.

³¹ Sa yena quehnoano yeya mũsa. Decoripe, ñaminipe paja ihñañe mehna buhei yũhũ mũsare. Ihtia cahma waro quehnoano buhei yũhũ mũsare ijipihtinare. Tire quehnoano wacũña mũsa.

32 'Yojopure yuhuh wahari bato Cohãcjũ musare ihña ihborota. Tiquiro cahñe buheyere buhena quehnoano ijinata musa. Cohãcjũ tiquiro buheye mehna musare tiquiro yequinare quehnoano yedoho masine. Sa yero tiquiro yequina dihitare tiquiro ye duariro sahata musa pũritare quehnoano yerota.

33 Musa niñeru cõoyere, musa suhti cõoye gũhare "Yuhure ohoya", niedu.

34 Yuhuh basi dahra wapatau ye ijiatire. Sa yegu yuhuh cahmeñene, yuhuh mehna cjẽna tiquina cahmeñe gũhare yuhuh dahra wapataru mehna nei. Yuhuh sa yerire masine musa.

35 Mari ohõ saha tutuaro dahrana apee boro cõoyequinare yedohoro cahmene marine. Ahrire musare ye ihñou yuhuh. Jesu mari pahutoro tiquiro nidire wacũña musa. "Tiquiro ohogũ ñehediquiro yuhuhoro ohoriquiro pehe bucuere", nidi jiri Jesu tiquiro basi, ni yahuri Pablo Jesu yequina pahtoare.

36 Sa nidi bato Pablo tiquina mehna dusepe curi mehna quehe sa, Cohãcjũre sinidi.

37 Tiquiro sa sinidi bato tiquina ijiptiyequina Pabloure quẽ suhsu, wahsupure ihmi, utiri.

38 "Musare pari turi ihñasi yuhuh", to pano tiquiro nigũ tũhoye tutuaro bujua witiri tiquina. Sa ye tiquirore tu nunu tã buhari petamaharu. Topu usãre ihña nunu tãri usã wahagũ.

21

Pablo Jerusalẽru pari turi wahahye

1 Jesu yequinare "Wahana niaja", ni, yucusa mehna, Cos wame tiri nucõoru poto waha, pehã sau usã. Ape decõru Roda wame tiri nucõoru pehã sa, yuhuh, Pátara wame tiri macaru esau usã.

2 Pátararu ijina, Feniciaru waha-tiare yucusare bocau usã. Sa yena tia mehna wahu usã.

3 Sa wahana Chipre wame tiri nucõore poto ihña yuhuh usã. Cũ pehe pehe ijiri ti nucõo. Ti nucõore

yuhuh, Siria wame tiri yehpau esau usã. Sa yena yucusa cjẽ doeri cjẽne yucusa cjũno Tiro wame tiri macaru tiquiro dure mogũ topu pahsarũ.

4 Topu Jesu yequinare ihñana, siete decori waro tojoarũ usã ti macaru. Sa ye to cjẽna Jesu yequinare Espiritu Santo tiquiro yahuriro sahata tiquina Pabloure Jerusalẽru waha dutieramedi.

5 Tiquina sa niepegãta ti macare siete decori usã ijiri bato, wahu usã. Usã wahato panogã ijiptiyequina Jesu yequina, tiquina namosãnumia mehna, tiquina pohne mehna, maca duhtu caharu usãre ihña tojoari. Sa yena ijiptina usã padõõoru esa, dusepe curi mehna quehe sa, Cohãcjũre sinii.

6 Usã sa sinidi bato, "Wahana niaja", ni, tiquinare quẽ suhsu bato ti wahu usã. Usã wahagũ ihña nunu tã, tiquina pehe majaa wahari tiquina ye wuhõõoru.

7 Tiro wame tiri macare maja yuhuh usã. Sa yena Tolemaidaru wahã sau usã. Topu pajiri mare waha bato tii usã. Ti macaru esa, Jesu yequinare "¿Usã acaye, ijiajari?" ni, ihcã deco usã tiquina mehna ijinii.

8 Sa yena ape decõru tja Pablo mehna maharu wahu usã Cesarea wame tiri macaru wahana. Topu esa, quehnoañe buheyere yahuriquiro Felipe wame tiriquiro ya wuhõõoru esau. Sa yena tiquiro mehna tojoau usã. Felipe Jesu yequina tiquina siete besenohriquina mehna cjũno ijiri.

9 Sa yero tiquiro pititariõ numia pacõõo ijiri. Tiquina numia pehe Cohãcjũ yere yahuye numia ijiri. Nuhmia ijiri.

10-11 Topu usã meheñe decorigã usã ijiri bato, Agabo wame tiriquiro Cohãcjũ yere yahu mahtariquiro Judearu ijiriquiro usãre ihñano wihiri. Sa yero tiquiro Pablo ya dare jeri turi dare ne, tiquiro dahpocãrine, tiquiro omocarine duhtero, queo yahuri:

—Ohõ saha nidi Espiritu Santo. "Ahri dare cõoriquiro Jerusalẽru

tiquiro esagũ, judio masa sa duhteeta tiquirore. Duhte tuhasa, judio masa ijieyequinare ohoeta tiquina tiquirore”, nidi Espiritu Santo, ni yahuri Agabo.

¹² Tiquiro sa nigũ tuhona, usã Cesarea cjẽna mehna Pablöre tutuaro cahĩ usã. Tiquirore Jerusalẽpũ waha dutierami.

¹³ Usã sa nigũ Pablo pehe yuhtiri: —¿Duhse ni utina niajari musa? Yuhũ pehere bujua witigũ yeaga musa. Tiquina yuhũre peresu tiquina yegũ quehnoanota. Yuhũ Jerusalẽpũ Jesu mari puhtoro yere yuhũ yeri buhiri yuhũ yariagũ quehnoanota, nidi Pablo usãre.

¹⁴ “Wahaeraja”, tiquiro nigũ tuho duana nimi usã. Tiquiro “Wahautja”, tiquiro nigũ, sa tuhotu cãhũ usã. Ohõ saha nii:

—Mari puhtoro tiquiro cahmeno sahata yeahro, nii usã.

¹⁵ Tire yahu bato ti, usã yere quehno, waha waha usã Jerusalẽpũ wahana.

¹⁶ Topũ usã wahagũ meheñequinagã Cesarea cjẽna Jesu yequina pehe usã mehna wahari. Sa yena tiquina mehna cjũno Chipre cjũno Mnasõ wame tiriquire ya wuhũpũ esau usã. Tiquiro yoari pje Jesu buheriquiro ijiri. Sa yero tiquiro ya wuhũ usã ijiati wuhũ ijiri. Sa yena Jerusalẽpũ esau usã.

Pablo Santiagore ihñano wahahye

¹⁷ Jerusalẽpũ usã esagũ, to cjẽna Jesu yequina pehe “¿Wihiajari?” ni, bucu-eye mehna piti cari usãre.

¹⁸ Ape decorũ Pablo usã mehna Santiagore ihñano esari. Usã topũ esagũ topũ ijipihtiyequina Jesu yequina puhtoia ijiri.

¹⁹ Sa yero Pablo tiquinare tiquiro omoca ñehedi bato judio masa ijieyequinare tiquiro buherire yahu pehori Jesu yequinare. Cohãcjũ tiquiro yedohoye mehna tiquiro yerire yahu pehori.

²⁰ Tiquiro sa ni yahugũ tuhoye, “Cohãcjũ quehnoagũ, tutuagũ ijire mũhũ”, ni ño peori tiquina pehe

Cohãcjũre. Sa ni tuhasa tiquina Pablöre ohõ saha ni yahuri:

—Usã acayũ, yojopũre peyequina judio masa Jesure wacũ tutu-ayequina ijire. Tire masine mũhũ. Sa ye tiquina ohõ saha ni tuhoture: “Cohãcjũ dutiyere, Moiseputa marine tiquiro cũrire marine ye pehoro cahmene”, niñe nine.

²¹ Ohõ saha ni nemore tiquina. “Ape siepũ ijieyequinare judio masa ijieyequina watoapũ ijieyequinare judio masare Cohãcjũ Moisere tiquiro cũrire cohã dutiahye Pablo”, nimesi ohõ cjẽna judio masa mũhũre. “Pablo judio masa pohne cuhnucunũ sohto cahserogãre yuhre ne dutierare”, nimesi mũhũre tiquina. “Judio masa tiquina yee tiyere Pablo duhu dutire”, ni ahri gũhũre ni yahu wajare mũhũre.

²² Sa ye mũhũ ohõre wihigũ tuhoye tiquina cahmecoeta mũhũre tuhtiye tehe. Sa yegũ ohõ saha yero cahmene mũhũre.

²³ Mũhũre usã dutiro sahata yeya. Yojopũre ohõre pititiaro umũ Cohãcjũre wacũñequina “Ohõ saha yematja”, niñequina ijire.

²⁴ Tiquina mehna wahaya. Sa ye Cohãcjũ Moisere tiquiro dutiro sahata tiquina basi Cohãcjũ yere yee tehe tiquina ñano yeyere coseye nine. Mũhũ gũhũ sata yeya. Sa yegũ tiquina sa yeati wapare wapa yeya mũhũ pehe. Mũhũ sa wapa yeri bato tiquina poaire waha peho duti masine tiquina. Mũhũ sa yegũ ihñañe masa mũhũre tiquina niñe ni mehori ijigũ masieta ijipihtiyequina. Cohãcjũ Moisere tiquiro cũri dutiyere yegũ mũhũ ijigũ masieta tiquina.

²⁵ Sa yena judio masa ijieyequina Jesu yequina pehere usã ojoari pũre oho tuhasa. Ohõ saha ni, ojoa usã. “ ‘Cohãcjũ ijire’, tiquina niñe queoyere ño peo tiquina duhu peori ihyayere, diire, wamũ tiquina ñehe wejẽdiquinare wahiquinare ihyeracãhña musa. Sa yena wũana tieracãhña”, ni, yahu ojoa usã ojoari pũpũre, nidi tiquina Pablöre.

Cohãcjũ wuhupũ judio masa Pablöre ñeheahye

²⁶ Tiquina sa ni yahuducuri bato ape deco Pablo pehe pititiaro umua mehna tiquina basi Cohãcjũ yere yeye tehe tiquina ñano yerire coseye tehe, Cohãcjũ wuhupũ sajã wahahye. Ti wuhupũ sajã saro, tiquinare yahuahye Pablo: “Ohõpe decori dũhsare m̄sa coseato”, ni yahuahye tiquiro pititiarore. Sa ye tiquina cose bato tiri decopũ tiquinapequina Cohãcjũre wahiquinare tiquina ohoati deco ijiri.

²⁷ Sa ye tiquina cose pehoboriro mehenogã dũhsagũ waro Cohãcjũ wuhupũ Pablo tiquiro ijigũ Asia yehpa cjẽna judio masa pehe ihñahe tiquirore. Sa ihñahe Pablöre quti dojomehne, apequinare tiquiro mehna usuagũ yeahye tiquina. Sa usua, judio masa Pablöre ñehe, sañuducuahye:

²⁸ —M̄sa usã acaye, Israe masa usãre yedohona ahtaya. Ahriquiroy ijiye. Ahriquiroy Cohãcjũ Moiseretiquiro cũri dutiyere, ahri wuhũ gũhare cohã duti, buhere ijipihitiyequinare. Sa ye marine judio masare ñano ni yahuducure. Sa yero tiquiro Cohãcjũ wuhupũre judio masa ijieyequinare ne sajãri. Sa yero ahri wuhũre ñañe mariedi wuhũre tiquiro dojomehnedi, ni, sañuducuahye judio masa Asia yehpa cjẽna to cjẽnare.

²⁹ To pano Jerusalẽpũ Pablo Trófimo mehna tiquiro ijigũ judio masa ihñae tiahye. Trófimo Efeso cjãno judio masano ijieriquiro ijiri. Tiquiro sa ijigũ masiñe ohõ saha ni tũhotuahye tiquina: “Pablo Trófimore Cohãcjũ wuhũre ne sajãno niaga”, ni tũhotuahye judio masa.

³⁰ Masare sa ni yahu tiquina sañuducuri bato ti maca cjẽna peyequina tutuaro usuahye. Peyequina oma cãhta, Cohãcjũ wuhupũ ijiriquirore Pablöre ñehe weje wijiaa wahahye. Sa ye ti wuhũ sopecaharire bihahye tiquina.

³¹ Sa ye tiquina tiquirore wejẽne tee nimahye. Tiquina sa yegũ ihñahe

“Ijipihitiyequina Jerusalẽ cjẽna usua, sañuducuye nidi”, ni, apequina pehe yahuye wahahye surara pũtorore.

³² Tiquina sa nigũ tũhoro pũtoro pehe tiquiro yequina surarare, tiquina dutiyequina gũhare cahme-coadoqueo, tiquina mehna Pablöre wejẽ duayequina cahapũ oma cã esahye. Surara tiquina esagũ ihñahe Pablöre quẽmediquina quẽ duhu cãhye.

³³ Sa yero surara pũtoro Pablo cahapũ esa, pũa da come dari mehna tiquirore dũhte dutiahye. Tiquina dũhte tuhasagũ ihñaño, pũtoro Pablöre sinituahye:

—¿Noa boro ijiajari ahriquiroy? ¿Yabe buhiri tiquirore sa yeajari m̄sa? ni, sinituahye tiquiro tiquinare.

³⁴ Tiquiro sa sinitugũ tũhoye masa pehe “Ohõ saha yeri tiquiro”, ni, apequina gũhũ sijoro saha ni sañuducu, yahuahye surara pũtorore. Sa ni tiquina sañuducugũ surara pũtoro quehnoano tũhoerahye. Sa yero tiquiro surara ya wuhupũ Pablöre nea dutiahye.

³⁵ Ti wuhupũ esa, Pablo m̄jari escarera pũ tiquiro m̄jano taro yegũ masa pehe tiquirore quẽ duaye nimahye. Tiquina sa yegũ surara pehe tiquirore ne wua m̄jaa wahahye.

³⁶ Masa tiquinare peyequina nũnũ tã, sañuducu nũnũ tãhye.

—Tiquirore wejẽ cãhña, ni, sañuducuahye tiquina Pablöre.

Pablo “Ne masare ñano yeraja yuhũ”, ni, yahuahye

³⁷ Sa ye ti wuhupũ tiquina peresu yeato pano, Pablo pehe pũtorore siniahye:

—Yuhũ m̄hũ mehna yahuducu duga, ni siniahye Pablo.

—¿Muhũ griego masa yere yahuducujari?

³⁸ ¿Sohõ ijirigũ, Egipto cjũ ijierajari m̄hũ? Tiquiro masare tiquina pũtoare cohã dutiriquiro, cuatro mil masa wejẽnequina pehere masa

marienopu neari jiri. ¿Tiquiro ijierajari mahu? niahye surara puhtoro Pablöre.

³⁹ Tiquiro sa nigü tuhorö Pablo yuhtiahye:

–Tiquiro ijieraja yahu. Judio masu ijiaja. Tarsopu Cilicia yehpapu ijiri macapu masa baju yahu. Ihyo ijiri maca cju ijieraja yahu. Yahu ahriquina masa mehna yahuducu duaga yahu, niahye Pablo tiquirore.

⁴⁰ Tiquiro sa nigü tuhorö puhtoro pehe tiquirore yahuducu dutiahye masa mehna. Sa yero Pablo mujari escarerapu ducuro tiquiro omocari mehna “Dihta mariaña”, niahye masare. Tiquiro sa yegu ihñañe, dihta mari pihtia wahahye. Tiquina dihta mariañgü ihñano, Pablo judio masa ye mehna yahuahye tiquinare.

22

¹ –Yahu acaye, yahu yerire yahutja musare. Yahu yahugü tuhoya masa, niahye Pablo.

² Tiquiro sa nigü Pablo judio masa ye mehna tiquiro yahuducugü tuhoye masa pehe dihta mari dojoa wahahye. Sa yero Pablo tiquinare yahuahye:

³ –Yahu judio masuta ijiaja. Tarso wame tiri macapu, Cilicia yehpapu ijiri macapu masa baju yahu. Sa ijiepegata ahri maca Jerusalëpata bucna yahu. Sa yero yuhare Gamalie wame tiri tiquiro buhee tiri. Sa yegu yahu mari necusuma mana panopu cjenä dutiyere quehnoano buhei. Yojopure mari Pacure masa yero sahata yahu gühu ño peoe timi.

⁴ Sa yegu Jesu yequinare ñano yee tii yahu. Ihquëquina tiquinare wejëe tii yahu. Umare, numia gühare ñehe, peresu yee tii yahu.

⁵ Pahia puhtoro, judio masa bucna mehna tiquina ojoaye pürine Jesu yequinare ñehe dutiye pürine yuhare ojoa basari. Mari acayere Damasco cjenare ti pürine ihñogu tuu nimi Jesu yequinare ñehei tuhu. Tiquinare ñehe, ne cãhta peresu yei tuu nimi. Jerusalëpu tiquinare ne cãhta duami

buhiri dahrei tuhu. Ohö saha yahu nigü pahia puhtoro, judio masa bucna gühu quehnoano masine, ni yahuahye Pablo.

Pablo Jesu yaquiro tiquiro waha ducarire yahuahye

(Hch 9.1-19; 26.12-18)

⁶ Sa ni tuhasa ohö saha ni yahu nemoahye:

–Sa yero coheri pje ijigü Damascopu yahu esa quehegü waro ahmanopu asi sitedoque dijiori yuhare.

⁷ Sa wahagü yahu yehpapu bora quehe saa waharu yahu. Yahu bora quehe sari bato yahuducuro ca tari yuhare. “¿Saulo, dühsegu yuhare ñano yeajari?” nino ca tari yuhare.

⁸ “¿Puhto, noa boro ijiajari mahu?” ni, sinituu yahu. “Yahu Jesu Nazare cju, mahu ñano yenohrigu ijiaja yahu”, ni, yuhtiri yuhare tiquiro.

⁹ Yahu sa wahagü yahu mehna cjenä buhriorore ihñari. Sa ihñaepeta yahu mehna tiquiro yahuducugü tuhoerari tiquina.

¹⁰ “¿Puhto, dühse yegutari yahu?” ni sinituu Jesure. “Wahcãdaca. Damascopu wahaya. Topu mahu wahagü, mähare ijipihtiyeh yahu ye dutiatire apequiro yahurota mähare”, nidi tiquiro yuhare.

¹¹ Tutuaro tiquiro asi sitedoqueogü, yahu caperi opoa waharu yahu. Sa ye, yahu mehna cjenä yahu omocare ñehe, Damascopu tuã cãri yuhare.

¹² Topu Anania wame tiri tiquiro, Cohãcjüre ño peoriquiro marine Cohãcjü dutiyere ye pehoriquiro ijiri. To cjenä judio masa ijipihtiyequina tiquina ño peoriquiro ijiri.

¹³ Sa yero tiquiro yahu cahapu wihidaca yuhare yahuri. “Yahu acayu Saulo, ihñaña pari turi tja”, nidi tiquiro. Tiquiro sa nidi bato pari turi ihñau yahu. Sa yegu tiquirore ihñau yahu.

¹⁴ Yahu sa ihñagü tiquiro Anania yuhare yahuri. “Mari Pacu tiquiro cahmeñene quehnoano masiacjare

panopu bese tuhasahye mahuare. Sa yero 'Yuhu macu quehnoariquirore ihña, tãhorota', ni yahuahye mahuare mari Pacu panopu. Tiquiro ijire mari ñecusumna mana tiquina ño peoriquiro.

¹⁵ Sa yegu mahu ihñarire, mahu tãhorire yahugata mahu ijipihtiyequinare.

¹⁶ Sa yena yojopare yoari pje ijieracãhna. Wahcãducaya. Sa yegu wame yenohrigu ijiya. Jesure mahu sinigã mahu ñañene cohãnota", nidi yuhare tiquiro, niahye Pablo tiquirore wejẽ duariquinare.

Pablo judio masa ijieyequinare tiquiro buherire yahuahye

¹⁷ Sa ni tuhasa Pablo yahu nemoahye:

—Sa ye tuhasa yuhu Jerusalẽpu tojoa ta, Cohãcjũ wãhupũ Cohãcjũre sinigu esau.

¹⁸ Yuhu topu ijigũ Jesu yuhare bajue tiri. Sa bajoaro yuhare yahuri. "Jerusalẽ cjẽna yeere mahu yahugũ tãho duerare. Sa yegu umãñano ape sieru wahaya", nidi Jesu yuhare.

¹⁹ Tiquiro sa nigũ tãhogu yahuu tiquirore: "Pũhto, mahu yequinare judio masa buheye wãhusepu ijieyequinare yuhu ñehe, quẽdire masine Jerusalẽ cjẽna.

²⁰ Sa yegu mahuare yahuriquirore Estebã pehere tiquina wejẽgũ ihñagu 'Quehnoano yeye wejẽne', nimi. Tiquirore tiquina wejẽgũ tiquina suhtire cuo basau yuhu. Ti gãhure masine ahri maca cjẽna. Sa ye yuhu yahugũ tãhoboaga yuhare", ni yahuu yuhu Jesure.

²¹ Yuhu sa nigũ tãhoro Jesu yuhare yahuri: "Yoaropu judio masa ijieyequinare buheacjũre ohoutja mahuare. Sa yegu wahaya mahu", nidi yuhare yuhu pũhtoro, niahye Pablo masare.

Surara pũhtoro Pablo mehna yahuducuahye

²² Tiquiro yahu mãhtari dihitare quehnoano tãhomahye masa. Sa tãhoepeta judio masa ijieyequina

cahapu Jesu Pablora tiquiro ohoatire tiquiro yahugũ tãhoye tiquina sañuducu dũcahye tja:

—Ahriquiro yojopu pũritare yariacũnahdo, ni sañuducuahye tiquina.

²³ Sa ye tiquina sañuducu nemo, usuaye mehna tiquina suhtire wahba siteduca, dihta mehna doque mãoahye.

²⁴ Surara pũhtoro surara ya wãhupũ Pablora ne sajã dutiahye tiquiro yequina surarare. Sa yero surara pũhtoro "¿Dũhse ijiro boro Pablo mehna usua ñano sañuducuye nijari masa?" ni sinitu duamahye. Pablora tire sinituro taro, yuta dari mehna tana dutimahye tiquirore.

²⁵ Sa tana dutiepegãta tiquirore tiquina dũhteri bato, tiquiro cahapu ijiriquirore surarare yahuahye Pablo:

—Yuhu Roma cjũ ijiaja. Sa yena "Ñano yeriquiro ijire ahriquiro", yuhare ni masiedare mãsa. Sa yena yuta dari mehna yuhare tana masiedare mãsa, niahye Pablo tiquirore.

²⁶ Tiquiro sa nigũ tãhoro surara tiquiro pũhtoro yahuro wahahye:

—Ahriquiro Roma cjãno ijire. Sa yegu quehnoano yeya tiquirore, ni yahuahye tiquiro pũhtoro.

²⁷ Tiquiro sa nidi bato surara pũhtoro pehe Pablora sinituro wahahye:

—¿Potota mahu Roma cjũ ijiajari? Yahuya yuhare tire, niahye tiquiro.

—To cjũta ijiaja yuhu, ni yũhtiahye Pablo.

²⁸ Tiquiro sa nigũ tãhoro pũhtoro pehe tiquirore yahuahye:

—Yuhu Roma cjũ iji duagu niñeru pajiro wapa yei, niahye tiquiro.

—Yuhu Roma cjã macapu masa bajuu. Sa yegu Roma cjũ ijiaja yuhu pehe, niahye Pablo.

²⁹ Tiquiro sa nigũ tãhoye tiquirore tanaboriquina wahaa wahahye. Sa yero Pablo Roma cjãno tiquiro ijigũ masino, tiquirore come dari mehna tiquina dũhterire wacũno, cue niahye pũhtoro pehe.

Pablo judio masa p̄h̄torore yahuahye

³⁰ Sa yero surara p̄h̄toro judio masa Pablore tiquina yahus̄arire quehnoano masi duahye. Sa masi duaro ape decop̄u come darire tiqirore p̄ã dutiri bato, pahia p̄h̄toare, judio masa b̄uc̄na mehna cahmecoa dutiahye surara p̄h̄toro. Tiquiro sa cahmecoa dutiri bato tiqiro top̄u Pablore ne c̄ã, tiquina ih̄ñoño duhu docoahye tiqirore.

23

¹ Sa yero Pablo judio masa b̄uc̄nare ih̄ña piti ca ducu, yahuahye:

—Ȳh̄u acaye, Coh̄ãcj̄u tiqiro ih̄ñoñop̄u ijipihtiye decori quehnoano yeducuaja ȳh̄u, niahye Pablo.

² Tiquiro sa niḡu t̄horo ijipihtiyequina pahia bui ijiriquiro Anania pehe Pablo d̄userore quē dutiahye.

³ Tiquiro cahap̄u ducuyequinare quē dutiahye. Tiquirore tiquina quēdi bato Pablo Ananiare tuhtiahye:

—Masa ih̄ñoño dihita quehnoano iji mehoḡu ijire m̄h̄u. “Coh̄ãcj̄u dutiyere ȳhd̄ud̄ucaḡu nine”, ȳh̄u nepep̄ḡata ȳh̄u quē dutire m̄h̄u. Sa quē dutiḡu m̄h̄u pehe dutiyere ȳhd̄ud̄ucaḡu niaga, niahye Pablo tiqirore.

⁴ Tiquiro sa niḡu t̄hoye Pablo cahap̄u ducuyequina oh̄o saha niahye tiqirore:

—Coh̄ãcj̄u tiqiro beseriquiro pahia p̄h̄torore ñano yahuducuerac̄h̄ña m̄h̄u, niahye tiquina Pablore.

⁵ Tiquina sa niḡu t̄horo Pablo ni nemoahye t̄ja:

—Ȳh̄u acaye, tiqiro pahia p̄h̄toro ijiyere masied̄u ȳh̄u. Sa yeḡu sa ni maca c̄ãhti ȳh̄u. Coh̄ãcj̄u yere tiquina ojoari oh̄o saha ni yahure tiqirore: “M̄h̄u ya maca cj̄ena p̄h̄torore ñano ni, yahuducuerac̄h̄ña”, ni ojoahye, niahye Pablo tiquinare “Boya”, nino.

⁶ Sa ye top̄u p̄na curua cj̄ena ijiahye. Ih̄c̄ã curua saduceo masa ijiahye.

Ape curua pehe fariseo masa ijiahye. P̄na curua tiquina ijiḡu masino, Pablo judio masa b̄uc̄nare tutuaro sañuducu yahuahye:

—Ȳh̄u acaye, ȳh̄u fariseo masu ijiaja. Fariseo mas̄no mac̄ta ijiaja ȳh̄u ḡh̄u. “Yariariquina masa m̄jaeta”, ȳh̄u sa nidi buhiri ȳh̄u ñano ye duare m̄sa, niahye Pablo.

⁷ Tiquiro sa niḡu t̄hoye fariseo masa, saduceo masa tiquina basi cahme tuhtiahye. Sa ye tiquina basi p̄na curua tu wahye.

⁸ Saduceo masa oh̄o saha niñequina ijiahye: “Yariariquina masa m̄jasi. Esp̄ritua, angele ḡh̄u ne mariedare”, niñequina ijiahye. Sa ye fariseo masa pehe tiquina yero saha niedahye. Sa ye Pablo “Yariariquina masa m̄jaeta”, tiqiro niḡu tiquina basi cahme tuhtiahye.

⁹ Sa cahme tuhtiyere, tutuaro sañuducuahye. Sa ye fariseo masa mehna cj̄ena judio masa buheyequina wahc̄ad̄uca, tuhti, yahuahye:

—Ahriquiro Pablo ñano yerari. Sa yero esp̄ritu o angel, potu tiqiro mehna yahuducuriquiro ijiboaga, niahye tiquina.

¹⁰ Tiquina sa nidi bato tiquina ijipihtiyequina cahme tuhti, tutuaro usuahye. Pablore tiquina wej̄e duaḡu ih̄ñoño cues̄ahye surara p̄h̄toro pehe. Sa yero Pablore tiqiro ya w̄h̄up̄u ne c̄ã dutiro, tiqiro masa watoap̄u surarare ohoahye.

¹¹ Ape ñami Jesu mari p̄h̄toro Pablo cahap̄u ducuro, yahuahye tiqirore:

—Cuerac̄h̄ña. Yojop̄are oh̄ore Jerusal̄ep̄u yee buheyere yahuri m̄h̄u. Sa yeḡu Romap̄u ḡh̄u oh̄o sahata yei wahaya, niahye mari p̄h̄toro Jesu Pablore.

Judio masa Pablore wej̄e duamahye

¹²⁻¹³ Ape decop̄u ñami cj̄uno ijiḡu judio masa cahmecoahye.

—Oh̄o saha yeihna. Pablore wej̄eihna. Tiquirore mari wej̄eato pano sihniedac̄h̄na. Ihyerac̄h̄na. Tiquirore wej̄edana ūj̄na mehna

yariuhna. Sa yero Cohãcjũ mari pehere wejẽahdo, niahye tiquina.

Tiquina cuarenta bui cjũno judio masa ijiahye.

¹⁴ Tiquina sa nidi bato tiquina pahia pũhtoare, bucuna gãhure yahuye wahahye:

—Pablore usã wejẽato pano ihyayere usã ihyeraja.

¹⁵ Sa yena m̄sa, bucuna mehna ohõ saha ni pijioya. “Pablore pari turi sinitu duaja”, niña surara pũhtoro. M̄sa sa nidi bato surara pũhtoro ne cãhta dutiya Pablore. Sa yena Pablo ohõ cahagã tiquiro wihigũ waro tiquirore wejẽnatja usã, niahye tiquina pahia pũhtoare.

¹⁶ Sa ye Pablo pacjũno tiquina sa ni yahuducugũ tũhoahye. Tiquina sa nigũ tũhoru waha, surara ya wũhũpũ Pablore yahuro sajãhye.

¹⁷ Tiquiro sa yahuri bato Pablo pehe ihcãquiro surarare pijio yahuahye tiquirore:

—Ahriquiro wahmũnore pũhtoro cahapũ neahña. Ahriquiro m̄hũ pũhtoro yahu duaro nine, niahye Pablo.

¹⁸ Tiquiro sa nigũ tũhoru surara pehe Pablo pacjũnore tiquiro pũhtoro cahapũ ne sa, yahuahye:

—Peresupũ ijiriquiro Pablo pehe yũhũre pijio, ahriquiro wahmũnore m̄hũ cahapũ ne cã dutiri. Ahriquiro m̄hũre yahuro taro niñohti, niahye surara tiquiro pũhtoro.

¹⁹ Tiquiro sa nigũ tũhoru pũhtoro pehe wahmũno omocare ñehe tũã cã, masa marienopũ tiquirore sinitu-ahye:

—¿Dũhse nigũ tũũ niari m̄hũ yũhũre? niahye tiquiro Pablo pacjũnore.

²⁰ Tiquiro sa sinitugũ tũhoru ohõ saha ni yahuahye:

—Judio masa ihcãno mehna “Ohõ saha yeihna”, ni, ñamiapũ judio masa bucuna cahapũ m̄hũre Pablore nea dutieta. “Bucuna Pablore pari turi sinitu duare”, ni mehoeta.

²¹ Sa niepegũta cuarenta bui cjũno masa tiquirore wejẽ duayequina

duhti, cohte duare. Tiquina tiquirore wejẽato pano ihyayere ihyasi. Sa ye sihnisi. “Tiquirore mari wejẽdagũ Cohãcjũ marine wejẽahdo”, nidi tiquina basi. Sa ye yojopũre m̄hũre Pablore ne cãhta dutiye tiquina pehe duhti, cohte tuhasari, Pablore wejẽne tehe. Sa yegũ tiquina yahuye wihigũ tiquinare yũhtieracãhña m̄hũ, ni yahuahye wahmũno surara pũhtoro.

²² Tiquiro sa nigũ tũhoru surara pũhtoro ohõ saha niahye:

—Yũhũre m̄hũ yahurire apequinare yahueracãhña, ni yahuahye wahmũnore.

Sa ni tuhasa wahmũnore “Waharĩsa”, niahye tiquiro.

Pablore pũhtoro Feli wame tiriquiro cahapũ ohoahye

²³ Sa yero surara pũhtoro pũaro tiquiro yequina cien surara pũhtoare piji cã, tiquinare dutiahye:

—Dos cientos surarare, setenta caballoa bui pesayequinare, dos cientos doqueye cjũ c̄oyequina mehna Cesareapũ wahatiquinare tiquina yere quehno dutina wahaya. Sa yena m̄sa mia ñami nueve ijigũ m̄sa wahatore cohteya.

²⁴ Sa yena Pablore caballoare tiquiro pesatiquinare quehno basaya. Pũhtoro Feli cahapũ, Cesareapũ, quehnoano soya tiquirore, niahye surara pũhtoro.

²⁵ Sa ni tuhasa papera ojoahye. Ohõ saha ni ojoahye tiquiro:

²⁶ “Yũhũ Claudio Lisia m̄hũre tu- tuagũ pũhto Felire quehnoa dutiaja.

²⁷ Judio masa ahriquiro Pablore ñehe, wejẽmedi. Sa yegũ Roma cjũno tiquiro ijigũ masigũ, yequina surara mehna tiquirore yedohou esã.

²⁸ Sa yegũ tiquirore tiquina yahusãrire masi duagũ judio masa bucuna cahapũ ne saũ tiquirore.

²⁹ Sa yegũ tiquiro judio masa ye dutiye dihitare tiquiro yũhdũdcagũ mari ye dutiyere tiquiro yũhdũdcaeragũ ihñagũ, tiquirore peresupũ cũ duerũ. Yabe buhiri yariaro mariedare tiquirore.

30 Sa yero judio masa tiquirore wejê dua, tiquina buca quehegã ihñano apequiro yahuri yuhure. Tiquiro sa yahuri bato Pablore yojopare mahu cahapu ohogu niaja. Sa yegu tiquirore yahusãriquinare tiquiro ñahe yerire mahure yahu duti tuhasa yuhu”, ni, ojoahye surara puhtoro.

31 Sa ye surara tiquina puhtoro tiquiro dutiriro sahata yeahye. Ti ñamine Antipatri wame tiri macapu Pablore ne sahye.

32 Ape decopu apequina surara caballo bui pesaerariquina ti macapu tojoa tahye tiquina ya macapu. Apequina surara caballo bui pesaeyequina dihita tiquirore ne yuhdu cahye.

33 Tee Cesareapu ne sahye Pablore. Sa ye surara puhtoro tiquiro ohori pũre puhtoro Felire wiahye. Sa ye Pablore ne sahye puhtoro cahapu.

34 Tiquina sa wiari bato puhtoro ti pũre tiquiro ihñari bato apequinare sinituahye:

—¿Di yehpa cjãno ijiajari ahriquiro Pablo? ni sinituahye tiquiro.

—Cilicia yehpa cjãno ijire, ni yahuahye tiquirore.

35 Tiquinare sinitu tuhasa, Feli Pablore yahuahye:

—Mahure yahusãriquina ohõre tiquina wihigã mahu yahugũ tuhoutja, niahye Feli Pablore.

Tiquiro sa nidi bato Herode ya wuhapu tiquirore cũahye. Sa yero tiquiro yequina surarare Pablore cohte dutiahye puhtoro.

24

Pablo “Ñano yeru yuhu”, ni yahuahye Felire

1 Ihcã omope decori bato, Anania pahia puhtoro, apequina judio masa bucuna, dutiyere mihnidiquiro Tertulo wame tiriquiro mehna Cesareapu esahye. Sa ye tiquina Pablore yahusã duaye puhtoro Feli cahapu esahye.

2 Sa yero Pablore topare tiquina ne sari bato Tertulo tiquirore yahusã ducahye. Sa yahusã ducaro ohõ saha ni yahusãhye Felire:

—Mahu quehnoano masigu, usã puhto mahu quehnoano dutigã usã ahri yehpa cjãna quehnoano iji cjã usã cahmequeno marieno. Mahu dutiye mehna quehnoahe pehere comesaro nine ahri yehpa.

3 Sa yena usã quehnoano iji cãna bucueaja. Sa yena mahu mehna quehnoano bucueaja.

4 Yojopare mehenogã mahure cariboutja yuhu. Mehenogã mahu mehna yahuducu duaja. Usãre tuhodoqueorĩna mahu.

5 Ahriquiro usãre caribo yuhduare. Ijipihtiyere yehpari cjẽnare judio masare tiquina usua sañuducugũ yere ahriquiro. Sa yero masa tiquina basi cahme tuhtigũ yere ahriquiro. “Puhtoare cohãhna”, niñequina mehna cjãno ijire ahriquiro. Sa yero nazareno wame tiri curua puhtoro ijire.

6 Sa yero Cohãcjũ wuhure ñano tiquiro ye duagũ ihñana usã ñehedi ahriquirore. [Usã ñehedi bato usã ye dutiyere tiquiro yuhducariquiro ijigũ tiquirore buhiri dahre duami usã.

7 Usã sa ye duepegãta surara puhtoro Lisia wame tiriquiro tiquirore usãre tutuaro mehna ehma cãri.

8 Came tiquirore yahusãriquinare mahu cahapu waha dutiri Lisia. Tiquiro sa nigũ tuhona ahtau usã.] Mahu pũrita ahriquirore sinitugũ, ijipihtiyere tiquiro ye buhirire masigãta mahu, niahye Tertulo Felire.

9 Tiquiro sa nidi bato apequina judio masa “Tertulo tiquiro nidiro sahata poto ijire”, niahye tiquina gãhu.

10 Tiquina sa ni yahusãri bato puhtoro Feli Pablore yahu dutiahye. Ohõ saha ni yahuahye Pablo:

—Peye cahmari ahri yehpa cjẽnare mahu dutirire masiaja yuhu. Sa

yegu yuhu yerire mähare yahugu bu-cueaja.

11 Doce decorita wahare Jerusalēpu Cohācjäre yuhu ño peori bato. Mähü ahri poto ijigü masi duagu apequinare sinituya.

12 Judio masa yuhare Cohācjü wuhupure boca tiquina ñehegü masare ni sañuducugu niedu. Sa yegu “Musa puhtoare cohāña”, nigü niedu. Sa yegu judio masa buheye wuhusere, tiquina ya maca gühare ne ñano yera tii.

13 Sa ye yuhare yahusāriquina pehe tiquina yahusārire “Ohō saha yeri ahriquiro”, ni, yahu masiedare mähare.

14 Yojopu yuhü yerire yahutja mähare. Duita usā ñecusumua tiquina ño peoriquirore mari Pacure ño peoaja yuhü gühu. Sa yegu tiquiro yere yeaja Jesu ye quehnoañe buheye nidiro sahata. “Jesu ye ni mehoñe ijire”, ni yahuducure ahriquina judio masa. Tiquina sa niepegüta Cohācjü dutiye, Moisepure tiquiro cürire ti gühare ño peoaja yuhü. Sa yegu Cohācjü yere yahu mähariquina tiquina ojoari gühare ño peoaja yuhü.

15 Ahriquina apequina judio masa tiquina tühoturo sahata Cohācjü ijip-ihtiyequina masare yariariquinare quehnoañequina, ñañequina mehna tiquina masa mäjagü yerota. Yuhü gühu sata ni tühotuaja.

16 Sa yegu buhiri mariedaja yuhü. Cohācjü tire masine. Sa ye masa gühu tire masine. Sa ye potota yahuaja yuhü mähare. Sa yegu quehnoano tühotuaja.

17-18 'Peye cühmarine ape siepu tinidigü ijigü Jerusalēne tojoa wihi, yuhü acayere judio masa pejecuoyequinare niñerure ohogu tüü nii yuhü. Tojoa wihi Cohācjäre ño peogu tüü, tiquiro ya wuhupu sajāmi. Sa yegu Cohācjü tiquiro cose dutiriro sahata yuhü basi yuhü ñañene coseri bato wahiquirore oho duami tiquirore ño peogu tüü. Topu yuhü ijigü ahriquina judio masa yuhare bocari. Tiquina bocagü apequina

yuhü mehna mariedari. Usua, sañuducuyequina mariedari.

19 Sa ye apequina judio masa Asia yehpa cjēna topu ijiri. Tiquina yuhü ñano yegü ihñariquina ijiye, yahusāñe ahtaahro.

20 Ahriquina ohōpüre ijiyequina pehe judio masa bucuna mehna yuhü ijigü ihñariquina yuhü ñano yerire masiñe, tiquina gühu yahusāhdo.

21 Ihcānogā pūritare yuhare tiquina yahusā masine: Ti pje tiquina mehna ijigü ohō saha ni tutuaro sañuducuu yuhü. “‘Yariariquina masa mājāeta’, yuhü nidi buhiri, buhiri dahrere masa”, nii tiquinare, ni yahuahye Pablo Felire.

22 Tiquiro sa ni yahuri bato Feli ohō saha ni yahuahye Pablöre:

—Yojopu to puno tjire. Surara puhtoro Lisia tiquiro wihiri bato mähare yuhü yeatore masiitja yuhü, niahye Feli Pablöre.

Feli pehe Jesu yequina tiquina yerire quehnoano masi pehoriquiro ijiahye.

23 Sa ni tuhasa, Pablöre cöhteriquiro surarare Feli quehnoano ihña nūnu dutiahye “Peresupu ijiriquiro duhtiari”, nino. Sa ijieperota mehenogā ohori tiquiro tinatorre. Pablo mehna cjēnare tiquirore peresupu ijiriquirore yedoho dutiro sa dutiahye Feli.

24 Meheñe decorigā bato Feli, tiquiro namono Drusila wame tiri-coro mehna ahta, Pablöre pijiahye. Feli namono pehe judio masono ijiahye. Pablöre tiquina pijiri bato, Jesucristore tiquiro wacü tutuayere Pablo pehe yahuahye tiquinare.

25 Sa yahuro quehnoañene, quehnoano wacü masiñene, ñañene cahmedare, pihtiri deco ijigü Cohācjü masare tiquiro buhiri dahreatore yahuahye Pablo. Tiquiro sa ni yahugü tühoro Feli cuero, Pablöre yahuahye:

—Yojopure waharīsa. Came yuhare dahraye mariedagü mähare pijitja tja, niahye Pablöre.

26 Sa nino Pablo tiquiro niñeru ohogã cahmemahye Feli. Sa yero tiquiro niñerure cahmeno, peye tahari Pablöre piji, tiquiro mehna yahuducue timahye Feli. Niñerure tiquiro wapa yegã Pablöre wioboaga, ape taha yero.

27 Pua cahma bato Porcio Festo wame tiriquire Feli comesariquire ijiahye. Sa ijiepegãta Feli pehe pãhtoro ijiro, judio masare bucuegã ye duahye. Sa yero tiquiro Pablöre peresupã iji dutiniahye.

25

Pablo Festore tiquiro yerire yahuahye

1 Sa ye Festo ti yehpapã ihtia deco tiquiro ijiri bato, Cesareapã ijiriquire waha, Jerusalẽpã esahye.

2 Topã tiquiro ijigã pahia pãhtoa, judio masa pãhtoa mehna Pablöre tiquina yahusãrire yahuahye Festore.

3 Pablo mahapã wahagã tiquire bũca quehe, wejẽ duaye nimahye tiquina. Sa ye tiquina Festore tutuaro sinimahye:

—Pablöre Jerusalẽpã ohoya, ni, sinimahye tiquina Festore.

4 Tiquina sa nigã tãhoro, Festo yahuahye tiquire:

—Yojopãre Pablo Cesareapã peresu ijire. Yojopãre yãhã topã wahã tũta njaja.

5 Pablo tiquiro ñano yeriquiro ijigã, mũsa pãhtoa Cesareapã yãhã mehna waha, tiquire yahusãahdo, niahye Festo.

6 Sa yero Festo ocho o diez decori tiquina mehna tiquiro ijiri bato Cesareapã tojoaa wahahye. Ape decopã tiquiro buhiri dahre dutiri wãhãpã dujiro, Pablöre ne cãhta dutiahye.

7 Sa ye Pablo Festo cahapã tiquiro wihigã, judio masa Jerusalẽpã ahtariquina pehe Pablo cahapã ducu, tiquire tutuaro mehna yahusã dũcahye. Sa yahusãepeta “Ahriquire tiquiro ñano yegã ihãau”, ni, masiedahye.

8 Tiquina sa ni yahusãri bato Pablo tiquiro yerire yahuahye:

—Judio masa tiquina dutiyere, Cohãcjã wãhã cjẽ dutiyere, Roma cjãno pãhtoro tiquiro dutiyere yãhdũcaerã, niahye Pablo.

9 Festo pehe judio masare bucuegã ye duaro, Pablöre sinituahye:

—¿Jerusalẽpã waha duajari mãhã? Mãhã yerire yãhãre topã yahuta mãhã, niahye Festo Pablöre.

10 Tiquiro sa nigã tãhoro Pablo yahuahye:

—Ijipihtiequina pãhtoro tiquiro ya wãhãpã buhiri dahre dutiri wãhãpã ijiaja yojopãre. Ahri wãhã boropã yãhã yerire tãhoya. Judio masare yãhã ñano yerarire quehnoano masine mãhã.

11 Dutiyere yãhdũcarigã ijigã “Yãhãre wejẽdacãhã”, niedaboaya yãhã. Sa yegã ahriquina yahusãri pehe ni mehoñe ijigã yãhãre yahusãriquinare yãhãre oho masiedare mãhã. Yãhã yerire ijipihtiequina pãhtorore Césare yahu duaja, niahye Pablo.

12 Tiquiro sa nigã tãhoro Festo pehe quehnoano masi yahuequinare sinitu tuhasa, yahuahye Pablöre:

—Mãhã ijipihtiequina pãhtorore mãhã yerire mãhã yahu duagã tiquiro cahapã ohonatja mãhãre, niahye Festo Pablöre.

Festo pãhtoro Agripare Pablo tiquiro ijiye tiyere yahuahye

13 Camerã pãhtoro Agripa, Berenice wame tiricoro mehna Cesareapã Festore ihããne esahye.

—¿Ne, ijiajari mãhã? niahye tiquina Festore piti caye.

14 Topã peye decori tiquina ijiri bato Festo yahuahye Agripare Pablo tiquiro ijiye tiyere:

—Ohõre Feli tiquiro peresu yeriquiro ijire.

15 Sa ye Jerusalẽpã yãhã wahagã judio masa tiquina pahia pãhtoa, tiquina bucũna mehna ahriquire yahusãri. “Tiquiro ye buhirire wejẽña tiquire”, ni, sinidi tiquina yãhãre.

16 Tiquina sa ni sinigũ tãhogu yũhũ tiquinare ohõ saha ni yahuu. “Roma cjẽna pehe peresu tiquina yeriquinare masare ohoerare. Sa yegũ tiquirore ohoeraja musare. Ûsã ñehediquirore tiquirore yahusãriquinare tiquiro ihñato pano tiquirore buhiri dahre masiedaja usã. Tiquiro basi tiquiro yerire tiquiro yahueragũ tiquirore buhiri dahre masiedaja usã”, nii tiquinare.

17 Sa yegũ ohõre tiquina wihigũ ihñagũ yoari pje yerũ yũhũ. Sa yegũ ape decopũ buhiri dahre dutiri wũhũpũ dujigũ, tiquina yahusãriquiore pijii.

18 Sa ye ti wũhũpũ tiquiro wihigũ ihñañe tiquirore ihña tuhtiyequina wahcãdũcari. Tiquina sa wahcãdũcagũ ihñagũ “Ña yũhdũaro ni yahusãeta”, ni, tũhotumi yũhũ tiquinare. Tiquirore yahusã duepeta yahusã masiedari tiquina.

19 Sa ye ahriquiore Cohãcjũ yere tiquiro yahuri buhiri judio masa tiquirore tuhtiri. Jesu wame tiri tiquiro tiquiro yaria masa mũjarire tiquiro yahuri buhiri yahusãri ahriquiore. Ahri dihitare yahusãri.

20 Tire masiedagũ tiquirore quehnoano sinituu. “¿Jerusalẽpũ waha duajari mũhũ yũhũ mehna? Topũ yahuya mũhũ yerire yũhũre”, nimi tiquirore.

21 Yũhũ sa niepegũta tiquiro waha duerari. “Yũhũ yerire ijipihtiyequina pũhtoro yahu duaja”, nidi tiquiro yũhũre. Tiquiro sa nidi bato ohõpũta tiquirore cohte dutii, ijipihtiyequina pũhtoro cahapũ tiquirore yũhũ ohoato pano, niahye Festo Agripare.

22 –Yũhũ basi tũho duaja tiquirore, niahye Agripa Festore.

–Ñamiapũ tiquirore tũhoya mũhũ, ni yahuahye Festo.

23 Ape decopũ Agripa, Berenice mehna tiquina buhiri dahre dutiri wũhũpũ esa, “Pũhtoa ijiaja usã”, niñe cua pesaro ye ihñoahye tiquina, surara pũhtoa, ti maca cjẽna pũhtoa mehna. Sata ye sajãhye ti wũhũpũ.

Tiquina sajã sari bato Pablore pijiahye Festo.

24 Sa yero Festo ohõ saha ni yahuahye:

–Pũhto Agripa, musa ijipihtina ahri wũhũre cahmecoana, tũhoya. Ohõre ahriquiore peyequina judio masa tiquina yahusãriquiore ijire. Jerusalẽpũ, Cesareapũ gũhũre tiquina tiquirore yahusãri. “Tiquirore wejẽña”, sa niducuye nine tiquina.

25 Tiquina sa niepegũta ohõ saha tũhotuaja yũhũ. Ahriquiore ne ñano yeriquiro ijierare. ¿Yabe buhiri wejẽboagari mari tiquirore? Sa yegũ ijipihtiyequina pũhtoro César Augustore ahriquiore yerire tiquiro yahu duagũ ijipihtiyequina pũhtoro cahapũ ohogũtja tiquirore.

26-27 Sa yegũ ahriquiore yerire tũho, quehnoano masiedariãja yũhũ. Sa masiedagũ mari pũhtoro yahu ojoa masiedaja. Sa yegũ musare tiquiro yahugũ tũho dutigũ niaja yojopũre. Pũhto Agripa, yojopũ pũritare ahriquiore ijire mũhũ sinituati tiquiro. Mũhũ sinitu tuhasa, mari masidi bato ahriquiore tiquina yahusãri quehnoano yahu ojoaũtja. Ahriquiore ñano yerire yũhũ masiedapegũta mari pũhtoro cahapũ tiquirore yũhũ ohogũ quehnoaedare. Sa yegũ yojopũre tiquina yahusãri quehnoano masi duagũ niaja, niahye Festo tiquinare.

26

Pablo Agripare tiquiro yerire yahuahye

1 Tiquiro sa nidi bato Agripa Pablore yahuahye:

–Mũhũ basita yahuya, niahye tiquiro Pablore.

Tiquiro sa nidi bato Pablo pehe, “Dihta mariahña”, nino tiquiro omocarine siõ mũo, tiquiro yerire yahuahye:

2 –Pũhto Agripa, yũhũre judio masa tiquina yahusãrire, yũhũ yerire mũhũre yahugũ, yojopũre quehnoano jeripohna tiaja.

³ Mũhũ judio masa usã yee tiyere, usã buheye gũhare mũhũ quehnoano masigũ pũritare bucueaja yũhũ. Sa yegũ mũhũ yũhare quehnoano tũhoya, ni dũcahye Pablo.

Pablo Jesu yaquiro tiquiro ijiato pano tiquiro ije tirire yahuahye

⁴ Sa ni tuhasaro ohõ saha ni nemoahye tiquiro:

—Wahmũ yũhũ ijie tirire ijipihtiye-quina judio masa masine. Ijipihtiye decori yũhũ masa bajuari bato yũhũ ya dihtapũre, Jerusalẽpũ gũhare yũhũ ijirire masine tiquina.

⁵ Coã waropũre fariseo masũ ijimi. Sa yegũ fariseo masa tiquina dutiyere, tiquina yeye borore ye pehogũ yũhũ ijigũ tiquina masine. Tiquina mũhũre yahu duaye, tire yahu masine tiquina.

⁶ Ahri buhirita yũhũre yahusã mũjare. Usã ñecũsumũa iji turi-ayequinare “Yariariquinare masoutja”, Cohãcjũ tiquiro ni cũrire “Poto tjire”, yũhũ nidi buhiri ahriquina yũhũre yahusã mũjare.

⁷ Yũhũ acaye judio masa ijipihtiye-quina doce cururi cjẽna Cohãcjũ masare tiquiro masoatire bucue, cohteducure. Sa ye Cohãcjũre ño peoducure. Sa cohteducuyequina ijiye usã yero saha yere tiquina. Pũhto Agripa, sa ihcãno saha yena usã ijiepegũta tiquina pehe tiquiro masoatire yũhũ cohteri buhiri yũhũre yahusã mũjare judio masa.

⁸ ¿Mũsa judio masa pehe dũhse yena Cohãcjũ tiquiro masorire tiquina yahugũ tũho duerajari mũsa, judio masa? ni yahuahye Pablo.

Pablo Jesu yequinare tiquiro ñano yee tirire yahuahye Agripare

⁹ Sa ni tuhasa ohõ saha ni yahu nemoahye:

—Jesure Nazare cjũnore ihñedarĩgũ, ñañe dihitare ye duami tiquiro yequinare.

¹⁰ Sa yegũ Jerusalẽpũ sa yee timi yũhũ. Pahia pũhtoa yũhũre tiquina dutiri bato peyequina Jesu yequinare peresu yee tii. Sa yegũ pũhtoa

tiquinare wejẽ dutigũ, wejẽ dutii yũhũ gũhũ.

¹¹ Peye tahari ijipihtiye judio masa buheye wũhũsepũ Jesu yequinare ñano ye dutie tirũ. Sa yegũ Jesu yequina Jesure tiquina cohãgũ ye duagũ nimi. Tiquina mehna tutuaro usuagũ yũhũ. Sa yegũ apeye macaripũ gũhare tiquinare ñano yegũ esae tii yũhũ, ni yahuahye Pablo.

Pablo Jesu yaquiro tiquiro waharire yahuahye

(Hch 9.1-19; 22.6-16)

¹² Sa ni tuhasa ohõ saha ni yahu nemoahye:

—Damascopũ Jesu yequinare ñano ye duagũ esami. Tiquinare ñano yũhũ ye duagũ ihñañe pahia pũhtoa yũhũre waha dutiri.

¹³ Ohõ saha ijiri pũhto Agripa: Coheri pje ijigũ waro mahapũ yũhũ wahagũ ahmũano cjẽ asi siteye, asũ deco cjũno yũhdũoro, yũhũre yũhũ mehna wahayequina gũhare asi siteri.

¹⁴ Usã ijipihtina yehpapũ bora quehe sa, judio masa ye mehna yũhũre tiquiro yahuducugũ tũhou. “¿Saulo, dũhse yegũ mũhũ yũhũre ñano yeajari? Mũhũ yũhũ mehna usuagũ yũhũre yũhtieragũ, mũhũ basi ñano yũhdũare”, nidi yũhũre.

¹⁵ “¿Pũhto, noa boro ijiajari mũhũ?” ni, sinituu yũhũ. “Yũhũ Jesu, mũhũ ñano yenhõrigũ ijiaja.

¹⁶ Wahcãdũcaya mũhũ. Mũhũre yũhũ cahacjũ ijiajũ yegũ tagũ, yojopũ bajuaja yũhũ. Miare yũhũre mũhũ ihñarire, came mũhũre yũhũ ihñoati gũhare apequinare yahugũta mũhũ.

¹⁷ Judio masare, judio masa ijieye-quina gũhare mũhũre buhe dutigũ ohogũtja. Tiquina cahapũ mũhũ ijigũ, mũhũre tiquina ihña tuhtigũ mũhũre yedohogũtja.

¹⁸ Yeere tiquinare masigũ yeya mũhũ. Sa yegũ tiquinare ñañene duhugũ yeya. Quehnoañe pehere comesagũ yeya tiquinare. Watĩnore cahmedagũ yeya mũhũ. Sa yegũ Cohãcjũ ye pehere yegũ yeya mũhũ tiquinare. Mũhũ sa yegũ tiquina

yuhare wacū tutuaeta. Tiquina sa wacū tutuagū ihñagu tiquina ñañe yerire boutja. Sa ye tiquina Cohācjū tiquiro beseriquina mehna cjēna ijieta. Tiquiro ohoatire cūoatiquina ijieta tiquina”, nidi Jesu yuhare, ni yahuahye Pablo.

Pablo tiquiro yerire tiquiro dahrayere yahuahye

¹⁹ Sa ni tuhasa ohō saha ni yahu nemoahye:

—Pūhto Agripa, uhmūano cjē yuhū tuhoyere yūhdūcaerū.

²⁰ Damascopū buhe mūhtaū. Came Jerusalēpū buhei tja. Came Judea yehparū, judio masa ijieyequina cahapū gūhūre masare tiquina ñañe yerire bujūa witi dutii, Cohācjū yere cahme dutigū. “Quehnoañene mūsa yegū ihñañe ñañene mūsa bujūa witiire apequina masieta”, nigū, tiquinare quehnoañene ye dutigū buhei.

²¹ Cohācjū ya wūhūpū yuhū ijigū yuhū sa ni yahuri buhiri judio masa yuhare ñehe, wejē duamedī.

²² Tiquina sa yepegūta decoripe Cohācjū tiquiro yedohoro mehna sa buheducaja. Sa yegū yojopūre mūsa ijipihtina pūhtoare, ihyo ijina gūhūre tiquiro yere yahugū niaja. Panopū cjēna Cohācjū yere yahu mūhtariquina, Moise mehna tiquina yahuyurūro sahata yahuaja yuhū gūhū. Ohō saha ni yahuyuahye tiquina.

²³ “Cristo Cohācjū ohoriquiro pehe ñano yūhdūrota. Sa yero yariaro masa mūja mūhtariquiro waharota tiquiro. Sa yero masare tiquiro yūhdūoatire judio masare, judio masa ijieyequina gūhūre masigū yerota”, ni yahuyu ojoae tiahye panopū cjēna. Yuhū gūhū tiquina yero sahata yahuaja, ni yahuahye Pablo Agripare.

Pablo Agripare Jesu yaquiro wahagū ye duamahye

²⁴ Tiquiro sa ni yahuri bato Festo tiquirore tutuaro sañuducu yahuducuahye:

—Pablo, mūhū tūho masiegū ijire. Mūhū peye buhegū cohto tia wahare, ni sañuducuahye tiquiro Pablōre.

²⁵ Tiquiro sa nigū tūhoro Pablo yūhtiahye Festore:

—Pūhto, tūho masiegū ijieraja yuhū. Yuhū yahuye ijirota ijire. Sa yegū yuhū ahrire cua pesaro mehna quehnoano niaja.

²⁶ Pūhtoro Agripa pehe ahri yuhū yahurire quehnoano masine. Sa yegū yuhū tiquirore cuero marieno yahuaja. Ahri yahuyere ijipihtiequina masa masine. Sa yegū ijipihtie ahrire yuhū nidire pūhtoro Agripa tiquiro masigū masiaja yuhū, niahye Pablo Festore.

Sa ni tuhasa ohō saha niahye Agripare:

²⁷ —Pūhto Agripa, Cohācjū yere yahu mūhtariquina tiquina yahue tirire tūhore mūhū. Tiquina yahue tirire mūhū tūhogū masiaja yuhū, niahye Pablo Agripare.

²⁸ —¿Ahrire yuhūre yahugū mehenogā mūhū yahuye mehna Jesu yaquiro yuhū wahagū ye duagū niajari mūhū? niahye Agripa Pablōre.

Tiquiro sa nigū Pablo yūhtiahye:

²⁹ —Mehenogā yahuducugū o yoari pje yahuducugū mūsa ijipihtinare “Yuhū ijiro sahata Jesu yequina ijiahro”, ni sini basaja Cohācjūre. Sa siniepegūta yuhū yero saha peresupū mūsa ijigū cahmedaja yuhū, niahye Pablo Agripare.

³⁰⁻³¹ Tiquiro sa nidi bato Agripa, Festo, Berenice ijipihtiequina apequina mehna wahcādūca, wijia, tiquina basi yahuducuahye:

—Ahriquiro buhiri mariedare. Sa yena tiquirore ne peresu ye masiedaja mari. ¿Sa yena mari yabe buhiri tiquirore wejēboagari? ni, yahuducuahye tiquina basi.

³² —Ahriquiro “Ijipihtiequina pūhtorore César pehere yuhū yerire yahu duaja”, tiquiro niedagū mari wioboaya tiquirore peresupū ijiriquirore, niahye Agripa Festore.

27

Pablo tiquiore tiquina yahusãrire Romap̄ yahuro wahahye

¹ Pablöre Italiap̄ yuc̄sa mehna ohoye tehe, tiquiore apequina mehna tiquina peresu yeriquina mehna Julio wame tiriquireo mehna cūri tiquina. Julio cien surara p̄h̄toro ijiri, tiquireo ya curua “Augusto yequina surara”, wame tiri.

² Sa yena Adramitio wame tiro cjãria yuc̄sap̄ sajãu usã. Tia Asiap̄ wahatia ijiri. Sajã tuhasa, tia mehna wahau. Aristarco Tesalónica wame tiri maca cjũno usã mehna wahari. Tesalónica Macedonia yehpap̄ ijire.

³ Ape decop̄ usã Sidõp̄ esau. Top̄ esaro Julio Pablöre quehnoano yeri. Sa yero Pablöre tiquireo mehna cjẽna cahap̄ ihñano waha dutiri. Sa yero Pablo mehna cjẽna tiquiore tiquireo cahmeñene tiquina ohogũ “Quehnoanota”, nidi Julio.

⁴ Yuc̄sa mehna usã pehãgũ tutuaro wihnono usãre ape siep̄ wẽdoque pehõri. Sa yena Chipre wame tiri n̄c̄uo cahmotarop̄ poto pehep̄ wahau usã.

⁵ Tee Ciliciare yuhduã, Panfilia gũhure yuhduã, Mira wame tiri macap̄ Licia yehpap̄ ijiri macap̄ pehã sau.

⁶ Top̄ esana, Alejandriap̄ ahtariare, Italiap̄ wahatiare yuc̄sare bocau. Sa yero usãre tiap̄ waha dutiri surara p̄h̄toro.

⁷ Peye decori dero dero waha, “Wape c̄uo yuhduare”, ni, waha, Gnido wame tiri maca potop̄ esau usã. Top̄ esa yuhduã, wihnono tutuaro wẽgũ, usã waha duarirop̄ usãre wẽ ohõedari. Sa yena usã cū pehe pehep̄ majare pehãa wahau. Sa yena Creta wame tiri n̄c̄uo cahmotari pahrẽ pehe usã pehãa waha, Salmõn wame tiri ñoare yuhduã wahau usã.

⁸ Top̄ yuhdu, ti n̄c̄uo duht̄ cahap̄ waha, “Wape c̄uo yuhduare”, ni, waha, Quehnoari petamaha wame tirop̄ wahã sau. Petamaha Lasea wame tiri maca cahap̄ ijiri.

⁹ Top̄ yoari pje usã ijiri bato, usã wahato pehe cua yuhduari. Sa yero tiquina sijiri deco bose deco yuhduari bato, Pablo tiquinare yahuri:

¹⁰ –Tuhoya m̄sa. Sijiri deco bose deco bato mari wahagũ marine minino cua yuhduare. Ahria yuc̄sa, yuc̄sa cjẽ, m̄sa doeri cjẽ gũh̄ mari mehna cjẽna gũh̄ mari butiboaga mari wahana, nidi Pablo.

¹¹ Tiquireo sa niepegũta surara p̄h̄toro yuc̄sa up̄rore tuhoro, ohoturiquireo gũhure tuhoro, Pablo yahuye pehere tuhõ duerari waha duaro.

¹² Tiquina pahsari petamaha quehnoari petamaha pohec̄u ijigũ tiquina pahsari petamaha ijierari. Sa ijiri petamaha ijigũ yuc̄sa cjẽna peyequina waha dua, Fenicep̄ yojoa duamedi. Fenice Creta wame tiri n̄c̄uo cjã petamaha ijiri, wihnono ahtaro pehe, asũ sajãno pehe cū pehe pehep̄, poto pehep̄ gũhure ihñadoqueo, wihnono ahtagũ quehnoano cahmotari maca ijiri. Sa ijiri petamaha ijigũ masiñe tiquina top̄ ihcã pohec̄u iji duamedi.

Pajiri map̄ wihnono, acoro mehna pajiro wẽ cãhtahye

¹³ Sa ye sur pehe derogã wihnono ahta d̄ucari. “Miare quehnoari deco mari wahati deco ijire”, ni tuhõtumahye tiquina. Sa wihnono wẽgũ yuc̄sa mehna waha d̄uca, Creta n̄c̄uo duht̄ cahagã yojoau usã.

¹⁴ Sa yojoaep̄egũta came cjũno wihnono noreste wame tiri wihnono tutuaro wẽdi.

¹⁵ Sa yero yuc̄sare wihnono tutuaro wahã wihiri. Wihnono ahtaro pehere waha masiedana, majare paha, wihnono wẽonop̄ wahau usã.

¹⁶ Cauda wame tiri n̄c̄uogã cahap̄ sur pehep̄ waha, ti n̄c̄uogã usãre mehenogã cahmotari. “Marine wape c̄uo yuhduare”, nina tore pajiria yuc̄sa cjãria meheniagã yuc̄sagãre quehnoano weje peo duht̄e usã.

¹⁷ Tiagãre yuc̄sap̄ usã weje peo duht̄eri bato pajiria yuc̄sap̄ pajiri

da mehna tiquina wahme ñehe pe-ori. Sirte wame tiri padurore “Tia yucusa doque wahã sari”, niñe, cue nidi tiquina. Sa ye wihno ñeheñe suhtire tiquina ne dijiori bato yucusa dihitare wihnono wêdoqueori.

18 Wihnono, acoro mehna tutuaro ahtari. Ape deco gũhure wihnono mnanota ahtagũ ihñañe tiquina do-eri cjêne diapũ duredoque ño tuhasa, pehãa wahũ usã.

19 Ape deco yucusa cjêne diapũ cohãri tiquina basi.

20 Peye decori ñicuñe decori ijigũ, asũ deco cjũno ñahpicoha paca gũhũ ne bajuerari. Sa yero tutuaro wihnono wêdi. Sa yena “Minia wahaja mari. Sa yena yariaa wahanata”, ni tũhotumi usã.

21 Sa ye tiquina yoari pje tiquina sijiri bato Pablo tiquina poto ducu, yahuri tiquinare:

—To pano mũsare yũhũ yahugũ tũhoerari mũsa. “Cretapũ ijirina mari wahagũ cuarĩaga”, yũhũ nigũ tũhoerari mũsa. Yũhũre tũhona, ahria cjẽ ijipihtiyere boeraboaya mũsa.

22 Sa niepegũta yojopũ mũsare yahuaja. Cueracãhña. Ijipihtina mari yũhdũnata. Ahria yucusa dihita marine wahtia waharota.

23 Mia ñamine Cohãcjũ yaquiro angel yũhũre bajuari. Cohãcjũ yaquiro ijiaja yũhũ. Sa yegũ tiquirore ño peoaja yũhũ. Angel pehe yũhũ cahapũ ahtaro, yahuri.

24 “Pablo, cueracãhña. Ijipihtiyequina pũhtorore mũhũ yerire mũhũre yahuro cahmene. Cohãcjũ quehnoariquiro ijire. Sa yero tiquirore mũhũ sinidiro sahata yojopũre mũhũ mehna cjẽna gũhũre yedohorota”, nidi yũhũre angel.

25 Sa yena cueracãhña mũsa. Angel yũhũre tiquiro nidiro sahata waharota. Cohãcjũre wacũ tutuaja yũhũ. Sa yegũ tiquiro yahuriro sahata “Ijirota ijire”, ni tũhotuaja yũhũ.

26 Yũhũ sa niepegũta marine nũcũopũ wihnono wêdoque ohõnota, ni yahuri Pablo tiquinare.

27 Ihcã ñami pũa semana bato pajiri ma Adria wame tiri mapũ wihnono usãre tutuaro wêdi. Ti pjere ñami decopũ yucusa cjẽna umũa pehe “Dũhtũ cahapũ ijiaja mari”, ni tũhoturi tiquina.

28 Sa ni tũhotuye nũcũria comea yuta da mehna dũhte, duhudoque dijio, queori. Treinta y seis metro waro uhcũãri. Mehenogã waha, queori tja. Ti pjere veintisiete metro waro uhcũãri.

29 Sa ye utã pacare “Doque wahã sari”, niñe yucusa ohoturopũ pititia pjĩne dũhte pohoye pjĩnine duhudoque dijiori diapũ. Sa ye “Sojaro mehna bohreahro”, ni, tutuaro sinidi tiquina.

30 Yucusa cjẽna umũa pehe duh-timedi. Tiquina meheniagãre yucusa cjãriare diapũ weje boro poho, yucusa ehquẽapũ dũhte pohoye pjĩnine tiquina dijioro sahata yeri tiquina meheniagãre “Marine ihñari”, niñe.

31 Tiquina sa yepegũta Pablo surara pũhtorore, tiquiro yequina surara mehna yahuri:

—Ahriquina umũa meheniagã yucusa mehna tiquina wahagũ mũsa ijipihtina yarianata, nidi Pablo.

32 Tiquiro sa nigũ tũhoye surara pehe meheniagãre dũhteyẽ darire yũhre sure, tiare cohãri.

33 Bohreato panogã Pablo tiquinare tutuaro ihya dutiri:

—Pũa semana waro mũsa dũhse wahatire masi duana, cohtena, ne ihyerari mũsa.

34 Sa yena yojopũre ihyana taya. Tutuaro mũsare ihya dutiaja. Mũsa cati duana ihyaya. Ijipihtina mũsa yũhdũnata, nidi Pablo tiquinare.

35 Tiquiro sa nidi bato Pablo pãre ne, ijipihtiyequina tiquina ihñonopũ Cohãcjũre “Quehnoare”, ni duhu peo, tire ihya dũcari tiquiro.

36 Tiquiro sa ihyagũ ihñañe tiquina cuero marieno waha, ijipihtiyequina tiquina gũhũ ihyari.

37 Usã ijipihtina doscientos setenta y seis masa yucũsapũ ijii usã.

38 Tiquina ijipihtiyequina yapia waha “Ahria yucusa nꝛꝛꝛ niaga”, ni, peye trigo ihyayere diarꝛ cohāri.

Yucusa padꝛꝛꝛ doque quehe sahye

39 Bohreagū yucusa cjēna ꝛꝛꝛꝛ nꝛꝛꝛꝛꝛ ihñañe, “Ohō saha wame tiri nꝛꝛꝛꝛꝛ ijire ahri nꝛꝛꝛꝛꝛ”, ni, ihña masiedari. Sa masiedapeta tiquina pari tucūꝛꝛ padꝛꝛꝛo ijigū ihñañe, “Mari ti tucūꝛꝛ wahana, topꝛꝛe doque pje saboaga padꝛꝛꝛꝛꝛ”, nidi tiquina.

40 Sa niñe dꝛꝛhte pohoye pñĩnine dꝛꝛhteye darire yꝛꝛhre sure dijioahye. Ohoturi pñĩ dꝛꝛhteye dari gāhꝛe yꝛꝛhre sure cāri tiquina. Tiquina sa yeri bato yucusa ehquēa cjā suhtirore wahcō docori, poto wihnono wēdoqueogū cahmeñe.

41 Sa yepegūta yucusa ehquēa pehe ape padꝛꝛꝛꝛꝛ quehe sa, nꝛꝛꝛꝛꝛ masiedari. Sa yero ohoturore tutuaro pahcōri quē ohōgꝛꝛ tia ohoturo wahtia wahari.

42 Tia sa wahagū ihñañe ohō saha nidi surara:

—Ahria minigū mari peresu yeriquina dꝛꝛhtꝛ caharꝛꝛ ba nꝛꝛꝛꝛꝛ duhtietia. Sa yena tiquinare wejē pehouhna, nidi surara.

43 Sa niepegūta surara pꝛꝛhtoro pehe Pabloure wejē dueraro, ijipihtiyequina peresu ijiyequinare wejē duerari. Sa yero ijipihtiyequina ba masiñequinare surara pꝛꝛhtoro poto dꝛꝛhtꝛ caharꝛꝛꝛ ba nꝛꝛꝛꝛꝛ dutiri.

44 Sa ye apequina yucusa cjē pñĩni wahti siteri pñĩni mehna bora ñojoa, ti pñĩni bui pesa ba nꝛꝛꝛꝛꝛ. Usā sa yena usā ijipihtina dꝛꝛhtꝛ caharꝛꝛꝛ wahā saꝛꝛ.

28

Pablo Malta wame tiri nꝛꝛꝛꝛꝛꝛ ijiahye

1 Sa ye ti nꝛꝛꝛꝛꝛꝛꝛ usā ijipihtina majadꝛꝛꝛꝛ sana, ti nꝛꝛꝛꝛꝛꝛꝛꝛ wamene masii. Malta wame tiri nꝛꝛꝛꝛꝛꝛꝛ ijiri.

2 Ti nꝛꝛꝛꝛꝛꝛꝛ cjēna masa usāre quehnoano yeri. Sa yena usā acoro weri bato yꝛꝛꝛꝛꝛ yꝛꝛhdꝛꝛꝛꝛꝛ usāre. Sa ye

to cjēna pehe peca wijiā tuhasa, usāre sohma dutiri.

3 Pablo pecare ne cāhta, tu tiāri. Tiquiro tu tiāri bato ti peca puhiarꝛꝛ sañariquiro aña tutuaro asigū wijia taro, Pablo omocarꝛꝛ bahque wahā sari yaha wero marieno.

4 Tiquiro bahque wahā sagū ihñañe ti nꝛꝛꝛꝛꝛꝛꝛ cjēna tiquina basi ohō saha ni yahuducuri:

—Ahriquiro masa wejēdiquiro iji-boaga. Sa yero tutuaricoro buhiri dahrericoꝛꝛ ꝛꝛhdꝛꝛꝛꝛꝛ cjōno tiquirore buhiri dahrero, cati dutierare. Tiquiro pajiri mapꝛꝛꝛ minino yꝛꝛhdꝛꝛꝛꝛꝛ tuhasari jimedi. Yojopꝛꝛꝛ ticoro pehe tiquirore cati dutierare, nimedi tiquina basi.

5 Sa niepegūta Pablo añare pecarꝛꝛꝛꝛ wejē sitedoqueori. Tiquirore aña puriēdari.

6 “Ipirota”, niñe, cohtemedi tiquina. Ne ipierari tiquirore. “Tiquiro yariaa waharota”, niñe tiquina cohtemedi. Tiquirore puriēdari. Yoari pje bato tiquirore ipieragū ihñañe, tiquirore puriēdagū ihñañe, sijoro tꝛꝛhoturi tiquina. “Ahriquiro cohāmana mehna cjēno ijiboaga” nimedi tiquina.

7 Tiquina ba wahā sariro cahagāꝛꝛꝛ Publio wame tiriquiro ye weseri ijiri. Tiquiro ti nꝛꝛꝛꝛꝛꝛꝛ cjāno pꝛꝛhtoro ijiri. Sa yena usāre tiquiro quehnoano yegū ihtia deco waro tiquiro ya wꝛꝛhdꝛꝛꝛꝛꝛ ijinii usā.

8 Publio pacꝛꝛꝛꝛꝛ yojoa mehna, ujuaye dohatiriquiro ijiri. Sa yero tiquiro cuñanopꝛꝛꝛꝛꝛ cuñari. Sa yero Pablo dohatiriquiro ya tucūꝛꝛꝛ sajā, Cohācjꝛꝛꝛꝛꝛ sini, tiquiro omocarine tiquiro bui duhu peo, quehnoa wahagū yeri tiquirore.

9 Tiquiro quehnoa wahagū ihñañe ijipihtiyequina apequina ti nꝛꝛꝛꝛꝛꝛꝛ cjēna dohatiyequinare Pablo caharꝛꝛꝛꝛ ne cāhtari. Tiquina sa ne cāhtagū ihñano Pablo quehnoa wahagū yeri tiquina gāhꝛe.

10 Came tiquina peyequina usāre wapa marieno ohoꝛi. Usā wahato panogā ijipihtiyē usā cahmeñene, usā

wahana ihyatire yuc̄sap̄ dure s̄ari tiquina.

Pablo Romap̄ esahye

11 Ihtia as̄ ti n̄c̄op̄ us̄ ijiri bato yuc̄sa mehna wahau us̄. Tia yuc̄sa ehqūap̄ p̄aro coh̄mana C̄stor, P̄lux wame tiyequina tiquina queoye duc̄uri. Alejandriap̄ ahtaria ijiri tia. Pohec̄u ijiro puno ti n̄c̄op̄ tia yuc̄sa pahsari.

12 Waha, Siracusa wame tiri macap̄ esana, ihtia deco waro ti macare ijii us̄.

13 Ti macare wijia, waha, Regio wame tiri macap̄ us̄ esau. Ape decop̄ surp̄ wihnono ahta, us̄are w̄doqueori. P̄a deco bato Puteoli wame tiri macap̄ esau.

14 Top̄ Jesu yequina meheñequinaḡ us̄are piti cari.

—Ihc̄a semana waro us̄ mehna tojoaya, nidi tiquina us̄are.

Tiquina sa niḡ t̄hona ihc̄a semana waro tiquina mehna tojoar̄i. Came mahap̄ maja, Romap̄ esau us̄.

15 To cj̄na Jesu yequina pehe Romap̄ us̄ esatire t̄hoye, Apio wame tirop̄ doeri cj̄ne duarop̄ us̄are piti cari. Apequina Jesu yequina ihtia w̄h̄ wame tirop̄ us̄are piti cari. Tiquina sa piti caḡ ih̄ano Pablo bucueye mehna Coh̄cj̄re “Quehnoare”, ni, quehnoano jeri s̄a wahari.

16 Romap̄ us̄ esari bato peresu tiquina yeriquinare to cj̄nore peresu cohteyequina p̄atorore yahuri. Sa yahuepeḡta Pablo pehere ihc̄aquirot̄a c̄uri to cj̄na p̄htoa. Sa yero tiquirore ihc̄aquirot̄a surara cohteri.

Pablo Romap̄ buheahye

17 Ihtia deco bato Pablo judio masa p̄htoa mehna cahmecoano taro, tiquinare pijiri. Tiquina cahmecoari bato tiquiro tiquinare yahuri:

—Ȳh̄ acaye, mari acayere, mari ñec̄sum̄a panop̄ cj̄na tiquina yee tirire, marine tiquina buheri ḡh̄are ȳhd̄caera tii ȳh̄. Ȳh̄

ȳhd̄caerapeḡta Jerusal̄ep̄ ȳh̄are ñehedi apequina judio masa. Tiquina sa yeri bato Roma cj̄nare ȳh̄are peresu ye dutiri tiquina.

18 Tiquina sa yeḡ Roma cj̄na ȳh̄are sinitu, ȳh̄ ñano yerariḡ ȳh̄ ijiḡ ȳh̄are “Buhiri tiquiro ijire”, ni masiedari. “¿Ne yabe buhiri wej̄boagari mari tiquirore?” nidi ȳh̄are tiquina. Sa ye ȳh̄are sinitu yequina pehe ȳh̄are wio duamedi.

19 Judio masa pehe ȳh̄are wio dutierari. Sa yeḡ ȳh̄ acayere judio masare ȳh̄are tiquina yerire yahu duerapeḡta “Ijipih̄teyequina p̄atorore ȳh̄ yerire poto yahu duaja ȳh̄”, ni sinii ȳh̄. Judio masa ȳh̄are tiquina wio dueraḡ ih̄naḡ “Romap̄ yahuro cahmene ȳh̄are”, nii ȳh̄.

20 Sa yeḡ m̄sare ahrire yahu duaḡ pijii. Cristo marine ȳhd̄oatiquiro judio masa tiquina cohteriquiro yere ȳh̄ yahuri buhiri ȳh̄ peresup̄ ijiaja. Sa yeḡ tire m̄sare yahuḡ t̄h̄ pijii, nidi Pablo judio masa p̄htoare.

21 Tiquiro sa niḡ t̄hoye tiquina pehe tiquirore yahuri:

—Judio masa m̄h̄are quti yahuye p̄rine us̄are ne ohoerari. Sa ye top̄ ahtariquina ḡh̄ us̄ acaye us̄are m̄h̄ sa waharire yahuera tiri. Tiquina “Tiquiro ñano yeriquiro ijire” ni m̄h̄are yahuerari.

22 Tiquina sa yahuerapeḡta m̄h̄ ya curuare ijipih̄tirop̄ masa ñano tiquina yahuducuḡ us̄ masiaja. Sa masina m̄h̄ buheyere m̄h̄ yahuḡ t̄ho duaja us̄, nidi tiquina tiquirore.

23 Sa ni tuhasa, “Ape decop̄ ijih̄na”, nidi tiquina. Ape decop̄ Pablo mehna cahmecoa m̄htariquina ȳhd̄oro masa peyequina tiquiro ijirrop̄ wihiri. Ñami cj̄noḡ Coh̄cj̄ tiquiro p̄htoro ijiyere quehnoañe buheyere tiquiro buhe d̄ca, tee ñamip̄ buhe duhuri. Coh̄cj̄ dutiyere Moisep̄are tiquiro c̄urire, Coh̄cj̄ yere yahu m̄htariquina

tiquina ojoari gũhare buheri. Sa buhero, tiquinare Jesure masigũ ye duaro nimedi Pablo.

²⁴ Ihquẽquina tiquiro buherire cahmedi. Sa cahmepegãta apequina pehe tũho duerari.

²⁵ Sa ye tiquina basi pũa curua tu wa, wahaye tee nidi. Tiquina wahato pano Pablo Isaia tiquiro yahuducurire yahuri. Ohõ saha nidi tiquinare:

–Isaia Cohãcjũ yere yahu mahtariquiro tiquiro yahuri ijirota ijire. Mari ñecusũmũa mũna iji turiayequinare yahuro taro Espĩritu Santo Isaiare ohõ saha ni yahu oja dutiahye:

²⁶⁻²⁷ Ahrire ahriquinare yahugũ wahaya: “Dapu paca bũtina ijire mũsa. Sa yena yeere tũho duerare mũsa. Cahmo coperi susueyequina yero saha tũho duerare mũsa. Sa yena yeere tũhoepenata tũhosi mũsa. Mũsa sa ijierana quehnoano tũhoboaya mũsa. Sa yena quehnoañe pehere comesaboaya mũsa. Sa yegũ mũsare pecapũ wahaborinare yũhdũoboaya yũhũ”, nidi Cohãcjũ, ni ojoahye Isaia, nidi Pablo tiquinare.

²⁸ Tiquiro sa nidi bato Pablo yahu nemori:

–Ahrire masiña mũsa. Cohãcjũ ye buheyere masare tiquiro quehnoano yũhdũoyere judio masa ijieyequinare buhenatja usã. Tiquina pehe tũhoeta, nidi Pablo judio masare.

²⁹ Tiquiro sa nigũ tũhoye judio masa tire tiquina basi tutuaro cahme dũse tini wia, wijiari.

³⁰ Pũa cũhma waro Pablo apequina wasori wũhũpũ, tiquiro ijiye wapa wapa yeati wũhũpũ ijiri. Topũ ijiro, ijipihtiequina ti wũhũpũ wihiyequinare bucueye mehna piti cari tiquiro.

³¹ Sa yero tiquiro cuero marieno Cohãcjũ pũhtoro ijiyere, mari pũhtoro Jesucristo ye gũhare buhee tiri. Tiquiro sa buhegũ ne apequina tiquiore “Buheracãhña”, nieda tiri.

Romanos

Pablo Roma cjēnare Jesu yequinare ojoa ohoahye

¹ Yuh̄u Pablo m̄sare Roma cjānare ojoa ohoaja. Yuh̄u Cohācjū cahacjū ijiaja. Sa yero quehnoañe buheyere buhe dutiro yuh̄ure cūri tiquiro.

² Ti buheyere quehnoañe buheyere panopu Cohācjū “Yahugū t̄u ni-aja”, nie tiahye. Tiquiro sa ni yahuriro sahata tiquiro yere yahu m̄htariquinare panopu cjēnare tiquiro yahuatire tiquiro ya p̄pu ojoa dutiahye.

³ Ti buheyeta tiquiro mac̄nore yahuye ijire. Tiquiro mas̄no waro ijiro taro Davi m̄nano panamino iji turiariquiro ijiahye tiquiro.

⁴ Jesucristo mari p̄htoro Cohācjū mac̄no ñaño marieniquiro tiquiro ijiyere ohō saha ih̄noahye Cohācjū. Tiquiro yariari bato Cohācjū tutu-aye mehna tiquirore masa wijiaḡū yeahye. Sa yero Jesucristo potota Cohācjū mac̄no tiquiro ijiyere ih̄noahye Cohācjū masare.

⁵ Tiquirota us̄are paja ih̄n̄ano us̄are tiquiro yere buhe dutiro ohori ijip-ih̄tiyequina Jesucristore wacū tutua tiquina ño peoatire.

⁶ Sa yero m̄sa ḡuh̄ure Jesucristo yequina ijianare beseahye tiquiro.

⁷ M̄sare, Cohācjū cah̄nare, Roma cjānare, tiquiro yequina ijianare yeri m̄sare tiquiro. M̄sare ijipih̄tinare ahri p̄re ojoa ohoaja. Sa yegū Cohācjū mari Pac̄u, mari p̄htoro Jesucristo mehna m̄sare quehnoa dutiaja. Tiquina yedohoye mehna quehnoano ijiya m̄sa.

Pablo Romap̄re ih̄n̄ano waha duaro nimahye

⁸ Ahrire yahu m̄htaūtja m̄sare: Ijipih̄tiye macari cjēna Jesucristore m̄sa wacū tutuarire masa yahuri yuh̄ure. Tiquina sa ni yahugū t̄hogy “Quehnoare”, niaja Cohācjūre. Jesucristo yedohoro mehna sa ni sini

basaja. Cohācjūre sini basagū m̄sare sa sini basaducuaaja.

⁹ Yuh̄ure tiquiro dutigū tiquiro mac̄no ye buheyere quehnoañe buheyere tutuaro buheḡū tiquiro cahacjūta ijiaja yuh̄u. Sa yero m̄sare Cohācjūre yuh̄u sa sini basaducugū tiquiro masine.

¹⁰ Sa sini basagū Cohācjū cahmegū yojopu p̄ritare m̄sa cahapu yuh̄u ih̄n̄au wahatore siniaja. Yoari pje m̄sare ih̄na duagu yuh̄u wahatire cohteie ye cāmaja yuh̄u.

¹¹ Cohācjū yere m̄sare buhe duaja Jesure m̄sa wacū tutua nemoatire. Sa yegū m̄sare tutuaro ih̄na duaja yuh̄u.

¹² Jesure wacū tutuaja mari. Sa yegū m̄sare ih̄na duaja Jesure mari wacū tutuaye mehna p̄a peheri mari cahme bucueḡū yeatore.

¹³ Yuh̄u acaye, ahrire m̄sa masigū cahmeaja. Quehnoañe buheyere yuh̄u buheri bato apequina m̄sa acaye judio masa ijieyequina Jesure wacū tutuari. Sa yegū peye tahari m̄sa cahapu waha duami apequina Jesure tiquina wacū tutuariro sahata m̄sa mehna cjēna ḡuh̄u tiquina wacū tutuatire. Sa waha duepeguta waha masiedu yuh̄u.

¹⁴ Ijipih̄tiyequinare quehnoañe buheyere buhero ijiro nine yuh̄ure. Pecas̄are, pohteri cjē ḡuh̄ure, masiñequinare, masieñequina ḡuh̄ure buheacjū ijiita niaja yuh̄u.

¹⁵ Sa buheacjū ijigū m̄sare Roma cjānare quehnoañe buheyere tutuaro buhe duaja.

Quehnoañe buheyere masa t̄hoye Jesure wacū tutua d̄ucare

¹⁶ Quehnoañe buheyere t̄hoye Jesure wacū tutua d̄ucare masa. Sa yero ijipih̄tiyequinare Jesure wacū tutuayequinare Cohācjū tutuaye mehna pecapu wahaboriquinare yuh̄d̄ore. Tiquina sa yuh̄d̄ugū masigū ti buheyere quehnoañe buheyere buheḡū buoro yuh̄d̄eraja. Ti buheyere judio masa pehere buhe m̄htari jiri Jesu ḡuh̄u. Tiquina

buhari bato judio masa ijieyequina gāhare usā buhei.

17 Ti buheye ohō saha ni yahure: Jesure wacū tutuayequinare “Quehnoañequina ijire”, ni, ihñare Cohācjū. Tiquirote wacū tutua ducayequinare sata ni ihñare Cohācjū. Tiquiro sa ni ihñari bato tiquirote wacū tutuaducure tiquina. Ahri panopu tiquina ni ojoariro sahata ijire: “‘Quehnoañequina ijire’, tiquiro ni ihñañequina Cohācjūre wacū tutuayequinata ijire. Sa wacū tutuaye, ijipihtiye decori Cohācjū mehna sa ijducuenta”, ni, ojoahye.

Masa tiquina ñañe yeri buhirire yahuahye Pablo

18 Cohācjū umusepu ijiriquirote masa tiquina yuhducarire, tiquina ñañe yeri gāhare ihñano, tiquina sa yeri buhiri usuare. Tiquiro sa usarire masigū yere tiquinare. Masa tiquina ñañe yeye mehna apequinare quehnoañe buheyere tahoeragū yere tiquina pehe.

19 Tiquiro basi tiquiro ijiye tiyere masigū yeahye Cohācjū. Tiquiro sa yegū Cohācjūre masigū mijoedare masare.

20 Cohācjū umuse cjāno tiquiro ijiyere, tutuariquiro tiquiro ijiye gāhare mari ihñedapegūta tiquiro basi tiquiro ijiyere marine masigū yere tiquiro. Ahri yehpare tiquiro bajumehnedi bato ijipihtiye tiquiro bajumehnedire ihñañe “Cohācjū tiquiro yeri ijire ahri”, niñe, Cohācjū tiquiro ijiye tiyere masine masa. Sa ye masa Cohācjūre masiepetā sa ñañene yeducuye, buhiri tire. “Muhare masiedu. Sa yegu ñañene yei”, ni masisi Cohācjūre.

21 Sa ye Cohācjū tiquiro ijiye tiyere masiepetā tiquina tiquirote ño peerare. Sa ye tiquinare tiquiro quehnoano yepēgūta tiquina pehe “Quehnoare”, niedare tiquirote. Sa tūho masieñequina ijiye, ñañe dihitare tūhoture tiquina.

22 “Tūho masina ijiaja”, niepetā tūho masieñequina wahare tiquina.

23 Sa wahaye Cohācjūre sa ijiducuriquirote tiquina ño peerare. Sa ño peeraye, “Cohācjū ijire”, tiquina niñe queoye pehere ño peore. Mari masa yarianaja dihita ijiaja. Mari sa ijina mari ijiepegūta Cohācjūre ño peoyequina pehe masa queoyere yere tiquina. Tiquina sa yeri bato ti queoye pehere ño peore tiquina. Sa ye tja minicjua queoyere, pinoa queoyere, wāhiquina queoye gāhare “Cohācjū ijire”, ni ño peo maca cāhre tiquina.

24 Tiquina sa yegū ihñano “Tiquina esa tuharo ñañene yecūnahdo”, nino Cohācjū cohā cāri tiquinare. Tiquiro sa cohāri bato tiquina ña yuhduaro cahme yeducure tiquina basi.

25 Sa ye Cohācjū ye pehere cahmedaye, ni mehoñe pehere quehnoano tūhore tiquina. Cohācjū ye pehere ni mehoñe yero saha ijigū yere tiquina. Potota Cohācjū warore ijipihtiyere yeriquirote ño peoducuro cahmene. Sata ijiahro. Tiquina pehe tiquirote ño peerare. Sa tiquirote ño peeraye, Cohācjū yeri pehere ño peore tiquina. Sata ijiahro.

26 Tiquina sa yeducugū ihñano “Tiquina esa tuharo ñañene yecūnahdo”, nino Cohācjū cohā cāri tiquinare. Sa ye tiquina mehna cjēna numia manū tiyequina numia yero saha ijierare. Sa ye tiquina numia, numia sehsaro ñano yere tiquina pagari mehna.

27 Tiquina yero saha ijieyequina umua gāhu tiquina esa tuharo ña yuhduaro yere tiquina pagari mehna. Sa ye tiquina basita ñano yeri buhiri tiquina pagari pehe ñano yuhdare.

28 Sa Cohācjūre tiquina cahmedari buhiri, Cohācjū tiquinare cohāri. Tiquiro sa cohāgū tiquina pehe ñano wacūducu, ñano yeducure.

29 Sa ye tiquina tutuaro ñano yeducure. Ñañene tutuaro cahmeducuyequina, apequina yere tutuaro cahmeñequina, apequinare ñano yeducuyequina, apequina apee boro tiquina cūogū ihña cooducuyequina, masare wejēñequina, cahme duse

tini wiayequina, ni mehoñequina, masare ihña tuhtiyequina, ñañe quti dahreyequina,

³⁰ apequina tiquina yerapegūta ñano ni yahu wajayequina, Cohācjüre ihña tuhtiyequina, apequinare purīno yuhtiyequina, “Ŭsā pehe masi yuħducaja”, ni tuhotuyequina, apequinare sa ni yahuyequina, ap-eye ñañene ye ducayequina, tiquina pacusumare yuhtiyequina,

³¹ tuho masieñequina, tiquina nino sahata yeeyequina, masare ne cahieñequina, tiquina basi cahme pihopūri duhueyequina, ne paja ihñeñequina ijire tiquina.

³² Sa ñano yeducuyequinare Cohācjū pecarū cohānota. Tiquiro sa cohātire masiepetā tiquina ti ñañene sa yeducure. Sa ye apequina tiquinare ihña cū tiquina yero saha ñano tiquina yegū ihñañe, “Ŭsā yero saha yere”, ni bucuere.

2

Masare buhiri dahre dutiro tire mehono marieno potota yerota Cohācjū

¹ “Tiquina ña yuħduyeyequina ijire”, ni yahu wajaeracāhña apequinare. Mūsa gūhū tiquina yero saha yere. “Ñañene yeraja. Sa yena ñañe buhiri mariedaga”, ni masiedare mūsa. Sa yena ijina tiquinare yahu wajana ijina, mūsa basi buhiri dahre dutina niaga.

² Sa yena ñañe yena ijiepenata mūsa yahu wajagū mūsa gūhūre Cohācjū buhiri dahrerota. Potota queoro tiquiro buhiri dahregū masi-aja mari.

³ Apequinare “Buhiri tieta”, ni yahu wajana mūsa ijigū mūsa gūhūre buhiri dahrerota. Sa yena “Ŭsāre buhiri dahresi”, ni tuhotuboaga mūsa. Ijierare. Mūsa gūhūre buhiri dahrerota tiquiro.

⁴ Mūsa ñano yepegūta Cohācjū mūsa paja ihñano duita buhiri dahrerare. Sa yena “Cohācjū yuħ mehna usuasi”, ni tuhotuboaga mūsa.

Ijierare. Cohācjū mūsa paja ihñano, duita buhiri dahrerare mūsa ñañene bujua witigū ihña duaro, tiquirore mūsa yuhtigū cahmeno.

⁵ Sa buhiri dahre dueraperota mūsa Cohācjüre yuhti dueragū, mūsa ñañe yerire bujua witeragū, buhiri dahrerota mūsa. Buhiri dahrerota deco pano mūsa tiquiro buhiri dahreboriro yuħduoro ti deco waropare ñano mūsa buhiri dahrerota Cohācjū. Ni mehono marieno buhiri dahrerota.

⁶ Sa yero ijipihtiyequinare tiquina ñano yeri buhiri buhiri dahrerota Cohācjū. Sa yero quehnoañene tiquina yeri wapa quehnoano yerota masare.

⁷ Iħquēquina quehnoañene yeducuyequina ijire. Tiquina quehnoañene ye duayequina, Cohācjüre quehnoano bucuegū ye duayequina, ijipihtiyē decori Cohācjū mehna iji duayequina ijire. Tiquina pūritare decoripe tiquiro mehna ijigū yerota Cohācjū.

⁸ Apequina pehe tiquina yero saha ijierare. Tiquina esa tuharo yeeyequina ijire. Cohācjū yere cahmedare. Tiquina mehna Cohācjū tutuaro usuarota.

⁹ Ijipihtiyequina ñano yeriquina ñano yuħdueta. Judio masare sata waha mahtanota. Sa ye judio masa ijieyeyequina gūhūre sata waha harota.

¹⁰ Ijipihtiyequina quehnoañene yeeyequina pehere Cohācjū “Quehnoare”, ninota. Sa ye masa tiquinare ño peoeta. Sa yero tiquinare quehnoano ijigū yerota Cohācjū. Judio masare sata waha mahtanota. Sa ye judio masa ijieyeyequina gūhūre sata waha harota.

¹¹ Cohācjū mari yerire ihñano queoro besere ijipihinare, ñana, quehnoana gūhūre.

¹² Apequina Cohācjū Moiserē tiquiro dutirire masieñequina tiquina ijiepegūta ñañene tiquina yegū, buhiri dahrerota Cohācjū tiquina gūhūre. Sa yero ti dutiyere cuoyequina ñañene tiquina yegū ti dutiyere tiquina yuħducarī buhiri buhiri dahrerota Cohācjū.

13 Cohãcjũ dutiyere tũhoepeta yũhtieyequinare “Quehnoañequina ijire ahriquina”, niẽdare Cohãcjũ. Tiquiro ye dutiyere yeyequina pehere “Quehnoañequina ijire”, ni ihñare tiquinare Cohãcjũ.

14 Judio masa ijieyequina Cohãcjũ Moiserere tiquiro cũri dutiye cœoerapeta, tiquina esa tuharo quehnoañene yeye, Cohãcjũ dutiyere yeye nine. Sa ye Moiserere tiquiro dutiyere ojoari pũre cœoerapeta tiquina tũhotuyepũ tiquiro ye dutiyere cœore.

15 Sa ye tiquiro ye dutiyere tiquina tũhotuyepũ potota cœore tiquina. Sa cœoye ñañene yeye, duita tiquina ñañe yerire masine tiquina. Sa yero ñañene yeriquiro “¿Dũhse ijiro boro ñañene yeri yũhũ?” ni tũhoture tiquiro. Sa yero quehnoañene tiquiro basi yeri gũhũre masine tiquiro.

16 Sa ye Cohãcjũ Jesucristore tiquiro ohoati decopũ masa tiquina yahu duerarire Jesucristo masi pehoru, tiquiro tiquinare beserota quehnoañequina, ñañequina gũhũre. Sata tiquina yerire masidiquiro ijiro, beserota tiquiro quehnoañe buheye ti nino sahata. Ti buheyeta ijire mũsare yũhũ buheri.

Cohãcjũ Moiserere tiquiro dutirire yahuahye Pablo

17 Mũsa pehe judio masa ijina, Cohãcjũ Moiserere tiquiro dutiyere ño peona ijina, “Cohãcjũ yequina ijiaja”, ni tũhotumene mũsa.

18 Sa yena Cohãcjũ dutiyere masina ijina, tiquiro cahmeñene masine mũsa. Sa masina ijina, “Quehnoañene usã yeatire bese masi-aja usã”, ni tũhotumene mũsa.

19 Sa ni tũhotuna ohõ saha ni tũhotu nemore mũsa: “Apequinare ne masieñequinare quehnoano masigũ yeaja usã. Tiquinare usã buheragũ ne Cohãcjũre masiedaboaga tiquina. Sa ye ñañene duhueraboaga”, ni tũhotumene mũsa.

20 Sa yena “Tũho masieñequinare quehnoañene ye dutina, macanagã gũhũre buhena ijiaja usã”, ni tũhotumene mũsa. Sa yena “Cohãcjũ

dutiyere cœona, poto ijiyere masi pehoaja usã”, ni tũhotumene mũsa.

21 ¿Sa yena apequinare buhena ijiepenata, dũhse yena mũsa pehe mũsa buheriro saha yerajari? ¿Apequinare yaque dutierapenata dũhsena mũsa pehe yaqueajari?

22 ¿Apequiro namono mehna ñano ye dutierapenata dũhsena mũsa pehe apequiro namono mehna ñano yeajari? “Cohãcjũ ijire”, tiquina niñe queoyere ihña yabina ijire mũsa. Sa ihña yabina ijina Cohãcjũ waro pehere ño peona ijimene mũsa. ¿Sa ño peona ijiepenata dũhsena tiquirore quehnoano ño peoerajari mũsa?

23 “Cohãcjũ Moiserere tiquiro dutiyere cœoaja usã”, nina ijiepenata ti dutiyere yũhdũdcare mũsa. Sa yũhdũdcana Cohãcjũre ño peoeragũ yena niaga mũsa apequinare.

24 Sata nine Cohãcjũ yere tiquina ojoari pũpũ: “Cohãcjũ dutiyere mũsa yũhdũdcari buhiri judio masa ijieyequina pehere Cohãcjũre tiquina ñano yahuducugũ yere mũsa judio masa”, ni ojoahye Cohãcjũ yere tiquina ojoari pũpũ.

25 “Cohãcjũ yequina ijiaja”, ni tũhoture ihquẽquina judio masa cuhnucunũ sohtoa cahserogãre yũhre nenohriquina. Cohãcjũ yere tiquina yegũ judio masa tiquina ijigũ quehnoarĩne. Tiquiro yere tiquina yeragũ judio masa tiquina ijiye tiye dũhseati ijierare. Yũhre nenohriquina tiquina ijiye tiye gũhũ dũhseati ijierare.

26 Sa yero judio masa ijieyequina cuhnucunũ sohtoa cahserogãre yũhre nemehneñequina tiquina ijiepegãta, Cohãcjũ dutiyere tiquina yegũ ihñano “Yeequina masata ijire”, ni ihñare Cohãcjũ tiquinare. Judio masa pehere tiquiro sa ni ihñaboriro sahata judio masa ijieyequina pehere sa ni ihñare.

27 Peyequina judio masa Cohãcjũ Moiserere tiquiro dutiyere cœoepeta tire yerare tiquina. Sa ye apequina judio masa ijieyequina pehe cuhnucunũ sohtoa cahserogãre

yahremehneñequina ijiepetata tiquiro dutiyere yere. Sa yeyequina ijiye judio masa tiquina ñano yerire masigũ yeye nine.

²⁸ Yojopũre judio masũno waro tiquiro ijiyere yahutja mũsare. Tiquiro cuhnucunũ sohtoa cahserogãre yahre nenohriquiri ijieperota Cohãcjũre ño peeraro, potota judio masũno waro ijierare.

²⁹ Cohãcjũ yaquiri Espiritu Santore cũoriquiro tiquirore yahitiriquiro tiquiro tjire judio masũno waro. Sa yero tiquiro cuhnucunũ sohtoa cahserogãre tiquiro yahre ne cohãriro sahata tiquiro ñañe yerire duhure tiquiro. Tiquiro esa tuharo dutiyere yeriquiro ijieraperota Espiritu Santo yedohoye mehna tiquiro ñañe yerire duhure. Sa ijiriquirore “Quehnoariquiri ijire”, ni ihñare Cohãcjũ pehe. Masa pehe tiquirore tiquina sa niedapegũta, sa nine Cohãcjũ pehe.

3

¹ ¿Yahũ sa nigũ judio masa ijiye tiye ihyo waro ijiajari, mũsa tũhotugũ? Ne ihyo waro ijiro niedare. ¿Cohãcjũ judio masare tiquiro dutiriro sahata tiquina pagũrire cuhnucunũ sohtoa cahserogãre tiquina yahre ne cohãñe ihyo waro ijiajari, mũsa tũhotugũ? Ne ihyo waro ijiro niedare.

² Judio masa tiquina ijiye tiye ihyo waro ijierare. Cohãcjũ yere tiquina ojoari pũre judio masare cũ mũhtahye. Sa ye judio masa tiquina ijigũ quehnoarĩne tiquinare.

³ Sa ye ihquẽquina judio masa Cohãcjũre tiquina tũhoerapegũta tiquiro nidi ijirota ijire. Sa yero tiquiro ni cũriro sahata yerota tiquiro.

⁴ Sata ijire. Ijipihtiyequina masa ni mehoñequina tiquina ijiepegũta Cohãcjũ pehe ne ni mehoedare. Panopũ tiquiro yere yahu mũhtariquiro tiquiro ni ojoariro sahata ne ni mehoedare Cohãcjũ.

Poto nigũ ijire mũhũ Cohãcjũ. Sa ye mũhare masa ne “Queoro yahuducuerare”, ni yahusã masiedare, ni ojoahye panopũre.

⁵ Ohõ saha ni tũhotuboaga masa: “Mari ñañene yena Cohãcjũ quehnoañene tiquiro yeriquiro ijigũ masigũ yeaja. Sa yero ñañene mari yegũ quehnoarĩne. ¿Ti sa quehnoañe ijiepegũta dũhsero tiquiro mari ñañene yeri buhirire buhiri dahre maca cjãri?” ni tũhotuboaga masa. Masa tiquina tũhotuboriro saha nigũ niaja yahũ.

⁶ Sa ijierare. Mari ñañe yeri pehe quehnoañe ijigũ Cohãcjũ mari ñañene yeri buhirire buhiri dahre masiedaboaga.

⁷ Masa pehe ni mehoñequina ijire. Cohãcjũ pehe ne ni mehoedare. Sa yena masa tiquina ni mehogũ ihñana Cohãcjũ pehe ne ni mehoeniquiro tiquiro ijigũ quehnoano ihña masiaja mari. Sa ye masa ni mehoñe, Cohãcjũ tiquiro ni mehoeniquiro tiquiro ijiyere ihñoñe niboaga tiquina. Sata ni tũhotumene ihquẽquina. Sa ni tũhotuye ohõ saha ni tũhotu nemomene tiquina: “Usã ni mehoñe mehna Cohãcjũ tiquiro ni mehoeniquiro ijiyere ihñona niaja. Sa ihñona quehnoano yena niaja. Sa ye usã ni mehoñe quehnoarĩne. ¿Usã ni mehoñe quehnoañe ijiepegũta dũhse ijiro boro usã ni mehoru buhirire usãre buhiri dahre maca cãboari Cohãcjũ?” ni tũhotumene ihquẽquina masa.

⁸ Sa ye ohõ saha ni mehore ihquẽquina usãre: “Ñano yena Cohãcjũ tiquiro quehnoariquiri ijigũ ihñona niaga. Sa yena ñano yeihna’, nidi Pablo gũhũ”, ni meho yahusãre usãre ihquẽquina. Tiquina sa nidi buhiri tiquinare Cohãcjũ buhiri dahrerota. Sata yero cahmene tiquinare.

Ijipihtina buhiri tina ijiaja mari

⁹ ¿Sa ye dũhse ni tũhotuajari mũsa? ¿Mari judio masa apequina yahũdũoro

quehnoana ijiajari mari? Ijieraja mari. Judio masa, judio masa ijiena gãh̄u ijipihtina buhiri tina ijiaja mari. Sata ijire ijipihtiequinare yãh̄u buheriro sahata.

¹⁰ Panop̄u tiquiro ni ojoariro sahata ijire ti: Ohõ saha ni ojoahye:

Ne ihcãquiro masano quehnoariquiro mariedare.

¹¹ Ijipihtiequina masa tãho dueyequina dihita ijire. Sa ye ijipihtiequina masa ne Cohãcjũre wacũ peerare.

¹² Sa ye tiquina Cohãcjũ yere cohãñe, ijipihtiequina ñañene yeyequina wahari. Ne ihcãquiro quehnoañene yeriquiro mariedare.

¹³ Tiquina duseri masa coperi tiquina põo docoro yero saha ijire. Tiquina yahuducugũ, masa coperi urĩ wijiario saha ni mehoñe dihita tiquina duserire wijiare. Sa yahuducuye aña dusero tiquiro nima purĩne wijiario saha purĩno tiquina yahuducuye wijiare tiquina duserire.

¹⁴ Sa ye tiquina apequinare ñano yahuducuyequina purĩno yahuducuyequina ijire.

¹⁵ Sa ye usua ñañequina duita masare wejẽñequina ijire.

¹⁶ Sa ye noho tiquina waharop̄u tiquina masare ñano ye, ñano yãhdugũ yere tiquinare.

¹⁷ Sa ye apequina masa mehna tiquina quehnoano ijierare.

¹⁸ Sa ye Cohãcjũre ne ño peerare, ni ojoahye panop̄are.

¹⁹⁻²⁰ Cohãcjũ Moisere tiquiro dutiyere marine judio masare ohoahye tiquiro dutiyere ijipihtina mari ye pehoatire. Ti dutiyere cãoepeta, tire yeraye, “Ñañe buhiri mariedare usãre”, ni masiedare masa. Sa ye tiquina ijipihtiro cjẽna Cohãcjũ tiquiro buhiri dahrenohatiquina tiquina ijigũ, masieta tiquina basi. Sa ye ñañequina tiquina ijiyere masiñe, “Quehnoana ijiaja usã”, ni masiedare Cohãcjũre. Cohãcjũ tiquiro ye dutiye pehere ne masa yerare. Sa ye tiquina ñañequina ijiyere tiquiro dutiye pehe masigũ yere tiquinare. Sa masiñe

ohõ saha ni masiedare tiquina: “Cohãcjũ dutiyere ye pehou. Sa yero Cohãcjũ usãre ‘Quehnoañequina ijire’, ni ihñare”, ne ni masiedare masa.

Cohãcjũre quehnoano mari wacũ tutuana tiquiro yequina wahaja mari

²¹ Sa ye Cohãcjũ Moisere tiquiro dutiye, tiquiro yere yahu mãtariquina tiquina ojoari gãh̄u Cohãcjũ masare tiquina ñañe yerire tiquiro borire yahuahye. Tiquiro dutiye sa yahuepegũta yojop̄ata Moisere tiquiro dutiri marieno masare tiquina ñañe yerire tiquiro borire yahure marine Cohãcjũ.

²² Ijipihtiequina Jesucristore wacũ tutuayequinare, tiquirore tãhoyequinare “Quehnoañequina ijire”, ni ihñare Cohãcjũ. Cohãcjũ ijipihtiequinare ihcãno saha yeriquiro ijire.

²³ Mari ijipihtina ñañene yerina ijiaja. Sa yena Cohãcjũ tiquiro cahmediro sahata ne yerẽ.

²⁴ Mari sa yerapegũta mari Pacu marine tiquiro paja ihñagũ mari ñañe yerire Jesucristo pehe bore. Tiquiro sa bogũ “Quehnoana ijire”, ni ihñare Cohãcjũ marine Jesure wacũ tutuana. Mari esa tuharo ye dutiro marieno Jesu yedohoro mehna mari ñañe yerire bore.

²⁵ Panop̄u cjẽna tiquina ñañe yerire ihñano Cohãcjũ duita buhiri dahrerahye tiquinare. Sa buhiri dahreraro tiquina ñañe yerire ihyo warota sa tãhotu cãno niedahye. Came tiquiro Jesucristore ohori jiri mari ñañe buhiri yariatiquirore tiquiro diire cohãtiquirore. Jesucristore mari wacũ tutuagũ Cohãcjũ pehe mari ñañe yerire borota. Sa yero tiquiro nidiro sahata yeriquiro tiquiro ijiyere masigũ yero niahye.

²⁶ Sa yero yojop̄are tiquiro nidiro saha yeriquiro tiquiro ijiyere masa tiquina masigũ cahmene tiquiro. Sa yero Jesure wacũ tutuayequinare quehnoañequina tiquiro yerire tiquina masigũ cahmene Cohãcjũ. Tiquiro sa yerire tiquina masiatire

tiquiro macunore mari ñaÑe buhirire variatiquirore ohori jiri.

²⁷ ¿Yojopure “Quehnoana ijiaja mari”, ni masiagari mari, masa tuhogã? Tire ne ni masiedaja mari. ¿Dũhsena tire ni masiedagari mari? ¿Cohãcjũ tiquiro dutiyere yena, “Quehnoana ijiaja”, ni masiboari mari? Ijierare. Ti gãhare ni masiedaja mari. Mari sa ni masiedapegũta Jesure mari wacũ tutuagũ “Quehnoana ijire”, ni ihñanota marine Cohãcjũ.

²⁸ Ohõ saha masiaja mari: Jesure mari wacũ tutuagũ ihñano marine ihña coare Cohãcjũ. Sa yero marine “Quehnoana ijire”, ni ihñare tiquiro. Tiquiro ye dutiyere mari yeri wapa sa ni ihñedare. Tiquirore mari wacũ tutuagũ sa ni ihñare.

²⁹ Cohãcjũ judio masa puhtoro dihita ijierare. Judio masa ijieyequina puhtoro gãhare ijire tiquiro.

³⁰ Sa yero Cohãcjũ ihcãquirola ijiro, ijipihtieyquina puhtoro ijire. Sa ijiriquiro ijiro judio masa Jesure tiquina wacũ tutuagũ tiquinare “Quehnoañequina ijire”, ni ihñanota. Sa yero judio masa ijieyequina gãhare Jesure tiquina wacũ tutuagũ tiquina gãhare “Quehnoañequina ijire”, ni ihñanota Cohãcjũ.

³¹ ¿Sa yena Jesure wacũ tutuana Cohãcjũ Moisere tiquiro dutiyere cohãna niboari mari? Cohãedaja mari tire. Jesure wacũ tutuana, Cohãcjũ dutiyere yena niaja mari.

4

Abrahã Cohãcjũre tiquiro wacũ tutuarire yahuahye Pablo

¹ Mari ñecũ manano iji mahtariquiropure Abrahã mananore Cohãcjũ ohõ saha yeahye:

² Abrahã quehnoano tiquiro yepegũta “Quehnoariquiropure ijire”, ni ihñedarĩahye Cohãcjũ tiquirore. Sa yero quehnoano yeperota ñariquiropure ijinino “Yũhare pũrita quehnoagũ ijiaja”, ni masiedahye Abrahã, Cohãcjũ ihñagũ.

³ Cohãcjũ yere tiquina ojoari pũ ohõ saha nine: “Abrahã Cohãcjũ tiquiro nidire quehnoano tuhogã, Cohãcjũre tiquiro wacũ tutuagũ Cohãcjũ tiquirore ‘Potota quehnoariquiropure ijire’, ni, ihñahye”, ni ojoahye tiquiro yere tiquina ojoari pũhare.

⁴ Puhtoro dahrayequinare wapa yero, ihyo waro tiquiro paja ihñañe mehna wapa yero niedare. Tiquina dahrari wapa tiquinare wapa yero nine.

⁵ Cohãcjũre wacũ tutuayequina pehere dahrayequinare tiquiro wapa yero saha yerare Cohãcjũ. Cohãcjũre wacũ tutuariquirore “Quehnoariquiropure ijire”, ni ihñare Cohãcjũ. Tiquiro sa ni ihñagũ ti quehnoañe tiquiro yeri wapa ijierare. Cohãcjũ pehe tiquirore cahmeñequinare quehnoañequina wahagũ yere. Sa yero masũno Cohãcjũre tiquiro wacũ tutuagũ ihñano “Quehnoariquiropure ijire”, ni ihñare Cohãcjũ tiquirore.

⁶ Sata niahye panopũ cjãno Davi manano. Masũno quehnoano tiquiro yepegũta Cohãcjũ pehe ihña coeranine. Cohãcjũre tiquiro wacũ tutuagũ ihñano Cohãcjũ ihña coare. Sa yero tiquirore “Quehnoariquiropure ijire”, ni ihñare. Tiquiro sa ni ihñanohriquiropure masũno pehe tiquiro bucueyere yahuahye Davi manano. Ohõ saha niahye:

⁷ Tiquina ñaÑe yerire tiquiro bonohriquina pehe tutuaro bucure.

⁸ “Quehnoañequina ijire. Tiquina ñaÑe yerire wacũsi yũhare”, Cohãcjũ sa ninohriquina tutuaro bucure, niahye Davi manano.

⁹ ¿Judio masa tiquina cuhuncunũ sohtoa cahserogãre yũhare nenohriquina dihitare tiquina ñaÑe yerire boyari Cohãcjũ? Ijierare. Judio masa ijieyequina yũhare nemehneñequina gãhare tiquina ñaÑe yerire bore tiquiro. Pari turi Abrahãre wacũña masa. Tiquiro Cohãcjũre wacũ tutuagũ ihñano

“Quehnoariquiro ijire”, ni ihñahye Cohãcjũ.

¹⁰ ¿Duhse ijigũ sa yeari Abrahã, masa tãhotugũ? Tiquiro cuhnucunã sohtoa cahserogãre tiquiro yãhre neato panopũta tiquirore “Quehnoariquiro ijire”, ni ihñahye Cohãcjũ. Sa yero yãhre nenohno, tiquiro ñãñe yerire bo tuhasanohriquirõpehe yãhre nenohahye.

¹¹ Sa yero duita Cohãcjũre wacũ tutua mãhtahye Abrahã. Tiquiro sa wacũ tutuagũ ihñano “Quehnoariquiro ijire”, ni ihñahye Cohãcjũ tiquirore. Sa tiquiro wacũ tutuayere, Cohãcjũ yaquiro tiquiro ijiyere tiquiro ihñoatore Cohãcjũ tiquirore cuhnucunã sohtoa cahserogãre yãhre ne dutiahye. Sa yero Abrahã tiquiro yãhreato pano Cohãcjũ pehe “Quehnoariquiro ijire”, ni ihña tuhasahye tiquirore. Tiquiro yãhre neato pano tiquiro sa ihñariro saha ijipihtiyequina Cohãcjũre wacũ tutuayequinare judio masa ijieyequina yãhremehneñequinare “Quehnoañequina ijire”, ni ihñare Cohãcjũ. Tiquiro sa ni ihñañequina tiquina ijigũ Abrahã tiquina ñecũno mãnãno waro ijiriro saha wahare.

¹² Tiquina yero sahata judio masa, yãhrenohriquina Cohãcjũre tiquina wacũ tutuagũ tiquina ñecũno mãnãno potõ ijie tiahye Abrahã. Tiquiro yãhreato pano Cohãcjũre wacũ tutuayehye. Sa ye tiquiro yero saha wacũ tutuayequina judio masa Abrahã panamena iji turiayequina ijire.

Cohãcjũ Abrahãre tiquiro ni cũrre “Poto tjire”, niahye Abrahã

¹³ Panopũ ohõ saha niahye Cohãcjũ Abrahãre. “Ahri yehpare mãhũre, mãhũ panamena iji turiayequinapũ gãhũre ohoutja”, ni, cũahye Cohãcjũ Abrahãre. Ti dutiyere tiquiro quehnoano yeri wapa sa niedahye Cohãcjũ tiquirore. Abrahã Cohãcjũre tiquiro wacũ tutuari wapa pehere sa niahye Cohãcjũ tiquirore,

“Quehnoariquiro ijire”, tiquirore tiquiro ni ihñari bato.

¹⁴ “Cohãcjũ Moiserere tiquiro cũri dutiye dihitare yero cahmene”, nine judio masa. Sa niñequina Cohãcjũre wacũ tutuaro marieno ahri yehpa ijipihtiurore ne duare. Wacũ tutuaro marieno tiquina negũ mari pehe Cohãcjũre mari wacũ tutuayehye duhseati ijieraboaya. Sa yero Cohãcjũ marine tiquiro ni cũri duhseati ijieraboaya.

¹⁵ Moiserere tiquiro cũri dutiye pehere yerare masa. Sa ye ti dutiyere tiquina yerari buhiri ahri yehpare tiquinare neno basioerare. Sa yero ti dutiyere tiquina yãhdũdũcari buhiri masare buhiri dahrerota Cohãcjũ. Sa ye ti dutiye mariedagũ ti dutiyere yãhdũdũcaro gãhũ mariedaboaya.

¹⁶ Sa ye Cohãcjũre wacũ tutuayequina dihita tiquiro ohoatire neeta. Abrahã Cohãcjũre wacũ tutuayehye. Sa yero ijipihtiyequina tiquiro yero saha Cohãcjũre wacũ tutuayequina tiquina ñecũno potõ yero saha tojoare Abrahã. Sa yero “Ahrire mãsare ohoutja”, Cohãcjũ nino ijipihtiyequinare tiquirore wacũ tutuayequinare nino niahye. Sa ye Cohãcjũ Moiserere tiquiro dutirire yeyequina Cohãcjũre wacũ tutuayequina Cohãcjũ ohoatire neeta. Tiquina dihita nesi. Ijipihtiyequina Abrahã yero saha Cohãcjũre wacũ tutuayequina gãhũ tiquinare tiquiro ohoatire neeta.

¹⁷ Tire Abrahãre tiquiro nidiro sahata ojoahye panopũre: “ ‘Peye macari cjẽna tiquina ñecũno ijiajũre cũu mãhũre’, ni cũahye Cohãcjũ Abrahãre”, ni ojoahye panopũ. Sa yero tiquiro Cohãcjũre wacũ tutuayehye. Sa ye tiquiro yero saha mari wacũ tutuagũ mari ñecũ ijigũ yehye Cohãcjũ tiquirore. Cohãcjũ pehe yariariquinare masoriquiro, ijipihtiyequinare bajumehnediquiro ijire. Sa yero ijipihtiyere, yojopũre mariedagũ gãhũre bajumehneatiquiro ijire.

¹⁸ “Peye macari cjẽna mãhũ pana-

mena iji turiayequina ijieta”, Cohãcjũ tiquiro sa nigũ Abrahã pehe pohna mariediquiro ijieperota, “Ijirota ijire”, ni tãhotuahye.

¹⁹ Sa yero cien cãhmari cãoriquiro ijieperota pohna dahre masieniquiro ijieperota Sara tiquiro namono ne pohna mariedicoro ticoro ijiepegũta “Pohna ti masiedaja usã”, ni tãhotuerahye Abrahã. Sa yero Cohãcjũ tiquiro ni cũrire “Ijirota ijire”, niahye Abrahã.

²⁰ “Tiquiro nidiro sahata yeraboaga”, ne ni tãhotuerahye Abrahã. Sa yero tiquiro Cohãcjũ cũrire quehnoano tãhoahye. Sa niñene tãhotjiãno “Cohãcjũ tutuariquiro ijire”, ni ño peoro niahye. Sa yero Cohãcjũre wacũ tutua nemoahye tiquiro.

²¹ “Cohãcjũ tiquiro nidiro sahata quehnoano ye masine”, ni tãhotu quehnoano masiahye Abrahã.

²² Tiquiro sa masigũ Cohãcjũre tiquiro wacũ tutuagũ Cohãcjũ pehe “Quehnoariquiro ijire”, ni ihñahye Abrahãre. Sata ni ojoahye Cohãcjũ yere tiquina ojoari pũpũ.

²³ Sa ye Abrahã dihitare sa ni ojoaerahye.

²⁴ Tire mari masiatire mari gũhũre sa ni ojoahye. Sa yero Cohãcjũre mari wacũ tutuagũ “Quehnoana ijire”, ni ihñanota mari gũhũre Cohãcjũ. Tiquiro pũrita mari pũhoro Jesu tiquiro yariagũ masori jiri tiquirore.

²⁵ Jesu pehe mari ñaãe buhiri yariari jiri. Tiquiro yariari bato masa wijiari jiri tiquiro Cohãcjũ marine “Quehnoana ijire”, tiquiro ni ihñatire.

5

“Quehnoana ijire”, Cohãcjũ ni ihñagũ ohõ saha waharota marine

¹ Jesucristore mari wacũ tutuagũ ihñano “Quehnoana ijire”, ni ihñare marine Cohãcjũ. Tiquiro sa ni ihñagũ Cohãcjũ mehna cjãna marine ijigũ yere mari pũhoro Jesucristo.

² Sa yena mari tiquirore wacũ tutuagũ ihñano Cohãcjũ marine

cahĩno, pecapũ wahaborinare yũhdũori tiquiro mehna mari ijiato saha. Cohãcjũ pũrita quehnoa yũhdũariquiro ijire. Sa yero tiquiro yero saha ijigũ yerota marine tiquiro. Tiquiro sa yeatire quehnoano masi-aja mari. Sa yena bucueaja.

³ Mari ñano yũhdũana gũhũ bucueaja mari. Ñano yũhdũana, tire dũca cjã mari. Sa dũca cãna, ñano yũhdũepenata quehnoano Cohãcjũre wacũ tutuana wahaja mari. Sa yena Cohãcjũ yere duhueraja mari.

⁴ Mari sa yegũ ihñano “Quehnoare”, ninota Cohãcjũ marine. Tiquiro sa nigũ marine tiquiro yũhdũoatire quehnoano masiaja mari.

⁵ Sa yero Cohãcjũ marine tiquiro yaquiro Espĩritu Santore ohori mari mehna ijiatiquirore. Sa yero Espĩritu Santo pehe mari mehna ijero Cohãcjũ marine tiquiro sa cahĩducuyere masigũ yere. Tiquiro sa masigũ yegũ marine tiquiro yũhdũoati quehnoano waro ijero nine. Potota yũhdũnata mari.

⁶ Sa yero mari ñaãe yerire mari basi mari yũhdũo masiedagũ tiquiro queoriro esagũ mari ñaãe buhirire Cristo yariahye.

⁷ Quehnoañe dihitare yeriquirore yũhdũoro taro apequiro yariaboaga ape taha yero.

⁸ Mari pehe ñana mari ijiniepegũta marine yũhdũoro taro Cristo yariahye. Tiquiro sa yegũ Cohãcjũ marine tiquiro tutuaro cahĩñene masiaja mari.

⁹ Mari ye buhirire tiquiro sa yariagũ tiquiro dii wijiagũ Cohãcjũ pehe marine “Quehnoana ijire”, ni ihñare. Tiquiro sa ni ihñari bato yojopũ pehere marine pecapũ wahaborinare yũhdũorota Jesu. “Quehnoana ijire”, tiquiro niato pano marine yũhdũoeranidi. Yojopũ pehere marine Cohãcjũ yequina tiquiro yeri bato marine buhiri dahresi pecapũ Cohãcjũ.

¹⁰ Sa yena Cohãcjũre ihña tuhtina mari ijiniepegũta tiquiro macũno yariaro, mari ñaãe yerire cohãri.

Sa cohãno Cohãcjũre mari mehna usueragũ yeri tiquiro. Sa yena tiquiro yequina wahaja mari. Yojopũ pũritare ti yãhdũo cjũno yerota marine. Tiquiro yequina mari ijigũ Jesu tiquiro masa mũjari mehna, marine pecapũ wahaborinare quehnoano yãhdũorota tiquiro.

11 Camerũ mari yãhdũatire bucueaja. Yojopũre ahri gũhare bucueaja. Mari pũhtoro Jesucristo mari ñañe buhirire tiquiro yariari bato Cohãcjũ yequina ijiaja mari. Sa yena bucueaja.

Adãre, Cristore yahuahye Pablo Roma cjẽnare

12 Adán tiquiro ñañene yeri bato ahri yehpare ñañe iji dũcahye. Ñañe iji dũcagũ masa yaria dũcahye. Ijipihina mari ñañene yeaja. Sa yena ijipihina ñana mari ijiri buhiri yariaja.

13 Cohãcjũ tiquiro dutiyere Moiserere tiquiro cũato pano potota ahri yehpa cjẽna ñañene yee tiahye. Tiquina sa yepegũta ti dutiye mariedagũ ti dutiyere tiquina yãhdũdũcari buhiri buhiri dahre masiedahye.

14 Tiquiro sa buhiri dahre masiedapegũta Adán gũhũ tiquiro bato ijiequina gũhũ dutiye mariedapegũta yarie tiahye. Moise tiquiro ijiajo pano dutiye mariedapegũta masa yarie tiahye. Apequina ñañe yeye Adán tiquiro ñano yeriro saha waro yera timahye. Sa ijiepetata tiquina gũhũ yarie tiahye. Sa yero Adán ñañene tiquiro ye dũcari saha yoari batopũ ahri yehpapũ ahtariquiro quehnoañene ye dũcari jiri.

15 Adán tiquiro yãhdũdũcari Cohãcjũ masare tiquiro paja ihñañe yero saha ijierare. Cohãcjũ tiquiro paja ihñañe pehe quehnoa yãhdũare. Adán ihcãquiota ijieperota ñañene tiquiro ye dũcari buhiri peyequina masa yarie tiahye. Cohãcjũ pehe marine paja ihñano, Jesucristore ohori jiri. Sa yero tiquiro ihcãquiota ijiriquiro pecapũ wahaboriquinare masare peyequinare yãhdũore.

16 Sa yero Cohãcjũ masare tiquiro paja ihñañe Adán tiquiro yãhdũdũcari yero saha ijierare. Adán pehe ihcãquiota ijiriquiro ñañene tiquiro yeri buhiri ijipihtiequina masa buhiri tiyequina ijire. Sa tiquina buhiri tiyequina ijiepegũta masa pajiro ñañene tiquina yepegũta yojopũre masare paja ihñano Cohãcjũ tiquina ñañene bore. Sa boro “Quehnoañequina ijire”, ni ihñare tiquiro tiquinare.

17 Adán ihcãquiota ijiriquiro ñañene ye dũcagũ ijipihtiequina masa yariaducure. Ti poto tjire. Sa ijiepegũta ahri pehere bucuenata mari. Yojopũre Cohãcjũ masare paja ihñano Jesucristo ihcãquiota ijiriquiro tiquiro yariari mehna tiquina ñañene boro, tiquinare “Quehnoañequina ijire”, ni ihñare. Sa ye ijipihtiequina tiquiro sa ni ihñañequina hũmũsepũ Cristo mehna pũhtoa ijietata.

18 Ihcãquiota Adán ñañene ye dũcagũ ijipihtiequina ñañene ye dũcahye. Tiquina sa yegũ Cohãcjũ buhiri dahrerota tiquinare. Apequiro Jesu pehe quehnoañene tiquiro yegũ ijipihtiequina tiquina ñañene bonohriquina iji masine. Ñañene tiquiro bonohriquina tiquina ijigũ “Quehnoañequina ijire”, ni ihñanota tiquinare Cohãcjũ. Sa ye ijipihtie decori tiquiro mehna ijiducuetata tiquina.

19 Ihcãquiota Adán Cohãcjũre yãhdũdũcahye. Tiquiro sa yegũ peyequina masa ñano yeyequina iji dũcahye. Sa yero apequiro Jesu pehe Cohãcjũre yãhtiahye. Tiquiro sa yegũ peyequina masa tiquina ñañe yerire bonohriquina wahahye. Tiquina sa wahagũ “Quehnoañequina ijire”, ni ihñahye Cohãcjũ tiquinare.

20 Cohãcjũ dutiyere Moiserere cũahye ijipihtiequina masa tiquina ñañene tiquina quehnoano masiatire. Sa ye masa tiquina ñañene masiñe, ti yãhdũoro Cohãcjũ tiquinare tutuaro tiquiro cahĩñene masieta. Tiquiro

marine cahĩ yũhdũare.

²¹ Tiquina ñañene tiquina yeri buhirire masa yariatiquina ijire. Sa ye pecapũ wahaeta. Cohãcjũ mari Pacũ pehe masare cahĩ yũhdũare. Tiquiro sa tutuaro cahĩgũ mari pũhoro Jesucristore tiquiro ohogũ tiquiro pehe masare quehnoañequina wahagũ yere. Sa ye tiquinare “Quehnoañequina ijire”, Cohãcjũ tiquiro ni ihñagũ tiquina ijipihtiyē decori tiquiro mehna sa ijiducueta.

6

Yariariquina mũna tiquina ñañene yerariro saha Cristo yequina gũhũ ñañene yeducuerare

¹ ¿Dũhse yenatari mari yojopũre, mũsa tũhotugũ? ¿Cohãcjũre marine cahĩ nemo duti duana ñañene ye nemoboagari mari?

² Ijierare. Ñañene yeracũhna mari. Yariariquina mũna ñañene tiquina yerariro saha Cristo yequina ijina mari gũhũre ñañene yerarũ cahmene.

³ Sa ye Jesu yequina mari ijiyere masa tiquina masiatire aco mehna wame yeri marine apequina. Jesu mari ñañe yeri buhiri yariari jiri. Sa yena tiquiro yequina ijina, mari ñañe yerire ye duerũ. Sa yena duhuu. Tiquiro mari ñañe buhiri yariari jiri.

⁴ Sa yena Cristo pagũre masa copepũ tiquina ya cohãriro sahata mari ñañe yerire duhuaaja. Sa yena mari Pacũ tiquiro tutuaye mehna Cristo tiquiro masa mũjariro saha mari gũhũ tiquiro tutuaye mehna quehnoañe pehere comesaja. Sa yena quehnoana wahaja.

⁵ Sa yena Cristo yequina ijina Cristo yariaro ahri yehpa cjã pagũre tiquiro cohãriro saha mari gũhũ yariariquina tiquina duhuriro saha mari ñañe yerire duhuu. Sa yena Cristo yequina ijina tiquiro masa mũjariro sahata mari gũhũ quehnoana ijinata. Ti poto tjire.

⁶ Cristo yequina iji dũcana tiquiro mehna yariariquina yero saha wahaũ pari turi mari ñañene yerato

saha. Sa waharina ijina ñañene yeducu nemosi mari. Tire mari masiaja.

⁷ Yariariquiro mũnanopũ ñañene ye nemoedare.

⁸ Cristo mehna yariariquina yero saha ijina, tiquiro masa mũjariro sahata mari gũhũ quehnoana ijinata. “Ti poto tjire”, ni tũhotuaja mari.

⁹ Cristo tiquiro yaria masa mũjari bato ne pari turi yariasi. Apequiro tiquirore pari turi yariagũ ye masiedare. Tire mari masiaja.

¹⁰ Sa yero Cristo ihcã taha yariaro, masa tiquina ñañe yerire cohãno taro yariahye. Tiquiro catiriquiro ijiro mari Pacũ tiquiro cahmeno sahata yeducuatiquiro ijire tiquiro.

¹¹ Tiquiro yero sahata mũsa gũhũ ohũ saha ni tũhotuya: “Yariariquina mũna tiquina yeraro saha mari gũhũ ñañene yeraja. Jesu yequina ijina mari Pacũ tiquiro cahmeno sahata yeanaja ijina niaja mari gũhũ”, ni tũhotuya mũsa.

¹² Sa yena mũsa yarianaja ijina ñañene yeducueracãhña. Sa yena mũsa ñañe ye duayere tutuaro cahmepenata tire sa tũhotu cãhña.

¹³ Ñañene yeracãhña. Pecapũ waha-borina Jesu tiquiro yũhdũonohrina ijire mũsa. Tiquiro sa yenohrina ijina Cohãcjũ cahmeñe dihitare yeya mũsa. Sa yena quehnoañene yeya mũsa.

¹⁴ Yojopũre Cohãcjũ Moisere tiquiro dutiyē mehna marine dutierare. Cohãcjũ marine cahĩno tiquiro pehe marine dutire. Sa yena tiquiro yedohoro mehna ñañene ye duasi mari.

Mũsa ñañene yeducugũ ti ñañe mũsa pũhoro yero saha ijire

¹⁵ ¿Yũhũ sa nigũ dũhse ni tũhotuajari mũsa? ¿Cohãcjũ pehere yũhtianaja ijina Moisere tiquiro dutiyere yũhtianaja ijierana, ñañene yeducuboagari mari? Ijierare. Yeducusi.

¹⁶ ¿Ahrire masiedajari mũsa? Mũsa quehnoano yũhtiriquiro mũsa pũhoro ijire. Sa yena tiquiro cahacjãna ijire mũsa. Mũsa sa yũhti

7

musa p̄h̄toro tiri saḥata ñañene yeducuna musa ijigũ ti ñañe musa p̄h̄toro yero saḥa ijire. Sa yena ñañene duhu masiedare musa. Sa yena ijina pecap̄ wahanaja ijire musa. Cohãcjũre quehnoano ño peona ijina tiquiro cahacjãna ijire musa. Sa yena tiquiro yequina quehnoana ijire musa. ¿Tire masiedajari musa?

17 Panop̄ ñañene yeducuna musa ijigũ ti ñañe musa p̄h̄toro yero saḥa ijimedi. Yojop̄ pehere quehnoañe buheyere t̄hona Jesure wacũ tutuana Cohãcjũre quehnoano ño peona wahari musa. Tire masigũ “Quehnoare”, niaja Cohãcjũre.

18 Sa wahana yojop̄re ñañe ti dutiro saḥa yerare musa. Sa yena Cohãcjũ cahacjãna ijina quehnoañe pehere yere musa.

19 Cahacjãna p̄h̄toare tiquina quehnoano ño peoyere masi pehere musa. Sa yegũ ti musa masidi mehna queoye mehna buhei musare “Ahri buheyere musa esa tuharo t̄hoeraboaga”, nigũ. Panop̄ ñañene yeducuna ijimedi musa. Musa sa yeducuriro saḥata yojop̄ pehere quehnoañene yeducuna ijiya musa. Sa yena Cohãcjũ cahmeñe dihitare yenata musa.

20 Panop̄ ñañe dihitare yerina ijina, quehnoañe pehere yera tiri musa.

21 ¿Ti p̄j̄ep̄re ñañe dihitare yena yabere wapataro musa? Ti musa ñañe yerire wacũna yojop̄re b̄e tiaga musa. Ti ñañene musa yeri buhiri pecap̄ wahaboaya musa. Sa yena ñañene yena ne wapataerare musa.

22 Yojop̄ pehere musa ñañe yerire duhuna Cohãcjũ cahacjãna wahari musa. Sa yena Cohãcjũ cahmeñe dihitare yena ijinata. Sa yena ijipihtiye decori Cohãcjũ mehna ijinata.

23 Ñañene mari yeri buhiri pecap̄ wahanaja ijiaja ijipihtina mari. Mari sa ijiepegãta mari p̄h̄toro Jesucristo mari wacũ tutuagũ ihñano, ijipihtiye decori tiquiro mehna marine ijiducugũ yerota. Mari sa ijiducuatire sa oho cãnota.

Cohãcjũ Moisere tiquiro ohori dutiyere yahu nemoahye Pablo

1 Ȳh̄ acaye, Cohãcjũ Moisere tiquiro dutirire quehnoano masine musa. Mas̄no tiquiro catinigũ ti dutiyere ȳhd̄d̄ca dutierare. Tiquiro yariari bato p̄ritare ti dutiyere yero basioerare. Ti ḡh̄re masine musa.

2 Ohõ saḥa ijire: Numinore ticoro man̄no mehna dihita iji dutire Cohãcjũ Moisere tiquiro dutiri pehe. Tiquiro sa dutiepegãta ticoro man̄no yariari bato ticoro pehe apequiore man̄ ti masine. Ticoro ti dutiro mehna iji nemoedare. Ohõ saḥa ni yahure ti dutiye.

3 Sa yero ticoro man̄no tiquiro catiepegãta ticoro apequiore man̄ tiro, ñano yero nine ticoro. Sa ijieperota ticoro man̄no yariari batop̄ apequiore man̄ tiro, Cohãcjũ dutiyere ȳhd̄d̄caerare ticoro sa yericoro. Sa yero ñano yericoro ijierare ticoro.

4 Musa ḡh̄ ȳh̄ acaye Jesu yequina wahana, dutiyere musa yeri wapa tiquiro yequina wahaerare musa. Sa yena yariariquina m̄na dutiye mehna tiquina ijieraro saḥa musa ḡh̄ ti dutiye mehna ijierare. Musa Cristo ya curua cãna ijire. Sa yena yojop̄re tiquiro yequina ijire musa. Tiquiro pehe yariari bato masa m̄jari jiri Cohãcjũ cahmeno saḥa mari yeatire.

5 Panop̄ ñañene mari esa tuharo yee timi. Sa yena Cohãcjũ Moisere tiquiro dutirire mari masidi bato ti dutiyere ȳhd̄d̄ca duami. Ti dutiye mariedagũ ȳhd̄d̄ca dueraboya. Sa yena ti dutiyere mari masidi bato ñañene tutuaro yemi mari. Sa mari ñañene yena mari pecap̄ wahaborinata ije timi.

6 Sa wahaborina ijiepenata Cristo yequina ijina yojop̄re ti dutiye mehna ijieraja mari. Sa yero Esp̄ritu Santo mari mehna ijiriquiro marine quehnoañe pehere comesagũ yere. Tiquiro sa yegũ panop̄ c̄j̄e dutiye

tiqairo ojoari ti mehna ijieraja mari yojopare.

Tiqairo ñañe yerire yahuahye Pablo

⁷ ¿Sa yena Cohãcjũ Moiserere tiqairo dutirire dahse niboagari mari? ¿Ti dutiye ñañe ijiagari, musa tãhotugũ? Ijierare. Ti dutiye mehna ñañene masii. Sa yegũ ti dutiye mariedagũ ñañene masiedaboya yũhũ. Ti dutiye ohõ saha ijire. “Apequina yepare tutuaro cahmedacãhña”, niahye ti dutiye. Sa niedagũ apequina yepare tutuaro cahmeñe ti ñañe ijigũ masiedaboya yũhũ.

⁸ Sa yegũ ti dutiyere yũhũ masidi bato apequina yepare tutuaro cahmee timi yũhũ. Ti dutiyere masiedagũ apequina yepare tutuaro yũhũ cahmeñe ti ñañe ijigũ masiedaboya yũhũ.

⁹ Ti dutiyere yũhũ quehnoano masiato pano sa tãhotu cãhũ. Sa yegũ ti dutiyere yũhũ masidi bato tutuaro ñañene ye duami. Sa yegũ pecapũ yũhũ wahatire masie tii.

¹⁰ Sa ye Cohãcjũ dutiyere yũhdũdũcaerayũhũ masa tiqairo mehna quehnoano ijiducuboya. Sa ye ti dutiye pehe quehnoano ijiducugũ yebori dutiye ijire. Sa ijieperota yũhũ yũhdũdũcari buhiri yũhũre pecapũ waha dutimedi.

¹¹ Sa yegũ ñañene yegũ Cohãcjũ Moiserere tiqairo dutiyere yũhdũdũca duami. Ñañene tutuaro cahmegũ yũhũ ijigũ quehnoañene masiedũ. Ti ñañe pehe yũhũre dojomehnedi. Sa yegũ quehnoano masiedũ. Sa masiedagũ Cohãcjũ dutiyere yũhdũdũcaũ. Sa yegũ ti dutiyere yũhũ masidi bato yũhũ ñañe buhirire pecapũ yũhũ wahaborirore masii. Ti dutiye mehna sa masii.

¹² Sa ye Moiserere tiqairo cũri dutiye quehnoañe ijire. Sa ye queoro ijirota nine ti dutiye.

¹³ ¿Sa ijieperota marine ti quehnoañe dutiye pehe pecapũ wahagũ yeajari? Ijierare. Topũ wahagũ yerare. Mari ñañe yeye pehe marine pecapũ wahagũ yere.

Ti dutiyere mari masidi bato ti dutiyere yũhdũdũcana, ñañene yena mari ijiyere masiaja mari. Sa yena mari ñana mari ijiyere masina, mari pecapũ wahati gũhũre masiaja mari. Sa yena ti dutiyere masina mari yũhdũdũcarire ti ña yũhdũaye ijigũ masiaja mari.

¹⁴ Moiserere tiqairo dutiri Cohãcjũ pehe tiqairo cũri ti ijigũ masiaja mari. Yũhũ pehe apequina yero saha ñagũ ijiaja. Sa yegũ ñañene yeducugũ ijiaja.

¹⁵ Sa yeducugũ ijiepegũta yũhũ yerire ne masiedũ yũhũ. Yũhũ cahmeno saha yeraja yũhũ. Sa yegũ yũhũ tutuaro ye dueramedireta yeaga yũhũ. Sa yegũ yũhũ yerire ne masiedaga yũhũ.

¹⁶ Sa yegũ ñañene ye duerapegũta ñañene yeaja yũhũ. Tire yegũ Cohãcjũ dutiye quehnoañe ijigũ masiaja yũhũ.

¹⁷ Sa yegũ yũhũ waro ti ñañene yojopare yeraja. Yũhũ tãhotuyepũ ijiiye ñañe ti pehe yũhũre ñañene yegũ yere.

¹⁸ Quehnoañene tutuaro ye duepegũta ne cũedaga. Ñañe pehe yũhũre dojomehne majare. Ahri yehpa cjũ yũhũ ijigũ yũhũ tãhotuyepũ ñañe dihita ijire. Ne quehnoañe mariedabutiare.

¹⁹ Quehnoañe yũhũ ye duaye pehere ne yeraja yũhũ. Yũhũ ñañene yũhũ ye dueye pehere yeaja.

²⁰ Sa yegũ yũhũ ye dueyere yegũ yojopare yũhũ waro tire yeraja. Yũhũ tãhotuyepũ ijiiye ñañe ti pehe yũhũre ñañene yegũ yere.

²¹ Sa yero yũhũre ohõ saha wahare: Quehnoañene yũhũ ye duepegũta yũhũ tãhotuyepũ ñañe ijire. Sa yegũ quehnoañe pehere yeraja.

²² Cohãcjũ Moiserere tiqairo dutirire yũhũ tãhotuye mehna tutuaro cahmeaja.

²³ Sa yegũ yũhũ ahrire masiaja: Yũhũ tãhotuye mehna quehnoañene ye duaja. Sa ye duepegũta yũhũ basi ñañene tutuaro ye duaja. Sa yegũ yũhũ esa tuharo ñañene duhu masiedaga yũhũ.

²⁴ Sa ñañene duhu masiedagũ

pejecuogũ ijiaja yũhũ. Ñañene yegũ pecapũ wahagũta yũhũ. Yohnah. ¿Yũhũ ñañene yũhũre pecapũ waha dutiye ñañene noa yũhũre cohã basaboagari?

²⁵ Jesucristore yũhũ wacũ tutuagũ tiquirota yũhũ ñañene cohãnota. Tiquiro sa yegũ Cohãcjũre “Quehnoare” ni aja yũhũ. Sa yegũ yojopũre yũhũ basi yũhũ tũhotuyere mehna Cohãcjũ dutiyere yeaja. Sa yegũ ijiepegũta yũhũ esa tuharo ijigũ ñañe pehe yũhũre ñañene yegũ yere.

8

Espíritu Santore cwoyequina tiquina ijiye tiyere yahuahye Pablo

¹ Yojopũre Jesucristo yequinare tiquina buhiri tiato mariedare. [Tiquina ñañe tutuaro cahmeñene yerare. Sa ye Espiritu Santo tiquiro dutiro saha yeducure tiquina.]

² Sa yero Jesucristo yaquiro yũhũ ijigũ Espiritu Santo ñañene duhugũ yere yũhũre. Sa yero Espiritu Santo ijipihtiye decori Cohãcjũ mehna ijigũ yere yũhũre. Ñañene yũhũre duhugũ yero yũhũre pecapũ wahaborigũre yũhdũore tiquiro.

³ Cohãcjũ Moiserere tiquiro dutirire mari esa tuharo ne ye pehosi. Sa ye pehoerana yũhdũducana ijiaja mari. Sa yena mari ijigũ Cohãcjũ marine yũhdũoeranidi. Mari sa ijina ijiepegũta ohõ saha Cohãcjũ marine yũhdũorota. Tiquiro mari ñañe buhirire yariatiquirore, ti ñañene cohãtiquirore tiquiro macũnore ohoahye. Sa yero tiquiro macũno mari yero saha pagũ tiahye. Sa yero mari tũhotuyepũ ijiye ñañene tiquiro cohãri.

⁴ Marine sata yeri Cohãcjũ dutiyere tiquiro tutuaye mehna mari ye pehoatire. Ti dutiyere ye pehona ijina mari esa tuharo ijieraja. Sa ijina Espiritu Santo yedohoye mehna tiquiro dutiro saha yeaja mari.

⁵ Ñañene ye duayequina, ti dihitare tutuaro cahmene. Espiritu Santo dutiro saha yeducuyequina pehe ti dihitare ye duare tiquina.

⁶ Ñañene ye duayequina ti dihitare tutuaro cahmeñe, pecapũ wahaeta. Espiritu Santo cahmeno saha tutuaro ye duayequina pehe ijipihtiye decori Cohãcjũ mehna ijietã. Sa ye tiquina quehnoano iji cãeta.

⁷ Tiquina esa tuharo yeyequina Cohãcjũre ihña tuhtire. Tiquina Cohãcjũ dutiyere ne yũhtierare. Tiquiro dutiyere yũhti duerare. Yũhti masiedare tiquina.

⁸ Sa ye tiquina esa tuharo yeyequina Cohãcjũre bucuegũ ye masiedare.

⁹ Mũsa pehe mũsa esa tuharo yerare. Espiritu Santo mũsa mehna ijigũ tiquiro cahmeno saha yere mũsa. Sa ye Espiritu Santore cwoyequina pehe Cristo yequina ijierare.

¹⁰ Mũsa pehe tiquiro yequina ijire. Mũsa ñañe buhirita mũsa pagũri yariare. Sa mũsa pagũri yarianaja ijiepenata Cristo mũsa mehna tiquiro ijigũ tiquiro mehna sa ijiducunata mũsa. Cohãcjũ mũsare “Quehnoana ijire”, tiquiro ni ihñagũ mũsa tiquiro mehna sa ijiducunata.

¹¹ Cohãcjũta Jesure masori jiri. Sa masoriquiro ijero Espiritu Santo mari mehna tiquiro ijiducugũ mari yariari bato Cohãcjũ mari gũhũre masonota. Sa masono mari pagũrere yariatati pagũrere catigũ yerota marine.

¹² Yũhũ acaye, tiquiro sa yegũ ihñana ñañe mari tutuaro cahmedire yeracũhna.

¹³ Mari ñañene yerina ijina, pecapũ wahaborina iji cãnata ni aja. Espiritu Santo yedohoye mehna ñañe yeyere duhurina ijina, ijipihtiye decori Cohãcjũ mehna ijinata.

¹⁴ Ijipihtiyequina Espiritu Santore yũhtiyequina Cohãcjũ pohne ijire.

¹⁵ Espiritu Santo mari mehna tiquiro iji dũcagũta Cohãcjũ pohna iji dũcaũ. Sa yena tutuaro mehna tiquiro dutinohrina ijieraja mari.

Sa yena panopu mari cueriro saha yojopu pehere mari cueraja. Tiquiro pohna ijina, Espiritu Santo yedohoye mehna yojopure “Yuhu Pacu”, niaja mari Cohacjũre.

¹⁶ Sa yero Espiritu Santo mari wacũneru marine ohõ saha masigũ yere: Potota Cohacjũ pohna ijiaja mari. Tire marine masigũ yere tiquiro.

¹⁷ Sa yena tiquiro pohna ijina, Cohacjũ ijipihtiyere tiquiro pohnene tiquiro “Ohoutja”, tiquiro nidire mari pehe cõonata. Jesucristo mehna mari cõonata tire. Cristo yere mari yeri buhiri ñano yuhdurina ijina mari tiquiro mehna uhmusepu quehnoano bucueye mehna iji cãnata. Sa yena Cohacjũ tiquiro pohnene “Ohoutja”, tiquiro nidire cõonata mari.

¹⁸ Yojopure ahri yehrapu ñano yuhdurĩaja mari. Camepure mari uhmusepu quehnoano iji cãnata. Sa yena yojopure ñano yuhduna, pajiro bujua witi wacũ tũhotueracũhna. Ahri mari ñano yuhduri sa iji cãno nine. Came quehnoano iji cãnata Cohacjũ mehna. Sa yena tutuaro bucuenata. Ahri pũrita ihyo waro ijierare.

¹⁹ Cohacjũ pohna ijina Cohacjũ mehna quehnoano ijinata. Mari sa wahatire cohteducuro saha yero nine Cohacjũ bajumehnedi.

²⁰ Ijipihtiropure tiquiro bajumehnedi quehnoano ijiborire dojomehneahye masano ñano ye dũcaro. Ti esa tuharo sa wahaerahye. Ñaãe iji dũcari bato tiquiro bajumehnedi sa wahahye. Sa yero Cohacjũ tiquiro bajumehnedire sata ñano iji dutiniahye. Came tiquiro bajumehnedire quehnoaãe wahagũ yerota tiquiro.

²¹ Sa yero Cohacjũ tiquiro bajumehnedire ahba phtiborire quehnoaãe wahagũ yerota tja. Cohacjũ pohnene quehnoaãequina tiquiro wahagũ yeriro sahata, tiquinare quehnoano tiquiro yuhduroro sahata quehnoaãe wahagũ yerota Cohacjũ tiquiro ba-

jumehnedire.

²² Ijipihtiyere Cohacjũ tiquiro bajumehnedi ñano ti iji dũcari bato ñano yuhdũe tiahye. Numino nihi wahcõno ticoro ñano yuhdũro sahata tiquiro bajumehnedi gũhu decoripe ñano yuhdũducure. Tire mari masiaja.

²³ Mari pehe Espiritu Santore cõona ijiaja. Tiquiro yequina mari wahagũ Cohacjũ tiquiro yaquiro Espiritu Santore duita ohori marine. Tiquiro bajumehnedi yero sahata mari gũhu ñano yuhdũaja. Sa yena quehnoaãe pehere tiquiro comesatire tutuaro cohteaja. Sa yena tiquiro pohna mari tiquiro mehna mari quehnoano ijiato gũhure tutuaro cohteaja mari. Wahma pagure marine tiquiro ohoati gũhure cohteaja.

²⁴ Mari sa cohtena ijigũ, tiquirota marine pecapu wahaborinare yuhdũore. Tiquiro cahapu ijinina ijina tiquiro cahapure mari wahatire cohteraboya mari. Marine tiquiro yuhdũo tuhasari bato ijigũ tire cohte nemoedaboya.

²⁵ Sa yena tiquiro ohoatire ihũedapenata Cohacjũ marine tiquiro yuhdũoatire cohtena, sa cohteducuaja.

²⁶ Sa yena Cohacjũre wacũ tutuera cõuna tiquiro cahmeñene quehnoano masiena mari ijigũ Espiritu Santo marine yedohore. Cohacjũre mari quehnoano sini masiedaja. Espiritu Santo pehe marine Cohacjũre tutuaro sini basare. Marine tutuaro paja ihũano marine tiquiro Cohacjũre tutuaro sini basare.

²⁷ Cohacjũ cahmeno sahata marine Jesu yequinare sini basare Espiritu Santo. Tiquiro sa sini basagũ Cohacjũ mari tũhotuyere masi pehoriquire ijiro, Espiritu Santo tiquiro sini basarire masine.

Cristo tiquiro tutuaye mehna ñaãe yeyere yuhdũdũcanata mari

²⁸ Ahrire yuhu yahuatire masiaja mari: Ijipihtina Jesure cahña mari ijigũ tiquiro cahmeñene yeanajare beseahye marine. Sa ijina mari

ijigũ ihñano Cohãcjũ sa ihña ihbodu-
cure marine. Sa yena mari ñano
yũhdũepenata ñano yũhdũeducu do-
joeraja. Cohãcjũ tiqiro yedohoro
mehna quehnoano ijinata mari.

²⁹ Cohãcjũ marine tiqiro yequinare
duitapũta masi tuhasahye. Sa masino
tiqiro macũno Jesu tiqiro ijiro
sahata marine iji dutiro, marine
quehnoañe pehere comesa duti
tuhasahye. Tiqiro macũno yero
saha marine iji dutiahye tiqiro
peyequina masa tiqiro macũnore
mari wahmi tiatire.

³⁰ Panopũ tiqiro yequina tiqiro
iji dutirina mari ijigũ, tiqiro pohna
mari ijiatina gũhũre beseahye ma-
rine. Sa yero marine tiqiro be-
serinare tiqiro “Quehnoañequina
ijire”, ni ihñare. Marine tiqiro sa ni-
nohrinare tiqiro mehna ỹhmũsepũ
quehnoano ijigũ yerota marine
Cohãcjũ.

³¹ Tire masina ohõ saha tũhotuaja
mari: Cohãcjũ marine tiqiro
cahñonare ne apequina ihña tuhtiye
cũedare.

³² Cohãcjũ mari ye buhirire
yariatiquirore tiqiro macũnore
ohoahye. “Yũhũ macũre cahñaja. Sa
yegũ tiqirore ohoeraja”, niedahye
tiqiro. Marine sa tutuaro yedo-
horiqiro ijiro, ijipihtiye mari cah-
meñe dũhsarire marine oho pe-
horota.

³³ Cohãcjũ beserina mari ijigũ,
tiqiro marine “Quehnoana ijire”, ni
ihñari. Mari sa ijina ijigũ apequina
marine “Ñana ijire”, ne ni yahusã
masiedare.

³⁴ Cristo mari ye buhirire yaria
masa wijiahye. Sa yero Cohãcjũ
poto pehepũ yojopũre tiqiro ijire du-
tiriqiro ijiro. Sa yero tiqiro marine
potota sini basaro nine Cohãcjũre. Sa
ye apequina pehe marine ne buhiri
dahre duti masiedare.

³⁵ Cristo marine tiqiro tutu-
aro cahĩgũ apequina tiqirore
“Cahĩedacãhña”, ne ni masiedare.
Cahĩ duhusi tiqiro. Mari ñano
yũhdũepẽgũta, mari cuepegũta,

apequina marine tiquina ñano
yepegũta, mari ỹjũa ahbaepẽgũta,
suhti mariena mari ijiepegũta,
cuaropũ mari ijiepegũta, marine
tiquina wejẽpegũta Cristo marine sa
cahĩducurota.

³⁶ Cohãcjũ yere tiquina ojoari pũpũ
mari sa wahatire yahuro, ohõ saha
nine:

Mũhũ yequina usã ijiri buhiri ape-
quina usãre sa wejẽ dua-
ducure. Oveja tiquina
wejõatiquina tiquina ijiriro
saha usã gũhũre sa wahare, ni
ojoahye Cohãcjũ yere tiquina
ojoari pũpũ.

³⁷ Sa yena mari ñano yũhdũepenata
Cristo marine cahĩniqiro tiqiro
yedohoro mehna tutuaro mehna
ñañene duhu pehonata mari.

³⁸⁻³⁹ Jesucristo yequina mari ijigũ
ihñano Cohãcjũ pehe marine tutuaro
cahĩne. Sa yero tiqiro marine
ne cahĩ duhusi. Mari yariagũ
gũhũre, mari catigũ gũhũre, yojopũre,
camepũ gũhũre, tiqiro marine cahĩ
duhusi. Sa ye angele, watĩa pũhtoa,
ahri yehpa cjẽna pũhtoa, ỹhmũse
cjẽna, ñañequina bajueyequina
gũhũ Cohãcjũre “Mũhũ yequinare
cahĩedacãhña”, tiquina niepegũta ma-
rine ne cahĩ duhusi Cohãcjũ. Cohãcjũ
tiqiro bajumehnedi mehna marine
ne cahĩ duhugũ yeye mariedare.
Marine ne tiqiro cahĩ duhusi.

9

Israe masa Cohãcjũ beseriquina ijire

¹⁻² Yũhũ acaye Israe masare
wacũgũ, tutuaro bũjũa witiaja yũhũ.
Cristore cahmedare tiquina. Sa
yegũ ñano bũjũa witi jeripohna tiaja
yũhũ. Ti yũhũ sa ni yahuye ijirota
ijire. Yũhũ Cristo yaquirota ijiaja. Sa
yegũ mũsare potota niaja. Sa yegũ
Espĩritu Santo yũhũ mehna tiqiro
ijigũ yojopũre yũhũ acayere yũhũ ni
yahuye ti potota ijigũ quehnoano
masiaja yũhũ. Tiqiro tire yũhũre
quehnoano masigũ yere.

³ Israe masa y^hu acaye ya maca c^jēna pecap^u wahaeta. Coh^hāc^jūre tiquinare y^hu^ho dutig^u ohō saha ni-boā y^hu^h pehe: “Tiquina ye buhirire y^hu^h pehe pecap^u waha^htja. Sa yero tiquina ye buhirire y^hu^h pehere buhiri dahreahro Cristo”, ni-boā y^hu^h.

⁴ Tiquina y^hu^h acaye Israe m^unano panamena iji turiayequina ijire. Sa yero Coh^hāc^jū pohne ijiatiquinare c^uahye Coh^hāc^jū tiquinare. Sa yero Coh^hāc^jū tiquiro asi siteye mehna tiquina watoa ijie tiahye. Sa yero tiquina ijipihtiyequinare tiquiro masare tiquiro y^hu^hoatire yahue tiahye tiquinare. Sa yero Moiserē tiquiro dutirire duita c^u m^uhtahye Israe masare. Sa ye Coh^hāc^jūre ño peoati w^uh^ure ye m^uhtae tiahye tiquina. Sa yero tiquinare tiquiro quehnoano yeatire yahue tiahye Coh^hāc^jū.

⁵ Ŭsā ye cururi waro doce cururi waro ijire. Sa yena ũsā ñec^us^um^ua iji m^uhtariquina m^unap^u tiquina panamena iji turianap^u ijiaja ũsā Israe masa. Sa yero mari yero saha pag^u tiriquire ahtaro, ũsā acay^uro Israe mas^uno waro ijire Cristo. Tiquiro Coh^hāc^jūta ijire. Sa yero tiquiro ijipihtiyequina p^uhtoro ijire. Ijipihtiyē decori tiquirore quehnoano ño peouhna mari. Sa ño peoducuuhna.

⁶ Apequina Israe m^unano panamena iji turiayequina ijiepetā Coh^hāc^jū yequina waro ijierare. Sa yena tiquina tiquiro yequina ijierag^u ih^hāna ohō saha ni t^uhotuboa m^usa: “ ‘Israe masare yeequina ijig^u yeitja’, nieperota ihquēquinare Coh^hāc^jū tiquiro nidiro sahata yerare”, ni t^uhotuboa m^usa. Sa ni t^uhotuerac^hñā.

⁷ Ohō saha ijire: Apequina Israe masa Abrahā panamena iji turiayequina tiquina ijiepeg^uta “Abrahā panamena iji turiayequina waro ijire”, ni ih^hedare Coh^hāc^jū tiquinare. Sa yero ohō saha niahye Coh^hāc^jū: “M^uh^u mac^u Isaac panamena iji turi-

ayequina tiquina p^urita potota m^uh^u panamena iji turiayequina waro ijietā”, niahye Coh^hāc^jū Abrahāre.

⁸ Tiquiro sa ni yahug^u ahrire masinata mari: Abrahā panamena tiquina masa bajuari bato duita Coh^hāc^jū pohne waha^hiedaga tiquina. Coh^hāc^jū tiquiro ni c^urire quehnoano t^uhoyequina tiquirore wac^u tu-tuayequina pehe tiquinata ijiaga Coh^hāc^jū pohne. Sa ye tiquinata ijire Abrahā panamena iji turiayequina waro.

⁹ Ohō saha niahye Coh^hāc^jū Abrahāre: “Ape c^uh^uma ahri pje borota y^hu^h majare tojoa tag^u m^uh^u namono Sara nijinog^ure c^uorota m^uh^u mac^ure”, niahye Coh^hāc^jū Abrahāre. Sa nino Coh^hāc^jū Abrahā mac^uno tiquiro masa bajuatire yahuyuro niahye.

¹⁰ Came Isaac namono Rebeca wame tiricoro duita p^uaro pohna tiahye. Tiquina pac^uro Isaac ũsā ñec^u m^unano iji turiariquiro ijiahye.

¹¹⁻¹² Sa ye tiquina pohne tiquina masa bajuato pano quehnoañene, ñañe g^uh^ure tiquina yeato pano Coh^hāc^jū tiquina pacoro ijiatricore ohō saha nie tiahye: “Tiquiro bah^uro pehe tiquiro wahminore dutirota. Sa yero tiquiro p^uhtoro ijirota”, nie tiahye ticorore. Coh^hāc^jū tiquiro cahmeno sahata besere tiquiro. Sa beseriquiro ijiro ihc^uquirog^ure besero ticorore sata ni yahue tiahye. Sa yero masa tiquina yeyere ih^hedaperota tiquiro cahmeno sahata tiquiro yequina ijiatiquinare besere.

¹³ Sata ni ojoahye tiquiro yere tiquina ojoari p^ur^u: “ ‘Jacob pehere cah^he tii. Sa yeg^u Esau^u pehere cah^heda tii’, niahye Coh^hāc^jū”, ni ojoahye panop^u.

¹⁴ ¿Tire wac^una d^uhse ni t^uhotuboari mari? ¿Tiquina yeyere ih^hedaperota ihc^uquirore sa besero Coh^hāc^jū queoro yeraboari, m^usa t^uhotug^u? Ijierare.

¹⁵ Ohō saha nie tiahye Coh^hāc^jū Moiserē: “Y^hu^h cahmediquiro dihitare paja ih^hautja”, niahye tiquiro Moiserē. Sa yero ihc^uquirore sa besero

potota yero niahye Cohãcjũ.

¹⁶ Sa yena mari esa tuharo mari cahmeno saha Cohãcjũre marine paja ihñagũ yeraja mari. Sa yero ne mari quehnoañene mari yeri wapa gãhũre marine paja ihñedare tiqiro. Tiqiro esa tuharo tiqiro cahmeñequina pehere paja ihñare.

¹⁷ Sa yero sata tiqiro esa tuharo yeahye Egipto cjẽna pũhtoro gãhũre. Ohõ saha niahye Cohãcjũ tiqirore faraõre: “Egipto cjẽna pũhto ijicjũre cũgũ nii mũhũre yũhũ tutuayere ijipihtiyequinare yũhũ ihñootire. Sa yegũ ijipihtiye yehpari cjẽna yũhũre tiquina masiatire pũhto sõu nii yũhũ mũhũre”, niahye Cohãcjũ tiqirore. Ohõ sahata nine Cohãcjũ yere tiquina ojoari pũpũ.

¹⁸ Sa yero tiqiro cahmeñequinare tiqiro esa tuharo paja ihñare tiqiro. Sa yero tiqiro esa tuharo apequinare yũhtieragũ yere tiqiro. Sa yero Cohãcjũ tiqiro cahmediro sahata yere.

¹⁹ Tiqiro sa yeriqiro ijigũ ihñana yũhũ pehere ohõ saha niboaga mũsa: “Cohãcjũ marine tiqiro cahmediro sahata tiqiro yegũ mari pehe tiqirore yũhdũdũca masisi. ¿Mari sa yũhdũdũca masiedapegũta dũhse ijiro boro marine buhiri dahre duajari tiqiro?” ni pihopũri sinituboaga mũsa yũhũre.

²⁰ Ohõ saha ni yũhtiaja mũsare: “¿Masa ihyo ijina ijiepenata Cohãcjũre tuhtiajari mũsa? Dihi sutu dahreriqirore ¿Dũhsegu yũhũre ohõ saha ijiri sutu yeri mũhũ?” ti sutu ni sinituboriro saha nina niaga mũsa Cohãcjũre. Sa ni masiedare mũsa.

²¹ Dihi sutu dahreriqiro dihi mehna tiqiro cahmeno sahata yere. Sa yero quehnoañene pose yeati suture ye masine tiqiro. Tia dihi yũbũ mehnata ihyo ijiyere pose yeati sutu gãhũre ye masine tiqiro. Tiqiro yero saha Cohãcjũ gãhũ tiqiro ye duaro sahata yere.

²² Sa yero Cohãcjũ pecapũ tiqiro cohãtiquinare tiquina ñaãe yerire tiqiro ihña usuario tiquinare buhiri

dahre duamahye. Sa buhiri dahre dueperota, yoari pje tiquina ñaãe yeyere sa ihña cãrĩahye, ijipihtiyequinare tiqiro buhiri dahreatire, tiqiro tutuayere ihñono taro.

²³ Sata yeahye Cohãcjũ tiqiro quehnoa butiaritiro tiqiro ijiyere, tiqiro tutuaye gãhũre mari masiatire. Panopũ marine tiqiro paja ihñanohanajare tiqiro beseahye, ijipihtiye tiqiro tutuayere tiqiro quehnoañene mari cũootire.

²⁴ Sa yena mari pehe tiqiro beserina ijinata naja. Sa ye tiqiro beseriquina pehe ihquẽquina judio masa dihita ijierare. Ihquẽquina judio masa ijieyequina gãhũ ijire tiqiro beseriquina.

²⁵ Sata nine judio masa ijieyequinare Cohãcjũ yere Osea mũnano tiqiro ojoariro sahata:

Yeequina ijieyequina gãhũre camerũ tiquinare “Yeequina ijire”, niitja. Sa yegũ yũhũ cahñeñequina gãhũre camerũ tiquinare “Yũhũ cahña ijire mũsa”, niitja, niahye Cohãcjũ.

²⁶ “Yeequina ijierare mũsa”, Cohãcjũ tiqiro nimeri yehpari cjẽna tiquina Cohãcjũ catiritiro pohñeta ijietta, ni ojoahye Osea panopũre.

²⁷ Sa yero panopũ cjũno Isaia mũnano Israe masare ohõ saha ni yahuahye: “Pajiri ma cjẽ padũ pjerigãre mari queona cũedaja. Israe masa ti padũ pjerigã yero saha ijieyequina peyequina ijiepegũta meheñequinagã Cohãcjũ yũhdũorota tiquinare.

²⁸ Cohãcjũ ahri yehpa cjẽnare peyequina masare sojaro mehna potota buhiri dahre madoqueorota”, niahye Isaia.

²⁹ Sa yero pari turita ohõ saha ni ojoahye Isaia:

Mari pũhtoro ijipihtiyequina pũhtoro meheñequinagã mari mehna cjẽnare yũhdũoeraro, marine judio masare ijipihtinare butigũ yeboya tiqiro. Sodoma cjẽnare, Gomorra cjẽna gãhũre tiqiro butigũ yeriro sahata

mari gũhure butigũ yeboya tiquiro, ni ojoahye Isaia yũhũ acaye Israe masare tiquiro yeato panopũ.

Judio masa quehnoañe buheyere cahmedahye

30 Sa tjire. Sa yena ahrire masi nemoña mũsa: Judio masa ijieyequina Cohãcjũre macaedapeta tiquirore bocare. Jesucristore tiquina wacũ tutuagũ, “Quehnoañequina ijire”, ni ihñari tiquinare Cohãcjũ.

31 “Cohãcjũ dutiyere mari yegũ tiquiro marine yũhdũorota”, niñe judio masa pehe Cohãcjũ Moisere tiquiro dutiyere yepeta, cũedari. Sa yero ti dutiyere tiquina yepegũta Cohãcjũ “Quehnoañequina ijire”, ni ihñedari. Sa ye quehnoañequina iji duepeta cũedari.

32 Ohõ saha ye, tiquina cũedari: Tiquina Cohãcjũre wacũ tutuaro marieno tiquina esa tuharo Moisere tiquiro dutirire ye duamedi, tiquiro yequina iji duaye. Mari queoye mehna buhegũ Cristo utã yero saha ijiriquiro ijire. Omaperiquiro utãpũ doque wahã sa bora quehero, tiquiro esaborirore ne eserare. (Tiquiro yero saha tiquina Cristore utã yero saha ijiriquirore cahmeeñequina Cohãcjũ cahapũ ne esasi.)

33 Sata ni ojoahye Cohãcjũ yere tiquina ojoari pũpũ:

Jerusalẽ wame tiri macapũ utã yero saha ijiriquirore cũgũ niaja. Mari queoye mehna buhegũ ohõ saha ijire: Omaperiquiro utãpũ doque wahã sa bora quehero tiquiro esaborirore eserare. (Tiquiro yero saha ti maca cjẽna utã yero saha ijiriquirore tiquina cahmedari buhiri Cohãcjũ cahapũ ne esasi. Tiquiro pehe tiquinare topũre waha dutisi.) Sa ye tiquirore wacũ tutuayequina pehe quehnoano bucueeta, ni ojoahye.

10

1 Yũhũ acaye, Israe masare pecapũ wahaboriquinare Cohãcjũ tiquiro yũhdũoatire, tutuaro yũhũ jeripohna mehna cahmesãja yũhũ. Sa yegũ Cohãcjũ tiquinare tiquiro yũhdũoatire sini basaja yũhũ.

2 Potota tiquina Cohãcjũ cahmeñene ye duamene. Sa ye duepeta tiquiro cahmeñene masiedare.

3 Sa ye tiquinare Cohãcjũ tiquiro quehnoañequina wahagũ yeborire tiquina masiedare. Sa masiedaye tiquina esa tuharo quehnoañene yepeta, cũedari. Tiquina sa yegũ Cohãcjũ tiquiro wacũ tutua dutiriro sahata tiquina yeragũ ihñano, tiquiro pehe tiquinare “Quehnoañequina ijire”, ni ihñedari.

4 Ijipihtiyequinare Cristore wacũ tutuayequinare “Quehnoañequina ijire”, ni ihñare Cohãcjũ. Sa yena dutiye yeye mehna yũhdũ witieraja mari. Cristo mehna yũhdũaja.

5 Moise mũnano panopũ cjũno ohõ saha ni ojoahye: “Cohãcjũ dutirire mari duhuro marieno ye pehogũ Cohãcjũ yũhdũorota marine”, ni ojoahye tiquiro.

6-7 Tiquiro sa ni ojoapegũta yojopũre masa Cristore tiquina wacũ tutuagũ Cohãcjũ tiquinare “Quehnoañequina ijire”, ni ihñare. Ti buheye quehnoañequina wahagũ yeri buheye ohõ saha ni yahure: Cristo tiquiro basi ahri yehpapũ wihi tuhasari jiri. Sa yero masa mũja tuhasari jiri. Sa yena ohõ saha ni tuhotueracãhña mũsa: “¿Diquiro pehe uhmũsepũ Cristore ne cãhta basaro wahaboagari marine tiquiro yũhdũoato saha? ¿Diquiro pehe yariariquina cahapũ Cristore maso basaro ne cãhtaboagari? Tiquirore ne cãhtaboriquiro mariedare”, ni tuhotueracãhña mũsa.

8 Sa yero ohõ saha ni yahure Cohãcjũ yere tiquina ojoari pũpũ: “Cohãcjũ ye buheyere mari macagũ ti buheye ohõpũ ijire. Ti buheyere masi tuhasare mũsa. Sa yena ti buheyereta yahuducue tire mũsa”, ni

ojoahye. Ti buheyere Cristore wacū tutuaye buheyere masare yahuaja usā.

⁹ Ti buheye ohō saha ni yahure: “Jesu mari pūhtoro ijire”, ni mari yahugū, “Cohācjū Jesure yari-ariquirōre potota masori”, ni mari tūhotugū, Cohācjū marine pecapū wahaborinare yūhdūorota.

¹⁰ Jesure mari wacū tutuagū Cohācjū pehe marine “Quehnoana ijire”, ni ihñanota. Sa yero Jesure mari wacū tutuayere apequinare mari yahugū tiquiro marine pecapū wahaborinare yūhdūorota.

¹¹ Ohō saha nine Cohācjū yere tiquina ojoari pūpū: “Cohācjūre wacū tutuayequina tiquirore tiquina wacū tutuarire ne bñjua witiš”, niahye Cohācjū yere tiquina ojoari pūpū.

¹² Judio masare, judio masa ijieyequina gūhare Cohācjū ihcāno saha yedohore. Mari pūhtoro ijip-ihtiyequina pūhtoro ijire tiquiro. Sa yero ijipihitiyequinare tiquirore siniñequinare quehnoano pajiro ohorota tiquiro.

¹³ Ohō saha ni ojoahye panopūre: “Yūhū ñañene cohāña. Sa yegū yūhūre yūhdūoya’, ni mari pūhtorore masa tiquina sinigū tiquinare pecapū wahaboriquinare mari pūhtoro yūhdūorota”, ni ojoahye Cohācjū yere.

¹⁴ Sa ye masa Cristore wacū tutuer-aye tiquirore sini masiedare tiquina. Sa ye tiquiro buheyere tūhoeraye, tiquirore wacū tutua masiedare. Sa ye tiquiro buheyere yahuriquiro mariedagū tire tiquina ne masisi.

¹⁵ Sa ye tiquiro ye buheyere yahuatiquinare Cohācjū pehe tiquiro ohoeragū tiquiro ye buheyere yahu masiedare. Tire ojoahye Cohācjū yere tiquina ojoari pūpū: “Quehnoañe buheyere yahuatiquina tiquina ahtagū ihñana quehnoano bu-cueaja mari”, ni ojoahye panopūre.

¹⁶ Ti sa ijiepegūta masa peye-quina quehnoañe buheyere tūho duerare. Sata ni ojoahye Isaia mñnāno: “Pūhto, tiquinare mari

yahurire tiquina ne tūho duerari”, ni yahuahye Isaia Cohācjūre.

¹⁷ Sa ye masa quehnoañe buheyere tūhoye Cristore wacū tutuari. Sa ye Cristo yequina tiquiro yere tiquina yahugū, tiquiro ye buheyere tūhore masa.

¹⁸ Sa yegū ahrire sinitu duaja māsare: ¿Israe masa Cohācjū yere tūhoera tiari, māsā tūhotugū? Poto waro tiquina tūhomedī. Sata nine Cohācjū yere tiquina ojoari pū gūhū: Cohācjū yere yahuyequina ijip-ihtiropū yahu siteye wa-hari. Sa ye ijipihitiro cjēnapū tiquiro yere tūhori, ni ojoahye panopū.

¹⁹ Pari turi māsare sinitu duaja tja: ¿Israe masa tūhoepeta quehnoano masiedari tiquina, māsā tūhotugū? Masie timahye. Ahrire yahu nemogū Moise nidire yahu mūhtaūtja. Ohō saha ni ojoahye tiquiro:

Ohō saha ni yahure Cohācjū Israe masare: “Tūho masieñequina, ñañequina, ihyo ijieyequina ijire”, ni māsā ihñañequinare yeequina ijiatiquina yeitja. Yūhū sa yegū māsā pehe tiquinare ihñā coonata. Sa yegū māsare usuagū yeitja yūhū, ni yahuri Cohācjū Israe masa ijieyequinare tiquiro yequina ijigū yero taro, ni ojoahye Moise.

²⁰ Ape pūpūre Isaia cuero marieno ohō saha niahye:

Ohō saha nine Cohācjū: Yūhūre macaedariquina pehe yūhūre bocari. Sa yegū yūhūre cah-meeñequinare tiquinare yūhūre masigū yei yūhū, nidi Cohācjū, ni ojoahye Isaia judio masa ijieyequinare.

²¹ Israe masa pehere ohō saha ni ojoahye Isaia: “Ohō saha nine Cohācjū: Tiquina yūhūre yūhdūducayequina, yūhūre cah-meeñequina ijire. Sa yegū tiquinare tiquina ñañene bñjua witi dutigu ‘Yee-quina ijiya’, sa niducumi tiquinare”, nidi Cohācjū, ni ojoahye Isaia.

11

Meheñequinagã Israe masare pecapũ wahaboriquinare yũhdũorota Cohãcjũ

¹ ¿Sa yero Israe masare Cohãcjũ tiquiro beseriquinare yojopũre cohãyari tiquiro, mũsa tũhotugũ? Ijierare. Tiquinare cohãedari tiquiro. Yũhũ gũhũ Israe masũ, Abrahã panami iji turiagũpũ ijiaja. Sa yegũ Benjami ya curua cjũ ijiaja yũhũ.

² Panopũ Israe masare Cohãcjũ be-see tiahye. Tiquiro sa beseriquinare cohãedari. Cohãcjũ yere tiquina ojoari pũpũ Elia mũnano tiquiro yerire yahure. ¿Ti pũpũ Israe masare Elia Cohãcjũre tiquiro yahusãrire masiedajari mũsa? Ohõ saha ni yahusãhye tiquiro:

³ “Pũhto Cohãcjũ, tiquina Israe masa mũhũ yere yahu mũhtariquinare wejẽdi. Sa ye tiquina mũhũre wacũ usã ño peoye altarire cohãri. Sa yegũ yũhũ dihita mũhũ yaquiro dũhsaja yojopũre. Yũhũ sa ijigũ tũhoye yũhũ gũhũre wejẽ duare tja, yojopũre”, niahye Elia Cohãcjũre.

⁴ Tiquiro sa nigũ tũhoro Cohãcjũ pehe ohõ saha ni yũhtiahye Eliare: “Siete mil umũa yeequina ijire yojopũre. Tiquinare ihbou yũhũ. Baal wame tiriquire queoyere ne ño peoera tiri tiquina, yeequina”, niahye Cohãcjũ Eliare panopũre cue dutiaro.

⁵ Ti pjere Elia tiquiro ijiri pjere tiquiro yequina masare beseriro sahata yojopũ gũhũre meheñequinagã Israe masare tiquiro yequina ijia-tiquinare beseri jiri Cohãcjũ. Cohãcjũ tiquinare paja ihãano beseri jiri.

⁶ Quehnoañene tiquina yeri wapa tiquinare beserari jiri. Tiquinare paja ihãano beseri jiri. “Quehnoañene mũsa yeri wapa mũsare beseitja”, nino, tiquiro tiquinare potota paja ihãano niedaboya.

⁷ Sa ye ohõ saha ijire. Israe masa Cohãcjũ tiquinare “Quehnoañequina ijire”, tiquiro ni ihãagũ cahmepeta tiquina ihcãno sahaerari. Cohãcjũ

tiquiro basi tiquiro beseriquina pehe quehnoañequina tiquiro yequina wahari jiri. Apequina pehe tiquirore ihcãno sahaeraye, tiquina pehe tiquiro yere tũho duerari.

⁸ Sata niahye Cohãcjũ yere tiquina ojoari pũpũ: “Cohãcjũ tiquirore cahmeeñequinare tiquiro yere tũhoeyequina ijigũ yeri. Sa yero potota ijiyere tiquina tũhoepegũta tiquinare quehnoano tũhogũ yerari Cohãcjũ. Sata ijiducure tiquina yojopũ gũhũre”, ni ojoahye panopũre.

⁹ Sa yero ohõ saha niahye Davi panopũ cjũno Cohãcjũre:

Tiquina Israe masa tiquina bose decori tiquina bucueye decori yeye, ñano yere tiquina. Tiquina sa yegũ ihãagũ buhiri dahreya mũhũ.

¹⁰ Tiquinare quehnoano tũhoeragũ yeya mũhũ. Sa ye sa buhiri tiducuyequina ijiahro tiquina. Sa ye sa bujũa witiducuenta, niahye Davi Cohãcjũre.

Judio masa ijieyequinare pecapũ wahaboriquinare yũhdũorota Cohãcjũ

¹¹ ¿Judio masare Cristore tiquina cahmedagũ ihãano Cohãcjũ tiquinare cohãno, cohã bo cãno niboari, mũsa tũhotugũ? Cohã bosi tiquinare. Sa cohãedaperota tiquina Cristore tiquina cahmedagũ yojopũre judio masa ijieyequina pehere Cohãcjũ yũhdũorota. Yojopũre tiquinare tiquiro yequina wahagũ yeri Cohãcjũ. Tiquiro sa yegũ ihãañe ihquẽquina judio masa pehe tiquinare ihãa cooboa.

¹² Judio masa tiquina yũhdũdcagũ tiquina quehnoano yeragũ apequina pehere ahri yehpa cjẽnare ihquẽquinare Cohãcjũ yũhdũori. Tiquiro sa yũhdũogũ tiquina pehere quehnoano wahari. Tiquiro sa yeriro yũhdũoro, came judio masa pehe Cristore tiquina quehnoano wacũ tutua dũcagũ pũritare ahri yehpa cjẽnare quehnoa yũhdũaro waharota.

¹³ Yojopũre mũsare judio masa ijienare yahugũ tũhũ niaja. Cristo cũri yũhũre judio masa ijieyequinare

buheacjare. Sa buhegũ ihyo waro yei niedaja.

14 Sa niaja yũhũ acayere judio masare m̄sare tiquina ihña coogũ ye duagũ. Cohãcjũ yũhdũorina m̄sa ijigũ ihñañe tiquina gũhũ Cristore cahme, tiquiro yũhdũoriquina wahaboa.

15 Judio masare mehenogã cohãbo curero, judio masa ijieyequina pehere quehnoañe buheyere Cohãcjũ yahu dutiri. Ti buheyere tiquina tũhori bato Jesure tiquina wacũ tutuari bato ihquẽquina ahri yehpa cjẽna Cohãcjũ yequina wahari. Sa ye judio masare mehenogã tiquiro cohãbo curegũ quehnoano wahari ahri yehpa cjẽnare. Tiquiro sa yeriro yũhdũoro judio masare tiquiro yequina ijiatiquina tiquiro yegũ pũrita quehnoa yũhdũaro waharota ahri yehpa cjẽnare. Tiquiro yequina tiquina wahagũ peyequina masa Jesure wacũ tutuayequinare pecapũ wahaboriquinare yũhdũorota.

16 Ohõ saha ijire: Mehenogã trigo yabũ Cohãcjũre ño peo tiquina duhu peori yabũ quehnoari yabũ Cohãcjũ tiquiro yegũ, dũhsari yabũ gũhũ quehnoari yabũta ijire. Sa yero yucũgũ nũhcori quehnoagũ, tũ dũpũri gũhũ quehnoañe dũpũri ijire. (Ohõ saha mari ni queoye mehna buhegũ Abrahã usã ñecũ m̄nano quehnoariquiro tiquiro ijiriro sahata tiquiro panamena iji turiayequinapũ gũhũ quehnoañequina ijietã Cristore wacũ tutuayequina ijiye.)

17 Ihquẽquina sa ijiatiquina tiquina ijiepegãta apequina tiquina acaye pehere judio masare Cohãcjũ meheno cohãbo cureri. Olivo wame tidũ dũpũri ihquẽ dũpũri tiquiro dũte cohãboriro saha apequina judio masa pehere Cohãcjũ meheno cohãbo cureri. Sa yucũgũ dũpũri cohãno tiquiro cohãri dũpũri ijirirope apeye dũpũri nũcũ cjãnũ olivogũ dũpũri camesa doho ohõri. Sata Cohãcjũ m̄sare judio masa ijienare Abrahã panamena iji turianare camesari m̄sare, m̄sa gũhũre yũhdũoro taro.

18 M̄sare tiquiro sa cũgũ “Judio masa yũhdũoro quehnoana ijiaja usã”, ni tũhotueracãhña. Ahrire yũhũ yahuatire wacũña m̄sa: Judio masa pehere bese m̄htahye Cohãcjũ. Sa besero tiquina acayũro ijiatiquirore cũahye Cristore, marine yũhdũoro taro. Sa yena “Judio masa yũhdũoro quehnoana ijiaja”, ni tũhotueracãhña m̄sa.

19 M̄sa judio masa ijiena pehe ohõ saha niboa: “Ihquẽ ñañe dũpũri tiquiro cohãboriro saha Cohãcjũ judio masare cohãbo cureri ihquẽquinare. Sa cohãbo cureri tiquiro apeye dũpũri camesa tiquiro doho ohõno saha tiquiro yequina marine cũno taro”, niboa m̄sa judio masare yũhdũuca duana.

20 Ti m̄sa niñe ijirota ijire. Sa ijiepegãta tiquina Jesure tiquina wacũ tutuerari buhiri Cohãcjũ cohãbo cureri tiquinare. Sa yero m̄sa gũhũre Jesure m̄sa wacũ tutueragũ tiquiro yequina ijianaja m̄sare cũedaboaya. Sa yena “Judio masa yũhdũoro quehnoana ijiaja usã”, niedacãhña m̄sa. Sa niedana Cohãcjũre quehnoano ño peoya.

21 Ëhmũ tãñe dũpũri yero saha judio masa pehe Cohãcjũ yequina iji m̄htahye. Tiquiro camesari dũpũri tiquiro doho ohõboriro saha camespũ Cohãcjũ tiquiro yequina m̄sa pehere cũahye. Sa yero tiquiro yequina iji m̄htariquina judio masa tiquirore tiquina wacũ tutueragũ, tiquinare cohãbo cureri. Tiquinare tiquiro cohãri saha m̄sa gũhũre cohãnota, tiquirore m̄sa wacũ tutueragũ. Sa yena Cohãcjũre quehnoano ño peoya m̄sa.

22 Cohãcjũ m̄sare quehnoano yeriquiro tiquiro ijigũ masiña m̄sa. Sa yena cua pesaro mehna buhiri dahreriquiro tiquiro ijigũ gũhũre masiña m̄sa. Tiquirore ño peoyequinare tiquiro buhiri dahrerota. Sa m̄sa tiquirore ño peoducũgũ pũrita m̄sare quehnoano yerota tiquiro. Ño peoerana ñañe dũpũri tiquiro cohãboriro saha m̄sa gũhũre

cohānota Cohācjū.

²³ Sa yero judio masa tiquiro cohābo cureriquina Cristore tiquina wacū tua ducagū, yucugū dūpūrire masa tiquina doho ohōno saha Cohācjū tiquiro yequina ijigū yerota tiquinare. Cohācjū tiquiro sa yeati tutuayere cāori. Sa yero tiquiro tiquinare ihquēquinare tiquiro yequina wahagū yerota.

²⁴ Mūsa judio masa ijiena ijina, nūcu cjānu olivogu dūpūri yero saha ijire mūsa. Sa ijina mūsa ijiepegū olivogu otedūpū nūcu cjē dūpūrire masa tiquina ohōno saha Cohācjū mū sare tiquiro yequina ijigū yerota. Judio masa Cohācjū tiquiro bese māhtariquina ijire. Sa yero tiquiro bese māhtarina mūsa ijierapegūta tiquiro yequina mū sare ijigū yeri tiquiro. Judio masare tiquiro bese māhtariquina pehere tiquiro yequina ijigū ye duare. Tire tiquiro yegū mū sare yero yūhdūoro mijoeda cjūre.

Came judio masare pecapū wahaboriquinare yūhdūorota Cohācjū

²⁵ Yūhū acaye, ahrire masa tiquina masiedarire mū sare yahutja. “Yojopūre usā dihitare besere Cohācjū. Usā pehe masi peho cjā”, mūsa ni tūhotuerato saha ahrire yahutja. Ohō saha ijire: Yojopūre peyequina judio masa Cohācjūre tūho duasi. Sa ye peyequina judio masa ijieyequinare Cohācjū tiquiro queoriro puno tiquiro yequina tiquiro yeri bato judio masa pehe tiquirore cahmeeta.

²⁶ Tiquina sa cahmegū ijipihtiyequina tiquirore cahmeñequinare judio masa pecapū wahaboriquinare Cohācjū yūhdūorota. Cohācjū yere tiquina ojoari pūpū sata ni ojoahye:

Jerusalē wame tiri macapū judio masa ya macapū tiquinare yūhdūoatiquiro ahtarota. Sa yero Jacob panamena iji turiayequinare tiquina ñañe yerire tiquiro cohānota.

²⁷ Sa yegū tiquinare yūhdūogu panopū tiquinare yūhū ni cūriro sahata yei niaja, nidi Cohācjū, ni ojoahye Cohācjū yere tiquina ojoari pūpū.

²⁸ Yojopūre tiquina judio masa Cristo yere ño peoyequina Cohācjūre ihña tuhtire. Tiquina sa yegū yojopūre mūsa pehe judio masa ijiena Cristore wacū tutua dūcari. Judio masa pehere Cohācjū bese māhtahye. Sa yero judio masa ñecūsumūa mūna panopū cjēna tiquiro beseriquina tiquina ijigū yojopūre ijieyequina judio masa gūhūre tiquiro cahñe.

²⁹ Cohācjū tiquiro ni cūriro sahata masare tiquiro beseriro sahata potota yerota tiquiro. Tiquiro nidire bosi tiquiro.

³⁰ Panopūre mūsa gūhū Cohācjūre yūhdūdūcari jiri. Yojopūre judio masa Cohācjūre tiquina yūhdūdūcagū ihñano tiquiro mūsa pehere paja ihñano yūhdūori.

³¹ Yojopūre judio masa tiquirore yūhdūdūcari. Tiquina sa yepegūta Cohācjū mū sare tiquiro paja ihñariro sahata tiquina gūhūre camepūre paja ihñanota.

³² Ohō saha ijire: Ijipihtiyequina masare “Buhiri tiyequina ijire”, nine Cohācjū. Sa yero ijipihtiyequina buhiri tiyequina tiquina ijigū ihñano ijipihtiyequinare paja ihña masine tiquiro.

³³ Yohou. Cohācjū tutua yūhdūariquiro ijiajari. Quehnoano masi pehoriquiro ijire tiquiro. Sa yero tiquiro tūhotuyere, tiquiro yerire marine quehnoano masino basioerare.

³⁴ Ohō saha ni ojoahye Cohācjū yere: “Cohācjū mari pūhtoro tiquiro tūhotuyere ne masa quehnoano masiedare. Sa ye masa tiquirore ‘Ohō saha yeya’, ni masiedare.

³⁵ Sa ye masa Cohācjūre apee borore tiquina oho bato ‘Tiquiro marine wapamore’, ni masiedare masa”, ni ojoahye panopūre.

³⁶ Cohācjū ijipihtiyere yeahye. Sa yero tiquiro tutuaye mehna ijipi-

htiyere ijigū yere tiquiro. Sa ye ijipihtiye tiquiro ye ijire. Tiquiro sa ijiriquiro ijigū ijipihtiye decori tiquirore ño peouhna mari. Sata yeducuuhna.

12

Cohācjū cahmeñene marine yeducu dutiahye Pablo

¹ Cohācjū marine tutuaro paja ihñari. Tiquiro sa paja ihñariquiro ijigū ihñana yuhū acaye, mūsa basita Cohācjū yere yeducuya. Sa yena quehnoañe pehere comesarina, ñañe mariena ijiya. Mūsa sa ijigū tiquiro bucuero. Sata yero cahmene marine Cohācjūre ño peona. Sa yegu mū sare tire tutuaro ye dutiaja.

² Ahri yehpa cjēna ñañequina tiquina yero saha ye nemoedacāhña mūsa. Sa yena mūsa tuhōtuyepure quehnoañe pehere comesaya mūsa. Sa yena quehnoañe pehere comesarina ijinata mūsa. Sa comesana Cohācjū mū sare tiquiro ye dutirire masinata mūsa. Sa yena quehnoañene, Cohācjū cahmeñene, ñañe marieñene masinata mūsa.

³ Cohācjū yuhūre paja ihñano mū sare buhe dutiro beseri yuhūre. Sa yegu ijipihtinare mū sare ahrire ni dutieraja yuhū. “Quehnoa yuhūana iji yuhūducāja usā”, ni tuhōtueracāhña. Sa tuhōtu cāhña. Jesure mūsa wacū tutuari bato Cohācjū mū sare tiquiro yedohoro punota “To punota ye masiaja usā”, ni tuhōtuya.

⁴ Ohō saha ni yahu nemoutja yuhū: Mari omocari, mari dahpocāri, mari caperi, ijipihtiro mari pagupū ijiye peye ijire. Mari pagupū ijiye ihcā pagupū ijiepetā sijoro saha ijiye dahraye dihitare cūore.

⁵ Mari queoye mehna buhegū ahri yero saha ijire. Cristo pagupū yero saha ijina ihcā curuata ijiaja mari. Sa yena mari ijipihtina peyequina ijiepenata ihcā curuaputa ijiaja mari.

⁶ Cohācjū marine tiquiro yedohoro punota tiquiro tutuaye mehna ye dutire. Sa yero maripe sijoro saha ijiye dahrayere cūre tiquiro.

Tiquiro sa yegū marine tiquiro cūrire mari quehnoano yeihna. Sa ye Jesu yequina ohō saha yeahro. Ihquēquinare Cohācjū tiquiro yere yahuatiquinare cūre. Sa ye tiquina Cristore tiquina masino puno tiquiro yere quehnoano yahuahro.

⁷ Ihquēquinare Cohācjū masare yedohoatiquinare cūre. Sa ye tiquina masare quehnoano mehna yedohoahro. Ihquēquinare Cohācjū masare buheatiquinare cūre. Sa ye tiquina masare quehnoano buheahro.

⁸ Masare bucuegū yeatiquina ijiye, tire quehnoano yeahro. Sa ye apee borore ohoyequina quehnoano mehna jeripohna ti, pajiro ohoahro. Sa ye apequinare dutiyequina quehnoano mehna dutiahro. Sa ye pejecūoyequinare yedohoyequina bucueye mehna yedohoahro.

Jesu yequina ijina ohō saha yena ijiya

⁹ Apequinare cahña, potota cahña tiquinare. Sa yena ñañene ihña yabina ijiya mūsa. Sa yena quehnoañe pehere cahmeña.

¹⁰ Mūsa bahanare mūsa cahño sahata Jesu yequinare mūsa mehna cjēnare cahña. Sa yena mūsa mehna cjēnare quehnoano cahme ño peoya.

¹¹ Cohācjū cahmeñene yena, ne caperacāhña. Sa yena mari puhtoro tiquiro dutiriro sahata quehnoano bucueye mehna yeya.

¹² Cohācjū mū sare pecarū waha borinare tiquiro yuhūorinarū ijire mūsa. Tire masina bucueya mūsa. Sa yena ñano yuhūana, ihcāno sahaya “Cristo yere duhuari”, nina. Sa yena Cohācjūre sa siniducuya.

¹³ Apee boro Jesu yequinare duhsagū ohoya tiquinare. Sa yena mūsa ye wuhūsepū masa tiquina esagū quehnoano jeripohna ti, tiquinare piti caya.

¹⁴ Mū sare ñano yeyequina pehere quehnoa dutiya. Sa quehnoa dutina, tiquinare “Ñano yuhūcūnahdo”, niedacāhña.

15 Apequina bucueyequina mehna ijina m̄sa ḡh̄u bucueya. Sa yena utiyequinare ih̄ñana, uti dohoya.

16 M̄sa mehna cj̄ena mehna quehnoano ijiya m̄sa. Sa yena “Apequina ȳhd̄uro quehnoana ijiaya”, ni t̄hotuerac̄h̄ña. Oh̄o saha ni t̄hotuya. “Ihyo ijina ijiaya”, ni t̄hotu, ihyo ijiyequina mehna ijiya. Sa yena “Masi ȳhd̄ucana ijiaya us̄a”, ni t̄hotuerac̄h̄ña.

17 Apequina m̄sare tiquina ñano yepeḡta, tiquinare ñano ye cahmedac̄h̄ña. Sa yena quehnoañene yeya, quehnoana m̄sa ijiye tiyere ijipihtiequina masa tiquina masiatire.

18 Tutuaro mehna quehnoañene yeya m̄sa, ijipihtiequina mehna m̄sa quehnoano ijiatire.

19 M̄sa ȳh̄u cah̄ña, ȳh̄u acaye apequina m̄sare tiquina ñano yepeḡta tiquina yero saha ñano ye cahmedac̄h̄ña. Coh̄cj̄u pehe m̄sare tiquina ñano yeri buhiri buhiri dahreahro tiquinare. Coh̄cj̄u yere tiquina ojoari p̄p̄u sata ni ojoahye: “Ȳh̄u pehe masa tiquina ñano yeri buhiri buhiri dahreac̄j̄u ijiaya. Sa yeḡu potota buhiri dahreitja’, nine mari p̄h̄toro”, ni ojoahye panop̄re.

20 Sa yena oh̄o saha yeya m̄sa: “M̄sare ih̄ña tuhtiriqiro tiqiro ej̄ua ahbaḡu ih̄ñana nuña tiqirore. Tiqiro aco w̄oḡu ih̄ñana tiqirore sih̄ña. M̄sa sa yeḡu ih̄ñano tiqiro b̄e tirota”, nine mari p̄h̄toro.

21 Sa yena apequina m̄sare tiquina ñano yepeḡta m̄sa pehe tiquinare ñano ye cahmedac̄h̄ña. Sa yena tiquinare quehnoano yeya. Sa yena ñañene ye duerana ninata m̄sa.

13

1 Ijipihtiequina p̄h̄toare Coh̄cj̄u dihita c̄ure. Sa yero m̄sa p̄h̄toa ḡh̄ure Coh̄cj̄u bese c̄ure. Tiqiro sa c̄uriquina tiquina ijiḡu ih̄ñana ijipih̄tina m̄sa tiquinare ȳhtiya.

2 Mari bui cj̄ena p̄h̄toare quehnoano ȳhtierana Coh̄cj̄u tiqiro bese c̄uriquinare ȳhd̄ucana

niaga mari. Sa ȳhd̄ucariquinare Coh̄cj̄u pehe buhiri dahrerota.

3 Quehnoañequinare cueḡu yeatiquina ijierare p̄h̄toa. Ñañene yeyequina pehere cueḡu yeatiquina ijire tiquina. Quehnoañene yeya m̄sa p̄h̄toare m̄sa cueratire. Sa yena cuesi m̄sa. Quehnoañene m̄sa yeḡu p̄h̄toro pehe “Quehnoano yeri m̄sa”, m̄sare ninota.

4 M̄sa p̄h̄toa m̄sare yedohoatiquinata ijire m̄sa quehnoano ijiatire. Sa ye tiquina m̄sare buhiri dahreatiquinata ijire. Ijipihtiequina ñañene yeriquinare buhiri dahre dutiro Coh̄cj̄u tiquinare bese. Tiquina sa buhiri dahreatiquina ijiḡu ñañene yena m̄sa p̄h̄toare cueya.

5 Sa yena mari p̄h̄toare ȳhtina, tiquina buhiri dahreatire cuerac̄h̄ña. Sa yena ño peoye mehna “Quehnoañene yero cahmene ȳh̄ure”, ni t̄hoturo mehna quehnoano ȳhtih̄ña.

6 M̄sa p̄h̄toare tiquina dahrayere c̄uri Coh̄cj̄u. Sa yena tiquina dahrayere tiquina yeḡu ih̄ñana m̄sa p̄h̄toare wapa ne cohteyequinare wapa yere m̄sa.

7 Ijipihtiequinare m̄sa p̄h̄toare quehnoano ȳhtiya. Sa yena p̄h̄toare wapa ne cohteyequinare wapa yeya m̄sa. Sa yena p̄h̄toa pehe apeyere tiquina wapa ye dutiḡu ḡh̄ure wapa yeya. Sa yena ijipihtiequina p̄h̄toare quehnoano ño peoya.

8 Apequina masare wapamoedac̄h̄ña. Tiquinare cah̄no cahmene. Sa ye cah̄i nemono cahmene. Tiqiro cah̄p̄u ijiriqirore cah̄idiquiro Coh̄cj̄u dutiyere ye peho tuhasariqiro ijire. Sa yena m̄sa caha ijiyequina ḡh̄ure cah̄ña.

9 Oh̄o saha nine Coh̄cj̄u dutiye: “Apeqiro namono mehna ñano yerac̄h̄ña. Masare wej̄edac̄h̄ña. Yaquerac̄h̄ña. Apequina yere tutuaro cahmedac̄h̄ña”, ni yahure tiqiro dutiye. Apeye dutiye ḡh̄u ijire. Sa ijiepeḡta ih̄c̄ano dutirore m̄sare yahuḡu t̄h̄u niaya. Ti dutiro ih̄c̄ano dutiro ijiepeḡta ti dutirore

yena, Cohãcjũ dutiyere ye pehona niaja mari. “Mũhũ basi mũhũ cahĩno saha mũhũ caha ijieyequina gãhũre cahĩña”, nine ti dutiro. Ti dutirore yena Cohãcjũ dutiyere ye pehona ijina nine mũsa.

¹⁰ Mũsa caha ijiriquirore cahĩna, tiquirore ñano yesi. Sa yena tiquirore cahĩna, Cohãcjũ dutiyere ye pehona nine mũsa.

¹¹ Sa yena carĩñequina yero saha ijieracãhña mũsa. Quehnoano wacũ masiña. Jesure quehnoano wacũ cohteya. Jesu marine tiquiro tojoa ta, tiquiro neato mehenogã dũhsatjiãre. Tiquirore mari coã masi dũcana, “Yoari batopũ marine yũhdũoro tarota Jesu”, ni tũhotumi. Mari sa ni tũhotuepegũta yojopũre mehenogã dũhsare Jesu marine tiquiro yũhdũoro ahtato. Ahri yũhũ nidire masine mũsa.

¹² Yojopũre ñañene tiquina yeri deco ijire. Cristo tiquiro ahtagũ ahri deco pihtirota. Tiquiro ahtato mehenogã dũhsare. Tiquiro ahtato mehenogã dũhsagũ ihñana ñañene duhu pehocũhna mari. Sa yena Cohãcjũ cahmeñe pehere yeihna mari. Sa Cohãcjũ yere yena, ñañene duhu pehocũhna mari.

¹³ Sa yena quehnoañe pehere yeihna. Sa yena bose decorire yena ñano yeracũhna. Sa yena queheracũhna. Sa yena wũana tina, apequina mehna ñano yena, cahme dũse tini wiana, ihña coona ijieracũhna.

¹⁴ Sa yena mari pũhtoro Jesucristo tiquiro yedohoye mehna quehnoano ijija mũsa. Sa yena ñañene mũsa tutuaro cahmeñene yeracãhña.

14

Mũsa acayere Jesu yequinare “Ñano yee nine”, ni yahu wajaeracãhña (1 Co 8.1-13)

¹ Jesure wacũ tutuariquiro Jesu yere tiquiro quehnoano masiedarĩgũ tiquirore quehnoano yedohoya. Sa yena Jesu yere tiquiro quehnoano masiedarĩgũ ihñana “Ne masiedare

mũhũ”, ni cahme dũse tutueracãhña tiquiro mehna.

² “Ijipihtiyere ihya masiaja yũhũ”, ni tũhoture apequina. Sa ye apequina pehe Jesu yere quehnoano masiedarĩñe, wahiquinare ihyeraye, oteye dũca dihitare ihyare.

³ Ijipihtiyere ihyayequina pehe oteye dũcare ihyayequinare ihña tuhtieracãhdo. Sa ye oteye dũca dihitare ihyayequina pehe ijipihtiyere ihyayequinare “Ñano yeye nine”, ni yahu wajaeracãhdo. Ijipihtiyere ihyayequina pehe Jesure wacũ tutuayequina tiquina ijigũ Cohãcjũ tiquinare tiquiro yequina ijigũ ye tuhasari. Tiquiro yequina tiquina ijigũ ihñañe wahiquinare ihyeyequina pehe tiquinare yahu wajaeracãhdo.

⁴ Jesure wacũ tutuayequina Cohãcjũ cahacjẽna ijire. Tiquina sa ijigũ ihñana mũsa tiquinare yahu waja masiedare. Jesure wacũ tutuayequina Jesu cahmeno saha tiquina yeragũ ihñano tiquiro dihita tire yahu masine. Tiquina quehnoano yegũ gãhũre tire yahu masine tiquiro tiquinare. Sa yero tiquiro pehe “Ñano yeri mũhũ”, ni yahuatiquiro ijirota. Sa yero tiquiro cahacjẽnare quehnoañene yeducu masigũ yeriquiro ijire Cohãcjũ.

⁵ Ihquẽquina ihcã decore Cohãcjũre tiquina ño peoati deco yere. Sa ye apeye decorire “Dahraye decori ijire”, ni tũhoture. Apequina pehe decoripe Cohãcjũre ño peoducure. Tiquina ihcãno saha sa yerariquina ijiepetata ijipihtiyequina ohõ saha ni tũhotuahro: “Jesu tiquiro cahmeno sahata quehnoano yena niaja”, ni tũhotu masiahdo.

⁶ Masũno ihcã deco tiquiro ño peoati deco yere Cohãcjũre ño peoaro. Sa yero decoripe ño peoducuriquiro Cohãcjũre quehnoano ño peore tiquiro gãhũ. Sa yero sijeriquiro gãhũ ihyaro, Cohãcjũre “Quehnoare”, ni sinine. Sa yero tiquiro gãhũ ihyariquiro ijiro Cohãcjũre ño peoriquiro ijire. Sa

yero ihquē ihyayere sijiriquiro pehe tiquiro sijire Cohãcjüre ño peoro taro. Sa yero tiquiro gũhũ Cohãcjüre “Quehnoare”, ni sinine.

⁷ Mari cahmeñe dihitare yena iji masiedaja mari. Cristo ijire mari pũhoro. Sa yero mari catigũ mari yariagũ gũhũre mari pũhoro ijire.

⁸ Yojoþare mari catiro puno Cristo yere yeana ijiaja mari. Tiquiro yequina ijiaja. Mari yariari batopũ gũhũre tiquiro yequina ijinata. Sa yero mari catigũ mari yariagũ gũhũre Cristo mari pũhoro ijire.

⁹ Sata ijire. Cristo yaria masa mũjahye, catiyequina, yariariquina gũhũ tiquina pũhoro ijiro taro.

¹⁰ ¿Dũhsena tana mũsa acayũrore Jesu yaquirore “Ñano yero nine”, ni yahu waja duajari mũsa? ¿Dũhsena tana mũsa acayũrore cũhta diho cũ duajari mũsa? Mari ijipihtina Cristo caha mari ducugũ tiquiro pehe mari yerire masi pehoro, marine beserota quehnoana, ñana gũhũre. Tiquiro sa beseatiquiro ijigũ mũsa acayũrore “Ñariquiro ijire” ni yahu wajaeracãhña.

¹¹ Cohãcjũ yere tiquina ojoari pũpũ ohõ saha ni ojoahye:

Ohõ saha nidi mari pũhoro: “Ahri potota ijire. Ijipihtiyequina yũhũ poto dũsepe curi mehna quehe saeta. Sa ye ijipihtiyequina ‘Quehnoagũ, tutuagũ ijire’, ni, yũhũre ño peota”, nidi mari pũhoro, ni ojoahye.

¹² Sa yena ijipihtina mari yerire Cohãcjũ siniturota. “¿Dũhse yena sa yeari?” ni siniturota. Tiquiro sa ni sinitugũ yũhtiro cahmene marine.

Mũsa acayũrore ñano yegũ yeracãhña mũsa

¹³ Sa yena mari mehna cjẽna gũhũre “Ñañequina ijire”, ni yahu wajaeracũhna. Sa yena mari acayũrore Jesu yaquirore ñano yegũ yeracũhna.

¹⁴ Yũhũ Jesucristo yaquiro ijiaja. Sa yegũ ahri yũhũ niatire quehnoano masiaja yũhũ: Yũhũ pehe ijipihtiye ihyayere yũhũ ihyagũ yũhũ ihyari

buhiri, buhiri mariedare. Apequiro pehe “Ahri ihyayere ihyagũ ñano yei niaja”, ni tũhoturiquiro pehe ihyaro, potota buhiri tiriquiro ijire.

¹⁵ Ti potota ijire. Mũsa apee borore mũsa ihyagũ mũsa acayũrore mũsare ihña cũ ihyaro, “Yohou, ñano yei niaga yũhũ”, ni pajiro tũhotuboaga tiquiro. Tiquirore sa ihña cũ ihyagũ yena, tiquirore cahñedare mũsa. Apee borore mũsa ihyagũ ihña cũ ihyaboaga tiquiro. Sa ihyaro “Ñano yei niaja”, ni tũhoturo Cristore duhuboaga. Mũsa acayũrore ye buhirire yariari Cristo. Sa yena “Cristore duhuari”, nina tiquirore ihña cũgũ yeracãhña.

¹⁶ Sa ye “Ahri usã yeri quehnoariãga”, mũsa ni tũhotugũ apequina mũsare yahu wajaboaga. Tiquina sa yahu wajagũ ihñana, mũsa sa yerire ye nemoedacãhña, “Yahu waja nemoari” nina.

¹⁷ Cohãcjũ pehe mari pũhoro ijire. Tiquiro sa ijigũ mari ihyaye, mari sihniñe gũhũ sa iji cãno nine. Ihyo warota ijire. Sa ye mari pũhoro tiquiro dutiyere, quehnoañe gũhũre mari yegũ ti waro ijiro nine. Sa ye apequina mehna mari quehnoano ijigũ gũhũre quehnoañe waro ijiro nine. Sa ye Espiritu Santo yedohoye mehna mari bucuegũ quehnoañe waro ijiro nine.

¹⁸ Sata Cristo yere yeriquirore ihñañe Cohãcjũ, masa gũhũ “Quehnoano yeri mũhũ”, nieta.

¹⁹ Sata yeihna mari pũrita quehnoano mari ijiatire, mari basi mari cahme yedohoatire. Sa yena Jesure wacũ tutua nemonata.

²⁰ Apequiro Jesu yaquiro tiquiro ihya dutierarire mũsa ihyagũ ihñano tire coeraro, Cohãcjũ yere cohãboaga. Sa yena tire ihyeracãhña. Potota ijipihtiye ihyaye quehnoañe ihyayeta ijire. Sa ijiepegũta apee borore mari ihyagũ apequiro “Ñañe ihyaye ijiaga ahri”, nidiquiro ijieperota ihña cũ ihyaboaga. Sa ihyaro ñano yero niaga tiquiro. Sa yena marine tiquiro ihña cũ ihyagũ, mari gũhũ

ñano yena niaja.

²¹ Wahiquina dihire m̄sa ihyagũ ihñano, vinore m̄sa sihnigũ ihñano, apequiro Jesu yaquiro “Tire ihyagũ ñano yei niaga ȳh̄u”, ni t̄hoturiquiro ijieperota tiquiro ḡh̄u ihña c̄u, ihya sihniboaga. Sa ni t̄hoturiquiro p̄rita ihya sihnino ñano yero nine. Sa yena tiquiro ñano yerato saha Jesure tiquiro wacũ tutua duhuerato saha wahiquina dihire, vino ḡh̄ure m̄sa pehe m̄sa duhugũ quehnoar̄ne.

²² “Ijipihtiyere ihya masiaja”, ni t̄hotuna, tire Cohãcjũ dihitare yahuya. Ñañene yerariquiro, “Quehnoano yei niaga ȳh̄u”, ni t̄hoturiquiro bucueriquiro ijire.

²³ Apequiro pehe “Ahri ihyayere ihyagũ ñano yei niboaga ȳh̄u”, ni t̄hoturiquiro ijieperota ti ihyayere ihyaro, buhiri tiriquiro ijire tiquiro. “Ahrire ihyagũ potota quehnoañene yei niaja”, ni t̄hotuerare tiquiro. Sa ni t̄hotueraro tire ihyaro, tiquiro ihyari buhiri buhiri tire tiquiro. “Quehnoañene yei niaja”, ni t̄hotueraro tire yero, buhiri tire tiquiro.

15

Mari caha ijieyequinare quehnoano yeihna

¹ Mari Cohãcjũre quehnoano wacũ tutuana pehe wacũ tutuera cjũñequinare yedohouhna. Sa yena mari ye dihitare yeducuerac̄hna.

² Sa yena mari caha ijieyequinare Jesu yequinare quehnoano yeihna tiquina quehnoano ijiatire, Cohãcjũre tiquina quehnoano wacũ tutua nemoatire.

³ Cristo pehe tiquiro ye dihitare yerahye. Sata nine Cohãcjũ yere tiquina ojoari p̄p̄h̄. Ohõ saha ni ojoahye: “Cristo ohõ saha nidi Cohãcjũre: ‘M̄h̄u pehere ñano yahuducuboriquina ȳh̄u pehere ñano yahuducuri’, nidi Cristo Cohãcjũre”, ni ojoahye panop̄re. (Sa tiquina ñano yahuducunohriquiro

ijiro Cristo tiquiro Pac̄ro ye pehere ye basaro niahye.)

⁴ Panop̄h̄ Cohãcjũ yere tiquina ojoari p̄p̄h̄ tiquina ojoahye mari quehnoano buheatire. Sa yena ti p̄re buhena bucueaja. Sa buhena mari ñano ȳhd̄na ihcãno sahanata.

⁵ Cohãcjũ m̄sare tutuagũ yeriquiro bucegũ yeriquiro m̄sare ijipihtinare ihcãno saha quehnoano ijigũ yeahro, Cristo cahmediro sahata.

⁶ Sata yeahro tiquiro m̄sa ijipih̄tina ihcãno mehna Cohãcjũre mari p̄htoro Jesucristo Pac̄rore “Quehnoaḡh̄, tutuaḡh̄ ijire”, ni m̄sa ño peoatore.

Judio masa ijieyequinare quehnoañe buheyere yahu d̄cahye

⁷ Cristo marine tiquiro yeriro sahata m̄sa mehna cj̄nare quehnoano cahme piti caya. M̄sa sa yegũ ihñañe “Potota Cohãcjũ quehnoariquiro ijire”, ni ihñæta masa pehe.

⁸ M̄sare ahrire niita niaja: Judio masare yedohoatiquiro ahtahye Cristo. Cohãcjũ tiquirore ohoro judio masa usã ñec̄s̄m̄na m̄nap̄re panop̄h̄ cj̄nare tiquiro ni yahuriro sahata yero niahye. Tire tiquiro yerire masare masigũ yeatiquiro ahtahye Cristo.

⁹ Masare Cristo tiquiro yedohogũ Cohãcjũ paja ihñano nine tiquinare. Tiquiro sa paja ihñagũ judio masa ijieyequina ḡh̄u Cohãcjũre “Quehnoaḡh̄, tutuaḡh̄ ijire”, ni, ño peore yojop̄re. Tiquina ḡh̄ure tiquiro yequina ijigũ yero ahtahye Cristo. Cohãcjũ yere tiquina ojoari p̄p̄h̄ sata ni ojoahye:

Cristo ohõ saha niahye Cohãcjũre: Judio masa ijieyequina caha m̄h̄ure “Cohãcjũ quehnoaḡh̄, tutuaḡh̄ ijire”, ni ño peoutja. Sa yeḡh̄ tiquina caha basaḡh̄ m̄h̄ure basatja, niahye Cristo Cohãcjũre, ni ojoahye panop̄re.

¹⁰ Sa yero ohõ saha ni ojoahye tja: Cohãcjũ tiquiro beseriquina judio masa mehna cahme bucueya

musa gũhũ judio masa ijiena, ni ojoahye panopare.

11 Sa yero ohõ saha ni ojoahye tja: Judio masa ijieyequina ijipihtiyequina Cohãcjũre ño peohro. Sa ye ijipihtiro cjẽna tiquirore “Quehnoagũ, tutuagũ ijire”, ni ño peohro, ni ojoahye.

12 Sa yero Isaia m̃ñano gũhũ ohõ saha ni ojoahye:

Isaí panamino iji turiariquiro ahtarota. Sa ahtarõ judio masa ijieyequina p̃h̃toro ijirota tiquiro. Sa ye tiquina pehe tiquirore wacũ tutua, tiquinare pecapũ wahaboriquinare tiquiro ỹhd̃uotire masieta tiquina, ni ojoahye panopare.

13 Cohãcjũ marine ỹhd̃uoro ahta-tiquiro quehnoano m̃sare bucegũ yeahro. Sa yero Jesure musa wacũ tutuagũ m̃sare quehnoano ijigũ yeahro tiquiro. M̃sare tiquiro sa yegũ m̃sare tiquiro ỹhd̃uotire Espiritu Santo tutuaye mehna bucu-eye mehna masi nemonata musa.

14 Ahrire m̃sare ỹhũ yahuatire quehnoano masiaja. Musa pehe quehnoana ijire. Sa yena Jesu yere quehnoano masine. Sa masina musa mehna cjẽnare cahme quehnoano yahu, buhe masine musa.

15 Musa sa masina musa ijiepegũta ihquẽ tahari ahri pũpũre m̃sare cuero marieno quehnoano yahu peho ojoaũ musa wacũato saha. Cohãcjũ ỹhũre cahĩno m̃sare buhe dutiro cũri ỹhũre. Sa yegũ tiquiro cũriro sahata yegũ tagũ m̃sare wacũgũ yei.

16 Ỹhũre tiquiro sa cũgũ Jesucristo cahacjũ ijigũ tiquiro yere quehnoañe buheyere judio masa ijieyequinare buheaja ỹhũ. Ỹhũ sa buhegũ t̃h̃oye judio masa ijieyequina Jesure wacũ tutuaeta. Tiquina sa wacũ tutuagũ ihñano tiquinare Cohãcjũ “Quehnoañequina ijire”, ni ihñanota. Sa yero tiquinare cahmenota. Sa yero Espiritu Santo pehe Cohãcjũ yequina ijigũ yerota tiquinare.

Pahia w̃jũa m̃o Cohãcjũre tiquina ohoriro sahata, tiquinare ñañe marieñequinare Cohãcjũre oho duaja.

17 Sa yegũ Jesucristore wacũ tutuagũ ijigũ Cohãcjũ tiquiro buhe duti cũrigũ ijigũ bucu-eye mehna buheaja m̃sare.

18-19 Apequina judio masa ijieyequinare Cristo yedohoye mehna tiquinare ỹhũ buhegũ t̃h̃oye, ỹhũ yerire ihñañe, Cohãcjũ tutuaye mehna ye ihñorire ihñañe, Espiritu Santo tiquiro tutuaye mehna tiquina Cristore wacũ tutuari. Ahri pũritare m̃sare pototi yahu duaja. Apequinapũ tiquina yerire yahueraja. Jerusalẽpũ coã ỹhũ buhe d̃ucari bato ijipihtiyequinare macaripũ buhe d̃ucaũ. Tee Ilirico yehpapũ gũhũre Cristo ye buheye quehnoañe buheyere buhei esaũ.

20 Sa yegũ Cristo yere masieñequina dihitare quehnoañe buheyere tutuaro buhe duaũ, ỹhũ mehna cjẽna tiquina buhenohriquinapũre buhe dueragũ.

21 Sata ni ojoahye Cohãcjũ yere tiquina ojoari pũpũ:

Panopũ tiquirore ne t̃hoerariquina tiquirore masieta. Sa ye tiquirore ne t̃hoerariquina tiquiro yere quehnoano t̃hoeta, ni ojoahye Cohãcjũ yere tiquina ojoari pũpũ.

Pablo Romapũ tiquiro wahatire yahuahye

22 Sa yegũ ijipihtiro cjẽnare buherigũ ijigũ peye tahari musa cahapũ waha duepegũta waha masiedahti.

23 Yojopũre ahri yehparipũre ỹhũ dahraye pihtia wahari. Sa pihtigũ ihñagũ, peye c̃hmari musa cahapũ waha duarigũ ijigũ musa cahapũ wahaũtja.

24 Sa ye Espaãapũ wahagũ m̃sare topũ ihña ỹhd̃ũ cãũtja. Sa yegũ musa mehna bucuẽitja. Sa yegũ musa mehna ỹhũ mehenogã ijiri bato ỹhũre musa yedohoye mehna Espaãapũ wahaũtja.

25 Yojopure Jerusalēpɥ wahau tɥɥ niaja. To cjēnare Jesu yequinare yɥɥ acayere niñerure sogɥ wahau tɥɥ niaja.

26 Macedonia yehpa cjēna, Acaya yehpa cjēna gɥɥ quehnoano mehna Jesu yequinare Jerusalēpɥ ijiyequinare pejecoyequinare niñerure ohori tiquinare yedohoye. Sa yegɥ tiquinare tire oho basagɥ wahau tɥɥ niaja.

27 Ti niñerure ohoye, quehnoano mehna ohori tiquina. Tiquina sa yegɥ quehnoarīne, yɥɥ tuhutugɥ. Tiquinare judio masa ijieyequinare judio masa pehe Cohācjɥ yere buhe mɥhtari. Sa ye tiquinare tiquiro yɥhdɥoato gɥɥre buhe mɥhtari judio masa. Tiquina sa buhegɥ ihñagɥ Macedonia cjēna, Acaya cjēna mehna tiquinare tiquina yedohogɥ quehnoarīne yɥɥre. Tiquinare tiquina buheri wapa yero saha ijire ti, yɥɥ tuhutugɥ.

28 Sa yegɥ Jerusalē cjēnare ti niñerure oho tuhasagɥ Españapɥ wahaɥtja. Topɥ wahagɥ mɥsare ihña yɥhdɥ cãɥtja.

29 Sa yegɥ mɥsa cahapɥ yɥɥ wahagɥ Cristo yere mɥsare yɥɥ buhegɥ tiquiro mɥsare quehnoano jeripohna tigɥ yerota.

30 Yɥɥ acaye, mari pɥhtoro Jesu-cristore wacɥ tutuare mɥsa. Sa yena Espiritu Santo tutuaye mehna apequinare cahīne mɥsa. Sa yena yɥɥ gɥɥre tutuaro sini basaya Cohācjɥre.

31 Ohō saha ni sini basaya: Judea yehpa cjēna Jesure ño peoyequina yɥɥre tiquina ñano ye duagɥ Cohācjɥ yɥɥre tiquiro yedohoato saha sini basaya. Sa yena Jerusalē cjēnare niñerure yɥɥ ohogɥ tiquina tire bucueye mehna tiquina ñeheatō saha sini basaya.

32 Mɥsa sa sinigɥ Cohācjɥ cahmegɥ bucueye mehna mɥsa cahapɥ wahaɥtja. Sa yegɥ mɥsa mehna ijigɥ bucueye mehna soutja.

33 Cohācjɥ marine quehnoano ijigɥ yeriquiro mɥsa mehna iiducuahro. Sata ijiahro.

16

Pablo quehnoa dutiahye

1 Mari acayoro Febe wame tiri-coro mɥsa cahapɥ waharo taro nine. Ticoro Cencrea wame tiri macapɥ Jesu yequinare cahmecoañequinare yedohoricoro ijire.

2 Sa yero peyequinare yedohoricoro yɥɥ gɥɥre yedohoricoro ijiri ticoro. Sa yero mari pɥhtoro Jesu yacoro ijire. Sa yena ticorore quehnoano mehna piti caya. Sata yero cahmene marine Jesu yequinare. Sa yena apee boro ticorore mariedagɥ ihñana ticorore ohoya mɥsa.

3 Aquila, tiquiro namono Priscila gɥɥ quehnoahdo. Jesucristo yere yɥɥ buhegɥ tiquina gɥɥ yɥɥ mehna dahrari.

4 Tiquinare mehenō wejēmedi, apequina yɥɥre tiquina wejē duagɥ tiquina yedohori buhiri. Sa yegɥ tiquina mehna bucueaja yɥɥ. Sa ye judio masa ijieyequina Jesu yequina ijipihtiequina tiquina gɥɥ tiquina mehna bucuerē.

5 Sa ye Aquila ya wɥɥpɥ cahmecoañequina gɥɥ Jesu yequina quehnoahdo. Yɥɥ cahīniquiro Epeneto gɥɥ quehnoahdo. Tiquiro Asia yehpa cjūno topɥ ijiro Cristore wacɥ tutua mɥhtariquiro ijiri.

6 María gɥɥ quehnoahdo. Ticoro mɥsa mehna tutuaro dahrari.

7 Yɥɥ acaye Andronico, Junia gɥɥ quehnoahdo. Peresupɥ yɥɥ ijigɥ tiquinata yɥɥre piti tiyequina ijiri. Sa ye yɥɥ pano Cristore wacɥ tutua mɥhtari tiquina pehe. Apequina Jesu cūriquina pehe tiquinare “Potota quehnoañequina ijire”, ni yahuducure.

8 Amplia gɥɥ yɥɥ cahīniquiro Jesu yaquiro ijire. Tiquiro quehnoahdo.

9 Sa yero Urbano gɥɥ quehnoahdo. Tiquiro gɥɥ mari mehna Cristo yere dahrari. Sa yero yɥɥ cahīniquiro Estaqui quehnoahdo.

10 Sa yero Apele gɥɥ quehnoahdo. Tiquiro potota quehnoano Jesure wacɥ tutuare. Tiquiro yerire ihñana

tire masiaja mari. Sa ye Aristobulo ya wuhũ cjẽna ijipihtiyequina tiquiro namono tiquiro pohne gũhũ quehnoahdo.

¹¹ Yuhũ acayũro Herodiõ quehnoahdo yuhũ. Sa ye Narciso ya wuhũ cjẽna Jesu yequina quehnoa pihti cãhdo.

¹² Sa ye Trifena, Trifosa gũhũ quehnoahdo. Ti numia mari pũhtoro Jesu ye dahrayere tutuaro yere. Mari cahĩnicoro Pẽrsida gũhũ quehnoahdo. Ticoro mari pũhtoro yere tutuaro dahrari.

¹³ Sa yero Rufo mari pũhtoro Jesure quehnoano wacũ tutuariquiro, tiquiro yere quehnoano yeriquiro quehnoahdo. Tiquiro pacoro gũhũ quehnoahdo. Ticoro yuhũ paco yero saha ijiricoro ijire.

¹⁴ Asincrito, Flegonte, Herma, Patroba, Herme, apequina Jesu yequina tiquina mehna cjẽna gũhũ quehnoahdo.

¹⁵ Sa ye Filologo, Julia, Nereo, tiquiro bahoro gũhũ, Olimpa, apequina tiquina mehna cjẽna gũhũ Jesu yequina quehnoahdo.

¹⁶ Sa yena mũsa mehna cjẽnare piti cana, quehnoano mehna piti caya. Ijipihtiyequina Jesu yequina ijipihitiro cjẽna mũsare quehnoa dutire.

¹⁷ Yuhũ acaye, mũsa mehna cjẽna ihquẽquina mũsare cahme ihña tuhtigũ yeyequina, cahme tu wagũ yeyequina ijiñohti. Sa ye mũsare Jesu ye buheyere dojomehnene. Sa yena sa yeyequinare ihñana quehnoano yeya, “Dojomehneari”, nina. Sa ijiyequinare piti tieracãhña.

¹⁸ Sa yeyequina mari pũhtoro Jesucristo yere yerare. Ñañene tiquina tutuaro cahmeñe dihitare yere. Sa ye quehnoano tũho coaro dero majare doco ni meho buhere quehnoano masieñequinare. Tiquina sa ni mehogũ tiquinare quehnoano tũhore. Sa yena tiquinare piti tieracãhña mũsa.

¹⁹ Mũsa pehe Jesure quehnoano yũhtina ijiñohti. Tire ijipihtiyequina masine. Sa quehnoano yũhtina

mũsa ijigũ bucueaja yuhũ. Sa yegu quehnoano mũsa yeatire mũsa masigũ cahmeaja yuhũ. Sa yegu ne ñañene mũsa yeragũ gũhũre cahmeaja

²⁰ Sa yero Cohãcjũ marine quehnoano ijigũ yeriquiro mehenogã bato mũsare yedohorota “Satanare yũhdũdũcaahro”, nino. Mari pũhtoro Jesucristo mehna mũsare quehnoa dutiaja.

²¹ Timoteo yuhũ piti mũsare quehnoa dutire. Yuhũ acaye judio masa gũhũ, Lucio, Jasõ, Sosipate mũsare quehnoa dutire.

²² Yuhũ Tercio ahri pũre Pablora ojoa basagu ijiaja. Yuhũ Jesu yaquiro ijigu mũsare Jesu yequinare quehnoa dutiaja.

²³ Gayo ya wũhũpũ ijigu niaja yuhũ Pablo. Tiquiro ya wũhũpũ Jesu yequina cahmecoare. Tiquiro gũhũ mũsare quehnoa dutire. Sa yero Erasto ahri maca cjẽna pũhtoare niñeru ihbo cohteriquiro mũsare quehnoa dutire. Mari acayũro Jesu yaquiro Cuarto gũhũ mũsare quehnoa dutire.

[²⁴ Mari pũhtoro Jesucristo mehna mũsare ijipihitinare quehnoa dutiaja.]

Pablo Cohãcjũre ño peoro ojoa bato tiahye

²⁵⁻²⁷ Mari pũhtoro Jesucristo ye buheye mehna quehnoañe buheye mehna Cohãcjũ mũsare tiquirore wacũ tutua nemogũ ye masine. Panopũre quehnoañe buheye ne masare yahuerari buheye ijimahye. Yojopũre Cohãcjũ yere yahu mũhtariquina mũna tiquina ojoari mehna ti buheyere yahuri jire. Yuhũ gũhũ tire buheaja. Ti buheyere ijipihitiro cjẽna yojopũre masine. Cohãcjũ sa ijiducuriquiro tiquiro dutiro sahata tiquina masine. Ti buheyere tiquirota yahu dutiahye masa tiquirore tiquina yũhtiatire, tiquirore tiquina wacũ

tutuati gũhare. Sa yena tiquirore “Potota quehnoagu, tutuagu ijire”, ni ño peouhna. Tiquiro ihcãquiota Cohãcjũ dihita quehnoano masi pehoriquiro ijire. Jesucristo yedohoye mehna Cohãcjũre sa ño peoducuuhna mari. Sata ijiducuuhna.

1 Corintios

Pablo Cohācjū yequinare Corinto cjēnare oja ohoahye

¹⁻² Yuhū Pablo, Jesucristo yere buhe duti tiquiro cūrigū ijiaja. Cohācjū tiquiro cahmeno sahata Jesu tiquiro cūacjūre beseahye yuhūre tiquiro. Mūsare Cohācjū yequinare Corinto cjānare oja ohoaja yuhū. Sostene mehna quehnoa dutiaja mūsare. Ahriquirō gūhū mari acayaro Jesu yaquirō ijire. Jesucristo mehna cjāna mūsa ijigū Cohācjū yequina ijiana beseahye Jesu mūsare. Sa ye ijipihtiyequina apequina mari pūhtoro Jesucristore siniñequina ijiye, tiquina gūhū Cohācjū yequinata ijire. Tiquina sa ijigū Jesucristo pehe mari ijipihina pūhtoro ijire. Sa yena mūsare ijipihinare oja ohoaja yuhū.

³ Sa yena Cohācjū mari Pacū, mari pūhtoro Jesucristo mehna mūsare quehnoa dutiaja. Tiquina yedohoye mehna quehnoano ijiya mūsa.

Jesucristo pehe mūsare quehnoano ye basahye mari Pacū tiquirore duti tiro sahata

⁴ Jesucristo yequina mūsa ijiri bato tiquiro pehe mūsare quehnoano ye basare Cohācjūre. Tiquiro sa yegū ihñagū, Cohācjūre “Quehnoare”, niducuaja yuhū decoripe.

⁵ Cristo yequina mūsa ijigū ihñano Cohācjū pehe mūsare quehnoano ijigū yere. Sa yero tiquiro yere mūsare apequinare quehnoano yahuanare yeri tiquiro. Sa yero tiquiro yere quehnoano masigū yeri mūsare.

⁶ Cristo yere mūsare usā buheriro sahata sata wahari mūsare, Cristo yequina mūsa wahagū.

⁷ Sa yero Cohācjū mūsare quehnoano yedoho peho cānota. Mari pūhtoro Jesucristo ahri yehpapū tiquiro tojoa tatire mūsa cohtero watoa Cohācjū pehe mūsare sa yedohoducurota.

⁸ Sa yero Jesucristo pehe mūsa ñañe yerire cohāriquirō ijire. Tiquiro sa

ijiriquiro ijigū mūsa pehe decoripe, ahri deco pihtigūpū gūhūre mūsa ñañe yerire tiquiro cohānohrina ijiducunata. Sata tiquiro mūsare yedohorota. Sa yena Jesucristo mari pūhtoro tiquiro tojoa tagūpūre ñañe buhiri mariena ijinata mūsa.

⁹ Tire Cohācjū tiquiro nidiro sahata tiquiro yere. Tiquiro macano mari pūhtoro Jesucristo yequina ijianare marine beseahye. Tiquiro sa besenohrinare Jesu yequina ijigū yeri marine.

Jesu yequina Corinto cjēna cahme-coañe cahme tuhtiahye

¹⁰ Yuhū acaye, mari pūhtoro Jesucristo tiquiro dutiro mehna mūsare tutuaro dutigū tagū niaja ahrire: Mūsa basi cahme tuhtieracāhña. Sa yena mūsa basi cahme tu waeracāhña. Ihcā curuata ijiya mūsa. Sa yena sijoro saha ni yahuducueracāhña mūsa basi. Sa yena mūsa yeatire tuhotuna, ihcāno mehna yeya mūsa.

¹¹ Yuhū acaye, mūsa basi cahme tuhtina niñohiti mūsa. Sa ni yahuri Cloe ya wuhū cjēna yuhūre.

¹² Ihquēquina mūsa mehna cjēna ohō saha ni cahme tuhtiñohiti: “Pablo ya curua cjāna ijiaja usā”, ni cahme tuhtiñohiti ihquēquina mūsa. Sa ye apequina “Apolo ya curua cjāna ijiaja usā”, niñohiti tiquina gūhū. Sa ye apequina pehe “Pedro ya curua cjāna ijiaja usā”, niñohiti tiquina gūhū. Sa ye apequina pehe “Cristo ya curua cjāna ijiaja usā”, niñohiti tiquina gūhū.

¹³ Mūsa sa niepegūta Cristo yequina ihcā curuata ijiaja mari. Mari basi cahme tu wa doco masiedaja mari. Ihcā curuata ijiaja mari. Yuhū Cristo ijieraja. Tiquiro yero saha mūsa ye buhirire curusapū yariarigū ijierū. Tutuayere cūoeraja. Sa yegū ihyo ijigū ijiaja. Sa yero mūsare apequirō wame yero, Cristo ye tutuaye mehna wame yeri. Yee tutuaye mehna wame yerari.

¹⁴ Mūsare, mūsa mehna cjēna gūhūre wame yerū yuhū. Crispore, Gayo gūhūre tiquina dihitare wame

yei. Apequina pehere wame yerarigu yuhũ ijigũ quehnoare yahũre.

15 Peyequina masare wame yerigu yuhũ ijigũ “Pablo ye tutuaye mehna tiquiro wame yeri usãre”, ni ihñaboaga masa yahũre. Sa yegu tire cahmedũ.

16 Estefana ya wuhũ cjẽna gũhũre wame yei yuhũ. Topequinata wame yei yuhũ. Apequinare yuhũ wame yeriquinare boaa wahaũ yuhũ.

17 Cristo yahũre ohoro, wame yeacjũre cũedari tiquiro yahũre. Quehnoañe buheyere buheacjũ pehere cũri yahũre. Cristo curusapũ tiquiro yariarire yahuye buheye marine quehnoana wahagũ yere. Tiquiro sa yepegũta quehnoañe buheyere yuhũ esa tuharo yuhũ buhegũ yuhũ pehere ihña wahãboaga masa. Masa sa ihña wahãna quehnoañe buheye pehere ño peeraboaga masa. Sa yena quehnoana wahaeraboaga. Sa yegu Jesu ye buheyere buhegũ yuhũ esa tuharo yuhũ masiñe mehna buheraja yuhũ.

Cohãcjũ tiquiro tutuayere tiquiro masiñe gũhũre cahoriqũiro ijire Cristo

18 Pecapũ butiatiquina pehe Cristo curusapũ tiquiro yariarire yahuye buheyere “Tũho masieñequina ye buheye ijire ti”, nimene butiatiquina pehe. Mari pehe Cristo tiquiro yuhũonohatina ijina ohõ saha niaja: “Curusapũ tiquiro yariarire yahuye buheye ti waro ijire nine. Ti buheye Cohãcjũ tiquiro tutuayere yahure marine”, niaja mari.

19 Cohãcjũ pehe tiquiro yere tiquina ojoari pũpũ ohõ saha nine:

Ahri yehpa cjẽnare “Quehnoano masiñequina ijire”, tiquina niñequinare tiquina masidire dahseati ijieragũ masigũ yeitja yuhũ, niahye Cohãcjũ tiquiro yere tiquina ojoari pũpũ.

20 Sa ye ahri yehpa cjẽna quehnoano masiñequina dahseatiquina

ijierare. Yojopũre yahuducu mihniñequina gũhũ dahseatiquina ijierare. Ahri yehpa cjẽna quehnoano masiñequina tiquina ijiepegũta masieñequina tiquina ijiyere masigũ yeri Cohãcjũ.

21 Cohãcjũ pũrita quehnoano masiniquiro ijire. Tiquiro sa ijigũ ahri yehpa cjẽna tiquina esa tuharo tiquina masiñe mehna Cohãcjũre ne masiedare tiquina. Cohãcjũ tiquiro masi dutiero sahata sa wahari tiquinare. Cohãcjũre cahmeeñequina pehe ohõ saha nine quehnoañe buheye warore: “Tũho masieñequina ye buheye ijire”, nimene. Sa yeye quehnoañe buheyere “Tũho masieñe buheye”, tiquina niñe buheyere tũhoye, Cristore masi dũcare masa. Tiquina sa masi dũcagũ Cristore tiquina wacũ tutuagũ ihñano tiquinare tiquiro yequina wahagũ yere Cohãcjũ. Sa waha dutiri tiquiro.

22 Judio masa Cohãcjũ tutuaye mehna tiquiro ye ihñorire ihña duaye nine. Sa yeye griego masa pehe, judio masa ijieyequina pehe quehnoano tiquina masiatire macañe nine.

23 Mari pehe Cristo curusapũ tiquiro yariarire yahuye buheyere buheaja mari. Ti buheyere judio masa pehe ihña tuhtire. Sa ye ti buheyere judio masa ijieyequina pehe “Tũho masieñequina ye buheye ijire”, ni tũhoture.

24 Tiquina sa ni tũhotuepegũta Cohãcjũ yequina ijiatire tiquiro beseriquina pehe ti buheyere ohõ saha nine. “Cristo ye buheye Cohãcjũ tutuayere tiquiro quehnoano masiñene masigũ yere marine”, nine tiquina ahri buheyere. Tiquina judio masa, judio masa ijieyequina ijiepetã, sa nine Jesu yequina.

25 Cohãcjũ masi pehoriqũiro ijire. “Tiquiro tũho masieniquiro ijire”, masa tiquina ni tũhotuepegũta ahri yehpa cjẽna yuhũoro quehnoano masi pehoriqũiro ijire tiquiro. Sa yero Cohãcjũre “Tutueriquiro ijire”, masa tiquina ni tũhotuepegũta

tiquina bui tutua yuhduducariquiro ijire tiquiro.

²⁶ Ti yuhh nidi ijirota ijire.

Yuhh acaye, Cohãcjũ musare tiquiro yequina wahagũ tiquiro yegũ mûsa peyequina ihyo ijina mûsa ijirire wacũña mûsa. Ahri yehpa cjênare “Quehnoano masiñequina”, tiquina niñequinare meheñequinagã Jesu yequina ijiatiquinare beseahye Cohãcjũ. Sa yero pũtoa gãhure meheñequinagã Jesu yequina ijiatiquinare beseahye tiquiro. Sa yero pũtoa pohne gãhure meheñequinagã Jesu yequina ijiatiquinare beseahye tiquiro.

²⁷ “Tũho masieñequina ijire”, tiquina niñequinare Cohãcjũ beseahye “Quehnoano masiñequina ijire”, tiquina niñequina tiquina bũoro wahatire. Sa yero “Wacũ tutueyequina ijire”, tiquina niñequinare Cohãcjũ beseahye, “Wacũ tutuayequina ijire”, tiquina niñequina tiquina bũoro wahatire.

²⁸ Masa tiquina ihña tuhtiyequinare “Dũhseatiquina ijierare”, nine masa. Tiquina sa nidiquinare Cohãcjũ tiquiro yequina ijiatiquinare beseahye tiquinare. Sa beseo “Pũtoa waro ijire”, tiquina niñequinare ihyo ijiyequina tiquina ijiyere masigũ yehye Cohãcjũ tiquinare.

²⁹ Tiquiro sa yegũ ahri yehpa cjêna ne ihcãquiro “Tutuagũ, quehnoano masigũ ijiaja”, ne ni yuhduduca masiedare, Cohãcjũ ihñonopũ.

³⁰ Cohãcjũ pehe marine Jesu yequina ijigũ yeri. Tiquiro yequina ijina marine tiquiro yuhdũori bato ijipihtiyere decori Cohãcjũ mehna ijinata mari. Jesucristo pehe Cohãcjũ yere quehnoano masigũ yere marine. Sa yero mari ñaño buhirire cohãre. Sa yero mari ñaño yerire cosero, marine “Quehnoañequina ijire”, Cohãcjũ ni ihñagũ yere Cristo Cohãcjũre. Sa yero marine pecapũ wahaborinare yuhdũore.

³¹ Tiquiro sa yegũ Cohãcjũ yere tiquina ojoari pũpũ tiquiro ni

ojoari sahata sa wahare: “Yuhh esa tuharo masi pehogũ ijiaja”, nidiquiro tire niedacãhdo. Ohõ saha niahdo: ‘Mari pũtoro Cristo pehe marine yuhdũoriquiro ijire’, niahdo tiquiro”, nine Cohãcjũ yere tiquina ojoari pũpũ.

2

Ahri buheye Cristo curusapũ tiquiro yariarire yahure

¹ Yuhh acaye, mûsa cahapũ esagũ “Quehnoano masi pehoaja”, musare ni buherũ. Cohãcjũ yere musare buhegũ, sa ni buhegũ niedũ.

² “Ohõ saha ni buheitja”, nigũ mûsa mehna ijigũ Jesucristo ye dihitare curusapũ tiquiro yariari dihitare wacũgũ, ti buheyere buhei yuhh.

³ Sa yegũ mûsa mehna ijigũ ihyo ijigũ yero saha ijii yuhh. Sa yegũ Cohãcjũ yere queoro buhe duagũ ijigũ cuegũ, nanaredigũ yero saha ijii yuhh.

⁴ Sa yegũ Cohãcjũ yere buhegũ, “Masi pehoaja”, ni buherũ. Tiquiro yere yuhh buhegũ Espiritu Santo tutuaye mehna yuhh buhegũ ihñari mûsa.

⁵ Ohõ sahata ni buhei yuhh musare masa tiquina esa tuharo buheye pehere mûsa cahmedatire. Cohãcjũ pehere mûsa wacũ tuatire sa ni buhei yuhh.

Espiritu Santo pehe Cohãcjũ ijiye tiyere buhere marine

⁶ Sa yena Cohãcjũ ye buheyere tiquiro masiñene musare Jesure quehnoano wacũ tutuanapũre yahuaja usã. Masa tiquina esa tuharo tiquina buheye yero saha ijierare ahri musare usã buheye. Ti buheye pũtoa ye buheye gãhũ ijierare. Tiquina pũtoa pehe pihtia wahaeta.

⁷ Apequina tiquina masiedarire Cohãcjũ ye yahuducuyere yahuaja usã pehe. Panopũ ahri buheyere Cohãcjũ yequina mûna quehnoano masi pehoerahye. Ahri yehpa ijianto pano ahri buheye ti nidiro sahata “Sata wahaahro”, ni tuhasahye Cohãcjũ. Marine pecapũ wahaborinare tiquiro yuhdũotire, tiquiro

mehna mari ijiati gũhure “Sata waahaahro”, ni tuhasae tiahye tiquiro.

⁸ Tiquiro sa nigũ Cohãcjũre cahmeeñequina pũhtoa ne tiquiro ye buheyere tũho dueraye, masiedare. Tire quehnoano masiñe, mari pũhthora Cohãcjũ macũno warore curusapũ quẽ biha wejẽdaboaya tiquina.

⁹ Cohãcjũ yere tiquina ojoari pũpũ ohõ saha nine:

Ijipihtyequina Cohãcjũre cahĩñequina ye ijiatire Cohãcjũ quehnoano quehno basa tuhasahye. Quehnoa yũhdũyere tiquiro quehno basahye. Tire masa ne ihñedari. Sa ye tire ne tũhoerari. Tire dũhse masino basioerare marine, nine Cohãcjũ yere tiquina ojoari pũpũ.

¹⁰ Tiquiro sa niepegãta Espĩritu Santo pehe Cohãcjũ yere masigũ yere marine. Ijipihtye Cohãcjũ yere Espĩritu Santo masi pehore. Sa masino tiquiro marine tire masigũ yere.

¹¹ Ne apequina pehe masũno tiquiro masiñene ne masiedare. Sa ijiepegãta masũno pehe tiquiro esa tuhoro tiquiro wacũñepũ tiquiro tũhotuyere masine. Sata apequina Cohãcjũ tiquiro masiñene ne masiedare. Cohãcjũ yaquiro Espĩritu Santo dihita tiquiro masiñene masine, masũno tiquiro esa tuhoro tiquiro wacũñene tiquiro masino sahata.

¹² Sa yena mari pehe Jesu yequina ijina masa tiquina esa tuhoro tiquina buheyere cũoeraja. Cohãcjũ yaquiro Espĩritu Santore ohori marine masigũ yero taro. Marine tiquiro quehnoano yeatire masigũ yere Espĩritu Santo pehe.

¹³ Sa yena Cohãcjũ yere mũsare buhena, masa ye masiñe mehna usã esa tuhoro buheraja usã. Espĩritu Santo tiquiro buheye pehere mũsare buheaja. Sa buhena Espĩritu Santore cũoyequinare Cohãcjũ yere quehnoano buheaja usã.

¹⁴ Espĩritu Santore cũoyequina pehe Espĩritu Santo yere ne cahmedare. “Tiquiro ye ihyo warota ijire”, nimene tiquina. Espĩritu Santo tiquiro yedohoro marieno tiquiro yere masino basioerare masare. Sa ye tiquina tiquiro yere ne masiedare. Espĩritu Santo yedohoro mehna tiquiro yere masiaja mari.

¹⁵ Espĩritu Santore cũoyequina pehe Cohãcjũ yere quehnoano masine. Apequina pehe tiquinare “Quehnoañequina ijire. Ñañequina ijire”, ni bese masiedare Espĩritu Santore cũoyequinare.

¹⁶ Ohõ saha nine Cohãcjũ yere tiquina ojoari pũpũ: “Mari pũhthora Cristo tiquiro tũhotuyere masiñequina ne mariedare. Sa ye tiquirore masa duti masiedare”, nine tiquiro yere tiquina ojoari pũpũ. Mari pehe Cristo yequina ijina, Cristo yero sahata masiaja.

3

Jesu yequina ihcãno saha Cohãcjũre dahra cohteyequina ijire

¹⁻² Yũhũ acaye, mũsare buhegũ Espĩritu Santore quehnoano yũhtyequinare yũhũ buheriro sahata buhe masieda mũsa pehere. Cristo yequina ijiepenata, macanagã dihire tiquina ihya masieno saha Cohãcjũ yere quehnoano masiedare mũsa. Yojopũ gũhure quehnoano masiedañohti mũsa. Ahri yehpa cjẽna ñañequina yero saha tũhotuñohti mũsa. Sa yena macanagã epẽcore tiquina apũno saha mijoeda cjũñe buheye dihitare tũhoñohti mũsa. Sa yegũ ti yero saha ijieye buheye dihitare buhei mũsare. Cristo yequina ijiepenata macanagã tiquina ihya masieno sahata Cristo yere quehnoano masiedañohti mũsa.

³ Mũsa pehe mũsa mehna cjẽnare cahme coona, cahmequena, mũsa basi ihquẽ cururi tu wadũca sana, Espĩritu Santore cũoyequina yero saha yena niñohti mũsa. Sa yena ahri yehpa cjẽna Cristore cahmeeñequina yero saha yeñohti mũsa.

4 Ohõ saha niñohti m̄usa: “Pablo ya curua cjãna ijiaja usã”, niñohti m̄usa ihquẽquina. Sa yena apequina m̄usa mehna cjẽna pehe “Apolo ya curua cjãna ijiaja usã”, niñohti. M̄usa sa ni yahuducuna Espiritu Santo marieñequina yero saha ni yahuducuñohti m̄usa.

5 ¿Yuh̄ Pablo, Apolo mehna dahseanaja ijiajari usã, m̄usa tuh̄otugũ? Ohõ saha yeanaja ijina niaja usã: Cohãcjũ tiquiro dutiriro sahata tiquirore dahra cohtena ihyo ijina ijiaja usã. Sa yena m̄sare usã buhegũ tuhona Jesucristore wacũ tutua d̄ucare m̄usa.

6 Quehnoañe buheyere buheyequina wesep̄ dahrayequina yero saha ijire, mari queoye mehna buhegũ. Wese up̄aro tiquiro ote m̄htariro saha yuh̄ gũh̄ m̄sare buhe m̄hta. Sa yero apequiro wesere tiquiro cure n̄n̄ tãno saha Apolo pehe yuh̄ bato m̄sare buhe n̄n̄ tãri. Usã sa buhepegũta wese cjẽ oteyere b̄cua nemogũ tiquiro yeriro saha Cohãcjũ pehe m̄sare tiquiro yere masi nemogũ yeri.

7 Sa yegũ yuh̄ buhe m̄htarigũ ijiepegũta ihyo ijigũ ijiaja. Sa yero Apolo yuh̄ bato buhe nemoriquiro gũh̄ ihyo ijiriquirota ijire. Cohãcjũ p̄rita oteyere tiquiro b̄cua nemogũ yeriro saha tiquiro yequinare tiquirore masi nemogũ yere. Sa yena Cohãcjũ pehere ño peoro cahmene m̄sare.

8 Ote m̄htariquiro, came cure n̄n̄ tãriquiri ihcãno saha dahra cohteyequina ihyo ijiyequinata ijimene tiquina. Sa ye tiquina dahrariro punota wapatare tiquina. Sata ijiaja usã, Apolo mehna.

9 Sa yena usã Cohãcjũ yere dahra cohtena ijiaja. Sa yero Apolo yuh̄ mehna cjũno ijire. Usã sa ijigũ m̄usa pehe Cohãcjũ ya wese yero saha ijire. M̄usa sa ijigũ Cohãcjũ ya wese cjẽ oteyere tiquiro b̄cua nemogũ yero saha m̄sare tiquiro yere masi nemogũ yerota tiquiro.

Sa ye Cohãcjũ m̄sare tiquiro

yequinare quehnoari curua yero nine. Sa yena utã mehna tiquina yeri wuh̄ yero saha ijire m̄usa tiquiro ya curua cjãna, mari queoye mehna buhegũ.

10 M̄usa sa ijigũ Cohãcjũ yuh̄ tiquiro dutiriro sahata yuh̄ pehe wuh̄ dahre mihnidiquiro utãre tiquiro cũ m̄htariro sahata Jesucristo yere m̄sare buhe m̄hta. Sa yero ti utã paca bui apequiro tiquiro ye nemo m̄jano sahata apequiro yuh̄ bato buhe nemo n̄n̄ tãno nine. Sa buhe nemono quehnoano mehna buherota. Sa yero Cristo ye dihitare buherota tiquiro. Sata buheahro tiquiro.

11 Wuh̄ tiquina dahre d̄ca tiquina cũ m̄htaria utã yero saha ijire Cristo. Sa yena ti utãre usã quehnoano cũ m̄htariro saha Cristo yere buhe tuhasa. Apequiro ye buheye pehere mari buhegũ quehnoaedaga.

12-15 Uru mehna, plata mehna, wapa b̄j̄ye utã paca mehna mari yeri wuh̄ mari uj̄a tuhugũ uj̄edare. Sata Jesucristo yere mari quehnoano yeri bato pihtiri deco ijigũ Cohãcjũ mari yerire uj̄a tuhuriro saha yerota mari yerire masino taro. Sa tiquiro yegũ quehnoano yeri wuh̄ uj̄edariro saha mari yerire ti quehnoañe ijigũ masinota. Sa yero mari quehnoano yerina mari ijigũ masigũ yerota tiquiro. Quehnoano mari yeri wapa quehnoano yerota marine.

Sa yero yuc̄ari mehna, taa mehna, ñaidi p̄ri mehna mari yeri wuh̄ mari uj̄a tuhugũ uj̄a wahare. Sata Jesucristo yere mari quehnoano yerari bato pihtiri deco ijigũ, Cohãcjũ mari yerire uj̄a tuhuro yero saha yerota mari yerire masino taro. Sata tiquiro yegũ ñano yeri wuh̄ ti wuh̄ uj̄ariro saha mari yerire ñañe ijigũ masinota. Sa yero mari quehnoano yerari bato ijigũ marine masigũ yerota tiquiro. Sa yero quehnoano yerarina mari ijigũ ih̄ño quehnoañene mari yemedi

wapare quehnoano yesi marine. Sa ijieyequinare Cohãcjũ yãhdũorota. Sa ye sa quehnoano yerariquina mehenogã mehna yãhdũeta.

16 Mũsa pehe Jesu yequina Cohãcjũ ya wãhũ yero saha ijire. Mũsa sa ijigũ ihñano ti wãhũpũ tiquiro ijiboro saha Espiritu Santo pehe mũsa mehna ijire. ¿Tire masiedajari mũsa?

17 Cohãcjũ ya wãhũ ñañe marieni wãhũ ijire. Sa yena mũsa gũhũ ti wãhũ yero saha ijina tiquiro yequina waro ijire. Sa yero Jesu yequinare ihcãquiro dojomehnegũ Cohãcjũ pecapũ cohãnota tiquiro pehere.

18 Ni mehoñene tãhotueracãhña mũsa. “Yojopũ cjẽna ye masiñene quehnoano masiaja”, ni tãhoturiquiro mũsa mehna cjẽno ijero Jesu ye pehere quehnoano masiahdo. Tiquiro sa masigũ ihñañe apequina tiquirore “Tũho masieniquiro ijire”, nieta. Sa yero Jesu yere masino, potota quehnoano masidiquiro waharota.

19 Masa esa tuharo tiquina basi tiquina masiñene “Ihyo warota ijire”, ni tãhoture Cohãcjũ. Sata nine Cohãcjũ yere tiquina ojoari pũpũ: “Tiquina esa tuharo masiñequina tiquina masiñe dũhseati ijierare, Cohãcjũ tiquiro ihñagũ. Sa yero tiquina cahmeno saha yeragũ yere tiquinare”, nine Cohãcjũ yere tiquina ojoari pũpũ.

20 Sa ye ape pũpũ ohõ saha nine: “Masa tiquina esa tuharo masi pehoyequina tiquina tãhotuye dũhseati ijieragũ masine mari pũhoro Cohãcjũ pehe”, nine Cohãcjũ yere tiquina ojoari pũpũ.

21-22 Sa yena “Pablo ya curua cjãna ijiaja usã”, niedacãhña. “Apolo ya curua cjãna ijiaja usã”, niedacãhña. “Pedro ya curua cjãna ijiaja usã”, niedacãhña. Usã ijipihtina mũsa yequina dihita ijiaja. Ijipihtiyere mũsa ye ijire. Cohãcjũ tiquiro bajumehnedire, catiye gũhũre ohori mũsare. Sa yero pecapũ wahaeragũ yerota mũsare. Yojopũ ijieyere,

camepũ ijiahi gũhũre mũsare ohorota. Sa ye ijipihtiyere mũsa ye ijire.

23 Sa yena mũsa pehe Cristo yequina ijire. Sa yero Cristo pehe Cohãcjũ yaquiro ijire.

4

Cristo tiquiro yere buhe duti tiquiro cũriquina tiquina dahrayere yahuahye Pablo

1 Ohõ saha ni tãhotuya mũsa yũhũre Apolo gũhũre: “Tiquina Cristore dahra cohteyequina ijire. Sa ye masa tiquina masiedarire Cohãcjũ yere buheyequina ijire”, ni, tãhotuya mũsa usãre.

2 Dahra cohteyequinare tiquina pũhoro tiquiro dutiriro saha ye cohtero cahmene tiquinare. Yũhũ gũhũre sata yero cahmene Cristore.

3 Sa ijiepegũta yũhũre mũsa yahu wajaepẽgũta sa tãhotu cjã yũhũ. Apequina pũhota yũhũre tiquina yahu wajaepẽgũta sa tãhotu cjã yũhũ. Yũhũ yerire ihñana “Ahri quehnoañe ijire. Ahri ñañe ijire”, ni masiedare mũsa. Yũhũ gũhũ masũta ijiaja. Sa yegũ yũhũ yerire quehnoano masi pehoeraja yũhũ gũhũ.

4 “Cristo yere yũhũ yũhdũducari yũhũre mariedare”, ni tãhotumaja yũhũ. Yũhũ ohõ saha ni tãhotuepegũta buhiri tiboaga yũhũ. Mari pũhoro Cristo dihita yũhũ yerire ihñano, quehnoano masine.

5 Sa yena mari pũhoro tiquiro tojoa tato pano masare ñano ni yahu wajaeracãhña mũsa. Tiquiro tojoa taro masa tiquina yerire, panopũ apequina tiquina masiedarire Cristo masigũ yerota. Sa yero mari ye duayere, mari tãhotuyere tiquiro masigũ yerota. Sa yero tiquiro yere yeriquinare “Mũsa quehnoano yeri”, ninota Cohãcjũ.

6 Yũhũ acaye, yũhũ Apolo mehna usã buherire yahuu yũhũ, mũsare buhegũ tagũ. Sa ni yahuu yũhũ Cohãcjũ tiquiro yere tiquina ojoari pũpũ tiquiro nidiro sahata mũsa yeducuatire. Sa yena mũsa mehna

cjēnare ihcāno saha cahme ño peoya. Ihcāquiroreta ño peoeracāhña.

7 MUSA pehe apequina yḥdḥoro quehnoana ijierare. Masi yḥdḥucanayahuducuepegūta usā pehe tiquinare ijierare mUSA. Cohācjū musare tiquiro ohori dihitare cḥore mUSA. Sa yena musare tiquiro yahuri dihitare masine mUSA. ¿MUSA esa tuharo cḥona, mUSA esa tuharo masina ijierapenata, dḥse yena “Masi pehona ijiaja”, niajari mUSA? Sa nina “Cohācjū usāre ohoerari. Sa yero usāre yahuerari”, niboriro saha yere mUSA.

8 MUSA pehe “Cohācjū yere masi pehoaja usā. Usāre yabe boro dḥsaerare”, nimene mUSA. Sa yena mUSA cahapḥ usā ijieragū mUSA ohō saha ni tḥhotumene: “Pḥtoa yero saha masina ijiaja usā”, ni tḥhotumene mUSA. Potota Cohācjūre masi pehona pḥtoa yero saha masina mUSA ijigū musare quehnoa yḥdḥaboaga. MUSA sa ijigū mUSA mehna usā gḥḥ pḥtoa yero saha masina ijiboaga. “Masina ijiaja usā”, ni tḥhotuna, quehnoa yḥdḥaro ni tḥhotumene mUSA.

9 Ohō saha ni tḥhotuaja yḥḥ pūrta: Usāre Jesu tiquiro yere buhe dutiro cūno, ijipihtiequina iji bato tiri cjā curua cūri usāre. Tiquina wejē dutinohriquina yero saha ijianare cūri usāre. Masa tiquina cahacjēna yero saha ijiaja usā. Ahri yehpa cjēna masa, angele gḥḥ cahacjēna yero saha ihñare usāre.

10 Cristo yere usā buhegū ihñañe “Tḥho masieñequina ijire”, nine masa usāre. Sa Cristo yere usā yegū ihñañe, usāre ihña tuhtire. MUSA pehe quehnoa yḥdḥaro Cristo yere masina ijiajari mUSA. “Cohācjūre wacū tutueyequina ijire”, ni tḥhotumene masa usāre. MUSA pehe quehnoa yḥdḥaro wacū tutua yḥdḥana ijiajari. MUSA pehere masa ño peore. Usā pehere masa ne ño peoerare.

11 Usā pehe yojopḥre ñano yḥdḥana, ḥjua ahbana, aco wḥona, ñano suhti mariena, wḥḥse mariena ijiaja. Sa ye apequina usāre ño peoera, usāre

ñano yere.

12 Sa yena usā tutuaro dahraja. Sa yena apequina usāre tiquina ñano quehnoano ijiaja”, niaja usā. Sa yena apequina usāre ñano tiquina yepegūta sa tḥhotu cjā usā.

13 Sa yena “Ñano yeyequina ijire”, usāre tiquina niepegūta usā pehe quehnoano mehna tiquinare yḥtiaja. Sa ye panopḥ, yojopḥ gḥḥre ñañe wete yero saha masape cururi iji bato tiri curua cjēna yero saha ihñare masa usāre.

14-15 Musare quehnoañe buheyere buhe mḥtagḥ mUSA pacḥ yero saha wahaḥ yḥḥ. Peyequina musare Cristo yere buheyequina tiquina ijiepegūta musare buhe mḥtarigḥ ihcūta ijiaja yḥḥ. Sa ijigḥ musare bḥe tigū yegḥ tagḥ ahrire ojoagḥ niedḥ yḥḥ. Yḥḥ pohnare, yḥḥ cahñare yḥḥ dutiboriro saha musare quehnoano mehna dutigḥ tagḥ ahrire ojoaḥ yḥḥ.

16 Sa yegḥ ahrire musare tutuaro mehna dutigḥ tagḥ niaja yḥḥ. Yḥḥre ihña cuña mUSA.

17 Ahrire ye dutigḥ tagḥ mUSA cahapḥ Timoteore ohou. Tiquiro yḥḥ macḥ yero saha ijiriquiro yḥḥ cahñiquiro mari pḥtoro Jesu yaquiro ijire. Sa yero Cristo yere yeducure tiquiro. Cristo yere mari yeatire ijipihtiequina Jesu yequina cahapḥ buhei yḥḥ. Timoteo tire musare wacūducugū yerota. Sa yegḥ Cristo yere yḥḥ yeriro sahata mUSA ihña cūato saha Timoteore ohou yḥḥ.

18 Timoteore yḥḥ ohogū ihquēquina mUSA mehna cjēna pḥtoa iji duayequinare mUSA mehna cjēnare Cohācjū ye tutuayere tiquina cḥogū masigutja yḥḥ. Sa yegḥ tiquina sa ni maca cāri gḥḥre masigutja yḥḥ.

19 Cohācjū cahmegū mUSA cahapḥ mianogāta esautja. Sa esagḥ pḥtoa iji duayequinare mUSA mehna cjēnare Cohācjū ye tutuayere tiquina cḥogū masigutja yḥḥ. Sa yegḥ tiquina sa ni maca cāri gḥḥre masigutja yḥḥ.

20 “Cohācjū usā pḥtoro ijire”, mari ni yahuepegūta tiquiro yere mari

yeragũ ti mari niñe duhseati ijierare. Cohãcjũ tutuaye mehna tiquiro cahmeno saha ye masiaja. Ti ihyo waro ijierare.

²¹ ¿Musa cahapũ musare buhiri dahreacjũ musare tuhtiacjũ yũhũ wahagũ cahmeajari musa yũhũre? ¿O musare cahĩgũ musare bucuegũ yũhũ wahagũ cahmeajari musa yũhũre? ¿Duhse ijigũ yũhũ wahagũ cahmeajari musa?

5

Corinto cjẽna tiquina wũana tirire yahuahye Pablo

¹ Potota ohõ saha quititi tire usãre apequina: Ihcãquiro musa mehna cjũno tiquiro mũonore wũana tiñõhti. Sa ni yahuri masa usãre. Apequina pehe Cohãcjũre cahmeeñequina ijiepetata tiquina pehe sa yerare.

² Musa mehna cjũno tiquiro sa yepegũta musa pehe “Quehnoana ijiaja usã”, ni tuhotumene. ¿Duhse yena tiquiro ñano yeyere masiepenata bujua witierajari musa? Sa yena sa ñano yeriquirore musa mehna Jesu yequina mehna ijiriquirore cohãña musa.

³⁻⁴ Yũhũ musa mehna ijierapegũta yũhũ wacũñepũ musa mehnata ijiaja yũhũ. Sa yegũ musa mehna ijigũ yũhũ niboriro saha ñano yeriquirore tiquiro sa ñano yeri buhiri buhiri dahre duti tuhasaja yũhũ. Jesu tiquiro dutiro mehnata sa ye dutiaja. Sa yena musa cahmecoana yũhũ wacũñe mehnapũ musa mehna yũhũ ijigũ mari puhtoro Jesu tiquiro tutuaye mehna tiquirore ñano yeriquirore cohãña, ohõ saha niña:

⁵ “Watĩno tiquiro cahmeno saha mũhũre yecũnahdo”, niña tiquirore. Sata niña tiquirore ñañene tiquiro tutuaro cahmeñene tiquiro duhuatire. Musa sa cohãgũ tiquiro ñano yũhdũrota. Mari puhtoro Jesu tiquiro tojoa tati deco ñano yeriquiro Jesu mehna tiquiro quehnoano yũhdũatire yojopũre tiquirore sa niña.

⁶ “Quehnoana ijiaja usã”, niepenata ñano yena niaga musa. Ñano yeriquirore musa sa ihña cãna, ti ñañene musa ijipihtina piha pihtia wahanata. Pãre pugũ yeye trigore ti quehnoano sehsaro saha ti ñañe musare piharo quehnoano sehsaa waharota. ¿Tire masiedajari musa?

⁷ Yũhũ acaye judio masa pasqua ijigũ ovejare wejẽ, ujuã mũo, Cohãcjũre ño peore. Sata oveja tiquiro yariariro saha Cristo mari ñañe buhirire yariaa wahahye. Tiquiro sa waharire masina musa pehe ñano yeriquirore musa mehna cjũnore cohãña ti ñañe musare “Pihari” nina. Musa ñañe yerire cohã tuhasari Cristo. Sa yena ñano yeriquirore cohãña “Pari turi ti ñañene pihari”, nina.

⁸ Pãre pugũ yeye trigore ti sehsariro saha panopũ ñañene ihña cũ, ye pihtirina ijimi mari. Sa yena pasqua bõse decopũ pãre pugũ yeye marieno pãre tiquina ihyariro saha mari gũhũ ñañene cahmeno marieno ñano yero marieno ijiihna mari. Panopũ mari ñañene yeriro saha yeracũhna. Sa yena potota quehnoano tuhotuye mehna, quehnoañene yeihna.

⁹ Musare yũhũ ojoari pũpũre Jesu yaquiro tiquiro ijiepegũta sa wũana tiducuriquirore ne piti ti dutierami.

¹⁰ Sa nigũ wũana tiyequinare, apequina yere tutuaro cahmeñequinare, yaqueyequinare, “Cohãcjũ ijire”, tiquina niñe queoyere ño peoyequinare Jesu yequina tiquina ijieragũ “Tiquina mehna ijieracãhña”, niedaja. Ahri yehpapũ sa ijieyequina marieno Jesure cahmeeñequina marieno mari dihita iji masiedaja. Ijipihtiropũre ijire tiquina pehe.

¹¹ Sa yegũ musare ojoagũ ohõ saha dutimi: Musa mehna cjũno “Jesu yaquiro ijiaja”, nidiquiro ijieperota numino mehna ñano yeriquiro, apee borore tutuaro cahmediquiro, “Cohãcjũ ijire”, tiquina niñe queoyere ño peoriquiro, ñano quititi yeducuriquiro, queheriquiro, yaqueriquiro tiquiro ijigũ tiquirore piti

tieracãhña. Sa yeriquiro “Jesu yaquiro ijiaja”, nidiquiro ijigũ tiquirore piti tieracãhña. Sa yena sa yeriquiro mehna ihyeracãhña.

¹² Sa yegũ Jesu yequina ijieyequinare tiquina ñaÑe yeri buhirire buhiri dahre dutirigũ ijieraja yũhũ. Sa yahũre yeraro cahmene. Yũhũ sa niepegũta m̄sa mehna cahme-coañequina Jesu yequina m̄sa basi m̄sa yerire ihñana, masino cahmene m̄sare. Sa ihña cãedaro cahmene. Sa yena tiquina ñano yegũ ihñana m̄sare buhiri dahrero cahmene tiquinare.

¹³ Jesu yequina ijieyequina pehere Cohãcjũ pehe buhiri dahrerota. Sa yena m̄sa pehe m̄sa mehna cjãnore ñano yeriquirore buhiri dahrena tiquirore cohãña.

6

Jesuyequinareyahusãireyahuahye Pablo

¹ ¿M̄sa basi cahme ihña tuhti yahusã duana dũhse ijiro boro Jesu yequina ijieyequina cahapũ m̄sa acayere Jesu yequinare yahusãna wahajari? Jesu yequinare m̄sa mehna cjãnare yahusã duana apequina Jesu yequinare tire yahuro cahmene m̄sare. Sa ye Jesu yequinapũ beseahro.

² Pihitiri deco ijigũ mari Jesu yequina pehe masa ijipihitiyequina tiquina yerire ihñana besenata mari tiquinare. ¿Tire masiedajari m̄sa? Sa yena pihitiri deco ijigũ masa ijipihitiyequinare beseatina ijina, yojopũ gãhũre bese masiaja mari. Sa yena yojopũre ihyo ijiiyegã buhiri gãhũre bese masiaja mari.

³ Angele tiquina yerire ihñana tiquina gãhũre besenata mari. ¿Tire masiedajari m̄sa? Mari sa beseatina ijina potota ti yãhdũoro yojopũ gãhũre Jesu yequina tiquina yerire ihñana bese masiaja mari.

⁴ ¿Sa yena dũhse yena m̄sa mehna cjãnare yahusã duana Jesure cahmeeñequina cahapũ ihyo ijiiyegã buhirire yahusãna wahajari m̄sa?

⁵ Ahrire nigũ niaja m̄sa queoro yerarire m̄sa bujua witiatire. ¿M̄sa mehna cjãnare m̄sa cahme dũse tini wiagũ m̄sare yahuatiquiro m̄sa mehna cjãno quehnoano masiniquiro mariedajari? Ijire.

⁶ Sa ijiepegũta m̄sa mehna cjãno Jesu yaquiro apequiro Jesu yaquirore yahusã duaro Jesu yequina ijieyequinare yahusãno wahare.

⁷ Masare beseyequina pãhtoa cahapũ m̄sa mehna cjãnare yahusãna Cohãcjũ ye pehere yãhdũucana nine m̄sa. Apequiro m̄sa mehna cjãno m̄sare ñano tiquiro yegũ sa tãhotu cãboaga m̄sa. Jesu yequina ijieyequinare m̄sa yahusãto pano m̄sa acayũrore m̄sa sa tãhotu cãgũ quehnoa yãhdũaboaga. Jesu yaquiro m̄sare tiquiro yaquegũ tiquirore m̄sa yahusãto pano tiquiro yaquerire m̄sa sa tãhotu cãgũ quehnoa yãhdũaboaga.

⁸ M̄sa gãhũ sa ijinata ijire. Apequinare ñano yere m̄sa. Sa yena yaquere m̄sa. Sa yena apequina m̄sa mehna cjẽna Jesu yequina tiquina ijiepegũta tiquinare ñano yena, yaquere m̄sa.

⁹ Sa yeyequina Cohãcjũ pãhtoro ijiropũre ãhmũsepũre waha masiedare. ¿Tire masiedajari m̄sa? Ni mehoñene tãhotueracãhña m̄sa. Mari pãhtoro ijiropũ ne wahasi ohõ saha yeyequina: Wãana tiyequina, “Cohãcjũ ijire”, tiquina niÑe queoyere ño peoyequina, numia mehna ñano yeyequina, ãmãa mehna ñano yeyequina numia, ãmãa sehsaro tiquina pagũri mehna ñano yeyequina, numia sehsaro tiquina pagũri mehna ñano yeyequina numia,

¹⁰ ni meho ehmañequina, apequina yere tutuaro cahmeeñequina, queheyequina, masare ñano tuhtiyequina, yaqueyequina, ne Cohãcjũ pãhtoro ijiropũre ãhmũsepũre waha masiedare.

¹¹ Panopũre m̄sa gãhũ sa yerina ijimedi. Sa yemedina m̄sa ijiepegũta yojopũre m̄sa ñano yerire cose

tuhasari Jesucristo pehe. Sa tiquiro cosenohrina m̄sa ijigũ tiquiro yequina ijiatinare yeri Cohãcjũ m̄sare. Sa yero “Quehnoana ijire”, ni ihñare m̄sare tiquiro. Sata yere m̄sare mari p̄htoro Jesucristo, Esp̄ritu Santo gũh̄u tiquina tutuaye mehna.

Mari paḡari Cristo ye paḡari ijire

12 “Yũh̄u cahmeno saha ye masiaja yũh̄u”, nine ihquẽquina. Sata ijire. Yũh̄u gũh̄u sa nidigũ ijiepegũta tire yegũ apequnare yedohorigũ ijieraboaga yũh̄u. Yũh̄u cahmeno saha ye masiaja. Sa ye masiepegũta ihquẽ tahari sa yegũ ijigũ duhu masiedaboaga yũh̄u. Sa yegũ tire pari turi yesi yũh̄u, “Duhu masiedaboaga”, nigũ.

13 Ohõ saha nine m̄sa: “Ijipihtiye ihyaye mari paa cjẽ ijati ijire. Sa yero mari paa ihyaye pose tiati paa ijire”, nine m̄sa. Ti ijirota ijire. Sa ijieperota came Cohãcjũ pehe mari ihyayere mari paa gũh̄uare pih̄tia wahagũ yerota. Sa ye mari ihyaye ihyo warota ijiro nine. Ihyaye mari paa cjẽ ijati ijire. Sa ijieperota mari paḡari numia mehna ñano yeati paḡari ijierare. Mari paḡari pehe mari p̄htoro Cristo ye paḡari ijiye nine. Sa yero mari p̄htoro pehe mari paḡarire quehnoano yeatiq̄uro ijire.

14 Sa yero Cohãcjũ tiquiro tutuaye mehna mari p̄htoro Cristore masoahye. Sa tiquiro yeriro sahata mari gũh̄uare masonota tiquiro.

15 ¿Sa yena m̄sa paḡari Cristo ye paḡari ijigũ masiedajari m̄sa? ¿Ti sa ijigũ Cristo ya paḡu mehna w̄hana tiricoro mehna mari ñano yegũ quehnoajari? Quehnoaedare.

16 W̄hana tiricorore ñeheniquiro tiquiro paḡu pehe ticoro ya paḡu mehna ijiro, ihcã paḡu yero saha ijire. ¿Tire masiedajari m̄sa? Sata ni ojoahye Cohãcjũ yere tiquina ojoari p̄p̄u: “Tiquina p̄aro ijiepetã ihcã paḡu yero saha wahare”, ni ojoahye.

17 Mari p̄htoro Jesu tiquiro yaquiro masano mehna ijiro nine. Sa yero masano mari p̄htoro mehna p̄aro ijiepetã ihcã paḡu yero saha ijire.

18 Sa yena w̄hana tieracãhña. Tire m̄sa yabiro saha tire yeracãhña. Apeye ñañene mari yena mari paḡure dojomehnedaja. W̄hana tiriquiro pehe tiquiro paḡure ñano dojomehnene.

19 Esp̄ritu Santore marine ohoi Cohãcjũ. Sa yero mari paḡari mehna ijire Esp̄ritu Santo. ¿Tire masiedajari m̄sa? Sa ye m̄sa paḡari, m̄sa jeripohnari gũh̄u m̄sa ye waro ijierare.

20 M̄sa ñañe buhirire buhiri dahre tuhasari Cristore. Sa yena tiquiro yequina waro ijire m̄sa. Tiquiro yequina ijina m̄sa paḡari mehna Cohãcjũ tiquiro cahmeno sahata yeya. Sa yena Cohãcjũre ño peona nine m̄sa. Sa yena apequna gũh̄uare tiquirore ño peogũ yena nine.

7

Namo tiyere yahuahye Pablo

1 Yojop̄ure yũh̄uare m̄sa sinitu ojoarire yũh̄u gũh̄u yũhti cahmegũ tagũ niaja: Masano namo tieragũ quehnoare, yũh̄u ihñagũ.

2 Ti sa ijiepegũta apequna um̄a pehe namo tiahro apequna numia mehna tiquina “Ñano yeari”, niñe. Sa ye ihquẽ numiata manũ tiahro apequna mehna tiquina “Ñano yeari”, niñe.

3-4 Manũ tiricoro paḡu ticoro ya paḡu dihita ijierare. Ticoro manũno ya paḡu gũh̄u ijire. Ticoro manũno gũh̄u tiquiro paḡu tiquiro ya paḡu dihita ijierare. Tiquiro namono ya paḡu gũh̄u ijire. Sa yena m̄sa um̄a pehe m̄sa namosãnumiare quehnoano c̄oya. Sa yena m̄sa numia gũh̄u m̄sa manũsum̄uare “Yũh̄u paḡure piheracãhña”, niedacãhña.

5 Sa ijiepegũta Cohãcjũre p̄aro m̄sa sini duana “Meheñe decorigã yũh̄u mehna ijieracãhña. Cohãcjũre sinihna”, ihcãno mehna sa nina,

sa ye masine m_{usa}. M_{usa} sa nidi bato m_{usa} iji m_{uhtar}iro saha ijiducuya tja, Satana m_{usare} “Ñano ye dutiari”, nina. “Apequina mehna ñano yeboaga”, nina, m_{usa} basi piti ti duhueracãhña. M_{usa} iji m_{uhtar}iro saha ijiducuya tja.

⁶ Ahrire m_{usare} yojop_u y_{uh}u nidire nig_u m_{usare} dutiye waro mehna niedaja. Sa yahug_u niaja m_{usa} yeatire m_{usa} masiatire.

⁷ Ijipihtina m_{usa} y_{uh}u yero saha namo tienam_{usa} ijig_u quehnoaboaga y_{uh}are. Sa iji duepenata mari ijipihtina ihcãno saha ijieraja. Ihquẽquinare namo ti dutire Cohãcj_ũ. Sa yero tiquiro ihquẽquinare namo ti dutierare.

⁸ Sa yeg_u namo marienare, man_u marienare, wape wiha numia g_{uh}are ohõ saha niaja m_{usare}: Namomariena, man_u mariena iji masina, sata iji cãhña y_{uh}u yero saha.

⁹ Sa iji masiedana tutuaro ñañene cahmena, namo tiya. Sa yena man_u tiya. Ñañene m_{usa} tutuaro cahmeg_ũ quehnoaedare m_{usare}. M_{usa} sa tutuaro cahmeg_ũ m_{usa} namo tig_ũ p_ũrita quehnoar_ĩne. Sa yena m_{usa} man_u tig_ũ g_{uh}are quehnoar_ĩne.

¹⁰ M_{usa} namo tinare, man_u tina numiare ohõ saha dutiaja. Y_{uh}u sa niepeg_ũta yee dutiye waro ijierare ahri. Mari p_{uhtar}oro Cristo ahrire dutire: M_{usa} numia pehe m_{usa} man_u m_{usare} cohãedacãhña.

¹¹ M_{usa} man_u m_{usare} cohãna, man_u mariena numia tojoaya. Sa tojoerana pari turi m_{usa} man_u m_{usare} mehna quehnoano ijiya tja. Sa yena m_{usa} g_{uh}u m_{usa} m_{usa} namosãnumiare cohãedacãhña.

¹² Sa yeg_u m_{usa} g_{uh}are apequinare ohõ saha niaja y_{uh}u. Mari p_{uhtar}oro tiquiro dutiye ijierare ahri. Y_{uh}u pehe ohõ saha niaja m_{usare}: Ihquẽquina m_{usa} mehna cjẽna Jesu yequina pehe Jesure cahmeeñequina numiare namo tiriquina ijire. Sa ye tiquina namosãnumia tiquina mehna tojoa duag_ũ tiquina numiare cohãedacãhdo tiquina.

¹³ Sa ye ihquẽquina m_{usa} mehna cjẽna numia Jesu yequina numia Jesure cahmeeñequinare man_u tiriquina numia ijire. Sa ye tiquina man_u m_{usare} tiquina numia mehna tojoa duag_ũ tiquinare cohãedacãhdo.

¹⁴ M_{usa} man_u m_{usare} Jesure cahmeeñequina ijiepeg_ũta Jesu yequina numiare tiquina namo tig_ũ, Cohãcj_ũ quehnoañequina yero saha ihñare tiquinare. Sa yena m_{usa} m_{usa} pehe Jesu yequina m_{usa} ijig_ũ m_{usa} namosãnumia Jesure cahmeeñequina numia ijiboaga. Tiquina sa ijiepeg_ũta m_{usa} mehna tiquina numia man_u tig_ũ Cohãcj_ũ quehnoañe numia yero saha ihñare tiquina numiare. Tiquiro sa ihñedag_ũ m_{usa} pohna Jesure cahmeeñequina pohne yero saha ihñaboaga Cohãcj_ũ. Sa yero tiquina pohne g_{uh}are quehnoañequina yero saha ihñare Cohãcj_ũ.

¹⁵ Sa ye m_{usa} m_{usa} pehere m_{usa} namosãnumia Jesure cahmeeñequina numia m_{usare} cohã duaye, sata yeahro. M_{usa} man_u m_{usare} g_{uh}u sa cohã duaye, sata yeahro. Quehnoano mari ijig_ũ cahmene Cohãcj_ũ. Sa yero tiquina numia Jesu yequina ijieye numia m_{usare} cohã duag_ũ “Tiquina numia mehna ijiniña”, ni, dutierare Cohãcj_ũ.

¹⁶ Tiquina namosãnumia Jesu yequina numia pehe quehnoano yeg_ũ ihñañe camer_u tiquina man_u m_{usare} Jesure cahmeboaga. Sa cahmeg_ũ Cohãcj_ũ tiquinare pecar_u wahaboriquinare y_{uh}d_uorota. Sa ye tiquina man_u m_{usare} Jesu yequina pehe quehnoano yeg_ũ ihñañe camer_u tiquina namosãnumia Jesure cahmeboaga. Sa cahmeg_ũ Cohãcj_ũ tiquina numiare pecar_u wahaboriquina numiare y_{uh}d_uorota. Sa Jesure cahmeboriquina tiquina ijiepeg_ũta potota Jesure tiquina cahmeatire masiyuro basioerare m_{usare}.

¹⁷ Sa yena ijipihtina m_{usa} mari p_{uhtar}oro Cristo m_{usare} tiquiro iji duti_uriro sahata yeya. Sa yena Cohãcj_ũ m_{usare} tiquiro c_ũrire yeya m_{usa}. Tire

ijipihtiequina Jesu yequinare sa ye dutiducuaaja yuh̄u.

¹⁸ Jesu yequina m̄sa ijiato pano cuhnucun̄u sohtoa cahserogāre yuh̄re nena ijina, tire ih̄ña yabieracāh̄ña. Sa yena Jesu yequina m̄sa ijiato pano cuhnucun̄u sohtoa cahserogāre yuh̄re nedarina ijina yojop̄u gūh̄re sata ijiducuya.

¹⁹ Yojop̄re ti cahserogāre yuh̄re nedina m̄sa ijigū dūhseati ijierare. Tire yerarina m̄sa ijigū gūh̄re dūhseati ijierare. Sa ijiepegāta Cohācjū dutiyere mari yegū ti pūrita ih̄yo waro ijierare.

²⁰ Sa yena Cohācjū Jesu yequina m̄sare tiqiro cūri pje m̄sa ijiriro sahata tojoaya.

²¹ Jesu yaquiro m̄h̄u iji dūcato pano apequiro cahacjū m̄h̄u ijigū quehnoanota. Sata tojoaya. M̄h̄u p̄htoro m̄h̄re tiqiro wio duagū pehere wijiaya m̄h̄u. M̄h̄u wijiagū quehnoanota m̄h̄re.

²² Sa yero mari p̄htoro Jesu yaquiro ihcāquiro ijiro mas̄no cahacjūno ijieperota Jesu tiqiro yuh̄d̄oriquiro ijire. Sata apequiro mari p̄htoro Jesu yaquiro ijiro, mas̄no cahacjūno ijieraperota Jesu cahacjūno ijire tiqiro gūh̄u.

²³ Mari ñañe buhirire buhiri ti tuhasahye Cristo. Sa yena tiqiro dihitare potota m̄sa p̄htoro waro tūhotuya m̄sa. Apequina m̄sare tire tiquina ye dutieragū tiquinare tūhoeracāh̄ña.

²⁴ Sa yena yuh̄u acaye, Jesu yequina ijiatiquina Cohācjū m̄sare tiqiro cūri pje m̄sa ijiriro sahata tojoaya. Sa tojoana Cohācjū mehna cjāna ijiya.

²⁵ Yojop̄re namo marienare, man̄u mariena numia gūh̄re yahu duaja m̄sare. Mari p̄htoro ah̄re “Oh̄ saha niña”, niedare yuh̄re. Yuh̄re tiqiro paja ih̄ñagū yuh̄re tiqiro yedohogū tiqiro cahmeno sahata yeducurigū ijiaja yuh̄u. Sa ijirigū ijigū ah̄re quehnoano yahutja m̄sare.

²⁶ Yojop̄re m̄sa ñano yuh̄d̄na niaga. Sa yena m̄sa namo mariena

gūh̄u, man̄u mariena gūh̄u m̄sa tojoagū quehnoanota, yuh̄u tūhotugū.

²⁷ Namu mariena, man̄u mariena numia m̄sa ijina sata tojoaya. Sa yena m̄sa pehe namo tina, man̄u tina numia gūh̄u sata tojoaya.

²⁸ Namu tina ñano yerare m̄sa. Sa yena m̄sa nuhmia man̄u tina, ñano yerare m̄sa gūh̄u. Sa yena namo tina, man̄u tina numia m̄sare wape c̄oro tojoarota. Sa yegū m̄sare “Sa wape tiari”, nigū “Namu mariena, man̄u mariena numia tojoaya”, niaja yuh̄u.

²⁹ Yuh̄u acaye, ah̄re m̄sare yahugū niaja. Cristo ah̄ri yehpap̄u tiqiro tojoa tato mehenogā dūhsare. Sa ye yojop̄re namo marieñequina Cohācjū cahmeno saha tiquina quehnoano ye masino sahata quehnoano yero cahmene namo tiyequina gūh̄re. Sa ye man̄u tiyequina numia gūh̄re sata Cohācjū tiqiro cahmeno saha quehnoano yero cahmene.

³⁰⁻³¹ Ah̄ri yehpa yojop̄u ijiro saha camep̄u ijisi. Camesa pihtia waharota. Sa pihtiatu yehpa ijigū yojop̄re mari ñehe quea utiye, mari bucueye, mari c̄oye pihtia waharota. Sa ye ti ih̄yo waro ijire. Cohācjū yere yeye pehe ih̄yo waro ijierare. Sa ye ah̄ri yehpa cjēne c̄oyequina, c̄oyequina yero saha ijiah̄ro. Ah̄ri yehpa cjēne pajiro tūhotueraro cahmene. Ah̄ri yehpa yojop̄u ijiri yehpa camesa pihtia waharota.

³² M̄sa ñano yuh̄d̄eragū cahmeaja yuh̄u. Sa yegū m̄sa pajiro m̄sa tūhotueragū gūh̄re cahmeaja. Namu mariediquiro Jesu yaquiro ijiro Jesu yere wacūducure. Sa wacūducuro Jesu cahmeñene tutuaro ye duare.

³³ Namu tiriquiro pehe tiqiro namono cahmeñe pehere tutuaro ye duare. Sa yero ah̄ri yehpa cjēne pajiro tūhoture.

³⁴ Sa yero tiqiro p̄arore ye duare. Jesu cahmeñene, tiqiro namono cahmeñe gūh̄re tiqiro ye duare. Sa yero b̄nc̄oro man̄u mariedicoro

ijiro, ticoro mari puhtoro Jesu cahmeñene tutuaro ye duare. Nuhmino gũhũ sata ye duare. Sa ye duaro ticoro tutuaro Cohãcjũ yacoro iji duare. Manũ tiricoro pehe ahri yehpa cjẽ pehere ticoro manũno cahmeñe pehere tutuaro ye duare. Sa yero ahri yehpa cjẽne pajiro tuhoture.

³⁵ Ahrire musare nii niaja musare yedohogũ tagũ. Tutuaro dutiyere musare cũ dueraja. Sa cũ duerapegũta quehnoano musa yegũ cahmeaja. Sa yegũ Jesu mari puhtoro yere musa tutuaro ye duagũ cahmeaja yũhũ.

³⁶ Musa mehna cjũno tiquiro cahmedicoro bucũoro wahagũ ihũano ticorore namo tiahero. “Sata yero cahmene”, ni tuhoturo, namo tiahero. Sa yero ticorore namo tiro ñano yero niedare.

³⁷ Apequiro pehe tiquiro cahmedicorore “Yũhũre namo tiro cahmene”, ni dueraro, tiquiro cahmediro sahata yeahro. Tiquiro namo ti dueragũ, quehnoanota. Quehnoano yero nine.

³⁸ Sa yero tiquiro cahmedicorore namo tiriquire gũhũ quehnoano yere. Sa yero yojopũre ticorore namo tieriquiro pehe apequiro yũhũoro quehnoano yere.

³⁹ Manũ tiricorore ticoro manũnoro cohã dutierare Cohãcjũ. Tiquiro sa cohã dutierapegũta ticoro manũno tiquiro yariari bato ticoro apequiro mehna ticoro cahmediquiro mehna manũ ti masine. Ticoro manũ tiriquire Jesu yaquiro ijiro cahmene tiquirore.

⁴⁰ Ticoro manũ mariedicoro tojoaro, manũ tiricoro yũhũoro quehnoano bucuericoro ijirota ticoro. Sata ni tuhotuaja yũhũ pehe. Cohãcjũ yaquiro Espĩritu Santore cũogũ ijiaja. Yũhũ sa cũogũ ijigũ masina, ahri yũhũ yahurire masiña musa.

8

“Cohãcjũ ijire”, tiquina niñe queoyere ño peo, ihyayere duhu peoahye masa. Ti ihyayere yahuahye Pablo

¹ Yojopũre “Cohãcjũ ijire”, tiquina niñe queoyere ño peo, tiquina duhu peori ihyayere yahu duaja. Ijipihtina musa ti borore “Masaja”, ni tuhoture musa. Sa ni tuhotuna “Apequinare masi yũhũducaja”, ni tuhotumene musa. Sa ni tuhotuna apequinare yedohoerare musa. Apequinare cahĩna tiquinare yedohore musa. Sa ye masiñe yũhũoro apequinare cahĩne pehe ihyo waro ijierare.

² “Masi peho cjã”, nina ijina, Cohãcjũ quehnoañene tiquiro masi dutiyere masiedarĩaga musa.

³ Sa ijiepegũta Cohãcjũre musa cahĩgũ musare masine tiquiro. Sa yena tiquiro yequina ijire musa.

⁴ “Cohãcjũ ijire”, tiquina niñe queoyere ño peo, tiquina ihyayere duhu peore. Ti ihyayere musare yahutja: Ti queoye ne duhseati ijierare. Potota ti queoye jeripohna mariedare. Cohãcjũ pehe ihcãquiota ijire. Apequina cohãmana mariedare. Ahrire masaja mari.

⁵⁻⁶ “Peyequina cohãmana ijire. Tiquina mari puhtoia ijire”, ni tuhotumene masa. Sa yero uhmũsepũ, ahri yehpapũ gũhũre “Cohãmana”, tiquina niñequina ijiepegũta mari pehere ihcãquiota ijire Cohãcjũ. Tiquiro mari Pacũ ijipihtiyere bajumehnediquiro ijire. Sa yero tiquiro yequina ijiatina yeahye tiquiro marine. Sa yero mari puhtoro Jesucristo ihcãquiota ijire. Tiquiro ijipihtiyere mari Pacũre ye basariquire ijire. Tiquiro yequina ijiatinare yeahye tiquiro marine. Sa yena tiquiro mehna sa ijiducunata mari.

⁷ Yũhũ nidiro saha ijiepegũta apequina Jesu yequina tire masiedare. Panopũ tiquina “Cohãcjũ ijire”, tiquina niñe queoyere “Catiyequina ijire”, ni tuhotuducumahye. Ti pjepũre sa yeriquina ijiye yojopũ gũhũre ti queoyere ño peo, tiquina duhu peo ihyayere “Cohãmana ye ihyaye ijire”, ni tuhotumene. Sa ye ti ihyayere ihyaye, “Mari ñano yena niaja”, ni tuhotumene. Tire tiquina

yerire quehnoano masiedaye, sa ni tãhotumene.

⁸ Ti ihyayere mari ihyagũ mari ihyeragũ gũhare Cohãcjũ marine “Quehnoañequina ijire”, ni ihñedare. Sa ye ti ihyayere mari ihyagũ ihyo warota iji cãhno nine ti ihyaye. Mari tire ihyana ñano yeraja. Ti ihyayere mari ihyeragũ gũhare ihyo warota iji cãhno nine. Mari ihyerana apequina yãhdũoro quehnoana ijieraja mari gũhũ.

⁹⁻¹⁰ Sa ijiepegũta quehnoano yeya mũsa. Ti ihyayere ihyarina mũsa ijigũ apequina mũsare “Masiaja”, ninare ihña cũ ihyaboaga. Sa ihña cũ ihyaye tiquina yerire quehnoano masiedaye, “Ñano yena niaja mari”, ni tãhotueta tiquina gũhũ. Tiquina sa ni tãhotugũ tiquina pehere ñano yegũ yena niaga mũsa. Sa yena quehnoano yeya mũsa.

¹¹ “Mari ti ihyayere mari ihyagũ quehnoanota marine”, mũsa ni tãhotuna ijina apequina quehnoano masieñequinare ñano yegũ yeboaga mũsa, mũsare tiquina ihña cũgũ. Sa yeriquina ye ijiaati gũhare yariahye Cristo. Sa yena Cristo yequinare mũsa acayere ñano yegũ yena ni-boaga mũsa.

¹² Quehnoano masieñequinare Cristo yequinare mũsa ñano yegũ yena, Cristo gũhare ñano yena nine mũsa.

¹³ Sa yegũ ti queoyere ño peo, tiquina duhu peo ihyayere yãhũ ihyagũ Cristo yequinare ñano yegũ yegũ niboaga yãhũ. Jesu yequina ñano yegũ cahmedaja. Sa yegũ “Yãhũ tiquinare ñano yegũ yeari”, nigũ ti ihyayere ne pari turi ihyasi yãhũ.

9

Pablo Jesu cũriquiuro tiquiuro ijiyere yahuahye

¹ Jesu tiquiuro yere buhe dutiro cũrigũ ijiaja. Sa yegũ apequina tiquiuro cũriquina tiquina yero saha ye masiaja yãhũ gũhũ. Jesu cũrigũta ijiaja yãhũ gũhũ. Mari pãhtoro Jesure ihñarigũta ijiaja yãhũ. Sa yena Jesu

yere yãhũ buhegũ mũsa pehe tire quehnoano tãhona tiquiuro yequina wahare mũsa. Sa yena Jesu cũrigũ yãhũ ijiyere masi tuhasare mũsa.

² Apequina yãhũre yahu wajaye “Jesu cũriquiuro ijierare”, niboaga. Tiquina sa niepegũta mũsare yãhũ buheri bato Jesu yequina wahana, “Jesu cũriquiuro ijire”, ni, yãhũre masi tuhasare mũsa. Sa yena apequina yahu wajaepẽgũta mũsa pehe tiquiuro cũrigũ yãhũ ijieye tiyere masine.

³ Yãhũre yahu wajayequinare ohõ saha ni yãhtiitja.

⁴ Mũsare yãhũ buheri bato yãhũ ihyatire yãhũ sihniati gũhare yãhũre ohoro cahmene mũsare.

⁵ ¿Sa yegũ namo tigũ ijigũ yãhũ namono Jesu yacoro ticoro ijigũ ticoro mehna tini masiedaboagari yãhũ? Apequina Jesu cũriquina, Jesu bahana, Pedro gũhũ tiquina namosãnumia mehna tiquina tinidiro sahata yãhũ gũhũ tini masiboaga. Yãhũ sa tinigũ yãhũ namo tigũ ijigũ ticoro gũhare ihyayere ohoboaga mũsa.

⁶ Yãhũ Bernabé mehna mũsare quehnoañe buheyere usã buhepegũta usãre ne apee borogã ohoerari mũsa. Sa yena usã basita usã ihyatire dahra wapataũ usã. ¿Usã dihitare wapataro marieno buhero cahmeajari, mũsa tãhotugũ? ¿Usã sa buhena apeye dahraye pehere duhu masiedaboagari usã?

⁷ Ahriquina yãhũ queoye mehna yahuatiquina pehe tiquina dahrari wapa wapatare. Ihcãquiuro surara dahragũ tiquiuro pãhtoa tiquiore wapa yere. Tiquiuro basi wapa yerare. Ihyayere oteriquiro gũhũ tiquiuro oteri dũca tigũ tireta ihya masine. Sa yero wapatare tiquiuro. Sa yero ovejare ihña ihboriquiro tiquiuro nuñequina epẽcore sihni masine tiquiuro. Sa yero wapatare tiquiuro gũhũ.

⁸ “Tiquina dahrari wapare wapa yero cahmene”, nigũ masa tiquina dutiye dihitare mũsare yahueraja. Cohãcjũ dutiyepũ tiquiuro nidi gũhare

m̄sare yahuḡu niaja.

⁹ Tiquiro dutiyere tiquina ojoari p̄p̄u oh̄o saha ni yahure: “Wec̄u trigo pjerire tiquiro dahpoc̄ari mehna suhti weriquiro ihya duaḡu tiquiro d̄userore cahmotaerac̄ah̄na”, niahye Coh̄c̄j̄u dutiye. Sa dutiro wec̄uare nino niedahye.

¹⁰ Sa dutiro marine nino niahye marine buhero taro. Wesere seheriquiro ḡuh̄u ti d̄ucare nediquina ḡuh̄u tiquina dahrari bato d̄uca tiri pje ijiḡu tiquina wapatatire cohtere. Sa yena dahrayequinare tiquina dahrari wapare ohoro cahmene marine.

¹¹ M̄sare Coh̄c̄j̄u yere quehnoañe buheyere buhei us̄a. ¿Us̄a sa buheḡu m̄sa pehe us̄are ihyayere ohoeraro cahmejari, m̄sa t̄hotuḡu? Ohoro cahmene. M̄sa ohoḡu quehnoaboaga us̄are. Sa ijiepeḡuta m̄sa ohoerari us̄are.

¹² Sa ohoerapenata apequina ihyayere m̄sare siniḡu tiquina pehere ohore m̄sa. Tiquina m̄sare ihyayere siniḡu tiquina ȳhd̄uoro us̄a pehe oho dutiboaga m̄sare.

Sa oho dutiborina ijiepenata us̄a pehe “Us̄are ohoya” ne niedu. “Cristo ye buheyere m̄sap̄u cahmedaboaga” nina, us̄are mariedapeḡuta m̄sare ne siniedu.

¹³ Coh̄c̄j̄u w̄h̄u p̄u dahrayequina ti w̄h̄u p̄uta tiquina ihyayere nene. Sa ye Coh̄c̄j̄u tiquina ño peori altarp̄u cohteyequina wahiquirore tiquina ūj̄u m̄uoriquirore mehenoḡa ne, ihyari tiquina ḡuh̄u. ¿Tire masiedari m̄sa?

¹⁴ Sa tiquina yeriro saha quehnoañe buheyere buheyequinare tiquina buheri wapare tiquina ihyatire tiquinare ohoro cahmene m̄sare. Sata ye dutiri mari p̄h̄toro Jesu.

¹⁵ Sa yeḡu m̄sare siniboriḡu ijiepeḡuta ȳh̄u ne apee borore siniedu m̄sare. Sa yeḡu ahrire yojop̄u ojo ohoḡu apee borore wapa cahmeḡu taḡu ojoagu niedaja. M̄sare ne wapa cahme dueraja. Yariac̄u ijiepeḡuta ne wapa cahmesi ȳh̄u m̄sare. Wapa marieno buheḡu

tutuario bucueaja. Sa yeḡu m̄sare ȳh̄u buheri wapa ne wapata ihyasi.

¹⁶ Quehnoañe buheyere buhe dutiro ȳh̄u c̄uri Coh̄c̄j̄u. Tire buheac̄j̄uta ijiḡu niaja ȳh̄u. Quehnoañe buheyere buheragu pejec̄uoḡu iji-boaga ȳh̄u. Sa yeḡu ti buheyere buheḡu “Apequinare masi ȳhd̄u d̄ucaja”, niac̄u ijieraja ȳh̄u.

¹⁷ Quehnoañe buheyere ȳh̄u esa tuharo buheḡu ȳh̄u buheri wapa wapa neboaga ȳh̄u. Coh̄c̄j̄u ȳh̄u tiquiro yere buhe dutiro c̄uri ȳh̄u. Sa yeḡu ȳh̄u tiquiro c̄urire yeḡu niaja. Sa buheac̄j̄u ijiaja ȳh̄u.

¹⁸ ¿Tiquiro yere sa buheḡu yabe borore wapatajari ȳh̄u? Oh̄o saha ijire ȳh̄u wapataye: Quehnoañe buheyere buheḡu m̄sare ne apee borore siniedagu wapa marieno ti buheyere buheaja m̄sare. Ȳh̄u sa nidire masigu bucueaja. Ȳh̄u bucueyeta ijire ȳh̄u wapataye.

¹⁹ Ne masa cahac̄j̄u ijierapeḡuta ijipihtiyequina cahac̄j̄u yero saha ijiaja ȳh̄u apequina masa Jesu yequina tiquina wahatire.

²⁰ Sa yeḡu ȳh̄u acaye judio masa mehna ijiḡu, tiquina yero saha yeaja ȳh̄u Jesu yequina tiquina wahatire. Coh̄c̄j̄u dutiyere Moiseretiquiro c̄urire ño peoriḡu ijierapeḡuta, ti dutiye dihitare ño peoyequina mehna ijiḡu ti dutiyere ño peoriquiro yero saha ijiaja ȳh̄u. Sata yeaja ȳh̄u tiquina Jesu yequina tiquina wahatire.

²¹ Sa yeḡu Cristo yaquiro ijiḡu Coh̄c̄j̄u dutiyere Moiseretiquiro c̄urire coh̄a dueraja. Ti dutiyere coh̄a duerapeḡuta ti dutiye marieñequina mehna ijiḡu ti dutiye marieniquiro yero saha ijiaja. Sata yeaja ȳh̄u Jesu yequina tiquina ḡuh̄u wahatire.

²² Jesu yere quehnoano masieñequina mehna ijiḡu tiquina yero saha ijiaja. “Masi pehoḡu ijiaja”, niedaja ȳh̄u. Sata yeaja ȳh̄u Jesu yequina tiquina ḡuh̄u wahatire. Sa yeḡu ijipihtiyequina masa tiquina ijero saha ijiaja ȳh̄u, ihquẽquina Jesu yequina tiquiro ȳhd̄uoriquina tiquina wahatire.

23 Ahrire yeaja quehnoañe buheyere ijipihtiyequina tiquina tũhoatire. Yũhũ sa yegũ ihñano Jesu tiquiro buheriro saha yũhũ gũhare quehnoano yere. Sa yegũ masa tiquina ijie tiro saha ijiaja.

24 Ohõ saha ijire mari queoye mehna buhegũ. Oma cohãpeyequina omañe tiquina ijipihtiyequina omare. Tiquina sa oma pihtiepegũta oma tutuariquiro pehe esa mũhtare. Sa esa mũhtariquiro wapatate. Sa yena tiquina omariro saha mũsa gũhũ Cohãcjũ cahmeñene yeya mũsa wapatatire.

25 Ijipihtiyequina omañequina tiquina pagũre dojomehneñene duhu cã, quehnoano omapore tiquina oma tutuatire. Sa ye tiquina quehnoano omatire queoro ihyaye, queoro carĩñe, quehnoano yere tiquina. Sata yere tiquina wapatato saha. Sa ye tiquina wapataye pũri mehna tiquina yeri behto ijire. Ti behto pehe yoari pje ijierare. Duita ahbaa wahare. Mari pehe Cohãcjũ yere quehnoano buheaja tiquiro yere mari wapatato saha. Ti wapataye pũrita ne ahbaerare.

26 Sa yegũ yũhũ ape siepũ omariquiro yero saha yeraja. Sa yegũ cahmequeperiquiro ape siepũ dote maca cãriquiro yero saha yeraja. Sa yegũ Cristo yere queoro ye duaja.

27 Sa yegũ omapeyequina, cahmequepeyequina gũhũ tiquina pagũrire tiquina buheriro saha, quehnoano queoro tiquina yeriro saha yũhũ gũhũ yũhũ pagũ mehna quehnoañe dihitare yepoaja. Sa yeragũ apeqũnare buherigũ yũhũ ijiepegũta dahseacjũ ijieraboaga yũhũ pehe.

10

“Cohãcjũ ijire”, tiquina niñe queoyere ño peo dutierahye Pablo

1 Sa yena yũhũ acaye, ahrire masiña mũsa. Usã Israe masa ñecusumũa mũna panopũ cjẽna ijipihtiyequina Cohãcjũ ya ehmeo curuare ihña nũnũ tã cãa wahahye. Sa wahaye, aco sohãri mare aco pũa peheri

tojoadũcari mahapũ wũa queheri mahapũ tiniñe, pehãa wahahye.

2 Sa wahaye, tiquina ijipihtiyequina ehmeo curua mehna aco sohãri ma cjẽ aco mehna Cohãcjũ ye ijiatire wame yenohriquina yero saha wahahye. Wame yenohrina wahana Cristo yequina mari ijiyere ihñona niaja. Sa tiquina aco sohãri mare wame yenohriquina yero saha wahaye, Moise yequina tiquina ijiyere ihñõñe niahye.

3 Sa ye tiquina ijipihtiyequina uhmũse cjẽ ihyayere ihyae tiahye Cohãcjũ tiquiro ohoyere.

4 Sa ihyaye tiquina ijipihtiyequina Cohãcjũ ohori aco gũhare sihnie tiahye. Ti pjepũre ti acore Cohãcjũ cũri utãpũ wijiari acore sihnie tiahye tiquina. Tia utã yero saha ijiriquiro, tiquinare aco ohoriquiro Cristo ijiahye.

5 Tiquina sa wahariquina ijiepegũta apeqũna tiquina mehna cjẽna ñano yegũ ihñano Cohãcjũ pehe peyequina tiquina mehna bucuerahye. Sa yero tiquinare masa marienopũ yariagũ yeahye Cohãcjũ.

6 Sata yeahye tiquinare Cohãcjũ marine buhero taro. Sa yero tiquinare ihña cũ ñañene mari tutuaro cahmedatire Cohãcjũ sa yeahye tiquinare.

7 Sa yena “Cohãcjũ ijire”, tiquina niñe queoyere tiquina ño peoriro saha yeracãhña mũsa. Ti queoyere tiquina ño peorire Cohãcjũ yere tiquina ojoari pũpũ yahuro ohõ saha niahye: “Tiquina ihya duji sihni tuhasa, wahcãdũca, bõse deco ye dũcahye wecũ queoyere ño peoye tehe”, ni ojoahye panopũre.

8 Came apeqũna Israe masa pehe numia mehna ñano yeahye. Tiquina yeriro saha yeraro cahmene marine. Tiquina ñano yeri bato ihcã decota tiquina veintitres mil masa yariaa wahahye.

9 Apeqũna Israe masa Cohãcjũre tiquina mehna usuagũ yeahye. “Marine buhiri dahresi”, niñe Cohãcjũre tuhtiahye. Sa tuhtie tiquirore

usuagũ yeahye. Tiquina sa yeri buhiri Cohãcjũ añaa pari mehna bahque wejẽahye tiquinare tja. Sa yena tiquina yero saha Cristore yeracãhña m̄usa.

¹⁰ Apequina Cohãcjũre unure tuhtigũ angel masare wejẽdiquiro tiquinare wejẽahye. Sa yena tiquina yero saha yeracãhña.

¹¹ Sa wejẽ dutiahye tiquinare Cohãcjũ marine buhero taro. Mari pehe pihtiri deco panogã ijina ijiaja. Mari sa ijina ijigũ panopũ cjẽna tiquina sa waharire Cohãcjũ ojoa dutiahye marine quehnoano buhero taro.

¹² Sa yena “Quehnoana ijiaja, Cohãcjũ tiquiro ihñagũ”, ni tãhotu, quehnoano yeya m̄usa “Ñañene yeari”, nina.

¹³ Mari ijipihtina ihcãquiro dahsaro marieno ihquẽ tahari ñañene wacũaja. Sa wacũna ti ñañene ye duaja. Mari sa ye duepegũta Cohãcjũ marine yedohoducuriquiro ijire. Sa yero ti ñañe wacũñene mari bo masiedagũ tiquiro pehe marine yedohorota. Sa yero ti ñañene mari ye duagũ ihñano Cohãcjũ ti ñañene marine ye dueragũ yerota. Tiquiro sa yegũ ti ñañene ye duasi mari.

¹⁴ Sa yena yũhũ cahĩna yũhũre tãhoya. “Cohãcjũ ijire”, tiquina niñe queoyere ne ño peoeracãhña.

¹⁵ M̄usa quehnoano masina ijigũ m̄usare yahuaja. Sa yena yũhũ niato poto ijigũ masiña m̄usa basi.

¹⁶ Cristore tiquina ñehedi ñamine vinore tiquiro sihniato pano Cohãcjũre “Quehnoare”, niahye. Tiquiro ni diro saha mari gũhũ ti vinore sihni Cohãcjũre “Quehnoare”, nina, mari ye buhiri Cristo tiquiro yariarire masigũ yena niaja. Tiquiro dii wijiarire masigũ yena niaja. Sa yena tiquiro yequina mari ijiye gũhũre masigũ yena niaja mari. Sa yena pãre mari Cristo yequina nuhana mari ye ijiatire tiquiro pagũ curusapũ tiquiro yariarire masigũ yena niaja. Sa yena tiquiro yequina mari ijiye tiye gũhũre masigũ yena niaja.

¹⁷ Sa yena peyequina masa ijiepenata ihcãria pãgãre ihyana, ijipihtina mari Cristo yequina ihcã curuata ijiaja. Sa yena peyequina ijiepenata ihcã curuata ijiaja.

¹⁸ Israe masa tiquina yerire wacũña m̄usa: Tiquina wahiquirore wejẽñe, ʌjũa m̄uo, ohoye, Cohãcjũre ño peore. Sa tiquina ohori bato ihcã curuata tiquina ohoriquirore ihyare. Sa ihyaye Cohãcjũ yequina tiquina ijiye tiyere masigũ yere tiquina.

¹⁹ Ohõ sahata nii niaja m̄usare: “Cohãcjũ ijire”, tiquina niñe queoye dahseati ijierare. Sa yero queoyere ño peo tiquina duhu peoye ihyaye pehe ihyo warota ijiro nine. Ti ihyaye marine sijoro saha wahagũ yerare.

²⁰ Ti ihyaye sijoro saha wahagũ yerapegũta ti ihyayere ihyeraro cahmene. Ohõ saha ijire ti. Cohãcjũre cahmeeñequina wahiquirore wejẽ, ʌjũa m̄uo, Cohãcjũre ño peoye niedare. Sa ye queoyere ño peoye watĩa pehere ño peore tiquina. Tiquina sa ño peoyequina ijigũ tiquina mehna ihyana watĩno yequina yero saha yena niaga m̄usa. M̄usa sa yegũ pũritare ne cahmedaja.

²¹ Santa cenare mari yeri deco mari pãhtoro Jesure wacũna tana sihni-aja. Mari sa sihni, watĩno ye pehere sihni masiedaja mari. Sa yena Jesure wacũna tana pãre ihyaja. Mari sa ihyana, watĩa ye pehere ihy masiedaja mari.

²² ¿Jesure m̄usa mehna usuagũ ye duajari m̄usa? ¿Tiquiro yũhdũoro tutuana ijiajari m̄usa? Ijierare m̄usa. Sa yena quehnoano yeya m̄usa.

Cohãcjũ cahmeñe dihitare yeya

²³ M̄usa yeri ñañe ijierapegũta tire yena apequinare yedohoeraboaga m̄usa. Sa yena tire yena Jesure wacũ tutua nemogũ yeraboaga m̄usa apequinare.

²⁴ M̄usa cahmeñe dihitare yeracãhña. Apequina pehere quehnoano yedohoya m̄usa.

²⁵⁻²⁶ Ihyaye duaropũre ihyayere dúna “¿Ahri ihyaye cohãmana queoye

cahapu tiquina duhu peori ihyaye ijiajari?" ni, sinitueracãhña. "Ñañene yeari", nina, sinituboaga musa. Sa ni sinitueracãhña. Ahri yehpa, ahri yehpapu ijiye gũhu Cohãcjũ ye ijire. Sa yena ti ihyayere "¿Ñañe ihyaye ijiajari?" niedacãhña.

²⁷ Jesure cahmeediquiro musare ihya dutiro tiquiro pijiogũ waha duana wahaya. Sa wahana musare tiquiro duhu peoyere ihyaya. "¿Ahri ihyaye Cohãcjũ queoye cahapu tiquina duhu peori ihyaye ijiajari?" ni, sinitueracãhña.

²⁸ Sa yena apequiro Jesu yaquiro "Ahri ihyaye Cohãcjũ queoyere tiquina duhu peori ihyaye ijire", musare tiquiro ni yahugũ ti ihyaye pũritare ihyeracãhña. Musare sa ni yahuriquiro "Ñañe ihyayere ihyare ahriquina", musare tiquiro ni tãhotueratire ihyeracãhña.

²⁹ Sa ihya dutieragu musa pehere yedohogu tagu sa niedu. Musare ahrire yahuriquiro pehere yedohogu tagu sa ihya dutieraja. Tiquiro pehe musare "Ñañe ihyayere ihyare ahriquina", niboaga. "Sa niari", nina ti ihyayere ihyeracãhña.

"Ihyeracãhña", yuhu nigũ ohõ saha ni sinitu yãhtiboaga musa yuhure: "¿Dũhse ijiro boro apequirore 'Sijoro saha wacũari' ", nina ihyeraboagari usã?

³⁰ "¿Ti queoyere ohori ihyayere usã ihyagũ Cohãcjũ warore 'Quehnoare', usã niepegũta dũhsero tire usã ihyari buhiri apequiro usãre yahu wajaboagari?" ni sinitu yãhtiboaga musa yuhure.

³¹ Ahri ijipihtiyere yahugu ohõ saha nigũ niaja musare: Decoripe Cohãcjũ tiquiro dutiro saha bucu-eye mehna ihya, sihniaja, Cohãcjũre masa tiquina ño peotire. Sa yena ijipihtiyere quehnoano yeducuya Cohãcjũre masa tiquina ño peotire.

³² Ne judio masare, judio masa ijieyequinare, Cohãcjũ yequina gũhure ñano yegũ yeracãhña musa tiquinare.

³³ Ohõ saha yeaja yuhu pehe. Masa ijipihtiyequinare yedoho duaja. Sa yegu yee ijia ti pehere pajiro tãhotueraja. Yuhu ñano yũhdugũ quehnoanota. Masa pehere yedohoaja tiquinare pecapu wahaboriquinare Cohãcjũ tiquiro yũhdũotire.

11

¹ Sa yena Cristore yuhu ihña cũriro saha musa gũhu yuhure ihña cũña.

Corinto cjẽna cahmecoanopu numia tiquina yeatire yahuahye

² Musare yuhu buhe turiarire wacũ pehoñhti musa. Sa wacũna musare yuhu nidire yuhu ye dutiro saha yeñhti musa. Sa yena quehnoano yere musa.

³ Sa yena musa ijiepegũta ahri gũhure musa masigũ cahmeaja: Ijipihtiyequina umua tiquina pãhtoro, Cristo ijire. Sa yero tiquiro namono pãhtoro ijire ticoro manano. Sa yero Cristo pãhtoro tiquiro Pacuro ijire.

⁴ Cohãcjũre sinidiquiro tiquiro dapure mohariquiro sinino, tiquiro basi pãhtoro ijiyere wijiario nine. Cohãcjũ yere yahuriquiro gũhu tiquiro dapure mohano, sata yero nine tiquiro gũhu.

⁵ Sa yero ticoro dapure moheno Cohãcjũre sinino, ticoro manano pãhtoro ijiyere wijiagũ yero nine. Cohãcjũ yere yahuricoro gũhu ticoro dapure moheno, sata yero nine ticoro gũhu. Sa yero ticoro poarire wãhari pjĩ mehna waha pehoricoro yero saha yere ticoro.

⁶ Ticoro dapure moha dueraro ticoro poarire se peho cã dutiahro. Ticoro sa yeri bato ticoro dapure bue tiro, ticoro mohaahdo ticoro dapure.

⁷ Umua pehe Cohãcjũ yero saha pãtoa ijire. Sa ye Cohãcjũ quehnoariquiro, tutuariquiro tiquiro ijiye tiyere ihñore tiquina pehe. Sa ye tiquina dapure moheñequinata ijiahro. Numia pehe umua tiquina pãtoa ijiye tiyere ihñore. Sa yeye tiquina dapure mohaahdo.

8 Cohãcjũ umunore yero, numino ya pagu cje mehna umunore yerahye. Numino pehere yero, umuno ya pagu cje mehna yeahye ticorore.

9 Sa yero umunore yero, numino yaquiro ijiatiquire yerahye. Numino pehere yero umuno yacoro ijiaticorore yeahye Cohãcjũ ticorore.

10 Sa ye numia tiquina dapure mohaahdo angele gũhũ tiquina ihña bucuatire. Sa mohañe umua tiquina puhtoia tiquina ijiyere ihñoñe nine.

11-12 Cohãcjũ numinore yero, umuno pagu cje mehna yeahye. Sata yojopure umuno masa bajuaro, numino paguru masa bajuare. Sa yero ijipihtiequinare Cohãcjũ pehe yeahye. Sa yero umuno tiquiro iji mhtaedagũ numino mariedaboaga. Sa ye numino ticoro mariedagũ umuno gũhũ mariedaboaga. Sa ye tiquina umua numia gũhũ tiquina basi cahme yedohore masa putiatire. Sa yero ijipihtiequinare ijiatiquire bajumehnediquiro ijire Cohãcjũ.

13 ¿Musa basi dahse ni tãhotuajari? ¿Numino ticoro dapu mohedico, Cohãcjũre ticoro sinigũ quehnoajari, musa tãhotugũ? Ne quehnoaedare.

14 Sa yero umuno poa nahmo cãoriquiro tiquiro ijigũ ñarñe. Ijipihtiequina masa tire masine.

15 Sa yero numino ticoro poa nahmo ticoro dapure mohari cahsero yero saha ijire. Sa yero ticoro poa nahmo cãoricoro ijiro quehnoaricoro bajure ticoro. Ti gũhare ijipihtiequina masine.

16 Musa mehna cjũno ahrire yũhũ yahurire tiquiro cahmedagũ, ohõ saha ni yahutja tiquirore: “Yũhũ ni yahuriro saha yeducuaja mari. Apequina Jesu yequina gũhũ sata yere tiquina gũhũ. Usã sa yerina ijigũ ihñagũ yũhũ ni yahuriro saha yero cahmene mahũ gũhare”, ni yahutja yũhũ yahurire cahmeediquirore.

Santa cenare tiquina ihyari watoa dojomehneahye Corinto cjẽna

17 Yojopure musare ahrire yahugũ tuũ, “Quehnoano yena ijire”, niedaja yũhũ musare. Musa cahmecoana quehnoano yerare. Ñano yere musa.

18 Ohõ saha ni yahu mhtaũtja musare: Musa cahmecoanopũ cahme dũse tutuana musa basi ihquẽ cururi tu wana niñohiti musa. Apequina tire yũhare tiquina yahugũ “Potota ijiaga”, ni tãhotuaja yũhũ.

19 Sata yere musa. Sa yena ohõ saha ni tãhotumene musa. “Mari tu warina ijina, Jesu yequina waro ijiyequina pehere masinata mari. Sa yena marine tu waro cahmene”, ni tãhotumene musa.

20 Musa basi sa cahme ihña tuhtina, musa ihcãnopũ cahmecoia ihyana quehnoano yerare. Potota Santa cena waro yena niedare.

21 Musa cahmecoana ihquẽquina musa sehsaro ihya mhtaana, apequina pehere ujua ahbagũ yere. Sa ye sihni mhtaana quehea wahare.

22 ¿Musare musa ihyaye wũhũse mariedajari? ¿Musare musa sihniñe wũhũse mariedajari? Ti wũhũseputa ihya, sihniña. Yojopure Cohãcjũ yequina tiquina cahmecoanore dojomehnena niaga musa. Sa yena apequina Jesu yequina pejecũoyequinare ihyaye marieñequina pehere musa pehe buoro yũhdugũ yere. ¿Dahse ni yahugũtari yũhũ musare? “Quehnoano yerare musa”, niaja yũhũ.

Santa cenare ihyarire yahuahye Pablo

(Mt 26.26-29; Mr 14.22-25; Lc 22.14-20)

23 Mari puhtoro Jesu tiquiro ihya bato tirire yahuri yũhare. Sa tiquiro yahuri bato yũhũ pehe musare tire yahuu. Ti ohõ saha ijire: Tiquirore ihña tuhtiequinare Juda tiquiro ihñoati ñamine mari puhtoro Jesu-cristo pãre ne,

24 Cohãcjũre “Quehnoare”, niñohiti. Tiquiro sa nidi bato ti pãre nuha, tiquiro buheyequinare itihõhti. Sa itiro ohõ saha niñohiti: “Ahrire ihyaya. Ahri yũhũ pagu ijire. Musa

ye ijiatire yariutja. Yuhure musa wacuatire ahrire ihyaya”, niñohti Jesu mari puhtoro.

²⁵ Sa tiquina ihyari bato tiquiro sihnidi pare neno ohō saha niñohti: “Musa ñañe yeyere cohāgu tagu yariutja. Sa yegu ye diire cohāgutja. Cohācjū ‘Musare yuhduoutja’ tiquiro nidiro esagū yuhū yariaro mehna tiquiro nidiro sahata sohtori tirota. Ahri papu pose tiyere sihnina, yuhū dii wijiare wacūnata. Ahrire sihnina, yuhure musa wacuatire sihniña”, niñohti Jesu.

²⁶ Sa yena Santa cena cjē pāre musa ihyana, sihniñene sihnina, Jesu mari puhtoro mari ye buhirire tiquiro yariare wacū, ihñona nine musa. Sa ihñoducunata musa tee ahri yehpapu tiquiro tojoa tato pano.

“Santa cenare ihya sihnina ohō saha yeya”, ni yahuahye Pablo

²⁷ Santa cenare ihya, sihnina, Jesure ño peoro marieno cua pesaro yerana, tiquiro pagure tiquiro dii cohāri gūhare bujupero saha yena niaja mari. Sa yena Jesure bujupena niaja mari. Sa yeyequina buhiri tiyequina ijire.

²⁸ Sa yena mari yerire, mari ijiye tiyere quehnoano wacūhna. Sa wacūna Santa cenare ihya, sihni masiaja mari.

²⁹ Mari puhtoro mari ye ijiatire tiquiro pagu yariare wacūno marieno Santa cenare ihya, sihnina mari buhiri tinata.

³⁰ Ohō saha dihita yere peyequina musa mehna cjēna. Sa ye tiquina ihquēquina tutueyequina, dohatiyequina wahare. Sa ye apequina tiquina sa yeri buhiri yariaa wahare.

³¹ Sa ijiepegūta tiquina ihya, sihniñe tiquina yerire, tiquina ijiye tiyere quehnoano wacūñe, tiquina ñañe yerire duhu, ti buhirire buhiri tieraboaga.

³² Mari puhtoro pehe marine tuhtire, tiquina ye buhirire marine buhiri ti dutieraro. Apequina ñañequina Jesure ño peoye-

quina buhiri tiatiquina dihita ijire. Tiquina yero saha marine buhiri tigū cahmedare mari puhtoro.

³³ Sa yena yuhū acaye, Santa cenare ihyana tana cahmecoana, musa basi cohteniña.

³⁴ Sa ye musa mehna cjēna ujuha ahba, tiquina ye wuhusepu ihyariāhdo. Sa yena Santa cenare ihyana tana cahmecoana, cua pesaro yerariquina ye buhiri buhiri tisi musa. Apee borore yahu duami musare. Came yuhū basi esagupū musare yahutja tire.

12

Cohācjū yere mari yeatire cūno marine ye masigū yere Espiritu Santo

¹ Yuhū acaye ahrire yahu duaja musare. Cohācjū yere mari yeatire cūno marine ijipihtinare ye masigū yere Espiritu Santo. Sa yegu tire musa quehnoano masigū cahmeaja.

² Jesu yequina ijieranina sijoro saha ijiye buheyere tuho nanuna ijina, musa pehe “Cohācjū ijire”, tiquina niñe queoyere, yahuducueye queoyere ño peomedi. Tire masine musa.

³ Sa ijimedina musa ijigū yojopure ohō saha ni yahutja musare. “Jesu ñano wahacūnahdo”, niñequina Cohācjū yaquiro Espiritu Santo tutuaye mehna sa niñe niedare. Espiritu Santo warore cuoerare tiquina. Sa ijiye “Jesu mari puhtoro ijire”, niñequina pehe Espiritu Santo tutuaye mehna sa niñequina ijire tiquina.

⁴ Cohācjū yere ye masiñe peye ijire. Ti sa ijiepegūta marine ye masigū yeriquiro pehe ihcāquirota ijire. Tiquiro Espiritu Santo ijire.

⁵ Sa ye apequinare yedohoye gūhu peye ijire. Ti sa ijiepegūta mari puhtoro Jesu pehe marine yedoho dutiriquiro ihcāquirota ijire.

⁶ Sa ye Cohācjū yere yeye gūhu peye ijire. Ti sa ijiepegūta Cohācjū ijipihitina marine ye masigū yeriquiro pehe ihcāquirota ijire.

⁷ Marine Jesu yequinare Espiritu Santo yedohoro, Cohācjū tutuayere

ihñoño nine. Ohõ sahata yedohore tiqairo Jesu yequinare ijipihtiyequinare mari quehnoano yeatire.

8 Ihquẽquinare quehnoano masi yahugũ yere Espiritu Santo. Sa yero apequinare Cohãcjũ yere quehnoano buhegũ yere tiqairo.

9 Sa yero apequinare Cohãcjũre quehnoano wacũ tutuagũ yere tiqairo. Sa yero apequinare Cohãcjũ tutuayere ohore tiqairo. Ti tutuaye mehna tiquina pehe dohatiyequinare yuhdagũ yere. Cristore tiquina wacũ tutuagũ ihñano tiqairore tiquina sinidiro sahata yere tiqairo. Espiritu Santo ihcãquirola ijiriquiro ti tutuayere ohore.

10 Sa yero apequinare Cohãcjũ tutuaye mehna ihñoñene ye masigũ yere tiqairo. Sa yero apequinare Cohãcjũ yere quehnoano yahu masigũ yere tiqairo tiquinare. Sa yero apequina Jesu yequinare buheyere quehnoano bese masigũ yere tiqairo. Sa masiñe watño ye buheye ti ijigũ masine tiquina. Espiritu Santo waro ye buheye gũhare ti ijigũ masine tiquina. Sa yero apequinare tahomehneñe yahuducuyere yahuducu masigũ yere tiqairo. Sa yero tahomehneñe yahuducuyere yahuducuyequina tiquina nino sahata yahu yuhduo masigũ yere tiqairo apequinare.

11 Espiritu Santo ihcãquirola ijiriquiro tiqairo cahmeno saha marine ijipihtinare yuhũ yahuriro saha ye masigũ yere. Ihquẽquinare sijoro saha ye masigũ yere. Apequina gũhare sijoro saha ye masigũ yere.

Cristo yequina ijina ihcã curuata ijiaja mari

12 Ohõ sahata ijire ahri mehna mari queoye mehna yahugũ: Mari pagũ ihcã pagũ ijiepegũta omocari, caperi, dahpocãri, cahmo ti pũrita peye ijire mari pagũpũ ijiye. Sata ijiaja mari Cristo yequina gũhũ. Cristo yequina tiqairo pagũ yero saha ihcã curuata ijiaja.

13 Sa yena Cristo yequina ijina, tiqairo pagũ yero saha ihcã curu-

ata ijiaja mari. Judio masa, judio masa ijiena, cahacjãna, cahacjãna ijiena peye cururi mari ijiepenata ihcãquirola ijiriquiro tiqairo pagũ yero saha ihcã curuata ijiaja mari. Espiritu Santo ihcãquirola ijiriquiro tiqairo tutuaye mehna wame yenohrina ijiaja mari ijipihtina. Sa yena ihcãquirola Espiritu Santore cõoaja mari, Cristo ya curua cjãna ijina.

14 Mari pagũ ihcã pagũ ijiepegũta omocari, caperi, dahpocãri, cahmo, ti mari pagũpũ ijiye peye ijire.

15 Mũhũ dahpocã yahuducuri dahpocã ijiro, ohõ saha niboaga mũhare sijoro saha ni duaro: “Omoca ijieraja yuhũ. Sa yegũ pagũ cjã dahpocã ijieraja yuhũ”, niboaga. Mũhũ dahpocã sa nieperota pagũ cjã dahpocã ijirota nine.

16 Mũhũ cahmono yahuducuri cahmono ijiro, ohõ saha niboaga mũhare sijoro saha ni duaro: “Capea ijieraja yuhũ. Sa yegũ pagũ cjã cahmono ijieraja yuhũ”, niboaga. Mũhũ cahmono sa nieperota pagũ cjã cahmono ijirota nine.

17 ¿Mari pagũ capea dihita ijigũ dahse tahoboagari mari? Basioerare. ¿Sa yena mari pagũ cahmono dihita ijigũ dahse wijĩboagari mari? Basioerare.

18 Sa ijierare mari pagũ. Ohõ saha ijire. Mari pagũpũ ijiyere Cohãcjũ tiqairo cahmeno saha cũahye mari pagũre.

19 ¿Mari pagũpũ ijiye mariedagũ dahse wahaboagari mari pagũ? ¿Mari omocari dihita ijigũ dahse wahaboagari mari pagũ?

20 Mari pagũ ohõ saha ijire: Ihcã pagũ ijiepegũta mari pagũpũ ijiye peye ijire.

21 “Mũhũ yedohogũ cahmedaja”, mũhũ capea ni masiedare mũhũ omocare. Sa yero mũhũ dapu mũhũ dahpocãrine “Mũsa yedohogũ cahmedaja”, ni masiedare.

22 Apeye mari pagũpũ ijiyere “Thyo iji cjũñe ijire”, mari niñe pehere pototi cahmeaja mari apeye mari pagũpũ ijiye yuhduoro.

23 Sa yena mari pagurpū ijiyere apequina tūhomehneñe yahudu-
 “Ihyo ijiye ijire”, mari ni tūhotuepenata cuyere yahuducuna ijieraja mari.
 tire mari pagurpū ijiyere cahmeaja Sa yena apequina tūhomehneñe
 mari, mari quehnoano ijiato saha. Sa yahuducuyere yahu yūhdūoana
 yena apeye mari pagurpū ijiyere mari ijieraja mari. Sa yero maripe mari
 bue tiyere suhti mehna nūoaja mari. yeatire cūahye tiquiro.

24 Apeye mari pagurpū ijiyere 31 Sa yena Cohācjū yere ye masi du-
 nūoedaja mari. Ti pūritare ihñona, ana quehnoa yūhdūye pehere tutu-
 bue tieraja. Ohō saha iji dutiahye aro cahmeña mūsa. Sa yegū ijipihtiye
 Cohācjū mari pagure. Mari ihñoeñene yūhū nidi yūhdūoro mūsa cahmeatire
 mari pagurpū ijiyere mari quehnoano yojopure yahutja mū sare yūhū.
 ño peoye mehna cūoaja. Sata ye dutiahye Cohācjū.

25 Sa ye mari pagurpū ijiye ti basi
 cahme yedohore.

26 Sa ye mari caperi ñano yūhdūgū
 apeye mari pagurpū ijiye gāhū ñano yūhdūre. Sa ye mari caperi
 quehnoañe wahagū mari pagurpū ijiye gāhū quehnoano tūhoture.

27 Sa yegū ohō saha nigū niaja
 mū sare: Mūsa pehe Cristo pagū yero saha ihcā curuata ijire. Sa yena ijip-
 ihtina mūsa tiquiro pagurpū ijiye yero saha tiquiro yequina ijire.

28 Sa yero Jesu yequinare mari
 yedohoatire cūahye Cohācjū ma- rine. Ohō saha cūahye tiquiro
 marine. Ihquēquinare marine buhe dutiro Jesu cū māhtarinare cūahye
 tiquiro. Apequinare tiquiro yere yahu māhartiquinare cūahye. Ape-
 quinare masare buheatiquinare, apequinare Cohācjū tutuaye mehna
 yeatiquinare, apequinare dohatiye- quinare yūhdūoatiquinare, ape-
 quinare masare yedohoatiquinare, apequinare masa pūhtoā ijia-
 tiquinare, apequinare tūhomehneñe yahuducuyere yahuducuatiquinare
 cūahye Cohācjū marine.

29 Sa tiquiro cūgū ijipihina ihcāno
 saha tiquiro cūrina ijieraja mari. Ape- quina Cohācjū buhe dutiro tiquiro
 cūriquina ijierare. Sa yena apequina Cohācjū yere yahu māhtarina ijieraja
 mari. Sa yena apequina masare buhena ijieraja mari. Sa yena
 apequina Cohācjū tutuaye mehna yeatina ijieraja mari.

30 Sa ye apequina dohatiyequinare
 yūhdūoatiquina ijierare. Sa yena

13

Apequinare quehnoano tiquina cahīatire yahuahye Pablo

1 Masa ye yahuducuyere yahuducu
 masiepenata, angele ye yahudu- cuyere yahuducu masiepenata ape-
 quinare cahīedana, dūhseanaja ijier- aja mari. Sa ye mari yahuducuyere
 gūhū dūhseati ijierare. Sa yena ape- quinare cahīedana mari yahuducuna,
 ihyo waro yahuducuna niaja.

2 Cohācjū yere quehnoano
 yahu masiepenata, masa tiquina masiedarire Cohācjū yere tiquina
 buheri gūhūre masi pehoepenata apequinare cahīedana dūhseanaja
 ijieraja mari. “Ahdū cūnū ape sierpū wahaahro”, mari nigū “Potota mari
 nidiro sahata Cohācjū yerota”, ni mari tūhotugū sata yerota. Cohācjūre
 sa ni tūhotuyequina ijiepenata ape- quinare cahīedana ne dūhseanaja
 ijieraja mari.

3 Ijipihtiyere pejecūoyequinare
 mari ohoepegūta apequinare mari cahīedagū ti mari ohori dūhseati
 ijierare. Sa yena Cohācjū yere yena tana mari pagure mari ūjūa
 mūo dutiepegūta apequinare mari cahīedagū ti mari sa yeye dūhseati
 ijierare.

4 Usueraja apequinare cahīna.
 Tiquinare cahīna quehnoano yeaja tiquinare. Sa yena apequinare
 cahīna tiquinare coeraja. Sa yena mari cahīniquiro mehna ijina “Mūhū
 yūhdūoro ijigū ijiaja”, niedaja mari.

5 Apequinare cahīna “Mū sare
 masi yūhdūdūcaja”, niedaja mari

tiquinare. Sa yena apequinare cahña tiquinare ño peoro mehna yeaja mari. Apequinare cahña “Ûsã cahmeno saha yeaja. M̄sa cahmeno saha yeraja”, niedaja mari. Sa yena tiquinare cahña duita usueraja mari tiquina mehna. Sa yena apequinare cahña marine ñano tiquina yegũ ḡh̄ure tiquina mehna sa usuaducueraja mari.

6 Apequinare cahña ñañene tiquina yegũ ihñana bucueraja mari. Quehnoañe pehere tiquina yegũ ihñana tutuaro bucueaja.

7 Apequinare cahña tiquina ye buhiri ñano yahd̄epenata tiquinare sa cah̄iducuaaja mari. Apequinare cahña apequina pehe mari cah̄iñequinare tiquina yahu wajagũ t̄hoepenata tire t̄ho dueraja. Mari cah̄iñequinare apequina yahugũ quehnoañe dihitare t̄ho duaja mari. Apequinare cahña “Tiquina ñañene yesi”, ni t̄hotuaja mari tiquinare. Apequinare cahña ñano yahd̄epenata tiquinare cah̄i duhusi mari.

8 Ti cahme cah̄iñe ne pihtisi. Coh̄cjũ yere yahuye pehe came pihtia waharota. T̄homehneñe yahuducuye ḡh̄u came pihtia waharota. Coh̄cjũ yere masa tiquina buheri ḡh̄u came pihtia waharota. Apequinare cahme cah̄iñe pehe ne pihtisi.

9 Yojōp̄ure Coh̄cjũ yere mari masi peho masiedaja. Sa yena tiquiuro yere yahuna mari yahu peho masiedaja. Mari masi pehoati d̄hsare.

10 Sa yena Cristo ñañe marieniquiuro tiquiuro tojoa wihiri bato mari masi pehonata. Sa yena ñañe mariena ijinata. Ti pjere masi pehonata. “Masiedaja”, ni nemosi.

11 Mari masi pehoati ohõ saha ijire: Nijiḡu ijiḡu nijinogã yero saha yahuducumi ȳh̄u. Sa yeḡu nijinogã yero saha t̄hotumi. Sa yeḡu buc̄u wahaḡu nijinogã tiquiuro yeriro saha duhu cãu. Sata mari yojōp̄ure “Masi pehoeraja”, niepenata camep̄ure masi pehonata.

12 Eõno quehnoano w̄h̄doa ba-juero saha yojōp̄ure quehnoano masi pehoeraniaja mari. Came apequiurore quehnoano mari ihña masino saha mari masi pehonata. Yojōp̄ure mari masi pehoati marine d̄hsare. Coh̄cjũ marine tiquiuro quehnoano masi pehoiro saha came mari ḡh̄u quehnoano masi pehonata.

13 Sa ye ihtiarore mari ye masi-aja yojōp̄ure. Coh̄cjũre wacũ tutua masiaja. Sa yena marine tiquiuro ȳh̄d̄oatire masina, mari quehnoano cohte masiaja. Sa yena apequinare cahme cah̄i masiaja. Ahri ihtiaro ijire pototi mari yeati. Sa yena apequinare cahme cahña, ahri p̄aro ȳh̄d̄oro yena niaja. Wacũ tutuaye, tiquiuro ȳh̄d̄oatire cohteye ȳh̄d̄oro ijire cahme cah̄iñe pehe.

14

*T̄homehneñe yahuducuyere
yahuahye Pablo*

1 Sa yena apequinare cahme cahña m̄sa. Sa ye Coh̄cjũ yere m̄sa quehnoano ye masiatire cahmeña m̄sa. Coh̄cjũ yere m̄sa yahuati p̄iritare tutuaro cahmeña m̄sa.

2 T̄homehneñe yahuducuyere yahuducuriquiuro Coh̄cjũ mehna dihita yahuducure. Sa ni yahuducuro masa mehna yahuducuro niedare tiquiuro. Tiquiuro sa ni yahuducugũ t̄hoye masa pehe ne t̄hoerare tiquiurore. Masa tiquina masiedarire Esp̄iritu Santo tutuaye mehna yahuducuro nine tiquiuro.

3 Coh̄cjũ yere yahuriquiuro pehe masa pehere yahure. Sa yahuro tiquiuro masare yedohoro nine. Sa yero tiquinare buhero nine tiquiuro. Sa yero tiquina ñano ȳh̄d̄ugũ tiquinare bucuegũ yere.

4 T̄homehneñe yahuducuyere yahuducuriquiuro ihcãquiurota buhere. Apequinare buherare. Coh̄cjũ yere yahuriquiuro pehe apequinare Jesu yequinare buhero, yedohore tiquiuro.

⁵ Tuhomehneñe yahuducuyere ijip- ihtina m̄sa yahuducugã quehnoaboagã ijire”, ni t̄hoturota ȳh̄are. Sa yegu ȳh̄u t̄hotugã. Sa ijiepegãta Cohãcjũ yere m̄sa yahugã p̄ritare tutuaro cahmeaja. Cohãcjũ yere yahuriquiro pehe t̄homehneñe yahuducuyere yahuducuriquiro ȳhd̄oro apequinare yedohore. Sa ijiepegãta t̄homehneñene yahuducuriquiro tiqiro yahuducuyere apequiro yahu ȳhd̄ogũ tiquina pehe pototi apequinare yedohore. Tiquiro yahuducuyere yahu ȳhd̄oriquiro ijiro tiqiro pehe apequinare Jesu yequinare buhero nine.

⁶ Tuhomehneñe yahuducuyere m̄sa mehna ȳh̄u yahuducugã, apequiro m̄sare tiqiro yahu ȳhd̄oeragũ m̄sare yedohoeraboaga ȳh̄u. Sa yegu Cohãcjũ ȳh̄are tiqiro yahurire yahugã, tiqiro yere ȳh̄u masiñene yahugã, apeyere tiqiro yere yahugã m̄sare yedohogã niaja. Tire m̄sa t̄hoatire m̄sare buhegã m̄sare quehnoano yedohogã niaja ȳh̄u.

⁷ Tuhomehneñene yahuducuriquiro tiqiro yahuducuye basa wamoaja yero saha ijire. Carisure putina, arpare b̄uã p̄t̄ena tire mari queoro yeragũ ti basayere apequinare masino basioerare.

⁸ Sa yero cornetare putiriquiro surara ijiro tiquina cahme wejẽato panore queoro tiqiro putieragũ apequina surara pehe tiquina cahme wejẽatire masisi. Sa ye tiquina cahme wejẽato pano tiquina wejẽatire wamoare quehnoyuriquina ijisi tiquina.

⁹ Sata m̄sa gũh̄u t̄homehneñe yahuducuyere m̄sa yahuducugã t̄hoye, yahu ȳhd̄oriquiro mariedagã apequina tire ne masisi. Tiquina sa masiedagã m̄sa yahuducuye d̄h̄seati ijierare.

¹⁰ Ahri yehpap̄u peye yahuducuye ijiaga. Sa ye tire yahuducuyequina tiquina basi sa yahuducuyere quehnoano t̄hore.

¹¹ Ihcãquiro ye yahuducuyere ȳh̄u t̄hoeragũ ihñano tire yahudu-

curiquiro pehe “Ape dihta cjũno t̄hoturota ȳh̄are. Sa yegu ȳh̄u gũh̄u sata ni t̄hotutja tiqirore.

¹² Sata ijiri m̄sa gũh̄u t̄homehneñene yahuducuna. Esp̄ritu Santo tiqiro tutuaye mehna tutuaro ye duamene m̄sa. Tiquiro tutuaye mehna sa ye duana apequina Jesu yequinare m̄sa buheatire tiquinare m̄sa yedohoatire tutuaro cahmeña m̄sa.

¹³ Sa yero t̄homehneñene yahuducuriquiro tiqiro yahuducurire tiqiro quehnoano yahu ȳhd̄oatire Cohãcjũre siniahdo tiqiro.

¹⁴ Tuhomehneñe yahuducuye mehna Cohãcjũre sinigã ȳh̄u t̄hotuye mehna sinigã niaja. Sa sinigã ȳh̄u t̄hotuyere apequinare quehnoano yahueraja. Sa yegu apequinare yedohoeraja ȳh̄u.

¹⁵ Ahrire masina, ohõ saha yenata mari: Esp̄ritu Santo tutuaye mehna t̄homehneñe yahuducuye mehna Cohãcjũre sininata. Sa yena ape deco p̄u quehnoano masi t̄hotu, apequina tiquina quehnoano t̄hoatire tiquina ye mehna Cohãcjũre sinina, ti gũh̄are sininata tja. Esp̄ritu Santo tutuaye mehna t̄homehneñe yahuducuye mehna Cohãcjũ yere basanata. Sa yena ape deco quehnoano masi t̄hotu, apequina tiquina quehnoano t̄hoatire tiquina ye mehna Cohãcjũ yere basana, ti gũh̄are basanata tja.

¹⁶ Mari sa yeragũ t̄homehneñe yahuducuye mehna Esp̄ritu Santo tutuaye mehna Cohãcjũre “Quehnoariquiro, tutuariquiro ijire”, mari niepegãta apequina pehe ne t̄hoerare. Sa t̄hoeraye “Poto ijire”, ni masiedare.

¹⁷ Tuhomehneñe yahuducuye mehna Cohãcjũre “Quehnoare”, ni masiaja mari. Mari sa niñe quehnoañe ijiepegãta tire yahu ȳhd̄oerana apequinare buheraja mari. Sa yena tiquinare yedohoeraja mari.

¹⁸ Ijipihtina m̄sa ȳhd̄oro ȳh̄u pehe t̄homehneñene yahuducujaja. Sa yegu Cohãcjũ ȳh̄are sa yahuducu masigã tiqiro yegã tiqirore “Quehnoare”, niaja ȳh̄u.

19 Sa yahuducugü yuhü ijiepegüta Jesu yequina cahmecoañequina watoa yuhü ijigü, tühomeneñe yahuducuye mehna peye yuhü yahuepegüta dahseati ijierare. Ti yuhüoro masa tiquina quehnoano tühöati pehe meheñegã yuhü yahuepegüta quehnoarñe, yuhü tühötugü.

20 Yuhü acaye, macanagã tühö masieñequinagã tiquina ijiro saha ijieracãhña mûsa. Sa yena coã bajuayequina ñahe yeyere tiquina masieno saha ijiya mûsa gũhü. Sa yena bucuna tühö masieñequina tiquina ijiro saha ijiya mûsa.

21 Cohãcjü yere tiquina ojoari pũpu ohö saha nine: “Tühomeneñene yahuducuyequinare ahriquina masare yeere yahu dutiitja. Sa yegü ape dihta cjênare yeere yahu dutiitja ahriquina masare. Yuhü sa yahu dutiepegüta ahriquina yuhü yahuyere tühösi’, nine Cohãcjü mari pãhoro”, nine Cohãcjü yere tiquina ojoari pũpu.

22 Sa ye tühomeneñene yahuducuye Jesu yequinare Cohãcjü tutuayere masigü yeati ijierare. Ti yahuducuye Jesure cahmeeñequina pehere Cohãcjü tutuayere masigü yeati ijire. Sa yero Cohãcjü yere yahuye Jesure cahmeeñequinare Cohãcjü tutuayere masigü yeati ijierare. Cohãcjü yere yahuye Jesu yequina pehere Cohãcjü tutuayere masigü yeati ijire.

23 Sa ye ijipihtina mûsa Jesu yequina cahmecoagü tühomeneñene mûsa yahuducugü tire masieñequina, apequina Jesure cahmeeñequina gũhü sajã, tühoboaga. Sa tühöye “Tiquina tühö masieñequina ijire”, niboaga mûsare tiquina.

24 Ijipihtina mûsa Cohãcjü yere mûsa yahugü pũrita tire masiedariquiru Jesure cahmedariquiru sajã dũca tühöro, tiquiro ñahe yerire masiboaga tiquiro. Sa yero tiquiro ñahe yerire bajũa witiboaga tiquiro.

25 Sa yero poto tiquiro ijiye tiyere tiquiro tühötuye gũhare masiboaga tiquiro. Sa yero Cohãcjü poto dũsepe

curi mehna quehe saro, tiquirore ño peorota. Sa yero “Cohãcjü potota mûsa mehna ijire”, ninota tiquiro mûsare.

Mûsa cahmecoana quehnoano yeya dojomehnenno marieno

26 Sa yegü yuhü acaye, mûsare ahrire nigü niaja: Cahmecoana ihquẽquina mûsa mehna cjëna Cohãcjü yere basa duare. Sa yena apequina buhe duare. Sa yena apequina Cohãcjü mûsare tiquiro buherire yahu duare mûsa. Sa yena apequina tühomeneñe mehna yahuducu duare mûsa. Sa yena mûsa apequina ti yahuducuyere yahu yuhüo duare mûsa. Ti ijipihtiyere sa yena apequina mûsare tühöyequina tiquina quehnoano masiatire tire yeya.

27 Sa yena tühomeneñe mehna mûsa yahuducuna pũana, ihtiana topenata yahuducuya mûsa. Sa yena camesa yahuducuya. Mûsa sa yahuducugü, ihcãquiro mûsa mehna cjãno mûsa yahuducurire apequinare yahu yuhüoahro.

28 Mûsa yahuducuyere yahu yuhüoriquiro mariedagü mûsa cahmecoana ijipihtina mûsa tühomeneñene yahuducu duana yahuducueracãhña. Sa yena masa marienopũ Cohãcjü mehna yahuducuya mûsa.

29 Sa yena Cohãcjü yere yahu duana pũana, ihtiana topenata yahuya mûsa. Mûsa sa yahugü apequina mûsare tühöyequina mûsa yahurire quehnoano tühö nũnũahdo.

30 Sa yero Espiritu Santo Cohãcjü yere apequirore topũ dujiriquirore yahu dũcaboaga. Tiquiro yahu dũcagü tiquirore tühoriquiro gũhü Jesu yequinare yahu duaboaga. Sa yero tiquiro pano yahuriquiro pehe dihta mariahdo.

31 Sa yena ijipihtina mûsa Cohãcjü yere yahuna, camesa yahuya mûsa ijipihtiyequina apequina tiquina quehnoano tühötire, tiquina quehnoano bucueatire.

32 Sa yena Cohãcjũ yere yahuna ijina, quehnoano tũho masi, quehnoano tũhotu yahuducuya.

33 Cohãcjũ tiquiro yequina tiquina cahmecoanopũ tiquina cahme yahuducugũ, suhri gũ cahmedare tiquiro. Dojomehnenno marieno tiquina quehnoano ijigũ cahmene tiquiro. Ijipihtiropũ Jesu yequina cahmecoa, ohõ saha yere tiquina.

34 Tiquina cahmecoanopũ numiare yahuducu dutierare. Tiquina numiare mari pehe yahuducu dutieraja. Cohãcjũ ojoari pũpũ tiquiro nidiro sahata numiare umũare quehnoano yũhtiyequina numia ijiro cahmene. Sa ye cahmecoanopũ numia masare yahuducueracãhdo.

35 Jesu yequina tiquina cahmecoanopũ numia tiquina yahuducugũ ñarĩne. Sa yero apee borore masi duaro numino ticoro ya wũhũpũta ticoro manũnore sinituahro.

36 Ahri yũhũ yahuatire quehnoano masiña mũsa. Cohãcjũ yere yahu mũhtana ijierare mũsa. Sa yena tiquiro yere tũhorina mũsa dihita ijierare. Apequina gũhũ tiquiro ye buheyere cũore.

37 Mũsa mehna cjãno “Yũhũ Cohãcjũ yere yahugũ ijiaja”, ni tũhoturiquiro ijiro ahri mũsare yũhũ ojoari Cohãcjũ dutiye ijigũ masiahdo tiquiro. Sa yero apequiro “Espĩritu Santo tutuaye mehna ye masiaja”, ni tũhoturiquiro ijiro tiquiro gũhũ ahri yũhũ ojoari Cohãcjũ dutiye ijigũ masiahdo tiquiro.

38 Tire tiquiro masi dueragũ yũhũ ojoarire “Poto ijierare”, tiquiro nigũ tiquirore duhu cãhña. Tũhoeracãhña tiquirore.

39 Sa yena yũhũ acaye, Cohãcjũ yere yahuna mũsa ijiatire tutuaro cahmeña mũsa. Sa yena mũsa mehna cjẽna mũsa cahmecoanopũ tũhomehneñe yahuducuye mehna tiquina yahu duagũ “Sa yahuducueracãhña”, niedacãhña tiquinare.

40 Sa cahmecoana quehnoano, cahme dojomehnenno marieno yeya mũsa.

15

Quehnoañe buheyere tiquiro yahurire yahuahye Pablo

1 Yojopũre yũhũ acaye, quehnoañe buheyere mũsare yũhũ yahurire mũsare wacũgũ ye duaja. Ti buheyere quehnoano cahmene mũsa. Sa cahmena ti buheyere ne cohãedare mũsa.

2 Mũsa sa cahmegũ tire mũsa cohãedagũ Cristo mũsare pecapũ wahaborinare yũhũo tuhasari. Mũsa sa tũhori bato Cristo yere mũsa duhu cãgũ ti mũsa tũhori dũhseati ijierare.

3 Ohõ saha ni yahu mũhtantja mũsare. Ahri ihyo waro ijierare. Mũsare buhe gũ yũhũre Cristo tiquiro yahurire mũsare ohõ saha ni yahuu: Cohãcjũ yere tiquina ojoariro sahata mari ñañe buhirire Cristo yariahye.

4 Sa yero Cohãcjũ yere tiquina ojoariro sahata Cristo tiquiro yariari bato apequina tiquirore tiquina yagũ ihtia deco wahaboro tiquiro pehe masa wijiahye.

5 Tiquiro sa masa wijari bato Pedroro bajuahye. Tiquiro sa bajuari bato apequinare tiquiro buheyequinare bajuahye tja.

6 Tiquiro sa bajuari bato ihcã tahata quinientos bui ijiequinare tiquiro yequinare bajuahye tja. Ihquẽquina tiquirore ihñariquina mũna yojopũre yariariquina mũna ijire. Tiquina sa ijiepegũta peyequina tiquina mehna cjẽna yojopũre ijinine.

7 Came Cristo Santiagore bajuahye tja. Sa tiquiro bajuari bato ijipihtiyequina buhe duti tiquiro cũriquinare bajuahye tja.

8 Ijipihtiyequina apequinare tiquiro bajuari bato yũhũ gũhũre bajuari tja. Nijinogã queoro masa bajueriquirogã tiquiro masa bajua nũnũ tãriro saha yũhũ gũhũ Jesure wacũ tutua nũnũ tãrigũ ijiaja. Yũhũ sa ijirigũ ijigũ tiquina batopũ bajuari Jesu yũhũ gũhũre tja. Yũhũreta tiquiro bajua bato tiri.

9 Panopũre Jesu yequinare ñano yemi. Sa yerigũ ijigũ apequina Jesu

cūriquina ijipihtiyequina tiquina do-
capu waro ijiaja yuhu. Sa yegu yo-
jopu gūhare Jesu buhe duti tiquiro
cūnohborigu ijierami yuhu.

10 Sa ijiepeguta Cohācjū yuhare
cahīgū yojopure Jesu cūrigu ijiaja
yuhu. Sa yegu yuhare tiquiro cahīgū
yojopure tiquiro cahmeñene ye pe-
hoaja. Sa yegu yuhare cahīgū tiquiro
yaquiro sa iji cāgu niedaja. Ijipihtiye-
quina apequina tiquiro cūriquina
yuhduoro yuhu pehe tutuaro buhei.
Sa buhegu yuhu esa tuharo buheru.
Cohācjū yuhare cahīno yuhare yedo-
hori.

11 Ūsā buheye pehe ihyo waro
ijierare. Yuhu musare quehnoañe
buheyere buherigu yuhu ijigū ape-
quina yuhduoro yuhare masa ño
peogū ihyo waro ijiro nine. Tiquina
gūhu musare buheyequina ijigū ape-
quina yuhduoro tiquina gūhare masa
ño peogū ihyo waro ijiro nine. Ūsā
pehe ahrire buhena ijiepenata ihyo
ijina ijiaja. Ūsā buheye pehe ihyo
waro ijierare. Sa yena masa pehe
ahri buheyere quehnoano tūhore.

*Yariariquina muna tiquina masa
wijiarire yahuahye Pablo*

12 Cristo yariari bato tiquiro masa
wijiarire usā buhepegūta “Yari-
ariquina muna ne masa wijiaerare”,
nine masa mehna cjēna ihquēquina.
¿Duhse ijiro boro sa niajari tiquina
tire?

13 Sa yero yariariquina muna masa
wijiaeragū Cristo gūhu ne masa wiji-
aeraboya.

14 Sa ye Cristo masa wijiaeragū
quehnoañe buheyere usā yahuri ne
duhseati ijieraboya. Tiquiro masa
wijiaeragū tiquirore masa wacū tutu-
aye gūhu duhseati ijieraboya.

15 Masa wijiaro mariedagū usā
pehe Cohācjū yere ni mehona niboya.
Yariariquina muna tiquina masa
wijiaeragū Cohācjū pehe Cristore
masa wijiaeragū yeraboya. Tiquiro
sa yeragū “Cohācjū Cristore masa
wijiaeragū yeahye”, nina ni mehona
ijiboaga usā.

16 Yariariquina mūnare Cohācjū
masoedaro, Cristo gūhare tiquiro
masoedaboya.

17 Sa yero Cristo masa wiji-
aeragū tiquirore masa wacū tutuaye
duhseati ijieraboaga. Sa yena masa
ñañe buhiri, buhiri tiboaga masa.

18 Masa wijiaro mariedagū Cristo
yequina muna yaria mūhtariquina
pecapu waha tuhasaboya.

19 Cristore mari wacū tutuari bato
mari yariana masa wijia masiedana
ijipihtiyequina apequina masa
yuhduoro pejecuona ijiboaga mari
pehe. Sa yena tiquirore ihyo warota
wacū tutuana niboaga mari.

20 Potota Cohācjū Cristore masa wi-
jiagū yeahye. Cristo masa wijiaro bato
mari gūhu yarianapu masa wijianata
ijiaja. Tiquiro sa masa wijiaro, ma-
rine siho masa wijia mūhtariquiro
ijire.

21 Ohō saha ijire ahri: Adán mehna
masa yaria ducahye. Ohō saha
apequiro mehna yariariquina muna
masa wijiaeta.

22 Adán yequina iji nūnu tānapu
mari ijipihtina yarianata. Sata Cristo
yequina mari ijigū mari yariari bato
marine masa wijiaeragū yerota Cohācjū.

23 Ihquē cururi masare tiquina
queori pje ijigū masa wijiaeta. Cristo
marine iji mūhtariquiro masa wijia
mūhtahye. Came ahri yehpapu
tiquiro tojoa tagū tiquiro yequina
gūhu masa wijiaeta.

24 Ti pjeta pihtiri deco ijirota. Sa
yero ijipihtiyequina watfare, watia
puhtoare, tutuayequinare cohāno,
Cristo yuhduocarota. Tiquiro sa yeri
bato ijipihtiyequina puhtoro tiquiro
ijirire Cristo wijiaro, Cohācjūre mari
Pacure comesarota.

25 Tiquiro wijiato pano mari
Pacu Cristore ihña tuhtiyequinare
tiquiro yuhduuca pehoato pano
Cristo pūrita ijipihtiyequina puhtoro
ijirota. Sa ijiriquirota ijiro cahmene
tiquirore.

26 Tiquirore ihña tuhtiyequinare
tiquiro yuhduucari bato, yariamedi
gūhare cohā cānota. Yariaye pihtia

waharota.

²⁷ Ijipihtiyequina bui dutiatiquirore cūahye Cohācjū Cristore. Ijipihtiyere cūoriquiro gūhure cūahye tiquirore. Sata nine Cohācjū yere tiquina ojoari pūpū. Cohācjū pehe tiquirore cūriquiōro ijire. Sa yero “Ijipihtiyequina bui dutiatiquirore cūahye tiquirore”, nino, “Cohācjū bui dutiriquiro ijire tiquiro”, nino niedahye tiquiro yere tiquina ojoari pūpū.

²⁸ Ijipihtiyequina bui dutiriquiro Cristo Cohācjū macūno ijigū Cohācjū tiquirore cūriquiōro pehe tiquiro macūno bui dutiriquiro ijirota. Sa yero Cohācjū pehe ijipihtiyequina pūhtoro waro ijire. Ijipihtiyere cūoriquiro gūhū ijire.

²⁹ ¿Masa wijiāro mariedagū dūhse ye apequina masa yariariquina mūna ye ijiatire tiquina wame yenohriquina ijiajari? Yariariquina mūna masa wijiāeragū tiquina ye ijiatire apequina wame yegū ihyo warota wame yenohriquina ijiboaya.

³⁰ Ūsā pehe ūsā buheri buhiri decoripe apequina ūsāre tiquina űano ye duagū cuarīne ūsā gūhure. Ūsāre sa cuaepēgūta masa wijiāro ijigū masina sa buheducujaja ūsā.

³¹ Mari pūhtoro Jesucristo yequina mūsa ijigū tiquirore wacū tutua nemonā mūsa wahagū yūhū pehe tutuaro bucueaja yūhū mūsa mehna. Ti ijirota ijire. Sa yero “Dūhse ijiri decopū yūhure yariāro cuarīne”, yūhū nigū ti gūhū ijirota ijire.

³² Efeso cjēna usuayequina quehnoañe buheyere yūhū buheri buhiri yūhure quēdi. Masa wijiāro mariedagū Jesu yaquiōro yūhū ijieragū, yūhū sa űano yūhdūri dūhseati ijieraboya. Ihyo waro űano yūhdūgū niboya yūhū. Yariariquina mūna tiquina masa wijiāeragū ohō saha niboaga mari: “Came cjūnogā yarianata. Dūhse wahasi mari. Sa yena ihya sihniihna. Mari esa tuharo yeihna”, niboaga mari.

³³ Ni mehoñene tūhotueracāhña mūsa. “űañequinare piti tina,

quehnoañe mūsa yerire bonata mūsa”, nine masa. Ti ijirota ijire.

³⁴ Quehnoañene tūhotuna ijiya mūsa. Sa yena quehnoañene yena ijiya tja. Sa yena űañene ye nemoedacāhña tja. Ihquēquina mūsa mehna cjēna ne Cohācjūre masiedare. Mūsa būoro wahati pehere mū sare sa niaja.

Yariariquina mūna tiquina masa wijiārore yahu nemoahye Pablo

³⁵ Sa ye mūsa mehna cjūno ohō saha ni sinituboaga yūhure: ¿Dūhse yariariquina mūna masa wijiāetari? ¿Dūhse ijiye pagūri masa wijiāetari? ni sinituboaga.

³⁶ Sa sinituriquiro tūho masieniquiro ijire. Oteri pjere mari oteri bato ti pje ahbagū waro pihnine. Ahbaeraro ne pihni. Tire masine mūsa.

³⁷ Būjūye cjūpūre oteraja mari. Ti pjeri dihitare oteaja mari. Ti pjeri trigo pjeri ijiro ijiboaga. O apee boro pjeri ijiro ijiboaga.

³⁸ Ti pjerire mari oteri bato Cohācjū tiquiro cahmediro saha ti pjerire bucua mūjagū yere. Sa yero oteye pjerire būjūye pihnigū yere tiquiro. Sata pihni dutire Cohācjū.

³⁹ Ijipihtiyequina pagūri ihcāno saha bajuerare. Masa pagūri pehe ihcāno saha ijire. Wahiquina pagūri gūhū sijoro saha bajure. Minicjūa pagūri gūhū sijoro saha bajure. Sa yeye wahi gūhū sijoro saha pagū tire.

⁴⁰ Sa ye ūhmūse cjē gūhū sijoro saha bajure. Sa yeye ahri yehpa cjēna gūhū sijoro saha pagū tire. Sa yeye ūhmūse cjēna pagūri gūhū sijoro saha bajure. Sa yeye ahri yehpa cjē ūhmūse cjē yero saha ijierare.

⁴¹ Ohō saha ijire. Asū deco cjūno asi sitere. Sa ye űami cjūno gūhū sijoro saha ijire tiquiro gūhū. Ihyo buhriore. Sa yeye űahpicoha gūhū sijoro saha asi paare. űahpicoha pari gūhure mari ihñagū ihquē paca mehenogā asiye paca bajure. Sa yeye apeye paca tutuaro asiye paca bajure.

⁴² Ohō saha ijire yariariquina mūna tiquina masa wijiagū. Masūno

tiquiro pagure mari yari bato tiquiro pagu ahbaa waharota. Sa yero ape pagu sijoro saha ijiri pagu ijipihtiye decori catiati pagu masa wijiarota.

⁴³ Ti pagure mari yagū yariariquiro munano pejecuo nine. Cohācjū tiquirore masogū tiquiro pagu quehnoa yūhdūari pagu ijire. Sa yero tiquiro pagu mari yari pagu tutuaye mariedi pagu ijire. Sa yero Cohācjū tiquirore masogū tiquiro pagu tutua yūhdūare.

⁴⁴ Ahri yehpa cjā pagure mari yagū yariariquiro munano tiquiro masa wijiağū tiquiro pagu uhmuse cjā pagu ijirota. Ahri yehpa cjā pagure mari cūona, uhmuse cjā pagu gūhure cūonata, masa wijiana.

⁴⁵ Sata ni yahure Cohācjū yere tiquina ojoari pūpū: “Ahri yehpapū iji mūhtariquiro Adán wame tiriquiro catiriquiro wahahye”, ni ojoahye. Ti sa ijiepegūta Adán yero saha ijiriquiro bato tiriquiro Cristo pehe catiyere ohoro ahtahye.

⁴⁶ Ahri yehpa cjā pagu iji mūhtari pagu ijire. Cemeru uhmuse cjā pagu ijirota.

⁴⁷ Ohō saha ijire: Iji mūhtariquiro Adán pehe ahri yehpa cjāno dihta mehna tiquiro yeri pagure pagu tiahye. Tiquiro bato ahtariquiro, Cristo pehe uhmusepū ahtahye.

⁴⁸ Dihta mehna tiquiro yeri pagure pagu ti mūhtariquiro tiquiro ijiriro saha ijipihtina apequina dihta mehna tiquiro yeri pagure pagu tina ijaia mari. Sa yena uhmusepū ahtariquiro yero saha tiquiro yequina ijipihtina tiquiro yero saha pagu tina ijinata mari.

⁴⁹ Dihta mehna tiquiro yeri pagure pagu tiriquiro yero saha bajuaja mari. Tiquiro yero saha mari ijiriro saha uhmuse cjāno yero saha bajunata mari.

⁵⁰ Yūhū acaye, mū sare ahrire yahu duaja: Ahri yehpa cjā pagu dii mehna, dihi mehna ijiri pagu Cohācjū pūhtoro ijirōpūre uhmusepūre ne wahasi. Mari pagu ahbati pagu ijire.

Sa ye uhmusepū ijipihtiye decori mari ijiatōpūre ahri pagu wahasi.

⁵¹⁻⁵² Panōpūre masa tiquina masiedarire yojōpūre mū sare yahu duaja: Mari mehna cjēna ihquēquina yariasi. Sa ye duita, tiquina pagurire comesayequina ijietā. Cornetare tiquiro puti, bato tiri decopū sata waharota marine. Ohō saha waharota. Corneta bisiri bato yariariquina mūnare Cohācjū masonota ijipihtiye decori tiquina ijiatire. Sa yena pagurire comesarina ijinata mari gūhū.

⁵³ Mari pagurire tiquiro comesagū to pano mari ahbati paguri ijiepegūta mari comesari bato ne ahbasi. Sa ye mari paguri comesagū to pano mari yariati paguri ijiepegūta ne yariasi.

⁵⁴ Mari ahbati paguri ne ahbaerati pagurire comesarota. Sa ye mari yariati paguri sa ijiducuati pagurire comesarota. Sa marine comesagū panōpū tiquiro ojoariro saha sa waharota: “Cohācjū yariayere cohā cāri.

⁵⁵ Yojōpūre ne pari turi mari yariasi. Sa yena yariaro mehna pari turi ñano yūhdūsi mari”, ni ojoahye panōpūre.

⁵⁶ Mari ñañe buhiri ijigū pūrita yariaro mehna ñano yūhdūnata. Sa ye Cohācjū dutiye Moiserē tiquiro cūrire mari masidi bato, buhiri tiaja mari. Sa yero marine pecapū waha dutire Cohācjū dutiye.

⁵⁷ Tiquiro sa dutiepegūta mari pūhtoro Jesucristo pehe marine pecapū wahaeragū yere. Tiquiro sa yeriquiro ijigū masina Cohācjū mehna bucue, “Quehnoare”, niaja mari.

⁵⁸ Sa yena yūhū acaye, yūhū cahña, Cristore wacū tutua duhueracāhña. Sa yena apequina mū sare quehnoañe buheyere tiquina cohā dutigū, ne cohāedacāhña tire. Sa yena decoripe mari pūhtoro Jesucristo tiquiro ye dutiyere quehnoano yeducuya mūsa. Mari pūhtoro Jesucristo yere mari yegū, ahri ihyo waro ijierare. Ahrire masina tiquiro ye dutiyere quehnoano yeducuya mūsa.

16

*Apequinare Jesu yequinare Corinto
cjēna niñeru tiquina ohoatire yahuahye
Pablo*

¹ Yojoꝑure apequinare Jesu yequinare m̄sa niñeru ohoatire yahu duaja m̄sare. Galacia yehpa cjēnare Jesu yequinare ȳh̄ dutiriro sahata m̄sa ḡh̄ yeya.

² Semanaripe domingo ijigū ijipihtina m̄sa Jesu yequinare ohoati niñerure mehenogā ohoya. Mehenogā c̄ona mehenogā ohoya. Sa yena paji cjūnogā c̄ona paji cjūnogā ohoya. Semanaripe m̄sa sa yegū m̄sa cahap̄ ȳh̄ esagū m̄sa ohoati niñeru iji tuhasarota.

³ M̄sa ohoatire yahuye p̄rine ojoautja. Sa yegū ȳh̄ top̄ esagū ti p̄rine top̄ wahatiquinare m̄sa b̄seriquinare ohoutja. Sa oho tuhasagū Jesu yequinare m̄sa ohori niñerure neatiquinare ohoutja Jerusalēp̄.

⁴ Ti macap̄re ȳh̄ yeati ijigū ȳh̄ ḡh̄ wahagutja. Ȳh̄ sa wahagū ȳh̄ mehna tiquina wahaeta.

Tiquiro tiniatire yahuahye Pablo

⁵ Macedonia yehpa cjēnare ih̄na ȳhd̄tja ȳh̄. Ȳhd̄ cā, m̄sa cahap̄ Corintop̄ esautja.

⁶ Top̄ esagū m̄sa mehna meheñe decorigā ijiboaga ȳh̄ ape taha yegū. Yoa cjūri pje pohero ijiro puno m̄sa mehna ijiboaga ȳh̄. Sa yena ape sier̄ ȳh̄ wahagū m̄sa ḡh̄ ȳh̄re yedoho masine.

⁷ Meheñe decorigā iji dueraja ȳh̄ m̄sa mehna. Sa yegū Cohācjū cahmegū yoa cjūri pje m̄sa mehna ijiitja ȳh̄.

⁸ Sa iji duepeḡta Pentecoste b̄se deco ijigūp̄ Efesop̄ ijiniitja ȳh̄.

⁹ Ohōꝑ̄ Efesop̄ yojoꝑure mari p̄h̄toro Jesu yere t̄ho duayequina peyequina ijire. Tiquina sa ijigū tiquinare yahuaaja. Ȳh̄ sa yahugū ȳh̄re ih̄na tuhtiequina peyequina ijire.

¹⁰ Timoteo ȳh̄ yero saha mari p̄h̄toro yere yere. Tiquiro sa yeriquiro ijigū m̄sa cahap̄ esagū

quehnoano mehna tiquirore piti ca, tiquiro mehna quehnoano bucueye mehna ijiya m̄sa.

¹¹ Sa yena tiquirore ȳhd̄caeracāh̄na m̄sa. Sa yena tiquiro cohe tigū quehnoano mehna tiquirore yedohoya ȳh̄ cahap̄ tiquiro tojoa tagū. Apequina Jesu yequina mehna m̄sā tiquirore cohtena niaja. Sa yena quehnoano yedohoye mehna tiquirore ohoya.

¹² Apolo mari acaȳro Jesu yaquiro m̄sare ih̄ano wahagū tutuaro cahmemi. Sa yegū tiquirore waha dutimi apequina Jesu yequina mehna tiquiro wahatire. Ȳh̄ sa waha dutiepeḡta yojoꝑure tiquiro waha duerare. Sa yero came tiquiro yeye mariedagū m̄sa cahap̄ waharota.

Pablo quehnoa duti bato tiahye

¹³ Quehnoano wacū masiña m̄sa. Cristore wacū tutua duhueracāh̄na. Ne cuenata ijiducuya m̄sa. Sa yena Cohācjū tutuaye mehna tutuana ijiya m̄sa.

¹⁴ Apequinare sa cah̄ducuya.

¹⁵ Yojoꝑure ȳh̄ acaye m̄sare ahrire yahu duaja: Estefana ya w̄h̄ cjēna Acaya yehpa cjēna quehnoañe buheyere t̄ho m̄htariquina, tiquina ya yehpap̄ Cristore wacū tutua m̄htariquina ijire tiquina pehe. Sa ye apequinare mari acayere Jesu yequinare tiquina quehnoano yedohoducure. Tire m̄sa masine.

¹⁶ Tiquina yero saha ijiyequinare, apequina Cristo yere yedohoyequinare m̄sa quehnoano ȳhtigū cahmeaja ȳh̄.

¹⁷ Estefana, Fortunato, Acaico ḡh̄ ȳh̄ cahap̄ wihi tuhasare. Ohōꝑ̄ tiquina ijigū quehnoano bucueaja ȳh̄. M̄sare tiquina bucuegū yeriro saha ȳh̄ ḡh̄re bucuegū yere tiquina. M̄sa mariedagū m̄sare tutuaro wacūmi ȳh̄. Sa yegū tiquina wihigū bucueaja ȳh̄.

¹⁸ Tiquina mehna ijigū quehnoano jeripohna tigū ijii ȳh̄. M̄sa ḡh̄re sata bucuegū yere tiquina, ȳh̄ t̄hotugā. Tiquinare quehnoano ño peoya m̄sa. Sa yena apequina

tiquina yero saha ijiyequina gãhure ño peoya.

¹⁹ Asia yehpa cjëna Jesu yequina m̄sare quehnoa dutire. Sa ye Aquila, Priscila, tiquina ya wuhup̄ cahmecoañequina mehna Cristo tiquiro cahñe mehna m̄sare tutuaro quehnoa dutire.

²⁰ Ohõ cjëna Jesu yequina ijipihtiyequina m̄sare quehnoa dutire. M̄sa mehna cjënare quehnoano mehna piti caya.

²¹ Yuh̄, Pablo yuh̄ basi ahri dhitare ojoaja. M̄sare quehnoa dutiaja.

²² Mari p̄htoro Jesucristore apeqiro tiquiro cahñedagũ, Cohãcjũ tiquirore buhiri dahreahro. Mari p̄htoro sojaro mehna tojoa taahro.

²³ Mari p̄htoro tiquiro cahñe mehna m̄sare quehnoa dutiaja.

²⁴ Mari ijipihtina Jesucristo yequina ijiaja. Sa yeḡ m̄sare tutuaro cahñaja.

2 Corintios

Ohõ saha ojoa ohoahye Pablo Corinto cjēnare

¹ Yũhũ Pablo, Jesucristo yere buhe duti tiquiro cūrigũ ijiaja. Mari Pacũ tiquiro cahmediro saha cūri yũhare Jesu. Yũhũ, m̄sare Cohãcjũ yequinare, Corinto cjānare ojoa ohoaja. Ijipihtina Cohãcjũ yequinare Acaya cjānare m̄sa gũhare ojoa ohoaja. Mari acayũro Timoteo mehna quehnoa dutiaja m̄sare.

² Sa yena Cohãcjũ mari Pacũ, mari pũhtoro Jesucristo mehna m̄sare quehnoa dutiaja. Tiquina yedohoye mehna quehnoano ijiya m̄sa.

Pablo tiquiro ñano yũhdũrire ohõ saha niyahuahye:

³ Mari pũhtoro Jesucristo Pacũro Cohãcjũ marine paja ihñare. Sa yero tiquiro dihita marine yedohore. Quehnoa yũhdũriquiri ijire tiquiro.

⁴ Mari ñano yũhdũgũ ihñano ijipihinare marine tiquiro yequinare yedohore tiquiro apequinare mari yedohoatire. Sa yena apequina tiquina ñano yũhdũgũ ihñana tiquina pehere yedohoro cahmene marine. Cohãcjũ marine tiquiro yedohoye mehna mari gũhũ tiquina gũhare yedohonata.

⁵ Cristo yequina mari ijiri buhiri mari ñano yũhdũgũ tiquiro tutuaro yedohorota marine.

⁶ Ûsã pehe m̄sare yedohona ñano yũhdũaja. Sa yena Cristo mehna m̄sa yũhdũatire m̄sare ùsã yahuri buhiri ñano yũhdũaja. Sa yena Cristo ùsãre tiquiro yedohogũ ùsã pehe m̄sa gũhare yedoho masiaja. Sa yena ùsã ñano yũhdũriro sahta m̄sa gũhũ ñano yũhdũana, quehnoano mehna ihcãno sahanata m̄sa, yũhũ tũhotugũ.

⁷ Quehnoano mehna m̄sa ihcãno sahtare ùsã masiaja. Ûsã ñano yũhdũriro sahta ñano yũhdũri m̄sa gũhũ. Sa yena Cohãcjũ tiquiro

yedohoye mehna ùsã ihcãno sahariro sahta m̄sa gũhũ ihcãno sahanata, yũhũ tũhotugũ.

⁸ Ûsã acaye, yojopure ahri yũhũ yahuatire m̄sa quehnoano masigũ ùsã cahmeaja. Asia yehpapũ ña yũhdũaro yũhdũe tii ùsã. Ohõ saha ni tũhotumi ùsã: “Ne yũhdũsi mari. Sa yena mari yarianata”, ni tũhotumi ùsã.

⁹ Sa yena “Marine wejẽ cãeta”, ni tũhotumi ùsã. Sa ñano yũhdũana Cohãcjũ dihitare ùsã wacũ tutua nemou. Ûsãre tiquina ñano yegũ cahmeahye Cohãcjũ tiquirore ùsã wacũ tutua nemoatire. Tiquiro pehe yariariquinare masoriquiro ijire. Sa tiquirore wacũ tutuana ùsã esa tuharo ùsã ihcãno sahaerarire masiaja. Cohãcjũ marine yedohore.

¹⁰⁻¹¹ Ûsãre cuaro yepegãta tiquiro yedohoro mehna ùsã yũhdũũ. Camerũ gũhare pari turi ùsãre yũhdũorota. Ûsãre Cohãcjũre m̄sa sini basagũ tiquiro ùsãre yedohorota. Ûsãre tiquiro yedohoatire masiaja ùsã. Sa yena ùsãre tiquiro yedohogũ ihñana, tiquirore “Quehnoare”, ninata m̄sa. Peye m̄sa sini basarire tiquiro yũhtigũ ihñana bucue, “Quehnoare”, ninata m̄sa Cohãcjũre. Peyequina apequina gũhũ sata nieta.

Pablo Corintopũ tiquiro waha duamedire yahuahye

¹² Sa yena m̄sa mehna ùsã ijirire wacũna bucueye mehna ohõ saha tũhotuaja ùsã: Ahri yehpapũ Cohãcjũ tiquiro yedohoye mehna ñañe marieno quehnoano mehna masare piti ti buhei. M̄sa pũritare quehnoano piti ti buhei. Ohõ saha yena ùsã esa tuharo yerũ. Cohãcjũ cahñe mehna tiquiro tutuaye mehna sa yei.

¹³⁻¹⁴ Sa yena quehnoano yahu ojoaũ m̄sare, quehnoano m̄sa masiatire. Yojopũ ùsãre quehnoano masiedare m̄sa. Ûsã ijiye tiyere m̄sa quehnoano masigũ tutuaro cahmeaja ùsã. Sa yena mari pũhtoro Jesu tiquiro tojoa tagũ ùsã mehna

bucuenata m̄sa. M̄sa mehna us̄a bucuero sahata m̄sa ḡuh̄ us̄a mehna bucuenata.

15-16 Oh̄o saha niḡ Macedonia yehpap̄ waha duamaja ȳh̄. Sa yeḡ m̄sare ih̄na ȳhd̄ c̄a duamaja ȳh̄. Sa yeḡ top̄are esariḡ tojoa taḡ pari turi m̄sa mehna meheñe decoriḡa ijiboaga ȳh̄. Sa yena p̄a taha m̄sa mehna ȳh̄ ijiḡ ih̄ana pajiro ȳh̄ mehna m̄sa bucueboaga. M̄sa cahap̄ ijiriḡ Judea yehpap̄ ȳh̄ wahaḡ ih̄ana ȳh̄are yedohoboaga m̄sa.

17 ¿“Wahantja”, ȳh̄ niḡ t̄horina ijina m̄sa cahap̄ ȳh̄ eseraḡ ih̄ana “Pablo ni mehono nine”, ni t̄hotuajari m̄sa? “Wahantja”, niḡ ȳh̄ esa tuharo sa niḡ niedaja ȳh̄. ¿“Tiquiro nidiro saha yerare”, ȳh̄are ni t̄hotuajari m̄sa?

18 Oh̄o saha ni mehoḡ ijieraja ȳh̄. Sa yeḡ “Yeitja”, niḡ ȳh̄ nidiro saha yeaja ȳh̄. Tire masine Coh̄c̄j̄.

19 Ȳh̄, Sila, Timoteo mehna Jesu-cristo Coh̄c̄j̄ mac̄no yere m̄sare yahuu us̄a. Cristo pehe “Yeitja”, nino, poto yeriquiro ijiro nine. Coh̄c̄j̄ tiquiro nidiro sahata Cristo yere.

20 Ijipihtiyere Coh̄c̄j̄ tiquiro yahurire Cristo ye pehoahye. Tiquiro sa yeriquiro ijiḡ ih̄ana tiquiro yere us̄a apequinare yahuaaja Coh̄c̄j̄re tiquina ño peotire.

21 Cristo yequina marine iiducuḡ yeriquiro Coh̄c̄j̄ata ijire. Sa yero tiquiro yere yahuanajare marine s̄ori tiquiro.

22 Sa yero tiquiro yequina mari ijiyere ih̄ano tire marine masiḡ yere tiquiro. Sa yero tiquiro yaquiro Esp̄ritu Santore mari mehna iji dutiri tiquiro. Mari mehna ijiro tiquirota marine Coh̄c̄j̄ ȳhd̄oatore masiḡ yere.

23 Yojoap̄are poto yahutja m̄sare. Poto ȳh̄ yahueraḡ Coh̄c̄j̄ pehe m̄sare poto yahuahro. Tiquirota ȳh̄ t̄hotuyere masine. M̄sare tuhti dueraḡ m̄sa cahap̄ wahaer̄. “M̄sare buj̄a witiḡ yeari”, niḡ

m̄sa cahap̄are Corintop̄are wahaer̄.

24 Sa yena “M̄sare dutina ijia us̄a”, nina niedaja. Cristore quehnoano wac̄u tutua tuhasari m̄sa. Sa yena “Oh̄o saha Cristore wac̄u tutuaro cahmene m̄sare”, nina niedaja us̄a. M̄sare quehnoano bucueḡu ye duaja us̄a.

2

1 Sa yeḡ oh̄o saha ni t̄hotuu: “Pari turi tiquinare buj̄a witiḡu ye dueraja. Sa yeḡ yojoap̄are wahaeraja”, ni t̄hotuu.

2 M̄sare buj̄a witiḡu ye dueraja. M̄sa buj̄a witiḡu ih̄naḡ ȳh̄ pehe m̄sare bucuero boaga. Sa yena ȳh̄are bucueḡu yeatina ijieraboaga m̄sa pehe.

3 Sa yeḡ m̄sa cahap̄ wahaer̄. Sa wahaeraḡ m̄sare ih̄yo ojoā. M̄sa ȳh̄are bucueḡu yeatina ijiepenata ȳh̄are buj̄a witiḡu yeboaga m̄sa, m̄sa cahap̄ ȳh̄ esaḡ. M̄sa mehna ȳh̄ bucueḡu, m̄sa ḡuh̄ bucuenata. Tire masiaja ȳh̄. Sa yeḡ yojoap̄are m̄sa mehna buj̄a witi dueraḡ wahaer̄ m̄sa cahap̄.

4 Pajiro t̄hotuḡ, ñano jeripohna tiḡ, tutuaro utiḡ m̄sare ojoaep̄eḡata m̄sare buj̄a witiḡu ye duer̄. M̄sare tutuaro ȳh̄ cah̄ñene m̄sare masiḡu ye duaḡ m̄sare ojoā.

Corinto cj̄ena mehna cj̄ano tiquiro ñano yerire bo dutiahye Pablo Jesu yequinare

5 Ih̄c̄aqui m̄sa mehna cj̄ano ȳh̄are buj̄a witiḡu yeriquiro ijiri. Sa yeriquiro ijiepeḡata m̄sare tiquiro tutuaro buj̄a witiḡu yeriro saha ȳh̄ pehere pajiro buj̄a witiḡu yerari tiquiro. Tiquiro sa ñano yepeḡata pajiro waro buhiri dahre duti dueraja.

6 Peyequina m̄sa mehna cj̄ena tiquirore buhiri dahre tuhasañohti. To punota buhiri dahre duhuro cahmene tiquirore.

7 Tiquirore m̄sa buhiri dahreducuḡu tutuaro buj̄a witiboaga tiquiro.

Sa yero Cristo yere duhuboaga. Sa yena tiquiro ñañe yerire boya m̄sa. Tiquirore yedohoya tiquiro bucuegũ.

8 Sa yena tiquirore quehnoano yeya m̄sa tiquirore m̄sa cahĩñene tiquiro masigũ. M̄sa sa yegũ tutuaro cahmeaja yũhũ.

9 To pano m̄sare ojoagũ “¿Potota yũhare yũhtietari?” nigũ sa ni ojoagũ m̄sare. Yũhare m̄sa yũhtigũ ihña duagũ m̄sare sa ni ojoagũ.

10-11 Yojopure tiquiro ñañe yerire m̄sa bogũ ihñagũ yũhũ gũhũ tire boutja. Yũhare ñano yerahye tiquiro. M̄sa pehere ñano yeahye. Tiquiro sa ijiepegũta tiquiro ñañe yerire boaja yũhũ gũhũ. M̄sare quehnoano yedoho duagũ Cristo ihñonopũ tiquiro ñañe yerire boaja. Tire boaja Satana marine tiquiro yũhdũdũcaerature. Tiquiro marine ñañene yegũ cahmene. Tire quehnoano masiaja mari. Sa yena Jesu yequina tiquina ñañe yerire wacũducueraja mari, “Tiquinapũ Satana yere yeari”, nina.

Troa wame tiri macapũ ijiro Titore bocaeraro pajiro bũjũa witi tũhotuahye Pablo

12 Sa yegũ Troa wame tiri macapũ esagũ Cristo yere buhegũ wahagũ. Topũ yũhũ ijigũ peyequina masa quehnoañe buheyere tũho duayequina ijiri. Mari pũhtoro tiquiro yedohoye mehna tiquiro yere yũhũ buheatiquina peyequina masa ijiri.

13 Sa ijiepegũta mari acayũrore Titore bocaeragũ pajiro bũjũa witi tũhotuu. Sa yegũ to cjẽnare cohe ti tuhasagũ Macedonia yehpapũ wahagũ.

Cristo yedohoye mehna ñañene yeducueraja mari

14 Sa ye Cohãcjũ pehe marine ñañene yeragũ yere. Cristo yequina mari ijigũ ihñano marine ñañene yeragũ yere. Sa yegũ Cohãcjũre bucue, “Quehnoare”, niaja. Sa yena Cohãcjũ marine tiquiro dutigũ masina ijipihtiropũ Cristore masare

masigũ yeaja mari. Sa tiquirore masiñe tiquina quehnoano tũhoture.

15 Cristo yequina ijina, Cohãcjũ pehere bucuegũ yeaja mari, ehme sitiye mari bucuero saha. Sa ye Cristo yequina mari ijiyere ihña masine apequina Cohãcjũ yũhdũoatiquina. Apequina tiquina ñañe buhiri pecapũ wahatiquina gũhũ Cristo yequina mari ijiyere ihña masine.

16 Cristo yequina mari ijigũ ihñañe, tiquina ñañe buhiri pecapũ wahatiquina pehe pecapũ tiquina wahatire masine. Cohãcjũ yũhdũoatiquina pehe marine Jesu yequinare ihñañe, ijipihtiye decori tiquiro mehna tiquina ijiatire masine. Sa ye Cristo ye ihyo ijiye buheye ijierare. Sa yero ahrire Cristo yere ihcãquiro esa tuharo buhe sohtori tiquiro ne mariedare. Cohãcjũ yedohoro mehnata tiquiro yere mari buhe masiaja.

17 Peyequina apequina Cohãcjũ yere buhemene niñerure wapata duaye. Ûsã pehe tiquina yero saha yeraja. Ni mehono marieno Cristo tutuaye mehna tiquiro yere buheaja usã. Cohãcjũ usãre cũgũ tiquiro ihñonopũ quehnoano buheaja usã.

3

“Ohõ saha yeitja”, Cohãcjũ ni cũrire wahma buheyere yahuahye Pablo

1 ¿Pari turi usã ijiye tiyere m̄sare yahuna niajari usã, m̄sa tũhotugũ? Apequina m̄sare tiquina buheato pano tiquina ijiye tiyere masi duana tiquina ojoari pũre cahme m̄htari m̄sa. Ûsãre masi tuhasari m̄sa. ¿Ûsãre masiepenata ti pũ borore cahmeajari m̄sa? ¿O apequina cahapũ usã buhena wahana ti pũ borore usãre neno cahmeajari, m̄sa tũhotugũ?

2 Ti pũ borore cahmedaja usã. M̄sa pehere ijipihtiyequina apequina ihñañe m̄sare usã quehnoano buherire masieta. M̄sare usã buhegũ Cristo yequina iji dũcari m̄sa.

³ Cristo yequina m̄sa ijigũ ihñañe masa m̄sare Cohãcjũ ye buheye warore usã queoro buherire masi tuhasare. M̄sare buhena Cohãcjũ yaquiro Espiritu Santo tiquiro yedohoye mehna buhei. Tiquiro Cohãcjũ catiriquiro waro ijire. Usã sa buhegũ tuhona Cristore quehnoano cahmedi m̄sa. Sa cahmena m̄sa ijigũ apequina m̄sare ihñañe Cristo yequina m̄sa ijiyere quehnoano masine. Sa masiñe m̄sare Cohãcjũ ye buheye warore usã queoro buherire masine masa.

⁴ Ahrire ijipihtiyere tuhutuaja usã Cohãcjũre quehnoano wacũ tutuana. Cristo tiquiro yedohoye mehna sa wacũ tutuaducuaaja mari.

⁵⁻⁶ “Usã esa tuharo ahri dahrayere yeaja usã”, ni masiedaja usã. Cohãcjũ tiquiro yedohoye mehna ye masiaja usã.

Yojop̄re tiquiro yahuyere quehnoañe buheyere Cohãcjũ pehe quehnoano usãre buhe masigũ yere. Ahri buheye panop̄re tiquiro dutiye tiquiro ojoari yero saha ijierare. Quehnoañe buheye pehere buheaja usã. Panop̄re tiquiro dutirire mari esa tuharo ne ye masiedaja. Sa mari ye masiedari buhiri pecap̄re wahaboya mari. Quehnoañe buheye pehere tuhona Cristore wacũ tutuaja. Sa yena ijipihtiye decori Cohãcjũ mehna ijinata mari.

⁷ Cohãcjũ tiquiro dutiyere utã p̄j̄n̄ip̄re ojoaro Moiserere cũahye. Tiquiro sa cũri bato tiquiro asi siteye bajuahye. Moise wãhdoa asi siteahye. Asi site yãhdũahye. Came ti asi siteye pihtia wahahye. Came ti asi siteye pihtia wahati ijiepegũta coã warore tiquiro wãhdoare masa ne ihñadoque ohõ masiedahye. Ti dutiyere masa tiquina ye pehoerari buhiri pecap̄re wahati tiquina ijiahye. Sa ye ti dutiye masare pecap̄re waha dutiepetã, tutuaro asi siteye mehna iji dũcahye ti dutiye.

⁸ Ti dutiye yãhdũoro quehnoañe buheye pehe quehnoa yãhdũare. Ahri buheyere apequinare mari

buhegũ tiquina quehnoano tuhogũ Espiritu Santo tiquina mehna ijirota. Sa ye panop̄re cjẽ dutiye yãhdũoro Cristo ye pehe quehnoa yãhdũare.

⁹ Cohãcjũ dutiye panop̄re cjẽ masare pecap̄re waha dutiahye. Sa dutieperota Cohãcjũ tutuaye mehna tiquiro asi siteye mehna iji dũcahye. Ti yãhdũoro quehnoañe buheye pehe Cohãcjũ tutuaye mehna ijire. Ti buheye mehna quehnoañequina wahare masa, Cohãcjũ ihñagũ.

¹⁰ Panop̄re Cohãcjũ tiquiro dutiri pehe ihyo ijiye dutiye yero saha tojoa cãhre yojop̄re quehnoañe buheye mehna mari ihña piti cagũ. Quehnoañe buheye pehe quehnoa yãhdũare. Ti buheye mehna uhm̄usep̄re mari waha masiaja.

¹¹ Panop̄re tiquiro ye dutiye yoa cjũri pje asi siteye ijiducume, pihtia wahahye. Ti dutiye yãhdũoro quehnoañe buheye pehe quehnoa yãhdũare. Ti buheyere quehnoano tuhona, Cohãcjũ mehna sa ijiducunata.

¹²⁻¹³ Mari sa ijiducuatire masina, cuero marieno quehnoañe buheyere quehnoano yahu peho cjã usã. Moise pehe usã yero saha ijierahye. “Cohãcjũ asi siteye pihtiro nine’, Israe masa ni ihñari”, nino, tiquiro wãhdoare cahmotahye Moise. Bue tiro sa cahmotahye. Tiquiro yee tiro saha bue tieraja usã pehe. Sa yena cuero marieno tiquiro yere quehnoañe buheyere buheaja.

¹⁴ Ti p̄jep̄re cjẽna Israe masa pehe ne masieda tiahye. Yojop̄re gũhure Cohãcjũ yere panop̄re tiquiro ojoari pũrine tiquina buheye, ne masiedare. Moise tiquiro wãhdoare cahmotagũ Cohãcjũ asi siteyere tiquina ihñadoque ohõedariro saha tiquina quehnoañe buheyere quehnoano masiedare. Cristore cahmedaye, masisi tiquina. Tiquirore tiquina wacũ tutuari bato, tiquiro yere masieta.

¹⁵ Yojop̄re gũhure Israe masa Cohãcjũ dutiye Moiserere tiquiro cũrire buheye, tiquinare cahmotaro saha

ne masiedare tiquina.

¹⁶ Mari pehe mari p̄htoro cahmegũ tiquirota marine masigũ yere. Moise tiquiro w̄hdoahcahmotariroro tiquiro ne c̄aboriro saha mari p̄htoro marine tiquiro yere quehnoano masigũ yere.

¹⁷ “Mari p̄htoro”, nigũ Esp̄ritu Santore nigũ niaja. Coh̄c̄jũ yaquiro Esp̄ritu mari mehna tiquiro ijigũ pecapũ wahaborinare tiquiro ȳhd̄orina ijiaja. Sa yena “Panopũ c̄jẽ dutiye mehna mari ȳhd̄nata”, niedaja mari. Sa yena ti dutiyere duhuna, Esp̄ritu Santo ye dutiye pehere yeaja mari.

¹⁸ Sa yena Jesu yequina ijina, Coh̄c̄jũ yere masiaja mari. Tiquina w̄hdoahpacare cahmotamehneñequina yero saha Cristo tutuayere ih̄ona niaja mari. Sa yero mari p̄htoro Esp̄ritu Santo marine quehnoañe pehere comesagũ yere. Tiquiro sa yegũ Cristo quehnoahcah̄ariquiro tiquiro ijiro saha wahana niaja mari.

4

¹ Sa ye Coh̄c̄jũ us̄are paja ih̄ano, quehnoañe buheyere yahuanajare c̄uri us̄are. Tiquiro sa c̄ugũ masina, tiquiro yere buhena caributieraja us̄a.

² Tiquiro yere buhena ni meje c̄u buheraja. Sa yena us̄a tire came-saeraja. Sijoro saha c̄j̄nogã buhena b̄oro ȳhd̄boaga. Sa yena tire buhe dueraja. Coh̄c̄jũ ih̄onopũ ijiaja us̄a. Sa yena quehnoañe buheyere quehnoano poto buheaja us̄a. Us̄a sa buhegũ ih̄añe tire quehnoano masine us̄are ih̄añequina waro.

³ Us̄a buheyere quehnoañe buheyere buheaja us̄a. Us̄a tire buhepegũta apequina ne t̄aho duerare. Sa t̄ahoyequina pecapũ waha-tiquina ijire.

⁴ Satana ñariquiro ahri yehpa c̄j̄ena p̄htoro tiquinare masiedagũ yere. Caperi bajueyequina tiquina ih̄ña masiedaro saha masiedagũ yere tiquinare. Quehnoañe buheyere Cristo tutuayere tiquinare

masiedagũ yere tiquiro. Cristo pehe Coh̄c̄jũ ijieye tiyere marine masigũ yere. Tiquiro Cristo Coh̄c̄jũ waro ijire.

⁵ Us̄a buhena “Us̄a pehere ño peoya”, ni buheraja. Oh̄o saha ni buheaja us̄a: “Jesucristo pehe ijire mari p̄htoro”, ni buheaja us̄a. Us̄a pehe Jesure ȳhtina ijiaja us̄a. Sa yena m̄sare yedohoaja us̄a.

⁶ Panopũ oh̄o saha niahye Coh̄c̄jũ: “Nahitianop̄re buhrioro ijiaja”, ni, dutiahye tiquiro. Yojop̄re tiquirota ijire marine tiquiro tutuayere masigũ yeriquiro. Buhrioro marine ti ih̄ñagũ yero saha, tiquiro tutuayere marine masigũ yere. Cristo Coh̄c̄jũ tutuayere marine masigũ yere.

Cristo tutuaye mehna mari ijiaja

⁷ Sa masina ijina, tiquiro tutuayere apequinare masigũ yeaja. Sa yena ijiepenata tutueraja us̄a. Dih̄i sutu duita wahtiro ti butiro saha us̄a ḡhũ tutueraja. Sa ijiepenata Coh̄c̄jũ tutuayere apequinare buheaja us̄a. Us̄a sa tutuerapenata tire buheaja us̄a. Us̄a sa buhegũ ih̄ñañe us̄are “Tiquina esa tuharo ahri buheyere masiedare. Coh̄c̄jũ pehe tiquinare masigũ yere”, ni masieta apequina us̄are.

⁸ Ijipihtiyequina apequina us̄are ñano yepeta Coh̄c̄jũ us̄are tiquiro yedohogũ tiquina us̄are ȳhd̄d̄caerare. Sa yena us̄a caributiepenata, Coh̄c̄jũ yere ne yahu duheraja.

⁹ Us̄are tiquina ñano yeduepegũta Coh̄c̄jũ us̄are sa yedohoducure. Us̄are tiquina quẽdoque c̄u m̄j̄aepegũta tiquiro yedohoye mehna yarieraja us̄a.

¹⁰ Tiquina wej̄atina ijinata niaja us̄a, Cristo ahri yehpapũ tiquiro ñano ȳhd̄ariro saha. Tiquina wej̄atina ijiducuna niaja us̄a Cristo catiducugũ yeriquiro tiquiro ijiyere masa tiquina masiato saha. Us̄a sa ñano ȳhd̄agũ ih̄ñañe tire masieta masa.

¹¹ Sa ye decoripe us̄are apequina wej̄eno cuar̄ne Cristo yequina us̄a ijiri buhiri. Oh̄o sahata ñano ȳhd̄aja us̄a Cristo catiducugũ

yeriquiro tiquiro ijiyere apequina tiquina masiato saha. Ûsã paguri came yariaa waharota. Ûsã sa wahatina ijiepenata Cristore catiducugã yeriquirore masigã yeaja usã apequinare.

¹² Sa ye musare usã buheri buhiri usã pehere apequina wejẽno cuarĩne. Ûsã buheyere musa tuhori bato ijiptiye decori Cohãcjũ mehna ijiatina ijire musa.

¹³ Cohãcjũ yere tiquina ojoari pũpu ohõ saha nine: “Cohãcjũre wacũ tutuagũ, tiquiro yere buhei”, ni ojoahye panopũ cjãno. Ûsã gũhũ sata yeaja. Cohãcjũre wacũ tutuana, tiquiro yere buheaja.

¹⁴ Ahri yũhũ niati gũhũre quehnoano masiaja usã: Cristo yariari bato Cohãcjũ tiquirore masoahye. Sa yero Cristo yequina mari ijigũ ihñano tiquiro mari gũhũre masonota. Tiquiro sa masori bato tiquiro cahapũ neanota marine.

¹⁵ Sa yena musare yedoho duana, ñano yũhdũaja usã. Sa yena Cristo yequina musa peyequina wahana, peyequina musa Cohãcjũre bucueye mehna ño peonata. Tiquirore “Quehnoare”, ninata.

¹⁶ Musã sa wahagũ ihñana, usã ñano yũhdũepenata bujũa witieraja. Sa yena Cristo yere buhe duhueraja. Ûsã pagũ tutuaye decoripe pihti cãno nine. Ûsã tutuaye sa pihti cãepegũta quehnoano jeri sajãja usã.

¹⁷ Yojopũre ñano yũhdũepenata ñano yũhdũ dojoeraja. Ti mari ñano yũhdũye pihtia waharota. Sa yena marine mehenogã ñano yũhdũro cahmene. Sa mari ñano yũhdũrina ijina, camerũre tutuaro bucueye mehna ijiducunata Cohãcjũ mehna. Sa yena mari ñano yũhdũri yũhdũoro pajiro bucueye mehna ijiducunata.

¹⁸ Mari ihñari ahba pihtia waharota. Mari ihñedari pehe sa ijiducurota. Sa yena mari ihñarire wacũducueraja. Mari ihñedari pehere Cohãcjũ yere sa wacũducuaaja mari. Sa yena camerũ mari quehnoano ijiatire bucueaja.

5

¹ Wũhũre tiquiro cohãboriro saha came mari paguri pehe butia waharota. Sa yero wahma wũhũre tiquiro yeboriro saha Cohãcjũ wahma pagurire yerota. Sa yero ti pagurire marine ohorota. Ti paguri masa tiquina yeri paguri ijierare. Sa yena ãhmũsepũ sa ijiducunata ti paguri mehna. Tire mari masiaja.

² Sa yena ti pagurire ãhmũse cjẽ pagurire tutuaro cahmena, mari sa cohteducuna niaja.

³ Suhtirore tutuaro mari saña duaro saha ti pagurire tutuaro cahmeaja mari. Sata cohteaja mari paguri mariena iji duerana.

⁴ Yojopũre ahri pagurire cohã duerapenata wahma paguri pehere tutuaro cohteaja mari. Yojopũre mari pagurire cohã duerapenata ijiptiye decori Cohãcjũ mehna mari ijiatire tutuaro cahmeaja mari. Sa yena ahri mari paguri yariati paguri ti ijigũ masina, wahma paguri mehna Cohãcjũ mehna sa ijiducu duaja mari.

⁵ Mari sa ijiducuatire quehnoahye Cohãcjũ pehe. Sa quehnono tiquiro yaquiro Espĩritu Santore ohori marine. Sa yero tiquiro yaquiro Espĩritu Santo mari mehna ijiro, marine Cohãcjũ tiquiro yeatire “Poto tjire”, nino, marine masigũ yere tiquiro.

⁶ Sa yena Cohãcjũre wacũ tutuaducuaaja mari. Cuero marieno ijiaja mari. Ahri mari iji mũhtari pagurũ ijina, mari pũhtoro mehna ijieranijaja.

⁷ Æhmũse cjẽne Cohãcjũ gũhũre mari ihñedapenata “Ti potota ijire”, ni tuhotuaja mari. Sa yena tiquirore wacũ tutuaja mari.

⁸ Sa yena mari cueraja. Mari pagurire ahri yehpapũ cohãna mari pũhtoro mehna ãhmũsepũ ijiducunata mari. Sa yero mari yariagũ quehnoanota marine.

⁹ Sa yena Cristore bucuegũ ye duaja mari. Ahri yehpa cjã pagũ mehna ijinina tiquirore bucuegũ ye duaja. Æhmũsepũ gũhũre tiquirore bucuegũ ye duaja.

10 Ijipihtina Cristo cahapꝰ mari wahagũ ihñano tiquiro mari yerire ihñano marine beserota. Ñano mari yerire masinota tiquiro. Sa masino marine tiquiro ohoborire marine ohosi tiquiro. Quehnoañene mari yeri gũhare masinota. Sa masino bucuero marine quehnoano yerota. Tiquiro sa masidiquiro ijigũ ihñana tiquirore bucuegũ ye duaia mari.

Cohãcjũre mari ihña tuhtigũ ihñano Cristo pehe marine bosare

11 Sa yena cua pesaro mehna Cristore ño peoro cahmene marine. Tire masina, Cristo yere masigũ yeaja usã masare. Tiquinare cuesãna, tiquirore wacũ tutuagũ ye duaia usã tiquinare. Quehnoano mehna tire usã buherire Cohãcjũ quehnoano masine. Usã sa buherire mꝰsa gũhare quehnoano masigũ cahmeaja yũh.

12 Pari turi quehnoana usã ijiye tiyere mꝰsare yahuna niedaja. “Apequinare yũhdũdũcaja”, niñequinare mꝰsa yahuati pehere quehnoano mehna usã buherire yahuna niaja usã mꝰsare. Tiquina pehe tiquina wacũñerꝰ ñañequina ni mehoñequina ijiepetata masa tiquina ihñono dihita quehnoañequina yero saha ye ihñomene. Sa yena usã mehna mꝰsa bucueati pehere ahri ijipihiyere mꝰsare yahu ojoana niaja. “Pablo gũh usãre quehnoano mehna buhere”, usãre apequinare mꝰsa ni cahmotati pehere ahri ijipihiyere mꝰsare yahu ojoana niaja.

13 ¿Usã ohõ saha ni yahuna tuho masiena ijiajari usã, mꝰsa tuhotugũ? Masa usãre ihñañe, tuho masieñequina yero saha ihñare usãre. Cohãcjũ yere usã yegũ ihñañe sa ihñaboaga usãre. Sa tiquina ihñanohrina ijiepenata sa ijina ijieraja mꝰsare yedoho nemonata tana.

14 Cristo marine tiquiro cahĩgũ ihñana mꝰsare sa yedohoaja. Tiquiro sa cahĩgũ ihñana tiquiro yere sa yahuducuaia usã. Ihcãquiota Cristo ijipihtina mari ñañe buhirire yariari jiri. Tiquiro sa yariari bato mari pehe ijipihtina mari ñañe buhirire

yariariquina yero saha ijiaja. Tiquiro buhiri dahre tuhasariquina yero saha ijiaja. Cristo tiquiro yariari mehna marine tiquiro buhiri dahre tuhasariquina yero saha ihñanota Cohãcjũ.

15 Ijipihtina mari ñañe buhiri yariari jiri Cristo tiquiro ye dihitare mari yeato saha. Sa yero tiquiro cahmeñe pehere marine ye dutiro yariari jiri tiquiro. Mari ye ijiatire yariaro, masa mujari jiri.

16 Sa yena yojopꝰre usã esa tuharo masare “Quehnoañequina ijire. Ñañequina ijire”, ni ihñedaja usã. Panopꝰ usã esa tuharo yee timi. Sa yena Cristore masiedũ. Yojopꝰre Espiritu Santo yedohoye mehna tiquirore quehnoano masi tuhasaja.

17 Sa yena Cristo yequina wahana quehnoañe pehere yena wahaja mari. Panopꝰ mari esa tuharo mari yemedire duhu cjã mari. Yojopꝰre quehnoañe pehere comesana tire yeaja mari.

18 Cohãcjũ pehe marine quehnoañe pehere comesagũ yeri. Cohãcjũre ihña tuhtina mari ijigũ ihñano Cristo pehe mari ñañene cohãri. Sa cohãno mari ihña tuhtiyere duhugũ yeri tiquiro. Sa yegũ yeri Cohãcjũ Cristore. Sa yero usãre tiquiro yere buhe dutiro cĩri. Sa buhena, apequinare Cohãcjũ mehna tiquina ihña tuhtirire duhugũ yeaja usã gũh.

19 Ohõ saha masare yahu dutiri Cohãcjũ usãre: “Cristore mari wacũ tutuagũ ihñano mari ñañe buhirire buhiri dahrerare Cohãcjũ marine. Sa yero marine ihña tuhtiriquiro ijieperota tiquiro marine tiquiro yequina ijigũ yere”, ni yahu dutiri Cohãcjũ usãre.

20 Sa yena Cristo yere buheanaja tiquiro cĩrina ijiaja usã. Cohãcjũ mꝰsare tiquiro yahuboriro saha usã pehe ohõ saha ni mꝰsare yahuaja: Cristore yahu basana niaja. Sa yena mꝰsare ihña tuhtieragũ yeaja. Cohãcjũre mꝰsa ihña tuhtiyere to

punota duhuya.

²¹ Cristo tiquiro ñañene yerapegūta Cohācjū pehe tiquirore mari ñañe buhirire yaria dutiahye. Sa yero mari ñañe buhirire buhiri dahreahye Cohācjū tiquiro pehere. Sa yero Cristo yequina mari wahagū Cohācjū yero saha quehnoana marine ijigū yere tiquiro.

6

¹ Cohācjūre yedohona ijiaja usā. Sa yena ahrire tutuaro musare ye dutiaja usā. Cohācjū yere quehnoañe buheyere musa tuhoriro sahata yeya musa. Musa tuhoriro sahata musa yeragū ti musa tuhori dahseati ijierare.

² Ohō saha nine Cohācjū:

Musare yuhū quehnoano yeati pjere musa siniñene tūho yūhtitja. Sa yegū musare yuhū yūhdūoti decore musare yedohoutja, nine tiquiro.

Tūhoya musa. Yojopure Cohācjū musare tiquiro quehnoano yeati pje ijire. Yojopure Cohācjū musare tiquiro yūhdūoti deco ijire.

³ Ne mehenogā apequinare ñano yeraja usā. Apequinare ne ñano ni yahuducueraja, “Quehnoañe buheye pehere cahmedari”, nina.

⁴ Sa yena Cohācjū cahacjāna usā ijiyere musare masigū ye duaja. Sa yena ohō saha ijiaja usā: Ñano yūhdūna, apee borore cūoerana sa tūhotu cjā. Usāre tiquina ñano yepegūta usuaro marieno ijiaja.

⁵ Ohō saha ñano yūhdūu usā: Masa usāre quēgū, peresu tiquina yegū, peyequina masa usāre wejē duagū tiquina sañuducugū ñano yūhdūu usā. Usā tutuaro dahra wahyia yūhdūna, wujua purīepēgūta carīedana, ujua ahbana ñano yūhdūu.

⁶ Numia mehna ñano yeru. Sa yena Cohācjū yere quehnoano masiñe mehna buhei musare. Sa yena ne usueru usā. Sa yena quehnoano cahīñe mehna yei usā musare. Sa yena Cohācjū cahacjāna usā ijiyere musare masigū yena nii usā. Espiritu

Santo tiquiro yedohoye mehna Cohācjū cahacjāna usā ijiyere masigū yena nii musare. Sa yena pota musare usā cahīgū ihñana, tiquiro cahacjāna usā ijiyere masine musa.

⁷ Sa yena quehnoañe buheyere musare pota usā buhegū ihñana, Cohācjū tutuaye mehna usā yegū ihñana tiquiro cahacjāna usā ijiyere masine musa. Quehnoañe pehe ijipihtiye usā yeri usā wamoa yero saha ijire quehnoano usā cahmotati pehe. Tire quehnoañene yena watīnore usā cahmotana niaja. Sa yena ti quehnoañene usā yeri mehna tiquirore usā yūhdūdūcaja.

⁸ Apequina usāre ño peore. Apequina pehe usāre ño peoerare. Apequina ñano ni yahuducure usāre. Apequina pehe quehnoano ni yahuducure usāre. Pota usā buhepegūta “Ni mehoñequina ijire”, ni yahusāre apequina usāre.

⁹ Apequina usāre ihña masiñequina yero saha yere. Ihquē tahari usāre masiñequina yero saha yere. Usāre tiquina wejē duepegūta catiniaja usā. Ihñaña usāre. Ijirota ijire. Tiquina wejē dutinohrina ijiepenata, yarieraniaja usā.

¹⁰ Usā ihquē tahari bujua witina ijiepenata, sa bucueducuaja. Pejecuona ijiepenata apequinare quehnoañe buheyere buhena tiquinare pajiro doeri cjēne usā ohoboro saha yena niaja tiquinare. Apee boro cūoena ijiepenata, potota Cohācjū ye pehere cūo peho cjā usā.

¹¹ Ne Corinto cjāna yuhū acaye, musare quehnoano mehna yahu peho ojoau usā musare. Musare tutuaro cahīna, sa yahuu musare.

¹² Usā pehe musare cahī duhueraja. Musa pehe usāre cahīeda cjūre.

¹³ Sa yegū pohna tigū yuhū pohnare yuhū yahuboro saha musare yahutja: Musare usā tūhoturiro sahata musa gūhu sata quehnoano tūhotuya usāre. Sa yena usāre cahīña musa.

Cristore cahmeeñequinare piti ti dutierahye Pablo

14 Sa yena Cristore cahmeeñequina mehna sa piti tiducueracãhña. Tiquina mehna cjãna ijieracãhña. Ihcãno saha ijierare m̄sa. Quehnoañene yeriquiro ñañene yeriquiro mehna quehnoano iji masiedare. Cohãcjũre cahmeeñequina Cohãcjũre cahmeeñequina mehna quehnoano cahme piti ti masiedare.

15 Sa yero Cristo watĩno mehna ihcãno saha tãhotuerare. Sa yero Cristo yaquiro, Cristore cahmeediquiro mehna quehnoano cahme piti ti masiedare.

16 Cohãcjũ w̄h̄p̄u “Cohãcjũ ijire”, tiquina niñe queoyere mari c̄ogũ ñarĩne. Ti w̄h̄p̄u ti queoyere mari c̄ũgũ quehnoaedare. Ti yero sahata Cristo yequina Cristore cahmeeñequina mehna mari piti tiducugũ ḡh̄re ñarĩne. Ti cururi p̄a curua ihcãno mehna iji masiedare. Cohãcjũ catiriquiro tiquiro ya w̄h̄p̄u yero saha ijiaja mari. Ti w̄h̄p̄u tiquiro ijiro saha mari mehna ijire tiquiro. Ohõ saha nine Cohãcjũ:

Tiquina mehna ijigutja ȳh̄. Sa yegũ tiquina watoa sa iiducugutja. Ȳh̄ Cohãcjũ tiquina p̄hto ijigutja. Sa ye tiquina pehe yeequina masa ijietã, nine tiquiro.

17 Sa yero ohõ saha ni nemore tiquiro mari p̄htoro:

Ñañequina mehna tojoeracãhña. Sa yena tiquinare piti tieracãhña. Cristore cahmeeñequinare tiquina ñañene ne piheracãhña. Sa yegũ ȳh̄ pehe m̄sare piti tigutja.

18 Sa yegũ m̄sa Pac̄ ijigutja. M̄sa pehe ȳh̄ pohna ijinata, nine Cohãcjũ mari p̄htoro tutua ȳh̄ariquiro.

7

1 Ȳh̄ acaye, ȳh̄ cahña, m̄sare ahrire yahutja: Ahri ijipihtiyere Cohãcjũ tiquiro sa ni yahugũ t̄hona ijipihtiyere mari ñañene yeyere duhuuhna. Sa yena mari ñañene wacũñe ḡh̄re duhuuhna. Sa yena

Cohãcjũre quehnoano ño peoye mehna ñano yero marieno ijiihna mari.

Pablo bucueye mehna yahuahye Corinto cjẽnare

2 Quehnoano mehna ijiya m̄sa usã mehna. Ne mehenogã mehna ñano yeru usã m̄sare. Sa yena usã buheye mehna m̄sare ñano yegũ yeru usã. Ne ihcãquiro m̄sa mehna cjãnore ni mehoñe mehna wapa cahmedu.

3 Sa nigũ “Usãre wapa yerari. Sa yena buhiri tina ijire m̄sa”, nigũ niedaja m̄sare. M̄sare yahu tuhasa. M̄sare cahñaja usã. Catinina ihcã curuata ijiaja mari. Mari yariari batop̄ ḡh̄re ihcã curuata ijinata mari.

4 Quehnoano m̄sa yerire masiaja ȳh̄. Sa yegũ m̄sare wacũdoqueogũ bucueaja. Sa yena usã ñano ȳh̄ari watoa m̄sa pehe ȳh̄re pajiro bucuegũ yeri.

5 Sa ye Macedonia yehpap̄ usã esari bato top̄ ijina, ne soeru usã. Top̄re ñano ȳh̄du usã. Apequina usã mehna cahmeque duari. Sa yena “Cristo yere duhuari”, nina Cristo yequina pehere cuesã nii usã.

6 Usã sa ñano ȳh̄d̄ep̄ḡta Cohãcjũ usãre bucuegũ yeri. Tiquiro buj̄a witiyequinare bucuegũ yeriquiro ijire. Sa yero Tito usã cahap̄ tiquiro wihiro mehna usãre bucuegũ yeri Cohãcjũ.

7 Tito wihigũ ihñana bucuei. Ahri ḡh̄re bucuei. M̄sare tiquiro quit̄i yahugũ ḡh̄re tutuaro bucuei usã. Ȳh̄re m̄sa ihña duarire yahuri usãre. Ȳh̄re m̄sa wacũe ti buj̄a witi ḡh̄re yahuri tiquiro. Tiquiro sa ni yahugũ t̄hoḡ tutuaro bucuei ȳh̄.

8 To pano ȳh̄ ojoari p̄ mehna m̄sare buj̄a witi gũ yemi. Sa yerigũ ijiepeḡta buj̄a witi eraja ȳh̄ pehe. Ti p̄re m̄sa buheri bato buj̄a witiñohti m̄sa. Sa yena mehenogã buj̄a witi, duhuñohti m̄sa. Sa yegũ coã ojoa m̄htaḡ buj̄a witi epeḡta yojop̄re buj̄a witi eraja.

⁹ Yojoꝝ pūritare bucueaja yuh. Mŭsa bujua witigū tuhogu bucueraja. Sa ijiepegūta sa bujua witina, quehnoañe pehere cameñahti mŭsa. Sa yero mŭsa bujua witigū ihñano, Cohācjū pehe mŭsare quehnoañene comesagū yere. Sa yena mŭsare bujua witigū yena, ñano ye dojomehnena niedu ŭsā mŭsare.

¹⁰ Sa yena Cohācjū tiquiro cahmeno saha bujua witina, mari ñañene bujua witinata. Quehnoañe pehere comesanata. Sata mari bujua witigū ihñano marine pecapū wahaborinare yuhduore Cohācjū. Mari sa bujua witigū quehnoarīne marine. Cristore cahmeeñequina pehe tiquina ñañene bujua witiapeta, sa bujua witi macā, pecapū wahatiquina ijinine.

¹¹ Mŭsa pehe Cohācjū tiquiro cahmeno saha bujua witiñhti. Mŭsa sa bujua witina ohō saha yeñhti mŭsa: Yojoꝝ ñañene yeyequinare sa ihña cāedañhti mŭsa. Tiquinare duhu dutiñhti mŭsa. Sa yena tiquina ñañe yeyere cueñhti mŭsa “Tiquina yero saha yeari”, nina. Sa yena yuhare ihña duañhti mŭsa. Sa yena ñañene yeriquirore buhiri dahre duañhti mŭsa. Ti ijipihtiyere mŭsa yena yojoꝝ poto yena mŭsa ijiyere masigū yeri mŭsa ŭsāre.

¹² Panopū ñano yeriquirore mŭsare yahu ojoapegūta tiquirore yedohogu tagū sa ni yahu ojoaerū. Tiquiro ñano yenohriquiꝝ gūhare yedohogu tagū sa ni ojoaerū. Mŭsa pehere yedohogu tagū ti pūre ojoaū. ŭsāre quehnoano ño peore mŭsa. Tire mŭsa ño peorire quehnoano mŭsa masiatire ti pūre ojoaū mŭsare. Cohācjū tire mŭsare masigū cahmene.

¹³ Sa yena Tito mŭsa yerire tiquiro quti yahugū tuhona tutuaro bucuei ŭsā.

Tito gūhū tutuaro bucueri. Tiquirore mŭsa quehnoano mehna mŭsa piti cagū tuhona, mŭsa mehna tiquiro bucuere tuhona ŭsā gūhū quehnoano bucuei.

¹⁴ Coā waropū mŭsa cahapū tiquiro wahato pano mŭsa mehna yuh

bucuerire, quehnoano mŭsa ijiꝝre yahuu tiquirore. Sa yena yuhū nidiro saḥata quehnoano yeñhti mŭsa tiquirore. Sa yegu tiquirore yuhū nidiꝝre buē tieraja. Mŭsare poto sa yahuducuaja ŭsā. Ohō saha Tito gūhare poto ŭsā yahuu mŭsare tiquiro ihñariro saha.

¹⁵ Mŭsa cahapū tiquiro esagū ño peoye mehna tiquirore piti cañhti mŭsa. Sa yena quehnoano yuhūna yuhduꝝcaro mariena mŭsa ijigū ihñañhti tiquiro. Sa yero mŭsare cañ nemore tiquiro.

¹⁶ Yojoꝝre quehnoano yuhūna, Cohācjū cahmeno saha mŭsa quehnoano ye pehona mŭsa ijigū quehnoano masiaja yuhū. Sa masigū tutuaro bucueaja.

8

Cristoyequina ijina, pejeꝝoyequinare sa oho cāno cahmene marine

¹ ŭsā acaye, ahri yuhū yahuatire mŭsare masigū cahmeaja ŭsā. Cristo yequina Macedonia yehpa cjēna Cohācjū caññe mehna tiquiro paja ihñañe mehna tiquina yerire mŭsare yahutja.

² Tiquina ñano yuhduapeta, niñeru marieñequina ijiepetā cañno marieno sa oho cāhri pejeꝝoyequinare Jesu yequinare. Cristo mehna tutuaro bucueyequina ijiye, tiquina Judea yehpa cjēnare quehnoano mehna tiquina cūoyere sa oho cāhri.

³ Mŭsare niita niaja. Tiquina cūoro puno ohori. Ijierare. Bui cjūnogā ohori. ŭsā sini basaapegūta pejeꝝoyequinare ohori tiquina.

⁴ Cohācjū yequinare pejeꝝoyequinare tutuaro yedoḥo duaye, tiquinare tiquina ohoatire nea dutiri ŭsāre.

⁵ “Ohō puno ohoeta”, tiquinare ŭsā ni tuhoturiro bui cjūnogā ohori tiquina. Ohō saha yeri tiquina: Coā warore niñerure tiquina ohoato pano mari pūtoro Cristo cahmeno saha ye pehori jiri tiquina. Sa ye Cohācjū cahmeno saha ŭsā gūhare ño peoye mehna yuhūna jiri. Sa yeyequina ijiye tiquina niñerure ohori.

6 Tiquina sa oho tuhasagũ ihñana Titore usã pehe ohõ saha nii: “Corinto cjẽnare mũhũ buhe dũcariro sahata quehnoano mehna pejecũoyequinare tiquina ohoatire buhe pehoya”, nii usã tiquirore. Mũsa gũhũ apequinare paja ihñana, mũsa yedohoatire sa nii tiquirore.

7 Sa yena mũsa pehe ijipihtiyere quehnoano yena iji tuhasare: Cristore potota quehnoano wacũ tutuare mũsa. Sa yena tiquiro yere quehnoano yahure mũsa. Sa yena Cohãcjũ yere quehnoano masine mũsa. Sa yena Cohãcjũ cahmeno saha tutuaro ye duare mũsa. Sa yena usãre cahĩne mũsa. Ohõ saha quehnoano yena iji tuhasare mũsa. Mũsa sa quehnoana ijiepegũta mehenogã dũhsare mũsare. Pejecũoyequina pũritare mũsa paja ihñagũ cahmeaja usã. Sa yena cahĩno marieno tiquinare quehnoano mehna mũsa pajiro ohogũ cahmeaja usã.

8 Sa nigũ mũsare dutigũ niedaja. Sa ni yahugũta niaja mũsare. Apequina pejecũoyequinare tiquina tutuaro yedohore mũsare yahugũ niaja. “¿Potota paja ihñana ijiajari mũsa?” ni, masi duagũ niaja.

9 Mari pũtoro Jesucristo pehe marine tiquiro paja ihñarire masine mũsa. Ti ijirota ijire. Tiquiro uhmũsepũ pajiro cũoriquiro ijieperota ahri yehpary ahtarõ pejecũoriquiro wahahye. Sa yero mari ye ijiatire yariaro pejecũoriquiro wahahye. Ohõ saha wahahye tiquiro mari pehe tiquiro yere pajiro mari cũoatire, tiquiro mehna mari sa ijiducuatire.

10 Mũsare sa yahugũta niaja. Ohõ saha tũhotuaja yũhũ pehe: Ihcã cũhma wahare mũsa oho duagũ. Mũsa pehe pejecũoyequinare oho dua mũhtamedĩ. Sa yena tiquinare oho mũhtaborina ijimedi mũsa.

11 Sa yena mũsa ye duariro saha yojopũre sohtori tiya. Mũsa oho dua mũhtariro saha yojopũre quehnoano oho pehoya. Sa yena pajiro cũona

ijina pajiro ohoya. Mehenogã cũona ijina mehenogã ohoya.

12 Tutuaro mũsa oho duagũ tire mũsa ohore Cohãcjũ bucuerota. Sa yena noho mũsa cũoro puno ohoya. Mũsa ohoro punota bucuerota Cohãcjũ. “Pejecũoyequinare mũsa cũoye yũhdũoro ohoya”, mũsare nino niedare Cohãcjũ.

13 “Pejecũoyequinare ohoya”, nigũ tiquinare pajiro cũo dutigũ niedaja. Sa yegũ mũsa pehere pejecũoro ye dueraja.

14 Mũsare ihcãno saha cũo dutigũ sa nigũ niaja. Yojopũre mũsa pehe pajiro cũore. Sa cũona apee boro marieñequinare oho masine mũsa. Came mũsare apee boro mariedagũ tiquina gũhũ oho masine mũsare. Mũsa sa cahme ohona ihcãno saha cũonata ijipihtina Cristo yequina.

15 Ohõ saha nine Cohãcjũ yere tiquina ojoari pũpũ: “Pajiro nediquiro gũhũ apequina bui cjũnogã cũoerari. Mehenogã nediquiro gũhũre ne mehenogã dũhsaerari”, nine Cohãcjũ yere tiquina ojoari pũpũ.

Tito tiquiro mehna cjẽna mehna Corintopũ wahahye

16 Sa ye mũsare yũhũ yedohoro sahata Tito gũhũ mũsare yedoho duare. Cohãcjũ pehe tiquiro yedoho duagũ yeri tiquirore. Tiquiro sa yegũ ihñagũ “Quehnoare”, niaja Cohãcjũre.

17 Titore mũsa cahary usã waha dutigũ tiquiro quehnoano mehna yũhtiri. Sa yero tiquirore usã waha dutiatio pano tiquiro basita mũsa cahary tutuaro waha duariquiro iji tuhasari.

18 Tiquirore apeqiro Jesu yaquiro mehna piti dahrei usã tiquirore. Tito mehna cjũnore ijipihtiyequina apeqina Jesu yequina quehnoano ño peore. Quehnoañe buheyere tiquiro quehnoano yahuriquiro ijigũ ihñañe tiquirore quehnoano ño peore.

19 Sa ye Jesu yequina tiquirore cahmene usã mehna tiquiro tinino

wahagũ. Tiquina ye niñerure pejecuoyequina cahapu usã neagũ usã mehna wahatiquirore cahmene tiquirore. Sa ye ti niñerure usã ohogũ ihñañe “Marine yedohoriquiro ijire”, nieta masa Cohãcjũre. Usã sa ohona, tiquinare tutuaro mari yedoho duarire masigũ yenata tiquinare.

²⁰ Sa yena ahri niñerure, pajiro Jesu yequina tiquina ohorire neana, quehnoano ihña ihbonata tiquina ohorire, “Usãre yahusãri”, nina.

²¹ Mari puhtoro tiquiro ihñonopu queoro, quehnoano ye duaja usã. Sa yena masa tiquina ihñono gũhare queoro ye duaja.

²² Sa yena tana apequirore mari acayurore ohonatja Tito gũhu mehna. Usã piti dahreriquirore peye tahari apequinare tiquiro quehnoano yedohogũ ihñau usã. Sa yero yojopure masa pehe apequinare masa yedoho duagũ ihñano to pano tiquiro yeriro yuhduoro quehnoano musare yedoho duare.

²³ Tito pehere musare yahutja. Tiquiro yũhu mehna cjãno ijire. Musare yũhu yedohogũ tiquiro yũhu mehna dahrariquiro ijire. Apequina tiquiro mehna wahatiquina Jesu yequina tiquina bese ohoriquina ijire. Cristo yere tiquina yere, apequina tiquirore ño peoatire.

²⁴ Sa yena cahĩno mehna quehnoano mehna tiquinare piti caya masa. Masa sa yegũ ihñañe apequina Jesu yequina quehnoañequina pehe masa cahĩnene masieta. “Quehnoano piti caeta Corinto cjẽna”, ni yahu tuhasau apequinare. Masa sa quehnoano piti cagũ ihñañe tiquina usã yahuri poto ijigũ masieta apequina Jesu yequina.

9

Jesu yequinare pejecuoyequinare tiquina ohoatire yahuahye Pablo

¹ Sa yena Cohãcjũ yequinare masa yedohoatire masa ohoatire masi tuhasare masa.

² Apequinare masa yedoho duagũ masiaja yũhu. Sa masigu Macedonia yehpa cjẽnare ohõ saha

ni yahuu: “Corinto cjẽna Jesu yequina pehe apequinare yedoho dua tuhasari. Ihcã cahma yuhdure tiquina yedoho duari”, ni yahu tuhasau tiquinare. Masa sa yedoho duagũ tuhoye peyequina tiquina gũhu pejecuoyequinare yedoho duari.

³ Musare sa ni yahugu yojopure ahriquinare mari acayere masa cahapu ohogu tagu niaja, yũhu yahuriro saha masa yeato. Sa yegu pejecuoyequinare masa ohoatire masa cahmecoa cuoyuatire ahriquinare ohogu niaja.

⁴ Tiquinare ohoeragu Macedonia yehpa cjẽna mehna masa cahapu esagu, masa ohoatire masa cuoeragũ ihñagu bue tisãboaga yũhu musare. “Pejecuoyequinare ohoeta”, musare yũhu ni tuhaturi bato masa ohoeragũ ihñagu bue tisãboaga yũhu. Masa gũhu buoro yuhduboaga.

⁵ Sa yegu masa cahapure yũhu esato pano tiquinare mari acayere oho mahtagu niaja. “Pejecuoyequinare ohonatja”, to pano masa nidire masa cuoyuatire tiquinare oho mahtagu niaja. Masa ohoatire masa cahmecoagũ tiquina pehe musare yahueta. Masa ohoatire masa cuoyu tuhasagũ bucu-eye mehna masa oho duari ijigũ masitja.

⁶ Sa yena ahrire wacũña masa: Meheñe pjerigã oteriquiro meheñe pacagã nenota. Peye pjeri oteriquiro peye paca nenota. (Ohõ saha ijire pejecuoyequinare mari ohogũ. Mehenogã mari ohogũ, Cohãcjũ mehenogã ohorota marine. Pajiro mari ohogũ, pajiro marine ohorota.)

⁷ Sa yena ihquẽquina masa “Ohõ puno ohonatja”, ni ohoya. Cahĩno marieno ohoya. “Marine oho dutiri”, nino marieno ohoya. Bucueye mehna ohoyequinare cahĩne Cohãcjũ.

⁸ Tiquiro pehe masa cahmeno yuhduoro musare ohorota. Sa yena ijipihtye masa cahmemedire duhsaro marieno cuo pehonata. Sa yero apequinare masa ohogũ gũhare quehnoano esa tuharota masa cuoye.

⁹ Sata nine Cohãcjũ yere tiquina ojoari pũpũ:

Pejecũoyequinare pajiro ohore tiquiro. Quehnoano mehna masare sa yeducure tiquiro, nine tiquiro yere tiquina ojoari pũpũ.

¹⁰ Sa yero oteye dũca tiri bato oteriquiro tiquiro oteati capere ohore Cohãcjũ. Came tiquiro oterire dũca tigũ yere tiquiro ihyatire. Pejecũoyequinare mũsa pajiro ohogũ oteriquirore tiquiro ohoriro saha mũsa gũhare pajiro ohorota Cohãcjũ. Sata mũsare ohorota pejecũoyequinare mũsa oho nemoatire.

¹¹ Sata ijire. Pajiro ohorota mũsare apequinare pajiro mũsa sa ohoducuatire. Sa ye mũsa oho dutirire pejecũoyequinare usã ohogũ peyequina tiquina pehe Cohãcjũre bucu-eye mehna “Quehnoare”, nieta.

¹² Sa yena pejecũoyequinare Cohãcjũ yequinare ohona, tiquinare yedohore mũsa. Sa yedohona bucu-eye mehna Cohãcjũre “Quehnoare”, tiquina nigũ yenata mũsa.

¹³ Sa mũsa apequinare yedohogũ ihñañe, Cohãcjũre ño peoye mehna yahuducueta masa. Sa ye tiquinare apequina gũhare pajiro mũsa ohogũ ihñañe Cohãcjũre “Quehnoa yũhdũgũ ijire mũhũ”, nieta masa. Ohõ saha nieta Cristo buheye quehnoañe buheye ti nidiro sahata mũsa yegũ ihñañe, tiquinare mũsa ohogũ ihñañe.

¹⁴ Sa ye Cohãcjũ mũsare tiquiro paja ihñano sahata mũsa gũhũ tiquinare mũsa paja ihñagũ tiquina pehe mũsare cahmeeta. Sa cahmeñe mũsare sini basaeta Cohãcjũre.

¹⁵ Cohãcjũ marine quehnoa yũhdũaro yerota. Tiquiro sa yeatire masina “Quehnoa yũhdũare”, niina mari tiquirore.

10

Jesu cũriquiru tiquiro ijijere yahuahye Pablo

¹ Yojopũre yũhũ Pablo, mũsare yahutja. Ihquẽquina mũsa mehna cjẽna ohõ saha nine yũhũre: “Mari

mehna ijero apequinare yũhdũdũca dueriquiro, ihyo ijiriquiro yero saha ijire. Sa ijieperota ape siepũ ijero marine cuero marieno tuhti ojad-oqueore”, nine mũsa ihquẽquina yũhũre. Cristo pehe ne usueriquiro, masare quehnoano yeriquiro ijire. Tiquiro yero saha yũhũ gũhũ iji duaja.

² Sa yegũ mũsare ahrire tutuaro mehna yahutja: Mũsa cahapũ yũhũ esagũ quehnoano yeya mũsa “Pablo usãre tuhtiari”, nina. Ihquẽquina yũhũre ohõ saha nine: “Tiquiro esa tuharo, Cohãcjũ dutiro marieno yere”, nine yũhũre ihquẽquina. Sa niñequina pũritare tuhtiboaga yũhũ.

³ Usã gũhũ ahri yehpa cjãnata ijina niaja. Sa ijiepenata ahri yehpa cjẽna tiquina esa tuharo tiquina yero saha yeraja usã.

⁴ Surara cahme wejẽ tiquina yũhdũdũcariro saha usã pehe ñañene yũhdũdũca duaja. Ti ñañene ye dueraja. Usã sa yegũ usã wamoa ahri yehpa cjẽna tiquina wamoa yero saha ijierare. Surara tiquina wamoare tiquina cũoro saha usã pehe Cohãcjũ tutuayere cũoaja. Ti tutuaye mehna Cohãcjũre cahme dutieyequinare cohãja usã. Masa tiquina esa tuharo tiquina masiñene ti dahseati ti ijieragũ masigũ yeaja usã ti tutuaye mehna.

⁵ Sa yena ijipihtiyequina tiquina esa tuharo tũhotuyequinare Cohãcjũre tiquina masi dutierarire duhugũ yeaja usã. Sa yena ti tutuaye mehna Cohãcjũre cahmeeñequinare Cristore quehnoano yũhtiyequina tiquina ijigũ yeaja usã. Cristo cahmeno saha tiquinare tũhotugũ yeaja usã.

⁶ Sa yena apequina mũsa mehna cjẽna Cristore tiquina yũhdũdũcagũ ihñana tiquinare buhiri dahrenatja usã. Mũsa pehe mũsa quehnoano yũhtiri bato Cristore yũhdũdũcayequinare sa buhiri dahreatinata ijinata mũsa.

⁷ Yũhũ pagũ dihitare masine mũsa. Yũhũ ijijere tiye pehere ne masiedare mũsa. “Cristo yequina ijiaja”, nina ijina, ohõ saha masiña

musa: ʘsã gũhũ musa yero saha Cristo yequinata ijiaja.

8 “Mari pũhoro ye buheyere quehnoañe buheyere buhe dutiro, cũri ʘsãre”, nigũ peye tahari musare sa ni yahuepegũta bue tieraja yũhũ. ʘsãre sa buhe dutiro musare yedo-hoanajare cũri ʘsãre. Musare do-jomehneanajare cũno niedari ʘsãre.

9 Ohõ saha poto ni yahuaaja musare “Cueari”, nigũ. Ahri yũhũ ojoari pũre ihñana musa ihña mariagũ cahmedaja.

10 Ihquẽquina musa mehna cjẽna ohõ saha nine: “Pablo ojoaro dũsero purĩniquiro yero saha oja mũjare marine. Sa ijiriquiro ijieperota mari mehna ijero ne sa ijiaga niediquiro ijire. Pejecũoriqũiro yero saha ijire. Sa yero marine tiqũiro yahuducuye dũhseati ijierare”, nine ihquẽquina.

11 Sa niñequinare ohõ saha ni yahutja: Musare ʘsã oja ohoriro sahata yahumatja musare musa cahapũ ijina. Sa yena “Ohõ saha yenata”, ʘsã ni ojoariro sahata yenatja ʘsã, musa cahapũ ijina.

12 Ihquẽquina musa mehna cjẽna “Quehnoano masi pehona ijiaja”, ni yahuducure tiqũina basi. Yohou, quehnoa yũhdũaro masiñequina ijia-jari tiqũina sa ni yahuducuye. ʘsã pehe tiqũina yero saha ne sa nisi. Tiqũina basi cahme ihña piti ca “Mari pehe quehnoa yũhdũdcana ijiaja”, nine tiqũina basi. Sa ni maca cãne nine tiqũina basi.

13 ʘsã pehe tiqũina yero saha yesi. Cohãcjũ ʘsãre buhe duti tiqũiro cũri dihitare yahuaaja ʘsã pehe musare. Apequina ye dahrayere “Yei”, nina niedaja. Cohãcjũ musare buhe dutiro ʘsãre cũri.

14 Ohõ saha nina, ni mehona niedaja ʘsã. Quehnoañe buheyere Cristo yere musare buhe mũhtana esaũ ʘsã.

15 Sa yena apequina ye dahrayere “ʘsã pehe tire yei”, ne niedaja ʘsã. Sa yena Cristore musa wacũ tutua nemogũ cahmeaja ʘsã. Sa cahmena musare buhe nemo duaja ʘsã. Sa

buhena Cohãcjũ tiqũiro cũriro punota buhe duaja musare.

16 Sa yena musa ya yehpa yũhdũropũ quehnoañe buheyere yahuna wahanatja. Sa wahana apequina tiqũina buheri bato esana, “ʘsã buhei”, nisi ʘsã.

17 Mari yerire “ʘsãta yeaja”, niedaro cahmene. Mari pũhoro Jesu tiqũiro yeri pehere ihñana bucuero cahmene. Ti pehere apequinare yahuro cahmene.

18 Masa tiqũina basi “ʘsã pehe yei”, tiqũina nigũ bucuere Cohãcjũ. Mari pũhoro Cristo “Ahriquina quehnoano yeri”, tiqũiro ni-nohriquina pehere bucuere Cohãcjũ.

11

“Jesu cũrina ijiaja ʘsã”, ni mehoñequinare yahuahye Pablo

1 Yũhũ ijiye tiyere yahugũ tũho masiegũ yero saha yahugũ niaja. Yũhũ ijiye tiyere yahugũ mehenogã bue tiaja. Sa yahurigũ yũhũ ijiepegũta yũhũre tũhorĩña musa yojopũre.

2 Cohãcjũ musare tiqũiro cahĩno saha tutuaro cahĩaja yũhũ gũhũ musare. Sa yegũ musare cuesãja yũhũ “Ñañene yeari”, nigũ. Nuhmino omoca dũhteaticoro mũmno mehna ijiericoro quehnoaricoro ticoro ijero saha quehnoana musa ijigũ tutuaro cahmeaja, Cristo dihitare musare cahme dutigũ. Sa yegũ Cristo cahapũ musa wahagũ ñañe mariena musa ijigũ cahmeaja.

3 Apequina ñañequina musare ni mehoñe, sijoro saha ijiye buheyere cahmegũ yeboaga musare. Pinono Evare ni mehono tiqũiro masiñe mehna ticorore Cohãcjũre yũhdũdcagũ yeahye panopũre. Tiqũiro sa yeriro sahata yojopũre ñañequina musare ni mehoñe, Cristore musare quehnoano ño peo-eragũ yeboaga. Sa yegũ musare cuesãja.

4 “Ohõ saha ijiriquiro ijire Jesu”, tiqũina esa tuharo sijoro saha ni meho buhepegũta tũhomene musa.

Musare usã buheriro saha ijierapegũta musare ni meho buheyequinare tũhomene musa. Sa yena “Ohõ saha ijiriquiro ijire Espiritu Santo”, tiquina esa tuharo sijoro saha ni meho buhepegũta tũhomene musa. Usã musare buheriquiro Espiritu Santo waro ijire. Tiquiro pehere queoro tiquina yahuerapegũta musare ni meho buheyequinare tũhomene musa. Tiquina sijoro saha ijiye buheyere tiquina ni meho buhegũ quehnoañe buheyere tiquina buherapegũta tire tũhomene musa.

5 Musa mehna cjẽna “Jesu cũrina ijiaja”, nimediquina yũhare masi yũhdũdũcaerare. Tiquinare do cadũcaeraja yũhũ.

6 Quehnoano yahu mihnigũ ijieraboaga yũhũ. Quehnoano yahu mihniedapegũta Cohãcjũ yere quehnoano masiaja. Yũhũ sa masiñene peye tahari musare quehnoano masigũ yei.

7 Quehnoañe buheyere Cohãcjũ yere musare buhegũ ne wapa cahmedũ. Musare yedoho duagu wapa cahmedũ. Ihyo ijiriquiro yero saha ijii yũhũ. ¿Yũhũ sa wapa cahmedagũ quehnoaedajari, musa tũhotugũ?

8 Musare yũhũ buhegũ apeye macari cjẽna Jesu yequina yũhare niñerure ohori. Tiquina sa ohogũ ti niñerure ñehei sinino marieno musare buhegũ tagũ. Musa pehe yũhare musa ohoborire tiquina pehe yũhare ohori.

9 Musa mehna ijigũ apee boro yũhare dũhsaepẽgũta musare niñerure ne siniedũ. Mari acaye Macedonia yehpa cjẽna Jesu yequina ijipihtiye yũhũ cahmedire ne wihiri yũhare. Panopũre musare ne cariboerũ yũhũ. Camerũ gũhũre musare ne caribosi.

10 Cristo potota tiquiro yahuriro sahata yũhũ gũhũ yojopũre musare potota yahugũ niaja. Ijipihtiro Acaya yehparũ ijiyequinare ahri musare yũhũ siniedarire sa yahuducugũtja.

11 ¿Musare yũhũ siniedarire apeqũinare yũhũ sa yahuducugũ tũhona, dũhse tũhotuajari musa? ¿“Pablo sa yahuro usãre cahĩedarõ niaga”, ni tũhotuboagari musa? Ijierare. Musare cahĩaja. Musare yũhũ cahĩgũ Cohãcjũ masine.

12 Wapa cahmeno marieno musare yũhũ buhe dũcariro sahata sohtori titja. Yũhũ buheri wapa yũhũ wapa negũ ihñañe tiquina “Jesu cũrina ijiaja”, ni mehoñequina ohõ saha ni boaga: “Pablo quehnoañe buheyere buhero, wapa cahmene. Sa yena usã gũhũ tiquiro yero sahata yenatja”, ni boaga tiquina wapa cahmeñe.

13 Tiquina potota Jesu cũriquina waro ijierare. Tiquinare ne cũdari tiquiro. “Jesu cũrina ijiaja”, ni mehoñe, usã yero saha ijimene.

14 Tiquina sa ni mehoñequina ijigũ masi tuhasaja yũhũ. Satana gũhũ quehnoariquiro yero saha comesa mũjare. Tiquiro angel asi siteriquiro yero saha iji duaro comesamene.

15 Tiquiro sa yeriquiro ijigũ masigũ, Satanare yedohoyequina “Jesu cũrina ijiaja”, ni mehoñequina Cohãcjũre yedohoyequina yero saha tiquina comesagũ ihñagũ, ni mehoñequina tiquina ijigũ masi tuhasaja yũhũ. Yojopũre tiquina sa comesaepẽgũta pihtiri deco ijigũ ijipihtiye tiquina ñano yeri buhirire buhiri dahrerota Cohãcjũ tiquinare.

Tiquiro ñano yũhdũrre yahuahye Pablo

16 Pari turi ahrire musare yahutja. Ne “Tũho masieniquiro ijire”, yũhare niedacãhña. Yũhũ sa ni dutierapegũta yũhare musa sa ni tũhotugũ quehnoanota yũhare. “Tũho masieniquiro ijire”, yũhare ni tũhotuepenata tũhorĩña musa yũhare. Mehenogã yũhũ ijiye tiyere yũhũ yahugũ tũhoya musa.

17 Musare sa yahugũ tũho masiegũ yero saha yei niaja. Yũhũ ijiye tiyere yahugũ mehenogã bue tiaja. Mari pũhtoro Jesu yũhare “Mũhũ basi

mũhũ ijiye tiyere yahuya”, niedare yũhare.

18 Tiquiro sa niedapegũta ahrire yahutja mũsare. Tiquina esa tuharo “Quehnoana ijiaja”, niñequina tiquina ijigũ ihñagu yũhũ gũhũ yũhũ ijiye tiyere mũsare yahutja.

19 Mũsa pehe tũho masieñequinare tũhona bucueye mehna ihñare mũsa tiquinare. Quehnoa yũhdũaro masina ijiajari mũsa pehe sa tũhona.

20 Mũsare cahacjãna tiquina yegũ, mũsa yere tiquina ehmagũ, sa ihña cãhre mũsa. Sa yena mũsare tiquina doca cũgũ, mũsa wahsupurire tiquina quẽgũ sa tũhotu cãhre mũsa.

21 Quehnoa yũhdũaro yeajari mũsare tiquina. Uãã pehe tiquina yero saha yũhdũucaeraja.

Sa yena tiquina yero saha yeraja. Tiquina yero saha ijierapegũta tiquina “Ohõ saha ijina ijiaja”, tiquina nigũ tũhogũ yũhũ gũhũ sata ni yahuboaga. Pari turi bue tiepegũta ohõ saha ni yahutja mũsare tja.

22 Tiquina “Hebreo masa ijiaja”, nine apequinare masi yũhdũuca duaye. Hebreo masũta ijiaja yũhũ gũhũ. “Israe masa mari Pacũ tiquiro beserina ijiaja”, nine tiquina pehe. Tiquina yero saha tiquiro beserigu ijimaja yũhũ gũhũ. “Abrahã panamena iji turiana ijiaja”, nine tiquina tja apequinare masi yũhdũuca duaye. Tiquina yero saha Abrahã panami iji turiagũta ijimaja yũhũ gũhũ.

23 “Cristo cahacjãna ijiaja”, nine tiquina pehe. Yũhũ gũhũ Cristo cahacjãta ijiaja. Tiquina yũhdũoro Cristo yere quehnoano yeaja yũhũ. Yohou, sa nigũ tũho masieniquiro yero saha yahuducugũ niaja. Sa yahuducugũ mehenogã bue tiaja yũhũ. Tiquina yũhdũoro tutuaro dahraũ yũhũ Cristo yere yegũ. Peye tahari tiquina yũhdũoro Cristo yaquiro yũhũ ijiri buhiri peresu yeri apequina yũhare. Tiquina yũhdũoro peye tahari tanari yũhare masa. Tiquina yũhdũoro Cristo yaquiro yũhũ ijiri buhiri masa yũhare wejẽ

duamedi. Sa yegũ mehenogã yũhdũũ yariaborigu.

24 Ihcã omope tahari judio masa yũhare ñehedi. Yũhare tiquina ñehepe tahari treinta y nueve tahari yũhare tanari.

25 Ihtia taha apequina yũhare ñehedi. Sa ñeheñe tiquina pũrita yũhare ñano yucari mehna quẽdi. Ape taha yũhare apequina utã paca mehna doqueri. Ihtia taha yucũsa mehna utãpũ doque quehe sa, minii. Sa yegũ ihcã deco, ihcã ñami taboa pjĩ bui pajiri ma decopũre ba pahsaũ.

26 Peye tahari macaripũre buhe tinigu esaũ. Yũhũ sa buhe tinigũ cua yũhdũari yũhare. Yũhare minino cua yũhdũari. Yũhare apequina yaquero cua yũhdũari. Ya dihta cjẽna judio masa, judio masa ijieyequina gũhũ yũhare ñano yero cua yũhdũari. Macaripũ, masa marienopũ, pajiri mapũ gũhare yũhare yariaro cua yũhdũari. “Mũhũ mehna cjãna ijiaja”, ni mehoñequina gũhũ yũhare ñano yero cua yũhdũari.

27 Cristo yere yegũ tutuaro dahrae tii. Sa dahragũ ñano wahyie tii. Peye tahari yũhare wũjũa ñano puriepegũta sa dahraducue tii. Ñano wũjũa ahbae tii. Sa yegũ ñano aco wũoe tirũ. Peye tahari ihyaye bocaera tii. Yũhũ suhti sañaboye gũhũ ne marieda tiri yũhare. Sa yero yũhare yũsũa yũhdũe tirũ.

28 Sa ñano yũhdũepegũta decoripe ijipihtiequina apequina Cristo yequinare, mũsa gũhare pajiro wacũ tũhotuaja.

29 Sa yegũ ihcãquiro Cristo yaquiro tiquiro sa iji cãriquiro ijigũ ihñagu bũjũa witiaja. Apequina Cristo yaquirore ñano ye dutiboaga. Tiquina sa yegũ ihñagu Cristo yaquirore cuesãgũ, tiquina ñañequina mehna usuaja.

30 Yahu duerapegũta yũhũ ijiye tiyere yahugũ tagũ, yũhũ esa tuharo tutuegũ yũhũ ijiye tiyere mũsare bucueye mehna yahuaja.

31 Cohãcjũ mari pũhtoro Jesu pacũro decoripe mari ño peoatiquiro

tiquirota musare yahu ni mehoedagū masine. Ahrire musare poto yahutja.

³² Damasco wame tiri macapu yahu ijigū ihñano, ihcāquiro pahtoro yahure ñehe duamedi. Ijipihtiyequina masa pahtoro Areta wame tiri quiro doca ijiri quiro pahtoro pūrta yahure ñehe duamedi. Sa ñehe duaro ti maca cã sahrño sopecaharipe surarare cohte dutimedi.

³³ Tiquina sa cohteri watoata yahu mehna cjenā pajiri pahudupu yahure duhu sã, ti sahrño cã sopecahagāpu yahure duhu dijiori. Ti sahrño behero pehepu yahure duhu dijiori. Tiquina sa duhu dijiori bato duhti cã wahau.

12

Pablo Cristo tiquiro ihñorire yahuahye

¹ Yahu ijiye tiyere bucueye mehna yahu yahugū dahseati ijierare. Sa ni yahugū mehenogã bue tiepegūta yahu nemoutja musare. Mari pahtoro Jesu yahure tiquiro ihñorire tiquiro masigū yerire yahutja musare.

² Ohō saha ihño ducari tiquiro yahure: Catorce cūhmari waro wahare yahure Cristo yaquirore uhmusepu tiquiro ne mujari bato. Uhmusepu ñahpicoha buipu yahure ne mujari. Yahu jeripohna dihitare tiquiro negū masiedaja yahu. O yahu pagū gūhare tiquiro negū masiedaja. Cohācjū dihita tire masine.

³⁻⁴ Sa yero paraíso wame tiropu ne mujari yahure. Yahu jeripohna dihitare tiquiro negū masiedaja yahu. O yahu pagū gūhare tiquiro negū masiedaja. Cohācjū dihita tire masine. Tiquiro sa ne mujagū esagu topure tiquiro yahurire tūhou. Ti yahu tūhorire masa ne masiedare. Tiquiro yahurire yahu dutierare.

⁵ Ohō saha yahure tiquiro ihñorire musare yahugū, “Yahu ihcūta apequinare yuhduducaja”, niboaga yahu. Sa niedaja yahu. Yahu esa tuharo masiegū yahu ijiyere, yahu tutuegū

yahu ijiyere bucuegū musare yahutja. Ti dihitare bucuegū musare yahutja.

⁶ “Apequinare yuhduducaja”, musare ni yahu yahu duagū yahu nidi potota ijiboaga. Sa yegu sa ni yahugū tūho masiegū ijieraboaga yahu. Sa ijierapegūta “Ohō saha apequinare yuhduducaja”, ni yahusi yahu musare, “Cua pesa yuhduaro yahure ihñari”, nigū. Yahure ihña masina ño peore musa. Musa ño peoepegūta ti yuhduoro yahure musa ño peogū cahmedaja.

⁷ Cristo quehnoa yuhduayere uhmusere yahure tiquiro ihñogū ihñarigū ijigū, “Apequinare yuhduducaja”, niboaga yahu pehe. Sa yahu niedatire Satana yahu pagure tiquiro duti dahregū ihñano “Quehnoanota”, nidi Cohācjū. Yahure duti dahreri Satana yahure ñano wahagū yero. Ahri dohatiye pota sajāno purño saha yahure purñe.

⁸ Ohō yahu dohatiyere yahure yuhduo dutigū sinie timi Cristore mari pahtorore. Ihtia taha sinimi.

⁹ Ohō saha ni yuhtie tiri yahure tiquiro: “Ohō mahū dohatiye pūritare mahure yuhduosi yahu. Sa mahure yuhduoerapegūta mahure cahñaja. Yahu cahñe mehna quehnoano ijiita mahū. Dohatigū tutuegū ijigū yahu tutuayere quehnoano ihñogūta mahū. Tutuayequina yuhduoro mahū pehe yahu tutuayere masare masigū yeita mahū”, ni yuhtie tiri tiquiro yahure. Tiquiro sa nigū tūhogū tutuegū yahu ijirire masigū bucueaja. Sa yegu tutuegū yahu ijiyere musare bucueye mehna yahutja. Ohō saha ni yahutja Cristo tiquiro tutuaye pehere musare yahu quehnoano masigū yeatire.

¹⁰ Sa yegu Cristo yaquiro yahu ijiri buhiri yahure puriepegūta bucueaja. Apequina ñano yahure tiquina yahu wajaepēgūta, ña yuhduaro yuhdupegūta bucueaja. Yahure tiquina ñano yeducuepegūta yahure bujua witigū tiquina yepēgūta bucueaja yahu. Sa ñano yuhdupegūta Cristo tutuaye mehna ihcāno sahaja,

tiquirore wacũ tutuagu. Sa yegu bucueaja.

Corinto cjênare Cristo yequinare pajiro bɔjɔna witi tɔhotuahye Pablo

11 Yuhɔ ijiye tiyere yahugu mehenogã bue tiaja yuhɔ. Yuhɔ sa yahuepegũta ti mɔsa ye buhiri ijire. Mɔsa pehe yuhɔ ijiye tiyere apequinare quehnoano yahuboaga. Yuhɔ esa tuharo ijigu dɔhseacɔ ijieraboaga yuhɔ. Sa ijiborigu ijiepegũta “Jesu cũrina, masi pehona ijiaja”, ni mehoñequinare docadɔcaeraja yuhɔ.

12 Potota ñano yuhdɔrigu ijiepegũta Cohãcɔ tutuaye mehna ye ihñomi mɔsare. Sa ihñogu Jesu cũrigu yuhɔ ijiyere ihñogu nimi mɔsare.

13 Apeye macari cjênare Jesu yequinare mɔsa gũhɔre ihcãno saha yee timi yuhɔ. Sa yepegũta mɔsa pehere sijoro saha cjũnogã yemi. Mɔsa dihitare cariboeramí. Mɔsa dihitare apee boro gũhɔre siniedami. ¿Yuhɔ sa siniedagũ ñaniajari, mɔsa tɔhotugũ? Ti ñañe ijigũ ti ñañene boya mɔsa yuhɔre.

14 Ahri yuhɔ yahuatire tɔhoya mɔsa. Pɔa taha mɔsa cahapɔ yuhɔ esari bato pari turi waha duaja tja. Topɔ esagu mɔsare caribosi yuhɔ. Apee borore sinisi yuhɔ mɔsare. Mɔsa yere cahmedaja. Cristo ye pehere mɔsa yuhɔtigũ cahmeaja yuhɔ. Masa pohne pehe tiquina pacɔsɔmɔare tiquina cahmeñene ohoerare. Tiquina pacɔsɔmɔa pehe tiquina pohne cahmeñe pehere ohore. Ohõ saha mɔsa yuhɔ pohna yero saha ijina yuhɔ cahmeñe pehere ohosi mɔsa.

15 Sa yegu yuhɔ pũrita yuhɔ cɔoye pehere oho duaja mɔsare yedohogu tagu. Mɔsa cahacɔno yero saha iji duaja mɔsare yedohogu tagu. Mɔsa pehere yuhɔ tutuaro cahñepegũta yuhɔ pehere mɔsa mehenogã cahñe, yuhɔ tɔhotugũ.

16 Sa yegu mɔsa mehna ijigu mɔsare cariboeru. ¿Sata ijiyari yuhɔ, mɔsa tɔhotugũ? Yuhɔ sa ijiepegũta ihquẽquina mɔsa mehna cjêna ohõ saha niboaga: “Pablo apee borore

marine ne duaro ni mehorí marine”, niboaga.

17 ¿Mɔsa sa nidiro saha yerigu ijigu, dɔhse tire yeari yuhɔ, mɔsa ihñagũ? ¿Mɔsa cahapɔ yuhɔ ohoriquina yabe borore yuhɔre ni meho ehma basari tiquina mɔsare, mɔsa ihñagũ? Ni meho ehmedari jiri.

18 Sohõ ijiri pjerɔ mɔsa cahapɔ Titore waha duti tuhasa tiquirore. Sa yegu apequirore Cristo yaquirore tiquiro mehna piti dahre ohou. ¿Tito apee borore mɔsare ni meho ehmari, mɔsa ihñagũ? Ni meho ehmedari jiri. Tiquiro yuhɔ yero saha Cohãcɔ cahmeno saha yeriquiro ijire. ¿Sa yero yuhɔ yero saha yerari tiquiro, mɔsa ihñagũ? Yuhɔ yero saha yeri jiri.

19 “Ñano yeraja usã”, ni cahmotana niedaja usã. Cristo yequina ijiaja. Sa yena Cohãcɔ tiquiro ihñonopɔ mɔsare yahuna niaja. Yuhɔ acaye, yuhɔ cahñina, mɔsare yahuu mɔsa pehere yedoho duana. Mɔsare yahuna, usã pehere mɔsare cahmegũ yena niedu.

20 Topɔ yuhɔ esagũ yuhɔ cahmeno saha yerapena ijiboaga mɔsa. Sa yegu mɔsare tutuaro cuesãja. Sa yegu mɔsa cahmeno saha yerigu ijieraboaga yuhɔ gũhɔ, topɔ esagu. Sijoro saha mɔsa yegũ ihñagu yahutja mɔsare. Topɔ yuhɔ esagũ mɔsa pehe cahme dɔse tini wiana, apee boro tiquina cɔogũ ihña coona, duita usuana, mɔsa esa tuharo apequinare yuhdɔdɔca duana, apequinare ñano yahuducuna, ñano quiti yena, “Apequinare masi yuhdɔdɔcaja”, nina, mɔsa cahmecoanore dojomehnena ijiboaga mɔsa. “Tire yeari”, nigu cuesãja yuhɔ mɔsare.

21 Topɔ yuhɔ esagũ yuhɔre mɔsare bue tisãgũ yeboaga Cohãcɔ. Sa yegu ijipihtiequinare panopɔ ñano yeyequinare, tiquina ñañene bɔjɔna witiyequinare ihñagu, tutuaro bɔjɔna witiitja yuhɔ. Numia mehna ñano yeyequinare, mɔsa mehna ñano yeye numiare, wɔana tiyequinare, ñañene tutuaro cahmeñequinare ihñagu bɔjɔna witiitja yuhɔ.

13

Pablo yahu bato tiahye

¹ Yojoṗure mṡsa caḥapṡ wahagṡ ihtia taha esagutja topure. Pua taha topure esa tuhasaṡ. Sa yegṡ mṡsare ahrire yahutja. Ohō saha nine Cohācjū yere tiquina ojoari pūṗṡ: “Ihcāquirore mari buhiri dahreato pano ihtiaro tiquirore yahusāno cahmene. Ihtiaro mariedagū ṗṡaro tiquirore yahusāno cahmene. Tiquina sa yahusāri bato buhiri dahre masiaja mari”, nine Cohācjū yere tiquina ojoari pūṗṡ.

² Panopure ñano yerina mṡsa ijigū mṡsare, ijipihtiyequina apequina gāḥure pari turi ahrire cuaro mehna yahutja. Ihcā taha mṡsa caḥapṡ pari turi esagṡ mṡsare ahrire yahuu. Yojoṗure mṡsa mehna ijieragṡ pari turi mṡsare ahrire yahutja: Yojoṗure mṡsa caḥapṡ esagṡ, ñano yeyequinare potota buhiri dahregutja yḥḥṡ.

³ Sa yeitja Cristo yḥḥṡ mehna tiquiro buherire mṡsa ihñō dutigū. Cristo pehe mṡsare dutiriquiro tutua yḥḥṡariquiro ijire. Sa yero tiquiro tutuayere ihñore mṡsare.

⁴ Mari yero saha pagṡ tiro, tiquiro tutueriquiro ijiro, curusapṡ yari-ahye. Sa yarieperota Cohācjū tutuaye mehna catiriquiro ijire tiquiro yojoṗure. Tiquiro curusapṡ ijiro tiquiro tutuerariro saha ṡsā gāḥṡ tutuena ijiaja. Sa yena ṡsā esa tuharo mṡsare yedoho masiedaboaga. Sa yena Cohācjū tutuaye mehna ijinata mṡsare yedohona tana.

⁵ Sa ye mṡsa pehe mṡsa basi ohō saha ni tḥhotuya. “¿Potota Cristore wacū tutuajari yḥḥṡ?” ni tḥhotuya mṡsa. ¿Potota Cristo mṡsa mehna cjāno ijiajari? Tiquiro ijieragū tiquiro yequina waro ijierare mṡsa. Tiquiro yequina ijierana ni mehona ijire mṡsa.

⁶ Ṳsā pehe “Jesu yequina ijiaja”, ni mehona ijieraja. Tiquiro yequina waro ijiaja ṡsā. Tire mṡsa masigū cahmeaja yḥḥṡ.

⁷ Sa yegṡ mṡsa ñano yeratire Cohācjūre sini basaja mṡsare. Sata sini basaja ṡsā mṡsa quehnoañene mṡsa yeatire. Mṡsa sa yegū ihñana ṡsā ohō saha niboaga: “Ṳsā pehe tiquinare quehnoañequina wahagū yei ṡsā”, niboaga ṡsā apequinare ṡsāre ño peo dutina. Sa ño peo dutieraja ṡsā. Sa yena Cohācjūre sini basana, mṡsa ye ijiatire sini basana niaja. Apequina ṡsāre “Ni mehoñequina ijire”, tiquina niepegūta quehnoañene mṡsa yegū ṗūritare cahme yḥḥṡaja ṡsā.

⁸ Ijipihtiye mṡsa quehnoañene yegū cahmeaja ṡsā. Cohācjū yere quehnoañene dojomehne masiedaja ṡsā.

⁹ “Cristo cahmeñene yeaja ṡsā”, ni ihñō masiedana, tutueyequina yero saha ijiboaga ṡsā, mṡsa ihñagū. Quehnoanota. Quehnoañene yena mṡsa pehe tutuana ijire. Mṡsa sa ijigū ihñana tutueyequina yero saha ṡsā ijiepenata bucueaja. Sa yena quehnoana mṡsa wahatire Cohācjūre sini basana niaja ṡsā mṡsare.

¹⁰ Sa yegṡ mṡsa mehna ijieragṡ mṡsare ahri ṗūre ojoayugṡ niaja. Mṡsa caḥapṡ esagṡ, mṡsa ñano yerina ijigū ihñagṡ mṡsare buhiri dahreitja. Cristo yḥḥṡare tiquiro dutiriro sahata mṡsare buhiri dahreitja. Yḥḥṡ sa buhiri dahreratire ahri ṗūre mṡsare ojoayugṡ niaja. Cristo yḥḥṡare tiquiro dutiriro sahata mṡsare yedohoacjṡ ijiaja. Mṡsare dojomehneacjṡ ijieraja.

¹¹ Yojoṗure, yḥḥṡ acaye, mṡsare quehnoa dutiaja. Cristore wacū tutua nemoña. Sa yena quehnoana ijiaja. Mṡsare yḥḥṡ yahurire quehnoano tḥho nṡnṡña. Mṡsa mehna cjēna mehna ihcāno mehna ijiaja. Mṡsa basi quehnoano mehna ijiaja. Mṡsa sa ijigū ihñano mṡsa mehna Cohācjū ijirota. Tiquiro marine cahme cahīgū yeriquiro, marine quehnoano mehna ijigū yeriquiro ijire.

¹² Sa yena mṡsa mehna cjēnare quehnoano bucueye mehna piti

caya.

¹³ Ijipihtiyequina ohõ cjẽna Cohãcjũ yequina m̄sare quehnoa dutire.

¹⁴ Mari p̄h̄toro Jesucristo mehna m̄sare ijipihtinare quehnoa dutiaja. Sa yeḡu Cohãcjũ mari Pac̄u tiq̄iro cahĩne mehna ijipihtina m̄sare quehnoa dutiaja. Sa yero Esp̄ritu Santo ijipihtina m̄sa mehna quehnoano ijire.

Gálatas

Galacia wame tiri yehpa cjênare Jesu yequinare ojoa ohoahye Pablo

¹ Yuhũ Pablo, Cristo yere buhe duti tiqũro cũrigũ ijiaja. Masa cũrigũ ijieraja yuhũ. Masa pehe yuhũre buhe dutiye cũedari. Cohãcjũ mari Pacũ pehe Jesure yariariqũrore masoriqũro yuhũre cũri tiqũro yere buheacjũre. Jesucristo gũhũ yuhũre cũri. Tiquina sa cũrigũ ijigũ ahrire ojoa ohoaja mũsare.

² Yuhũ mũsare Jesu yequinare Galacia yehpa cjânare quehnoa dutiaja. Yuhũ mehna cjêna Jesu yequina gũhũ mũsare quehnoa dutire.

³ Cohãcjũ mari Pacũ, mari pũhtoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa.

⁴ Tiquiro Jesucristo pehe mari ñañene yeri buhirire yariahye. Yojoũre masa tiquina ñañene yeri pje ijire. Sa yero tiqũro yariahye Cohãcjũ mari Pacũ tiqũro cahmediro saha marine yũhdũoro taro. Sa tiqũro yũhdũogũ yojoũre ñañene tiquina yeriro saha ye duasi mari.

⁵ Sa ye ijipihtiye decoripe tiqũrore mari Pacũre ño peouhna. Sata yehna.

Cohãcjũ masare tiqũro yũhdũoati buheye ihcãnota ijire. Apeye buheye mariedare

⁶ Cristo mũsare cahĩno tiqũro yequina ijianajare mũsare cũri. Sa yegũ mũsare cũriqũro yere cohãna sijoro saha ijiye buheye pehere duita mũsa cahmegũ ihña acũaa wahaja.

⁷ Apeye buheye quehnoañe buheye yero saha ijiye buheye waro ijierare. Ti sa ijierapegũta ihquẽquina mũsa cahapũ ijieyequina mũsare cariboye, sijoro saha ijiye buheye buheye, quehnoañe buheye dojomehne duare.

⁸ Sa yena mũsare usã buhe mũhtarire mari cohãgũ sijoro saha ijiye buheye mari buhegũ Cohãcjũ

marine buhiri dahreahro. Sa yero angel uhmũse cjãno sa tiqũro buhegũ tiqũro gũhũre buhiri dahreahro Cohãcjũ.

⁹ Mianogãta usã nidiro saha pari turi niitja: Ihcãqũro mũsare usã buherire cohãno, sijoro saha ijiye buheye tiqũro buhegũ Cohãcjũ tiqũrore buhiri dahreahro.

¹⁰ Sa nigũ yuhũ “Pablo dihita quehnoano buheriqũro ijire”, yuhũre ni dutigũ niedaja. Cohãcjũ pehe yuhũre “Quehnoano buheri mũhũ”, tiqũro nigũ cahmeaja. Masare bucuegũ yegũ tagũ sijoro saha ijiye buheye buheboaga yuhũ. Masa dihitare bucuegũ yegũ ijigũ ne Cristo cahacjũ ijieraboaga yuhũ.

Pablo Cristo cũriqũro tiqũro iji dũcarire yahuahye

¹¹ Yuhũ acaye, ahrire mũsa masigũ cahmeaja yuhũ: Quehnoañe buheye yuhũ buheri masa ye buheye ijierare.

¹² Ti buheye masare yuhũ tuhori ijierare. Sa ye apequina masa yuhũre ti buheye yahuerari. Jesucristo pehe yuhũre ti buheye masigũ yeri.

¹³ Panopũ judio masũ yuhũ ijie tirire masine mũsa. Ohõ saha yee tii yuhũ: Jesu yequinare tutuaro ñano yegũ tiquinare quehnoano wejẽ peho cã duami.

¹⁴ Mari ñecusũmũa mũna iji turi-ayequina tiquina buherire tutua yũhdũaro ye duagũ yuhũ acaye yuhũ ihcãno mehna masariquina yũhdũoro ye mũhtarigũ ijie timi yuhũ.

¹⁵ Yuhũ sa ijirigũ ijiepegũta yuhũ masa bajuato pano Cohãcjũ yuhũre bese tuhasari jiri. Sa yero yuhũre cahĩno tiqũro yaqũro ijiajũ cũri yuhũre.

¹⁶ Sa yero tiqũro cahmeno saha tiqũro macũnore yuhũre masigũ yeri. Tiquiro yere quehnoañe buheye judio masa ijieyequinare buheacjũ yuhũ ijiatire tiqũro macũnore masigũ yeri yuhũre. Tiquiro sa yegũ “¿Dũhse ni buhero

cahmeagari yuhure?" ni masare sinituera yuha.

17 Sa yegu Cristo cūriquina yuha pano ijiriquina cahapure Jerusalēpūre sinitugū wahaeru. Duita Arabia yehpapū wahaeru. Sa yegu Damascopū majare tojoa wihii.

18 Ihtia cūhma bato Pedrore ihñagū wahaeru Jerusalēpū. Topure pūa semana waro ijii.

19 Sa yegu apequinare Cristo cūriquinare ihñedu. Santiago dihitare mari pūhtoro bahūrore ihñau.

20 Ohō saha ni ojoagu Cohācjū mehna ne ni meho ojoaeraja.

21 Came Siria yehpapū, Cilicia yehpapū gūhare wahaeru.

22 Topure yuhū esagū ti pjere Judea yehpapū ijiyequina Jesu yequina yuhure ihña masiedari.

23 Sa ye ahri dihitare yuhure masi dūcari tiquina: "Panopure marine ñano yeriquiro yojopure quehnoañe buheyere tiquiro cohā duari buheyere buhero nine", ni, masi dūcari tiquina.

24 Yuhure sa masiñe Cohācjūre "Quehnoa yuhdūagu ijire", nidi tiquina.

2

Apequina Cristo cūriquina Pablōre piti ca, duita cahmene

1 Catorce cūhmari bato pari turi Jerusalēpū wahagu Bernabé mehna wahaeru. Tito gūhu wahari yuhū mehna.

2 Cohācjū yuhure tiquiro waha dutigū topure wahaeru. Jerusalēpū ijigu "Jesu yequina pūhtoa", masa niñequina tiquina sehsaro cahme-coagū quehnoañe buheyere judio masa ijiyequinare yuhū buherire yahuu tiquinare. "¿Judio masa ijiyequinare quehnoañe buheyere yuhū buhegū quehnoajari, mūsa tūhotugū?" nigū, sa yahuu tiquinare. Sa yahuu tiquinare panopū yuhū buherire, yojopure yuhū buheri gūhare tiquina quehnoano masiatire, tire "Quehnoare", tiquina niatire.

Tiquina sa niedagū yuhū buheri dūhseati ijieraboaga.

3 Yuhū mehna cjūno Tito judio masūno ijieriquiro ijiri. Sa yero cūhnucunū sohtoa cahserogāre yuhre nemehnediquiro ijire. Sa yuhremehnediquiro tiquiro ijipegūta Jesu yequina pūhtoa "Mūhu gūhu ti cahserogāre yuhre neña", niedari tiquirore.

4 Tiquina sa niedapegūta ihquēquina "Jesu yequina ijiaja", ni mehoñequina wacūeno mehna usā mehna sajā, tiquirore ti cahserogāre yuhre negū cahmemedi tiquina. Jesu yequina mari ijina "Panopū cjēne tiquina dutihiro saha yena ti mehna yuhdūsi", ni tūhotuaja mari. Mari sa ni tūhotugū mari yeyere ihña duaye tiquina pehe usā mehna ni meho sajāri. Sa yeye usā ñecusūmūa mūna iji turiayequina ye dutiyere ye duti duaye, ti dutiyere ño peoducugū ye duamedi usāre tiquina.

5 Tiquina sa ye duepegūta quehnoañe buheyere poto mūsa masiatire ne mehenogā mehna tūho duerū usā tiquinare.

6 Sa ye Jesu yequina pūhtoa quehnoañe buheyere yuhū buherire tiquina tūhori bato "Ahri buheye mehna apeye buheyere buhe moreña", ne niedari tiquina yuhure. Jesu yequina pūhtoare ihyo ijiyequina yero saha tūhotuaja tiquinare. Cohācjū pehe ijiptiyequinare ihcāno saha ihñare. Sa yegu sata tūhotuaja yuhū gūhu pūhtoa gūhare, ihyo ijiyequina gūhare.

7 Sa ye yuhū buheri mehna tiquina "Ahri buheye mehna apeye buheyere buhe moreña", ne niedari. Sa ye judio masa ijiyequinare yuhū buheatire Cohācjū yuhure tiquiro cūrire tūhoye, "Tita ijire", nidi tiquina. Judio masare buheyere Cohācjū Pedrore tiquiro cūriro sahata yuhū gūhare cūri judio masa ijiyequinare yuhū buheatire.

8 Judio masare Pedrore buhe dutiriquirota Cohācjū yuhū gūhare tiquirota buhe dutiri judio masa ijiyequinare.

9 Sa ye Santiago, Pedro, Ñu mehna Jesu yequina p̄h̄toa waro quehnoañe buheyere buherire Cohãcjũ ȳh̄are tiquiro c̄ũre t̄h̄oye “Tita ijire”, nidi tiquina. Sa nieta ȳh̄are Bernabé mehna quehnoano bucueye mehna omoca ñehedi us̄are piti tiye tehe. Sa yena judio masa ijieyequinare buhena ijiaja us̄ã. Santiago ḡũh̄a pehe judio masare buheyequina ijire. “Sata ijiahro”, nii us̄ã basi.

10 Sa niepeta tiquina judio masare pejec̄oyequinare yedoho dutiri us̄are. Pejec̄oyequinare yedohoacjũ ijiita niaja ȳh̄a.

Antioquíap̄a Pablo Pedrore tuhtihye

11 Sa ye Antioquíap̄a ȳh̄a esari bato Pedro ḡũh̄a esari. Sa yeḡa quehnoano tiquiro yerari buhiri tuhtii tiquirore.

12 Ohõ saha yeri tiquiro: Santiago ohoriquina Antioquíap̄a tiquina esato panogã, Pedro pehe judio masa ijieyequina mehna ihyaro nidi, judio masano ijieperota. Santiago ohoriquina judio masa ijieyequinare “Cuhnucun̄a sohtoa cahserogãre ȳh̄re neña”, niñequina, us̄ã judio masa panop̄a cj̄ena ye dutiyere ye dutiyequina ijiri. Pedro sa ihyari watoa Santiago ohoriquina esari. Sa ihyariquiro ijieperota tiquina tiquiro cahap̄a esagũ ihñano, tiquinare cuero, Pedro judio masa ijieyequinare duhu cã, pari turi tiquina mehna ihyaro wahaerari. “Panop̄a cj̄ena mari judio masa yere ȳh̄d̄ud̄caḡa niaja. Sa yeye yojop̄are wihiyequina ȳh̄are tuhtiar̄i”, nino, judio masa ijieyequina mehna ihya nemoedari.

13 Tiquiro sa ye mehoriro saha tiquiro yegũ ihñañe, apequina judio masa ḡũh̄a tiquiroreta ihña cũ, tiquina ḡũh̄a tiquiro yero saha yeri. Sa yero Bernabé quehnoariquiro ijieperota tiquina yero saha yeri tiquiro ḡũh̄a.

14 Cristo ye buheye marine quehnoano, queoro ye dutire. Sa ye Pedro ḡũh̄a ti buheye nidiro

sahata yerari, judio masa ijieyequina mehna ihya duhuye. Tiquina sa yegũ ihñaḡa, ijipihtiyequina Jesu yequina ihñonop̄a Pedrore ohõ saha ni yahuu: “M̄h̄a judio mas̄a ijiepeḡata judio masa ye dutiyere, tiquina ijiye tiyere duhu cãri m̄h̄a, Jesu yere yeḡa t̄h̄a. Sa yeḡa judio masa ijieyequina dutiye marieñequina yero saha yee tiri m̄h̄a. Sa yeriḡa ijiepeḡata apequina judio masa wihigũ ihñaḡa, judio masa ijieyequinare piti ti nemoedari m̄h̄a. ¿Judio masa dihitare m̄h̄a piti tigũ ihñañe, duhse ni t̄hotuetari judio masa ijieyequina pehe? ‘Judio masa yero saha ijiihna’, ni t̄hotuboaga tiquina. ¿Tiquina ḡũh̄are judio masare ihña cũgũ cahmeajari m̄h̄a? To ijierare”, nii tiquirore.

Judio masare apequina masa yero saha Jesure wacũ tutua dutiahye Cohãcjũ

15 Us̄ã pehe judio masa masa ba-juana, apequina ñano yeyequina judio masa ijieyequina yero saha ijieraja us̄ã.

16 Sa ijina ijiepenata Cohãcjũ dutiyere Moiser̄e tiquiro c̄ũre us̄ã yerina ijigũ “Quehnoana ijire”, ni ihñedare Cohãcjũ us̄are. Tire mari masiaja. Sa yero Jesucristore mari wacũ tutuagũ Cohãcjũ marine “Quehnoana ijire”, ni ihñanota. Tire masina, us̄ã ḡũh̄a Jesucristore wacũ tutuaja tiquirore us̄ã wacũ tutuari mehna us̄are “Quehnoana ijire”, Cohãcjũ tiquiro ni ihñatire. Sa yero tiquiro dutiyere us̄ã yerina ijigũ “Quehnoana ijire”, ni ihñedare Cohãcjũ us̄are. Ne masa ti dutiyere yeye mehna “Quehnoañequina ijire”, ni ihñedare Cohãcjũ tiquinare.

17 Cristore mari wacũ tutuaye mehna quehnoana Cohãcjũ yequina mari waha duagũ, ñana mari ijiyere masigũ yerota Cristo. ¿Cristo mari ñañene marine masigũ yero, ñana marine ijigũ yeajari tiquiro, m̄sa t̄hotugũ? Ne mehenogã mehna sa yerare.

¹⁸ Ɔsã dutiye yeye mehna yũhdũ duamedina ijiepenata ti buheyere cohãũ. Sa cohãepenata pari turi ti buheyere yena ti dutiyere usã ye pehoerari buhiri potota buhiri tinata usã.

¹⁹ Cohãcjũ dutiyere Moiserere tiquiro cũrire ihcãno sahaeraja mari. Sa yena ti dutiye mehna ne yũhdũsi mari. Sa yena Cohãcjũ tutuaye mehna tiquiro yequina ijiaja mari.

²⁰ Cristo mehna curusapũ yariariquina yero saha ijiaja mari. Sa yena yariariquiro tiquiro esa tuharo tiquiro yerariro saha mari esa tuharo yeraja. Cristo ye tutuaye mehna yeaja. Sa yena yojopũre Cohãcjũ macũnore wacũ tutuaye mehna ijiducuaja mari. Tiquiro Cohãcjũ macũno marine cahĩne. Sa yero mari ye buhirire yariari.

²¹ Ti dutiye yeye mehna quehnoana Cohãcjũ yequina mari wahagũ Cristo yariari pehe ne dũhseati ijieraboaga. Cohãcjũ marine tiquiro cahĩdire, Cristo tiquiro yariarire ihyo ijiye waro yero saha ijigũ ye dueraja yũhũ pehe. Sa yegũ “Dutiye mehna yũhdũgutja”, ne nisi yũhũ.

3

Cohãcjũ dutiye Moiserere tiquiro cũrire, wacũ tutuaye gũhare yahuahye Pablo

¹ Yũhũ acaye, mũsa Galacia cjãna tũho masiena iji wame tire mũsa. Jesucristo curusapũ tiquiro yariarire buheyere ijipihtiyequina tiquina ihũonopũ mũsare yahuu. ¿Sa yena yojopũre tiquiro yere mũsa yũhdũducature ni mehoũnequina mũsare tiquina dojomehnegũ dũhse yena tiquinare yũhtiri mũsa?

² Ahrireta yahu duaja mũsare: Dutiyere mũsa yeye mehna Espĩritu Santore cũo dũcaerari mũsa. Quehnoañe buheye pehere tũhona Cristore mũsa wacũ tutuaye mehna Espĩritu Santore cũo dũcari mũsa.

³ Espĩritu Santo tutuaye mehna mũsa Cristo yequina iji dũcagũ yojopũre mũsa basi dutiyere mũsa yeye

mehna Cohãcjũ cahapũ mũsa waha duagũ ñarĩne. Tũho masiena ijire mũsa, sa yena.

⁴ ¿Quehnoañe buheyere mũsa yeri buhiri peye tahari mũsa ñano yũhdũna ihyo warota ñano yũhdũna niyari mũsa, sa wahana? Ihyo waro ijierare mũsa sa ñano yũhdũri. Dutiyere yeye mehna Cohãcjũ cahapũ mũsa waha duana ihyo warota ñano yũhdũna niboaga mũsa.

⁵ ¿Dũhse mũsa yeri wapa Espĩritu Santore mũsare ohori Cohãcjũ, mũsa tũhotugũ? Tiquiro dutiyere mũsa yeri wapa ohoerari tiquiro. Tiquiro buheyere quehnoano mũsa tũhogũ ihũano tiquirore mũsa wacũ tutuari batopũ Espĩritu Santore ohori tiquiro. ¿Cohãcjũ mũsa watoa tiquiro tutuaye mehna ye ihũono dũhse ijero boro sa ye ihũojari tiquiro, mũsa tũhotugũ? Tiquiro dutiyere mũsa yeri wapa sa ye ihũoedari tiquiro. Tiquiro buheyere quehnoano mũsa tũhogũ ihũano tiquirore mũsa wacũ tutuagũ sa ye ihũori tiquiro.

⁶ Abrahã Cohãcjũre wacũ tutuahye. Tiquiro sa yegũ tiquirore Cohãcjũ “Quehnoariquiro ijire”, ni ihũahye.

⁷ Sa yena ahri yũhũ niatire masiña mũsa: Cohãcjũre wacũ tutuayequinata potota Abrahã panamena iji turiayequina ape tjuro cjẽna yero saha ijire.

⁸ Panopũ Cohãcjũ yere tiquina ojoari pũpũ ohõ saha ni yahuahye: Judio masa ijieyequina Cohãcjũre tiquina wacũ tutuagũ ihũano “Quehnoañequina ijire”, ni ihũare Cohãcjũ. Tiquiro sa ni ihũatire Cohãcjũ panopũ masiyuro, tiquiro quehnoañe buheyere Abrahãre yahu mahta tuhasahye. “Mũhũ mehna ahri yehpa cjẽnare ijipihtiyequinare quehnoano yeitja”, niahye Cohãcjũ Abrahãre.

⁹ Sa yero Abrahã Cohãcjũre quehnoano tũho wacũ tutuahye. Tiquiro sa wacũ tutuagũ ihũano Cohãcjũ tiquirore quehnoano yeahye. Sa ye apequina masa Cohãcjũre tiquina wacũ tutuagũ,

tiquina gāhure quehnoano yerota Cohācjū, Abrahāre tiquiro yeriro sahata.

¹⁰ “Ti dutiyere Moiserere tiquiro cūri mehna Cohācjū yequina wahanata”, ni tūhotuyequina buhiri tiyequina ijire. Tiquiro ojoari pūpū sata nine: “Cohācjū dutiyere tiquiro ya pūpū tiquina ojoarire ye pehoeyequina buhiri tiyequina ijire tiquina ijipih-tiyequina”, ni ojoahye.

¹¹ Cohācjū yere tiquina ojoari pūpū ohō saha nine: “Cohācjūre wacū tutu-ayequinare ‘Quehnoañequina ijire’, ni ihñare Cohācjū. Sa wacū tutuaye ijipih-tiye decori Cohācjū mehna sa ijiduceta”, nine Cohācjū yere tiquina ojoari pūpū. Tiquiro sa nigū ahri yahū niatire mari quehnoano masiaja: Ti dutiyere tiquina yeye mehna masare quehnoañequina yero saha ihñedare Cohācjū.

¹² Dutiyere yeye mehna Cohācjū cahapū waha duayequina Cohācjūre wacū tutuerare. Ohō saha nine Cohācjū yere tiquina ojoari pūpū: “Dutiyere yeye mehna quehnoañequina waha duayequinare ti dutiyere ye pehoru cahmene tiquinare”, nine Cohācjū yere tiquina ojoari pūpū.

¹³ Sa ye ti dutiyere marine buhiri tigū yere. Mari buhiri tigū ihñano Cristo pehe tiquiro basi mari ye buhirire buhiri tiriquire waharu, mari buhiri tiborire buhiri ti basahye marine. Cristo tiquiro buhiri tiatire yahuro ohō saha ni ojoahye panopūre: “Ijipih-tiyequina yucaripū tiquina duhu ohōriquina buhiri tiriquina ijire”, ni, ojoahye panopūre.

¹⁴ Tiquiro sa ni ojoariro sahata sa yeahye Cristore. Cohācjū Abrahāre “Ahri yehpa cjēnare quehnoano yeitja”, tiquiro nidiro sahata yero niahye masare. Sa yeahye Cristo mehna. Tiquiro yariahye judio masa ijieyequinare Cohācjū quehnoano tiquiro yeatire. Sa yero Jesu-cristo mehna sohtori tiahye Cohācjū Abrahāre tiquiro nidiro sahata. Sa yeahye tiquire mari wacū tutuari

bato Espiritu Santore mari cūoatore.

Tiquiro buherire quti mehna yahū nemoahye Pablo

¹⁵ Yahū acaye, masa ye quti mehna ti yahū nidire yahutja mūsare: Tiquina pacūro tiquiro yariato pano tiquiro pohne comesatire yahuri pū ohō saha ni ojoare. “Yeere yahū pohñare ohoutja”, ni ojoare. Tiquiro sa ni oja cūri pūre tiquiro yariato pano apequiro pehe ti pūre sijoro saha ni oja nemo masiedare. Sa yero ti pūre “Poto ijierare”, ni masiedare.

¹⁶ Ti pūre tiquina pacūro tiquiro pohñene tiquiro cūriro saha “Mūsare quehnoano yeitja”, Cohācjū nino, Abrahāre tiquiro panamino iji turariquire gāhure nino niahye. Sa nino apequina tiquiro panamena iji turiayequinapūre nino niedahye. Ihcāquiroreta tiquiro panamino iji turariquire dihitare nino niahye Cohācjū. Tiquiro Abrahā panamino iji turariquire Cristo ijire.

¹⁷ Yojopūre quehnoano yahutja mūsare: Abrahā gāhure Cohācjū “Mūsare quehnoano yeitja”, tiquiro ni cūri bato cuatro ciento treinta cahmari yahdūri bato tiquiro dutiyere Moiserere cūahye. Sa cūno Abrahā gāhure Cohācjū “Mūsare quehnoano yeitja”, tiquiro nidire boro taro niedahye.

¹⁸ Cohācjū marine yahdūoro dutiyere mari yeye mehna marine yahdūoerare. Dutiyere yeye mehna mari yahdūgū Cohācjū “Mūsare quehnoano yeitja”, tiquiro nidi pehe dahseati ijieraboaga. Marine yahdūoro taro Cohācjū Abrahāre tiquiro ni cūri mehna sa yero taro niahye.

¹⁹ ¿Sa yero dahse yeatire tiquiro dutiyere cūri Cohācjū? Tiquiro dutiyere cūahye ti dutiyere mari yahdūdūcarire mari quehnoano masiatire. Sa yero panopūre Cohācjū “Mūhū panamino iji turariquire mehna masare quehnoano yeitja”, Abrahāre tiquiro nidiquire tiquiro wihiato pano Cohācjū dutiyere

cɔmahye masa. Sa yero Cohãcjũ dutiyere tiquiro cŭgũ tiquiro yequina angele pehe tire duti turiahye. Sa ye Moiserere tiquina cŭgũ, tiquiro pehe masare cŭ turiahye tja.

²⁰ Ti dutiyere Moise cŭ turiagũ Cohãcjũ tiquiro basita masare cŭedahye. Sa cŭedaperota Cohãcjũ “Mũhũre quehnoano yeitja”, Abrahã pehere ni cŭno, tiquiro basita sa ni cŭahye.

²¹ Cohãcjũ Moiserere tiquiro dutiyere cŭno, to pano Abrahãre tiquiro nidire “Abrahãre yũhũ nidiro saha yesi yũhũ”, nino niedahye tiquiro. Abrahãre tiquiro nidiro sahata yero taro niahye. Tiquiro dutiye yeye mehna Cohãcjũ yequina wahana ti pje pŭrita dutiyere mari yeye mehna quehnoana wahaboaga mari.

²² Sa yero Cohãcjũ tiquiro yere tiquina ojoari pŭ pehe ijipihitiye-quina ñaŕe buhiri tiyequina tiquina ijiyere yahuahye. Sa ni yahuahye Cohãcjũ “Mũsare quehnoano yeitja”, to pano tiquiro nidiro sahata yero taro. Sa yero Jesucristore wacũ tutuayequinare quehnoano yere to pano tiquiro nidiro sahata.

²³ Cohãcjũre wacũ tutuati buheyere marine tiquiro cŭato pano tiquiro dutiye pehe mari ñaŕe yerire marine masigũ ye tuhasari. Sa ye marine yahuri ti dutiye pehe. Cohãcjũre wacũ tutuati buheyere marine tiquiro yahugũpũ tiquiro dutiye marine yahu duhuri.

²⁴ Sa ye Cohãcjũ dutiye pehe Cristo wihiatu pano marine yahuri. Sa yahuri marine Cristore mari wacũ tutuaye mehna Cohãcjũ “Quehnoana ijire”, marine tiquiro ni ihñatire.

²⁵ Yojopũ pŭritare Cristore mari wacũ tutuari pje ijire. Ti sa ijigũ tiquiro dutiye pehe marine yahu nemoedare. Marine duti nemoedare.

²⁶ Sa yena Cristo Jesure mũsa wacũ tutuaye mehna Cohãcjũ pohna ijire mũsa.

²⁷ Ijipihitina mũsa Cristo wame mehna wame yenohrina ijina, Cristo

Cohãcjũ macũno tiquiro ijiro sahata tiquiro pohmata ijire mũsa gũhũ.

²⁸ Yojopũre pũa curua ijierare mũsa. Judio masa ijiena, judio masa mehna pũa curua ijierare mũsa. Cahacjãna, cahacjãna ijiena mehna pũa curua ijierare mũsa. Æmũa, numia mehna pũa curua ijierare mũsa. Sa yena ijipihitina mũsa Cristo yequina ijina, ihcã curuata ijire mũsa.

²⁹ Sa yena Cristo yequina ijina, Abrahã panamena iji turiana yero saha ijire mũsa. Mũsa sa ijina ijigũ Cohãcjũ Abrahãre “Mũsare quehnoano yeitja”, tiquiro nidiro sahata mũsa gũhũre quehnoano yerota tiquiro. Cristo yequina mũsa ijigũ ihñano mũsare quehnoano yerota.

4

¹ Ohõ saha ijire ahri quitu mehna yũhũ yahu nemogã: Tiquiro pacũro came tiquiro yere neatiquiro wahmũno iji cãhtariquiro ijiropũ ijipihitiye tiquiro ye ijiepegũta cahacjũno yero saha ijire tiquiro.

² Sa ye tiquiro wahmũno iji cãhtariquiro ijigũ tiquirore ihña ihboyequina tiquiro yere ihña ihbore. Sa yero tiquiro pacũro queoriro esagũpũ tiquiro pacũro yere cũorota.

³ Ohõ saha wahmũno iji cãhtariquiro yero saha ijimi mari gũhũ. Sa ijina mari ijigũ cahacjẽnare tiquina dutiro saha ahri yehpa cjẽ dutiye masa ye dutiye marine dutinimedi.

⁴ Mari sa ijina ijiepegũta tiquiro queori pje esagũ Cohãcjũ tiquiro macũnore ohoahye. Sa tiquiro ohogã tiquiro macũno ihcãcoro nuhmino mehna masa bajuahye. Sa yero tiquiro judio masũno masa bajuagũ Cohãcjũ dutiye Moiserere tiquiro cŭri tiquirore dutinimahye.

⁵ Mari gũhũre ti dutiyeta dutinimahye. Sa yero marine yũhdũoatiquirore ohoahye Cohãcjũ tiquiro macũnore, tiquiro pohna mari wahatire.

⁶ Sa yero tiquiro pohna mari ijigũ Cohãcjũ macũno tiquiro yaquiro

Espíritu Santore mari mehna ijiatiquire ohoahye Cohãcjũ. Tiquiro yaquiro Espiritu Santo pehe Cohãcjũre “Mai”, niniquire ijire.

⁷ Sa yena m̄sa Cohãcjũ yedohoye mehna cahacjãna ijierare m̄sa yojop̄re. Tiquiro pohna ijire m̄sa. Sa yena tiquiro pohna ijina, Cohãcjũ tiquiro ohoatire c̄onata.

Pablo Galacia cjẽnare Jesu yequinare cuesãhye

⁸ Panop̄ Cohãcjũre m̄sa masiena ijina “Cohãcjũ ijire”, m̄sa niñe queoyere ño peona ti queoye cahacjãna ijimahye m̄sa. M̄sa sa ño peoyequina cohãmana waro ijierahye.

⁹ Sa ijirina ijiepenata yojop̄re Cohãcjũre masine m̄sa. Ijierare. Tiquiro p̄rita m̄sa pehere masine. ¿Tiquiro sa masiepegũta d̄hse yena ahri yehpa cjẽna ye buheye pehere cahmeajari m̄sa? Ti buheye d̄hseati ijierare. ¿D̄hse yena panop̄ m̄sa yeriro sahata Cristo marieno ye duajari m̄sa? ¿D̄hse yena dutiyere m̄sa yeducuri mehnata Cohãcjũ cahap̄ waha duajari m̄sa? Wahasi m̄sa.

¹⁰ Ihquẽ decorire, ihquẽ asũrine, ihquẽ pohec̄rre, ihquẽ cahmarine bose decorire dahre dutire m̄sa. “Mari sa yeye mehna dutiye mehna ȳhd̄nata”, ni, t̄hotumene m̄sa.

¹¹ M̄sa sa ni t̄hotugũ m̄sare tutuaro ȳh̄ buheri d̄hseati ijieraboaya, ȳh̄ t̄hotugũ. Sa yeḡ m̄sare cuesãja.

¹² Ȳh̄ acaye ahrire tutuaro dutiitja m̄sare: Cristore ȳh̄ t̄hoturiro sahata m̄sa ḡh̄ tiquirore t̄hotuya. Panop̄ dutiye yeye mehna ȳhd̄ duayequina ijieramahye m̄sa judio masa ijiena ijina. Yojop̄ pehere ȳh̄ ḡh̄ m̄sa yero saha wah̄, dutiye yeye mehna ȳhd̄ dueraḡ. Sa yena Cristore ȳh̄ t̄hoturiro sahata m̄sa ḡh̄ sata tiquirore t̄hotuya.

M̄sa mehna ȳh̄ ijigũ quehnoano yeri m̄sa ȳh̄re.

¹³ Dohatiḡputa m̄sare quehnoañe buheyerẽ coã warore buhe d̄cau ȳh̄.

¹⁴ Ȳh̄ sa dohatiḡ ijiepegũta ȳh̄re yabierari m̄sa. Sa yena ȳh̄re cohã tojoerari m̄sa. Sa yena Cohãcjũ yaquiro angelre, Jesucristo ḡh̄re m̄sa piti caboriro saha ȳh̄re quehnoano piti cari m̄sa.

¹⁵ ¿Yojop̄re d̄hse wahari m̄sa bucueye? M̄sare ahrire niitja: Purĩñene d̄cana m̄sa caperire ore we ne ȳh̄re ohoboaya m̄sa.

¹⁶ ¿Ȳh̄ mehna cjãna ijiepenata yojop̄re queoro m̄sare ȳh̄ yahuri buhiri ihña tuhtiajari m̄sa ȳh̄re?

¹⁷ Sohõ ijiriquina m̄sare tutuaro cahmesãre. Tiquina t̄hotuye sijo saha ijire. Quehnoañe ijierare. Tiquina m̄sare ȳh̄re ȳhd̄d̄cagũ cahmene, tiquina pehere ño peo dutiye.

¹⁸ Quehnoano mehna m̄sa quehnoano wahati pehe m̄sare tiquina cahmesãgũ quehnoarĩboaga. Sa ye top̄re ȳh̄ mariedagũ ḡh̄re tiquina sa cahmesãgũ quehnoarĩboaga.

¹⁹ Ȳh̄ pohnagã, niji wahcõricoro ticoro ñano ȳhd̄ro saha m̄sare ñano wacũ t̄hotuaja ȳh̄. Tee Cristo yero saha m̄sa ijiḡp̄ m̄sare wacũ duhutja.

²⁰ Mianogã m̄sa mehna ijiḡ tuhtiro marieno bucueye mehna m̄sa mehna ȳh̄ yahugũ quehnoaboaga ȳh̄re. M̄sare pajiro t̄hotuḡ niaja ȳh̄.

Agar Sara mehna tiquina ijirire yahuahye Pablo

²¹ T̄hoya m̄sa ȳh̄re. Cohãcjũ dutiyere yeye mehna ȳhd̄ duana ijiepenata tiquiro dutiye pehere quehnoano masiedare m̄sa.

²² Ohõ saha niahye Cohãcjũ yere tiquina ojoari p̄p̄: Abrahã p̄aro pac̄ro ijiahye. Tiquiro cahacjõno Agar wame tiricoro mehna ihcãquire pohna tiahye. Sa ye tiquiro namono poto Sara wame

tiricoro mehna gũhure ihcãquiro pohna tiahye.

²³ Sa ijiepegãta tiquiro cahacjõno macũno masa mari yero saha masa bajuahye tiquiro. Tiquiro namono poto macũno pehe “Ihcãquirogã pohna tinata m̃sa”, Cohãcjũ ni yahuriro sahata masa bajuahye tiquiro pehe.

²⁴ Ahri quitu marine quehnoano queoye mehna yahure: Cohãcjũ p̃a taha masare “M̃sare yedohoutja”, tiquiro niñe yero saha ijire ahriquina numia p̃aro numia. Ihcãcoro Sinaí wame tid̃p̃ Cohãcjũ dutiyere ohori yero saha ijire. Ticoro Agar ijire. Ticoro mehna mari queoye mehna buhegũ judio masa gũhũ dutiyere yeducuye mehnata ỹhd̃ duayequina ticoro yero saha ijire. Tiquina cahacjẽna yero saha ijire.

²⁵ Ticoro Sinaí wame tid̃ Arabiap̃ ijid̃ yero saha ijiricoro ijire. Yojop̃are Jerusalẽ cjẽna judio masa dutiye yeye mehna ỹhd̃ duayequina dutiye cahacjẽna yero saha ijire. Sa yeye mari queoye mehna buhegũ tiquina ticoro yero saha ijire cahacjõno ticoro ijiro saha. Tiquina Cohãcjũ pohne ijierare.

²⁶ Mari pehe Cristo yequina ijina Cohãcjũ pohna ijiaja. Sa yena ãhm̃se cjãna ijiaja. Jerusalẽ ãhm̃sep̃ ijiri maca cjãna ijiaja mari. Top̃are masa tiquina ỹhd̃atire dutiyere yeye mariedare.

²⁷ Cohãcjũ yere tiquina ojoari p̃p̃ ohõ saha ni ojoahye Cohãcjũ pohne warore, Sara yero saha ijiricorore yahuro:

Pohna mariego, bucueya. Sa ijigo bucueye mehna sañuducuya, niji wahcõno purĩnore masiego ijigo. M̃h̃ pehe mañ cohõrigo ijigo apecoro mañ tiricoro ỹhd̃oro peyequina pohna tigota. Sa yego bucueya, ni ojoahye panop̃are ticoro pohna tiato pano Sara yero saha ijiricorore yahuro.

²⁸ Ỹh̃ acaye, Cohãcjũ nidiro sahata Isaac masa bajuahye. Mari gũh̃

tiquiro yero saha Cohãcjũ nidiro sahata tiquiro pohna ijiaja mari.

²⁹ Sa ijiepegãta ti p̃jep̃are ihyo ijiriquiro yero saha masa bajuariquiro ñano yeahye apequirore Espiritu nidiro sahata masa bajuariquirore. Yojop̃ gũh̃ sata ijire Cohãcjũ yequinare masa ñano yegã.

³⁰ Sa yero ohõ saha nine Cohãcjũ yere tiquina ojoari p̃p̃: “Cahacjõno macũno tiquiro pac̃aro yere c̃o masiedare. Tiquiro namono poto macũno pehe tiquiro pac̃aro yere c̃o masine. Sa ye tiquiro cahacjõnore ticoro macũno mehnata cohã cãhña”, ni ojoahye.

³¹ Ỹh̃ acaye, ne cahacjõno pohne yero saha ijieraja mari. Sa yena Abrahã namono poto pohne yero saha ijiaja. (Sa yena Cohãcjũ mari Pac̃a yere c̃o masiaja.)

5

Cristo marine cahacjẽna yero saha ijiyere tiquiro duhugã yeri bato tutuana ijiro cahmene marine

¹ Sa yero mari cahacjẽna yero saha ijirire potota Cristo marine duhugã yeri. Tiquiro sa duhugã yeri bato tutuana ijiaja m̃sa. Ti dutiye mehna ỹhd̃ duayequina cahacjẽna yero saha ijimedina pari turi cahacjãna sajãedacãhña m̃sa.

² Yojop̃are ỹh̃ Pablo ahrire yahutja m̃sare: “Cuhnucuñ sohtoa cahserogãre mari ỹhre nedi mehna ỹhd̃nata”, m̃sa ni tãhotugã Cristo m̃sare tiquiro yedohori d̃hseati ijierare m̃sare.

³ Ijipihtina ti cahserogãre m̃sa ỹhre nedi mehna ỹhd̃ duanare pari turi ohõ saha ni yahutja ỹh̃. Ti cahserogãre m̃sa ỹhre nedi mehna ỹhd̃ duana, apeye Cohãcjũ dutiyere ye pehoerana, ỹhd̃si m̃sa.

⁴ Dutiyere yeye mehna ỹhd̃ duana Cristo pehere cohãri m̃sa. Sa yena m̃sare Cohãcjũ tiquiro cahĩñene, tiquiro ỹhd̃ duayere duhu cãri m̃sa.

⁵ Sa ijiepegãta Espiritu Santo tuaye mehna Cohãcjũre mari pehe

wacũ tutuaja. Mari sa wacũ tutuagũ “Quehnoana ijire”, ni ihñare Cohãcjũ marine. Tiquiro sa ni ihñagũ marine tiquiro yũhdũoatire masiaja mari.

⁶ Cristo Jesu yequina ijina cuhnucunũ sohtoa cahserogãre mari yũhre negũ ne dũhseati ijierare. Ti cahserogãre mari yũhre nedagũ gũhare ne dũhseati ijierare. Sa ijiepegãta Cristo pũritare wacũ tutuana apeqũnare cahĩnata mari. Ti wacũ tutuaye pehe ihyo waro ijiro niedare.

⁷ Mũsa Cristore quehnoano wacũ tutuamedi. ¿Quehnoañe buheyere mũsare yũhũ acaye judio masa tiquina yũhdũũca dutigũ dũhse yena tiquinare yũhtiri mũsa?

⁸ Tiquina ye buheye Cohãcjũ mũsare cũriquiro tiquiro ye buheye ijierare.

⁹ Ahri yũhũ niatire wacũña mũsa: Mehenogã pã pugũ yeye trigo yũhare quehnoano ti sehsaro saha yũhũ acaye judio masa ye buheye pehere peyequina mũsa mehna cjẽna cahmeboaga.

¹⁰ Mari pũhtoro Cristore wacũ tutuaja yũhũ. Sa yegũ ahri yũhũ niatire masiaja yũhũ. Cristo yedohoye mehna apeye buheyere camepũre cahmesi mũsa. Tire masiaja yũhũ. Mũsare dojomehne cohteyequina noho ijiyequina ijiaga. Tiquinare Cohãcjũpũ buhiri dahrerota.

¹¹ Yũhũ acaye, “Dutiye yeye mehna yũhdũnata”, tiquina ni buheyere yũhũ buhegũ ijigũ judio masa yũhare ñano yeraboaga. Cristo curusapũ tiquiro yariarire yahuye buheyere yũhũ buheri buhiri tiquina ñano yeri yũhare. Cristo ye buheye mehna judio masa ye buheyere yũhũ buhe moregũ yũhare ñano yeraboaga tiquina.

¹² Mũsare dojomehne cohteyequina mũsa cuhnucunũ sohtoa cahserogãre yũhre ne dutiyequina tiquina basi dihita yũhre neahdo.

¹³ Yũhũ acaye, “Dutiye mehna yũhdũnata”, ni tũhotu dutiare Cohãcjũ mũsare. Ti dutiye mehna yũhdũerapenata ti dutiyere

yũhdũũcaeracãhña mũsa. Sa ye mũsa mehna cjẽnare cahme cahña, tiquina cahacjẽna yero saha yedohoya tiquinare.

¹⁴ Ihcã dutirore quehnoano yena, Cohãcjũ dutiyere ye pehona niaja mari. Ohõ saha ijire ti dutiro: “Mũhũ basi mũhũ cahño saha mũhũ cahapũ ijiyequina gũhare cahña”, ni, dutiahye.

¹⁵ Sa yena wahiquina yero saha mũsa basi cahme dũse tutuercãhña. Sa yena cahmequedacãhña. Mũsa mehna cjẽna “Cristo yere duhuari”, nina, quehnoano yeya mũsa.

Masa ñañene tiquina tutuaro cahmeñene, Espiritu Santo cahmeñe gũhare yahuahye Pablo

¹⁶ Espiritu Santo tiquiro cahmeno sahata ijiya mũsa. Sa yena mũsa ñañene mũsa tutuaro cahmeñene yeracãhña.

¹⁷ Ñañene mũsa tutuaro cahmegũ Espiritu Santo ihña tuhtire. Tiquiro sa ihña tuhtigũ ti ñañene duhu duare mũsa. Sa yena ñañene mũsa tutuaro cahmena, Espiritu Santore ihña tuhtire mũsa. Sa ihña tuhtina tiquiro cahmeno saha yerare mũsa. Sa ye ñañene mũsa tutuaro cahmeñe Espiritu Santo tiquiro cahmeñe yero saha ijierare. Sa ye Espiritu Santo tiquiro cahmeñe ñañene mũsa tutuaro cahmeñe yero saha ijierare ti. Sa yena mũsa cahmeno saha yerare mũsa.

¹⁸ Sa yena Espiritu Santo tiquiro cahmeñene yena ijina “Dutiye mehna mari yũhdũnata”, ni, tũhotuerare mũsa.

¹⁹ Masa ñañene tiquina yeyere mari quehnoano masi tuhasaja. Ohõ saha ijire ti: Numino mehna ñano yeye, umũno mehna ñano yeye, wũana tiye, bũe tiro marieno ñano yeye,

²⁰⁻²¹ “Cohãcjũ ijire”, tiquina niñe queoyere ño peoye, masare ujuayequina yayia tiquina yeye, ihña tuhtiyere, cahme dũse tini wiaye, doeye, usuaye, tiquiro basi dihita cũo duaye, ihña tuhti cahme tu waye, ihcã curua cjẽna ape curua cjẽnare

ihña tuhtiye, apequina yere cooye, masare wejẽne, queheye, queheye bose decorire yeye, ohõ saha ijiye ijire ñañene yeye. Panopu masare cuaro mehna yuhu nidiro sahata yojopu gũhare niitja: Ti borore yeriquina Cohãcjũ puhtoro ijiropure uhmusepare ne esasi.

²² Espíritu Santo pehe marine ohõ saha yena ijigũ yere: Masare cahña, bucuena, cueye mariena, usua muñena, apequinare quehnoano yena, quehnoana, duhuro marieno Cohãcjũ cahmeñene yena,

²³ quehnoano mehna yena, tiquina ñañe ye duarire yerana ijigũ yere marine tiquiro. Sa yeyequinare “Sa yeracãhña”, ne ihcãquiro niedare.

²⁴ Cristo Jesu yequina ijina tutuaro mari ñañene ye duarire cohã tuhasau.

²⁵ Espíritu Santo marine Cohãcjũ mehna sa ijiducugũ yerota. Sa yena tiquiro cahmeno sahata yeducuna ijihna mari.

²⁶ “Apequinare masi yuhducaja usã”, ni, tãhotuna ijieracãhna mari. Sa yena mari mehna cjẽnare usuagũ yeracãhna mari. Sa yena mari basi cahme coeracãhna.

6

Musa mehna cjẽnare yedohoya

¹ Yuhu acaye, ihcãquiro musa mehna cjũno tiquiro ñañene yegũ Cristore quehnoano wacũ tutuana ijina cahñe mehna tiquirore yedohoya quehnoañene pari turi tiquiro yeatire. Sa yena musa gũhu “Ñañene tutuaro cahmeari”, nina quehnoano yeya.

² Musa mehna cjẽna tiquina ñano yuhdugũ gũhare yedohoya tiquinare. Musa sa yena Cristo tiquiro dutiro saha yena ninata musa.

³ Ihcãquiro ihyo ijiriquiro ijieperota “Apequinare masi yuhducaja”, ni tãhoturo, tiquiro basi ni mehoñe dhitare tãhoturiquiro ijire.

⁴ Ihquẽquina musa sehsaro musa yerire “Ahri quehnoañe ijire. Ahri ñañe ijire”, ni masiña. Sa masina musa yerí quehnoañe ijigũ musa

basi bucuenata. Sa yena “Apequinare masi yuhducaja”, nisi musa. Sa niedana apequinare musa yuhduccari mehna bucuesi musa.

⁵ Sa yero Jesu yaquiro Cohãcjũ yere tiquiro basi yere. Apequiro masuno tiquirore tire yedoho masiedare.

⁶ Sa yena quehnoañe buheyere buheriquirore apee boro musa cuoyere tiquirore ohoya musa tiquiro buhena.

⁷ Oteyere oteriquiro ñañe pjerire otero ñañe ducare cuorota. Quehnoañe pjerire otero quehnoañe ducare cuorota. Ohõ saha mari gũhu ñañene yena ñañene cuonata. Sa yero mari ñari buhiri buhiri dahrerota. Quehnoañene yena quehnoañene cuonata. Sa yena quehnoano ijinata. Sa yena “Usã ñañene yegũ Cohãcjũ usãre buhiri dahresi”, ni tãhotueracãhña. Ñañene yeyequina Cohãcjũre bujapeyequina ijire. Cohãcjũre bujapeyequinare buhiri dahrerota tiquiro.

⁸ Mari ñañene tutuaro cahmena, tire yena, ti mehnata yarianata. Sa yena pecapu wahanata. Espíritu Santo pehe tiquiro cahmeñene mari yegũ tiquiro marine ijipihtiye decori uhmusepu ijiducugũ yerota.

⁹ Sa yena quehnoañene yena tire caributieracãhna mari. Cohãcjũ tiquiro queori pje ijigũ quehnoañene cuonata mari caributierana.

¹⁰ Sa yena ijipihtiyequinare mari ihñañequinape quehnoano yeihna mari. Mari acaye Jesu yequina pũritare apequina yuhduoro quehnoano yeihna.

Pablo yahu bato tiro, quehnoa duti bato tiahye

¹¹ Bujaye letra yuhu ojoari mehna ya omoca mehna masare yuhu ojoarire ihñaña musa.

¹² Musare cuhnucunu sohtoa cahserogãre yuhre ne dutiyequina masa tiquinare ño peogũ cahmene. Cristo curusapu tiquiro yariarire yahuye buheyere mari buheri buhiri masa ñano yere marine. Tiquina sa yegũ ihñañe ahriquina masare cuhnucunu

sohtoa cahserogãre yãhre ne dutire “Judio masa ye buheyere yeaja”, niñe. Sa tiquina ye dutigã judio masa tiquinare ñano yeraboaga. Sa ye ti cahserogãre yãhre ne dutire.

¹³ M̄sare ti cahserogãre yãhre ne dutiyequina pehe Cohãcjã tiquiro dutirire ye pehoerare. Sa ye ti cahserogãre m̄sare tiquina yãhre ne dutiri bato m̄sa yãhtigã ihñañe, judio masa pehe tiquinare m̄sare yãhre ne dutiyequinare ño peoboaga. Tiquina sa ño peoatire m̄sare dutire tiquina.

¹⁴ Yãhã pehe masa yãhãre tiquina ño peogã cahmeda yãhdãaja. Mari pãhtoro Jesucristo curusapã tiquiro yariari pehere masa tiquina ño peogã cahmesãja yãhã. Sa curusapã tiquiro yariagã ahri yehpa cjẽ ñañene watño yãhãre tiquiro ye dutigã yerã yãhã. Sa yariaro ti ñañene yãhãre cahmedagã yeri tiquiro.

¹⁵ Tiquiro sa yegã Cristo Jesu yequina ijina ti cahserogãre mari yãhre negã ne dãhseati ijierare. Ti cahserogãre mari yãhre nedagã gãhãre ne dãhseati ijierare marine. Sa ijiepegãta quehnoañe pehere mari comesagã pũritare quehnoare.

¹⁶ Ijipihtina ahri yãhã buherire yena, potota Cohãcjã yequina ijina, cuero marieno quehnoano ijia m̄sa. Sa yena Cohãcjã tiquiro paja ihñano mehna ijia m̄sa.

¹⁷ Mari pãhtoro Jesu cahacjã yãhã ijiri buhiri yãhã pagãre camì tiaja yãhã. Yãhã sa ijirigã ijigã yojopãre apequina yãhãre cariboeracãhdo.

¹⁸ Yãhã acaye, mari pãhtoro Jesucristo mehna m̄sare ijipihtinare quehnoa dutiaja. Sata ijiahiro.

Efesios

Efeso cjênare ojoa ohoahye Pablo

¹ Yuhũ Pablo mũsare Efeso wame tiri maca cjânare ojoa ohoaja. Yuhũ Jesucristo yere buhe duti tiquiro cũrigũ ijiaja. Cohãcjũ tiquiro cahmeno sahata Jesu yuhũare tiquiro yere buheacjũre cũri. Sa yegũ mũsare Jesucristore sa wacũ tutuaducunare ojoa ohoaja yuhũ.

² Sa yegũ Cohãcjũ mari Pacũ mehna, mari pũhoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa.

Cristo yequina mari ijigũ ihñano Cohãcjũ quehnoano yere marine

³ Cohãcjũ, mari pũhoro Jesucristo Pacũro marine quehnoano yeducure. Ijipihtiyere tiquiro ye uhmũse cjẽ quehnoañe mehna tiquiro marine quehnoano yeducure. Marine tiquirore quehnoano wacũ tutuagũ yeducure. Cristo yequina mari ijigũ ihñano sa marine quehnoano yeducure. Tiquiro sa yeriquiro ijigũ ihñana quehnoano ño peoye mehna tiquirore quehnoano yahuducuhna.

⁴ Ohõ saha yeahye tiquiro marine tiquiro yequinare: Ahri yehpa ijiatõ pano tiquiro yequina ijianajare bese tuhasahye tiquiro marine. Sa beseahye marine ñañe mariena mari ijiatire. Sa yena ñañe mariena ijiaja mari, tiquiro ihñagũ. Sa yero marine “Ñana ijire mũsa”, nisi tiquiro.

⁵ Marine cahño, paja ihñano panopũ ohõ saha niahye tiquiro marine: “Yuhũ macũ Cristo yedohoro mehna tiquina yuhũ pohna ijietã”, ni cũahye marine panopũ. Tiquiro cahmediro sahata sa yeahye tiquiro marine.

⁶ Marine tiquiro sa quehnoano yegũ ihñana ño peoye mehna tiquirore quehnoano yahuducuhna. Tiquiro macũno tiquiro cahñiquiro yequina mari ijigũ ihñano

quehnoano yere marine. Sa yena tiquirore quehnoano yahuducuhna.

⁷⁻⁸ Cristota ijire marine pecapũ wahaborinare yuhũoriqũro. Mari ñañe yerire tiquiro cohãgũ ihñano, Cohãcjũ pehe mari ñañene bore. Cristo mari ñañe buhirire yariaro tiquiro diire cohãhye. Marine tutuaro cahño, marine paja ihñano sa ye dutiahye Cohãcjũ. Tiquiro masi pehoye mehna sa ye dutiahye tiquiro.

⁹⁻¹⁰ Sa yero marine tiquiro yeatire marine masigũ yeri. Panopũ apeqũnare tire masigũ yerahye tiquiro. Ohõ saha ijire marine tiquiro yeati: Tiquiro cahmediro sahata tiquiro tũhoturiro sahata ijipihtiyequinare ihcã curuata Cristo yequina ijigũ yerota. Sa yero ijipihtiyere tiquiro ye ijigũ yerota. Tiquiro queori pje ijigũ uhmũse cjênare, ahri yehpa cjẽna gũhũre, ihcã curuata tiquiro yequina ijigũ yerota. Sa yero uhmũse cjẽne, ahri yehpa cjẽ gũhũre tiquiro ye ijigũ yerota. Sa yero Cristo pehe ijipihtiyequina pũhoro ijiorota. Sa ye ijipihtiyere tiquiro ye dihita ijiorota. Sa ijiatiquiro iji dutiahye Cohãcjũ tiquirore.

¹¹ Sa yero Cristo yequina mari ijiatire masino panopũ Cohãcjũ marine bese tuhasahye tiquiro yequina mari ijiatire. Ahri ijipihtiyere cũahye tiquiro tũhoturiro sahata, tiquiro cahmediro sahata yero taro.

¹² Sa yeahye tiquiro yere mari yeatire. Mari sa yegũ ihñañe apeqũna tiquirore ño peoye, “Tutuagũ ijire mũhũ”, nine. Uũsã pehe judio masa Jesure cahme dũcarina ijina tiquirore wacũ tutua mũhtarina ijii.

¹³ Mũsa gũhũ poto yahuducuyereata quehnoañe buheyere tũhori. Ti buheye mehnata Cohãcjũ cahapũ wahanata mũsa. Tire tũhona tiquirore wacũ tutuari mũsa. Sa wacũ tutuana tiquiro yequina wahari mũsa. Tiquiro yequinare ohõ saha niahye Cristo: “Mũsare Espĩritu Santore ohoutja”, ni yahu cũahye. Sa yero tiquirore mũsa wacũ tutuagũ ihñano

Espíritu Santore ohori m̄sare. Sa yero Espiritu Santo m̄sa mehna ijero Cohācjū yequina m̄sa ijiye tiyere masigū yere tiqiro pehe.

¹⁴ Cohācjū marine ȳhdugū yere. Sa yero came tiqiro cahap̄ neanota marine. Marine tiqiro neato pano Espiritu Santo pehe Cohācjū yere mari c̄oatire masigū yere marine. Cohācjū marine tiqiro sa yegū ihñana tiqirore ño peoye mehna “Quehnoagū ijire m̄h̄”, niaja mari.

Pablo Cohācjūre sini basahye Jesu yequinare

¹⁵⁻¹⁶ Cristore m̄sa wacū tutuana ijigū ihñagū Cohācjūre sa sini basaducuaaja m̄sare. Jesucristore m̄sa wacū tutuarire, ijipihtiyequina tiqiro yequinare m̄sa cah̄dire tuhogū Cohācjūre “Quehnoare”, niaja. Ohō saha tiqirore sini basaja m̄sare:

¹⁷ Cohācjū m̄m̄se cjāno tiqiro yere m̄sa quehnoano masiatire sini basaja. Sa yegū tiqirore m̄sa quehnoano masiatire sini basaja m̄sare. Tiqiro mari p̄h̄toro Jesucristo Pac̄ro ijire.

¹⁸ Sa yegū m̄sa quehnoano masiatire m̄sare sini basaja Cohācjūre. Tiqiro m̄sare ȳhd̄oro, tiqiro yequina ijigū yeri m̄sare. Tiqiro sa yegū quehnoa ȳhd̄are marine. Tire m̄sa masiatire sini basaja m̄sare Cohācjūre. Sa yegū marine tiqiro ohoatire quehnoa ȳhd̄aye ti ijigū ḡh̄are m̄sa masiatire sini basaja.

¹⁹ Ohō saha m̄sa masiatire sini basaja m̄sare Cohācjūre. Cohācjūre wacū tutuana mari ijigū ihñano tiqiro tutuaye mehna marine yedohore. Tutua ȳhd̄ariqiro ijire. Ti ḡh̄are m̄sa masiatire sini basaja Cohācjūre.

²⁰ Ti tiqiro tutuaye mehna tiqiro Cristo yariariqirore masoahye. Sa yero m̄m̄sep̄ tiqiro poto pehep̄ Cristore dujigū yeahye Cohācjū, ijipihtiyequinare tiqiro dutiata saha.

²¹ Top̄ dujiro ijipihtiyequina m̄m̄se cjēna p̄h̄toa bui, ijipihtiyequina apequina bui ijire Cristo.

Sa yero yojop̄re ijipihtiyequina ahri deco cjēna bui p̄h̄toro ijire. Camep̄ ijipihtiyequina ape deco cjēnap̄ ḡh̄are tiquina bui p̄h̄toro ijiatiqirota ijire tiqiro.

²² Sa yero ijipihtiyequina bui cūahye Cohācjū Cristore. Sa yero ijipihtiye c̄oriquiro yeahye tiqirore. Sa yero Cristo yequina ihcā curua ijiyequina bui p̄h̄toro sōahye tiqirore. Tiquina dapu ijire tiqiro pehe.

²³ Cristo yequina ihcā curuata ijina, tiqiro pagū yero saha ijiaja. Cristo ijipihtirop̄ sa ijiducure. Sa yero ijipihtiye tiqiro bajumehnedi mehna sa ijiducure.

2

Cohācjū marine cah̄no, paja ihñano ȳhd̄oahye marine

¹ Ñaṇe buhiri tina, pecap̄ butiborina m̄sa ijiepeḡata Cohācjū m̄sare ȳhd̄ori.

² Panop̄re ahri yehpa cjēna Cohācjūre ȳhd̄ucayequina yero saha yemedi m̄sa. Sa yena waf̄no tiqiro nidiro saha yemedi m̄sa. Tiqiro waf̄no ahri yehpap̄ dutiriquiro Cohācjūre ȳhd̄ucayequina p̄h̄toro ijire.

³ Panop̄re ijipih̄tina mari ohō saha dih̄ita yerina ijimi. Mari ñaṇe dih̄itare tutuaro cah̄memi. Mari esa tuharo, mari tuh̄oturiro saha yemi. Sa yena ijina ijipihtiyequina apequina yero saha, mari ḡh̄a ñana ijimi. Mari sa yena ijigū ihñano Cohācjū mari mehna usuaro, buhiri dahre duamahye.

⁴ Sa ye duariqiro ijieperota marine tutuaro paja ihñano, quehnoano cah̄di marine.

⁵ Sa cah̄i ȳhd̄aro, mari ñaṇe buhiri pecap̄ butiborina mari ijiepeḡata marine tiqiro mehna sa ijiducuanaja ijigū yeri. Cristo yequina mari ijigū ihñano marine sa yeri. Marine paja ihñano, ȳhd̄ori tiqiro marine.

⁶ Sa yero Cristo yequina mari ijigū ihñano Cohācjū marine came tiqiro

masoatinare cūri. Cristo tiquiro masoatinare cūri marine. Sa yena tiquiro mehna masa m̄janata mari. Sa yero uhm̄sep̄ marine Cristo mehna ijigū yerota Cohācjū.

⁷ Ohō saha yeri marine tiquiro paja ihñarire, camep̄ ijiatiquinare masigū yero taro. Sa yeri tiquiro tutuaro cahñene tiquinare masigū yero taro. Cristo yequina mari ijigū ihñano sa ȳhd̄ori tiquiro marine.

⁸ Cristore mari wacū tutuagū ihñano Cohācjū marine pecap̄ wahaborinare ȳhd̄ori. Marine paja ihñano, marine cahño marine ȳhd̄ori. Mari esa tuharo mari quehnoano yeye mehna Cohācjū cahap̄ waha masiedaja mari. Cohācjū pehe marine ȳhd̄ore. Sa yero tiquiro mehna mari sa ijiducuatire ohore marine. Tiquiro sa ohogū mari esa tuharo quehnoañene mari yeri wapa ijierare ti.

⁹ “ ‘Ūsā esa tuharo pecap̄ wahaborina ȳhd̄u’, niboaga”, nino ohō saha dutiahye tiquiro: Mari esa tuharo ȳhd̄u dutierare marine.

¹⁰ Cristo yequina ijigū yeri marine Cohācjū pehe quehnoañe dihitare yeanaja mari ijiatire. Panop̄ quehnoañene mari yeatire cū tuhasahye tiquiro marine.

Cristore c̄ona mari quehnoano iji-aja

¹¹ Sa yena panop̄ m̄sa ijie tirire yojop̄ gūhare wacūña m̄sa. Cristo yequina ijieranina judio masa ijiena ijina m̄sa acaye yero saha yerina ijimedi m̄sa. Cuhnucun̄ cahserogāre ȳhre nedari m̄sa. M̄sa sa ȳhre nedagū ihñana ūsā judio masa pehe cuhnucun̄ cahserogāre ȳhre nena pehe m̄sare ihña tuhtina ohō saha nie tii. “Cuhnucun̄ cahserogāre ȳhre neeñequina ijiye, Cohācjū yequina ijierare”, nie tii m̄sare.

¹² Ti pjere Cristo yequina ijierari jimedi m̄sa. Ūsā judio masa pehe Cohācjū beserina ijie tii. Ūsā sa ijigū “M̄sare ȳhd̄outja”, ni cūahye Cohācjū ūsāre. Sa yena m̄sa

pehe tiquiro sa ni cūrina ijierari jimedi. Sa ye Cohācjū beseriquinare ihña tuhtina ijinimedi m̄sa. M̄sa ñañe buhirire pecap̄ wahanaja ijiri jimedi m̄sa. Cohācjū mariena ijina pecap̄ waha, butiborina ijie tiri jimedi m̄sa.

¹³ Yojop̄ pehere Cristo Jesu yequina ijire m̄sa. Panop̄ Cohācjūre ihña tuhtirina ijiepenata, yojop̄re tiquiro yequina ijire m̄sa. Cristo m̄sa ñañe buhiri curusap̄ tiquiro dii cohāri bato Cohācjū yequina ijigū yeri m̄sare.

¹⁴ Ūsāre judio masare ihña tuhtina m̄sa ijigū ihñano Cristo marine ihña tuhti dutierari. Masare sa ni yahuriquiro ijire tiquiro. Ūsā judio masa, judio masa ijiena mehna p̄a curua mari ijigū ihñano, tiquiro ihcā curuata ijigū yeri marine. Mari cahme ihña tuhtirire duhugū yeri tiquiro.

¹⁵⁻¹⁶ Ohō saha tire yeri tiquiro: Mari ñañe buhirire curusap̄ yariaro marine pecap̄ wahaborinare ȳhd̄ori. Sa ȳhd̄oro tiquiro yequina ijigū yeri marine. Sa yero p̄a curua mari ijiepegūta ihcā curuata wahma curua ijigū yeri marine. Sa yero panop̄ mari cahme ihña tuhtirina mari ijiepegūta marine ihña tuhtieragū yeri. Sa yero judio masa ūsā dutiyere cohāri tiquiro. Ti dutiye marine p̄a curua iji dutiri jimedi. Yojop̄re ihcā curuata ijiaja mari. Sa yero Cristo Cohācjū yequina ijigū yeri marine.

¹⁷ Sa yero marine cahme ihña tuhtieragū yero taro Cristo quehnoañe buheyere yahuro ahtahye. M̄sa judio masa ijiena Cohācjū yere c̄oerari jimedi. M̄sa sa c̄oeragū ihñano m̄sare yahuro ahtahye. Ūsā judio masa pehe Cohācjū yere c̄ou. Ūsā gūhare yahuro ahtahye. Sa yero ijipihtinare marine cahme ihña tuhtieragū yero, bosaro ahtahye tiquiro.

¹⁸ Yojop̄re ijipihtina mari judio masa, judio masa ijiena gūhu mari Pac̄ mehna quehnoano iji masi-

aja mari. Espiritu Santo tiquiro yedohoye mehna mari Pacu mehna quehnoano iji masiaja mari. Cristo pehe marine sa ijigū yeri.

¹⁹ Sa yena yojopure ape dihta cjēna yero saha ijierare mūsa. Yojopure Cohācjū yequinare ihña tuhtina ijierare mūsa. Cohācjū yequina mehna cjāna ijire mūsa. Tiquiro ya curua cjāna ijire mūsa.

²⁰ Cohācjū yere yahu māhtariquina panopu cjēna tiquiro ye yahuducuyere oja, mūsare yahue tiahye. Ūsā gūhu tiquiro yere yahu dutiro tiquiro cūrina gūhu Cristo yere yahue tii mūsare. Ūsā ijipihtina sa yahugū tūhona, Cristore wacū tutua ducari mūsa. Quehnoa yūhdūariquiro, ñañe marieniquiro ijiro, tiquiro yequina ijigū yeri tiquiro mūsare. Tiquiro mariedagū mari ne yūhdūeraboya.

²¹ Sa yero tiquiro masiñe mehna marine tiquiro yequinare ihcā curua ijigū yeri tiquiro. Sa yena tiquiro masiñe mehna quehnoana wahaja mari. Mari sa ijigū ihñano, tiquiro mari mehna ijire.

²² Sa yena Cristo yequina ijina ijipihyeyequina apequina tiquiro yequina mehna ihcā curua wahari mūsa gūhu. Mūsa sa wahagū Cohācjū yaquiro Espiritu Santo mūsa mehna ijiro nine.

3

Judio masa ijieyequinare quehnoañe buheyere yahuriquiro ijiahye Pablo

¹ Sa yegu yūhu Pablo, Cristo Jesu yere mūsare ijipihtina judio masa ijienare yūhu yahuri buhiri peresupu ijiaja yūhu.

² Cohācjū yūhure paja ihñano, yūhure cahño, quehnoañe buheyere mūsare judio masa ijienare yūhure yahu dutiro, cūri. Tire tūho tuhasari mūsa.

³ Panopu mūsare tiquiro yahuerarire Cohācjū yojopure yūhure masigū yeri. Ahrire mehenogā yahu, mūsare oja tuhasan.

⁴ Yūhu sa ojarire buhena Cristo yere yūhure tiquiro masigū yerire masinata mūsa.

⁵ Ti tiquiro yahurire panopu cjēnare tiquiro yahuerahye. Yojopu pehere ūsāre Jesu cūrinare, Cohācjū yere yahu māhtariquina gūhure tiquiro yahurire masigū yeri Cohācjū. Tiquiro yaquiro Espiritu Santo pehe ūsāre masigū ye basari tiquirore.

⁶ Ohō saha ijire tiquiro yahuri: Ūsā judio masa dihtare Cohācjū yūhdūoerare. Judio masa ijieyequina gūhure yūhdūorota tiquiro. Quehnoañe buheyere tiquina quehnoano tūhogū yūhdūorota tiquiro tiquinare. Sa yena ūsā judio masa, mūsa judio masa ijiena mehna ihcā pagu yero saha ihcā curuata ijiaja mari. Sa yena mari ijipihtina Cristo Jesu yequina ijina ihcāno saha Cohācjū “Mūsare yūhdūoutja”, tiquiro ni cūriro sahata tiquiro yūhdūonohrina ijiaja mari.

⁷ Cohācjū yūhure paja ihñano, yūhure cahño ahri quehnoañe buheyere yahuacjare yūhure cūri. Tiquiro masiñe mehna sa cūri yūhure tiquiro.

⁸⁻¹⁰ Ijipihyeyequina apequina Jesu yequina docapu ijieyequina tiquina docapu waro ijiaja yūhu. Yūhu sa ijiepegūta judio masa ijieyequinare quehnoañe buheyere yahuacjare cūri Cohācjū yūhure. Ti buheye Cristo quehnoa yūhdūariquiro tiquiro ijiyere, quehnoa yūhdūye tiquiro cūoyere tiquiro ohoatire yahure marine. Yūhure sa cūno Cohācjū “Ohō saha yūhdūoutja masare pecapu wahaboriquinare”, nino tiquiro yūhdūoatire quehnoano yahu pehoacjare cūri tiquiro yūhure. Sa yero panopu cjēnare ti buheyere ne yahu pehoeraniahye Cohācjū. Ijipihyeyere bajumehnediquiro ijire tiquiro. Yojopure quehnoañe buheyere yahu dutiro cūri tiquiro yūhure, tiquiro quehnoano masi pehoyere masigū yero taro. Masi pehoriquiro tiquiro ijieye tiyere ūhmūse cjēna dutyeyequinare, angele puhtoā gūhure masigū ye duahye tiquiro. Sa yero taro quehnoañe buheyere buhe dutiri marine Jesu yequinare. Mūsare

judio masa ijenare yahu dutiri yuhare.

¹¹ Ahri yehpa ijiato panoputa “Masare pecar_u wahaboriquinare yuhduoutja” niahye Cohãcjã. Sa nidiquiro ijiro yojopure mari pãhtoro Cristo Jesu tiquiro yariaro mehna tiquiro nidiro sahata marine yuhduori Cohãcjã.

¹² Tiquiro sa yuhduogũ yojopure Cristore wacũ tutuana tiquiro yequina wahaja mari. Tiquiro yequina ijina cuero marieno Cohãcjũ mehna yahuducu masiaja mari.

¹³ Quehnoañe buheyere musare yuh_u buheri buhiri yojopure peresup_u ijig_u yuh_u ñano yuhdugũ ihñana bujua witieracãhña. Quehnoañe buheyere yuh_u yahugũ tãhona Cohãcjũ yequina wahari musa. Yuh_u sa yeri buhiri peresup_u ijiaja. Sa yeg_u musa ye ijiatire ñano yuhdug_u niaja. Sa yena bucueya musa. Tire tutuaro bucue dutiaja musare.

Cristo masare tutuaro cahñe

¹⁴ Sa yeg_u ahri ijipihtiye mari Pac_u tiquiro yerire wacũg_u tiquiro potodusepe curi mehna quehe sag_u sini basaja musare.

¹⁵ Tiquiro ijipihtiye cururi cjẽna, tiquiro yequina ahmusep_u ijiyequina, ahri yehpap_u ijiniñequina gũh_u tiquina Pac_uro ijire. Ijiphtina mari Pac_u ijire tiquiro.

¹⁶ Tiquirore ohõ saha ni sini basaja musare: Tiquiro masi pehoriqiro ijire. Tutua yuhduariqiro ijire. Sa yero tiquiro masiñe mehna musare quehnoano tiquiro wacũ tutuagũ yeatire sini basaja. Espiritu Santo yedohoro mehna sa yerota.

¹⁷ Sa yeg_u Cristore musa wacũ tutua nemoatire tiquiro musa mehna tiquiro quehnoano ijiatire sini basaja musare. Sa yeg_u apequinare quehnoano cahña musa ijigũ, Cristo tiquiro tutuaro cahñene musa masiatire sini basaja musare.

¹⁸⁻¹⁹ Ijipihtiyequina apequina Cohãcjũ yequina gũh_u Cristo tiquiro tutuaro cahñene tiquina masiatire

sini basaja. Tiquiro ijipihtiyequina masare cahñi yuhduariqiro ijire. Sa cahñiquiro tiquiro ijiye tiyere musa quehnoano masiatire sini basaja musare. Sa yeg_u tiquiro cahñene musa masigũ cahmeaja musa mehna Cohãcjũ quehnoano ijiatire. Quehnoa yuhduariqiro, ñañe marieniquiro tiquiro ijiro saha musa wahatire tiquiro cahñene musa masigũ cahmeaja. Sa yeg_u tiquiro cahñene musa masiatire sini basaja musare Cohãcjũre.

²⁰ Sa ye Cohãcjũre ño peoye mehna “Tiquiro tutuariqiro ijire”, ni ihna mari. Tiquiro masiñe mehna quehnoañe pehere camesa masine tiquiro marine. Marine quehnoana ijigũ ye masine. Mari sinidi yuhduoro ye masine tiquiro. Mari cahmeñene mari tãhoturi yuhduoro ye masine tiquiro.

²¹ Cristo Jesu yequina mari ijigũ ihñañe, Cristo ijiye tiye gũhare ihñañe, ijipihtiye decori ijipihtiyequina Cohãcjũre ño peohro. Sata yeahro.

4

Cristo yequina ijina ihcã curuata ijiaja mari

¹ Sa yeg_u musare tutuaro yahuaja: Cohãcjũ tiquiro yequina ijiatinare musare besee tiahye. Sa yena tiquiro beserina ijina tiquiro iji dutiriro saha quehnoana ijiya musa. Tire musare yahuaja yuh_u. Mari pãhtorore yuh_u yedohori buhiri peresup_u ijiaja yuh_u. Sa ye musare quehnoana iji dutiaja.

² “Usã pũrita masi yuhducaja”, ni tãhotuna ijieracãhña. Apequinare quehnoano mehna yeya usuario marieno. Musa mehna cjẽna musare tiquina ñano yepegũta tiquinare cahñe mehna sa ihña cãhña.

³ Sa yena Espiritu Santo yedohoye mehna quehnoano mehna ihcãno mehna ijiducuya musa. Sa yena cahmequeno marieno ijinata musa.

⁴ Ihcã pag_u yero saha ihcã curua ijiaja mari. Sa yero Espiritu Santo ihcãquirola ijire. Cohãcjũ tiquiro

yequina ijianajare m̄sare besee tiahye m̄sare ȳhd̄oatire taro. Sa yena tiquiro ȳhd̄oatire masine m̄sa. Ti m̄sa masidi ihc̄ānota ijire.

⁵ Mari p̄h̄toro Cristo ihc̄āquiota ijire. Tiquiro buheye ḡh̄u ihc̄ānota ijire. Tiquiro yequinare wame yeye ḡh̄u ihc̄ānota ijire.

⁶ Sa yero Coh̄ācj̄u ihc̄āquiota ijire. Tiquiro ijipihtiyequina Pac̄aro ijire. Sa yero mari p̄h̄toro ijire. Sa yero ijipihtinare marine yedohore tiquiro. Ijipihtina mari mehna ijire tiquiro. Sa yero ijipihtirop̄u ijire tiquiro.

⁷ Ihc̄ā curua mari ijiepeḡūta ijipihtina marine mari ye masiatire c̄uri Cristo. Tiquiro c̄uriro sahata ye masiaja mari. Tiquiro marine sa c̄ūno apee borore tiquiro sa oho c̄āriro saha yero nidi tiquiro.

⁸ Sata nine Coh̄ācj̄u yere tiquina ojoari p̄p̄u:

Coh̄ācj̄ure ih̄na tuhtiyequinare tiquiro ȳhd̄ud̄ucari bato tiquiro pari turi m̄jaa waharota. Sa m̄jano tiquiro peye sa oho c̄ānota masare, ni ojoahye panop̄ure.

⁹ “Tiquiro pari turi m̄jaa waharota”, tiquiro niḡū coā warore tiquiro dijia tari ḡh̄ure mari masiaja. Ahri yehpap̄ure tiquiro dijia tarire mari masiaja.

¹⁰ Sa yero oh̄op̄ure dijia tariquiro tiquirota ijire m̄jaa wahariquiro. Ijipihtiyē bui m̄jaa wahari tiquiro, ijipihtirop̄u ijiro taro.

¹¹ Tiquiro ijire “Masare peye sa oho c̄āriquiro”, tiquina nidiquiro. Masare tiquiro sa oho c̄āno saha tiquiro peye tiquina ye masiatire c̄uri masare.

Oh̄o saha c̄uri tiquiro: Ihquēquinare Cristo ye buheyere buheatiquinare c̄uri. Apequinare Coh̄ācj̄u yere yahu m̄htatiquinare c̄uri. Quehnoañe buheyere buhe tiniatiquinare apequinare c̄uri. Cristo yequina cahmecoañequina p̄h̄toa ijiatiquinare, quehnoano buheatiquinare c̄uri apequinare.

¹² Sa dihita c̄uri marine apequinare tiquiro yequinare mari yedohoatire. Sa c̄uri marine tiquiro yequinare tiquirore mari wac̄ū tutua nemoatire, tutuana mari wahatire.

¹³ Sa yena mari ijipihtina quehnoano mehna ihc̄āno mehna ijinata. Sata ijiro cahmene marine Cristore wac̄ū tutuana ijina. Sa yena mari ijipihtina Coh̄ācj̄u mac̄nore quehnoano masinata. Sa yena Cristo tutuariquiro, quehnoano masiniquiro tiquiro ijiriro saha mari ḡh̄u quehnoano masina wahanata.

¹⁴ Mari sa wahana macanaḡā yero saha ijisi mari. Macanaḡā quehnoano t̄ho masiedar̄āga. Apequina tiquina buheḡū “Ahri poto ijire”, ni tiquina ni meho buheḡū macanaḡā yero saha ijieyequina apeye buheyere t̄ho, beseducure. Sa ye apequina tiquina sijoro saha buheḡū ti buheye pehere cahmene. Tiquina yero saha ijisi mari.

¹⁵ Oh̄o saha yematja mari: Mari mehna cj̄enare cahme cah̄na, poto quehnoañe buheyere yahumatja tiquinare. Sa yena macanaḡā tiquina buc̄ua t̄ho masiñequina tiquina wahariro saha mari ḡh̄u tutuana, Coh̄ācj̄u yere quehnoano masina wahanatja. Cristo ijiro saha wahanata.

Tiquiro ijire mari dapu.

¹⁶ Tiquiro yequina ijina tiquiro paḡu yero saha ihc̄ā curuata ijiaja mari. Sa yena mari caperi, mari cahmo, mari dahpoc̄āri ihc̄ā paḡup̄u ti quehnoano ijiro saha mari ḡh̄u peyequina ijiepenata ihc̄āno mehna quehnoano ijiaja. Mari sa ihc̄āno mehna mari ijiatire Cristo yedohore. Mari omocari mari paḡure ti quehnoano yedohoro saha mari quehnoano yedohoaja apequinare Cristo yequinare. Sa yena mari mehna cj̄enare Cristo yequinare quehnoano cah̄na, tiquinare quehnoano yedohona, tutuana Cristore wac̄ū tutua nemonā wahanata mari.

Cristo yequina wahana mari ñañe

yeyere duhu, quehnoañe pehere came-saja mari

17 Sa ye mari p̄h̄toro Cristo tiquiro dutiro mehna oh̄o saha niitja m̄sare: Coh̄ãcj̄ure cahmeeñequina waro yero saha yeracãhña m̄sa. Tiquina t̄hotuye pehe ñañe dihita ijire. Sa ye tiquina t̄hotuye d̄h̄seati ijierare.

18 Sa yero Satana Coh̄ãcj̄ũ yere tiquinare t̄hoeragũ yere. Sa ye tiquiro yere ne t̄hoerare. T̄ho duerare tiquina. Sa ye Coh̄ãcj̄ũ tiquiro quehnoano iji dutiriro saha ijierare tiquina.

19 Sa ye tiquina ñano yeye ne b̄e tiera ȳhd̄uare. Ne b̄j̄ua witierare. Ñañene tiquina tutuaro cahmeñe dihitare yeducure. Ijipihtiye ti ñañene yeducuye duhu duerare.

20-21 M̄sa pehe poto tiquiro yere t̄hona m̄sa ijigũ, Jesu yere quehnoano masina m̄sa ijigũ m̄sa pehere tiquina yero saha ye dutierare tiquiro.

22 Sa yena panop̄ m̄sa yerire duhu cãhña. Ti pjere ñañene yeducuna m̄sa ijigũ ti ñañe pehe m̄sare dojomehnenonimedi. “Ñañene yena, quehnoano bucuenata”, ni t̄hotuna ijiepenata ne bucuerari m̄sa.

23 Sa ye m̄sa t̄hotuyere quehnoañe pehere comesaro cahmene m̄sare.

24 Panop̄ m̄sa ñañe yerire duhu cãhña. Sa yena quehnoañe pehere comesarina ijiya m̄sa. Oh̄o saha ijieyequina Coh̄ãcj̄ũ yero saha ijire. M̄sa sa ijina, quehnoañene yeducunata. Sa yena ñañene yabinata m̄sa.

25 Sa yena m̄sa ni mehorire duhu cãhña. M̄sa mehna cj̄enare poto yahuya, ni mehono marieno. Mari ihcã paḡ yero saha ihcã curua cj̄anata ijina niaja. Sa yena m̄sa basi ni mehoedacãhña.

26 Apequinare usuana, tiquinare ñano yeracãhña. Sa yena usuana, ne yoari pje usuaducueracãhña m̄sa.

27 Yoari pje usuana, wat̄no tiquiro cahmeno saha yena niaga m̄sa. Sa yeracãhña.

28 Ihquẽquina m̄sa mehna cj̄ana Jesu yequina m̄sa ijiato pano yaquerina ijina pari turi yaqueracãhña. Sa yena yojop̄are quehnoano dahraya pejec̄oyequinare m̄sa ohoatire.

29 Ne ñano yahuducueracãhña. Quehnoañene yahuducuna apequinare yedohore m̄sa. Sa yena quehnoañe dihitare yahuducuya.

30 Ñañene yena Esp̄ritu Santore b̄j̄ua witigũ yena niaga m̄sa. Sa yeracãhña. Yojop̄are pihtiri deco pano Cristo marine tiquiro neato pano Esp̄ritu Santo marine ihña ihbore marine ñañene ye dutieraro. Sa yero Cristo yequina mari ijyere masigũ yere tiquiro marine. Sa yena tiquirore b̄j̄ua witigũ yeracãhña.

31 Sa yena ne ñano ye nemoedacãhña. Usua, cahme d̄se tutua nemoedacãhña. Apequinare ñano ni sañuducu nemoedacãhña. Apequinare quiti dahre nemoedacãhña. Ne apequinare ñano ni t̄hotu nemoedacãhña.

32 Sa ye m̄sa mehna cj̄enare quehnoano mehna quehnoano yeya. Cristo yequina m̄sa ijigũ ihñano m̄sa ñañene bo cãhri Coh̄ãcj̄ũ. Oh̄o saha apequina m̄sare tiquina ñano yegũ ihñana tiquina ñañene bo cãhña m̄sa gũh̄a.

5

“Coh̄ãcj̄ũ poh̄ene oh̄o saha ijiro cahmene”, ni yahuahye Pablo

1 Sa ye Coh̄ãcj̄ũ poh̄na tiquiro cahñona ijina Coh̄ãcj̄ure ihña cũña m̄sa.

2 Sa yena apequinare sa cah̄ducuya. Cristo marine cah̄no, mari ñañe buhiri yariahye. Sa yariaro Coh̄ãcj̄ure bucuegũ yeahye tiquiro. Sa yena marine tiquiro cah̄diro saha m̄sa gũh̄a apequinare cah̄ña.

3 Sa yena Coh̄ãcj̄ũ yequina ijina ne numia mehna ñano yeracãhña. Numia gũh̄a m̄sa mehna ñano yeracãhña. Apeye ñañene oh̄o saha ijyere ñañene yeracãhña. Apee borore cahme ȳhd̄ueracãhña. Ne sa yeraro cahmene m̄sare Coh̄ãcj̄ũ yequina ijina.

⁴ Sa yena buoyere cahme yahuducueraro cahmene musare. Tũho masieñequina yero saha yahuducueraro cahmene musare. Sa yena ñano ni bujuperaro cahmene musare. Ahri pehere yero cahmene musare. Cohãcjũ mehna yahuducuro cahmene musare. Sa yahuducuna tiquirore “Quehnoano yeri mahũ usãre”, nino cahmene.

⁵ Apee borore cahme yũhdũana, “Cohãcjũ ijire”, mari ñiñe queoyere mari cahmeno saha yena niaja mari tire. Doeri cjẽne ño peoyequina yero saha yena niaja mari. Sa ye wũana tiyequina, ñañe dihitare tũhotuyequina, apee borore cahme yũhdũayequina Cohãcjũ, Cristo mehna tiquina pũhtoro ijiropũ ne wahasi tiquina. Tire quehnoano masiaja mari.

⁶ Ohõ saha yeyequina tiquina yeri buhiri buhiri dahrerota Cohãcjũ tiquirore yũhdũacayequinare. Sa yena apequina musare “Ahri ñañe ijierare”, tiquina ni mehogũ tũhoeracãhña.

⁷ Sa yena ohõ saha ñano ye yũhdũacayequinare ne piti tieracãhña.

⁸ Cristo yequina musa ijiato pano sa ijirinata ijimedi musa gãhũ. Yojopũ pehere tiquiro yequina ijina, Cohãcjũre quehnoano masine musa. Cohãcjũ yequina quehnoañene yere. Sa yena sa yero cahmene musare.

⁹ Sa yena Cristo yequina ijina quehnoañene, Cohãcjũ cahmeñene, ni mehono marieno yeducunata musa.

¹⁰ Quehnoañene mari yegũ ihñano mari pũhtoro Cristo bucuere. Sa yena tire yeya.

¹¹ Cristore cahmeeñequina ñañe tiquina yeye ñañe waro ijire. Sa yena tiquina yero saha musa pehe yeracãhña. Quehnoañe buheyere Cristo yere yahuya tiquinare. Sa yena tiquina ñañe yeyere tiquinare masigũ yeya.

¹² Masa ihñenopũ tiquina ñano ye cohtere. Tiquina sa yerire yahuducuna mari bæe tiboaga. Sa yeye ña

yũhdũaro yere tiquina.

¹³ Sa yena tiquinare quehnoañe buheyere mari yahuna, ña yũhdũayequina tiquina ijiyere masigũ yena niaja mari tiquinare. Ijipihtiyere mari yerire marine masigũ yere quehnoañe buheye, buhriero marine ti ihña masigũ yero sahata.

¹⁴ Ti ijirota ijire. Sa ye ohõ saha ni yahure Cohãcjũ yere yahuyequina:

Ne, yahure tũho duena, tũhoya musa.

Musa ñañe yeyere bujũa witi, tire duhuya. Cristo musa ñañe yeyere masigũ yerota, ni yahure.

¹⁵ Sa yena decoripe quehnoano yeya musa. Tũho masieñequina yero saha ijieracãhña. Tũho masina ijiya.

¹⁶ Yojopũ cjẽna masa ña yũhdũaro yeducure. Sa yena musa pehe quehnoañene, Cristo yere sa yeducuya musa.

¹⁷ Sa yena tũho masiena ijieracãhña. Cohãcjũ cahmeñene quehnoano masiña. Sa yena tire yeya.

¹⁸ Sa ye pairure sihni queheracãhña. Queheyequinare ñano yũhdũaro cua yũhdũare. Sa yena pairure tutuaro cahmedacãhña. Espiritu Santo pehere tutuaro cahmeña musa mehna tiquiro quehnoano ijiatire. Tiquirore quehnoano yũhtiya.

¹⁹ Sa yena musa basi Cohãcjũre ño peo basayere cahme yahuducuya. Sa yena Salmore Cohãcjũ yere basayere, apeye tiquirore ño peo basaye gãhũre tiquirore basa peoya musa. Quehnoano wacũ ño peoye mehna basa peoya. Sa yena mari pũhtoro Cristore ño peoya.

²⁰ Cohãcjũ mari Pacũ ijipihtiyere musare tiquiro ohorire bucue “Quehnoare”, sa niducuya musa tiquirore. Mari pũhtoro Jesucristo yequina ijina mari Pacure “Quehnoare”, sa niducuya musa.

“Musa ihcã wũhũ cjãna Jesu yequina ijina, ohõ saha yeya”, ni yahuahye Pablo

21 Sa ye m̄sa mehna cjēnare cahme ño peoye mehna ȳhtiya. Sa cahme ño peo ȳhtina Cristo ḡh̄ure ño peona nine m̄sa.

22 M̄sa namos̄anumiare yahutja yojop̄re. Mari p̄htoro Cristore mari ȳhtiro saha m̄sa man̄sum̄are quehnoano mehna ȳhtina numia ijiya.

23 Jesucristo marine ȳhd̄ore tiquiro ya curua cjāna mari ijiatire. Sa yero mari tiquiro ya curua cjāna mari p̄htoro tiquiro ijiro saha m̄sa man̄sum̄a m̄sa namos̄anumia p̄htoa ijire.

24 Sa yena Cristo yequina ijina tiquirore sa ȳhtiducujama mari. Sata m̄sa namos̄anumia m̄sa man̄sum̄are quehnoano ȳhtiducuna numia ijiya.

25 M̄sa man̄sum̄a pehere yahutja yojop̄re. Cristo marine tiquiro yequinare cah̄no, mari ye ijiatire yariahye. Sa yena marine tiquiro cah̄diro saha m̄sa ḡh̄u m̄sa namos̄anumiare quehnoano cah̄ducuya.

26 Cristo mari ye ijiatire yariahye mari ñāne yerire cosero taro. Tiquiro buheye quehnoañe buheye mehna mari ñāne yeyere cosere. Sa yero tiquiro yequina mari ijiḡ ih̄ñano aco mehna marine wame yere.

27 Sa cosere marine tiquiro yequina ijianare yero taro. Tiquiro sa coseḡu ne ñāne buhiri mariena ijinata, tiquiro ih̄ñaḡu. Sa yena quehnoana, Cristo yero saha ijinata.

28 M̄sa namos̄anumiare cah̄na, m̄sa basi m̄sa paḡurire m̄sa cah̄no saha tiquina numiare cah̄ña. Mari namonore cah̄na mari paḡure cah̄na niaja.

29-30 Ne mari paḡurire ñano wahaḡu cahmedaja. Mari ihyayere ihyana quehnoano yena niaja mari paḡurire. Cristo yequina ijina tiquiro paḡu yero saha tiquiro ya curua cjāna ijiaya mari. Sa yero marine quehnoano yere tiquiro. Sa yena Cristo marine tiquiro quehnoano yeriro sahata mari ḡh̄u mari paḡure quehnoano

yeaja. Mari namos̄anumia ḡh̄ure sata quehnoano yero cahmene marine.

31 Sata nine Coh̄cj̄u yere tiquina ojoari p̄p̄u: “Sa ye am̄ano tiquiro pac̄sum̄are wijiaro tiquiro namono mehna ijirota. Sa ye tiquina p̄h̄aro ijiepetata ih̄c̄aquiroyero saha ijieta”, ni ojoahye panop̄u.

32 Ahri tiquiro ojoarire apequina quehnoano t̄hoerari jiri. Sa yeḡu tire oh̄o saha ni yahutja m̄sare. Oh̄o saha ni yahuro niaga. “Cristo tiquiro yequina mehna ih̄c̄a paḡu yero saha ih̄c̄a curuata ijire”, ni yahuro niaga.

33 Sa yeḡu m̄sare oh̄o saha ni yahu nemoutja tja: M̄sa paḡurire m̄sa cah̄no saha m̄sa namos̄anumiare cah̄ña. Sa yena m̄sa man̄sum̄are quehnoano ño peoya m̄sa.

6

1 Yojop̄re macanaḡare yahutja. Mari p̄htoro Cristo yequina ijina m̄sa pac̄sum̄are quehnoano ȳhtiya. M̄sa sa yeḡu quehnoar̄ne.

2-3 Oh̄o saha niahye Coh̄cj̄u dutiye: “M̄sa pac̄sum̄are quehnoano ño peoya”, ni dutiahye tiquiro. Ahri dutiro mehna Coh̄cj̄u yahu nemoahye. Oh̄o saha niahye: “M̄sa pac̄sum̄are ño peona, ahri yehpap̄u yoari p̄je bucueye mehna ijinata m̄sa”, ni yahuahye. Tiquiro sa ni yahuḡu ahri dutiro ihyo ijiri dutiro ijierare. Sa yena tiquiro nidiro saha m̄sa pac̄sum̄are ño peoya.

4 Yojop̄re tiquina pac̄sum̄are yahutja: M̄sa pohnare sa tuhtiducuerac̄h̄ña, “Usuaḡu yeari”, nina. Mari p̄htoro Cristo tiquiro cah̄ñe mehna tiquiro yedohoye mehna tiquinare quehnoano cohteya. Sa yena tiquinare quehnoano yahuya.

5 Yojop̄re cahac̄j̄anare m̄sare yahutja: Cua pesaro mehna, ño peoye mehna ahri yehpa cjēnare m̄sa p̄htoare quehnoano ȳhtiya. Ni mehono marieno quehnoano ȳhtiya. Cristore m̄sa ȳhtiro sahata tiquinare ȳhtiya m̄sa.

6 Tiquina ih̄ñono dihitare ȳhtina ijierac̄h̄ña. Sa yeyequina masa

dihitare tiquinare ihña bucuégũ cahmene. M̄sa pehe Cristo tiquiro cahacjãna m̄sa ijiro saha m̄sa p̄htoa gũhare sa yuhtiducuya. Cohãcjũ tiquiro cahmeno sahata quehnoano bucueye mehna yuhtiya.

⁷ Sa yena Cristore yuhtina m̄sa ijiro saha bucueye mehna yuhtiya m̄sa p̄htoa gũhare. “Masa dihitare yuhtina niaja”, ni tahotueracãhña.

⁸ Sa yena ahrire wacũña: Ijipihtina quehnoañene mari yegũ ihñano Cohãcjũ quehnoano yerota marine. Cahacjẽnare, cahacjẽna ijieyequina gũhare quehnoano yerota.

⁹ Yojopure p̄htoare yahutja: M̄sa cahacjẽnare quehnoano yeya. Tiquinare quehnoano yuhtu ye dutiriro sahata yeya m̄sa gũhu tiquinare. Tiquinare tuhtiperacãhña. Æhm̄se cjãno Cohãcjũ potota tiquina p̄hthora ijire. M̄sa yaquiro p̄hthora ijire tiquiro gũhu. Sa yena ijipihtina m̄sa tiquiro cahacjãna dihita ijire. Sa yero tiquiro ihcãno saha ihñare m̄sare ijipihtinare. Sa yena m̄sa cahacjẽnare tuhtiperacãhña.

Cristo yequina watĩnore tiquina cahmotarire yahuahye Pablo

¹⁰ Ahrire yahu bato tiitja m̄sare: Quehnoano wacũ tutuana ijiya m̄sa. Mari p̄hthora Cristo m̄sa mehna ijire. Sa yena tiquiro ye masiñe mehna wacũ tutuana ijiya.

¹¹ Watĩno marine ni mehono, ñano ye dutire marine. Cohãcjũ marine cahmotare mari ñañene yeborire. Marine tiquiro cahmotaye surara tiquiro cahmotari suhtiro, come suhtiro yero saha ijire. Sa yena ti suhtirore m̄sa sañano saha Cohãcjũ tiquiro cahmotayere quehnoano c̄o pehoya.

¹² Jesu yequina mari ijigã, marine ihña tuhtiequina masa waro ijierare. Æhm̄se cjẽna ijimediquina ñañequina, tutuayequina, tiquina pehe ijire marine ihña tuhtiequina. Watĩa ahri yehpa cjẽna p̄htoa ijire. Sa ye tiquina gũhu ijire marine Jesu yequinare ihña tuhtiequina.

¹³ Sa yena yojopure cahmotari suhtirore m̄sa sañano saha Cohãcjũ m̄sare tiquiro cahmotatire tiquiro yere quehnoano c̄o pehoya. Sa yena watĩno m̄sare tiquiro ñano ye dutigã, m̄sare tiquiro ñano ye duagã, tiquirore cahmotanata. Sa yena yuhtuducanata. Sa tiquirore yuhtuducana, tutuana tojoanata m̄sa.

¹⁴ Sa yena tutuana ijiya. Cohãcjũ m̄sare tiquiro cahmotatire ohõ saha yeya m̄sa:

Surara tiquiro come suhtiro mehna tiquiro jeripohnare cahmotariro saha poto yahuyere Cohãcjũ yere quehnoano tãhoya m̄sa watĩnore m̄sa cahmotatire. Sa yena Cristo yedohoye mehna quehnoana ijiya m̄sa, watĩnore m̄sa quehnoano cahmotatire.

¹⁵ Surara tiquiro dahpo suhti mehna tiquiro dahpocãrine tiquiro cahmotariro saha quehnoañe buheyere quehnoano masiña m̄sa, watĩnore m̄sa cahmotatire. Ti buh-eye marine quehnoano ijigã yere.

¹⁶ Surara tiquiro tohoriro mehna tiquiro cahmotariro saha Cristore quehnoano wacũ tutuaducuya m̄sa watĩnore m̄sa cahmotatire. Bueye cjũ mehna tiquiro sihã m̄sare tiquiro buedoqueboro saha watĩno m̄sare ñano yegũ ye duare. Sa yena Cristore quehnoano wacũ tuana, cahmotanata m̄sa.

¹⁷ Surara tiquiro come sapea mehna tiquiro dapure cahmotariro saha m̄sare pecap̄ waha-borinare Cristo yuhtuorina ijiya m̄sa, watĩnore m̄sa cahmotatire.

Surara tiquiro ñoseni pjĩ mehna tiquiro cahmotariro saha Cohãcjũ ye buheyere quehnoano masiña m̄sa, quehnoano m̄sa cahmotatire. Sa yena apequinare quehnoano yahuya tiquiro yere. Ti Cohãcjũ ye buheyere Espĩritu Santo marine yahure.

¹⁸ Sa m̄sa watĩnore cahmotana Cohãcjũre decoripe sa siniducuya. Espĩritu Santo yedohoye mehna sa siniducuya. Sa yena quehnoano

wacũ masiña. Sa sinina, caributieracãhña. Ijipihtiyequina Cohãcjũ yequinare sa sini basaducuya.

¹⁹ Sa yena yũhũ gãhũre sini basaya Cohãcjũre. Ohõ saha ni sini basaya: Quehnoañe buheyere, panopũ tiquina masiedarire quehnoano yũhũ yahuatire sini basaya yũhũre. Sa yena cuero marieno yũhũ yahuatire sini basaya yũhũre.

²⁰ Cristo tiquiro yere yahu dutiro yũhũre ohori. Yũhũ sa yahuri buhiri peresupũ ijiaja yojopũre. Ohõpũ yũhũ ijiepegãta cuero marieno tiquiro yere yũhũ yahuatire sini basaya yũhũre. Tiquiro yere yahuacjũ ijigũta niaja yũhũ.

Pablo quehnoa duti bato tiahye

²¹ Yojopũre Tiquico mũsa cahapũ esaro yũhũ ijiye tiyere mũsare yahu pehorota. Tiquiro mari acayũro mari cahĩniquiro ijire. Sa yero mari pũhtoro yere quehnoano yedohoriquiro sa ijiducure.

²² Ûsã ijiye tiyere mũsare yahu dutigũ tiquirore ohogũ niaja mũsa quehnoano bucueatire.

²³ Cohãcjũ mari Pacũ mari pũhtoro Jesucristo gãhũ tiquina mehna mũsa ijipihtinare ùsã acayere quehnoa dutiaja. Cristore mũsa quehnoano wacũ tutuaye mehna mũsa cahme cahĩatire Cohãcjũre sini basaja mũsare.

²⁴ Ijipihtiyequina mari pũhtorore Jesucristore sa cahĩducuyequinare Cohãcjũ mehna quehnoa dutiaja.

Filipenses

Peresupm ijiriquiro ahri pũre ojoa ohoahye Pablo

¹ Yuhm Pablo, Timoteo mehna Jesucristo cahacjãna ijiaja usã. Sa yena ijipihinare musare quehnoanare Jesucristo yequinare Filipino cjãnare quehnoa dutiaja usã. Musare, musa pũto gũhare, musare yedohoyequina gũhare ojoa ohoaja yuhm, Pablo.

² Sa yena Cohãcjũ mari Pacm, mari pũtoro Jesucristo mehna musare quehnoa dutiaja. Tiquina yedohoye mehna quehnoano ijiya musa.

Pablo Jesu yequinare Cohãcjũre sini basahye

³⁻⁶ Cohãcjũ musare quehnoañe pehere comesagũ yero nine. Sa yero musare tiquiro sa ye dũcariro sahata sohtori dahrerota tiquiro. Sa yena Jesucristo ahri yehpapũre tiquiro wi-higũpũre ñaÑe mariena ijinata musa. Sa yena coã waropũre Jesu yequina musa ijiri bato, yojopũ gũhare yedohore musa yũhare quehnoañe buheyere yuhm buhegũ. Musa sa yegũ ihñagm Cohãcjũre “Quehnoare”, niaja yuhm. Musare wacũgm sa dihita niaja yuhm. Musare Cohãcjũre sini basagm, bucueye mehna sini basaja.

⁷ Musare yuhm sa tũhotugũ quehnoarĩne. Quehnoañe buheyere “Poto tjire”, pũtoare yuhm tutuaro ni yahuducugũ musa yũhare yedohori. Poto ti buheye ijigũ yuhm tiquinare yahugũ musa yũhare yedohori. Peresupm yuhm ijigũ gũhare musa yũhare yedohori. Sa yero Cohãcjũ marine quehnoano yero, tiquiro ye buheyere cũri marine. Musa yũhare yedohori. Sa yena ti buheyere yuhm mehna musa buheboriro saha yena nine musa, yũhare yedohona. Sa yegm yuhm jeripohna mehna tutuaro wacũaja yuhm musare.

⁸ Jesucristo cahĩÑe mehna tutuaro musare wacũaja yuhm. Yuhm sa wacũgũ Cohãcjũ tire masine.

⁹ Musare ohõ saha ni sini basaja yuhm Cohãcjũre: Cohãcjũ yere quehnoano masiÑe mehna, tũho masi pehoye mehna apequinare musa cahĩ nemoatire sini basaja yuhm musare Cohãcjũre.

¹⁰ Quehnoa yũhdũyere musa masiati gũhare sini basaja musare. Musa sa masina Cristo ahri yehpapũ tiquiro tojoa tagũ quehnoañene yena, ñaÑe buhiri mariena ijinata musa.

¹¹ Sa yena ijina Cohãcjũ cahmeÑene yenata musa. Musare sa yegũ yerota Jesucristo pehe. Cohãcjũ quehnoa yũhdũariquiro, tutuariquiro tiquiro ijiyere ihñono taro, ijipihitiyequina tiquirore tiquina ño peoatire tiquiro cahmeÑene musare yegũ yerota.

Pablo Cristo yaquiro tiquiro ijiye tiyere yahuahye

¹² Yuhm acaye, ahri yuhm niatire musa quehnoano masigũ cahmeaja yuhm. Yojopũre peresupm yuhm ijiepegũta quehnoañe buheye pehe sa ãhmũ tãducuro nine.

¹³ Sa ye Cristo yaquiro yuhm ijiri buhiri peresupm yuhm ijiire masi pihitire pũtoro ya wũmũ cjẽna surara. Ijipihitiyequina apequina gũmũ ohõpũ ijiyequina tire masine.

¹⁴ Sa ye peresupm yuhm ijigũ ihñaÑe, peyequina mari acaye Jesu yequina mari pũtoro Jesure wacũ tutua nemoÑe nine. Sa wacũ tutuaye, cuero marieno quehnoañe buheyere apequinare buhere tiquina.

¹⁵ Ihquẽquina Cristo yere buheraboriquina ijiepetã yũhare ihña cooye, Cristo yere buhere apequinare tiquinare ihña wahãgũ cahmeÑe. Apequina pehe quehnoano mehna Cristo yere buhere.

¹⁶⁻¹⁷ Quehnoañe buheyere yuhm tutuaro yahuatire Cohãcjũ yũhare tiquiro cũrire quehnoano masine ahriquina pehe. Sa masiÑe tiquina cahĩÑe mehna Cristo yere buhere. Apequina pehe yũhare ihña tuhtiyey,

masare tiquina pehere tiquina ihña wahãgũ cahmeñe, Cristo yere buhere. Sa ye peresupũ yũhũ ijigũ tiquina yũhare bujũa witigũ ye duare.

18 Quehnoanota. Cristo yereta buheye nine. Tiquina Cristore potocahĩedapeta Cristo yereta buhere. Apequina pehe quehnoano mehna buhere. Ijipihtiyequina tiquina tiquiro yere buhegũ bucueaja.

19 Sa yegũ sa bucueducugũtja yũhũ. Cohãcjũre mũsa sini basari mehna Jesucristo yaquiro Espĩritu yedohoye mehna Cohãcjũ yũhare wiorota peresupũ ijirigũre. Tire masiaja.

20 Ohõ saha yeitja yũhũ. Decoripe yũhũ yeriro sahata yojopũ gãhũre cuero marieno Cristo yere buheaja, masa tiquirore quehnoano tiquina ño peoato saha. Ohõ saha ye duaja yũhũ yerire yũhũ buoro yũhdũerato saha. Catinigũ waro ohõ saha ye duaja. Tiquina yũhare wejẽ duepegũta ohõ saha ye duaja.

21 Catinigũ Cristo yere yenigũtja. Yariagũrũ pũrita ti yũhdũoro quehnoano tojoagũtja yũhũ.

22 Sa niepegũta catinigũ Cristo yere yũhũ ye nemoato saha cati nemo duaja. Sa niepegũta yariaye gãhũre cahmeaja. ¿Dise boro pehere yũhũ cahmeboagari? Masiedaja yũhũ.

23 Yũhũ ohõ saha ni yahuducugũ mijorĩne yũhare. Cristo mehna tutuaro iji duaja. Sa yegũ yojopũre tiquiro cahapũ waha duaja. Catiye yũhdũoro ahri pehe quehnoa yũhdũũcare.

24 Sa ijiepegũta mũsare yũhũ yedoato saha catinino cahmene yũhare.

25 Tire masigũ ohõrũ mũsa mehna yũhũ ijiniatire masiaja yũhũ. Sa ijinigũtja Cristore mũsa wacũ tutua nemoatire, ti wacũ tutuaye mehna mũsa bucueatire.

26 Ahri yehpapũ ijinigũ mũsa cahapũ pari turi yũhũ wahagũ mũsa bucuenata. Cristo Jesu yũhare tiquiro yedohogũ masina, “Tutuagũ ijire mũhũ”, ni ño peonata mũsa tiquirore.

27 Yojopũre ahri dihitare yahutja mũsare. Cristo ye buheye ti nidiro

sahata ijiducuya mũsa. Wacũ tutuana ijiya. Sa yena cahme tu waro marieno quehnoañe buheye yahu tutuaya. Sata yũhũ mariedagũ gãhũre yũhũ ijigũ gãhũre mũsa yegũ cahmeaja. Sa ijina mũsa ijigũ tũhoo duaja yũhũ.

28 Mũsare ihña tuhtiyequinare cueracãhña. Mũsa sa cueragũ ihñañe Cohãcjũ yequina mũsa ijigũ masieta tiquina. Sa masiñe pecapũ tiquina wahati gãhũre masieta. Sa ye Cohãcjũ mũsare tiquiro yũhdũoati gãhũre masieta. Ohõ saha masigũ yere Cohãcjũ masare.

29 Cristore mũsa wacũ tutuatire Cohãcjũ cũri. Ahri gãhũre cũri. Cristo yere mũsa yeri buhiri mũsa ñano yũhdũati gãhũre cũri Cohãcjũ.

30 Sa ye Cristo yequina mũsa ijiri buhiri apequina mũsare ñano yere. Mũsare tiquina yeriro saha yũhũ gãhũre ñano yere tiquina. Mũsa mehna yũhũ ijigũ yũhare tiquina sa yegũ ihñari mũsa. Yojopũ gãhũre yũhare tiquina sa yegũ tũhoore mũsa. Sa yena mari ihcãno saha ñano yũhdũaja.

2

Cristo ihyo ijiriquiro sajãno, ijipihtiyequina pũhoro ijiatiquiro ijiahye

1-2 Cristo mũsare quehnoano jeripohna tigũ tiquiro yegũ, Cristo tiquiro cahĩñe mehna mũsa bucuenta, yũhare quehnoano bucuegũ yeya mũsa. Sa yena Espĩritu Santo ijipihitina mũsa mehna tiquiro ijigũ apequinare cahĩna, paja ihñana ijina, yũhare quehnoano bucuegũ yeya mũsa. Ahrire mũsa yegũ bucueitja: Ihcãno mehna quehnoano jeripohna tiya mũsa. Sa yena mũsa basi cahme cahĩña. Quehnoano mehna ijiducuya. Sa yena ihcãno mehna quehnoano ijiya.

3 Apequinare yũhdũũca dueracãhña. Sa yena sa tũhotu cãhña mũsa. Sa yena apequinare quehnoano ño peo, ohõ saha ni tũhotuya: “Tiquina pehe yũhũ

yahduoro quehnoañequina ijire”, ni t̄hotuya.

⁴ Ihcãquiro apequinare yedoho dueraboaga. Tiquiro yero saha yeracãhña. Apequina gãhure yedohoya.

⁵ Cristo Jesu apequinare yahduca dueriquiro tiquiro ijiro saha m̄sa gãhure apequinare yahduca dueracãhña.

⁶ Tiquiro pehe Cohãcjũ waro ijieperota “Cohãcjũ mehna ihcãno saha ijigũ wijiasi yãhũ”, ni t̄hotuerahye tiquiro.

⁷ Sa yero tiquiro Cohãcjũ mehna ihcãno saha tiquiro ijiyere wijia, ohõpũ ahtarõ masũnota masa b̄juaro tiquiro cahacjũno yero saha iji dũcahye.

⁸ Sa yero tiquiro masũno ihcãno saha pagũ t̄riquirõ ijiro, ihyo ijiriquiro waro wahahye. Sa waharo “Curusapũ wejẽña tiquirore”, tiquina nigũ tiquiro yahducaerahye. Curusapũ yariatiquiro ijieperota tiquiro yahducaerahye.

⁹ Sa yero mari Pacũ ijipihtiyequina tiquina ño peotiquirore cũahye Jesure. Sa yero ijipihtiyequina apequina p̄htoro sõahye Cohãcjũ tiquirore,

¹⁰ ijipihtiyequina ãhm̄use cjẽna, ahri yehpa cjẽna, yariariquina gãhure Jesu wamene t̄hoyequina tiquina dũsepe curi mehna quehe sa, tiquina ño peoato saha.

¹¹ Sa p̄htoro sõahye tiquirore mari Pacũ, “Jesucristo mari p̄htoro ijire”, ijipihtiyequina tiquina niatiquirore. Sa niñe Cohãcjũre mari Pacũre ño peoye nine.

Cristo yequina buhrioro yero saha ijiye, quehnoano masare yãhũ, masigũ yere

¹² Sa yena yãhũ cahña, m̄sa mehna yãhũ ijigũ m̄sa yãhtiducuriro saha, yojopũ yãhũ yoaropũ ijigũ gãhure panopũ m̄sa yãhtiriro yahduoro yãhtiya yãhure. Sa yena ijipihina m̄sa quehnoana ijina tana Cristo yedohoro mehna ñañene

yeracãhña. Sa yena ño peoye mehna apepero marieno Cohãcjũ yere yeya.

¹³ Cohãcjũ quehnoañe pehere m̄sare cahmegũ yero nine tiquiro cahmeno saha m̄sa yeato saha. Sa yero tire m̄sa yeatire yedohorota Cohãcjũ. Tiquiro sa yedohogũ ti yãhũ nidiro saha yeya m̄sa.

¹⁴ Ijipihtiyere yena tuhtiro marieno, m̄sa basi unureno marieno yeya.

¹⁵ Sa yeya m̄sa ñañe buhiri mariena, ñañene yerarina Cohãcjũ pohna m̄sa ijiatire. Sa yeya m̄sa masa ni mehoñequina, ñañequina watoapũ dojomehnenõ marieno m̄sa ijiato saha. Tiquina ñañequina watoapũ ijina, buhrioro ihña masigũ yero saha quehnoañe buheyere buhena, masigũ yere m̄sa ahri yehpa cjẽnare.

¹⁶ Ti buheyere m̄sa t̄ho ñehedi bato Cohãcjũ mehna sa ijiducuaana wahari m̄sa. Ti buheyere ahri yehpa cjẽna pehere m̄sa sa buhegũ ihñagũ m̄sa mehna bucuetja. Sa yegũ m̄sare yãhũ buherire “Ihyo waro buherari ijii yãhũ”, niitja yãhũ. Sa yegũ Cristo ahri yehpapũ tiquiro tojoa tagũ m̄sa mehna bucuetja. Sa yegũ buoro yahduasi yãhũ.

¹⁷ Cristore m̄sa wacũ tutuagũ Cohãcjũ m̄sa mehna bucuero. Tiquiro sa bucegũ masigũ m̄sare Cristo yere yãhũ buheri buhiri yãhure tiquina wejẽ duepegũta bucuetja. Sa yena mari ijipihina ihcãno saha bucuenata.

¹⁸ Sata m̄sa gãhure bucuero cahmene yãhũ mehna, came yãhũ sa yariagũ ihñana.

Timoteore, Epafrodito gãhure yahuahye Pablo

¹⁹ Mari p̄htoro Jesu tiquiro cahmegũ sojaro mehna Timoteore m̄sa cahapũ oho duaja yãhũ m̄sa ijiye tiyere masigũ tãhũ. Sa masigũ bucuetja.

²⁰ Ijirota ijire. Timoteo m̄sa quehnoano ijiatire pajiro t̄hoture

m̄sare. Apequiro tiquiro yero saha ijiriquiro mariedare ȳh̄h̄ mehna.

²¹ Apequina pehe ijipihtiyequina tiquina cahmeñe dihitare ye duaye, Cristo Jesu tiquiro cahmeñe pehere ye duerare.

²² Timoteo pehe quehnoano yeriquiro tiquiro ijiyere masine m̄sa. Ȳh̄h̄ mac̄h̄ yero saha tiquiro ȳh̄h̄ mehna quehnoañe buheyere yahue tiri. Sa yena us̄a ihc̄ano saha Cristo yere buhee tii.

²³ Sa yeḡh̄ p̄h̄toa ȳh̄h̄re tiquina d̄h̄se yeatire masiḡh̄, Timoteore m̄sa cahap̄h̄ oho duaja.

²⁴ Sa yeḡh̄ mari p̄h̄toro Jesu yedo-hoye mehna sojaro mehna ȳh̄h̄ ḡh̄h̄ m̄sa cahap̄h̄ wahautja.

²⁵⁻²⁶ Ȳh̄h̄re yedoho dutina m̄sa Epafroditoro oho ȳh̄h̄ cahap̄h̄. Tiquiro ȳh̄h̄ acaȳro ȳh̄h̄ mehna dahrariquiro, ȳh̄h̄ mehna cj̄no, Coh̄cj̄ yere buhe tutuariquiro ijire. Tiquiro m̄sare tutuaro wac̄e tiri. Sa yero tiquiro dohatirire m̄sa t̄h̄oḡh̄ masino tiquiro pehe pajiro b̄j̄h̄a witi t̄h̄oturi. Sa pajiro tiquiro t̄h̄otuḡh̄ ih̄n̄aḡh̄ “Tiquirore m̄sa cahap̄h̄ oho majare tojoro cahmene ȳh̄h̄re”, ni t̄h̄otuaja ȳh̄h̄ yojop̄re.

²⁷ Potota ijire. Tiquiro tutuaro dohatiri. Mehenyo yariabo cure ȳh̄d̄ari. Tiquiro sa tutuaro dohatiepeḡh̄ta Coh̄cj̄ tiquirore paja ih̄n̄ano, ȳh̄d̄uḡh̄ yeri. Tiquiro yariaḡh̄ ȳh̄h̄ pehe tutuaro b̄j̄h̄a witiboya. Sa yero Coh̄cj̄ ȳh̄h̄ ḡh̄h̄re paja ih̄n̄ari tiquirore ȳh̄d̄uḡh̄ yero.

²⁸ Sa yeḡh̄ yojop̄h̄ p̄ritare sojaro mehna tiquirore m̄sa cahap̄h̄ oho duaja pari turi m̄sa tiquirore ih̄n̄a, m̄sa jeri saj̄no quehnoano. M̄sa sa bucueḡh̄ ih̄n̄aḡh̄ ȳh̄h̄ ḡh̄h̄ bucueitja.

²⁹ Sa yena tiquirore Epafroditoro mari p̄h̄toro yaquirore mari acaȳrore quehnoano bucueye mehna piti caya. Sa yena apequinare tiquiro yero saha ijiyequinare ño peoya.

³⁰ Tiquiro Cristo yere yedohomehno yariamedi. M̄sa pehe ȳh̄h̄ cahap̄h̄ ijieraḡh̄, ȳh̄h̄re yedoho

masiedaḡh̄ tiquiro pehe ȳh̄h̄re yedo-homedi. Sa yero yariamedi tiquiro.

3

Quehnoano yeye warore yahuahye Pablo

¹ Yojop̄h̄ p̄ritare ahrire yahutja. Mari p̄h̄toro yequina ijina bucueya. Ahri buheyere to pano ȳh̄h̄ yahurire pari turi m̄sare ni ojoaḡh̄ bucueaja ȳh̄h̄. Sa yeḡh̄ m̄sare ahrire yahuḡh̄ yedohoḡh̄ niaja m̄sare.

² Quehnoano yeya m̄sa. Ñañene yeducuyequina, diayea yero saha ijiyequina ñañequina cuhnucun̄ cahseroḡh̄re ȳh̄h̄re ne dutiye, m̄sa paḡh̄re ȳh̄h̄re ne duare. Quehnoano yeya m̄sa, “Sa ye dutiyequina sijoro saha ni buhear̄i”, nina.

³ Tiquina cuhnucun̄ cahseroḡh̄re ȳh̄h̄re nepeta Coh̄cj̄ dutiyere quehnoano yerare. Mari pehe potota Coh̄cj̄ dutiyere quehnoano yena ijiaja mari. Esp̄ritu Santo tiquiro yedohoye mehna Coh̄cj̄re ño peoaja mari. Sa yena Jesu yequina mari ijiyere bucueye mehna apequinare mari yahuaja. “Us̄a esa tuharo Coh̄cj̄ dutiyere ye peho masiaja”, ne ni t̄h̄otueraja.

⁴ Sa ni t̄h̄otuerapeḡh̄ta “Tiquinare doca c̄j̄”, tiquina yero saha nidiḡh̄ ijiḡh̄ sa tjiboa ȳh̄h̄ ḡh̄h̄. Apequiro oh̄o saha ni ȳh̄d̄ud̄ca duare. Ȳh̄h̄ pehe tiquiro ȳh̄d̄oro sa niboaga ȳh̄h̄.

⁵ Oh̄o saha yeriḡh̄ ijimi ȳh̄h̄: Ocho decori ȳh̄h̄ masa bajuari bato cuhnucun̄ cahseroḡh̄re ȳh̄h̄re nedi jiri ȳh̄h̄re. Israe mas̄h̄ ijiḡh̄ Benjami ya curua cj̄ ijiaja ȳh̄h̄. Ȳh̄h̄ pac̄s̄m̄a hebreo masa tiquina ijiḡh̄ potota hebreo mas̄h̄ warota masa baju. Coh̄cj̄ dutiyere potota peho duaḡh̄ fariseo curua mehna saj̄mi ȳh̄h̄.

⁶ “Coh̄cj̄ ye ijiri”, niḡh̄ quehnoano yemi. Sa yeḡh̄ Jesu yequina pehere ñano yee timi ȳh̄h̄. Potota Coh̄cj̄ dutiyere yeḡh̄ tire ȳh̄d̄ud̄caro marieno ye pehou.

7 Panopure “Ti quehnoañe ijiri”, ni tūhotumī. “Ti yūhū sa ni tūhoturi panopū yūhū ijie tiri dāhseati ijierari”, ni tūhotuaja yojopure. Sa ni tūhotu dūcaū yūhū Cristore wacū tutuagū tūhū.

8 Cristo Jesu yūhū pūhtorore yūhū masigū pūrita quehnoa yūhdūare. Sa yegū apeye pehere masa “Quehnoañe ijire”, tiquina nidire “Ti ijipihtiyē dāhseati ijierari”, ni tūhotuaja yūhū. Tire ijipihtiyere duhu cāhū Cristo ye pehere yegū tūhū. Sa yegū tire yūhū cohārire “Ñañe waro ijire”, ni tūhotuu Cristore quehnoano masigū tūhū, tiquiro mehna cjū ijigū tūhū.

9 Sa yero yūhū esa tuhāro quehnoano yūhū yeri wapa “Quehnoagū ijire”, ni ihñedare Cohācjū yūhūre. Sa yero Cohācjū dutiye Moisere tiquiro cūrire yūhū yeri wapa gūhūre “Quehnoagū ijire”, ni ihñedare. Cristore yūhū wacū tutuari bato “Quehnoagū ijire”, ni ihñare tiquiro yūhūre. Cohācjū pehe marine buhiri mariena ijigū yere, tiquirore mari wacū tutuagū.

10 Sa yegū to pano yūhū ni tūhotu mūhtamedire duhu cjā Cristore quehnoano masigū tūhū. Cohācjū tutuaye mehna Cristo masa mūjahye. Ti tutuaye mehna iji duaja. Sa yegū ti tutuaye mehna quehnoañene ye duaja. Cristo curusapū yariahye mari ñañe yerire cohāno taro. Sa yegū tiquiro yere yūhū yeri buhiri tiquiro yero saha ñāno yūhdū duaja yūhū gūhū.

11 Sa yegū Cristo tiquiro masa mūjariro sahata masa mūjacjū ijiitja yūhū gūhū.

12 Ahri ijipihtiyere sa nigū, “Cristo yero saha ñañe mariegū ijiaja”, ni tūhotueraja. Yūhū sa ni tūhotuerapegūta Cristo tiquiro yaquiro ijigū ye tuhasari yūhūre. Sa yegū tiquiro yere tiquiro gūhūre quehnoano masi duagū tutuaro mehna tiquiro yere yeaja yūhū.

13 Yūhū acaye, “Tiquirore quehnoano masi peho tuhasaja”, ni tūhotueraja.

Sa ni tūhotuerapegūta ahri pūritare yeaja:

14 Omaperiquiro tiquiro wapata duariro saha tutuaro yeaja yūhū, yūhū wapatarire yūhū ñeheatō saha. Cristo yaquiro yūhū ijigū ihñāno Cohācjū ti yūhū wapatarire yūhūre ohoro taro ūhmūsepū pijiori yūhūre.

15 Ohō saha yūhū tūhoturiro sahata tūhotuya mūsa gūhū Cristore quehnoano masina. Sa yero ahri mū sare yūhū yahurire mūsa tūho dueragū, sijoro saha mūsa tūhotugū Cohācjū mū sare quehnoano masigū yerotā.

16 Sa yena tiquiro yere mari masidire quehnoano ye sohtori tiihna.

17 Yūhū acaye, mūsa ijipihtina yūhūre ihñā cūñā. Sa yena apequina ūsā yero saha yeyequinare quehnoano ihñā diho cūñā mūsa tiquinare mūsa ihñā cūato saha.

18 Peye tahari apequina tiquina ijiye tiyere yahū yūhū mū sare. Yojopū gūhūre tutuaro bujūa witigū tiquinareta yahuaja mū sare. Tiquina Cristo curusapū tiquiro yariari buheyere ihñā yabiyequina ijire.

19 Tiquina pecapū wahatiquina ijire. Tiquina ñañe tutuaro cahmeñe pehere tutuaro ye duare tiquina. Sa ye tiquina bue tiboyere yeye, tire quehnoañe yero saha tūhoture tiquina. Ahri yehpa cjē dihitare quehnoano tūhoture tiquina.

20 Mari pehere mari ya maca ūhmūsepū ijire. Sa yero topūta marine yūhdūoatiquiro, mari pūhtoro Jesucristo ahtarota. Sa yena tiquiro ahtatire cohtena niaja mari.

21 Tiquiro ahtarō mari pagūrire pejecūoye pagūrire sijoro saha ijiye pagūri dihita comesarota tiquiro. Sa yero tiquiro ya pagū yero saha quehnoari pagūre asi siteri pagūre ohorota marine tiquiro tutuaye mehna. Ijipihtiyequina pūhtoro sajāri tiquiro, tiquiro tutuaye mehna. Sa yero ijipihtiyē upūro ijire tiquiro ti tutuaye mehna.

4

*Decoripe mari p̄htoro mehna bu-
cueya*

¹ Sa yena ȳh̄u acaye, ȳh̄u cah̄ina, tutuaro ȳh̄u wac̄una, ȳh̄ure bu-
cueḡu yena, ȳh̄u buheḡu quehnoano
t̄horina, panop̄u m̄sa wac̄u tutu-
ariro saha mari p̄htoro tutuaro
wac̄u tutuaya m̄sa.

² Ahrire yahutja m̄sare Evodiare,
S̄ntique ḡh̄ure: Jesu yequina nu-
mia ijire m̄sa. Sa yena cahme d̄se
tutuaro marieno quehnoano mehna
ijiducuya m̄sa.

³ M̄h̄u pehe potota ȳh̄u mehna
cj̄u warota ijire. M̄h̄u ḡh̄ure
yahutja: Tiquina numia ȳh̄u
mehna, Clemente mehna, apequina
ȳh̄u piti tiyequina mehna dahrari
quehnoañe buheyere us̄a buheḡu.
Coh̄cj̄u tiquinare ijipihtiyequina
wamene ojoa oh̄ahye tiquiro ya
tjup̄u. Ijipihtiye decori catiyere
tiquiro ohoriquina wamene tiquiro
ojoa oh̄ori tjup̄u ojoa oh̄ahye. Sa yeḡu
tiquina numiare bosaya m̄h̄u.

⁴ Decoripe mari p̄htoro mehna bu-
cueya. Pari turita yahutja: Bucueya.

⁵ Quehnoano yeya ijipihtiye-
quinare. Mari p̄htoro Cristo ahtato
mehenoḡa d̄hsare.

⁶ Ne b̄j̄ua witi t̄hotuerac̄h̄na.
Coh̄cj̄ure quehnoano yahu pehoya.
Sa yena tiquirore siniña. Sa yena
m̄sa sinidire tiquiro ȳhtiḡu ih̄ana
“Quehnoare”, niña tiquirore.

⁷ M̄sa sa yeḡu quehnoano ijiḡu
yerota m̄sare Coh̄cj̄u. Tiquiro sa
yeḡu quehnoa ȳhd̄are. Ahri mari
quehnoano ijiye quehnoa ȳhd̄are.
Sa yero Cristo Jesu yequina mari
ijiḡu marine quehnoano ijiḡu
yero, Coh̄cj̄u marine quehnoano
jeripohna tiḡu yerota. Sa yero b̄j̄ua
witi t̄hotueraḡu yerota marine.

Quehnoañene t̄hotuya

⁸ Ahrire yahu bato tiḡu t̄u niaja
m̄sare, ȳh̄u acaye. Queoro ijiyere,
masa tiquina ño peoyere, quehnoano
yeyere, ñañe marieñene, bucueyere,
masa “Quehnoañene ijire”, tiquina

niñene t̄hotuya m̄sa. Quehnoa
ȳhd̄aye ijiḡu tireta t̄hotuya. Masa
quehnoañene ih̄añe tiquina bu-
cueye pehere m̄sa ḡh̄u bucue
t̄hotuya.

⁹ M̄sare ȳh̄u buheriro sahata sa
yeducuya m̄sa. Sa yena ȳh̄ure ih̄a
c̄ña m̄sa. M̄sa sa yeḡu Coh̄cj̄u
m̄sare quehnoano ijiḡu yeriquiro
m̄sa mehna ijirota.

*Filipo cj̄ena Pablora tiquina ohorire
yahuahye tiquiro*

¹⁰ Yojop̄u p̄rita yoari pje bato
m̄sa pari turi ȳh̄ure wac̄una, m̄sa
yedohoyere bucueaja. Sa bucueḡu
mari p̄htoro Cristore “Quehnoare”,
niaja. “Ȳh̄ure boaa wahari m̄sa”,
niedaja ȳh̄u. Panop̄ure ȳh̄ure
yedoho duepenata yedoho masiedari
m̄sa.

¹¹ Ȳh̄ure m̄sa yedohorire yahuḡu
ȳh̄ure d̄hsarire m̄sare yahuu t̄u
niedaja. M̄sare apee borore cah-
meḡu sa niḡu niedaja. Ȳh̄u c̄oye
mehna iji masiaja ȳh̄u.

¹² Apee boro c̄oeraḡu ḡh̄u
quehnoano iji masiaja ȳh̄u. Sa
yeḡu pajiro c̄oḡu ḡh̄u quehnoano
iji masiaja. Decoripe ūja ahbaḡu
ḡh̄u d̄capoa wahaja. Yapiḡu ijiḡu
ḡh̄u ijipoa wahaja. Pajiro c̄oḡu ḡh̄u
ijipoa wahaja. Ȳh̄ure apee boro
mariedaḡu ḡh̄ure ijipoa wahaja.

¹³ Cristo ȳh̄ure tutuaḡu yeriquiro
mehna ijipihtiyere Coh̄cj̄u cah-
meñene ye masi pehoaja ȳh̄u.

¹⁴ Ȳh̄u sa ijiporiḡu ȳh̄u ijiepeḡuta
ȳh̄u ñano ȳhd̄uḡu m̄sa yedohona
ȳh̄ure quehnoano yeri m̄sa.

¹⁵ Quehnoañene buheyere ȳh̄u buhe
d̄caḡu Macedonia yehpap̄u m̄sa
ya yehpap̄u ijiriḡu ȳh̄u wahaḡu
m̄sa dihita ȳh̄ure yedohori. Sa
yedohona, m̄sare ȳh̄u buheri wapa
m̄sa wapa yero saha yena nidi m̄sa.

¹⁶ Sa yena Tesalónicap̄u ȳh̄u ijiri
watoa ȳh̄ure yedohona, ihquē
tahari ohori m̄sa.

¹⁷ Apee borore siniḡu sa niḡu
niedaja. Apequinare m̄sa yedohoḡu
Coh̄cj̄u m̄sare quehnoano yerota.
Tiquirore m̄sa yedohori wapa

Cohãcjũ m̄sare tiquiro quehnoano yegũ cahmeaja yũhũ. Sa yegu yũhare m̄sa yedohorire wacũgũ yeaja m̄sare.

¹⁸ Yojoꝛũre yũhare quehnoano oho pehori m̄sa. Yũhũ cahmedi yũhdũoro ohori m̄sa yũhare. Yũhare Epafrodito mehna m̄sa ohori bato apee boro ne dũhsaerare yũhare. Cohãcjũ wũhũꝛũ ehme sitiye bue m̄ũ, Cohãcjũre tiquina quehnoano bucuegũ yeriro saha yũhare m̄sa ohori gũhũ Cohãcjũre quehnoano bucuegũ yeri.

¹⁹ M̄sa Cristore wacũ tutuare. Sa yero ijipihtiyere m̄sare dũhsarire ohorota mari Pacũ m̄sare, quehnoa yũhdũye tiquiro cũoyere.

²⁰ Ijipihtiyere decori mari Pacũre Cohãcjũre ño peuhna. Sata yeihna.

Pablo quehnoa dutiahye

²¹ Ijipihtiyequina quehnoañequina Jesucristo yequina quehnoahdo. Mari acaye gũhũ Jesu yequina yũhũ mehna cjẽna m̄sare quehnoa dutire.

²² Ijipihtiyequina ohõ cjẽna quehnoañequina Jesu yequina quehnoa dutire. Roma cjẽna pũhtoro ya wũhũ cjẽna pũrita tutuaro quehnoa dutire.

²³ Mari pũhtoro Jesucristo cahĩne mehna quehnoano ijiya.

Colosenses

Colosa cjēnare ojoa ohoahye Pablo gāh

1-2 Yuh Pablo mari acayaro Timoteo mehna musare Colosa cjānare quehnoa dutiaja usā. Yuh Jesucristo yere buhe dutiro tiqiro cūrig iijaja. Cohācjū cahmeno sahata Jesu yahure tiqiro yere buheacjūre cūri. Sa yegu musare usā acaye Cristore wacū tutuaducunare ojoa ohoaja yuh. Sa yena Cohācjū mari Pacu mehna musare quehnoa dutiaja. Sa yena tiqiro mehna quehnoano ijiya musa.

Jesu yequinare Pablo sini basahye Cohācjūre

3-8 Musa ye ijiatire Cohācjūre sini basana “Quehnoare”, sa niducuaaja usā. Tiqiro pehe mari puhtoro Jesucristo Pacuro ijire. Ijipihtiyē decori ahmusep musare ijigā yerota Cristo pehe. Tiqiro sa yeatiqiro ijigā tire musa sa cohteducu wame tire. Cristo Jesure wacū tutua wame tire musa. Sa yena tiqiro yequinare cahī wame tire musa. Musa sa iji wame tigū Cohācjū mehna bucue, tiqirore “Quehnoare”, niaja usā. Ijipihtirope Jesu yequina poto ijiye buheyere quehnoañe buheyere tiquina yahugū tūhoye masa quehnoañe pehere came-sare. Ahrireta musa gūhare Epafra quehnoañe buheyere yahuri jiri. Tiqiro usā tutuaro cahīniqiro usā mehna Cristore dahra cohteriqiro ijire. Sa yero Cristo yere ne duherare tiqiro. Musare tiqiro sa yahugū tūhona, duita quehnoano ye wame tire musa. Sa yena Cohācjū musare tiqiro cahīne poto masina, duita quehnoano ye wame tire musa. Musa sa yerire Epafra yahuri usāre. Espiritu Santo yedohoye mehna Jesu yequinare musa cahīne yahuri tiqiro usāre. Tiqiro sa yahugū tūhona “Quehnoare”, niaja usā Cohācjūre.

9 Sa yena musare tūhona musare duita sa sini basaducuaaja usā Cohācjūre. Cohācjū cahmeñene musa masi pehoatire tiqirore sini basaja usā. Tiqiro yere quehnoano masina musa ijiatire sini basaja usā.

10 Sa sini basaja usā mari puhtoro Cristo cahmeno sahata quehnoano musa yeatire. Musa sa yegū ihñano tiqiro bucuero. Sa yena ijipihtiyē quehnoañene musa yeatire sini basaja. Cohācjūre musa masi nemoatire sini basaja.

11 Ahri yuh yahuatī gūhare sini basaja usā. Cohācjū tutuaye mehna musa tutuatire musare sini basaja. Sa sini basaja ñano yuhdūepenata musa ihcāno sahatire. Ñano yuhdūepenata musa sa tūhotu cātire, musa bucuere mehna musa sa ijiducuati gūhare sini basaja.

12 Cohācjū tiqiro yequina ijanare marine yere. Sa yero tiqiro ohoyere cuoanajare yere marine tiqiro. Tiqiro ijirop buhriorop marine ohorota tiqiro. Tiqiro sa yegū ihñana tiqirore musa “Quehnoare”, niatire sini basaja usā musare.

13 Tiqirota marine pecap wahaborinare yuhdugū yere. Panopre ti ñañene ye duhu masiedami mari. Ñariqiro pehe marine dutiriqiro ijinimedi. Cohācjū pehe marine pecap wahaborinare yuhdugū yeri. Macunore tiqiro cahīniqirore puhtoro sōno ahmusep marine ijigā yere. Sa yena tiqiro macuno mehna ijinata.

14 Tiqiro macuno mehna marine yuhdore Cohācjū. Tiqiro macuno yariari mehna mari ñañe yerire bori Cohācjū.

Masa Cohācjū mehna tiquina cahme ihña tuhtigū ihñano Cristo bosahye

15 Mari Pacure ihñamehnedare. Tiqiro macuno pehe tiqiro Pacuro ijiye tiyere ihñore masare. Tiqiro macuno ijipihtiyequina pano, ijipihtiyē pano iji tuhasari jiri. Sa yero puhtoro ijire tiqiro.

16 Mari Pacu tiquiro dutigã tiquiro macano pehe tiquiro Pacuro mehna ijipihiyequinare, ijipihiyere bajumehneahye. Æhmusepæ ijiyere, ahri yehpapæ ijiye gãhare bajumehneahye. Mari ihñarire, mari ihñedari gãhare bajumehneahye. Æhmuse cjëna pãhtoare, dutiyequinare ijipihiyequinare bajumehneahye. Tiquiro ijipihiyequina gãhare ijipihiyere gãhare bajumehneahye. Sa yeye ijipihiyequina tiquiro yequina ijiatiquina ijimahye. Ijipihiyere gãhæ tiquiro ye ijiasi ijimahye.

17 Ijipihiyequina pano, ijipihiyere pano Cristo iji tuhasahye. Sa ye tiquiro tutuaye mehna ijipihiyere gãhæ, ijipihiyequina gãhæ yojopære ijiye nine.

18 Mari tiquiro yequina ijipihiyere tiquiro pagu yero saha tiquiro ya curua cjãna ijiaja. Sa yero tiquiro mari dapu ijire. Tiquiro yariaro masa mæja mæhtariquiro ijire ijipihiyequina pãhtoro, ijipihiyere cæoriquiro ijiro taro.

19 Cristo ihcãno sahata ijire mari Pacu tiquiro ijiro sahata. Tiquiro sa ijigãta cahmeahye mari Pacu pehe.

20 Ijipihiyequina masa tiquiro Pacurore cahme ihña tuhtie tiahye. Sa tiquina cahme ihña tuhtigã ihñano Cristo bosa duahye. Æhmuse cjënare, ahri yehpa cjëna gãhare tiquiro Pacurore ihña tuhtieragã ye duahye Cristo. Sa yero æhmuse cjë, ahri yehpa cjë gãhæ quehnoano ijigã cahmeahye tiquiro. Sa bosa duahye tiquiro curusapæ yariaro, tiquiro diire cohãno. Tiquiro Pacuro cahmediro sahata yeahye Cristo.

21 Mæsa gãhare sata yeri tiquiro. Tiquiro Pacurore ihña tuhtina tiquiro mehna cjãna ijieramahye mæsa gãhæ. Ñañene yeri jimedi mæsa.

22 Tiquiro yariari mehna tiquiro Pacurore mæsa ihña tuhtieragã yeri tiquiro. Sa yeri tiquiro quehnoana, ñañe mariena, buhiri mariena mæsa ijigã yero taro. Mæsa sa

ijigã mæsa sa buhiri marienapære tiquiro Pacurore ohorota.

23 Sata ohorota, mæsa tiquirore wacũ tutuaducugã. Sa yerota tiquiro quehnoañe buheyere mæsa tãhorire mæsa boeragã. Ti buheyere quehnoañe buheyere ijipihiyequina ahri yehpapære ijiyequina tãhori jire. Sa yegæ yãhæ gãhæ Pablo ti buheyere yãhugãta ijiaja.

Jesu yequinare yedohoriquiro ijiro, bucueahye Pablo

24 Cristo mari ñano yeri buhirire ñano yãhdæahye. Sa yegæ yãhæ gãhæ mæsa yãhæ buheri buhiri ñano yãhdægæ bucueaja. Sa ñano yãhdægæ Cristo marine tiquiro cãrre ye sohtori tigæ ñiaja. Sa yegæ bucueaja. Cristo yere mari yeri buhiri mari ñano yãhdæ nemoati dæhsarïne. Sa yegæ tiquirore mæsa wacũ tutuatire ñano yãhdægæ bucueaja yãhæ. Tiquiro pagu yero saha ijina tiquiro ya curua cjãna ijire mæsa.

25 Jesu yequinare yedohoacjære cãri Cohãcjã yãhare. Mæsa ye ijiatire yedohoacjære yãhare cãri tiquiro. Tiquiro yere masare yãhæ pehoacjære cãri yãhare.

26 Tiquiro yere peye cãhmari panopæ cjënare yãhæ pehoera tiahye mari Pacu. Yojopæ cjënare tiquiro yequinare tire quehnoano yãhæ peho cãhre.

27 “Judio masa ijieyequinare yãhæ buhegã yee buheye quehnoa yãhdæare”, ni tiquiro yequinare tire yãhuri. Panopæ tiquiro yãhærarire yojopæ yãhuri. Ohõ saha ijire tiquiro ye: Cristo tiquiro yequina mehna ijire. Tiquiro sa ijigã tiquiro yequina æhmusepæ quehnoa yãhdæaropæ ijietæ. Ti ijire panopæ tiquina masiedari mari Pacu ye.

28 Cristoreta yãhæaja. Ijipihiyequinare cuesãgæ tiquinare buheaja yãhæ. Quehnoano masiñe mehna buheaja yãhæ quehnoano Cristore masare masigã yegæ tagæ. Sa buheaja yãhæ tiquiro yere tiquina quehnoano yeyequina ijigã yegæ tagæ.

²⁹ Ahri ijire yuhū dahraye. Mari Pacu tiquiro ye tutuaye mehna yuhūre tiquiro ohori tutuaye mehna tutuaro dahraja yuhū, tiquiro yere buhegū.

2

¹ Ahrire mūsa masigū cahmeaja. Mūsa ye ijiatire, Laodicea cjēna ye ijiatire, ijipihtiyequina apequina ye ijiami gūhūre tutuaro dahraja yuhū. Ijipihtina mūsa yuhūre ihñena ye ijiami gūhūre tutuaro dahraja yuhū.

² Sa dahraja yuhū mūsa quehnoano jeripohna tiatire. Mūsa mehna cjēnare mūsa cahme cahīati gūhūre sa dahraja yuhū. Cohācjū ye panopū tiquiro yahuerari Cristore masigū yeye ijire. Tiquiro yere masina tiquirore wacū tutuare mūsa. Tiquirore mūsa quehnoano masiatire, tiquiro mehna mūsa quehnoano ijiatire tutuaro yedo-hoaja mū sare.

³ Apequina tiquina masiedarire Cristo dihita quehnoano masi peho cāhre. Sa yero quehnoano masiniquiro ijire tiquiro.

⁴ Ahrire niaja mū sare “Apequina mū sare sijoro saha tūho coaye buh-eye mehna ni mehoari”, nigū.

⁵ Yuhū mūsa watoa ijierapegūta yuhū wacūno mehna mūsa watoa ijigū yero saha tūhotuaja. Sa yegū Cristore mūsa quehnoano wacū tu-tuaducurire, mūsa quehnoano yeri gūhūre masigū bucueaja yuhū.

⁶ Sa yena Cristore mūsa wacū tutua dūcariro saha sata tiquirore wacū tutuaye mehna decoripe quehnoano ijiducuya.

⁷ Tiquirore quehnoano masina ijiya mūsa. Sa yena decoripe tiquirore masi nemoña panopū mū sare apequina tiquina buheriro saha. Sa yena Cristore bucue, “Quehnoare”, niducuna ijiya mūsa.

Cristo yequina ijina, quehnoañe pehere cahmeaja mari

⁸⁻¹⁰ Quehnoano yeya mūsa. Masa tiquina esa tuharo tiquina buheye

tiquina ni mehoñene tūhoeracāhña. Tiquina panopū cjēna tiquina esa tuharo niñene buhere. Tiquina sa niñe dūhseati ijierare. Ūhmūse cjēna pūhto a yere, watīa ye gūhūre sa buhe maca cāhre. Cristo ye pehere buherare. Cristo mari Pacu ijiro saha tiquiro ijiro, Cohācjū warota ijirota nine. Tiquiro yequina ijina Cohācjū mehna quehnoano ijiaja mari. Tiquirota ijipihtiyequina pūhto a bui, angele pūhto a bui gūhūre pūhtoro ijire. Tire masina ni mehoñene buheyequinare tūhoeracāhña.

¹¹ Sa yena Cristo yequina ijina cūh-nucunū cahserogāre yūhre nediquina yero saha ijire mūsa. Ti cahserogāre tiquina yūhre ne cohāriro saha Cristo mūsa ñañene tutuaro cah-meñene cohāri.

¹² Tiquiro yequina ijina wame yenohrina wahari jiri mūsa. Tiquiro wame yenohrina wahana ohō saha ni ihñona nidi jiri mūsa: Panopū cjē mūsa ñañe yerire mūsa duhurire ihñona nidi jiri mūsa. Ti mūsa ñañe yerire mūsa ya cūboro saha tire duhuri jiri mūsa. Cristo masa mūjano quehnoanopū wahahye. Tiquiro sa waharirō saha Cohācjūre wacū tutuana “Tiquiro tutuariquiro ijire”, nina, quehnoañe pehere comesari jiri mūsa. Tiquiro Cohācjū pehe Cristore masoriquiro ijire. Tiquiro wame yenohrina ijina quehnoañe pehere mūsa comesarire ihñona niaga mūsa.

¹³ Panopūre mūsa ñana mūsa ijiri buhiri pecapū wahaborina ijimahye mūsa. Sa wahaborina ijimahye mūsa Cohācjū yequina ijierana. Tiquiro dutiye mariena ijimahye mūsa. Yojopūre mari Pacu marine tiquiro mehna sa ijiducuanare yeri. Cristo tiquiro yariari mehna sa yeri tiquiro marine. Sa yero ijipihtina mari ñañe yerire bo cāhri jiri tiquiro.

¹⁴ Cohācjū tiquiro dutiyere yūhdūducana mari ijiepegūta tiquiro marine buhiri ti dutierari jiri. Ti dutiye marine buhiri dahre dutiepegūta ti dutiyere sa ihña cāhno,

marine buhiri ti dutierari jiri. Cristo curusap̄u tiquiro yariari mehna Cohãcj̄u pehe mari ñañe buhirire cohã cãhre.

¹⁵ Masa tiquina ihñonop̄u wat̄ia p̄htoare Cohãcj̄u ȳhd̄ud̄ucahye. Ihyo ijiyequina tojoa cãhye tiquina pehe. Sa yero tiquinare b̄oro wahaḡu yeahye. Curusap̄u yariaro Cristo ñañequina p̄htoare ȳhd̄ud̄ucahye.

H̄m̄use cj̄ene Cohãcj̄u yere cahmeña

¹⁶ Sa ye apequina m̄usa ihyayere, m̄usa sihniñe ḡuh̄ure ihñañe m̄usare “Buhiri tina ijire”, ni ihñaboaga. Tiquina sa ni ihñaḡu sa ihña cãhña tiquinare. C̄hmaripe ijiye decorire, as̄aripe ijiye decorire, semanaripe ijiye decorire b̄ose decori m̄usa yeraḡu ihñañe m̄usare “Buhiri tina ijire”, niboaga tiquina. Tiquina sa niḡu sa ihña cãhña tiquinare.

¹⁷ Panop̄u ti ihya dutiyere, b̄ose decorire ye dutiyere, apeye dutiye ḡuh̄ure c̄uhye Cohãcj̄u marine buhero taro. Ti dutiye mehna camer̄u tiquiro yeatire Cohãcj̄u ye ihñono niahye. Cristo tiquiro ijiye tiatire mehenoḡa ye ihñono niahye masare. “Tiquiro ohõ saha waharota”, nino sa ye ihñono niahye. Sa yeati ijimahye ti dutiye.

¹⁸ Ohõ saha nimene ti dutiyere ye dutiyequina. “Sijoro saha ijiyere bajuaḡu ihñau usã”, niñe, tiquina angelere Cohãcj̄ure tiquina ño peoboro saha ño peomene. Apequina masa yero saha tiquina ñañene tutuaro cahmeñene t̄hotumene tiquina. Sa ijiyequina ijiye “Masi peho cj̄a usã”, ni t̄hotumene tiquina. Sa yeye tiquina apequinare “Ȳhd̄ud̄ucaeraja”, niñequina, sijoro saha yeeyequina yero saha ye ihñomene m̄usare. Sa yeye m̄usare tiquinare ihña c̄u dutire. Tiquina sa dutiḡu tiquinare sa ihña cãhña.

¹⁹ Sa yepeta Cristo tiquiro dutiro saha yeye niedare. Cristo pehe tiquiro yequinare dapu yero saha ijire tiquiro yequina p̄htoro ijiro. Tiquiro yequina pehe tiquiro paḡu

yero saha ijiyequina tiquiro ya curua cj̄ena ijire. Mari cohãri dohoye mari wa dari ḡuh̄u mari paḡure ihcã paḡu ijiḡu yere. Sata Cristo pehe tiquiro yequinare ihcãno mehna quehnoano mehna ijiḡu yere. Sa yero Cohãcj̄u pehe tiquiro yequinare tiquirore masi nemoḡu yere.

²⁰ Sa ye Cristo yequina ijina ñañene ye duhurina ijire m̄usa. Sa yena ahri yehpa cj̄e ñañe buheyere cahmedacãhña. Ti buheye uhm̄usep̄u ijimediquina ñañequina p̄htoa ye ijire. Sa yena ti buheyere cahmedacãhña. ¿D̄ahse yena masa tiquina esa tuharo dutiyere ño peoajari m̄usa?

²¹ Ohõ saha ni dutire tiquina esa tuharo dutiyequina: Ahri borore ihyeracãhña. Ahri borore ne ihya tuhueracãhña. Ahri borore piheracãhña. Sata ni, dutire tiquina.

²² Mari apee borore ihyaḡu duita pih̄tia wahare. Sa ijiye borore pih̄tiye borore t̄hotuye nine sa dutiyequina. Tiquina sa dutiḡu ahri yehpa cj̄e dutiye dihita ijire ti dutiye. Masa tiquina esa tuharo tiquina buheye dihita ijire ahri buheye. Sa ye d̄ahseati ijierare.

²³ Ti dutiyere yeeyequina Cohãcj̄ure ño peoyequina yero saha ijimene. Sa ijiye apequinare ȳhd̄ud̄ucaeyequina yero saha ye ihñomene. Tiquina paḡurire ñano ȳhd̄uḡu yeye Cohãcj̄ure ño peoyequina yero saha ye ihñomene tiquina. Tiquina sa yeḡu tiquina ye dutiye pehe masi pehoyequina ye dutiye yero saha ijimene. Sa ijierare. Ti dutiyere yepeta tiquina ñañene tutuaro cahmeñene duhuerare. Sa ye tiquina ye dutiye pehe d̄ahseati ijierare.

3

¹ Sa yena Cristo yequina ijire m̄usa. Panop̄u m̄usa ñañe yerire duhu, quehnoañe pehere comesari jiri m̄usa. Sa comesana ijina uhm̄use cj̄ene Cristo yere cahmeña m̄usa. Top̄ure mari Pac̄u poto pehep̄u dujire tiquiro.

2-3 Ɖhmuse cjē Cohācjū yere quehnoano t̄hotuya m̄sa. Ahri yehpa cjē ñañene wacū n̄n̄medacāhña m̄sa. Cristo yequina ijina ti ñañene wacū duerare m̄sa. Tiquiro pehe ti ñañene cahmotare. Sa yena tire wacū n̄n̄medaro cahmene m̄sare.

4 Sa yena Cristo Ɖhmusep̄ marine sa ijiducuatinare yeriquiro tiquiro ahtagū tiquiro mehna wahanata m̄sa. Sa wahana tiquiro mehna cjāna ijinata.

Cristo yequina mari ijiato panore ñañene yemi mari

5 Sa ye ñañene ye duhu cāhña m̄sa: Omoca d̄hterina gūh̄, d̄hterarina gūh̄ w̄ana tiyere, ña ȳhd̄aro yeyere, apequiro namonore tutuaro cahmeñene, apecoro man̄nore tutuaro cahmeñene, ñañene tutuaro cahmeñene duhu cāhña m̄sa. Apee borore tutuaro cahmedacāhña. Apee borore tutuaro cahmena “Cohācjū ijire”, tiquina niñe queoyere mari cahmeno sahata yena niaja mari tire. Doeri cjēne ño peoyequina yero saha yena niaga m̄sa.

6 Ti ñañene yeyequina Cohācjūre ȳhd̄d̄cayequina ijire. Tiquina sa ye ȳhd̄d̄cagū ihñano tiquinare buhiri dahrerota.

7 Panop̄re m̄sa pehe ti ñañene yena ijina tiquina mehna ijinata. Ijimahye m̄sa.

8 Sa ijimedina ijiepenata yojop̄re ahri ñañene duhu peho cāhña m̄sa: Usuayere, apequinare ñano ni t̄hotuyere, apequinare ñano quitidahreyere, ñano yahuducuyere tire ijipihtiyere duhu cāhña.

9-10 M̄sa pehe Jesu yequina wahanata ti ñañe yeyere duhu tuhasari jiri. Sa yena quehnoañe pehere camesarina ijire m̄sa. M̄sare quehnoañe pehere cahmegū yero nine Cohācjū tiquiro yero saha m̄sa ijiato saha. Sa yere tiquiro quehnoano tiquirore m̄sa masiatio saha. Sa yena m̄sa mehna cjēnare ni mehoedacāhña.

11 Cristo yequina ijina judio masa, judio masa ijiena gūh̄ ihcāno saha

ijire m̄sa, Cohācjū ihñagū. Cuhnu-cun̄ cahserogāre ȳhre nediquina, ȳhre nedariquina gūh̄ Cristo yequina ijiye ihcāno saha ijire, Cohācjū ihñagū. Ape yehpa cjēna, m̄sa masieñequina, m̄sa ya yehpa cjēna gūh̄ Cristo yequina ijiye ihcāno saha ijire, Cohācjū ihñagū. Dahra cohteyequina, dahra cohteyequina ijieyequina gūh̄ Cristo yequina ijiye ihcāno saha ijire, Cohācjū ihñagū. Jesu ijipihtiyequina tiquiro yequina mehna ijire. Ihyo ijiriquiro ijierare, tiquiro yequina ihñagū.

12-13 Sa ye Cohācjū beserina, quehnoana, tiquiro cahña ijina ohō saha ijiya m̄sa: Apequinare paja ihñana, apequinare quehnoano yena, apequinare quehnoano mehna yena, “Apequinare masi ȳhd̄d̄caja”, niena, m̄sare tiquina ñano yepegūta sa t̄hotu cāna ijiya m̄sa. M̄sa mehna cjēna mehna usuana, tiquinare quitidahrena, m̄sa basi usua duhuya. Mari p̄htoro m̄sa ñañe yerire bori. Sa tiquiro boriro sahata m̄sa gūh̄ m̄sa mehna cjēna m̄sare tiquina ñañe yerire boya.

14 Ahri dutiye ȳhd̄oro ohō saha ni dutiaja m̄sare: Apequinare cahña. M̄sa sa yena quehnoano ijipihtiyequina mehna ihcāno mehna ijinata.

15 Cristo marine quehnoano ijigū yere unureno marieno mari ijiato saha. Tiquiro sa yegū quehnoano ijiya m̄sa basi. Sa yeatinare tiquiro yequina ijiatinare cūahye mari Pac̄ m̄sare. Sa yena Cristo paḡ yero saha ihcā curuata ijire m̄sa. Sa ye Cohācjūre “Quehnoare”, ni bucuena ijiya m̄sa.

16 Cristo ye buheyere quehnoano wacūducuya m̄sa. Quehnoano masi buheya tiquiro yere. Cua pesaro mehna tire yahuya. Sa yena Salmore Cohācjū yere basayere, apeye tiquirore ño peo basayere tiquirore basa peoya. Quehnoano wacū ño peoye mehna basa peoya. Sa basana tiquiro yere quehnoano

wacũña m̄sa. Sa yena Cohãcjũre “Quehnoare”, ni bucuena ijiya m̄sa.

¹⁷ Ijipihtiyere d̄hse ijiyere m̄sa yeyere quehnoano jeripohna ti yeya, mari p̄htoro Jesu tiquiro bucueato saha. Cristore ño peore m̄sa. Sa yena tiquirore ño peoye mehna quehnoañe dihitare yahuducuya. Sa yena Cristo yedohoye mehna Cohãcjũ mari Pac̄re sinina “Quehnoare”, ni bucueya tiquirore.

Jesu yequinare ihcãno mehna iji dutiye ohõ saha ijire

¹⁸ M̄sa man̄ tina numia, m̄sa man̄s̄m̄are quehnoano ȳhtiya m̄sa. Sata yero cahmene m̄sare mari p̄htoro Cristo yequina numia ijina.

¹⁹ M̄sa namo tina, m̄sa namosãnumiasã. cahña. Sa yena tiquina numiare tuhtieracãhña.

²⁰ M̄sa tiquina pohna ḡh̄, m̄sa pac̄s̄m̄are ȳhd̄d̄caeracãhña. M̄sa sa yegũ ihñano mari p̄htoro quehnoano bucuere.

²¹ M̄sa tiquina pac̄s̄m̄a ḡh̄ m̄sa pohñare sa tuhtiducueracãhña “B̄j̄a witigũ yeari”, nina.

²² Cahacjãna, m̄sa p̄htoare ahri yehpa cj̄nare quehnoano ȳhtiducuya. Tiquinare bucue dutina tiquina ihñonop̄ dihitare ȳhtina ijieracãhña. Tiquina mariedagũ ḡh̄re ȳhtiya. Mari p̄htoro Cristore cua pesaro mehna m̄sa ihñano sahata quehnoano mehna ȳhtiya m̄sa p̄htoa ḡh̄re.

²³ Potota Cristo yequina ijina quehnoano ȳhtire m̄sa tiquirore. Sa yena m̄sa p̄htoare ahri yehpa cj̄nare ȳhtina, Cristore m̄sa ȳhtiro saha ȳhtinata nine m̄sa. Sa yena m̄sa p̄htoa tiquina dutiro sahata tutuaro mehna dahraya, Cristo ye dutiye ti ijiboriro saha.

²⁴ M̄sa sa yegũ Cristo m̄sare quehnoano yerota. “M̄sare ohoutja”, tiquiro niñene m̄sare ohorota mari p̄htoro. Tire masine m̄sa. Mari p̄htoro Cristo cahacjãna

ijire m̄sa. Sa yero tiquiro pehe m̄sa p̄htoro waro ijire.

²⁵ Tiquina p̄htoare ȳhd̄d̄cayequinare buhiri dahrerota mari p̄htoro pehe. Sa ȳhd̄d̄cayequinare ihcãquiro d̄hsaro marieno ihcãno saha buhiri dahrerota tiquiro.

4

¹ M̄sa p̄htoa pehe, m̄sa cahacj̄nare poto queoro quehnoano yeya tiquinare. M̄sa ḡh̄ p̄htoro core. M̄sa p̄htoro m̄sa c̄oriquiro pehe ahm̄se cj̄no ijire.

² Decoripe Cohãcjũre siniña m̄sa. Quehnoano wacũ t̄hotu siniña. Sa yena “Quehnoare”, niña mari Pac̄re.

³⁻⁴ H̄sã ye ijiati pehere sini basaya tja. Cristo yere apequina panop̄ tiquina masiedarire buhena niaja aasã. Tiquinare h̄sã quehnoano masigũ yeati pehere sini basaya mari Pac̄re. Cristo yere ȳh̄ buheri buhiri ȳh̄ yojop̄re peresup̄ ijiaja. Sa yegũ m̄sa sa sini basagũ cahmeaja tiquiro yere ȳh̄ quehnoano yahuatire. Cristo dutiriro saha ȳh̄ yahuatire pehere sini basaya.

⁵ Jesu yequina ijieyequina mehna ijina quehnoano yeya m̄sa. Cristo yere yahuya tiquinare. Tiquina mehna m̄sa ijiro puno sata quehnoano yeya.

⁶ Tiquina mehna yahuducuna quehnoano bucueye mehna yahuducuya. Quehnoañe dihitare yahuducuya. Apequina m̄sare tiquina sinitugũ quehnoano masiña m̄sa ȳhtiatire.

Quehnoa duti bato tiahye Pablo

⁷ Tiquico mari acaȳro Jesu yaquiro ijire. Tiquiro ȳh̄ ijiye tiyere m̄sare yahurota. Tiquiro mari cahñiquiro ijire. Cristo yere buhero, h̄sã mehna dahrariquiro ijire. Sa yero Cristo yere ne duhuerare tiquiro.

⁸ M̄sa cahap̄ tiquirore ohou ȳh̄ h̄sã ijiye tiyere m̄sa masino quehnoano. Tiquirore ohou ȳh̄ m̄sare bucuegũ yeatiquirore.

⁹ Onésimore mari acaȳrore m̄sa cahap̄ ohou. Tiquiro ḡh̄ Cristo

yere ne duhuerare. M_{usa} mehna cj_{ño} ijire. Tiquina p_{aro} us_ã oh_õre d_hse y_hd_{ur}ire yahueta m_sare.

10 Aristarco peresup_u ijiriquiro y_h mehna cj_{ño} m_sare quehnoa dutire. Marco g_ãh_u quehnoa dutire. Tiquiro Bernabé basuriro ijire. Tiquirore yahu tuhasa_u m_sare. M_{usa} cahap_u tiquiro esag_ũ quehnoano mehna tiquirore piti caya.

11 Jesu “Justo”, tiquina ni pisuriquiro quehnoa dutire tiquiro g_ãh_u. Ahriquina ihtiarota y_h mehna dahrayequina judio masa waro ijire. Judio masa waro tiquina dihita Coh_ãc_jũ yere y_h mehna buhere. Sa buheaja us_ã Coh_ãc_jũ yequina masa wahatire, Coh_ãc_jũre tiquina p_{ar}toro tiatire. Tiquina y_hre quehnoano yedohoriquina ijire.

12 Epafra m_{usa} mehna ijiriquiro m_sare quehnoa dutire. Tiquiro Cristore dahra cohteriquiro ijire. Coh_ãc_jũre sinino, m_{usa} ye ijiatire tutuaro sini basaducuro nine tiquiro. Coh_ãc_jũre quehnoano wac_ũ tutuaducuatiquinare, tiquiro cahmeno saha yeatiquinare m_{usa} ijiatire sa sini basaducuro nine tiquiro Coh_ãc_jũre.

13 Tiquiro m_{usa} ye ijiatire tutuaro sini basare. Laodicea cj_ẽna ye ijiatire, Hierapoli cj_ẽna ye ijiati g_ãh_ure tiquiro tutuaro sini basare. Tiquiro sa yeriquiro ijig_ã ih_ñag_u m_sare yahug_u niaja.

14 Duturu Luca mari cah_ñniquiro m_sare quehnoa dutire. Dema g_ãh_u quehnoa dutire.

15 Quehnoahdo mari acaye Jesu yequina Laodicea cj_ẽna. Ninfa g_ãh_u quehnoahdo. Jesu yequina ticoro ya w_hup_u cahmecoañequina g_ãh_u quehnoahdo.

16 Ahri p_ũre y_h ojoa ohori p_ũre m_{usa} mehna cj_ẽnare m_{usa} buhe tuhasari bato Laodicea cj_ẽna g_ãh_ure ohoya. Sa yena tiquinare Laodicea cj_ẽnare y_h ojoa ohori p_ũre m_{usa} g_ãh_u buheya.

17 Sa yena oh_õ saha ni_{ña} Arquipore: “Mari p_{ar}toro Jesu yaquiro m_h ijig_ã tiquiro yere buheacj_ũre c_ũri m_hre. Tiquiro sa c_ũg_ã quehnoano buhe sohtori tiya m_h”, ni_{ña} tiquirore.

18 Y_h Pablo, y_h omoca mehna ahrire ojoaja. M_sare quehnoa dutiaja y_h. Peresup_u y_h ijiyere wac_ũ, sini basaya m_{usa} Coh_ãc_jũre. Quehnoano ijiya m_{usa}. Coh_ãc_jũ cah_ñne mehna m_sare quehnoa dutiaja.

1 Tesalonicenses

*Pablo ojoa ohoahye Jesu yequinare
Tesalónica cjēnare*

¹ Yuhuh Pablo, Silvano, Timoteo gūhuh musare quehnoa dutiaja. Sa yeguh ahrire musare ojoa ohoaja yuhuh, Pablo. Musa pehe Tesalónica cjāna mari Pacuh Cohācjū yequina ijire. Mari puhtoro Jesucristo yequina gūhuh ijire musa. Sa yena Cohācjū mari Pacuh, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijiya musa.

*Jesu yequina Tesalónica cjēna pehe
Jesure quehnoano wacū tutuahye*

² Cohācjūre sinina ijipihtiyequina Jesure musa wacū tutuayere wacūna, “Quehnoa yuhduare usāre”, niducuaaja usā musare. Cohācjūre sinina, musa ye ijiatire sa sini basaducuna niaja usā.

³ Musa pehe Jesucristore quehnoano wacū tutuañohiti. Sa wacū tutuana, Jesu yere yeñohiti musa. Jesucristore, apequina gūhuhre musa cahñohiti. Sa cahña, Jesu yere tutuaro yena niaga musa. Jesucristore mari puhtorore wacū tutuaducunohiti musa. Sa wacū tutuaducuna musare tiquiro yuhduoatire masina, tire cohtena niñohiti musa. Sa yena tiquirore wacū tutua duhuerañohiti musa. Cohācjū mari Pacure sinina, tire musa sa yerire wacūaja usā.

⁴⁻⁵ Usā acaye, Cohācjū cahñona ijire musa. Musare tiquiro beserire masiaja usā. Sohō ijiri pje musare quehnoañe buheyere buhena sa yahu cāna nieda musare. Espiritu Santo tiquiro tutuaye mehna quehnoañe buheyere buhena nii musare. Sa buhena ti buheye poto ijigū quehnoano masii usā. Sa yena musa watoa usā ijina, usā yerire masine musa. Musare yedohona sa yei usā. Musare buherina ijina, Cohācjū beserina musa ijigū masiaja usā.

⁶ Sohō ijiri pjepure musa ñano yuhduna, quehnoañe buheyere cahmedi musa. Musa sa cahmegū, Espiritu Santo pehe musare quehnoano bucuegū yeri. Tiquiro sa yegū musa pehe usāre ihña cū, usā yeriro sahata yeri. Sa yena Jesu gūhuhre ihña cūri musa.

⁷ Sa ye Jesu yequina Macedonia yehpa cjēna, Acaya yehpa cjēna gūhuh Jesu yere musa yerire masidi. Sa masiñe tiquina gūhuh musare ihña cū, musa yeriro sahata yeri.

⁸ Macedonia yehpa cjēna, Acaya yehpa cjēna gūhuh mari puhtoro yere musa buhegū tuhooñohiti. Cohācjūre musa wacū tutuarire tuhoriquina pehe tiquina dihita ijierare. Ijipihtiro cjēna musa wacū tutuarire tuhooñohiti. Sa ye usā tiquinare yahuerapegūta tire masi tuhasari tiquina.

⁹ Sa ye musa cahapuh usā tinidire, usāre musa quehnoano piti carire yahuri tiquina ijipihtiro cjēnare. Sa yena Cohācjū pehere wacū tutuana, “Cohācjū ijire”, ni musa ño peoye queoyere cohā cāri musa Cohācjū ye pehere yena tana. Tiquiro Cohācjū pehe catiriquiro, Cohācjū waro ijire.

¹⁰ Sa ye “Cohācjū macunore uhmusepuh ahtatiquirore Tesalónica cjēna cohteye nine”, ni yahuri masa musare. Tiquiro macunore yariariquirore Cohācjū masoahye. Tiquiro sa masogū tiquiro macuno Jesu pehe marine ña yuhduaro tiquiro buhiri dahreborinare yuhduori jiri.

2

*Tesalónica wame tiri macapuh
tiquiro dahrarire yahuahye Pablo*

¹ Musa cahapuh ijina usā sa iji cāna nieda tii. Musare quehnoano yedohorina ijie tii usā. Tire quehnoano masine musa, usā acaye.

² Sa yena Filipopuh ijina ñano usā yuhdurire, usāre ñano tiquina yerire quehnoano masine musa. Usāre tiquina sa yepegūta Cohācjū yedohoye mehna cuero marieno Cohācjū

yere quehnoañe buheyere buhei usã mûsa gãhure. Usãre masa peyequina tiquina ihña tuhtiepegũta quehnoañe buheyere buhei usã mûsare.

³ Mûsare buhena quehnoano usã masidire buhei usã mûsare. Sa buhena potota mûsare yedohona nii. Mûsare buhena ni mehoedũ.

⁴ Cohãcjũ cahmeno saha buheaja usã. Quehnoañe buheyere buheanare Cohãcjũ beseri usãre. Tiquiro sa beserina usã ijigũ tiquiro ye buheyere usã buhegũ quehnoarĩne, Cohãcjũ ihñagũ. Sa yena ohõ saha buheaja usã. Masa tiquina ihña bucueatire buhena niedaja usã. Cohãcjũ pehe usãre tiquiro ihña bucueatire tiquiro yere buheaja usã. Tiquiro pehe mari tuhutyere, mari ye duayere quehnoano masine.

⁵ Quehnoañe buheyere buhena tũho bucueati yahuducuye mehna buhena niedũ. Queoro quehnoano mehna buhei usã mûsare. Ahrire masine mûsa. Sa yena usã buhena, mûsare apee borore wapa cahmena niedũ usã. Ahrire Cohãcjũ masine. Potota nigũ niaja.

⁶ Sa buhena masa usãre tiquina ño peoatire yena niedũ usã. Mûsare apequina gãhure usãre ño peo dutina tana niedũ.

⁷ Sa ño peo dutierapenata Cristo cũrina ijiaja. Sa tiquiro cũrina ijina mûsare wapa cahmeboya usã. Sa yena pũhtoa yero saha mûsare dutina ijiboya usã. Sa ijiepenata numino ticoro nijinogãre ticoro quehnoano masoriro saha quehnoano mehna yei usã mûsare.

⁸ Sa yena mûsare quehnoano cahmena, Cohãcjũ yere quehnoañe buheyere buhei usã mûsare. Sa yena ti dihitare yena niedũ mûsare. Mûsare quehnoano yedohou, usã catinina. Usã cahĩna mûsa ijigũ mûsare sa yedohou usã.

⁹ Sa mûsare cahĩna tutuaro yedohou usã mûsare. Tire wacũre mûsa, usã acaye. Cohãcjũ yere quehnoañe buheyere buhena mûsa cũoyere sini cariboerũ mûsare. Sa yena decori,

ñamini gãhure dahraũ usã.

¹⁰ Quehnoano, poto, ni mehono marieno mûsare Jesu yequinare usã yerire masine mûsa. Cohãcjũ gãhũ tire masine.

¹¹ Sa yena ihcãquiro masũno tiquiro pohnene tiquiro quehnoano yahu bucuegũ yeriro saha mûsa gãhure yahuna bucuegũ yei. Tire masine mûsa.

¹² Cohãcjũ tiquiro pũhoro ijiropũ, quehnoa yũhdũaropũ mûsare pijiori. Sa yena tiquiro yequina mûsa ijigũ Cohãcjũ cahmediro sahata mûsare iji dutii usã.

¹³ Cohãcjũ yere mûsare usã yahurire mûsa tuhona, ohõ saha ni tuhutori mûsa: “Masa tiquina esa tuharo tiquina buheye ijierare. Cohãcjũ ye buheyeta ijire”, ni tuhutori mûsa. Tire mûsa tuhutugũ masina bucueaja usã. Sa yena Cohãcjũre sinina “Quehnoare”, niaja usã tiquirore. Ijirota ijire. Mûsare usã buheye Cohãcjũ yahuducuye poto ijirota nine. Sa yero mûsa Jesure wacũ tutuana ijigũ Cohãcjũ tiquiro ye buheye mehna mûsare quehnoañe pehere comesagũ yere.

¹⁴ Jesucristore wacũ tutuayequinare Judea yehpa cjẽnare tiquina yeriro saha mûsa gãhure yeri apequina. Judea yehpa cjẽna Jesu yequina pehere tiquina acaye ijiepetã ñano yũhdũgũ yeri judio masa pehe. Mûsa gãhure mûsa ya dihta cjẽna ñano yũhdũgũ yeri.

¹⁵⁻¹⁶ Judio masa pehe Cohãcjũ yere yahu mũhtariquinare panopũ cjẽnare wejẽe tiahye. Sa ye mari pũhoro Jesu gãhure wejẽahye tiquina. Sa yeye tiquina usãre cohãri. Cohãcjũre tiquina bũjua witigũ yeri. Sa ye peyequina masare ihña tuhtiri tiquina. Judio masa ijieyequinare Cohãcjũ yere usã yahu duami tiquina gãhure pecarũ wahaboriquinare “Cohãcjũ yũhdũoahro”, nina. Usã sa yahu duepegũta judio masa pehe usãre ne Cohãcjũ yere apequinare yahu dutierari. Sa yahu dutieraye pajiro buhiri ti nemoñe nine tiquina.

Yojopure tiquinare tutuaro Cohãcjũ buhiri dahrerota.

Pablo Tesalónica cjēna cahapũ pari turi tini duamahye

17 Ûsã acaye, yojopure mehenogã m̄sa cahapũ ijierana m̄sare wacũna niaja. Sa yena m̄sare tutuaro ihña duana, m̄sa cahapũ waha duami.

18-19 Ihquẽ tahari yũhũ Pablo m̄sare ihñagũ waha duami. Yũhũ sa waha duepegũta Satana pehe usã wahaborirore dojomehnedi. Sa yena wahaeru usã. Ûsãre bucuegũ yena m̄sa ijigũ m̄sare ihña duami. Ûsã buhegũ quehnoano tũhorina ijire m̄sa. Mari pũhtoro Jesu ahri yehpapũ tiquiro tojoa tagũ m̄sa pehe usãre bucuegũ yenata. Sa yena bucueye mehna m̄sa mehna Jesu potu ducunata.

20 Sata ijire. M̄sare ihñano Jesu pehe “Quehnoano buheri m̄sa”, ninota usãre. Sa yena quehnoano bucueaja usã.

3

1-2 Sa ye m̄sare yoari pje ihñedana m̄sare tutuaro tũho duana tire wacũna, Timoteore m̄sa cahapũ ohou. Tiquiro mari acayaro Jesu yaquiro Cohãcjũ cahacjũno ijiro, usã mehna quehnoañe buheyere buheriquiro ijire. Sa yena tiquirore ohou Jesucristore quehnoano m̄sa wacũ tutuatire, m̄sa bucueati gũhare. Tiquirore ohona usã sehsaro Atena wame tiri macapũ tojoarĩ.

3 M̄sa ñano yũhdũepenata Jesu yere m̄sa cohãedatire ohou usã Timoteore. Jesu yequina ijina ñano yũhdũnata mari. Tire masine m̄sa.

4 Panopure m̄sa mehna usã ijinina, mari ñano yũhdũatireta yahu tuhasaũ m̄sare. Sa yena usã nidiro sahata mari ñano yũhdũhũ. Tire m̄sa quehnoano masine.

5 Sa yegũ m̄sare yoari pje ihñedagu m̄sare tutuaro tũho duaũ. Sa yegũ Jesure m̄sa wacũ tutuarire masigu tagũ Timoteore ohou yũhũ. “Watĩno m̄sare ñano ye dutiari”, nigũ, “M̄sare usã buherire m̄sapũ

duhuari”, nigũ, tiquirore ohou yũhũ. Jesu ye buheyere m̄sa duhugũ m̄sare usã buheri dũhseati ijieraboaga.

6 Sa yero yojopure Timoteo m̄sa cahapũ ijiriquiro usã cahapũ tojoa wihiri. Sa tojoa wihiro quehnoañe quitire usãre yahuri tiquiro. Jesure m̄sa quehnoano wacũ tutuayere, apequinare m̄sa cahĩne gũhare tiquiro yahuri usãre. Sa ni tuhasa usãre m̄sa quehnoano wacũrere, m̄sare usã ihña duariro sahata m̄sa gũhũ tutuaro usãre m̄sa ihña duarire yahuri usãre tiquiro.

7 Sa yena usã acaye yojopure ñano yũhdũepenata m̄sa Jesure quehnoano wacũ tutuagũ tũhona usã bucueaja.

8 Jesure m̄sa quehnoano wacũ tutuarire tiquiro yere m̄sa cohãedarire tũhona quehnoano jeri sajãja usã.

9 Sa ni tũhotuna, Cohãcjũ ihñonopũ usã tutuaro bucueaja. Sa bucuenta Cohãcjũre “Quehnoare”, niaja usã.

10 Deco gũhare, ñamipũ gũhare Cohãcjũre siniaja m̄sare usã ihñatire. Jesu yere m̄sa quehnoano masi pehogũ ye duaja usã quehnoano m̄sa tiquirore wacũ tutua nemoatire.

11 Cohãcjũ mari Pacũ tiquiro basi, mari pũhtoro Jesu gũhũ usãre tiquina yedohogũ cahmeaja m̄sa cahapũ usã wahatire.

12 Sa yero mari pũhtoro Jesu ijipihtiyequina m̄sa mehna cjēnare, ijipihtiyequina apequina gũhare cahĩ nemogũ yeahro m̄sare. M̄sare usã cahĩdiro sahata tutuaro cahĩ nemogũ yeahro m̄sare.

13 M̄sare quehnoano tiquiro yedohogũ, buhiri mariena, ñañe mariena ijinata m̄sa, Cohãcjũ mari Pacũ ihñagũ. Mari pũhtoro Jesu ijipihtiyequina tiquiro yequina quehnoañequina mehna ahri yehpapũ tiquiro tojoa tagũ sata ijinata m̄sa.

4

“Cohãcjũre bucuegũ ye duana ohõ saha yeya”, ni yahuahye Pablo

1 Yojoꝑure Jesu mari ꝑahtoro tiꝓiꝓo dutiro mehna mꝑsare ohõ saha ni yahuaꝓa: “Cohãcjũre bucuegũ ye duana ohõ saha yeya”, ni buhei usã mꝑsare. Usã sa buheri bato usã buheriro sahata yeñohti mꝑsa. Mꝑsa sa yeriro sahata ye nemoña. Tire tutuaro ye dutiaꝓa mꝑsare.

2 Jesu mari ꝑahtoro tiꝓiꝓo buhe dutiro mehna mꝑsare usã buherire quehnoano masine mꝑsa.

3 Ahrire mꝑsare yahu nemoutja: Mꝑsa ohõ saha ijigũ cahmene Cohãcjũ: Ñañene yeracãhña. Cohãcjũ ye pehere yeya. Sa yena numia mehna ñano yeracãhña. Mꝑsa numia gũhũ mꝑsa mehna ñano yeracãhña.

4 Ñano yero marieno, ño peoye mehna mꝑsa namosãnumiare cꝑoya. Cohãcjũ mꝑsa tire masigũ cahmene.

5 Cohãcjũre cahmeeñequina Cohãcjũre masieñequina ñañene tutuaro cahmeñe, numia mehna ñano tiꝓina yeriro saha yeracãhña mꝑsa pehe.

6 Tiꝓina yero saha mꝑsa yeragũ cahmene Cohãcjũ, mꝑsa acayũro namono mehna mꝑsa ñano yeratire. Mꝑsa sa ñano yena mꝑsa acayũrore yũhdũdcana niaga. Mari ꝑahtoro Cohãcjũ ti ñañene tiꝓina yegũ ihñano buhiri dahreatiꝓiꝓo iꝓiro nine. Sa yena mꝑsare cuesãna tire yahuaꝓa mꝑsare.

7 Ñañene yeanare beserahye Cohãcjũ marine. Ñañene ye dutieraro beseahye marine.

8 Sa yena ijipihtina mꝑsa ahri usã buherire yũhdũdcana, masa ye buheyere yũhdũdcana niedare mꝑsa. Cohãcjũ ye pehere yũhdũdcana nine. Tiꝓiꝓo mꝑsare Espíritu Santore ohoriꝓiꝓo ijire.

9-10 Mꝑsa acayere Jesu yeꝓinare cahme cahñene Cohãcjũ mꝑsare buhe tuhasari. Tiꝓiꝓo sa buhegũ potota Jesu yeꝓinare Macedonia cjẽnare ijipihtiyequinare quehnoano cahñe mꝑsa. Mꝑsa sa cahĩgũ ihñana “Mꝑsa acayere cahme cahña”, ni buheraja mꝑsare. Tiꝓinare cahĩ tuhasare mꝑsa. Sa ni buhe nemoedapenata ahri pehere mꝑsare

dutiaꝓa. Yojoꝑure apeꝓuinare mꝑsa cahño sahata cahĩ nemoña mꝑsa.

11 Sa yena mꝑsa basi cahme ihña tuhtiro marieno iꝓiya mꝑsa. Apeꝓuinare sijoro saha ni yahuducueracãhña. Sa ihña cãhña tiꝓinare. Sa yena mꝑsa ye dahraye pehere quehnoano dahraya. Panopũta mꝑsare sa ye dutii.

12 Sata yeya mꝑsa, apeꝓuina mꝑsare tiꝓina ño peotire, apeꝓuina yere mꝑsa cariboeratire.

Ahri yehꝑapũre Jesu toꝓa tatire yahuahye Pablo

13 Yojoꝑure yariariꝓina mũnare yahutja mꝑsare: Jesure cahmedaye, masa Cohãcjũ cahapũ wahasi. Sa ye tiꝓina mehna cjẽna tiꝓina yariagũ ihñañe tutuaro buꝓua witire. Yariariꝓina mũna tiꝓina dahse wahatire potota quehnoano mꝑsa masigũ cahmeaja usã, apeꝓuina tiꝓina buꝓua witiro saha mꝑsa buꝓua witieratore.

14 Jesu yariari bato masa mũjari jiri. “Ti potota ijire”, niaꝓa mari. Sa yena ahri gũhũre “Iꝓirota ijire”, ninata. Cohãcjũ pehe tiꝓiꝓo yeꝓina mũnare yariariꝓina mũnare masa mũjagũ ye, neanota Jesu mehna. Ti gũhũre “Iꝓirota ijire”, niaꝓa mari.

15 Jesu toꝓa tagũ tiꝓiꝓo yeꝓina yariariꝓina mũna catiyequina pano masa mũja mũhtaeta. Mari ꝑahtoro Cohãcjũ ye yahuyeta ijire ahri.

16 Ohõ saha iꝓirota Jesu toꝓa tagũ: Mari ꝑahtoro tiꝓiꝓo basi tutuaro sañuducu mũhtanota. Sa yero tiꝓiꝓo yeꝓina angele ꝑahtoro tutuaro pisurota. Sa tiꝓiꝓo pisugũ Cohãcjũ ya corneta bisirota. Tiꝓina sa yegũ Jesu yeꝓina yariariꝓina mũna masa mũja mũhtaeta.

17 Came catiyequinare, yariariꝓina mũna mehna Cohãcjũ uhmũsepũ mũjagũ yerota. Tiꝓiꝓo sa yegũ mari ꝑahtoro Jesure piti canata mari. Sa piti cana ijipihtiyede mari ꝑahtoro Jesu mehna iꝓinata mari.

¹⁸ Ahri yuh̄u yahurire m̄usa mehna cjēnare yahuya. Sa ni yahuna, bucuenata m̄usa ijipih̄tina.

5

¹ Jesu tojoa tati decore “Ahri deco tojoa tarota”, ni, m̄usare yahu ojoasi.

² Yojop̄u m̄usa masino saha tiquiro tojoa tati decore marine masino basioerare. Yaqueriquiro ñamip̄u wacūeno mehna tiquiro yaquero ahtaro saha ahri yehpap̄ure mari p̄ahtoro wacūeno mehna tojoa tarota. Ahrire m̄usa basita masine.

³ “Yojop̄ure mari quehnoano ijiaja. Cuaro mariedare marine”, masa tiquina ni wacūḡu duita ñano waharota tiquinare. Sa wahaḡu tiquina duhti masisi. Niji wahcōricoro wacūeno mehna ticoro pur̄ino t̄hoturo saha wacūeno mehna sa waharota masare.

⁴ Yuh̄u acaye, m̄usa pehere sa wahasī. Yaqueriquiro wuh̄u cj̄nore tiquiro cueḡu yeriro saha m̄usa pehere sa wahasī. Jesu ahtaro m̄usare cueḡu yesi. Nahitianop̄u ijiyequina tiquina ih̄ña masieno saha apequina Jesure ne masiedare. M̄usa pehe tiquina yero saha ijierare.

⁵ M̄usa ijipih̄tina Jesu yequina ijire. Sa yena buhriorop̄u tiquina ih̄ña masino saha Jesu ahtatire masine m̄usa. Apequina tiquirore masieñequina yero saha ijieraja mari.

⁶ Sa yena Cohācj̄ure t̄ho n̄n̄na ijiih̄na. Car̄ñequina yero saha Cohācj̄ure t̄ho n̄n̄ena ijierac̄h̄na mari. Apequina sata yere. Tiquina yero saha yerac̄h̄na mari. Car̄ñequina yero saha, queheyequina yero saha quehnoano wacū masina ijiih̄na mari.

⁷ Car̄ñequina ñamip̄u car̄ñe. Sa ye queheyequina ñamip̄u quehere.

⁸ Mari pehe buhriorop̄u ijiyequina yero saha Jesure masina ijina, quehnoano wacū masina ijiih̄na. Sa yena surara come suhtiro mehna tiquiro cutirore saña cahmotariro saha Cohācj̄ure wacū tutuaya m̄usa, wat̄nore tiquiro cahmotatire. Sa

yena Cohācj̄ure, apequina ḡuh̄re cahñ̄a. M̄usa sa yeḡu Cohācj̄u m̄usare ih̄ña ihborota. Sa yena m̄usare pecap̄u wahaborinare Jesu tiquiro yuh̄d̄uotire “Potota ijire”, niña m̄usa. M̄usa sa niḡu surara tiquiro dapure come sapea mehna tiquiro pesa cahmotariro saha wat̄no m̄usare ñano ye dutiḡu Cohācj̄u tiquirore cahmotarota.

⁹ Tiquiro buhiri dahreatinare marine beserahye Cohācj̄u. Jesucristo mari p̄ahtoro pecap̄u wahaborinare tiquiro yuh̄d̄uotinare marine beseahye tiquiro.

¹⁰ Jesu mari ye ijiatireta yariahye tiquiro mehna mari ijiatire. Catiyequina, yariariquina ḡuh̄u tiquiro mehnata ijiet̄a. Sa yena ijipih̄tina tiquiro mehna ijinata mari tiquiro yequina ijina.

¹¹ Sa yena m̄usa mehna cjēnare yojop̄u m̄usa bucuēḡu yeriro saha m̄usa basita bucuēḡu ye nemoña m̄usa. Sa yena m̄usa basita Cohācj̄ure wacū tutua nemoḡu yeya m̄usa mehna cjēnare.

Jesu yequinare Pablo yahu bato tiah̄ye

¹² M̄usare buheyequinare mari p̄ahtoro buhe dutiro beseri jiri. Tiquiro sa ni besenohriquinare quehnoano ño peoya m̄usa. M̄usa sa ño peoḡu cahmeḡu m̄usare tutuaro dutiaja.

¹³ Tiquina dahrayere yeḡu tiquinare cahñ̄e mehna quehnoano ño peoya. Sa yena m̄usa mehna cjēna mehna cahmequeno marieno ijiya.

¹⁴ M̄usare us̄a acayere, ahrire tutuaro dutiaja: Dahra dueyequinare dahra dutiya m̄usa. Būj̄na witiyequinare bucuēḡu yeya m̄usa. Jesure wacū tutuera cj̄ñ̄equinare yedohoya. Tiquina ijipih̄tiyequina mehna quehnoano usuario marieno bucuēye mehna ijiya m̄usa.

¹⁵ Ihc̄aquiuro m̄usare tiquiro ñano yeḡu ih̄ñana tiquirore ñano ye cahmedac̄h̄ña. Sa yena m̄usa mehna cjēnare, ijipih̄tiyequina apequina ḡuh̄re quehnoano yeya.

16 Sa yena decoripe sa bucueducuya m̄sa.

17 Sa yena decoripe Cohãcjũre siniducuya.

18 M̄sa ñano yãhd̄epenata Cohãcjũre bucue, “Quehnoare”, niña. M̄sa quehnoano yãhd̄uri pje gãh̄are “Quehnoare”, niña. Sa nina Cohãcjũ cahmeno sahata yena niaga m̄sa. Cristo Jesu yequina m̄sa ijigũ ihñano m̄sa sa nigũ cahmene tiquiro.

19 Espíritu Santore yãhtiena ijieracãhña.

20 Espíritu Santo masiñe mehna apequina m̄sare buhere. Tiquina sa buhegũ ti buheyere yãhtiena ijieracãhña.

21 Apequina m̄sare sijoro saha tiquina ni buhegũ ti Cohãcjũ ye ijieragũ masiña m̄sa. Sa yena Cohãcjũ ye buheye ti ijigũ gãh̄are masiña m̄sa. Sa masina quehnoañe buheye dihitare cahmeña.

22 Sa yena ijipihtiye ñañene yeracãhña m̄sa.

23 Cohãcjũ marine quehnoano ijigũ yeriquiro ijire. Tiquiro basi m̄sare tiquiro yequinare quehnoana, ñañe mariena ijigũ ye nemoahdo m̄sare. M̄sa paguri gãh̄are m̄sa jeripohnari gãh̄are quehnoano ihña ihboahro. Mari pãhtoro Jesucristo ahri yehpapure tiquiro tojoa tato pano m̄sare Cohãcjũ quehnoano ihña ihboahro m̄sare “Ñañene yeari”, nino. Tiquiro sa yegũ Cristo ahtagũ ñañe mariena ijinata m̄sa.

24 Sata ijigũ yerota Cohãcjũ. Tiquiro m̄sare beseriquiro tiquiro nidiro sahata yere.

Pablo gãh̄a quehnoa dutiahye

25 Ësã ye ijiatire Cohãcjũre sini basaya m̄sa, usã acaye.

26 M̄sa mehna cjẽnare quehnoano mehna piti caya.

27 Ijipihtiyequina Jesu yequinare ahri pũre buheya m̄sa. Jesu mari pãhtoro dutiye mehna ahrire m̄sare dutiaja yãh̄u.

28 Jesucristo mari pãhtoro cahñe mehna m̄sare tutuaro quehnoa dutiaja.

2 Tesalonicenses

*Pablo ojoa ohoahye Jesu yequinare
Tesalónica cjēnare*

¹ Yuhū Pablo, Silvano, Timoteo gūhū mūsare quehnoa dutiaja. Sa yegū yuhū Pablo ahrire ojoa ohoaja. Mūsa pehe Tesalónica cjāna mari Pacū Cohācjū yequina ijire. Mari pūhtoro Jesucristo yequina gūhū ijire mūsa.

² Sa yena Cohācjū mari Pacū, mari pūhtoro Jesucristo mehna mūsare quehnoa dutiaja. Tiquina yedohoye mehna quehnoano ijiya mūsa.

*Ahri yehpapūre Cristo tojoa tagū
buhiri dahrerota Cohācjū*

³ Cohācjūre sinina, Jesure mūsa wacū tutuayere wacūna “Quehnoa yūhdūare usāre”, niducuaaja usā Cohācjūre. Usā sa nigū quehnoarīne. Decoripe Cohācjūre mūsa quehnoano wacū tutua nemona niñohti. Sa yena decoripe mūsa mehna cjēnare cahī nemona niñohti mūsa. Sa ye Cohācjūre “Quehnoa yūhdūare usāre”, usā nigū quehnoarīne.

⁴ Apequina mūsare ñano tiquina yepegūta Jesure wacū tutuaducūñohiti mūsa yojopū gūhūre. Sa yena tiquirore wacūna duhuerañohti. Mūsa sa yegū ihñana tire mūsa yerire apequinare Cohācjū yequinare bucūeye mehna yahuaja usā.

⁵ Sa wacū tutuaducuna Cohācjū mari pūhtoro yequina mūsa ijiri buhiri ñano yūhdūna niñohti mūsa. Sa yero Cohācjū tiquiro pūhtoro ijiropūre waha dutiri jiri mūsare. Tiquiro sa dutigū queoro yeriquiro tiquiro ijigū masiaja mari.

⁶ Sa yero Cohācjū queoro yeriquiro ijire. Sa yero mūsare ñano yūhdūgū yeyequina pehere ñano yūhdūgū yerota tiquiro.

⁷ Sa yero mari ñano yūhdūrina ijigū ihñano tiquiro marine quehnoano ijigū yerota. Mari pūhtoro Jesu tiquiro yequina angele tutuayequina mehna, peca mehna ūhmūsepū

bajuaro quehnoano ijigū yerota marine, ñano yūhdūrinare.

⁸ Sa yero Cohācjūre masieñequinare, mari pūhtoro Jesu ye buheyere quehnoañe buheyere yūhdūducariquinare Cohācjū buhiri dahrerota.

⁹ Sa yero Cohācjū tiquinare ohō saha buhiri dahrerota: Pecapū tiquina ñano yūhdūducūeta. Sa ye tiquina tutuariquiro mari pūhtoro Jesu cahapū ne waha masiedare. Sa ye tutua yūhdūariquiro tiquiro ijiyere ihñasi tiquina.

¹⁰ Sata waharota ti decopū Jesu tiquiro tojoa tagū. Ti decopūta tiquiro ahtarota tiquiro yequina “Quehnoariquiro, tutuariquiro ijire Jesu”, tiquina ni ño peotire. Sa ye tiquirore wacū tutuayequina ño peota tiquirore. Mūsare usā buherire mūsa quehnoano tūhori. Sa yena mūsa pehe tiquiro mehna ijinata.

¹¹ Sa yena Cohācjūre sa sini basaducuaaja usā mūsa ye ijiatire. Ohō saha ni Cohācjūre sini basaja usā: Tiquiro cahmeno sahata mūsa yeatire, mūsa mehna tiquiro bucūeatire sini basaducuaaja usā mūsare. Mūsa quehnoana iji duanata niñohti. Sa yena Cohācjū tutuaye mehna quehnoana mūsa iji duariro sahata mūsa ijiatire sini basaducuaaja usā. Mūsa Cohācjūre wacū tutuañohti. Sa wacū tutuana tiquiro yere yeñohti mūsa. Tire mūsa quehnoano ye nemoatire Cohācjūre sini basaducuaaja usā mūsare.

¹² Sa yena mari pūhtoro Jesucristo apequinare tiquina ño peogū yenata mūsa. Mūsa sa yegū Jesucristo yequina mūsa ijigū ihñañe apequina ño peota mūsare. Cohācjū cahñe mehna, mari pūhtoro Jesucristo gūhū tiquiro cahñe mehna sa waharota.

2

*Ñano yeducuriquirore yahuahye
Pablo*

¹ Yojopūre mari pūhtoro Jesucristo ahri yehpapūre tiquiro tojoa tatire, tiquirore mari cahmecoa mari piti

catire yahu nemo duaja yuh̄u. Ahrire tutuaro yahu duaja m̄sare, us̄a acaye.

² Apequina m̄sare oh̄o saha niboaga: “Mari p̄htoro tiquiro tojoa tati deco, mianogã pihtiri decop̄u ijiro nine”, ni mehoboaga m̄sare. Tiquina sa niḡu tuhona, tuh̄o mariedacãh̄ña. Sa yena tuh̄o wisieracãh̄ña. “Cohãcjũ yuh̄ure sata nidi ijiri”, ni mehoboaga m̄sare apequiro. Apequiro ḡuh̄u m̄sare buhero, sata ni mehoboaga. Apequiro ḡuh̄u sata ni ojoa ohoboaga, “Yuh̄u Pablota ijiaja”, ni meho ojoaro. Tire m̄sare yahuriquirore masiedaja yuh̄u.

³ Apequina m̄sare tiquina ni mehogũ tuh̄oeracãh̄ña m̄sa. Ti decop̄u ahri yehpa pihtiato panogã peyequina masa Cohãcjũre duhueta. Sa yero ti decop̄u ñano yeducuriquiro pecap̄u wahatiquiro ijirota.

⁴ Tiquiro Cohãcjũ warore, “Cohãcjũ ijire”, tiquina niñe queoye ḡuh̄ure ijipihtiequina masare ño peo dutisi ñano yeducuriquiro. Tiquiro oh̄o saha ni tuh̄oturota. “Ahriquina ijipihtiequina p̄hto tjiaja yuh̄u”, ni tuh̄oturota. Sa yero Cohãcjũ wuh̄up̄u dujiro “Yuh̄u pehe Cohãcjũ ijiaja”, ninota.

⁵ M̄sa mehna injiniḡu tireta yahuu m̄sare. ¿Tire wacũajari m̄sa?

⁶ Yojoap̄are apequiro pehe ñano yeducuriquirore ne iji dutieranine. Sa yena tiquirore iji dutieriquirore masine m̄sa. Sa yero tiquiro dutiḡũ tiquiro queori deco ijiḡũ ñano yeducuriquiro ijirota.

⁷ Yojoap̄are masa ih̄ñenop̄u tiquiro yero saha apequina ñañene ye tuhasari. Tiquina sa yepeḡũta ñañene ye dutieriquiro tiquiro wahato pano ñano yeducuriquiro pehe ijisi.

⁸ Tiquiro wahari bato p̄ritare ñano yeducuriquirota ijirota. Sa yero came mari p̄htoro Jesucristo tiquirore yaria dutirota. Tiquiro asi siteye mehna ahri yehpap̄u tojoa taro, tiquiro putiye mehna tiquirore wejẽ borota.

⁹ Ñano yeducuriquiro pehe watĩno ye tutuaye mehna ahtaro, ti tutuaye mehna ni meho, peye ye ih̄ñonota.

¹⁰ Tiquiro peye ñañe mehna ni mehogũ pecap̄u wahatiquina pehe tiquirore tuh̄oeta. Tiquina pehe quehnoañe buheyere cahmedare. Tiquina sa cahmedaḡũ Cohãcjũ tiquinare pecap̄u wahatiquinare yuh̄duosi. Sa ye tiquina ñano yeducuriquiro ni mehoriquiro tiquiro yerire “Ijirota ijire”, nieta.

¹¹ Sa yero, quehnoañe buheyere tiquina cahmedari buhiri Cohãcjũ tiquinare wisiaḡũ yerota. Sa wisiaye ni mehoñene cahmeeta tiquina.

¹² Sa yero ijipihtiequina quehnoañe buheyere tuh̄o dueyequinare, ñañe ye coayequinare tiquirota buhiri dahrerota.

“Cohãcjũ m̄sare beseahye tiquiro yequina ijiḡũ yero taro”, ni yahuahye Pablo

¹³ M̄sa us̄a acaye, mari p̄htoro Jesu tiquiro cah̄ñona ijire m̄sa. Duita coã warop̄areta m̄sare pecap̄u wahaborinare tiquiro yuh̄duoatinare Cohãcjũ beseahye m̄sare. M̄sare beseahye Esp̄ritu Santo tutuaye mehna tiquiro yequina ñañe mariena m̄sare ijiḡũ yero taro. Sa yero quehnoañe buheyere “Ijirota ijire”, nianaja m̄sa ijiḡũ ih̄ñano m̄sare bese neahye. Tiquiro sa besenohrina masa ijiḡũ ih̄ñana Cohãcjũre bucuenta, “Quehnoare”, niducujaja us̄a.

¹⁴ Quehnoañe buheyere m̄sare us̄a buheḡũ Cohãcjũ m̄sare beseahye mari p̄htoro Jesucristo tiquiro masa mujariro sahata m̄sa ḡuh̄u masa majatire.

¹⁵ Sa yena quehnoano wacũ tutuana ijiya m̄sa. Sa yena us̄a yahuducuye mehna us̄a ojoari p̄ri mehna m̄sare us̄a buherire quehnoano wacũña m̄sa. Sa yena ti buheyere yuh̄ducaeracãh̄ña.

¹⁶ Mari p̄htoro Jesucristo tiquiro basi, Cohãcjũ mari Pac̄u ḡuh̄u marine

cahĩne, ijipihtiyere decori marine bu-
cuegũ yere. Marine cahĩne, marine
pecapũ wahaborinare yũhdũoeta.
Sa yena Cohãcjũ tiquiro yũhdũoatire
quehnoano masina, bucueaja mari.

¹⁷ Jesucristo, mari Pacũ mehna
mũsare quehnoa dutiaja quehnoano
mũsa bucueatire. Sa ye ijipi-
htiyere quehnoañene mũsa yeatire,
mũsa quehnoano yahuducuatire
Cohãcjũre mũsare sini basaja.

3

*“Usã ye ijiatire Cohãcjũre sini
basaya”, ni ojoahye Pablo gũhũ*

¹ Yojobũ usã acaye, usã ye iji-
atire Cohãcjũre sini basaya mari
pũhtoro Jesu ye buheyere peye-
quina masare usã buheatire. Sa
yena tiquiro ye buheyere mũsa
quehnoano cahmediro sahata ape-
quina pehe ti buheyere ño peoye
mehna tiquina cahmeatire sini
basaya mũsa Cohãcjũre.

² Ihquẽquinata Jesure wacũ tutu-
are. Apequina pehe tiquiro yere tũho
dueraye, Jesure wacũ tutuerare. Sa
yena ñañequina masa usãre tiquina
ñano ye duagũ Cohãcjũre sini basaya
mũsa usãre tiquiro yedohogũ.

³ Mari pũhtoro Jesu tiquiro nidiro
sahata yeriquiro ijire. Sa yero
mũsare tiquirore wacũ tutuagũ
yerota. Sa yero watĩno mũsare
tiquiro ñano ye dutigũ Jesu mũsare
yedohorota.

⁴ Cohãcjũ mũsare tiquiro yedo-
horire masiaja usã. Sa yena mũsare
usã dutiriro sahata mũsa yegũ gũhũre
masiaja usã. Sa yena sata yeducunata
mũsa. Ti gũhũre masiaja usã.

⁵ Cohãcjũ mũsare tiquiro cahĩne
mũsare masigũ yeahro. Sa
yero Cristo yero saha mũsa ñano
yũhdũepẽgũta ihcãno sahagũ yeahro
mũsare mari pũhtoro. Sa ihña cãhña
mũsare ñano yeyequinare.

Marine tutuaro dahraro cahmene

⁶ Jesucristo mari pũhtoro tiquiro
dutirow mehna ohõ saha ni dutinatja
mũsare: Jesu yequinare dahra

dueyequinare, usã dutiyere yeeye-
quinare, tiquinare piti ti duhuya.

⁷ Sohõ ijiri pje mũsa mehna usã ijigũ
tutuaro usã dahragũ ihñari mũsa. Sa
yena usã yeriro saha mũsa gũhũre
dahraro cahmene. Tire quehnoano
masine mũsa.

⁸ Sa yena mũsa ihyayere wapa
yero marieno ihyerũ usã. Sa yena
decorũre, ñamipũ gũhũre tutuaro
dahraũ usã “Mũsa ihyayere siniari”,
nina.

⁹ Usã buheri wapa mũsare wapa ye
dutiboaga usã. Sa wapa ye dutibo-
rina ijiepenata wapa ye dutierana,
tutuaro dahraũ usã, usãre mũsa ihña
cũatire.

¹⁰⁻¹¹ Mũsa mehna ijina, ohõ saha
ni buhei mũsare: “Dahraeyequina
ihyeracãhdo”, ni buhei usã mũsare.
Ihquẽquina mũsa mehna cjẽna ne
dahra duerañohiti. Sa ye apequinare
ñano quti yeye, caribo yũhdũañohiti
tiquina. Sa yeyequina mũsa mehna
tiquina ijigũ ihñana ohõ saha ni
ojoaja mũsare: “Dahraeyequina
ihyeracãhdo”, niaja usã.

¹² Mari pũhtoro Jesucristo tiquiro
dutirow mehna dahra dueyequinare
ohõ saha niaja: Quehnoano bucu-
eye mehna dahraahro quehnoano
tiquina ijiatire.

¹³ Usã acaye, mũsa pehe quehnoañene
yeducuna caributieracãhña.

¹⁴ Ihquẽquina to cjẽna ahrire usã
ojoarire yũhdũdũcaboaga. Tiquina
sa yegũ tiquina yerire quehnoano
ihñaña. Sa ihñana tiquinare piti ti
duhuya tiquina bũoro wahatire.

¹⁵ Sa piti ti duhuepenata tiquinare
ihña tuhtieracãhña. Tiquina mũsa
acaye, Jesu yequinata ijire. Tiquina
sa ijigũ tiquina yũhdũdũcarire
yahuya tiquinare tire tiquina
duhugũ.

*Pablo tiquinare quehnoa duti bato
tiahye*

¹⁶ Mari pũhtoro Jesu marine
quehnoano ijigũ yeriquiro mehna
decoripe quehnoano ijiducuya mũsa.
Sa yegũ “Mari pũhtoro mũsa mehna

ijipihtina mehna ijiducuahro”, nigu musare quehnoa dutiaja.

¹⁷ Yuhu Pablo, yuhu omoca mehnata yojopure yuhu basita oja bato tiaja. Sa yegu musare quehnoa dutiaja. Ijipihtiye yuhu ojaari purine ohõ saha dihita yuhu omoca mehna oja bato tiaja yuhu. Yuhu ohõ saha dihita yuhu oja bato tigã ihñana yuhu ojaari pũ ijigã masinata musa.

¹⁸ Mari puhtoro Jesucristo cahñe mehna tutuaro quehnoa dutiaja musare ijipihtinare.

1 Timoteo

Pablo Timoteore ojoa ohoahye

¹ Yuhũ Pablo ahrire mũhũre Timoteore ojoa ohoaja. Cohãcjũ marine pecapũ wahaborinare yũhdũoriquiro ijire. Jesucristo yere buhe duti tiquiro cũrigũ ijiaja yũhũ. Mari Pacũ, Jesu mehnata tiquina dutiriro sahata tiquiro cũrigũ ijiaja yũhũ. Jesuta marine yedohore. Sa yena marine tiquiro yũhdũoatire masina, tire cohteaja mari.

² Mũhũre Timoteore Jesu yere buhei. Yũhũ sa ni buhegũ tũhogũ Jesure wacũ tutua dũcari mũhũ. Sa yegũ mũhũ potota yũhũ macũ yero saha ijigũta nine. Sa yegũ Cohãcjũ mari Pacũ mehna, mari pũhtoro Jesucristo mehna mũhũre quehnoa dutiaja. Sa yegũ mũhũre paja ihñañe tiquina yedohoye mehna quehnoano ijiya mũhũ.

Pablo ni mehoñe buheyere buhe dutierahye

³ Sohõ ijiri pjere Macedonia yehrapũ wahagũ mũhũre Efesopũ cũ yũhdũ cãũ. Topũ ihquẽquina tiquina ye buheyere ni mehoñe buheyere buheyequina ijiri. Ti buheyere buhe dutieracjũre mũhũre cũu yũhũ.

⁴ Tiquina esa tuharo sa buhe maca cãre. Sa ye tiquina acaye panopũ cjẽna tiquina esa tuharo tiquina buherire sa buheducure. Ti buheye mehna apequina mehna cahme dũse tutuaducure. Cohãcjũ marine tiquiro dutirire quehnoano yegũ yerare tiquina sa buheye. Cohãcjũ ye pehere yena tiquirore wacũ tutuaja. Sa yegũ tiquina esa tuharo tiquina buherire buhe dutieracjũre cũu mũhũre.

⁵ Sa cũu mũhũre Jesu yequina apequinare “Cahĩahdo”, nigũ. Ñaño buhiri marieno mehna, quehnoañe wacũñe mehna, poto Cohãcjũre wacũ tutuaye mehna apequinare tiquina cahĩatire sa cũu mũhũre.

⁶ Ihquẽquina ahri quehnoañe buheyere cohã tuhasa, apeye buheye pehere cahmene. Sa ye ti buheye pehere cahme dũse tutuaye wisia wahare. Ti buheyere tiquina cahme dũse tutuaye ti dũhseati ijierare.

⁷ Sa ye tiquina Cohãcjũ dutiyere buheyequina iji duamene. Sa buhe duepeta ti buheyere tiquina basi quehnoano masiedare. Sa ye ti buheyere masiñequina yero saha buhepeta ti buheyere ne masiedare tiquina.

⁸ Cohãcjũ dutiyere Moise marine tiquiro cũrire queoro mari buhegũ quehnoañe dutiye ijire. Tire mari quehnoano masiaja.

⁹⁻¹⁰ Ti dutiyere buhena ahrire masino cahmene: Ti dutiye quehnoañequinare tiquina buheati ijierare. Ahriquina pehere tiquina buheati ijire. Dutiyere yũhdũdũcayequinare, Cohãcjũre yũhdũdũcayequinare, ñaño dihitare yeyequinare, Cohãcjũre cahmeeñequinare, tiquina pacũsũmũare wejẽñequinare, tiquina pacosãnumia gũhũre wejẽñequinare, apequina masare wejẽñequinare, wũana tiyequinare, cahme numia mehna tiquina ñano yeriro saha mũma sehsaro o numia sehsaro ijiepetata tiquina pagari mehna ñano yeyequinare, masa tiquina ijiepegũta tiquinare duayequinare, ni mehoñequinare, Cohãcjũ dutiye Moise marine tiquiro cũri pehe tiquinare buheati ijire. Sa yero apequina ijipihitiyequinare quehnoañe buheyere yũhdũdũcayequinare buheati ijire Cohãcjũ dutiye.

¹¹ Quehnoañe buheye pehe quehnoariquiro Cohãcjũ tiquiro ye buheyeta ijire. Ti buheye pehere yũhũre Cohãcjũ buhe dutiri.

Cohãcjũ paja ihñañene yahuahye Pablo

¹² Sa yũhũ buhegũ Jesucristo mari pũhtoro yũhũre tutuayere ohoro, yũhũre yedohore. “Pablo buhero, yee buheyere quehnoano buherota”, ni tũhoturi Jesu yũhũre.

Sa yero yuhare besero tiqiurore yedohoacjare cūri yuhare. Tiquiro sa yegū “Quehnoare”, niaja yuhū tiqiurore.

¹³ Panopure Cristore yuhū ñano yahuducuepegāta, tiqiuro yequinare ñano yuhū yepegāta, tiqiuro yuhare beseri. Sa yegū tiqiurore masiedarīgū tiqiurore ñano yegū “Ñano yei niga yuhū”, ni tuhhotuerū. Yuhū sa masiedagū ihñano tiqiuro paja ihñari yuhare.

¹⁴ Sa yero Cohācjū mari puhtoro yuhare tutuaro cahño, quehnoano yeri yuhare. Sa yero Cristo Jesure wacū tutuagū yeri yuhare tiqiuro. Sa yero apequinare cahīgū yeri yuhare Cohācjū.

¹⁵ Yuhū pehe apequina yuhduoro ña yuhduagu ijimi. Ñana mari ijiepegāta Jesucristo ahri yehpapū ahtari jiri ñañequinare pecapū wahaboriquinare yuhduoatiqiuro. Ti ijirota ijire. Tiquiro sa ijiriqiuro ijigū ijipihtiequina tire masiahdo.

¹⁶ Ña yuhduagu yuhū ijiepegāta tiqiuro yuhare paja ihñari. Sa paja ihñano Jesucristo usuaro marieno yuhare tiqiuro quehnoano yerire masigū yero nidi apequinare came tiqiurore wacū tutuatiquinare masigū yero taro. Sa wacū tutuatiquina uhmūsepū sa ijiducueta.

¹⁷ Cohācjū ijipihtie decori masa puhtoro ijire. Tiquiro ne yariere. Sa yero mari mehna tiqiuro ijiepegāta tiqiurore ihñedaja mari. Sa yero tiqiuro dihita Cohācjū waro ijire. “Potota quehnoariqiuro, tutu-ariqiuro ijire tiqiuro”, niñna mari tiqiurore. Ijipihtie decori tiqiurore ño peouhna. Sata yeihna.

¹⁸ Timoteo yuhū macū yero saha ijire mūhū. Sa yegū yojopure ahrire mūhūre dutiaja: Mari acaye Jesu yequina Cohācjū yere yahu mūhtariquina mūhūre tiquina ni mūhtariro sahata mūhūre dutiaja. Cristo yere quehnoano yahuducuya. Sa yegū ñano yuhdupegāta tiqiurore wacū tutua duhueracāhña mūhū.

¹⁹ Jesure sa wacū tutuaducuya. Ñañe buhiri mariegū ijiya mūhū. Sa yegū quehnoañe dihitaro yeya. Ihquēquina tire yeraye, Jesu yere cohāre. Sa cohāñe tiqiurore wacū tutua duhuri.

²⁰ Sata yeri Himeneo, Alejandro mehna. “Watīno tiqiuro cahmeno sahata yecūnahdo mū sare”, ni cūu tiquinare, Cohācjūre tiquina ñano yahuducu nemoedatire.

2

Cohācjūre sini basayere yahuahye Pablo

¹ Yojopure ohō saha ni duti mūhtaja mū sare: Ijipihtiequina ye ijiatire Cohācjūre sini basaya. Sa sini basana “Quehnoare. Bucueaja”, niña Cohācjūre.

² Puhtoa, apequina masa bui dutiequina gūhū tiquina ye ijati gūhūre Cohācjūre sini basaya, cahmequeno marieno Cohācjūre ño peona mari quehnoano ijiatire. Sa sini basana mari quehnoañene yena quehnoano iji masiaja.

³⁻⁴ Sata apequina ye ijiatire mari sini basagū quehnoarīne. Tire mari yegū ihñano Cohācjū marine yuhduoatiqiuro pehe marine quehnoano ihña bucuere. Ijipihtiequina pecapū wahaboriquinare tiqiuro yuhduoriquina ijigū cahmene Cohācjū. Sa yero quehnoañe buheyere tiquina masigū cahmene tiqiuro. Sa yero apequina ye ijiatire mari sini basagū bucuere tiqiuro.

⁵ Ihcāquiota ijire Cohācjū. Sa yero Cohācjūre mari ihña tuhtigū Cohācjū gūhū marine tiqiuro ihña tuhtigū, marine bosariqiuro ihcāquiota ijire. Tiquiro Jesucristota ijire. Jesucristo gūhū masūnota ijiri.

⁶ Sa yero wapamonore wapa ye basaro saha ijipihtina mari ñañe buhirire yariahye. Cohācjū tiqiuro queori pjepe tire masare masigū yeri.

⁷ Tire yahuacjare, Jesu tiqiuro cūacjare Cohācjūpe yuhare beseri. Sa yero judio masa ijieyequinare Jesure wacū tutuayere, quehnoañe

buheyere buheacjare beseri yuhare. Potota masare yahugu niaja yuhu. Ni mehoedaja.

⁸ Cohãcjũ yere quehnoano yeyequina, ijipihtiro cjẽna pehe Cohãcjũre tiquina sinigũ cahmeaja. Sa yegu tiquina usuaro marieno, unureno marieno tiquiro mehna tiquina yahuducugũ cahmeaja.

⁹ Sa yegu numia pehere quehnoañequina numia ye suhti yero saha sañañequina numia ijigũ cahmeaja. Sa ye sijoro saha bajuye poari tiquina poarire yeracãhdo. Uru dari busaye darire, perla dari gũhare busaeracãhdo, tiquina umare “Ihña Ʃe pjeari”, niñe. Sa ye wapa bujaye suhtire sañaedacãhdo tiquina Jesu yequina numia. Umare tutuaro Ʃe pjegũ yeracãhdo.

¹⁰ Sa ye tiquina numia quehnoañe pehere yeahro. Sata yero cahmene “Cohãcjũ yequina numia ijiaja”, niñequina numiare.

¹¹ Dihta marieno ño peoye mehna buheyere tũhoahro tiquina numia.

¹²⁻¹⁴ Sa yeye numia umare buheracãhdo. Sa yeye umare dutieracãhdo. Tiquina numia pehe dihta marieno ijiahro. Adãre Cohãcjũ ye mũhtahye. Tiquiro bato Evare yeahye. Sa yero watĩno ni mehogũ tũhoriquiro Adãn ijierahye. Tiquiro ni mehogũ tũhoricoro pehe Eva ijiahye. Sa tiquiro ni mehogũ tũhoro, Cohãcjũre yũhdũdũcaricoro wahahye ticoro. Sa yeye, numia pehe umare dutieracãhdo.

¹⁵ Numino iji mũhtaricoro ticoro yũhdũdũcaepẽgũta numia tiquina pohna tigũ ihñano tiquinare Cohãcjũ yedohorota. Tiquina numia pohna tiye numia pehe Cohãcjũre tiquina wacũ tutuaducugũ tiquiro yedohorota tiquinare. Sa yero masare, Cohãcjũ gũhare tiquina cahĩducugũ, quehnoañequina numia tiquina ijiducugũ, ñañe marieñequina numia tiquina ijigũ Cohãcjũ tiquinare yedohorota.

3

Jesu yequina pũhtoa tiquina yeatire yahuahye Pablo

¹ Masa Jesu yequina pũhtoa iji duaye, quehnoañene ye duaye niaga tiquina. Ti ijirota ijire.

² Jesu yequina pũhtoare besegu ohõ saha ijiyequinare beseya: Buhiri marieñequinare beseya “Apequina tiquinare ñano ni yahusãri”, niñe. Sa yegu ihquẽquina numiare namo tiyequinare, quehnoano tũho masiñequinare, cua pesayequinare, masare quehnoano mehna tiquina ya wũhare sajã ta dutiyequinare, apequinare quehnoano buhe mihniñequinare beseya mũhũ.

³ Sa besegu queheye marieñequinare, cahmequeñe marieñequinare, masare quehnoano yeyequinare, cahme dũse tutueyequinare, niñerure cahĩñequinare beseya mũhũ.

⁴ Sa ye mũhũ beseriquina tiquina pohnene, tiquina namosãnumia gũhare ño peoye mehna yũhtigũ yeyequina ijiahro.

⁵ Tiquinare yũhtigũ ye masiedaye Jesu yequina gũhare yũhtigũ ye masiedaboaga tiquina.

⁶ Jesu yequina pũhtoa iji duayequina Jesu yequina coã sajãñequina ijiye, tiquina pũhtoa iji masiedare. Coã sajãñequinare Jesu yequina pũhtoa masa cũgũ tiquina “Quehnoa yũhdũana ijiaja”, ni tũhotuboaga. Tiquina sa ni tũhotugũ Cohãcjũ tiquinare buhiri dahre dutirota watĩnore tiquiro yeriro saha. Watĩno gũhũ sata ni tũhotumahye Cohãcjũre yũhdũdũca duaro.

⁷ Sa ye Jesu yequina pũhtoa ijia-tiquina ohõ sahata ijiro cahmene. Jesu yequina ijieyequina tiquina ño peonohñequina ijiro cahmene tiquinare. Quehnoano yeyequina tiquina ijigũ ihñañe apequina ño peoeta tiquinare. Sa quehnoano yeye, watĩno cahmeñene wacũeno mehna tiquiro ye dutigũ tiquina pehe watĩno cahmeñene yesi. Sa ye masa tiquinare ñano quitĩ dahresi.

Jesu yequinare yedohoatiquina tiquina yeatire yahuahye Pablo

⁸ Sa yegũ Jesu yequinare yedohoatiquina pehere besegũ ohõ saha ijiyequinare beseya: Tiquina cua pesaro ijiyequinare, quehnoano potota yahuducuyequinare, queheye marieñequinare, apequina yere ni meho ehmeñequinare beseya mũhũ.

⁹ Sa yegũ ñaÑe buhiri marieno Cohãcjũ ye buheyere sa wacũ tutuaducuyequinare beseya mũhũ.

¹⁰ Sa yegũ Jesu yequinare yedohoatiquina iji duayequinare tiquina yerire ihñaña mũhũ. Tiquinare mũhũ sa ihñari bato tiquina pehe buhiri marieñequina ijiye, Jesu yequinare yedohoatiquina sañãhdo tiquina.

¹¹ Sa yena tiquina namosãnumia ohõ saha tiquina ijigũ cahmeaja mari. Cua pesayequina numia, ñaÑe quitu marieñequina numia, tũho masiñequina numia, ijipihtiyere quehnoañene yeducuyequina numia tiquina ijigũ cahmeaja mari.

¹² Sa yegũ Jesu yequinare yedohoatiquinare besegũ ihquẽquina numiare namo tiyequinare, tiquina pohnene apequina tiquina ya wãhũ cjẽna gũhũre quehnoano yũhtigũ yeyequinare beseya.

¹³ Sa ye mũhũ beseriquina Jesu yequinare tiquina yedohogũ apequina tiquinare quehnoano ihña bucueta. Sa ye tiquina yedohoyequina pehe quehnoañe buheyere, Jesucristore tiquina wacũ tutuaye gũhũre cuero marieno buheeta tiquina.

Cohãcjũ ye buheyere yahuahye Pablo

¹⁴⁻¹⁵ Yojopũre mũhũ cahapũ waha duagũ niaja. Sa waha duepegũta yojopũre wahaeranigũ ahri pũpũ yahu, mũhũre oja ohogũ niaja. Jesu yequina cahmecoañequina watoa mũsa yeatire mũhũre yahu oja ohogũ niaja, “Mianore waharĩsi”, nigũ. Jesu yequina Cohãcjũ catiriquiro yequina ijire. Tiquiro yequina poto ijiye buheyere Cohãcjũ

ye buheyere cõore. Sa cõoye tire buheducure.

¹⁶ Ahri ijirota ijire. Marine Cohãcjũ tiquiro buheri, panopũ mari quehnoano masiedari quehnoa yũhdũaye buheye ijire. Ahri buheye ohõ saha ijire:

Tiquiro Cristo mari pagũ yero saha pagũ tiquiro masa bajuahye. Quehnoariquiro, ñaÑe marieniquiro tiquiro ijigũ ihñori Espiritu Santo pehe. Angele gũhũ tiquirore ihñari. Sa ye tiquiro buhe duti cũriquina pehe apeye yehpari cjẽnare tiquiro yere yahu buhere. Sa ye ahri yehpapũ masa peyequina tiquirore wacũ tutuari. Came uhmũsepũ Cohãcjũ neari tiquirore. Ti ijire quehnoañe buheye.

4

Quehnoañe buheyere cohãriquinare yahuahye Pablo Timoteore

¹ Espiritu Santo ahrire quehnoano yahure: Pihtiri deco panogã ihquẽquina masa Jesu ye buheyere cohãeta. Sa ye ni meho buheyere watĩno ye buheye pehere tũho nũnũeta tiquina.

² Ti buheyere ni mehoducuyequina yahueta masare. Tiquina ni mehoducuyequina pehe “ÑaÑe buhiri mariedare ušãre”, ni tũhotuyequina ijire. Sa ye tiquina ñaÑe yeyere “ÑaÑe ijire”, ni tũhotuerare.

³ Ohõ saha ni buheeta tiquina: “Namo tieracãhña. Ahri ihyayere ihyeracãhña”, ni buheeta tiquina. Tiquina sa ihya dutierapegũta Cohãcjũ ihyayere bajumehnenno mari ihyatire quehnoañene cũahye tiquiro. Mari Cristore wacũ tutuana ijigũ quehnoañe buheyere mari masina ijigũ, mari ye ijiatire ti ihyayere bajumehneahye tiquiro. Ti ihyayere cõona tiquirore “Quehnoare”, mari nigũ cahmene tiquiro.

⁴ Ijipihtiyere Cohãcjũ tiquiro bajumehnedi quehnoañe ijire. Sa yena

tiquiro bajumehnedi ihyayere nena, Cohãcjüre “Quehnoare”, nina, tire marine cohãedaro cahmene. Tire marine bucue ihyaro cahmene. Sa yegũ apequina tiquina ihya dutieragũ tãhoeracãhña tiquinare.

⁵ Tiquiro bajumehnedi quehnoañe ti ijigũ yahu tuhasahye Cohãcjũ. Sa ye tiquirore “Quehnoare”, mari ni bucuere bato ti ihyaye tiquiro yeri ihyaye quehnoañe waro ijiro nine.

Jesucristo cahacjãnore Timoteore quehnoariquirore yahuahye Pablo

⁶ Ahri yũhũ yahurire Jesu yequinare mari acayere buhegũ Jesucristo cahacjũ quehnoagũ ijire mũhũ. Sa buhegũ quehnoañe buheyere, quehnoano mũhũ tãhorire quehnoano masi pehogũ ijire mũhũ.

⁷ Sa yegũ tiquina esa tuharo tiquina buherire, Cohãcjũ ye ijieyere tãhoeracãhña. Sa yegũ Cohãcjũ cahmeñe pehere yepogũ ijiya mũhũ.

⁸ Mũhũ dahrapogũ quehnoa cjüre. Mũhũ dahraporiro yãhdũoro Cohãcjũ cahmeñene mũhũ yepogũ quehnoa yãhdũare mũhũ. Cohãcjũ cahmeñene yepogũ yojopũre quehnoano ijigũta mũhũ. Sa yegũ mũhũ yariari batopũ gũhũre masa mũjagũ quehnoano ijigũta mũhũ.

⁹ Ti ijirota ijire. Ijipihtiyequina tire yũhũ nidire masiñequinare “Ijirota ijire”, nino cahmene tiquinare.

¹⁰ Ijipihtiyequina tire tiquina niatire Cohãcjũ cahmeñene tiquina yeatire mari tutuaro dahraja. Sa yena ñano yãhdũaja mari apequina marine ñano tiquina yegũ. Cohãcjũ catiriquiro, ijipihtiyequinare pecapũ wahaboriquinare yãhdũoriquiro ijire. Tiquirore wacũ tutuayequina pũritare tiquiro yãhdũorota. Sa yena tiquiro yãhdũoatire masina, cohteaja mari. Sa yena Cohãcjũ cahmeñe pehere masa tiquina yeatire tutuaro buhe dahraja mari.

¹¹ Ti ijipihtiyeyũhũ nidire dutiya Jesu yequinare. Sa yegũ tire buheya mũhũ.

¹² Wahmũ mũhũ ijigũ ihñañe apequina Jesu yequina mũhũre yãhdũũca duaboaga. Tiquina “Sa yeari”, nigũ, ohõ saha ye ihñaña tiquinare. Masare cahña. Sa yegũ Jesure wacũ tutuaducuya. Sa yegũ buhiri mariegũ ijiya. Wahmũ ijiepegũta mũhũ sa yegũ ihñañe mũhũre yãhdũũcasi tiquina. Sa ye mũhũ yahuducurire tãhoeye, mũhũ yerire ihñañe mũhũre ihña cũeta.

¹³ Sa yegũ mũhũ cahapũ yũhũ esato pano Jesu yequinare Cohãcjũ yere tiquina ojoari pũre buhe tuhasa tiquinare sa yahu quehnoducuya.

¹⁴ Jesu yequina pũhtoare Cohãcjũ tiquiro dutigũ tiquina pehe Cohãcjũ yere yahu tuhasa mũhũ bui tiquina omocarine duhu peori. Tiquina sa duhu peogũ Cohãcjũ ye ijiatire mũhũ ye masiatire cũri mũhũre Cohãcjũ. Tiquiro sa cũrre ye duhueracãhña.

¹⁵ Ahri dutiyere sa yeducuya mũhũ. Sa yegũ ahri dutiyere quehnoano masiña. Mũhũ sa yeri bato quehnoañene mũhũ ye nemogũ ijipihtiyequina ihñaeta.

¹⁶ Mũhũ pehe quehnoano yeya mũhũ, “Sijoro saha yeari”, nigũ. Sa yegũ quehnoano buheya mũhũ, “Sijoro saha buheari”, nigũ. Sa yegũ mũhũ basita pecapũ wahaborigũ yãhdũgũta mũhũ. Sa ye mũhũre tãhoriquina gũhũ pecapũ wahaboriquina yãhdũeta.

5

“Apequina Jesu yequinare ohõ saha yeya mũhũ”, niãhye Pablo Timoteore

¹ Ne bũcũrore tuhtieracãhña. Mũhũ pacũre mũhũ quehnoano yeriro sahata bũcũro gũhũre quehnoano mehna yahuya. Sa yegũ mũhũ bahanare mũhũ quehnoano yeriro sahata wahma pjia gũhũre quehnoano ño peoro mehna tiquinare yahuya.

² Sa yegũ mũhũ pacore mũhũ quehnoano yeriro sahata bũcũna numia gũhũre quehnoano ño peoye mehna yahuya. Sa yegũ mũhũ bahana numiare mũhũ quehnoano

ño peoriro sahata nuhmia gũhure ñano ue pjero marieno, quehnoano ño peoye mehna yahuya tiquinare.

³ Sa yegu wape wiha numiare potota acaye marieñequina numiare ño peoye mehna yedohoya tiquinare.

⁴ Wape wihoro pohna tiricoro ijigũ, o panamena tiricoro ticoro ijigũ gũhure ticoro pohne, ticoro panamena gũhure yedohoahro ticorore. Sa yedohoye Cohãcjũ masare tiquina acayere tiquiro ye dutiyere yeye nine tiquina. Sa yeye tiquina ticorore wapamonore wapa yeye niaga. Tiquina sa yegũ ihñano Cohãcjũ quehnoano bucuere.

⁵ Pejecuricoro, wape wihoro acaye marienicoro ijiro, Cohãcjũ ticorore tiquiro yedohoatire cohtere ticoro. Sa yero ñaminipe, decoripe ticoro Cohãcjũre sa siniducure.

⁶ Apecoro pehe wape wihoro ñañe mehna bucue duaricoro ijiro ticoro catiricoro ijieperota pecapũ wahaticoro ijire.

⁷ Ahri ijipihtiye yũhũ yahurire Jesu yequina gũhure ye dutiya mũhũ, quehnoañe dihitare tiquina yeatire. Tiquina sa yegũ ihñañe apequina tiquinare “Ñano yeye nine”, ni masiedare.

⁸ Ihcãquiro tiquiro acayere ihña ihboeraro, tiquiro pohne tiquina pacoro gũhure quehnoano ihña ihboeraro “Jesu yaquiro iji-aja”, ni masiedare. Sa yero Jesure cahmeeñequina yũhdũoro ña yũhdũariquiro ijire tiquiro.

⁹ Wape wiha numiare yedohonata mũsa. Ohõ saha beseya mũsa yedohoatiquina numiare. Tiquina wamene ojoa ohõati pũpũ ojoagũ tagũ ohõ saha beseya tiquina numiare: Sesenta cũhmari cũoericorore ticoro wamene ojoa ohõedacãhña. Sa yegu wape wihoro ihcãquiroreta manũ timedicorore ticoro wamene ojoa ohõña.

¹⁰ Sa manũ timediquina numiare “Quehnoañene yeyequina numia ijire”, masa tiquina niñequina numiare, tiquina pohnene quehnoano

masori numiare beseya. Sa yegu tiquina ye wũhũsepũ apequinare quehnoano sajã ta dutiyequina numiare, cahacjẽna yero saha Jesu yequinare yedohoye numiare, tiquina dahpocãrine coseri numiare, ñano yũhdũyequinare yedohoye numiare, quehnoañe dihitare yeye numiare beseya. Tiquina numiare mũsa yedohoati numiare bese tuhasagũpũ, tiquina wamene ojoa ohõña mũhũ.

¹¹ Sa ye wape wiha numia nuhmia cjũno tiquina ijigũ tiquina numia pehere beseracãhña. Sa yegu ti pũpũ tiquina wamene ojoa ohõedacãhña. Came tiquina yere tutuaro ye duaye, Cristore cohã, pari turi manũ tiboaga.

¹² Tiquina Cristore “Mũhũ yequinare yedohonatja”, nidiquina numia ijiepetata camepũre tiquina nidiro sahata yedohoeraboaga tiquina. Tiquina sa yedohoerari buhiri buhiri tieta.

¹³ Tiquina numia ohõ saha yere: Dahraeye numia ijipore. Sa ye apequina ye wũhũsepũ waha, ñañe quitidahre, sijoro saha mari yegũ marine sa yahuducure. Sa ye tiquina yahu dutierarire yahu wajare tiquina numia.

¹⁴ Sa yegu tiquina numia ohõ saha yegũ cahmeaja yũhũ: Wape wiha numia nuhmia cjũnogã ijiye numia manũ tiahro. Sa ye Jesu yequinare “Ûsãre yedohoya”, nino marieno iji-ahro tiquina numia. Sa ye tiquina pohna tiahro. Sa ye tiquina ye wũhũse cjẽnare quehnoano ihña ihboahro. Mari ye numia wape wiha numia tiquina sa yegũ marine ihña tuhtiyequina marine “Ñañene yeye nine”, ni tuhti masiedare.

¹⁵ Yojopũ pũritare ihquẽ numia wape wiha numia Cristo yere duhu, wafĩno cahmeñe pehere ye tuhasare. Sa yegu sa ni yahujaja mũhũre.

¹⁶ Jesu yequina tiquina acayoro wape wihoro ticoro ijigũ tiquina ticoro acaye ticorore yedohoahro. Apequina Jesu yequina pehe ticorore yedohoeracãhdo. Sa ye Jesu yequina

ticoro acaye c̄oricorore yedohoer-aye, apequina numia wape wiha numia acaye marieñe numia pehere yedoho masine.

¹⁷ Jesu yequina p̄h̄toa m̄sare tiquina quehnoano buheḡu tiquina dahrayere tiquina quehnoano yeḡu ihñana ño peoya tiquinare. Sa yena quehnoano wapa yeya tiquinare. Ihquēquina tiquina mehna cjēna Cohācj̄u yere yahuyequina m̄sare buheyequina ḡuh̄u ijire. Tiquina p̄ritare apequina ȳhd̄oro quehnoano ño peoya.

¹⁸ Cohācj̄u yere tiquina ojoari p̄p̄u oh̄o saha nine, dahrariquirore tiquina wapa yeatire yahuro: “Wec̄u trigo p̄jire tiquiro dahpoc̄ari mehna suhti weḡu tiquiro d̄serore cahmotaerac̄h̄ña. Tiquiro cahmeno ihyaahto”, ni ojoahye. Sa yero ape p̄p̄u oh̄o saha nine: “Dahrariquirore tiquiro dahrari wapare ohoro cahmene”, nine Cohācj̄u yere tiquina ojoari p̄p̄u. Tiquiro sa niḡu tuhona Jesu yequina p̄h̄toare quehnoano ño peoya m̄sa. Sa yena quehnoano wapa yeya tiquinare.

¹⁹ Jesu yequina p̄htorore tiquiro ñano yeḡu ihñano ihc̄aquiota yahus̄a masiedare. P̄htorore ñañene yahus̄atiquina ihtiaro ijiye, tiquirore yahus̄a masine. Ihtiaro mariedaḡu p̄h̄aro yahus̄a masine.

²⁰ Sa yena ñañene yeducuriquirore ijipihtina m̄sa watoa tiquiro ijiḡu tiquirore tuhtiya, apequina cueatire, ñañene tiquina yeratire.

²¹ Sa yeḡu Cohācj̄u, Jesucristo, tiquiro beseriquina angele ḡuh̄u tiquina ihñonop̄u ahrire dutiaja m̄h̄ure: Yojop̄u m̄h̄ure ȳh̄u dutirire ye pehoya. Sa yeḡu ijiḡu ijipihtiyequinare Jesu yequinare ihc̄ano saha yeya. Apequirore sijoro saha, apequirore sijoro saha yerac̄h̄ña.

²² Apequinare Cohācj̄u dahrayere m̄h̄u c̄uatire tiquina bui m̄h̄u omocarine m̄h̄u duhu peoato pano sojaro marieno quehnoano tuh̄o masiñe mehna tiquinare beseya. Tiquina ñañequina ijiboaga. Sa

ijiyequinare Cohācj̄u dahrayere c̄uedac̄h̄ña. Sa c̄uḡu m̄h̄u ḡuh̄u m̄h̄u duhu peoyequina tiquina ñañene yero sahata yeḡu niboaga m̄h̄u. Sa yerac̄h̄ña. Sa yeḡu ñañe marieḡu ijiya m̄h̄u.

²³ Us̄uro waro paa pur̄inohḡu ijire m̄h̄u. Sa yeḡu yojop̄ure aco dhitare sihnimene m̄h̄u. Sa yeḡu mehenoḡa vino ḡuh̄ure sihniña m̄h̄u. Paa pur̄iñe co ijire ti.

²⁴ Ihquēquina tiquina ñañene yeḡu mari ihñaja. Sa yena Cohācj̄u tiquinare tiquiro buhiri dahreatire masiaja mari. Apequina pehere tiquina ñañe yerire mari masiedaja. Tiquina ñañe yerire came masinata.

²⁵ Ti ijiro sahata ihquēquina quehnoañene tiquina yeḡu tire mari masiaja. Apeye tiquina quehnoañene yerire yojop̄ure masiedapenata camep̄u masinata mari. Ti quehnoañene n̄ono basioerare.

6

¹ Cahacjēna Jesu yequina pehe tiquina p̄h̄toare quehnoano ño peoahro. Tiquina sa ño peoḡu ihñañe apequina Cohācj̄ure, mari buheye ḡuh̄ure ñano yahuducu masiedare.

² Tiquina p̄h̄toa Jesu yequina tiquina ijiḡu ihñañe tiquina cahacjēna pehe Jesu yequina ijiye, tiquinare ihñapoye ño peoeraboaga. Sa yeraro cahmene. Tiquina p̄h̄toa Jesu yequina tiquina ijiḡu p̄ritare tiquina cahacjēna quehnoano ño peoahro tiquinare. Sa ño peoye tiquina cahacjēna pehe Jesu yequinare, tiquina cahñequinare yedohoye nine. Tiquina p̄h̄toare Jesu yequinare yedohoye, Jesure cahmeeñequinare tiquina ño peoriro ȳhd̄oro Jesu yequina pehere ño peoahro tiquina cahñequina ijiḡu. Ahri ȳh̄u yahurire buheya. Sa yeḡu ahrire dutiya.

Cohācj̄ure ño peoye ḡuh̄ure quehnoano ijiye ḡuh̄ure yahuahye Pablo

³ Sijoro saha ijiye buheyere buheriquiro mari p̄htoro Jesucristo ye buheyere quehnoañene buheyere

“Ijirota ijire”, ni tũho duerare. Sa yero mari ye buheyere Cohãcjũre ño peoye buheyere cahmedare.

⁴ Sa yero tiquiro “Masi pehogũ ijiaja”, nieperota tire ne masiedare. Sa yero tũho masieniquiro yero saha tutuaro cahme dũse tutua duare tiquiro. Sa yero Cohãcjũ yere sa ni maca cãriquiro ijire. Masa tiquiro yero saha ijiyequina cahme dũse tutuaye, tiquina basi cahme ihña cooye, cahme ihña duerare. Sa ye apequinare ñano quti dahr-eye, masiedapeta masare ñano ni tũhoture tiquina.

⁵ Sa ye tiquina ñañe dihitare tũhotuquina, poto ijiyere ne masieñequina sa cahme dũse tutuaducure. Sa ye “Cohãcjũ yere buhena, niñerure wapatanata mari”, ni tũhoture tiquina.

⁶ Mari ye mehenogã mari cũoye mehna bucuenta, Cohãcjũre ño peona, potota quehnoano ijina niaja mari.

⁷ Ahri yehpaurẽ masa bajuana ne apee borore ne cãhtaerũ mari. Sa yena mari yariari bato wahana, ne apee borore nea masiedaja mari. Sa yena mũsa yere mũsa cũoye mehna to punota bucueya. Pajiro cahme nemoedacãhña.

⁸ Sa yena mari ihyayere mari suhti gũhũre cũona apeyere cahme nemoedacãhña. Mũsa cũoro punota bucueya mũsa.

⁹ Doeri cjẽ opana iji duayequinare watĩno ñañene tiquiro ye dutigũ tiquina pehe peye ñañene yeducuquina ijiboaga. Sa ye tiquina peye tahari tũho masieñequina yero saha apee borore tutuaro cahmeñe, ñañe yeyere duhueraye, tiquina basita ñano yũhdare. Sa duhueraye, pecapũ wahaeta tiquina.

¹⁰ Niñerure tutuaro cahmeñe, peye ñañene ye dũcare masa. Ihquẽquina niñerure cahĩne, tutuaro cahmeñe, Jesure wacũ tutua duhuye, peye tahari ñano jeripohna tire tiquina.

Cohãcjũ yere yena ñañene duhuya

¹¹ Mũhũ pũrita Cohãcjũ yaquirota ijire. Sa yegũ ahri ñañene yeracãhña.

Sa yegũ quehnoañe pehere cahmeña. Cohãcjũ yere yeya. Sa yegũ Jesure wacũ tutuaya. Sa yegũ apequinare cahĩña. Ñano yũhduepeguta ihcãno sahaya. Sa yegũ sa tũhotu cãhña.

¹² Æhmũsepũ sa ijiducucjũre Cohãcjũ beseri mũhũre. Sa yegũ Cohãcjũre mũhũ wacũ tutuayere peyequina masare quehnoano yahuri mũhũ. Sa yegũ ñano yũhduepeguta tiquirore wacũ tutua duhueracãhña æhmũsepũ mũhũ sa ijiducuatire.

¹³ Cohãcjũ ijipihtiyequinare catigũ yeriquiro ijire. Ijipihtiyere ijigũ yeriquiro ijire. Sa yero Jesucristo pehe Poncio Pilatore Cohãcjũ yere quehnoano yahuriquiro ijire. Sa yegũ Cohãcjũ, Jesucristo gũhũ tiquina ihñonopũ ahrire mũhũre ye dutiitja:

¹⁴ Mũhũre tiquiro dutirire ye peho cãhña. Jesucristo tiquiro tojoa tato pano masa mũhũre ñañene tiquina “Yahusãri”, nigũ, tiquiro dutirireta yeducuya.

¹⁵ Tiquiro queoriro sahata Cohãcjũ Cristore tojoa tagũ yerota. Cohãcjũ quehnoariquiro, tiquiro dihita masare dutiriquiro ijire. Sa yero ijipihtiyequina apequina pũhtoa bui pũhtoro ijire tiquiro.

¹⁶ Sa yero tiquiro dihita ne yari-eriquiro ijire. Tiquiro asi siteye mehna ijiriquiro ijire. Sa ye masa tiquiro asi siteye cahapũ waha masiedare. Sa yeye tiquirore masa ne ihñedari. Sa yeye yojopũ gũhũre tiquirore ihñedare. Tiquiro pehere ño peouhna. Sa yena “Ijipihtiye decori tutuariquiro ijire tiquiro”, niihna tiquirore. Sata niihna.

¹⁷ Ahri yehpa cjẽna doeri cjẽ opanare ohõ saha ni dutiya mũhũ: “Apequinare masi yũhdũdũcaja”, ni tiquina basi tũhotueracãhdo. Tiquina doeri cjẽ tiquina cũoye pihtia waharota. Sa yeye tiquina cũoye dihitare bucueracãhdo. Cohãcjũ pehere bucueahro. Ijipihtiye pototi mari cahmeñene ohoriquiro ijire tiquiro. Tiquiro pehere wacũ tutu-

ahro tiquina doeri cjē opana.

¹⁸ Sa yeye tiquina quehnoañe pehere yeahro pajiro quehnoañene yeyequina tiquina ijiatire. Sa yeye tiquina c̄orire apequinare ohoahro.

¹⁹ Tiquina sa yegũ ɯhm̄sep̄ Cohãcjũ cahap̄ tiquina ye ijirota. Top̄ tiquina ye ijigũ ne butisi. Sa ye top̄ sa ijiducuenta tiquina.

Pablo Timoteore duti bato tiahye

²⁰ Timoteo, m̄h̄re Cohãcjũ tiquiro c̄irire tiquiro buhe dutirire quehnoano yeya. Boeracãhña m̄h̄. Ihquẽquina masa Cohãcjũre cahmeeñequina yero saha ni mehoñe, t̄ho masieñequina ye buheyere yahuducuducure. Sa yahuducuye “Quehnoano masieñequina ye buheye ijire”, nimene tiquina. Sa tiquina ni buheyere t̄ho n̄n̄edacãhña.

²¹ Ihquẽquina ti buheyere t̄ho n̄n̄ñequina Cristo yere cohã cãhre. Cohãcjũ tiquiro cahñe mehna m̄h̄re tutuaro quehnoa dutiaja.

2 Timoteo

Pablo Timoteore pari turi ojoa ohoahye

¹ Yũhũ Pablo, ahrire mũhũre Timoteore ojoa ohoaja. “Ijipihtiyequina Jesucristore wacũ tutuayequina uhmũsepũ sa ijiducueta”, ni, cũri marine Cohãcjũ. Tiquiro sa ni cũrire yahuacjũre yũhũre bese cũri Jesu. Sa cũno Cohãcjũ tiquiro cahmeno sahata yero nidi yũhũre.

² Mũhũ Timoteo yũhũ cahĩgũ ijire. Mũhũre Jesu yere yũhũ buhegũ tũhogũ tiquirore quehnoano wacũ tutua dũcari mũhũ. Sa yegũ yũhũ macũ yero saha ijire mũhũ. Sa yegũ Cohãcjũ mari Pacũ, mari pũhtoro Jesucristo mehna mũhũre quehnoa dutiaja. Sa yeye mũhũre paja ihña, tiquina yedohoye mehna quehnoano ijiya mũhũ.

Masare Cristo yere tiquina yahurire yahuahye Pablo

³ Ñamipũ, decopũ gũhũre Cohãcjũ mehna yahuducugũ mũhũ ye ijiatire sini basagũ mũhũ mehna bucueaja. Sa bucuegũ Cohãcjũre “Quehnoare”, niaja yũhũ. Panopũ cjẽna yũhũ acaye ñaũe buhiri marieno Cohãcjũ yere tiquina yeriro sahata yũhũ gũhũ yojopũre tiquiro yere yeaja.

⁴ Sohõ ijiri pjere yũhũ wahagũ mũhũ uti nũnũ tãe tirire wacũgũ mũhũre tutuaro ihña duaja, mũhũ mehna quehnoano bucue duagũ.

⁵ Sa yegũ Jesure potota mũhũ wacũ tutuarire wacũaja yũhũ. Mũhũ ñeco, Loida, mũhũ paco Eunice gũhũ mũhũ yero sahata Jesure wacũ tutua mũhtari mũhũ pano. Sa yegũ yojopũre mũhũ gũhũ tiquirore mũhũ wacũ tutuagũ quehnoano masiaja yũhũ.

⁶ Sa yegũ ahrire mũhũre wacũgũ ye duaja. Mũhũ bui yũhũ omocarine yũhũ duhu peogũ Cohãcjũ yere mũhũ yeatire tutuayere ohori mũhũre. Ti tutuaye mehna ye nemoña mũhũ.

⁷ Cohãcjũ marine tiquiro yaquiro Espiritu Santore ohori. Sa yero masare marine cueragũ yere Espiritu Santo. Sa yero tutuana, masare cahña, tũho masina marine ijigũ yere tiquiro.

⁸ Sa yegũ mari pũhtoro ye ijiatire apequinare yahugũ, bue tieracãhña mũhũ. Yũhũ tiquiro yere yũhũ yeri buhiri peresupũ ijigũ niaja. Peresupũ yũhũ ijigũ yũhũre bue tisãedacãhña mũhũ. Sa yegũ quehnoañe buheyere mũhũ buheri buhiri ñano yũhdũgũ “Quehnoanota”, niña mũhũ gũhũ. Mũhũ sa ñano yũhdũgũ Cohãcjũ mũhũre yedohorota.

⁹ Cohãcjũ pehe marine pecapũ wahaborinare yũhdũori. Sa yero quehnoana, tiquiro yequina ijanare tiquiro beseahye marine. Mari quehnoano yeye mehna tiquirore marine besegũ yerũ. Tiquiro esa tuharo tiquiro cahmediro sahata yero ahri yehpare tiquiro bajumehneato pano marine cahño, tiquiro marine beseahye. Marine sa cahño marine yũhdũoatiquirore Jesucristore ohoahye Cohãcjũ.

¹⁰ Yojopũre Jesucristore marine yũhdũoatiquirore ohoro, marine potota tiquiro cahñene masigũ yero niahye Cohãcjũ. Jesu marine tiquiro yequinare pecapũ wahaeragũ yeri. Sa yero “Yũhũre wacũ tutuana Cohãcjũ mehna sa ijiducunata”, nino, quehnoañe buheyere marine yahuro ahtahye tiquiro.

¹¹ Ti buheyere quehnoañe buheyere yahuacjũre tiquiro cũacjũre beseri yũhũre.

¹² Sa tiquiro beserigũ ijigũ yojopũre ñano yũhdũaja yũhũ. Ohõ saha ñano yũhdũepeguta yũhũ bue tieraja. Yũhũ wacũ tutuariquirore Jesure masiaja yũhũ. Tutuariquiro ijire tiquiro. Sa yero yũhũre tiquiro yere buhe duti cũno quehnoano yedohorota. Sa yero ahri yehpapũ tiquiro tojoa tato pano, “Mũhũre yũhdũogũtja”, tiquiro nidiro sahata sohtori tirota yũhũre. Yũhũre yũhdũorota tiquiro. Tire quehnoano masiaja.

13 Mũhũre quehnoano yũhũ yahurire ye pehoya. Cristo Jesu yequina ijina tiquirore quehnoano wacũ tutuaja mari. Sa yena apequinare quehnoano cahĩaja. Sa yegũ tiquirore sa wacũ tutuaducuya mũhũ. Apequinare quehnoano cahĩducuya.

14 Sa yegũ Espiritu Santo mari mehna ijiriquiro tiquiro yedohoro mehna quehnoañe buheyere quehnoano yeya. Queoro buheya.

15 Ijipihtiyequina Asia yehpa cjẽna Jesu yequina yũhũre yedoho dueraye, cohã cãa wahari. Tiquina mehna cjẽna pũaro Figelo, Hermógene sata yeri tiquina gũhũ. Tiquina sa cohã cãire masi tuhasare mũhũ.

16-17 Tiquina sa cohãepegũta Onesíforo pehe peye tahari yũhũre yedohoro quehnoano jeri sajãgũ yeri. Sa yero yũhũ peresupũ ijigũ tiquiro yũhũre bue tisãedari. Sa yero yũhũ Romapũ ijigũ sa macaducuri jiri yũhũre. Sa macaducuro yũhũre bocari. Sa yero tiquiro pohnene, tiquina pacoro gũhũre paja ihñanota Jesu mari pũhtoro. Tiquirore sa paja ihña dutigũ tiquirore sini basaja.

18 Sa yero ahri yehpapũ Jesu mari pũhtoro tiquiro tojoa tati deco tiquirore paja ihñanota. Tiquirore sa paja ihña dutigũ tiquirore sini basaja. Efesopũ marine Onesíforo tiquiro yedohorire quehnoano masine mũhũ.

2

Ñano yũhdũepenata Jesu yequina ijina ihcãno saharo cahmene marine

1 Mũhũ pehe yũhũ macũ yero saha ijigũ, Jesucristo yedohoro mehna tiquirore wacũ tutuaducuya.

2 Sa yegũ peyequina masare yũhũ buherire mũhũ tũhorire apequina gũhũre buheya mũhũ. Tiquina mũhũ buheyequina Cohãcjũ yere yeducuyequina ijiahro. Sa ye apequinare buhe masiñequina ijiahro.

3 Surara ñano yũhdũeperota tiquiro ihcãno saharo saha mũhũ gũhũ Jesu yaquiro ijigũ ñano yũhdũegũ, ihcãno

sahaya mũhũ. Sa yegũ apequina Jesu yequina yero saha yegũ nine mũhũ.

4 Surara tiquiro pũhtoro dutiye pehere yere. Sa yero tiquiro surara ijieyequina yero saha ihyo ijiyere yerare tiquiro. Mũhũ gũhũ sata Cohãcjũ dutiye dihitare yeya.

5 Omariquiro oma dutiyequina tiquina dutiyere queoro yeraro, tiquiro oma yũhdũucari wapare ne masiedare. (Sa yegũ omariquiro ti dutiyere queoro tiquiro yeriro saha Cohãcjũ dutiyere quehnoano ye pehoya mũhũ.)

6 Sa yero wese dahrariquiro quehnoano dahrariquiro pehe apequina pano quehnoano wapatare. (Sa yegũ mũhũ gũhũ tiquiro yero saha quehnoano dahraya mũhũ.)

7 Ijipihtiyere quehnoano masigũ yerota Jesu mari pũhtoro mũhũre. Sa yegũ yojopũre mũhũre yũhũ nidire quehnoano wacũ tũhotuya.

8 Sa yegũ Jesucristore wacũña. Tiquiro pũhtoro Davi mũnana panopũ cjãno tiquiro panamino iji turariquiro ijiahye. Sa yero yariaro masa mũjahye tiquiro. Quehnoañe buheyere buhegũ tiquiro sa waharireta buhegũ niaga.

9 Tiquiro yere buhegũ ñano yũhdũaja yũhũ. Sa yegũ tire yũhũ buheri buhiri ñañene yeriquiro yero saha peresupũ ijiaja yũhũ. Yũhũ sa ijiepegũta Cohãcjũ ye yahuducuyere buhe duhugũ ye masiedare masa yũhũre.

10 Sa yegũ Cohãcjũ beseriquinare buhegũ peye tahari ñano yũhdũaja yũhũ, tiquina gũhũ Jesucristo yequina tiquina ijiatire. Tiquiro yequina ijiye tiquina pecapũ wahaboriquina pehe tiquiro yũhdũoatiquina ijietã. Sa ye tiquina Cohãcjũ mehna sa ijiducuetã.

11 Ahri yũhũ niati ijirota ijire. Cristo yere mari yeri buhiri apequina marine tiquina wejẽgũ tiquiro mehna uhmũserũ sa ijiducunata.

12 Sa yena tiquiro yere mari yeri buhiri ñano yũhdũepenata ihcãno sahana tiquiro pũhtoro

ijiropure tiquiro mehna pãhtoata ijinata mari gũhũ.

- 13 “Cristore usã masiedaja”, mari nigũ, tiquiro gũhũ marine sata ninota. Tiquirore mari yãhduducagũ ihñano tiquiro nidiro sahata marine buhiri dahrerota. Tiquiro nidiro sahata yeriquiro ijire tiquiro. Ne ni mehoedare. Ahri ijipihtiye tiquiro yahuri ijirota ijire.

Cohãcjũ tiquiro ihña coayequinare, tiquiro yere buheyequinare yahuahye Pablo Timoteore

14 Ahri yũhũ yojopũ yahuatire mũhũ mehna cjẽnare wacũgũ yeya. Tiquina esa tuharo ihyo ijiyere tiquina yahuducuye dahseati ijierare. Sa yeye tiquinare tãhoriquinare ñano yegũ yere. Sa yegũ mari pãhtoro ihñonopũ ohõ saha ni yahuya tiquina esa tuharo buheriquinare. “Musa yahuducuro saha yahuducueracãhña”, niña tiquinare.

15 Mũhũ pehe Cohãcjũ yere quehnoano buheya. Sa yegũ Cohãcjũ yere tutuaro yeya. Mũhũ sa yegũ ihñano “Quehnoano yeri mũhũ”, ninota Cohãcjũ mũhũre. Sa yegũ mũhũ buherire tiquiro ihñagũ bue tisi mũhũ. Sa yegũ tiquiro ye buheyere quehnoano masiña. Sa yegũ tire queoro buheya.

16 Tiquina esa tuharo yahuducuyequina ñañene sa yeducure. Sa yegũ tiquina sa ni yahuducuyere tũho yabiya mũhũ.

17 Tiquina pehe tiquina yahuducuye camino ahba mũjano yero saha ijire. Camino ahba mũjano saha tiquina yahuducuye gũhũ apequina Jesu yequinare ñañequina wahagũ yeeta. Sa yahuducuyequina mehna cjẽna Himeneo, Fileto gũhũ ijire.

18 Sa yeye tiquina “Jesu yequina masa mũja tuhasari”, ni buheye, quehnoañe buheyere duhu cãri tiquina. Sa sijoro saha buheye, meheñequinagã Jesu yequinare tiquirore wacũ tutua duhugũ yeri tiquina.

19 Tiquina sa ñano buhepegũta Cohãcjũ ye buheye pehe ne came-saerare. Ohõ saha nine tiquiro ye buheye: “Mari pãhtoro Jesu tiquiro yequinare masine. Sa ye, ijipihtiyequina ‘Jesu yequina ijiaja’, niñequina ñañene duhu cãhdo”, ni yahure Cohãcjũ ye buheye.

20 Mari queoye mehna buhegũ masa sihniñe pari yero saha ijire. Pajiri wãhũpũ uru, plata mehna tiquina yeri pari ijire. Sa yero ti wãhũpũ apeye pari yucũgũ mehna, dihi mehna tiquina yeri pari ijire. Uru, plata mehna tiquina yeri pari quehnoañene tiquina pose yeati ijire. Apeye pari ihyo ijiyere tiquina pose yeati ijire.

21 Sa yero ñañene yerariquiro uru pa quehnoari pa yero saha ijirota. Sa yero tiquiro pehe Jesu ye dihitare yeducuriquiro ijirota. Sa yero wãhũ cjãno quehnoari pa mehna quehnoañene tiquiro yeriro saha, ñañene yerariquiro Jesu ye ijiatire quehnoañene yerota.

22 Wahmũ ijire mũhũ. Sa yegũ wahma pjia ñañene tiquina tutuaro ye duaro sahata yeracãhña mũhũ. Sa yegũ quehnoañene yeya. Jesure wacũ tutuaducuya. Sa yegũ tiquirore, masa gũhũre cahña. Sa yegũ mũhũ mehna cjẽna Jesu yequina mehna ijigũ cahmequeno marieno quehnoano ijiya mũhũ. Sa yeya mũhũ Cohãcjũre yãhtiyequina tiquirore siniducuyequina mehna ijigũ.

23 Sa yegũ tãhoturo marieno tiquina cahme yahuducuyere mũhũ gũhũ tũho nũnũedacãhña. Sa yegũ mũhũ gũhũ sa cahme yahuducueracãhña. Sa ni yahuducuye masa tiquina basi cahme tuhti, usuare.

24 Cohãcjũ cahacjãno ihcãquiro ijiro, cahme tuhtieraro cahmene tiquirore. Sa yero ijipihtiyequinare quehnoano yeriquiro, buhe mihnidiquiro, duita usueriquiro ijiro cahmene tiquirore.

25 Sa yero apequina tiquiro mehna tiquina cahme tuhtigũ tiquiro tiquinare yahuro, quehnoano

mehna usuario marieno yahuro cahmene tiquiroro. Tiquiro sa yahugã ihñañe Cohãcjũ yedohoye mehna tiquina pehe tiquina ñaño yerire bujua witiboaga. Sa ye quehnoañe buheyere masi ducaboaga.

²⁶ Tiquinare watño cõmedi tiquiroro cahmeñene yeatiquire. Sa ye tiquina ñaño yerire bujua witiri bato quehnoañe buheyere masiñe, watñore cohã cãeta.

3

Pihtiati deco ijiatire yahuahye Pablo Timoteore

¹ Pihtiati deco panogãre ñano yãhdũeta masa. Tire quehnoano masiña mũhũ.

² Ti pjere masa apequinare wacũ peoyequina, niñerure cahme yãhdũducayequina, “Apequinare masi yãhdũducaja”, ni tiquina basi tãhotuyequina, masare ñano tuhtiyequina, tiquina pacusũmare yãhdũducayequina, tiquina ohopegãtamãhũ. Sa yegũ usuario marieno yãhũ yerire, masare yãhũ cahñene, ñano yãhdũpegãta yãhũ ihcãno saharire masine mũhũ.

³⁻⁴ Sa ye masare cahñequina, paja ihñequina, ñaño quiti dahreyequina, tiquina esa tuharo ñano yeducuyequina, masare sa quẽducuyequina, quehnoañene yabiyequina, tiquina mehna cjẽnare ñano yeyequina, tãho masieñequina, “Masi pehoaja”, ni tãhotuyequina ijieta masa. Sa ye ñañene cahme yãhdũducayequina ijiye, Cohãcjũ pehere cahmeeñequina ijieta.

⁵ Sa ye tiquina masa ihñonopũ Cohãcjũre ño peopeta “Cohãcjũ ihyo ijiriquiro ijire”, ni tãhotumene tiquina.

Sa niñequinare piti tieracãhña mũhũ.

⁶ Tiquina mehna cjẽna tãho masieñequina numia ye wãhũsepũ sajã, tiquina numiare ni mehoñene buhere. Tiquina numia pehe sa ñañene yeducuyequina numia, tutuaro ñañene ye duare.

⁷ Tiquina numia sa buheducuye ihyo ijiye buheyere, sijoro saha ijiye buheyere tãhoye numia ijiye, Cohãcjũ ye buheye pehere ne masiedare.

⁸ Panopũ Jane, Jambre yayia mũna Moisere tiquina ihña tuhtiriro sahata pihtiati deco panogã ijiyequina masa quehnoañe buheye pehere ihña tuhtieta. Tiquina ñaño dihitare tãhotuyequina ijieta. Sa ye Jesure wacũ tutuayequina waro ijierare.

⁹ Sa yeyequina tiquina ni mehoñene tãho duasi apequina pehe. Came tiquina ni mehoñene, tãho masieñequina tiquina ijiye gãhũre ijipihtiyequina masieta. Jane, Jambre mehna tiquina ni mehoñene panopũ masa tiquina masidiro sahata sata masieta pihtiati deco panogã ni mehoñequina tiquina ijiyere.

Pablo Timoteore duti bato tiahye

¹⁰ Yãhũ buheyere, yãhũ yee tirire, yãhũ ijiye tiyere, yãhũ ye duayere, Jesure yãhũ wacũ tutuayere masine yãhũ. Sa yegũ usuario marieno yãhũ yerire, masare yãhũ cahñene, ñano yãhdũpegãta yãhũ ihcãno saharire masine mũhũ.

¹¹ Sa yegũ yãhũre tiquina ñano yerire, yãhũ ñano yãhdũrere masine mũhũ. Sa yegũ Antioquiãpũ, Iconiõpũ, Listrapũ, yãhũre ña yãhdũaro tiquina yerire masine mũhũ. Yãhũ sa wahagã ihñano mari pãhtoro Jesu pehe yãhũre yedohori.

¹² Ijipihtiyequina Jesucristo yequina tiquina iji duagã Cohãcjũ dutiriro sahata tiquina yeducu duagã apequina tiquire ñano yeeta. Ti ijirota ijire.

¹³ Sa ye ñañequina pehe ni mehoñequina gãhũ ña yãhdũayequina wahaeta. Apequinare ni mehoñe, tiquina basi ni mehoñene “Sa tjire”, niñe, ña yãhdũayequina wahaeta.

¹⁴ Mũhũ pehe mũhũre yãhũ buherire, quehnoano mũhũ tãhorire sa wacũducuya. Sa yegũ yãhũ buheriro sahata yeya. Mũhũre buheriquinare masine mũhũ.

15 Mũhũ nijigũ ijigũputa Cohãcjũ yere tiquina ojoari pũre masi dũcahye mũhũ. Tiquiro yere tiquina ojoari pũrũ ohõ saha ni yahure mũhũre: Jesucristore wacũ tutu-ayequina dihitare pecarũ waha-boriquinare yũhdũore Cohãcjũ.

16 Cohãcjũ yere tiquina ojoari pũrũ ijipihtiyere Cohãcjũ pehe oja dutiahye. Sa yena ti pũre buhena mari masi nemoaja. Ti pũre buhena Cohãcjũ dutiyere mari yeatire masi-aja. Sa buhena mari ñaÑe yerire “Ahri ñaÑe ijire”, ni tũhotuaja mari. Sa yero ti pũ marine quehnoañe pehere comesa dutire. Sa yero decoripe quehnoañene mari yeducu- atire yahure ti pũ.

17 Sa yero Cohãcjũ yaquiro tiquiro ya pũre buhero, masi pehorota. Sa masino ijipihtiyere quehnoañene ye masinota tiquiro.

4

1 Jesucristo ijipihtiyequina pũhoro, tojoa tatiquiro, catiyequinare, yari-ariquina gũhũre buhiri dahre dutia- tiquiro tiquiro ihñonopũ mũhũre ohõ saha ni yahutja. Cohãcjũ ihñonopũ gũhũre ohõ saha ni yahutja mũhũre:

2 Decoripe masa tiquina tũho duagũ tiquina tũho dueragũ gũhũre Cohãcjũ yere yahuya. Sa yahugũ masa tiquina ñaÑe yerire masigũ yeya tiquinare. Sa yegũ tiquina ñaÑe yerire “Ye nemoedacãhña”, ni yahuya tiquinare. Quehnoañe pe- here ye dutiya. Sa buhegũ ne usuegũ, caributieracãhña mũhũ. Sa yegũ ne apequinare buhe duhueracãhña.

3-4 Camerũ masa quehnoañe buheyere tũho duasi. Sa tũho dueraye, tiquina cahmeno sahata yeye, tiquina tũho coaye dihitare buheyequinare cahmeeta tiquina. Sa ye ni mehoÑe buheyere peyequina buheyequinare cũoeta. Tiquina sa yeye quehnoañe buheye pehere cohã, tiquina sa buhe maca cãrĩre tũho nũnũeta. Sa yegũ quehnoañe buheyere buhe duhueracãhña mũhũ.

5 Mũhũ gũhũ sa ijigũ decoripe tũho masigũ ijiya. Sa yegũ ñano yũhdũepẽgũta ihcãno sahaya. Sa yegũ quehnoañe buheyere sa buhe-ducuya. Cohãcjũ mũhũre tiquiro ye dutirire ye peho cãhña mũhũ.

6 Yũhũ Cohãcjũ yere yũhũ yeri buhiri yũhũ yariato mehenogã dũhsare. Sa yegũ meheÑe decorigã catiniitja.

7 Yũhũ yariato panogã ahrire yahutja: Jesu quehnoañe buheyere yũhũre buhe dutiro tiquiro cũrĩre quehnoano buhe sohtori tii. Tiquiro ye dutiyere quehnoano ye pehou. Sa yegũ ñano yũhdũepẽgũta tiquirore ne wacũ tutua duhuerũ.

8 Yojoũre quehnoañene yũhũ yeri wapare umũsepũ ihboro niaga. Sa yero mari pũhoro, ijipihtiyequinare masi pehoriquiro, buhiri dahre dutiro queoro yahuriquiro tiquiro tojoa tati deco tiquiro yere yũhũ yeri wapare ohorota yũhũre. Ape-quina gũhũre tiquiro tojoa tatire co-hteyequinare tiquirore cahñequinare tiquiro yere tiquina yeri wapare ohorota Jesu.

Pablo yahu nemoahye Timoteore

9 Yũhũ caharũ umũÑano ihñagũ ah- taya mũhũ.

10 Dema ahri yehpa cjẽ ijipi-htiyere tutuaro cahmeno yũhũre yedoho dueraro cohã cãa wahari Tesalõnicarũ. Crescente gũhũ Galacia yehparũ wahari. Sa yero Tito gũhũ Dalmaciapũ wahari.

11 Luca dihita yũhũ mehna ijire. Marco yũhũre quehnoano yedohoa- tiquiro ijire. Sa yegũ tiquirore ne cãhtaya mũhũ.

12 Sa yegũ Tiquicore Efesopũ ohou.

13 Ohõrũ ahtagũ, yũhũ bui saÑari suhtirore, Troapũ Carpo ya wũhũrũ yũhũ cũri suhtirore ne cãhtaya. Sa ye sohõ ijiri tunuri ojoari tunuri gũhũre ne cãhtaya. Sohõ ijiri cahseri ojoari cahseri pũritare tutuaro cah- meaja yũhũ. Sa yegũ ti cahseri gũhũre ne cãhtaya.

¹⁴ Alejandro comene dahrariquiro yuhare ña yuhduaro yeri. Sa yero tiquiro sa yeri buhiri Cohãcjũ buhiri dahrerota.

¹⁵ Tiquiro Alejandro mari ye buheyere tutuaro ihña tuhtiri. Sa yegũ tiquiro musare “Ñano yeari” nigũ, tiquiore ihñagũ, quehnoano wacũ masiña.

¹⁶ Masare beseriquiore peresupũ ye dutiriquiore yuhũ yerire, yuhũ buherire tiquiore yuhũ coã yahugũ ne ihcãquiro boro Jesu yaquiro yuhare yedohoerari. Ijipihtiyequina yuhare yedohoeraye, cohã cãa wahari. Tiquina sa cohãepẽgũta yuhare tiquina cohãri buhiri Cohãcjũ buhiri dahreracãhdo.

¹⁷ Yuhũ sa wahaepẽgũta Cohãcjũ yuhare yedohori. Sa yero tiquiro ye buheyere yuhũ quehnoano yahuatire tiquiro ye tutuayere ohori yuhare, ijipihtiyequina judio masa ijieyequina ti buheyere tiquina tãhoatire. Sa yero yuhare tiquina ñano tiquina ye duepẽgũta yuhare tiquina ñano yeborigũre yedohori mari pãhtoro.

¹⁸ Ijipihtiyequina yuhare ñano yeyequinare yuhduũcaro, yuhare yedohorota mari pãhtoro. Sa yero umũsepũ tiquiro pãhtoro ijiropũ yuhare iji dutiro, yuhare yuhduorota tiquiro. Sa yena “Tiquiro quehnoa yuhduariquiro, tutua yuhduariquiro ijire”, niinha mari ijipihtiyẽ decori. Sata niinha.

Pablo quehnoa dutiahye Timoteo cahapũ ijiyequinare

¹⁹ Prisca, Aquila, Onesíforo ya wuhũ cjẽna gũhũ quehnoahdo.

²⁰ Erasto Corintopũ tojoari. Tróximo Miletopũ dohatia wahari. Sa yegũ tiquiore topũ cũu yuhũ.

²¹ Pohero pano umũñano ahtaya mũhũ. Eubulo, Pudente, Lino, Claudia gũhũ, ijipihtiyequina Jesu yequina mũhũre quehnoa dutire.

²² Mari pãhtoro Jesucristo mũhũ mehna ijirota. Sa yegũ musare ijipihinare Cohãcjũ mehna pajiro quehnoa dutiaja.

Tito

Pablo Titore oja ohoahye

¹ Yũhũ Pablo Cohãcjũ cahacjũ, Jesu-cristo yere tiquiro buhe duti cūrigũ ijiaja. Cohãcjũ beseriquina Jesu tiquina wacũ tuatire quehnoañe buheyere tiquina masiatire Jesu buhe dutiro yũhũre cūri. Ti buheye Cohãcjũ dutiro saha mari yeatire yahure.

² Sa yegũ ijipihtiye decori Cohãcjũ yequina uhmũsepũ tiquina ijiducuatĩ gũhũre buheaja tiquinare. Cohãcjũ ne ni mehoñe marieniquiro ahri yehpare tiquiro bajumehneato pano ohõ saha ni cũahye marine: “Uhmũsepũ sa ijiducunata mũsa”, ni cũahye marine.

³ Sa yero tiquiro queori pje Cohãcjũ tiquiro ni cūrire yahu dutiri masare. Sata yũhũre ni yahu dutiri tiquiro. Marine pecapũ waha-borinare yũhdũoriquiro ijire.

⁴ Mũhũre Titore Jesu yere buhei. Yũhũ sa buhegũ tũhogũ Jesu wacũ tutua dũcari mũhũ. Sa yegũ mũhũ potota yũhũ macũ yero saha ijigũta nine. Mũhũre ahrire ojoagũ niaja. Sa yegũ Cohãcjũ mari Pacũ mehna, Jesu-cristo marine yũhdũoriquiro mehna mũhũre quehnoa dutiaja. Sa ye paja ihñañe, mũhũre tiquina yedo-hoye mehna quehnoano ijiya mũhũ.

Creta wame tiri nũcũopũ Tito tiquiro yeatire yahuahye Pablo

⁵ Creta wame tiri nũcũopũ mũhũre yũhũ cūgũ Jesu yequina tiquina buheatĩ dũhsarĩdi ti pjere. Sa yegũ tiquina yeatire yahuyucjũre cūgũ nii yũhũ mũhũre. Sa yegũ macaripe cjẽna Jesu yequina pũtoa ijiatiquinare bese dutigũ cūgũ nii mũhũre.

⁶⁻⁸ Tiquina pũtoa Cohãcjũ cahacjẽna ijire. Sa yegũ tiquinare besegũ quehnoañequinare beseja sijoro saha yeeyequinare. Sa yegũ ihquẽquina numiareta namo tiyequinare, “Apequinare masi yũhdũdũcaja”, ni tũhotueyequinare,

usueyequinare, queheye marieñequinare, cahmequeñe marieñequinare, ape-quina yere ni meho ehmeñequinare beseja. Sa besegũ tiquina wũhũsepũ sajã sayequinare quehnoano ihña ihboyequinare, quehnoañe pehere quehnoano bucueyequinare, tũho masiñequinare, quehnoañene yeducueyequinare, ñañe marieñequinare, ñañene yeeyequinare, niji siaro marieno dahrayequinare, quehnoañene yeducueyequinare beseja. Sa ye mũhũ beseatiquina pohnene ohõ saha ijiyequina ijiro cahmene: Jesu wacũ tutuayequina, quehnoano yeducueyequina, ijipihtiyequinare quehnoano yũhtiyequina ijiro cahmene pũtoa pohnene.

⁹⁻¹⁰ Sa ye quehnoañe buheyere queoro mari buheducuriro sahata ne duhueyequina ijiahro pũtoa mũhũ beseatiquina. Sa ye tiquina quehnoañe buheyere yahueyequina ijiaja. Sa ye quehnoañe buheyere ihña tuhtiyequinare buheye, tiquina ye ni mehoñe ijigũ masigũ yeeta tiquina. Sa yegũ quehnoano beseja Jesu yequina pũtoa ijiatiquinare.

Peyequina tiquina pũtoare yũhdũdũcayequina, quehnoano tũhotu yahuducueyequina, ni mehoñequina ijire yojopũre. Sa ye-quina judio masa pũrita ña yũhdũaro yeeye nine. Tiquina ye buheye poto ijieragũ tiquinare masigũ yero cahmene.

¹¹ Tiquina judio masa pehe niñerure wapata dua, buhere. Sa yeraro cahmene. Sa buheye ihquẽ wũhũse cjẽnare ijipihtiyequinare Cohãcjũ ye pehere cohãgũ yeeye niaga tiquinare. Tiquina sa yegũ tiquinare sa ye dutieraro cahmene.

¹² Tiquina yere panopũ yahuriquiro ti nũcũo cjũno ijieperota ohõ saha ni yahuahye: “Creta nũcũo cjẽna sa ni mehoducueyequina ijire. Ti nũcũo cjẽna wahiquina yero saha usuayequina ijire. Sa ye sa ihyaducueyequina ijiye ne dahra duerare”, niahye tiquiro, tiquiro ya nũcũo cjẽnare.

13 Tiquiro sa niñe ijirota ijire. Tiquina sa ijigū ihñagu tiquinare tutaro tuhtiya Jesu ye buheye pehere quehnoano tiquina masiatire.

14 Sa yegu judio masa panopu cjēna tiquina esa tuharo tiquina ni maca cārire, Jesu yere cahmeeñequina tiquina dutiye gūhure Creta cjēna tiquina tūho nūnūdatire tuhtiya tiquinare.

15 Buhiri marieñequina quehnoañe dihitare tūhoture. Ñañene yeducuyequina, Jesure wacū tutueyequina pehe ñañe dihitare tūhoture. Tiquina tūhotuyepure ña yūhdūare. Sa ye quehnoañe pehere bese masiedare.

16 Tiquina “Cohācjūre masiaja ūsā”, niepeta, ñañene yere. Sa yeyequina tiquina ijigū ihñana Cohācjūre masieñequina tiquina ijigū masiaja mari. Sa ye tiquina ña yūhdūayequina, Cohācjū yere yūhdūducayequina ijire. Sa ye tiquina quehnoañene ye masiedare.

2

Quehnoañe buheyere queoro yahu dutiahye Pablo Titore

1 Mūhu pehe buhegu, quehnoañe buheye ti nidiro sahata quehnoano buheya.

2 Būcūnare ohō saha ni yahuya: Cua pesayequina, masa ño pe-onohñequina, tūho masieñequina, Jesure quehnoano wacū tutu-ayequina, quehnoañe buheyere quehnoano yeyequina, Jesure masa gūhure cahñequina, ñano yūhdūepeta ihcāno sahayequina ijiahro tiquina.

3 Būcūna numia gūhure sata ni yahuya: Cua pesaye numia, ñañe quitu dahreraye numia, queheraye numia ijiahro tiquina numia gūhū. Sa yeye numia ijiye, quehnoañene buheahro apequina numiare.

4 Apequina numiare ohō saha ni buheahro būcūna numia: Tiquina manūsumūare, tiquina pohne gūhure cahñahdo.

5 Sa yeye tiquina tūho masieñe numia, apequina ūmūa mehna ñano

yeraye numia, ihcā wūhu cjēna ijiyequinare quehnoano ihña ihboye numia, masa quehnoañe numia, tiquina manūsumūare quehnoano yūhtiye numia ijiahro tiquina, Cohācjū ye buheyere apequina “Ñano yahu wajari”, niñe.

6 Sa yegu wahma pjia gūhure ohō saha ni yahuya: Tūho masieñequina ijiahro tiquina.

7 Sa yegu mūhu pehe quehnoañe dihitare yeducuya mūhure tiquina ihña cūatire. Buhegu ne ni mehono marieno buheya. Sa buhegu cua pesaro mehna buheya mūhu.

8 Sa buhegu tūho masieñe mehna quehnoano buheya apequina mūhure “Yahu wajari”, nigu. Mūhu sa buhegu ihñañe marine ihña tuhtiyequina ijiepeta marine ihyo warota yahu waja masiedare. Marine sa yahu waja maca cāñe, būoro wahaeta tiquina.

9 Sa yegu cahacjēnare ohō saha ni yahuya: Tiquina pūhtoare quehnoano yūhtiahro. Sa yeye tiquina pūhtoare quehnoano bucuegū yeahro. Sa dihita yeahro. Sa ye tiquina pūhtoare purīno yūhtieracāhdo.

10 Sa ye tiquina pūhtoa yere ya-queracāhdo. Sa ye quehnoañequina ijiahro. Tiquina pūhtoa dutiyere queoro yeducuahro. Tiquina sa quehnoano yūhtiyequina ijigū ihñañe, Cohācjū marine yūhdūoriquiro ye buheyere tūho bucueeta apequina.

11 Masare tiquiro cahñene Cohācjū ihño tuhasari. Sa cahño ijipihtiyequina pecapū wahaboriquinare Cohācjū tutuaro yūhdūo duare.

12-13 Masare sa cahño Cohācjū marine ohō saha ni buhere: Cohācjūre ihña tuhtiyere, ñañe tutuaro cahmeñene duhu cā dutire marine. Cohācjū tutuariquiro, Jesucristo marine yūhdūoriquiro tiquiro asi siteyere mari ihñati decore, quehnoari decore mari cohtena niaja. Sa yero mari cohteri deco pano tūho masina, quehnoañene

yeducuna, Cohãcjũre ño peoducuna marine iji dutire Cohãcjũ.

¹⁴ Tiquiro Jesucristo mari ye ijiatire yariahye ijipihtiye mari ñañe yerire duhugũ yero taro, marine tiquiro yequina wahagũ yero taro. Mari ñañene tiquiro sa cohãgũ mari ñañe buhiri mariena ijinata. Sa yena tutuaro quehnoañene ye duana ijinata.

¹⁵ Ahri ijipihtiyere ti nũcũo cjẽnare Jesu yequinare buheya mũhũ. Tiquina pũhoro ijigũta nine mũhũ. Sa yegũ tiquinare yahuya. Sa yegũ tiquina ñañene yegũ ihñagũ tuhtiya tiquinare. Sa ye ijipihtiyequina apequina mũhũre doca cũedacãhdo.

3

Jesu yequina tiquina yeatire yahuahye Pablo

¹ Ohõ saha ni yahuya to cjẽnare Jesu yequinare: Tiquina pũhtoare quehnoano yũhtiyequina ijiahro. Ijipihtiyere quehnoañene yeatiquina ijiahro.

² Sa ye apequinare ne ñañe quti dahreracãhdo. Cahme tuhtieracãhdo. Sa ye masa quehnoañequina, ijipih-tiyequinare ño peoyequina ijiahro.

³ Panopũre mari gũhũ tũho masiena, yũhdũdcana, ni mehoñene tũho nũnũna, ñañene ye duana, ñañene tutuaro cahme duhu masiena, decoripe ñañene yeducuna, apequinare ihña coona ijie timi mari gũhũ. Sa ye marine apequina ihña tuhtiri. Sa yena mari gũhũ tiquinare ihña tuhtimi.

⁴⁻⁵ Sa ijirina mari ijiepegũta Cohãcjũ marine pecapũ waha-borinare yũhdũori. Sa yũhdũoro tiquiro quehnoariquiro ijiyere, masare tiquiro cahĩne gũhũre marine ihñono nidi. Quehnoano mari yeri mehna yũhdũoerare marine. Marine paja ihñano mari ñañe yerire cohãno Espĩritu Santo mehna marine yũhdũori. Sa yero marine tiquiro pohna wahagũ yeri. Espĩritu Santo pehe quehnoana mari ijiatire came-sagũ yeri marine.

⁶ Jesucristo marine yũhdũoriquiro tiquiro yaria masa mũjañe mehna Cohãcjũ yaquiro Espĩritu Santore ohori marine pajiro tiquiro tutu-ayere mari cũoatire.

⁷ Marine cahĩno, marine quehnoano ye duari. Sa yero tiquiro yaquiro Espĩritu Santore marine ohori ñañe buhiri mariena mari ijiatire, mũhmũsepũ mari sa ijiducuatire. Mari sa ijiducuatire masina, tire cohtena niaja.

⁸ Ti yũhũ nidi ijirota ijire. Sa yegũ tire yũhũ ni ojoariro sahata masare buhegũ, ti dutiyere ye peho dutiya mũhũ. Sa yegũ Cohãcjũre wacũ tutuayequinare tire buheya quehnoañene tiquina quehnoano yeatire. Ahri yũhũ ni buheri quehnoañe buheye ijire. Sa ye masa ahri buheyere tiquina tũho nũnũgũ ihyo waro ijierare.

⁹ Apequina tiquina yahuducuye pehe dahseati ijierare. Sa ye masiedapeta tiquina yahuducu yũhdũdcayere mũhũ tũho nũnũgũ ihyo waro tũho nũnũgũ nine mũhũ. Sa ye tiquina acaye panopũ cjẽna tiquina ijie tirire yahuducu yũhdũdcayere, Cohãcjũ Moiserere tiquiro dutirire tiquina yahuducu yũhdũdcayere ti ijipihtiyere quehnoano mũhũ tũho nũnũgũ ihyo waro tũho nũnũgũ nine mũhũ. Sa yegũ tire tũho nũnũedacãhña. Mũhũ gũhũ tiquina yero saha yahuducu yũhdũdcaeracãhña.

¹⁰ Mũsa mehna cjãno sa ni yũhdũdcariquiro mũsare cahme tu wagũ tiquiro yegũ ihñagũ “Yer-acãhña”, niña tiquirore. Pũa taha tire tiquirore mũhũ ye dutierari bato tiquiro yũhtieragũ ihñagũ tiquirore piti ti duhuya.

¹¹ Ohõ saha yeriquiro ñañe dihitare tutuaro cahmeducuriquiro ijire. Tiquiro sa ijigũ ihñana tiquiro ñariquiro ijigũ masiaja mari.

Pablo duti bato tiahye

¹² Nicopolipũ pohecũ ijiro puno ijigũ tagũ niaja. Sa yegũ Artemare

o Tíquicore m̄h̄u cahap̄u ȳh̄u oho m̄h̄taḡã top̄ure ȳh̄ure piti caya m̄h̄u.

¹³ Sa yeḡu dutiyere quehnoano mi-hnidiquirore Zena wame tiriquire, Apolo ḡh̄ure quehnoano yedohoya tiquina wahatire. Sa yeḡu apee boro tiquina cahmeñene ijipihtiyere tiquinare ohoya tiquinare tiquina cahmeno puno.

¹⁴ Sa ye Jesu yequina mari mehna cjēna quehnoañene yepoahro apee borore d̄h̄sayequinare tiquina yedohoatire, quehnoañene yeducuyequina tiquina ijiatire.

Pablo quehnoa dutiahye Jesu yequinare

¹⁵ Ijipihtiyequina ȳh̄u mehna cjēna m̄h̄ure quehnoa dutire. Top̄u ijiyequina Jesu yequina us̄are cahñequina quehnoahdo. Ijipihhtinare m̄sare Cohãcjã mehna pajiro quehnoa dutiaja.

Filemón

Pablo Filemo wame tiriquire ore ojoa dꞑcahye

¹ Yꞑhꞑ Pablo, Jesucristo yaquiro yꞑhꞑ ijiri buhiri peresupꞑ ijiaja. Yꞑhꞑ, mari acayꞑro Jesu yaquiro Timoteo mehna mꞑhꞑre Filemore quehnoa dutiaja usã. Sa yegꞑ mꞑhꞑre ojoa ohoaja yꞑhꞑ, Pablo. Mꞑhꞑ usã cahĩgꞑ Cristo yere usã mehna dahradohogꞑ ijire mꞑhꞑ.

² Sa yena Jesu yequina mꞑhꞑ ya wꞑhꞑrꞑ cahmecoañequina gꞑhꞑre ojoa ohoaja yꞑhꞑ. Mari acayoro Jesu yacoro Apia gꞑhꞑre ojoa ohoaja yꞑhꞑ. Mari cahĩniquire Arquipo gꞑhꞑre ojoa ohoaja yꞑhꞑ. Arquipo pehe usã yero saha Cristo yere yahuriquire ijire.

³ Sa yena Cohãcjũ mari Pacꞑ, mari pꞑhꞑtoro Jesucristo mehna mꞑsare quehnoa dutiaja. Tiquina yedohoye mehna quehnoano ijĩa mꞑsa.

Filemo apequinare tiquiro cahĩñene, Cristore tiquiro wacũ tutuayere yahuahye Pablo

⁴⁻⁵ Yꞑhꞑ acayꞑ Filemo, Cohãcjũre mꞑhꞑre sini basagꞑ mꞑhꞑre wacũgꞑ “Quehnoare”, niaja tiquirore. Cristore mꞑhꞑ cahĩgꞑ tiquirore mꞑhꞑ wacũ tutuagũ, apequina Cohãcjũ yequinare mꞑhꞑ cahĩgꞑ tꞑhou yꞑhꞑ. Sa yegꞑ Cohãcjũre “Quehnoare”, ni bucueaja.

⁶ Mari ihcãno mehna Cristore wacũ tutuana ijiaja. Sa wacũ tutuagꞑ mꞑhꞑ ijigũ ohõ saha ni sini basaja Cohãcjũre. Jesucristo yequina ijina, pajiro quehnoañene cꞑonata mari. Tire quehnoano mꞑhꞑre masi peho dutigꞑ sini basagꞑ niaja Cohãcjũre.

⁷ Yꞑhꞑ acayꞑ, yojopꞑre apequinare mꞑhꞑ cahĩgꞑ tꞑhogꞑ bucueaja yꞑhꞑ. Ijipihtiyequina Cohãcjũ yequinare quehnoano bucuegũ yeñohti mꞑhꞑ. Mꞑhꞑ sa yegũ tꞑhogꞑ bucueaja yꞑhꞑ.

Pablo Onésimore sini basahye Filemore

⁸⁻¹⁰ Sa yegꞑ yojopꞑre Onésimore mꞑhꞑ cahacjũnore mꞑhꞑ quehnoano yeatire mꞑhꞑre sini basa duaja. Peresupꞑ yꞑhꞑ mehna tiquiro ijigũ Cristo yere yahuu yꞑhꞑ tiquirore. Tire tꞑhoro Cristore cahmedi tiquiro. Sa yero tiquiro Cohãcjũ yaquiro wahari. Sa waharo yꞑhꞑ macꞑ yero saha ijire. Sa yegꞑ yꞑhꞑ Pablo bucꞑ ijigꞑ Cristo yere yꞑhꞑ buheri buhiri peresupꞑ ijigꞑ mꞑhꞑre yahutja Onésimore mꞑhꞑ yeatire. Cristo buhe dutiro tiquiro cũrigꞑ ijiaja yꞑhꞑ. Sa tiquiro cũrigꞑ ijigꞑ Onésimore mꞑhꞑ yeatire dutioborigꞑ ijiaja yꞑhꞑ. Sa niepegꞑta mꞑhꞑre dutisi yꞑhꞑ. Cahĩñe mehna mꞑhꞑre yahutja, to punota.

¹¹ Cristo yaquiro tiquiro ijia to pano Onésimo mꞑhꞑ cahacjũno ijiro dꞑhseatiquiro ijierari jiri. Mꞑhꞑre quehnoano yedoho masiedari jiri. Yojopꞑ pũritare tiquiro mꞑhꞑre, yꞑhꞑ gꞑhꞑre quehnoano yedohoriquire ijirota. Yojopꞑre Cristo yaquiro ijiro ihyo ijiriquire waro ijierare.

¹² Sa yegꞑ yojopꞑre tiquirore mꞑhꞑre wia tojogꞑ niaja. Sa yegꞑ tiquirore quehnoano piti caya mꞑhꞑ. Tiquirore tutuaro cahĩaja.

¹³ Quehnoañe buheyere yꞑhꞑ buheri buhiri peresupꞑ yꞑhꞑ ijiri watoa tiquirore yꞑhꞑre yedoho dutiboaya yꞑhꞑ tiquirore ohoeragꞑ. Sa yegꞑ yꞑhꞑ mehna tojoa dutiboaya yꞑhꞑ. Mꞑhꞑ pehe yꞑhꞑre mꞑhꞑ yedohoro basioeragũ tiquiro pehe mꞑhꞑre comesariquire ijiboaya.

¹⁴ Yꞑhꞑre yedohoboriquire tiquiro ijiepegꞑta tiquirore mꞑhꞑre oho tojoaja. Mꞑhꞑ pehe tiquirore “Pablo mehna tojoarĩña”, mꞑhꞑ nigũ masigꞑ yꞑhꞑ mehna tiquirore tojoa dutiboaya yꞑhꞑ. Yꞑhꞑ pehe “Yꞑhꞑ mehna cũña tiquirore”, ni dueraja mꞑhꞑre. Sa yegꞑ tiquirore oho tojorĩaja.

¹⁵ Tiquiro Onésimo meheñe decorigã mꞑhꞑre tiquiro duhti cãri bato pari turi mꞑhꞑ mehna ijire. Cohãcjũ tiquiro cahmediro sahata mꞑhꞑre duhti cãri jiri tiquiro Cohãcjũ yaquiro tiquiro wahato saha, yꞑhꞑ

tuhotugã. Sa yero pari turi mahũ mehna ijero, sa ijiducurota mahũ mehna.

¹⁶ Sa yero tiqiro yojopare cahacjãno ijierare. Cahacjãna tiquina bui cjũno ijiriquiro ijire tiqiro, yũhũ ihñagã. Yojopare tiqiro mahũ acayuro Jesu yaquiro ijire. Sa yegu tiqirore tutuaro cahñaja. Mahũ pehe yũhũ yũhũoro tiqirore cahñgata. Mahũ sa cahñdiquiro ijero, cahacjãno ijieperota yojopare cahacjãno tiqiro ijiriro saha ijierare tiqiro. Tiqiro mahũ acayuro Jesucristo yaquiro ijire.

¹⁷ Sa yegu yũhũre mahũ piti caboriro sahata Onésimo gũhũre quehnoano piti caya. Mahũ mehna cjũ yũhũ ijigã tuhotugũ tiqiro gũhũre quehnoano piti caya mahũ.

¹⁸ Sa yegu mahũre sijoro saha tiqiro yeriquiro ijigã mahũre tiqiro wapamoriqiro ijigã yũhũ pehe tire wapa yeitja.

¹⁹ Yũhũ Pablo, yũhũ basi ahrire mahũre yahu ojoatja: Yũhũ pehe wapa yeitja mahũre. Mahũre yũhũ buheri bato Cristo yaquiro wahagu ijipihtye decori Cohãcjã mehna ijiajũ ijire mahũ. Mahũre yũhũ sa buheri bato mahũ gũhũ yũhũre pajiro wapamorigũ ijiboaya. Mahũ sa ijiepegũta mahũre wapa yeitja tiqiro wapamoñene.

²⁰ Sa yegu yũhũ acayũ, yũhũ cahñgũ, mari pũhtoro Cristo yaquiro ijire mahũ. Sa yegu Onésimore quehnoano piti caya. Cristo yaquiro ijigũ yũhũ acayũ ijire mahũ. Sa yegu yũhũre quehnoano bucuegã yeya.

²¹ Ahri yũhũ yahurire quehnoano yegũta mahũ. Sa yegu yũhũ yahuri yũhũoro yegũta mahũ. Tire masigu mahũre ojoa ohogu niaja.

²² Ahri gũhũre yahugũtja mahũre. Mũsa cahapũ yũhũ wahatire Cohãcjũre sini basañohti mũsa yũhũre. Mũsa sa sini basarire tiqiro yũhtiboaga. “Aũ”, tiqiro nigũ cahmeaja yũhũ. Sa yegu mũsa cahapũ yũhũ esati tucũre quehnoyuya mahũ.

Pablo quehnoa duti bato tiahye Filemore

²³ Epafra mahũre quehnoa dutire. Tiqiro pehe Cristo yere tiqiro yeri buhiri yũhũ mehna peresupũ ijire.

²⁴ Sa ye Marco, Aristarco, Dema, Luca mehna mahũre quehnoa dutire. Cristo yere yũhũ buhegũ tiquina pehe yũhũre yedohoyequina ijire.

²⁵ Mari pũhtoro Jesucristo mehna quehnoa dutiaja mũsare. Tiqiro mũsare quehnoano yerota.

Hebreos

¹ PanopɁ Cohãcjã ijiahye. Tiquiro peye tahari mari acayere panopɁ cjẽnare tiquiro yere yahuahye. Apequinare tiquiro bajuaro yahuahye. Apequinare quehẽnopɁ yahuahye. Apequinare tiquiro piti caro yahuahye. Tiquiro yere yahu mɁhtariquinare yahu dutiro, sa yahuahye tiquiro mari acayere.

² YojopɁre pihtiri deco panogã ijiye decorire tiquiro macɁnore tiquiro yere yahu dutigã tiquiro pehe marine yahue tiri. Tiquiro PacɁro ye dutiro mehna ahri yehpare, ɁhmɁse gũhɁre yeriquiro ijire. Tiquiro PacɁro pehe pihtiri deco ijigã ijipihtiyere cɁoatiquirore cũahye tiquiro macɁnore.

³ Sa yero tiquiro macɁno pehe tiquiro PacɁro ye asi siteyere cɁoriquiro ijiro, tiquiro tutuayere marine ihñore. Sa yero ihcãno saha tiquiro PacɁro yero sahata ijiro, tiquiro PacɁro ijiye tiyere marine ihñore tiquiro macɁno. Sa yero tiquiro macɁno tiquiro tutuaye mehna dutigã ahri yehpa, ɁhmɁse gũhɁ sa ijiducure. Sa yero mari ñano yerire tiquiro coseri bato ɁhmɁsepɁ tiquiro PacɁro tutua yɁhdɁariquiro poto pehe dujiahye, pɁhtoro tiquiro ijiyere ihñono.

Cohãcjã macɁno angele yɁhdɁoro ijire

⁴ Tiquiro “Cohãcjã macɁno”, wame tire. Ti wamene Cohãcjã cũahye tiquirore. Sa wame tiro apequina pɁhtoro ijire. Sa yero tiquiro angele yɁhdɁoro ijire.

⁵ Tiquiro yequina angele pehere Cohãcjã ne ohõ saha ni yahuera tiahye:

YɁhɁ macɁ ijire mɁhɁ. Miare mɁhɁre bajuagũ yei, niahye Cohãcjã tiquiro macɁnore.

Angele pehere ne sa ni yahuera tiahye. Sa yero tiquinare ahri gũhɁre ne yahuera tiahye:

Tiquiro PacɁro ijiiitja yɁhɁ. Sa yero tiquiro yɁhɁ macɁ ijirota, niahye Cohãcjã tiquiro macɁnore.

Angele pehere ne sa ni yahuera tiahye. Sa yero tiquiro macɁno tiquina yɁhdɁoro ijire.

⁶ Sa yero ape taha tiquiro macɁnore coã masa bajuariquirore ahri yehpapɁ cũno ohõ saha niahye Cohãcjã tiquirore:

Ijipihtiyequina yeequina angele dɁsepe curi mehna quehe sa, ño peoeta tiquina yɁhɁ macɁre, niahye tiquiro.

⁷ Sa yero tiquiro yequina angele pehere yahuro taro ohõ saha niahye tiquiro:

Yeequina angelere wihnono yero saha pagɁ tigũ yeaja yɁhɁ. Tiquina yɁhɁ cahacjẽna ijire. Sa yegɁ tiquinare peca pohna yero saha pagɁ tigũ yeaja yɁhɁ, ni yahuahye Cohãcjã.

⁸ Tiquinare sa nieperota tiquiro macɁno pehere ohõ saha niahye:

MɁhɁ Cohãcjã ijipihtiyequina pɁhto sa ijiducugata. Queoro dutigata mɁhɁ, mɁhɁ yequinare.

⁹ Ni mehono marieno yeyere, quehnoano yeyere tutuaro cahmene mɁhɁ. Sa yegɁ ñaẽe yeyere ihña yabire mɁhɁ. MɁhɁ sa ijigã ihñagu yɁhɁ mɁhɁ PacɁ ijipihtiyequina apequina yɁhdɁoro mɁhɁre bucuegũ yei, niahye Cohãcjã mari PacɁ.

¹⁰ Ahri gũhɁre niahye tiquiro, tiquiro macɁnore “PɁhto” ni pisuro:

PɁhto, coã waropɁre ahri yehpare, ɁhmɁse gũhɁre bajumehnedi mɁhɁ.

¹¹ Ti ijipihtiyee camesa pihtia waharota. MɁhɁ pehe ne camesasi. Sa ijiducugata mɁhɁ. Ti ijipihtiyee suhtiro ahba bora dijiaro saha pihtia waharota.

¹² Ti ijipihtiyee ɁhmɁsere, ahri yehpa gũhɁre comesagũ yeita mɁhɁ. MɁnano suhtirore mɁhɁ cohãboro saha ti ijipihtiyere comesagũ yeita mɁhɁ. Sa yero suhtiro ahba bora

dijiario saha ti ijipihtiye comesarota. Mũhũ pehe ne comesasi. Sa ijiducugũta mũhũ, niahye Cohãcjũ tiquiro macũnore.

¹³ Ne angele pehere ahrire yahuera tiahye mari Pacũ:

Yũhũ poto pehe dujiya mũhũ. Pũhto ijire mũhũ. Sa yegũ mũhũre ihña tuhtiyequinare yũhdũdũca basagũtja. Sa yegũ tiquina pũhto ijigũta mũhũ, niahye Cohãcjũ tiquiro macũnore.

¹⁴ Ijipihtiyequina angele pehe Cohãcjũ cahacjẽna ijire. Sa yero mari Pacũ ohore tiquiro yequina angelere Cristo yũhdũoatiquinare yedoho dutiro.

2

Cohãcjũ yere quehnoañe buheyere marine sa tũhotu cãhno cahmedare

¹ Sa yena Cohãcjũ macũno waro marine yahuriquiro tiquiro ijigũ masina tiquiro yahuyere mari tũhorire quehnoano wacũno cahmene marine, "Tire boari", nina.

²⁻³ Angele yahurire masa pehe yũhdũdũcagũ ihñano Cohãcjũ tiquinare buhiri dahreahye. Sa buhiri dahrero angele tiquina yahuri poto ijigũ ihñono niahye. Sa yena angele yahuri poto ijigũ masina, tire marine yũhtiro cahmene. Ti yũhdũoro Cristo pehere yũhtiro cahmene. Tiquiro mari pũhtoro marine tiquiro yũhdũoatire yahu mũhtahye. Sa ye tiquirore tũhoriquina pehe tiquiro yahurire marine yahu turiari, marine quehnoano masigũ yee tehe. Sa yero ti buheyere marine tiquiro yũhdũoati buheyere mari sa tũhotu cãgũ Cohãcjũ marine buhiri dahrerota. Tire duhti masiedaja mari.

⁴ Ti buheyere tũho mũhtariquina tiquina buheri watoa Cohãcjũ pehe ti buheye poto ijigũ ihñono nidi. Tiquiro tutuaye mehna ihñono nidi. Sa yero peye tahari tiquiro tutuaye mehna ye ihñono ti buheyere poto ijigũ ihñono nidi. Sa yero tiquiro yequinare tiquina ye masiatire

tiquiro cahmeno sahata cũahye. Espiritu Santo pehe ijire marine ye masigũ yeriquiro.

Jesucristo mari yero sahata pagũ tiriquire masa bajuahye

⁵ Pihtiri deco bato ijiyequina Cohãcjũ caha ijiyequina pũhtoa ijisi angele pehe. Tiquinare pũhtoa sõi mari Pacũ.

⁶ Sa yero ihcãquiro mari Pacũre tiquiro yahuducurire ohõ saha ni ojoahye panopũ:

Masa ihyo ijiyequina tiquina ijiepegũta tiquinare wacũre mũhũ. Masare quehnoano yere mũhũ.

⁷ Meheñe decorigã angele docapũ masare cũahye mũhũ. Sa cũepẽgũta yojopũre tiquinare tutuayere ohogũ, pũhtoa sõahye mũhũ.

⁸ Mũhũ sa sõgũ ahri yehpapũ ijiyequina wahiquina gũhũ bui dũhsaro marieno masare cũahye mũhũ, niahye panopũ cjũno mari Pacũre.

Sa sõno ahri yehpapũ ijiyequina wahiquina gũhũ bui dũhsaro marieno masare cũahye. Masare tiquiro sa pũhtoa sõepẽgũta ijipihitiyequina ahri yehpapũ ijiyequina wahiquina masare ihña wahãedarĩaga, usã tũhotugũ. Ahri yehpapũ ijiyequina wahiquinare ihña wahãgũ yeraniaga masa. Ijipihtiye bui ijieraniaga masa.

⁹ Sa tiquinare ihña wahãgũ yerapenata Jesu pehere wacũ tutuaja mari. Meheñe decorigã angele docapũ mari Pacũ tiquiro macũno gũhũre cũahye, mari ñañe buhiri yariatiquirore. Mari Pacũ marine cahño mari yariaborirore Jesure yariagũ cahmeahye. Sa yero tiquiro sa yariagũ ihñano tiquirore tutuayere ohoro, pũhtoro sõahye tiquirore.

¹⁰ Cohãcjũ ijipihtiyere bajumehnediquiro ijire. Sa ye ijipihtiye tiquiro ye dihita ijire. Sa yero Jesure yaria dutiro ñañene cohãgũ yeahye tiquirore. Sa yeahye tiquiro masa peyequina tiquiro yequina ijiatiquinare mũhmũsepũ neano taro. Jesu sa

yero, ñañe marieniquiro, quehnoa yuhduariquiro tiquiro ijiyere ihñono niahye. Sa yero Jesu pehe marine yuhduoriquiro, mari puhtorota ijire.

¹¹ Ijipihtiyequina masare tiquina ñañe yerire cose were tiquiro. Sa yero Jesu mari tiquiro cose wenohrina mehna Pacu tire Cohãcjũre. Mari Pacu ihcãquiota ijire. Mari Pacu tiquiro ijigũ Jesu marine tiquiro yequinare tiquiro cose wenohrinare “Yuhu acaye ijire”, ni pisuro ne buetierare. Tiquiro sa ni pisurire musare yahutja.

¹² Ohõ saha nino niahye tiquiro:

Cohãcjũ, mahu ijiye tiyere yahutja yuhu acayepare. Ijipihtiyequina yeequina ihñonopu mahure ño peogu “Tutuariquiro ijire”, ni yahutja yuhu tiquinare, niahye tiquiro Pacurore.

¹³ Ahri gũhare niahye tiquiro:

Cohãcjũre wacũ tutuaatja yuhu, niahye tiquiro.

Ahri gũhare niahye tiquiro:

Ohõ ijiaja yuhu. Cohãcjũ pohne mehna ohõ ijiaja. Yuhure tiquiro cũriquina yuhu acaye mehna ohõ ijiaja, niahye tiquiro yequinare “Yuhu acaye” ni pisuro.

¹⁴ “Tiquiro pohne” tiquiro niñequina pagu tiyequina mari ijigũ ihñano, Jesu pehe mari ya pagu saha pagu tiriquire ahtahye. Sa ijiriquire ahtahye tiquiro curusapu yariaro taro, watĩnore butigũ yero taro. Tiquiro watĩno pehe yaria dutiriquire ijire.

¹⁵ Sa ye watĩnore butigũ yero, marine yuhduore. Mari pehe decoripe mari yariatire cuemi. Sa cuerina ijina pecapu wahaborina ijimi mari. Sa ijina mari ijigũ ihñano tiquiro marine yuhduore.

¹⁶ Sa yuhduoro angele pehere yedohoro ahtaerahye tiquiro. Abrahã panamena iji turianare Cohãcjũ yequinare mari pehere yedohoro ahtahye.

¹⁷ Sa yero tiquiro mari acayuro warota ahtahye. Ihcãno saha mari yero saha pagu tiriquire ahtahye. Sa ahtaro mari yuhduatire mari ñañe yerire mari Pacure cohã dutiro ahtaro niahye. Sa yero mari yequina pahia puhtoa tiquina yeriro saha yero ahtaro niahye. Mari yero saha ijiro marine quehnoano paja ihñare. Sa yero Cohãcjũ cahmeno saha sa yeducuriquire ijire. Sa yero tiquiro mari yaquiro pahia puhtoro ijiro nine.

¹⁸ Tiquiro ñano yuhduahye. Sa yero watĩno tiquirore ñano ye dutimahye. Yerahye tiquiro. Sa ñañene yerariquire ijiro, tiquiro pehe mari gũhare ñañene yeragũ ye masine. Watĩno ñañene tiquiro ye dutigũ ihñano marine ñañene yeragũ ye masine Jesu.

3

Jesu Moise yuhduoro ijiriquire ijire

¹ Jesu tiquiro sa ijiriquire ijigũ ihñana tiquirore quehnoano wacũña musa. Yuhu acaye Jesu yequina, Cohãcjũ besenohrina ijire musa. Tiquiro Jesu pehe Cohãcjũ cũriquire ijiro mari yaquiro pahia puhtoro ijire. Tiquiro ye buheyere quehnoañe buheyere mari quehnoano ño peoja. Tiquiro pehere quehnoano wacũña musa.

² Cohãcjũ tiquirore marine yuhduoatiquirore tiquiro cũgũ tiquiro pehe Cohãcjũ cũriro saha yeahye. Ne yuhduucaerahye. Moise gũhu Cohãcjũ yequina Israe masare yedohoro ne yuhduucaerahye. Sata yeahye Jesu gũhu.

³ Sa yero Moisere tiquina ño peoriro yuhduoro Jesu pehere ño peoro cahmene marine. Ohõ saha ijire ti mari queoye mehna buhegũ. Wuhure mari ño peoriro yuhduoro wuhu dahreriquiro pehere ño peoro cahmene marine. Sa yero Jesu pehe wuhu dahreriquiro yero saha ijiriquire tiquiro ijigũ Moisere mari ño peoriro yuhduoro tiquiro pehere ño peoro cahmene marine.

4-6 Ohō saha ijire ti. Mari Cristo yequina Cohācjū ya curua cjāna ijiaja. Cristo pehe wāhure tiqiro cūboriro saha marine tiqiro ya curua cjāna ijiatinare cūno nine. Masa pehe wāhuse yeyequina ijire. Cohācjū pehe ijipihtiyere yeriqiro ijire. Moise pehe Cohācjū ya curua cjēnare yedohoducuriqiro ijiro, camepū Cohācjū yahuatire yahue tiahye masare. Cristo pehe Cohācjū macano ijiro, Cohācjū yere yeducuriqiro ijiro, Cohācjū ya curua cjēna pūhtoro ijire. Sa ijiriquiro ijigū ihñana Moise mari ño peoriro yūhdūoro Cristo pehere ño peoro cahmene marine. Sa yena mari pehe Cristore wacū tutua duhuerana, marine tiqiro yūhdūoatire sa bucueducuna, tiqiro ya curua cjāna ijiaja mari.

Cohācjū tiqiro yequinare tiqiro mehna quehnoano sogū cahmene

7 Sa yena Cristore mari wacū tutua duhueratire ohō saha yero cahmene marine. Ohō saha nine Espiritu Santo:

Miare yūhū, Cohācjū, mūsare yūhū yahugū, yūhti dueyequina yero saha ijieracāhña.

8 Quehnoano yūhtiya mūsa yūhure. Panopū Israe masa masa marienopū ijieye, sa yūhdūdūcari yūhure. Sa ye yūhure ne bucueregū yeri tiquina. Sa yena tiquina yero saha yeracāhña mūsa yūhure.

9 Topūre cuarenta cūhmari waro tiquinare yūhū tutuaye mehna ye ihñomi. Yūhū sa ye ihñoepegūta tiquina pehe ohō saha ni tūhotue timedi: “¿Ñañene mari yegū ihñano Cohācjū marine buhiri dahreboagari?” ni tūhotue timedi. Sa ni tūhotue ñano ye tuhue tiri.

10 Tiquina sa yegū ihñagū tiquina mehna usuahū. Sa usuagū ohō saha nii: “Tiquina yūhū yahuducuyere tūho dueraye, sijoro saha ijieye buheyere sa wacūducuye nine. Yee pehere ne yūhti duerare”, nii tiquinare.

11 Sa yegū tiquina mehna usuagū ohō saha ni yahuu: “Tiquina yūhū mehna cjēna ne ijisi. Sa ye wape tiro marieno ijisi tiquina’, ni yahuu yūhū”, ni yahuahye Cohācjū, niahye Espiritu Santo pehe.

12 Sa yena yūhū acaye, quehnoano yeya mūsa, “Cohācjūre cohāri”, nina. Mūsa ñañene tūhotuna, Cohācjūre catiriquirore wacū tutuerana, tiqirore cohāboaga mūsa. Ne ihcāqiro mūsa mehna cjūno sa yeracāhdo.

13 Sa yena ahri pehere yero cahmene: Mūsa mehna cjēnare decoripe Cohācjū yere mūsa basi cahme yahuducuya “Ñañene yeari”, nina. Ñañene yena, “Ti mehna bucuēja”, nina ni mehoñene tūhotuna niaja mari. Sa ni tūhotueracāhña. Ñañene yeducuna Cohācjū ye pehere cahmedaja mari. Sa yena ñañene duhu dueraja. “Sa yeari”, nina, mūsa mehna cjēnare Cohācjū yere mūsa basi cahme yahuducuya. Cristo tiqiro ahtato pano decoripe tire sa cahme yahuducuya.

14 Sa yena coā waropū Cristore mari wacū tutua dūcariro saha mari wacū tutuaducuna, mari catiro puno tiqiro yere duhuerana, tiqiro mehna cjāna ijiaja.

15 Ohō saha nine Cohācjū yere tiquina ojoari pūpū:

Miare yūhū Cohācjū mūsare yūhū dutigū quehnoano yūhtiya mūsa yūhure. Panopū cjēna Israe masa yūhū yahuepegūta ño peo dueraye, yūhure yūhti duerari. Sa yena tiquina yero saha yeracāhña mūsa, niahye Cohācjū, ni ojoahye panopūre.

16 Sa ye Cohācjū tiqiro yahurire tūhomediquina ijiepetā tiquina tiqirore yūhtierahye. Tiquina ijipihtiyequina Egiptopū ijieyequina Cohācjū wioriquina ijiepetā tiqirore ne yūhtierahye.

17 Sa ñano yeye cuarenta cūhmari waro Cohācjūre usuagū yee tiahye.

Tiquina sa yeri buhiri masa marienop_u yariahye tiquina.

¹⁸ Tiquirore tiquina sa y_uhti duerag_u ihñano ohō saha cua pesaro mehna niahye tiquiro: “Tiquina y_uh_u mehna cjēna ne ijisi. Sa ye wape tiro marieno ne ijisi tiquina”, niahye tiquiro.

¹⁹ Tiquiro sa nig_u t_uhona ahri pehere masinata mari: Cohācj_ure tiquina wacū tutuerari buhiri tiquiro mehna cjēna iji masiedahye. Sa ye tiquiro mehna quehnoano so, iji masiedahye.

4

¹ Sa yero panop_u cjēnare tiquiro mehna tiquina quehnoano soatire cahmeno, tiquinare “Y_uh_u mehna wape tiro marieno sonata”, ni cūahye Cohācj_u. Mari g_uh_ure sata ni cūahye tiquiro. Sa yena cua pesaro mehna Cohācj_ure quehnoano y_uhtiihna mari, “Wiheari”, nina. Sa wihena tiquiro mehna quehnoano sosi mari.

² Panop_u cjēna Cohācj_u yere tiquina t_uhoriro saha mari g_uh_u quehnoañe buheyere t_uhou. Tiquina t_uho m_uhtariquina pehe t_uhoye, “Cohācj_u ye waro ijire”, ni t_uhotuerahye. Sa ye tiquina t_uhori d_uhseati ijierahye.

³ Mari pehe tiquirore wacū tutuana Cohācj_u mehna cjāna ijinata. Sa yena tiquiro mehna quehnoano iji, sonata. Wape tiro marieno ijinata. Cohācj_u tiquiro nidiro sahata ijire ti. Ohō saha niahye tiquiro tiquirore y_uhtierariquinare:

Tiquina mehna usuag_u cua pesaro mehna ohō saha ni yahuu: “Tiquina y_uh_u mehna cjēna ne ijisi. Sa ye wape tiro marieno ne ijisi”, ni yahuu, niahye Cohācj_u yere tiquina ojoari p_uru.

Ahri yehpare tiquiro yeri bato dahra duhurīahye tiquiro.

⁴ Ahrire mari masiaja. Seis decori ahri yehpare tiquiro yeri bato tiquiro dahra duhurire yahuro ohō saha niahye Cohācj_u ye yahuducuyere tiquina ojoari p_uru:

Seis decori bato ijipihtiyere tiquiro dahrarire pehoro, Cohācj_u dahra duhuahye, niahye tiquiro yere tiquina ojoari p_uru.

⁵ Sa yero Cohācj_u yere tiquina ojoari p_uru ohō saha ni yahure tiquiro mehna quehnoano ijieyequinare:

“Tiquina y_uh_u mehna cjēna ne ijisi. Sa ye wape tiro marieno ne ijisi”, niahye Cohācj_u, nine tiquiro yere tiquina ojoari p_uru.

⁶ Sa ye quehnoañe buheyere t_uho m_uhtariquina tiquirore tiquina y_uhd_ud_ucari buhiri tiquiro mehna cjēna ijisi tiquina. Sa ye tiquiro mehna wape tiro marieno ijisi tiquina. Apequina pehe tiquiro mehna cjēna ijieta. Sa ye tiquiro mehna wape tiro marieno soyequina ijieta.

⁷ Sa yero masare tiquiro y_uhd_uoati deco ihcā deco cūahye pari turi Cohācj_u. Ti decota yojop_ure ijire. Peye c_uhmari bato Israe masa Cohācj_ure tiquina t_uho m_uhtari bato ti decore yahuahye Davi pehe. Cohācj_u tiquirore yahu dutig_u yahuahye. Cohācj_u ye yahuducuyere tiquina ojoarire m_usare y_uh_u yahuri decore ohō saha ni ojoahye Davi:

Ahri decore y_uh_u Cohācj_u m_usare y_uh_u yahug_u y_uhd_ud_ucaro marieno quehnoano y_uhtiya m_usa y_uh_ure, ni ojoahye panop_ure.

⁸ Coā warop_ure Josué Israe masare Cohācj_u ohori yehpap_u ne sahye. “Y_uh_u mehna wape tiro marieno soyequina ijieta”, nino, ti yehpap_u tiquina soatire nino niedahye Cohācj_u. Ti yehpap_u so dutiro, ape deco tiquiro y_uhd_uoati decore cūedaboaga tiquiro.

⁹ Seis decori bato ahri yehpap_ure tiquiro yeri bato Cohācj_u tiquiro dahra duhuriro saha mari tiquiro yequina g_uh_u tiquiro mehna wape tiro marieno mari soati ijirota. Tiquiro mehna mari quehnoano ijiato ijirota.

10 Sa yero Cohãcjũ tiquiro dahrarire duhu cãriahye. Sa yena mari gãhu mari wape tirire duhu cãnata.

11 Sa yena mari tiquiro yequina quehnoano yeihna. Cohãcjũ yere quehnoano yãhtiihna tiquiro mehna mari quehnoano soato saha. Panopũ cjẽna mari acaye tiquina yãhdudũcari bato Cohãcjũ mehna cjẽna iji masiedahye tiquina. Tiquina yero saha yeracãhna mari.

12 Cohãcjũ ye yahuducuye marine catigã yere. Quehnoañe pehere marine comesagã yere. Sa ye tiquiro ye yahuducuye ihyo ijiye ijierare. Sa ye ñoseni pjĩ pũa peheri siori pjĩ mehna dihirore tiquina yãhre ihña tiquina masino saha tiquiro ye yahuducuye gãhu mari ijiye tiyere quehnoano masigã yere. Tiquiro ye yahuducuyere mari tãhogã, tire mari buhegã mari ijiye tiyere quehnoano masi pehogã yere marine.

13 Ne Cohãcjũre mari ijiye tiyere mari yerire nũo masiedaja mari. Ijipihtiyere tiquiro bajumehnedire, tiquiro bajumehnediquina gãhũre ihñare tiquiro. Sa yena mari yerire tiquirore yahu yãhdũro cahmene marine.

Jesu tutuariquiro mari yaquiro pahia pãhtoro ijire

14 Jesu Cohãcjũ macũno tiquiro Pacũro cahapũ tojoariquiro ijire. Tiquiro tutuariquiro mari yaquiro pahia pãhtoro ijire. Sa yero marine Cohãcjũre sini basare. Tiquiro sa ijiriquiro ijigã ihñana mari pehe tiquiro yere quehnoano yãhtiihna. Tiquirore quehnoano wacũ tutuaducuhna.

15 Tiquiro mari yaquiro pahi mari ñano yãhdũgã ihñano quehnoano paja ihñariquiro ijire. Mari ñañene tutuaro cahmeñene masine tiquiro. Watĩno ijipihtiyere ñañene marine tiquiro ye dutiro sahata tiquiro gãhũre ñañene ye dutimahye. Tiquiro sa ye dutiepegãta tiquiro ñañene yerahye. Sa ñañene tiquiro ye dutinohriquiro ijiro, marine paja ihñano tiquiro yedoho masine marine.

16 Sa yena cuero marieno Cohãcjũre siniihna. Tiquiro marine cahĩne. Sa yero tiquirore mari sinigã tiquiro pehe paja ihñano, marine yedohorota. Watĩno marine tiquiro ñañene ye dutigã, mari ñano yãhdũgã gãhũre tiquiro marine yedohorota.

5

1 Ijipihtiyequinare pahia pãhtoare besero, masare besere Cohãcjũ. Sa tiquiro beseri bato pahia pãhtoa pehe tiquina mehna cjẽnare yedohoye tehe Cohãcjũ cahacjẽna ijire. Sa ye ñañene tiquina yeri buhiri Cohãcjũre sini basare tiquina mehna cjẽnare. Wahiquirore wejẽ ujã mũoñe, Cohãcjũre sini basare.

2 Pahia pãhtoa apequina masa yero saha quehnoano masi pehoeyequina ijire. Sa masieñequina ijiye, apequina masieñequinare yedoho masine. Sa ye quehnoano yerariquina gãhũre quehnoano yedoho masine.

3 Sa ye pahia quehnoano ye pehoeyequina ijiye ñañe buhiri tiyequina ijire. Sa ye tiquina basi ñañene tiquina yeri buhiri wahiquirore wejẽ ujã mũo, Cohãcjũre sinine. Apequina masare yedohoye tehe, tiquina ñañe buhiri tiquina sini basariro sahata tiquina basi tiquina ñañe buhiri gãhũre sinine Cohãcjũre.

4 Sa yero tiquiro basi tiquiro esa tuharo pahia pãhtoro sajãedare. Cohãcjũ pehe tiquirore besero, pahia pãhtoro sõre. Panopũ cjũno Aaron mananore tiquiro cũriro sahata apequina pahia pãhtoa gãhũre cũre tiquiro.

5 Sata Cristo gãhu tiquiro basi tiquiro esa tuharo pahia pãhtoro sajãedahye. Cohãcjũ pehe tiquirore pãhtoro sõno, ohõ saha niahye:

Yũhu macũ ijire mũhu. Miare mũhũre bajuagã yei, niahye Cohãcjũ.

6 Ape taha ohõ saha niahye Cohãcjũ Cristore:

Ijipihtiyede decori pahi ijiducugũta mũhu. Melquisede tiquiro

ijiriro saha pahi ijiducugata mahu, niahye tiquiro macunore.

⁷ Cristo ahri yehpapu ijiro sañuducuye mehna, utiye mehna mari Pacure tutuaro siniahye tiquiro “Yuhure masoña”, nino. Mari Pacu pehe tiquirore yariariquirore maso masiniquiro ijire. Tiquiro sa sinigū mari Pacu tūhoahye tiquirore. Mari Pacu cahmeñe dihitare tiquiro ye duagū ihñano mari Pacu pehe tiquiro sinidire tūhoro, tiquirore yūhtiahye.

⁸ Sa yero Cristo Cohācjū macuno ijieperota ñano yūhdūahye tiquiro. Sa ñano yūhdūro yūhtiahye mari Pacure. Sa yūhtiro quehnoano yūhti masiahye.

⁹ Sa ñano yūhdūro, curusapu yariaro ijipihtiyequina tiquirore yūhtiatiquinare yūhdūoatiquiro wahahye.

¹⁰ Sa yero mari Pacu pehe tiquirore pahia pūhtoro cūahye. Sa yero Melquisede pahia pūhtoro tiquiro ijiriro saha ijire Cristo.

Cristo yequina tiquirore wacū tutua duhugū cuarñe

¹¹ Peye ohō saha ijiyere mūsare yahu nemo duaja usā. Usā sa yahu nemo duepegūta mūsa pehe dapu bātina ijire. Sa yena mūsare yahuro basioerare usāre.

¹² Yoari pje Cristo yequina ijimene mūsa. Sa yena yojopure apequinare buhenapu iji tuhasaboya mūsa. Mūsa sa ijiborina ijiepegūta apequina mūsa pehere buheeta. Cohācjū yere mijoeda cjūñe buheye dihitare tūhore mūsa. Macanagā epēco dihitare tiquina apū masino saha mūsa gūhu mijoeda cjūñe dihitare quehnoano tūhore. Coā buhe dūcayequina yero saha ijire mūsa.

¹³ Epēcore apūñequina macanagā ijinine. Tiquina yero saha mūsa gūhu ijire. “Ahri ñañe ijire. Ahri quehnoañe ijire”, ni ihña masiedare mūsa.

¹⁴ Ihyayere ihyayequina pehe būcūna ijire. Tiquina yero saha ijiyequina quehnoano tūho masiñequina

quehnoano buheriquina ijire. “Ahri ñañe ijire. Ahri quehnoañe ijire”, ni ihña masine tiquina pehe.

6

¹⁻² Sa yena Cohācjū yere quehnoano masina, quehnoano yūhtina ijiihna. Cristo yere coā warore mari buhe dūcana ohō saha masi dūcau; Mari ñañene yerire bājua witi, duhuro cahmene. Mari ñañene yeri buhiri pecapu wahanata. Sa yena Cohācjūre wacū tutuaro cahmene marine. Ahrire coā waropure marine buhe dūcari. Sa ye wame yeyere, omocarine marine tiquina duhu peoyere, yariariquina tiquina masa mūjañene, ahri deco pihtiri bato Cohācjū buhiri dahreatire, tiquiro buhiri dahreatiquina tiquina ñano yūhdūducuato gūhure ahri gūhure coā waropure marine buhe dūcare. Sa ijiye buheyere masi tuhasana, quehnoano buhe nemouhna tja.

³ Sa yena Cohācjūre, tiquiro ye gūhure masi nemouhna. Cohācjū cahmegū sa yenata mari.

⁴ Mari sa yerana Cohācjū yere duhuboaga mari. Cohācjū yere duhuriquinare ne pari turi tiquina ñañe yerire tiquinare bājua witiyū ye masiedare. Sa ijiyequina Cristo tiquiro yūhdūomediquina ijiye, Espiritu Santore cūomedi.

⁵ Sa ye Cohācjū ye yahuducuyere tūhoye quehnoañe ti yahuducuye ijigū masimedi. Sa ye pihtiri deco batopu Cohācjū tutuaye mehna mari sa ijiducuatire, masare tiquiro buhiri dahreato gūhure tiquina masimedi.

⁶ Sa ijiriquinapure Cristo yere tiquina duhugū pari turi tiquina ñañe yerire tiquinare bājua witiyū ye masiedare. Sa duhuriquina Cohācjū macunore pari turi curusapu tiquina quē bihaboriro saha tiquirore yeye nine. Tiquina sa yegū ihñañe apequina masa Cristore bājupere. Sa ye tiquina ñañe yerire tiquinare bājua witiyū ye masiedare.

⁷ Ohō saha ijire ti mari queoye mehna buhegū: Quehnoari yehpare pajiro acoro ahtagū ti oteye quehnoano бѹса, дѹса tire. Sa yero ti wese uparo дѹcare cūore tiquiro ihyatire. Ti yehpa Cohācjū quehnoano tiquiro yeri yehpa ijire. Sa quehnoano yere tiquiro yequina gāhure.

⁸ Sa ijiepegūta pota mehna, taa mehna ti yehpa diaro dūhseati ijierare. Sa ijiri yehpare Cohācjū ѱjūa cohānota. Sata yere tiquiro tiquirore duhuyequinare.

Cristore sa ño peoducuyequinare yūhdūore Cohācjū

⁹ Yūhū cahīna, mūsare sa ni yahuepegūta mūsa pehere “Cristore duhuna ijire”, nigū niedaja. Mūsa pehe Cristo yūhdūonohrina ijire. Sa yena quehnoañene yena niaga mūsa. Ahrire masiaja yūhū.

¹⁰ Quehnoano mari yeri wapa queoro marine quehnoano yeriquiro ijire mari Pacū. Sa yero tiquiro yere mūsa tutuaro dahrari wapare bosu tiquiro. Tiquirore cahīna quehnoano yedohore mūsa tiquirore. Apequina Cristo yequina gāhure yedohore mūsa. Sa yena tiquinare yedohona niaga mūsa. Sa yerina mūsa ijigū ihñano bosu tiquiro.

¹¹ Mūsa catiro puno apequinare mūsa cahīducugū, mūsa yedohoducugū gāhure cahmeaja ūsā. Mūsa sa yeri wapa queoro quehnoano yerota mari Pacū mūsare.

¹² Sa yena mūsa cape бjūna mūsa ijigū cahmedaja ūsā. Apequina Cristo yequina ñano yūhdūepeta tiquiro yere ne duhuerare. Tiquina sa yegū ihñano mari Pacū “Mūsare ohoutja”, tiquiro nidire tiquinare oho pehorota. Sa yena mūsa gāhū tiquina yero saha yeducuya.

¹³⁻¹⁴ Panopū Cohācjū Abrahāre ohō saha ni cūahye. “Yūhū wame mehna ahrire poto nii niaja mūhure. Mūhure quehnoano yeitja. Sa yegū mūhū panamena iji turiayequinare peyequina masa ijigū yeitja”, ni yahu

cūahye Cohācjū. Sa ni yahu cūno tiquiro ye wame mehna wame peo yahuro niahye. Apequiro tiquiro bui ijiriquiro ne mariedagū tiquiro ye wame mehna tiquiro basita sa wame peo yahuahye.

¹⁵ “Mūhure quehnoano yeitja”, Cohācjū tiquiro ni cūrire Abrahā pehere quehnoano tiquiro cohātegū ihñano tiquiro nidiro sahata tiquirore quehnoano yeahye.

¹⁶ “Cohācjū mehna poto nina niaja”, masa pehe niñe, tiquina bui ijiriquiro wame mehna wame peo yahuye nine. “Cohācjū mehna poto nii niaja”, ihcāquiro nigū tūhoro apequiro pehe tiquiro mehna cahme dūse tutuariquiro pehe “Ijirota ijire”, ninota. Sa ye cahme dūse tutua duhueta tiquina.

¹⁷ Sa yero Cohācjū Abrahāre “Mūhure quehnoano yeitja”, ni cūno wame peo yahuahye. Tiquiro sa wame peorire tūhona “Ijirota ijire ti. Tiquiro sa nidi ne comesasi”, ni, masiaja mari. Tire mari masiato saha tiquiro ni cūri mehna wame peo yahuahye.

¹⁸ Sa yero pūaro tiquiro ni yahuducuri mehna tiquiro nidi poto ijigū masigū yeahye Cohācjū marine: Tiquiro ni cūri gāhū tiquiro wame peori gāhū ti pūaro mehna tiquiro ni yahuducurire yahuahye tiquiro. Sa ye tiquiro ni cūri gāhū, tiquiro wame peori gāhū ne comesaerare. Sa yero Cohācjū ne ni mehoedare. Tiquiro sa ijiriquiro ijigū masina, mari tiquirore quehnoano wacū tutuana, bucueye mehna marine tiquiro yūhdūoatire cohtenatja mari.

¹⁹⁻²⁰ Sa tiquiro yūhdūoatire cohtena, wacū tutuana ijjaja mari. Sa yena cueraja. Pahia pūhtoro Cohācjū ijiri tucū waropū sajāno, cahmotari suhtirore yūhdū sajāre. Sa sajāno masa ye ijiatire sini basare Cohācjūre. Tiquiro sa yeriro sahata Jesu gāhū came mari wahato sahata ūhmūsepū Cohācjū cahapū waharo, mari ye ijiatire sini basare Cohācjūre. Topū mari wahato pano tiquiro

pehe wahahye. Sa yero ijipihtiye decori pahia p̄h̄toro ijire tiquiro. Melquisede pahi tiquiro ijiriro saha pahia p̄h̄toro ijire tiquiro ḡh̄u.

7

Melquisede pahi tiquiro ijiriro saha Jesu pahia p̄h̄toro ijire

¹ Melquisede Salē wame tiri maca cjēna p̄h̄toro ijiahye. Sa yero pahi ijiro Cohācjū tutuariquirore, uhm̄se cjūnore sini basariquiro ijiahye. Sa yero apequina p̄htoare Abrahā wejē tuhasa, tiquiro tojoa tagū waro Melquisede tiquiro ya macap̄u ijiriquiro Abrahāre piti caro esahye. Sa piti caro tiquirore sini basahye Cohācjūre. “Quehnoano yeya ahriquiroro”, ni sini basahye Abrahāre Cohācjūre.

² Tiquiro sa piti cato pano Abrahā pehe tiquirore ih̄na tuhtiequinare wejē tuhasa tiquiro wejēdiquina p̄h̄toa yere neahye. Tiquiro sa nedire mehenogā ohoahye Melquisedere. Melquisede tiquiro wame pehe “P̄h̄toro quehnoano yeriquiro ijire”, nino nine. Sa yero tiquiro Salē wame tiri maca cjēna p̄h̄toro ijigū tiquiro wame oh̄o saha nino nine: “P̄h̄toro quehnoano ijigū yeriquiro”, nino nine. “Salē” nino, “Quehnoano ijiye”, nino nine.

³ Ne Melquisede pac̄sum̄are, tiquiro pano iji m̄htariquinare, tiquiro acayere tiquina yahu ojoa oh̄ori mariedare. Tiquiro masa bajarire, tiquiro yariari ḡh̄ure yahu ojoa oh̄ori mariedare. Sa yero sa ijiducuriquiro yero saha ijire tiquiro. Tiquiro sa ijiriquiro ijigū Cohācjū tiquiro mehna marine queoye mehna buhere. Cohācjū mac̄no tiquiro pahi ijirire marine buhere. Melquisede pahi sa ijiducuriquiro yero saha ijire. Tiquiro yero saha Cristo ḡh̄u pahi sa ijiducuriquiro ijire.

⁴ Sa yero Melquisede ne ihyo ijiriquiro ijierahye. Abrahā mari

ñec̄u m̄n̄ano p̄h̄toro waro ijieperota mehenogā tiquiro nedire Melquisede pehere ohoahye.

⁵ Sa yero Cohācjū dutiye Moiser tiquiro cūri ijipihtiyequina apequina Israe masare to punota wapa ye dutire. Sa dutiro Leví panamena iji turiayequinare tiquina acaye wapa yerire ñehe dutiro, cūahye. Leví panamena pahia wahae tiahye. Sa ye Israe masa Abrahā panamena iji turiayequina ijiepetata tiquina pahiare wapa yee tiahye.

⁶ Melquisede pehe Leví panamino iji turiariquiro ijieraperota wapa neahye Abrahāre. Sa yero Cohācjū “M̄h̄ure quehnoano yeitja”, tiquiro ni cūriquiroro ijieperota Abrahā pehe Melquisedere wapa yeahye. Sa yero Melquisede pehe Cohācjūre Abrahāre sini basaro quehnoano ye dutiahye.

⁷ Quehnoano ye dutiriquiro Melquisede pehe tiquiro quehnoano ye dutinohriquiroro Abrahā bui ijire. Tire mari quehnoano masiaja.

⁸ Mari mehna cjēna pahia marine mehenogā wapa neñequina mari yero saha masa ijire. Sa ye yariatiquinata ijire tiquina ḡh̄u. Ahriquiroro Melquisede pehe Abrahāre mehenogā wapa nediquiro sa catiducuriquiro yero saha ijire. Tiquiro yariarire yahueraro, sata nino niahye Cohācjū yere tiquina ojoari p̄p̄u.

⁹ Yojop̄u cjēna Leví panamena iji turiayequina pahia ijiye, mehenogā wapa nene. Sa ijiyequina tiquina ijiepegāta Abrahā Melquisedere mehenogā wapa yero, ijipihtiyequina Leví panamena ye ijiati ḡh̄ure oho basaro saha yero niahye. Sa ye tiquina ḡh̄u Melquisedere mehenogā ohoyequina yero saha ijire.

¹⁰ Melquisedere Abrahā tiquiro wapa yeri pjere Leví pehe masa bajaraniahye. Sa ijieperota tiquiro ñec̄uno m̄n̄ano Abrahā paḡp̄u tiquiro ijiboriro saha Leví pehe iji tuhasaro niahye. Sa yero Melquisede Abrahāre tiquiro piti cagū Leví ḡh̄u

tiquiro ñecano manano mehna ijiro saha ijiro niahye. Sa ye Leví, tiquiro panamena mehna Melquisedere mehenogã wapa yeyequina yero saha ijiye, tiquina tiquiro docapu ijiye niahye.

11 Tiquiro dutiyere cño Cohãcjũ Levíre tiquiro acaye gũhũre pahia iji dutiahye. Sa ye tiquiro dutiye nidiro sahata tiquina pahia wahiquinare wejẽ ujãa mũo, Cohãcjũre sini basahye masare. Tiquina sa yeri mehna mari yũhdũna, apequiro pahi sijoro saha ijiriquiro pahire cahme nemoedaboya mari. Sa yena apequiro pahire cahmeaja mari yojopũre, Melquisede yero saha ijiriquirore. Leví ya curua cjãno Aaron manano yero saha ijiyequina pahiare yojopũre mari cahmedaja.

12 Sa yena pahiare comesana niaja mari. Mari sa comesana, marine dutiye gũhũre comesaro cahmene marine.

13 Aaron, Leví gũhũ tiquina ya curua cjẽna dihitare pahia sajã duti mũhtamahye Cohãcjũ, tiquiro dutiyere cño. Tiquiro sa dutiepegũta yojopũre mari pũhtoro pahi sũriquiro ape curua cjãno ijire. Sa ye ti curua cjẽna ne pahia sajãedahye.

14 Tiquiro Cristo Judá ya curua cjãno masa bajuahye. Tire mari quehnoano masiaja. Sa yero, Moise pahia sũno, Judá ya curua cjẽnare ne pahia sũeda tiahye.

15 Ahrire masina, ohõ saha mari quehnoano masiaja: Yojopũre wahma tiquiro sũriquiro pahi Cristo Melquisede yero saha ijiriquiro ijire.

16 Panopũ cjẽ dutiye ti nidiro sahata Leví ya curua cjẽna dihita pahia sajãhye. Yojopũre tiquiro sũriquiro pahia tiquina yero saha pahi sajãedare. Tiquiro Cohãcjũ tutuaye mehna ijipihtiye decori ijiriquiro ijire. Sa yero ti tutuaye mehna pahi sajãhye tiquiro.

17 Ohõ saha nine Cohãcjũ yere tiquina ojoari pũpũ: Ijipihtiye decori pahi ijiducugũta mũhũ. Melquisede pahi

tiquiro ijiriro saha pahi ijiducugũta mũhũ, niahye Cohãcjũ tiquiro macũnore, ni ojoahye panopũ.

18 Ti dutiye tiquiro cũ mũhtari dutiye dũhseati ijierahye. Sa yero ti dutiyere duhu cãhye Cohãcjũ.

19 Moiserre tiquiro cũri dutiye mehna ne yũhdũerare masa. Sa yero yojopũ pehere Cohãcjũ marine tiquiro yũhdũoatire marine cũre. Tiquiro sa yegũ yojopũre tiquiro mehna yahuducu masiaja.

20 Sa yero Cristore pahi sũno, wame peoro mehna tiquirore sũahye. Apequina pahiare tiquiro yero saha wame peo sũedahye.

21 Cristo pehe Cohãcjũ wame peoro mehna pahi sajãhye. Ohõ saha niahye tiquiro Pacũro Cristore:

Yũhũ mũhũ pũhto yũhũ wame mehna mũhũre poto yahutja. Sa yegũ ahrire ne duhu cño marieno yahuaaja mũhũre. Pahi sa ijiducugũta mũhũ, ni cũahye Cohãcjũ tiquiro macũnore.

22 Sa wame peo cño, wahma buheyere quehnoañe buheyere marine cño, marine tiquiro yũhdũoatire cño niahye. Panopũ cjẽ dutiye yũhdũoro mari quehnoano ijiatire cño niahye. Sa yero Cohãcjũ “Masare yũhdũoutja”, tiquiro nidiro sahata yero taro, Jesure ohoahye marine yũhdũoatiquirore.

23 Iji mũhtariquina pahia tiquina yariagũ ihñañe apequina comesa sajãre tja. Sa ye tiquina peyequina pahia wahare.

24 Jesu pehe sa ijiducure. Sa ye tiquirore comesayequina mariedare pahia.

25 Sa yero tiquiro sa ijiducuro, Cohãcjũre sa sini basaducure tiquiro yequina ye ijiatire. Sa yero Cohãcjũ mehna tiquina sa ijiducuatõ saha masare yũhdũo masine tiquiro. Ijipihtiyequina tiquirore wacũ tutuayequina Cohãcjũ cahapũ wahaeta. Sa yero Jesu ijire potota tiquinare yũhdũoriquiro.

²⁶ Sa yero Jesu ijire mari yaquiro pahia p̄h̄toro. Tiquiro p̄ritare tutuaro cahmeaja mari. Ne ñañe buhiri marieniquiro ijire tiquiro. Sa yero masa yero saha ne ñañene yerare. Sa yero Cohãcjũ tiquirore ñañequina cahap̄u ijiriquirore neano, ðhm̄sep̄u cũ, ijipihtiyequina apequina bui p̄h̄toro s̄ahye.

²⁷ Apequina pahia yero saha ijierare tiquiro. Tiquina pehe decoripe wahiquinare wejẽ, ðjũa m̄uo, Cohãcjũre sinie tiri. Tiquina basi tiquina ñañe buhirire sini m̄htaetiri. Came apequina masa tiquina ñañe buhiri ḡh̄ure sini basae tiri tiquina. Sa ye peye tahari tiquina Cohãcjũre sinie tiri. Jesu pehe pahi ijiro, ihcã tahata tiquiro yariari mehna siniahye Cohãcjũre masa tiquina ñañe buhirire ȳhd̄oro taro. Sa yariaro tiquiro basi tiquiro pagure tiquiro jeripohna ḡh̄ure tiquiro ohoboriro saha yero niahye.

²⁸ Cohãcjũ dutiye Moisere tiquiro c̄uri pahia p̄h̄toare sajã dutire. Sa sajãepeta ñañe marieñequina ijierare sa pahia sajãñe. Ti dutiye bato ijiye buheye mehna Cohãcjũ wame peoro mehna tiquiro yahuri buheye mehna tiquiro mac̄ano pahia p̄h̄toro sajãh̄ye. Tiquiro pehe ñañe marieniquiro sa ijiducure.

8

Cohãcjũ “M̄sare ȳhd̄outja”, ni c̄uahye tja Moisere tiquiro c̄urire came-saro. Tire yahu basariquiro ijire Jesu

¹ Ti ijipihtiyere yahuna, ahri p̄ritare m̄sare yahuna tana niaja: M̄sare usã yahuriquiro pahia p̄h̄toro tiquiro p̄rita mari yaquiro waro ijire. ðhm̄sep̄u Cohãcjũ tutua ȳhd̄ariquiro tiquiro p̄h̄toro dujiro potopehe dujire Cristo mari yaquiro pahia p̄h̄toro.

² Sa yero ahri yehpa cjã w̄h̄p̄u, masa tiquina yeri w̄h̄p̄u pahia dahrayere yerare tiquiro. ðhm̄sep̄u ijiri w̄h̄p̄ure mari p̄h̄toro tiquiro yeri w̄h̄p̄ure pahia dahrayere yere

tiquiro. Ti w̄h̄u p̄rita Cohãcjũ waro ya w̄h̄u ijire.

³ Ijipihtiyequina ahri yehpa cjẽna pahia p̄h̄toa wahiquinare wejẽ ðjũa m̄uo, ohore Cohãcjũre ño peoye. Sa ye dutie tiahye tiquinare. Mari yaquiro pahi ḡh̄ure Cohãcjũre oho dutiahye. Mari ñañe buhirire tiquirore oho dutiahye. Sa yero Cristo mari ñañe buhiri yariaro bucuegã yeahye Cohãcjũre, pahia p̄h̄toa Cohãcjũre ohoye tiquina bucuegã yeriro saha.

⁴ Mari judio masa mari dutiye ti nidiro sahata ahri yehpap̄u pahia masa tiquina ñañe buhirire ohore Cohãcjũre siniñe. Sa ye ahri yehpap̄u pahia iji tuhasare. Sa yero Jesu pehe mari yaquiro pahi ahri yehpap̄u ijinino, pahi ijieraboa tiquiro pehe.

⁵ Ahri yehpa cjẽna pahia tiquina dahrayere ahri yehpa cjã w̄h̄p̄ata dahrare. Ti w̄h̄p̄u Cohãcjũre tiquina ño peorire ihñana ðhm̄se cjã w̄h̄p̄ure tiquirore mari ño peoatire masi cjũna niaja. “Ti w̄h̄u yero saha ijire”, nino niahye Cohãcjũ c̄un̄p̄u Moisere tiquiro ya w̄h̄ure dahre dutiro. Tiquiro sa dahreato panogã Cohãcjũ ohõ saha niahye tiquirore. “C̄un̄p̄u m̄h̄ure ȳh̄u ihñoriro sahata ti w̄h̄u ijiriro sahata ya w̄h̄ure queoro dahreya”, niahye Cohãcjũ tiquirore.

⁶ Sa yero yojop̄u pehere Jesu pahi ijiro, tiquiro dahraye apequina pahia ye dahraye ȳhd̄oro ijire. Ihyo waro ijierare. Cohãcjũ marine “M̄sare ȳhd̄outja”, tiquiro ni yahuri panop̄u cjẽ dutiye Moisere tiquiro c̄uri dutiye ȳhd̄oro ijire. Marine tiquiro yahuri ti dutiye ȳhd̄oro marine quehnoano ijigã yeeta. Sa yero marine ȳhd̄o basariquiro ijiro, Cristo pehe apequina pahia ȳhd̄oro ijire.

⁷ Coã warop̄ure tiquiro dutiri mehna mari ȳhd̄eraja. Ti dutiye mehna mari ȳhd̄ugã, apeye buheyere c̄edaboya Cohãcjũ.

⁸ Sa yero ti dutiyere tiquina ihcãno sahaerarire yahuro ohõ saha niahye tiquiro yeequinare Israe masare:

Ohō saha nine mari p̄h̄toro: “Quehnoano t̄hoya. Camep̄u apeye buheyere yahutja yequinare Israe masare, Judá ya curua cjēna ḡh̄are.

⁹ Ti buheye tiquina ñec̄sum̄na m̄na iji turiayequinare ȳh̄u yahu c̄uri yero saha ne ijisi. Ȳh̄u basi tiquinare Egipto yehpar̄u ijiyequinare wioḡu tiquinare yahu c̄imi. Ȳh̄u sa ni yahu c̄urire ȳhd̄ud̄care tiquina. Tiquina sa yeḡū ih̄ñaḡu wahmanore tiquinare ȳh̄u yahumedire duhu c̄h̄u.

¹⁰ Sa yeḡu camep̄u Israe masare ohō saha ni yahutja: Ȳh̄u dutiyere tiquinare wac̄ḡū yeitja. Sa ye ȳh̄u dutiyere ȳhtieta. Sa yeḡu ȳh̄u Coh̄ācj̄ū tiquina p̄h̄to, tiquinare ih̄ña ih̄boḡu ijiḡutja. Sa ye tiquina pehe yeequina masa ijieta.

¹¹ Sa ye ti pjere tiquina mehna cjēnare ne tiquina ohō saha cahme nisi: ‘Mari p̄h̄torore Coh̄ācj̄ūre masiña m̄sa’, ne ni cahme buhesi. Tiquina ijipihtiyequina ȳh̄ure masi tuhasaeta. Macanagā, b̄uc̄na ḡh̄u ȳh̄ure masiñequina dihita ijieta.

¹² Sa yeḡu tiquina ñañe yerire boutja ȳh̄u. Sa yeḡu tiquinare buhiri dahresi ȳh̄u. Tiquina ñañe yerire pari turi wac̄ūsi ȳh̄u”, niahye mari p̄h̄toro, nine Coh̄ācj̄ū yere tiquina ojoari p̄p̄u.

¹³ Yojoṗ̄are marine tiquiō ye buheyere c̄ūno, panop̄u cjē dutiyere duhuro nidi. Sa yero m̄na dutiyere tiquiō duhuri bato ti dutiye comesaa wahare.

9

Ahri yehpa cjā tuc̄ire ñhm̄se cjā tuc̄ū ḡh̄are Coh̄ācj̄ūre ño peori tuc̄ire yahuahye

¹ Coā warop̄are Coh̄ācj̄ū tiquiō dutiyere Moiserē c̄ūno, masa tiquiōre tiquina ño peoato ḡh̄are c̄ūahye. Sa yero Coh̄ācj̄ūre tiquina ño peoati w̄h̄u ḡh̄are ye dutiō c̄ūahye.

² Ti w̄h̄u wahiquina cahseri w̄h̄u ijiahye. P̄na tuc̄ū c̄oahye. Paji cj̄uri tuc̄ū tiquina sajā sa m̄htari tuc̄ū

“Coh̄ācj̄ū ya tuc̄ū”, wame tiahye. Ti tuc̄ūp̄u tiquina sihō docod̄u ijiahye. Sa yero mesa ḡh̄u ijiahye. Ti mesa bui Coh̄ācj̄ūre tiquina ohori p̄a pe-sahye.

³ Ape tuc̄ū suhti cahseri mehna tiquina cahmotari tuc̄ū ijiahye. Ti tuc̄ū “Coh̄ācj̄ū ijiri tuc̄ū waro”, wame tiahye.

⁴ Ti tuc̄ūp̄u uru mehna tiquina yeri altar, ehmeo bueyere tiquina ñj̄ari altar ijiahye. Sa yero uru quehnoañe mehna tiquina duhu ohōri acaro top̄u cuñahye. Ti acaro puhiap̄u uru pa maná wame tiye ihyaye pose tiri pa ijiahye. Sa yero ti acaro puhiap̄u Aaron yad̄u tuad̄u p̄uri tid̄u ijiahye. Sa yero p̄na p̄j̄i ut̄a p̄j̄ini Coh̄ācj̄ū dutiyere tiquiō ojoari p̄j̄ini ḡh̄u ti acaro puhiap̄u sañahye.

⁵ Ti acaro bui p̄naro angele queoye ijiahye. Ti queoye Coh̄ācj̄ū asi siteyere, ti tuc̄ūp̄u tiquiō ijiyere ih̄ñoñe niahye. Ti acaro mohano bui tiquina w̄ye d̄ap̄ari mehna mohahye. Ti acaro mohano bui masa ñañe buhirire tiquina ohorire wejē site peoe tiahye pahia p̄h̄toro. To punota yahutja ahri w̄h̄u cjēne yojoṗ̄are.

⁶ Sa ye ti w̄h̄ure tiquina quehnoano quehñori bato pahia decoripe tiquina sajā sa m̄htari tuc̄ūp̄u sajā sa, tiquina dahrayere yee tiahye.

⁷ Sa yero pahia p̄h̄toro dihita ape tuc̄ūp̄u sajāh̄e. C̄uhmaripe ihc̄ā tahata tiquiō sajāri deco borop̄ata sajāe tiahye tiquiō. Sa sajāno tiquina wejēdiquiō wahiquiō tiquina ohoriquiō diire ne sajāno, Coh̄ācj̄ūre ño peoe tiahye. Diī marieno ne sajāedahye. Tiquiō basi tiquiō ñañe yeri buhirire diire ne sajāe tiahye. Sa yero ijipihtiyequina apequina Israe masa “Ñañe ijiaga”, nino marieno tiquina ñañe yeri buhiri ḡh̄are diire ne sajāe tiahye tiquiō Coh̄ācj̄ūre sinino taro.

⁸ Ijipihtiyē ahri mehna Esp̄iritu Santo ohō saha ni marine buhero nine: Ti w̄h̄up̄u Moiserē tiquiō c̄uri

wahupu mari ño peorina, tiquiro cūri dutiyere yeatina ijinina, ihyo ijina Cohācjüre ño peona wahaeraboya mari. Pahia puhtoro dihita Cohācjū ijiri tucū waropu sajā masine. Sa yena ihyo ijiyequina tiquina ño peoye wahaeraro saha sa ijiboya mari Moiserere tiquiro cūri dutiyere yena.

⁹ Ahri ijipihtiyere Cohācjüre ño peori wahupu ijiyere marine cūno, marine yojopu cjēnare buhero niahye Cohācjū. Wahiquinare wejē ujūa muo, masa Cohācjüre tiquina ño peori mehna ne Cohācjū cahapu wahasi. Tiquina sa yeri mehna tiquina ñañe yerire cose werahye.

¹⁰ Sa wahiquinare ohoye, tiquina ihyaye, tiquina sihniñe, tiquina pagu coseye, tiquina ohō saha yeye mehna Cohācjüre ño peoe timahye. Ahri tiquina sa yeri ihyo warota ijire yojopare. Sa yeye ti dutiye Moiserere tiquiro cūri dutiye marine quehnoana wahagū yerahye. Sa ye wahma buheyere Cohācjū tiquiro cūri bato muna dutiye pehe dahseati ijierare.

¹¹ Cristo pehe mari pahia puhtoro ijiro ahta tuhasari jiri. Sa ijiro marine quehnoañene cū tuhasari jiri. Cohācjüre ño peori wahu uhmusepu pahia puhtoro tiquiro dahrari wahu apequina pahia tiquina dahraye wuhuse yuhduoro quehnoari wahu ijire. Uhmuse cja wahu ijire. Ti wahu ahri yehpa cja wahu ijierare. Sa yero masa tiquina yeri wahu ijierare.

¹² Sa yero Cristo uhmusepu Cohācjū ijiro waropu ihcā taha sajāhye mari ñañene yeri buhirire Cohācjüre ohoro saha yero taro. Topu uhmusepu ohōpu tiquiro ijiri tucū waro yero saha ijire mari queoye mehna buhegū. Sa yero chivoa diire, wecūagā diire ne sajā, ohoerahye tiquiro. Tiquiro pehe tiquiro ye dii warore Cohācjüre tiquiro ohoro saha yero niahye yariaro. Ijipihtiyere decori Cohācjū mehna mari ijiducuoato saha tiquiro ye diire cohāhye. Mari ñañe buhirire yariahye.

¹³ “Yariariquinare dahra peona masa pagu wete tina ijire”, ni cūahye Cohācjū Moiserere. Sa ijiye ñañene wete tiyere cose wee tiahye chivoa diire tiquina ohori mehna. Wecūa diire tiquina ohori mehna, wecūagāre tiquina ujūari nitine tiquina ohori mehna sa ijiye ñañene cose wee tiahye.

¹⁴ Sa ijiye ñañene wahiquina diire tiquina ohori mehna, nitine tiquina ohori mehna tiquina cose weriro saha ti yuhduoro Cristo pehe tiquiro diire cohāno mehna mari ñañe yerire quehnoano cose we peho cāre. Tiquiro ñañe marieniquiro ijiro, curusapu yariaro tiquiro basita tiquiro pagu, tiquiro jeripohna mehna Cohācjüre ohoro saha yeahye. Espiritu Santo sa ijiducuriquiro yedohoye mehna sa yeahye tiquiro. Sa ye mari ñañe yerire tiquiro cose wegū ihñano mari ñañe buhirire Cohācjū bo cāhye. Ti ñañe buhirire cūona pecapu wahaborina ijimi mari. Tiquiro cose wenohrina ijina, Cohācjū catiriquiro tiquiro cahmeñene ye masiaja mari.

¹⁵ Sa yero “Ohō saha musare yuhduoutja”, masare pari turi Cohācjū ni yahu cūgū Cristo pehe tiquiro yahuyere yahu basariquiro ijire. Sa yahu basare tiquiro Cohācjū beseriquinare yuhduoro taro. Tiquiro sa yuhduogū ijipihtiyere decori tiquiro mehna ijinata mari tiquiro yequina. Sa yena mari tiquiro yequinare Cohācjū marine ohoatire cūonata mari. Moiserere tiquiro cūri dutiye dihita ijigū masa tiquina ñañe buhiri ijiniyahye. Sa yero curusapu yariaro ti pjeta tiquina ñañe yeri buhirire yuhduoahye tiquiro yequinare.

¹⁶⁻¹⁷ Masano came tiquiro acayere tiquiro ohoatire ojoa ohōyure papera pūpu. Tiquiro ohoatire yahuro taro ojoa ohōyure. Ti pūre ojoa ohōyuriquiro tiquiro yarieranigū ti pū dahseati ijierare. Tiquiro acaye tiquiro cūorire nea masiedare. Sa ye tiquiro yariagū ihñañe ti pūpu tiquiro ni ojoariro sahata tiquiro

yere neañeta tiquina.

18 Tiquiro yariato pano ti pũ dũhseati ijieraro sahata yariato marieno dii wijiario marieno Cohãcjũ Moiserere tiquiro cũri dutiye gãhũ ne dũhseati ijieraboya. Sa yero wahiquiro diire tiquiro wejẽ siteri bato ti dutiyere potota yero niahye.

19 Sa yero ohõ saha ye mũhtahye Moise: Cohãcjũ tiquiro cũri dutiyere masare yahu pehoahye. Came wecũagã diire, chivoa diire aco mehna moreahye. Sa yero hisopo wame tidũ dũpũ mehna oveja poari sohãñe mehna tiquina ñimiori poarire torẽahye. Ti dũpũ mehna diire soharo, Cohãcjũ dutiyere tiquiro ojoari pũ bui wejẽ site peoahye. Ijipihtiyequina masa bui gãhũre wejẽ site peoahye.

20 Sa yero ohõ saha niahye tiquiro: “Cohãcjũ marine tiquiro yahuri tiquiro dutiri ahri dii mehna poto ijigũ masiaja mari. Ahri diire ihñana tiquiro nidiro sahata marine tiquiro yeatire masiaja mari. Ti dutiyere yũhti dutiahye tiquiro marine”, niahye Moise.

21 Sa yero masare tiquiro yeriro saha Cohãcjũre tiquina ño peori wũhũ wahiquina cahseri wũhũre, ijipihtiye ti wũhũpũ ijiye gãhũre wejẽ siteahye.

22 Sa tjire. Ti dutiye ti nidiro sahata peye ñañene dii cohãno mehna cose wero cahmene. Mehenogã dũhsaye ñañene apee boro mehna cose wegũ quehnoare. Sa yero Cohãcjũ mari ñañe yerire ne bosì dii cohãedagũ.

Cristo tiquiro diire cohãno, yariato, tiquiro yequina ñañe yerire cose weahye

23 Ti ijipihtiye Cohãcjũre tiquina ño peori wũhũ, ti wũhũpũ ijiye gãhũ ãhmũse cjã wũhũpũ ijiye yero saha ijiahye mari queoye mehna buhegũ. Æhmũse cjã wũhũ pehe potota Cohãcjũ ya wũhũ waro ijire. Sa yero ahri yehpa cjã wũhũre, ti wũhũpũ ijiye gãhũre wahiquina diire tiquiro wejẽ siteri mehna cose wero cahmeahye.

Sa ye ti yũhdũoro ãhmũsepũ waha-tiquinare tiquina ñañe buhiri tiye-quinare cose wero cahmene. Sa yero wahiquina yũhdũoro ijiriquire ye dii tiquiro cohãno mehna tiquina ñañe yerire cose wero cahmene.

24 Sa yero Cohãcjũre tiquina ño peori wũhũ masa yeri wũhũ ijire. Æhmũse cjã wũhũ yero saha ijire ti wũhũ gãhũ, mari queoye mehna buhegũ. Sa yero Cristo pahi ijiro, marine sini basaro taro ahri yehpa cjã wũhũre sajãedahye. Potota ãhmũsepũ wahahye tiquiro Cohãcjũ caha marine sini basaro taro.

25 Mari judio masa mari pahia pũhtoro cãhmaripe Cohãcjũ ijiri tucũ waropũ sajãe tiahye wahiquina diire ohoro taro. Cristo pehe tiquiro diire Cohãcjũre ohoro saha yero taro, yariato, peye tahari sajãedahye.

26 Peye tahari yariatoquire ijiro, ahri yehpa iji dũcari bato peye tahari yariatoquire tiquiro. Peye tahari tiquiro mari ñañe buhirire yariaducuriquire ijiboya. Sa ijiboriquire ijieperota pihtiri deco panogã yojopũre marine ijipihtinare yũhdũoro taro ihcã taha bajuahye tiquiro ahri yehpũ. Sa bajuahye yariato taro, mari ñañe buhirire cohãno taro.

27 Ijipihtiyequina masa ihcã tahata yarieta. Tiquina sa yariato bato masa quehnoañequinare, ñañequina gãhũre beserota Cohãcjũ.

28 Ihcã tahata mari yariato saha Cristo gãhũ ihcã tahata yariahye peyequina masa tiquina ñañe yerire cohãno taro. Came pari turi ahtarota. Mari ñañe yerire cohã tuhasariquireopũ ijirota. Sa yero pari turi mari ñañe yerire cohãno taro ahtasi. Sa ahtarotiquirore cohteyequinare, bucuoye mehna tiquirore ihña duayequinare yũhdũoro ahtarota.

10

1 Cohãcjũ dutiye Moiserere tiquiro cũri quehnoañe buheye yero saha ijiepetã, ihcãno saha ijierare. Ti dutiye ti ye dutiro saha cãhmaripe

wahiquinare wejē, ʌjūa mʌo, Cohācjüre ño peoducure. Tiquina sa yeye mehna masa tiquina ñañe yerire boerare Cohācjū.

² Ti mehna tiquina ñañe yerire Cohācjū bogū, ihcā tahata Cohācjüre tiquina ño peori bato “Yojopure buhiri mariedare ʌsāre”, ni tʌhotuboya masa. Sa ye pari turi wahiquinare wejē ʌjūa mʌo, Cohācjüre ño peo ohoeraboya. Duhu cāboya.

³ Cahmaripe wahiquinare wejē ʌjūa mʌo, Cohācjüre tiquina ño peogū tiquinare ñañe buhirire wacūgū yere. To punogāta yedoho duare ti tiquinare.

⁴ Wecua dii mehna mari ño peori mehna, chivoa dii mehna mari ño peori mehna ne mari ñañe buhirire cohāedare.

⁵ Ti ijirota ijire. Ti sa ijigū ihñano Cristo ahri yehpapure tiquiro ahtato pano ohō saha niahye Cohācjüre:

Wahiquinare ʌjūa mʌo tiquina ohogū, trigore tiquina ohogū gāhare mʌhʌ ihñagu bucuere are mʌhʌ. Sa yegu yahʌ pagure yeri mʌhʌ ya pagʌ ijiatire.

⁶ Ñañene tiquina cohātoe wahiquinare wejē, tiquina ʌjūa mʌogū ihñagu bucuere mʌhʌ.

⁷ Mʌhʌ sa bucueregū ihñagu ohō saha nii mʌhare: “Mʌhʌ cahmeno sahata yegu wahagʌtja. Sata ni yahure mʌhʌ ya pūpʌ”, nii yahʌ, niahye Cristo tiquiro Pacurore.

⁸ “Wahiquinare ʌjūa mʌo tiquina ohogū, trigore tiquina ohogū gāhare ihñagu bucuere mʌhʌ”, ni yahu mʌhtahye tiquiro. Coā waropure tiquiro ye dutiye wahiquinare, trigo gāhare tiquina ohoye mehna ti ño peo dutiepegūta sa niahye tiquiro.

⁹ Sa ni tuhasa ohō saha ni nemoahye: “Mʌhʌ cahmeno sahata yegu wahagʌtja”, niahye. Tiquiro sa nigū ohō saha masiaja mari. Panopʌ wahiquinare wejē ʌjūa mʌoñe mehna tiquina ño peorire duhugū yero, apeye buheye pehere cūno niahye Cohācjū. (Sa cūno yojopure

Cristo tiquiro yariari mehna masare yahdurota Cohācjū.)

¹⁰ Jesucristo tiquiro pagure ohoro, yariaro, ijipihtina marine mari ñano yerire cohāre. Ihcā tahata tiquiro pagure ohore mari ñañene cohāno taro. Sa yero Cohācjū cahmeno sa-hata yero niahye.

¹¹ Ijipihtina mari judio masa mari yequina pahia decoripe Cohācjüre ño peori wʌhʌpʌ dahraducure. Sa dahraducuye decoripe mʌnanota wahiquinare wejē, ʌjūa mʌo, Cohācjüre siniducure. Tiquina sa wejē ʌjūa mʌoepēgūta ti ʌjūa mʌori mari ñano yerire ne cohāedare.

¹² Cristo pehe ihcā tahata mari ñañe buhirire yariahye, mari ñañe yerire quehnoano cohā pehorro taro. Tire cohā tuhasa, wahaa wahahye tiquiro Pacuro cahapʌ tiquiro poto pehe dujiro waharo. Pʌhtoro ijiro, topʌ dujire.

¹³ Topʌ dujiro, cohtero nine. Tiquirore ihña tuhtiequinare Cohācjū pehe tiquiro yahduca basatore cohtero nine.

¹⁴ Sa yero ihcā tahata tiquiro yariari mehna tiquina ñañene cohānohriquinare ñañe marieñequina sa ijiducugū yere tiquinare.

¹⁵ Ti ijirota ijire. Sata ni yahure Espiritu Santo marine. Ohō saha ni yahure tiquiro:

¹⁶ Ohō saha nine Cohācjū: “Camerpʌre ohō saha ni yahutja Israe masare. ‘Yʌhʌ dutiyere tiquina wacūñepʌ cūtja’, ni yahutja”, nine tiquiro.

¹⁷ Ohō saha ni nemore Cohācjū:

“Tiquina ñañe yerire pari turi wacū nemosi yahʌ”, nine tiquiro, ni yahure Espiritu Santo.

¹⁸ Mari ñañe yerire tiquiro sa bogū pari turi mari ñañe buhiri yaria-tiquirore cahmedaja mari.

Cohācjū cahapʌ esana, cuero marieno tiquiro mehna mari yahuducuboriro saha tiquiro mehna yahuducu masiaja yojopure (Mt 27.51; Mr 15.38; Lc 23.45)

19 Sa yena yuhũ acaye, Cristo tiquiro yariaro mehna tiquiro dii cohãno mehna yojopũre mari gũhũ cuero marieno Cohãcjũ mehna yahuducu masiaja. Sa yena tiquirore sini masiaja.

20 Ahri yehpa cjũno pahia pũhtoro Cohãcjũ ijiri tucũ waropũ tiquiro yemedi yojopũre marine dũhseati ijierare. Ti mehna Cohãcjũ mehna yahuducu masiedaja mari. Cristo pehe mari ñañene yeri buhirire yariaro tiquiro dii cohãri mehna Cohãcjũ mehna yahuducu masiaja mari. Pahia pũhtoro ti tucũpũ tiquiro sajãriro sahata Cristo pehe Cohãcjũ cahapũ esahye mari ñañe yerire bo dutiro waharo. Ti tucũ cjã cahserore cahmotari cahserore tiquiro tũhrẽ cohãriro saha Cristo tiquiro pagũre cohãhye Cohãcjũ mehna marine iji dutiro.

21 Sa yero Cohãcjũ ya wũhũpũ dahrariquiro mari yaquiro pahi tutua yũhdũariquiro ijire tiquiro.

22 Sa yena Cohãcjũre siniihna potoni mehono marieno. Tiquirore quehnoano wacũ tutua, cuero marieno tiquirore siniihna. Cristo mari ñañe yerire tiquiro cose wenohrinapũ ijiaja. Sa yena “Buhiri tina ijiaja mari”, ni tũhotuna ijieraja mari. Sa yena wete marieñe aco mehna mari cose wero saha Espĩritu Santo tiquiro cose wenohrinapũ ijiaja. Sa yena Cohãcjũre siniihna.

23 “Mũsare yũhdũoutja”, tiquiro nidiro sahata yerota. Sa yena marine tiquiro yũhdũoatore quehnoano masiaja mari. Tire masina, ne boeracũhna. Cohãcjũre sa wacũ tutuaducuhna. Sa wacũ tutuana tire apequinare yahuaja.

24 Mari mehna cjẽnare cahĩna, tiquinare yedohouhna mari, ijipihina mari ihcãno saha mari cahme cahĩ yedohoato saha.

25 Sa yena quehnoano cahme-coaducuhna Cohãcjũ yere yena tana. Apequina pehe tiquina cahmecoamedirore duhuye nine. Tiquina yero saha yeracũhna. Mari

mehna cjẽnare bucuegũ yeihna. Ahri yehpapũre mari pũhtoro ahtato mehenogã dũhsare. Tire masina tutuaro bucuegũ yeihna mari mehna cjẽnare Jesu yequinare.

26 Poto ijiye buheyere quehnoañe buheyere mari masiepenata ñañene mari pari turi sa yeducugũ mari ñañene cose we nemoato ne mariedare.

27 Sa yero sa yeyequinare cuarĩne. Ijipihtiyequina tiquirore ihña tuhtiyequinare buhiri dahrero, tutuaro ỹjũnopũ cohãnota Cohãcjũ tiquinare. Sa ye tiquiro buhiri dahreatire cueyequina dihita ijimene tiquirore duhuyequina.

28 Cohãcjũ dutiye Moisere tiquiro cũrire yũhdũducayequinare buhiri dahreye, mari acaye judio masa wejẽne tiquinare. Ne paja ihñano marieno wejẽne tiquinare. Ihtiaro tiquina yahusãgũ tũhoro beseriquiro tiquina yũhdũducarire masino tiquinare buhiri dahre dutire. Ihtiaro mariedagũ pũaro tiquina yahusãgũ tiquinare buhiri dahre dutire. Sa dutigũ tiquinare wejẽne.

29 Ti bui cjũno Cohãcjũ macũnore ihña yabiyequina tiquiro buhiri dahreatiquina ijietta. Cristo dii cohãri mehna mari ñañe yerire cohãre Cohãcjũ. Sa cohãtore yahuahye tiquiro marine. Sa yeye tiquina ñañe yerire cohãnohriquina ijiepetapari turi ñañene yeye, tiquina ñañe yerire tiquiro cohãrire tiquiro dii gũhũre “Ihyo waro ijire”, niñe nieta. Sa niñequina tiquiro buhiri dahreatiquina waro ijiye nieta. Sa niñequina Espĩritu Santore ñano ni yahuducuyequina ijire. Tiquiro tiquinare cahĩniquiro ijire. Tiquina sa ñano yahuducugũ ihñano tutuaro buhiri dahrerota Cohãcjũ tiquinare.

30 Ahrire mari quehnoano masiaja. Cohãcjũ tiquiro basita ohõ saha niahye: “Yuhũ ijiaja buhiri dahreacjũ. Tiquina ñañene yeri buhiri buhiri dahreitja yuhũ”, niahye tiquiro. Ohõ saha ni nemoahye: “Yeequina ijimediquinare ñano yeyequinare

buhiri dahreitja yuhh", niahye tiquiro.

³¹ Cohãcjũ catiriquiro marine tiquiro buhiri dahregũ cua yãhdũare.

³² Panopũ mãsa ijirire wacũña mãsa. Ti pjere Cohãcjũ yere coã masi dũcana peye tahari ñano yãhdũepenata tiquiro yere cohãedari mãsa.

³³ Ihquẽ tahari masa tiquina ihñonopũ apequina mãsare ñano ni, ñano yeperi mãsare. Sa yena apequina Jesu yequinare tiquina ñano yegũ ihñana, tiquinare paja ihñari mãsa.

³⁴ Peresupũ ijiyequinare paja ihñari mãsa. Sa yena mãsa yere tiquina ehmaepegũta bucueye mehna, "Quehnoanota", nidi mãsa. Ahri yehpa cjẽ yãhdũoro quehnoañene cũore mãsa ãhmũserũ. Ti quehnoañe sa ijiducueta. Tire masina, mãsa cũoyere tiquina ehmagũ bũjũa witierare mãsa.

³⁵ Sa yena cueracãhña. Cohãcjũre sa wacũ tutuaducuya. Mãsa sa yeri wapa tiquiro quehnoano yerota mãsare.

³⁶ Cohãcjũ "Mãsare ohõ saha yedohoutja", tiquiro ni cũrire quehnoano cohteya mãsa tiquirore wacũ duhuro marieno. Sa cohtena tiquiro cahmeñene yenata mãsa. Sa yena tiquiro ni cũrire cũonata.

³⁷ Ohõ saha nine Cohãcjũ yere tiquina ojoari pũpũ:

Mehenogã dũhsare Cristo wihiato. Sa ahtaro duita wihi madoque-
orota.

³⁸ Yeequina quehnoañequina pehe yãhare wacũ tutuaducueta. Sa ye yeequina yuhh mehna sa ijiducueta. Yeere cohãñequina pehere ihña yabiaja yuhh, niahye tiquiro ye yahuducuye tiquina ojoari pũpũ.

³⁹ Mari pehe Cohãcjũ yere cohãrina ijieraja mari. Sa yena pecapũ wahatina ijieraja mari. Cohãcjũre wacũ tutuaja mari. Sa yena tiquiro yãhdũorina ijiaja.

11

Wacũ tutuayere yahuahye

¹ Ohõ saha ijire wacũ tutu-
aye: Cohãcjũre wacũ tutuana, ma-
rine tiquiro quehnoano yeatire
quehnoano masiaja mari. Cohãcjũ
tiquiro nidiro sahata yeraniepegũta
tiquiro yahuyere "Ijirota ijire", ni
tãhotuaja mari tiquirore wacũ tutu-
ana. Tiquirore ihñedapenata, wacũ
tutuana, "Ijirota ijire", ni tãhotuaja
mari tiquiro yahuyere tãhona.

² Panopũ cjẽna Cohãcjũre tiquina
wacũ tutuagũ ihñano bucueahye
tiquiro pehe.

³ Cohãcjũ tiquiro yahuducuye
mehna ijipihtiyere bajumehnee
tiahye. Sa yero tiquiro mari ihñedari
mehna ijipihtiyere mari yojopũ
ihñañene bajumehnee tiahye. Tire
mari quehnoano masiaja Cohãcjũre
wacũ tutuana pũrita.

⁴ Cohãcjũre wacũ tutuaro Abe
pehe corderore wejẽ, ãjũa mão,
Cohãcjũre ño peo "Quehnoare",
niahye. Tiquiro wahmino Caĩ
yãhdũoro quehnoanore ohoro, ño
peoahye tiquiro Cohãcjũre. Sa yero
Cohãcjũ tiquiro ohorire bucueahye.
Sa bucuro "Quehnoariquiro ijire",
ni ihñahye tiquiro Abere. Sa
Cohãcjũre tiquiro wacũ tutuagũ
ihñana mari tiquirore ihña cũaja. Sa
yena tiquiro yariari bato ijiepegũta
tiquiro wacũ tutuarire ihña cũaja
mari.

⁵ Enoco Cohãcjũre tiquiro wacũ tu-
tuagũ ihñano bucueahye Cohãcjũ. Sa
bucuro tiquirore tiquiro cahapũ ne
mãoahye. Sata nine Cohãcjũ yere
tiquina ojoari pũpũ. Tiquiro ne mãori
bato masa tiquirore ne bocaerahye.
Tiquiro ne mãonohriquiri ijiro ne
yarierahye.

⁶ Cohãcjũre wacũ tutuerana
tiquirore bucuegũ ye masiedaja
mari. Cohãcjũre wacũ tutuerana,
tiquirore ño peo masiedaja mari.
"Potota tiquiro Cohãcjũ warota ijire.
Sa yero tiquirore mari ño peogũ
marine quehnoano yere tiquiro",
mari ni tãhotuerana mari tiquirore
sini masiedaja.

7 Noé Cohãcjüre wacũ tutuaro, tiquirore Cohãcjũ yahurire quehnoano yãhtiahye. Camerũ tiquina ñano wahatore tiquiro yahugũ tãhoro quehnoano yãhtiahye tiquiro. Sa yãhtiro, pajiria yucũsare yeahye. Sa yeye tia yucũsa mehna tiquiro acaye mehna dia minimore yãhdũahye. Sa wacũ tutuariquiro ijero ahri yehpa cjẽna ñãñequina tiquina wacũ tutuerarire tiquina pecarũ wahato gãhũre ihñono niahye. Sa yero tiquiro wacũ tutuagũ ihñano “Quehnoariquiro ijire”, ni ihñahye Cohãcjũ tiquirore.

8 Abrahã gãhũ Cohãcjüre wacũ tutuaro tiquirore yãhtiahye. Ape dihtapũre tiquirore ohoati dihtapũre Cohãcjũ waha dutigũ tãhoro Abrahã yãhtiahye. Tiquiro ya dihtapũ ijiriquiro wijiaa waharo, tiquiro masiedi dihtapũ esahye.

9 “Ahri dihtare mũhũre ohoutja”, Cohãcjũ nigũ tãhoro tiquirore wacũ tutuaro ti dihtapũta tojoahye tiquiro. Topũ ijero ape dihta cjãno ijieperota topũta tojoa cãhye. Tiquirore, tiquiro macũno Isaac gãhũre, tiquiro panamino Jacob gãhũre tiquinare “Ahri dihtare mũsare ohoutja”, ni Cohãcjũ yahue tiahye tiquinape. Tiquina tãhoe tiahye. Sa yeye tiquina ti dihtapũ ijieye, wahiquina cahseri wãhũsepũ ijie tiahye mũnano ijieyequina ijieye.

10 Topũ ijinie tiahye Abrahã Cohãcjũ mehna tiquiro ijiatore cohtero. Ape macarũ Cohãcjũ ijiri macarũ ãhmũsepũ tiquiro wahatore cohtero niahye. Ti macare dahreahye Cohãcjũ. Sa yero ti maca ne pihtisi.

11 Cohãcjüre wacũ tutuaro, bũcũro waro ijieperota, tiquiro namono Sara bũcũoro waro ticoro ijiepegũta, Abrahã pohna tiahye. “Tiquiro nidiro sahata yerota”, Cohãcjüre nino sa pohna tiahye.

12 Sa yero Abrahã bũcũro waro ijieperota pohna tiahye. Sa yeye tiquiro panamena iji turiayequinapũ

peyequina waha cãhye. Ñãhpicoha parire, padũ pjeri gãhũre mari queona ihcãno sahaeraro sahata tiquiro panamena iji turiayequina gãhũre queona ihcãno sahaeraja mari.

13 Ijipihtiyequina ahriquina yãhũ yahuriquina Cohãcjüre wacũ tutua tuhasayequinapũ yariahye. Cohãcjũ tiquinare “Mũsare ohõ saha yeitja”, tiquiro ni cũrirore eserapeta yariaa wahahye. Tire ñehedapeta Cohãcjũ tiquiro nidiro sahata camerũ tiquina cãotire masiahye. Sa masiñe bucueahye. Sa yeye ohõ saha niahye tiquina: “Ahri yehpapũ tinina ijiaja. Ape yehpa cjãna ijiaja”, niahye tiquina.

14 Sa niñequina ape yehpare tiquina ya yehpa ijiatore cohteye nine. Tire mari quehnoano masiaja.

15 “Ape yehpa cjẽna ijire”, nigũ panopũ tiquina cohãri yehpare nigũ niedaja. Ape yehpapũ tiquina iji mũhtari yehpapũ waha dua, wahaa wahaboya.

16 Quehnoa yãhdũari yehpa pehere cahmeñe niahye. Ti yehpa ãhmũsepũ ijire. Tiquina sa cahmegũ ihñano “Cohãcjũ ãsã pũhtoro ijire”, tiquina nigũ tãhoro bũe tisi Cohãcjũ. Tiquina ya maca ijiatore dahre basa tuhasahye tiquiro.

17-18 Cohãcjũ Abrahãre tiquiro macũnore Isaare wejẽ ãjũa mũo dutiahye. Tiquirore ihña duaro sa dutiahye, “¿Ijirota yãhũre wacũ tutuajari?” nino. Cohãcjüre wacũ tutuaro tiquiro nidiro sahata yemahye Abrahã. “Mũhũ macũ Isaac mehna panamena iji turiayequinare peyequinare cãogũta mũhũ”, Cohãcjũ tiquiro nidiquiro ijiepegũta tiquiro macũnore wejẽno taro nimahye Cohãcjüre ño peoro taro.

19 “Yãhũ macũ Isaare yãhũ wejẽgũ Cohãcjũ tiquirore masonota”, ni tãhoturo, tiquirore wejẽno taro nimahye. Sa nidiquiro ijieperota Cohãcjũ tiquirore cahmota, wejẽ dutierahye. Tiquiro pacũro tiquiro sa wejẽboriquiro ijero yaria masariquiro

yero saha ijiahye Isaac, Abrahã ihñagũ. Sa yero Abrahã tiquirore catiriquirore pari turi c̃uoahye.

²⁰ Isaac Cohãcjũre wacũ tutuaro, tiquiro pohnene Jacore, Esaú gãhũre “Camepũ Cohãcjũ m̃sare pajiro quehnoano yerota”, niahye.

²¹ Cohãcjũre wacũ tutuaro Jacob tiquiro yariato panogã José pohnene, ɯm̃ũare “Cohãcjũ m̃sare pajiro quehnoano yerota”, niahye Jacob. D̃usepe curi mehna quehe sa, tiquiro tuadũ mehna tua ñehe cuña, Cohãcjũre ño peoro “Cohãcjũ m̃sare quehnoano yerota”, ni cũahye.

²² Cohãcjũre wacũ tutuaro José tiquiro yariato panogã Israe masa Egiptopũ ijiyequina tiquina wiji-atire yahuyuahye. Sa tiquina wiji-atire masiyuro tiquiro yariari bato tiquiro pagũre nea dutiahye tiquiro pohnene.

²³ Cohãcjũre wacũ tutuaye, Moisegãre ihtia asũ waro ñuo c̃uoahye tiquiro pac̃ũsum̃ũa, tiquiro masa bajuari bato. Quehnoariquirogã tiquiro ijigũ ihñañe tiquirogãre ñuoahye. Ti yehpa cjẽna p̃ũhtoro tiquina pohnene tiquiro wejẽ duti-rore ỹhd̃ũd̃ũca cãhye tiquina. Tiquirore cuerahye.

²⁴ Moiserere masoricoro Egipto yehpa cjẽna p̃ũhtoro macono ijiahye. Sa ticoro masonohriquiro ijiro, Cohãcjũre wacũ tutuaro “Ticoro mac̃no ijire”, ni pisugũ cahmedahye Moise.

²⁵ Cohãcjũre ỹhd̃ũd̃ũcariquiro ijiro tiquirore masoricoro cahapũ meheñe decorigã quehnoano ijiboya. Sa ijiboriquiro ijieperota ti ỹhd̃ũoro tiquiro Cohãcjũ yequina mehna ñano ỹhd̃ũ duahye.

²⁶ Sa ñano ỹhd̃ũoro Cristore tiquina b̃j̃ũpeato sahata tiquina b̃j̃ũperiquiro ijiahye. Camepũ tiquiro quehnoano yeri wapa Cohãcjũ tiquirore tiquiro quehnoano yeatire masino ñano ỹhd̃ũ duahye, Cristo tiquiro ñano ỹhd̃ũato sahata. Ijipihtiyequina Egipto cjẽna quehnoañene tiquina c̃ũoro

ỹhd̃ũoro tiquiro Cohãcjũ pehere tutuaro cahmeahye. Ñano ỹhd̃ũeperota, Cohãcjũre cahmeahye.

²⁷ Cohãcjũre wacũ tutuaro, Egipto cjẽna p̃ũhtoro tiquiro mehna usuagũ cuerahye. Sa cueraro ti yehpapũ ijiriquiro ti yehpare cohã cãa wahahye. Sa yero Cohãcjũre bajueriquirore tiquiro ihñaboriro saha cuerariquiro ijiahye. Cohãcjũ tiquirore ye dutirire ne cohãedahye Moise.

²⁸ Cohãcjũre wacũ tutuaro Moise Israe masare Cohãcjũ ỹhd̃ũoatire masiahye. Sa masino Cohãcjũ duti-rore sahata Israe masa tiquina sopecaharire ohõñe p̃j̃ĩnine dii mehna wejẽ site dutiahye tiquiro. Tiquina sa yegũ ihñano angel masare wejẽdiquiro tiquina wahmis̃ũm̃ũare wejẽboriquiro Israe masa pohne wahmis̃ũm̃ũare wejẽdahye.

²⁹ Cohãcjũre wacũ tutuaye, Israe masa “Sohãri ma”, tiquina nidi mapũ aco watoa ijiri mahapũ aco marieni mahapũ pehãa wahahye. Tiquina sa pehãgũ ihñañe Egipto cjẽna gãhũ tiquinare ihña cũ, ñũnũ tã pehãmehe, mini yariaa wahahye.

³⁰ Cohãcjũre wacũ tutuaye, Israe masa Jericó wame tiri maca cjã sahr̃ño pajiri sahr̃ño behero pehe majare sotoahye. Siete decori waro ti macare majare sotoa tiniahye. Tope decori tiquina majare sotoa tinidi bato ti sahr̃ño sehte bora dijia pihtia wahahye.

³¹ Cohãcjũre wacũ tutuaro ɯm̃ũa mehna ñano yeducumedicoro Rahab wame tiricoro, ti maca cjõno Israe masare yedohoahye. Ti macare tiquina cohãto pano meheñequinagã Israe masa topũ sajã tiquina duhti ihñagũ, ticoro tiquinare yedohoahye. Ticoro sa yedohogũ ihñañe Israe masa wejẽdahye ticorore. Sa yeye ti maca cjẽnare Cohãcjũre ỹhd̃ũd̃ũcayequinare wejẽpeta ticoro pehere wejẽdahye.

³² Apequinare Cohãcjũre wacũ tutuayequinare yahu nemoboa ỹhũ.

Sa yahu duepeguta peyequinare sa Cohãcjãre wacũ tutuayequinare yahu ojoa peho masiedaga yãhũ. Peyequina ijire tiquina. Gedeõ, Barac, Sansõ, Jefté, Davi, Samuel, Cohãcjũ yere yahu mãhtariquina gãhũ ahriquina ijipihtiyequina yãhũ yahuboriquina ijire.

³³ Cohãcjãre wacũ tutuayequina ihquẽquina apeye yehparipũ ijiye macari cjẽnare cahme wejẽ yãhdũdũcahyepeahye. Sa yeye apequina quehnoano dutiyequina ijiahye. Cohãcjũ tiquinare “Mũsare yedohoutja”, tiquiõro ni diro sahata tiquinare yedohoahye. Tiquiõrore tiquina wacũ tutuagũ ihñano sa tiquinare yedohoahye. Sa wacũ tutuaye, yayia tiquinare ihya duagũ tiquina dũserire bihagũ yeahye tiquina.

³⁴ Tutuaro ãjãri pecapũ ijiepetã ãjũedahye tiquina Cohãcjãre wacũ tutuaye. Apequina tiquinare ñose wejẽ duagũ duhti cãa wahahye Cohãcjãre wacũ tutuaye. Tutueyequina ijiepetã Cohãcjãre wacũ tutuaye tutuayequina wahahye. Cohãcjãre wacũ tutuayequina ijiye, cahme wejẽne tutuayequina ijiahye. Sa ye apeye yehpari cjẽna surara tiquinare wejẽne ahtayequina ne ihcãno sahaerahye tiquinare.

³⁵ Ihquẽquina numia Cohãcjãre wacũ tutuagũ ihñano tiquina acaye yariagũ ihñano Cohãcjũ pehe tiquinare maso basahye.

Apequina “Cohãcjãre cahmedacãhña”, tiquina ni peresu yenohriquina ijiepetã Cohãcjãre duhu dũerahye. “Cohãcjãre mãsa duhugũ mãsare wionata”, nimahye tiquinare peresupũ yenohriquina Cohãcjũ yequinare. Tiquina sa niepegũta tiquinare yãhtierahye, Cohãcjũ cahapũ tutuaro waha duaye. Sa yeye tiquinare ña yãhdũaro tiquina yepegũ yariaa wahahye.

³⁶ Apequinare Cohãcjãre wacũ tutuayequinare ñano ni bũjape tiquinare tana mãjãe tiahye. Sa yeye apequinare dahpocãrine, omocarine dũhte cãa, peresu yeahye.

³⁷ Cohãcjãre wacũ tutuayequinare ñañequina utã mehna doque wejẽahye. Apequinare tiquina pagũrire seroti mehna yahre sure mãjahye. Apequinare ñoseñe pjĩni mehna ñose wejẽahye tiquina. Sa yeye tiquina sa ñano yepenohñequina oveja cahseri mehna, cabra cahseri mehna suhti tiyequina pejecũoyequina ijiahye. Sa ye apequina tiquinare ñano

³⁸ Tiquina quehnoa yãhdũayequina ijigũ ahri yehpa cjẽna ñañequina tiquina mehna ijiboriquina ijierare. Ahriquina Cohãcjãre wacũ tutuayequina wãhũse marieñequina ijiye, masa marienopũ, cãhũ cjũpũ iji soto tae tiahye. Sa iji soto tae, cãhũpũ ijiye coperipũ, yehparũ ijiye coperipũ gãhũre carĩ soto tae tiahye.

³⁹ Ahriquina ijipihtiyequina Cohãcjãre tiquina wacũ tutuagũ ihñano bucueahye tiquiõro. Tiquina sa wacũ tutuepegũta Cohãcjũ tiquinare “Mũsare yãhdũoutja”, tiquiõro ni diro eseraniahye.

⁴⁰ Tiquiõro yãhdũoeranidire yahuro ohõ saha ni tãhotuahye Cohãcjũ. “Ahriquina yeequina camepũre ijiatiquina mehna ihcãno saha ihcã curuapũta yãhdũoutja”, ni tãhotuahye. Sa ni tãhoturo tiquiõro ni diro sahata yerota. Tiquiõro sa yegũ quehnoa yãhdũare panopũ tiquiõro yeriro yãhdũoro.

12

Jesure sa wacũducũhna mari

¹ Sa yena ahriquina yãhũ yahuriquinare peyequina Cohãcjãre wacũ tutuayequinare ñañene yeeyequinare masina, ijipihtiye ñañe yeyere duhu cãũhna mari gãhũ. Ohõ saha ijire mari queoye mehna buhegũ: Omaperiquiõro oma tutuagũ cahmotaye ijire apeye. Tiquiõro dahpo suhti nãcũne suhti tiquiõrore oma tutueragũ yeboaga. Ti yero saha Cohãcjũ cahmeñene mari ye duagũ cahmotaye gãhũ ijire. Ti gãhũre duhuuhna mari. Sa yena omapeyequina tiquina oma tutuaro

saha mari gũhũ tutuaro Cohãcjũ cahmeno saha yeihna.

² Sa yena Jesure sa wacũducuhna mari. Tiquirota ijire marine wacũ tutua ducagũ yeriquiro. Sa yero marine wacũ tutua nemogũ gũhũre yere tiquiro. Curusapũ yariaro wacũ tutuahye. Came tiquiro bucuateore masino curusapũ yariahye. Sa yariaro bue tiboriquiro ijieperota bue tierahye tiquiro. Sa yero yojopure Cohãcjũ tiquiro pũhtoro dujiro poto pehe dujitjiãno tiquiro dutiriquiro ijire.

³ Ñañequina masa tiquirore tiquina ña yũhdũaro yegũ ihcãno sahahe tiquiro. Tire wacũña mũa, mũa gũhũ ñano yũhdũna, “Ihcãno sahaer- aboa”, nina. Tire wacũña mũa “Tiquirore wacũ tutua duhuari”, nina.

⁴ Ñano yũhdũepenata ñañene yerare mũa. Sa ñano yũhdũepenata ña yũhdũaro waro yũhdũeraniaga mũa. Ñañequina mũsare wejẽdarĩaga.

⁵ ¿Cohãcjũ mũsare tiquiro pohñare tiquiro yahurire bo cjãri mũa? Mũa ñano yũhdũatire tiquiro yahurire wacũña mũa. Ohõ saha niahye tiquiro:

Yũhũ macũ, mũhare yũhũ yahugũ usueracãhña ñano yũhdũepẽgũta. Mũhare yũhũ tuhtigũ tũhogũ bujũa witiẽracãhña.

⁶ Ijipihtiyequina yũhũ cahĩnequinare yahuaja. Sa yegũ ijipihtiyequina “Yũhũ pohña ijire mũa”, yũhũ ni ihñañequinare yũhdũdũca dutieraja. Sa yegũ tiquina yũhdũducagũ ihñagũ tiquinare buhiri dahreaaja, niahye Cohãcjũ.

⁷ Ñano yũhdũna Cohãcjũ yere duhueracãhña. Cohãcjũ mũsare tiquiro pohñare buhiri dahrero nine. Tiquina pacũsumũa tiquina pohñene sa yahuducure. Sa yeye tiquinare buhiri dahreducure. Sata yere Cohãcjũ gũhũ marine tiquiro pohñare.

⁸ Ijipihtiyequina tiquiro pohñene yahure Cohãcjũ. Cohãcjũ mũsare

yahueragũ tiquiro pohña waro ijierare mũa. Pacũsumũa marieñequina yero saha ijire mũa tiquiro yahumehñena ijina. Sa ijina “Uã pacũ waro ijire”, ni masiedare mũa Cohãcjũre, mũsare tiquiro yahueragũ.

⁹ Mari pacũsumũa marine tiquina yahugũ tũhona tiquinare ño peoja mari. Mari pacũsumũare mari ño peoro yũhdũoro ño peoro cahmene mari Pacũre Cohãcjũre tiquiro yahugũ. Sa yena tiquirore yũhtiro cahmene marine. Sa yũhtina ijina ijipihtiye decori tiquiro mehna ijina.

¹⁰ Meheñe decorigã ahri yehpapũ mari ijinigũ mari pacũsumũa marine yahuye, buhiri dahrere. Tiquina esa tuharo tiquina masino punota marine yahuye, buhiri dahrere. Cohãcjũ pehe marine quehnoano yahure. Sa yero tiquiro masiñe mehna marine buhiri dahrere, marine quehnoana bucũa dutiro. Sata yere marine tiquiro yero saha quehnoana marine iji dutiro.

¹¹ Marine tiquiro buhiri dahregũ bucueraja mari. Mari ihyo bujũa witi- aja. Sa bujũa witiẽpenata tiquiro sa buhiri dahreri bato quehnoana wahanata mari. Sa yena ñañene yero marieno quehnoano ijinata.

Cohãcjũ marine tiquiro dutiyere mari yũhtieragũ cuarĩne marine

¹² Sa yena wacũ tutuera cjũna ijiepenata Cohãcjũre wacũ tutuana ijiya. Tiquirore duhueracãhña.

¹³ Quehnoano potori mahare mũa waharo saha quehnoano poto yeya mũa. Mũa sa yegũ ihñã cũñe apequina Jesu yequina ñañene yesi. Mũa quehnoano yegũ ihñã cũñe quehnoano wacũ tutuera cjũnequina gũhũ wacũ tutuayequina wahaeta.

¹⁴ Ijipihtiyequina masa mehna quehnoano ijiya, cahmequeno marieno. Sa yena ñano yeracãhña. Ñañe marieñequina dihita mari pũhtoro Cristore ihñãeta.

¹⁵ Quehnoano yeya m̄sa. Cohācjū m̄sare tiquiro yedohogū quehnoano yuhtiya. Ñañe taa diaye tiquina oteyere ti dojomehnenno saha m̄sa gūh̄u Cristo yere duhueracāhña, “Apequinare dojomehnenari”, nina.

¹⁶ Ne w̄hana tieracāhña. Sa yena Cohācjū yere cahmeena ijieracāhña. Cohācjūre cahmeediquiro ijiahye Esaú. Tiquiro wahmino ijimahye. Sa yero tiquiro pac̄uro yariari bato tiquiro pac̄uro yere c̄uotiquiro ijimahye. Cohācjū tiquiro pac̄urore tiquiro ni cūri gūhare c̄uotiquiro ijimahye. Sa yero ihcā deco ihcā pa ihyaye pose tiri pare cahmeno, ti pa mehna tiquiro bah̄uro pehere tiquiro wahmino wahagū yero taro comesahye.

¹⁷ Tiquiro sa yeri bato tiquiro d̄ahse waharire masine m̄sa. Tiquiro pac̄uro tiquirore ohoatire tutuaro cahmemahye Esaú. Tiquiro sa cahmepegūta tiquiro bah̄urore wahmino wahagū yeri buhiri, came tiquiro c̄uoborire ohoerahye tiquiro pac̄uro. Tire utiye mehna tiquiro siniepegūta tiquirore ohoerahye.

¹⁸ Cohācjū dutiyere Moiserere tiquiro cūgū mari acaye Israe masa m̄na Cohācjū mehna ijie tiahye. Tiquina tiquiro mehna ijiriro saha m̄sa pehe ijierare. Ohō saha yeahye tiquina pehe. C̄un̄p̄u Cohācjū mehna ijiye taye, esahye. Ti c̄un̄u pehe Sinaí wame tid̄u ijiahye. Ti c̄un̄re dahra tuhu masiahye masa. Ti c̄un̄p̄u tiquina esagū tutuaro peca ūjūahye. Sa yero nahitiano, bueri, tutuaro wi-hnono mehna ijiahye ti c̄un̄p̄ure.

¹⁹⁻²⁰ Ti c̄un̄p̄u tiquina esagū corneta bisiro ca tahye. Sa yero yahuducuye bisiro ca tahye. Ti sa yahuducuye bisigū t̄uhoye, masa ihcāno sahaerahye. Cohācjū cuaro mehna ohō saha ni, dutiahye tiquinare: “Ijipihtiyequina ahd̄u c̄un̄re dahra tuhuyequinare utā mehna doque wejēña tiquinare. Ahd̄ure dahra tuhuriquiro wahiquiro waro tiquiro ijiepegūta tiquiro gūhare utā mehna

doque wejēña tiquirore. O ñosen̄u mehna ñose wejēña tiquirore”, ni-ahye Cohācjū. Tiquiro sa nigū t̄uhoye ihcāno sahaerahye tiquina.

²¹ Sa yero ijipihtiye t̄u c̄un̄p̄u ijiro tiquiro ihñarire ihña cuero, ohō saha niahye Moise: “Cueḡu nanareḡu ni-aja”, niahye tiquiro.

²² Sa Cohācjū mehna tiquina iji d̄ucariro sahata ijierare m̄sa pehe. Cohācjū mehna ijina wahana, Siō wame tid̄up̄u ūhm̄use cjād̄up̄u m̄sa esaboro saha potota Cohācjū mehna yahuducure m̄sa. Cohācjū catiriquiro ya macap̄u m̄sa esaboro saha potota tiquiro mehna yahuducure m̄sa. Ti maca ape maca wahma maca Jerusalē ūhm̄use cjā maca ijire. Top̄ure peyequina angele pari ijire.

²³ Tiquina Cohācjū mehna bucueye tehe cahmecoañequina ijire. Sa yena m̄sa pehe tiquiro ya maca cjāna ijina, top̄u Cohācjū pohne iji m̄htañequina mehna m̄sa cahmecoaboriro saha ijire. Tiquina tiquiro pohne wamene tiquiro ojoa ohōri t̄jup̄u ūhm̄usep̄u tiquina wamene tiquiro ojoa ohōnohriquina ijire tiquiro pohne. Tiquiro pehe mari Pac̄u pehe ijipihtiyequinare beseatiquiro ijire. Tiquiro mehna cjāna ijire m̄sa pehe. Sa yena tiquina quehnoañequina Cohācjū yequina mehna cahmecoano saha ijire m̄sa gūh̄u. Tiquinare iji m̄htariquinare ñañe marieñequina ye tuhasahye Cohācjū.

²⁴ Sa yena Jesu mehna cjāna ijire m̄sa pehe. Wahmanop̄u Moiserere tiquiro duti cūrire comesaro “M̄sare yūhd̄uoutja yūh̄u”, ni cūahye Cohācjū marine. Tiquiro sa ni cūriro sahata yeriquiro ijire Jesu. Tiquiro diire cohā, tiquiro yariari mehna marine sa yūhd̄ure. Abe m̄n̄ano tiquiro dii cohāgū ihñano Cohācjū Abere wejēdiquirore buhiri dahreahye. Jesu pehe tiquiro diire cohāgū, tiquiro yariari mehna quehnoano yūhd̄uaja mari. Sa yero Abe tiquiro dii cohāri ihyo warota ijiahye. Cristo pehe tiquiro dii cohāri bato quehnoa

yahduaro yeahye Cohācjū marine. Sa ye tiquiro dii cohāri ihyo warota ijierare.

²⁵ Sa yena quehnoano yeya mūsa. Cohācjū yere mūsare yahuriquiore quehnoano yūhtina ijiya. Panopū ahri yehpapū ijiriquiro Moise Cohācjū yere tiquiro yahugū tūhoye, peyequina tire tūho duer-ahye. Sa tiquina tūhoerari buhiri buhiri dahreahye Cohācjū tiquinare. Tiquina yahduoro buhiri dahrerota Cristore cohāñequinare. Cristo pehe ūhmūsepū ijiriquiro Cohācjū yere yahuriquiore ijire.

²⁶ Ti pjere Moiserē tiquiro dutiyere cūri pjere Cohācjū tiquiro yahuducuro mehna yehpa ñuhmigū yeahye. Yojopū pehere ohō saha ni yahuahye tiquiro: “Ihcā tahata ahri yehpa ñuhmigū ye nemoutja. Ahri yehpa dihitare ñuhmigū yesi yūhū. Ūhmūsepū gūhūre ñuhmigū yeitja”, ni yahuahye tiquiro.

²⁷ “Ahri yehpa ñuhmigū ihcā tahata ye nemoutja”, nino, ijipihiyere tiquiro bajumehnedire tiquiro cohātire masigū yero niahye. Cohācjū pūhtoro ijiropūre cohāno basioerare. Sa yero tiquiro bajumehnedire cohāgū tiquiro pūhtoro ijiro dihita tojoarota.

²⁸ Tiquiro pūhtoro ijiropū wahanata mari. Sa yena tiquiro pūhtoro ijirore tiquiro cohāedagū ihñana, Cohācjūre “Quehnoare”, niñna mari. Sa yena tiquirore ño peoye mehna, cua pesaro mehna tiquiro yere yehna mari tiquirore bucuēgū yena tana.

²⁹ Peca ūjāno cuaro saha Cohācjū gūhū cuaro mehna buhiri dahreriquiro ijire.

13

Ohō saha Cohācjūre bucuēgū yeya

¹ Mūsa mehna cjēnare cahī duhueracāhñā.

² Masa mūsa ihñā masieñequina tiquina ijiepegūta tiquinare mūsa wūhūsepū quehnoano mehna sajà ta dutiya. Apequina sa yeye,

masiedapeta angelere tiquina ye wūhūsepū sajà ta dutiahye. Sa yena tiquina yero saha yeya mūsa gūhū.

³ Peresupū ijiequinare paja ihñāñā. Mūsa pehe tiquina mehna peresupū ijina mūsa ijiboro saha tiquinare paja ihñāñā. Apequina tiquina ñano yenohriquina gūhūre paja ihñāñā. Tiquina yero saha mūsa gūhū ñano yahduoro saha tiquinare paja ihñāñā.

⁴ Omoca dūhterina ijipihitina mūsa basi quehnoano cahme ño peoya. Sa yena apequina mehna ñano yeracāhñā. Ijipihiyequina numia mehna ñano yeyequinare, ūmūa mehna ñano yeye numia gūhūre buhiri dahrerota Cohācjū.

⁵ Niñerure ne cahīedacāhñā. Ohō saha niahye Cohācjū: “Mūsare ne cohāsi yūhū. Mūsare sa yedohoducugutja”, niahye tiquiro. Sa yena noho puno mūsa cūoye mehna to punota bucuēya. Pajiro cahme nemoedacāhñā.

⁶ Sa yena cuero marieno ohō saha ni tūhotunata mari:

Mari pūhtoro Cohācjū marine yedohoriquiro ijire. Ne cuesi mari. Masa marine tiquina ñano yeatire cuesi mari, ni tūhotunata.

⁷ Cohācjū yere mūsare yahuriquinare mūsare dutiriquinare wacūñā mūsa. Sa yena quehnoano tiquina ijie tirire quehnoano tiquina yee tirire wacūñā. Sa wacūñā, Cristore tiquina wacū tutuariro saha yeya mūsa gūhū.

⁸ Jesucristo ne comesaerare. Panopū, yojopū gūhūre, camerū gūhūre tiquiro ijiriro sahata ijiducurota tiquiro.

⁹ Peye buheyere sijoro saha ijie buheyere tūhoeracāhñā mūsa “Quehnoañe buheyere ūsāpū cohāri”, nina. “Ahrire ihyaya. Ahrire ihyeracāhñā”, ni buhere ihquēquina. Sa tiquina ni buheyere mari yūhtigū ti marine yedohoerare. Sa yero sa ijie buheyere mari yegū ihyo warota ijire. Ti marine wacū tutuana ijigū yerare. Cohācjū pehe marine wacū

tutuana ijigũ yere. Sa yena tiquiro ye tutuaye mehna tiquirore wacũ tutuana ijiya m̄sa gũh̄.

10 Cristo mari ñañe buhirire yari-ahye mari ñañene cohãno taro. Pahia pehe ohõ saha niñequina ijire: “Wahiquina mari wejẽ ujã m̄o, mari ohoyequina mehna ȳhd̄nata”, niñequina ijire pahia. Sa niñequina tiquina ñañe yerire cohãnohriquina iji masiedare.

11 Mari judio masa mari pahia p̄h̄toro Cohãcjũ ijiri tucũ warop̄ diire ne sajãno wejẽ siteahye, masa tiquina ñañe yerire cose wero taro. Sa yero tiquiro wejẽdiquiro wahiquiro paḡre ti maca d̄ht̄ cahap̄ ujã cohã cãre.

12 Tiquiro yeriro saha Jesu gũh̄ maca d̄ht̄ cahap̄ yariahye, masa tiquina ñañene tiquiro dii cohãno mehna cose wero taro.

13 Maca d̄ht̄ cahap̄ tiquiro yariagũ ihñañe, tiquina ye buheyere tiquiro cohãgũ ihñañe judio masa p̄h̄toa tiquirore ihña tuhtiahye. Sa yena mari gũh̄ tiquiro mehna cjãna ijihna. Mari sa ijigũ ihñañe, masa mari gũh̄re ihña tuhtieta.

14 Ahri yehp̄ap̄ mari iji dojoati maca ne mariedare. Mari camep̄ ijiati macare cohtena niaja mari.

15 Sa yena Jesu yedohoro mehna mari Pac̄ mehna yahuducuaja mari. Sa yena tiquirore quehnoano sini-ihna. “M̄h̄h̄ usã Pac̄ quehnoaḡ, tutuaḡ ijire”, ni, ño peoducuuhna. “Jesu yequina ijiaja”, ni, sa niña mari Pac̄re. Mari sa nigũ tiquiro bu-cuerota.

16 M̄sa mehna cjẽnare quehnoano yeya. Sa yena tiquinare yedohoya. Tire boeracãhña. M̄sa sa quehnoano yena Cohãcjũre ño peona niaga m̄sa. Sa yena tiquirore bucuegũ yena ni-aga.

17 M̄sa p̄h̄toare quehnoano ȳhtiya. Tiquina dutiro sahata yeya. Cohãcjũ ihña ihbo, buhe dutiro cũre m̄sare tiquinare. Sa cũnohriquina ijiye m̄sare sa ihña ihboducuye nine “Cohãcjũre ȳhd̄d̄cari”, niñe.

Camep̄ m̄sare tiquina dutirire, tiquina yerire Cohãcjũre yahueta. Sa yena tiquinare quehnoano ȳhtiya m̄sa. M̄sa sa ȳhtigũ ihñañe bucueye mehna m̄sare yedohoeta tiquina. M̄sa ȳhtieragũ ihñañe tiquina b̄j̄a witieta. Sa ȳhtierana quehnoano ijisi m̄sa.

18 Usãre sini basaducuya Cohãcjũre. Decoripe quehnoañe dihitare ye du-aja usã. Sa yena “Ñañene yena niaja”, ni t̄hotueraja usã.

19 Ahri p̄ritare tutuaro sini basaya Cohãcjũre ȳh̄re: Sojaro mehna m̄sa cahap̄ ȳh̄ wahatire tiquirore sini basaya.

Ahri p̄re ojoariquiro quehnoa duti bato tiahye

20 Cohãcjũ mari p̄h̄toro Jesure yariariquirore masoahye. Marine quehnoano ijigũ yeriquiro ijire. Tiquiro “M̄sare ȳhd̄outja”, ni cũahye Cohãcjũ marine. Tiquiro sa ni cũrire yeriquiro marine ȳhd̄oriquiro Jesu pehe ijire. Mari ñañe buhirire yariahye tiquiro. Sa yero tutuariquiro ovejare ihña ih-boriquiro yero saha ijiro, marine tiquiro yequinare quehnoano ihña ihbore.

21 Sa yero Cohãcjũ tiquirore ma-soriquiro m̄sa gũh̄re yedohoahro ijipihtiye quehnoañene tiquiro cah-meñene m̄sa yeatire. Sa yero Je-sucristo yedohoro mehna Cohãcjũ cahmeno saha ijipihinare marine quehnoañe pehere comesagũ yeahro. Sa yena ijipihtiye decori Cristore ño peouhna. Sata yeihna.

22 Ȳh̄ acaye, ahrire tutuaro m̄sare dutiitja: Ahri p̄p̄ ȳh̄ yahurire quehnoano mehna t̄hoya m̄sa. Ahri m̄sare ȳh̄ ojoari p̄ pajiro ijierare. Sa yena ahrire quehnoano t̄hoya.

23 Ahri gũh̄re m̄sare yahutja: Mari acaȳrore Timoteore peresu ijiriquirore wioñohti. Sojaro mehna tiquiro wihigũ m̄sare ihñaḡ wa-haḡ tiquirore neaḡtja. Ȳh̄ mehna waharota.

²⁴ M_{usa} p_uhtoare, ijipih_tiyequina apequinare Coh_ãc_ã yequinare top_u ij_iyequinare quehnoa dutiaja. Italia c_ãena Jesu yequina g_ãh_u m_usare quehnoa dutire.

²⁵ Ijipih_tinare m_usare Coh_ãc_ã mehna quehnoa dutiaja.

Santiago

Santiago Israe masare macari wahariquinare ojoa ohoahye

¹ Yuhũ, Santiago ahri pũrũ musare quehnoa duti ojoa ohogũ niaja. Mari Pacũ, mari puhtoro Jesucristo gũhũ cahacjũta ijiaja yuhũ. Sa yegũ Israe masa ye cururi cjãnare doce cururi cjãnare Jesu yequinare macari waharinare yuhũ acaye musare ojoa ohogũ niaja.

Cohãcjũ pehe quehnoano masigũ yere

² Yuhũ acaye, peye ijietã musã ñano yuhũati. Sa ñano yuhũepenata quehnoano bucueye mehna tũhotuya.

³ Sa ñano yuhũna, potota Jesure musã wacũ tutuarire ihũona ninata musã. Sa yena ñano yuhũepenata Jesure musã quehnoano wacũ tutuana ijina, tiqũirore wacũ tutuã nemonã wahanata. Sa wahanã musã ñano yuhũyere ihcãno sahanata.

⁴ Sa yena duhuro marieno sa ihcãno sahana ijiducuya musã quehnoano tũho masina musã ijiatire.

⁵ Musã masiatĩ dũhsagũ tũhotuna Cohãcjũre siniña. Tĩqũiro dũhsaro marieno ijipihitiyequinare ohore. Sa ohoro tiqũirore siniñequinare sijoro saha nino marieno ohore tiqũiro. Tĩqũiro sa ijirĩqũiro ijigũ masina, musã masiatĩ dũhsagũ tũhotuna, tiqũirore siniña. Musã sa sinigũ musare masi nemogũ yerota tiqũiro.

⁶ Sa sinina Cohãcjũre quehnoano wacũ tutuatjĩãna siniña musã. “Usã sinigũ Cohãcjũ ohoeraboaga usãre,” ni tũhotueracãhña. Sa ni tũhotuyequina pajiri ma cjẽ pahcõri yero saha ijire. Pahcõri ti usũro comesaro saha tiqũina gũhũ tiqũina wacũñepure usũro comesare. Ihcãno saha yerare tiqũina. Sa ye Cohãcjũre wacũ tũtuerare.

⁷ Sa ni tũhotuyequinare tiqũina siniepegũta ne mehenogã tiqũina

siniñene tiquinare ohosi mari puhtoro, Cohãcjũ.

⁸ Miare ahrire cahmediquiro ijieperota ñamiare sijoro saha tũhoture tja. Sa yeriquiro queoro yerare.

⁹ Jesu yequinare ihyo ijieyequinare Cohãcjũ pehe puhtoa sõnota. Sa ijia-tiqũina ijieye bucueahro tiqũina.

¹⁰ Sa ye Jesu yequina doeri cjẽ opanã ijieye tiqũina ye doeri cjẽ pihtiatire masiñe bucueahro. Ti doeri cjẽ ihyo warota ijire, Cohãcjũ ihñagũ. Cohori ti duitã ahbã bora dijiaã waharo saha ti doeri cjẽ pihtia waharota. Sa ijieye tiqũina gũhũ bucueahro.

¹¹ Asũ mũjã taro tiqũiro tutuaro asigũ taa pehe ñaia wahare. Sa ye cohorĩ gũhũ ñaia bora dijiaã waha, quehnoañe cohorĩ ti ijieye pihtia wahare. Sata waharota doeri cjẽ opanare doeri cjẽne tiqũina ne cahmecoano watoã. Tiqũina, ti doeri cjẽ mehnata butia wahaeta.

Ñano ye dutiyere yerariquiro bucueriquiro ijire

¹² Ñano yuhũriqũiro ihcãno saharo, ñano ye dutiyere yeraro bucueriquiro ijirota. Tĩqũiro sa ihcãno sahaagũ, tiqũiro ñañene yeragũ ijipihitiye decorĩ uhmũsepũ ijiducugũ yerota Cohãcjũ tiqũirore. “Sa uhmũsepũ ijiducugũ yeitja”, ni cũahye Cohãcjũ ijipihitiyequina tiqũirore cahñequinare.

¹³ Musare apequina ñano ye dutigũ “Cohãcjũ yuhũre ñano ye dutiro nine,” ni tũhotueracãhña. Ñano yeyere tũhoturiqũiro ijierare Cohãcjũ. Sa yero tiqũiro pehe masare ñano ye dutiriquiro ijierare.

¹⁴ Masa ñañene tiqũina tutuaro cahmeñeta tita tiquinare ñano yegũ yere.

¹⁵ Sa ye ñañene tutuaro cahmene masa. Sa ye ti pehere tũhoture. Sa tũhotuye, ti ñañene yeducure tiqũina. Tiqũina sa yeducuri buhiri Cohãcjũ tiquinare pecapũ cohãnota.

¹⁶ Sa yena yuhũ acaye yuhũ cahña, “Cohãcjũ yuhũre dutigũ ñano yei,” ni tũhotueracãhña. Poto ijierare ti.

17 Mari Pacu uhmuse cjāno marine quehnoañe dihitare ohore. Tiquiro pūrta asū deco cjānore, ñami cjānore, ñahpicoha paca gūhare bajumehnediquiro ijiro, tiquiro pehe tiquiro ijiriro sahata sa ijiducu cāre.

18 Tiquiro cahmediro sahata quehnoañe buheye mehna marine tiquiro pohna wahagū yeri. Sa yeri tiquiro, tiquiro pohna iji mātana marine iji dutiro.

Potota Cohācjüre ño peoye ohō saha ijire

19 Yūhu cahña, yūhu acaye, ahrire quehnoano tūhoya mūsa. Cohācjū yere quehnoano tūhoya mūsa. Sa tūhona, tūhoturo marieno yahuducueracāhña. Sa yena usueracāhña.

20 Ihcāquiro usuariquiro ijigū tiquiro yerire bucuere Cohācjū.

21 Sa yena ijipihtiye mūsa ñañe yeyere, mūsa ñañene tutuaro cahmedire duhuya mūsa. Sa yena Cohācjüre quehnoano yūhtina ijina tiquiro buheyere tūho, cahmeña mūsa. Tiquiro ye buheyere mūsa tūho cahmegū Cohācjū pehe mūsare pecarū wahaborinare yūhdūorota.

22 Tiquiro yere tūhoepenata yūhtierana ni mehoñene tūhotuna nine mūsa. “Yūhtieragū quehnoanota,” ni tūhotuna ni mehoñene tūhotuna nine mūsa. Sa yena tiquiro yere tūhona ti pehere yeya.

23 Cohācjū yere tūhoepenata, yūhtierana, tiquiro wūdoare eōno mehna ihñariquiro yero saha ijire mūsa.

24 Tiquiro wūdoare tiquiro ihñari bato waha, tiquiro ihñarire boaa wahare.

25 Sa yero apequiro pehe tiquiro ihñarire boero saha Cristo ye dutirire tūhoro tire yero, bucueriquiro ijirota. Ti dutiye Cristo cahñe mehna masare tiquiro yūhdūoati buheye ijire. Ti buheyere ne cohāediquiro bucueriquiro ijirota. Tiquiro pūrta tiquiro tūhorire yeriquiro ijire. Sa yeriquirore quehnoano yerota Cohācjū.

26 Ihcāquiro sa ni maca cāriquiro ijiro, potota Cohācjüre ño peoerare. “Cohācjüre quehnoano ño peoaja,” ni tūhoturiquiro ijieperota ni mehoñene tūhoture tiquiro. “Cohācjüre ño peoaja,” nidiquiro ijiepegūta tiquiro ño peoye ne dūhseati ijierare.

27 Ijirota Cohācjüre mari Pacure mari ño peona, tiquiro cahmeno saha ño peona, ohō saha yeaja mari: Pacusumua marieñequinare, wape wiha numia gūhare tiquina ñano yūhdugū ihñana, tiquinare yedohoaja mari. Sa yena ahri yehpa cjēna ñañene tiquina yerire ne ye dueraja mari. Sa yena potota Cohācjüre ño peonata ijiaja mari.

2

Masare ihcāno saha quehnoano yero cahmene marine

1 Yūhu acaye, quehnoa yūhdūariquirore Jesucristore mari pūhtorore tūhona, tiquirore wacū tutuana ijire mūsa. Sa wacū tutuana masare ihcāno saha quehnoano yero cahmene mūsare.

2-3 Sa ye uru behtorire, omoca sañañe behtorire cūoriquiro, wapa būjaye suhtire sañariquiro mūsa Jesu yequina cahmecoano caharū tiquiro ahtagū ihñana tiquirore quehnoano mehna piti caboaga. “Ohōpū dujiro ijire,” niboaga mūsa tiquirore. Sa niepenata ti pjeta pejecūoriquiro gūhu ñano suhti tiriquiro mūsa caharū tiquiro ahtagū ihñana tiquiro pehere quehnoano piti caeraboaga. “Ohōpū ducuya. O yehparū dujiya,” niboaga mūsa tiquirore.

4 Mūsa sa yena masare ihcāno saha yena niedaga mūsa. Sa yena ñañene tūhotuyequina masare beseyequina yero saha ijina niaga mūsa. “Ahriquiro pehe quehnoariquiro ijire. Ahriquiro ñariquiro ijire,” ni besemene mūsa.

5 Yūhu acaye, yūhu cahña, yūhare tūhoya. Peyequina pejecūoyequina pehere Cohācjū beseahye. Tiquirore quehnoano wacū tutuatiquinare, tiquiro pūhtoro ijiropare ijia-tiquinare beseahye tiquinare.

“Topure wahanata m̄sa,” ni cūahye Cohācjū tiquirore cahñequinare.

⁶ Tiquinare tiquiro sa besepegūta m̄sa pehe pejecuoyequinare quehnoano ño peoerare. Doeri cjē opana pehe m̄sare ñano yere. Sa ye tiquina masare beseriquiro cahap̄u m̄sare neare m̄sare yahusāne tehe.

⁷ M̄sa pehe “Cristo yequina,” masa tiquina ninohna ijire. Peyequina doeri cjē opana pehe Cristore ñano ni yahuducuyequina ijire. Sa ye pejecuoyequinare m̄sa ño peoriro yuhduoro doeri cjē opanare m̄sa ño peogū ñarñe.

⁸ Cohācjū dutiye mehna cjā dutirore apeye dutiye bui cjūnogā ijiri dutirore ohō saha ni ojoahye: “M̄hu basi m̄hu cahño saha m̄hu cahap̄u ijiyequina gūhure cahña,” nine Cohācjū dutiro. Ahri dutirore yena, quehnoañene yere m̄sa.

⁹ Masare ihcāno saha yerana ñano yena nine m̄sa. Sa yena Cohācjū dutiyere yuhduhcana ijire m̄sa. Sata nine Cohācjū yere tiquina ojoari p̄pu.

¹⁰ Cohācjū dutiyere yena ijiepenata ihcāno dutirogāre m̄sa yeragū apeye dutiyere m̄sa yepegūta dūhseati ijierare. Sa yena ñañe buhiri tina ijinine m̄sa.

¹¹ “Apequiro namono mehna ñano yeracāhña,” ni, m̄sare dutiriquiro Cohācjūta ijire. “Masare wejēdacāhña,” nidiquiro tiquirota ijire Cohācjū. Apequiro namono mehna ñano yerapenata masunore wejēna Cohācjū dutiyere yuhduhcana ijire m̄sa.

¹² Cristo marine tutuaro cahño, marine dutire marine yuhduoro taro. Tiquiro dutiyere mari yerire, mari yerari gūhure ihñano marine besero ahtarota. Tiquiro sa besenohanaja ijina tiquiro dutiyere quehnoano yehna. Sa yena tiquiro cahmeno sahata yahuducuuhna mari.

¹³ Yojopure mari apequinare paja ihñedagū Cohācjū pehe masare tiquiro beseri pje ijigū marine paja ihñasi. Sa yena apequinare mari

paja ihñagū Cohācjū pehe marine paja ihñano, marine buhiri dahresi.

Cristore wacū tutuayequina pehe quehnoañene yere

¹⁴ Yuhū acaye, tuhoya m̄sa. “Cristore wacū tutuaja yuhū,” ihcāquiro tiquiro ni tuhotepegūta tiquiro quehnoañene yeragū tiquiro sa nimesi pehe ne dūhseati ijierare. Sa ni wacū tutua maca cāriquirore Cohācjū yuhduosi.

¹⁵⁻¹⁶ Jesu yaquiro, Jesu yacoro ñañe suhti dihita tiquina cuogū ihñana, tiquina ihyati mariedagū ihñana, dūhse yeajari m̄sa tiquinare apee boro cuona ijina? “Quehnoano ijiya m̄sa. Sa yena quehnoano suhti sañaña. Sa yena quehnoano ihya yapi iji cāhña,” niepenata tiquina cahmeñene m̄sa ohoeragū m̄sa sa nimesi ne dūhseati ijierare.

¹⁷ Sa yena “Cristore wacū tutuaja,” m̄sa niepegūta quehnoañene m̄sa yeragū Cristore m̄sa wacū tutuaye ne dūhseati ijierare.

¹⁸ M̄sa mehna cjūno ahri yuhū buherire tuho dueraro ohō saha masiahdo. Quehnoañene yeraperoa “Cristore wacū tutuaja,” ni-boaga tiquiro. Quehnoañene yeraro Cristore tiquiro wacū tutuayere apequinare masigū ye masiedare. Quehnoañene yeriquiro pūrita quehnoañene tiquiro yeye mehna Cristore tiquiro wacū tutuayere masigū ye masine.

¹⁹ “Cohācjū ihcāquirota ijire,” ni tuhature m̄sa. M̄sa sa ni tuhotepegū quehnoañene. Sa ijipegūta to punota Cohācjūre yuhduoro marieno tiquirore m̄sa masigū ti dūhseati ijierare. Watīa gūhū m̄sa tuhotepegū sahata tuhotepegū. Sa ijiye Cohācjū tiquiro ijiye tiyere masiñohti tiquina. Sa masiñe, cue, nanareñohti.

²⁰ Ihcāquiro quehnoañene yeraperoa “Cristore wacū tutuaja,” ni tuhotequiro ijiro tuho masieniquiro ijire. Cristore wacū tutuamediquiro quehnoañene yeraro potota Cristore wacū tutuerare.

Ohō saha ni yahutja m̄sare ahrire:

21 Abrahã mari ñecũ munano tiquiro macũno Isaac wame tiriquire wejẽ basamahye Cohãcjũre. Sa yero tiquirore utã paca mehna tiquina yeri buhu bui duhu peomahye. Sa duhu peoro Cohãcjũ dutiriro sahata tiquiro macũnore wejẽno taro nimahye Cohãcjũre ño peoro taro. Tiquiro sa yegũ ihñano “Potota quehnoariquiro ijire,” ni ihñahye Cohãcjũ tiquirore.

22 Tiquiro sa ni ihñagũ ahrire masine m̄sa: Abrahã Cohãcjũre wacũ tutuaro tiquirore yũhtiahye. Sa yũhtiro Cohãcjũre tiquiro wacũ tutuayere ihñono niahye.

23 Sa yero Cohãcjũ yere tiquina ojoari pũpũ tiquiro nidiro sahata sa wahahye: “Abrahã Cohãcjũre wacũ tutuahye. Tiquiro sa yegũ ihñano ‘Quehnoariquiro ijire tiquiro’, ni ihñahye Cohãcjũ tiquirore”, ni ojoahye Cohãcjũ yere tiquina ojoari pũpũ. Tiquiro sa ni ihñagũ masiñe “Abrahã Cohãcjũ mehna cjãno ijire”, nine masa tiquirore.

24 Sa yena ahri yũhũ yahuatire masine m̄sa: “Cohãcjũre wacũ tutuaja,” nidiquiro, tiquiro quehnoañene yeragũ ihñano Cohãcjũ pehe tiquirore “Quehnoariquiro ijire,” ni ihñedare. Cohãcjũre wacũ tutuariquiro pehere potota tiquiro quehnoañene yegũ ihñano “Quehnoariquiro ijire,” ni ihñare Cohãcjũ tiquiro pehere.

25 Sata ni ihñahye Cohãcjũ Rahab wame tiricorore um̄a mehna ñano yeducumedicorore. Josué munano tiquiro ohoriquinare quehnoano piti ca, “Quehnoano sajã taya,” niahye ticoro. Sa yero tiquina tojoa duagũ ticoro pehe ape maha pehere ihñohye tiquinare “Tiquinare ihña tuhtiyequina wejẽari,” nino. Ticoro sa yegũ ihñano “Quehnoaricoro ijire,” ni ihñahye Cohãcjũ ticorore.

26 Sata ijire. Mari pagupure jeripohna mariedagũ catieraja mari. Sa yero jeripohna mariedagũ mari pagũ dũhseati ijierare. Sata “Cohãcjũre wacũ tutuaja,” mari niepegũta mari quehnoañene yeragũ

queoro ijierare mari wacũ tutuaye. Sa yero mari quehnoañene yeye mariedagũ mari wacũ tutuaye dũhseati ijierare, jeripohna marieni pagũ yero saha.

3

Mari dũseropũ wijiayere mari yahuducuyere yahuahye

1 Cohãcjũ yere masare buheyequina tiquiro yere tiquina quehnoano yeragũ ihñano tiquina pũritare masare buheyequina yũhdũoro Cohãcjũ buhiri dahrerota. Tire m̄sa masine. Sa yena m̄sa mehna cjẽna masare buheyequina peyequina ijieracãhdo.

2 Ijipihtiyequina peye tahari mari ñañene yeaja. Ihcãquiro ñañene yahuducueriquiro Cohãcjũ cahmeñene quehnoano yeriquiro ijire tiquiro. Sa yero apeye ñañe gũhare yerare.

3 Ohõ saha ijire ahri mari queoye mehna buhegũ: Caballo dũseropũ come pjĩ tiquiro ñehmenore ña dihori pjĩne mari cũaja, tiquirore mari majareducagũ yena tana. Sa yena ti pjĩ come pjĩ mehna tiquirore tiquiro wahatopũ mari weje majare docoaja. Ti pjĩgã meheni pjĩgã ijiepegũta ti pjĩgã mehna tiquirore wahagũ yeaja mari. Sata mari dũsero mehenogã ijiepegũta ti dũsero mehna pajiro yeaja mari.

4 Yuc̄sa quiti mehna queoye mehna yahu nemoutja m̄sare: Yuc̄sa pajiria ijiepegũta tiare wihnono tutuaro wẽdoqueoepegũta ohoturiquiro pehe meheni pjĩgã mehna tiare noho tiquiro waha duaropũ ohoture.

5 Sata ijire mari dũseropũ wijiaye. Mari dũsero mehenogã ijiepegũta ti dũsero mehna pajiro yeaja mari. Meheni pecagã pajiro ti peca uju cãno saha mari dũsero mehna mari yahuducuye mehna pajiro ñañene yeaja.

6 Sa yero mari dũsero ujuari peca yero saha ijire. Mari dũseropũ wijiaye ijipihtiyẽ ñañene yegũ yere

marine. Peca ujã dũcaro saha mari dũseropũ wijiaye mehna mari quehnoano ijiborire ña yũhdũaro yeaja mari. Ñañene yahuducuna watĩno tiquiro dutiro saha mari yena niaja.

⁷ Ijipihtiyequinare nũcũ cjẽnare wahiquinare, minicjũare, sihcõ cãhñequinare, wahire mari ihña wahãgũ ye masiaja. Sa yena mari peyequina tiquina borore ihña wahãgũ ye tuhasaũ. Sa ye tiquina quehnoano tũho masine.

⁸ Tiquinare mari yũhtigũ yepegũta mari dũsero pehe ñañene yahuducuro ne duhuera yũhdũare. Sa yero nuñequinare mari yũhtigũ yero saha mari dũsero pehere ne yũhtigũ ye masiedaja mari. Mari dũseropũ wijiaye ña yũhdũaye ijire. Sa yero aña apequinare tiquiro wejẽno saha marine apequina gũhũre ña yũhdũaro wahagũ yere mari dũsero.

⁹ Mari dũsero mehna Cohãcjũ mari pũhtoro mehna mari quehnoano yahuducuaaja. Sa yahuducuepenata masa Cohãcjũ yero saha ijiyequinare tiquiro bajumehnediquina tiquina ijiepegũta tiquinare ña yũhdũaro ni yahuducuaaja mari.

¹⁰ Ihcã dũseropũta quehnoañene yahuducuye gũhũ, ñañene yahuducuye gũhũ wijiare. Yũhũ acaye, sa ni yahuducueracãhña.

¹¹ Mágã pohterũ aco wijiari coperũ quehnoañe aco, ñañe aco gũhũ ne wijaerare.

¹² Yũhũ acaye, higuera gũ olivo pacare dũca tierare. Sa yero uhse da higuera pacare dũca tierare. Sa ye moreno mehna pũe paca dũca tierare. Sa ye mágã pohterũ aco wijiari coperũ moa yũaye co wijiagũ moa marieñe co wijaerare. Sata mari dũseropũ quehnoañe yahuducuye, ñañe yahuducuye mehna wijaeracãhdo.

Quehnoano masiñe waro ohõ saha ijire

¹³ Ihquẽquina mũsa mehna cjẽna quehnoano masiñequina ijire.

Sa yena “Apequina yũhdũoro quehnoano masiaja usã,” niedacãhña. Sa niedana quehnoañene yeya mũsa. Sa quehnoano yena potota quehnoano masina ijire mũsa.

¹⁴ Sa yena apequiro apee borore tiquiro cũogũ ihñana cahme ihña coona, apequina mehna usuaducuna, apequinare yũhdũdũca duana, “Cohãcjũ yere quehnoano masiaja usã,” niedacãhña mũsa. Mũsa sa nina ni mehona ijire mũsa.

¹⁵ Sa yeyequina tiquina wacũñe Cohãcjũ ye wacũñe ijierare. Tiquina wacũñe ahri yehpa cjẽna tiquina ñañe wacũñe ijire. Tiquina wacũñe pehe watĩno ye ijire.

¹⁶ Masare cahme ihña cooyequina, apequinare yedoho dueyequina sa cahme tuhtiducure. Sa ye ijipihtiye ñañene yeducure.

¹⁷ Apequina pehe Cohãcjũ yere quehnoano masiñequina pehe tiquina pũrita sa ye maca quẽhe niedare. Sa ye tiquina ne cahme tuhtierare. Sa ye masa quehnoañequina, dutiyere quehnoano yũhtiyequina, paja ihñañequina, masare yedohoyequina, masare ihcãno saha yeyequina ijire tiquina. Tire yeye, ni mehono marieno yere tiquina.

¹⁸ Sa yena cahmequeno marieno ijina, apequinare “Cahmequedacãhña,” mari ni yahuna quehnoañequina wahagũ yena niaja mari masare.

4

Ahri yehpa cjẽ ñañene cahmena, Cohãcjũre ihña tuhtina ijire mũsa

¹ ¿Dũhse ijiro boro mũsa cahme tuhtiajari? ¿Sa yena dũhse ijiro boro cahmequeajari mũsa? Ñañene tutuaro cahmena, cahmeque duare mũsa. Quehnoañene ye duepenata ñañene yere mũsa.

² Apee borore mũsa cahmene. Sa cahmena masare wejẽne mũsa tiquina yere nena tana. Sa yena apequiro apee borore tiquiro cũogũ ihñana tire mũsa tutuaro cahmene. Sa cahmepenata tire nea masiedare

musa. Sa yena tire cahme sehña soducure musa. Cohãcjüre siniedana, musa cahmeñene ne bocaerare.

³ Sa yena Cohãcjüre sinina, musa ye ijiati dihitare sinimene musa, musa cahmeno sahata yeducuna tana. Apequina ye ijiati pehere sini basaerare. Sa musa sinigũ Cohãcjũ musa siniñene ohoerare.

⁴ Cohãcjüre duhurina ijire musa. Ahri yehpa cjẽ ñañene cahmena, Cohãcjüre ihña tuhtire musa. ¿Tire masiedajari musa? Sa yero ahri yehpa cjẽ ñañene cahmediquiro Cohãcjüre ihña tuhtiriquiro iji tuhasare.

⁵ Ohõ saha niahye Cohãcjũ yere tiquina ojoari pũpũ: “Cohãcjũ yaquiro Espíritu Santore mari mehna ijiatiquirore cũri. Sa yero Espíritu Santo pehe marine cahño, ñañene mari tutuaro cahmepegãta cahmesãedare tiquiro. Ihcãquiro namonore tiquiro cahĩ doero saha marine tutuaro cahĩne Espíritu Santo”, ni ojoahye panopũ. Tiquiro sa ni ojoari ihyo warota ijierare. Poto ijirota nine.

⁶ Sa yero Cohãcjũ marine quehnoano yedohore tiquirore mari quehnoano yũhtiatire. Ohõ saha nine Cohãcjũ yere tiquina ojoari pũpũ: “Yũhũ pũrita apequinare masi yũhdũdũcaja,” nidiquirore, Cohãcjũ ihña tuhtire. Apequiro pehere ‘Ñagũ, ihyo ijigũ ijiaja,’ nidiquiro pehere Cohãcjũ yedohore, tiquirore quehnoano yũhti dutiro”, nine tiquiro yere tiquina ojoari pũpũ.

⁷ Sa yena Cohãcjüre quehnoano yũhtina ijiya musa. Sa yena watĩnore yũhtieracãhña. Sa musa yũhtieragũ ihñano tiquiro pehe musare duhti oma cãa waharota.

⁸ Cohãcjüre quehnoano yũhtiya musa. Musa sa yegũ tiquiro pehe musare yedohorota.

Ñana ijire musa. Sa yena ñañene ye nemoedacãhña. Ñañe gũhũre cahmena, quehnoañe gũhũre cahmena ijire musa. Sa yena musa ñañe yerire

bujua witiya. Musa sa yegũ ihñano Cohãcjũ musa ñañe yerire cohãnota.

⁹ Musa ñañene yerire tutuaro bujua witiya. Sa yena musa ñañe yeri buhirire utiya. Bucueye mehna bujuna ijieracãhña. Sa yena musa ñañe yerire ñano jeripohna tina, tire bue tina ijiya.

¹⁰ “Ñagũ ihyo ijigũ ijiaja yũhũ”, nina, Cohãcjüre ño peoya. Musa sa yegũ tiquiro pehe musa ñañe yerire cohãno, quehnoano yerota musare.

Tiquina acayere Jesu yequinare tiquina basi ñano quti ye dutierahye

¹¹ Yũhũ acaye, Jesu yequina ijina, musa basi ñano quti yeracãhña. Musa acayũrore ñano quti yena tiquirore buhiri dahre duti duana niaga musa. Cristo ye dutiye pehe masare buhiri dahre dutiye iji tuhasare. Sa yena masare ñano quti yena Cristo ye dutiyere ohõ saha nina niaga musa: “Marine quehnoano dutierare Cristo ye. Sa yena mari esa tuharo buhiri dahre dutiuhna”, nina niaga musa masare ñano quti yena. Sa nina Cristo ye dutiyere ñano ni yahuducuna tojoare musa. Sa yena ti dutiyere yerana tojoare.

¹² Masare dutiyere ohoriquiro, masare beseriquiro Cohãcjũta ijire. Sa yero masare pecapũ waha-boriquinare tiquirota yũhdũo masine. Sa yero tiquirota masare pecapũ cohã masine. Sa yena mari pehe masare “Ñañequina ijire”, ni masiedaja. Cohãcjũ dihita mari acayere beseatiquiro ijire.

Ñamiare dũhse mari ijiatire masiedaja mari

¹³ Yojopũre yũhũre tũhoya musa. Ohõ saha nina tũhoya yũhũre: “Mi-are, ñamiare ape macapũ ijina wahanata. Topũre ihcã cũhma ijina, apee boro dua, dũnata. Sa yena wapatanata mari”, nine ihquẽquina musa mehna cjẽna Cohãcjüre wacũno marieno. Sa nina ijina, yũhũ pehere tũhoya musa. Sa niñequinare ahrire yahugũ tagũ niaja.

14 Ñamiapꝰ dꝰhse mꝰsa ijiatire masiedare mꝰsa. Ehmeo iji, duita pihti mꝰjano saha ijire mari ijiye tiye. Ehmeo mehenogã iji, pihtia wahare. Ohõ saha mari gũhꝰ mehenogã ijina, yariaa wahanata.

15 Sa yena ohõ saha ni tꝰhotuya mꝰsa: “Cohãcjũ cahmegũ ijinata mari. Sa yena tiquiro cahmegũ ohõ saha yenata mari”, ni tꝰhotuya mꝰsa.

16 Yũhꝰ sa niepegũta yojopꝰre “Mari esa tuharo ohõ saha yenata”, niducumene mꝰsa pehe Cohãcjũre wacũno marieno. Sa niducuna ñañene yere mꝰsa.

17 Quehnoañene mari yeatire masiepenata tire yerana, ñañene yena niaja mari.

5

Doeri cjẽ opanare yahuahye Santiago

1 Doeri cjẽ opana mꝰsa yojopꝰre tꝰhoya yũhꝰre. Camerꝰre mꝰsa ñano yũhdꝰnata. Sa yena uti sañuducuya mꝰsa.

2 Mꝰsa doeri cjẽ ahba pihtia waharota. Sa ye mꝰsa suhtire casia gũhꝰ ihya pehoeta.

3 Mꝰsa niñerure mꝰsa pajiro ihbogũ ne ti dꝰhseati ijierare. Pihtiri deco panogã mꝰsa sa ihbogũ ihñano niñerure mꝰsa cahĩgũ masine Cohãcjũ. Sa yena niñerure mꝰsa cahĩdi buhiri pihtiri deco ijigũ ñano yũhdꝰnata pecarꝰ mꝰsa ɱjũgũ mꝰsa pagure ɱjũ pjero saha.

4 Mꝰsa weserire dahra cohteyequinare wapa yerari mꝰsa. Sa yena mꝰsa tiquinare ni mehorì. Sa yero tiquinare mꝰsa wapa yerari niñerure ihñano, mꝰsa ni mehorire masine Cohãcjũ. Mꝰsare dahra cohteyequina wapa ye dutiye, sañuducure tiquina. Tiquina sa ni sañuducugũ mari pꝰhtoro Cohãcjũ tutua yũhdꝰariquiro tiquinare tꝰhore.

5 Ahri yehparꝰre peye doeri cjẽ mehna ijie tiri mꝰsa. Sa yena mꝰsa bucueye dihitarè yee tiri mꝰsa. Sa yena pajiriquiro wecꝰ tiquina quehnoano nuriquiro yero saha ijire

mꝰsa. Sa ye pajiriquiro wecꝰ pajiro tiquiro ihyarì bato tiquirore tiquina wejẽati cuhtupꝰ ne cãre. Sata mꝰsa gũhꝰre pajiro mꝰsa cꝰori bato mꝰsare tiquiro buhiri dahreatopꝰ ne cãnota Cohãcjũ.

6 Quehnoañequinare peresu ye, wejẽ dutiri mꝰsa tiquinare. Mꝰsa sa yegũ tiquina pehe duhti wijia masiedare.

Cristo tiquiro tojoa tatire quehnoano cohte dutiahye marine Santiago

7 Sa yena yũhꝰ acaye, mari pꝰhtoro Cristo ahri yehparꝰre tiquiro tojoa tatire quehnoano cohteya. Wese upꝰro tiquiro oteye dꝰca tiati pjere quehnoano tiquiro cohtero saha quehnoano cohteya. Tiquiro oteyepꝰre “Acoro ahtaahro” nino tiquiro ya wesere ti quehnoano piñiatire quehnoano cohtere tiquiro.

8 Sata mꝰsa gũhꝰ quehnoano cohteya. Mari pꝰhtoro tiquiro tojoa tato mehenogã dꝰhsare. Sa yena Cohãcjũre sa wacũ tutuaducuya mꝰsa. Sa yena tiquiro ahtatire sa cohteducuya mꝰsa.

9 Yũhꝰ acaye, mꝰsa basi ñano quiti yeracãhña Cohãcjũ mꝰsare “Buhiri dahrearì”, nina. Sa yena ahrire wacũña mꝰsa. Buhiri dahreatiquiro tiquiro ahtato mehenogã dꝰhsare.

10 Yũhꝰ acaye, ñano yũhdꝰepenata mari pꝰhtoro quehnoano cohteya Cohãcjũ yere yahu mꝰhtariquina tiquina yeriro sahata. Tiquina ihcãno saharìro sahata ihcãno sahaya, tiquinare ihña cũna.

11 Sa yena ahri yũhꝰ yahuatire wacũña mꝰsa. Ñano yũhdꝰepeta Cohãcjũre duhueyequina bucueyequina ijire. Panopꝰ cjãnore Job wame tiriquire tꝰhori mꝰsa. Tiquiro ñano yũhdꝰeperota Cohãcjũre duhuerahye. Sa yero tiquiro ñano yũhdꝰari bato Cohãcjũ tiquirore quehnoano yeahye. Cohãcjũ mari pꝰhtoro quehnoano paja ihñariquiro ijìro, sata yeahye tiquiro. Ti ijipihiyere masine mꝰsa.

¹² Yuhū acaye, ahrire tūhoya. Ohō saha ni wame peore masa: “Uhmuse cjūno mehna poto nina niaja”, nine masare tūho dutiye. Tiquina yero saha sa ni wame peoeracāhña. Uhmuse mehna, ahri yehpa mehna, apee boro mehna sa ni wame peoeracāhña. Ahrire mūsare tutuaro dutiaja. Mūsa apequinare yahuna, quehnoano potota yahuya tiquinare. Ni wame peo yahu nemoedacāhña. Sa mūsa poto yahugū ihñano Cohācjū sijoro saha mūsa nidi buhirire buhiri dahresi.

¹³ Mūsa mehna cjūno ñano yuhdūriquiōro ijiro, Cohācjūre sini-ahdo tiquiōro. Apequiōro bucueriquiōro ijiro Cohācjūre bucueye mehna basaahro.

¹⁴ Mūsa dohatina, Jesu yequina puhtoare pijioya mūsa. Mūsa sa pijiogū tiquina pehe mūsare uḥse mehna wisōeta. Sa yeye mari puhtoro Cohācjūre mūsare sini basaeta tiquina.

¹⁵ Sa tiquina sini basagū “Mari sinino sahata tiquiōro yerota”, tiquina ni tūhotugū Cohācjū mūsare dohatinare yuhdūorota. Sa yero mūsare quehnoana wahagū yerota mari puhtoro. Sa ye mūsa ñañe yeri buhiri mūsa dohatina ijigū ihñañe mūsare sini basaeta. Tiquina sa sini basagū ihñano mūsa ñañe yerire borota Cohācjū.

¹⁶ Sa yena mūsa mehna cjēnare mūsa ñañe yerire cahme pua peheri yahu yuhdūya. Sa yena mūsa basi Cohācjūre cahme sini basaya. Mūsa sa sini basagū mūsa sini basariquinare Cohācjū yuhdūorota. Quehnoañene yena mūsa ijigū Cohācjūre tutuaro mūsa sini basariro sahata yerota Cohācjū. Sa ye mūsa sini basaye tutuarīaga. Ihyo ijiye ijierare.

¹⁷ Cohācjū yere yahu mūhtariquiōro mūnano Ēlia wame tiriquiōro mari yero sahata masūno ijie tiahye. Sa yero “Acoro ahtaeracāhdo” ni tutuaro siniahye Cohācjūre. Tiquiōro sa ni sinigū ihtia cūhma quehnoano ape

cūhma deco ahri yehpapure ne acoro ahtaerahye.

¹⁸ Sa yero pari turi tja Cohācjūre acorore tiquiōro sinigū acoro ahtaahye. Sa yero pari turi ahri yehpapu yucari pihni, buca, dūca tiahye. Sa ye Cohācjūre mari siniñe ihyo ijiye ijierare.

¹⁹ Yuhū acaye, mūsa mehna cjūno Cohācjū yere cohāriquiōro Cohācjū yere pari turi tiquiōro cahmeatire tiquiōrore yahuna, quehnoano yena nine mūsa.

²⁰ Sa yena ahrire masiña mūsa: Cohācjūre duhuriquiōro Cohācjūre pari turi cahmegū yena, pecapu wahaboriquiōro yuhdūgū yena niaga mūsa. Sa yero tiquiōro ñañe yerire Cohācjū borota.

1 San Pedro

Jesu yequinare macari wahariquinare ojoa ohoahye Pedro

¹ Yuh, Pedro, Jesucristo tiquiro buhe duti cūrigata ijiaja. Sa yegu m̄sare yoaro c̄j̄ macarip̄ waharinare Ponto yehpap̄, Galacia yehpap̄, Capadocia yehpap̄, Asia yehpap̄, Bitinia yehpap̄ ti yehparip̄ waharinare m̄sare ijipih̄tinare ojoa ohoaja yuh. M̄sare quehnoa duti ojoaja yuh.

² Coã warop̄re Cohãcj̄ mari Pac̄ “Ohō saha yeitja”, tiquiro ni wacūyuriro sahata m̄sare be-seahye. Tiquiro sa beseri bato tiquiro yaquiro Esp̄ritu Santo m̄sare Cohãcj̄ yequina ijigū yeahye. Sa yeahye tiquiro Jesucristore quehnoano yuh̄tiana m̄sa ijiatire, tiquiro dii cohāno mehna m̄sa ñañene cosenohrina m̄sa ijiatire. Cohãcj̄ cah̄ñe mehna tutuaro quehnoa dutiaja m̄sare.

Jesuyequina ijina marine yhm̄sep̄ tiquiro neatire cohtena niaja mari

³⁻⁵ Cohãcj̄ marine tutuaro paja ih̄ñano, Jesucristo yaria masa m̄jari mehna marine pecap̄ wahaborinare yuh̄dgū yere tiquiro. Sa marine yuh̄dgū tiquiro yegū pari turi mari masa bajariro saha Cohãcj̄ pohnata wahaja mari. Sa wahana tiquiro mehna mari sa ijiducuatire quehnoano masiaja mari. Sa yero m̄sare quehnoano yero taro m̄sare cohtero nine. Tiquiro mehna m̄sa sa ijiducuatire cūnota tiquiro. Sa yena sa ijiducunata m̄sa. Sa yero tiquirore m̄sa wacū tutuagū, Cohãcj̄ tiquiro tutuaye mehna m̄sare ih̄ña ih̄boro, yuh̄dgū yerota. Pihtiri deco ijigū m̄sare tiquiro yuh̄dorire masigū yerota tiquiro. Marine tiquiro sa paja ih̄ñagū ih̄ñana, tiquirore Cohãcj̄re mari p̄htoro Jesucristo pac̄rore ño peouhna.

⁶ Sa tiquiro yuh̄doana ijina, mehenogā ahri yehpap̄ m̄sa ijiro puno peye tahari m̄sa ñano yuh̄d̄epenata bucuere m̄sa.

⁷ Sa ñano yuh̄d̄epenata Cohãcj̄re cohãdana m̄sa tiquirore wacū tutuaye potota ti ijigū tire masigū yena niaga m̄sa. Uru ahri yehpa c̄j̄ p̄rita pihtia waharota. Uru yuh̄d̄oro m̄sa wacū tutuaye pehe ihyo waro ijierare. Sa ye masa uru ti ijiyere masi duaye doha tuhu ih̄ñare. Urure tiquina doha tuhu ih̄ñano saha m̄sa wacū tutuayere Cohãcj̄ ih̄ña duaro “Ñano yuh̄d̄ahro”, niboaga m̄sare. M̄sa sa ñano yuh̄d̄uri bato potota tiquirore m̄sa quehnoano wacū tutuaducugū ih̄ñano, Cristo ño peoye mehna m̄sare “Quehnoano yerī m̄sa”, ninota. Ahri yehpap̄ tojoa taro sa ninota.

⁸ Tiquirore Jesucristore m̄sa ih̄ñedapenata cah̄ñe m̄sa. Sa yena yojop̄re tiquirore ih̄ñedapenata tiquirore wacū tutuare. Sa wacū tutuana, tutuaro bucuere m̄sa. Cohãcj̄ tiquiro sa m̄sare bucuegū yegū tutuaro bucuere m̄sa. Ti bucueye quehnoa yuh̄d̄are.

⁹ Sa yero Cohãcj̄ m̄sare pecap̄ wahaborinare yuh̄dgū yerota, m̄sa tiquirore quehnoano wacū tutuagū.

¹⁰ Cohãcj̄ m̄sare tiquiro sa yuh̄doatire panop̄ c̄j̄na Cohãcj̄ yere yahu m̄htariquina tire masi duaye, sinitue tiahye.

¹¹ Cristo tiquiro ñano yuh̄d̄atire, tiquiro masa m̄jatire, ijipihtiyequina p̄htoro tiquiro ijiatire tiquiro masa bajuato panop̄ata tire yahuyu tuhasae tiahye tiquina. Jesucristo yaquiro Esp̄ritu Santo tiquiro yedohoye mehna sa yahuyuahye tiquina. Sa ye tiquina Cohãcj̄ yere yahu m̄htariquina tiquina yahurire quehnoano masi duaye sinitue tiahye tiquina Cohãcj̄re. “Cristo wih̄irota”, Esp̄ritu Santo tiquiro nidire “¿Noa boro pehe ijirrotari?” ni sinitue tiahye tiquina. Tiquiro wih̄iati pje ḡh̄are sinitue tiahye.

¹² Tiquina yahuyuri tiquinare masi pehogũ yeati ijierahye. Maripure masi pehogũ yeatire sa ni yahue tiahye. Tire tiquinare masigũ yeahye Cohãcjũ. Ʋhmusepũ ahtariquiro Espiritu Santo yedohoye mehna yojopure quehnoañe buheyere musare usã yahuaja. Panopũ musa masiatire tiquina yahuyuri tita ijire yojopure musare usã yahuye. Ti buheyere angele gũhũ tutuaro masi duae tiahye.

Cohãcjũ marine ñaÑe mariena iji dutire

¹³ Sa yena quehnoano wacũ masitjiãna ijiyuya musa. Sa yena tuho masina ijiya. Cristo tiquiro tojoa tagũ Cohãcjũ musare quehnoano tiquiro yeatire wacũña. Sa yena tire quehnoano cohteya.

¹⁴ Panopũ Cohãcjũre masiedarĩna ñañene tutuaro cahmena ijimedi musa. Yojopure tire yeracãhña. Sa yena tiquina pohne tiquina pacusumhare quehnoano tiquina yũhtiro saha yeya musa.

¹⁵ Sa yena tiquiro yequina ijiatire musare beseriquiro ñaÑe marieniquiro tiquiro ijiro sahata musa gũhũ ñaÑe mariedacãhña. Sa yena quehnoañe dihitare yeya.

¹⁶ Sata ni ojoahye Cohãcjũ yere tiquina ojoari pũpũ: “Ñañe mariegu ijiaya yũhũ. Yũhũ sa ijigũ musa gũhũ ñañe mariena ijiya”, ni, ojoahye.

¹⁷ Tiquiro Cohãcjũ ijipihtiyequinare tiquina yerire ihñano ihcãno saha besere tiquinare. Ñañequinare, quehnoañequinare besere. Tiquiro sa yeriquiro ijigũ tiquirore “Yũhũ Pacũ” ni duana quehnoano yeya. Ahri yehparũ musa ijiro puno cua pesaro mehna quehnoano ijiducuya musa.

¹⁸ Musã ñecusumha mũna panopũ cjẽna tiquina yeri ne dahseati ijierahye. Musã gũhũ tiquina yeriro saha yena musã ijiepegũta Cristo musare tiquiro yequina ijigũ yeri. Wapamoñequinare tiquina wapamore tiquina boriro sahata tiquiro pehe musã ñañe yerire potota bo cãhri. Tire

quehnoano masine musã. Musare sa yero plata mehna, uru mehna wapa ye wioerare tiquiro musare sa yero. Plata, uru butia waharota.

¹⁹ Tiquiro pehe oveja quehnoariquiro, wete marieniquiro yero sahata ijiriquiro Cristo tiquiro dii mehna tiquiro yariari mehna musã ñañe yerire cohã, musare yũhdũorota. Tiquiro dii mehna marine sa yero quehnoano waro yero nidi.

²⁰ Panopure ahri yehpare tiquiro bajumehneato pano Cristo tiquiro sa wahatire masi tuhasahye mari Pacũ. Yojopure pehere pihtiati deco panogã ijigũ, Cristore quehnoano masigũ yeri mari Pacũ musare.

²¹ Cristo yedohoro mehna mari Pacũre wacũ tutuare musã. Mari Pacũ pehe Cristore yariariquirore masori jiri. Sa yero tiquirore Ʋhmusepũ cũno ijipihtiyequinare tiquirore ño peogũ yeahye mari Pacũ. Tiquiro sa yegũ mari Pacũre wacũ tutuare musã. Sa yena musare tiquiro yũhdũoatire quehnoano masine musã.

²² Quehnoañe buheyere tiquiro nidiro sahata yena ijina, musã ñañe yerire cohãnohrina ijire musã. Sa yena potota mari acayere Jesu yequinare cahĩ masine musã. Sa yena musã mehna cjẽnare musã jeripohnari mehna tutuaro cahĩña.

²³ Sa yena coã bajuayequina yero saha ijina Cohãcjũ pohna wahari musã. Mari pacusumha mehna masa bajarina ijina came yarianata. Ti yero saha ijierare Cohãcjũ pohna musã wahagũ. Cohãcjũ buheye mehna tiquiro catigũ yeye buheye mehna tiquiro pohna wahari musã. Ti buheye mehna Cohãcjũ mehna sa ijiducunata mari.

²⁴ Ohõ saha nine Cohãcjũ yere tiquina ojoari pũpũ:

Ijipihtiyequina masa taa yero saha ijire. Sa ye quehnoañe tiquina cwoye, taa cohoru yero saha ijire. Taa ñaia wahare. Cohori gũhũ buru dijia, ahbaa wahare. Ti yero saha yariare

masa gũhũ.

25 Mari pũhoro ye buheye pehe ne pihtisi. Tiquiro nidiro sahata sa waharota, ni ojoahye.

Ti buheye musare tiquina yahuri quehnoañe buheyeta ijire.

2

1 Sa yena ijipihtiyē ñañe yeyere, ni mehoñene, masa ihñono dihita quehnoano iji mehoñene, apee borore tiquina cũogũ cooyere, apequnare ñano quiiti yeyere tire duhuya musa.

2 Sa yena coã masa bajuayequina epẽcore tiquina cahmeno saha musa gũhũ quehnoañe buheyere Cohãcjũ yere tutuaro cahme nemoña. Sa cahme nemoña musa tiquirore musa wacũ tutua nemoatire, tiquiro yũhdũonohatina musa ijiatire.

3 Sata ijinata musa. Mari pũhoro musare tiquiro quehnoano yeyere mehenogã masi tuhasare musa.

Cristo catigũ yeriquiro utã yero saha ijire

4 Cristo catigũ yeriquiro utã yero saha ijire. Wũhũ dahreyequina ihcãria utãre tiquina cahmedaro saha masa tiquirore cahmedare. Cohãcjũ pehe tiquirore ihñagũ tiquiro beseriquiro quehnoa yũhdũariquiro ijire. Tiquiro sa ijiriquiro ijigũ tiquirore wacũ tutuaya.

5 Sa yena musa gũhũ wũhũ cjẽ utã paca yero saha ijire. Musa sa ijina Cohãcjũ ya wũhũ cjẽ utãre ihcãno saha tiquina cũriro saha musa tiquiro yequina gũhũ ihcãno saha quehnoano ijinata. Sa yena Cohãcjũ ya wũhũ cjãna quehnoana pahia ijinata musa. Sa yena Jesucristo yedohoye mehna Cohãcjũ yere quehnoano yenata musa. Musa sa yegũ ihña bucuero Cohãcjũ.

6 Ohõ saha nine Cohãcjũ yere tiquina ojoari pũpũ:

Utã wũhũpũ tiquina cũ muhtaria mariedagũ wũhũre ye dũca masiedare. Sata Cristo marieno yeequina waha masiedare masa. Sa yero

tiquiro ihyo ijiriquiro ijierare. Sa yegũ tiquirore Jerusalẽpũ yojopũre cũgũ niaja. Tiquiro yũhũ beseriquiro quehnoa yũhdũariquiro ijire. Sa ye tiquirore wacũ tutuayequina bucueeta, ni ojoahye.

7 Tiquirore wacũ tutuayequina pehe quehnoa yũhdũaro wahaeta. Sa yero ihyo ijiriquiro ijierare tiquiro. Tiquirore wacũ tutuayequina pehe sijoro saha wahaeta. Tiquinare ohõ saha nine Cohãcjũ yere tiquina ojoari pũpũ.

Ahriquiro Cristo utã yero saha ijire. Utãre wũhũ dahreyequina tiquina bese cohãno saha masa tiquirore cohãeta. Tiquina sa yepegũta yojopũre wũhũ dahreyequina wũhũre yeye, tiquina cũ muhtaria utãre tiquina cũno saha Cohãcjũ tiquirore pũhoro cũri, ni, ojoahye.

8 Ahri gũhũre nine Cohãcjũ yere tiquina ojoari pũpũ:

Omariquiro utãre doque wahã saro tiquiro esaborirore ne eserare. Sata utã yero saha ijiriquirore Cristore cahmedana, tiquirore yũhdũucana, Cohãcjũ cahapũ esasi mari, ni ojoahye panopũ.

Tiquina Cohãcjũ ye buheyere yũhtierare. Sa yeye panopũ tiquiro ni ojoariro sahata Cristore cahmedare. Cohãcjũ panopũ “Sa waharota”, tiquiro nidiro sahata Cristore cahmedare tiquina. Sa yeatiquinare cũahye Cohãcjũ tiquinare.

Ohõ saha ijire Cohãcjũ yequina

9 Musa pehe Cohãcjũ beserina ijire. Tiquiro mari pũhoro tiquiro yequina pahia, tiquiro yere ye basana ijire musa. Sa yena tiquiro ya curua cjãna ñañe mariedana, Cohãcjũ yequinata ijire musa. Sata ijire musa. Cohãcjũ tiquiro quehnoa yũhdũayere tiquiro yerire apequnare yahuatina ijire musa. Musare beseahye tiquiro musare ñañene ye dutieraro. Sa

besero quehnoañe pehere yeanajare cūri m̄sare.

¹⁰ Panop̄re d̄hseatina ijierari jiri m̄sa. Yojop̄ p̄ritare Coh̄c̄j̄u yequina ijire m̄sa. Panop̄re m̄sare paja ih̄nariquiro m̄sare mariedahye. Yojop̄ p̄ritare m̄sare Coh̄c̄j̄u paja ih̄nari.

Coh̄c̄j̄u yere yena ijiya m̄sa

¹¹ Ȳh̄u cah̄na, ahri yehpap̄ iji dojoatina ijierare m̄sa. Coh̄c̄j̄u yequina ijire m̄sa. M̄sa sa ijina ijiḡu ahrire tutuaro yahuaja m̄sare: M̄sa ñañe tutuaro cahmeñene yerac̄h̄ña. Ti ñañene tutuaro cahmena, ñana wahana niaga m̄sa.

¹² Coh̄c̄j̄ure cahmeeñequina watoa ijina quehnoano yena ijiya m̄sa, m̄sare “Yahus̄ari”, nina. M̄sa sa yeḡu tiquina yojop̄re m̄sare ñano yahus̄a duepeta, m̄sa quehnoano yeyere masieta tiquina. Sa masiñe, tiquina Coh̄c̄j̄ure “Quehnoaḡu, tutuaḡu ijire”, nieta. Sata nieta Cristo ahri yehpap̄ tiquiro tojoa taḡu.

¹³ Mari p̄htorore ȳhti duana ahri yehpa cj̄ena p̄htoa ḡh̄ure ȳhtiya m̄sa. Roma cj̄nore m̄sa ijipihtina p̄htorore tiquiro ḡh̄ure ȳhtiya.

¹⁴ P̄htoare ȳhd̄ud̄ucayequinare buhiri dahre dutiro, ohori p̄htoro tiquirore yedohoyequinare. Sa yero quehnoano yeyequinare “Quehnoano yeri m̄sa”, ni dutiro ohori tiquiro tiquinare. Tiquiro sa ohoḡu, tiquinare ȳhtiya m̄sa.

¹⁵ M̄sa quehnoano yeḡu ih̄ñañe t̄ho masieñequina tiquina esa tuharo m̄sare quitu dahre duepeta quitu dahre masiedare. M̄sa sa yeḡu cahmene Coh̄c̄j̄u. Sa yena m̄sa p̄htoare ȳhtiya.

¹⁶ Coh̄c̄j̄u m̄sa p̄htoro ijire. Apequina cahac̄j̄ana ijierare m̄sa. Sa ijiepenata “Us̄are dutiriquiro mariedare. Sa yena ñañene yemat̄ja”, ni t̄hotuerac̄h̄ña, “Ñañene yeri”, nina. Coh̄c̄j̄u cahac̄j̄ana ijire m̄sa. Sa yena tiquirore quehnoano ȳhtina ijiya m̄sa.

¹⁷ Ijipihtiyequina masare ño peoya. Mari acaye Jesu yequinare cah̄ña.

Coh̄c̄j̄ure ño peoye mehna ih̄ñaña. Ahri yehpa cj̄ena p̄htoro ḡh̄ure ño peoya.

Cristo ñano ȳhd̄uro tiquiro ihc̄ano sahariro sahata ihc̄ano sahaya m̄sa ḡh̄u

¹⁸ Cahac̄j̄ana, m̄sa cua pesaro mehna m̄sa p̄htoare ȳhtiya. Quehnoañequina, m̄sare quehnoano yeyequina dihitare ȳhtina ijierac̄h̄ña. M̄sa mehna usuayequina ḡh̄ure ȳhtiya m̄sa.

¹⁹ M̄sa ñano yerapeḡuta m̄sare tiquina buhiri dahreḡu “Coh̄c̄j̄u cahmeno sahata ye duaja”, m̄sa ni t̄hotuḡu tire m̄sa ihc̄ano sahağ̄u “Quehnoano yeri m̄sa”, ninota Coh̄c̄j̄u m̄sare.

²⁰ M̄sa ñano yeri buhiri tiquina m̄sare buhiri dahreḡu tire m̄sa ihc̄ano sahağ̄u ti d̄hseati ijierare. Sa yena m̄sa quehnoano m̄sa yeri buhirire tiquina buhiri dahreḡu tire m̄sa quehnoano mehna ihc̄ano sahağ̄u Coh̄c̄j̄u “Quehnoano yeri m̄sa”, ninota m̄sare.

²¹ Sa ñano ȳhd̄uanajare m̄sare tiquiro yequina iji dutiri jiri Coh̄c̄j̄u. Cristo m̄sa ye ijiatire ñano ȳhd̄uri tiquirore m̄sa ih̄ña c̄atire.

²² Tiquiro ne ñano yerari. Sa yero ne ni mehoedari.

²³ Tiquirore tiquina tuhtiḡu, tiquiro pehe tiquinare tuhti cahmedari. Tiquirore tiquina ñano yepeḡuta “Qūit̄ja m̄sare”, ne niedari. Tiquina sa yepeḡuta tiquinare Coh̄c̄j̄u tiquiro buhiri dahreatire potota tiquiro yeatire masino, “Ȳh̄u Pac̄p̄u tiquinare buhiri dahrerota”, ni t̄hoturi.

²⁴ Tiquiro basi curusap̄u mari ñañe buhirire yariari. Sa waha yariari pari turi mari ñañene yeratire, Coh̄c̄j̄u cahmeñe pehere mari yeatire. Tiquiro ñano cami tire, marine pecap̄u wahaborinare ȳhd̄uro taro.

²⁵ Oveja wisiaye tiquina butiro sahata mari ḡh̄u pecap̄u butiatina ijimi. Yojop̄ pehere Cristore, ovejare ih̄ña ih̄boriquiro

yero saha ijiriquirore, marine ihña ihboriquirore wacũ tutuaja mari. Sa wacũ tutuana, tiquiro yequina wahañ mari.

3

Omoca d̄ahteriquinare ohõ saha yero cahmene tiquinare

¹ Sa yegũ cahacjēnare yuhũ dutiriro sahata m̄sa namosãnumiare dutiitja. M̄sa manusum̄are yuhdud̄ucaeracãhña tiquina Cohãcjũ buheyere tiquina cahmeatire. Ihquēquina tiquina Cohãcjũ buheyere cahmeeñequina ijiye, tiquinare m̄sa yuhdud̄ucaeragũ ihñañe Cohãcjũ ye buheyere cahmeboaga tiquina. Ti buheyere m̄sa yahuerapegũta tiquiro yere cahmeboaga tiquina.

² Sata cahmeboaga tiquinare m̄sa quehnoano yeyere, m̄sa ño peoye gũhare ihñañe.

³ M̄sa numia, cariboyequina numia yero saha yeracãhña. Sa yena m̄sa poarire w̄hapo sepahtana numia, uru darire b̄sana numia, wapa b̄j̄ye suhtire sañana numia ijieracãhña, um̄a m̄sare “Ŭe p̄jegũ yeari”, nina. M̄sa paḡrire masa tiquina ñe p̄jegũ yeracãhña.

⁴ Sa yena m̄sa cua pesaro mehna apequinare tutuaro cahñe mehna yena, cua pesaro mehna yahuna, ti pehere ihña bucuegũ yeya. Ti pehere m̄sa yegũ ihyo waro ijierare, Cohãcjũ ihñagũ.

⁵ Sata yee tiahye panop̄ cjēna numia Cohãcjũ yequina numia. Tiquina numia Cohãcjũre wacũ tutuaye numia ijiye, tiquina manusum̄are yuhdud̄ucaera tiahye.

⁶ Sata Sara ticoro manũno Abrahãre quehnoano mehna yuh̄tie tiahye. Sa yero tiquirore “P̄h̄to”, ni pisuahye. Sa yena m̄sa quehnoano yena numia ijina, cuero marieno ijina numia ijina, Sara yero saha ijire m̄sa gũhũ.

⁷ Sata m̄sa um̄a gũhũ m̄sa namosãnumiare quehnoano yeya. Tiquina numia mari um̄a yero saha tutuayequina numia ijierare. Sa

yena ño peoye mehna quehnoano yeya tiquina numiare. Cohãcjũ ijipihtiye decori tiquiro mehna mari ijiatire tiquiro ohoriro sahata tiquina numia gũhare ohorota tiquiro. Tiquina sa ijiyequina ijigũ tiquina numiare quehnoano yeya. Cohãcjũre m̄sa siniñene m̄sa dojomehnedatire tiquina numiare quehnoano yeya.

Quehnoano tiquina yepegũta apequina tiquinare ñano yeyere yahuahye Pedro

⁸ Ahri mehna m̄sare yahu bato tiitja: M̄sa ijipih̄tina ihcãno saha quehnoano mehna ijiya. Sa yena m̄sa mehna cjēnare quehnoano paja ihñaña. M̄sa acaye Jesu yequinare p̄a peheri cahme cahña. Sa yena quehnoano yeya tiquinare. Sa ye “Ihyo ijina ijiaja”, ni t̄hotuya.

⁹ Apequina m̄sare tiquina ñano yegũ tiquinare ñano ye cahmedacãhña. M̄sare tiquina tuhtigũ tiquinare tuhti cahmedacãhña. M̄sare tiquina sa yepegũta quehnoano yeya tiquinare. Sa yena “Quehnoano ijiya”, niña tiquinare. Tire yeatinare tiquiro yequinare c̄uri m̄sare Cohãcjũ pehe m̄sare quehnoano yero t̄aro.

¹⁰ Sata nine Cohãcjũ yere tiquina ojoari p̄p̄:

M̄sa quehnoano bucueye mehna iji duana ne ñano ni yahuducueracãhña.

¹¹ Ñañe yeyere duhu cãhña. Quehnoañe pehere yeya. Cahme m̄sa basi ihña tuhtiro marieno ijiya. Tire tutuaro yeya.

¹² Quehnoañequinare mari p̄htoro sa ihña ihboducuro nine. Sa yero tiquirore tiquina siniñene sa t̄hoducuro nine. Ñano yeyequina pehere tiquiro ihña tuhtire, ni ojoahye.

¹³ Quehnoañene m̄sa tutuaro ye duagũ apequina pehe m̄sare ñano yuhdugũ ye duaye, ye masisi tiquina.

¹⁴ Quehnoano m̄sa yepegũta m̄sare tiquina ñano yuhdugũ yegũ ihñano Cohãcjũ m̄sare quehnoano

yerota. Tiquiro sa yegū musare ñano ye duayequinare cueracãhña. Sa yena bujua witieracãhña.

¹⁵ Musa Cristore “Usã puhtoro ijire”, ni tãhotuna, ño peoya tiquirore. Sa yena Cristore musa wacū tutuayere, Cohãcjũ mehna musa ijiatire apequina sinituboaga. Tiquina sa sinituato pano tiquinare musa yãhtiatire quehnoano masiyuya. Sa yãhtina cahño mehna, quehnoano ño peoye mehna yahuya tiquinare.

¹⁶ Quehnoana ijiya. Sa yena “Ñañene yeaja”, ni tãhotusi musa. Sa ye Cristo yere quehnoano yena musa ijigũ apequina musare ñano quti yeye, buoro wahaeta tiquina.

¹⁷ Ñañene musa yeri buhiri musa ñano yãhdugũ quehnoaedare. Sa yero Cohãcjũ cahmegũ quehnoañene musa yeri buhiri musa ñano yãhdugũ quehnoarĩne ti pũrita.

¹⁸ Sata ñano yãhdari Cristo. Ihcã tahata ijipihtiequina tiquina ñañe buhirire yariari tiquiro. Quehnoariquiro ijiri. Sa yero mari ñañe buhiri ñano yãhdari tiquiro. Ñano yãhdari tiquiro marine Cohãcjũ yequina wahagũ yero taro. Tiquiro pagũ yariaa wahari. Yariari bato tiquiro masari jiri.

¹⁹ Sa masariquiro ijiro tiquina buhiri dahreatire cohteyequina muna yariariquina muna jeripohnarine buheahye tiquiro.

²⁰ Sa cohteyequina panopũ Cohãcjũre yãhtierariquina muna ijahye. Ti pjerpare Noé tiquiro ijiri pjerpare, pajiria yucasare dohoroniahye. Tiare tiquiro dohori watoa Cohãcjũre yãhtierariquina manare tiquina yãhtigũ cahmeno, tiquina yãhtiatire yoari pje cohtemahye Cohãcjũ. Sa ye meheñequinagã ocho masa dia minidi pjere yãhdahye.

²¹ Minigũ tiquina yãhdariro saha wame yeye mehna yãhdare masa. Mari pagure mari wete tu cosero saha ijierare wame yeye. Sijoro saha ijire wame yeye. Ñañe mariena mari ijiatire Cohãcjũre mari siniñe ijire

ahri wame yeye. Sa yena Jesucristo tiquiro masa mujari mehna yãhdajaja mari.

²² Tiquiro Jesucristo yãhmusepũ wahahye poto pehepũ dujiro taro, Cohãcjũ mehna dutiro taro. Sa yero tiquiro angele bui, yãhmuse cjẽna puhto bui, dutiyequina bui tiquina puhtoro ijire.

4

Cristo yequina ijina quehnoañe pehere comesarina jinata

¹ Mari ñano yãhdana ñañe yeyere duhu cjã mari. Sa yena Cristo ñano yãhdaro tiquiro cuerariro sahata tiquiro usuerariro sahata musa gũhũ tiquiro yero sahata yeya.

² Sa yeya musa ñañene musa ue pjerire musa duhuro quehnoano, Cohãcjũ cahmeñe pehere musa yero quehnoano.

³ Panopũ Cohãcjũre cahmeeñequina ñañene tiquina ue pjerire tiquina yeriro sahata yeducumahye musa gũhũ. Bue tiro marieno ñano yena, ñañene tutuaro musa ue pjerire yena, quehena, queheye bose decorire yena, “Cohãcjũ ijire”, musa niñe queoyere ño peona ti pehere yee timahye musa. Ti queoyere ihña yabire Cohãcjũ. Sa yena to punota ye bato tiya.

⁴ Sa ye ti ña yãhdahyere yeyequina mehna musa ijigũ yojopare musa tire yeragũ ihñañe tiquina pehe ihña maria wahari. Sa ye tiquina musare quti dojomehnedi.

⁵ Tiquina sa yegũ ihñano tiquina ñañe yerire Cohãcjũ pehe sinituro, yahu yãhdũ dutirota tiquinare. Tiquiro catiyequinare, yariariquina gũhare beseatiquiro buhiri dahreatiquiro ijire.

⁶ Tiquiro sa beseatiquiro ijigũ Jesu yequina pehe yojopare yariariquina manare quehnoañe buheyere yahuri tiquina yariato pano. Sa ni yahuri tiquina pagurire Cohãcjũ tiquiro yaria dutiepegãta. Sa yahuri tiquinare Cohãcjũ ijipihtie decori

tiquiro ijiri saha tiquiro mehna tiquina ijiducuatire.

⁷ Pihtiati deco mehenogã dũhsare. Sa yena quehnoano wacũ masina ijiya, yojopũre Cohãcjũ mehna m̄sa quehnoano yahuducuatire.

⁸ Apequinare cahĩna, peye tahari tiquina ñañene tiquina yepegũta sa ihña cjã mari. Sa yena m̄sa mehna cjẽnare sa cahĩducuya. Apeye dutiye yũhdũoro ahrireta yeya.

⁹ M̄sa mehna cjẽnare unureno marieno m̄sa ye wũhũsepũ sajã ta dutiya.

¹⁰ Cohãcjũ m̄sare ijipihtinare m̄sa yeatire cũri. Tiquiro sa cũgũ, m̄sa ye masino sahata m̄sa mehna cjẽnare tire quehnoano yeya. Cohãcjũ m̄sape cũri m̄sa yeatire. Tiquiro cũriro sahata apequinare quehnoano yedohona, Cohãcjũ cũriro saha quehnoano yena niaga m̄sa.

¹¹ M̄sa quehnoano yahuna, Cohãcjũ tiquiro yahuboriro saha quehnoano yahuya m̄sa gũhũ. Masare yedohona Cohãcjũ tiquiro cũri tutuaye mehna apequinare yedohoya. Ti ijipihtiyere yena Cohãcjũre masa tiquina ño peoatire sa yeducuya. Jesucristo pehe tire m̄sa yegũ yedohorota. Tiquirore ijipihtiyere decori ño peo, “Tutuagũ ijire”, nino cahmene ijipihtiyequinare. Sata niahdo.

Jesu yequina tiquina ijiri buhiri tiquina ñano yũhdũyere yahuahye Pedro

¹² Yũhũ cahĩna, yojopũre ña yũhdũaro yũhdũna, “Yohou, sijoro saha ijiri wahaga yũhũre”, ni, wacũedacãhña.

¹³ Cristo tiquiro ñano yũhdũriro saha m̄sa gũhũ tiquiro yero saha sa wahana, bucueya m̄sa. Sa bucuenta Cristo asi siteye mehna tiquiro tojoa tagũ m̄sa quehnoano bucuenata.

¹⁴ Cristo yequina m̄sa ijiri buhiri apequina m̄sare tiquina tuhtigũ Cohãcjũ yaquiro Espĩritu Santo asi siteriquiro m̄sa mehna ijiri nine. Sa yena bucueya m̄sa.

¹⁵ Sa yena masare wejẽdacãhña m̄sa. Apee borore yaqueracãhña. Ñano yeracãhña. Sa yena apequina tiquina yerire ihñana tiquinare sijoro saha ni dojomehnedacãhña. Ti buhiri m̄sa ñano yũhdũgũ ñarĩne.

¹⁶ Sa yena Cristo yequina m̄sa ijiri buhiri ñano yũhdũna, bũe tieracãhña. Ñano yũhdũepenata Cristo yequina m̄sa ijiye mehna bucuenta, Cohãcjũre “Quehnoare”, ni, ño peoya m̄sa.

¹⁷ Cohãcjũ tiquiro yequina yerire ihñano tiquiro beseati pje ijiri nine yojopũre. Ijipihtina mari tiquiro yequina mari yerire ihñano bese m̄htanota, “Ahri ñañe ijire. Ahri quehnoañe ijire”, nino. ¿Sa bese m̄htano dũhse yerotari tiquiro yequina ijieyequina pehere? Tiquirore yũhtieyequina pehere tutuaro buhiri dahrerota.

¹⁸ Sa ye quehnoañequina yũhdũeta. Tiquina sa yũhdũati mijo cjũre. Ti sa mijo cjũgũ Cohãcjũre cahmeeñequina, ñañequina pehe ne yũhdũsi. Basioerare tiquinare.

¹⁹ Sa yena Cohãcjũ cahmegũ m̄sa ñano yũhdũna, quehnoañene m̄sa yerire duhueracãhña. Sa yena m̄sare bajumehnediquirore, m̄sare ne duhueriquirore tiquirore wacũ tutuaya m̄sa.

5

Jesu yequina tiquina yeatire yahuahye Pedro

¹ Yojopũre Jesu yequina pũhtoare yahutja. Yũhũ Jesu yequina pũhto iji-aja. M̄sa gũhũ tiquina pũhtoata ijire. M̄sare yũhũ yero saha pũhtoata ijinare ahrire yahugũ tagũ niaja yũhũ. Cristo tiquiro ñano yũhdũriro ihñarigũ ijigũ, ũhmũsepũ Cristo mehna yũhdũacjũ ijigũ ahrire m̄sare yahutja:

² Cohãcjũ yequina oveja yero saha ijire. M̄sa pehe ovejare ihña ihboyequina yero saha ijire. Tiquinare Cohãcjũ m̄sare tiquiro cũriquinare tiquiro yequinare quehnoano ihña ihboya. Sa yena Cohãcjũ tiquiro cahmediro sahata quehnoano

jeripohna tiye mehna tiquinare ihña ihboya. Sa yena tiquinare ihña ihbona, “Usã ihña ihbori wapa niñerure wapatanata”, niedacãhña m̄sa. Cohãcjũ cahmeno sahata yeducuna ijiya.

³ Sa ihña ihbona tiquinare ñano dutiperacãhña. Sa yena quehnoano yeya m̄sa Jesu yequina m̄sare tiquina ihña cūatore.

⁴ M̄sa sa yena Cristo ijipihinare marine ihña ihboriquiro tojoa tagũ tiquiro m̄sare quehnoañene ohoatire m̄sa yãhdũatire c̄onata. Ti m̄sa c̄oati ne pihtisi.

⁵ Tiquinare yãhũ dutiriro sahata m̄sa wahma pjia gãhũ m̄sa pãhtoare yãhtiya. Sa yena m̄sa mehna cjẽnare ijipihitiyequinare ño peoya.

“Masi yãhdũdũcaja”, niñequina pehere Cohãcjũ ihña tuhtire. Apequinare ño peoyequina pehere “Ihyo ijina ijiaya”, ni tãhotuyequina pehere quehnoano yere tiquiro.

⁶ Sa yena Cohãcjũ tutuariquiro m̄sare tiquiro dutigũ tiquiore ño peoya. M̄sa sa yegũ tiquiro queori pje ijigũ m̄sare apequina ño peoeta tiquiro dutiro mehna.

⁷ Tiquiro m̄sare pajiro tãhotu ihña ihbore. Sa yena tiquiore wacũ tutuana, ne pajiro tãhotueracãhña m̄sa pehe.

⁸ Sa yena wacũ masi ijiya. M̄sare ihña tuhtiriquiro watĩno yairo usuariquiro tiquiro maca ihya duaro saha m̄sare ñano yãhdũgũ ye duare. Sa yero m̄sare ñano ye dutire.

⁹ Ijipihitropũ ahri yehpapũre apequina Jesu yequinare ñano yãhdũgũ yere watĩno. Tire masina, tiquiore yãhtieracãhña. Sa yena Cristore tutuaro wacũ tutuaya m̄sa.

¹⁰ Sa yena mehenogã m̄sa ñano yãhdũri bato Cohãcjũ m̄sare yedohorota. M̄sare quehnoana ijigũ yerota. Sa yero tiquiore m̄sa wacũ tutua nemogũ, tiquiore m̄sa ne duheragũ yerota m̄sare. Tiquiro ijipihitiye decori ãhm̄sepũ Cristo

mehna m̄sa ijiatire m̄sare cūriquiro ijire. Tiquiro Cohãcjũ ijire ijipihitiyequinare paja ihñariquiro.

¹¹ “Ijipihitiye decori tiquiro tutuariquiro ijire”, ni ño peouhna tiquiore. Sata yeihna.

Quehnoa duti bato tiahye Pedro

¹² Ahri pũ meheni pũgãre m̄sare yãhũ oho duagũ Silvano pehe yãhũre ojoa basari. Tiquiro Jesu yaquiro yãhũ acayũro Jesure duheriquiro ijire, yãhũ tãhotugã. M̄sare quehnoano yahu duaja. Sa yegũ “Ahri buheye potota Cohãcjũ marine tiquiro cahñene yahuri buheye ijire”, ni yahugũ m̄sare ahri pũre ojoaja. Sa yena ahri buheyere ne duheracãhña m̄sa.

¹³ M̄sare tiquiro yequina ijiatire tiquiro beseriro sahata Jesu yequina Babilonia cjẽna gãhũre beseahye Cohãcjũ. Tiquina pehe m̄sare quehnoa dutire. Marco gãhũ yãhũ macũ yero saha ijiriquiro m̄sare quehnoa dutire.

¹⁴ M̄sa mehna cjẽnare quehnoano mehna piti caya.

Ijipihitina Jesucristo yequinare quehnoa dutiaja m̄sare.

2 San Pedro

Jesu yequina ojoa ohoahye Pedro

¹ Yuh Simo Pedro, Jesucristo buhe duti tiquiro cūrigū ijiaja. Sa yegū tiquiro cahacjūta ijiaja. Sa yegū mūsare ojoa ohoaja yuh. Cohācjū marine yuhdūoriquiro Jesucristo pehe ñañe marieniquiro ijire. Sa yero tiquirore mūsa wacū tutuagū, tiquiro yequina wahagū yeri jiri mūsare. Sa wahana mūsa gūhū usā yero saha tiquiro yequina ijire. Mari ihcāno saha tiquiro yequina ijiaja. Sa yegū mūsare ojoa ohoaja.

² Sa yena Cohācjū gūhūre, mari pūhtoro Jesu gūhūre masi nemona tiquina cahñe mehna quehnoano ijiducunata mūsa. Sa quehnoano mūsa ijiatire mūsare sini basaja. Sa yegū mūsare quehnoa dutiaja.

Ohō saha ijire Cristo yequina

³⁻⁴ Tiquiro yequina ijiatinare Cristo marine pijiri. Tiquiro sa pijigū tūhona, tiquirore yūhtii mari. Sa yūhtina Cohācjūre masi nemona, tiquiro tutuaye mehna tiquiro cahmeno saha quehnoana ijinata mari. Tiquiro ijire tiquiro yequina ijiatinare marine pijiriquiro. Quehnoariquiro, masi pehoriquiro tiquiro ijiro saha ijiatinare marine pijiriquiro ijire. Sata tiquiro tutuaye mehna marine quehnoa yuhdūaro yeri. “Ohō saha mūsare quehnoano yeitja”, tiquiro nidiro saha marine quehnoa yuhdūaro yeri. Marine tiquiro sa yegū ahri yehpa cjē ñañene, ñañene mari ũe pjeje pehere mari duhu cjā. Ti ñañe pehe marine ñano wahagū yemedi. Sa yena tiquirore yūhtina, Cohācjū ijiro saha ijinata mari.

⁵ Sa yena Cristore wacū tutuana iji tuhasare mūsa. Sa yena ohō saha ye nemoña tja: Quehnoana ijiya mūsa. Quehnoano wacū masina ijiya mūsa.

⁶ Ñano ye duepenata Cohācjū cahmeñe pehere yeducuya mūsa. Sa

yena Cristo yequina mūsa ijiri buhiri ñano yuhdūepenata sa ihcāno sahaducuya mūsa. Sa yena Cohācjūre ño peona, tiquiro cahmeñene yeya mūsa.

⁷ Sa yena mūsa mehna cjēnare cahme cahña, tiquinare quehnoano yedohoya mūsa. Sa yena ijipihtiyequina apequina gūhūre cahña mūsa.

⁸ Mūsa sa ye nemogūta quehnoa yuhdūare. Mūsa sa ye nemona, quehnoañene yena ijiducunata. Sa yena Cristo tiquiro cahmeñene quehnoano yeducuna ijinata mūsa. Ihyo ijina ijisi mūsa. Sa ye Cristore mūsa wacū tutuari ihyo warota ijisi. Yuh nidiro saha mūsa ye nemogū quehnoa yuhdūare.

⁹ Mūsa sa ye nemoedana Cohācjū yere ne masiedabutiare mūsa. Sa ye nemoedana Cristo mūsa ñano yerire tiquiro cohārire ne wacūedare mūsa. Sata bo cā duare mūsa.

¹⁰ Sa yena, yuh acaye, Cohācjū yequina ijiatinare mūsare tiquiro iji dutigū yūhtiri mūsa. Sa yūhtirina ijina, tiquiro yere wacūducu duana, tiquiro cahmeñene tutuaro sa yeducuya. Mūsa sa yena potota Cohācjū mehna ijinata mūsa. Sa yena potota tiquiro beserina ijinata mūsa. Sa yena ñañene yeducusi mūsa.

¹¹ Mūsa sa tiquiro cahmeno saha yerina ijina mari pūhtoro marine yuhdūoriquiro Jesucristo tiquiro ijipropū quehnoano wahanata mūsa. Potota tiquiro yequina waro mūsa ijigū ihñano “Quehnoano mehna yuh mehna ijiya mūsa”, ninota Jesu mūsare.

¹² Sa yegū ahrire mūsare sa wacūgū yeducuutja. Ahri mūsare yuh yahurire masi tuhasari mūsa. Sa masina Cohācjū yere mūsa tūhoriro saha quehnoano yena nine mūsa. Sa yerina mūsa ijiepegūta ahri mūsare yuh yahurire sa wacūgū yeducuutja mūsare.

¹³⁻¹⁴ Mehenogā dūhsare yuh yariato. Tire quehnoano yahuri mari pūhtoro Jesucristo yuhūre. Sa yegū catinigū waro ahri yuh yahurire mūsare sa wacūgū yeducuutja. Yuh

sa yegũ quehnoarĩne.

¹⁵ Sa yegũ ahri yũhũ yahu ojoarire mũsare oja cũ pehogũtja, yũhũ yariari bato mũsa quehnoano masiatire. Sa yena ahri yũhũ yahurire sa wacũducunata mũsa.

Cristo tutuariquiro tiquiro ijiye tiyere ihñahye Pedro gũhũ

¹⁶ Sa yena Cristo tiquiro tutuaye gũhũre tiquiro ahtati gũhũre mũsare yahuna, usã esa tuharo yahuna niedaja. Tutuariquiro tiquiro ijiyere usã basita ihñahũ.

¹⁷ Cristo tutua yũhdũariquiro tiquiro ijiyere usãre ihñori Cohãcjũ mari Pacũ. Tiquiro sa ihñogũ tiquiro pehe quehnoano asi siteriquiro ijiri. Tiquiro sa asi sitegũ ohõ saha nino ca tari ti asi siteropũ: “Ahriquiro yũhũ macũ, yũhũ cahĩniquiro ijire. Tiquiro mehna quehnoano bucueaja”, nino ca tari usã tuhogũ.

¹⁸ Hmũseperũ tiquiro sa nigũ tũhou usã. Cũnũ buipũ Cohãcjũ tiquiro ijiri cũnũperũ Cristo mehna ijii usã.

¹⁹ Tire ihñarina ijina, Cohãcjũ yere yahu mũhtariquina panopũ cjẽna tiquina ojoari potota ijigũ quehnoano masiaja usã. Tiquina ojoarire quehnoano buheducuna quehnoano yena nine mũsa. Ti tiquina ojoari Cohãcjũ yere marine quehnoano masigũ yere. Ahri yehpapũ ñano tiquina yeri yehpapũ mari ijigũ quehnoano masigũ yere marine. Sa yena Cohãcjũ yere tiquina ojoarire sa buheducuya. Sa buheducuna Cristo tiquiro tojoa tagũperũ buhe duhunata. Sa tojoa taro tiquiro yere mari masiedarire marine quehnoano masi pehogũ yerota.

²⁰ Ijipihtiye ti yũhũ yahuri yũhdũoro ahri pehere quehnoano masiña mũsa: Cohãcjũ yere panopũ tiquina ojoarire buhena mari esa tuharo tire buhena, “Ohõ saha nino niaga”, ni masiedaja mari. Espĩritu Santo yedohoro mehna masiaja mari.

²¹ Ne masa tiquina esa tuharo Cohãcjũ yere ojaerahye. Panopũ cjẽna Cohãcjũ yere tiquina ojoagũ

Espĩritu Santo pehe tiquina ojoatire tiquinare masigũ yeahye.

2

“Cohãcjũ ye buheye ijire”, ni meho buheyequinare yahuahye Pedro (Jud 1.4-12)

¹ Panopũ mari acaye judio masa mehna cjẽna “Cohãcjũ yere yahu mũhtarina ijiaja”, ni mehoñequina ijie tiahye. Tiquina yero sahata yojopũ gũhũre mũsa mehna cjẽna sa ni mehoñequina ijietta. Potota tiquina buheboro sahata ni mehoñe pehere buheeta. Sa buheye Cristo ye buheye pehere dojomehneeta. Sa ye “Cristo yũhdũonohrina ijiaja”, niepeta Cristo dutiyere ne yũhtierare tiquina. Sa ye tiquirore “Usã pũhtoro ijire”, ni tũhotuerare. Ti ijipihtiye tiquina sa yeri buhiri duita tiquinare Cohãcjũ pecapũ waha dutirota.

² Sa ni meho tiquina buhegũ tũhoye tiquina ñañene tutuaro cahmediro sahata peyequina masa tiquinare ihña cũ ñano yeeta. Tiquina sa ñano yegũ ihñañe apequina masa gũhũ quehnoañe buheyere ñano quiti dahreeta.

³ Sa ye tiquina ni mehoñequina niñerure wapa cahmeñe, ni mehoñe buheyere buheeta mũsare. Tiquina sa buheri buhiri Cohãcjũ tiquinare pecapũ waha dutirota. Panopũre sa yeyequinare buhiri dahre duti tuhasahye tiquiro.

⁴ Sata panopũ buhiri dahre dutiahye ñañequina angele gũhũre. Tiquinare pecapũ peresu yeahye. Sa yero pihtiri deco bato tiquinare buhiri dahrerota.

⁵ Sata panopũ cjẽnare Cohãcjũre cahmeeñequinare buhiri dahreahye. Sa yero ijipihtiro ahri yehpare miono, ijipihtiyequina ñañequina masare mio wejẽahye. Sa yero Noéne tiquiro mehna cjẽna gũhũre yũhdũoahye. Tiquina ijipihtiyequina tiquiro yũhdũoriquina ocho masa ijiahye. Noé pehe quehnoañene ye dutiro ti pje cjẽnare buhee timahye.

6 Sata Sodoma wame tiri maca cjēnare, Gomorra wame tiri maca cjēna gūhare Cohācjū buhiri dahreahye. Ti macarine peca mehna quehnoano ʔjūa peho cāhye. Sa yero cameru ijiatiquinare tiqiurore cahmedatiquinare ihñono niahye. Ñañequinare tiqiuro buhiri dahreatire ihñono niahye tiquinare.

7 Sa yero Lote wame tiriqiurore yūhdūoahye. Lote pehe quehnoariqiurore ijiyahye. Sa quehnoariqiurore ijiro Sodoma cjēna Cohācjū dutiyere yūhdūdcayequina ña yūhdūaro tiquina yegū ihñano caributia wahahye tiqiuro Lote. Sa yero ʔmūa tiquina basi tiquina pagari mehna tiquina ñano yegū ihñano caributia wahahye tiqiuro.

8 Tiquiro quehnoariqiurore ñañequina watoa ijiyahye. Sa yero decoripe ña yūhdūaro tiquina yegū ihñano, ñano tiquina yahuducugū tūhoro ñano jeripohna tiahye.

9 Tiquirore Cohācjū yūhdūogū ihñana ahri yūhū yahuatire masi-aja mari. Cohācjū mari pūhtoro tiqiurore cahmeñequinare tiquina ñano yūhdūgū ihñano tiquinare yūhdūorota. Sa yero ñañequina pehere peresu yero, tiquinare cūore pihtiri deco ijigū tiqiuro buhiri dahreatiquinare.

10 Ñañene tutuaro ʔe pjeyequina Cohācjūre yūhdūdcayequina tiquina pūritare ñano buhiri dahrerota tiqiuro. Tiquina mūsa mehna cjēna ni meho buheyequina ñañene yeye, ne cuerare. Sa ye bʔe tierare tiquina. “Apequinare masi yūhdūdcaja”, ni tūhotuyequina ijire tiquina. Sa ijiyequina ijiye ʔhmūse cjēna tutu-ayequinare ne ño peoera, ñano ni bʔjūpere tiquinare.

11 Angele pehe ne tiquina yero saha yerare. Tiquina pehe ni meho buheyequina yūhdūoro tutu-ayequina ijire. Sa ijiepetā tiquina ne bʔjūpeye mehna ni meho buheyequinare ñano yahusāedare Cohācjūre, yūhdūdcaeyequina ijiye.

12 Sa ye ahriquina ni meho buheyequina pehe nūcu cjēna wahiquina yero saha tūho masieñequina ijire. Nūcūpū boca sa tiquina wejēatiquina yero saha ijire tiquina. Tiquina basi cahmeno saha yere tiquina. Sa ye tiquina masieñequinare bʔjūpe, ñano ni yahuducu cohtere. Sa yeyequina ijigū wahiquinare mari wejēdiro saha Cohācjū tiquinare pecapū cohānota.

13 Sa yero tiquina ñano yeri buhiri buhiri dahrerota Cohācjū. Tiquina ñañene tutuaro cahmene. Sa ye ñano yeducure. Mūsa mehna bōse deco yeye, ti bōse deco ijigū tiquina ñañene ye yūhdūare. Sa yeye mūsa bōse decore tiquina wete ohōno saha tiquina ñañene piore mū sare.

14 Sa ye numiare ihñañe, ñehe duare tiquina. Sa ye ñañene sa yeducu duare. Cohācjūre wacū tutuera cjūñequinare ñañene ye dutiye, sa ijiyequinare tiquinare ihñā cūgū yere. Sa ijiye tiquina sehsaro apee borore, niñeru gūhare ni meho ehma mihniñequina ijire. Tiquina Cohācjū tiqiuro buhiri dahreatiquina ijire.

15 Tiquina Cohācjū yere buheraye, sijoro saha ijiye buheye pehere buhere. Sa ye Balāa yero saha yeye nine. Balāa, Beor macūno ijiyahye. Tiquiro pehe panopū tiqiuro ñañe yeri mehna niñerure wapata duamahye.

16 Tiquiro sa yegū ihñano tiqiuro yacoro burro tuhtiahye ticoro upūrore. Tiquiro yacoro burro yahuducuericoro ijiepegūta Cohācjū ticoro upūrore tuhti dutiahye ticorore. Ticoro sa tuhtigū tūhoro Balāa tutuaro tiqiuro ñañene ye duamedire duhu cāhye.

17 Ahriquina ni mehoñequina mārī pohteripū aco marieno yero saha ijire. Aco marieñe pohteri ti dūhseati ijieraro saha tiquina ni mehoñequina ne dūhseati ijierare. Sa ye ehmeo cururi wihnono ti wēdoqueoye cururi ti sa comesaducuro sahata, tiquina ni mehoñequina gūhū ihcāno saha yahuducuera, sa comesaducure.

Sa yero nahitiano warore quehno tuhasahye Cohãcjũ topu tiquinare buhiri dahrero taro.

¹⁸ Tiquina ni mehoñequina tiquina yahuducuye dũhseati ijierare. Masiñequina yero saha masare sa buhe maca cãhre. Ohõ saha ni buhere tiquina: “Mari cahmeno sahata mari yegũ quehnoarĩne”, ni buhemene tiquina. Tiquina sa ni buhegũ masa tũhoye ñañene Ʃe pjeje, tiquina ye buheyere cahmene. Apequina masa Cohãcjũre potota coã cahme dũcayequina mehenogãta wahare tiquina ñañene tiquina duhuri bato. Tiquinare ni mehoñequina buhegũ tũhoye ñañene cahmene tja Cohãcjũ yequina ijiboriquina ijiepetã.

¹⁹ Tiquinare ohõ saha ni buhere ni mehoñequina: “Mari cahmeno sahata mari yegũ quehnoarĩne”, ni buhemene tiquina. Tiquina sa ni buhepegãta tiquina nidiro saha wahaerare tiquinare. Ñañene duhu dureraye, tire duhu masiedabutiare. Tiquina sa ñano yeye, “Queoro ijire Ʃsã yeri”, ni tũhotumene tiquina. Sa ye tiquina ti ñañene ne duhu masiedare. Ti ñañe tiquina pũhoro yero saha ijire.

²⁰ Mari pũhoro Jesucristore marine yũhdũoriquirore coã cahme dũcayequina pehe ahri yehpa cjẽ ñañene duhu cãmedi. Tiquina sa duhuri bato pari turi ñañene yeye, ña yũhdũaro tojoare tiquina. Cristore tiquina masiato pano tiquina iji mũhtariro yũhdũoro ña yũhdũaro tojoare, pari turi ñañene yeye.

²¹ Sa ña yũhdũaro tojoaye quehnoañe buheye pehere tiquina ne masi mũhtaedagũ quehnoa yũhdũboya tiquinare.

²² Sa ye pari turi ñañene yeye, masape tiquina ni yahuducue tiriro saha yee nine tiquina. Ohõ saha ni yahuducure masa: “Diero etoa tuhasa pari turi tiquiro etoa cũrre ihyare. Sa yero yesere tiquina coseri bato pari turi tiquiro ñari sahbaru cuhsare tja. Sata yere quehnoañene cahmemediquina gũhũ pari turi

ñañene cahmeñe tja”, ni yahuducue tire masa.

3

Cristo ahri yehpapũ tiquiro tojoa tatire yahuahye Pedro

¹ Yũhũ cahĩna, mũsare ihcã pũ ojoa oho tuhasaũ. Sa yegũ ahri pũre tja yojopũre mũsare ojoa ohogũ niaja. Sa yegũ pũa taha ojoagũ ahri ijipihtiyere mũsare wacũgũ ye duagũ niaja quehnoañe dihitare mũsare tũhotu dutigũ.

² Ahri yũhũ yahuatire wacũña masa: Panopũ cjẽna quehnoañequina Cohãcjũ yere yahu mũhtariquina mana tiquina yahu ojoarire wacũña. Sa yena mari pũhoro marine yũhdũoriquiro Cristo tiquiro dutiye gũhũre wacũña. Ti dutiyere Ʃsã tiquiro cũrina mũsare buhei.

³ Sa yena ahrire wacũ mũhtaña: Pihtiatĩ deco panogã Cohãcjũ yere bũjũpeyequina ijietã. Tiquina ñañene tutuaro cahmeducuyequina ijiye, ti ñañene yeducueta. Ohõ saha ni bũjũpeeta:

⁴ “Cristo ‘Tojoa tautja’, nieperota ne tojoa tasi. ¿Tojoa ta dueperota dũhsero ne bajuerajari tiquiro? Ahri yehpa iji dũcari bato mari ñecũsumũa mana iji turiayequina tiquina yariari bato ijipihtiro sijoro saha waharo marieno sa ijiducure. Mũnanota sa ijiducu cãre. Sa yero ahri yehpare ahtatiquiro Ʃhmũsepũre mariedare”, ni bũjũpeyequina ijietã.

⁵ Sa ni bũjũpeye ahri pehere ne wacũ durerare tiquina: Panopũre Cohãcjũ tiquiro dutiro mehna ahri yehpare, Ʃhmũse gũhũre bajumehneahye. Sa yero ahri yehpapũ aco dihita ijirirore dihta ijigũ yeahye tiquiro. Sa yero aco mehna ahri yehpa yojopũre ti ijiro sahata ahri yehpare yeahye tiquiro.

⁶ Sa yero camepũ ahri yehpare miono, cohã pehoahye ahri yehpa cjẽne. Sa yero ahri yehpare ihcã tahata sijoro saha wahagũ ye tuhasahye Cohãcjũ.

7 Sa sijoro saha wahagū yeperota yojopare uhmūse, ahri yehpa gūhare pari turi comesagū yerari tiqiro. Tiquiro dutiro mehna ahri yehpare, uhmūse gūhare yojopare ti ijiro sahata ijiducu nemogū yero nine. Sa yero cohtero nine came ijipihtiropare ujūano taro. Sa cohtero nine Cohācjū tiquirore cahmeñequinare buhiri dahrero taro. Sa buhiri dahrero tiquinare pecapū cohānota.

8 Yūhū cahīna, ahrire wacūna mūsa: Mil cahmarine “Yoa yūhdūari pje ijire”, mari ni tūhotuepegūta ihcā decota ijire, Cohācjū ihñagū.

9 “Cohācjū tiquiro nidiro saha umūñano yerabutiare”, nine masa. Sa ijierare. Masare quehnoano ye duaro cohtenino nine. Ne ihcāquiro masūnore pecapū cohā duerare tiquiro. Sa yero ijipihtiyequina tiquina ñañene bujūa witigū, ñañene duhugū cahmeno nine tiquiro.

10 Ŋamipare yaque bucūro tiquiro wacūeno mehna yaquero sajāriro saha Cristo ahri yehpapare wacūeno mehna ahtarota. Tiquiro ahtagūta to tutuaro bisigūta uhmūse cjē pihtia waharota. Ujū pihtia waharota. Sa yero ahri yehpa gūhū, ahri yehpa cjē gūhū ujū pihtia waharota.

11 “Ahri ijipihtiyē pihtia waharota”, Cohācjū nigū tūhona ñañene duhuna, Cohācjū cahmeñene yero cahmene marine.

12 Mari pūhtoro ahri yehpapū tiquiro ahtatire cohtena, sojaro mehna tiquiro ahtagū yeya mūsa. Ti deco uhmūse cjē ujū pihtia waharota.

13 Ti sa cuaro wahati ijiepegūta mari pehe Cohācjū ni cūriro sahata ijipihtiyere tiquiro comesagū yeatire cohteaia mari. Ijipihtiyē ti ujū pihtiaro bato ohō saha ijirota. Uhmūsepū gūhū ahri yehpapū gūhū wahma ijirota. Sa ye ti pjeperare quehnoañe dihitare yeeta ijipihtiyequina. Tireta cohteaia mari.

14 Sa yena yūhū cahīna, mari pūhtoro tiquiro ahtatire cohtena, Cohācjū ihñonopū quehnoano yena

ijiya mūsa. Sa quehnoano yena ijiya mūsa Cohācjū mūsa mehna tiquiro bucueatire.

15 Sa yena yoa cjūri pje tiquiro baueragū ihñana ahrire masiña mūsa. Masa tiquirore cahmeñequina tiquiro yūhdūoatiquina dūhsarīne yojopū. Sa yero tiquinare cohtenino nine Cohācjū. Sata ni mū sare oja ohoari jiri mari acayūro mari cahīniquiro Pablo. Cohācjū masiñe mehna tire ojoari jiri tiquiro.

16 Sa dihita ni ojoari jiri Pablo tiquiro ojoaripe. Cristo tiquiro ahtatire, ñañene yeeyequina mari ijiatu gūhare yahuro ohō saha dihita ni ojoari jiri tiquiro. Ihquē tahari mijo cjūñene tiquiro yahu ojoari jiri. Apequina ne masieñequina, tūho masieñequina ni mehoñe mehna tiquiro sa nidire comesa mūjare. Sa ye tiquiro sa nidi ijiepegūta sijoro saha ni comesa yahure tiquina. Apeye Cohācjū yere tiquina ojoari pūri gūhare sata yeri tiquina. Tiquina sa yegū ihñano Cohācjū tiquinare buhiri dahrero, pecapū cohānota.

17 Yūhū acaye, yūhū cahīna ahri ijipihtiyere ti sa wahato pano yahū mū sare. Sa yena ahrire masina, quehnoano yeya mūsa. Ñañequina mū sare sijoro saha ni tiquina buhegū tūhoeracāhña tiquinare, “Cristo yere duhuari”, nina.

18 Sa yena mari pūhtoro marine yūhdūoriquirore Cristore quehnoano wacū tutua nemoña mūsa. Tiquirore quehnoano masi nemoña mūsa. Yojopare, ijipihtiyē decori tiquirore quehnoano ño peuhna mari. “Quehnoariquiro, tutuariquiro ijire”, niuhna mari tiquirore. Sata niuhna.

1 San Juan

Jesucristo catiyere ohoriqiro ijire

¹ Jesu Cohãcjũ mari Pacũ ye yahuducuyere yahuriqiro ijire. Duita coã waropũta ijiriquiro tiqiro mari Pacũ mehna masare sa ijiducugũ yeriquiro ijiahye. Yojopũre usã tiqiro yere, tiqiro ijiye tiyere yahu ojoana niaja. Tiquirore tãhona, tiqiro waroreta ihñau usã. Sata ijire. Tiquirore ihñana, usã omocari mehna tiqirore dahra tuhuu.

² Ahriqiro mari Pacũ mehna sa ijiducugũ yeriquiro ahri yehpapũ tiqiro masa bajuari bato tiqirore usã ihñau. Sa yena tiqirore yahuaja usã mũsare. Ijipihtiye decori mari Pacũ mehna tiqiro ijiducuriqiro ijigũ, yojopũre mari Pacũ tiqirore ihñori usãre. Tire yahuaja usã mũsare.

³ Mari Pacũ mehna cjãna ijiaja usã. Tiquiro macũno mehna cjãna gãhũ ijiaja usã. Sa yena mũsa gãhũ usã mehna cjãna, mari Pacũ mehna cjãna, tiqiro macũno mehna cjãna mũsa ijiatire usã ihñarire, usã tãhorire mũsa gãhũre usã yahuaja.

⁴ Ahrireta usã ojoaja quehnoano mari bucueatire.

Buhrioro to wete marieno saha Cohãcjũre ñaňe ne mariedare

⁵ Ahri buheye Cohãcjũ macũno usãre tiqiro yahuri ijiye nine. Yojopũta ahrire yahumatja usã mũsare: Cohãcjũ buhrioro yero saha ijire. Buhrioro to wete marieno saha tiqirore ne ñaňe mariedare. Ñaňe nahitiano yero saha ijire. Cohãcjũre ne ñaňe mariedare. Tiquiro sa ijiye tiyere yahuaja mũsare.

⁶ Sa yena nahitianopũ ijina yero saha mari ñaňene yena ijiepenata “Cohãcjũ mehna cjãna ijiaja”, nina, mari ni mehona niaja. Sa yena Cohãcjũ yere queoro yeraja.

⁷ Sa yena buhrioropũ ijina yero saha Cohãcjũ tiqiro yeriro sahata mari quehnoañe pehere yena,

apequina Jesu yequina mehna quehnoano ijina niaja. Mari sa yegũ Cohãcjũ macũno Jesu tiqiro dii cohãno mehna, curusapũ tiqiro yariari mehna ijipihtiye mari ñaňe yerire bore.

⁸ “Yũhũ pũrita ne ñaňene yeraja”, ni wacũna, mari ni mehoňene tãhotuna niaja. Mari sa ni tãhotuna Cristo yere ne masiedaja.

⁹ Sa yena Cohãcjũre mari ñaňene mari yahu yãhdũgũ tiqiro pota yeriquiro mari ñaňene borota. Sa yero ijipihtiye mari ñaňe yeri gãhũre, mari ñano tãhotuye gãhũre cose werota tiqiro. Tiquiro nidiro sahata yeriquiro ijire.

¹⁰ “Ñaňene yeraja”, nina, “Cohãcjũ ni mehoriqiro ijire”, nina niaja mari. Sa niñequina tiqiro buheyerere cahmedare.

2

Cristo marine yedohore

¹ Yũhũ pohna, mũsare “Ñaňene yeari”, nigũ ahrire ojoagũ niaja. Yũhũ sa ni ojoaepegũta ñaňene yeboaga mũsa. Mũsa sa yegũ ihñano Jesucristo quehnoariqiro mũsa ye ijiatire tiqiro Pacũrore ohõ saha ni sini basarota: “Ahriquina tiquina ñaňene yeri buhirire buhiri dahreracãhña”, ni sini basarota tiqiro Pacũrore.

² Cristo mari ñaňene cohãriqiro ijire. Mari ñaňene mari dihitare cohãedare. Ijipihtiro cjẽna gãhũre tiquina ñaňene cohã masine tiqiro.

³ Cohãcjũ dutiyere yena, tiqirore potota quehnoano masiaja mari.

⁴ Ihcãqiro Cohãcjũ dutiyere yeraperoata “Yũhũ Cohãcjũre masiaja”, nino, tiqiro ni mehoriqiro ijire. Sa yero Cristo yere ne masiedare.

⁵ Apeqiro pehe Cohãcjũ dutiyere yeriquiro Cohãcjũre tutuaro cahñiquiro ijire. “¿Cohãcjũ mehna cjãna ijiajari mari?” ni masi duana, ohõ saha mari masinata:

⁶ Cohãcjũ mehna cjũno Jesucristo quehnoañene tiqiro yeriro sahata yeriquiro ijire. Sata yeducuuhna mari.

Wahma dutirote yahuahye

⁷ Yuhuh cahina, ahri dutiro yojopure musare yuhuh yahuati wahma dutiro ijierare. Ahri dutiro musa coã waropure cuoriro mana dutirota ijire. Ti dutirote musa tuho tuhasari.

⁸ Yojopure pehere musare yuhuh yahuati mana dutiro ijieperota wahma dutiro gũhuh ijire. Cristo gũhuh, musa gũhuh ti dutirote yere. Yojopure nahitiano pihti cã mari ihña masino saha mari masiedare masi dũca cãna niaja mari. Sa yero buhrioro mehna mari ihña masino saha Cristo musare poto ijire masigũ yero ahta tuhasari.

⁹ “Yuhuh buhrioropure ijiriquiro yero saha Cohãcjũ dutiyere yegũ ijiaja”, ihcãquiro nieperota, apequinare ihña tuhtiro, tiquiro Cohãcjũ dutiyere yere.

¹⁰ Sa yero apequirore cahĩniquiro pũrita buhrioropure ijiriquiro yero saha Cohãcjũ dutiyere yeriquiro ijire tiquiro. Sa yero ñañene pari turi ye duerare.

¹¹ Masare ihña tuhtiriquiro pehe nahitianopure ijiriquiro yero saha ijiro nine. Tiquiro caperi bajueriquiro yero saha ijire. Tiquiro wahatore ihña masiedare tiquiro.

¹² Yuhuh pohna, Cristo tiquiro yariari mehna musa ñañe yerire cohãri jiri. Sa yegũ musare yahu ojoagũ niaja.

¹³ Musã pacũsumã gũhuh, musã Cristore coã waropure ijiriquirore masine musã. Musã sa masigũ ihñagũ musã gũhuh yahu ojoagũ niaja. Musã wahma pjia ñariquiro watĩnore yuhdũducari musã. Musã sa yuhdũducana ijigũ musã gũhuh yahu ojoagũ niaja.

Yuhuh pohna, mari Pacure musã masine. Musã sa masigũ ihñagũ musare yojopure yahu ojoagũ niaja.

¹⁴ Musã pacũsumã, musã Cristore coã waropure ijiriquirore masine musã. Musã sa masigũ ihñagũ musare yahu ojoagũ niaja. Musã wahma pjia potota musã Cohãcjũre wacũ tutuana ijire. Sa yena musã Cohãcjũ yere yena niaga. Sa yena, musã

ñariquiro watĩnore yuhdũducari. Sa yegũ musare yahu ojoagũ niaja.

¹⁵ Ahri yehpa cjẽ ñañene cahmedacãhña. Ahri yehpa cjẽ ñañene cahmena mari Pacũ pehere cahmedare musã.

¹⁶ Ñañequina tiquina basi ñañene tiquina tutuaro cahmedi, ñañene tiquina ihña duari mari Pacũ Cohãcjũ ye ijierare. “Ijipihtiyere cuo pehogũ, masi pehogũ ijiaja yuhuh. Ne ihcãquiro masuno yuhure yuhdũducare”, masa tiquina ni tuhotuye mari Pacũ ye ijierare. Ti ijipihtiyere ahri yehpa cjẽ ijire.

¹⁷ Ahri yehpa, ahri yehpa cjẽ gũhuh masa tiquina cahmeñe pihtia waharota. Sa yero Cohãcjũ cahmeñene yeriquiro ijipihtiyere decori Cohãcjũ mehna ijirota.

Cristore ihña tuhtiriquiro pehere yahuahye Ñu

¹⁸ Yuhuh pohna, ahri yehpa pihtiatu deco mehenogã dũhsare. “Cristore ihña tuhtiriquiro ahtarota”, ni, Jesu yequina musare yahu tuhasari. Yojopure Cristore ihña tuhtiyequina peyequina iji tuhasare. Tiquina sa ijigũ ihñana yojopure pihtiatu deco mehenogã dũhsagũ masiaja mari.

¹⁹ Ahriquina Cristore ihña tuhtiyequina pehe mari caha ijiepetu potota mari mehna cjẽna ijierare. Sa ye tiquina marine cohã cãri. Tiquina mari mehna cjẽna ijiye, mari mehna ijiboaga. Marine cohã cãri. Tiquina sa cohãgũ mari mehna cjẽna tiquina ijieragũ masiaja mari.

²⁰ Cristo Espĩritu Santore musã pehere ohori. Sa yero Espĩritu Santo musã mehna ijire. Sa yena musã ijipihitina Cristo yere masi tuhasare.

²¹ Musare yahugũ “Cristo yere masiedare musã”, ni tuhotueraja yuhuh. Musã Cristo yere masigũ ihñagũ musare yahuaja. Cristo ye ne ni mehoñe mariedare. Ti gũhuh masina musã ijigũ masiaja yuhuh.

²² Ahriquiro ijire ni mehoriquiro: “Jesu Cohãcjũ macũno ijierare”, ni diquiro pehe ni mehoriquiro ijire. Potota Cristore ihña tuhtiriquiro ijire

tiquiro. Mari Pacure, tiquiro macuno gũhare cahmedariquiro ijire Cristore ihña tuhtiriquiro.

²³ Ohõ saha ijire: Jesure cahmeediquiro pehe mari Pacu gũhare cahmeediquirota ijire. Jesure cahmediquiro pehe mari Pacu gũhare cahmediquiro ijire.

²⁴ Coã waropu Cohãcjũ yere m̄sa tũhorire quehnoano wacũña. Tire m̄sa wacũna, Jesu mehna cjãna ijinata. Sa yena mari Pacu mehna cjãna ijinata.

²⁵ Tireta Jesu marine yahuri. Ohõ saha ijire tiquiro yahuri: “M̄sa ijipihitiye decori Cohãcjũ mehna ijiducunata”, ni cũri Jesu marine.

²⁶ Apequina m̄sare ni mehoñe nine. Tiquina sa ni mehogũ masigu m̄sare yahu ojoagu niaja.

²⁷ Tiquina sa ni mehonohrina m̄sa ijiepegãta m̄sa pehere Cristo tiquiro yaquiro Espiritu Santore oho tuhasari. Espiritu Santo m̄sa mehna ijire. M̄sa mehna ijiro m̄sare buheriquiro ijire. Tiquiro ijipihitiyere m̄sare yahure. Tiquiro yahuye ijirota ijire. Ni mehoñene yahuerare tiquiro. Espiritu Santo nidiro sahata yeya m̄sa yojopure. Sa yena m̄sa Cristo yere tãhona, tiquiro mehna quehnoano ijiya.

²⁸ Sata ijire. Yũhũ pohna, m̄sa Cristo mehna cjãna ijiya. Sa yena Cristo ahtati decore cuesi m̄sa. Sa yena tiquiro ahtati decore bæ tiye mehna duhtisi m̄sa.

²⁹ Cristo quehnoañene yeriquiro tiquiro ijigũ m̄sa masine. Tire masina ahri gũhare masiña m̄sa. Ijipihitiyequina quehnoañene yeyequina Cohãcjũ pohneta ijire. Ti gũhare masiña m̄sa.

3

M̄sata Cohãcjũ pohna ijire

¹ “M̄sa yũhũ pohna ijire”, nino, tutuaro cahĩ yũhdũdũcaro nine marine mari Pacu. Tiquiro sa cahõna ijina tiquiro pohna ijiaja mari. Ahri yehpa cjẽna ñañequina Cohãcjũre masiedare. Sa yeye Cohãcjũ pohna

mari ijigũ ihñañe tiquina mari gũhare masiedare.

² Yũhũ cahĩna, yojopure Cohãcjũ pohna ijiaja mari. Sa ijiepenata came mari ijiatire mari quehnoano masiedaja. Sa masiedapenata ahri pehere masiaja. Cristo tojoa tagũ mari ihñana, tiquiro ijiriro sahata tiquirore mari ihñanata. Sa yena Cristo marine bajuagũ ihñana tiquiro yero saha mari comesanata.

³ Ijipihitiyequina ahrire masiñequina Cristore ihña cũñe, ñañene ye duerare.

⁴ Ñañene yena dutiyere yũhdũdũcana niaja. Sa ye ijipihitiyequina ñañene yeyequina Cohãcjũ dutiyere yũhdũdũcayequina ijire.

⁵ Cristo masare tiquina ñañene cohãtiquiro bajuahye. Tiquiro ne ñañene yerare. Tire masine m̄sa.

⁶ Sa ye ijipihitiyequina Cristo yequina ñañene yeducuerare. Apequiro pehe ñañene sa yeducuriquiro Cristore ne masiedare. Sa yero Cristo yaquiro ijierare.

⁷ Yũhũ pohna, m̄sare ni mehoñequinare tũhoeracãhña. Ijipihitiyequina quehnoañene yeyequina Cristo yero saha quehnoañequina ijire.

⁸ Apequiro pehe ñañene sa yeducuriquiro watĩno yaquiro ijire. Watĩno pũrita duita ñañene yeriquiro ijiahye. Sa yero watĩno tiquiro ñañene ye dutiyere cohãtiquiro Cohãcjũ macuno masa bajuahye.

⁹ Cohãcjũ pohna ijina Cohãcjũ yero saha ijina ijiaja. Sa yena ñañene yeducueraja. Cohãcjũ mari Pacu tiquiro ijigũ mari pehe ñañene yeducu masiedaja.

¹⁰ Ohõ saha ijieyequina Cohãcjũ pohne tiquina ijigũ masinata: Cohãcjũ pohne watĩno pohne yero saha ijierare. Ñañene yeducuyequina, apequinare cahĩñequina Cohãcjũ pohne ijierare.

M̄sa mehna cjẽnare cahĩña

¹¹ “Mari mehna cjẽnare cahĩhna”, ni buheyere coã waropure tũho tuhasari m̄sa.

12 Mari Caĩ tiquiro ñano yeriro sahata yeracãhna. Tiquiro watño yaquiro ijero, tiquiro baharore wejẽahye. ¿Dahse yero tiquirore wejẽyari, m̄sa t̄hotugã? Tire yahutja m̄sare: Caĩ tiquiro yeri ñaño ijiahye. Tiquiro baharo pehe quehnoañene yeriquiro ijigũ ihñano tiquiro wahmino pehe tiquirore wejẽahye.

13 Sa yena ȳh̄u acaye, ahri yehpa c̄j̄na m̄sare tiquina ihña tuhtigũ “¿Dahse ijero boro ȳh̄u ihña tuhtijari tiquina?” ni, t̄hotueracãhña.

14 Mari pecap̄ wahaborina ijimi. Yojoṗ̄re ̄hm̄sep̄ sa ijiducutina comesarina ijiaja mari. Jesu yequinare cahña, Cohãcjũ marine tiquiro comesagũ yerire masiaja mari. Masare cahñeniquiro pecap̄ wahatiquiro ijire.

15 Tiquiro acaȳrore ihña tuhtiriquiro masare wejẽdiquiro ijire, Cohãcjũ ihñagũ. Masare wejẽñequina ̄hm̄sep̄ ijiducusi. Tire quehnoano masine m̄sa.

16 Masare cahñene ohõ saha masinata. Ijipihtiye decori Cohãcjũ mehna mari ijiatire Cristo yariaro marine tutuaro cahĩdi. Sa yariaro marine tiquiro sa cahĩducure masigũ yero nidi. Sa yena mari ḡh̄u Jesu yequina ye ijiatire yariaro cahmeboaga.

17 Peye c̄oriquiro Jesu yaquirore pejec̄oriquirore ihñaeperota tiquirore paja ihñedarõ, Cohãcjũre cahñedarõ tiquiro.

18 Ȳh̄u pohna, masare mari cahñe pehe mari d̄sero dihita wijiaeracãhdo. Masare mari cahña, tiquinare yedohoro cahmene marine.

Cuero marieno Cohãcjũ cahap̄ iji masiaja mari

19-20 Sa cahña mari potota Cohãcjũ yequina mari ijiye ḡh̄u masinata. Sa yena Cohãcjũ cahap̄ cuero marieno mari iji masiaja. Sa yena “Ñaño buhiri ijiaga ȳh̄u”, mari ni t̄hotuepegãta, Cohãcjũ cahap̄ cuero marieno iji masiaja. Tiquiro

pehe mari ȳh̄uoro tutuariquiro ijero ijipihtiyere masine.

21 Ȳh̄u cahña, quehnoañene yena, “Quehnoañe pehere yena niaja”, ni t̄hotuna, Cohãcjũ cahap̄ mari cuero marieno iji masiaja.

22 Cohãcjũ dutiyere, tiquiro cahmeñe ḡh̄u mari yegã, tiquirore mari sinino punota tiquiro ohorota.

23 Ohõ saha dutire tiquiro marine: “Cohãcjũ mac̄nore Jesucristore wacũ tutuaya. Sa yena Cristo marine tiquiro dutiriro sahata m̄sa mehna c̄j̄nare cahña m̄sa”, nino, ye dutire marine.

24 Cohãcjũ dutiyere yeriquiro Cohãcjũ mehna c̄j̄no ijero nine. Sa yero Cohãcjũ tiquiro mehna c̄j̄no ijire. Cohãcjũ mari mehna c̄j̄no tiquiro ijiyere mari masi duagũ marine tiquiro ohoriquiro Espiritu marine masigũ yerota.

4

Ni mehoñe buheye ḡh̄u, Cohãcjũ ye buheye ḡh̄u quehnoano ihña masi dutiahye

1 Ȳh̄u cahña, apequina “Cohãcjũ yaquiro Espiriture c̄oaja”, niñequina tiquina ijiepegãta tiquina ye buheye ni mehoñe ijire. Sa ye apequina pehe Espiritu Santo warore c̄oyequina ni mehono marieno buhere tiquina. Peyequina “Cohãcjũ yere yahu m̄htarina ijiaja”, niepeta ni mehoñequina ijire yojoṗ̄re. Ijipihtirop̄re ijire tiquina. Sa yena apequina m̄sare tiquina buheye ni mehoñe buheye ijigũ ihña masiña m̄sa. Cohãcjũ ye ti ijigũ ḡh̄u ihña masiña m̄sa.

2 Cohãcjũ yaquiro Espiriture c̄oyequinare m̄sa ihña masi duana, ohõ saha masinata: “Jesucristo ahri yehpap̄ mas̄no paḡ waro c̄oriquiro ahtari jiri”, ni, buheyequina Cohãcjũ yaquiro Espiriture c̄oyequina ijire tiquina. Sa yena sa ni buheyequinare ihña masinata m̄sa.

3 Apequina pehe “Jesu ahri yehpap̄ mas̄no paḡ waro

cuoriquiro ahtaerari jiri”, ni buheye-quina Cohãcjũ yaquiro Espíriture cuoyequina ijire. Tiquina ye tũhotuye Cristore ihña tuhtiriquiro tiquiro tũhoturo saha ijire. “Cristore ihña tuhtiriquiro ahtarota”, tiquina nidire tũho tuhasari m̄sa. Sa ye tiquiro ye buheye ahri yehpapure w̄hi tuhasari.

⁴ M̄sa pehe ȳh̄h̄ pohna, Cohãcjũ yequina ijire m̄sa. Sa yena “Cohãcjũ yere yahu m̄htarina ijiaja usã”, ni, mehoñequinare ȳhd̄d̄ca tuhasari m̄sa. M̄sa mehna ijiriquiro Espiritu Santo pehe tutua ȳhd̄d̄care. Sa yero ahri yehpa cj̄na yaquiro wat̄no ȳhd̄oro tutuare. Sa yena ni mehoñequinare ȳhd̄d̄cari m̄sa. Sa yena ti buheyere cahmedari m̄sa.

⁵ Ni mehoñequina pehe ahri yehpa cj̄na ijire. Sa ye tiquina ahri yehpa cj̄ ñañene tiquina buhegũ ahri yehpa cj̄na ñañequina pehe tiquinare quehnoano tũhore.

⁶ Mari pehe Cohãcjũ yequina iji-aja. Sa ye Cohãcjũre masiñequina marine quehnoano tũhore. Apequina pehe Cohãcjũ yequina ijieraye, marine ne tũho duerare. Tiquina sa tũho dueragũ ihñana tiquina ye buheye Cohãcjũ ye buheye ti ijieragũ masinata mari. Sa yena apequina pehe marine tiquina tũhogũ tiquina ye buheye quehnoañe buheye ti ijigũ ḡh̄are masiaja mari.

Cohãcjũ masare tutuaro cah̄ducuriquiro ijire

⁷ Ȳh̄h̄ cah̄na, Cohãcjũ marine apequinare cah̄gũ yeriquiro ijire. Tiquiro sa yeriquiro ijigũ ihñana mari mehna cj̄nare cah̄ihna mari. Masare quehnoano cah̄ñequina pehe Cohãcjũ pohne ijire. Sa ye tiquina Cohãcjũre quehnoano masine.

⁸ Cohãcjũ masa ijipihtiequinare tutuaro cah̄ducuriquiro ijire. Tiquiro sa cah̄ducuriquiro ijigũ masare cah̄ñequina pehe Cohãcjũre masiedare mari cuero marieno mari ijiatire. Sa yena cuesi mari ahri yehpapure Cristo yero saha ijina.

⁹ Cohãcjũ marine tiquiro cah̄ñene mari masi duana, oh̄ saha masinata: Cohãcjũ pehe tiquiro mac̄nore

ihcãquiota ijiriquirore marine ȳhd̄oatiquirore ahri yehpapure ohoahye. Sa ohoro marine tiquiro cah̄ñene marine masigũ yero niahye.

¹⁰ Apequinare cah̄ñe waro oh̄ saha ijire: Cohãcjũre mari cah̄ñe pehe poto cah̄ñe waro ijierare. Marine Cohãcjũ tiquiro cah̄ñe p̄rita potota cah̄ñe waro ijire. Sa yero tiquiro mac̄nore mari ñañene coh̄atiquirore ohoro marine tutuaro cah̄ñe tiquiro.

¹¹ Ȳh̄h̄ acaye, Cohãcjũ marine tiquiro sa tutuaro cah̄gũ ihñana mari ḡh̄u mari mehna cj̄nare cah̄ihna.

¹² Masa pehe ne Cohãcjũre ihñedari. Tiquirore mari ihñedapegũta mari mehna cj̄nare mari cah̄gũ, Cohãcjũ pehe mari mehna sa ijiducuro nine. Sa yero potota marine cah̄i nemoducugũ yere tiquiro.

¹³ Cohãcjũ pehe marine tiquiro yaquiro Espíriture ohori. Sa yena Espíriture cuona, Cohãcjũ mehna mari quehnoano ijiyere masiaja mari.

¹⁴ Sa yena mari Pacu tiquiro mac̄nore ahri yehpa cj̄nare ȳhd̄oatiquirore tiquiro ohorire usã ihñau. Tire ihñana apequinapure tire yahuaja usã.

¹⁵ Cohãcjũ mehna cj̄no oh̄ saha nidiquiro ijire: “Jesu Cohãcjũ mac̄no ijire”, nidiquiro tiquiro p̄rita Cohãcjũ mehna cj̄no ijiro nine. Sa yero Cohãcjũ ḡh̄u tiquiro mehna cj̄no ijiro nine.

¹⁶ Sa yena marine Cohãcjũ tiquiro cah̄ñene mari masiaja. Sa yena marine potota cah̄niquiro tiquiro ijigũ masiaja mari. Cohãcjũ masa ijipihtiequinare tutuaro cah̄ducuriquiro ijire. Sa yero apequiro masare cah̄ducuriquiro Cohãcjũ mehna cj̄no ijire. Sa yero Cohãcjũ ḡh̄u tiquiro mehna cj̄no ijire.

¹⁷ Sa yena mari quehnoano cah̄i nemoducuaaja Cohãcjũre, apequina ḡh̄ure, buhiri dahreri deco ijigũ

¹⁸ Apequinare mari cah̄gũ cuero

mariedare. Cohãcjũ marine tiquiro cahĩñene masina mari ne cuer-
aja. Masa cueye tiquinare buhiri
dahreatire cue nine. Sa cueye ñano
yãhdũre. Sa yero cueriquiro pehe
Cohãcjũ cahĩñene masieniquiro ijire.

¹⁹ Marine Cohãcjũ cahĩ mãhtahye.
Sa yena mari gãhũ tiquirore cahĩaja.

²⁰ Ihcãquiro “Cohãcjũre cahĩaja”,
nidiquiro ijieperota apequirore ihña
tuhtiro, ni mehoriquiro ijire tiquiro.
Tiquiro ihñariquirore cahĩedaró,
Cohãcjũre tiquiro ihñeniquiro gãhũre
cahĩ masiedare tiquiro.

²¹ Sa yero ahri ijire marine Cristo
tiquiro dutiriro: Cohãcjũre cahĩna,
mũsa cahapũ ijiyequina gãhũre
cahĩña.

5

*Cohãcjũ pohne ahri yehpa cjẽ
ñañene ye duerare*

¹ Ijipihtiyequina Jesure “Cristo
ijire. Cohãcjũ ohoriquiro ijire”,
niñequina, Cohãcjũ pohne ijire. Ape-
quina pacũrore cahĩna, tiquiro pohne
gãhũre cahĩaja mari. Sata Cohãcjũre
cahĩna, tiquiro pohne gãhũre cahĩaja
mari.

² Cohãcjũre cahĩna, tiquiro dutiyere
quehnoano yena, tiquiro pohne
gãhũre mari cahĩna niaja.

³⁻⁴ Tiquiro dutiyere yena Cohãcjũre
cahĩna niaja. Marine Cohãcjũ du-
tiyere yegũ mijoedare. Mari ijipi-
htina Cohãcjũ pohna ijina, ñañene
cahmedaja mari. Sa ye marine
tiquiro dutiyere yegũ mijoedare.
Cohãcjũre wacũ tutuana ñañene
cahmedaja. Sa yena tiquirore mari
wacũ tutuari bato ñano ye dueraja.

⁵ Ñañene cahmedana ohõ saha nina
ijiaja mari: “Jesu Cohãcjũ macũno
ijire”, nina ñañene cahmedaja mari.

Cohãcjũ macũnore yahuahye Ñũ

⁶ Jesucristo ahri yehpapũ tiquiro
ahtagũ tiquirore Ñũ aco mehna
wame yerire masina, curusapũ
tiquiro dii cohãri gãhũre masina,
Cohãcjũ macũno tiquiro ijiyere
masiaja mari. Tiquiro wame yeri

dihita Cohãcjũ macũno tiquiro ijiyere
marine masigũ yerare. Tiquiro dii
cohãri gãhũ marine tire masigũ yere.
Espíritu Santo “Ahri ijirota ijire”,
ni yahure marine. Tiquiro poto ni
yahuriquiro ijire. [

⁷ Sa ye Jesu Cohãcjũ macũno tiquiro
ijiyere ãhmũse cjẽna yahuyequina
ihtiaro ijire: Mari Pacũ, tiquiro
macũno Jesu, Espiritu Santo mehna
“Jesu potota Cohãcjũ macũno ijire”,
niñequina ijire tiquina. Tiquina
ihtiaro ijiepetata ihcãno mehna yahure
tiquina Jesure.]

⁸ Jesu Cohãcjũ macũno tiquiro
ijiyere ahri yehpapũre ihtiaro
yahure: Cohãcjũ macũno tiquiro
ijiyere Espiritu Santo pehe marine
yahure. Sa yena Jesure aco mehna
tiquiro wame yeri gãhũre masina,
Cohãcjũ macũno tiquiro ijiyere masi-
aja mari. Sa yena mari ye ijiatire
tiquiro yariarire tiquiro dii cohãri
masina, Cohãcjũ macũno tiquiro
ijiyere masiaja mari. Sa ye ti ihtiaro
ihcãno mehna marine masigũ yere
Cohãcjũ macũno Jesu ijiyere.

⁹ Masa tiquina yahuyere tãhona
“Ijirota ijire”, niaja mari. Sa niepe-
nata mari Pacũ tiquiro macũnore
yahugũ masa tiquina yahuye
yãhdũoro tiquiro pehere tãhoro
cahmene marine. Cohãcjũ waro
tiquiro ijigũ tiquiro yahuyere tãhoro
cahmene marine.

¹⁰ Sa ye ijipihtiyequina Cohãcjũ
macũnore wacũ tutuayequina
Jesure yahuri buheyere quehnoano
tãhore. “Queorota ijire”, ni
tãhoture tiquina Jesure yahuri
buheyere. Cohãcjũ macũnore tiquiro
yahurire tãhoeriquiro “Cohãcjũ ni
mehoriquiro ijire”, nidiquiro ijire
tiquiro.

¹¹ Cohãcjũ marine ijipihtiye decori
tiquiro mehna sa ijiducugũ yerota.
Cohãcjũ macũno yequina mari ijigũ
tiquiro mehna sa ijiducugũ yerota
marine. Ahri ijire Cohãcjũ marine
tiquiro yahuye.

¹² Cohãcjũ macũno yequina ijiye
tiquiro mehna sa ijiducueta. Sa

ye apequina pehe tiquirore cahmeeñequina tiquiro mehna sa ijiducusi.

Ñu yahu ojoa bato tiahye

¹³ MUSA Cohãcjũ macũnore wacũ tutuana Cohãcjũ mehna sa ijiducunata. Tire mUSA masiatire mUSARE yahu ojoagũ niaja.

¹⁴ Cohãcjũ tiquiro cahmediro sahata mari tiquirore dũhse ijiyere mari sinigũ tiquiro marine quehnoano tũhorota. Sa mari sinina “Potota quehnoano tũhore tiquiro”, ni masiaja mari.

¹⁵ Tiquirore mari sinigũ, marine tũhore. Tiquiro sa tũhorire masina, tiquirore mari sinino punota tiquiro ohoati gũhũre masiaja mari.

¹⁶ MUSA acayũro tiquiro ñañene yegũ ihñana, ti ñañe Cohãcjũ pecapũ tiquiro waha dutiye ñañe ijieragũ, tiquirore sini basaya Cohãcjũre. Sa yero Cohãcjũ tiquirore yedohoro tiquiro mehna sa ijiducugũ yerota tiquirore. Cohãcjũ pecapũ tiquiro waha dutieyequina dihitare sini basaya mUSA. Apeye ñañe pehe Cohãcjũ pecapũ tiquiro waha dutiye ñañe waro ijire. Ihcãquiro ti ñañe warore tiquiro yegũ “Tiquirore sini basaya mUSA”, niedaja yũhũ.

¹⁷ Ijipihtiye ñañe yeye ñañe warota ijire, Cohãcjũ ihñagũ. Ti sa ijiepegũta apeye ñañe Cohãcjũ pecapũ tiquiro waha dutiye ñañe ijierare.

¹⁸ Cohãcjũ macũno Jesu pehe Cohãcjũ pohnene quehnoano ihña ihbore. Tiquiro sa ihña ihbogũ watĩno pehe Cohãcjũ pohnene ñano ye masiedare. Sa ye Cohãcjũ pohne pehe ne ñañene sa yeducuerare. Ahrire mari masiaja.

¹⁹ Mari pehe Cohãcjũ yequina ijiaja. Watĩno pehe ahri yehpa cjẽna pahtoro ijire. Ahri gũhũre mari masiaja.

²⁰ Cohãcjũ macũno ahri yehpapũre ahtaro marine quehnoano masigũ yeri tiquiro. Tiquiro sa yegũ potota Cohãcjũ waroreta mari quehnoano masiaja. Ahri gũhũre mari masiaja. Cohãcjũ macũno Jesucristo yequina

ijiaja mari. Sa yena potota Cohãcjũ waro mehna cjãna ijina niaja mari. Ahriquiro yũhũ nidiquiro potota Cohãcjũ waro ijire. Sa yero tiquiro ahmũsepũ sa ijiducugũ yeriquiro ijire.

²¹ Yũhũ pohna, “Cohãcjũ ijire”, tiquina niñe queoyere ño peeracãhña.

2 San Juan

Jesucristo yere, potota apeqinane cahĩne gũhure yahuahye Ñu

1-2 Yũhũ bucu musare Cohãcjũ beserinare ahri pũre ojoa ohoaja. Jesucristo yere yũhtina ijiaja mari. Sa ye tiqiro buheye gũhũ mari mehna ijipihitiye decori sa ijiducurota. Sa yegũ potota musare cahĩaja yũhũ. Yũhũ dihita cahĩgũ niedaja musare. Apeqina Jesu yere masiñequina tiquina gũhũ potota cahĩne musare.

3 Cohãcjũ mari Pacũ, Jesucristo tiqiro macũno gũhũ poto tiquina cahĩne mehna marine quehnoano yeeta. Sa ye marine paja ihñæta. Sa yeye marine quehnoano ijigũ yeeta tiquina. Sata yeahro marine. Sa nigũ musare quehnoa dutiaja.

4 Mari Pacũ marine tiqiro dutiriro sahata ihquẽquina musa mehna cjẽna tiqiro yere yũhtiyequina tiquina ijigũ masigũ bucueaja yũhũ.

5 Yojopũre musare yũhũ dutiati wahma dutiro ijierare. Coã waropũre ahri dutiro marine duita ijiahye. Ohõ saha dutire marine. Mari mehna cjẽnare cahĩhna.

6 Tiqiro ye dutiyere ye pehona mari tiqirore cahĩaja. Sa yero coã waropũre musa tuhõriro sahata yojopũ gũhũre ohõ saha dutire musare. Apeqinane sa cahĩducuya.

Peyequina ni mehoñequina ijire

7 Peyequina ni mehoñequina “Potota Jesucristo ahri yehpapũ masũno pagũta cõriqiro ahtaerari jiri”, niñequina gũhũ ahri yehpa cjẽnare buheye wahari. Cristore ihña tuhtiriquiro ni mehoriqiro tiquina yero sahata ijire.

8 Quehnoano yeya musa. Cohãcjũ ye wapare musa quehnoano yeri wapare boeracãhña. Musa sa boeragũ Cohãcjũ quehnoa yãhdũaro yerota musare.

9 Ijipihtiyequina Cristo yere yãhdũucayequina, Cristo yere cohãñequina mari Pacũ yequina ijierare. Sa ye Cristo yere ne duhueyequina Cohãcjũ mari Pacũre, tiqiro macũno gũhũre masine tiquina.

10 Cristo ye buheyere cahmedariqiro, apeye buheyere buheriquiro musa cahapũ ahtagũ, tiqirore musa ya wũhũpũ sajã ta dutieracãhña. Tiquirore piti caeracãhña.

11 Apeye buheyere buheriquiro Cristo yere cahmedariqiro ñano yere. Sa yero tiqirore piti cariquiro pehe ñano yeriquirore yedohoro nine. Sa yena tiqirore piti caeracãhña.

Ñu yahu ojoa bato tiahye

12 Peye musare yahu duepegũta tire ojoa dueraja. Musare ihñagũ waha duaja. Musare ihñagũ musa mehna yahuducutja, mari quehnoano bucueatire.

13 Cohãcjũ beseriquina ohõpũ cahmecoañequina, musa mehna cjẽna musare quehnoa dutire.

3 San Juan

*Ñu Gayo wame tiriquire
“Quehnoariquire ijire”, niahye*

¹ Yuhuh bucu mahure Gayore potota yuhuh cahigure ahri pure oja ohoaja.

² Yuhuh cahigu, Cohacjũ mehna cjũ mahuh ijigũ masiaja yuhuh. Tiquiro mehna mahuh quehnoano ijiriro sahata mahuh quehnoano yuhduatire, mahuh pagu dohatiro marieno mahuh ijiatire Cohacjũre sini basaja mahure.

³ Ihquẽquina Jesu yequina yuhuh caharu wihiye mahuh ijiye tiyere yahuri yuhure. “Cristo cahmeno sahata potota yere Gayo”, ni yahuri tiquina yuhure. Tiquina sa ni yahugũ tuhogu tutuaro bucuei yuhuh.

⁴ Mũsa Jesu yere yuhuh buherina tiquiro cahmeno sahata mũsa yegũ tuhogu tutuaro bucueaja.

⁵ Yuhuh cahigu, Jesu yequinare yedohogu quehnoano yeri mahuh. Sa yegũ Jesu yequinare mahuh ihña masieñequina pehere yedohogu quehnoa yuhduaro yeri mahuh.

⁶ Tiquina panoru mahuh ihña masieñequina pehe Jesu yequina ohõru cahmecoañequinare usãre ohõ saha ni yahuri: “Gayo usãre quehnoano cahine”, ni yahuri panoru mahuh ihña masieñequina pehe. Came mahuh ya macare tiquina yuhdu cãgũ ihñagu tiquinare quehnoano yedohoya Cohacjũ tiquiro bucueatire.

⁷ Tiquina Jesu yere buhe tiniñe wahaye, Cohacjũre cahmeeñequinare yedohogu cahmedari.

⁸ Sa yena tiquinare Jesu yere buhe tiniñequinare yedohuhna mari. Tiquinare sa yedohona, tiquina yero saha mari gãhu Cohacjũre yedohona niaja.

*Diotrefe tiquiro ñahe yerire
yahuahye Ñu*

⁹ To cjẽnare Jesu yequinare ojoami. Yuhuh sa ojoaepẽgũta Diotrefe tiquiro

basi tiquina puhtoro yero saha iji duaro, yuhure tuho duerari.

¹⁰ Mũsa caharu yuhuh esari bato tiquiro yerire musare yahu pehoutja. Usãre ñano yahuducure tiquiro. Sa yero ni mehoñe peyariquire ijire tiquiro. Sa yero apeye ñahe gãhure yere tiquiro. Jesu yequinare tiquiro yere buhe tiniñequinare tiquiro ya wuhure sajã dutierare. Sa yero apequina to cjẽna Jesu yequina pehe buhe tiniñequinare tiquina sajã dutigũ ihñano tiquiro pehe “Buhe tiniñequinare sajã dutieracãhña mũsa ye wuhusepũre”, ni yahusãre tiquinare. “Mũsa ye wuhusepũ buhe tiniñequinare mũsa sajã dutiri buhiri mari Jesu yequina mari ya wuhupũre mari cahme-coari wuhupũre sajãedacãhña mũsa pehe”, nine Diotrefe to cjẽnare Jesu yequinare.

¹¹ Yuhuh cahigu, ñahequinare ihña cũedacãhña. Quehnoano yeyequina pehere ihña cũña. Quehnoañene yeyequina Cohacjũ yequina ijire. Ñañene yeyequina Cohacjũre masiedare.

*Demetrio quehnoañene tiquiro
yerire yahuahye Ñu*

¹² Ijipihtiequina quehnoano yahuducuri Demetriere. Sa ye tiquiro yerire ihñahe quehnoano tiquiro yeriquiro ijigũ masine masa. Usã gãhu tiquirore sata ni yahuaja. Sa yena usã yahuye pehere potota ijigũ masine mũsa.

Yahu bato tiahye Ñu

¹³ Mũhure peye yahu duami. Sa yahu duepẽgũta tire ojoaeraja.

¹⁴ Mehenogã batota mahure ihña duaja. Sa yena mari basi cahme yahuducunata.

¹⁵ Quehnoa dutiaja mahure. Mari mehna cjẽna ohõ cjẽna Jesu yequina mahure quehnoa dutire. To cjẽna mari mehna cjẽna ijipihtiequina quehnoahdo.

San Judas

Juda Jesu yequinare ojoa ohoahye

¹ Yuhuh Juda Santiago bahuh, Jesucristo cahacjũ musare Jesu yequinare ahri pũre ojoa ohoaja. Musare mari Pacuh Cohãcjũ beseahye. Sa yena tiquiro cahĩne mehna quehnoano ijire musa. Sa yero Jesucristo yedohore musare “Ñañene yeari”, nino.

² Quehnoa dutiaja musare. Cohãcjũ yedohoro mehna quehnoano ijiya musa. Sa yeguh Cohãcjũre paja ihña dutiguh, musare cahĩ dutiguh sini basaja Cohãcjũre yuhuh.

Ni mehoñequina tiquina ye buheyere yahu dũcahye Juda

³ Cohãcjũ marine pecapuh waha-borinare tiquiro yuhduoye pehere tutuaro ojoa duami musare, yuhuh cahĩnare. Sa ojoa duepegũta musare yojopure ni mehoñe buheyere cahme dutieraguh musare ojoaja. Sa yena Jesucristo ye buheye pehere tutuaro buheya musa. Ahri buheye pehe Jesu yequinare Cohãcjũ cũri buheye sa ijiducurota comesaro marieno.

⁴ Ihquẽquina masa ñañequina wacũeno mehna musa cahapuh esari. Musa mehna ijiye tiquina ohõ saha ni buhemene musare: “Cohãcjũ yequina musa ijigũ, tiquiro cahĩne musare. Sa yero numia mehna musa ñano yegũ tiquiro musare ne buhiri dahresi”, ni buhemene tiquina. Sa ye mari puhtorore ihcãquirola ijiriquirore Jesucristore “Cohãcjũ macũno ijierare”, ni buhemene tiquina. Ohõ saha ni buheyequinare Cohãcjũ tiquiro buhiri dahreatire yahuahye panopure. Tiquiro yere tiquina ojoari pũpũ sata ni yahuahye.

⁵ Yojopure musare apeyere wacũgũ ye duaja. Ahrire musa masiepegũta pari turi ahrire musare wacũgũ ye duaja. Cohãcjũ judio masare Egiptopuh ijiyequinare tiquiro wiori bato tiquina mehna cjẽnare

tiquirore wacũ tutueyequinare tiquiro wejẽahye.

⁶ Sa yena musa apequina gũhure wacũña. Apequina angele pehe Cohãcjũ dutiyere ye duerahye. Sa ye tiquinare tiquiro iji duti cũrirore tiquina iji duerahye. Sa ye tiquina ijimedirore duhu cãhye tiquina. Tiquina sa duhugũ ihñano Cohãcjũ nahitianopuh tiquinare peresu yeahye. Sa ye tiquina pihtiatu deco pano come dari mehna duhteriquina yero saha ijiducuetu. Sa yero pihtiatu deco ijigũ tiquinare buhiri dahrerota Cohãcjũ.

⁷ Sata yeahye apequina gũhuh. Tiquina gũhure wacũña musa. Tiquina Sodoma wame tiri maca cjẽna, Gomorra wame tiri maca cjẽna ti macari cahapuh ijiye macari cjẽna gũhuh numia mehna ñano yeahye. Sa ye sijoro saha yeye gũhure ye, umuh pehe tiquina basita tiquina paguri mehna ñano yeahye. Numia gũhuh sata yeahye. Tiquina sa yeri buhiri Cohãcjũ tiquinare ujũa peho cãhye. Tiquinare ujũano Cohãcjũ ijipihtiyequina tiquirore yuhduhcariquinare tiquiro buhiri dahreatire masare ihñono niahye. Tiquinare tiquiro buhiri dahreru peca ne yatisi.

⁸ Tiquina Cohãcjũ buhiri dahrenohriquina manu yero saha yojopuh gũhure sata yeducure ni mehoñene buheyequina. Tiquina quehẽñequina yero saha ijiye, tiquina paguri mehna ñano yere. Sa yeye Cohãcjũ dutiyere cahmedare tiquina. Sa ye tiquina yuhduoro tutuayequinare tiquina pehe ñano yahuducu cohtere.

⁹ Quehnoañequina angele pehe tutuayequina ijiepetu sa ni yahuducuerare. Miguel wame tiri tiquiro angele puhtoro pehe Moise pagure cahmeno, watĩno mehna cahme sehña soahye. Tutu yuhduariquiro ijieperotu tiquiro “Watĩno yuhduoro yuhuh pũrita tutuaja”, ni tuhotuerahye. Sa yero tiquiro esa tuharo watĩnore ñano yahuducuera, tiquirore tuhtierahye. Sa yero ohõ saha niahye watĩnore.

“Cohãcjũpũ mahũre tuhtiahero”, ni ahye Miguel watĩnore.

¹⁰ Sa ye ahriquina ni mehoñequina pehe tiquina masieñequinare ñano yahuducu cohtere. Sa ye wahiquina tũho masieñequina tiquina esa tuhoro tiquina yero saha ni mehoñequina pehe yere. Sa yeyequina ijiye, pecapũ wahaeta.

¹¹ Tiquinata ñano yãhdũeta. Caĩ yeriro saha ñano yeri tiquina. Sa ye Balãa tiquiro yeriro saha tiquina niñerure cahĩ wapata duaye, ni mehoñene buhere. Sa ye niñeru neati dihitare tũhotu, ti dihitare yere. Sa ye Coré tiquiro pãhtoro cohã duariro saha tiquina gũhũ tiquiro yero saha yere. Sa ye tiquiro yero saha tiquina gũhũ pecapũ wahaeta.

¹² Tiquina ni mehoñequina pehe mũsa cahme cahĩati bose decorire ihyaye, ño peoro marieno tiquina cahmeno saha apere. Sa ye tiquina sehsarota ihyayere bore apequinare ohoro marieno. Wete yero saha tiquina mũsa bose decorire quehnoañe decori ijiborirore dojomehne cohtere.

Ehmeo cururi acoro marieñe cururi ti dũhseati ijieraro saha tiquina ni mehoñequina ne dũhseatiquina ijierare. Sa ye ehmeo cururi wihnono wẽdoqueoye cururi ti sa camesaducuro saha tiquina ni mehoñequina gũhũ ihcãno saha yahuducueraye, sa camesaducure.

Sa ye, dũca tiri pje ijigũ dũca marieñe cjũ yero saha ijire tiquina. Ti cjũ pũa tahapũ yariaa wahare. Ihcã taha dũca tieye cjũ, yariaye cjũ yero saha waha tuhasare. Ti cjũre tiquina duhari bato pari turi yariaa wahare tja. Ti cjũ yero saha ijiye dũhseatiquina ijierare tiquina ni mehoñequina.

¹³ Sa ye pajiri ma cjẽ pahcõri bũjũye pahcõri yero saha ijire tiquina. Ti pahcõri quẽ ohõgũ, wete bũjũye sahpori wahare. Dũhse ijiyere tiquina ni mehoñequina tiquina yegũ pahcõri cjẽ sahpori wete bũjũye sahpori ti

waharo saha ni mehoñequina tiquina ñano yeye ijire.

Sa ye asi maa cãe paca ñahpicoha paca yero saha ijire tiquina. Sa yeye ñahpicoha paca nahitianopũ ti waharo saha tiquina gũhũ ñanopũ wahaeta. Sa ye topũre sa ijiducuenta tiquina ni mehoñequina.

¹⁴⁻¹⁵ Enoco panopũ cjãno Adán panamino iji turiariquiro seis cururi bato masa bajuariquiro ohõ saha niahye. Tiquinare ni mehoñequinare ohõ saha niahye: “Tũhoya yãhũre. Cohãcjũ peyequina tiquiro yequina angele quehnoañequina mehna ijipihitiyequina ñañequinare tiquina ñañe buhiri buhiri dahrero ahtarota. Sa yero ijipihitiyequina Cohãcjũre ihña tuhtiyequinare tiquina ñañe yeri buhiri tiquinare buhiri dahre dutiro ahtarota Cohãcjũ. Sa yero Cohãcjũre ñano tiquina yahuducuri buhiri gũhũre tiquinare buhiri dahre dutiro ahtarota”, niahye Enoco.

¹⁶ Tiquina ni mehoñequina unureducuyequina, apequinare yahu wajayequina tiquina ñano wacũñe dihitare yere tiquina. Sa ye “Apequinare masi yãhdũdũcaja usã”, niducure tiquina. Sa ye tiquina cahmeno saha ye duaye, apee borore ehma duaye, tũhoro quehnoanopũta yahuducure masare.

Jesu yequinare yahu nemoahye Juda

¹⁷ Mari pãhtoro Jesucristo buhe duti tiquiro cũriquina tiquina buherire wacũña mũsa, yãhũ cahĩna.

¹⁸ Ohõ saha nidi tiquina mũsare. “Ahri yehpa pihtiatõ panogã Cohãcjũre ñano yahuducu bũjũpeyequina ijieta. Sa ye tiquina Cohãcjũre cahmedaye, ñañene tiquina tutuaro cahmeñene yeeta tiquina”, ni yahuri Jesu cũriquina mũsare.

¹⁹ Jesu yequinare tiquina basi tiquina cahme ihña tuhtigũ yere tiquina ni mehoñequina pehe. Sa ye tiquina ñañequina ahri yehpa cjẽna ijiye, Espĩritu Santore ne cõoerare

tiquina. Sa ye tiquina ñañene tutuaro cahmeñe dihitare yere tiquina.

²⁰ M̄sa pehe ȳh̄h̄ cah̄ña, Jesu-cristo ye buheyere quehnoano t̄ho nemoña, quehnoano wacū tutuana m̄sa ijero quehnoano. Ti buheye pehe quehnoa ȳhd̄h̄are. Esp̄ritu Santo yedohoye mehna Coh̄c̄j̄ mehna yahuducuya m̄sa.

²¹ Quehnoañene yeya m̄sa Coh̄c̄j̄ m̄sare tiquiro cah̄ñene m̄sa masino quehnoano. Sa yena Jesu-cristo mehna m̄sa sa ijiducuatire cohteya. Tiquiro marine paja ih̄ño h̄m̄sep̄ sa ijiducuḡ yerota.

²² Cristo yere t̄ho duera c̄j̄ñequinare paja ih̄ñaña. Sa yena tiquinare buhe, masiḡ yeya.

²³ Tiquinare pecap̄ waha-boriquinare Coh̄c̄j̄re ȳhd̄oḡ yeya m̄sa. Sa yena apequinare paja ih̄ñaña m̄sa. Tiquinare yedohona m̄sa ḡh̄ tiquina ñañe yeyere ih̄ña c̄uedac̄h̄ña. Wete tiri suhtirore m̄sa yabiro saha, apequina tiquina ñañe yeyere yabiya, “Tiquina ñañe yeyere pihari”, nina.

Juda Coh̄c̄j̄re tiquiro ño peoye ijire

²⁴⁻²⁵ Coh̄c̄j̄ mari p̄htoro marine ih̄ña ihbo masine “Ñañene yeari”, nino. Sa yero tiquiro marine ñañe buhiri marienare h̄m̄sep̄ tiquiro cahap̄ c̄ masine. Sa marine top̄ tiquiro c̄ḡ mari bucuenata. Tiquiro Coh̄c̄j̄ ihc̄aquiota ijire. Apequiro mariedare. Sa yero marine pecap̄ wahaborinare ȳhd̄oriquiro ijire tiquiro. Tiquiro pehe panop̄, yojop̄re, ijipihtiye decori ḡh̄re quehnoa ȳhd̄ariquiro, mari p̄htoro, tutua ȳhd̄ariquiro, ijip-ihtiyequinare dutiriquiro ijire. Tiquiro sa ijiḡ mari p̄htoro Jesu-cristo yedohoro mehna tiquiroro ño peouhna. Sata yeihna.

Apocalipsis

Camep̄re ahri deco d̄hse wahatire marine masiḡu yeahye Jesucristo

¹ Ahri p̄p̄u Jesucristo marine tiquiro masiḡu yerire yahu ojoaḡu niaja. Mari Pac̄u pehe tire yahu dutiro c̄ahye tiquirore, tiquiro yequinare tiquiro cahacj̄enare masiḡu ye dutiro. Sa yero mianota d̄hse wahatire masiḡu yeri tiquiro. Mehenoḡa d̄hsatjīano nine sa wahato. Jesucristore tiquiro sa c̄ḡu tiquiro pehe angelre tire ȳh̄ure Ñure yahu dutiro ohori.

² Sa yeḡu ȳh̄u Ñu ijipih̄tiyere ȳh̄u ih̄narire yahu ojoaḡu niaja. Coh̄acj̄u ye yahuducuyere Jesucristo ye buheyere yahu ojoaḡu niaja.

³ Ahri p̄p̄u camep̄re d̄hse wahatire yahu ojoaḡu niaja. Mehenoḡa d̄hsatjīano nine ahri ijipih̄tiye sa wahato. Sa ye ijipih̄tiyequina ahri p̄re buheyequina, ȳh̄u yahurire quehnoano t̄hoyequina ahri p̄u ni d̄iro saha yeyequina bucuyequina ijiet̄a.

Siete cururi c̄j̄enare Jesu yequina cahmecoañequinare ojoa ohoahye Ñu

⁴ Ȳh̄u, Ñu m̄sare siete cururi c̄j̄anare Jesu yequinare Asia yehpa c̄j̄anare ojoa ohoaja: Coh̄acj̄u tiquiro cah̄ñe mehna m̄sare quehnoa dutiaja. Sa yena tiquiro yedohoye mehna quehnoano ijiya m̄sa. Tiquiro panop̄ta sa ijiducuriquiro ijie tiahye. Yojop̄u ḡh̄ure sa ijiducure. Camep̄u ahtarota. Tiquiro p̄h̄toro dujiro poto ijieyequina siete paḡu bajueyequina ijire. Tiquina cah̄ñe mehna m̄sare quehnoa dutiaja tja.

⁵ Cristo tiquiro cah̄ñe mehna m̄sare quehnoa dutiaja tja. Coh̄acj̄u yere ni mehono marieno yahuriquiro ijire tiquiro. Sa yero tiquiro yariari bato tiquiro masa m̄jari bato ne pari turi yariasi tiquiro. Sa yero ijipih̄tiyequina

ahri yehpa c̄j̄ena p̄h̄toa tiquina bui p̄h̄toro ijire tiquiro. Marine cah̄no tiquiro dii coh̄ari mehna mari ñañene coseri tiquiro.

⁶ Sa cosero marine p̄h̄toa s̄ori tiquiro. Marine pahia wahaḡu yeri tja. Coh̄acj̄u mari Pac̄u tiquiro yere yeatiquinare marine sa s̄ori tiquiro. Ijipih̄tiye decori “Tutuaḡu ijire m̄h̄u”, ni ño peoducuenta ijipih̄tiyequina tiquirore. Ijipih̄tiyequina p̄h̄toro sa ijiducure tiquiro. Sata ijiahro.

⁷ Quehnoano wac̄u masi cohteya m̄sa. Ehmeo cururi watoa dijia tarota Cristo. Tiquiro sa ahtaḡu ih̄naeta ijipih̄tiyequina. Tiquirore qūe biha wej̄ediquina ḡh̄u tiquirore ih̄naeta. Sa ye tiquiro ahtaḡu ih̄nañe ahri yehpa c̄j̄ena ijipih̄tiye cururi c̄j̄ena tutuaro utieta. Sata utiahro.

⁸ Oh̄o saha nine mari p̄h̄toro Coh̄acj̄u: “Ȳh̄u ijipih̄tiyere bajumehnediḡu ijiaja. Sa yeḡu ijipih̄tiyere pih̄tiḡu yeac̄u ijiaja. Tutua ȳhd̄ucaḡu ijiaja ȳh̄u. Panop̄u ḡh̄ure sa ijiducue tii. Yojop̄u ḡh̄ure sa ijiducuaaja. Came ahtaht̄ja”, nine Coh̄acj̄u.

Cristore asi siteriquirore tiquiro ih̄narire yahuahye Ñu

⁹ Ȳh̄u Ñu m̄sa acaȳu Jesu yaquiro ijiaja. Sa yeḡu m̄sa yero saha ȳh̄u ḡh̄u Jesu yere ȳh̄u yeri buhiri ñano ȳhd̄u. Sa yeḡu m̄sa yero saha ȳh̄ure tiquina sa ñano yepeḡata Jesu yedohoye mehna Jesure coh̄ed̄u. Mari ih̄c̄ano saha tiquiro p̄h̄toro ijiro c̄j̄ana ijiana ijiaja mari. Ya dihta c̄j̄ena tiquina coh̄ariḡu ijiḡu Patmo wame tiri n̄c̄op̄u ijiaja. Coh̄acj̄u yere, Jesucristo tiquiro buheri ḡh̄ure apequinare ȳh̄u buheri buhiri oh̄op̄u tiquina coh̄ariḡu ijiaja.

¹⁰ Oh̄op̄u ȳh̄u ijiḡu ih̄c̄a deco domingo ijiḡu Esp̄ritu Santo ȳh̄ure queh̄nop̄u ih̄nono nidi. Tiquiro sa ih̄noḡu ȳh̄u behero pehep̄u tutuaro yahuducuro ca tari. Corneta tutuaro

bisiro saha tutuaro bisiro ca tari tiquiro yahuducuye.

¹¹ Ohõ saha nino ca tari yahu tuhogũ:

—Yahu ijipihtiyere bajumehnedigu ijiaja. Sa yegu ijipihtiyere pihdigũ yeacju ijiaja. Yojopu mahũ ihñatire ojoati pũpu ojoa ohõña. Mũhu sa ojoa ohõri bato siete cururi cjẽnare Cohãcjũ yequinare ohoya ti pũre. Tiquina siete cururi Asia dihtapu ijiye macari cjẽna ijire. Efeso cjẽnare, Esmirna cjẽnare, Pérgamo cjẽnare, Tiatira cjẽnare, Sardis cjẽnare, Filadelfia cjẽnare, Laodicea cjẽnare, mũhu ihñatire ojoa ohoya, nino ca tari yuhare.

¹² Tiquiro sa nigũ tuhogu majaredũcaũ yuhare yahuducuriquirore ihñagu tuhũ. Sa majaredũcagu siete sihãñe pacare tiquina duhu peoye cjũre uru mehna tiquina yeri cjũre ihñau.

¹³ Ti cjũ watoa ducuriquirore masũno yero saha bajuriquirore ihñau. Tiquiro yoari suhtiro dahpocãripũ esari suhtirore sañariquiro ijiri. Sa yero uru mehna tiquina yeri cahsero mehna tiquiro cutiro bui tuã dihoriquiro ijiri.

¹⁴ Sa ye tiquiro poari buhsa cohoru yero saha yehseri. Sa ye tiquiro caperi peca pohna yero saha asiri.

¹⁵ Sa ye tiquiro dahpocãri bronca wame tiye come asiye come yero saha asi siteri. Broncere peca mehna tiquina quehnoano wjũa weri bato tire wahtere quehnoano asi paha dutiye. Ti quehnoano wahtenohriro yero saha tiquiro dahpocãri quehnoano asi siteri. Sa yero tiquiro yahuducuye peo tutuaro cuari peo yero saha tutuaro bisiro ca tari.

¹⁶ Tiquiro omoca poto pehe siete ñahpicoha pacare cuori. Sa yero tiquiro dũseropũ ñoseni pjĩ pũa peheri siori pjĩne cuhñuri. Sa yero asũ deco cjũno tiquiro tutuaro asi sitero saha tiquiro wũhdoa tutuaro asi siteri.

¹⁷ Sa yegu tiquirore ihñagu tiquiro dahpocãri cahapu doque quehe saũ

yariariquiro yero saha. Yahu sa doque quehe sagũ ihñano tiquiro poto pehe cjã omoca mehna yuhare duhu peo ohõ saha nidi:

—Cueracãhña. Yahu ijipihtiyere bajumehnedigu ijiaja. Sa yegu ijipihtiyere pihdigũ yeacju ijiaja.

¹⁸ Catigu ijiaja yahu. Yariarigu ijimi. Yojopure ihñaña. Ijipihtiyere decori sa catiducugu ijiaja yahu. Pari turi masagu masare pari turi yariaragũ ye masiaja yahu. Sa yegu masare yariariquina tiquina ijiropũ wahaeragũ ye masiaja yahu.

¹⁹ Sa yegu yojopũ wahatire ihñagu, ojoa ohõña. Cameru dũhse wahati gũhare ihñagu ojoa ohõña mũhu.

²⁰ Ahri siete ñahpicoha pacare yahu poto pehe yahu cuoye pacare yahutja mũhare. Sa yegu siete sihãñe pacare tiquina duhu peoye cjũ uru cjũ gũhare yahutja. Ohõ saha ijiye yahuyere panopũ cjẽna masare ne yahuera ti. Ohõ saha ijire ti: Siete ñahpicoha paca siete cururi cjẽna yeequina pũhtoa ijiye nine, mari queoye mehna buhegũ. Sa ye siete sihãñe pacare tiquina duhu peoye cjũ siete cururi cjẽna yeequina ijiye nine, mari queoye mehna buhegũ, nidi yuhare.

2

Efeso cjẽnare Jesu yequinare ojoa oho basa dũca dutiahye Ñure

¹ Sa ni tuhasa ohõ saha ni nemori yuhare ojoa dutiriquiro:

—Efeso cjẽna yeequina, tiquina pũhtoro gũhare ohõ saha ni ojoa oho basaya mũhu: “Yahu omoca poto pehe siete ñahpicoha pacare cuogu ijiaja. Sa yegu siete sihã docoye cjũ watoa tinigu ijiaja. Sa tinigu ijigu masare ohõ saha ni yahuaja:

² Ijipihtiyere mũsa yerire masi pehoaja. Yee ijiatire mũsa tutuaro dahrarire, yuhare mũsa wacũ tutua duhuerari gũhare quehnoano masiaja. Ñañene yeriquinare mũsa ihña yabigũ gũhare masiaja. Sa yena ‘Jesu buhe dutiro tiquiro cũrina

ijiaja', nimediquinare queoro tiquina buheragū ihñana, ni mehoñequina tiquina ijigū masidi m̄sa.

³ Yeere m̄sa yeri buhiri m̄sa ñano yuhd̄epenata ihcāno sahari m̄sa Efeso cjāna. Sa yena yuh̄ere ne duhuerari m̄sa.

⁴ Sa quehnoano yena ijiepenata ihcānore queoro yerari m̄sa. Ahri ijire ti: Yuh̄ere m̄sa quehnoano cah̄i m̄htariro saha yojop̄ere yerare m̄sa.

⁵ Yuh̄ere m̄sa cah̄i m̄htarire wacūña m̄sa tja. Yojop̄ere yuh̄ere m̄sa cah̄ieda cj̄urire wacūña. Sa yena m̄sa ñañe yerire buj̄ua witiya. Tire duhuya. Sa duhuna, yeere m̄sa ye m̄htariro sahata yeya tja. M̄sa ñañe yerire m̄sa duhueragū sojaro mehna sih̄ariare yuh̄u duhu peodu m̄sa ya d̄ere yuh̄u dapod̄ere ne coh̄ūtja. (Sa niḡu oh̄o saha ni yahuḡu niaja m̄sare. M̄sa to cjāna yuh̄ere coh̄aboaga. Sa coh̄ana to punota pihtinata m̄sa ñañe yeyere duhuerana.)

⁶ Yuh̄ere cah̄ieda cj̄ūna ijiepenata ahrire quehnoano yeri m̄sa: Nicolaita wame tiyequinare ñañequinare ihña yabire m̄sa. Yuh̄u ḡuh̄u tiquinare ihña yabiaja.

⁷ Cahmo tina ijire m̄sa. Sa yena m̄sa ye cururi cj̄enare yeequinare Esp̄ritu Santo tiquiro yahurire t̄uhoya m̄sa. Oh̄o saha nine tiquiro: 'Ijipihtiyequinare Jesure wacū tutua duhueyequinare Coh̄acj̄u ya wese paraíso wame tiro cj̄adu d̄ucare ihya dutiitja. T̄u d̄uca catigū yeye ijire', nine Esp̄ritu Santo", ni yahu ojoa oho basaya Efeso cj̄ena yeequinare, tiquina p̄ah̄toro ḡuh̄ere.

Esmirna cj̄enare Jesu yequinare ojoa oho basa dutiahye Ñure

⁸ 'Esmirna cj̄ena yeequinare, tiquina p̄ah̄toro ḡuh̄ere oh̄o saha ni ojoa oho basaya m̄uh̄u: "Yuh̄u ijipihtiyere bajumehnediḡu ijiaja. Sa yeḡu ijipihtiyere pihtiḡu yeacj̄u ijiaja. Yariaa wah̄u. Pari turi catiaja tja. Sa yeḡu oh̄o saha ni yahuaaja m̄sare:

⁹ M̄sa ñano yuhd̄urire masiaja. Pejec̄uona m̄sa ijigū ḡuh̄ere masiaja. Sa ijiepenata Coh̄acj̄u yere quehnoañene pajiro c̄uore m̄sa. Apequina pehe 'Judio masa ijiaja', nimediquina ni mehon̄equina ijire. Tiquina m̄sare ñano quiti yerire masiaja. Tiquina Satana yequina ijire.

¹⁰ Yojop̄ere m̄sa ñano yuhd̄uatire cueracāh̄ña. T̄uhoya m̄sa. Wat̄ino m̄sare Coh̄acj̄ure duhu dutiro ihqūequina m̄sa mehna cj̄enare peresu ye dutirota. P̄ua omope decori waro ñano yuhd̄unata m̄sa. Tiquina sa ñano yeḡu m̄sare tiquina sa wej̄e duepeḡuta yuh̄ere, yee ḡuh̄ere coh̄aedacāh̄ña. M̄sa sa yuh̄ere coh̄aedagū ihñaḡu ijipihtiye decori Coh̄acj̄u cah̄ap̄u m̄sare sa ijiducuḡu yeitja.

¹¹ Cahmo tina ijire m̄sa. Sa yena m̄sa ye cururi cj̄enare yeequinare Esp̄ritu Santo yahurire t̄uhoya m̄sa. Oh̄o saha nine tiquiro: 'Ijipihtiyequinare Jesure wacū tutua duhueyequinare pecap̄u wahasi. Tiquina yariari bato pecap̄u wahasi', nine Esp̄ritu Santo", ni ojoa oho basaya Esmirna cj̄ena yeequinare, tiquina p̄ah̄toro ḡuh̄ere.

Pérgamo cj̄enare Jesu yequinare ojoa oho basa dutiahye Ñure

¹² 'Pérgamo cj̄ena yeequinare, tiquina p̄ah̄toro ḡuh̄ere oh̄o saha ni ojoa oho basaya m̄uh̄u: "Yuh̄u ñoseni p̄j̄i p̄ua peheri siori p̄j̄ine c̄uoḡu ijiaja. M̄sare oh̄o saha ni yahutja:

¹³ M̄sa yerire, m̄sa ya maca cj̄ena tiquina yeri ḡuh̄ere masiaja. To cj̄ena p̄ah̄toro Satana ijire. To cj̄ena Satanare ño peoyequina Antipare yeere quehnoano yahuriquirore wej̄edi. Tiquirore tiquina sa wej̄eḡu ihñap̄enata yuh̄ere ne wacū tutua duhuerari m̄sa.

¹⁴ M̄sa sa wacū tutua duhuerap̄enata mehenoḡa yuh̄ere yuhd̄ud̄ucari m̄sa. Ihqūequina m̄sa mehna cj̄ena Balāa ye buheyerere cah̄mene. Panop̄u Balac wame tiriquiro p̄ah̄torore oh̄o saha ni buhee tiri Balāa pehe: 'Israe

masare yuhduca duana “Cohãcjũ ijire”, m̄sa niñe queoyere ño peo m̄sa duhu peo ihyayere ihya dutiya tiquinare. Sa yena numia mehna ñano yegũ yeya tiquinare’, ni buhee tiri Balãa m̄nano. Panop̄m̄ tiquiro yeriro saha yojop̄m̄ gũhare ñano yegũ yere ihquẽquina m̄sa mehna cjẽna apequinare.

¹⁵ Sa ye tiquina yero saha apequina m̄sa mehna cjẽna Nicolaita wame tiyequina ye buheye pehere cahmene.

¹⁶ Sa yena m̄sa ñañe yerire duhuya m̄sa. M̄sa sa duhueragũ ihñagũ sojaro mehna m̄sa cahapũ wahagũ, sa ñano yeyequina mehna cahmequitja yuhũ d̄serop̄m̄ ijiri p̄jĩ ñoseni p̄jĩ mehna.

¹⁷ Cahmo tina ijire m̄sa. Sa yena m̄sa ye cururi cjẽnare yeequinare Esp̄ritu Santo tiquiro yahurire tuhoya m̄sa. Ohõ saha nine tiquiro: ‘Ijipihtiequinare Jesure wacũ tutua duhueyequinare maná wame tiye ihyayere um̄se cjẽ ihyayere ohoutja. Yehseye utã paca gũhare ohoutja tiquinare. Ti utã pacap̄re wahma wamene yuhũ ojoa ohõati utã paca ijirota. Apequina ti wamene ne masisi. Ti utã pacare neñequina dihita ti wamene masieta’, nine Esp̄ritu Santo”, ni ojoa oho basaya Pẽrgamo cjẽna yeequinare, tiquina p̄htoro gũhare.

Tiatira cjẽnare Jesu yequinare ojoa oho basa dutiahye Ñure

¹⁸ Tiatira cjẽna yeequinare, tiquina p̄htoro gũhare ohõ saha ni ojoa oho basaya m̄hũ: “Yuhũ Cohãcjũ macũ yuhũ caperi peca pohna yero saha asire. Sa ye yuhũ dahpocãri bronce wame tiye come tiquina wahteri come yero saha asi sitere. M̄sare ohõ saha ni yahuaaja.

¹⁹ M̄sa yerire masiaja yuhũ. Cohãcjũre, apequina gũhare m̄sa cahĩdire, yuhũre m̄sa cohãedarire, apequinare m̄sa yedohorire, ñano yuhũpenata yuhũre m̄sa duhuerarire masiaja. Coã warop̄m̄ m̄sa

yeriro yuhũoro yojop̄m̄ pehere quehnoano ye nemona nine m̄sa. Ti gũhare masiaja yuhũ.

²⁰ M̄sa sa quehnoano yena ijiepenata ohõ saha yuhũre yuhducarĩ m̄sa: Jezabe wame tiricoro ‘Cohãcjũ yere yahugo ijiaja’, ni mehoricoro m̄sare ticoro ñano buhegũ tuhona ticorore tuhtierari m̄sa. Ni meho buhero yeequinare yuhũ cahacjẽnare numia mehna ñano yegũ yere. Sa yero ‘Cohãcjũ ijire’, tiquina niñe queoyere apequina ño peo, tiquina duhu peoe tiri ihyayere. Ti ihyayere yeequinare ihya dutire ticoro.

²¹ Ticoro ñañene bujãa witiatire cohtenimi. Yuhũ sa cohtepegũta um̄a mehna ticoro ñano yeyere duhu duerari.

²² Yuhũre tuhoya m̄sa. Ticorore dohatigũ yeitja. Ticoro mehna ñano yeriquina gũhare dohatigũ yeitja. Sa ye tiquina tutuaro ñano yuhũeta. Sata yeitja tiquinare ticoro mehna tiquina ñano yerire tiquina bujãa witiatire, tire tiquina duhueragũ.

²³ Sa yegũ ticoro pohne wejẽitja. Yuhũ sa yegũ ihñañe ijipihtiequina yeequina yuhũ quehnoano masigũ ijigũ masieta. Masa tuhuyere tiquina tutuaro cahmeñe gũhare masiaja. Yuhũ sa masiñene masieta tiquina ticorore yuhũ buhiri dahregũ ihñañe. Ijipihina m̄sa ñañene yeri buhirire buhiri dahreitja m̄sare. Sa yegũ m̄sa quehnoañene yeri wapa pehere quehnoano yeitja m̄sare.

²⁴ Apequina m̄sa mehna cjẽna Tiatira cjẽna ticoro ye buheyerere cahmedari. M̄sa pehe Satana ye buheyerere ‘Panop̄m̄ tiquiro yahuerari jiri’, tiquina niñe buheyerere cahmedari m̄sa. Sa yegũ m̄sa pehere duti nemosi yuhũ.

²⁵ Ahri dihitarere ye duti nemoutja m̄sare: M̄sa cahap̄m̄ yuhũ tojoa tato pano yuhũ buheyerere m̄sa masidire ne mehenogã duhueracãhña.

²⁶⁻²⁷ Ijipihtiequina ñañene duhuyequinare, yeere sa yeducuyequinare p̄htoa s̄outja. Yuhũ Pacũ yuhũre tiquiro p̄htoro s̄oriro

sahata m̄sa ḡh̄ure p̄h̄toa s̄outja. Ijipihtiye yehpari cj̄ena bui p̄h̄toa s̄outja m̄sare. Sa p̄h̄toa saj̄ana, m̄sa docap̄u ijiyequinare ijipihtiye yehpari cj̄enare tutuaro dutinata m̄sa. Dihi suturire mari yuc̄uḡu mehna pohaḡu duita wahtiro saha tiquina duita pihtia wahaeta.

²⁸ Sa yeḡu m̄sare yeere ne duhueyequinare ñahpicoha bohrea m̄ja tariare ohoutja m̄sare. Sa yeḡu m̄sa mehna ijiitja ȳh̄u.

²⁹ Cahmo tina ijire m̄sa. Sa yena m̄sa ye cururi cj̄enare yeequinare Esp̄iritu Santo tiquiro yahurire t̄h̄oya m̄sa”, ni oja oho basaya Tiatira cj̄ena yeequinare, tiquina p̄h̄toro ḡh̄ure.

3

Sardis cj̄enare Jesu yequinare oja oho basa dutiahye Ñure

¹ Sardis cj̄ena yeequinare, tiquina p̄h̄toro ḡh̄ure oh̄o saha ni oja oho basaya m̄h̄u: “Ȳh̄u siete paḡu bajueyequinare Coh̄ac̄j̄u yequinare c̄oḡu ijiaja. Sa yeḡu siete ñahpicoha pacare c̄oḡu ijiaja. M̄sare oh̄o saha ni yahuaja:

M̄sa yerire masiaja. Oh̄o saha ni t̄hotumene apequina m̄sare: ‘Tiquina Coh̄ac̄j̄u yere quehnoano ye pehoyequina ijire’, ni t̄hotumene m̄sare apequina. Tiquina sa ni t̄hotuepeḡuta Coh̄ac̄j̄u yere quehnoano yerare m̄sa.

² Sa yena quehnoano yeya m̄sa ‘Ñañene yeari’, nina. Coh̄ac̄j̄u yere m̄sa masidire quehnoano wac̄ña, ‘Tiquiro yere duhuari’, nina. Coh̄ac̄j̄u ih̄naḡu quehnoano ye pehoerare m̄sa.

³ Sa yena yeere m̄sa t̄ho m̄htarire quehnoano wac̄ña m̄sa. Sa wac̄ña yeere yeya. M̄sa ñañe yerire duhuya. Ȳh̄u nino saha m̄sa yeraḡu wac̄ño mehna m̄sare buhiri dahreitja. Yaqueriquiro wac̄ño mehna tiquiro yaquero saj̄ariro saha m̄sare wac̄ño mehna buhiri dahreitja.

⁴ Ihquẽquina m̄sa mehna cj̄ena Sardis cj̄ena ñañene yeducuerare. Wete marieni suhtirore m̄sa sañaboriro saha ti ñañe yeyere piha duerare m̄sa. Sa quehnoano ijina, yehseri suhtiro sañana ȳh̄u mehna ijinata m̄sa pehe.

⁵ Ijipihtiyequina yeere duhueyequina sata yehseye suhti sañaducuyequina ijieta. Sa yeye ȳh̄u mehna sa ijiducuatiquina wamene tiquiro oja oh̄ori tjup̄u tiquina ḡh̄u tiquina wamene oja oh̄onohriquina ijieta. Tiquina wamene tiquiro oja oh̄orire cosesi ȳh̄u. Ȳh̄u Pac̄u ih̄ñonop̄u, angele ḡh̄u tiquina ih̄ñonop̄u yeequina m̄sa ijiire yahutja tiquinare.

⁶ Cahmo tina ijire m̄sa. Sa yena m̄sa ye cururi cj̄enare yeequinare Esp̄iritu Santo tiquiro yahurire t̄h̄oya m̄sa”, ni oja oho basaya Sardis cj̄ena yeequinare, tiquina p̄h̄toro ḡh̄ure.

Filadelfia cj̄enare Jesu yequinare oja oho basa dutiahye Ñure

⁷ Filadelfia cj̄ena yeequinare, tiquina p̄h̄toro ḡh̄ure oh̄o saha ni oja oho basaya m̄h̄u: “Ȳh̄u ñañe marieḡu ijiaja. Poto yeḡu ijiaja. Davi manano panop̄u cj̄eno sawire tiquiro c̄oboriro saha, masare tiquiro p̄h̄toro ijirop̄u tiquiro p̄oboriro saha yeitja ȳh̄u. Sa yeḡu Coh̄ac̄j̄u tiquiro p̄h̄toro ijirop̄u saj̄atore ȳh̄u p̄oḡu ne apequina tire biha masiedare. Ȳh̄u bihaḡu ne apequina p̄o masiedare.

⁸ Ijipihtiye m̄sa yeyere masiaja ȳh̄u. Wac̄u tutuera cj̄una ijiepenata ȳh̄u buheyere quehnoano t̄h̄ori m̄sa. Sa yena ȳh̄ure, yee ḡh̄ure duhuerari m̄sa. Sa yeḡu yeere c̄u m̄sare. Sa ye apequina ‘Tire yerac̄h̄ña’, ni cahmota masiedare m̄sare.

⁹ Sa yeḡu oh̄o saha yeitja: Apequina m̄sa caha ijiyequina Satana yequina ijire. ‘Judio masa ijiaja’, niepeta judio masa waro ijierare. Tiquinare m̄sa caha d̄usepe curi mehna quehe sa, m̄sare ño peoḡu yeitja tiquinare.

Yuh̄ sa yegū ihñañe musare yuh̄ cahñene masieta tiquina.

¹⁰ Musare yeere yuh̄ duhu du-tieragū t̄hona quehnoano yahtiri musa. Musa sa yegū ihñagu ahri yehpa cjēna ijipihtiyequina tiquina ñano yuh̄duati pje ijigū musare cahmotautja. Ti pje ijipihtiyequina tiquina ñano yuh̄duati pje ijirota.

¹¹ Mehenogā d̄hsare ahri yehpapu yuh̄ tojoa tato. Yeere musa masidire boeracāhña. Sa yena yuh̄re sa yahtiducuya, musa quehnoano yeri wapare 'Boari', nina.

¹² Sa yegu yeere sa yeducuyequinare yuh̄ Pacu ya wuh̄ cjēna ijiatiquinare cūtja tiquinare. Tiquiro ya wuh̄ cjē botari ti yoari pje ijiducuro saha Cohācjū mehna ijiducugū yeitja tiquinare. Sa ye tiquina mehna cjēna sa ijiducuenta. Sa yegu Cohācjū wuh̄ cjē botaripu yuh̄ ojoa ohōno saha tiquinare tiquina paguripu ohō saha ni ojoa ohōutja: Cohācjū yuh̄ Pacu wamene, tiquiro ya maca wame gūhare ojoa ohōutja. Tiquiro ya maca wahma maca Jerusalē ijirota. Ti maca uhm̄sep̄ Cohācjū cahapu ahtari maca ijirota. Yuh̄ wahma wame cuoutja. Ti wame gūhare ojoa ohōutja tiquina paguripu.

¹³ Cahmo tina ijire musa. Sa yena musa ye cururi cjēnare yeequinare Espiritu Santo yahurire t̄hoya musa", ni ojoa oho basaya Filadelfia cjēna yeequinare, tiquina puhtoro gūhare.

Laodicea cjēnare Jesu yequinare ojoa oho basa dutiahye Ñure

¹⁴ 'Laodicea cjēna yeequinare, tiquina puhtoro gūhare ohō saha ni ojoa oho basaya muh̄: "Yuh̄ poto yegu ijiaja. Sa yegu ni mehono marieno yuh̄ ihñarire, yuh̄ t̄horire sa yahuducugu ijiaja. Ijipihtiyere mari Pacu tiquiro yerire ye basagu ijiaja yuh̄.

¹⁵ Ijipihtiyere musa yerire masi-aja yuh̄. Yuh̄re wacū tutuana ijiepenata mehenogā wacū tutuana ijire musa. Ohō saha ijire ti: Aco

yusueye aco asū mehna asi busuye aco yero saha ijire musa. Sata ijiye acore mari coaero saha yuh̄re wacū tutuera cjūna musa ijigū yuh̄ gūhu musare coaeraja. Yuh̄re musa quehnoano wacū tutuagū quehnoaboaga yuh̄re. Yuh̄re musa wacū tutueragū ñariboaga yuh̄re. Ti yuh̄oro mehenogā wacū tuana musa ijigū ña yuh̄re.

¹⁶ Musa sa ijigū ihñagu yabi yuh̄duaja yuh̄. Ñañe acore yuh̄ sihco puti cohāno saha yuh̄re mehenogā wacū tutuayequinare yabi yuh̄duaja yuh̄.

¹⁷ Sa yena ohō saha ni t̄hotumene musa: 'Ijipihtiyere cuoaja. Ne yabe d̄hsaerare marine', ni t̄hotumene musa. Sa niepenata pejecuoyequina yero saha ijire musa. Sa yena suhti marieñequina b̄e tiro saha Cohācjū ihñonopu musa ñañe yerire b̄e tiana ijire musa. Sa yena caperi bajueyequina tiquina ihña duayere tiquina masieno saha Cohācjū yere ne masiedare musa.

¹⁸ Musa sa yena ijigū ihñagu ohō saha ni yahutja musare: Uru warore musa dúro saha quehnoañene yuh̄ cuoyere neña musa. Musare yuh̄re wacū tutuagū yeitja. Sa yena potota Cohācjū ye mehna pajiro cuonata. Sa yena yehseri suhtirore musa dú musa sañano saha yuh̄ dii cohāri mehna yuh̄ yariari mehna musa ñañe yerire cosenohrina ijiya. Sa yena quehnoañe suhti sañañequina tiquina b̄e tiero saha musa ñañene cosenohrina ijina ne b̄e tisi musa gūhu. Sa yena musa caperire musa aco tiri bato quehnoano musare caperi bajuro saha Cohācjū yere quehnoano t̄hoya, musa masino quehnoano.

¹⁹ Ijipihtiyequina yuh̄ cahñequinare yuh̄duaja. Sa yegu yuh̄ cahñequina tiquina ijigū ihñagu, tiquina yahtieragū tiquinare buhiri dahreaja, tiquinare yedohogu t̄hu. Sa yena yee pehere tutuaro cahmeña. Sa yena ñañene duhuya.

²⁰ T̄hoya yuh̄re. Musa wuh̄re bi-

hari wuhure yuhū esaduca yuhū saǵ duaboriro saha mūsa mehna cǵū iǵi duagu niaja. Yuhū sa ye duagū tūhona yuhure mūsa mehna iǵi dutiya. Yeequina iǵiya. Mūsa sa ye dutigū mūsa mehna iǵiitja. Sa yegū mari siho ih-yaro saha mūsa mehna quehnoano iǵiitja. Sa yena yuhū mehna cǵāna iǵinata mūsa.

²¹ Ñañene yuhū cohāri bato yuhū Pacū pūhtoro tiquiro dujiro cahapū dujiaja yuhū gūhū dutigū tūhū. Sata mūsa gūhū ñañene mūsa duhuri bato yuhū pūhtoro dujiro cahapū dujinata mūsa dutina tana. Mū sare yuhū cahapū dujigū yeitja.

²² Cahmo tina ijire mūsa. Sa yena mūsa ye cururi cǵēnare yeequinare Espiritu Santo tiquiro yahurire tūhoya mūsa”, ni oĵoa oho basaya Laodicea cǵēna yeequinare, tiquina pūhtoro gūhure, nidi yuhure oĵoa dutiriquiro.

4

Uhmusepū Cohācǵū cahapū dusepe curi mehna quehe sa tiquina ño peoyere ihñahye Ñū

¹ Yuhure tiquiro sa ni yahuri bato uhmusepū pōori sopecahare ihñau. Pari turi corneta tutuaro bisiro saha tutuaro yahuducuye bisiro ca tari, yuhū tūhogū. Ohō saha nidi yuhū tūhogū.

—Ohōpū mūja taya. Ahri yuhū yahuati camepūre sijoro saha waharota. Sa wahatire mūhare ihñoutja. Yuhū nidiro sahata waharota, nino ca tari uhmusepū.

² Tiquiro sa ni yahugūta topū mūja esagū Espiritu Santo tutuaye mehna ihñagū nīi. Sa yegū pūhtoro dujirore uhmusepū ihñau. Topū ihcāquiro dujiri.

³ Sa yero quehnoano asi siteriquiro dujiri. Jaspe wame tiri utā yero saha, cornalina wame tiri utā yero saha quehnoano asi siteriquiro dujiri tiquiro. Sa yero buheni da esmeralda yero saha asi siteri da docapū dujiri tiquiro.

⁴ Sa yero tiquiro dujiro cahapū veinticuatro dujiyere ihñau. Ti dujiye pūhtoa ye dujiye yuhū ihñā mūhtariquirore duji behtori. Ti dujiyepū veinticuatro Jesu yequina pūhtoa dujiri. Yehseye suhti sañañequina iǵiri. Sa ye pūhtoa pesaye behtori uru behtorire pesariquina iǵiri tiquina.

⁵ Yuhū ihñā mūhtariquiro dujiropū miadoqueori. Sa yero sijoro saha iǵiro bisiro ca tari. Uro gūhū bisiro ca tari. Ti dujiro poto siete sihāñe paca iǵiri. Siete sihāñe paca mehna tiquiro queoye mehna buhegū Cohācǵū yequina siete pagū bajueyequina iǵiri.

⁶ Sa yero tiquiro dujiro poto pajiri ma yero saha vidrio yero saha, quehnoano aco sitiri ma yero saha iǵiri.

Ti dujiro cahapū pititiaro sijoro saha bajueyequina iǵiri. Tiquina pagūri paa pehe gūhure tiquina behero pehe pehe gūhure peye caperi tiyequina iǵiri tiquina.

⁷ Yuhū ihñā mūhtariquiro sijoro saha bajuriquiro yairo sohāriquiro yero saha bajuri. Tiquiro bato iǵiriquiro wecū yero saha bajuri. Tiquina bato iǵiriquiro masūno wūhdoā saha wūhdoā tiri quiro iǵiri. Tiquina ihtiaro bato iǵiriquiro cacū wūye dūpūri seō dujiriquiro yero saha bajuri.

⁸ Tiquiro seis dūpūri wūye dūpūri tiri quiro iǵiri. Tiquiro mehna cǵēna gūhū sa dihitā wūye dūpūri tiri. Sa ye tiquina wūye dūpūri pūa peheripūta peye caperi tiye dūpūri iǵiri. Sa ye decoripe, ñaminipe sa basaducuye nidi. Ne basa duhuerari. Ohō saha ni basari:

Quehnoariquiro, quehnoariquiro, quehnoariquiro, Cohācǵū mari pūhtoro tutua yūhdūriquiro iǵire. Tiquiro panopūta sa iǵiducuahye. Yojopū gūhure sa iǵiducure. Camepū ahtarota, ni basaducuye nidi.

⁹ Sa basaye tiquina pititiaro sijoro saha bajueyequina tiquiro tutuayere

basa peoye nidi. Sa ye tiquirore ijipihtiyey decori ijiducuriquiroye ño peoye “Quehnoare”, niñe nidi.

¹⁰ Tiquina sa ye peogũ ihñañe veinticuatro Jesu yequina pãhtoa pehe pãhthora dujiropũ dujiriquiroye poto dũsepe curi mehna quehe sa, tiquirore ño peori. Tiquiro ijipihtiyey decori ijiducuriquiroye ijire. Sa ño peoye tiquina pãhtoa pesaye behorire tiquiro dujiroye caha doque peori. Sa doque peoye ohõ saha nidi tiquina:

¹¹ Mũhũ Cohãcjũ usã pãhtho waro ijire. Tutuagũ, quehnoagũ ijire mũhũ. Mũhũ usã ño peogũta ijigũ nine. Mũhũre sa ño peoducuro cahmene usãre. Ijipihtiyey bajumehnedigũ ijire mũhũ. Mũhũ cahmediro sahata ti ijipihtiyey bajumehneahye mũhũ, nidi tiquina Cohãcjũre, topũ dujiriquiroye.

5

Ojoari pũre torẽdi tunure cordero gãhare yahuahye Ñu

¹ Came topũ dujiriquiroye tiquiro omoca poto pehe tiquiro cãori pũre ojoari pũre ihñaũ. Ti pũ pũa peheri ojoari pũ tiquiro torẽdi tunu ijiri. Sa yero siete piha ñeheñe mehna tiquiro piha ñehedi tunu ijiri.

² Sa yegũ tutuariquiroye angelre ihñaũ. Tiquiro tutuaro yahuducuyey mehna ohõ saha ni yahuri:

—Ahri tunure piha ñeheñene quehnoariquiroye dihita tãhrẽ masine. ¿Diquiro pehe ijiajari tãhrẽatiquiroye? nidi tiquiro angel.

³ Sa nieperota tiquina ti tunure tãhrẽatiquiroye bocaerari. Ti tunure tãhrẽatiquiroye, quehnoariquiroye bocaerari. Ëhmũsepũ, ahri yehpapũ, catiyequina watoapũ, yaria tuhasariquiroye watoapũ ne ti tunure ñeheñene tãhrẽatiquiroye mariedari. Sa yero ti tunure buheatiquiro mariedari.

⁴ Sa yegũ tãhrẽatiquiroye, ti pũre buheatiquirore tiquina bocaeragũ ihñaũ tutuaro utii yãhũ.

⁵ Yãhũ sa utigũ ihñaño ihcãquiroye Jesu yequina pãhtho mehna cjãno ohõ saha nidi yãhũre:

—Utieracãhña. Ti tunure ñeheñene ihcãquiroye tãhrẽ masine. Tiquiro Judã ya curua cjãno tutuariquiroye ijire. Tutuariquiroye ijiro “Yairo sohãriquiroye”, tiquina ni pisuriquiroye ijire. Tiquiro pãhthora Davi panamino iji turiariquiroye ijire. Watĩnore yãhdũdũcariquiroye ijire tiquiro. Sa yero tiquiro ti tunure siete ñeheñene tãhrẽ masidiquiro ijire, nidi tiquiro yãhũre.

⁶ Tiquiro sa nigũ tãhogũ pãhthora dujiroye poto cordero ducugũ ihñaũ. Pititiaro sijoro saha bajuyequina, Jesu yequina pãhtho gãhũ tiquina watoa ducuri cordero. Tiquiro tiquina wejẽdiquiro mãnano saha bajuri. Siete sahari tiriquiroye, siete caperi tiriquiroye ijiri. Ti siete caperi mehna tiquiro queoye mehna buhegũ Cohãcjũ yequina pagũ bajueyequina siete bajueyequina yero saha ijire. Tiquina tiquiro yequina pagũ bajueyequina ijipihtiro ahri yehpapũ Cohãcjũ ohoriquiroye ijiri.

⁷ Sa yero cordero pehe pãhthora dujiroye cahapũ esaro, tiquiro poto pehe cãori tunure tãã we nedi tiquirore.

⁸ Tiquiro sa tãã we negũ ihñañe cuatro sijoro bajueyequina, veinticuatro pãhtho gãhũ cordero poto dũsepe curi mehna quehe sa, tiquirore ño peori. Tiquina pãhtho ijipihtiyeyequina arpa wame tiye bũa pũtẽñene, uru pari gãhũre cãori. Ti pari bu-eye ehme sitiye quehnoano wahpaye pose tiye pari ijiri. Ti ehme sitiye mehna tiquiro queoye mehna buhegũ Cohãcjũ yequina tiquirore tiquina sini basari yero saha ijiri.

⁹⁻¹⁰ Sa tiquirore ño peoye ohõ saha ni wahma basayere tiquina basa peori tiquirore:

Mũhũ tiquina wejẽdigũ ijire. Sa yegũ mũhũ dii cohãri mehna usã ñañe yerire coseri mũhũ

Cohācjū yequina usāre iji dutigū. Sa yegū usāre ijipihitiye cururi cjānare, ijipihitiye yahuducuyere yahuducunare, ijipihitiye yehpari cjānare usāpe usāre ijipihitinare mūhure cahmena dihitare usā ñañe yerire mūhū dii cohāri mehna cosere mūhū Cohācjū yequina usāre iji dutigū. Usāre ijipihitinare Cohācjū yequina ijiatinare cūri mūhū. Sa yegū pahia cūri mūhū usāre Cohācjū cahacjāna usāre iji dutigū. Sa yegū peye yehpari cjēna bui pūhtoa sōri mūhū usāre. Sa yerigū ijigū mūhū ti tunure piha ñeheñene tūhrēacjū ijire mūhū, ni basa peori tiquina corderore.

¹¹ Pari turi ihñagū millones angele parire ihñau. Pūhoro dujirore pititiaro sijoro saha bajuyequinare, veinticuatro pūhtoare angele pehe tiquinare wahme dūca sari. Tiquina angele pari tutuaro tiquina sañuducu peogū ihñau.

¹² Ohō saha ni tutuaro yahuducu peori tiquina: Cordero tiquina wejēdigū mūhū ijipihitiyequinare dutigū, ijipihitiyere cūogū, masi pehogū, tutua yūhdugū ijire mūhū. Masa tiquina ñañe buhiri tiquina wejēdigū mūhū ijigū ihñana sa ni ño peoja mūhure. “Quehnoa yūhdugū ijire”, ninatja mūhure. Mūhure quehnoano yahuducunatja, ni yahuducu peori angele pari.

¹³ Sa yegū apequina gūhure tiquina yahuducu peoye ca tagū tūhou. Ijipihitiyequina ūhmūse cjēna, ahri yehpa cjēna, catiyequina, yariariquina gūhū, pajiri ma cjēna, ijipihitropū ijiyequina ohō saha ni yahuducu peoye ca tari:

Cohācjūre mūhū dujiropū dujigūre, Cordero gūhure mū sare pūanare quehnoano yahuducunatja. Mū sare ño peonatja. “Quehnoa yūhdūna ijire. Tutua yūhdūna ijire”, nina, ijip-

ihtiye decori sa niducunatja mū sare, ni yahuducu peoye ca tari.

¹⁴ Sa ye tiquina pititiaro sijoro saha bajuyequina tiquina sa yahuducu peogū tūhoye “Sata ni yahuducu peoahro”, nidi. Sa ye Jesu yequina pūhtoa pehe dūsepe curi mehna quehe sa Cohācjūre, Cordero gūhure ño peori.

6

Papera tunure tiquiro nedi tunure piha ñeheñene tūhrēne Cordero

¹ Came papera tunure tiquiro nedi tunure Cordero piha ñehe mūhtaritore tūhrēdi. Tiquiro sa tūhrēgū ihñau. Tiquiro sa tūhrēdi bato ihcāquiro sijoro saha bajuyequina mehna cjūno, “Ihñana ahtaya”, nidi. Sa nino ūpo yero saha bisiri tiquiro.

² Tiquiro sa nidi bato ihñau yūhū. Yehseriquiro caballore ihñau. Tiquiro bui pesariquiro būedūre cūori. Tiquirore pūhoro pesari behtore ohori apequiro pehe. Tiquiro sa ohori bato tiquiro pehe tiquirore ihñana tuhtiyequinare yūhdūdūcaro wahari.

³ Came ihcāno ñehenore tūhrē tuhasa Cordero apero ñehenore tūhrēdi tja. Tiquiro sa tūhrēdi bato apequiro sijoro saha bajuyequina mehna cjūno “Ihñana ahtaya”, tiquiro nigū tūhou tja.

⁴ Sa yegū apequiro caballore sohāriquirore ihñau tja. Tiquiro bui pesariquirore tutuayere ohori apequiro pehe. Ahri yehpa cjēnare cahme wejē dutiatiquirore cūri tiquirore. Sa ye ijipihitiro cjēna cahme wejēeta ahri yehpapū. Sa yero pajiri pjī ñoseni pjīne ohori tiquirore.

⁵ Came pūarore tūhrē tuhasa Cordero apero ñehenore tūhrēdi tja. Tiquiro sa yegū pūaro tiquina yahuducuri bato apequiro sijoro saha bajuyequina mehna cjūno “Ihñana ahtaya”, tiquiro nigū tūhou.

Tiquiro sa nidi bato ñiniquiro caballore ihñau. Tiquiro bui pesariquiro balanza nūcūñe queorore cūori.

⁶ Tiquirore yuhū ihñari bato sijoro saha bajuyequina watoapū ohō saha bisiro ca tari:

—Ihcā deco dahrari wapa mehna trigore ihcā kilota dúeta masa. Ihcā deco dahrari wapa mehna cebada wame tiye pjerire ihtia kilota dúeta masa. Trigo, cebada gāhū pihtia waharota. Sa ye ti wapa bujuninota. Sa ijiepegāta ihyaye dahreye uhse, vino gāhū peye ijininota, nino ca tari.

⁷ Came ihtiarore tahrē tuhasa Cordero apero ñehenore tahrēdi tja. Tiquiro sa tahrēdi bato apequiro sijoro saha bajuyequina mehna cǎno iji bato tiriquireo “Ihñana ahtaya”, nidi tja.

⁸ Tiquiro sa nigū tūhogū opoariquireo caballore ihñau. Tiquiro bui pesariquireo “Yariagū yeriquiro”, wame tiri. Sa yero tiquiro bato ahtariquireo “Peca”, wame tiri. Sa yero tiquinare tutuayere ohori apequiro pehe. Ahri yehparūre deco mehna ijiyequina docapū peyequina masare wejē dutiri. Cahme wejēñe mehna, ujūa ahbaye mehna, dohatiye mehna, wahiquina nūcūri cǎna usuayequina mehna peyequina masare tiquina wejēatire cūri tiquinare.

⁹ Came pititiaro ñehedire tahrē tuhasa Cordero apero ñehenore tahrēdi tja. Tiquiro sa tahrēgū altar docapū Jesu yequinare tiquina wejēdiquina jeripohnarine ihñau. Cohācjū yere tiquina yahuri buhiri, “Jesu yequina ijiaja”, tiquina ni yahuri buhiri tiquinare wejēdi jiri.

¹⁰ Tiquina sañuducuye ohō saha nidi Cohācjūre:

—Mūhū usā pūhto, ñañe mariegū, ni mehoñe mariegū, mūhū nidiro sahata yegū ijire mūhū. ¿Ahri yehpa cǎnare, usāre wejēdiquinare dūhse ijigū buhiri dahreitjari mūhū? ni sañuducuri tiquina.

¹¹ Sa yero tiquinare yehseye suhti yoaye suhtire ohori. Tiquinare sa ohoro ohō saha nidi tiquinare:

—Sorīña. Apequina mūsa acaye Jesu yequina mūsa yeriro sahata vojopū gāhūre quehnoañe buheyere

buheniñe nine. Mū sare tiquina wejēdiro sahata tiquina gāhūre tiquina wejē pehoato dūhsarīne. Sa yena tiquinare ijipihtiyequinare tiquina wejēato pano mehenogā sorīña mūsa, nidi tiquinare.

¹² Came ihcā omope ñehedire tahrē tuhasa Cordero apero ñehenore tahrēdi tja. Tore tiquiro sa tahrēgūta tutuaro yehpa ñuhmidi. Sa yero asū deco cǎno ñiniquireo wahari. Ñini suhtiro yero saha ñiniquireo wahari. Sa yero asū ñami cǎno dii yero saha sohāriquireo wahari.

¹³ Sa ye ñahpicoha paca yehpapū bora dijiaa wahari. Yucū dūca yahsayere wihnono wē bure dijioro saha ñahpicoha paca bora dijiaa wahari.

¹⁴ Sa yero uhmūse butia wahari. Papera tunure mari torēgū bajuero saha bajuerari uhmūse. Sa ye ijipihtiye cūnū cǎnū gāhū, nūcūpo gāhū ape sierū esadūcari.

¹⁵ Sa wahagū ihñañe, ahri yehpa cǎna pūhto cūnū cǎnū cǎnū utā wūhūsepū duhtiri. Apequina pūhto, surara pūhto, doeri cǎnū opana, tutuayequina, ijipihtiyequina tiquina cahacǎna, cahacǎna ijieyequina gāhū topūta duhtimedī.

¹⁶ Sa duhtiye, cūnū cǎnū, utā wūhūse gāhūre ohō saha nidi:

—Usā bui bora pjeya. Usāre nūoña. Siquiro pūhtorore, dujiropū dujiriquireore cue yūhdūaja. Cordero usāre ñano buhiri dahrerota. Sa yena nūoña usāre.

¹⁷ Ijipihtiyequinare tutuaro buhiri dahreati deco iji tuhasare. Sa ye ti buhiri dahreatire ne ihcāquiro duhtiriquireo ihcāno sahasi, nidi tiquina ijipihtiyequina.

7

Israe masa pagūrire Cohācjū tiquiro wame ña ohōatire yahuahye Ñu

¹ Came pititiaro angelere ihñau. Tiquina ijipihtiropū wahari. Ihcāquiro norterū waharo topū ahtari wihnonore ahtaeragū yeri. Apequiro

surpꝛ, apeqũiro asũ mꝛja taropꝛ, apeqũiro asũ sajãnopꝛ wahaye, nortepꝛ wahariquiro yero saha yeri tiquina gũhꝛ. Sa yero ahri yehpapꝛ, pajiri mapꝛ gũhare ne wihnono ahtaerari. Ne ihcãdꝛ yucũgũre wihnono ñuhmigũ yerari.

² Sa yegꝛ apeqũiro angelre ihñãꝛ tja. Asũ mꝛja taropꝛ ahtaro nidi tiquiro. Cohãcjũ catiriquiro tiquiro wame ñã ohõnore ne cãhtaro nidi tiquiro. Sa ne cãhtaro apeqũina pititiaro angelere tiquiro sañuducuri. Tiquina angele pehe ahri yehpare, pajiri ma gũhare Cohãcjũ tiquiro ñano wahagũ ye dutinohriquinapꝛ ijiri.

³ Tiquinare sañuducuro ohõ saha nidi angel:

–Cohteniña. Cohãcjũ cahacjẽna tiquina wũhdoa pacare tiquiro wamene ohõna tana niaja. Ûsã sa ohõato pano ahri yehpare, pajiri mare, yucũri gũhare ñano wahagũ yeracãhña mꝛsa, nidi tiquiro apeqũina pititiaro angelere.

⁴ Sa yero Cohãcjũ tiquiro wame mehna tiquina wũhdoa pacare tiquina ohõatiquinare “Ohõpequina ijire”, ni yahuri yũhare ihcãquiro. Israe masa doce cururi cjẽna ciento cuarenta y cuatro mil masa tiquina ohõatiquina ijiñohti.

⁵ Ahriquina ijiñohti tiquina ohõatiquina: Doce mil masa Judá panamena iji turiayequina tiquina ohõatiquina ijiri. Apeqũina doce mil masa Rubẽ panamena iji turiayequina tiquina ohõatiquina ijiri. Apeqũina doce mil masa Gad panamena iji turiayequina tiquina ohõatiquina ijiri.

⁶ Apeqũina doce mil masa Aser panamena iji turiayequina, apeqũina doce mil masa Neftalí panamena iji turiayequina, apeqũina doce mil masa Manase panamena iji turiayequina tiquina ohõatiquina ijiri.

⁷ Apeqũina doce mil masa Simeo panamena iji turiayequina, apeqũina doce mil masa Leví panamena iji turiayequina, apeqũina

doce mil masa Isacár panamena iji turiayequina tiquina ohõatiquina ijiri.

⁸ Apeqũina doce mil masa Zabulón panamena iji turiayequina, apeqũina doce mil masa José panamena iji turiayequina, apeqũina doce mil masa Benjami panamena iji turiayequina tiquina ohõatiquina ijiri. Topequinata ijipihtiyequina masa ciento cuarenta y cuatro mil tiquiro wame mehna tiquiro ohõatiquina ijiri.

Peyequina yehseye suhti sañañequinare yahuahye Ñũ marine

⁹ Came peyequina masare ihñãꝛ. Ijipihtiye yehpari cjẽnare, ijipihtiye cururi cjẽnare, ijipihtiye yahuducuyere yahuducuyequinare, ijipihtiye macari cjẽnare peyequinare Cristore cahmeñequina dihitare topꝛ ducuyequinare ihñãꝛ. Pũhtoro dujiro poto, Cordero caha ducuri tiquina masa. Peyequina masa ijiri. Sa ye queo pehoyequina ijierari. Yehseye suhti sañañequina ijiri tiquina. Sa ye iqui pohnarine cũori.

¹⁰ Sa ye tiquina ijipihtiyequina ohõ saha ni tutuaro sañuducuri:

Cohãcjũ ijire usãre yũhdũoriquiro. Tiquiro dujiropꝛ dujiriquiro ijire. Cordero gũhꝛ usãre yũhdũoriquiro ijire, ni sañuducuri tiquina.

¹¹ Sa ye ijipihtiyequina angele, Jesu yequina pũhtoa gũhꝛ, sijoro saha bajuyequina mehna pũhtoro dujiro cahapꝛ ducuri. Sa ducuye tiquiro dujiro poto dũsepe curi mehna quehe sa, Cohãcjũre ño peori.

¹² Ohõ saha ni ño peori tiquina:

Sa tjire. Cohãcjũ usã pũhto, mũhare quehnoano yahuducujã. Quehnoa yũhdũagũ ijire mũhꝛ. Masi pehogũ ijire mũhꝛ. Mũhare “Quehnoare”, niaja. Mũhare ño peoaja. Tutua yũhdũagũ ijire mũhꝛ. Mũhꝛ tutuaye mehna yerigũ ijire mũhꝛ. Sa ijiducugũ ijire mũhꝛ ijipihtiye decori. Sa tjire, ni ño peori tiquina.

13 Sa yero ihcãquiro Jesu yequina pãhtoa mehna cjãno yãhãre sinituri:

—¿Ahriquina yehseye suhti sañañequina masiajari mãhã? ¿Tiquina ahtarirore masiajari mãhã? ni sinituri yãhãre.

14 Tiquiro sa nigã tuhogã,

—Masiedaja, ni yãhtii.

—¿Noa ijiajari tiquina? ni sinituu tiquirore.

Yãhã sa nigã tuhoro ohõ saha nidi yãhãre:

—Ahriquina ña yãhdãaro yãhdãari deco ijigã ihcãno sahayequina ijire. Tiquina suhti cosenohriquina tiquina ijiro saha Cordero tiquiro dii cohãno mehna tiquina ñañene cosenohriquina ijire. Sa ye quehnoano yehseye suhti sañañequina ijire.

15 Sa tiquiro cosenohriquina ijire Cohãcjã dujiro poto tiquirore sa ño peoducure. Decoripe, ñaminipe tiquirore sa ño peoducure, pahia Cohãcjã wãhãpã tiquina yeriro saha. Sa yero tiquina mehna sa ijiducuro, tiquinare yedohorota Cohãcjã “Sijoro saha wahari”, nino.

16 Ne pari turi ajãa ahbasi tiquina. Sa ye ne aco wãosi tiquina. Ne asã deco cjãno asiye tiquina asiye posi. Tutuaro asiye tiquinare ñano yãhdãgã yesi.

17 Pãhthora dujiro poto ducuriquiro Cordero tiquinare ihña ihborota. Ovejare ihña ihboriquiro yero saha tiquinare ihña ihborota. Sa yero mãri pohteripã catigã yeye mãri pohteripã tiquinare ãhmã tã cãnota, ovejare ihña ihboriquiro tiquiro ãhmã tã cãno saha. Sa yero sa bucueducugã yerota tiquinare. Sa ye ne pari turi utisi tiquina, nidi Jesu yequina pãhtoa mehna cjãno yãhãre.

8

Seis papera tunurine tiquina piha ñehedire tãhrẽ tuhasaro aperore tãhrẽahye tja Cordero

1 Seis papera tunurine tiquina piha ñehedire tãhrẽ tuhasaro aperore

tãhrẽdi tja Cordero. Tiquiro sa tãhrẽ tuhasagã hora deco topã ãhmãsepã quehnoano dihta mariaa wahari.

2 Sa yegã siete angelere Cohãcjã poto ducuyequinare ihñaã. Sa yero tiquinare siete cornetarire ohori apequiro.

3 Apequiro angel uru pare bu-eye ehme sitiye pose yeati pare cãoriquiro altar cahãpã esa, ducuri. Topã tiquiro ducugã peye ehme sitiye tiquirore ohori ijipihtiyequina Cohãcjã yequina tiquirore tiquina sinidi mehna moreatire. Sa yero uru altarpã Cohãcjã dujiro caha ijiri altarpã ti ehme sitiye bueri Cohãcjãre.

4 Sa ye angel tiquiro cãori pa cãe ehme sitiye altarpã tiquiro poho siteri bato ti ehme sitiye cãe ohmeo Cohãcjã yequina tiquirore tiquina sinidi mehna mãjaa wahari.

5 Sa wahari bato altar cãe nitine ti papã wehe sãa tuhasa, yehpapã doque cãri. Tiquiro sa doque cãgãta mia sitedoqueo, tutuaro ãpo pari. Sa yero sijoro saha ijiro bisi maa, yehpa ñuhmi maari.

Cornetarire yahuahye Ñu

6 Came siete angele tiquinape tiquina cornetarire putie tee nidi.

7 Ihcãquiro angel tiquiro yariare puti mãhtari. Tiquiro sa putigã aco paca yããayã paca, peca mehna, dii mehna moreñe paca yehpapã doque dijiori. Sa doque dijioãta yehpa ajãa wahari. Ohõ puno ajãri: Ahri yehpa deco esaro taro yemehno ajãa wahari. Sa yero to puno poseta yucãri gãhã, taa gãhã ajãa wahari.

8 Angel ihcãquiro tiquiro sa puti mãhtari bato apequiro angel tiquiro yaria cornetare putiri tja. Tiquiro sa putigã pajidã cãnã yero saha bajudã quehnoano ajãducudã pajiri mãpãre waha maa ñojoaa wahari. Sa yero yehpa ajãriro puno to punota pajiri ma dii ma dojoa wahari.

9 Sa ye pajiri ma cãena wahi deco mehna meheno esaboro yariaa wa-

hari. Sa ye tope yuc̄sari ḡh̄u minia wahari pajiri map̄re.

¹⁰ P̄uaro angele tiquina putiri bato apequiro angel ḡh̄u tiquiro yaria cornetare putiri tja. Tiquiro sa putiḡu pajiria ñahpicoha, sihãria yero saha asiria yehpap̄u bora sa quehea wahari. Ahri yehpa cjẽ mári deco mehna meheno esaboro tope mári bui bora sa quehea wahari ñahpicoha. Tope mári pohteri bui bora sa quehea wahari.

¹¹ Tope márita s̄ẽñe mári wahari. Sa wahaḡu peyequina masa ti mári cjẽ acore sihnime, yariaa wahari. Tia ñahpicoha “S̄ẽnia”, wame tiri.

¹² Ihtiaro angele tiquina putiri bato apequiro angel ḡh̄u tiquiro yaria cornetare putiri tja. Tiquiro sa putiḡu as̄u deco cj̄no, ñami cj̄no ḡh̄u deco mehna meheno esaboro dojoa wahari. Ñahpicoha pari ḡh̄u deco mehna meheno esaboro tope pacata dojoa wahari. Tope paca ùhm̄se cjẽ paca quehnoano buhrioterari. Decop̄u pititia hora waro as̄u deco cj̄no ne buhrioterari. Ñamine pititia hora waro as̄u ñami cj̄no, ñahpicoha pari ḡh̄u ne buhrioterari.

¹³ Came ih̄ñadoque m̄ou tja. Ëhm̄sep̄u w̄riquirore cac̄re ih̄ñau. Sa yeḡu tiquiro sañuducuḡu t̄hou. Oh̄o saha nidi tiquiro:

—Ña ȳhd̄are. Ña ȳhd̄are. Ihtiaro angele d̄hsari yojop̄u puti-atiquina. Tiquina putiri bato ña ȳhd̄aro waharota. Sa wahaḡu ahri yehpap̄u ijyeyequina ña ȳhd̄aro ȳhd̄eta, nidi tiquiro.

9

¹ Came pititiaro angele tiquina putiri bato apequiro angel tiquiro yaria cornetare putiri tja. Tiquiro sa putiḡu ñahpicoha yero saha ijiriquiro angel ùhm̄sep̄u bora dijia tariquirore ih̄ñau. Sa yero tiquirore ùhc̄ãri cope cjã sawire oho.

² Sa yero tiquiro ti copere tiquiro p̄oḡu peca ohmeo wijiari. Pajiri peca cjẽ ohmeo yero saha pajiro

ohmeo wijiari ti copere. Sa wijiario ti ohmeo duita as̄u deco cj̄noro, ùhm̄se ḡh̄are butia wahaḡu yeri.

³ Sa ye ti ohmeo puhiap̄u ijyeyequina poreroa yehpap̄u ahtari. Sa ye cutipa tiquina tutuaro pur̄ino saha tiquina ḡh̄u tutuaro pur̄idi.

⁴ Sa yero taare, yuc̄aire, apeye oteyere ñano ye dutierari tiquinare. Masa dihitare ñano ye dutiri tiquinare. Cohãcj̄u wamene tiquina w̄hdoa pacare oh̄mehneñequina dihitare ñano ye dutiri tiquinare poreroare.

⁵ Sa ñano ye dutieperota tiquinare wejẽ dutierari. Tiquinare wejẽ dutieraperota ihcã omope as̄uri waro tiquinare ñano pur̄iḡu ye dutiri. Cutipa toaye tiquina pur̄ino saha pur̄iḡu yeyequina ijiri poreroa ḡh̄u.

⁶ Tiquinare tiquina sa pur̄iḡu yeḡu masa yariaa duaeta. Tiquina sa yaria duepeḡuta tiquinare yaria dutisi.

⁷ Poreroa pehe caballoa yero saha bajuri. Tiquina cahme wejẽato pano caballoare tiquina suhti s̄ãriro saha sa bajuyequina ijiri tiquina poreroa ḡh̄u. Tiquina dapu paca bui p̄h̄toa pesaye behtori uru behtori yero saha bajuri. Tiquina w̄hdoa paca masa yero saha bajuri.

⁸ Tiquina poari numia poari yero saha ijiri. Sa ye tiquina upiri yayia upiri yero saha ijiri.

⁹ Jeripohna cahmotari cahsero come cahsero yero saha bajuri tiquina cutiro. Sa ye tiquina w̄ḡu peyequina caballoa omañequina tiquina omano saha tiquina w̄ḡu bisiri. Caballoa tunuñe paca wejeyequina tiquina cahme wejẽnop̄u wahaye, tiquina bisiro saha bisiri poreroa w̄ḡu.

¹⁰ Sa ye cutipa pic̄no tiro saha, toaria tiquiro c̄oro saha ijiri tiquina poreroa. Sa ye tiquina toaye paca mehna toaye, ihcã omope as̄uri waro masare pur̄iḡu yeri.

¹¹ Sa ye tiquina p̄h̄toro tiyeyequina ijiri. Ëhc̄ãri cope up̄aro ijiri tiquina p̄h̄toro. Tiquiro angel ijiri. Hebreo ye mehna Abadón wame tiri tiquiro.

Griego ye mehna Apolión wame tiri. (Apolión “Dojomehneniquiro” nino nine.)

12 Poreroa masare ñano tiquina purĩgũ yeri bato ahri tiquina ñano yũhdũ mahtariro pihitia wahari. To bato pũa taha pari turi ñano yũhdũeta masa.

13 Came ihcã omopequina angele tiquina putiri bato apequiro angel tiquiro yaria cornetare putiri tja. Tiquiro sa putigũ Cohãcjũ caha ducuri altarpũ uru altarpũ yahuducuye bisi wijiario ca tari. Ti altar cjẽ sahari pititia saharopũ yahuducuye bisi wijiario ca tari.

14 Sa yahuducuro cornetare putiri quiro angelre yahuri:

–Eufrates wame tiri ma pajiri mapũ peresupũ ijiyequinare angelere wioya. Tiquina pititiaro angele ijire, nino ca tari.

15 Sa nigũ tũhoro angel pehe tiquinare pititiarore wiori, peyequina masare wejẽatiquinare. Ahri cãmure, ahri asũre, ahri decore, ahri horare queoro cohteye nidi tiquina pititiaro angele. Tiquina cohteriro esa tuhasare. Sa ye wejẽne tee nine. Ijipihtiyequina deco esaboro caha masare wejẽatiquina ijire.

16 Sa yegũ tiquina yequina surarare “Ohõpequina ijire”, tiquina nigũ tũhou. Tiquina caballoa bui pesayequina ijiri. Doscientos millones surara ijiri.

17 Sa yegũ caballoare tiquina bui pesayequina gũhũre ihñãũ. Sa ye caballoa bui pesayequina tiquina jeripohnarine cahmotaye suhti come suhti sohãne suhti, yahsaye suhti, bojoyaye suhti ijiri. Sa ye caballoa tiquina dapu paca yayia sohãnequina yero saha bajuri. Tiquina dũseripũ peca, ohmeo, azufre wame tiye ohmeo gũhũ wijiari.

18 Sa ye caballoa dũseripũ wijiaye masare wejẽdi. Ijipihtiyequina deco mehna mehenõ esaboro waro topequina masare wejẽdi. Sa ye

peca mehna, ohmeo mehna, azufre mehna peyequina masare wejẽdi.

19 Tiquinare caballoa dũseri mehna wejẽdi. Sa ye caballoa picõri mehna wejẽdi tja. Tiquina picõri sohtoapũ añaa dapu paca yero saha bajuri. Sa ye tiquina picõri mehna ñano yeri tiquina masare.

20 Peyequina masa yarieyequina tiquina wejẽ dũhariquina pehe tiquina ñãne yerire ne duhuerari. Watĩare ño peo duhuerari. “Cohãcjũ ijire”, tiquina niñe queoye gũhũre ño peo duhuerari. Ti queoye uru mehna, plata mehna, bronce wame tiye come mehna, utã mehna, yucari mehna tiquina yeri queoye ijiri. Sa ye ti queoye pehe ihñedari. Tũhoerari. Tiniedari.

21 Peye ñãne gũhũre tiquina ne bujũa witierari. Masare tiquina wejẽdire, tiquina numia mehna tiquina ñano yerire, tiquina yaqueri gũhũre ne bujũa witierari tiquina. Sa ye masare ujuayequina yayia tiquina yero saha yeye, ti gũhũre ne bujũa witierari tiquina.

10

Meheni tunugãre papera tunugãre ne cãhtahye angel

1 Came apequiro tutuariquiro angel uhmũserũ tiquiro dijia tagũ ihñãũ. Ehmeo curua watoapũ ahtari. Sa yero buheni da tiquiro dapu bui pesari. Tiquiro wũhdoã asũ deco cjũno yero saha asi siteri. Tiquiro ñecari ujũari peca yero saha bajuri.

2 Sa yero meheni tunugã papera tunugãre tiquiro pãri tunugãre cõori tiquiro. Tiquiro dahpocã poto pehe cjã dahpocã mehna pajiri mapũ cãhta cũri. Tiquiro dahpocã cũ pehe pehe mehna dihtapũ cãhta cũri.

3 Sa ducuro yayia tiquina sañuducuro saha tiquiro tutuaro sañuducuri. Tiquiro sa sañuducuri bato siete upoa yahuye ca tamedĩ.

4 Tiquina sa yahugũ tũhogũ ojoa dũcamĩ. Yũhũ sa ojoa dũcagũta uhmũserũ yũhũre yahuducuro ca tari.

—Siete upoa tiquina nidire apequinare yahueracãhña. Sa yegu tire ojoa nedacãhña, nino ca tari yuhure.

⁵ Tiquiro sa nidi bato pajiri mapure cãhta cũ, dihtarpare cãhta cũriquiuro angel tiquiro omoca poto pehe siõdoque m̃ori ãhm̃sep̃.

⁶ Sa siõdoque m̃ono Cohãcjũ sa catiducuriquiuro wame mehna wame peori. Tiquiro Cohãcjũ pehe ijipihitiyere ãhm̃sere, ãhm̃se cjẽne, ahri yehpare, ahri yehpa cjẽne, pajiri mare, pajiri ma cjẽne yeriquiro ijire. Sa yero ohõ saha nidi angel:

—Cohãcjũ mehna poto nii niaja. To punota cohtenatja.

⁷ Seis angele cornetarire tiquina putiri bato apequiuro angel putigũ Cohãcjũ panop̃ tiquiro “Ohõ saha yeitja” nidiro sahata yerota. Panop̃ masare tire quehnoano yahuerahye. Came tiquiro cahacjẽnare, tiquiro yere yahu m̃ãhtariquina pehere quehnoano yahu pehoahye tiquiro. Ti tiquiro yahu cũrire yojop̃are yerota tiquiro, nidi angel.

⁸ Tiquiro sa nidi bato ãhm̃sep̃ yuhure yahuducuriquiuro pari turi yahuducuro ca tari tja. Ohõ saha nino ca tari yuhure:

—Pajiri map̃ cãhta cũriquiuro dihtarpare cãhta cũriquiuro siquiuro angel cahap̃ wahaya. Sa wahag̃ papera tunugãre tiquiro c̃ori tunugãre neña, nino ca tari yuhure.

⁹ Tiquiro sa nigũ tãhog̃ angel cahap̃ wahan. Tiquirore papera tunugãre yuh̃ sinigũ tãhoro ohõ saha ni yahtiri yuhure:

—Neña. Sa yegu ahri tunu papera tunugãre ihyaya. M̃h̃ coã ihyagũ umi yero saha quehnoano bisirota. M̃h̃ paap̃ m̃h̃ ihya s̃ori bato s̃ẽñe waharota, nidi yuhure.

¹⁰ Tiquiro sa nigũ tãhog̃ ti tunugãre angelre yuh̃ nedi bato ihyah. Yuh̃ coã ihyagũ umi yero saha bisiri. Yuh̃ ihya s̃ori bato yuh̃ paap̃ s̃ẽno wahan.

¹¹ Yuh̃ sa ihyari bato ohõ saha nidi yuhure:

—Pari turi ijipihtiye macari cjẽna, ijipihtiye yehpari cjẽna, peye yahuducuyere yahuducuyequina, tiquina p̃ãtoã g̃h̃ came tiquina d̃ãhse wahatire yahuyuya m̃h̃, nidi yuhure.

11

P̃aro Cohãcjũ yere yahuatiquinare yahu ojoahye Ñu marine

¹ Came yuhure queodure ohori Cohãcjũ. Tuad̃ puno yoad̃ ijiri tã. Ture ohoro ohõ saha nidi yuhure:

—Ya wuhure queog̃ wahaya. Ti wuh̃ cjã altar g̃h̃are queoya. Sa yegu ti wuh̃p̃ yuhure ño peoyequinare queoya.

² Sopecaha wijia sad̃cari paare quehnoari paare queoeracãhña. Ti paa yuhure cahmeeñequinare tiquina cũri paa ijire. Tiquina cuarenta y dos as̃ri waro Cohãcjũ ya macare, ti maca cjẽna g̃h̃are ñano yeeta. Sa yegu queoeracãhña tiquina ya paare quehnoari paare.

³ Sa yegu yeere yahuatiquinare p̃arore ohoutja. Mil doscientos sesenta decori waro yeere yahueta. Masa dija suhtire sañañequina ijietã tiquina yuh̃ yahu dutiyequina, ni yahuri yuhure.

⁴ Ahri yehpa cjẽna p̃ãtoro poto p̃ãd̃ Olivo wame tiye cjã ducure. P̃ãd̃ sihã peoye cjã g̃h̃ ti cjã cahap̃ ducure. Ti cjã mehna queoye mehna yuh̃ buhegũ ahriquina p̃aro mari p̃ãtoro yere yahuyequina ti cjã yero saha ijire.

⁵ Sa ye tiquinare ihña tuhtiyequina tiquinare ñano ye duagũ tiquina pehe d̃useri cjẽ peca mehna ãjũã pehoeta tiquinare ihña tuhtiyequinare. Sata tiquinare ñano yeyequinare wejẽeta tiquina p̃aro mari p̃ãtoro yere yahuyequina pehe.

⁶ Sa ye tiquina p̃aro acoro ahta dutieragũ acoro ahtasi. Sa yero mari p̃ãtoro yere tiquina yahuro puno acoro ahtasi. Sa ye m̃arine dii m̃ari wahagũ yeeta tiquina. Sa ye ahri

yehpare ñano wahagũ yeeta. Ijip-
ihtiye dũhse ijiyere, ijipihtiyequina
dũhse ijiyequinare masare ñano wa-
hagũ yeeta. Tiquina cahmeno sahata
sa ñano wahagũ yeeta ahri yehpare.

⁷ Tiquina sa ye pehogũ uhcũari
copepũ ijiriquiro ñariquiro nũcu cãno
wijiarota. Sa wijiaro Cohãcjũ yere
yahuyequina mehna cahmequenota.
Sa cahmequeno tutua yũhdũcaro
tiquinare wejẽnota.

⁸ Tiquiro sa wejẽdi bato tiquina
pagari pajiri maca cã mahapũ
cuñaeta. Yahuyequina pũhtoro
tiquina quẽ biha wejẽdi maca ijire ti
maca. Ti maca cãna ñaãequina ijiye
Sodoma cãna, Egipto cãna yero saha
ijire.

⁹ Sa cuñaãe ihtia deco quehnoano
cuña, ape deco deco mehna tiquina
pagari mahapũ cuñaeta. Sa ye ijip-
ihtiye yehpari cãna, ijipihtiye cu-
ruri cãna, ijipihtiye yahuducuyere
yahuducuyequina tope decori waro
tiquina pagũre ihãaduceta. Sa ye
tope decori waro tiquina pagũre ya
dutisi.

¹⁰ Tiquina sa yariariquina ijigũ
ihãaãe ahri yehpa cãna bucueeta.
Sa bucueye bose decore yeye,
tiquina basi apee borore sa oho
quẽeta. Tiquina pũaro Cohãcjũ yere
yahuyequina masare ñano yũhdũgũ
yeriquina ijiahye. Sa ye tiquina sa
yariagũ ihãaãe bucue yũhdũeta ahri
yehpa cãna.

¹¹ Sa yero ihtia deco ape deco deco
mehna bato Cohãcjũ tiquina pagũre
masonota. Tiquiro sa masogũ tiquina
pari turi wahcãdũcaeta. Tiquina sa
wahcãdũcagũ ihãaãe ijipihtiyequina
cue yũhdũeta tiquinare.

¹² Came tiquina pũaro uhmũsepũ
tuturo yahuducugũ tũhoeta. Ohõ
saha ninota tiquinare.

—Ohõpũ mũja taya mũsa, ninota.

Tiquiro sa nigũ tũhoye ehmeo cu-
rua watoa mũjaa wahaeta. Tiquina
yabiriquinare mũjagũ ihãaeta masa.

¹³ Tiquina sa mũjagũta yehpa tutu-
aro ñuhminota. Sa ñuhmigũ ti maca cã
wũhũse peye bora dijiaa waharota.

Sa ye yehpa ñuhmino mehna siete
mil masa yariaa wahaeta. Apequina
dũhsariquina pehe acũaa wahaeta.
Sa ye Cohãcjũre uhmũse cãnore “Tu-
tuagũ ijire” ni ño peoeta tiquirore.

¹⁴ Ahri ijipihtiye tiquina sa wahari
bato pũa taha masa ñano yũhdũ
tuhasariquina ijietta. Tiquina sa
yũhdũri batogãta pari turi duita masa
ñano yũhdũeta tja.

*Seis cornetarire tiquina putiri bato
apequiro putiahye*

¹⁵ Came seis cornetarire tiquina
putiri bato apequiro angel tiquiro
yariare putiri. Tiquiro sa putigũ
uhmũsepũ tuturo yahuducuye ca
tari. Ohõ saha nino ca tari:

Yojopũ mari Pacũ, Cristo mehna ahri
yehpa cãna pũtoa ijietta. Sa
yero pũtoro sa ijiducurota
Cohãcjũ, nino ca tari.

¹⁶ Sa ye Cohãcjũ poto pũtoa du-
jiyepũ dujiyequina veinticuatro Jesu
yequina pũtoa Cohãcjũ poto quehe
sa, tiquirore ño peori.

¹⁷ Sa ño peoye ohõ saha nidi:

Usã pũto Cohãcjũ, tutua yũhdũagũ
ijire mũhũ. Mũhũ panopũ sa
ijiducuahye. Sa yegũ yojopũ
gũhũre sa ijiducure. Camepũ
ahtaũta mũhũ. Mũhũ tutu-
aye mehna masa tiquina pũto
mũhũ ijidũcagũ “Quehnoare”
niaja mũhũre.

¹⁸ Ijipihtiyequina ahri yehpa cãna
mũhũre cahmedariquina mũhũ
mehna usuamedì. Yojopũre
tiquinare mũhũ buhiri dahreati
pje ijire. Yariariquina gũhũre
mũhũ buhiri dahreati pje ijire.
Sa yero mũhũ yequina pehere
quehnoañene tiquina yeri wapare
mũhũ ohoati pje ijire. Ihquẽquina
tiquina mũhũ cahacãna mũhũ yere
yahu mũhtariquina ijire. Sa ye
tiquina, apequina mũhũ yequina
mehna ijipihtiyequina mũhũre ño
peoyequina ijire. Sa yegũ pũtoare,
ihyo ijiyequina gũhũre mũhũ yequina
tiquina ijiri wapa quehnoano yeita
mũhũ. Sa yero ahri yehpa cãnare
dojomehne cohteriquinare mũhũ

cohāti pje ijire yojopure, ni ño peori pũhtoa Cohãcjũre.

¹⁹ Tiquina sa yeri bato umuse cjã wũhũ Cohãcjũ ya wũhũ tiquiro põori wũhũ ijiri. Sa yena ti wũhũpũ ijiri acarore ihñau. Ti acarore puhiapũ Cohãcjũ masare tiquiro yedohoatire yahuri pũ sañari. Yũhũ sa ihñagũta mia sitedoqueo, upo pa maari. Sa yero sijoro saha ijiro bisi maa, yehpa ñuhmi maa, aco paca yũsũaye paca umusepũ peye bora dijia tari.

12

Numino gũhũre pinono gũhũre yahuahye Ñu

¹ Came ahri yehpa dũhse wahatire umusepũ ihñori. Tiquiro sa ihñori ihyo waro ijierari. Ohõ saha ihña mũhtaũ: Umusepũ numinore ihñau. Ticoro suhtiro asũ deco cjũno yero saha asi siteri. Sa yero asũ ñami cjũno bui ducuri. Pũhtoro pesari behto borore doce ñahpicoha paca cœori behore pesaricoro ducuri.

² Sa yero mehenogã dũhsari ticoro pohna tiato. Sa yero ticoro sañuducuri.

³ Came pari turi ihñau umusepũ tja: Pajiriquiro pinonore sohãriquirõre ihñau. Siete dapu paca tiriquiro ijiri. Ijipihtiyẽ tiquiro dapu paca pũhtoa pesaye behõri borore pesaye dapu paca ijiri. Sa yero diez waro sahari tiriquiro ijiri tiquiro.

⁴ Tiquiro picõno mehna ñahpicoha pacare wahba sitedoque dijiori yehparũ. Ijipihtiyẽ ñahpicohare deco esaboro caha wahba sitedoque dijiori. Sa yero numino pohna tiaticoro poto ducuri pinono. Ticoro macũnogã bajuagũ tiquirogãre ih-yaro taro nimedi.

⁵ Camegãta cœo tuhasari nijinogãre. Ijipihtiyẽ yehpari cjẽna pũhtoro ijiatiquiro ijiri tiquirogã. Tiquiro sa pũhtoro tutuariquirõre ijigã, masa tiquirore yũhdũdũcaye ihcãno sahasi. Tiquiro sa masa bajuagũta Cohãcjũ tiquiro dujiro cahapũ tiquirogãre ne cãa wahari.

⁶ Tiquiro sa yegũ numino pehe masa marienopũ duhti cãa wahari. Cohãcjũ tiquiro quehnoyuriorõpũ duhti cãa wahari ticoro. Topure mil doscientos sesenta decori waro Cohãcjũ ticorore ihña ihbori.

⁷ Coã waropure umusepũ cahme wejẽ dũcahyẽ. Miguel wame tiriquiro angel tiquiro yequina angele gũhũ pinono mehna cahmequeahyẽ. Tiquina sa cahmequegã pinono tiquiro yequina angele mehna Miguel gũhũ mehna cahmequeahyẽ.

⁸ Sa ye Miguel gũhũ pinonore yũhdũdũcahyẽ. Sa yero pinono yequina angele gũhũre umusepũ iji nemo dutierahyẽ.

⁹ Sa yero pajiriquiro pinonore cohã cãhyẽ Cohãcjũ. Tiquiro pinono watĩnota ijiro nidi. Satana wame tiriquiro ijiri. Panopũ tiquiro pinono pagũ saha bajuriquiro ijiahyẽ. Sa yero ijipihtiri yehpa cjẽnare ni mehõriquirõre ijire. Tiquirore tiquiro yequina angele mehna yehparũ cohã dijioahyẽ.

¹⁰ Came umusepũ sañuducuro ca tagũ tũhou:

Yojopure mari Pacũ masare yũhdũori.

Yojopũ pũritare mari Pacũ mari pũhtoro ijiro ahtari tiquiro tutuayere ihñono taro. Sa yero tiquiro ohõriquirõre Cristo gũhũ tiquiro pũhtoro ijiyere tiquiro tutuayere ihñori ijipihtiyẽquinare. Watĩnore umusepũ ijiriquirore yehparũ cohã dijiori. Sa yero tiquiro tutuayere ihñori mari Pacũ. Tiquiro watĩno pehe decoripe, ñaminipe Jesu yequinare “Ahriquina ñañequina ijire”, ni yahusãno niahyẽ mari Pacũre. Sa yero mari acayere Jesu yequinare yahusãriquirõre ijiahyẽ.

¹¹ Cristo Cordero wame tiriquiro tiquiro dii cohãri mehna mari acayere Jesu yequina tiquirore wacũ tutuayequina tiquina ñano yerire tiquiro

cohãnohriquina ijire. Sa wacũ tutu-
ayequina ijiye, watĩnore yãhdãdãcari.
Sa ye quehnoañe buheyere buheye,
watĩnore yãhdãdãcari. Tiquiro yere
buheye apequina tiquinare wejẽ
duepegãta, Cristo yere duhuerari.

¹² Sa yena m̄sa ãhm̄se cãna bu-
cueya. Watĩnore yehpap̄ tiquiro
cohã dijiogã ihñana bucueya. Sa
yepegãta ahri yehpa cãna, pajiri ma
cãna gãh̄ pejec̄ona wahanata m̄sa
pehe. M̄sa cahap̄ dijiari watĩno.
Tiquirore buhiri dahreato mehenogã
dãhsare. Sa yero usua yãhdãare
tiquiro. M̄sa cahap̄ tiquiro esagã
pejec̄ona m̄sare tojoagã yerota
tiquiro, ni sañuducugã tahou.

¹³ Sa yero pinono tiquiro cohã
dijioriquiro numinore, nijinogã pa-
corore nãna tã cãri.

¹⁴ Sa yero ticorore pajiriquiro
cac̄ tiquiro wãye dap̄arire ohori
Cohãcjã, masa marienop̄ ticoro wã
duhti cãtore. Top̄ ticoro esari bato
ihtia cãhma quehnoano ape cãhma
deco waro ticorore ihñã ihborigã
Cohãcjã. Tiquiro sa ihñã ihbogã
pinono ticorore ñano ye masiedari.

¹⁵ Top̄ ticoro ijigã ihñano pinono
acore pajiro puti sitedoqueori
ticorore miono taro.

¹⁶ Tiquiro sa yegã yehpa pehe
ticorore yedohori. Pinono dãserop̄
wijiaye acore yehpa pehe aco ihmi
peho cãri.

¹⁷ Sa wahagã ihñano pinono nu-
mino mehna usua yãhdãari. Sa
usuario ihquẽquina ticoro panamena
iji turiayequina mehna cahmequeno
wahari. Tiquina pehe Cohãcjã
dutyere yeyequina ijiye, Jesu ye
buheyere quehnoañe buheyere ne
duhueyequina ijiri.

¹⁸ Sa yero pinono pajiri ma dãhtã
cahap̄ ducuri.

13

P̄aro nãca cãnare yahuahye Ñu

¹ Pajiri ma dãhtã cahap̄ ducugã,
nãca cãnare ti map̄ ijiriquirore
wahcã pahagã ihñã. Tiquiro pehe
siete dapu paca, diez sahari waro

cãoriquiro ijiri. Tiquiro sahari
pãtoa pesaye behtori borore pesari.
Sa yero tiquiro dapu pacare tiquiro
wamene ojoa ohõri dapu paca ijiri.
Ti wame tiquiro ñano wame tigã ihñã
yabiri Cohãcjã.

² Sa yero tiquiro nãca cãno
yairo dohroriquiro yero saha ba-
juri. Sa yero mie yero saha dah-
pocãri tiriquiro ijiri. Sa yero yairo
sohãriquiru pajiriquirodu yero saha
dãsero tiriquiro ijiri. Sa yero pinono
pehe tiquiro tutuayere ohori nãca
cãnore. Sa ohoro tiquirore pãhtoro
dujirop̄ cãno tiquiro yero saha peye-
quina masare dutigã yeri pinono
nãca cãnore.

³ Ihcã dapu nãca cãno dapu
tiquina wejẽbo cureriquiro dapu
yero saha bajuri. Sa bajuepegãta
tiquiro camino pehe yatia wahari.
Ti dapu catigã ihñãne, ihñã maria
wahari ijipihtiyequina ahri yehpa
cãna. Sa ihñã maria wahaye, nãca
cãnore ño peori. Sa ye tiquiro
yequina wahari masa.

⁴ Sa ye nãca cãnore pinono tiquiro
tutuayere tiquiro ohogã ihñãne masa
pehe tiquirore pinonore dãsepe curi
mehna quehe sa, ño peori. Sa ye
nãca cãno gãh̄ dãsepe curi mehna
quehe sa, tiquirore ño peori. Sa ño
peoye ohõ saha nidi:

—Ne apequiro mãh̄ yero saha
tutuariquiro mariedare. Apequiro
mãh̄re ne yãhdãdãca masiedare, ni
ño peori masa nãca cãnore.

⁵ Sa yero tiquiro nãca cãno “Tu-
tua yãhdãdãcagã ijiaja”, tiquiro
niepegãta Cohãcjãre tiquiro ñano
yahuducuepegãta sa tahotu cãrĩdi
Cohãcjã pehe. Sa yero cuarenta y dos
asãri waro tiquiro nãca cãno masare
dutinimedi. To punota tiquiro
pãhtoro ijigã cahmedi Cohãcjã.

⁶ Sa yero tiquiro Cohãcjãre ñano
yahuducuri. Tiquiro wamene,
tiquiro ya wãh̄re, ãhm̄sep̄ tiquiro
ijiro cãna gãh̄re ñano yahuducuri
nãca cãno.

⁷ Sa yero Cohãcjã yequinare cahme
wejẽno tiquinare yãhdãdãcari.

Tiquiro sa yepegūta sa ihña cārīdi Cohācjū. Cohācjū tiquiro sa ye dutieragū yeraboya. Sa yero ijipihtiyequina ahri yehpa cjēna bui pūhtoro ijinimedi nūcū cjāno. Ijipihtiye cururi cjēna bui, ijipihtiyequina macari cjēna bui, yehpari cjēna bui, ijipihtiye yahuducuyere yahuducuyequina bui pūhtoro ijinimedi tiquiro.

⁸ Sa ye ijipihtiyequina ahri yehpa cjēna tiquiro nūcū cjāno poto dūsepe curi mehna quehe sa tiquirore ño peori. Ahri yehpare Cohācjū tiquiro bajumehneato pano tiquiro yequina ijiatiquinare, sa ijducuatiquinare tiquina wamene ojoa ohō tuhasahye. Ti tju tiquiro sa ojoa ohōri tju Cordero tiquina wejēdiqiro ya tju ijire. Ti tju_p tiquina wamene ojoa ohōnohedariquina dihita nūcū cjānore ño peori.

⁹ Cahmo tina ijire mūsa. Sa yena tūhoya.

¹⁰ Ijipihtiyequina masare peresu yenohatiquinare came tiquinare peresu yeeta. Ijipihtiyequina masa ñose wejēnohatiquinare tiquinare ñose wejēta. Tire masina mari Cohācjū yequina ñano yūhdūepenata tiquirore cohāedacūhna. Sa yena tiquirore wacū tutuūhna.

¹¹ Came apequiro nūcū cjānore ihñā_u tja. Yehpa puhiar_p ijiriquiro wijiagū ihñā_u. Pūa saharo oveja sahari yero saha bajuye sahari sahari tiriqiro ijiri. Sa yero pinono yero saha yahuducuri.

¹² Sa yero nūcū cjāno iji mūhtariquiro pehe came ijiriquiro pehere pūhtoro sōri. Tiquiro sa pūhtoro sōnohriquiro pehe ijipihtiye yehpari cjēnare iji mūhtariquirore ño peogū yeri. Iji mūhtariquiro nūcū cjāno tiquina wejēbo cureriquiro camino yatiriquiro ijiri.

¹³ Sa yero came ijiriquiro nūcū cjāno tutuaye mehna ye ihñori masa tiquina ihña mariatore. Sa yero masa tiquina ihñonop_p peca pajiri peca ūhmūsep_p bora dijia tagū yeri.

¹⁴ Sa yero iji mūhtariquiro ihñonop_p apequiro nūcū cjāno pehe

tutuaye mehna masare mehoru “Ahriquiro mūsa ño peoatiquiro ijire”, nino. Sa yero tiquiro masare mehono, iji mūhtariquiro queoyere masare ye dutiri. Tiquiro iji mūhtariquiro ñoseni pjī mehna tiquina ñosediquiro ijieperota catiriquiro ijiri. Tiquiro yero saha bajuye queoye ye dutiri apequiro nūcū cjāno masare. Tiquina sa yegū Cohācjū yabieperota sa ihña cārīahye.

¹⁵ Sa yero came ijiriquiro nūcū cjāno pehe iji mūhtariquiro queoyere catigū yeri masare ti queoye dutiato saha. Sa yero ti queoyere ño peoyequinare wejē dutiri masare queoye pehe.

¹⁶ Sa yero ijipihtiyequinare tiquina omocari poto pehe, tiquina wūhdo_a paca gūhūre ojoa ohō dutiri nūcū cjāno came ijiriquiro. Ihyo ijieyequinare, pūhtoare, doeri cjē opanare, pejecūoyequinare, tiquina cahacjēnare, cahacjēna ijieyequinare, ijipihtiyequinare tiquina omocarine tiquina wūhdo_a paca gūhūre ojoa ohō dutiri.

¹⁷ Tiquiro iji mūhtariquiro nūcū cjāno tiquiro wamene, tiquiro ya numerore ojoa ohōeñequinare ne dú dutierari. Sa yero tiquinare dua dutierari.

¹⁸ Tire quehnoano wacū masiña mūsa. Tūho masina ijina nūcū cjāno tiquiro ya numerore quehnoano ihña masiña. Ti numero ūmūno wame yero saha ijire. Ti numero seis cientos sesenta y seis ijire.

14

Cohācjū tiquiro yūhdūoriquina wahma basayere basahye

¹ Came Siō wame tid_u cūn_u bui ducuriquirore Corderore ihñā_u. Tiquiro mehna ciento cuarenta y cuatro mil masa ijiri. Tiquina tiquiro ye wamene, tiquiro Pacūro ye wame gūhūre tiquina wūhdo_a pacare tiquina ojoa ohōnohriquina ijiri.

² Tiquinare yūhū ihñagūta ūhmūsep_p yahuducuro ca tari. Pajiri peo bisiro saha ūpo tutuaro bisiro saha bisiro

ca tari tiquiro yahuducuye. Sa yero arpa wame tiyere tiquina bua patēno saha bisiro ca tari tiquiro yahuducuye.

³ Topu puhtoro dujiro cahapu pititiaro sijoro saha bajuyequina, Jesu yequina puhto gāhu ijiri. Sa ye tiquina poto ciento cuarenta y cuatro mil masa ducuri. Topu ducuye, wahma basayere basaye nidi. Ti basayere tiquina dihita masidi. Cristo yuhdūori quina dihita ti basayere masidi. Tiquina ahri yehparu ijimediquina tiquiro ne mūori quina ijiri.

⁴ Ne tiquina ihcā tahagā numino mehna ñano yerari. Sa ye Corderore ihña cūñequina ijiye, tiquiro yere sa yeducuyequina ijiri. Sa yero ñañequina mehna ijiyequinare tiquiro yuhdūoati quinare nedi Cohācjū pehe. Sa tiquiro yuhdūori quina ijiye, Cohācjū yequina ijiati quina, Cordero yequina ijiati quina gāhu iji mahtari quina ijiri.

⁵ Sa ye tiquina mehna cjēna ne ihcāquiro ni mehoriquiro mariedare. Sa ye Cohācjū tiquiro tūhotugū ñañe marieñequina ijiri tiquina.

Ihtiaro angele yahuducu dijioahye

⁶ Came uhmūsepu wūri quirore angelre ihñau. Tiquiro ahri yehpa cjēnare, ijipihtiye cururi cjēnare, ijipihtiye yahuducuyere yahuducuyequinare, ijipihtiye yehpari cjēnare, quehnoañe buheyere yahuati quiro ijiri. Ti buheye ne comesaeraye, sa ijiducure.

⁷ Sa yero angel sañuducuro ohō saha ni yahuducu dijiori:

—Cohācjūre cueya. “Tutua yuhdūagu, quehnoa yuhdūagu ijire”, niña tiquirore. YojoPURE masare tiquiro buhiri dahreati pje ijiro nine. Tiquiro uhmūse, ahri yehpare, pajiri mare, mări pohteri gāhure yeriquiro ijire. Sa yena tiquirore dūsepe curi mehna quehe sa, ño peoya, ni sañuducuri angel.

⁸ Tiquiro sa nidi bato apequiro angel uhmūsepu wūri quiro ohō saha ni yahuducu dijiori:

—Tiquinare cohā cāhri. Pajiri maca Babilonia wame tiri maca cjēnare cohā cāhri Cohācjū. Tiquina tiquiro cohāri quina pehe ijipihtiye quina apequinare ñano yegū yeri. Queheye quina vinore tiquina tutuaro cahmeno saha tiquina ñañene tutuaro cahmeñe, Babilonia cjēnare ihña cūri. Sa yero Cohācjū tiquinare tutuaro buhiri dahreri, ni yahuducu dijiori apequiro angel.

⁹⁻¹⁰ Tiquina puaro angele tiquina sa nidi bato apequiro angel tiquina bato wūri quiro ohō saha ni yahuducu dijiori:

—Ijipihtiye quina nucu cjānore ño peoyequinare, tiquiro queoyere ño peoyequinare, tiquina wahdo pacare, tiquina omocarine tiquiro wamene oja ohōnori quina gāhure buhiri dahrerota Cohācjū. Tiquina mehna usuaro, tiquina pūritare tutuaro waro buhiri dahreducurota Cohācjū. Nucu cjānore ño peoyequina ijipihtiye quina pecapu wahaeta. Topu tutuaro purīnota tiquinare peca mehna, azufre wame tiye mehna tiquina wijiāri peca mehna. Quehnoañequina angele, Cordero gāhu tiquina ihñonopu ñano yuhdūeta tiquina.

¹¹ Ti peca sa ohmeo tiducurota. Ne yatisi. Tiquinare sa purīducugū yere. Ijipihtiye quina nucu cjūno poto dūsepe curi mehna quehe sa, ño peoyequinare sa purīducurota. Decoripe, ñaminipe sa purīducu cāhnota. Tiquiro queoyere ño peoyequina, tiquiro wamene oja ohōnori quina gāhu sata ñano yuhdūeta, ni yahuducu dijiori angel.

¹² Sa tiquina ñano yuhdūgū ihñana Cohācjū yequina tiquiro dutiyere yena, Jesure cohāedarina ijina, tiquiro yere duhueracāhña. Ñano yuhdūepenata Cohācjū yere cohāedacāhña.

¹³ Came uhmusepɥ yuhare yahuducuro ca tagũ tãhou. Ohõ saha nidi yuhare:

—Ahrire ojoaya mɥhɥ. Cohãcjũ yequina tiquirote cohãedarina ijina yojopɥre mɥsa yariari bato gãhure bucuena ijire mɥsa, ni yahuducu dijori yuhare.

Tiquiro sa nidi bato Espiritu Santo pehe ohõ saha ni nemori tja:

—Sa tjire. Poto tjire. Tiquina tutuaro tiquina dahrayere duhu, soeta. Uhmusepɥ tiquina wahagũ quehnoano tiquina yerire wacũnota Cohãcjũ. Sa yero tiquina sa yeri wapa tiquinare quehnoano yerota. Sa ye tiquina bucueyequina ijire, ni nemori Espiritu Santo.

Wese cjẽ oteye dɥcare mari bese neno saha Cohãcjũ tiquiro yequinare bese nenota. Nãnequina pehere sijoro bese docorota

¹⁴ Came ehmeo curua yehseri curuare ihñau. Ti curua bui masano yero saha bajuriquiro dujiri. Tiquiro uru behto pũhoro pesari behto borore pesari. Sa yero dihi pjĩ siori pjĩne cɥori tiquiro.

¹⁵ Came apequiro angel Cohãcjũ wɥhɥpɥ ijiriquiro wijia tari. Sa wijia taro tutuaro sañuducuri ehmeo curua bui dujiriquirore:

—Mɥhɥ dihi pjĩ mehna wese cjẽ dɥcare ahri yehpa cjẽ dɥcare dɥte ne pehoya. Yojopɥre tiquiro queori pje esare. Yojopɥre dɥca neni pje esare, nidi angel.

¹⁶ Tiquiro sa nigũ tãhoro tiquiro dihi pjĩ mehna ahri yehpa cjẽ dɥcare ne dɥcari ehmeo curua bui dujiriquiro.

¹⁷ Came apequiro angel gãhɥ Cohãcjũ wɥhɥpɥ ijiriquiro wijia tari. Tiquiro gãhɥ dihi pjĩ siori pjĩne cɥori.

¹⁸ Sa yero apequiro angel altar cahapɥ ijiriquiro wijia tari. Tiquiro pehe altar cjã pecare ihña ihboriquiro ijiri. Sa wijia taro dihi pjĩ siori pjĩne cɥoriquirore sañuducuri:

—Mɥhɥ dihi pjĩ mehna ahri yehpapɥ ijiri wese, uhse wese cjẽ dɥcare

neña. Uhse pehe ñi tuhasari, ni sañuducuri.

¹⁹ Tiquiro sa nigũ tãhoro angel tiquiro ya pjĩ dihi pjĩ mehna ahri yehpa cjẽ uhse tãhorine yuhre nedi. Tiquiro sa yeri bato ti tãhorine uhse tãhorine tiquiro ñatihãtopɥ cohãri. Tiquiro sa cohãriro saha Cohãcjũ tiquirore cahmeeñequinare tutuaro usuaro, cohãnota.

²⁰ Ti maca dɥhtɥ cahapɥ tiquina ñatihãtopɥ ti uhse tãhorine ñatihãri. Topɥ tiquina ñatihãgũ dii wijiari. Dii ma yero saha ijiri. Tres cientos kilómetro yoari ma, ihcã metro quehnoano ape metro deco uhcũãri ma ijiri.

15

Masa tiquina ñano yuhdɥatire angele cũ bato tiahye masare

¹ Came uhmusepɥ sijoro saha ijirore ihñau. Tire ihñañe masa ihña maria wahaga. Ahri yehpapɥre dɥhse wahatore marine ihñori. Sa yero ti ihyo waro ijierare. Ohõ saha ihñau: Siete angele ijiri. Cohãcjũ usuaro, siete tahari masare buhiri dahre bato tiro taro nidi. Sa ye tiquina siete angele pehe buhiri dahre dutiro tiquiro cũatiquina ijiri.

² Angelere yuhɥ ihñari bato pajiri mare quehnoano aco sitiri ma yero saha ijiri mare ihñau. Ti ma peca mehna ijiri ma ijiri. Sa yegɥ nɥcɥ cjãnore tiquiro queoye gãhure yuhdɥdɥcayequinare ihñau. Tiquina tiquiro wamene tiquiro ya numerore cɥoeyequina ijiri. Tiquina yuhɥ ihñagũ pajiri ma aco sitiri ma dɥhtɥ cahapɥ ducuri. Topɥ ducueyequina arpa wame tiyere bua putẽñene cɥori. Ti bua putẽñe Cohãcjũ tiquiro ohori ijiri.

³ Sa ye Cohãcjũ cahacjãno, Moise ye basayere basaye nidi. Cordero ye basaye gãhure basaye nidi. Ohõ saha ni basari:

Ušã pũhto mɥhɥ Cohãcjũ tutua yuhdɥagɥ ijire. Mɥhɥ yerire ihñana ihña maria wahaja usã. Mɥhɥ yeri quehnoa yuhdɥare.

Muh̄u ijipihtiye yehpari cjēna p̄ahto ijire. Quehnoano ni mehono marieno yeducure muh̄u. Ijipihtiyequina mah̄ure cueeta.

⁴ Ijipihtiyequina mah̄ure “Tutuagu ijire”, nieta. Muh̄u dihita ñañe marieḡu ijire. Ijipihtiye yehpari cjēna muh̄u cahap̄u esaye, d̄usepe curi mehna quehe sa, mah̄ure ño peoeta. Sata yeeta tiquina ijipihtiyequina queoro muh̄u yerire ihñañe, ni basaye nidi tiquina.

⁵ Came uhm̄usep̄u ihña m̄oḡu, Coh̄ācj̄u w̄uh̄u p̄ōori w̄uh̄ure ihñañe. Top̄u Coh̄ācj̄u ijiri tuc̄u warop̄u Coh̄ācj̄u dutiye tiquiro ojoari p̄j̄ni ut̄a p̄j̄ni tiquina ihbori p̄j̄ni ijiri.

⁶ Ti w̄uh̄ure ȳuh̄u ihñaḡuta siete angele ti w̄uh̄u puhiap̄u ijiriquina wijia tari. Tiquina Coh̄ācj̄u buhiri dahre dutiro tiquiro c̄uatiquina ijiri. Tiquinape tiquina buhiri dahreatire c̄ōori tiquina angele. Quehnoañe suhti, yehseye suhti sañañequina ijiri. Sa ye tiquina cutiro bui uru cahsero mehna t̄uā dihoriquina ijiri.

⁷ Ti w̄uh̄ap̄u ijiriquina tiquina wijia taḡu pititiaro sijoro saha bajuyequina mehna cj̄ano tiquinare siete angelere siete uru parire oho. Ti pari Coh̄ācj̄u usua tiquiro buhiri dahreati mehna quehnoano wahpari ti pari. Tiquiro Coh̄ācj̄u sa ijiducuriquiro ijire.

⁸ Tiquiro sa ohoḡu Coh̄ācj̄u w̄uh̄u puhiap̄u tiquiro asi siteye mehna tiquiro tutuaye mehna ohmeo ti seh̄saa wahari. Sata ohmeo w̄uh̄u wahaḡu ne masa ti w̄uh̄ure saj̄a masiedari. Siete angelere Coh̄ācj̄u buhiri dahre dutiro tiquiro c̄ūriro saha masare tiquina buhiri dahre tuhasari bato pari turi ti w̄uh̄ap̄u saj̄a masine tja. Tiquiro buhiri dahreato pano saj̄a masiedari.

Coh̄ācj̄u masare tiquiro buhiri dahreatore yahuahye

16

¹ Came Coh̄ācj̄u w̄uh̄ap̄u tutuaro yahuducuro ca tari. Siete angelere

yahuro nidi:

—Siete parip̄u pose tiyere yehpap̄u pio sitedoque dijiona wahaya. Yehpa cj̄enare Coh̄ācj̄u tiquiro nidiro sahata buhiri dahreya yojop̄ure, ni yahuducuro ca tari.

² Tiquiro sa niḡu t̄uhoro iji mahtariquiro angel tiquiro c̄ōori pap̄u pose tiyere yehpap̄u pio sitedoque dijiori. Tiquiro sa pio sitedoque dijioḡu n̄uc̄u cj̄ano wamene ojoa oh̄ōnohriquina, tiquiro queoyere ño peoriquina ñano cami tiri. Ti cami tutuaro pur̄idi tiquinare.

³ Tiquiro sa pio siteri bato apequiro angel tja tiquiro c̄ōori pap̄u pose tiyere pio sitedoque dijiori tja pajiri map̄u. Tiquiro sa pio sitedoque dijioḡuta ti ma dii ma wahari. Yariariquiro dii yero saha ijiri ti dii. Sa wahaḡu ti ma puhiap̄u ijিয়েquina yaria pihtia wahari.

⁴ P̄uaro tiquina sa pio siteri bato apequiro angel tja tiquiro c̄ōori pap̄u pose tiyere pio sitedoque dijiori tja m̄arip̄u, ti m̄ari pohterip̄u ḡuh̄ure. Tiquiro sa pio sitedoque dijioḡu m̄ari dii m̄ari dihita wahari.

⁵ Sa wahaḡu ihñano apequiro angel m̄arine cohteriquiro oh̄o saha nidi:

Coh̄ācj̄u muh̄u ñañe marieḡu ijire. Yojop̄u ḡuh̄ure sa ijiducuḡu ijire muh̄u. Panop̄u ḡuh̄ure sa ijiducue tiri muh̄u. Sa yeḡu masa tiquina ñano yeḡu ihñaḡu queoro buhiri dahrer̄i muh̄u tiquinare. Dii m̄arine yeḡu quehnoano yeri muh̄u.

⁶ N̄uc̄u cj̄ano yequina pehe muh̄u yequinare wej̄eñe, dii coh̄aḡu yeri. Muh̄u yere yahuyequina ḡuh̄ure wej̄eñe, dii coh̄aḡu yeri. Tiquina sa wej̄edi buhiri m̄ari dii m̄ari wahari. Sa ye tiquinare diire muh̄u sa sihniḡu yeḡu quehnoar̄ine. Sata muh̄u buhiri dahreḡu tiquina ye buhiri ijire, nidi m̄arine cohteriquiro angel.

⁷ Tiquiro sa nidi bato altarp̄u yahuducuro ca tari:

—Sa tjire. Coh̄ācj̄u us̄a p̄ahto tutu yahd̄uh̄aḡu ijire muh̄u. Ni mehono

marieno, queoro masare bese, buhiri dahrere m̄h̄h̄, ni yahuducuro ca tari.

⁸ Ihtiaro angele tiquina pio siteri bato apequiro angel tiquiro c̄ori pap̄ pose tiyere pio sitedoque dijiori tja as̄ deco c̄j̄no bui. Tiquiro sa pio sitedoque dijioḡta as̄re masare tutuaro asiḡ yeri Coh̄c̄j̄.

⁹ Sa yero as̄ deco c̄j̄no masare tutuaro asiri. Sa ye Coh̄c̄j̄ tiquinare tiquiro buhiri dahre dutiḡ masiñe, tiquirore ñano yahuducuri masa. Sa ñano ȳhd̄epeta tiquina ñañe yerire ne b̄j̄na witierari. Sa ye duhuerari. Coh̄c̄j̄re “Tutuaḡ ijire”, ni ño peo duerari.

¹⁰ Pititiaro angele tiquina pio siteri bato apequiro angel tja tiquiro c̄ori pap̄ pose tiyere pio sitedoque dijiori tja n̄c̄ c̄j̄no tiquiro dujiro bui. P̄htoro dujiro ijiri tiquiro dujiro. Tiquiro sa pio siteri bato tiquiro yequina tiquina ijiri yehpap̄ nahitiaa wahari. Sa ye tiquiro yequina masa ñano puriḡ bahque dihiri.

¹¹ Tiquinare ñano pur̄ep̄ḡta ñano cami tiepeta, ne tiquina ñañe yerire b̄j̄na witierari. Sa ye tire duhuerari. Sa ye Coh̄c̄j̄ tiquinare tiquiro cami dahreḡ masiñe tiquirore ̄hm̄se c̄j̄nore ñano yahuducuri.

¹² Ihc̄a omopequina angele tiquina pio siteri bato apequiro angel tja tiquiro c̄ori pap̄ pose tiyere pio sitedoque dijiori tja Eufrates wame tiri ma pajiri map̄. Tiquiro sa pio sitedoque dijioḡta ti ma sihbi quehea wahari. As̄ m̄ja taro c̄j̄na p̄htoa yequina masa mehna ti mare tiquina peh̄a tatore sa yeri.

¹³ Came ihtiaro wat̄are taharoc̄a yero saha bajuyequinare ih̄ñ̄. Ihc̄aquirop̄ pinono puhiap̄ ijiri tiquiro d̄serop̄ wijia tari. Apequiro wat̄no n̄c̄ c̄j̄no d̄serop̄ wijia tari. Apequiro wat̄no “Coh̄c̄j̄ yere yahu m̄htaḡ ijiaja”, ni mehoriquiro d̄serop̄ wijia tari.

¹⁴ Sa ye tiquina ihtiaro wat̄a tutuaye mehna yeyequina ijiri. Ijip̄ihtiro c̄j̄na p̄htoare cahmecoaḡ yeri tiquina cahme wej̄e dutiye

tehe. Tiquina sa cahme wej̄ati deco Coh̄c̄j̄ tutua ȳhd̄ariquiro ijip̄ihtiyequinare tiquiro dutiati deco, pihtiati deco ijire.

¹⁵ Oh̄ saha nidi Jesu: “Ih̄ñ̄a ña m̄sa. Yaqueriquiro wac̄eno mehna tiquiro yaquero ahtaro saha ȳh̄ ḡh̄ wac̄eno mehna ahtātja. Ȳh̄ ahtatore quehnoano cohteriquiro bucueriquiro ijirota. Tiquiro ye suhtire quehnoano quehnoyuriquiro yero saha yeere quehnoano yeriquiro ijire bucueriquiro. Sa yeriquiro ijiro ȳh̄ ahtaḡ suhti marieniquiro tiquiro b̄e taboriro saha b̄e tisi tiquiro”, nidi Jesu.

¹⁶ Came ihtiaro wat̄a yehpari c̄j̄na p̄htoare cahmecoaḡ yeri tiquinare. Tiquina cahmecoano Hebreo ye mehna “Armagedon”, wame tiri.

¹⁷ Seis angele tiquina pio siteri bato apequiro angel tja tiquiro c̄ori pap̄ pose tiyere ehmeo cururi cahap̄ pio sitedoque dijiori tja. Tiquiro sa pio sitedoque dijiori bato p̄htoro dujirop̄ Coh̄c̄j̄ w̄h̄p̄ tiquiro dujirop̄ tutuaro yahuducuro ca tari:

—To punota ijiaga, nino ca tari.

¹⁸ Tiquiro sa niḡta mia sitedoqueo, ̄po pa maa, sijoro saha ijiro bisi maa, cuaro yehpa ñuhm̄idi. Ahri yehpap̄ masa tiquina iji d̄cari bato ne sa ñano yehpa ñuhm̄ida tiri. Ap̄eye ñuhmiñe ȳhd̄oro cuaro yehpa ñuhm̄idi.

¹⁹ Sa ñuhmiḡ pajiri macare ihtia maha yihti maa wahari. Sa ye b̄j̄ye macari ahri yehpap̄ ijiye macari sehte dijiaa wahari. Sa yero Babilonia wame tiri maca pajiri maca c̄j̄nare wac̄uri Coh̄c̄j̄ tiquinare buhiri dahrero taro. Tiquina ñañene yeri buhiri tiquina mehna tutuaro usuari. Sa usuaro tiquinare tutuaro buhiri dahreri.

²⁰ Tiquiro sa yeḡ ijip̄ihtiyē n̄c̄po, c̄n̄ c̄j̄ ḡh̄ coh̄ pihtia wahari. Sa ye ne mariedare.

²¹ Sa ye b̄j̄ye paca aco paca ȳs̄aye paca yehpap̄ masa bui bora dijia tari. Ijip̄ihtiyē paca aco

paca cuarenta kilo nꝛcũñe paca ijiri. Tiquina bui ti paca sa bora dijia tagũ Cohãcjũ masare tiquiro tutuaro buhiri dahregũ masiñe ñano yahuducuri masa Cohãcjũre.

17

Ɛmua mehna ñano yeducuricorore ña yũhdũaro yericorore buhiri dahre dutirotã

¹ Came siete pari cꝛoyequina an-gele mehna cjũno yũhũ cahapũ wi-hiro ohõ saha nidi yũhũre:

—Ihñagũ ahtaya. Peye mári bui dujiricorore Ɛmua mehna ñano yeducuricorore ña yũhdũaro yericorore Cohãcjũ tiquiro buhiri dahreatire ihñagũ ahtaya mũhũ.

² Ahri yehpa cjẽna pũhtoa ticoro mehna tiquina ñano yeboro saha ticoro yero saha yeri. Cohãcjũ ye pehere cahmedari. Ahri yehpa cjẽnare ticoro quehegũ yeboro saha tiquina mehna ticoro ñano yeboro saha ticoro masare ñañene tutuaro cahmegũ yeri. Sa yero ñañene yegũ yeri masare, ni yahuri angel yũhũre.

³ Tiquiro sa nidi bato Espiritu Santo pehe yũhũre ihñori: Angel pehe masa marienopũ neari yũhũre. Topũ numinore ihñañ. Ticoro nꝛcũ cjũno sohãriquiroy bui pesaricoro ijiri. Nꝛcũ cjũno pehe tiquiro pagũpũ peye wame tiquina oja ohõnohriquiroy ijiri. Ti wame ñañe wame Cohãcjũ tiquiro ihña yabiye wame ijiri. Sa yero siete dapu paca tiriquiroy, diez sahari tiriquiroy ijiri nꝛcũ cjũno.

⁴ Sa yero numino pehe quehnoano yahsaye suhti pũhtoa tiquina sañañe suhti saha ijiyere sañaricoro ijiri. Sohãñe suhti gũhũre sañaricoro ijiri. Peye urure, wapa tiye Ʃtãre, perla pjeri gũhũre ohõri suhtire sañaricoro ijiri ticoro. Sa yero uru pare cꝛori ticoro. Ti papũ pose tiye ñañe ticoro yeri jiri. Ɛmua mehna ñano yero, pajiro ñano yeri ticoro. Ti ñañene ihña yabire Cohãcjũ.

⁵ Ticoro wũhdoapũ ticoro wame tiquina oja ohõnohricoro ijiri. Ti wamene quehnoano masiedaja

mari. Ti wame queoye mehna buheri wame ijire. Ahri ijire ti wame: “Pajiri maca Babilonia wame tiri maca ijire. Ijipihtiye wũana tiye dahpoto cjõno, ña yũhdũayere yericoro ijire”, ni, ticoro wũhdoapũ tiquina oja ohõnohricoro ijiri.

⁶ Sa yero ticoro peyequina Cohãcjũ yequinare wejẽdicoro ticoro ijigũ masii. Queheyere ticoro bucuro saha tiquinare wejẽno, tiquina dii cohãgũ bucuery ticoro. Jesure tiquina cohãedari buhiri ticoro wejẽdi tiquinare. Ticorore ihñagũ, ihña maria wahaũ.

⁷ —¿Dũhsegũ mũhũ ihña maria wahajari? nidi angel yũhũre.

Sa nino yũhũre ohõ saha ni nemori:

—Mũhũ masiedarire mũhũre yahutja. Numinore mũhũre yahutja. Ticoro pesariquiroy gũhũre yahutja. Tiquiro nꝛcũ cjũno ijiri. Sa yero siete dapu paca tiriquiroy, diez sahari tiriquiroy ijiri.

⁸ Tiquiro panopũ ijiriquiroy ijiri. Yojopũre mariedare tiquiro. Came tiquiro Ʃhcũari copepũ ijiriquiroy wijia tarota. Tiquiro sa wijia tari bato pecapũ waharota. Ahri yehpa cjẽna tiquirore ihña maria, ño peori tiquirore. Ahri yehpa ijiato pano Cohãcjũ tiquiro yequina ijiatiquinare sa ijiducuatiquinare tiquina wamene oja ohõahye. Tiquiro oja ohõnohedariquina ijiri nꝛcũ cjũnore ño peoyequina. Tiquiro pehe panopũ ijiri. Yojopũ pehere mariedare. Camepũ pari turi bajuarota. Sa ye tiquiro bajuagũ ihñañe masa tiquirore ihña maria wahaeta.

⁹ Yojopũre yũhũ yahuatire masi du-ana, quehnoano tũhonata mũsa. Sa yena tũho masina ijiya. Nꝛcũ cjũno dapu paca siete dapu paca siete cꝛnũ cjũ ijire, mari queoye mehna buhegũ. Ti cꝛnũ cjũ buipũ pesare ticoro Ʃmua mehna ñano yeducuricoro.

¹⁰ Ti dapu paca siete pũhtoa yero saha ijire, mari queoye mehna buhegũ. Peyequina masa pũhtoa ijire. Ihcã omopequina pũhtoare cohã tuhasari. Apequiroy tiquina

bato ijiriquiro p̄h̄toro ijire yojop̄are. Apequiro pehe came p̄h̄toro sajãnota. Sa sajãno mehenogã p̄h̄toro ijirota tiquiro.

11 Sa yero n̄c̄u cjãno sohãriquiro panop̄u iji m̄h̄tariquiro, yojop̄are marieniquiro tiquina siete p̄h̄toa bato p̄h̄toro ijirota. Siete p̄h̄toa mehna cjãno ijire. Came pecap̄u wahaota.

12 'N̄c̄u cjãno sahari diez sahari diez p̄h̄toa yero saha ijire, mari queoye mehna buhegã. Peyequina masa p̄h̄toa ijire. Tiquina p̄h̄toa sajãedare yojop̄u. Camep̄u p̄h̄toa sajãñe mehenogã p̄h̄toa ijietã. Yoari p̄je iji dutisi tiquinare. Sa p̄h̄toa ijiye n̄c̄u cjãno mehna p̄h̄toa ijietã.

13 Tiquina diez p̄h̄toa ihcãno saha t̄hotuyequina ijire. Sa ijiye tiquina n̄c̄u cjãnore tiquina ye yehpari cjẽna p̄h̄toro s̄õeta.

14 Sa ye Cordero mehna cahme wejẽeta. Tiquina sa cahme wejẽep̄egãta Cordero tiquiro beseriquina mehna tiquirore ne cohãñequina mehna tiquinare ȳhd̄d̄caeta. Tiquiro ijip̄ihtiyequina apequina p̄h̄toa bui p̄h̄toro ijire. Sa yero tiquinare ȳhd̄d̄carota, nidi angel ȳh̄are.

15 Ahr̄ire ȳh̄are yahu nemori angel:

—Ûm̄a mehna ñano yeducuricoro m̄ari bui dujiri. Ti m̄ari ahri yero saha ijire mari queoye mehna buhegã: Ijip̄ihtiye yehpari cjẽna, peye cururi cjẽna, peye yahuducuyere yahuducuyequina yero saha ijire ti m̄ari.

16 N̄c̄u cjãno, diez p̄h̄toa ḡh̄u ãm̄a mehna ñano yeducuricorore ihña yabieta. Tiquina diez p̄h̄toa n̄c̄u cjãno mehna ticoro yere ehma peho, suhti mariedicoro cohãeta ticorore. Sa ye ticoro paḡare ihyaeta. Tiquina sa yeri bato ticorore ãj̄ã pehoeta.

17 Tiquina diez p̄h̄toa ihcãno saha t̄hotuye, n̄c̄u cjãnore tiquina ye yehpari cjẽna p̄h̄toro s̄õeta. Tiquinare sa yegã yeri Cohãcj̄u, tiquiro cahmeno saha yero taro. Sa

yero n̄c̄u cjãno pehe p̄h̄toro ijirota. Ijip̄ihtiye Cohãcj̄u panop̄u tiquiro yahuriro saha tiquiro yeri bato n̄c̄u cjãnore cohãnota.

18 Ticoro m̄h̄u ihñaricoro mehna ohõ saha ni queoye mehna buhere: Ticoro pajiri maca Babilonia wame tiri maca yero saha ijire. Ijip̄ihtiyequina apequina p̄h̄toa bui ijire ti maca cjẽna, nidi angel ȳh̄are.

18

Babilonia wame tiri maca tiquiro cohãri maca ijire

1 Came apequiro angel ãhm̄sep̄u dijia tariquirore ihñã. Tiquiro p̄h̄toro waro ijiri. Sa yero tiquiro asi siteye ijip̄ihtirop̄u quehnoano buhrio seh̄saa wahari.

2 Tiquiro sa dijari bato tutuaro sañuducu yahuri:

—Cohãri jiri. Babilonia wame tiri maca pajiri maca cjẽnare cohãri jiri. Yojop̄are wat̄ã, peyequina ñãñequina paḡu bajueyequina ḡh̄u ti macap̄u ijiye nine. Ñãñequina boro minic̄j̄ã pari ḡh̄u ti macap̄u ijiye nine. Tiquina minic̄j̄ã masa tiquina ihña yabiyequina ijiri.

3 Ijip̄ihtiye yehpari cjẽna ti maca cjẽnare ñãñequinare ihña c̄ũñe, tiquina ḡh̄u ñano yeri. Sa ye ahri yehpari cjẽna p̄h̄toa ti maca cjẽna numia mehna ñano yeri. Ticoro sa ãm̄a mehna ñano yeducuricoro ijiro wapa tiyere dúe tiri. Pajiro ticoro sa dúgã ahri yehpa cjẽna doeri cjẽ duayequina pajiro wapatar̄i, ni yahuri angel.

4 Came pari turi ãhm̄sep̄u yahuducuro ca tari. Ohõ saha nidi:

—Yeequina, ahricoro ãm̄a mehna ñano yeducuricoro mehna ijieracãhñã m̄ãsa. Ticoro mehna m̄ãsa ijigã m̄ãsa ḡh̄are buhiri dahrerota. Sa yena ticoro ñano yeyere ihña c̄ũedacãhñã.

5 Ticoro ñano yeri peye ijire. Ticoro ñano yerire pari tju mari duhu peo m̄ãogã ti tju pehe ãhm̄sep̄u wahã sa cãboaga. Sa ye ticoro ñano yeri peye ijire. Sa yero ticoro ñano yerire

wacũre Cohãcjũ. Sa wacũno ticorore buhiri dahre dutirota.

⁶ Ticoro tutuaro tiquiro buhiri dahrenohaticoro ijiahero. Masare ticoro ñano yegũ yeriro saha ticoro gũhare ñano yũhdũgũ yeahro. Masare ticoro sa ñano wahagũ yeriro saha ti yũhdũoro ticorore ñano buhiri dahreahro.

⁷ Ticoro “Quehnoago ijiaja”, ni tũhotumedi. Sa ni tũhoturo, wapa bũjũyere pajiro cœori ticoro. Ti wapa bũjũyere pajiro ticoro cœoro punota ticorore pajiro ñano yũhdũgũ yeahro. To punota ticorore bũjũa witi gũ yeahro. Ticoro basi ohõ saha ni tũhotumene. “Ohõpœ dutigo dujiaja. Wape wiho ijieraja. Sa yego ne ñano yũhdũsi yũhũ”, ni tũhotumene ticoro.

⁸ Sa ni tũhoturicoro ijigũ wacũeno mehna ticorore buhiri dahrerota. Ticoro dohati, yariariquinare yahco uti, ẽjũa ahbarota. Sa yero ticorore ẽjũa borota. Mũsa pũhtoro Cohãcjũ ticorore buhiri dahre dutiriquiro tutua yũhdũariquiro ijire. Sa yero sa yũhũ nidiro saha ticorore buhiri dahre dutirota, nino ca tari ẽhmũsepe.

⁹ Sa ye ticoro yero saha ijiri macare Cohãcjũ tiquiro buhiri dahreri bato ahri yehpa cjẽna pũhtoa tutuaro bũjũa witi, utieta. Ti maca cjẽna mehna ñano yeyequina ijiri. Ti maca ẽjũgũ ihñañe utieta tiquina.

¹⁰ Sa ẽjũgũ ihñañe tiquina pũhtoa yoaropœ ihñadoqueoducuenta, “Ûsã gũhare buhiri dahreari”, niñe. Topœ ihñadoqueoducuye ohõ saha nieta:

—Yohou, pejecœori maca ijire, Babilonia. Si maca pajiri maca tutuaro maca ijimedi. Wacũeno mehna si macare buhiri dahreri, nieta tiquina.

¹¹ Ijipihtiro cjẽna doeri cjẽ duayequina ti macare ihñañe tutuaro bũjũa witi utieta. Ti maca pihtigũ ihñañe, tiquina ye doeri cjẽne dúyequina mariedagũ ihñañe bũjũa witieta tiquina. Sa ye utieta.

¹² Tiquina ne cãhtarire urure, platare, wapa bũjũye utãre, perla wame tiye paca gũhare dúyequina

marisi. Sa ye apeye tiquina ne cãhtarire suhti quehnoañe suhtire, yahsaye suhti pũhtoa tiquina sañañe suhti saha ijiye suhtire, seda wame tiye suhtire, sohãñe suhtire dúyequina marisi. Sa ye apeye tiquina ne cãhtarire yucari ehme sitiye yucarire dúyequina marisi. Sa ye apeye tiquina ne cãhtarire marfil wame tiye mehna tiquina yerire, wapa bũjũye cjũ mehna tiquina yerire, bronce wame tiye come mehna tiquina yerire, come bũtiye mehna tiquina yerire, marmol wame tiye mehna tiquina yerire dúyequina ne marisi.

¹³ Sa ye apeye tiquina ne cãhtarire canela wame tiyere tiquina ihyayere ocagũ yeyere, apeye tiquina ihyayere ocagũ yeyere, bueyere, mirra wame tiye ehme sitiye, apeye ehme sitiye dúyequina marisi. Sa ye apeye tiquina ne cãhtarire vinore, ẽhse ihyaye moreñene, trigore, trigo pjerire, wecœare, corderoare, caballoare, tunuñe cohrore caballoa tiquina wejeye cohrore dúyequina marisi. Cahacjẽnare dú tiquinare cœoyequina gũhũ marisi. Masa tiquina ijiepegãta tiquinare dúyequina ijimedi. Yojopœre marisi. Sa ye bũjũa witieta doeri cjẽne duayequina.

¹⁴ Sa ye ohõ saha nieta tiquina ti maca cjẽna ijiriquinare:

—Adei, ñabutiario wahayari. Ijipihtiye mũsa cahĩmedi pihtia wahari. Sa ye ijipihtiye quehnoañe mũsa cœomedi pihtia wahari. Sa yena tire pari turi bocasi mũsa, nieta doeri cjẽne duayequina.

¹⁵ Tiquina ti macare doeri cjẽne duaye, pajiro wapatamedi. Sa ye tiquina ti macare yoaropœ ihñadoqueoducuenta, “Ûsã gũhare buhiri dahreari”, niñe. Sa ihñadoqueoducuye ti macare tutuaro bũjũa witi utieta.

¹⁶ Ohõ saha nieta ti macare:

—Adei, pejecœoyequina ijire si maca pajiri maca quehnoari maca cjẽna mũna. Si maca numino yero saha quehnoañene cœori. Numino

pehe quehnoañe suhtire, yahsaye suhti pãhtoa tiquina sañañe saha ijiye suhtire, sohãñe suhti gãhure sañari. Sa yero uru, wapa bujũye utã, perla wame tiye paca ohõri suhtire sañari. Sa yeri si maca cjẽna.

17 Sa ye wacũeno mehna si maca buti pihtia wahari, nieta ti macare.

Sa ye ijipihtiyequina yucũsari mehna tiniñequina, ti yucũsari opana, tiquina umua, apequina pajiri mapũ dahra wapatayequina gãhũ ti macare yoaropũ ihñadoqueoducueta.

18 Topũ ihñadoqueoducuye ti macare to ujugũ ihñañe ohõ saha ni sañuducueta:

—Quehnoañe macari si maca yero saha ijiye macari ne apeye macari mariedare, ni sañuducueta tiquina.

19 Sa bujũa witiyequina ijiye tiquina dapu paca bui dihtare orẽ peoeta. Sa ye tutuaro yahco utiye ohõ saha nieta:

—Adei, pejecũoyequina ijire si maca cjẽna mũna. Quehnoari maca ijimedi. Ijipihntina yucũsarire cũona pajiri mapũ tinina ijina si maca cjẽ doeri cjẽ mehna quehnoano wapatami mari. Sa ye duita si maca cjẽ buti pihtia wahari, nieta yucũsari cjẽna.

20 Ti macare tiquiore cohãgũ ihñana bucueya mũsa umũse cjãna. Cohãcjũ yequina, Jesu tiquiore cũrina, tiquiore yere yahu mũhtarina ijipihntina mũsa bucueya. Ti maca cjẽna mũsare ñano yũhdũgũ yeri. Tiquina sa yeri buhiri buhiri dahrereri Cohãcjũ. Sa yena bucueya mũsa.

21 Sa yero tutuariquiore angel pajiria utãre ne wahcõ, pajiri mapũ doque ñori. Sa doque ñono ohõ saha nidi:

—Ahria utã bora ñojoariro saha pajiri maca Babilonia wame tiri maca boraro tutuaro bisirota. Sa borari bato ti macare pari turi ihñasi masa.

22 Ti macare butia wahagũ yerota. Sa ye ti macapũ basayere mũsa basaducuriro saha ne acaro tisi. Arpa wame tiyere mũsa bua putẽducuriro

saha, flauta wame tiye pacare, corneta gãhure mũsa putiducuriro saha pari turi ti macapũ acaro tisi. Sa ye ti maca mariedagũ pari turi ti macapũ dahrayequina dahrasi. Sa ye utã mehna trigore mũsa ña mutoñe gãhure tuhonoysi.

23 Ne ti maca buhrio cuñariro saha ne ijisi. Sa ye omoca dũhtena mũsa bucue yahuducuriro saha pari turi ne acaro tisi. Ti maca cjãna mũsa doeri cjẽne duana, dũna gãhũ apequina yũhdũoro cũomedi mũsa. Sa yena yayia masare ujuayequina yero saha yena ijipihntiro cjẽnare mehoru mũsa. Mũsa sa yerire ihña mariañe, Cohãcjũ pehere cahmedari masa, nidi tutuariquiore angel.

24 Ti maca cjẽna Cohãcjũ yere yahu mũhtariquinare apequina tiquiore yequina gãhure ijipihntiro cjẽnare wejẽdi jiri. Tiquina sa wejẽdi buhiri buhiri dahrereri Cohãcjũ Babilonia cjẽnare.

19

1 Babilonia dũhse wahatire yũhũ ihñari bato umũsepũ peyequina masa sañuducue ca tari yũhũ tuhogũ. Ohõ saha ni sañuducuri:

Aleluya. Cohãcjũre quehnoano yahuducuhna. Cohãcjũ marine yũhdũoriquiro ijire. Tiquiore quehnoano ño peouhna. Tutua yũhdũariquiro ijire tiquiore.

2 Mehono marieno queoro masare buhiri dahrerere tiquiore. Ñaño buhiri marieñequinare tiquinare buhiri dahrerere. Ñaricorore umua mehna ñano yeducuricorore ihña cũñe ijipihntiro cjẽna, ahri yehpa cjẽna ñano yeri. Ticoro pehere buhiri dahrereri Cohãcjũ. Sa yero tiquiore cahacjẽnare ticoro wejẽdi buhirire buhiri dahrereri tiquiore, ni sañuducue ca tari.

3 Pari turi sañuducue ca tari tja: Aleluya. Cohãcjũre quehnoano yahuducuhna. Ti maca ñari maca tiquiore ujuari maca sa ohmeo tiducurota, ni sañuducue ca tari.

⁴ Sa yeye veinticuatro Jesu yequina p̄h̄toa, pititiaro sijoro saha bajuyequina mehna d̄usepe curi mehna quehe sa, mari Pac̄ure tiquiro duj̄irop̄a duj̄iriquirore ño peori. Oh̄o saha ni ño peori tiquina: “Aleluya. Sata yeihna. Mari Pac̄ure quehnoano yahuducuhna,” nidi tiquina.

⁵ Came p̄h̄toro duj̄irop̄a oh̄o saha nino ca tari:

Mari p̄h̄toro Coh̄ãcj̄ure ño peoya. Tiquiro cahacj̄ana, tiquirore ño peona, ihyo ijina, p̄h̄toa ḡãh̄a ijipihtina masa tiquirore quehnoano yahuducuya, nino ca tari.

Cordero tiquiro omoca d̄h̄teati deco bose decore yahuahye Ñu

⁶ Came peyequina masa tiquina yahuducuḡã t̄hou. Sa ye pajiri peo, upo mehna tutuaro bisiro saha yahuducue ca tari yah̄u t̄hoḡã:

Aleluya. Coh̄ãcj̄ure quehnoano yahuducuhna. Tiquiro mari p̄h̄toro pehe p̄h̄toro sajã tuhasari. Tutua yah̄d̄ariquiro ijire tiquiro.

⁷⁻⁸ Cordero tiquiro omoca d̄h̄teati pje ijire yojop̄are. Tiquiro omoca d̄h̄teaticoro quehnoano tiquina quehno tuhasaricorop̄a ijire. Ticorore quehnoari suhtiro wete marieni suhtirore ohori. Ti suhtiro Coh̄ãcj̄ã yequina quehnoañene tiquina yeri yero saha ijire, mari queoye mehna buheḡã. Sa yena ti omoca d̄h̄teati pje ijiḡã bucueihna mari. Coh̄ãcj̄ure “Tutua yah̄d̄ariquiro ijire”, ni hna, ni yahuducue ca tari.

⁹ Tiquina sa nidi bato angel oh̄o saha nidi yah̄ure:

—Ahr̄ire oja neña: “Cordero tiquiro omoca d̄h̄teri deco bose decore tiquiro pijioriquina bucueyequina ijire”, ni oja neña, nidi angel yah̄ure.

Sa ninota oh̄o saha ni nemori:

—Ijirota ijire ahri yah̄u yahuri. Coh̄ãcj̄ã ye yahuducuye ijire, ni nemori yah̄ure.

¹⁰ Tiquiro sa niḡã t̄hoḡata tiquiro caha d̄usepe curi mehna quehe sa, tiquirore ño peou t̄h̄u nimi. Yah̄u sa yeḡã waro oh̄o saha nidi tiquiro yah̄ure:

—Tire yerac̄ãh̄ña. M̄h̄u yero saha yah̄u ḡãh̄u Coh̄ãcj̄ã cahacj̄ata ijiaja. M̄h̄u acaye Jesu yequina ijipihtiyequina tiquiro ye buheyere duh̄ueyequina yero saha yah̄u ḡãh̄u Coh̄ãcj̄ã cahacj̄ata ijiaja. Sa yeḡã Coh̄ãcj̄ã pehere d̄usepe curi mehna quehe sa, tiquirore ño peoya, nidi angel yah̄ure.

Coh̄ãcj̄ã yere yahu m̄h̄tariquina mana panop̄a cj̄ena Esp̄iritu Santo yedohoro mehna ti buheyere Jesu ye buheyere yahuyuahye.

Caballo yehseriquiro bui pesariquirore yahuahye Ñu

¹¹ Came ah̄m̄use par̄i maa wahaḡã ih̄ña. Top̄a caballo yehseriquiro ijiri. Tiquiro bui pesariquiro oh̄o saha wame tiri: Tiquiro nidiro sahata yeriquiro poto yeriquiro wame tiri tiquiro. Queoro masare dutiriquiro ijiro, tiquirore ih̄ña tuhtiyequina mehna cahme wej̄ene.

¹² Tiquiro caperi peca pohna yero saha ijiri. Sa yero tiquiro dapup̄a peye p̄h̄toa pesaye behtori ijiri. Sa yero tiquiro pagup̄a wame oja oh̄onohriquiro ijiri. Ti wamene tiquiro dihita masidi. Apequina masiedari.

¹³ Tiquiro sañari suhtiro yoari suhtiro dii wahñari suhtiro ijiri. Tiquiro oh̄o saha wame tiri: Coh̄ãcj̄ã ye yahuducuyere yahuriquiro wame tiri tiquiro.

¹⁴ Sa ye tiquiro yequina surara ah̄m̄use cj̄ena tiquirore n̄n̄u t̄ari. Yehseyequina caballo bui pesayequina quehnoañe yehseye suhtire, wete marieñe suhtire sañariquina ijiri.

¹⁵ Tiquiro d̄userop̄a ñoseni p̄j̄ine siori p̄j̄ine cuhñuri. Ti p̄j̄i ijipihtiyehpari cj̄enare tiquiro yah̄d̄ud̄cati p̄j̄i ijiri. Sa yero tiquiro tutuaye mehna tiquiro dutiḡã ne ihc̄ãquiro tiquirore yah̄d̄ud̄caro c̄usi. Coh̄ãcj̄ã ijipihtiyehpari cj̄ena mehna

usuare. Tiquiro sa usuagũ caballo bui pesariquiro tiquinare tutuaro buhiri dahrerota.

¹⁶ Tiquiro suhtiroꝑꝰ, tiquiro ñecũ gũhare ahri wamene ojoa ohõri jiri: “Ijipihtiyequina apequina pũhto bui pũhtoro”, ni ojoa ohõri jiri.

¹⁷ Came asũ asiroꝑꝰ ducuriquirore angelre ihñaa. Ijipihtiyequina uhmũsepũ wũyequina yuca parire sañuducu mũori tiquiro. Ohõ saha ni tutuaro sañuducu mũori:

—Cahmecoana ahtaya. Cohãcjũ tiquiro bose decopũ ihyana ahtaya.

¹⁸ Peye yehpari cjẽna pũhtoare, surara pũhtoare, surara parire, caballoare, tiquina bui pesayequinare, ijipihtiyequina apequina masare, cahacjẽnare, cahacjẽna ijieyequinare, apequina pũhtoare, ihyo ijieyequinare tiquina ijipihtiyequina tiquina pagũri ijirire ihyana ahtaya, nidi angel yucaare.

¹⁹ Came nucũ cjũnore, ahri yehpa cjẽna pũhto tiquina yequina surara pari gũhare ihñaa. Caballo bui pesariquiro mehna tiquiro yequina surara pari mehna cahme wejẽne tehe cahmecoari tiquina.

²⁰ Tiquina sa cahme wejẽgũ caballo bui pesariquiro nucũ cjũnore peresu yeri. Apequiro “Cohãcjũ yere yahu mũhtagũ ijiaja”, ni mehoriquiro gũhare peresu yeri. Tiquiro ni mehoriquiro pehe nucũ cjũno tiquiro ihñonopũ tutuaye mehna ye ihñoriquiro ijiri. Tiquiro sa ye ihñori mehna nucũ cjũno wamene wahñañequinare tiquiro queoyere ño peoyequinare ni mehori “Ahri Cohãcjũ ye ijire”, nino. Tiquina pũarore tiquiro peresu yeri bato tiquinare catieyequinaretã pecapũ cohãri. Ti peca pajiri ma yero saha pajiri peca azufre mehna ujuari peca ijiri.

²¹ Sa yero dũhsariquinare tiquina yequina surara parire ñoseni pji mehna tiquiro dũseropũ ijiri pji mehna wejẽdi caballo bui pesariquiro pehe. Sa tiquiro wejẽdi

bato yuca pari tiquina pagũri ijirire ihyaye, yapi yũhdũa wahari.

20

Mil cũhmari waro Cristo tiquiro yequina mehna masare dutirota

¹ Came apequiro angel uhmũsepũ tiquiro dijia tagũ ihñaa. Uhcũãri cope cjã sawire, pajiri da, come da gũhare cũori tiquiro.

² Sa dijia wihiro pinonore ñehedi tiquiro. Tiquiro pinono panopũ pinono saha pagũ tiriquiro ijiro, watĩno Satana wame tiriquiro ijiri. Tiquirore ñeheno tiquirore dũhteri mil cũhmari waro peresu yero taro.

³ Sa dũhte tuhasa, uhcũãri copere cohãri tiquirore ahri yehpari cjẽnare mil cũhmari waro tiquiro “Mehoari”, nino. Sa cohã tuhasaro ti copere biha, piha ñehe cãri. Sa yero mil cũhmari bato pari turi meheñe decorigã tiquirore wiorĩnota.

⁴ Came pũhto dujiyere ihñaa. Ti dujiyepũ dujiyequina gũhare ihñaa. Tiquinare masare tiquina beseatore ñañene yeyequinare tiquina buhiri dahreatore cũri Cristo. Apequina gũhare ihñaa. Tiquina pehe Jesu yere Cohãcjũ yere tiquina yahuri buhiri tiquina dapu pacare dũte cohãnohriquina ijiri. Nucũ cjũnore tiquiro queoye gũhare dũsepe curi mehna quehe sa ño peoerari. Sa ye tiquina wũhdoã pacare tiquina omocari gũhare tiquiro wamene ojoa ohõ dutierari tiquina. Sa ye apequina tiquinare wejẽdi bato masaa wahari tja. Masari tiquina mil cũhmari waro Cristo mehna pũhtoã ijiye tehe.

⁵ Apequina Cristo yequina yariariquina mũna masaedarĩdi. Tiquina wejẽdiquina tiquina masari bato mil cũhmari pũhtoã tiquina ijiri bato apequina gũhũ masaa wahaeta. Sa ye tiquina wejẽdiquina mũna Cristo yequina tiquiro bato masa mũhtañequina ijiri.

⁶ Tiquiro maso mũhtariquina pehe tutuaro bucueyequina ijieta. Ñañe marieñequina ijieta tiquina. Sa ye

pecapꝰ wahasi tiquina. Masa pecapꝰ wahaye, pari turi tiquina yariaro saha wahare. Sa ye tiquina pecapꝰ wahaerare. Masa mahtariquina Cohācjū, Cristo yequina pahia ijieta tiquina. Sa ye mil cūhmari waro Cristo mehna masa pūhtoā ijieta.

⁷ Mil cūhmari bato Satanare perezupꝰ ijiriquireore wiorota.

⁸ Tiquirore sa wiori bato ahri yehpa cjēnare mehono waharota tiquiro. Gog wame tiyequinare, Magog wame tiyequina gūhure mehono waharota. Sa ye tiquina tiquiro mehoñene tūhoye, tiquina yequina surara parire cahmecoeta cahme wejēne tehe. Surara pari peyequina ijieta. Pajiri ma cjē padꝰ pjeri peye ti ijiro saha peyequina surara ijieta.

⁹ Sa ye ahri yehpapꝰre waha siteye, Cohācjū yequina tiquina ijiri macare Cohācjū tiquiro cahīdi macare majare behtoā cahmotaeta. Tiquina sa cahmotari bato Cohācjū tiquinare ūhmꝰse cjā peca mehna ūjūadoque dijiorota.

¹⁰ Sa wahari bato watīnore tiquinare mehoriquireore pecapꝰ cohānota. Ti peca pajiri ma yero saha ijiri peca azufre mehna ūjūri peca ijiri. Topꝰ nꝰcꝰ cjūnore, “Cohācjū yere yahu mahtagꝰ ijiāja”, ni mehoriquireo gūhure cohā tuhasari. Topꝰ tiquina ijigū deco, ñamipꝰ gūhure sa ñano purīducurota tiquinare.

Cohācjū masare buhiri dahre bato tire

¹¹ Came pajiro dujiore quehnoano yehserore pūhtoro dujiore ihñau. Ti dujiro bui dujiriquireo gūhure ihñau. Ahri yehpa cjēna gūhꝰ ūhmꝰse cjēna gūhꝰ tiquirore cueye, duhti oma cāa wahari. Sa duhtiepetā tiquirore duhtie cūedari.

¹² Sa yegꝰ pūhtoro poto yariariquina māna tiquina ducugū ihñau. Tiquina ihyo ijiyequina, pūhtoā ijiriquireo gūhꝰ ijiri. Topꝰ tiquina ducugū oja ohōñe tjurire pōori. Ti tjuri masa tiquina yerire tiquina oja ohōñe tjuri ijiri. Sa yero beseriquireo ti tjurire ihñā tuhasa tiquina yerire

masidi. Tire masino yariariquinare beseri ñañequina, quehnoañequina gūhure. Came ape tju gūhure pōori. Ti tju Cohācjū mehna sa ijiducuatiquinare tiquina wamene oja ohōri tju ijiri.

¹³ Came pajiri mapꝰ, diapꝰ gūhure yaria dijiariquina wahcā mājaa wahari. Sa ye yehpa puhiapꝰ ijiyequina, yariariquina tiquina ijirorꝰ ijiyequina gūhꝰ mājaa wahari. Tiquina sa māja sagū topꝰ dujiriquireo tiquina yerire masi pehorō, tiquinare beseri ñañequina, quehnoañequina gūhure.

¹⁴ Came yariarore, yariariquina tiquina ijiro gūhure cohā cāhri Cohācjū pari turi mari yariarore. Pecapꝰ cohā cāhri. Ti peca pajiri ma yero saha ijiri peca pajiri peca ijiri. Pecapꝰ wahayequina pehe pari turi yariaro saha wahare.

¹⁵ Sa yero sa ijiducuatiquina tiquina wamene Cohācjū tiquiro oja ohōri tjupꝰ ijipihtiyequina tiquina wamene oja ohōmehneñequina pehere pecapꝰ cohāri tiquiro.

21

Ūhmꝰsepꝰ, ahri yehpa gūhure wahmare comesarota Cohācjū

¹ Came ūhmꝰsepꝰ, ahri yehpa gūhure wahmare tiquiro comesarire ihñau. Ūhmꝰsepꝰ iji mahtari, yehpapꝰ iji mahtari, pajiri mapꝰ iji mahtari gūhꝰ pihtia wahari. Mariedari.

² Sa yegꝰ yūhꝰ Ñu quehnoari macare, wahma macare Jerusalēne ihñau. Ti maca ūhmꝰsepꝰ Cohācjū cahapꝰ dijia tagū ihñau. Omoca dūhteaticorore quehnoañe suhti mehna wahma sūore omoca dūhteatiquirore bucuegū yero taro. Sata ti macare quehnoyuri jiri Cohācjū, tiquiro yequinare bucuegū yero taro.

³ Tire yūhꝰ ihñari bato pūhtoro dujiropꝰ tiquiro sañuducugū tūhou:

—Ihñaña. Yojopꝰre masa watoapꝰ ijiro nine Cohācjū. Tiquina mehna ijirota tiquiro. Sa ye tiquiro yequina ijieta tiquina. Sa yero Cohācjū

tiquiroy basi tiquina mehna cjāno ijiro, tiquina yaquiroy Cohācjū ijirota.

⁴ Sa yero sa bucueducugū yerota tiquiroy tiquinare. Sa ye pari turi bujua wītisi tiquina. Sa ye ne pari turi yariasi tiquina. Ne ñano jeripohna tiye, utiye, puriñe gūhu marisi tiquinare. Ahri ijipihtiye panopu cjē ijiri pihtia waharota, ni sañuducuro ca tari.

⁵ Came puhtoro dujiropu dujiriquiroy ohō saha nidi:

—Ihñaña. Ijipihtiyere wahma comesagū yeitja, nidi.

Tiquiroy sa nidi bato yuhare ohō saha nidi tja:

—Ahri yuhu niñene ojoa neña. Yuhu niñe ijirota ijire. Sa yero yuhu nidiro sahata sa waharota. Sa yegu yuhu niñene ojoa neña, nidi yuhare.

⁶ Came ohō saha nidi tja yuhare:

—To punota ijiaga. Yuhu ijipihiyere bajumehnedigū ijiaga. Sa yegu ijipihiyere pihtigū yeacju ijiaga. Aco wuoyequina tutuaro tiquina acore cahmeno saha yuhu cahapu ahta duayequina yuhare cahmeeta. Sa ye yuhare yuhtieta. Yuhu catigū yeye aco yero saha ijigū ijiaga. Yuhare cahmeñequinare yuhu mehna sa ijiducugū yeitja tiquinare. Tiquina esa tuharo ye dutiro marieno, yuhu tutuaye mehna yuhu mehna sa ijiducugū yeitja.

⁷ Ijipihtiyequina yuhare wacū tutua duhueyequinare ohō saha yeitja: Tiquina yaquiroy Cohācjū ijiitja. Sa ye tiquina pehe yuhu pohna ijieta.

⁸ Sa ijiepetā cueye, yeere duhuyequina, yuhare cahmeñequina, ña yuhduyere yeyequina, masare wejēñequina, wuana tiyequina, masare ujuayequina yero saha yeyequina yayia, “Cohācjū ijire”, tiquina niñe queoyere ño peoyequina, ijipihtiyequina ni mehoñequina pecapu wahtaeta. Topu pajiri ma yero saha ijiri peca pajiri peca azufre mehna ujāno nine. Topu wahayequina pari turi tiquina yariaro saha wahaye nine, nidi yuhare.

Wahma maca Jerusalēne yahuahye

⁹ Came ihcāquiroy angel yuhu cahapu wihiri. Tiquiroy siete pari cuoyequina, tiquiroy buhiri dahre duti cūriquina angele mehna cjāno ijiri. Sa wihiro, ohō saha nidi yuhare:

—Ihñagu ahtaya. Cordero tiquiroy omoca duhtericorore ihñoutja mahare, nidi angel yuhare.

¹⁰ Sa yero Espiritu Santo yuhare Cohācjū ya macare ihñori. Ohō saha bajuro ihñori yuhare: Uhmuanu canu buipū yuhare ne mujari. Tupu usā ijigū Jerusalēne Cohācjū ya macare quehnoari macare ihñori yuhare. Cohācjū cahapu uhmūsepū ijiri maca dijia taro nidi ahri yehpapu.

¹¹ Cohācjū tiquiroy asi siteye mehna asi siteri maca ijiri ti maca. Wapa tiye utā yero saha asi siteri. Jaspe wame tiye utā yero saha asi siteri. Sa yero vidrio yero saha quehnoano aco sitiri maca ijiri ti maca.

¹² Sa yero pajiri sahrīno uhmūari sahrīno tiquina sahrī sārī maca ijiri ti maca. Doce sopecahari tiri ti sahrīno. Ti sopecaharipe cohteri angele. Ti maca cjē sope pahmaripū Israe masa cururi doce cururipe tiquina wame wahñari.

¹³ Asū mājā taro pehe ti sahrīno cuori ihtia sopecaha. Sur cū pehe pehe ihtia sopecaha ijiri. Norte poto pehe ihtia sopecaha ijiri. Asū sajāno pehe gūhare ihtia sopecaha ijiri. Ijipihitiro doce sopecahari waro cuori ti sahrīno.

¹⁴ Ti sahrīno doce utā paca bui pesari. Ti utā pacape Cordero cūrīna doce tiquiroy cūrīna usāpe wame wahñari.

¹⁵ Sa yero angel yuhare yahuriquiroy queodu uru mehna tiquina yedare cuori. Ti macare, ti maca cjē sopecaharire, sahrīno gūhare queoro taro nidi.

¹⁶ Ti maca yoaro punota ehsaro gūhu to punota ehsari. Uhmūano gūhu to punota uhmūari. Sa yero angel queodu mehna ti macare queori. Ti maca dos mil doscientos kilómetro yoari maca ijiri. To punota ehsari

maca ijiri. To punota uhmari maca ijiri.

¹⁷ Sa yero ti maca cjã sahrĩnore queori angel. Sesenta y cinco metro uhmari sahrĩno ijiri. Masa mari queoro sahata queoro nidi tiquiro angel.

¹⁸ Ti sahrĩno jaspe wame tiye utã paca mehna tiquiro yeri sahrĩno ijiri. Sa yero ti maca pehe uru mehna tiquiro yeri maca ijiri. Ti uru wete marieñe ijero quehnoano asi siteri.

¹⁹ Ti sahrĩno docapu ijiye utã pacapure peye sijoro saha ijiye wapa tiye paca wahñari. Ti utã paca sahrĩnopu pesaye paca doce paca ijiri. Iji mæhtaria utãre jaspe wame tiye utã wahñari. Ti paca bato ijiria utãre zafiro wame tiye utã wahñari. Puaría bato ijiria utãre ágata wame tiye utã wahñari. Ihtiaría bato ijiria utãre esmeralda wame tiye utã wahñari.

²⁰ Pititiaría bato ijiria utãre ónice wame tiye utã wahñari. Ihcã omope paca bato ijiria utãre cornalina wame tiye utã wahñari. Seis paca bato ijiria utãre crisólito wame tiye utã wahñari. Siete paca bato ijiria utãre berilo wame tiye utã wahñari. Ocho paca bato ijiria utãre topacio wame tiye utã wahñari. Nueve paca bato ijiria utãre crisoprasa wame tiye utã wahñari. Diez paca bato ijiria utãre jacinto wame tiye utã wahñari. Once paca bato ijiria utãre amatista wame tiye utã wahña bato tiri.

²¹ Sa ye doce sope pahmari doce perla mehna tiquiro yeri pahmari ijiri. Ti pahmaripe ihcã pje perla pje mehna tiquiro yeri pahmari ijiri. Sa yero ti maca cjã maha uru mehna tiquiro yeri maha ijiri. Ti uru wete marieñe uru ijiri. Sa yero quehnoano aco sitiri maha ijiri ti maha.

²² Ti macapu Cohãcjũ wæhure ihñedũ. Mariedari. Ti macapu ijipihitropu mari pæhtorore Cohãcjũ tutua yæhdæariquirore, Cordero gæhure ño peore masa. Sa yero ti maca ijipihitiro Cohãcjũ wæhu yero saha ijiri.

²³ Sa yero ti macapu Cohãcjũ tiquiro asi siteye quehnoano buhriori.

Cordero gæhu sihãria yero saha buhriori. Sa ye asũ deco cjãno gæhure ñami cjãno gæhure topu tiquina buhriogũ cahmedari.

²⁴ Sa ye ahri yehpapu ti buhrioye mehna ijieta ijipihitiro cjëna. Sa ye ijipihitiye yehpari cjëna pæhtoa ti macapu quehnoa yæhdæayere tiquina cæoyere ne wihietã.

²⁵ Sa ye decore ti maca cjë sopecahari pðori sopecahari ijieta. Topure ne ñami marisi. Sa ye ti sopecaharire ne bihasi. Sa susuducurota.

²⁶ Sa ye ahri yehpari cjëna quehnoañene tiquina cæoyere ti macapu ne wihietã.

²⁷ Ñañe pehere ti macapu ne ne wihisi. Bæe tigũ yeyequina, ñañene yeyequina gæhu ti macapu ne wahasi. Mehoñequina gæhu ne wahasi. Cordero tiquiro ojoari tjupu tiquina wame wahñañequina dihita ti macapu wahaeta. Ti tju tiquiro yæhdæoriquina tiquina wamene tiquiro ojoa ohõri tju ijire. Ti tjupu tiquina wame wahñañequina sa ijiducueta.

22

¹ Came quehnoari mare catigũ yeri mare ihñori yæhure angel. Ti ma quehnoano aco sitiri ma Cohãcjũ, Cordero gæhu tiquina dujiropu ahtari ma ijiri.

² Sa yero ti maca cjã maha deco buruari ti ma. Ti ma puæ peheri dæhtu cahapu catigũ yeye cju ducuri. Ti cju asũripe dæca tiri. Ihcã cæhmare doce tahari dæca tiri. Sa ye ti cju cjë pũri mehna quehnoano aco tieta ahri yehpa cjëna.

³ Ti macare ne ñañe buhiri dahreati marisi. Ti macapu Cohãcjũ dujiro ijirota. Cordero dujiro gæhu ijirota topu. Sa ye ijipihitiyequina masa topu ijiyequina tiquina cahacjëna tiquina potu dæsepe curi mehna quehe sa, tiquinare ño peoeta. Sa yero topu ñañe ne marisi.

⁴ Tiquina Cohãcjũre ihña piti ca dujieta. Sa ye tiquina wæhdoa pacapu tiquiro wame wahñañequina ijieta.

⁵ Topure ñami ne marisi. Sa ye sihãne paca gãhure cahmesi topu ijiyequina. Asũ buhriogũ gãhure cahmesi. Mari pũhtoro Cohãcjũ buhriorota. Sa ye ti macapũ ijiyequina ape sie cjẽna pũhtoa ijiducueta.

Jesucristo ahri yehpapũ tiquiro tojoa tato mehenogã dũhsare

⁶ Came angel yũhure ohõ saha nidi:

–Ijipihtiyere ahri tiquina yahuri ijirota ijire. Sa ye tiquina nidiro sahata waharota. Mari pũhtoro Cohãcjũ tiquiro yere yahu mũhtariquinare masigũ yeriquiro ijire. Tiquiro pehe yojopure tiquiro yaquiro angelre ohori tiquiro cahacjẽnare masigũ yero taro. Came cjũnogã dũhse wahatire masigũ yero taro tiquiro yaquiro angelre ohori, nidi angel yũhure.

⁷ Jesu pehe ohõ saha nidi:

–Tũhoya mũsa. Mehenogã dũhsare yũhũ tojoa tato. Ahri pũ cjẽ yahuyere yũhdũdũcaeyequina bucueyequina ijietã, nidi Jesu.

⁸ Yũhũ Ñũ ahri ijipihtiyere yũhũ ojoa nedire tũhou. Sa yegũ tire ihñau. Sa yegũ yũhũ tũhori bato, yũhũ ihñari bato yũhure ihñoriquiro angel poto dũsepe curi mehna quehe sami. Tiquirore ño peogũ tũhũ nimi.

⁹ Yũhũ sa yegũ ihñano ohõ saha nidi yũhure:

–Sa yeracãhña. Mũhũ yero saha yũhũ gãhũ Cohãcjũ cahacjũta ijiaja. Mũhũ acaye Cohãcjũ yere yahu mũhtariquina, ijipihtiyequina ahri pũ cjẽ dutiyere yeyequina gãhũ tiquina ijiro saha yũhũ gãhũ Cohãcjũ cahacjũta ijiaja. Sa yegũ Cohãcjũ poto dũsepe curi mehna quehe sa, tiquiro pehere ño peoya, nidi angel yũhure.

¹⁰ Sa yero ohõ saha ni yahu nemori yũhure:

–Ahri pũpũ came dũhse wahatire yahure. Sa wahato mehenogã dũhsare. Sa mehenogã dũhsagũ ahri pũpũ yahurire nũoedacãhña mũhũ.

¹¹ Ti pje yũhũ yahuri pjere ñañequina pehe sa yeducucũnahdo ñañene. Ñabutiayequina gãhũ ña

yũhdũaro yeducucũnahdo. Quehnoañequina pehe quehnoano yeducuahro. Sa ye ñañe marieñequina gãhũ ñañe marieñequina sa ijiducuahro ti pjere, nidi angel yũhure.

¹² Ohõ saha nidi Jesu:

–Tũhoya mũsa. Mehenogã dũhsare yũhũ tojoa tato. Mũsare yeequinare yũhũ ohoatire ne cãhtagũ tũhũ niaja. Sa yegũ quehnoañene mũsa yeri wapa mũsare quehnoano yeitja.

¹³ Yũhũ ijipihtiyere bajumehnedigũ ijiaja. Sa yegũ ijipihtiyere pihtigũ yeacjũ ijiaja.

¹⁴ 'Ijipihtiyequina wete marieñe suhtire sañañequina tiquina ijiro saha tiquina ñañe yerire cosenohriquina ti macapũ esaeta. Sa ye ti maca cjẽ cjũ catiyere ohoye cjũ dũcare ihyaeta. Sa ye bucueyequina ijietã tiquina, nidi Jesu.

¹⁵ Ti macapũ eseyequina pehe ahriquina ijire: Ña yũhdũayequina, masare ujuayequina yero saha yeyequina yayia, wũana tiyequina, masare wejẽñequina, “Cohãcjũ ijire”, tiquina niñe queoyere ño peoyequina, ni meho peyayequina gãhũ ijire ti macapũ eseyequina.

¹⁶ Sa yero ohõ saha ni yahu nemori Jesu:

–Yũhũ, Jesu, yaquiro angelre ohou mũsare yeequinare ahri pũ cjẽne yahugũ tũhũ. Pũhtoro Davi panami iji turiagũ ijiaja yũhũ. Yũhũ bohrearia yero saha ijigũ ijiaja, ni yahu nemori Jesu.

¹⁷ Espiritu Santo Jesure “Tojoa taya”, nine. Jesu yequina tiquiro omoca dũhteaticoro yero saha ijiyequina gãhũ “Tojoa taya”, nine. Ijipihtiyequina tiquina “Tojoa taya”, nidire tũhoyequina gãhũ “Tojoa taya”, niahdo Jesure.

Aco wũoyequina acore tutuaro tiquina cahmeno saha Cohãcjũ cahapũ waha duana Jesure tutuaro cahmeña. Tiquiro catigũ yeye aco yero saha ijire. Tiquirore cahmeñequinare ãhmũsepũ sa ijiducugũ yerota Cohãcjũ. Tiquina esa tuharo

ye dutiro marieno Jesu yedohoro mehna sa ijiducugã yerota.

¹⁸ Yuhũ Ñu, ijipihtina ahri pũ cjẽ Cohãcjũ yere tãhorinare m̃sare ohõ saha ni cua pesaro mehna yahutja. Ahri buheye mehna ap-eye buheye mehna more yahu nemoñequina Cohãcjũre yũhdũdũcaye nine. Tiquina sa yũhdũdũcagã ihñano ijipihtiye ahri pũpũ tiquiro buhiri dahreatire tiquiro yahuriro sahata cũnota tiquina gãhure. Sa yero sata tiquina gãhure buhiri dahrerota.

¹⁹ Sa ye ahri pũ cjẽ yahuyere yahu dũhayequina Cohãcjũre

yũhdũdũcayequina ijire. Tiquina sa yũhdũdũcagã ihñano catigã yeye cju dũcare tiquinare ihya dutisi. Sa ye sa ijiducusi tiquina. Sa yero tiquiro ya macapũ quehnoari macapũ waha dutisi. Tĩ cju, ti maca gãhũ ahri pũpũ tiquina yahuripũ ijire.

²⁰ Ijipihtiye ahri pũ cjẽne yahuriquiro ohõ saha nine:

—Sa tjire. Mehenogã dũhsare ahri yehpapũ yũhũ tojoa tato, nine tiquiro.

Sa tjiya. Ƴsã pũhto Jesu, tojoa taya.

²¹ Mari pũhtoro Jesu tiquiro yedohoro mehna ijipihtina m̃sa quehnoano ijiya.